
This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





Stadtl. Bibliothek
Regensburg

Stadtl. Bibliothek
Regensburg

Historia.

German.

Nro 267.

SBR069027121570



**ANNALIUM
PADERBOR-
NENSIIUM
PARS TERTIA**

Handwritten text, likely bleed-through from the reverse side of the page. The text is faint and mostly illegible due to the quality of the scan. Some characters are difficult to discern, but appear to be in a German script.

**ANNALIUM
PADERBOR-
NENSIUM**

**PARS TERTIA
COMPLECTENS**

IMPRIMIS FUSIOREM

**EPISCOPORUM
PADERBORNENSIUM**

**DEINDE
SUCCINCTIOREM HISTORIAM
RELIQUORUM PER WESTPHALIAM & SAXONIAM
ANTISTITUM**

TUM

**Res gestas aliorum in eadem hac Regione
CLARORUM VIRORUM**

POSTREMO

**Pontificum, Imperatorum, Principum
acta & bella, maximè ea, quæ Westphaliam contingunt.**

Ab anno Christi 1500. usq; ad annum 1618. inclusive

OPUS POSTHUMUM

AUTHORE

**R. P. MICHAELE STRUNCK
SOCIETATIS JESU**

Sacrofanctæ Theologiæ Doctore.

COLONIÆ AGRIPPINÆ

**Sumptibus JOANNIS MICHAELIS JOSEPHI PütZ Bibliopolæ
Anno MDCCLXXVI.**



ANNALIUM
PADERBORNENSIIUM
LIBER XIX.

HERMANNUS

Hassiae Landgravius,

ARCHI-EPISCOPUS COLONIENSIS,

ECCLESIAE PADERBORNENSIS ADMINISTRATOR,

ET

EPISCOPUS XXXVIII.

ERICUS


Dux Brunsvicensis,

PADERBORNENSIS ECCLESIAE

EPISCOPUS XXXIX.



An-



HERMANNUS

Halsiæ Landgravius,

ARCHI-EPISCOPUS COLONIENSIS,

ECCLESIE PADERBORNENSIS ADMINISTRATOR,

E T

EPISCOPUS XXXVIII.

Annus Christi 1500.

ALEXANDRI VI. Pontif. 8. & 9.

MAXIMILIANI I. Imper. 7. & 8.

HERMANNI Admin. Pad. 2. & 3.



Rectus ordo postulâisset forsitan, ut hic Annalium nostrorum Liber decimus nonus initium desumpisset, ab anno prioris sæculi nonagesimo octavo, quo Hermannus antea Coadjutor, extincto Nonis Martii Simone Episcopo, pleno jure Paderbornensis Ecclesiæ clavum adire coepit. Sed quia Majores nostri à quibus opera Schateniana post laudatissimi Scriptoris mortem, prælo commissa sunt, eorundem editionem jam perduxerunt usque ad hunc annum, Hermanni Administratoris in Ecclesia Paderbornensi tertium, necesse fuit ipsorum vestigiis insistendo scriptionis ab sæculari, quem prænotavimus, anno exordium capere.

Carolus V. Hunc autem penè in ipso introitu suo memorabilem reddidit
hoc A6 na- fortunata nativitas CAROLI V. Imperatoris; quem intercalaris dies
scitur Gan- vicesima quinta Februarii tunc Beato Apostolo Matthiæ sacra,
davi, die 25
Februar. Gandavi in Flandriâ magno Orbis Germanici gaudio in lucem dedit,

dit, Patre Philippo Maximiliani Imperatoris Filio, & Matre Joan-
 nâ Ferdinandi Regis Hispaniarum Filiâ. Magnum revera Cœsarem,
 (ut alibi videbimus) & inter innumeras, quæ consecutæ sunt, secta-
 riorum Principum dissensiones, non modò labentis Imperii, sed
 etiam Catholicæ Religionis columen! verbo, Principem talem, de
 quo postmodum Jacobus *Thuanus supremæ curiæ in Francia
 Præses hoc insigne iudicium tulit: *In eo Principe cum virtute certa-*
vit fortuna, ut illius meritis supremum felicitatis fastigium imponeret. Ne-
que verò ullum perfecti magis, et ad omnem virtutem expressi Principis ex-
emplar nostrâ et retrò sæculorum memoriâ reperiri posse arbitror, quod iis,
qui ad imperium virtutis viâ grassantur, ad imitandum proponi queat.

Spondan.
Newcler.
Sarins in
Comment.
rerum ge-
star. & alii
passim.
**Thuan.*
ap. Auth.
phosph.
part. 2. fol.
301.

Quàm autem felix huic novo Principi, tam infelix ac propè
 lethifer hic annus fuit Alexandro VI. summo Pontifici; etenim
 die vicesimâ nonâ Junii, sanctis Apostolis Petro & Paulo sacrâ (dum
 horâ nobis post meridiem quartâ in coenaculo suo cum paucis age-
 ret) caminus ab insolenti ventorum turbine revulsus decidit: per-
 foratoque superiore tabulato cædem inibi tam inexpectatam edi-
 dit, ut ante pedes ejus duo viri penitus obtriti, tertius verò immani
 vulnere prostratus fuerit. Ipse Pontifex inter circumfusa tigno-
 rum fragmina, morituro magis quàm spiranti similis inventus est;
 neque mortis improvisæ minas evasisset, nisi cadentium lignorum,
 ac tabularum impetus à superstantis umbellæ tegmine refractus
 esset. Variam augurandi, & ratiocinandi materiam inopinus hic
 eventus præbuit. Sed quis omnes fortuitorum hujusmodi casuum
 significationes divinare sinè periculo erroris poterit?

Alexander
Pontifex ex
camini in-
cidentis
lapsu ægre
admodum
evadit viv.
Spondan.
ad hunc
ann. n. 5.
& alii ab
coiciti.

Sanè tristiores, ut opinor, futurarum calamitatum, ac malo-
 rum Iliadem præsignârunt eventus alii: nimirum illæ maculosæ
 cruces coloris plerumque rubei vel subrubei, quæ hoc anno cæle-
 sti quâdam, & invisibili pluvîâ vestimentis hominum, ac præcipuè
 mulierum, altariumque linteis etiam sereno cælo inspersæ sunt;
 nullâque arte vel abstergi poterant, vel aquis incoctis elui, donec i-
 terum spontaneo abscessu post nonum decimûmve diem evanesce-
 rent. Apparuerunt hæ primùm in tractu Rheni superioris, uti re-
 fert coævus Author Joannes *Trithemius: deinde verò sequenti-
 bus duobus annis paulatim, & successivè per totam ferè Germaniam,
 Galliam, Italiam, Poloniam, & alias Europæ nostræ Provincias
 cum incredibili mortalium stupore conspectæ sint. Decidebant au-
 tem occultissimè tam inobservabili subitoque modo, ut aliquando
 sub ipsis precibus in templo publico decantatis quadraginta, & am-
 pliùs homines unâ vice cruciferis hisce maculis notarentur; ma-
 ximè verò in ornatu lineo, quem foeminæ in capitibus, Canonici in
 choro, & Sacerdotes in Sacrificio divino gerunt. Neque solum id

Prodigiosæ
cruces invi-
sibili modo
incidunt in
hominum
vestimenta.
Thritem. l.
2. Chron.
Hirsaug.
Langius in
Chron. Ci-
sis 2. ad an-
num 1501.
Sarins in
Comment.
rerum gest.
ad an. 1501.
& alii.
**Trithem.*
to. 2. Chro.
Hirsaug. ad
hunc ann.

fiabat in Ecclesiis, locisque patulis; verum etiam in vestiariis, arcu-
lisque domi clausis: in quibus pariter inventa sunt lintheamina plu-
ra ejusmodi prodigiosis crucibus insignita, uti fusiùs ostendetur ad
annum proximè secuturum. Quis non putasset rem adeò novam
ac salutiferi terroris plenam valuisse plurimùm ad excitandas ani-
mi poenitentis lacrymas? Et tamen hujusmodi effectum portento-
sis hisce crucibus respondisse, passim omnes illorum temporum scri-

*apud Pi- ptores negant. *Terrebant multos* (ait *Mutius l. 30. Chronicorum
stor. 10. 2. Germaniæ) *paucorum verò, atque adeò nullorum vitam mutabant: uti*
pag 310. ad *solent prodigia omnia, quæ, cum deberent nobis esse doctrina, et admonitio,*
ann. 1501. *ut respisceremus; ferè semper magis judicio nobis, quàm documento sunt.*

Interea Hermannus Ecclesiæ nostræ Administrator nihil cu-
rarum, & bonæ sollicitudinis omittebat in agendis, ordinandisque
rebus iis, quæ ad Pastorale officium pertinent. Et quia ad extir-
panda aliorum subditorum scelera nullum gravius obstaculum est,
quàm, si Religiosæ domus permittantur sine lege, & regularis disci-
plinæ custodiâ vivere; etiam hoc anno intrà urbis Paderanæ mœ-
nia reformari jussit Monasterium Virginum, quæ ad Ecclesiam
Gaukirchensem, sive ad S. Udalricum habitant, solæque hætenus
reformationem in aliis Monasteriis factam subterfugerant. Vi-
vebant illæ veluti exleges foeminæ: propterque malum Abbatissæ
prioris regimen in eam agendi, & conversandi licentiam vene-
rant, ut, abjectâ Regularum custodiâ, non solum pro suo libitu
extra septa Monasterii currebant; verum etiam suæ vocationis ob-
litæ nescirent amplius, cuinam Ordini, vel Statui Religioso quon-
dam adscriptæ fuerint. Quâ ex re, cum innumera animarum peri-
cula & offensiones populi nascerentur, Hermannus Episcopus
incunte Julio misit illuc Visitatores Ecclesiasticos probatissimi ex-
empli: eisdemque seriò in mandatis dedit, ut non modò statum
istius Monasterii penitiùs introspecerent; sed etiam ea, quæ à recto
deviâssent, ad arctiorem vitæ Regularis normam sedulò coërcerent.
Paruerunt ii protinus tam devoto Principis imperio; summâque
animi integritate correxerunt inibi, quidquid antea solutum, &
inadstrictum fuerat. Una solum difficultas remanebat, ad quod-
nam, vel quale instituti Religiosi genus exleges istæ Monachæ re-
ducendæ sint? Nam ex antiquis Monasterii tabulis elucebat, eas à
primordio suæ Foundationis fuisse Ordinis Cisterciensis: contrà ve-
rò Abbatissa & seniores Monachæ existimabant, se esse Ordinis S.
Benedicti, cujus regulam in suorum votorum emissionem professæ
fuerint. Ac tametsi, cum ista dicerent, sat apertè indicarent,
ignorari à se discrepantiam utriusque ordinis antedicti (uterque
enim profitetur eandem regulam, utiturque eadem Professionis for-
mulâ)

Reforma-
tio Monast.
Gaukirche-
sis intra Pa-
derbornâ.
Littera an-
tiqua.

Moniales
hujus loci,
quæ olim
Ordinis Ci-
sterciensis
fuerant, ad-
stringuntur
ad Ordinē
S. Benedi-
cti.
Ex litteris
antiquis
& Bullâ

mulâ) nihilominus, ne contra voluntatem suam adstringerentur ad aliud vitæ genus, quàm cui se adstrictas esse putaverant; communi tandem Visitatorum consilio statutum est, ut retento Virginum Benedictinarum instituto, Bursfeldianæ Reformationis, & Congregationis legibus in posterum se subjicerent. Id autem, ut facilius, & majori cum efficacia fieret; exauCTORATâ Abbatisâ, ac Priorissâ veteri, duæ aliæ religiosissimi exempli foeminæ ex Willebadessensi *Monasterio ejusdem Ordinis, Paderbornam evocatæ sunt, nimirum Anna de Westphalen, & Mechtildis Vetten: quarum illa Abbatissam agere; hæc verò Priorissæ officium subire, veteresque Monachas ad accuratiorem vivendi normam deducere debuit. Ità Monasterium hoc, regulari disciplinâ jam ab annis pluribus destitutum, Hermannii Administratoris operâ ad frugem rediit: ideoque & LEO X. Papa Maximus reformationem, & ordinationem hanc, ab eodem Hermanno, & Visitatoribus prædictis factam, post aliquot annorum intervalla non solum stabilivit; verum etiam Virginitatibus Deo sacris omnia privilegia, & exemptiones, quibus olim sub instituto Monacharum Cisterciensium gavisæ fuerant, liberalissimè concessit, & confirmavit hoc insigni diplomate:

*ex literis
Monasterii
Gankir-
chenfis, &
Willbadessensis.

LEO Episcopus, Servus Servorum Dei, ad perpetuam rei memoriam. Ex assuetæ pietatis officio, et commissi Nobis Pastoralis Officii debito ad ea Nostræ sollicitudinis curas libenter apponimus, per quæ singule Nobis et Apostolicæ Sedi fideles personæ, præsertim fœminæ sexûs, sub suavi religionis jugo, altissimo famulantes in earum sancto proposito perseverare valeant: et ea, quæ pro earum salutare directione providè facta fuisse, dicuntur; ut firma perpetuè et inconcussa permaneant, libenter, cùm à Nobis petitur, Apostolico munimine roboramus, et illa etiam de novo concedimus, pro ut in Domino conspiciamus salubriter expedire. Sanè pro parte dilectarum in Christo filiarum, modernæ Abbatissæ ac Priorissæ, et Conventûs Monasterii Monialium Sancti Udalrici in Gokercken Paderburnensis, Ordinis S. Benedicti, Nobis nuper exhibita petitio continebat, quòd, cùm superioribus annis aliquæ Moniales dicti Monasterii, cujus Abbatissa, et Moniales, quæ pro tempore fuerant, antea inibi regularem et monasticam vitam ad aliquod tempus duxerant, ob malum regimen tunc earum Abbatissæ, et nimiam libertatem per eandem Abbatissam eis concessam, disciplinâ regulari spretâ, extra dictum Monasterium discurrissent, ac infra claustrum ejusdem Monasterii suspectæ personæ, usque etiam (quod dolendum erat) ad virginalis castitatis corruptionem inventæ fuissent: bonæ memoriæ Hermannus Archi-Episcopus Colonienfis, Ecclesiæ Paderburnensis perpetuus Administrator in Spiritualibus, et temporalibus, per Sedem Apostolicam deputatus, in capite et in membris ordinariâ auctoritate reformavit,

et

Reformatio illa confirmatur à Leone X. Pontifice, anno 1513. Ex Tabulario Monasterii Gankirchenfis.

et ad debitam reformationem reduxit. Ipsique Commissarii (licet ex nonnullis antiquis scripturis, in eodem Monasterio repertis, ab aliquibus prætenderetur dictum Monasterium Cisterciensis Ordinis fore) quia tamen Abbatissa, et Moniales Monasterii huiusmodi, quæ longo tempore fuerant, reperiebantur Ordinem Sancti Benedicti professæ fuisse, et sub ejusdem Ordinis Sancti Benedicti regularibus institutis vixisse, et tunc vivere; Monasterium huiusmodi ejusdem Ordinis Sancti Benedicti esse, ac ipsius Monasterii pro tempore Abbatissam et Moniales sub regulâ et regularibus institutis dicti Ordinis Sancti Benedicti continuare, et ex tunc in antea vivere debere decreverunt, pro ut in literis seu documentis publicis desuper confectis dicitur plenius contineri. Quare pro parte Abbatissæ et Priorissæ modernarum, ac Conventus prædictarum asserentium, se sub reformatione et regulâ Sancti Benedicti huiusmodi, jam per duodecim annos et ultra quiete permanisse; Nobis fuit humiliter supplicatum, ut reformationi, decreto, et declarationi prædictis, pro illorum subsistentiâ firmiori robur Apostolicæ confirmationis adjicere, et aliâs in præmissis opportunè providere, de benignitate Apostolicâ dignaremur. Nos igitur, qui sacra religionis honestatem ubique vigere et conservari, sinceris desideriis affectamus, Abbatissam et Priorissam modernas, ac Conventum prædictum, et Conventus huiusmodi singulares personas, à quibusvis excommunicationis, suspensionis, et interdicti, aliisque Ecclesiasticis sententiis, censuris et pœnis, à jure vel ab homine quâvis occasione vel causâ latis, si quibus quomodolibet innodata existunt, ad effectum præsentium duntaxat harum serie absolventes, et absolutas fore censentes, huiusmodi supplicationibus inclinati, reformationem, decretum, et declarationem, prædicta, ac pro ut illa concernunt, omnia et singula in dictis literis et documentis contenta, auctoritate Apostolicâ tenore præsentium approbamus et confirmamus, ac præsentis scripti patrocinio communimus, illaque perpetuò observari debere decernimus, suppletes omnes et singulos defectus, si qui forsan intervenerint in eisdem. Et nihilominus pro potiori cautelâ, quòd præfata Abbatissa et Moniales sub regula Sancti Benedicti in eodem Monasterio ejus, et non præfati Cisterciensis seu alterius Ordinis statutis se conformare, ac omnibus et singulis unionibus, annexionibus, incorporationibus, literis, contractibus, munimentis, instrumentis, publicis juribus, et consuetudinibus, etiam quo ad Parochialem Ecclesiam Rurensen dictæ Diocesis, illiusque Rectoris (Præpositi nuncupati) pro tempore existentis nominationem, et præsentationem, aliisque privilegiis, libertatibus, exemptionibus, favoribus, gratiis et indultis etiam Apostolicis (etiam quibus olim sub dicto Cisterciensis Ordine degentes et alia dicti Ordinis Sancti Benedicti Moniales hæctenus usa sunt, seu utebantur, potiebantur, et gaudebant, ac utuntur, potiuntur, et gaudent, atque potiri et gaudere poterant, quomodolibet in futurum) de cætero sub regula Sancti Benedicti viventes, et illius

Ordi.

Ordinis existentes , uti , frui , et gaudere , ac illorum omnium vim et effectum consequi libere ac licite possint ac debeant , præfatâ auctoritate Apostolicâ etiam decernimus et declaramus, eisque pariter indulgemus. Non obstantibus promissis , ac constitutionibus et ordinationibus Apostolicis , nec non Monasterii et Ordinum prædictorum juramento , confirmatione Apostolicâ , vel quâvis aliâ firmitate roboratis , Privilegiis quoque , Indultis et Literis Apostolicis , dicto Cisterciensi Ordini , illiusque Patri Abbati , et diffinitoribus , et aliis superioribus , quâvis auctoritate nunc et pro tempore fungentibus , sub quibusvis verborum formis et cum quibuscunque derogatoriis derogatoriis , ac fortioribus , efficacibus et insolitis clausulis , ac irritantibus , aliisque decretis , etiam talibus , quod illis nullatenus aut non nisi sub certis modo et formâ inibi expressis derogari nequeat per Sedem Apostolicam , etiam motu proprio et ex certa scientia , ac de Apostolica potestatis plenitudine quomodolibet concessis , ac reiteratis vicibus approbatis et innovatis (quibus , illorum tenorem et formas , ac si præsentibus de verbo ad verbum inserta forent , pro sufficienter expressis habentes , illis aliâs in suo robore permansuris , hac vice duntaxat specialiter et expressè derogamus) cæterisque contrariis quibuscunque. Nulli ergo omnino hominum liceat hanc paginam Nostræ absolutionis , approbationis , confirmationis , communionis , decreti , suppletionis , declarationis , indulti , et derogationis infringere , vel ei ausu temerario contraire. Si quis autem hoc attentare præsumpserit , indignationem omnipotentis Dei ac Beatorum Petri et Pauli Apostolorum ejus se noverit incursum. Datum Romæ apud Sanctum Petrum Anno incarnationis Dominicæ millesimo , quingentesimo , tertio decimo , quarto decimo Kalendas Maji , Pontificatus Nostri anno primo.

Restituto in hunc modum Gaukirchensi Monasterio , Hermannus Episcopus exeunte Septembri Paderbornam venit , celebraturus ibi diem clientelarem seu beneficiariam , *quam in proximas Kalendas Octobris constituerat. Magna tunc virorum illustrium turba confluit in urbe nostrâ. Nam è Statu Equestri ad renovationem feudorum aderant , Wernerus de Spiegel ex Pickelsheim Dioecesis nostræ Marescallus hæreditarius , Jacobus de Asseburg , Conradus de Exterde , Gerardus à Ledebuër , Wolfgangus & Rabanus à Saleberge , Wilhelmus à Cloister , Theodorus à Wrede , Henricus & Rabanus de Heyen , Joannes & Itelius de Torn , Wolfgangus de Haxthausen , pro se suisque fratribus , Conradus de Haxthausen pro se suisque fratribus & cognatis , Henricus de Friesenhausen , Herboldus , Fridericus , Joannes & Georgius de Papenheim fratres , & cognati , Joannes ab Oyenhusen , Ludolphus de Yenhufen , Wernerus de Falckenberg , Conradus Oyenhusen , Theodorus de Borg , Erasmus de Lippe , Mauritius de

Hermannus
Ecclesiæ
nostræ Ad-
ministratores
Paderbornæ
celebrat
diem feu-
dalem.
Ex tabula-
rio Cashe-
dral. Eccl.
Paderb.
*Gebtag

de Amelunxen, Conradus de Spiegel pro se suoque fratre Gerhar-
do, Hermannus de Calenberg, Bruno & Godeschalcus de Donop-
cognati, Hermannus de Mengersheim Senior pro se & cognato
suo, Burchardus & Fridericus de Oyenhusen fratres, Hermannus
de Schilder, Theodorus de Niehusen, Albertus de Busch, Libo-
rius de Sieghart, Joannes ab Hiddefen, alique non pauci, quo-
rum confessoria vel *Reversales*, ut vocant, literæ in Ecclesiæ Ma-
joris archivo adhuc supersunt. E Comitibus verò comparebant
Bernardus Comes de Lippia, & Antonius Comes de Holstein &
Schawenburg: quorum ille clientarii beneficio recepit Comita-
tum Lippiensem, ac Pyrmontanum, Simonis Episcopi concessio-
ne ante sex annos aditum; hic verò bona plurima ad Sterneber-
gensium Comitatum pertinentia, nimirum Arcem Berentorpien-
sem, Pagum *Uffelsen, Advocatiam Müddenhorstensem*,
omnesque decimas ac prædia in Dominio Lippiensi, Ravensber-
gensi, & super Begham sita, cum aliis bonis quàm plurimis, uti
sonant *Reversales* aut confessoria ejusdem Comitis Antonii literæ,
hoc anno Cassellis data in die *S. Severi.

Inter alios
sua feuda
recipiunt ac
renovant
Comes de
Schaum-
burg, &
Comes de
Lippia.

*Jam est Op-
pidum

Sals & Ufflen

*Die Bde

gedie to

Müdden-

horst.

*colitur die

22. & 23.

Octobr.

Hermannus

Admini-

strator, &

Conradus

Episc. Mo-

nafterien-
sis

foedus in-

eunt contra

Prædones

milites de

Guardia

nominatos.

Kleinsorg.

in Hist. ms. in Pervigilio

*S. Petri ad Cathedram.

Nec operæ pretium est, eas ex

de prædon.

istis vide

Grant. l.

12 Metrop.

c. 25 in fin.

*uff sunt

Peters

Abend ad

Cathedrā.

*zu Ros

un Gues.

*Peterfen

in Chron.

Holzar.

Cæterum Westphalia tota versabatur his temporibus in pace
optatissima. Ac tametsi per initium hujus anni prædatrix aliqua
hominum armatorum turma (qui de *Guardia* sibi nomen assumpse-
re) in vicinas quasdam Provincias non parvo numero se infuderit:
ea tamen in terras Westphalas pedem injicere non est ausa, postea-
quam hoc anno præcipua Westphaliæ capita, Hermannus Archi-E-
piscopus Coloniensis, Ecclesiæ nostræ Administrator, & Conra-
dus Episcopus Monasteriensis, Ecclesiæ Osnabrugensis Admini-
strator, contra ejusmodi grassatores communi foedere se conjunxe-
runt. Autographæ istius foederis & conjunctionis tabulæ adhuc
supersunt Osnabrugi in Ecclesiæ Majoris tabulario, datæque sunt
in *Hist. ms. in Pervigilio* *S. Petri ad Cathedram. Nec operæ pretium est, eas ex
germanica lingua in latinam vertere, cum ferè nil aliud in se conti-
neant, quàm quòd alter alteri toto virium suarum pondere cum e-
quitibus & peditibus in auxilium advolare debeat, simul atque ei-
dem nuntiatum fuerit, pedestres copias de *Guardia* nuncupatas,
conjunctim vel divisim, in alterius dominia, vel ditiones involasse.
Quare prædones illi Westphalam intrare veriti trans Visurgim a-
bierunt; tandemque mortem, quam diu promeruerant, trans Al-
bim reperere, trucidati *à Dithmaris, uti refert Peterfenius.

Decembrem hujus anni urbs Moguntina sibi maxime infaustum
sensit per fraudem & malitiam unius lapidicæ. Is cum ad Eccle-
siam Collegiatam S. Stephani, diu laborasset in cædendis lapidibus
pro

pro fabrica novæ turris, pectoralem statuam ex argento factam (in qua servabatur pars capitis S. Annæ, Christi aviæ) circa festum Conceptionis B. MARIE Virginis occultè ex templo sustulit; eamque Marcodorum* deferens, donavit Ecclesiæ Parochiali istius oppidi. Furtum illud receperunt incolæ cum ingenti gaudio; Et quia facerrimum Caput illud summâ pietate complexi sunt, succedentibus miraculis compluribus, coepit illico magnus inibi populorum accursus fieri, non solum è locis vicinioribus, verum etiam è remotis, & longè dissitis. Id verò, cum ad Ecclesiæ suprâ dictæ Canonicos nuntiante famâ perlatum est, continuo litem intenderunt Marcoduranis: eaque lis primùm in aula Cæsaris, ac deinde coram Raymundo Cardinale, qui sequenti anno cum Apostolici Legati munere in Germaniam venit, magnis utrimque studiis agitata est. Sed frustra & sinè fructu. Quidquid enim Cardinalis cum civibus Marcoduranis ageret, sive eos benignis, mitibusque verbis admoneret, sive poenis & censuris Ecclesiasticis quantumvis gravibus iterumque & iterum intentatis, ad restitutionem adstringere pertentaret; illi tamen his omnibus non attentis retinebant mordicus rem acceptam scelere: malebantque poenas omnes, ac terrores à quovis homine incussos perpeti; quam spirituale hunc thesaurum, velut munus è coelo datum, rursus à se dimittere. Quare tandem Julius II. Pontifex anno 1507 venerabile caput illud Marcoduranis permittere debuit, eoque modo rem decidere, ut Canonici Moguntinenses in poenam irreverentiæ suæ, & negligentioris custodiæ, sacri hujus thesauri jacturam ferrent; Marcodurani verò propter singularem pietatem ac devotionem suam, quam hucusque ardentè exhibuerant, eundem perpetuis temporibus retinerent. Id quod etiam peculiari diplomate ab eodem Summo Pontifice roboratum ac stabilitum asserunt. Seriem totius rei explicatiùs describit Jacobus Polius Minorita in *Exegetico historico* S. Annæ c. 24. & sequentibus. Mihi satis est, eam brevius delibare è Serario l. 1. rerum Moguntiacarum c. 17. in fine, ubi sic habet: *In S. Stephani templo (Moguntia) fuit olim S. Anna Caput. Sed anno Domini MD, circa B. Virginis Conceptionis Festum à Lapidâ Marcoduram furto sublatum est, ubi et hodie magnâ religione, circumfrequentibus hæreticis, colitur. Nam ibidem illud asseruari decrevit, post longas lites, Julius II. anno MDVII.*

caput S. Annæ è templo Moguntino furtivè transfertur Marcodurum.

Trithem. l. 2 Chron. Hir (aug. ad hunc annum.

Teschemmach. Annal. part. 2. pag. mihi 357.

* *Marcodurum, vulgò Dürren / Oppidum Ducat. Juliac.*

Marcodurani Caput istud post litem retinentem ex decreto Julii II. Papæ. *Teschemmach. loc. cit. Serar. l. 1. rer. Mog. pag. 72.*

Videantur de hac re Hagiographi tomo 6. Julii in vita S. Annæ folio 256.

Annus Christi 1501.

ALEXANDRI VI. Pontif. 9. & 10.

MAXIMILIANI I. Imper. 8. & 9.

HERMANNI Administrat. 3. & 4.

B

Fini-

Raymund⁹
Cardinalis,
ad perfe-
rendas in-
dulgentias
Jubilæi
mittitur in
Germaniâ.
Difficultas
in eo reci-
piendo.
Spondan.
ad hunc
annum.
Trithem.
to. 2. Chro.
Hirsang.
Et alii pas-
sim.



initis Romæ indulgentiis anni sancti, ad easdem in Ger-
maniam perferendas, cum auctoritate Legati Ponti-
ficii missus est Raymundus titulo S. Mariæ Novæ Car-
dinalis Presbyter, & Episcopus Gurcensis. Præcur-
rentem hujus legationis famam invitissimis primùm
animis acceperunt non pauci Germaniæ Principes; Verebantur
enim (quæ jam vetus eorundem querela fuerat) ne Legatus ille
obtentu pietatis ingentem pecuniæ vim à suis subditis emulgêret
pro se, vel pro aulâ Pontificiâ. At, ubi postmodum humanissi-
mis literis ad Cæsarem exaratis docuit, longè alium sibi finem esse,
nec venire se nummorum gratiâ; sed ut labentem Cleri, & quo-
rundam Religiosorum disciplinam restauraret, paulò post ab urbe
Tridentinâ ad Cæsarem evocatus, & ab eodem Oeniponti per
menses aliquot familiarissimè detentus est. Neque Cæsarem ab
hujusmodi viro deceptum, aut inani verborum fucò delusum esse,
eventus docuit. Erat enim homo sanctus, pietate, mansuetu-
dine, sinceritate plenus; & quod omnium caput est, vir ejusmo-
di, qui divitias contemneret, atque (ut Spondanus de eo loqui-
tur) *Elargiendo omnia, nihil admodum reservaret sibi ipsi*. Quâ de
causâ etiam in Provinciis, ad quas devenit, præter omnem præ-
cedentium Legatorum consuetudinem acceptissimus fuit.

continuan-
tur in variis
Germaniæ
locis prodi-
giolæ cru-
ces, in ho-
minum ve-
stimenta
lapsæ.
Naucler. in
Chron. ad
hunc ann.
Surius in
Comment.
rer. gestar.
Langius in
Chron. Ci-
sizenf.
*apud Nau-
cler. in
Chron.

Dum autem hic insignis Vir legationem suam ordiretur; ad-
huc in variis Germaniæ tractibus perseverabant insolitæ cruces illæ,
quas anno superiore, velut invisibili quâdam pluvîâ, in altarium
hominumque pepla decidisse diximus. Harum aliquæ majores
erant, madentesque sanguine: qui, cùm deflueret, successivo
motu suo minores iterum ac minores cruculas efformabat. Cum
aliis apparuere simul quàm plura signa patientis Domini, nimirum
corona spinea, flagra, clavi, lancea, & alia id genus plura. In
aliis denique tam occulta ac mirifica fuit penetrandi vis, ut etiam in
occultissimas arcas vel cistulas viam invenirent, & reperta in iis ve-
stimenta linea non minùs inficerent & signarent, quàm si in aère
locove patulo fuissent exposita. Ferme supra fidem sunt (etiã si
reapse vera ac indubitata) quæ die 18 Maji præsentis anni ad Maxi-
milianum Imperatorem hac de re scripsit Joannes Episcopus *Leo-
diensis: additque mirificos eventus istos, quos in suis literis ibi-
dem recitat, à se tam solerter gnaviterque examinatos esse, ut nul-
la fraudis malive doli suspicio subesse queat. Nec minora vel mi-
nùs authentica cenferi debent, quæ Joannes Franciscus Picus de
Mirandula de eodem prodigio retulit, partim in carmine *Stauro-
sticho, partim in illius præfatione ad Cæsarem. *Monstrâsti Impera-
tor (ait in præfatione) cùm essem apud te in Germania, cruces, clavos, lan-*

*Stauro-
stichon il-
lud cum
præfatione

lanceas, et alia pleraque, cœlesti quâdam nec visibili pluviam in corporibus vide apud delineatâ: et, quæ hac de re tibi etiam literis significata fuerant, quâ es ^{Freher 10.} facilitate, dignatus es è germanica in latinam linguam interpretari. ^{2. rer. Germanic. à pag. 242.} Vidi et ipse, postquam à Tua Majestate discessi in Italiam rediturus, multa quæ non modò fidem rei jam vulgata adstruerent; sed majorem multò admirationem incuterent, et universam penè Germaniam ad cœlestia prodigia religionis ergò commoverent. Quo factum, ut rem tam celebrem, tam dignam posteritatis memoriâ, literarum monumentis heroicisque potissimum versibus mandare destinaverim. Similiter etiam in adjuncto carmine (quod appellat Staurostichon, à voce græca σταυρός, latinè crux) portentosas hujusmodi cruces, aliaque addita passionis Dominicæ monumenta, pulcherrimè describit hisce versibus:

Hic demissa recens populi mysteria, mirum!

Attoniti inspecant homines, et inania passim*

Inscribunt puro delapsa insignia calo

Sanguinolenta crucis. Clari memoranda triumph

Effigies latè spectatur. Spongia, flagra,

Visuntur. Tunica inconsutis intima, clavi

Cernuntur multo madefacti sanguine. Telum,

Quod sacram sævo discreverat impete costam,

Pingitur. Excubitor cristâ spectabilis ales,

Tergeminique micant tali, quos inclita Christi

Fecerat innocui sortitus tegmina miles.

Non ignota cano. Caesar monstravit, et ipse

Vidimus. Innumeros prompsit Germania testes.

*inania, id
est aërem.

Quid autem portenderint hæc signa, terroris plena; quis divinet? scio, & olim ante complura secula prodigiosas hujusmodi cruces de cœlo decidisse, nimirum anno* Christi nongentesimo quinquagesimo octavo, quando post ejectos è Germaniæ visceribus infideles Hunnos vel Hungaros, Catholica Religio latissimè propagari coepit ab Ottone Magno & ejusdem successoribus, qui & plurimos Episcopatus in infidelium finibus erexere. Atque ideo vereor, ne, ut eo tempore cruces illæ præsignârunt salutiferæ crucis honorem & exaltationem, quæ secuta est; ita nunc è diverso præsignaverint ejusdem salutiferæ crucis depressionem & ignominiam, quæ secuta est non multò post, quando Lutherus & Calvinus hæresum suarum tubas inflaverunt, etiam salutiferæ cruci & aliis redemptionis nostræ monumentis cultum omnem ac venerationem abrogantes.

Sed iudiciorum Dei abyssus multa, quis ea perscrutari poterit.

Ego, quod mei instituti est, ad alia hujus anni gesta me recipio;

ac præcipuè ad enarrationem illustrissimæ victoriæ, quam hoc

Cruces illæ videntur præsignâsse despectum & ignominiam, sanctissimæ crucis & ejus mysteriis postea irrogatâ à Luthero & ejus affectis.

Walterus
de Pletten-
berg, supre-
mus Ordinis
Teuto-
nici Magi-
ster in Livo-
nia, magnā
victoriam
contra mos-
cos obti-
ner.

Ruffor. in
Chron. Li-
vonie.

Chytræus
l. 5. Saxon.
ad hunc
annum.

anno contra barbaras Moscorum copias æternā cum laude retulit Walterus de Plettenberg, ex Nobili Westphalo supremus Ordinis Teutonici Magister in Livonia. Initium huic bello fecerat Joannes Moscorum Dux: quippe qui anno superiore cum prædatricibus copiis in Livoniam se injecerat; ac Dioecesin Dorpatensem, Rigensem, aliasque terras, citra omnem offensionis causam ferro & armis evastaverat. Provocatus hac injuriā Plettenbergius, cum Alexandro Lithuanie Duce (qui & ipse à Mosco Socero suo non leviter offensus erat) contra communem amborum hostem sociali foedere se conjunxit: adscitōque peditum Germanicorum quater mille, nec minore equitum consimilium exercitu, in campum hoc anno prodit; nihil dubitans, quin & promissæ Ducis Lithuani copię propediem adiuturæ essent. Sed eam spem inopinō fregit & incidit amor Coronæ Regiæ. Lithuanus enim, cum ejusdem frater Joannes Albertus Poloniæ Rex mense Junio extinctus esset; de Corona regali magis, quàm de foedere sociali cogitans, convertit iter in Poloniam, nullōque adducto milite frustra expectantem, suspirantēque belli socium iniquissimo tempore dereliquit. Neque tamen idcirco despondit animum Plettenbergius, in Deo magis, quàm in militum suorum numero confisus. Primū igitur ardentissimis precibus Deo, omnium bonorum largitori, expeditionem suam commendavit; atque, ut omnia feliciter evenirent, ab Episcopo Dorpatensi benedictionem sacram sibi suisque copiis impertiri, demissē petiit. Hac autem acceptā, *Die Jovis post S. Bartholomæi*, quæ tunc erat vicesima sexta Augusti, magnis animis Moscorum fines ingressus est: & quem ibi consistentem reperit, quadraginta millium Russorum exercitum, non modò fortiter aggressus fuit; sed etiam admirabili victoriā stravit, obtulit, profligavit, amissis è suorum numero viris admodum paucis, nec magni nominis. Trium deinde milliarium itinere fugitivis institit, impedimenta ipsorum omnia in prædam abstulit, urbes & arces limitaneas diripuit vel incendit; ac denique spoliis laureisque circumfusus, triumphantem exercitum, quod hic à ventris profluvio jam invadi cæperat, hiemandi & quiescendi causā in Livoniam reduxit. Cetera longēque illustriora, quæ ab hoc Achille Westphalo contra eosdem Russos admirabili fortitudine gesta sunt, ad annum proximè sequentem uberiùs exhibebo.

Inchoatur
Monasteriū
PP. Franciscanorum
in monte S.
Jodoci
propè Bielefeldiam,

Interim & hoc anno Patres Franciscani de strictiore Observantia novum in Diocesi nostra Monasterium accepere beneficio Wilhelmi, Juliæ & Montium Ducis Comitisque Ravensbergici; qui sanctissimo huic Ordini propter singularem ejus integritatem ac vitæ Religiosæ studia maximopere addictus erat. Monasterium

rium hoc, quod modò Bilefeldiæ intrà muros conspicitur, primò coeptum & inchoatum est in monte S. Jodoci extra urbem; ejusdémque inchoandi licentia hoc anno data est ab Alexandro Pontifice: cujus Bullam, quòd à Schatenio* jam pridem alibi producta sit, hîc omittere peccatum fuit. Bullam hanc Wilhelmus Dux, & Monasterii Jodociani Fundator, sub initium anni sequentis tradidit Joanni de Nagel Paderbornensis Ecclesiæ Thesaurario, velut executori primario in literis Apostolicis nominato. Atque, ut nihil eorum prætermitteret, quæ in hujusmodi executionibus rite peragendis requiri solent; primùm Hermannò Episcopo nostro velut ordinario Bilefeldiensi, deinde etiam feriâ quintâ post festum Paschatis Capitulo Cathedralis Ecclesiæ Paderbornensis humanissimè scripsit: velle se, Patribus Franciscanis in monte S. Jodoci Monasterium condere, licentiam id agendi ab Alexandro Pontifice jam obtentam esse, ac proinde etiam sperari à se, nec prudenter dubitari posse, quin & ipsi, quanti ipsorum interesset, ad hujusmodi pium opus consensum suum facillimis animis præbituri sint. Quod, cùm ab utrisque perlubenter concessum & approbatum esset; antè dicti Patres per æstatem istius anni in montem hunc solenni ritu introducti sunt, præeuntibus Collegiatæ Bilefeldiensis Ecclesiæ Decano, Capitulo, Vicariis, Presbyteris, & Præfectis Ministrisque Ducalibus, uti Wilhelmus Dux & Fundator jusserat. Quî autem & quâ de causâ postmodum stationem in hoc monte captam rursus deferere & in urbem Bilefeldiensem se retrahere coacti sint, inferiùs ostendetur ad Annum Christi 1507.

Reperio & hoc anno insigne miraculum in Diœcesi nostra perpetratum esse, beneficio & intercessione S. Modoaldi Trevirensis Archi-Episcopi, cujus ossa jam à quatuor seculis requieverant apud nos in Monasterio Helmershusano. Henricus Hagemans, Pastor in Herstelle (quod olim Heristallum Saxonicum appellavêre) gravissimâ corporis infirmitate diu pressus fuerat, atque itâ membrorum ac virium usu destitutus, ut in lectulo suo semetipsum versare, vel de loco in locum demovere non posset, nisi beneficio alicujus funiculi, de superiore tabula dependentis. Interea appetebat duodecima dies Maji, sancto Modoaldo sacra; In cujus pervigilio cùm audiret, campanarum Helmershusensium æra solennissimè pulsari ad primas vespèras (favebat enim ventus, & locus alter ab altero non multum distat) conceptâ ingenti fiduciâ, quàm poterat ardentissimè, hunc Sanctum invocabat, inquires: *O Sancte Modoalde! amice Dei altissimi! oro te per sanctorum operum tuorum gloriosa merita? intercede pro me apud* Do.

Ex literis antiquis.

** Schaten ad annum 1483. pag. 748. & seq.*

Henricus Pastor in Herstelle miraculose curatur per invocationem S. Modoaldi, Patroni in Helmershusen. Hagiographi Antw. 10 7. Ss. Maji. in appendice admiracula S. Modoaldi pap. 717. n. 21.

Dominum nostrum IESUM Christum, ut eripiat me ab hac, in qua nunc versor, infirmitate maxima! Quòd si per tuam intercessionem à Deo gratiam sanitatis impetravero; voveo tibi, me semper, quàm diu vixero, in pervigilio tui festi jejunaturum, diem ipsam, tuo nomini consecratam, perpetuò mihi sacram fore, atque eadem die unius talenti cereum à me in templo tuo oblatum et accensum iri. Finitâ hac oratione votòque edito, eodem vespere in lenem soporem incidit; alteròque mane de somno experrectus, nullum ampliùs dolorem aut morbum sensit. Itaque plenus gaudio surgit è lecto, gratias agit sancto, ad Ecclesiam parochialem advolat, hostiam salutarem Deo litat, beneficium, S. Modoaldi meritis impetratum, coram populo universo prædicat, & eodem die cum omnibus Parochianis suis pedestri itinere Helmershusium properans, ibidem ligna brachiorum suorum sustentacula, quibus remittente morbo nonnunquam usus fuerat, Sospitatori Deo sanctòq; Patrono suo cum summa gratiarum actione dedicat. Plura *id genus alia etiam sequentibus annis prodigiosè ac divinitus ibidem accidere: certumque est, eo tempore Monasterii labentis accolae multò probiores fuisse, quàm ipsos Monachos in eodem existentes. Hi enim, sive seculi istius vitio, sive Abbatum suorum luxu & incuriâ, jam diu coeperant vitam exlegem agere. Et quia Bursfeldianæ Congregationi se adjungere, atque ab ejusdem Præsidentibus ad S. Benedicti præceptiones reformari detrectârunt: in eam denique morum licentiam ac dissolutionem devenere, ut post annos viginti quatuor, abjecto sui Ordinis & Catholicæ Religionis jugo, monasterium suum deseruerint, faventiora Lutheri dogmata ambabus manibus amplectentes; uti latius deducetur ad annum hujus seculi vicesimum quintum.

**idem* Ha-
giographi
loc. cit. n.
22. & seq.

Monacho-
rum Hel-
mershusen-
sium licen-
tiosa ac dis-
soluta vita.

reformatio
Monasterii
Corbejen-
sis sub Her-
manno de
Bômelburg
Abbate.
*Bucelin. in
Benedicti
Redivivo
ad annum
1500.*

*ms. vetust.
Corbej. ad
hunc ann.
Chron.

*Huxar. ap.
Paulin.*

Eandem propè fortunam incurrisset Monasterium Corbejen-
se, nisi hoc anno Hermannus Bômelburgius Abbas propinquan-
tem ipsius casum avertisset, introductâ in illud reformatione Burs-
feldiensî. Dominabatur istic, jam ab annis triginta & ampliùs,
extrema rerum omnium egestas ac penuria: cujus non alia causa
vel origo fuerat, quàm quòd antiqua pietas exularet, solutique
Monachi pro suo libitu per agros & oppida sinè lege & regula
vagarentur; uti fusiùs declarat Wittehenius in Chronico *Huxa-
riensi ad annum 1470. Neque hunc malorum tantorum fontem
ignorabat Bômelburgius. At, quomodo eundem obturare &
claudere, sinè turbis ac seditione suorum posset, non satis ipsi
in promptu erat. Aiebant enim se esse nobiles: & hac Nobilita-
tis suæ *nomenclaturâ decepti, ut inquit Bucelinus, contendebant,
non solum delicatius meliusque; sed etiam licentiosius haberi, quàm
alia

alii aliorum locorum Monachi, quibus natura parens humiliores natales dederat. jamque à multis annis dissimulaverat hæc bonus Bômelburgius, meliora semper sperans & exoptans: imò *lachrymas inter et suspiria* *sedebat, *lentè contabescens præ mœnore animi sibi à suis filiis inusto.* Postremum verò, cum videret, nullam emendationis cupitæ spem superesse, & omnia quotidie in pejus ruere; postpositis omnibus obloquentium ac renitentium vocibus, monasterium hoc Bursfeldianæ congregationi submittere, & per ejusdem Commissarios ad severiorem observationum regularium formam adstringere, generosis animis aggressus est. Scio quidem, à Bucelino reformationem hanc referri ad annum præcedentem: at in vetusto Corbejensi manuscripto ponitur ad annum hunc, additurque, eam esse factam *per Abbates Hildesheimenses, Joannem Abbatem S. Michaelis, et Henningium Abbatem S. Godehardi.* Neque sanctissimis horum conatibus favor cælestis defuit. Nam ipsorum laudatissimo studio feliciter extirpatum est infelix lolium; reductaque vitæ religiosioris methodo, brevè rursus Corbeja didicit, verum esse, quod eodem loco Bucelinus asserit, veram optimamque *generositatem in spiritu potius, quam in carne et sanguine consistere.* Bômelburgius autem, tam prospero successu lætus, canebat cum Simeone sancto: *Nunc dimittis servum tuum Domine!* ac trinennio post, laudabili fine regimen diuturnum clausit anno 1504, posteaquam Corbejensi Monasterio præfuisset annis triginta quatuor. Successit in ejus locum Franciscus de Ketteler, nobilis Westphalus, ex Perillustri Ketteleriorum familia genitus, & è coenobio Liesbornensi ad Abbatialem infulam postulatus; de quo hæreticus temporum istorum *scriptor ita loquitur: *Hic Franciscus summa cum gloria Prelaturæ dignitatem auspicatus est: et, nisi temporum iniquitas laudabili ejus proposito aliquando posuisset obicem; cuncta, quæ moliebatur, ad optatum finem perduxisset. Interim, quæ potuit, fecit, candore et industria in Ecclesiasticis æquè ac secularibus maxime commendandâ. Bona siquidem distracta, vendita, oppignorata, aliquot millibus redempta, monasterio suo reddidit, disciplina monastica cultor.*

*Bucelin.
loc. cit. pag.
11.

*Erbenius
in additio-
nibus ad
Chron.

Huxar.
apud Paul.
lin. ad ann.
1499.

Bômelbur-
gius mori-
tur triennio
post: cui
successit
Hermannus
de Ketteler,
ex Liesbor-
nensi mo-
nasterio
postulatus.

*Erben. in
addit. ad
Chron.

Huxar. ad
ann. 1504.

Annus Christi 1502.

ALEXANDRI VI. Pontif. 10. & 11.

MAXIMILIANI I. Imper. 9. & 10.

HERMANNI Admin. Pad. 4. & 5.

Joannes Moscorum Princeps, ulturus cladem, quam acceperat nuper à Magno Livonum Magistro Plettenbergio, per quadra-
ges-

Joannes
Moscorum
Dux, agro-

ante Plettenbergio ,
celerrimâ
incurfione
Livoniam
vaftat.

Ruffov. in
Chron. Li-
von. part.
2. fol. 33.
& feq.

*Bozius l.
de robore
bel. pag. 17.
*Ruffov.
& Chytra.
us loc. cit.

Plettenber-
gius , refti-
tutâ fanita-
te, cum fuo-
rum paucis
profligat
hoftilem
exercitum,
centum ac
triginta
millibus
constantē.

Breden-
bach in li-
bro pecu-
liari.
Rofsov.
Chytraus.
Bozius, &
alii.

*Bozius
loc. cit.
*Ruffov. in
Chron. Li-
von. fol.
55.
*Ruf part.
2. fol. 54.

gesimam hujus anni rursus irrui in Livoniam ; eamque celeritate maximâ, ac multò prius, quàm Provinciæ istius Proceres ad arma concurrere possent , foedissimè populatus est. In eo transcurso barbaro , mulieres , virgines , adolescentes & pueri , ab iisdem pejùs habiti, quàm ab ipsis Turcis haberi possent : auctorque est Ruffovius, tunc ab iis aut ferro cæsa, aut in captivitatem abrepta esse, ad quadraginta hominum diversi sexûs & ætatis millia. Decubuerat eo tempore magnus Magister Plettenbergius ; nec ægritudo corporis, quâ oppressus erat, permiserat ipsi, in hostem ire. At ubi postmodum suis viribus restitutus est, jussit ocyùs per omnes Livoniæ & Curlandiæ Provincias exercitum colligi : quem aliqui septem millia Germanicorum equitum* & quinque millia Livonum ; alii verò non nisi bis mille equites* & sesqui mille pedites cum aliquot armatorum rusticorum turmis complexum volunt. Parvus revera numerus ! & solùm quasi manipulus militum , si cum innumera multitudine hostium collatus fuerit ! & tamen cum istis, utcunque brevibus minutisque copiis , novus hic Achilles Deo magis, quàm viribus humanis fretus, audacter movit in fines hostium ; pervenitque tandem ad Plefcoviam, Russorum urbem limitaneam. Ibi, dum in loco plano, duobus circiter milliaribus explicato, sua signa figeret ; processit ingens Russorum exercitus, quem feruntur anteivisse triginta Tartarorum millia, futuro prælio viam apertura. Stupebat omnis Plettenbergii miles ad aspectum formidandæ hujus multitudinis. At ille nihil territus, posteaquam cordatissimâ nervosâque oratione militum suorum animos nonnihil accendisset, jussit illico dari signum pugnæ, & Germanâ Westphalâque fortitudine generosè in hostem iri. Primus incurrentium impetus extemplo factus est in antecedentes Tartaros ; qui tamen facile, & sinè magno sudore martio, disjecti sunt. Nam, ut primùm contra eos continuis tormentorum fragoribus ardentius fulminari coëptum ; gens illa tantùm arcubus levibusque telis pugnare docta, continuo dorsum vertit, cæsisque suorum plurimis, præcipiti fugâ salutem in pedibus & cursu equorum posuit.

Sed hæc initia tantùm erant, & victoriæ difficilioris præludia. Fugatis enim Tartaris è vestigio succèdebat longè fortior Moscorum acies virorum* propè centum, vel, ut alii volunt, nonaginta* millium ; quibus intimè constitutum erat, ut exercitui Livonum sese in modum coronæ quaquaversum circumfunderent, Namque Magnus Moscorum Dux (utì è duobus captivis, ante Plefcoviam acceptis, compertum erat) multitudine suorum fretus, voce admodum* superbâ dixerat : *Non fore opus, inire pugnam*

CUM

cum adversario: parvam hanc equitum peditumque manum, quam adduxisset Plettenbergius, levioresse, quam ut praelio decertari queat cum ipsâ: oportere, pauculos istos, velut ovium gregem ex omni latere circumcingi; ferrôque postmodum et catenis graves ante se in triumphum agi. Plettenbergius igitur, ut ostenderet, se Leonem esse, nec ab ejusmodi canibus incinctum pertimescere; militem in primis omnem sollicitè componebat in pulchros ordines: & quia probè nôrat, Moscorum gentem adhuc ferendis tormentorum ictibus inassuetam esse, continuâ eorundem explosione adventantia ipsorum castra validissimè verberari jussit. Quo peracto, cum eos jam* in fugam declinare, & perculsis confusisque ordinibus retrocedere comperiret; fortissimas cataphractorum suorum phalanges audacter in hostem egit: perfractâque bis terve Moscorum acie obvios quosque more pecudum contrucidari, mactari, & in terram prosterni fecit. Prælium hoc, aut veriùs laniena devictorum hostium, (quæ Russovio auctore contigit in pervigilio *Exaltationis sanctæ Crucis*) duravit usque ad istius diei vespèrum: ferunturque in loco pugnæ cecidisse Russorum ac Tartarorum centena millia, desideratis ex parte Plettenbergii* tantum uno alterove equite, & quadringentis peditibus, unius transfugæ ac proditoris nequitia* interceptis. Post hanc victoriam Plettenbergius, tametsi nimia suorum fatigue cognita, non auderet amplius hostem fugitivum insequi; adhuc triduo perstitit in loco prælii: novam utique pugnandi copiam facturum adversario, si quis animus redeundi foret. At ille amisso Moscoviæ totius robore, consilia pacis respicere maluit; brevique post, quinquaginta annorum inducias cum Livonibus & eorundem invictissimo Ductore pactus est.

*Bredenb.
in lib. pe-
culiari.
Schaten in
suis colle-
ctaneis.

*Bozins
loc. cit.

*Breden-
bach. loc.
cit.

Surins in
comment.
rer. gest.
Russor. in
Chron. Li-
von.

Admiratus autem insuperabilem Germanorum fortitudinem, victori suo Legatum cum obsidibus misit, rogavitque, ut unum ex illis ferreis hominibus (hoc enim nomine appellabat equites cataphractus) in quorum ferrata pectora Moscorum sagittæ incassum ruerent; curiositatis & spectaculi causâ ad se dirigeret: cum à se multis cum honoribus excipiendum, nec sinè magnis donariis muneribusque remittendum esse. Consensit ad hæc facillè Plettenbergius: retentisque interim obsidibus & Legato, misit ipsi ex equitibus loricatis virum aliquem, robore corporis & arte militari valentissimum, à vertice usque ad talos ferro inclusum, præterque ensē & bombardam, quæ ab equi lateribus dependebant, etiam lanceâ bene longâ obarmatum. Is, ut primùm deductus est ad aulam Russicam, continuò ad se attraxit omnium Procerum & Magnatum oculos: utpote qui nunquam viderant id hominum

Joannes
Moscoviae
Dux à Plet-
tenbergio
victore pe-
tit, sibi mit-
ti unum e
suis equiti-
bus cata-
phractis.
Bredenb.
in lib. pec-
Schaten in
suis collect.

C

genus,

Ejusdem e-
quitis exer-
citia, coram
Duce & ejus
Proceribus
exhibita.
Auctores
idem.

genus, velut ex chalybe & ære fusum. Demirantibus autem illis, quomodo sub hoc æris pondere, armorum tractandorum vis & agilitas esse queat; exhibendi militaris exercitii causâ, in apertam aream palatio Ducali proximam intromitti petiit: ibique primò equum alacerrimum, in quo sedebat, admirabili dexteritate huc illuc in omnem partem circumegit. Mox & galeam sive petasum capiti suo detractum, projicere coepit in mediam aream: subitoque iterum cum equo suo longiùs retrocedens, ac deinde pleno cursu & exporrectâ lanceâ in petasum humi jacentem vectus, eundem rursus extremâ cuspide de terra levat, capitiq; suo agilitate stupendâ injicit. Paulò post exsertâ antrorsum lanceâ perniciosissimo cursu devolat in adversum parietem, non secus, ac si eundem infixio mucrone perforaturus esset: at ubi gressum illuc propiorem attulit, momento temporis revolvit equum, convertit lanceam, & veluti in hostes à tergo insequentes pugnaturus, nunc illi, nunc isti, simulatâ comminatione eam obversat intentâtque. Demum verò, post multa alia ostensæ fortitudinis argumenta, concitato rursus equo in murum saxeum validissimo incursu ruens, hastam ferream circumvolantibus undique fragmentis in frustra comminuit: simulque, ut omnibus palàm faceret, se hac amissâ nondum penitus exarmatum esse; modò ensẽ ex latere, modò sclopum corripit, novis hostibus novo rursus armorum genere occursurus.

Reliquæ
laudes Plet-
tenbergii,
ejusdemq;
mors anno
1535.

**Russow. in*
Chron. Li-
von.

Magistri
Livoniæ à
Carolo V.
creantur
Imperii
Principes.

Russow.
ibid.

**Russow.*
loc. cit.

Eo spectaculo mirificè delectatus Moscorum Dux, equitem hunc, bene largitèrque donatum, remisit Plettenbergio. Et hic deinde, ab omni Russorum invasione liber, ætatem reliquam in pace egit; interimque successores suos egregiis quibusdam ornamentis ac privilegiis auxit. Primum est quòd Livoniæ Magistros ab omni subjectione* Supremi Borussiae Magistri, datis aliquot aureorum millibus, exemerit anno 1513. Alterum, quòd se suosque successores à CAROLO V. Imperatore, circa annum hujus seculi vicesimum primum, sacri Romani imperii Principibus adscribi commeruerit. Obiit anno 1535 in Dominica Oculi, quæ tunc erat vicesima octava Februarii: & ex nobilitate Westphalicâ, tam in Magisterio, quàm in adepta Principis dignitate, successores habuit Hermannum de *Bruggeney** conditum *Hasenkamp*, Joannem de *Reck*, Henricum de *Galen*, Wilhelmum de *Fürstenberg*, ac denique Gothardum de *Ketteler*, gloriosi istius in Livonia Ordinis extinctorem; quippe qui Lutheranam hæresin amplexus uxorem duxit, & ex pacto turpissimo sibi suisque posteris Curlandiæ Principatum reservavit.

Hermannus
Admini-
strator hoc

De rebus nostris nihil aliud hoc anno reperi, quàm quòd Hermannus Archi-Episcopus & Ecclesiæ nostræ Administrator, con-
sen-

sentiente Decano & Capitulo Collegiatæ Ecclesiæ Huxariensis ad S. Petrum, curaverit ibidem erigi novum Beneficium Ecclesiasticum in Capella S. Hieronymi, fundatum à Domino Remberto Remberti, ejusdem Ecclesiæ Canonico & Scholastico. Quâ de re adhuc supersunt literæ, à Joanne Lofs, Hermannii Episcopi nostri in Spiritualibus Vicario generali datæ & consignatæ, quarum finis est: *Datum anno Domini millesimo quingentesimo secundo, ipso die S. Hieronymi Confessoris.* Ità Huxarienses, & qui in Corbejensi territorio degunt, eo tempore adhuc agnoscebant Antistitem nostrum, uti suum ordinarium & dioecesanum: neque ab ejus jurisdictione sacra subtrahebant se, ut modò faciunt.

anno erigit
novum Be-
neficium
Ecclesiasti-
cum in ur-
be Huxa-
riensi.

Ex tabula.
rino Vicarii
Generalis
Paderbor-
na.

Annus Christi 1503.

ALEXANDRI VI. Pontif. ultimus.

MAXIMILIANI I. Imper. 10 & 11.

HERMANNI Administrat. 5. & 6.

Raymundus Alexandri VI. Pontificis Legatus & Cardinalis Presbyter, postquam indulgentias jubilæi præcedente anno per superiorem Germaniam promulgasset; etiam hoc anno Brunsvicum, Bremam, Hamburgum, Lubecam, & alias regiones aquilonares adiit, non sinè magna suarum virtutum & facinorum præclarissimorum commendatione. Certè in urbe Lubeeensi non modò feliciter extinxit funestam illam bellorum facem, quæ inter urbem hanc & Joannem Danorum Regem exardere coeperat; sed etiam singulâ dexteritate suâ effecit, ut Christina Regis ejusdem uxor, quæ apud Svecos in Vastanensi Monasterio biennalem custodiam sustinuerat, libertati reddita ac maritali thalamo restituta fuerit. Advenerat autem Lubecæ sub festum *Paschatis (quod hoc anno incidit in diem decimam sextam Aprilis) ibique mansit usque ad Kalendas Maji; uti constat ex ejusdem literis *à Cypræo editis, quarum finis est: *Datum Lubeck, anno incarnationis Dominice millesimo quingentesimo tertio, Kalendis Maji, Pontificatus Sanctissimi in Christo Patris et Domini nostri, Domini Alexandri divinâ providentiâ Papa, & seq. anno undecimo.*

Raymund^o
Cardinalis
& Legatus
Pontificius
visitat Pro-
vincias A-
quilonares.
Crantz. l.
12. Me-
trop. 6. 30.
Chytræus
l. 5. Saxon.

*Crantz.
loc. cit.

*Cypræus
in Annal
Ep. Slesv.
pag. 402.

Indè non multò post appulsus est in Westphaliâ; auctôrque est *Kleinsorgius, quòd hoc anno in Marienfelden Monasterio fuerit, & ibidem solenne sacrum in altari maximo decantaverit. Similiter & apud nos monumenta vetera Dalheimensis Monasterii docent, Cardinalem hunc octavâ die Junii, nimirum feriâ quintâ

indèq; ve-
nit in West-
phaliâ.

*Kleins.
in hist. ms. ex
annotatis
Marienf.

Pentecostes, ibidem pernoctasse: monstraturque adhuc viri tanti cubiculum, & supra januam depicta illius insignia cum hisce verbis:

* feria s^a
Pentec.
* Cardina-
lis.
* arma, seu
insignia.

*Annis millenis quingentis cum tribus, atque
Quintâ Pnema * die dum sua dona dedit,
Hic fuit Eximius Raymundus Cardine* clarus:
Hac jacuit cellâ, cuius et arma* vides.
Alexander cum Legatum destinat orbi,
Huncque locum dotat munere magnifico.*

Confirmat
bona Mo-
nasterii
dalheimen-
in Diocesi
Paderana.
Littera Ar-
chivi Dal-
heim.

Illud autem egregium ac singulare munus, quo Dalheimense Monasterium se ab ipso donatum prædicat, non modò consistebat in indulgentiis & peccatorum remissionibus: verum etiam in eo maximè, quòd omnia Monasterii istius bona ac possessiones auctoritate Apostolicâ roborari; & si quis necessariarum solemnitatum defectus in iisdem acquirendis intervenisset, eadem auctoritate suppleri iusserit. Quâ de re adhuc supersunt hæ illius mandatoriaræ literæ, ad Hermannum Antistitem nostrum Dalhemii datæ:

Raymundus, miseratione dⁱvinâ Sacrosancta Romana Ecclesia et sancta Maria Nova Presbyter Cardinalis Gurcensis, ad universam Germaniam, Daciam, Sueciam, Norwegiam, Frisiam, Prussiam, omnesque et singulas illarum provincias, civitates, terras, et loca, etiam Sacro Romano Imperio in ipsa Germania subiecta ac eis adjacentia, Apostolica Sedis de latere Legatus, Reverendo in Christo Patri Episcopo Paderbornensi, seu ejus in spiritualibus Vicario salutem in Domino. Ad ea, quæ pro piorum locorum commoditate acta sunt, ut firma perpetuò possint persistere, cum à Nobis petitur, favorem præbemus opportunum. Sanè dilectorum Nobis in Christo Prioris et Conventus Ordinis Canonorum Regularium in Dalhem, vestra Diocesis, Nobis nuper exhibita petitio continebat, quòd olim (postquam ipsi in locum prædictum, quem antea Moniales S. Benedicti tenebant, ut juxta Ordinis Canonorum Regularium instituta religiose et sub stricta observantia viverent, et Altissimo deservirent, translati fuerint) quàm plurima mobilia et immobilia bona, etiam possessiones et decima, interdum per piam donationem, interdum verò per emptiones et alios licitos contractus, ad idem Monasterium adducta, ac Prioris et Conventus prædicti industriâ acquisita extiterint, prout defacto illa tenent ac possident: Et sicut eadem petitio continebat, dicti Prior et Conventus, subtilitatum et apicis juris ignari, in acquisitione hujusmodi se timeant solemnitatem omisisse, unde etiam in conscientiis suis aliquando gravantur: et, si omnia præmissa Apostolicâ auctoritate confirmarentur cum opportuna defectuum suppletionem; profectò utilitas ejusdem Monasterii plurimum promoveretur, et tranquillitati conscientiarum suarum etiam consuleretur.

Nos

Nos igitur huiusmodi supplicationibus inclinati, cum de præmissis certam notitiam non habeamus, circumspeditioni vestra auctoritate Apostolicâ et legationis munere, quo fungimur in hac parte, per hac scripta mandamus, quatenus de præmissis omnibus et singulis in forma juris vos dilucidè informetis; et (si vera sunt, pro ut narrantur omnia et singula) res, decimas, et bona, ut præinsertum, quasitas et quasita approbetis, ratificetis, et confirmetis, supplendo omnes et singulos defectus, tam juris, quàm facti, si qui forsitan intervenerint in eisdem. Volumus etiam, quòd vos in decimarum et bonorum prædictorum mantenentiam et conservationem, ac alienationum recuperationem præfatis Priori et Conventui efficacis defensionis auxilio assistendo, non permittatis eos contra Nostram confirmationem quomodolibet molestari, contradictores eadem auctoritate per censuram Ecclesiasticam compescendo, non obstante quavis constitutione et ordinatione, in synodalibus et comprovincialibus communiter conciliis, generali vel speciali, cæterisque contrariis quibuscunque. Nos enim ex nunc irritum decernimus et inane, si secus super his à quoquam Nobis inferiori, quavis auctoritate, scienter vel ignoranter contigerit attemptari. In quorum fidem præsentem litteras fieri, Nostrique Sigilli iussimus appensione communiri. Datum in Monasterio prædicto, anno incarnationis Dominicæ millesimo quingentesimo tertio, sexto Idus Junii, Pontificatus Sanctissimi in Christo Patris et Domini Nostri, Domini Alexandri divinâ providentiâ Papæ sexti, anno undecimo.

Postridie, quàm has dedisset Cardinalis, Dalhemio rursus ad Rhenum abiit: ac demum exeunte Octobre, Principibus Electoribus Francofurti congregatis, nimirum Bertholdo Moguntino, Jacobo Trevirensi, Hermannò Colonienſi, Philippo Comiti Palatino, & Joachimo Brandenburgico, humanissimâ oratione valedixit, eosdem iterum iterumque obsecrans, ut inter semet ipsos mutuam concordiam alerent, & laboranti Reipublicæ Christianæ contra infestas Turcarum invasiones auxilium ferrent.

Interea, qui eum miserat Alexander Pontifex, die decimâ octavâ Augusti in viam æternitatis ierat, recepturus illic à Deo Iudice, pro ut gesserat hîc in mortali corpore. Multum boni prædicari de eo non potest: utinam nec multum mali! sanè, eum ante adeptos honores Pontificios cum Vanotia puella nobili intemperantiùs confuevisse; liberisque ex ea genitis, ac præsertim Cæsari Borgiæ (qui postea Dux Valentinus appellatus fuit) nimium indulgisse, toti orbi manifestum est. Ac fortè hoc eodem insolente filio Deus uti voluit ad castigandam remissi Patris indulgentiam; Nam, ut plurimi Scriptores* referunt, causam suæ mortis hausit ex vino venenato, quod ab eodem filio quibusdam aliis Cardinalibus præparatum, & ex errore pocillatoris ipsimet Pontifici obla-

Dalhemio
Cardinalis
ad Rhenum
proficiscitur; ac tandem exeunte Octobre, Principibus Francofurti congregatis valedicit.
Trithem.

to. 2. Chr.
Hirſaug
Moritur Alexander VI
Papa, die 18 Augusti.

* Spondan.
ad hunc
annum.
Forestius

obla-

*vitae Pon-
tificum.
Grasian. de
casibus vi-
ror. illustr.
& alii pas-
sim.*

oblatum fuerat. Successit autem Alexandro Pius III, dictus antea Franciscus Piccolominius, electus Romæ die 22. Septembris: & huic, intra mensem defuncto, Julius II, dictus antea Julianus Ruror, illustr. vereus, itidem electus Romæ Kalendis Novembris, in festo omnium Sanctorum.

*Successit
Pius III, &
huic repen-
tè mortuo
Julius II.
Bertholdus
Ep. Hildesf.
& Admini-
strator Ver-
denfis mo-
ritur die 24
Maji.*

*Crantz. l.
12. Acta.
6. 17.*

*Brusch in
Casal. Ep.
Hildesf.
Chytræus
l. 2. Saxon.
& alii.*

*Successit
Verdæ
Christoph.*

*Brunsvic.
Hildesf. ve-
rò Eric. Sa-
xo-lawen-
burgicus,
*Kerfembr.
in Casal.*

*Episc. Pad.
sub Her-
manno.*

*Cratopol.
in Casal.*

*Archiepisc.
Colon. sub
Hermannno*

*Pestis hoc
ad grassari
cepit Pa-
derbornæ.*

**Hac co-
tempore co-
lebasur die*

*13. Julii.
*ex archiv.
Cathedr.
Ecclesiæ.*

Mortem utriusque summi Pontificis maturiore morte anteve- nit Bertholdus Episcopus Hildesienfis, & Ecclesiæ Verdenfis Ad- ministrator, vir eximiâ prudentiâ præditus, eloquio gravis, at- que, ut ait Bruschi, *omnium doctorum hominum amicus et fautor maximus*. Præfuit utrique Ecclesiæ summâ cum laude: & Verden- si quidem ab anno 1470; Hildesienfi verò ab anno 1481. Obiit Rotenburgi *pridie Ascensionis Domini*, die vicesimâ quartâ Maji; sepultusque est Verdæ in Ecclesia Cathedrali, quam annorum sep- tendecim spatio præclarissimis ædificiis exornarat, ac deinde so- lenni ritu consecraverat anno 1490. Successorem accepit Verdæ Christophorum Brunsvicensem, Archi-Episcopi Bremensis Coad- jutorem: Hildesii verò Ericum Saxo-Lawenburgicum, Metro- politanæ Colonienfis Canonicum. Sed hic eam dignitatem se- quente anno rursus abdicavit, eâque in Joannem fratrem suum reclinatâ, ad Colonienfis Ecclesiæ Canonicatum rediit. Unde ta- men quinquennio post Monasterium evocatus; & ibidem nobi- liore, quæ tum vacabat, infulâ potitus est.

Inter has vicinorum Episcopatum vicissitudines Dioecesis no- stra Paderana sub tutela Hermannii Administratoris gaudebat ha- tenus pace tam jucundâ, *ut eo imperante*, quemadmodum Kerf- senbrochius & Cratopolius referunt, *nemo hostilem animum in hanc terram declarare ausus fuerit*. Ab aliis tamen adversitatibus, quæ à coeli & aëris intemperie solent profluere, Dioecesis nostra hoc an- no libera & immunis esse non potuit. Nam, quæ ab anno præce- dente universam penè Germaniam pervagata est pestilentia, ea nunc etiam in diversos Westphaliæ tractus infundi cœpit: quan- quam longè mitius (ut opinor) in his terris grassata sit, quam in aliis; ubi subinde tertiam, subinde mediam incolarum partem in tumultum deturbavit. In urbe Tremonienfi refert * Westhovius, eam incolis bene multis exitialem fuisse. Quæ verò damna crea- verit Paderbornæ, quot mortes & funera concitârit, nemo ve- terem videtur adnotâsse. Certè huc etiam penetrasse malum istud, manifestò liquet è statuto Capitulari, quo Ecclesiæ Majoris Ca- nonici, pestilentiae grassantis causâ, licentiam dederunt omnibus residentibus, ut à festo S. Margarethæ * usque ad S. Martini ad alia salubriora loca se recipere, interimque ab urbe & Choro abesse, sinè omni suorum Jurium fructuumque detrimento possent. Ecce hic statutum * illud, è vernacula lingua redditum: *Nos*

Nos Wilhelmus Westphalen *Cathedralis Ecclesiæ Decanus, Theodor^{us} Westphalen Senior, Pancrati^{us} *Westphalen Archidiaconus *Germani-
Sedis Horbusanæ, Conradus ab Haxthusen Archidiaconus Sedis Steinhei-
mensis, Otto ab Oynhusen Archidiaconus Sedis Huxariensis, Joannes ab
Immesen, Theodorus Westphalen Præpositus in Buxtorff, Ludolphus de
*Busch Scholasticus, Hermannus Krevet, Nicolaus de Cloister, Lauren-
tius Nafschart, Fridericus ab Hörde, Philippus ab Hörde, et Fridericus
Westphalen Cantor, nunc temporis in præbendis nostris residentes, confite-
mur publicè in hoc scripto, quòd, cùm doctores medicina suadeant, pesti-
lentiā et locum, in quo ea grassatur, fugere propter periculum contagio-
nis, quæ ex infectione loci et aëris facillimè contrahi, et ab uno homine in
aliū transfundi solet: idcirco inter nos capitulariter conventum decre-
tūque sit, ut nobis residentibus antè dictis, et cuilibet nostrū, cui id al-
lubuerit, permissum ac licitum esse debeat, extra Paderbornam ad alios cam-
pestres idoneosque locos discedere, et ibidem permanere, à die, quo hæc literæ
datæ sunt, usque ad festum proximum S. Martini, citra neglectum et ja-
cturam proventuum ac fructuum suorum, qui iisdem promptè et expeditè
persolvi debent, perinde ac si hîc ad fontes Paderæ continuò resedissent: ita
tamen, ut in Exaltatione Sanctæ Crucis oporteat eos interesse rationibus
reddendis de granario etc. In testimonium veritatis horum omnium, Ca-
pituli nostri Sigillum secretius hæc literis appendifecimus. Datum Anno
Domini millesimo quingentesimo tertio, in die Beata Margareta Virgi-
nis.

Erato eo tempore inter Ecclesiæ Majoris Canonicos Ericus Dux, Ericus Dux
Brunsvico-Grubenhagius (qui postea Paderanam simul & Osnabru-
gensē infulam adeptus est) agebatque tunc Paderbornæ primam
lex hebdomadarum residentiam, quam Canonici omnes ex veteri
lege ad amissim explere debent, priusquam ad percipiendos Bene-
ficioꝝ seu Canonicatuum suorum fructus admitti queant. Hæc
autem residentia Paderbornæ semper tam severè ac rigide ab omni-
bus exigi solet, ut is, qui eam coepit, toto illo tempore in cubi-
culo, Cathedrali Basilicæ contiguo, pernoctare, extra septa im-
munitatis Ecclesiasticæ pedem non efferre, omnibus horis canoni-
cis à principio ad finem interesse; &, si vel semel in his fefellerit,
residentiam totam repetere, atque ab initio rursus exordiri debeat.
Non putabat Ericus Dux, huic rigori locum esse in eâ temporum
habitudine. Atque ideo, cùm videret, Canonicos antè dictos me-
tu pestis ad aliū salubriorem aërem commigrasse; ejusdem peri-
culi evitandæ causâ aliquamdiu se retraxerat ab urbe & loco resi-
dentia: planissimè confusus, interruptionem hanc à præsentī aë-
ris intemperie apud alios Canonicos excusatum iri. At illi mordi-
cus pro veteri lege & consuetudine stantes, denuo remiserunt eum
ad

Ericus Dux
Brunsvi-
censis de
Grubenha-
gen, Cano-
nicus Pa-
derborn. &
postea Epif-
copus pri-
mam resi-
dentiam
hoc anno
peragit Pa-
derbornæ.
Ex veteri-
bus M. /s.

ad novum aliud sesquimestre tyrocinum; neque priùs admiserunt ad Capitulum & perceptionem fructuum Canonicalium, quàm in explendâ hac mutilâ imperfectâque residentiâ dispensationem Pontificiam accepisset.

Annus Christi 1504.

JULII II. Pontificis 1. & 2.

MAXIMILIANI I. Imper. 11. & 12.

HERMANNI Admin. Pad. 6. & 7.

Bellum Palatinum,
ejusque origo
Trithem. 10. 2. Chro. Hirsau.



Langius in Chron. Citi.

Lintur. in append. ad Fast. temp.

Palat. in aquila Austriae, & alii.

** Lintur. in append. ad fascicul. tempor.*

Rupertus à Cæsare proscriptus; & alii Imperii Principes contra eum ut rebellem convocantur ad arma Auctores iidem.

Germania superior ferè tota hoc anno in armis constitit propter bellum Palatinum. quod improspere excitaverat Georgius, cognomento *Dives*, Bavariae Dux è linea Landshutana. Obièrat hic anno superiore; ac, priusquam terrenis rebus valesceret, hæredem omnium provinciarum suarum armatâ manu constituerat Rupertum, Philippi Comitis Palatini Filium tertio genitum: quippe qui Elisabetham filiam ipsius unicam tenebat in matrimonio, & ex ea jam susceperat unam alteramve prolem masculam. Supra modum tristabatur hac de re Albertus Bavariae Dux è linea Monachienfi. Et quia viribus infirmior erat, quàm ut solus & sine aliorum auxilio posset fortiores adversarium ex nido jam infesso pellere; ad æquitatem Cæsaris confugiebat, acerbè questus: *injuriam sibi factam esse à Georgio defuncto: ditiones ejus Ruperto Palatino transcribi non potuisse: obstare pacta familia, jam pridem inter se ac Georgium Ducem inita: in his ab utraque parte cautum, et cum obligatione mutua conventum esse, ut, qui prior ex ipsis moreretur sine hærede masculino, ipsorum alteri ditiones omnes in Bavaria sitas relinquere, neque eas in alium extraneum transferre debeat.* Cæsar, his auditis, judicium causæ traxit ad se; vocatisque ambabus partibus, nullum non movit lapidem, ut eas ad concordiam ineundam flecteret: At Rupertus, homo juvenis, ac divitiis à defuncto socero acceptis tumidus, non modo protervè subterfugit arbitrium Cæsaris; sed etiam soepius amicè monitus, ac tandem inobedientiæ causâ Cæsareæ proscriptionis fulgore percussus, rem suam ferro & armis committere maluit, quàm prudentiæ & æquitati.

Tum verò Cæsar, ne supremam auctoritatem suam planè despici ac veluti sub pedibus haberi sineret; confestim omnes imperii Principes ad arma vocat. Et quia jam satis norât, Philippum Palatinum, Ruperti supra dicti patrem, eadem rebellionem implexum esse; jubet eos, divisis exercitibus in terras amborum ire. Præcipuum

puum belli robur ducebat Imperator ipse, cui præter Albertum Bavariæ Ducem aderat Ericus Brunsvicensis, & Fridericus Marchio-Brandenburgicus: certumque erat, victoriam penè totam in manibus ipsorum fore, si adventantes Bohemorum infidelium copiae ab iisdem prius obteri ac profligari possent, quàm Ruperto conductori suo se conjungerent. Cæsar igitur, ut viam his abscinderet, festinatis itineribus castra movit Ratisbonam; ibique eos ex improvviso obruens, felicissimo * conflictu stravit, ferè citius victor hostium salutatus, quàm bellandi initium faceret. In eo prælio Ericus Dux Brunsvicensis à devictis Hussitis * principale ipsorum labarum, aurato calice insignitum retulit; illudque postmodum in Ecclesia Mündensi, ad Werræ & Fuldæ confluentem, velut æternum victoriæ monumentum appendi fecit.

Bohemi, à Ruperto conducti & accessit à Cæsare profligantur.

Auctores iidem.

* *pridie 7. aus Sept.*

* *Ghytrius l. 5. Sax. pag. m. 138.*

Jam dimidium belli confectum erat, cùm ista Bohemorum conjunctio successum non haberet. Quare & suum Cæsar exercitum subdivisit, alteramque illius partem reliquit in Bavaria contra ceteras Ruperti copias; alteram verò secum ipse in Palatinatum abstulit contra Philippum Ruperti patrem. Sed hîc non erat opus longiori Marte; nam eodem ferè tempore adhuc alii tres exercitus illuc ierant, Palatini terras à diversis lateribus invasuri. Primus erat Udalrici Ducis Würtenbergici, quem cum viginti millibus peditem & octingentis equitibus venisse referunt. Alter Wilhelmi Hassiæ Landgravii, quem comitati sunt Henricus Dux Brunsvicensis, & Henricus Mecklenburgicus. Tertius erat Alexandri Comitis Veldentienensis: si tamen ille exercitum adduxisse dicendus est, cujus copiae breviores erant, magisque rusticano agmini, quàm exercitui bene ordinato similes. Hi omnes, dum unà simul in Palatinatum ruerent, ità ibidem velut in hostico grassati sunt, ut nobilissima illa regio brevi tempore in luctuosissimam solitudinem conversa fuerit. Fumabant incendiis pagi, gemebant urbes murorum ornamentis denudatæ, cadebant in terram præcelsæ turres & arcium superbarum culmina, monasteria templaq; optima in cineres & favillas abiêre: non quòd cum iis gereretur bellum; sed quòd armati hostes intrà eorum septa se recepissent. Rupertus ipse, belli totius fax, intrà hos tumultus martios, unà cum Elisabetha conjuge sua, eodem anno extinctus est, relictis duabus vel tribus prolibus, quas parentum obstinatio infelices fecerat. Mirum interea, quâ benignitate & clementiâ Maximilianus Imperator usus fuerit, non solum erga prædictos orphanos; sed etiam erga Philippum Palatinum. Hoc enim devicto, & rebellionis* admittæ venam postulante, continuo militem omnem à Palatinatu reduci jussit: severèque simul indixit Principibus belli sociis, ut in posterum ab inimicitis absti-

Ditiones Palatinæ à Cæsare ac tribus aliis exercitibus invaduntur.

Trishem.

to. 2. Chro.

Hirsaug.

Langius in

Chro. Ci.

117.

Palat. in

Aquilâ An-

striacâ.

Ghytrius

l. 5. Sax.

Rupertus cum uxore sua in his turbis moritur.

Auctores iidem.

* *Trishem.*

to. 2. Chr.

Hirf. ad

hanc ann.

D

nerent;

p. 606. & nerent; & si quid amplius querelarum foret, ad comitia sequentis
627. anni juxta receptam Imperii consuetudinem deferrent.

Terræ mo-
tus in West-
phalia.

Westphalia cum his turbis militaribus nihil commune habuit. In ea tamen duæ aliæ mutationes, perenni memoriâ dignæ, hoc anno contigerunt. Prima est insolita concussio vel tremor terræ, de quo manuscriptum Chronicon Dominicanorum Tremoniensium ita memorat: *Anno 1504, ipsâ nocte Bartholomæi Apostoli, terræ motus factus est magnus in partibus Westphalia, et circa Rhenum, et Colonia, ita ut multa ædificia commoverentur, turres ac muri succuterentur.*

*Westhov.
in Chron.
Tremon.
ms.

Duravit autem hic terræ motus, teste *Westhovio, per decursum unius Psalmi quinquagesimi: neque ferè alia labe ex eo consecuta, quàm quod orbes mensales, patenæ, scutellæ, aliæque hujusmodi vasa stannea & cuprea (quæ à veteribus in interiore ac propædæula domuum suarum parte ad splendorem exponi & ostentari è ligneo theatro vel suggestu siveverant) de superiore loco excussa,

Joannes de
Steck, Co-
mitum Tre-
moniensium
ultimus,
moritur die
5 Aprilis.

Chron. Tre-
mon. ms.

*ergo die 5.
April. Pa-

scha enim
fuit die 7.

Aprilis.

Comitatus
Tremoni-
ensis à
Maximilia-
no Cæsare
magistratui
& urbi Tre-
monienfi
in feudum
datur.

Chron. ms.

Tremon.

*Westhov.
in ms Chr.

Tremon. ad
hunc ann.

atque in terram dejecta fuerint. Altera eaque insignior mutatio hoc anno consecuta est ex funere Joannis Steckii, Comitatus Tremoniensis in Westphalia possessoris ac hæredis ultimi. Vitam hic sinè stirpe virili clausit *feriâ sextâ in Parasceve; ac triduo post, nimirum feriâ secundâ Paschatis, Tremonia in templo Minoritarum ante aram principem tumultus est, comitante urbis totius Magistratu. Vacantem ejus comitatum, neglectis consanguineorum precibus, Maximilianus Imperator eodem hoc anno in feudum tradidit civitati Tremonienfi: tum quia hæc jam à duobus ferè seculis medietatem istius comitatûs, quam à Comitibus prædictis emerat, clientelari beneficio possidebat: tum quia medietas altera, quæ tunc vacabat, ante omnes alios competitores huic urbi concedenda erat vi quarundam conventionum, gratiarum ac privilegiorum, de quibus Imperator ipse in diplomate infeudationis apud *Westhovium hoc modo loquitur: *Posteaquam verò per obitum quondam Joannis Steck altera medietas ejusdem liberi comitatûs ad nos et Sacrum Imperium recidit, eaque vigore quarundam conventionum, gratiarum, ac privilegiorum, quibus ipsi consules et magistratus à nobis nostrisque decessoribus cum in finem communiti sunt, iisdem præ quovis alio adscribi et concedi debet; suppliciter ac demissè nos exorârunt, ut unâ cum dimidia parte jam ante habita, etiam residuam ejusdem liberi comitatûs ad partem, prout eam possedit quondam Joannes Steck, sibi in feudum traderemur. Nos igitur, attentâ eorundem humili ac devotâ petitione etc. - - - Datum in aula nostra ante Kuffsteinium, die 12 mensis Octobris, anno post Christum natum millesimo quingentesimo quarta.*

Moritur
Bertholdus
Archiepisc.

Finem hujus anni funestavit inopina mors Bertholdi Archiepiscopi moguntini, Ecclesiæ nostræ Metropolitanæ; cui dies decima nona

nona Decembris laudatissimæ vitæ filium incîdit. Vir erat per-
 magnæ auctoritatis & prudentiæ, ingenio acutus, eloquio prom-
 ptus, laborum patiens, rerum experienciâ versatissimus, ideoque
 & Maximiliano Imperatori cum primis charus. Ajunt, primo &
 ultimo *ipsius anno crevisse tantam vinorum copiam, ut mensura
 vini solùm constaret quatuor obolis; nec defuerint, qui ut novum
 generosius acciperent, vinum vetus aut effuderint, aut murorum
 coementa eodem effuso temperârint. Suffectus est in ejus locum,
 die 30 Decembris ejusdem anni, Jacobus de Liebenstein, Metro-
 politanæ Ecclesiæ Decanus: quem & Bruschius anno 1504. ele-
 ctum asserit; etiamsi paulò antè per errorem calami vel typi refe-
 rat, ejus decessorem obiisse anno 1505.

Moguntin⁹
 Serar. l. 5.
 rer. Mog.
 Bruschi in
 Catal. Ar-
 chiep. Mog.
 Trithem.
 10. 2. Chro.
 Hirs. ad
 ann. 1505.
 *Serar. loc.
 cit.
 Succedit Ja-
 cob⁹ de Lie-
 benstein.
 Ser. ibid.

Annus Christi 1505.

JULII II. Pontificis 2. & 3.
 MAXIMILIANI I. Imper. 12 & 13.
 HERMANNI Administrat. 7. & 8.



Olonia Agrippina Maximilianum Imperatorem hoc
 anno vidit in comitiis publicis, magno splendore ibi-
 dem habitis, omniumque Ordinum concursu fre-
 quentissimis. Cœpta hæc sunt ineunte Julio, præ-
 tæque Cæsarem è proceribus infulatis aderant Hermannus Archi-
 Episcopus Coloniensis, Ecclesiæ nostræ Administrator, Jacobus
 Archi-Episcopus Trevirensis, Conradus Episcopus Monasterien-
 sis, Laurentius Episcopus Herbipolensis, Georgius Bambergensis,
 Fridericus Ultrajectensis, Christophorus Labacensis, Petrus Ter-
 gestensis, Matthæus *Gurcensis, Christophorus *Chiemensis:
 è Principibus verò sæcularibus Philippus Elector Palatinus cum
 tribus filiis, Fridericus Elector Saxonicus cum Joanne fratre &
 Georgio patruo suo, Joachimus Elector Brandenburgicus cum
 Friderico patruo, Ericus Dux Brunsvicensis, Henricus Dux Lawen-
 burgensis, Wilhelmus Dux Juliacensis, Henricus Dux Mecklen-
 burgensis, Wilhelmus Landgravius Hassiæ, Joannes Comes Hol-
 satiæ, Philippus Comes de Waldeck, Adolphus Comes Nassoviæ,
 Fridericus Comes de Zollerem, aliique Comites, Barones, Nobi-
 les, Urbiumque & Ordinum Legati plurimi. Scopus istorum
 comitiorum præcipuus erat, belli prioris reliquias abolere, & si
 quæ offensionum ac dissensionum causæ adhuc superessent, eas-
 dem ex æquo & bono consopire. Quod ut majori cum efficacia
 fieret, Philippus Elector Palatinus, à Friderico Saxonix septem-

Maximilia-
 nus Cæsar
 Colonix
 celebrat
 comitia pu-
 blica.
 Trithem.
 10. 2. Chro.
 Hirs. aug.
 Brower. 10.
 Ann. Trev.
 Surius in
 *Gurca
 urbs Episc.
 submetrap.
 Salisburg.
 *Chiemum
 germanicè
 Chiemo
 sen / urbs
 Episcopalis
 sub Mc-
 tropoli Sa-
 lisburg.

Philippus
 Palatin⁹ re-
 conciliatur

Cæsari; & componitur pax inter ipsum & Albertum Bavarum. *Trith. 10. 2. Chron. Hirsaug. Palatius in Aquila Austr.* viro ad folium Imperatoris deductus, & coram eo in genua provolutus, demissè petiit, clementer agi secum, & criminis admissi veniam indulgeri. Hac autem impetratâ processum est ad leges pacis, conventumque in hos articulos: Philippus Elector amittat ac dimittat ea, quæ superiore bello amissa sunt: Albertus Bavarus ditiones omnes, à Georgio Duce quondam possessas, ad suum Ducatum retrahat: Ruperti Palatini proles accipiat eam ditionum controversarum partem, quæ inter Danubium & Nabum fluvios ad antiquos limites Palatini dominatûs adjacet: atque has leges pacis ad amissim observent omnes, quorum interest; neque plura poscant vel accipere contendant sub gravissima poena læsæ Majestatis.

Cæsar in bellû proficiscitur contra Carolum Geldrum. *Trith. 10. 2. Chron. Hirsaug. Brower in annal. Tre. vir.* Colonia Cæsar à Philippo Filio in Geldriam evocatus est contra Carolum Egmondanum, turbatorem Belgii. Filius hic erat Adolphi Geldri, hominis impiissimi, qui Arnoldum patrem sola dominandi libidine diuturnis in vinculis detinuerat: quique ideo ab eodem Arnoldo *patre suo non solum exhæredatus; verum etiam avito Geldriæ Ducatu per bonorum omnium venditionem exutus fuerat. Ac tametsi ab eo tempore Ducatus hic sub potestatem Principum Belgicorum venerit; Carolus tamen, mali patris pejor filius, Geldriensium seditione in avitam ditionem sese iterum intromiserat; indèque coeperat Gallorum auxiliis toti Belgio infestus esse. Dissimulaverat hæc aliquantulum Philippus Archidux, Belgarum Princeps. Tandem verò, cum inquietum illud caput à molestiis inferendis non desisteret, eundem justo bello adoriri statuit. Itaque primùm anno superiore in ipsum emisit Florentium Isselsteini-um; qui eundem in agro Dordracensi palantem occupans tam feliciter profligavit, ut ejus miles, loco humido ac glebofo constitutus, trepidissimâ in fugâ mille calceorum paria* luto infixâ relinquerit. Mox etiam Philippus ipse per æstatem hujus anni in Carolum turbatorem prodiit: & occupatâ Graviâ, quæ portas ultro aperuerat, repentino Marte *Arnhemium circumfudit. Potuisset hæc urbs obsidionem bene longam ferre: sed ubi cives comperere, Maximilianum Imperatorem cum aliis Principibus in Geldriam advenire; ditione subitâ fortunarum suarum incolumitatem pacti sunt, oblatis numeratisque florenorum aureorum octo millibus, quos Philippus Archidux viritim in omnes milites distribui jussit. Exemplum hoc è vestigio consecutæ sunt urbes aliæ, Harderovicum, Thiela, Bommelia, Hattemium, Elburgum, Doisburgum, Lochemium, Grolla, cum plerisque nobilium domini-um arcibus: neque dubium erat, quin Egmondanus eodem armorum cursu totâ Geldriâ fuisset ejiciendus, nisi blanditiis ac demissione fictâ ruentem impetum avertisset.

Arnhemium in adventu Cæsaris Philippo Belgarum duci se submittit, unâ cum aliis urbibus. *Haraeus & Snoyus loc. cit.*

Au-

Audiêrat vir astutissimus, Isabellam Hispaniæ Reginam ex-
eunte anno superiore defunctam esse; ideoque Philippum Isabel-
læ generum, cum Joanna Coniuge sua in Hispaniam cogitare, ut
ibidem accipiat coronam regni. Petitâ igitur fide publicâ, ad Phi-
lippi genua se provolvit, inquiring: *minimè se parem esse, qui bellum*
gerat cum tanto Principe: cupere se tantum, ut constituentur iudices ad
examinandum utriusque jus; atque interea permittatur sibi, residuam Du-
catûs parem retinere. Id si fieret, se cum Domino suo novo Rege in Hi-
spanias profecturum esse; visurumque, ut ejusmodi comitatu honorario ad
hoc iter sese compareret, qui Regi profecturo gaudium, et Hispanis, Germa-
nicorum apparatus inusuetis, admirationem pariat. Credidit Philip-
pus homini versipelli, præsertim quòd itineris Hispanici Comi-
tem se futurum, non solum jure jurando; sed etiam (ut Haræus
refert) *accepto* sacratissimo Christi corpore confirmârit.* Apparantur
ergo biennialium induciarum tabulæ, nullis temporibus observan-
dæ. Maximilianus iisdem approbatis Coloniam revertitur; alte-
ròque die ibidem omnes urbis campanas, veluti re feliciter gestâ,
festivum resonare jubet. Philippus bonâ spe delinitus, reliquos
anni menses consumit unicè in adornandis omnibus, ad intentum
iter necessariis: ridente interim Carolo Geldro; & victorem suum,
à quo debellari poterat, his offuciis tam fabre ac vafre à se delusum
esse, intrâ sinum sui cordis applaudente.

Porro Hermannus Colonienſis Archiepiſcopus & Ecclesiæ no-
stræ Administrator, posteaquam Imperator Coloniâ rursus disces-
ſerat, profectus est Arensbergam in Ducatum Westphaliæ: tum ut
animum venatu oblectaret in silvis adjacentibus; tum ut rebus no-
stræ diœcesis è viciniore loco vigilantiorẽ oculum impendere
posset. Ibi primùm à nobilibus de Wintzingerode paderanam
partem caſtri Kruckenbergensis & oppidi Helmershusani, quæ iis-
dem oppignorata fuerat, mille centumque aureis redemit *die ve-*
neris post Ægidii. Deinde in festo S. Dionysii Martyris, die 9 Octo-
bris, Monialibus Augustinianis in Brede / propè muros Brakelen-
sis oppidi, confirmavit omnes immunitates ac privilegia, à Simo-
ne decessore suo olim concessa; uti docent sequentes tabulæ.

Hermannus Sanctæ Ecclesiæ Colonienſis Archiepiſcopus, Sacri Roma-
ni Imperii per Italiam Archi-Cancellarius, Westphalia et Angaria
Dux, --- ac Administrator Ecclesiæ Paderburnensis, devota, Nobis
in Christo dilecta, Rectrici, sororibus, et Conventui Domûs vallis Praesen-
tationis Mariæ de Brede nuncupati, ac propè oppidum nostrum Brakel
constituti, salutem in Domino sempiternam. Literas admiſſionis dicti
vestri Conventus, ac Domus vestræ regularis congregationis prædictæ, per Paderborn-
colen.

Carolus Gel-
der dolose
pacem im-
petrat à
Philippo.
Haræus in
Annal.

Brabant.

*Haræus in
annal. Bra-
bant. ad
hunc ann.

Philippus
accingit se
ad iter His-
panicum, fi-
dem fallen-
te Geldro.

ſnoyus l. 12.

rerum Ba-
tav.

Haræus &
alii.

Hermannus,
Ecclesiæ
nostræ Ad-
ministrator
partem no-
stram Kru-
ckenbergen-
sis, & oppi-
di Helmers-
husani, re-
dimit à
Wintzin-
gerodii.

Litera Ar-
chiv. Pa-
derb.

Confirmat
foundationē

& privile-
gia Mona-
sterii Virgi-
num in Bre-
de.

Litera Ar-
chivi Ca-
thedr. Eccl.

colenda memoria quondam Dominum Symonem, nostrum in dicta Ecclesia Paderburnensi immediatum prædecessorem, de dato anni Domini millesimi quadringentesimi nonagesimi, die Luna, quintâ mensis Aprilis, vobis per ipsum concessas, nobis nuper pro parte vestra, ad illas per nos de Capituli nostri et Archidiaconi loci dictæ vestræ Domûs consensu ratificandum exhibitas et præsentatas, per nos visas, sicut petiistis, ratas et gratas habuimus et habemus: eamque clausulam, quâ inibi dictus noster prædecessor vos et dictum vestrum Convantum ab omni impetitione temporali, omnibusque exactionis, petitionis, seu contributionis, per nos et Successores nostros imponendis oneribus perpetuò liberare et eximere voluit, aliis juribus nostris et Ecclesiæ nostræ quibuscunque penitus exceptis harum nostrarum serie literarum, de Capituli et Archidiaconi Ecclesiæ nostræ prædictorum consensu ratificamus, et perpetuò comprobamus. In cujus rei testimonium præsentem literas nostri sigilli muniri iussimus et fecimus appenditione roborari. Et Nos Decanus et Capitulum, ac Theodericus Varense Camerarius, loci Domûs prædictæ Archidiaconus, in evidens testimonium præmissorum et singulorum, sigilla nostra post Reverendissimi Domini nostri sigillum, supra dictis huiusmodi literis ratificationis ejusdem, in signum nostri consensûs iussimus et fecimus respectivè appendi. Datum in castro nostro Arensbergensi, anno Domini millesimo quingentesimo quinto, ipso die sancti Dionysii Martyris.

Gravissimè
commove-
tur contra
Delbru-
genes,
multorum
excessuum
reos.
Ex literis
Archivi
Delbrug.

Eodem hoc tempore ab Hermanno Administratore cudebantur gravissima irarum & comminationum fulmina contra nostræ Dioecesis inquilinos in tractu Delbrugenfi. Populus hic, potissima ex parte in ericetis locisque palustribus habitans, ab aliquot annis in eam agendi & exorbitandi licentiam venerat, ut nullâ habitâ ministrorum Episcopaliū reverentiâ, justitiam pessundaret, leges violaret, tumultuosis vocibus in iudicium iret, innocentes divexaret, infirmiores opprimeret, factiones concitaret, aliâque non pauca ageret, unde non solum omnis boni regiminis everfio; sed etiam quotidianæ partium turbæ, verbera, percussiones, vulnera, homicidia, plurimâque id genus mala consecuta fuerant. Commovebant hæc acerrimè Hermannī Principis iracundiam: certumque erat, eum in Delbrugeses non solum poenâ pecuniariâ; verum etiam suppliciis corporum, exiliis, mutilationibus, & privilegiorum veterum obolitione animadversurum fuisse, nisi duo nobiles viri, Philippus & Joannes ab Hôrde, consanguinei ac Dynastæ in Boke, ruituram Principis indignationem salutarī consilio prævertissent. Horum impulsu Delbrugeses, tempestatem suis capitibus imminentem fugituri, patrociniū quæriverunt à Majoris Ecclesiæ Capitulo, enixè deprecantes, ut suā causâ Principem offensum adcant, ejusdemque permissu faciant, sibi ex tribus Ordinibus Diœce-

Implorant
hi patrocini-
um Capi-
tuli Cathe-
dralis.
Ex literis
Hermannī
Admini-
stratoris in
archivo
Delbrug.

Diœcesanorum statibus designari duodecim arbitros, qui non procul à Bokenfi castro ad iudicium conveniant, Delbrugensium excessus et peccata audiant, pœnam exigant, et, quæ in posterum emendanda vel præcavenda fuerint, ex equo et bono statuunt. Promittere se vicissim, quòd eorum arbitrio stare, pœnam exsolvere, inobedientes aut refractarios tradere, ac denique novam iudiciorum suorum formam, suis Privilegiis consentaneam, cum approbatione sui Principis acceptare perlubenter velint.

Acceptârunt hanc petitionem Reverendissimi Domini Cathedralis, & obtento Principis annutu designârunt è Capitulo Wilhelmum de Westphalen Decanum, Ludolphum de Busch Scholasticum, Pancratium* de Westphalen Archidiaconum sedis Hordusianæ, ac Theodericum de Varenfel Cathedralis Ecclesiæ Camerarium: ex equestri Ordine Philippum & Joannem ab Hörde Dominos in Boke, Bernardum seniore Dynastam in Büren, & Henricum de Westphalen: ex urbibus patriæ duos consules Paderbornenses, quorum unus erat Ludolphus Schnërman; ac duos Warburgenses, quorum præcipuus erat Bartholdus à Geismar. Hi duodecim, feriâ tertiâ* post S. Michaëlis, in congressum pacificatorium coiverunt ante castrum Boke, in loco* ab hoc conventu celebri; ubi & ingens Delbrugensium turba convenerat, rerum gerendarum seriem præstolatura. Accusatores ipsorum erant quatuor Consiliarii, ab Hermanno Præsule nominati, nimirum Vincentius de Schwanenburg Magister aulæ, Gaspar Reneke Metropolitanæ Colonienfis Canonicus Presbyter, Arnoldus de Schorlemmer Satrapa* provincialis, & Petrus von Eins provincialis* quæstor. Ab his omnium accusationum, delictorum, excessuum, & prævaricationum capita Delbrugensibus longo ordine prælecta sunt; simulque incussus terror ingens ex denuntiata Principis iracundia. Cùm autem iidem Consiliarii à prædictorum facinorum publicatione procedere ulteriùs vellent ad prælegenda reorum supplicia; duodecim illi pacificatores quantocyus inter venerunt, suspensâque poenali sententiâ polliciti sunt, *curaturos se, ut offenso Principi satisfiat. Delbrugenses quidem deliquisse graviter; sed tamen à suis culpis respiscere, ideòque et contumaces reputari non posse. Dolendum esse, quòd peccârint; gaudendum verò, quòd præteritarum noxarum penitentiam ceperint. Cupere eos, in gratiam offensi Principis recipi; paratòsque fore ad acceptanda omnia, quæ vel ad ipsorum correctionem, vel ad innovandam iudiciorum Delbrugensium formam visa fuerint expedire.*

Ex cujus patrocinio designantur è statib⁹ patriæ duodecim arbitri.

Ex iisdem literis.

*germanice Tracht Westphalen.

*erat hæc dies 30 septembr. sub litera Dominicali E.

*Vulgo vor der Schlinggen.

*Lando Droste.

*Lando Rentmeister.

auditisque Delbrugensium excessib⁹, promittenda eorum pœna intercedunt.

Ex literis Hermanni Administ^r. in archivo Delbrug.

Ità concilium illud hac die solutum est. Postea inter eosdem pacificatores actum de mitiganda poena, Delbrugensibus reis infligenda. Postremò etiam per menses aliquot laboratum in conficien-

Conficitur nova Del-

brugenſiū
judiciorum
forma ex
veteribus
privilegiis,
& ſequenti
anno pub-
licatur.

Ex literis
ante dictis
de aō 1506.

*uff dem
Keller-
berge/ ali-
as Keller-
brinck.

ficienda nova regiminis Delbrugenſis & judiciorum nationalium forma, antiquis ipſorum juribus ſentanea. Quæ deinde ſequenti anno ab Hermanno Antiftite confirmata; ac tandem à prædictis duodecim pacificatoribus *die Mercurii poſt Dominicam 2dam à Paſchate*, quam appellant *Miſericordia Domini*, Delbrugenſibus omnibus, in clivo * Relleriano congregatis, ſolenniſſimè tradita ac promulgata eſt. Exemplar iſtius conſtitutionis Episcopalis aſervatur in chartulario Delbrugenſi. Et quia germanico ſermone ſcripta eſt, nec multum poteſt prodeſſe publico; ſatis erit, ſolam ultimam illius partem, latinè redditam, hîc adjungere, quæ ita habet: *Atque, ut hæc ordinatio perpetuis temporibus ita obſervetur, Nos Hermannus Archi-Epiſcopus Coloniensis --- et Eccleſiæ Paderbornenſis Administrator, pro nobis noſtrisque in Diceceſi Paderana ſucceſſoribus, in teſtimonium hujus rei, ſigillum noſtrum hiſce literis, cum filo ſerico rubri coloris, ab utraque parte per omnes paginas tranſmiſſo, appendi fecimus: ac ſubinde à Reverendis nobiſque dilectis ac devotis Decano et Capitulo Majoris Eccleſiæ Paderbornenſis ſlagitavimus, ut et ipſi eandem ordinationem et conſtitutionem ſigillo ſuo, quo ad cauſas utuntur, in ſignum conſenſus et voluntatis ſuæ communiant. Quod Nos Decanus et Capitulum ſuprà dictum, in ſignum conſenſus noſtri à nobis factum eſſe proſitemur. Datum die jovis poſt S. Gertrudis, anno Domini milleſimo quingenteſimo ſexto.*

Annus Chriſti 1506.

JULII II. Pontificis 3. & 4.

MAXIMILIANI I. Imper. 13. & 14.

HERMANNI Admin. Pad. 8. & 9.

Philippus
Belgarum
Princeps, in
Hiſpaniam
navigatur,
adverſa
tempeſtate
rejjicitur in
Angliam.



Spondan.
ad hunc
annum.
Trish. 10.
2. Chron.
Hirſaug.
Palas. in a-
quila auſtr.
Heraus in
annal. Bra-
bant.

Annus hic ab initio infelix, ac tandem etiam fatalis fuit Philippo Belgarum Principi, Maximiliani Imperatoris filio. Solverat hic è portu Belgico poſtridie ſanctorum trium Regum, abiturus in Hiſpaniam cum Joanna conjuge ſua, Regni Caſtella-ni hærede. Etecce! vix iter unius bidui emenſus erat, cum repente cœlum inhorreſcere, claſſem ejus diſſicere, navium aliquas in Hiberniam, alias in extrema Scotiæ, alias aliorſum pellere, pro ut fortuna quamlibet ac pelagus iratum ferret. Philippus & Joanna poſt innumera vitæ pericula, Deo ſœpius invocato, ægre tandem in portum Anglicanum incurrerunt: unde non multò poſt ab Henrico Rege Windeforium invitati, & omni officiorum genere in Aprilem uſque detenti ſunt.

Re-

Reparatis ibidem navibus, rursus ingressi pelagus, prospere vento in Hispaniam pervenerunt exeunte jam Aprili. Tripudiabat in adventu suorum Principum tota Castilia; magnisque gaudiis collocabat eos in throno Regni, invito licet Ferdinando Rege, Philippi focero. Sed hoc gaudium brevi rursus in acerbos dolores conversum est. Vix enim Philippus Rex Coronæ Castellanae commoda per unum alterumve mensem degustaverat; quando post lusum pilæ, ex potu frigida avidius haustæ, in morbum fatalem decidit, & septiduo post cum incredibili subditorum suorum luctu extinctus est Burgis in Hispania die 25. Septembris, anno ætatis suæ vicesimo octavo. Mortem ejus propè omnis Europa flevit, exceptâ Galliâ. *Erat enim Princeps, teste *Palatio, robustus corpore, plenus pectore, concinnis membris, decorâ facie, virtutibus animi clarus, et gravitatem Regionum gressuum ingenuâ liberalitate mulcens.* Reliquit ex Joanna conjuge sex liberos, videlicet Carolum V. & Ferdinandum I. Imperatores; itemque filias quatuor, Eleonoram, Isabellam, Mariam, & Catharinam posthumam, omnes deinde variis Europæ Regibus in matrimonium datas. Corpus ejus tumulatum est in Hispania apud Burgos; cor autem ex ejus mandato ad Belgas missum, & (utî Haræus *refert) Brugis in Flandria depositum est apud ossa Matris suæ, cum *hoc epitaphio:

Urbes et populos, diversâque regna tenebam:

Spes dabat imperium, spes dabat orbis opes.

Si spes in quoquam, fuerat mihi gloria prima:

Heu! heu! quanta fuit spes mea, tanta jacet.

Perversa quorundam hominum sceleratorum consuetudo est, ut, cum ædes aliorum ardent, ad incendia quidem currant: non tamen, ut auxilium afflictis præbeant; sed, ut ex eorum afflictione, rapiendo ac deprædando, locupletiores fiant. Idem in hujus funeris eventu egit Carolus Egmondanus, Geldriæ Dux, quem anno superiore ferè penitus devictum ac debellatum vidimus. Promiserat ille, se profecturum cum Philippo; sed, cum eundumerat, fingeat morbum. Biennales armorum inducias cum Belgio pactus erat; sed, auditâ Philippi morte, continuo rursus his disruptis in Belgium irruit, Brabantiam invasit, Torholtum incendit, vicus & oppida infirmiora despoliavit, nihilque non egit, quo & suas fortunas erigere, & belli prioris damna reparare posset. Accendebat audaciam ejus, quod auxiliares copias acciperet à Rege Gallia; nec pupillis facile ad manum esset, qui ditiones Belgicas loco ipsorum regeret. Cæsarem enim, pupillorum avum, terrebant memoria anni millesimi quadringentesimi octogesimi octavi,

E

quan-

Reparatis
classe rursus
ingressi
pelagus, in
Hispaniam
venit; ibique
coronatus
Castellanae
Rex, cum
ingenti omnium
dolorum moritur.

Auctores
idem.

*Palat. loc.
cit. n. 104.

*Haræus in
ann. brabant.
*Palat. in
Aquila
ant. brabantica.

Carolus Geldriae
Dux, auditâ
Philippi
morte, ruptis
induciis
irruit in
Brabantiam.
Haræus in
ann. brabant.
Snoyus l. 1.
se. rer. brabanticae.

*Schasen,
& Harans
ad annum
1488.

Belgæ Cæ-
sarem in-
eunte se-
quente an-
no per Le-
gatos ro-
gant, ut pu-
pillorum
loco susci-
piat guber-
nationem
Belgii.
Harans in
ann. brabant.
Snoys l. 13
rerum Ba-
varicar.

quando in eodem *Belgio à tutela Philippi filii per tumultum populi exclusus, & (quod longè indignius) in custodiam ferè quadrimestrem Brugis in Flandria detrusus fuerat. Itaque ut hunc obicem auferrent Belgarum procures, hinc à Geldro & inde à Gallorum incurfu trepidi; sub initium sequentis anni Legatos ad Cæsarem mittunt, qui & vicarium pro pupillis regimen ei deferrent, & veteris injuriæ plebæ veniam ab eo poscerent. Inter alios Hauthemius, Brabantiae Cancellarius, nervosissimam orationem suam hac de re habitam ita clausit: *Indigent regales pueri tuo, Cæsar, auxilio; tremulæque id voce per nos eblandiuntur: injuriosa plebs præteriti erroris culpam deprecatur: nos, et boni omnes maturando adventui tuo supplices insistimus: Deus Cæsarem venire jubet, natura subditorum flagitat, extrema rerum Belgicarum necessitas extorquet, seque id extorturam esse, planissimè confidit.* Motus hac oratione promissit, venturum se, cum primùm posset. Atque ut interea nihil rerum necessariarum omitteretur, Caroli nepotis informationem commisit Hadriano Florentio, postea summo Pontifici; reliquam verò gubernationem filiae suæ Margaretæ, Philiberti sabaudiae Ducis relictae Viduæ.

Paderborna magnam
partem gravi incendio
conflagrat.
Ejusdem origo & progressus.
Ex vetusto
codice urbis & curia
Paderb.

Luctuosissimus etiam hic annus fuit urbi Paderbornæ, stragem admodum doloriferam passæ ab exitiali incendio, quo ferè quarta vel quinta pars urbis intra paucas horas in cinerem & fumum abiit. Natum est hoc incendium *die S. Gertrudis, feriâ tertiâ post Dominicam Oculi*, in platea sita ex adverso Forensis Ecclesiæ, vulgò dictæ *Die Markt-Kirche*: auctorque illius fuit homo aliquis emotæ mentis, qui ibidem ex phrenêsi decumbens in loco superiore domus imprudens insciensque accenderat fasciculum straminis. Inde flamma sub meridiem surgens, ab occidentali vento, qui tum afflabat, in orientem propulsa est versùs urbis Paderanæ curiam: consumptisque ædificiis omnibus, quæ interjacent, eodem incendio concremavit plateam * Schilderensem, Kötterhagensem, Grovensensem, Kolgrovensensem, Campensem cum templo Minoritarum, & quidquid ædium post plateam Campensem est usque ad urbis muros post Ecclesiam collegiatam sanctorum Petri & Andreæ in *Bustorff*. Universim hoc ingente flammæ diluvio censebantur periisse trecentæ domus, & homines quinque. Meminerunt hujus incendii Franciscus * Irenicus in exegêsi Germaniæ, & Kleinsorgius in historia Westphaliæ manuscripta. At nemo melius, quàm scriptor Synchronus, qui originem & progressum ejus manu propriâ adnotavit in antiquo libro urbis ac senatûs Paderbornensis: ex quo & ea, quæ modò protuli, in breve compendium traxi. Creverat autem hic ignis non solum ab aspi-

rante

*germani-
cæ den
schilderē/
kötterha-
gen/ gro-
we/ Koll-
grove/dē
Rampff.
*Irenic. in
exegesi ger-
man. l. 12.
sub litera
p.


rante ventorum flatu; sed etiam ab ingente aquarum penuria, quæ superior hæc urbis pars huc usque laboraverat. Atque ideo non multò post cum æterno omnium incolarum commodo fabricari coepta est nobilis illa officina * hydraulica, quæ modò Paderbornæ visitur, & immensam aquarum copiam ex urbe inferiore per canales subterraneos in urbem superiorem deducit, uti fusiùs exponetur ad annum 1523.

Priùs autem, quàm Paderborna in hanc miseriam conjiceretur, Hermannus Ecclesiæ nostræ Administrator pro veteri jure nostro Dioecesano consecravit novam Ecclesiam in oppido Beveren. Jacet hoc ad visurgim fluvium saltumque Solinganum haud procul ab Holtzminda, estque intrà limites ditionum Brunsvico-Wolffenbutensium. Jurisdictio tamen spiritualis & Ecclesiastica ab antiquissimis temporibus ad Paderanam Dioecesin pertinet, uti constat ex nostris * veteribus chartis: quarum una ad sedem Huxariensis Archidiaconatus nostri assignat urbes, oppida, & pagos infra scriptos, nimirum *Höxer, Albaxen, Godelheim, Broickhusen, Lücktringen, Erckelen, Boissen, Holtzminne, Oldendorp, Meinbersen, Hornborg, Fleinhusen, Ottbergen, et Beveren.* Juvat hic addere verba Erbenii, qui de templi * suprà dicti dedicatione ità scribit: *Anno MDVI, Hermannus Hassia Princeps, et Antistes Padaburnensis, quem Pacificum vocant, templum, Beveræ à Brunone de Beveren conditum, ipso Vincentii die in honorem S. Joannis Apostoli solenniter consecravit.*

Hermannus Episcopus noster consecrat Ecclesiam parochialem in Beveren. Erbenius apud Paulin. in addition. ad Chron. Huxar. * littera veres Archiv. Paderb. * Erben. loc. suprà cit.

Annus Christi 1507.

JULII II. Pontificis 4. & 5.
MAXIMILIANI I. Imper. 14. & 15.
HERMANNI Administrat. 9. & 10.



um primùm depulsâ hieme succederet anni tempestas mitior, Maximilianus Imperator in urbe Constantiensi aperuit comitia publica; quæ Trithemio teste, à die 16. Aprilis tenuerunt usque ad exitum Augusti. Confluxit illuc magna Principum tam secularium, quàm Ecclesiasticorum frequentia; inter quos tamen Hermannus Ecclesiæ nostræ Administrator numerari non debet: quippe, qui itineris longitudine senioque præpeditus, misit illuc Oratorem suum, Joannem à Reichenstein Metropolitanæ Coloniensis Decanum. Celebratæ hîc primùm solennes exequiæ pro Philippo Imperatoris filio, ante annum defuncto; maximâque pompâ & apparatu lugubri

Cæsar Imperii comitia celebrat Constantiæ Trith. 10. 2. Chron. Hirsang. Brower. in ann. Trev. Sarins in comment. verum gest.

Historia german. archiepisc. Moguns.* **bri adornatum Cathedrale templum, operante ad aram primariam Conrado *Episcopo Monasteriensi, ex pervetusta apud nos Comitum Ritbergicorum prosapia. Consultatum post hæc non parvo tempore de bello inferendo Venetis, decretaque in eum finem octo equitum & viginti duo peditum germanicorum millia: sed nullo penitus tam diuturnæ consultationis, & machinationum in peregrino solo inchoatarum pretio. Prius enim, quam Imperator sequenti anno in Italiam se infunderet, aditus omnes jam à Venetis præclusi erant: & parvæ illæ militum Germanorum copiæ, quas in agrum Cadoritanum intulit, facile ab exercitu Veneto auxiliis Gallorum circumventæ, prostratæ, & in celerem fugam conjectæ sunt.

*Palas. in a. quil. austr. Carol' Gelder iterum infectat Brabantis, cum auxilio Gallorum. Flarus in Ann. Brab. Trithem. in Chron. Hirsang. Surins palas. & alii. *Thienen aliàs Tirolemont. Hermann' Archiepisc. Colon. & Corbejensibus emit alteram partem oppidi Stadbergenfis. Erben. in Chron. Huxar. Monimenta Paderb. sit. Eresburgum n. 9. *vid. Schasten. ad annum 1230.* Longè salubrius & sibi & Nepotum suorum felicitati consulisset, si dilato in tempus aliud bello Veneto, statim arma sua convertisset in auxilium Belgii. Interea namque (dum compararet se contra Venetos) Carolus Gelder, acceptis quadringentorum equitum & bis mille peditum Gallicorum auxiliis, non solum recuperat multas urbes, sibi ante biennium ereptas in Ducatu Geldriæ; sed etiam septembri mense rursus in Brabantiam involat, occupatque *Thinâ (seu Tirlémontio) immensam ex hac urbe & regionibus circumsitis prædam abripit. Neque forsan adhuc fecisset rapiendi & prædandi finem; nisi Rudolphus Anholtenfis, exeunte jam Octobre à Cæsare missus, cum selectis Germanorum copiis advenisset.

Spectabat hæc per quietem Hermannus Antistes noster, verè dictus *Pacificus*; interimque suarum Ecclesiarum commodis intentus, hoc anno singularem hanc fortunam habuit, ut Colonien-si Archi-Episcopatu suo per emptionem acquisiverit universum temporale dominium castri & oppidi Stadtbergensis, quod Eresburgum dixere veteres. Locum hunc olim Corbejensi Monasterio donaverat Ludovicus Imperator, cognomento *Pius*. Post annos deinde quadringentos Hermannus I. Abbas dimidiam illius partem concessit *Henrico Archi-Episcopo, successori S. Engelberti. Postremò & alteram ejus medietatem, quam Corbejenses hucusque retinuerant, Colonien-sibus hoc anno vendidit Franciscus Abbas, ex perillustri familia Dominorum de Ketteler. Successerat hic ante annos tres Hermannò Bômelburgio: statimque omnem sollicitudinem & industriam suam eò verterat, ut Monasterii labentis bona, quæ jam antè per vitam solutiorem vendita, distracta, & oppignorata reperit, in florem aut vigorem pristinum restitueret. At, cùm ubique saccos vacuos & ærarium perforatum cerneret; necessarium huic malo remedium quæsiturus,

rus,

rus, confugit ad Hermannum Archi-Episcopum: acceptisque ab eo ter mille & quingentis florenis aureis, residuam oppidi castrique partem Colonienſi Eccleſiæ tranſcripſit. Superſunt adhuc literæ, ea de re hoc anno datæ *Marspergi** *poſtridiæ S. Ægidii*. Ac *Marsbergum, Stad-berge, Martis-mons, & Eresburgum, nomina ſynonyma.* licet in iisdem Conventus Corbejenſis reſervârit ſibi jus reluendi hanc pecuniam, locumque veterem repetendi; id tamen rectè ac veriffimè, cum Ferdinando Fürſtenbergio, literatiſſimo Antiftite nostro, *ad Kalendas Græcas reſervatum*, dixeris. Pulchrè Erbenius ad hunc annum, in additionibus ad Huxarienſe chronicon: *Anno* inquit, *M.D.VII. vendunt Corbejenſes alteram partem civitatis Eresburgenſis Hermannò Archi-Epiſcopo Colonienſi. Facilius eſt capere, quàm retinere.*

Monafterio Flechtorpienſi ejuſdem Ordinis ac Diæceſis noſtræ in comitatu Waldecenſi, præerat hoc tempore Jodocus Abbas, è coenobio Abdinghoffenſi recentiffimè poſtulat, *Vir, ut Henschenius** loquitur, *pictate, doctrinâ, et rerum uſu ornatiffimus.* Hunc Wilhelmus Haſſiæ Landgravius, Princeps pientiffimus, adeo ſibi charum habuit, ut hoc anno ipſum, totumque Conventum Flechtorpienſem, in perpetuam ſui ſuorumque ſucceſſorum tutelam receperit; ſolam animæ ſuæ majorumque ac poſteriorum ſuorum memoriâ* anniverſariam, die decimâ nonâ Auguſti cum vigiliis miſſis que defunctorum ſolenniter celebrandam, viciffim cum eo pactus. Verùm hæc promiſſa Landgravii tutela, prædolore! ætatem non longam vidit. Paucis enim poſt ejus deceſſum annis Philippus Landgravius, catholiciffimi Patris diſſimillimus filius, non modò veterem proavorum ſuorum fidem ejuravit; ſed etiam, ex perversa Lutheri institutione, monachos omnes & eorum ſacratiffima aſceteria implacabili ſemper odio, quàm diu vixit, perſecutus eſt. Unde etiam proceſſu temporis evenit, ut inſigne monaſterium, invaleſcente Lutheranâ hæreſi, primùm in temporalibus ac ſpiritualibus graviffima damna ſuſtineret; poſtmodum verò (cùm nemo eſſet, qui cadenti religioſorum diſciplinæ manum ſupponeret) ob inquinatiſſimam vitam Balthaſaris Haghmeiſteri, Abbatis ultimi, penitùs everſum ac diſſipatum fuerit, uti ſuo loco memorandum eſt.

Feliciùs in iſtis Luthericarum novationum turbis perſeveravit monaſterium Patrum Franciſcanorum de ſtrictiore obſervantia, quod hoc anno Bilefeldiæ, intra ſpiritualis noſtræ jurisdiſtionis limites, inchoatum eſt. Coeperat id nuper erigi ante Bilefeldiam in monte S. Jodoci, uti ſuprà explicavi ad annum 1501. Sed cùm il- boni Patres brumali tempore moleſtiſſimis ventorum turbinibus, per æſtatem verò iteratâ fontium & aquarum ſiccitate premerentur;

Wilhelm^o
Haſſia
Landgravi^o
Monasteri^o
Flechtorpi-
enſe in ſu-
am tutelam
recipit.
*Henschen-
io, 2. Ss. 70-
niſ, ante
vitam S.
Landelini
pag. 1064.
n. 9.
*Hensche.
loc. cit.
Kleinſorg.
in Hiſt.
Weſtpfal.
mſ.
Sed hæc tu-
tela brevi
deſiit ſub
Philippo e-
juſ filio,
Lytherum
novatorem
ſecuto.

Conditur
hoc anno
Monasteri^o
PP. Franciſ-
canorum
intra ur-
bem Bile-
feldiam.

Julius Pontifex dat licentiam transferendi Monasterium ex vicino monte in urbem.

tur; duæ perillustres familiæ de Wend & Quernheim, commiserationis affectu motæ, commodiorem iis locum intra oppidi Bilefeldiensis moenia largiti sunt. Superfunt hac de re tres donationum factarum tabulæ, quarum primis Lubertus de Wend, anno 1505. die 4 Decembris, cum consensu Annæ uxoris suæ pro construendo monasterio novo donavit ipsis medietatem curiæ suæ, dictæ *der Wendenhoff* / in loco urbis dicto *Hagenbroick*: alteris Hermoldus de Quernheim anno 1506. in Dominica *Reminiscere*; tertiis verò Balduinus, Joannes, Reinerus, & Alardus de Quernheim, feriâ 2dâ post *Reminiscere*, iisdem Patribus transcripsere suam quisque partem *deserte area*, in loco *Hagenbroick* intra urbem Bilefeldiam sita. Quæ omnia cum à Wilhelmo Juliæ & Montium Duce, qui Ravensbergensi comitatu præerat, lubenter approbata essent; iidem Patres ad Julium II Pontificem hoc anno recurrerunt, solumque Monasterium è monte S. Jodoci in hanc urbem transferendi licentiam ab eodem impetrârunt hoc diplomate:

Julius Episcopus, servus servorum Dei, Dilectis filiis, ----- salutem et Apostolicam benedictionem. Exponi nobis nuper fecistis, quod, cum aliàs dilectus filius, Nobilis vir, *Wilhelmus Dux Juliaccensis et Montensis*, de propria salute recogitans, ac cupiens terrena in cœlestia, et transitoria in aeterna, felici commercio commutare, de bonis à Deo sibi collatis, in monte S. Jodoci prope oppidum *Bilvelde* Paderburnensis Diocesis, Domum vestram prout et habitatione perpetuis Fratrum Minorum, de Observantia nuncupatorum, cum Ecclesia, campanili, campana, refectorio, dormitorio, hortis, hortalicis, et aliis officinis necessariis, de licentia sedis Apostolicæ construi et edificari fecerit: propter ventorum tempore hiemali flatus, et aquarum prout vestro necessariarum tempore æstivo carentiam (cùm illas propter loci montuosi altitudinem sine magna difficultate habere non possitis) in eadem observantiam et institutionem regulares dicti ordinis observando, non sine magno incommodo inibi habitare potestis. Quare pro parte tam vestra, quàm dicti *Wilhelmi Ducis*, nobis fuit humiliter supplicatum, ut vobis aliam domum in dicto oppido, ubi juxta regularia instituta dicti Ordinis vivere poteritis, construendi, vobisque ad illam vos transferendi licentiam concedere, ac aliàs statui vestro in premissis opportunè providere, de bonitate Apostolica dignaremur. Nos igitur, qui singulorum præsertim Religiosorum incommoditatibus, quantum in Domino possumus, libenter obviamus, eorundem commoditatibus consulimus, vestris ac dicti Ducis in hac parte supplicationibus inclinati, vobis, de licentia Vicarii Generalis dicti Ordinis de super obtenta, aliam Domum in dicto oppido, quod (ut asseritur) à dicto monte ultra medium miliare *Alemannicum* non distat, ubi juxta regularia instituta dicti Ordinis vivere, et Verbum Dei Christi fidelibus ibidem commorantibus predicare possi-

positis, cum Ecclesia, campanili, cœmeterio, refectorio, dormitorio, hortis, hortaliis, et aliis officinis necessariis, sine alicujus præjudicio pro vestro et Fratrum dicti Ordinis usu et habitatione construi et edificari faciendi, ac structuras et edificia dictæ Domus antiquæ eidem Domui noviter edificanda, applicandi, et uniendo, nec non vos de dicta Domo antiqua ad Domum noviter edificandam hujusmodi transferendi, licentiam et facultatem auctoritate Apostolicâ tenore præsentium largimur. Et nihilominus eidem construendæ Domui, postquam constructa fuerit, et vobis, et aliis in ea pro tempore degentibus Fratribus, omnibus et singulis privilegiis, libertatibus, exemptionibus, immunitatibus, favoribus, gratiis, indulgentiis, et indultis, quibus aliæ Domus dicti Ordinis et illorum Fratres utuntur, potiuntur, et gaudent, ac uti, potiri, et gaudere poterunt quomodolibet in futurum, uti, potiri, et gaudere possitis, eadem auctoritate de speciali gratia indulgemus, jure parochialis Ecclesiæ et cujuslibet alterius in omnibus semper salvo. Non obstantibus felicis recordationis Bonifacii Papa VIII. prædecessoris nostri constitutione prohibente, ne quisvis Ordinum mendicantium Fratres nova loca ad inhabitandum recipere, seu jam recepta mutare præsumant, absque sedis Apostolicæ licentia speciali faciente plenam et expressam, ac de verbo ad verbum, de prohibitione hujusmodi mentionem; et aliis Apostolicis constitutionibus, ac dicti Ordinis juramento, confirmatione Apostolicâ, vel quâvis firmitate aliâ roboratis statutis, et consuetudinibus, ceterisque contrariis quibuscunque: proviso, quod Ecclesiæ antiquæ Domus hujusmodi ad profanos usus non redigatur, sed in ea Missæ et alia divina officia quandoque celebrentur. Datum Romæ apud S. Petrum, sub annulo Piscatoris, die X. Julii, anno incarnationis Domini millesimo quingentesimo septimo, Pontificatus nostri anno quarto.

In terris Brandenburgicis hoc anno Julius Papa duas Ecclesias Cathedralis, Brandenburgensem & Havelbergensem (itâ dictas à duabus urbibus Episcopalibus, Brandenburgo & Havelbergâ) unâ cum earundem Canonicis, qui hucusque Regulares Ordinis Præmonstratensis fuerant, à statu religioso ad secularem Ecclesiasticum Papali dispensatione* transtulit. Videnturque Ecclesiarum istarum Canonici ad hoc petendum & impetrandum animati esse exemplo Canoniorum Raceburgensium in Ducatu Lawenburgico. Nam & hi* à tempore B. Evermodi Episcopi, hoc est, à seculo Christi duodecimo, ejusdem Ordinis Præmonstratensis fuerant; & paulò antehunc annum, dispensante summo Pontifice, ad Canoniorum secularium vitam pertransierant, uti refert *Albertus Crantzius. In has autem tres Ecclesias Cathedralis religiosus Ordo Præmonstratensis, meo judicio, introductus fuerat à tribus olim Canonicis Ecclesiæ Capenbergensis in Westphalia, Evermodo, Walono, et Wigero, qui seculo duodecimo ad Race-

Canonici
Cathedralium Eccle-
siarum, Havelberg-
Brandenburg. & Raceburg. à
statu religioso ad
secularem transeunt.
*Irish. 10.
2. Chron.
Hirsang.
*Crantz. l.
6. Metrop.
6. 28.
*Crantz. l.
12 Metrop.
6. 28.

burgen-

burgensem, Havelbergensem, & Brandenburgensem infulam ac-
 ceriti sunt. De B. Evermodo (qui ex Canonico Capenbergensi
 primùm factus est Præpositus Magdeburgensis in Ecclesia S.
 *Crant. 2. l. 1. MARIE) clarissimè id affirmat *Crantzius ita scribens: *Erat autem*
 6. Metrop. *Evermodus aliquando Præpositus Magdeburgensis: inde translatus ad*
 c. 18. *Episcopatum Raceburgensem, Ordinem Præmonstratensem huc adduxit;*
 Ordo Præ- *permansitque is Ordo in Episcopatu et Capitulo ejus usque in presentem*
 monstra- *diem.* De Walono autem & Witgero id apertè colligitur, partim
 tens vide- *ex regulari observantia, Havelbergæ ac Brandenburgi ab ambo-*
 tur huc o- *rum temporibus usque in hunc annum custoditâ: partim ex vi-*
 lim inve- *ta B. Godefridi Comitis *Capenbergensis, quæ, uti Evermodum*
 esse ex Mo- *ad infulam Raceburgensem; ita pariter Walonum & Witgerum*
 nasterioCa- *ad Havelbergensem & Brandenburgensem, ab Ecclesia Capenber-*
 penbergen- *geni assumptos asserit hisce verbis: Anno Domini MCXXII Ca-*
 si in West- *strum hoc Kapenberg sit Domus Religionis. * A quo tempore plures de*
 phalia. *Fratribus nostris, in diversis extra nos locis, Episcopatus, Abbatias, Præ-*
 *Pisa B. Go- *posituras, et dignitates alias sunt adepti. Episcoporum autem horum, quos*
 defridi, 10. *ab Ecclesia nostra sic assumptos legimus, hæc sunt nomina: EVERMO-*
 1. S. Janu- *DUS Raceburgensis Episcopus, WALONUS Havelbergensis Episco-*
 arii. pag. *pus, WITGERUS Brandenburgensis Episcopus etc. Similem trans-*
 857. n. 1. *lationem à statu regulari ad secularem Ecclesiasticum impetrârunt*
 septennio post Canonici Cathedralis Ecclesiæ Salisburgensis. Nam
 *Hansiz. 10. & hi olim anno 1122, urgente *Conrado I. Archi-Episcopo, am-
 2. Germ. *plexi erant Ordinem Canoniorum Regularium S. Augustini. At*
 sacra pag. *anno 1514, agente Matthæo Langio tunc Salisburgensis Archi-*
 216. *Episcopi Coadjutore, per dispensationem Pontificiam rursus ad*
 statum Canoniorum secularium translati sunt. Qua de re apud
 *Hansiz. l. *Hansizium *videri potest Bulla Leonis X. Pontificis, data Romæ*
 cis. pag. 257 *& sequenti, anno millesimo quingentesimo decimo quarto, X. Kalend. Octobris.*

Annus Christi 1508.

JULII II. Pontificis 5. & 6.

MAXIMILIANI I. Imper. 15. & 16.

HERMANNI Admin. Pad. 10. & 11.

Cæsar im-
 prospere
 transit in
 Italiam,
 brevique
 redit.



*Palatinus
 in Aquila
 Austriaca.

Maximilianus Imperator, bello Venetos appetiturus,
 exeunte Januario Tridentum abiit. Ubi cum audis-
 set, eos cum ingentibus Gallorum auxiliis occurfu-
 ros; aliquot peditum equitumque millia in provin-
 ciam *Cadoritanam, velut in locum securiorem, transire jussit:
 ipse autem citatis itineribus in Germaniam relapsus est, ut inde con-

tra

tra vim hostium numerosiorem exercitum adduceret. Ab-
euntem haud multò post consecuti sunt infelices duo nuntii : unus de
clade militum * relictorum in Italia, quos exercitus Gallo-Venerus
inopino transitu circumvenerat : alter de periculis rerum perden-
darum in Brabantia ; cui Carolus * Gelder, Francorum auxilio ful-
tus, extremam perniciem intentabat. Utrique huic malo simul
occurrere, non erat intrà vires & potentiam Cæsaris. Quare mis-
sis aliquantulum rebus Italicis convertit iter in Belgium, ut nepo-
tum suorum terras ab Harpyjarum Geldriensium unguibus defen-
saret. Ibi Gallus, repenti à Venetorum amicitia retrocedens, Im-
peratori suggerit, ut ineat pacem cum Geldro ; contra Venetos
autem coëat secum in foedus quadruplum, quo ipsimet ambo, pa-
ritérque Pontifex & Hispanus, in eorum excidium se jungant.
Placebat omnibus id consilium, locus ineundo foederi constituitur
urbs Cameracensis, diriguntur huc Legati singularum partium.
Cum Geldro mox convenitur, ut retineat ea, quæ recuperaverat
in Ducatu Geldriae : contra Venetos autem in commune statuitur,
ut omnes quatuor unanimibus armis in eorum ditiones ruerent ;
neque prius desisterent ab iisdem impugnandis, quàm foederato-
rum quilibet recepisset omnes urbes & oppida, quæ sibi quondam
ab iis erepta vel extorta fuerant. Atque hoc est famosum illud Ca-
meracense foedus, quod hoc anno usque ad IV. Idus Decembris
tam incredibilem taciturnitatem confectum asserunt, ut Venetorum
Proceres, quàm primùm rei gestæ fama ad aures ipsorum venit,
fabellam potius quàm veritatem esse existimârunt.

Interea, dum ista fierent, successivè omnes Westphaliae Præ-
sules per decursum præsentis anni in viam æternitatis abiêre. Cho-
ream hanc mortualem ordiri coepit Henricus Episcopus Minden-
sis è familia Comitum Schawenburgensium, Vir (ut ait Crantzius)
animi tranquilli, modestus, pacificus, et semper ita versatus sine querela,
ut per annos triginta quinque sui Episcopatus nemini unquam * detrimen-
to fuerit. Extremas testamenti sui tabulas absolvit breviter * hisce
verbis : Corpus terra, anima Deo, bona pauperibus et amicis commen-
data sunt. Obiit Petershagii in arce sua, die vicesimâ quintâ Ja-
nuarii, in festo Conversionis Divi Pauli, sepultusque est Mindæ in
Ecclesia Cathedrali. Successorem habuit sibi multum dissimilem,
& ingenio magis inquieto præditum, Franciscum Brunsvicensem,
Christophori Verdenfis Episcopi & Coadjutoris Bremenfis fra-
trem ; de quo surrogando jam antè cum Henrico ejus patre à qui-
busdam Capitularibus actum fuerat.

Alter, quem hoc anno Libitina sustulit, est Conradus, è Co-
mitum Ritbergicorum prosapia Episcopus Monasteriensis, & Ec-
clesiæ

* Palat. loc.
cit.

Spondan.
hic n. 1.

* Hareus
in Annal.
Brabant.

Fœdus Ca-
meracense,
quo Ponti-
fex, Cæsar,
Gallus, &
Hispanus,
conspirant
contra Ve-
netos.

Palat. in a-
quit. austr.

Spond. ad
hunc ann.

Hareus in
ann. brabant.

Trith. to 2
chron. hirsf.

Henricus

Episc. Minden-
sis moritur die 25.
Januarii.

Crantz. in
append.

Metrop.

Wittius in
chron. msf.

Kleinf. in
hist. msf.

* Crantz. 1.
12. metrop.

c. 19.

* Crantz. in
Casal. E-
pisc. mind.

succedit illi
Franciscus
Brunsvic.

Conradus
Episcopus
Monasteri-
ensis &
Admini-
strator Os-
nabrugensi-
s moritur
die 9. Febr.
*chron. Mo-
nast. ms.*

clesiæ Osnabrugensis Administrator, vir egregius, & prudentiâ, humanitate, pacisque studio nemini secundus. Præfuit Ecclesiæ Monasteriensi in annum undecimum; Osnabrugensi verò, quam priorem obtinuerat, in annum vicesimum sextum. Obiit Bevergernæ in Dioecesi Monasteriensi, die 9. Februarii; ejusque cor Osnaburgi, reliquum verò corpus Monasterii in Cathedrali Basilica tumulatum est cum hoc epitaphio, in appensa tabula descripto :

*Hac ego Conradus contectus mole quiesco,
Ritbergi comitum stemmata clara ferens.
Romuleas arces ac celsa palatia Regum
pervidi, mores tum varios hominum.
Hanc sedem undecimum possedi lætus in annum,
Principis Imperii functus honore sacri:
Arces, Paule, tibi restaurans mœnibus altis,
cetera structurus; sed cita mors vetuit etc.*

Successit ei
in Episco-
pato Mona-
steriensi E-
ricus è do-
mo Saxo-
Lauen-
burgica.
**Crantz
in initio
appendicis
ad metrop.
*Chron.
monast. ms.*
Et in Episco-
pato Os-
nabrugensi
Ericus Dux
Brunsvi-
censis.
**chron Os-
nabrug ms.*
Qui eodem
anno con-
firmatur à
Pontifice,
simulq; li-
centiam ac-
cipit reti-
nendi Ca-
nonicatum
Ecclesiæ
Paderb.

Monasterii ad vacantem ipsius Cathedram die 24. Februarii postulatus est Ericus Saxo-Lauenburgicus, natus patre Joanne Lawenburgi Duce, matre* Dorotheâ Marchionissâ Brandenburgicâ. Qui & eodem anno, die vicesimâ nonâ Octobris, cum egregio splendore Monasterium ingressus est; & sequenti anno in ara summa Basilicæ Cathedralis primam hostiam Deo obtulit, ministrantibus ejusdem * ambobus fratribus; Joanne Episcopo Hildesienfi tanquam Diacono, & Bernardo Præposito Colonienfi tanquam Subdiacono. Contrà verò Osnaburgi pro Conrado mortuo delectus est Ericus Dux Brunsvicensis, Paderbornensis Ecclesiæ Canonicus, patre Alberto Grubenhageni, & matre Elisabethâ Waldecensi genitus. Hujus loco maluerant cives Joannem comitem de Rittberg, defuncti Antistitis ex fratre Nepotem: atque ideo, ut primùm audiit insana plebs, eligentium vota concurrisse in Ericum, furens ac fremens in plateas proruit * & clamavit: *Nolumus hunc, sed Joannem Ritbergensem.* At Julius Pontifex, qui Ericum è Romano studio jam antè noverat, non modò postulatione mejus ratam & gratam habuit; sed etiam insuper suâ sponte, nullòque rogante indulgit ipsi, ut Paderbornensem Canonicatum cum Osnabrugensis Episcopatus infula conjungeret ac retineret; uti constat è subjecta hîc Papali Bulla:

Julius Episcopus, servus servorum Dei, dilecto filio Erico, ex Ducibus Brunsvicensibus Electo Osnabrugensi, salutem et Apostolicam Benedictionem. Personam tuam, nobis et Apostolicæ Sedi devotam, tuis exigentibus meritis paternâ benevolentia prosequentes, illatibi libenter concedimus, quæ tuis commoditatibus fore conspiciamus opportuna. Cum itaque nos hodie Ecclesiæ Osnabrugensi, tunc certo modo Pastore carenti, de per-

Persona tua, nobis et Fratribus nostris ob tuorum exigentiam meritorum accepta, de Fratrum eorundem consilio duxerimus auctoritate Apostolicâ providendum, præficiendo te illi in Episcopum et Pastorem, prout in nostris inde confectis * literis plenius continetur: et sicut accepimus, tu tem-
* in aliis eodem die datis, quæ supersunt Osnaburgi.
 pore provisionis et præfectura prædictarum Canonieatum et Præbendam Ecclesie Paderburnensis obtineres, prout obtines: Nos tibi, ut statum tuum juxta Pontificalis dignitatis exigentiam decentius tenere valeas, de alicujus subventionis auxilio providere, ac te præmissorum meritorum intuitu gratioso favore prosequi volentes, teque à quibuscunque excommunicationis, suspensionis, et interdicti, aliisque Ecclesiasticis sententiis, censuris, et pœnis, à jure vel ab homine quâvis occasione vel causâ latis, si quibus quomodolibet innodatus existas, ad effectum præsentium duntaxat consequendum harum serie absolventes, et absolutum fore censentes, motu proprio, non ad tuam vel alterius pro te nobis super hoc oblata petitionis instantiam, sed de nostra mera liberalitate, tecum, ut etiam, postquam in vim provisionis et præfectionis prædictarum pacificam possessionem, vel quasi, regiminis et administrationis dictæ Ecclesie Osnaburgensis, et bonorum ejus, seu majoris partis eorum, assecutus fueris, ac munus consecrationis susceperis. Canonieatum et Præbendam prædictos (quorum fructus, redditus, et proventus, viginti quatuor marcarum argenti puri secundum communem existimationem valorem annum, ut etiam accepimus, non excedunt) etiam unâ cum dictâ Ecclesia Osnaburgensi, quàm diu illi præfueris, ut prius retinere liberè ac licitè valeas, Generalis Concilii et quibusvis aliis constitutionibus et Ordinationibus Apostolicis, nec non dictæ Ecclesie Paderburnensis, juramento, confirmatione Apostolicâ, vel quâvis firmitate aliâ roboratis statutis et consuetudinibus, ceterisque contrariis nequaquam obstantibus, auctoritate Apostolicâ tenore præsentium de specialis dono gratiæ dispensamus: decernentes, Canonieatum et Præbendam prædictos propterea non vacare, ac irritum et inane, si secus super his à quoquam quâvis auctoritate scienter vel ignoranter contigerit attemptari, proviso, quòd Canonieatus et Præbenda prædicti debitis propterea non fraudentur obsequiis; sed illorum congruè supportentur onera consuetâ. Nulli ergo omnino hominum liceat etc. - - Datum Romæ apud S. Petrum anno incarnationis Dominicæ millesimo, quingentesimo, octavo, octavo Idus Septembris, Pontificatus nostri anno quinto.

Vix ex literæ abierant in Westphaliâ, cùm iterum Libitinæ Jacobus de Liebenstein Archiepisc. Moguntin⁹ moritur, & successorē accipit Urielem de Gemingen.

**Trish. 10. 2. Chron. Hirs.* anno in *Dominica* * *media quadragesima solenni pompâ consecratus est.*
Die 27 Septembr. moritur Hermannus Archiepiscopus Colonien- sis, & Administrato- r Paderborn. Posterior verò, uti reperitur in veteribus manuscriptis nostris, die vice-
**Cratsep in catal. Arch. Colon.* simâ septimâ Septembris vitam exiit Poppelsdorffii, tanto suâ apud omnes relicto desiderio, ut in ejus exequiis *Colonia et Paderborna* * *omnia in luctu peracerbo fuerint.* Neque id mirum est ob illu-
**Trish. 10. 2. chron. hirs. ad hunc ann.* strissima, quæ in eo constanter fulserant, Episcopaliū virtutum ornamenta. Nam, ut omittam, quòd assiduè pacem coleret (unde & *Hermanni pacifici* cognomen retulit) erat Princeps apprime sa-
**Trish. 10. 2. chron. hirs. ad annum 1480.* piens, mitis, religiosus, & erga inopes tam beneficus ac liberalis, ut nunquam aliquem è pauperibus vel * *mendicis à se vacuum discedere passus fuerit.* In publicis Imperii comitiis, Augustæ, Wormatiæ, Norimbergæ, & alibi, sub horam prandii numerosior egenorum turba confluebat ad illius unius aulam, quàm ad omnes ferè Prin-
**Trish. 10. 2. chron. hirs. ad annum 1480.* cipum reliquorum curias; ideòque & in vulgo proverbium erat: *qui diversorium* * *Colonien- sis Archiepiscopi querit; ibi illud inveniet,*
**Trish. 10. 2. chron. hirs. ad annum 1480.* ubi congregatam viderit multitudinem pauperum. Nec minor erat ejus devotio ac rerum spiritualium cura. Nam præter quotidiana ho-
**Trish. ad ann. 1480.* rarum Canoniarum pensa (quod ex more veteri *Breviarium* di-
**Trish. ad ann. 1480.* cimus) recitabat omni die preces alias voluntarias, ab iisque de-
**Trish. ad ann. 1480.* currendis * vix unquam abstinebat; etiam eo tempore, quo præ-
**Trish. ad ann. 1480.* cipuis Imperii negotiis distentus erat. His adjungebat meditatio-
**Trish. ad ann. 1480.* nes aliquas cum ardentissimis orationibus de passione Domini, quas ejusdem rogatu scripserat Venerabilis Pater Theodoricus * à *Mona-*
**Trish. ad ann. 1480.* sterio, ex Ordine S. Francisci de strictiore observantia vir sanctissi-
**Trish. ad ann. 1480.* mus. Divino etiam Sacrificio constanter intererat quovis die, ni-
**Trish. ad ann. 1480.* si fortè per se ipsum ad aram facere, & æterno Patri agnum illum immaculatum suis met manibus immolare vellet. Consecrationes
**Trish. ad ann. 1480.* Altarium & Presbyterorum * frequenter obibat in persona pro-
**Trish. ad ann. 1480.* pria; tametsi non deessent Antistites Vicarii, quibus id officium committere potuisset. Colonien- si Ecclesiæ præfuit annis viginti
**Trish. ad ann. 1480.* octo: Paderbornensi per annos decem, eâ subditorum pace & ex-
**Trish. ad ann. 1480.* terorum formidine, ut intra decennium istud, Cratepolio * teste,
**Trish. ad ann. 1480.* nemo hostilem animum in terras nostras declarare ausus fuerit.


In ejus locum suffectus est Coloniae Philippus à Daun Comes Obersteinius, Majoris Ecclesiæ Decanus, à Capitulo electus die 13. Novembris; & sequente anno solenni ritu consecratus. Pa-
**Trish. ad ann. 1480.* derbornæ verò eodem Novembri mense ex Capituli nostri Cathedra-
**Trish. ad ann. 1480.* lis gremio postulatus est Ericus Brunsvico-Grubenhagius, jam antè electus & confirmatus Episcopus Osnabrugensis. Ante hu-
**Trish. ad ann. 1480.* jus postulationem unanimi consensu omnium * *Canonicorum,* in-
**Trish. ad ann. 1480.* ter quos & ipse Ericus erat, conventum est in hos articulos: *primò*
**Trish. ad ann. 1480.* *ut, quicumque eligendus foret, intra annum proximum accepta confir-*
**Trish. ad ann. 1480.* *matio-*

mationis, non modò Presbyterum se, sed etiam Episcopum consecrari face-^{pitulatio-}
ret; neque ea in re dispensationem peteret, vel oblatam acceptaret. 2dò, ^{nis in ar-}
ut omnem adhiberet operam ad recuperanda bona, ab aliis Dominis Episco-^{chivo Ca-}
pati nostro subtrahenda; neque pateretur, nostræ Diœcesis bona ad alios Do-^{chedr. Es-}
minos pervenire, aut limites Diœcesanos contrahi. 3tiò, Ut Officia-^{elefia.}
lem suum nullo alio in loco, quàm intra Paderbornam habitare sineret, nisi ^{Qui etiam}
fortè postea inter ipsum et Capitulum aliter conventum fuerit. Quarto, ^{ex conven-}
ut habeat aliquem suffraganeum, qui sollicitè ac sedulò curet, ne Sacra-^{tione præ-}
menta simoniace administrentur aut conferantur etc. Literæ hæ, quas ^{via sequenti}
Capitulationis vocant, à toto Capitulo subsignatæ, datæque sunt ^{anno de-}
Anno Domini millesimo quingentesimo octavo, die veneris post S. Marti-^{buit conse-}
ni, hoc est, die decimâ septimâ Novembris sub litera Dominicali A. ^{crari Epi-}
^{scopus.}

Quâ eâdem die* etiam Ericus Episcopus, receptis, probatis-
que huiusmodi articulis, per majora Canonorum Capi-
tularium vota ad vacantem Paderbornensis Ec-
clesiæ infulam postulatus est.

*ex veter.
ms.

ERI-



ERICUS

Dux Brunsvicensis,
PADERBORNENSIS ECCLESIAE
EPISCOPUS XXXIX.

Annus Christi 1509.

JULII II. Pontificis 6. & 7.
MAXIMILIANI I. Imper. 16. & 17.
ERICI Episcopi Paderborn. 1.

Bellum
contra
Venetos
ex fœde-
re Came-
racensi
feliciter
inchoatur
Rege Gal-
liz.
Spondan.
ad hunc
annum n. 1.
2. & 3.
Palat in A.
quila Au-
striaca pag.
214 & seq.
Progressus
fœderatorū
post victo-
riam Galli-
cam.



**vulgò*
Brescia.

**aliàs Pa-*
dua.

Udovicus Galliarum Rex, Cameracensi fœderi ante alios obsecundans, Aprili mense contra Venetos in bellum ivit: nec multò post, superato amne Adduâ, memoratissimam ab iis victoriam reportavit pridie Idus Maji, occisis eorum non paucis millibus, capto Liviano exercitûs Imperatore, signis militaribus, tormentisque & impedimentis propè omnibus in illustrem prædam acceptis. Eâ clade tam insolitus pavor disjecti exercitûs reliquiis incussus est, ut ferè omnes, qui ex prælio evasere, turpissimè dilapsi fuerint, & sub infelicibus Venetorum signis militiam facere detrectârint. Quin & ipsi Venetorum proceres, tam inopinâ jacturâ perciti, jam agebant inter se desperata consilia de relinquendo totius terræ continentis imperio; ideòque passim urbes & oppida extractis præsidiis deserebant, arbitrati nunc sibi satis fore, si maritimum imperium retinere possent. Ità Gallus brevi tempore accepit Cremam, Cremonam, Bergomum, & *Brixiam, urbes insubriæ: Pontifex Ariminum, Cerviam, Faventiam, & Ravennam, urbes Ecclesiæ: Hispanus Molam, Polignanum, Brundisium, Hydruntum, & alias maritimas urbes Apuliæ: Cæsar denique Goritiam, Tergestum, Bellunum, Feltriam, Veronam, Vicentiam, ac *Patavium; potuissetque adhuc urbes multò plures obtinere, dummodo satis citò habuisset militem in Italia, qui easdem ab hoste vacuas potuisset introire, vel defendere. Quantum verò ea militis adducendi tarditas nocuerit Imperatori, ex ejusdem anni decursu patuit. Hinc enim

enim Tarvisium urbs cum regione ad sita sub Venetorum dominio mansit: hinc Patavium, à Cæsareanis malè custoditum, facili negotio in potestatem Venetorum rediit: hinc afflicta ipsorum res publica optatissimam occasionem ac tempus habuit, non solum recolligendi militem; sed etiam dejectos animos ad melioris fortunæ spem erigendi, cum ingenti rerum Cæsarearum damno & everfione. Adeò verum est, felicitatem bellicam ut plurimum in celeritate sitam esse, juxta vulgatum illud: *fronte capillatâ post est occasso calva.*

Cæsari multum nocuit tardior adventus militum Cæsareorū. Spondan. *ibid. n. 5. & 6. Palatius in Aquila Anstria.*

Hæc rerum facies in Italia. Nunc ad nostra me recipio. Hermannus Ecclesiæ nostræ Administrator, cum ante annum è vivis iret, in ærario Dioecesis nostræ adhuc reliquerat mille aureos florenorum Rhenensium: è quibus quadringenti infumendi erant in Castrum Krukenbergense prope Helmershusium; reliqui autem in redemptionem Castri Beverungenfis. Hanc pecuniam Ericus successor ejus, pro impetranda confirmatione sua, sibi à statibus dioecesanis aliquantisper commodari petiit; eâ lege, ut iidem mille aurei quantocyus reciperentur ex dono gratuito seu pecuniis gratulatoriis, confirmato Episcopo à tota Dioecesi donari solitis. Imò & restitutione istâ non contentus, libere ac sponte voluit, adhuc alios trecentos florenos aureos ex eodem dono gratulatorio detrahi, & applicari ad anniversariam perpetuamque memoriam sui decessoris Hermanni Archiepiscopi; uti constat ex ejusdem Erici* literis, Paderbornæ hoc anno datis, *die Martis post Dominicam Invocavit*, hoc est die* vicesimâ septimâ Februarii. His peractis, pecunia Romam transmissa, & Erici confirmatio non multò post, nimirum die vicesimâ Aprilis, à Julio Pontifice expedita est in hunc modum:

Julius Episcopus, servus servorum Dei, dilecto filio Erico, Electo Paderburnensi, salutem et Apostolicam benedictionem. Divinâ disponente clementiâ, cujus inscrutabili providentiâ ordinationem suscipiunt universa, in Apostolica dignitatis specula, meritis licet imparibus, constituti, ad universas orbis Ecclesias aciem nostræ considerationis extendimus, et pro earum statu salubriter dirigendo Apostolici favoris auxilium adhibemus. Sed de illis propensius cogitare nos convenit, quas propriis Pastoribus carere intuemur, ut eis juxta cor nostrum Pastores præsificentur idonei, qui commissos sibi populos per suam circumspeditionem providam, et providentiâ circumspiciant salubriter dirigant et informant, ac bona Ecclesiarum ipsarum non solum gubernent utiliter; sed etiam multimodis efferant incrementis. Sanè Ecclesiâ Paderburnensi, quam bona memoria Hermannus Archiepiscopus Colonienfis ex concessione et dispensatione Apostolicâ in administrationem, dum viveret, obtinebat, cessante administratione

Fundatur Paderbornæ memoria Hermanni Administratoris defuncti.

*litera Archiepiscopi Cathedr. Eccl. *Pascha enim hoc anno erat die 8. Aprilis, sub littera Dominicali G. Julius Pontifex confirmat postulationem Erici Brunsvicensis ad Episcopatum Paderbornensem. ex Archiv. Cathedr. Eccl.

tione huiusmodi per obitum ejusdem Hermannii Archiepiscopi, qui extra Romanam curiam debitum naturæ persolvit, adhuc eo (quo, dum idem Hermannus Archiepiscopus eidem Ecclesiæ in Administratorem deputatus extitit, vacabat) modo vacante: Nos verum et ultimum dictæ Ecclesiæ vacationis modum, etiamsi ex illo quævis generalis reservatio etiam in corpore juris clausa resultaret, præsentibus pro expresso habentes, et ad provisionem ejusdem Ecclesiæ celerem et felicem, ne longa vacationis expanderetur incommodis, paternis et sollicitis studiis intendentes, post deliberationem (quam de præficiendo eidem Ecclesiæ personam utilem et etiam fructuosam cum fratribus nostris habuimus) diligentem; demum ad te Electum Osnabrugensem, de illustri Ducum Brunsvicensium genere procreatum, quem dilecti filii, Decanus et Capitulum dictæ Ecclesiæ in Episcopum Paderburnensem concorditer postulârunt, consideratis grandium virtutum donis, quibus personam tuam illarum largitor altissimus multipliciter insignivit, et quod tu, qui Ecclesiæ Osnaburgensi hæcenus laudabiliter præfuisi, scies et poteris Ecclesiam ipsam Paderburnensem salubriter regere et feliciter gubernare, direximus oculos nostræ mentis. Quibus omnibus debitâ meditatione pensatis, de personâ tuâ, nobis et eisdem Fratribus ob tuorum exigentiam meritorum accepta, eidem Ecclesiæ Paderburnensi de ipsorum Fratrum consilio auctoritate Apostolicâ providemus, teque illi præficiamus in Episcopum et Pastorem, curam et administrationem ipsius Ecclesiæ Paderburnensis tibi in spiritualibus et temporalibus plenariè committendo. Itâ tamen, quod propter hoc dictæ Ecclesiæ Osnaburgensi præesse non desinas; sed etiam, postquam munus consecrationis ratione dictarum Ecclesiarum seu alterius earum susceperis, ac pacificam possessionem, vel quasi, regiminis et administrationis dictæ Ecclesiæ Paderburnensis ac bonorum ejus, seu majoris partis eorum assecutus fueris, utriusque earundem, Paderburnensis et Osnaburgensis Ecclesiarum, verus Præsul et Pastor existas, firmâ spe fiduciâque conceptis, quod, dirigente Domino actus tuos, præfata Ecclesia tua Paderburnensis per tuæ circumspeditionis industriam et studium fructuosum regetur utiliter, et prospere dirigetur, ac grata in eisdem spiritualibus et temporalibus suscipiet incrementa. Fugum igitur Domini, tuis impositum humeris, promptâ devotione suscipiens, curam et administrationem prædictas sic per te, vel alium, seu alios, exercere studeas sollicitè, fideliter, et prudenter, quod ipsa Ecclesia Paderburnensis gubernatori provido, et fructuoso Administratori gaudeat se commissam, et odor tuæ bonæ famæ ex laudabilibus tuis actibus latius diffundatur; tuque præter æternæ retributionis præmium nostram et Apostolicæ sedis benedictionem et gratiam exinde uberius consequi merearis. Datum Romæ apud S. Petrum anno incarnationis Dominicæ millesimo quingentesimo nono, duodecimo Kalendas Maji Pontificatus nostri anno sexto.

No-

Notâ singulari dignum est, quòd Julius Pontifex in hoc diplomate utatur iisdem omnino verbis, quibus ante annum usus fuerat in diplomate provisionis Osnabrugensis, nimirum his: *de persona tua eidem Ecclesiæ --- providemus, teque illi præficimus in Episcopum et Pastorem etc.* Quo loquendi modo, semper hætenus inusitato, satis apertè indicat, Ericum ab utraque Ecclesia successivè postulatum, non solùm fore Episcopum unius, & Administratorem alterius (utì hætenus in usu fuerat) sed verè ac simpliciter Episcopum & Pastorem utriusque. Id quod inferiùs eodem diplomate adhuc apertiùs indicat hisce verbis: *ita, quòd utriusque earundem, Paderbornensis et Osnaburgensis, Ecclesiarum verus Prasul et Pastor existas etc.* Unde & Ericus hìc sese passim in omnibus literis, tam Paderbornensem, quàm Osnabrugensem Episcopum scripsit: adeoque primus omnium (ut opinor) fuit, qui sub uno Episcopali nomine & persona geminas Dioeceses copulaverit; secus ac in Ecclesia hucusque receptum fuerat. Lætus igitur tam insigni concessione per æstatem hujus anni Paderbornam rediit; exhibitoque diplomate Pontificio, juramentum, à confirmatis Antistitibus requiri solitum, Capitulo Paderbornensi præstitit, utì constat ex ejusdem literis, quarum initium & finis est: *Ego Ericus, Dei gratiâ Ecclesiæ Paderbornensis Electus et confirmatus, Dux Brunsvicensis etc. --- Sio me Deus adjuvet, et sancta Dei Evangelia. Datum* sub meo sigillo secreto, anno à Nativitate Domini millesimo quingentesimo nono, sabbatho post Petri ad vincula, hoc est, die 4. Augusti sub litera Dominicali G.*

Ericus Episcopus fuit primus, qui ex Pontificia concessione nominavit se Episcopum duarum Ecclesiarum.

Juramentum Erici, Paderb. Capitulo præstitum.

*in aliis literis, eodè anno ac die datis, additur: datum Paderbornæ.

Ericus Brunsvicensis Osnaburgi sollemnissimè inauguratur die 26. Augusti. Chron. Osnabrug. ms.

Post hæc Ericus apparatu maximo se accinxit ad solennem ingressum, proximè celebrandum Osnaburgi. Concurrerunt ad eam pompam illustrandam, unà cum Philippo ipsius fratre, Dux Lünenburgensis, multique Comites, Nobiles, & vasalli. Ab his Episcopus, inter Duces antè dictos medius, in urbem deductus est die vicesimâ sextâ Augusti, vel, ut verbis chronici Osnabrugensis utar, *septimo Kalendas Septembris* in Dominica. Venientem excepere Cives in sua signa distributi, raroque vestium & armorum splendore conspicui, intersonantibus tubicinum ac tibicinum jucundissimis choris. Ante fores Ecclesiæ Cathedralis præstolabatur eum Clerus urbicus, longo ordine compositus. A quo deinde ad aram Principem deductus, & cantu hymni Ambrosiani aliisque Ceremoniis consuetis festivo ritu honoratus est. Quo peracto cœpit instrui generale epulum: totumque sequens biduum inter choreas & ludos equestres magno luxu transactum fuit.

Annus Christi 1510.

JULII II. Pontificis 7.& 8.
 MAXIMILIANI I. Imper. 17.& 18.
 ERICI Episc. Paderborn. 2.

Cæsar Augustæ celebrat comitia Imperii, ibique sollicitat auxilia contra Venetos.



*Trith. to. 2
 chron. hirs.
 Brower. in
 Annal.
 Trevir.
 Surius in
 comment.*

**Trithem.
 loc. cit.*

Quæ tandem impetrat, ostendit Venetorum malitiam.

**Trithem.
 & Surius
 loc. cit.*

Augustæ Vindelicorum hoc anno celebratus est magnus conventus Principum, quem Cæsar Maximilianus ibidem indixerat in festum Epiphaniæ Domini. Aderant illic è præcipuis Germaniæ Principibus, Uriel Archiepiscopus & Elector Moguntinus, Jacobus Archiepiscopus & Elector Trevirensis, Philippus Archiepiscopus & Elector Colonienfis, Fridericus Dux & Elector Saxoniae, Ludovicus Elector Palatinus, Fridericus Dux Bavariae, Ericus Dux Brunsvicensis, Fridericus Marchio Brandenburgensis, Ulricus Dux Wirtenbergensis, alique Proceres quàm plurimi, unà cum Legatis vel Oratoribus Regis Galliae, Regis Hispaniae, Regis Bohemiae, & aliorum Principum Germanicorum. Consultatum ab his longo tempore, & magnâ sententiarum diversitate, de bello continuando contra Venetos: augebátque difficultatem, quòd Julius Pontifex, postquam suas urbes receperat, non solum à Cameracensi foedere ad Venetos defecisset; verum etiam Hispanum & Cæsarem ab eodem abstrahere, contraque Gallos incendere moliretur. Vacillantibus hîsce consiliis intervênit primum *Orator Gallicus, & nervosissimâ oratione declaravit Venetorum superbiam, avaritiam, rapacitatem, fraudes, latrocinia, contemptum Cæsaris & Imperii. Nec multò post etiam accedebant ferales nuntii, à quibus perferebatur, quinquaginta & amplius incendiarios in Carinthiam & Austriam *introisse, ut urbes, oppida, arces, & villas, admotis latenter ignibus in flammâ agerent: eorum aliquos jam esse comprehensos, & in tortura vel equuleo confessos, quòd à Venetis pecuniâ conducti, in Germanorum terras emissi, atque, ut latentiùs desævirent, Religiosorum aut mendicorum habitu se contegere jussi fuerint. His auditis Principum congregatorum animi vehementer concitati sunt, ac tandem exeunte Majo (quo comitia solvebantur) communi suffragio decrevêre, bello cœpto insistendum esse, eoque fine pendenda Cæsari trecenta Rhenensium aureorum millia. Quanquam eo subsidio singulare nihil hoc anno effectum sit. Nam, ut communiter apud Germanos fieri solet, pecuniæ & milites huic bello destinati, propter comitiorum diuturnitatem, serò nimis in Italiam appulêre.

In-

Interea Ericus Episcopus noster, posteaquam in Augusto superioris anni solenniter inuestus esset Osnabrugum, reliquâ anni parte in eadem Dioecesi perstitit: interque alia, die vicesimâ septimâ Decembris, Capitulo Osnabrugensi confirmavit piscaturam fluvii à molendino post Ecclesiam S. Joannis posito, usque ad inferiorem urbis turrim, vulgò dictam *Hellings-Thurn*; uti constat ex ejusdem * literis, quarum finis est: *Datum Anno Domini millesimo quingentesimo nono, ipso die B. Johannis Apostoli et Evangelistæ.* His autem traditis & consignatis, continuò intra dies proximos discessit Osnabrugo; abiitque Neuhausium in Dioecesi nostra, ut ibidem pariter appararet omnia pro solenni ingressu & inauguratione, propediem futura ad fontes Paderæ. Superfunt adhuc ejusdem literæ * ad Saltkottenfes, per quas ex arce nostra Neuhausiana, *feriâ quintâ post Circumcisionis Domini*, sive die tertiâ Januarii anno 1510, ab iisdem petiit, ut in diem proximum sue inaugurationis et ingressus publici, sibi trutas aliquas, de salmonum fluviatilium * genere submitti studeant. Superfunt & aliæ post solennem ingressum datæ, quibus urbi nostræ Brakelenfi, die duodecimâ Januarii, sive *sabbatho post trium Regum*, confirmavit omnia privilegia, à suis decessoribus concedi & approbari solita. Unde colligo, introductionem & inaugurationem ejus, Padibornæ celebratam esse, vel die sextâ Januarii in Dominica, vel certè aliò die proximo infra eandem hebdomadam. Quo autem apparatu Civium, quâ Nobilitatis & Cleri pompâ, quo Principum & aliorum Procerum comitatu festivitas illa peracta fuerit; id neque in temporum istorum fastis neque in aliis monumentis literariis, pro memoria nostra annotatum legitur.

Ericus Episcopus Paderborn. & Osnabrug. sub initium hujus anni Osnabrugovenit Neuhausium. * *litera Archiep. Osnabrug.*

* *litera Archiep. Saltzkott.*

* *vulgò Lachso Borellen Paderbornæ solenniter introducit & inauguratur initio Januarii.*

Certiora nobis hoc anno suppetunt de Erico Episcopo Monasteriensi. Is enim (ut in fastis ipsorum scribitur) pro singulari suo in Beatam Virginem affectu & studio hoc anno sanxit, Beatam Annam ipsius matrem in tota Dioecesi sua cultu annuo celebrandam, ejusque festum perpetuis temporibus deinceps peragendum esse postridie gloriosæ Assumptionis Beatissimæ Virginis MARIE. Quin etiam, ut novæ huic festivitati propriomet exemplo suo novum splendorem adderet, eadem die Monasterii in summo templo ad aram fecit; magnâque ædificatione populi solenne sacrum Pontificali ritu pientissimè decantavit. Quam deinde consuetudinem totâ vitâ suâ non solum hoc in festo; sed etiam in pluribus aliis constanter tenuit, majori merito apud Deum, quàm si deliciis ac vanitatibus ætatem insumpsisset.

Ericus Lawenburgicus, Episcopus Monasteriensi, instituit festum S. Annæ, perpetuò celebrandû postridie Assumptæ Virginis. *Chron. Monaster. ms.*

Claudo hunc annum insigni historiâ: quæ, tametsi ab Annalium nostrorum scopo sit remotior (contigit enim in Marchio-

In terris
Brandebur-
gicis vir Ca-
tholicus tu-
ratur è tem-
plo sacram
pyxidem,
& inven-
tam in ea
hostiam
vendit ju-
dæo.

Trish. 10. 2.
abron. hirs.
Surius in
comment.

Spond. ad
hunc ann.
n. 17.
Linsur. in
append. ad
fascic.

Hostia, à
judæo va-
riis pun-
ctionibus
impetita,
dissiliit in
tres partes,
quarum
duas mittit
aliis judæis.
Trish. &
Surius loc.
cit.

Tertia pars,
ab eodem
judæo re-
tenta &
rursus per-
forata, &
mittit fan-
guinem.

Auctores
ibidem.

natu Brandenburgico) iis tamen vel idcirco meretur inferi, quòd plerique temporum istorum Scriptores mentionem illius faciunt. Paulus *Gromm*, oppidi Pernaviensis incola, die 6. Februarii mediâ nocte, ex pagi vicinioris templo furatus erat inauratam pyxidem, in qua Sacramentum Divini Corporis asservari solet. Altero mane, cùm abiret Spandaviam, furtum hoc judæo venditurus; quievit paululùm in via: apertâque pyxide videt in ea duas hostias consecratas, majorem unam, & minorem alteram. Expalluit primùm hîsce visis: & repentini consilii inscius, minorem ex iis deglutivit; majorem verò aliquantisper in sinu suo recondidit. Statimque eum tantus invasit horror torpôrque sensuum, ut horam integram planè cœcus ac stupens, non potuerit se movere loquaciter. Demum verò permittente Deo usuram luminis recipiens, neglectâ cordis poenitentia, resumpsit iter ad urbem Spandaviam, ibique sacrilegium suum venale obtulit Judæo, cui nomen erat Salomon. At ille videns, mercem hanc non esse argenteam, sed ex cupro solùm inaurato factam: *Bone vir!* inquebat, *vasculum illud est ex cupro, ideòque illud non desidero. Si quid amplius in eodem obtulisses* (puta hostiam consecratam) *fortassis illud emerem à te.* Ad quæ verba homo improbus majorem hostiam de sinu profert; eamque judæo tradens: *Ecce, ait, quod modò queris, in promptu est!* Mox judæus, intrâ se ipsum plaudens: *quanti vendis hunc Deum tuum?* Et ille: *sedecim grossis.* Numeravit judæus novem; Deoque vendito, venditorem pessimum dimisit. Secuta mox ingens tragœdia. Nam judæus illico divinissimum corpus in mensam projicere, in illud cultris involare, proscindere, pungere, fodicare. Et quia nihilominus hostia manebat integra, nullisque puncti- bus perforata; tandem ipse, ut Avernalis furia: *in nomine*, inquebat, *mille Dæmonum!* *fitu es verus Christianorum Deus, ostende te, et manifesta temet ipsum!* quo dicto, sponte suâ dissiliit hostia in tres partes, quarum singulæ ad oram exteriorem hujus fracturæ sanguineo colore erant imbutæ.

Convenerat autem aliquantò priùs inter judæum hunc, & alios duos (quorum unus Brandenburgi & alter Stendaliæ sedem fixerat) ut, quisquis eorum potiretur hostiâ consecratâ, partem hujus ad ipsos mitteret. Quare Salomon, ex tribus istis hostiæ divi- sæ partibus, duas misit ad ambos illos; & hi deinde ad multos alios, qui iisdem speciebus sacris turpissimè sunt abusi. Tertiam verò particulam pro se retinuit, eamque pannis involutam ferme per mensam integrum in sacculo suo tulit. Postea eam rursus è sac- culo protulit; impositamque tabulæ mensæve domesticæ, tam diu transfixit & perforavit stylo ferreo, donec aliquis miraculosus cruor

crucior aspectabili modo ex eadem flueret. Eo viso maximopere
 territus, continuò sævire destitit; modisque omnibus laboravit,
 particulam istam prorsus destruere. Et in primis quidem tenta-
 vit eam deglutire: sed non potuit. In aquas deinde misit; & non
 est dissoluta. Mox etiam in ignes misit: & à flammis intacta man-
 sit. Postremò commiscuit eam parti farinæ, & congestam ex ea
 massam unà cum aliis panibus immisit furno: & ecce! furnus igne
 extracto clausus prodigioso lumine quantocyus inclarescit. quòdque
 magis admirandum est, cùm judæus bis in furnum introspiceret;
 bis ille supra panem, sacramenti particulâ infertum, videt puerum
 elegantem & coelesti splendore fulgidum considere, uti hic idem
 Salomon, etiam extra torturam & equuleum, postea confessus est.

Mittitur in
 furnum, ubi
 puer JE-
 SUS appa-
 ret.
*Auctores
 iidem.*

Interea sacrilegium Pauli furis prodebatur multis indiciiis. Cùmque ideo apprehenderetur, fatereturque venditionem Salo-
 moni judæo factam; non solum ille, sed etiam centum alii judæi
 processu temporis comprehensi, & carcerum diversorum vinculis
 constricti sunt. Prodiere tunc horrenda Hebræorum scelera: præ-
 terea omnia suprâ dicta, etiam compertum est, paucorum an-
 norum spatio septem pueros Christianos, quorum innocenti san-
 guine gens illa nequam abuti solet, ab iisdem occisos, & multis
 acum stylorumque punctationibus crudelissimè trucidatos fuisse.
 His detectis processum est ad supplicia. Paulus *Gromm* / Corpo-
 ris Divini venditor, primùm ignitis forcipibus laceratus, ac dein-
 de scorsim in rogo separato flammis injectus. Salomon Hebræus, tot
 miraculis à se visis nihil motus, ex temporali combustione ad ignes
 æternos abiit. Alii tres Christiano ritu baptismum recepere: quo-
 rum duo sequenti mane capite plexi; tertius verò, quòd singula-
 rem inhonorationem Sacramenti non commiserit, vitæ gratiam
 consecutus, & ordinem S. Francisci in Berolinensi Monasterio in-
 gressus est. Reliqui judæi omnes proscriptione publicâ è toto Mar-
 chionatu Brandenburgico expulsi, ne vel suorum necem vindicare,
 vel alia id genus crimina consiliis auxiliisque suis confovere
 possent.

Sacrilegiū
 proditur,
 judæi capi-
 untur.
*Trithem.
 l. 2. Chron.
 Hirs.*

Rei gravis-
 simè pu-
 niuntur; &
 omnes ju-
 dæi pro-
 scribuntur
 ex Marchia
 Brandebur-
 gica.
*Trithem.
 & Sarius
 loc. cit.*

Annus Christi 1511.

JULII II. Pontificis 8. & 9.
 MAXIMILIANI I. Imper. 18. & 19.
 ERICI Episcopi Paderborn. 3.

Julius Papa, vir inquietus & mutabilis, postquam à Cameracen-
 si foedere ad Venetos descivisset, etiam hoc anno Cæsarem &
 Hispaniam

Julius Pon-
 tificex frustra
 nititur

Imperatorē retrahere à fœdere Cameracensi. *Spondan. hic n. 5. & 6. Coccinius de bello Veneto apud Frech. 10. 2. rer. Germ. Bellum Venetum à Cæsare & Gallo prospere continuatur. Auctores iidem. * Spond. ad hunc annū. Coccinius loc. cit. Palat. in a. quil. Austr. Die 2dâ Aprilis moritur Bernardus Comes de Lippia. Chytraus in Saxonia ad hunc annum. Piderit. in Chron. Lipp. die 6tâ Septembris moritur Wilhelmus Comes Ravensbergensis, Juliz & Montium Dux. Chytraus ad hunc an. * Jongelin in Not. Abbat. Cister. de Monast. vet. Mon. his pag. 26.*

Hispanum invitavit, ut iidem pariter, abjecto Cameracensi fœdere, sibi ac Venetis sociarent arma in Regem Galliz: Et Hispanus quidem facillimè se in eam partem inclinari passus est, quod maritimas Apuliz urbes retenturus, & investituram Neapolitani Regni à Pontifice accepturus esset. Cæsar autem, cum neque infidum se ostendere vellet Regi Galliz, neque magnum aliquid se à Venetis consecuturum cerneret; invitationem hanc à se reiecit, firmiterque perstitit in Cameracensi fœdere, cum Gallis inito. Neque defuit fortuna bello. Nam à Gallis occupata est Mutina, Concordia, Mirandula, & Bononia: à Cæsareis receptum est Cadubrium, Gradisca, totumque forum Julium. Quin & initio sequentis anni exercitus Germano-Gallicus duas insignes victorias ab hoste retulit: unam die 18. Februarii in expugnatione Brixiz sive Bresciz, quæ proditione suorum civium in partes Venetorum ierat: alteram die 11. Aprilis* in conflictu prope Raveniam habito, in quo ex Hispanis Venetorum sociis feruntur cecidisse ad novem millia.

Hæc inter in vicinia nostra vitam hoc anno finiit Bernardus Comes de Lippia, Simonis quondam Episcopi nostri germanus frater; vir ut bello strenuus, ita etiam de re Catholica ac diversis Religiosorum domiciliis præclare meritus. Permisit hic Patribus Franciscanis de strictiore Observantia, ut in urbe sua Lemgovien- si Monasterium struerent: restauravit coenobium Virginum in urbe Lipstadiensi: condidit Monasterium Canonorum Regularium S. Augustini in oppido Blombergensi: obiit annorum octoginta duorum senex die 2dâ Aprilis, & ex Anna Schawenburgica Coniuge sua post se reliquit sex liberos, videlicet Bernardum Colonien- sis Ecclesiz Canonicum, Simonem Comitem successorem suum, & quatuor filias.

Lippiensem post quinque menses in viam æternitatis consecutus est Wilhelmus Comes de Ravensberg, Juliz & Montium Dux, defunctus Düsseldorfii die 6. Septembris. Huic Monachi Altenbergenses insigne elogium tribuunt, vocantque *Monasterii sui * cordialissimum Patrem, in omnibus adversitatibus suis protectorem vigilantissimum, quique toto tempore sui regiminis admirabili quâdam et propè Divinâ usus prudentiâ, rempublicam suam continuâ pace gubernâ- rit, auxerit, ac defensârit.* Præfuit à morte Patris annis triginta sex, & è Sibylla Brandenburgica uxore sua tantum unicum reliquit filiam Mariam; quæ anno superiore, die primâ Octobris, Joanni III Clivorum Duci conjugata, eidem Juliz ac Montium terras cum comitatu Ravensbergensi in dotem attulit. Corpus ejus, uti vivus jusserat, ad monasterium Altenbergense deportatum, ibi-
dém-

démque in Sacello Principum singulari pompâ tumulatum est, ap-
posito hoc epitaphio :

*Anni milleni, quingenteni quasi pleni,
Unius ac deni, rapidi prope flumina Rheni,
Düsseldorf urbe, gemitu tamen haud sine turba,
Septembris mensis die sextâ, Juliacensis
Terra ac Montensis Dominum succiderat ensis
Mortis falcatus WILHELMUM: tempore natus
Qui multum tardo fertur genitore Gerardo,
Ducisâque piâ generosâ Matre Sophiâ etc.*

Ejus Epita-
phium.
apud jon-
gelin. loc.
cit.

De rebus ad nostram Dioecesin pertinentibus nihil aliud ex
veteribus monumentis eruderare licuit, quàm hæc duo tantum:
Primum est, quòd hoc anno Ericus Episcopus noster, collectis
Nobilium ac satellitum suorum turmis, in Corbejense territorium
involârit; evastatisque tribus * pagis, *Ottberga*, *Godelhemio*, et
Ovenhusio cum abreptis hominum agrestium spoliis in Dioecesin
nostram se receperit. Cur autem id ab eo factum, & quâ inju-
riâ ad hoc audendum provocatus fuerit, nemo veterum scripto-
rum tradidit. Alterum est, quòd idem Episcopus contributio-
nes publicas, annorum præcedentium decursu pro bello Veneto
imperatas taxatasque solvere, pertinaciter detrectârit. Quâ de
causâ etiam in Imperiali Camerâ lis eidem intentata, ac tandem eò
usque perducta est, ut & ipse, & ambæ Dioeceses ejus, propter
hujusmodi recusationem, in poenam Banni seu minoris * & mayo-
ris proscriptionis incidisse declarati fuerint. Sed hanc maculam,
quâcunque demum ex causâ ortam, sequenti anno in comitiis
colonienfibus iterum absterfit, uti videbitur suo loco.

Ericus Epi-
scopus Pa-
derborn.
hostiliter
invadit a-
gros Corbe-
jenses.

* *Erbenius*
in *Chron.*
Huxar. a-
pud *Paull.*
Recusavit
solvere
contribu-
tiones im-
peratas pro
bello Vene-
to, ideoque
multatur
poenâ Ban-
ni.

Ex *Literis*
Archiv.
Ofnabrug.
* *germani-*
cæ, die
acht und
oberacht.

Annus Christi 1512.

JULII II. Pontificis 9. & 10.
MAXIMILIANI I. Imper. 19. & 20.
ERICI Episcopi Paderborn. 4.



Annus hic admodum celebris & illustris fuit à comi-
tiis, Augustæ Trevirorum habitis, inchoatisque
die 11. Aprilis, in festo Paschatis. Præter Maxi-
milianum Imperatorem convenerunt illuc è præ-
cipuis Imperii Principibus, Uriel Archiepiscopus
Moguntinus, Richardus Archiepiscopus Trevirensis, Philippus
Archiepiscopus Colonienfis, Ludovicus Elector Palatinus cum
suo fratre Friderico, Georgius Episcopus Bambergensis, Wilhel-
mus

Maximilia-
nus Impera-
tor celebrat
comitia
Treviris,
magnâ
Principum
frequentiâ.
Trith. 10. 2.
chron. hirs.
Brower. in
Ann. Trev.

mus Episcopus Argentinenſis, Hugo Episcopus Tullenſis, Fridericus Marchio Brandenburgensis cum ſuo Filio Caſimiro, Udalricus Dux Württembergensis, Ericus Dux Brunsvicensis, Joannes Comes Palatinus in Spanheim, Chriſtophorus Marchio Badenſis cum Erneſto & Philippo filiis, Itelius Fridericus Comes de Zollerren, Wilhelmus Comes de Fürſtenberg, Ludovicus Comes Naſſovio-Saêrburgensis, & alii Comites viginti ſex. His accedebant Legati & Oratores, Ludovici Regis Gallia, Henrici Regis Anglia, Sigismundi Regis Polonia, Joannis Regis Navarra, Friderici Electoris Saxonia, Joachimi Electoris Brandenburgici, Wilhelmi Ducis Bavaria, Joannis Ducis Clivenſis, Alexandri Ducis Bimontini, Wilhelmi Haſſia Landgravii, aliorumque plurium Episcoporum ac Principum, quorum nomina hîc ſigillatim recensere, nimis prolixum foret.

Ejus juſſu
ibidem
quæritur &
invenitur
toga Chriſti,
& multæ alia reli-
quæ ſacræ.
*puta ab
anno 1218.
*Trithem.
& Brower.
loc. cit.

Cum verò tardiùs advenirent antè dicti Principes & Legati, Cæſarem cupido ſubiit videndi togam Chriſti Domini, quam audiêrat; ibidem in Cathedrali templo ſub ara maxima cuſtodiri, neque ab annis *propè trecentis oſtenſam eſſe. Itaque feriâ quartâ infra diem ſolennem Paſchatis altare majus præſente Cæſare *apertum eſt, inventæque ſub eo tres arculæ. Una ad cornu dexterum, ex ebore & peregrino ligno ſcitiffimè concinnata, quæſitumque theſaurum continens, cum hac inſcriptione: *Hæc eſt inſutilis toga Domini et Salvatoris noſtri JESU Chriſti*: inſigne donum S. Helenæ Imperatricis, quæ togam hanc ex itinere Hieroſolymitano Treviros adduxiſſe creditur. Altera ad cornu ſiniſtrum exhibebat reliquias varias, de veſte B. MARIAE Virginis, de ſaſciculis Chriſti infantis, de ſepulchro & columna Domini, de S. Paulo Apoſtolo, aliis que Sanctis ac Martyribus. Tertia, in medio altaris poſita, continebat corpus S. Materni *Trevirensis Episcopi, cum argenteo nummo, cui inſcripta erant hæc verba: *ſanctus Maternus*.

Ad viden-
dam togam
Domini
confluit in-
gens multi-
tudo homi-
num; & cū
iis ſimul in-
trat in ur-
bem lues
contagioſa.
Auctores
iſdem.

Rei novitas, rumore cognita, excivit illico multorum abſentium deſideria. Quorum petitioni concedi debuit, ut ſacratiffima Toga Domini oſtenderetur publicè; eamque in rem conſtitueretur dies tertia Maji, quâ S. Crucis inventionem anniverſariâ recordatione colit Eccleſia. Ex ea die theſaurus iſte nobiliſſimus in Cathedrali templo primùm oſtenſus eſt Principibus congregatis, deinde & aliis hominibus per plures dies & hebdomadas: dicique non poteſt, quàm innumera multitudo populi, tam inſuetæ exhibitionis ac devotionis cauſâ, Treviros confluxerit. Cum iis tamen (id quod æſtivo tempore in tanta hominum conſtipatione facillimè fit) ſimul in urbem ingreſſa eſt contagioſa lues; quæ & Cæ-

Cæsarem Principesque compulit, comitia jam incepta solvere, & ea Coloniam ad salubriorem aërem transferre. Ex itinere paululum declinavit Cæsar ad Monasterium Epternacense in Ducatu Luxemburgico; ubi ad reliquias Divi Sebastiani, pestiferorum patroni, devotissimè obtulit ingentem cereum * *trecentarum et sexaginta librarum*, qui etiamnum ibidem visitur. Diameter istius cerei complectitur pedem unum, altitudo verò pedes duodecim; insititque basi lignæ, cui inscripta sunt hæc verba: *Hunc cereum, CCCXLIII librarum, anno Domini MDXII. Epternaci in Imperiali Monasterio S. Willibrordi, S. Sebastiano in persona dicavit Maximilianus Romanorum Imperator.*

Epternaco (ut opinor) discessum est Coloniam Agrippinam, ad aperienda ibidem comitia, Treviris advocata. In iis Regnum Germaniæ divisum in decem circulos: recessum ab inito foedere Gallico, Cæsari & suis noxio: repudiata auctoritas Pisani conciliabuli, anno superiore contra Pontificem convocati: missus ad Romanam Curiam Matthæus Episcopus Gurcensis, ut ibidem tractaret pacem cum Pontifice; quæ &, exclusis Venetis, cum Imperatore inita, & Romæ die 25 Novembris in Ecclesia S. MARIE de populo solenniter promulgata est. Denique & inter Imperatorem, Hispanum, & Henricum VIII Angliæ Regem, novum belli foedus eâ lege percussum fuit, ut omnes uno impetu in Gallum irent, ejusdemque vires & arrogantiam coercerent. Quo audito miles * Gallicus, dum ab omni parte se derelictum cerneret, Italiam ferè totam quantocyus deferere; & Mediolanensem Ducatum Maximiliano Sfortiæ, Ludovici Ducis in Gallicano carcere defuncti filio, rursus permitttere coactus est.

In iisdem comitiis Colonienfibus hujus anni, Ericus Episcopus noster demissè ad Cæsarem venit; præsentèque pecuniâ numeravit eidem omnes contributiones, præcedentium annorum decursu pro bello Veneto imperatas, & nondum persolutas: humilimè simul orans, ut Cæsarea Majestas excusationem à se prætentam admittere; poenâsque omnes, à se suisque Diocesis incursas, clementissimè tollere ac relaxare velit. Id quod etiam in iisdem comitiis factum & impetratum esse, declarant publicæ ejusdem Imperatoris * tabulæ, Erico traditæ, quarum finis est: *Datum in nostra et sacri Imperii civitate Colonia, die vicesimâ primâ mensis Augusti, Anno à Nativitate Christi millesimo quingentesimo duodecimo: Regnorum nostrorum, Romani vicesimo septimo, et Hungarici vicesimo tertio.* Multum verò ad eam Cæsaris benevolentiam experientiam contulere Papales literæ, Kalendis Maji ex urbe Romana

H

* datæ Osnabrug.

Atque ideo
comitia
transferuntur Colon.
auctores
idem.

* Bolland. sp.
2. Ss. Januarii, in appendice pag.
118, & seq.

Cæsar in itinere Epternacum veniens, offert ingentē cereum, librarum 364 In comitiis Colonienfibus imperium dividitur in 10 circulos, & alia multa utiliter fiunt.

Trithem. l. 2. abron. Hist. Chytræus l. 6. Saxon.

Surius in comment.

Palat. & alii Galli Italiā deferunt, &

coguntur Mediolanensem Ducatum

relinquere Maximiliano Sfortiæ.

* Palat. in Aq. Austr. pag. 238, n. 156.

Ericus Episcopus & ejus Dioceses absolventur à poenâ Banni Imperialis, commendante Julio Pontifice.

* ex arch. Cath. Esch.

*Ex literis
archiv.
Paderb.
Ericus Epi-
scopus Pa-
derborn.
curat im-
primi novū
Breviarium
Paderbor-
nense.

*datae; per quas Ericus Episcopus, omniāque ad ejus causam per-
tinentia, Maximiliano Cæsari magnopere commendata fuerant.

Ceterum & hoc anno suprā dictus Præsul singularem suū lau-
dem promeritus est accuratā ordinatione officii ecclesiastici. Au-
diērat ille pridem sub initium Episcopatus aditi, Horas Canonicas
à quibusdam Clericis nostræ Diœcesis recitari ex quibusdam laceris
mutilisque chartis, indēque fieri, ut ex seepius non modò plu-
rimum detruncantur; sed etiam in una eadēque Ecclesia à diver-
sis Clericis diversimode ac difformiter persolvantur ex defectu Bre-
viarii Diœcesani. Itaque ut huic ordinationi confusionique suc-
curreret; pro Episcopali sollicitudine sua novum Breviarium ex-
cudi jussit cum hoc titulo: *Breviarium Diœcesis Paderburnensis, sumptibus Reverendi in Christo Patris et Domini, D. ERICI, Osnabru-
gensis et Paderburnensis Ecclesiarum Episcopi, de communi Capituli sui Venerabilis Ecclesie Paderburnensis consensu noviter exaratum, ab omni-
bus Clericis Beneficiatis in Diœcesi Paderburnensi inviolabiliter observan-
dum.* Simulque sub poena excommunicationis districtè sanxit, ut,
quàm primum novus ille Horarum Canonicarum liber è prelo
venerit, omnes illum quantocyus emere, atque ad suos usus com-
parare studeant. Edictum Episcopale, hac de re editum* ac pro-
mulgatum, ita sonat:

*Edictum
hoc inser-
tum est isti
Breviario
sub initium.

Ericus, Dei et Apostolica sedis gratiā Ecclesia Paderburnensis et Osnaburgensis Episcopus, Dux Brunsvicensis etc. Dilectis nobis in Chri-
sto Clericis universis nostræ Paderburnensis Diœcesis salutem in Domino
sempiternam. Quoniam omnia, in hoc transitorio seculo agenda, con-
fusa et indeterminatè aguntur, si sinè debito peraguntur ordine: profeclò
juxta sanctorum Patrum instituta, ac sancta et Catholica Romana Eccle-
sia ordinationem, in Divinis Horis Canonicis dicendis et legendis non so-
lùm devotionem et attentionem; sed etiam debitum ordinem, secundum
temporum varietatem et diversitatem Sanctorum sub gravibus peccatis
Clericis oportere observare precipitur. Sanè, sicuti ad nostram veridi-
cam pervenit notitiam (quod dolenter audivimus) sunt nonnulli Clerici
dictæ nostræ Diœcesis, qui enormiter syncopando legunt Horas Canonicas:
alii, unius etiam oppidi, et unius etiam Parochialis Ecclesie Clerici, dif-
formiter et differenter persolvunt hujusmodi Divinum officium: alii ex
chartulis defectuosis et truncatis dicere Deo Canonicas non verentur Ho-
ras. Cùm itaque ex debito nostri officii et Pastoralis dignitatis nobis in-
cumbat, quòd saluti animarum nostrorum subditorum, maxime Clerico-
rum, pro posse nostro diligentius intendamus; vestigiis felicitis recordatio-
nis quondam Domini Bernardi Episcopi, dum viveret, dictæ Paderbur-
nensis Ecclesia, nostri predecessoris, inherentes, visum est nobis necessa-
rium, ut defectibus illis in præfata nostra Diœcesi opportunè et salubriter
occur-

occurramus. Et ut uniformitas et aequalitas in Divinis officiis et Horis Canonicis legendis et dicendis in præfata nostra Diœcesi existat; et ut illa tam in præcipuis solemnitatibus et Sanctorum festivitatibus, quàm feriabilibus diebus, decentius et honorificentius per anni circulum observetur: de consilio et assensu dilectorum nobis in Christo, Decani, Archidiaconorum, et Canonicorum ejusdem Ecclesiæ nostræ Paderburnensis, ordinamus statuimus, et districtius sub excommunicationis et anathematis pœna precipimus et mandamus, ut unusquisque Clericorum secularium sæpe dictæ nostræ Diœcesis, infra unius mensis spatium post præsentium Synodalem publicationem, et postquam beneficium aliquod Ecclesiasticum consecutus, vel ad sacros Ordines promotus fuerit; proximè sequens Breviarium, nostris impensis impressum, pro uniformi debita observantia, in dicta nostra Diœcesi aequaliter tenenda et habenda, sibi comparare et emere studeat et procuret: et secundum illud, et ordinationem in eo annotatam, per anni decursum tam circa festa mobilia, quàm Sanctorum festa pro qualitatibus temporum occurrentia, in horis Canonicis dicendis, legendis, et persolvendis se regat, nisi propter varietatem temporum, in futuris Synodis, circa aliqua festa aliter fuerit ordinatum et statutum. Nolumus tamen per hujusmodi ordinationem et statutum, nostræ Majoris et aliarum Collegiatarum Ecclesiarum ejusdem nostræ Diœcesis Prælatos, Canonicos, et Clericos, quibus in hoc deferimus, ad prælibata Breviaria comparanda, aut secundum ea Horas Canonicas legendum, cantandum, aut dicendum, aliquatenus fore adstrictos: cùm in illis Ecclesiis, ex bonarum mentium et fidelium ordinationibus, nonnulla reperiantur festa statuta, extra ordinem prædictum per anni decursum servari solita. Datum Anno Domini millesimo quingentesimo duodecimo, die quidem tertiâ mensis Januarii, nostri Officialatus Curia nostræ Paderburnensis sub sigillo majori, quæ ad hac in præsentiarum utimur.

Annus Christi 1513.

JULII II. Pontificis	10.
LEONIS X. Pontificis	1.
MAXIMILIANI I. Imper.	20. & 21.
ERICI Episcopi Paderborn.	5.

Rostquam Imperator sub anni prioris exitum pepigisset pacem cum Pontifice, rursus Veneti in societatem armorum coeunt cum Rege Galliarum: unde huic spes nova rediit ad Ducatum Mediolanensem, à Maximiliano Sfortia jam insideri tenerique coeptum. Itaque rursus viginti Gallorum millia in Italiam abire jussa: primaque eorum im-

Rex Galliarum
novo fœdere
cum Venetis
inito, remittit
suos in Italiam.
Spand. hic
n. 1.
Palat. in A-
quil. Austr.

H 2

pressio

pressio facta est in urbem Novariam, ubi Sfortia cum quatuor Helvetorum millibus agebat in præsidio. Obsessis addebant animos novæ Helvetorum copiae propediem adfuturæ: ideoque ad omnes obsidentium terriculationes tam erant imperterriti, ut, ubi moenia tormentis fracta jam patefcerent, cum opprobrio suos hostes ad assultum invitârint, sola quædam detrita lintea murorum hiatui prætexentes. Quo viso Galli, murum subire veriti, ad plura stadia recesserunt; atque ita viam dederunt Helvetis in propinquo exspectantibus, ut aliquot suorum millia in urbem intromitterent. Et hi deinde uno impetu in hostium castra * prorum-pentes, brevi tempore celeberrimam ab iis victoriam retulere, cæsis ex parte Gallorum decem & amplius eorum millibus, ex parte autem Helvetorum mille trecentis tantum. Peractâ clade, quæ teste Spondano contigit die 6. Junii, Helveti cum Cæsareis & Hispanis in unum belli corpus conjuncti: Galli Italiâ ferè totâ rursus exacti: Veneti multis urbibus exuti, itaque territi, ut vix Patavium Tarvisiumque à foederatorum armis tutari potuerint.

*Galli ingenti clade ceduntur ab Helvetis in Italia.
Surius ad hunc annũ.
Spond.
Palat. loc. cit.

Julius II. Papa moritur, cui succedit Leo X.
Spondan.
Trith. in chron. hirs.

Veneti magnâ clade sternuntur ab Hispanis & Cæsareis prope Vicentiam.
Spondan. n. 11. hic.
Surius & Trith. ad hunc annũ.
Palat. in Aq. Austr.

Seditio gravissima Civium Coloniae Agrippinae.
Surius & Trith. ad hunc annũ.

At priusquam ille Gallorum exercitus in Italiam se infudisset, Julius Papa fatali necessitate à ciendis bellis desistere didicit, utpote extinctus Romæ die vicesimâ primâ Februarii, multasque molitiones & consilia militaria suo secum sepulchro contumulans. Successit in ejus locum Joannes de Medices, electus die 11. Martii, dictusque postmodum Leo decimus. Is, ubi Cardinales conciliabuli Pisani affeclas, eorumque fautorem Galliae Regem, à vinculo anathematis absolvisset; nihil industriæ prætermisit, ut Cæsarem inter ac Venetos concordiam pacemque restauraret. Sed, cum hi, superbis Gallorum pollicitationibus deliniti, consiliis omnibus aurem occluderent, nisi eâ pace Vicentiam ac Veronam, urbes à Cæsare captas reciperent; utrimque bellum ardore maximo resumedum est. Quanquam id non sinè magno Venetorum infortunio. Nam eorum exercitus paulò post, die septimâ Octobris, novo atrocissimoque prælio ab Hispanis & Cæsareis ita obtritus est prope Vicentiam, ut occisis eorum quinque vel novem millibus (prout Scriptores inter se variant) tota castra cum signis, impedimentis, pulvere, tormentisque militaribus in Cæsareanorum potestatem venerint.

Longè foedior his bellis erat atrocissima seditio civium, quæ sub initium hujus anni consurrexit Coloniae Agrippinae. Murmuraverunt hîc aliqui Cives, urbem suam premi nimis pecuniarum exactionibus, easque non converti in usus publicos; sed in privata quorundam Senatorum commoda. Ea res cum faciliè inveniret aurem fidemque multitudinis; irritata plebs pridie trium Regum

Regum infano motu concurrat ad Prætorium, ibidem clamans & vociferans : *ubi sunt nequissimi isti, qui tam immodicis pecuniis nos emungunt? veniant ocyus; et nobis omnium, tam acceptorum, quàm expensorum, rationem reddant!* Consternati Senatores jubent illico, duos ex ordine suo in apertum progredi, qui lenioribus verbis plebem demulceant; promittantque, operam se daturus, ut eorum votis ac desiderio satisfiat. His auditis paululum conquievit & abcessit populus. At altero die, qui erat Ss. trium Regum, furore novo concurrat iterum ad Prætorium. Cùmque ibidem comperisset, Senatorum plures populari ferociâ territos ad curiam non venisse; continuò cœpit eos in alicujus culpæ suspicionem trahere: inde in omnes urbis plateas ruere, concurrere domos, visitare cubicula, perquirere omnes domorum angulos; & quotquot Senatorum Consulūve domi reperit, in custodiam deturbare. Ex his in foro *foenario, die decimâ Januarii, caput ense absectum est Theodoro de **Epis** / die duodecimâ Joanni de Berchem, die decimâ tertiâ duobus Consulibus Joanni von **Reide** & Joanni Oldendorpio, die decimâ quintâ tribus aliis Senatoriæ dignitatis viris, Petro **Rott** / Francisco von der **Linden** / & Bernardo **Engß**. Præter hos, teste Chytræo, alii sex inferioris ordinis in furcam acti, alii ab urbe proscripti exiliòque perpetuo mulctati sunt, judicio planè tumultuario, & exemplo tam foedo ac barbaro, ut vel ipsorum Thracum aut Scytharum truculentiam superet. Plures aliæ, sed non adeò præcipites ac sanguinariæ seditiones, eodem ferè tempore coortæ sunt in aliis Germaniæ civitatibus, puta Aquisgrani, Novesii, Antenaci, Spiræ, Wormatiæ, Ratisbonæ, Brunsvici, & alibi. Unde vides, quàm periculosus eo tempore dominatus fuerit multarum urbium: utpote in quibus plebs, & civium plebejorum vulgus, plerumque magis imperitabat Senatoribus, quàm Consules & Senatores civibus. Ex hoc autem præpostero dominandi modo, eheu! quàm execrandæ confusiones, haud multò post, per universam penè Germaniam consecutæ sunt? Certè, quòd inaudita priùs Lutheri & Calvinii dogmata ferè in omnes Germaniæ urbes tam repentino diluvio diffusâ fuerint; id nulli alteri causæ adscribi potest, quàm turbulento plebis dominatui, quæ abjectâ Episcoporum ac Magistratuum suorum auctoritate, sequioris Evangelii præcones in ecclesiarum parochialium cathedras violentis manibus intromisit.

De rebus nostræ Dioecesis nihil hoc anno ex literis antiquis proditum, quàm quòd *Breviarium Paderbornense*, jussu Erici Antistitis nostri excudi cœptum, hoc anno tandem è Lipsiensi prelo in lucem venerit, uti monstrant hæc verba in fine ejusdem addita:

Savius in comment. Trith. l. 2. chron. hirs. Chytræus ad hunc annum. Chron. Tremon. ms.

*furiosa cædes Consulū & Senatorum. Auctores iidem.

Plures aliæ seditiones Civium in aliis urbib⁹. Auctores iidem.

Breviarium Paderbornense, ab Erico Episcopo editum hoc anno perficitur.

**nunc*
Leipzig.

Instructio
pro devota
Breviarii
recitatione,
in eodem
addita.

dita : *Impressum* **Liptzick* per *Melchiorum Lotterum* Anno Domini MDXIII. In præfatione hujus Breviarii præmisit Episcopus utilissimam instructionem pro quovis Clerico; pulcherrimèque docet, quomodo ad Horarum Canoniarum recitationem accedere, seseque ad eam comparare debeat: *Omnis Beneficiatus*, inquit, *animum suum ad debite orandum præparet, varias cogitationes prorsus abiciat, inter orandum colloquia, risus, et jocos non admisceat, canibus bestiisque ceteris non intendat, locum devotioni aptum eligat et omni impedimento vacuum. Non gratiâ humana laudis accedat; sed rectâ et bonâ intentione, in Dei laudem, officii satisfactionem, meriti augmentum, et benefactorum suffragium singulariter intentus. Initiando denique se signo sanctæ crucis muniat, orationem Dominicam cum salutatione Angelica præmittat, ut ei Divina gratia, quo mens in Dei laudem devotius elevetur, et obsequium creatori acceptabilius reddatur, assistat. Legenda igitur sunt Horæ canonicæ intellectualiter cum cordis attentione, affectualiter cum mentis devotione, integraliter cum distincta oris expressione, venerabiliter cum reverenti gestu corporis et animæ, congruenter locis et horis statutis. Psallentibus, inquit S. Bernardus, Angeli sancti admisceri dignantur. Ea propter eorum debemus attendere præsentiam, cum stamus ad orandum aut psallendum, et stare cum omni reverentia, et his crebrius intendere versibus:*

Cum Domino psalles, psallendo tu tria serves:

Dirige cor sursum, profer bene, respice sensum.

Tunc orantur Horæ, cum corde leguntur et ore.

Ericus Episcopus in
orandis
Horis erat
admodum
assiduus.

Ernestus
Archiepiscopus
Magdeburgensis
& Ad-

Non dubito, quin Ericus Episcopus etiam ipsemet in decursu Officii diurni talem se exhibuerit, quales alios nostræ Dioecesis Clericos in hoc orandi genere inveniri voluit. Qui enim alios fructuosè adhortari, atque ad bonum aliquod accendere cupit; necesse est, ut semetipsum prius ad hoc bonum incitet, & aliis præclaro exemplo præeat. Certè manuscriptum Osnabrugense Chronicon apertè asserit, Ericum ab exordio sui Episcopatus in recitandis Horis fuisse perassiduum; solitumque, eas quotidie cum duobus Aulæ Capellanis legere. An autem & ultimis vitæ annis devotum illud orandi studium pari sedulitate & industriâ continuârit; non ausim pro certo dicere: cum antedictum Osnabrugense Chronicon eodem in loco addat, eum denique, à Philippo Hassiæ Landgravio seductum, languidiùs orasse; ve etiam quandoque penitus à peragendo Horarum Canoniarum penso destitisse.

Obiit & hoc anno, die Mercurii tertiâ Augusti, Ernestus Archiepiscopus Magdeburgensis, & Ecclesiæ Halberstadiensis Administrator, Ernesti quondam Saxonie Ducis & Electoris filius.

De

De ejus laudibus multa reperiuntur in ambarum Dioecesium fastis, ministrator ex quibus duo potissimum excerpere volui. Primum est, quod Halberstad, mori- in utraque Dioecesi nunquam à suis subditis* pecuniariam præ- tur. stationem exegerit, nisi in primo regiminis ingressu; neque tunc Chytraus l. 6. saxon. à singulis capitibus in recognitionem signumque subjectionis postulaverit plùs, quàm unum, ut appellabant, nummum Schrecken- ad hunc ann. & alii bergicum. Alterum est, quod colonos & rusticos nunquam* Chron. onerari voluerit* servitiis vecturisque extraordinariis. Atque Halber- ideo, cum prope Halam* Saxonie inchoasset arcem Mauritzbur- stad ms. gensen, audissetque postea, se absente multos rusticos à Præfecto* idem Gebingensteiniano ad convehendos lapides & ligna compulsos chron. ms. fuisse; jussit illum vocari ad se, verbisque severissimis eum ita ad- *Hall in ortus est: *Quis imperavit tibi, ut me absente subditos meos astringeres ad insueta servitia? nolo maculam hanc aspergi meo nomini! vade pro- Sachsen. tinus, colonos illos convoca, pretium omne vecturarum iisdem solve usque ad extremum assem: et certus esto, structuram hanc meo solius sumptu; non autem subditorum meorum sudore vel sanguine staturam esse.* Pari* Libellus modo etiam peracto consummatoque ædificio* dixisse fertur: Si germanic. scirem, in ædificium hoc vel tenuem obolum à meis subditis collatum esse, describens vel aliquid servitii et laboris præstitum, pro quo non fuerit repensio mer- Cathedr. ces laboranti debita; mallet illud sus deque vertere, quàm ejusmodi no- Ecclesiam tam meo nomini inustam ferre. Magdeb. Sepultus est Magdeburgi in æde Ca- Succesit thedrali: & successorem in utroque Episcopatu habuit Albertum Magdebur- Brandenburgicum, Joachimi I. Electoris fratrem; qui & anno se- gi & Hal- quente ad septemviralem dignitatem venit in Ecclesia Moguntina. Albertus berstadii Brandebur- gicus.

Annus Christi 1514.

LEONIS X. Pontificis 1. & 2.

MAXIMILIANI I. Imper. 21. & 22.

ERICI Episc. Paderborn. 6.



Optimus hic annus erat belli Veneti: sed rursus admo- Gravissimū dum infelix Venetis. Nam initio noctis inter unde- incendium cimam ac duodecimam Januarii, Venetiis in frequen- Venetiis. tissima urbis regione consurrexit feralis flamma: quæ Palat. in Aq. Austr. adjuvante ventorum inclementiâ, dextrorsum ac sinistrorsum tam Surius in comment. insolito furore ac velocitate sæviit, ut intra paucas horas innu- Jovius l. 12 meræ ædes ac Basilicæ in cineres ac favillas ierint. Neque hîc fi- Histor. & alii. nis fuisset malo, per totam noctem continuato, nisi Andreas Grit- tus, primariæ Nobilitatis vir, initio sequentis diei cum ingenti fabrorum & operariorum turba advolasset; mandassetque do- mos

Veneti à
Cæsareis
cæduntur
prope Mu-
ranum.

*Palat. in
Aq. Austr.
pag. 252.

Henricus
VIII. An-
glia Rex re-
cedit à fœ-
dere Cæsa-
reo & His-
panico.

*Surius ad
hunc ann.
Spondan.
& alii.
*Palat. in
Aq. Austr.
pag. 252. n.
179.

Uriel Ar-
chiepiscop⁹
Moguntin⁹
moritur :
cui succedit
Albertus
Brandebur-
gicus.
*Serar. l. 5
rerum Mo-
gunt.

*Trith. to.
2. Chron.
Hirs. ad
ann. 1513.

mos omnes, quæ ardentibus propinquæ erant, festinato labore in terram detrahi. Jacturam hanc brevi consecuta est eorundem Venetorum clades bellica. Obsederant illi Muranum oppidum, haud procul à Venetiis in insula situm, quod in fine superioris anni à Cæsareis interceptum erat. Repulsi sæpius cum ingenti suorum detrimento, parabant abscessum: sed eventu improspéro. Dum enim reductis impedimentis ad suas naves classemque vicinam se reciperent; inopinatò vident eam propter aquæ & maris refluxum *in sicco stare. Quo animadverso, Cæsareus miles magno impetu ex oppido erupit, fugitivos invasit, in classem irruit, occupatisque Venetorum triremibus, non pauca signa tormentaque militaria in prædam abstulit.

Hisce casibus fatigati quieverunt hoc anno Veneti. Neque etiam Cæsar singulare aliquid egisse visus est adversus ipsos: tum quia ei plus animorum erat ad prosequenda bella, quàm pecuniarum ad conducendos alendosque milites: tum quia consilia belli vertebant se per mortem Annæ Francorum Reginae, die 9. Januarii è vivis evocata. Hac enim occasione Henricus VIII. Angliæ Rex ab Hispano Cæsareoque fœdere abstractus est, Ludovico Galliarum Rege *Mariam sororem ejus in thori sociam expetente. Et nuptiæ quidem die 9. Octobris peractæ sunt Abbavillæ in Picardia; sed magno sponsi jam veterascentis malo: nam, ut ait *Palatius, *dum novæ nuptæ amoribus* (quæ tantum octodecim annorum puella erat) *præter ætatis et infirmæ valetudinis rationem plusculum indulgeret*, febris corripitur, & in ipso ingressu anni sequentis, die 1. Januarii, celeriore fato uxori simul & rebus humanis valedicit.

Interim & hoc anno ex Imperii Principibus decessit Uriel Archiepiscopus Moguntinus & nostræ Dioecesis Metropolitæ; quem alii tertiâ, alii undecimâ, alii verò *nonâ Februarii* (prout in ejus epitaphio legitur) huic seculo subtractum volunt. In hujus locum, die 9. Martii, unanimi Canonorum suffragio postulatus est *Albertus Brandenburgicus, ejusdem Ecclesiæ Canonicus; quem & anno superiore ad Magdeburgensem & Halberstadiensem insulam pervenisse diximus. Virum hunc ad eam dignitatem quasi fictum factumque fuisse, non falsò dixerim. Erat enim singularis amator statûs Clericalis: cujus incensissimo desiderio per quadragesimam anni superioris (priusquam ad ulla postulatus esset) Presbyterium suscepit, atque in octava Paschatis *Berolini publicè ac solenniter Missam decantavit, nondum expleto ætatis anno vicesimo tertio. Exinde singulis diebus in capella, ab ejus fratre Joachimo I. præparata, cum aliis octo sacerdotibus Divinum offi-

*officiū devotissimè peregerat, usque dum ad sacras infulas ad-
motus esset, uti refert Joannes Trithemius, in aula Brandenbur-
genſi cum primis notus.

Triste rursus, & vel ipsis barbaris execrandum facinus hoc anno vidit Westphalia in Conrado Comite Tecklenburgico. Is enim, ut ante diem regeret, præposterâ dominandi libidine inflammatus, Ottonem patrem suum nefariè trussit in carcerem. Quade re cum acerbissimè quererentur boni omnes; ejusdem Conradi Soror, Comiti Bronckhorstiano nupta, Procerum vicinorum aulas pientissimè imploravit, ut captivo patri repentinum auxilium ferrent. Convenerunt igitur Monasteriensis & Paderbornensis Episcopi, simulque Comites Oldenburgensis, Lippiensis, Ritbergensis, & Schawenburgensis, hominemque impium in suo castro Tecklenburgico minis & armis ita presserunt, ut Ottonem patrem è vinculis relaxare, & gubernationi pristinae restituere compulſus fuerit. Neque tamen id erat primum impietatis exemplum in hac familia. Nam & idem hic Otto Comes paulò antè Nicolaum fratrem, & idem ille Nicolaus ante annos non multos Nicolaum patrem in vinculis attinuerat.

Prodiit & aliud hoc anno scelus hominum, longo tempore in latrocinii aliisque horrendis flagitiis versatorum. Præcipui ipsorum duces fuere tres fratres Westphali, in oppido Lunensi geniti. Quorum unus, cum in homicidio prope Hammonam facto comprehenderetur, sinè mora factus est, multa alia hujusmodi homicidia à se suisque duobus fratribus communi studio perpetrata esse: quin & incestuosos coitus cum propria matre ab iisdem habitos; & si quas alias mulieres in abstrusioribus locis corripuerint, easdem violenter à se vitiatas, & peracto scelere jugulatas. His enuntiatis, etiam alii duo fratres in diversis Westphaliæ partibus comprehensi. Primusque eorum, qui triginta quatuor homicidia confessus fuerat, Hammonæ quadrifariam dissectus est: alter, qui septuaginta quinque cædes perpetraverat, Paderbornæ apud nos; ac tertius, qui similiter non parvam hominum multitudinem trucidarat, apud Unnam in comitatu Marcano gravissimis suppliciis facinorum suorum poenas exsolvit. Iidem & alios quosdam Liinenses oppidanos, flagitiorum suorum socios, prodidere; qui similiter prope Unnam oppidum *feriâ secundâ post Dominicam in albis* crurifragio plexi, ac deinde in rotam acti sunt. Nullusque ex numero eorum fuit, qui non quinque, vel septem, vel etiam viginti quatuor homicidia commisisset; uti per bacillos, ex rotis eorundem pendulos, commonstratum esse, refert *Westhovius. Potissimum verò scelerata hæc latronum societas defæ-

*Trithem.
ibidem.

Otto Comes Tecklenburgic⁹
à Conrado filio suo conjicitur in vincula.
Chytraus ad hunc annum. Hamel-man in appendice Chron. Os-nabr. pag. 643.

Sed iterum è vinculis eripitur à vicinis Episcopis.

Auctores iidem.

Detecta etiam societas quorundam latronum, qui diu pluri-mos occiderunt in Marcano comitatu Westphaliæ.
Chron. Tre-mon. ms.


*Westhov. in Chron. Tremon. ms.

verat in viatores exteros, peregrinis ex urbibus adventantes : eaque
**diversorij* res multis annis occulta mansit, quod ab iis hominum occisorum
inter Lü- corpora prope villam seu diversorium (cui nomen **Birkenbaum*)
nam & in profundum puteum coniecta essent.
Hammonā.

Annus Christi 1515.

LEONIS X. Pontificis 2. & 3.
 MAXIMILIANI I. Imper. 22. & 23.
 ERICI Episcopi Paderborn. 7.

Ludovicus
 XII Rex
 Gallie mo-
 ritur Kalen-
 dis Januarii.
 Succedit
 Franciscus I.
Palat. in
Aq. Austr.
Spondan. &
Syrms.



Hic, reno-
 vato cum
 Venetis fo-
 dere, in Ita-
 liam profi-
 cisitur ad
 recuperan-
 dum Me-
 diolan.
Autores
idem.

Chytraus ad
hunc annū.

**Salutaria*
urbs Italia
in Pedemont-
is, vulgo
Saluzzo.

Helvetos
 pro Sfortia
 pugnantes
 feliciter cæ-
 dit, & Me-
 diolanensē
 Ducatum
 recuperat.
Autores
idem.
Langius in
Chron. Ci-
tiz.

Kalendis Januarii bellicosam animam exhalavit Ludo-
 vicus XII. Galliarum Rex : & quia prole masculā de-
 stitutus erat ; Franciscus I, Comes Engolismensis ,
 proximioris cognationis titulo ad coronam evocatus
 est, unctusque Remis die vicesimā quintā Januarii. Is, ut erat
 avidissimus recipiendi Ducatus Mediolanensis, in primo statim re-
 giminis aditu renovavit armorum foedus cum Venetis; ac deinde
 per ætatem hujus anni cum ingenti exercitu properavit in Italiam.
 Prima belli auspicia dependebant à felici transgressu Alpium. Nam
 in harum introitu miles Helvetus ita occuparat omnes viarum an-
 gustias, ut vix ulla penetrandi spes videretur affulgere. At Fran-
 ciscus, nihil istis obstaculis territus, inimicorum suorum consilia
 novo prorsus consilio fregit; omnemque exercitum suum, tam
 equestrem quam pedestrem, unā cum tormentis bellicis deduxit
 per altissimos asperrimosque scopulos etiam solo aspectu horridos:
 labore quidem immenso difficillimoque; sed tamen hostibus omni-
 no insciis, neque prius hunc descensum advertentibus, donec
 omnis miles in aperta **salutarum* devenisset. Indè rectā Medio-
 lanum progrediens, nobilissimam, ab Helvetis Maximiliani Du-
 cis adjutoribus, victoriam reportavit. Initium conflictus fuit Idi-
 bus Septembris, quando Helveti duabus ante vesperum hōris Gal-
 licanum exercitum adorti sunt: pugnatūque in multam noctem
 pertinacissimis utrimque animis, donec propter immodicas tene-
 bras aliquantisper conquiescere necessum fuerit. Mansēre tamen
 in armis omnes : & ipse Rex, ut erat indutus apparatu martio,
 somnum in arena cepit reclinato ad bellicum tormentum corpore.
 Altero mane, nimirum die 14 Septembris, albescente coelo novis
 animis resumpta est pugna : in eaque tandem Helveti, propter
 allapsa Venetorum auxilia, campo cedere coacti sunt, amissis ex
 parte sua quindecim millibus; reliquis autem diffugientibus ac dis-
 persis. Finito prælio Franciscus Rex Mediolanum victor ingressus
 est;

est; brevique post etiam arx huic urbi adfita cum toto Mediola-
penſi Ducatu in potestatem Gallorum rediit, Maximiliano Duce
capto & in Franciam deportato: ubi & finem vivendi fecit.

Cæſar hoc rerum ſtatu novis amicitiiſ Austriacam Domum
firmaturus, Sigismundum Poloniæ, ejusque fratrem Vladislaum
Hungariæ ac Bohemiæ Regem, humaniſſimè invitavit Viennam
Austriæ. Quod cum illi pari humanitate condixiſſent, Cæſar iis
proceſſit obviâ haud procul à Vienna; ibidemque in aperto cam-
po tres illi Reges ſeſe invicem jucundiſſimè complexi ſunt, dicen-
te Cæſare: *hæc dies, quam fecit Dominus!* & Sigismundo respon-
dente: *Faxit Deus, hunc noſtrum *congreſſum Chriſtiana Reipublicæ
ſalutarem eſſe!* Inſtitutâ dein brevi hilarique venatione, pernocta-
tum eſt in vicinis arcibus. Alterâ verò die, quæ erat decima ſep-
tima Julii, ſolennis Regum ingreſſus in urbem Viennensem habi-
tus, univerſâ multitudine civium cum omni Clero, Magiſtra-
tu, & Academiæ proceribus, in occuſum hoſpitum effuſâ. Pom-
pam hujus introductionis ex parte Cæſaris adauxerunt Matthæus
Epiſcopus Gurcenſis, Coadjutor Salisburgenſis, & S. R. E. Car-
dinalis, inter Hiſpanum Anglicumque Legatos medius, Chriſto-
phorus Archiepiſcopus Bremeniſis, Joannes Epiſcopus Ratisbo-
nenſis, Wiguleus Epiſcopus Paſſavieniſis, Chriſtophorus Epiſco-
pus Labacenſis, Bertholdus Epiſcopus Chiemenſis, Guilielmus
& Ludovicus Bavariz Ducæ, Caſimirus Marchio Brandenbur-
genſis, Albertus Dux Mecklenburgicus, Udalricus Dux Würten-
bergicus, multique illuſtres Imperii Comites, præſtantiſſimo or-
natu fulgidi. Nec minori ferè pompâ ſe oſtentârunt duo Reges
advenæ. Nam ex parte Sigismundi Poloniæ Regis in urbem co-
mitati ſunt Matthias Epiſcopus Vladislavieniſis, Joannes Epiſco-
pus Poſnanieniſis, Petrus Epiſcopus Premislieniſis, unâ cum Pa-
latino Sendomiriſi, Lublinenſi, Vilnenſi, & aliis magni nomi-
nis: ex parte autem Vladislai, Hungariæ ac Bohemiæ Regis, Tho-
mas Cardinalis & Archiepiſcopus Strigoniſis, Hungariæ Pri-
mas, Gregorius Archiepiſcopus Colocieniſis, Georgius Epiſcopus
Quinque-Eccleſienſis, Ladislaus Epiſcopus Vacienſis, Michaël
Epiſcopus Boſnenſis; &, quod omnium caput eſt, Ludovicus &
Anna, Vladislai Regis egregia Soboles. Exinde ſequenti triduo
Cæſarem inter & Reges conſultatum eſt de rebus Regni: conven-
tümque primò, ut inter eos maneat arctiſſima & nunquam diſſo-
lubilis amicitia: deinde ut in hujus amicitiz confirmationem An-
na, Regis Vladislai Filia, deſponſetur Ferdinando Archiduci,
Maximiliani Imperatoris ex filio Philippo nepoti; & viciffim Lu-
dovicus, ejusdem Vladislai filius, deſponſetur Mariæ Archiduci,

Congreſſus
Maximilia-
ni Impera-
toris, Sigis-
mundi Po-
loniæ, &
Vladislai
Hungariæ
Regis pro-
pe Viennâ.
Cuſpinianus
in *Diario*
iſtius con-
greſſus.
Palat. in
Aq. Auſtr.
Langius in
Chron. Ci-
tiz.
Chytræus.
& alii.
**Palatinus*
loc. cit.
Cæſar cum
duobus Re-
gibus ma-
gno ſplen-
dore Vien-
nam ingre-
ditur.
Cuſpinian.
in *Diario*
hujus con-
greſſus ap.
Frecher. 10.
2. rer. ger-
manic.
Ludovicus
Regis Hun-
gariz filius
deſponde-
tur Mariæ
Austriacæ;
& Anna Re-
gis Hunga-
riz filia
deſponde-
tur Ferdi-
nando Au-
ſtriaco.
Cuſpinian.
loc. cit.
Syrus in
comment.
ejuſ-

eiusdem Imperatoris ex filio Philippo nepti. Quibus utrimque stabilitis, reliqui dies usque in mensem Augustum venationibus, ludis, & oblectationibus dati sunt; ac tandem conjunctissimi Reges non minori, quàm quo venerant, honore rursus dimissi.

Philippus
Archiep.
Colonien-
sis moritur:
cui succedit
Hermannus
de Wieda.

*Surius in
comment.
Cratopol.
in Catal.
Arch. Col.
*Cratopol.
loc. cit.*

Eodem anno è vicinorum nobis Antistitum numero defunctus est Philippus Archiepiscopus Colonienſis, vir insigni prudentiâ & humanitate præditus. Luculentum utriusque hujus virtutis exemplum inter alia dedit, quando comperit, non paucos è Nobilitate patria sibi clanculum inimicos esse. Tunc enim eosdem illos humanissimè invitavit ad convivium; interque geniales epulas, veluti per jocum, interrogavit eos: *Quot proditores habuerit *Christus inter suos?* Respondentibus autem illis: *unum duntaxat, nempe Judam Iscariothem*: singulari comitate reposuisse fertur: *at ego tot penè proditores habeo, quot convivias.* Atque hoc dicto, cum adhuc pergeret amicè ac hilariter cum iisdem agere, ità animos convivarum ad se rapuit, ut infida ipsorum consilia humanitate magis quàm severitate disturbaverit. Successorem in Episcopatu nactus est Hermannum de Weda, qui & postea anno 1532 Paderbornæ apud nos ad cathedram Episcopalem venit. Initia ejus in utroque loco fuerunt bona. Sed, quia minùs literatus & in quæstionibus fidei neutiquam versatus erat; à Martino Bucero, Apostatâ Dominicano, tandem seductus est, & initia bona fine pessimo corruptit, quemadmodum suo loco referetur.

Theodoricus à Monasterio, qui & aliàs Theodoricus de Osnabrugo dictus est, ex ordine S. Francisci de strict. Observ. cum fama sanctitatis moritur Lovanii.

*Annal. Ordinis mss.
Vita ejus à Raisio edita
*Raisius in ejus vita.
monumenta Provincialis istius Ordinis.*

Longè beatiori morte Westphalam hoc anno illustravit Venerandæ memoriæ vir, Theodoricus Cœlde ex ordine S. Francisci strictioris Observantiæ, natione Westphalus, hoc anno sanctissimè defunctus in Conventu Lovaniensi, die undecimâ Decembris. Virum hunc aliquando à loco natali patris, qui origine Osnabrugensis erat, appellârunt cum Trithemio Theodoricum ab Osnabrugo; aliquando autem & multò sæpius à loco natali proprio Theodoricum à Monasterio: nam in hac urbe domicilium fixerant parentes ejus, ibidemque pariter jure civico donati erant. Id quod cum in monumentis Provincialibus ejusdem ordinis clarissimè annotatum, sed à quibusdam recentioribus ignoratum fuerit; diversitate nominum decepti, unum eundemque Theodoricum in duas personas divisere. Literarum Philosophicarum causâ à parentibus suis missus erat Coloniam Agrippinam. Ubi postquam præclarissimè in studiis profecisset, aggregare se primò cepit ad Ordinem *Eremitarum S. Augustini: inde verò non multò post, severioris vitæ desiderio, amplexus est Ordinem S. Francisci de strictiore Observantia, quem id temporis religiosæ pietatis & virtutum studia maximopere commendabant. Et verò hujusmodi

mu-

mutationem Deo placitam, atque ex ejus voluntate vel impulsu susceptam fuisse, eventus docuit. Nam ex eo tempore tam eximium verbi Divini præconem effecere Superi; ut, cum totum fere Belgium concionando & catechizando peragraret, ubique admirabilis doctrinæ & sanctitatis vestigia post se relinqueret. Hunc in finem addiderat illi Deus non modo singularem in dicendo gratiam; sed etiam in agendo vim & energiam, de qua ^{*Trithemius,} cum eo vivens, ita loquitur: *Theodoricus de Osenbrück* (aliàs de Münster) *Ordinis Fratrum Minorum Colonienſis* ^{*Provincia,} *vir est* ^{*hac provincia eo} *in Divinis scripturis exercitatum habens ingenium, declamator sermo* ^{tempore} *num popularium famosiſſimus: cujus vitam omnes, qui cum noverant,* ^{complete-} *sanctam et religiosissimam prædicant. In sermonibus enim faciendis ad* ^{batur Bel-} *populum tantâ gratiâ divinitus illustratur, tantâ faciendiâ loquitur,* ^{giam.} *tantâ denique compunctione et dulcedine auditores suos afficit, ut finem inter Germanos habuerit neminem. Unde et per totam provinciam generalis prædicator constitutus est.* Multa hac de re, uti etiam de illius ardentissimo animarum zelo, aliisque virtutibus, quibus cum admiratione omnium excelluit, scribi possent, sed ^{Spiritus} his omissis, hîc solum adjungo ea, quæ ad Spiritum ejus ^{ejus Pro-} *pheticum, rerumque arcanarum notitiam pertinent.* Cum Antwerpiæ ^{*Guardianum} ageret; inde ad oppidum Hochstratenſe ^{*circa an-} *vectus, in curru publico Virginem offendit Catharinam nomine:* ^{num 1509.} quæ, ut erat adhuc recens alteri promissa & coccineo indumento fulgens, identidem respiciebat anxia, ne pretiosus ille vestium suarum nitor ab excusso è rotis luto asperſionem caperet. Huic Theodoricus ^{*dicebat ore fatidico:} *desine, mea filia! desine vestimen-* ^{*Raisius in} *ti hujus nimiam custodiam gerere! non diu amplius uteris illo; sed assu-* ^{vita Patris} *mes aliud indumenti genus, de quo nondum cogitas.* ^{Theodorici,} Ut dixit, ita factum. Accidit post breve tempus, ut ejusdem Catharinæ soror Hochstratenſi in oppido ingrederetur Monasterium S. Claræ. In quo actu religioso cum Theodericus nuptialem illi concionem diceret, spiritali verborum pondere adeo commota est Catharina; ut abdicato protinus mortali sponſo, religiosam vitam conjugio antetulerit, & in eodem Hochstratenſi Monasterio ætatem reliquam Christo Domino consecravit. Alio tempore invitatus à viro Nobili, aliâque & alia fercula in mensam afferri ^{*videns:} *Quanta,* ^{*Raisius in} *inquirebat, hîc est ciborum abundantia? et, eheu! quanta apud alios* ^{ejus vita.} *eorundem penuria? Ausimne petere abs te, mi Domine! ut ex eis mit-* *tatur aliquid ad hominem, occultâ inopiâ pressum?* Annuente Domino, præceptum aliquid congestumque in unam lancem cooperatam linteis, quam Theodoricus famulo domestico tradens: *va-* ^{*die schrei-} *de,* ^{ner straß-} *inquirebat, ad plateam* ^{illam,} **scriniariam, et cibum hunc infer in domum*

Mortem
suam eodē
die quo
obit, præ-
dixit publi-
cē in con-
cione.
*Raisius in
ejus vita.
Annales
Provincia.*

Ossa ejus
elevata as-
servantur
in valetudi-
nario co-
nobii Lo-
vaniensis.
*Raisius in
ejus vita.*

illam, in quam a volabit linteam à vento raptum. Paret famulus : ab-
ripitur à vento linteam, detruditurque in domum civis, commu-
ni hominum opinione divitis. Eam verò cū intrare non aude-
ret famulus, continuò scutellam cum cibis retulit; edixitque Pa-
tri, domum hanc opulentiorē esse, quā ut hujusmodi cibo-
rum frustula in eandem inferre audeat. Ad quæ verba sanctus vir:
scio, scio, quam sit ista domus: tu modò perge, dictis que meis obsecunda.
Redit igitur ad eam famulus: & ecce? ut primū penitus intro-
greditur, videt omnia plena fame; interque alia duas proles, por-
corum filiquis esuriem sui ventris mitigantes. His prodigiis in
vita gestis accessit etiam prodigiosa multūque admiranda mors.
Die undecimā Decembris, quæ illi postrema fuit, Lovanii de sug-
gestu sacro edicebat publicē, *depositionem tabernaculi sui velocem
fore.* Dimissā concione pergit ad sacristiam templi, præpa-
rat se ad offerendum Sacrificium, devotione maximā ad aram fa-
cit: atque, ut erat rigidus communis vitæ sectator, consuetā re-
fectionis horā simul cum aliis fratribus ad mensam adit. Sub
mortem viciniorem sentiens, iterum surgit è triclinio, cubiculum
suum repetit, in genua supplex devolvitur: dūque agonem su-
um complicatis manibus Deo commendat, eodem penē tempo-
ris momento beatam animam exhalat. Interea post ipsum emit-
titur Fratrum aliquis, ut videat, quid agat? quī valeat? quid ei-
dem accidat? sed jam serò nimis. Cū enim cubiculum ipsius
aperit, jam exanimem ac defunctum reperit, genibus adhuc flexis,
& manibus ad orandum compositis. Acta sunt hæc Lovanii, ubi
sepultus est in choro templi cum hoc epitaphio: *Hic jacet sepultus
Venerabilis ac devotus Pater, Frater Theodoricus à Monasterio, eximius
Predicator verbi Dei, quondam hujus Conventus et aliorum Guardia-
nus.* Ossa ejus anno 1618. die 12 Septembris *iterum exhumata, &
in sacello valetudinarii Lovaniensis etiamnum asservantur in arca
ligna & elegante.

Annus Christi 1516.

LEONIS X. Pontificis	3. & 4.
MAXIMILIANI I. Imper.	23. & 24.
ERICI Episcopi Paderborn.	8.

Ferdinand⁹
Hispaniæ
Rex mori-
tur, & hæ-
redem
sceptri de-
claravit Ca-
rolum Au-
striacum.



Ub initium hujus anni, die xxiii. Januarii decessit
Ferdinandus cognomento *Catholicus*, Hispaniarum
Rex potentissimus: hæredēque sceptri decla-
ravit Carolum Austriacum, ex ejusdem filia Joanna
geni-

genitum, qui paulò antè*provinciarum Belgicarum gubernationem aggressus erat. Hic, ut pacificè transiret in Hispaniam, neque interim à Gallis barbarum aliquid vereri posset in Belgio Regnòque Neapolitano; sinè mora cum Francisco I. Galliarum Rege novum pacis & amicitiae foedus ineundum censuit: id quod etiam Augusto mense praesentis anni per utriusque partis Legatos Novioduni percussum firmatumque est. Nec multò post etiam Cæsar in favorem Caroli nepotis eidem foederi se adjunxit: & quia Gallus Veronam repetebat pro Venetis belli præteriti sociis; etiam urbem hanc eâ lege reddidit, ut pro illius restitutione intra semestrem spatium à Gallis Venetisque solverentur sibi ducenta aureorum millia. Quo peracto Verona ad Venetos rediit, ac demum finis bello Veneto impositus est.

Major difficultas erat eidem Carolo in tuenda interim, dum abesset, Frisia. Provinciam hanc jam ab anno 1498 legitimè obtinuerat Albertus Saxo, & post eum Georgius filius. Jamque omnes ferè urbes & oppida subjecerant se juri Saxonis, exceptâ urbe Gröninganâ; quæ eidem diu restitit, ac tandem anno 1514, cum à Georgii Saxonis exercitu* vehementissimè premeretur, à Carolo Geldro auxilium petiit. Is, ut erat homo turbidus & in omnes rapiendi occasiones intentissimus, repentè cum exercitu numerofo advolat, Saxones ab obsidione Groningensi rejicit, urbem intrat, juramentum fidelitatis accipit, occupatâque Snecâ, Slotâ, Bolswerdâ, & aliis oppidis, universam Frisiam occidentalem suæ potestati submittere nititur. Irritatus hac injuriâ Saxo, ut hosti hostem potentiorè objiceret, initio sequentis* anni recepit se ad Carolum Austriacum, Belgii totius Dominum; acceptisque ducentis aureorum millibus jus omne, quod in Frisiam occidentalem habuit, in eundem transtulit. Submisère se protinus novo Principi munitiones urbésque illæ, quæ hucusque in Saxonis obsequio manserant, ac præcipuè Harlinga, Franickera, & Leowardia: reliquæ verò contra jus fâsque retinebantur ab invasore Geldro. Et hic, eâ Saxonis renuntiatione flocci habitâ, etiam hoc anno* ausus est, non solum in mari Austrio Hollandorum naves deprædari; verum etiam in Frisia urbes illas, quas Carolus Austriacus occupârat, obsidione admotâ cingere. Tum verò Carolus, nihil ampliùs morandum ratus, milit illico Florentium Iffelfsteinium cum navali classe & quindecim armatorum millibus; quos inter non pauci Belgarum Proceres, novo Principi virtutem fidemque suam probaturi. Cum his Florentius processit primò in classem Geldricam; eâque disjectâ, omnium piratarum ac prædonum colla, quotquot eorum* comprehendere poterat,

Spondan.
Chytraus &
alii passim.
**nimisrum*
anno 1514.
mensis Junii
nisi scribis
Siffrius
Petri.

Hic foedus
init cum
Rege Gal-
liæ.

Spond. Pa-
lat. Chytra
Cui foederi
dum acce-
dit Cæsar,
finis impo-
nitur bello
Veneto.

Antiores
idem.
Frisia do-
pulsio Gel-
dro, magnâ
ex parte se
submittit
Carolo Bel-
garum
Principi.

**Chytraus*
l. 7. Saxon.
Snoyus Rev.
Batav. l. 13.
& alii.
**anni 1515.*
Chytraus &
Snoyus loc.
cit.

**anno 1516.*
Chytraus &
Snoyus loc.
cit.

**Antiores*
idem.

terat, laqueis infamibus inferi, & sparsim ad maris littora suspendi fecit. Inde verò terrestri Marte in Geldrum prodiens, Franickeram ac Leowardiam ab obsidione diuturna liberat, hostili exercitu ad primos Belgarum aspectus diffugiente. Solutionem hujus obsidii propediem futuri subsecuta est deditio Doccomii, Worcomii, Stáveræ, Hindelópæ, Bolswerdæ, multorumque militum, qui à fugitivo Geldrorum exercitu Bolswerdam se receperant.

Ericus Episcopus Paderborn. & Osnabr. mutua assistentia fœdus init cum Ducibus Brunsvicensibus.

Ex literis

Archivi Cathedr.

Eccles. Paderb.

*Tabula hæ sunt germanica, ex quibus hæc panca latine reddidi.

Inter hos Frisiæ motus Westphalia tota gaudebat hætenus optatissimâ ab armis tranquillitate. Quam ut pro se suisque

Dioecesibus conservaret Ericus Episcopus noster; hoc anno cum Henrico, Wilhelmo, & Erico Ducibus Brunsvicensibus, mutua defensionis & assistentia fœdus iniit contra hostes, ac terrarum vel Diocesium suarum invasores qualescunque. Tabulæ* publicæ, eâ de re confectæ, adhuc supersunt; earumque initium & finis est, uti sequitur:

NOs Dei gratiâ Ericus Episcopus Osnabrugensis et Paderbornensis, Dux Brunsvicensis: et Nos Henricus junior, Dux Brunsvicensis ac Luneburgensis, pro nobis et nomine Illustrissimorum Principum, Domini Wilhelmi et Domini Erixi etiam Ducum Brunsvicensium ac Luneburgensium, fratrum nostrorum, profiteamur in his literis publicis coram omnibus hominibus, quod nos ad omnipotentis Dei laudem, Sacri Romani Imperii honorem, nostrarum Diocesium, Principatum, terrarum, subditorumque incolumitatem, pro pace, concordia, et salutē earundem Diocesium, Principatum, terrarum, subditorumque nostrorum, singularem amicitiam, conjunctionem, fœdusque mutuum iniuimus: idque in præsens facimus hisce literis, ita ut etc. --- Quod si et nostrum aliquis improvise marte invaderetur, Officiales et subditi nostri, qui gravata vel offensa parti viciniore erunt, non expectatâ illius requisitione statim et incunctanter cum omni armorum et armatorum robore, quantum in ea festinatione colligi poterit, etiam nobis adhuc absentibus in auxilium advolabunt; illumque et ejus ditiones ac subditos tam diu ab injuriis vindicare, eripere, et servare satagent, donec nos ad ulteriorem requisitionem cum reliquo exercitu nostro advenire possimus. ----- Datum Fürstenbergæ, anno post Christum natum millesimo quingentesimo decimo sexto, feriâ sextâ post S. Catharinæ Virginis.

Fürstenbergam, ubi fœdus illud conclusum est, arbitror esse eam, quæ haud procul ab Huxaria supra Visurgim sita est in Ducatu Brunsvicensi; non autem eam, quæ in campo Sintfeldico jacet intrâ Diocesin nostram. Illa enim, cum in Principum amborum finibus constituta sit, magis apta ac idonea erat ad hujusmodi congressum. De cetero jam antè per menses aliquot Ericus Episcopus in Diocesi nostra commoratus fuerat, ibique benefici-

neficientiam non parvam exhibuerat Catharinæ Greven Abbatissæ, totique Monasterio Wurmelenfi Virginum Ordinis Cisterciensis. Habuerant illæ quondam pro suis & pagi totius usibus molendinum aliquod in amne *Twista*. Id quidem ante plures annos jam collapsum, & nescio qua de causa, quibusque hominum vel temporum injuriis, hucusque nondum ab iis restauratum fuerat: sed tamen adhuc supererant antiqua rudera, vel certè alia monumenta literaria, quibus ostendi probarique poterat jus antè habitum. Itaque pro eo rursus excitando humillimè supplicant Erico Antistiti nostro. Et ille considerato ipsarum jure, adhibitoque etiam Capituli majoris consensu, benignissimè indulgit earum petitioni: ita tamen, ut id fiat citra omne detrimentum juris molendinarii ad Calenbergense castrum pertinentis; vitæque religiosa, ex præscripto reformationis in eodem coenobio factæ, accuratissimè observetur. Literæ istius concessionis conscriptæ sunt linguâ westphalicâ; earumque, si latinè reddantur, initium & finis est, uti sequitur:

NOs Ericus, Dei gratiâ Episcopus Osnabrugensis et Paderbornensis, Dux Brunsvicensis, notum facimus ac profiteamur publicè per has literas, pro nobis et omnibus successoribus nostris in prædicta Paderbornensi Ecclesia, quòd nos cum consilio, scientia, et consensu Reverendorum ac Honorabilium Dominorum, Decani et Capituli nostræ Cathedralis Ecclesiæ Paderbornensis, concesserimus, indulserimus, ac permiserimus etc. --- Datum Anno Domini millesimo quingentesimo decimo sexto, in vigilia Pentecostes.

Biduo post hæc datas, Monasterii Gerdensis Virgines in summas angustias & pericula conjectæ sunt ex funesto incendio Gerdensis urbeculæ. Erumpebat hoc feriâ 2dâ Pentecostes * in domo cujusdam civis: statimque tantâ ferocitate grassatum est per omnes incolarum ædes & horrea, ut intra paucas horas oppidulum illud, excepto Monasterio ac templo, in cineres & favillas totum abiêrit.

Oppidum Gerdense totum, excepto Monasterio, per incendium destruitur.

* Ex diario ms. Henrici Schröder Abbatis in Marienmünster.

Annus Christi 1517.

LEONIS X. Pontificis 4. & 5.

MAXIMILIANI I. Imper. 24. & 25.

ERICI Episcopi Paderborn. 9.



Piphaniam Domini Maximilianus Imperator celebravit hoc anno Treviris. Indè non multò post in Belgium profectus est ad Carolum nepotem suum, acturus cum eo de rebus bellicis adversus Geldrum. Ac-

Cæsar in Belgium proficiscitur ad Carolum nepotem suum.

cepe-

K

Brower. in ann. Trev. Dux Geldriae dirè ceperat hic per initia præsentis anni exercitum prædatorium novies mille armatorum hominum; quos maritimo itinere miserat ad infestandam Hollandiam, robore militari vacuum. Illic Megraffatur in Hollandia. *Snoyus l. 13 ver. Batav.* denblicum, Alcmariam, aliâque oppida, villas, ac pagos expilaverant; ac deinde magnis onusti spoliis, per Diœcesin Ultrajectinam se retraxerant in fines Geldriae. Ibi rursus novorum spoliolum avidi, pedestri itinere se infuderant in vicinas Hollandiaertertas. Ac tametsi ubicunque locorum immanissimè grassarentur, nullibi tamen asperius debacchati sunt, quàm in oppido Asperensi: idque non alia de causa, quàm quòd ejusdem inquilini contra prædones istos acerrimè se defenderint, ardenti pice, calce, aliisque materiis urentissimis, hominum nequissimorum capita è moenibus perfundentes. Capto igitur devictoque tandem hoc oppido, prædones isti continuò cum ingenti fremitu in omnes plateas ac domos ruere, obvios quosque furori suo immolare, sacerdotes ad aram confugientes * interimere, mulieres partui vicinas ferro perfodere, infantium animas impacto in terram capite ex corporibus ejicere, virgines ac viduas infandis libidinibus conspurcare, aliâque id genus agere, quæ Christianus animus cogitare, nedum exequi, probrosum duceret. At carò admodum stetit illis hæc ferocia. Nam paulò post à superveniente Belgarum exercitu primum dispersi; ac deinde partim hoc, partim sequenti anno à diversis Principibus intercepti, meritisque * suppliciiis affecti sunt, aliis in furcam actis, aliis infami rotæ impositis, aliis alio poenarum genere nocentem animam evomentibus. Neque hîc rerum hoc anno gestarum finis. Nam fugato prædonum istorum agmine ulterius processum est contra Geldrum, neque prius ab eodem persequendo destitutum, donec omnis Belgarum exercitus ante Arenacum * staret. Ibi dum arctissimâ obsidione premeretur Gelder, & jam horribili tormentorum fragore quaterentur moenia; tandem ipse desperatis auxiliis extra urbem progredi, pacemque petere coactus est: quam etiam, interventu Legati Gallici, eâ lege obtinuit, ut acceptis à Carolo Austriaco centum millibus coronatorum, ab omni Frisia terrâ marique abstineret.

Ità Carolus Austriacus, hujusmodi impedimentis ac periculis liber, tandem hoc anno pridie Nativitatis B. MARIAE Virginis conscendit classem; ventoque tam secundo navigavit in Hispaniam, ut eodem mense, die vicesimâ octavâ Septembris in Biscaniam appulsus fuerit. Venientem cum ingenti gaudio susceperunt Hispaniæ totius Procures: à quibus etiam per initia sequentis anni Vallisoletum deductus, regali solio impositus, & Hispaniæ Rex unâ cum Joanna matre sua, defuncti Regis Ferdinandi Filia, salutatus est.

Quis

Quis non putasset, eam rerum Austriacarum & Hispanicarum conjunctionem toti Imperio Germanico maximopere salutarem fore? Præsertim, cum idem Carolus Austriacus etiam biennio post ad coronam Imperii suscipiendam evocatus fuerit? sed eheu! spem illam optatissimam repente hoc anno rescidit unus desertor Monachus, Martinus Lutherus ex ordine Eremitarum S. Augustini. Erat hic anno 1483 in comitatu Mansfeldiensi prope Islebiam natus egentissimis parentibus, nimirum patre Joanne Euder & matre Margaretâ Eudeman; uti fatetur ipsemet hisce * verbis: **10 2 col.*
Ego sum rustici filius de Möer circa Islebiam. Ego natus ex pauperibus loq m. n
parentibus. Pater fuit pauper fossor montium: mater omnia ligna ad rem latino.
domesticam necessaria in dorso importavit. Literas humaniores didicerat * Magdeburgi & Isenaci; philosophicas autem in Academia **Chytrius*
 Erfurtenfi. Indè se ad ordinem Augustinianum transferens, erudi-*l. 7. saxon.*
 tionem & ingenium suum ita excoluit, ut anno 1512 Sacrosan-
 ctæ * Theologiæ Doctor creatus sit Wittenbergæ in Saxonia. Quo **Spondan.*
 ex loco etiam hoc anno furere, & hæresum suarum perversa dog- & *surius*
 mata propalare cœpit. Occasio autem novarum doctrinarum fuit *ad hunc*
 hæc: Leo Pontifex omnibus Christianis, qui pro bello Turcico annuum.
 pecuniariam opem conferrent, liberales peccatorum indulgentias dederat; iisdemque promulgandis in Germania præfecerat Albertum Archiepiscopum Ecclesiæ Moguntinæ. Hic omiſſis Augustiniani Ordinis Eremitis, per quos ejusmodi indulgentiæ jam ab annis plurimis promulgari sueverant, ad munus istud assumpsit Joannem Tetzeliū ex ordine S. Dominici. Quod cum ægerri-
 mē ferrent Augustiniani; Joannes Staupitius, ejusdem * Ordinis **Spondan.*
 Vicarius in Germania, Martinum Lutherum Wittenbergæ do- *ad hunc*
 centem incitat, ut contra novos istos pecuniarum collectores lin- *annum.*
 guam suam calamūque stringeret. Neque deerat materia ad *Langius in*
 prosequendas hujusmodi cavillationes peridonea. Nam sub illo *Chron. Cs.*
 indulgentiarum prætextu collectores nonnulli quandoque dixe- *sic ad ann.*
 rant fecerantque multa præter intentionem Pontificiam, quæ à *1513.*
 viris prudentioribus concedi vel approbari nequaquam poterant. Imò Paulus Langius, ex ordine S. Benedicti scriptor cœvus, in chronico Citizenſi asserit, Fratrem aliquem ex ejusmodi indulgentiarum prædicatoribus ab obitu suo reliquisse duo millia florenorum aureorum, quæ è solis poenitentium lachrymis non sinè vitio corrasa fuerant. Itaque Lutherus, tam fertili in campo se constitutum videns, primò contra quæstores illos acerrimè detonuit è suggestu sacro. Postea verò, vel ab ipso verborum plausu insolentior factus, nonaginta quinque Theses in lucem edidit: in quibus non modò præcones hujusmodi; sed etiam Pontificem ipsum aggressus

** Spondan. & Surins ad hunc annum. * Auctores iidem, & alii passim.* aggressus est, ejusque* in concedendis indulgentiis auctoritatem in dubium traxit. Secuta mox ambarum partium concertatio Vulcania. Tetzelius enim, Francofurti ad Oderam, Lutheri theses ut hæreticas comburi fecit, iisdemque centum & sex alias opposuit: contra verò Lutherus* pariter Tetzelianas theses per Academicos Wittenbergenses in conspectu totius urbis igni infauisto tradidit. Ex his autem igniculis, tam improvidè succendi jussis, coortum est immane illud incendium, quod intrà paucos annos Germaniam totam in horrendas bellorum, seditionum, ac tumultuum flammæ egit, uti videbimus alibi.

Capitulum
Osnabru-
gense im-
petrat à
Leone Pa-
pa, ut in po-
sterum ne-
mo ampli-
us ad Cano-
nicatum Ec-
clesiæ Ca-
thedralis
admittatur
nisi qui
fuerit ple-
næ nobili-
tatis.

Ex archiv.
Cathedr.
Eccl. Osn.

Interea Collegium Cathedralis Ecclesiæ Osnabrugensis constitit hucusque non solum è personis genere perillustri natis; verum etiam ex aliis viris, Magisterii seu Doctoratus honore conspicuis. Quorum operâ cum se suæque bona ab iniquis appetitoribus defendi non posse crederent ejusdem Ecclesiæ Canonici; adjuvante Erico Episcopo, impetrârunt hoc anno Romæ à Leone X. Pontifice, ut, quemadmodum Paderbornæ, ita etiam Osnaburgi, nemo deinceps ad Capituli Majoris gremium recipere-
tur, nisi qui de Nobili Baronum vel ex utroque parente de militari genere se procreatum esse demonstraret. Pontificium diploma hac de re datum est Romæ die 17. Julii. Et quia simul complectitur multa alia, quæ ad hunc scopum non faciunt, prolixitatis evitandæ gratiâ sufficiet, primariam illius partem hîc adducere.

Leo Episcopus, Servus Servorum Dei, ad perpetuam rei memoriam. *Adeâ, quæ Ecclesiarum, præsertim Cathedralium insignium decorem et utilitatem, nec non personarum earundem commodum et tranquil-
lum statum concernunt, et quibus ipsarum Ecclesiarum honor augetur et status conservatur, libenter intendimus, et circa illa statuimus et ordina-
mus etc. - - - Quare pro parte modernorum Episcopi ac Decani et Capituli prædictorum, asserentium dictam Ecclesiam primam omnium Ec-
clesiarum in Saxonia per claræ memoriæ Carolum Magnam Romanorum Imperatorem sufficienter et copiosè dotatam fuisse, et bona ad eandem Ecclesiam pertinentia in terris et dominiis diversorum Principum et Dominorum temporalium sparsim sita esse, ac pro illorum de-
fensione et conservatione assistentiam Nobilium et potentium perne-
cessariam existere, nobis fuit humiliter supplicatum, ut de cetero perpetuis futuris temporibus nullus, etiam in quacunque facultate graduatus, qua-
rumcunque literarum dictæ Sedis, aut Legatorum vel delegatorum ejus, seu quacunque aliâ, etiam dictâ ordinariâ, auctoritatibus ad Canoniciatus et Præbendas, ac supra dictas et quascunque alias dignitates, personatus, et officia dictæ Ecclesiæ quomodolibet assumi deberent, statuere et ordinare, aliasque de super opportunè providere, de benignitate Apostolica dignaremur.*
Nos

Nos igitur modernos, Episcopum, ac Decanum et Capitulum præfatos, ipsiusque Capituli singulares personas à quibusvis excommunicationis, suspensionis, et interdicti, aliisque Ecclesiasticis sententiis, censuris, et pœnis, à jure vel ab homine quâvis occasione vel causâ latis, si quibus quomodolibet innodati existunt, ad effectum præsentium duntaxat consequendum, harum serie absolventes, et absolutos fore censentes, hujusmodi supplicationibus inclinati, ut de cetero perpetuis futuris temporibus nullus, etiam in quacunque facultate graduatus, quarumcunque literarum dictæ Sedis, vel Legatorum aut delegatorum ejus, seu quacunque aliâ, etiam dictâ ordinariâ, auctoritatibus, ad Canonicatus et Præbendas, Dignitates, Personatus, et officia prædicta, quomodolibet admittatur; nec Episcopus et Decanus nunc et pro tempore existentes, ac Capitulum præfati, ad quemcunque recipiendum et admittendum, quarumcunque literarum, etiam quascunque sententias, censuras, et pœnas in se continentium vigore, invito compelli possint, nisi eisdem Episcopo, ac Decano et Capitulo clarissimè constiterit, quod hujusmodi recipiendus sive admittendus de Nobili Baronum, seu ex utroque parente, de militari genere ac de legitimo thoro procreatus, et aliàs statu liber, ac scientiâ, moribus, famâ et honestate præclarus existat: ac ut quacunque collationes et provisiones, ac aliæ dispositiones de Canonicatibus et Præbendis, Dignitatibus, Personatibus, et officiis dictæ Ecclesiæ, etiam per Sedem prædictam aliter pro tempore factæ, nullius sint roboris ac momenti, ac præsentibus literis per quascunque literas Apostolicas, quasvis etiam derogatoriarum derogatorias, aliàsque fortiores, efficaciores, et insolitas clausulas, ac irritantia vel alia decreta et declarationes in se continentes, etiam per nos et dictam sedem etiam motu proprio et ex certa scientia, ac de Apostolica potestatis plenitudine pro tempore concessas, nullatenus derogatum existat aut censeatur derogari, nisi earundem præsentium de verbo ad verbum toto inserto tenore, et trinis literis in forma Brevis expediendis, et per intervallum eisdem Episcopo ac Decano et Capitulo intimandis, et tunc demum Episcopi et Decani et Capituli ipsius Ecclesiæ pro tempore existentium expressus ad id consensus accesserit, auctoritate Apostolicâ prædictâ earundem tenore præsentium statuimus et ordinamus, non obstantibus constitutionibus et ordinationibus Apostolicis, ceterisque contrariis quibuscunque. Nulli ergò omnino hominum liceat hanc paginam etc. - - - Datum Roma apud S. Petrum, anno Incarnationis Dominicæ millesimo quingentesimo decimo septimo, die XVII mensis Julii, Pontificatûs nostri anno quinto.

Ad impetrandum hoc diploma non parùm contulit Erici Antistitis, unâ cum eodem Capitulo supplicantis, auctoritas. Et hic etiam, quia nostræ simul Diœcesi præerat, per ætatem hujus anni Padibornam venit; ibique desideratam diu concordiam statuit inter Monasterium Bôdecense, & vicinæ arcis ac satrapie Wewelsburgensis possessores hypothecarios, Conradum de Brencken,

Ericus Episcopus Paderb. componit lites diuturnas inter Monasterium Bôdecense,

& Præfe-
ctos arcis
Wewels-
burgensis.
Ex literis
Cancellaria
Paderb.

*Ex literis
Archivi
Cath. Eccl.
Paderb.

*sunt in
arch. Cath.
Eccl.

*Littera
transactio-
nis in Can-
cellaria Pa-
derb.

*die Tyn-
deler und
Bödeler
Markt.

Simon Co-
mes de Lip-
pia, prole
masculæ
carens, ab
Erico Epi-
scopo reli-
quisq; sta-
tibus Dîce-
cesanis im-
petrat, ut, si

cken, & Bernardum ac Joannem Dominos de Biiren: quorum ille diuturno tempore Wewelsburgum obtinuerat usque in annum 1513; hi verò illud post Conradum Brenckium etiam nunc obtinebant. Utraque hæc perillustis familia, ob agrorum silvarumque Wewelsburgensium limites, jam dudum acriter decertaverat cum prædicto Monasterio, ita ut etiam à prædictis Nobilibus ad varias damnorum illationes processum fuerit. Ac tametsi postmodum res ista primò *Coloniz, deinde & Romæ in iudicium deducta esset; nihilominus tamen Domini Biirani, maximèque Brenckius, pendente lite, Monasterium hoc novis invasionibus, incendiis, aliisque nocumentis, & pecorum abactionibus, acerbè divexaverant. Intervenit quidem his injuriis Illustrissima vidua Hassiæ Landgravia, à Bôdecensibus implorata; uti constat ex ejusdem literis ad Capitulum nostrum Cathedrale * datis, quarum initium & finis est: *Anna, Dei gratiâ, nata Ducissa Mecklenburgensis, Landgravia Hassiæ, Comitissa Cattimelibocensis, Vidua etc. --- Datum Marburgi, sabbatho post Lucia anno M.D.XV.* Sed quia in hac lite agebatur simul de juribus bonisque Episcopalibus castri & satrapizæ Wewelsburgensis; nihil aliud hujusmodi literis effectum est, quàm quòd Ericus Episcopus noster inter partes litigantes amicabilem compositionem & concordiam tentare conatus fuerit. Neque tentamen istud fortunato successu caruit. Nam inspectis partium ambarum juribus, præmissâque sequenti consultatione, res illa tandem hoc anno ad amicam transactionem * venit; interque alia conventum est, ut pagus Haren, Oisthelmeren, & Westhelmeren, cum omnibus (uti vocant) appertinentiis suis, in posterum esse debeant sub dominio castri Wewelsburgensis: ut Marca Tyn-delensis * & Bôdecensis perpetuò maneat in usu ac dominio solius Monasterii: ut arbutum Swaffensis Marcæ dividatur in duas partes æquales, è quibus una pertineat ad castrum Wewelsburgense; altera verò ad Monasterium Bôdecense: aliâque id genus multa, quæ prolixius videri possunt in tabulis publicis, eâ de re confectis, & sigillo quadruplici consignatis, *die jovis in sancta hebdomada Pentecostes, Anno Domini millesimo quingentesimo decimo septimo.*

Eodem hoc tempore Simon Comes de Lippia adhuc omni prole destitutus erat; neque ampliùs affulgebat ulla spes, accipien-di hæredis è sua conjuge Walburge Bronckhorstiana. Itaque, ne se defuncto Comitatus Lippizæ revolveretur ad Ecclesiam nostram (cui feudi masculini titulo obstrictus est) devotissimè se recepit ad Ericum Antistitem; ab eoque obnixè petiit, ut, si fortè moriturus esset non relictâ prole masculâ, permetteretur sibi pro tali casu, unum è proximioribus consanguineis Lippiaci comitatûs hæredem

dem dicere. Deliberatum est ea de re cum statibus patriæ. Et hi non modò petitioni Comitissæ assensum præstitere; verum etiam (quod longè ampliùs demirandum est) incredibili facilitate mentis eidem indulserunt, ut, si in linea hæredis proximè nominandi iterum atque iterum ejusmodi casus eveniret, etiam iterum atque iterum postremus Comes è proximioribus consanguineis hæredem ac successorem sibi deligere ac nominare posset. Eâ tamen adjunctâ lege, ut feudum hoc nunquam aliter, ac masculinum censeretur debeat, juxta antiqua Cæsaris privilegia: item ut nullo tempore deligatur ejusmodi successor, qui sit Imperii Romani Princeps; ne per ejus potentiam gravari & opprimi queat Ecclesia nostra: denique ut alter alteri in bello & aliis dissidiis fidelissimè semper assistat. Visuntur adhuc ea de re prolixæ literæ, quibus præter Episcopum & Capitulum subscripserunt, è nobilitate Joannes Dominus de Büren, Wernerus de Spiegel, Joannes de Stapel, Jodocus Westphalen, Elmerinchusius de Haxthausen, Franciscus de Hörde; ex parte Dioecesanarum urbium, Paderborna, Warburgum, Brackelia, & Borgeotrica: finisque literarum est hic: *Datum Anno Domini millesimo quingentesimo decimo septimo, die S. Odelrici Episcopi.*

forte finè
prole mascula
moretur, non
solum ipse
possit successorem
nominare
è proximis
cognatis; sed etiam ejus
posteri id possint
per duas vi-
ces.

Ex Archiv.
vo Cath.
Eccles. Paderborn.

Quis non videt, concessionem & pactionem hanc nimis prodigam fuisse, imò & Canonum sacrorum legibus vel maxime adversantem? tantos enim Ecclesiæ fundos, videlicet Lemgoviam, Dethmoldiam, Hornam, Falckenbergam, & Lage, cum suis Satrapiis, in tot generationes lineasque novas extendere, quid aliud esse aut videri potest, quàm aliqua alienationis bonorum Ecclesiasticorum species? At, quia insolitus ille favor solum eâ lege & conditione Simoni Comiti concessus est, si quidem ipse prolem masculam non acciperet: is autem postea è secundo connubio filios & hæredes consecutus fuerit cum bene longa successorum usque adhuc superstitum serie; pactio illa tam ingenti molimine stabilita, rursus casu eventum concidit.

Ceterum & hoc anno, die 11. Septembris *in festo Sanctorum Proti et Hyacinthi*, turris Ecclesiæ & oppidi nostri Brakelensis funesto incendio periit. Pro qua restauranda Ericus Episcopus anno proximo, *in Dominica Reminiscere*, eidem oppido literas commendatitias dedit ad corroganda piorum hominum subsidia.

Turris Ecclesiæ Brakelensis igne consumitur.

Annus Christi 1518.

LEONIS X. Pontificis 5. & 6.
MAXIMILIANI I. Imper. 25. & 26.
ERICI Episcopi Paderborn. 10.

Per

Maximilia-
nus Impe-
rator cele-
brat comi-
tia in urbe
Augustana.
*Brower. in
ann. Trev.
Spondan.
Surius &
alii.*



Er æstatem hujus anni Maximilianus Imperator Au-
gustæ Vindelicorum aperuit comitia publica, delibe-
raturus ibidem cum Imperii statibus de bello Turci-
co, mediisque ad illud exequendum necessariis. Con-
venerunt ea de causa Electores & Principes quàm plurimi, in-
terque alios Albertus Archiepiscopus Moguntinus, Richardus
Archiepiscopus Trevirensis, Hermannus Archiepiscopus Colo-
niensis. Matthæus Episcopus Gurcensis & Coadjutor Salisbur-
gensis, Christophorus Archiepiscopus Bremensis, Georgius Epi-
scopus Bambergensis, Gabriel Episcopus Aichstadiensis, Chri-
stophorus Episcopus Augustanus, Laurentius Episcopus Herbi-
polensis, Joannes Episcopus Ratisbonensis, Ernestus Episcopus
Passaviensis, Henricus Episcopus Razeburgensis, Petrus Episco-
pus Tergestinus, Ludovicus Comes Palatinus Rheni & Elector,
Fridericus Saxonie Dux & Elector, Joachimus Marchio Brande-
burgicus & Elector, Georgius Saxonie Dux, Casimirus Marchio
Brandenburgicus cum duobus fratribus, Joannes Landgravius
Leuchtenbergensis, & plures alii, quos è chartis veteribus non
detexi.

consultatur
ibidem de
bello con-
tra Turcas.

*Auctores
iidem.*

Palat. in

Aq. Austr.

Udalricus

Huttenus,

orator Sa-

xonis à Lu-

thero con-

citatus, dis-

suadet bel-

lum, & gra-

vissimè in-

vehitur

contra Pon-

tificem.

Palat. in

Aq. Austr.

oratio Hut-

teni apud

Freher. so.

2. Rer.

Germ.

Consulta-

tio de bello

Turcico

differtur in

alia comitia

Palat. in

Aq. Austr.

In eo congressu, postquam Imperator & Legatus Pontificius
gravissimam orationem habuere de necessitate belli Ottomannici;
repente confurrexit Udalricus de Hütten, Friderici Saxonis Ora-
tor: totoque ore & pectore Lutherum spirans, tanta cum vehe-
mentia dissuasit bellum istud, ut uno simul eodemque impetu in-
eversionem sedis Pontificie classicum ferale caneret. *Evomuntur,*
inquirebat, *Legati quatuor ad nationes Christianas, ut Reges et Princi-*
pes ad expeditionem insigant; ipsi verò pecuniam emulgeant, et predi-
cent: qui crediderit et decimas solverit, salvus erit! O avaritiam im-
mensam et carentem fundo! Provenit Pontifici ex sua terra vectigal,
quantum nulli Regum Christianorum. Et tamen asinos auro onustos Ro-
mam mittimus, aurum cum plumbo mutamus, negligentias (hem! lapsò
calamo) indulgentias passim admittimus! --- Turcam profligare vultis:
laudo propositum. Sed vehementer vereor, ne erretis in nomine. In
Italia querite; non in Asia. Contra Asiaticum quisque nostrorum Re-
gum pro finibus suis defendendis per se satis est. Ad alterum verò do-
mandum totus orbis Christianus non sufficit. --- Hic ubique grassatur, et
sanguinem miserorum sitit etc. Quis non videt hæc & alia complu-
ra, quæ novus iste cerberus in proluxa oratione sua velut Averni
spumam eructavit, fuisse meras calumnias & mendacia, à Lu-
thero ejusque sociis putidissimè conficta? & tamen ea tantum va-
luere apud aliquos Principes à Friderico Saxone concitatos, ut ne-
gotium

gotium expeditionis Turcicae usque in alia comitia differendum fuerit, Maximiliano Imperatore tam iniquis ipsorum tergiversationibus frustra obnitente.

Inter hæc Lutherus à Pontifice Romam accersitus, Friderici Saxonis & aliorum operâ id impetraverat, ut à Legato Pontificio de doctrina sua audiretur in Germania: & quidem in comitiis Augustanis, ubi Legatus Pontificius, Cardinalis Thomas Cajetanus, adhuc agebat cum Cæsare & Principibus. Ab eo pressus impulsusque, ut errorum suorum palinodiam caneret, fateri quidem noluit se errasse; postridie tamen, puta VII. Idus Octobris, in confesso quatuor consiliariorum Cæsaris chartam aliquam suâ manu scriptam Cardinali tradidit, & eidem prælegit in hæc verba: *Ego Frater Martinus Luther Ordinis S. Augustini protestor, quod reverear et sequar Sanctam Romanam Ecclesiam in omnibus meis factis et dictis, presentibus, prateritis, et futuris. Si quid mihi excidit, quod contra vel aliter dictum fuit vel fuerit; rogo et volo, id pro non dicto haberi et habere.* Similiter & hoc anno scripsit ad Leonem Pontificem, suâque omnia eidem judicanda submisit hisce verbis: *Beatissime Pater! prostratum me pedibus Tue Beatitudinis offero cum omnibus, quæ sum et habeo. Vivifica, occide! voca, revoca! approba, reproba, ut placuerit! vocem tuam vocem Christi in Te præsentis et loquentis agnoscam.* Sed hæc agebat & scribebat vir nequissimus, ne initio statim videretur ab Ecclesia Catholica defecisse. Atque ideo, cum adhuc acrius urgeretur à Cardinale suprâ dicto, ut errores hucusque sparso apertius recantaret; periculi declinandi causâ clanculum se subduxit. Nec multò post ex urbe Wittenbergensi de confessione sua, coram Cardinale & aliis facta, perversè ac subdolè * ita scripsit: *Posteriorem responsum meam, etsi cum multa reverentia dedi, ac velut in arbitrium summi Pontificis reposui: non tamen id me fecisse credas, quod de re ipsa dubitem, aut animi sententiam sum unquam mutaturus; sed quia oportuit reverentiam servare ei, qui vice summi Pontificisungebatur.* Sic eo tempore versipellis homo adhuc volebat videri reverens erga summum Pontificem, quem in corde penitus contemnebat. Quid ergo mirum, quod pientissimus Imperator, in iisdem comitiis Augustanis, magnam Ecclesiæ pestem ab hoc virulento Monacho * concitandam esse vaticinatus fuerit, edixeritque Baroni Schenckio: *Video Cacodæmonem corporali specie, Monachi istius humeris incubantem! et te quidem superstitem, me autem extincto, Monachus ille turbas, calamitates, et misérias gravissimas in Imperio suscitabit.*

Præter ista religionis dissidia, etiam in Westphalia turbæ quædam excitatæ sunt à Nicolao Dynasta Lingensi, Ottonis Comitis

L

Teck-

Lutherus
evocatur ad
comitia Au-
gustana: ubi
à Cardinali
Cajetano
pressus,
confitetur
se velle se-
qui doctri-
nam Eccle-
siæ Romæ
næ.

Cochleus
in actis Lu-
theri.
Surius in
comm. rer.
gest.

Spond. hic
n. 3. & alii.

Wittenber-
gam redi-
ens, ad er-
rores pristi-
nos rever-
titur.

* apud Coh-
laum in A-
ctis Luth-
eri ad hunc
annum in
fine.

* Palat. in
Aq. Austr.
Carolus ste-
gel. in con-
ment. rer.
August.

par. 2. c. 64
florimund.
Remund.
& alii.

Ericus Epi-
scopus Mo-
naster. Lin-

gam occu-
par, & Ni-
colaum Co-
mitem pro-
pter depræ-
dationes
publicas à
Dynastia
ejicit.

chron. Mo-
nast. ms.
Chytrius
l. 7. Saxon.
Comes eje-
ctus fugit
ad Ducem
Clivensem,
qui frustra
ab Erico pe-
tit restitu-
tionem Dys-
nastiz,
chron. Mo-
nast. ms.

Clivenfis
ad sequenti
capit ali-
quos mer-
catores
Monaster.
chron. Tre-
mon. ms.
chron Mo-
nast. ms.

Dynastia
Lingensis
anno 1520
Nicolao re-
stituitur,
urgente Ca-
pitulo &
statibus pa-
triæ.
chron. Mo-
nast. ms.
*anno 1520

Tecklenburgensis fratre. Invaserat hic vias publicas, infestave-
rat itinera, spoliaverat mercatores, maximeque Monasterienses,
ditioni suæ vicinissimos. Ac tametsi idcirco ab Episcopo Mona-
steriensi de restitutione spoliū compellatus esset, contemptis hu-
jusmodi monitionibus non solum recusabat ablata reddere; sed
etiam anteriores injurias iterum atque iterum novis injuriis accu-
mulabat. Quare Episcopus, rem experturus, castra locat ad ur-
bem Lingam; eaque tandem expugnatâ, intrâ breve tempus Dy-
nastiam totam in suam suæque Dioecesis potestatem redigit. In-
terea Comes, liberorum expers, Joanni Clivorum Duci Lingæ-
se Dominium obtulit; id unum ab illo postulans, ut ejusdem auxi-
lio Lingam reciperet, quàm diu in vivis ageret. Lætus eo mu-
nere Dux continuò scribebat ad Episcopum, simulque minabatur,
se hostem ipsius fore, nisi Linga quantocyus redderetur Nicolao
Comiti. At Episcopus, ejusmodi minas flocci pendens, intre-
pidè respondit Clivio: *hostem alium à se nesciri, quàm Nicolaum Co-*
mitem: ab hoc se injuriis appetitum: hunc à se justissimo bello domitum;
et veluti prædonem publicum dominio suo exutum esse. Id si Dux ulcisci
velit, expectari à se adventum ejus: sibi tam parùm formidinis esse ab
hoste voluntario, ut etiam præfidat, suam Dioecesis filo serico circumdu-
cere; interinque videre, quis filum istud se nolente ausit incidere. His
intellectis, paulisper conquievit Clivius. Per Autumnum verò se-
quentis anni coepit aggredi mercatores Monasterienses, præser-
tim eos, qui Coloniam nundinandi causâ cornutum pecus dedu-
cebant: eorumque duos non solum interceptit; verum etiam re-
bus omnibus exspoliatos, in custodiam & captivitatem traxit. Of-
fensus eo factò Præsul cogitabat illico parare bellum adversus Cli-
vium: petebátque in hunc finem à statibus patriæ, ut indulgerent
sibi, à quolibet subdito per singula capita pauculos duntaxat num-
mos in hoc bellum exigi. At illi non putârunt operæ pretium fo-
re, ut parvæ hujus Dynastiz causâ Dioecesis tota in periculum ca-
deret: ideóque petitionem istam non solum rejecere; sed etiam as-
siduis importunisque precibus Episcopum * adegerunt, ut Clivii
Ducis comminationi cederet, & Nicolao Comiti Lingense domi-
nium restitueret. Fecit igitur, uti volebant; sed animo invitif-
simo: memorântque passim Annalistæ Monasterienses, ex eo tem-
pore Episcopum hunc præ dolore vel tædio paulatim ita contabu-
isse, ut biennio post, nimirum anno 1522. mortalem vitam dese-
ruerit. Quin & iidem ipsi, qui restitutionem Lingæ tam impo-
tenter urserant, suo damno didicere postea, quàm improvidè &
imprudenter egerint. Nam anno 1526 ingratisissimus ille Comes
recessit iterum à Joanne Clivio, seseque contulit in clientelam Ca-
roli

roli Geldrorum * Ducis : qui deinde ex eodem Lingensi oppido Monasteriensem Dioecesin pro inquieto ingenio suo non parum divexavit.

De rebus Dioecesis nostræ nihil hoc anno reperitur , quàm quòd Ericus Episcopus noster, *feriâ sextâ post Latare*, in arce Reckenbergensi prope Wiedenbrugum composuerit litem , in causa Delbrugensi habitam cum Nobilibus de Hôrde, castri Bokensis possessoribus. Item quòd Henricus Schröder, electus Abbas in Marienmünster, die undecimâ Augusti ab eo confirmatus; & sequenti anno, die vicesimâ Julii, per Suffraganeum ejus Joannem Episcopum Tepehlicensem consecratus fuerit.

* *Chron. Monast. Pontan in hist Geldr. ad an 1526*
Ericus Ep. noster composit litem cum nobilibus de Hôrde.
litera Pad.
Confirmat electionem Abbatis Marienmünster.
Henricus Abbas in Diario.

Annus Christi 1519.

LEONIS X. Pontificis 6. & 7.

CAROLI V. Imperatoris 1.

ERICI Episc. Paderborn. 11.



Olutis anno superiore comitiis Augustanis, Imperator Maximilianus animi laxandi causâ Anipontum, & inde post aliquot hebdomadas Kuffsteinium se receperat. Ibi febriculâ parvâ tentatus, jussit illico se deferri Viennam Austriæ. Sed priusquam eò pervenisset, incrementis tam celeribus aucta est morbi vis, ut Welsii in Austria superiore iter inceptum sistere compulsus fuerit. Aliam ergò viam sibi proximè ineundam videns, primùm aliquoties poenitentiae & Eucharistiæ Sacramenta devotissimè suscepit: deinde verò, die undecimâ Januarii, etiam oleo sacro juxta ritum Ecclesiæ Catholicæ se inungi petiit. Quo peracto, cùm juberet, sibi varias preces, insuperque historiam Dominicæ Passionis usque ad mortem prælegi; inter illa Evangelistæ verba (*Et inclinato capite emisit spiritum*) suum & ipse spiritum pientissimè emisit horâ tertiâ post mediam noctem, die duodecimâ Januarii. Nulla penè virtus erat, quæ in hoc laudatissimo Principe sedem non habuerit. Ut omnem animi tumorem evitaret, mortualem tumbam cum omni supellectile ad sepulturam necessaria * tectissimè secum circumtulit; eamque frequenter inspiciens, inquiebat clanculum intrâ se: *quid te, Maximiliane, dilatas et extendis? quid multa possidens, plura appetis? tot Provincia, tot Regna, te non capiunt: et tamen erit, ut capiat te locus iste!* zelo fidei & religionis Catholicæ, detestabatur summopere turbulenta Lutheri dogmata: atque ideo pridie suæ mortis, quâ potuit extremâ voce, rogabat adstantes Principes:

Maximilianus Imperator hoc anno moritur die 12. Januarii.
Palat. in Aq. Austr. Joannes Faber in oratione suæ nebris apud Frider. 10. 2 rer germanic.

Ejusdem virtutes præclarissimæ.
** Palat. in Aq. Austr. Vernuleus in virtutibus domus Austr. l. 3. c. 10.*

L 2

Re-

**vernul. Renuntiate Carolo et Ferdinando nepotibus meis, ut * Majorum suorum
ibid. l. 1. c. 1. vestigiis insistentes, Catholicam religionem adversus novorum dogmatum
Schönleben auctores et sectatores etiam cum vita periculo defendant. Liberalitatem
in diff. de ejus, uti & opum terrenarum despicientiam, commendant exem-
de orig. Do- pla plurima; tum verò maximè hæc illius verba * cedro digna:
mús Austr. hominum custodia mihi demandata est; non opum: quibus, si semel ca-
part. 2. piar, illico e Rege servus futurus sum. Plura de his ac similibus vide-
pag. 148. ri possunt apud Vernulæum, Palatium, & alios non paucos.
* apud Pal. in Aq. austr. pag. 292.*

Vacantem Imperii thronum ambivêre protinus duo maximi Reges, Franciscus I Galliarum Rex, & Carolus Hispaniæ Rex, defuncti Imperatoris ex filio nepos. Pro illo stabat Archiepiscopus Trevirensis; pro hoc autem Albertus Cardinalis & Archiepiscopus Moguntinus. Illum commendabat ætatis maturitas, potentiae amplitudo, opum affluentia, Principum Italicorum favor, & Mahometici furoris refrænandi spes. Hunc autem præter ea, quæ in Gallo prædicari poterant, adhuc apertiùs commendabat sanguis Germanicus, propago Austriaca, Philippi patris jam defuncti egregiæ ad regendum dotes, ac denique in omnium oculis constituta felicitas, quâ Romanum Imperium sub ejus avo Maximiliano Cæsare gavisum fuerat. Itaque, ut averteretur omne in-

commodum, quod è suffragiorum diversitate subnasci poterat, Albertus Moguntinus in primo Electorum congressu, die decimâ septimâ Junii intrâ urbem Francofurtensem habito, è diversis veterum exemplis ostendebat, quàm periculosa bella Germaniæ toti metuenda forent, si in electione novi Cæsaris inter se invicem discordes fuerint: ac proinde suaderi à se, ut ante omnia firmissimè sanctissimèque statuunt, non alium Cæsarem se habituros aut proclamaturos esse, nisi qui unanimi omnium consensu electus sit. Id cum ab omnibus maximopere approbatum atque receptum esset, sequenti die processum est ad consultationem alteram. In ea primùm Albertus Moguntinus, pro Rege Carolo perorans, inter alia proponebat: *Imperatoriam dignitatem non videri à Gallo alium ob finem appeti, quàm ut eam iterum à Germanis ad Gallos transferat. Id autem illi facillimum fore, si Imperator fiat. Sicut enim adhuc recenter Mediolanensem Ducatum avulsisset ab Imperio; ita eum pariter conaturum esse, ut provincias totius Belgii et alia, quæ Domûs Austriacæ sunt, propter veteres inimicitias vi et armis ad se rapiat. Hac autem Domo enervatâ vel oppressâ, cogitarent ipsi, quamam umbra libertatis in posterum relinquenda sit penes alios inferiores Germania Principes et Electores?* Silente Moguntino, ceteri Electores post brevem collo-
Electores, à Mogunti- no persuasi statuunt, se non habituros alium Cæsarem, quàm qui unanimi consensu electus fuerit. Palat. in aq. austr. Sabinus de electione Caroli V.

collocationem petiêrunt à Trevirensi, ut & ipse pariter ediceret ea, quæ conceperat & studiosè comparaverat pro Rege Galliæ.

At

Trevirensis
perorat pro
Francisco I.

Atille, jam devictus à Moguntino, potissimùm adducebat: *quàm florens olim ac fortunatus fuerit Imperii Romani status, quando sub Carolo Magno et quibusdam aliis Francorum Imperatoribus Germani et Galli ferè in unam Rempublicam coaluere. Hanc verò ætatem auream, hæc sæcula felicissima reduci posse per electionem Francisci Regis. Neque eidem obstare sanctionem Bullæ, ut vocant, aureæ: quippe quæ suo iudicio tantum excludat eos, qui nullam veteris Imperii ditionem possident. Inter hos autem non esse Regem Gallie, utpote regni Arelatensis et Mediolani possessorem. Videbatur hæc oratio, & quidquid in ea roboris erat, jam satis elisum esse per verba Moguntini. Pro majori tamen consultationum facilitate placuit etiam audire Fridericum Saxonem, cognomento sapientem. Respondit ille sinè magnis verborum ambagibus: Dubitari in primis à se non posse, quin electio Galli prohibita sit per Bullam auream; adeoque frustra laborari in hac aliter explicanda. Deinde et illud planum esse, quòd Carolus Hispania Rex verè ac propriè sit Princeps Germanicus, tametsi materno titulo ad Coronam Hispanie evocatus fuerit. Denique et sole clariùs versari in oculis omnium, quòd periculosis hisce temporibus necesse sit, ejusmodi Imperatorem circumspicere, qui istius fastigii Majestatem et opibus illustrare, et magnâ potentiâ tueri possit. Talem verò inter modernos Germaniæ Principes alium non occurrere, quàm Carolum Hispanie Regem, Austriæ Archiducem, Belgii totius Ducem. Hæc ubi pro singulari sapientia sua protulerat Saxo, ferè omnium septemvirorum vota in eandem sententiam inclinavit: Ipsèque Trevir eatenus assensum præbuit, ut, etiamsi Gallie Regem Hispano præhaberi cuperet, fateretur tamen, se publicæ quietis causâ ab aliorum votis non esse dissensurum. Subinde adhuc aliqui dies conscribendis, uti vocant, capitulationibus insumpti sunt; atque ita demum, die vicesimâ octavâ Junii, Carolus Hispaniæ Rex Francofurti ad S. Bartholomæum communi omnium suffragio delectus ac proclamatus est.*

Pridie, quàm ista fierent Francofurti, celeberrima disputatio institui coepit in urbe Lipsia inter Andream Carolstadium Lutheri asseclam, & Joannem Eckium Sacrosanctæ Theologiæ Doctorem ac Professorem Ingolstadiensem. Occasionem huic pugnæ literariæ dederant annotationes quædam, ab eodem Eckio primis Lutheri propositionibus appositæ, & alicui amico traditæ. Hæc cum incidissent in manus Carolstadii, audacissimis animis ad certamen scholasticum provocavit Eckium, nihil ambigens, facillimum sibi triumphum fore à viro tali, quem Lutherus antea comparaverat *Leoni mortuo*. At alium planè virum in eo reperit, quàm à Luthero depictus fuerat. Nam ab isto *Leone mortuo* in congressibus publicis, de gratia & libero hominis arbitrio habitis, adeò ad-

Fridericus Saxo censet indubiè standum esse pro Carolo: Auctores iidem.

Qui tandem unanimib⁹ votis eligitur die 28. Junii.

Carlstadius in urbe Lipsia infelicitè disputat cum Eckio. Cochlaus in actis Lutheri.

Surius in comment. rer. gest.

mor-

Similiter & Luther⁹ ibidem vincitur; & faretur, rem hanc non esse ceptā propter Deum.

Cochlaus & Surius loc. cit.

Embser. in scriptis. contra Lutherum.

*Pichler in append. Theologiae & cris literis. alii ab eo cit.

morſus ac dejectus eſt, ut non modò laudem nullam; ſed etiam ingentem ſuū confuſionem è prædicto certamine reportarit, uti præter Cochläum & alios conteſtatur Caſparus Peucerus, Catholicæ religionis hoſtis inſenſiſſimus. Neque tamen hîc finis pugnæ; debellato enim Carolſtadio etiam ipſe Lutherus, ut athleta novus, in arenam prodiit: ſed æquè ac magis infelicitè. Nam in ipſo ſtatim literarii congreſſûs limine, cùm rogaretur, ut modèſtè ac religioſè ageret; priùs irâ quàm argumentis victus, non ſinè maximo auditorum ſcandalo exclamavit: *non propter Deum res iſta cepta eſt, nec propter Deum finiatur.* Per quæ verba quid aliud voluit, quàm huiuſmodi novitates à ſe procuſas eſſe in nomine atri iſtius genii, de quo* alio in loco dixit, *ſe nonniſi Theologum ſpeculativum fore, ſi non ſemper cacodæmonem ſuo collo incubantem gereret.* Deinde & in ipſo diſputationis curſu ita preſſus eſt ab eodem Eckio, ut fateretur primò, *ſe non impugnare, nec Chriſtianè à quoquam impugnari poſſe primatum et obedientiam Romana Eccleſiæ.* Secundò, credere ſe et ſcire, quòd detur purgatorium; fierique mentionem ejus in ſapientia & cris literis. Tertiò, *admitti etiam à ſe illud Macchab. 2. c. 12. Sancta et ſalubris eſt cogitatio, pro deſunctis exorare, ut à peccatis ſolvantur.* Sed in ea confeſſione coram Eckio facta non diu perſiſtit homo verſatilis, & modò aſſerens, modò negans eadem. Nam paulò poſt receſſit iterum ab hac ſententia, ſimilis illi, de quo Horatius l. 2. ſatyra 7.

- - - *Vertumnis, quotquot ſunt, natus iniquis,
Vixit inæqualis, clavum ut mutaret in horas.*

Origo belli Hildeſienſis, hoc anno habiti. Chytræus l. 3. Saxo ad ann. 1519. Lezner in Chron. alii. Nobiles Domini de Saelderem, & Francisc⁹ Episcopus Mindenſis inſeſtant Hildeſienſem Diocelin anno præcedente Chytræus loc. cit.

Erupit & hoc anno grave bellum Joannis Episcopi Hildeſienſis, ex ducibus Saxo-Lawenburgicis, paulò antè concitatum à vaſallis ejus, Nobilibus viris de Salderen. Redemerat ab his Episcopus Præfecturam aut Satrapiam Lawenſteinianam, quam iſdem oppignoraverat prædeceſſor ejus Bertholdus. Id cùm ægerrimè ferrent Salderi, Præfecturæ iſtius retinendæ avidi; menſe Julio prioris anni cum prædatoria cohorte in eandem Præfecturam irruerunt: direptis- que pagis & villis agreſtibus, etiam oppidum Lawenſteinienſe in- jectis per noctem ignibus concremârunt. Nec minore truculen- tiâ in Diocelin Hildeſienſem ſæviit eorundem Salderorum fautor, Franciscus Episcopus mindenſis, ex domo Brunſvicenſi, homo ad ga- leam potiùs, quàm ad inſulam gerendam natus. Præterquam enim, quòd huiuſmodi graſſatoribus tutiſſimum in Dioceli ſua receptum præſtitiffet; etiam ipſe eodem ferè tempore, quo Lawen- ſteinium adorti ſunt Salderi, in Præfecturam Artzenſem irruit: fruſtrâque oppugnato Artzenſi caſtro, circumſitos hinc inde pa- gos rapinis ac direptionibus miſerrimè depopulatus eſt. His offen-

offensus Hildesienſis imploraverat opem Henrici Ducis Luneburgenſis in Zell. Et hic iterum iterumque Mindenſem Episcopum ſtudioſè monuit, ut ab ejuſmodi injuriis abſtineret, & ab iniqua Salderorum factione vel tumultu ſe retraheret. At ille conſanguineorum ſuorum, videlicet Henrici, Erici, & Wilhelmi, Ducum Brunsvicenſium auxilio fretus, non modò admonitiones iſtas non amiſit; verum etiam in ipſum admonitorem pervicaciſſimè inſurrexit, filiàmque ejus Eliſabetham, Carolo Geldro deſponſatam (cùm in ſponſi amplexum properaret) prope Mindam urbem à fluvii Viſurgis tranſitu prohibere ſtudit. Quare tandem Hildesienſis, nullam concordie ſpem ſuperſeſſe videns, ad arma ſe convertit, cum Henrico Luneburgico foedus contrahit, Carolum Geldrum Henrici generum ſibi adjungit, ab Erico fratre ſuo Monasterienſi Episcopo militare ſubſidium poſtulat, denique etiam vicinos Comites, Jodocum de Hoya, Simonem de Lippia, Fridericum de Diepholt, Antonium & Joannem de Schawenburg, omnes Franciſco Mindenſi inſenſiſſimos, & ab eo plurimis injuriis appetitos, contra communem hoſtem in bellum ſociale vocat. Ab his adjutus, exeunte quadrageſimâ præſentis anni caſtra movit in Dioceſin Mindenſem, devictâque illius arce primariâ, quæ Petershagium dicitur, intrâ brevè tempus toto Mindenſi territorio unâ cum urbe Minda potitus eſt. Inde Episcopus & foederati ejus verterunt arma contra Duces Brunsvicenſes, Franciſci jam debellati conſanguineos: nam & illi Salderis aliſque rebellibus in Ducatu ſuo receptum dederant, & Franciſci Mindenſis petulantiam conſiliis & auxiliis confirmârunt. Initio res utrimque geſta eſt ferè ſolis agrorum finiùmque populationibus: at exiguo cum fructu partium. Dum enim foederati ex uno latere incurrebant in terras Brunsvicenſium; hi viciffim ex alio latere incurrebant in terras Hildesienſes & Luneburgenſes: donec tandem prope Soltoviam in Ducatu Luneburgico ambo exercitus ſibi invicem occurrerunt. Conſlictum hîc die vicesimâ octavâ Junii, certatimque fortiter ab utraque parte: ſed longè fortiùs à cataphractis Monasterienſibus & equitatu Geldrico. Hi enim acerrimâ impreſſione ità ſe intruſerunt in hoſtiles cuneos, ut iſdem tormenta omnia & eorum uſum eripuerint. His autem ereptis Brunsvicenum acies quantocyus in fugam acta, & ab Hildesienſibus foederatis ingenti clade proſtrata eſt. Memorantur ex hoſtibus in loco prælii cecidiſſe tria vel quatuor millia. E captivis præcipui fuêre duo Duces Ericus & Wilhelmus Brunsvicenſis, duo Comites Wünſtorffius & Regenſteinus, centum & viginti viri Nobiles, interque eos etiam Burchardus de Salderen, belli totius ſons & origo: Brunsvic.

Henricus Dux Lüneburgenſis, ab Hildesienſi Episcopo imploratus, monet Mindenſem, ut à factione Salderorū ſe retrahat. ſed nihil efficit.

Chytraus loc. cit.

Joannes Episcopus Hildesienſis, contractis aliorum Principum amicis & auxiliis, hoc anno invadit & occupat Dioceſin Mindenſem.

Chytraus ibid.
Ann. Hild.
Inde cum ſed ratis convertit ſe contra Duces Brunsvicenſes, Franciſci Mindenſis conſanguineos & adjutores.

Auctores iidem.
Brunsvicenſes graviffimè cœduntur à foederatis Hildesienſibus.

Chytr. l. 8. Saxon ad ann. 1519.
Inter alios capiuntur Ericus & Wilhelmus Duces

origo: nec multum abfuit, quin caperetur etiam Henricus Dux, præcipiti fugâ tandem elapsus. Denique & in prædam accepta sunt tormenta bellica viginti quatuor, vasa pulveris nitrati septuaginta, equi militares propè octingenti, currus onusti amplius mille, supellex argentea Ducum, & alia quàm plurima.

Ericus Dux
Brunsvi-
censis li-
bertatem
suam redi-
mit, & Ho-
yano Co-
miti resti-
tuit arces
ante septen-
nium abla-
tas.
*Chytræus
ibidem.*

Exeunte post hæc mense Julio Ericus Brunsvicensis, qui in custodia Henrici Luneburgensis erat, libertatem suam redemit eâ lege, ut præter ingentem pecuniæ summam, detentori suo persolvendam, Hoyano Comiti restitueret Erenburgum, Barenburgum, & Stoltenaviæ arces, eidem Comiti ante septennium ablatas. De reliquis autem captivis, totòque belli negotio, à vicinis Electoribus exeunte hoc anno constitutum est *primò*, ut novæ armorum induciæ, prioribus jam elapsis, utrimque fierent & servarentur usque ad finem sequentis anni. *2dò*, ut Franciscus Mindensis, auditis ambarum partium querelis, intrâ sextam hebdomadam Episcopatu suo restitueretur. *3tiò*, ut Wilhelmus Brunsvicensis, aliique Domini captivi, cautione præstitâ relaxentur; sed elapso induciarum tempore in priorem custodiam redeant, nisi res eorum interea transactæ fuerint. *4to*, ut Henricus Brunsvicensis Burchardum de Salderen nec receptu nec opibus juvet: ceterarum verò controversiarum causâ, Moguntinus, Saxo, & Brandenburgicus Electores, intrâ tempus induciarum conveniant, & easdem complanare satagant.

**Vide dicta
ad annum
1516.
Ericus Epi-
scopus Pad.
& Osnabr.
hoc anno
mutuæ de-
fensionis
foedus Lip-
stadii inest
cum pluri-
bus Comi-
tibus.
Litera Eri-
ci Episcopi
de a. 1523.*

Porro Ericus Episcopus noster, etiamsi Ducum Brunsvicensium consanguineus, & iisdem foedere* conjunctus fuerit, à bello tamen suprâ dicto videtur sese penitus retraxisse. Nameodem hoc anno, *feriâ quintâ post Dominicam Misericordiae Domini*, in urbe Lipstadiensi cum diversis Comitibus, etiam iis, qui contra Brunsvicenses Hildesiensi Antistiti adhærebant, mutuæ defensionis & assistentiæ tractatum iniit: uti edocemur ex ejusdem Erici literis de anno 1523, in quibus ille tractatus allegatur unâ cum his Dominorum paciscentium & contrahentium nominibus, *Philippus Dux Brunsvicensis, Erici Antistitis frater, Wolfgangus Princeps Anhaltinus Ascania Comes, Wilhelmus Comes Hennebergensis, Philippus senior, Philippus medius, pater ac filius, et Philippus junior Comites Waldecenses, Ewerwinus et Arnoldus cognati Comites in Bentheim et Steinfort, Simon Comes de Lippia, Jodocus et Joannes Comites Holsatia et Schawenburgi, Otto Comes Rittbergensis, Conradus Comes Tecklenburgensis, Jodocus, Joannes et Ericus Comites Hoyani, Fridericus Comes Diepholdiensis, Ulricus Comes de Regenstein et Blanckenburg, Wolfgangus Comes de Gleichen, Gebhardus et Albertus fratres Comites de Mansfelt, Balthasar et Christophorus fratres de Mülingen et Barbey, Hen-*

Henricus senior Dominus de Schlaitz, et Lobenstein, Henricus Rens de Plawen Dominus de Graitz, et Chranichfeld etc.

Annus Christi 1520.

LEONIS X. Pontificis 7. & 8.

CAROLI V. Imperatoris. 1. & 2.

ERICI Episcopi Paderborn. 12.



Mense Junio Carolus V. Imperator feliciter ex Hispania in Belgium appulsus, maximisque gaudiis ibidem non solum à Ferdinando fratre & Margarethâ amâ gubernatrice; verum etiam ab innumeris Germanicorum Principum urbiumque Legatis exceptus est. Mansit illic trimestri circiter aut paulò amplius; & interea curabantur omnia, ad solennem coronationis pompam necessaria. His autem adornatis, die vicesimâ 2dâ Octobris cum incredibili splendore Aquisgranum venit; posterâque die ibidem in Ecclesia, Caroli Magni sepulchro inclita, inter lætissimas Procerum populique acclamationes Germaniæ Rex inunctus & consecratus fuit. Modus & forma coronationis ferè nihil singulare habuit ab aliis ejusdem antecessoribus: cetera verò, quæ ad solennem urbis ingressum pertinent, admodum superba erant, & magnifica visu. Horâ post meridiem secundâ, in aperto campo venientem excepere Principes Electores cum omni Clero urbico & innumera populorum turba; peractisque gratulationum officiis, hoc ordine in urbem Regiam deduxerunt. Primus omnium antequitabat Marchio Brandenburgensis cum triginta equitibus vexilliferis. Insequebantur mox tria millia peditum Germanicorum; & post eos Dux Juliacensis cum quadringentis equitibus gravis armaturæ: qui tamen omnes rectâ per urbem viâ rursus egressi sunt per aliam portam, ut omnia circa urbem loca suis excubiis tutarentur. His è vestigio succedebant equitatus Electoralis, nimirum Saxonicus, Palatinus, Brandenburgicus, Moguntinus, Trevirensis, & Coloniensis: tum deinde Aula Regia cum primaria totius Belgii Nobilitate, auro gemmisque fulgida: postremò equitatus Imperatorius circiter bis mille capitum, cum duodecim tubis tympanisque æneis. Prægresso hoc splendore militari, qui potissimam diei partem absolvebat, consecuta est ingens diversorum Religiosorum Aquisgranensium turba, in suas classes pulcherrimè distributa: postque illos, interjectis iterum duodecim æneatoribus ac tubicinibus; Majoris Ecclesiæ Canonici, complures Divûm reli-

Carolus V.
è Regno
Hispaniæ
veniens, Aquisgrani
coronatur
die 21.
Octobris.
Palat. in
Aq. Austr.
Hartmannus Maurus
l. de coronat. Caroli V.

Sollemnis
ingressus
Caroli V.
in urbem.
Palatinus in
Aq. Austr.
Hartmannus Maurus
loc. cit.

M

quias

quias, maximèque S. Caroli Imperatoris caput, & crucem Domini Servatoris nostri præferentes. His autem proximè insistebat Collegium Electorale, nitidissimis in equis confidens, & novum Imperatorem in medio suū complectens; nimirum primo loco Trevirensis, cui à dextris adequitabat Elector Palatinus, & à sinistris Legatus Electoris Brandenburgici: tum Udalricus de Pappenheim, loco ægrotantis Friderici Saxonis evaginatum gladium ante Majestatem Cæsaream vibrans: mox Imperator argenteo vestitu rutilans, deinde Moguntinus & Colonienſis Electores, postremo loco Legatus Regis Bohemiæ, velut septimi Electoris. Infra hos verò sequebantur tres Cardinales, nimirum Guilielmus Croyus Cardinalis & Archiepiscopus Toletanus, Matthæus Langius Cardinalis & Archiepiscopus Salisburgensis, Matthæus Schinerus Cardinalis & Episcopus Sedunensis, aliique Regum, Principum, urbiumque præcipuarum Legati. Denique totam hanc introductionis & ingressus pompam conclusere duo millia Cæsareorum equitum, quorum singulæ turmae diverso colore vestium disgregatæ, atque ad omnem splendorem compositæ erant.

Aquisgrano
Cæsar pro-
pediem ab-
ſceſſit Co-
loniam, ubi
primò indi-
xit comitia
Wormati-
ensia ad ini-
tium ſe-
quentis an-
ni: deinde
etiam urbi
Tremoni-
ensii confir-
mavit Co-
mitatum
Tremoni-
ensem.
*Westhov.
in chron.
Tremon.
ms. ad ann.
1504.

Lutherus à
Leone con-
demnatus,
impuden-
tiſſimè fu-
rit contra
ipſum.

Peraçtâ coronatione Carolus Imperator vix ultra biduum Aquisgrani perſtitit; atque inde Coloniam Agrippinam ſe recepit, quò & ceteri Principes, propter metum invaleſcentis peſtilentiæ, vel jam antè præiverant, vel abeuntem proſecuti ſunt. Ibi primùm indixit comitia publica, ſub initium ſequentis anni celebranda Wormatiæ. Deinde quàm plures urbium Imperialium Legatos audiit, interque eos Hildebrandum Schwartzium, Conſulem ac Legatum Tremonienſem; qui & ibidem die ſextâ Novembris impetravit confirmationem Tremonienſis Comitatus, Magistratui urbico ante ſedecim annos à Maximiliano Cæsare conceſſi. Diploma Germanicum, ea de re conſcriptum, exhibetur* à Weſthovio, ejusque initium & finis hoc modo ſonat. *Nos Carolus quintus, electus Romanorum Imperator ſemper Auguſtus, Germania, Hiſpania, utriusque Sicilia Hieroſolyma, Hungaria, Dalmatia, Croatia etc. Rex, Archidux Austria, Dux Burgundia etc. Comes Habsburgi, Flandria, ac Tirolis etc. - - Datum in noſtra et Imperii noſtri civitate Colonia, die ſexto Menſis Novembris, Anno poſt Chriſtum natum milleſimo quingenteſimo viceſimo, Regnorum noſtrorum, Romani ſecundo, ceterorum verò omnium quinto.*

Pergebat interea Lutherus non modò novos quotidie errores cudere; ſed etiam Bachârûm inſtar furere ac ſævire. Dederat illiquidem die ſextâ Aprilis humaniſſimas ad Papam Leonem literas, in quibus fatebatur, ejus vitam adeò ſanctam & inculpatam eſſe, ut à nemine convitiis appeti, niſi per ſummam injuriam poſſit.

Ce-

Celebratior, inquit, et augustior est, in omni terrarum orbe, vita Cocleus
tæ inculpatae fanae, quam ut à quovis vel maximi nominis possit impeti. *in actis Lu-*
 At ubi paulò post doctrinam suam ab eodem Papa damnatam au- *theri.*
 duit, non modò totis conviciorum plaustris in eundem involavit; *Pistori in*
 verùm etiam ipsius famam propudiosis imaginibus putidissimè *Anatomia*
 proscidit. Modò enim depingi illum fecit ut Cacodæmonem cum *Lutheri.*
 horrendis cornibus, modò ut draconem cum diductis faucibus, *& plures*
 modò ut monstrum hominis cum asininis auribus, modò aliis in- *alii.*
 ficetis expressionibus, adeò turpibus & injuriis, ut existimaren-
 tur, potius ab infami scurra, quàm à Doctore Christiano & in-
 genuo proficisci. Quin imò cum audisset, suos libros ex decre-
 to Caroli V. Imperatoris in Belgio combustos esse; adeò vehemen-
 ter excandescere, & in furias agi coepit, ut studiosam juventu-
 tem die decimâ Decembris Wittenbergæ convocaverit, & coram
 ea Papalem suæ damnationis Bullam, unà cum toto jure Canonico,
 suismet manibus concremârit.

Eodem hoc anno multis in locis grassata est feralis pestilentia: *Pestis hoc*
 quæ in aliquibus provinciis, teste Spangenbergio, tam sæva fuit, *anno graf-*
 ut etiam in sylvarum ac montium abdita sese penetraverit. Hæc *sata est A-*
 & Aquisgranum ingressa erat paulò antè, quàm ibidem procede- *quisgrani.*
 retur ad coronationem Cæsaris: interimque sic invaluit, ut Im- *Paderbor-*
 peratorem coegerit, re peractâ cum Principibus congregatis Co- *næ & in ali-*
 loniam fugere. In Diocesi quoque nostra videtur ea non modi- *is provin-*
 cam stragem edidisse. Nam è solo Monasterio B. MARIE (vulgò *ciis.*
 Marien-Münster) septem viros religiosos è vivis abstulit, quem *Spangemb.*
 admodum loci istius Abbas Hennicus Schröder in diario suo an- *in Chron.*
 notavit hisce verbis: *Anno 1520. P. Nicolans Cellerarius noster, cum*
aliis sex Monasterii nostri Religiosis decessit in pestilentia. *Mansfeld.*
Diarium
Henrici
Abbatis in
Marien-
münster.

Annus Christi 1521.

LEONIS X. Pontificis 8. & 9.

CAROLI V. Imperatoris 2. & 3.

ERICI Episc. Paderborn. 13.



Memorabilis hic annus fuit à comitiis Wormatiensibus, quæ præsentè Carolo V. Imperatore à die sextâ Januarii protracta sunt usque in mensem Majum. Aderant illi Principes frequentissimo numero. Et quidem è statu Ecclesiastico, Albertus Cardinalis & Elector Moguntinus, Richardus Elector & Archiepiscopus Trevirensis, Hermannus Elector & Archiepiscopus

Carolus V.
initio hujus
anni comi-
tia Wor-
matiensa
celebrat.

M₂

Co.

Coloniensis Matthæus Cardinalis & Archiepiscopus Salisburgensis, Christophorus Archiepiscopus Bremensis, Georgius Episcopus Bambergensis, Conradus Herbipolensis, Reinardus Wormatiensis, Georgius Spirensis, Christophorus Augustanus, Guilielmus Argentinensis, Joannes Hildesienfis, Ernestus Passaviensis, Franciscus Mindensis, Erardus Leodiensis, Hieronymus Brandenburgensis, & alii non pauci. E statu autem seculari, Fridericus Elector Saxoniae Dux, Joachimus I. Elector Brandenburgicus, Ludovicus Elector Palatinus, Joachimus & Joannes Brandenburgensis Electoris filii, Georgius & Joannes Saxoniae Duces, Wilhelmus, Otto, & Joannes Bavariae Duces, Fridericus & Casimirus Marchiones Brandenburgici, Ericus & Henricus Duces Brunsvigenses, Henricus & Albertus Duces Mecklenburgici, Philippus Hassiae Landgravius, Philippus Marchio Badensis, Antonius Comes de Schawenburg, aliique Duces & Comites penè innumeri.

Lutherus,
ad ea comi-
tia evocatus
protervè
renuit suos
errores re-
vocare.

Palatinus in
Aq. Austr.
Cochlans
in actis Lu-
theri.

Surius in
comm. rer.
gest.

Spond. ad
hunc ann.

*Diversus
à Joanne

Eckio Do-
ctore Ingol-

stadiensis.

*Auctores
iisdem.

In horum augustissimo consensu paulò post etiam Lutherus, acceptis publicæ fidei securitatisque tabulis, comparere iussus est. multa enim blasphemia, seditiosa, impia, & Germanicæ quieti inimica, ex ejusdem libellis prælegerat Legatus Pontificius, quæ Fridericus Saxo, & alii fautores ejus, negabant esse ab eo scripta vel typis data. Venientem, alterâque post adventum die, quæ erat decima septima Aprilis, ad comitia publica introductum, Joannes ab Eck* Trevirensis Archiepiscopi Vicarius Generalis nomine Cæsaris interrogavit palàm: *Num libellos hos, quorum titulos & inscriptionem prælegebat, agnoscat ut suos? cumque id affirmasset præter opinionem Friderici Saxonis, ulterius inquisivit: an ea, quæ in ejusmodi libellis contenta sunt, etiam nunc tueri velit, an verò aliqua ex iis revocare et expungere?* Hærebat ad hæc Lutherus, petebatque deliberandi spatium: id quod ei permissum est usque in diem crastinam. Tunc autem rursus ad comitia vocatus, cum extra scopum quæstionis non pauca diceret, ideòque rursus urgeretur, ut simpliciter & categoricè responderet ad quæstionem heri propositam; demum impudenti ore prorupit *in hæc verba: *Quoniam Sacra Cæsarea Majestas vestra ceterique Principes ita jubent ac volunt, dabo responsum, neque cornutum, neque dentatum. Ego nec volo nec possum revocare quidquam, nisi convictus fuero, vel scripturarum testimoniis, vel evidentè ratione: Etenim neque Papa, neque solis conciliis credo; quia scio illos, et errasse crebrius, et sibi met ipsis contradixisse.*

Offendebat plerosque Principes tam infrunita responsio Monachi, suam solius opinionem tot sanctorum Patrum & conciliorum auctoritati præferentis. Neque dubium est, quin Cæsar statim

rim adversus eum, veluti manifestum hæreticum, fuisset processurus; nisi jam antè fide publicâ addixisset Friderico Saxoni, Doctorem hunc Wittenbergicum sinè omni nocumento reducendum esse. Certè Cæsar ab eo tempore scelus illud è suis oculis exesse voluit; ac demum die octavâ Maji severissimo edicto cavuit sub poena banni vel proscriptionis Imperialis, ne quis deinceps eum vel ejus complices, adherentes, fautores & sectatores, receptare, defendere, sustentare, fovere, dicto, facto, aut scriptis publicis præsumeret. Quin & eodem decreto jussit, ut elapso viginti dierum, à die vicesima quinta Aprilis computandorum termino, quisque Principum adversus eum, ubicunque deprehensus fuerit, juxta formam Imperialis Banni procederet; vel certè injectis manibus tam diu sedulò custodiri faceret, donec ipse Imperator, eâ de re certior factus, indicaret illi, quid hoc homine fieri, & quali quantâque poenâ in eundem animadverti vellet. Occisissimus tunc fuisset homo pestilens, nisi clanculariè servâisset illum novâ Saxonis astutia. Is, cum audisset hujusmodi edictum cudi, intrâque dies paucos evulgandum esse; jussit illico, Lutherum ab hominibus larvatis in via corripì, & in aliquam suarum arcium, quam ipse primùm nescire voluit, secretissimè abduci. Arcem hanc plerique *Wartenburgum*, Lutherus autem arroganti nomine suam *Pathmum* appellavit: in eâque sub initium tam occultè latuit, ut silente simulanteque Saxone, permulti crederent, eum ab Imperatore Carolo vel è vivis exturbatum, vel in abstrusam custodiam abreptum esse. Prorupit tamen ea fraus post menses pauculos: imò Lutherus ipse met eam prodidit variis libellis literisque seditiosis, ex eadem *Pathmo* in vulgus editis. Quæ tametsi hæresibus doctrinisque pessimis repleta essent, ejusmodi plausum acceperunt apud indoctum vulgus, ut eundem (si fas est dicere) infinitis laudibus in coelum tulerint. Quin & aliqui ob amorem ejus in eam blasphemiam proruerunt, ut eodem anno duos nummos honorarios procudi fecerint, in quorum uno Lutherus in veste *Monachali visus est cum hac inscriptione: *Beatus venter, qui te portavit*; & in altero similiter ejusdem imago cum hoc impiissimo versu:

Hæresibus si dignus erit Lutherus in ullis;

Et Christus dignus criminis hujus erit.

Ceterum furtiva ista Lutheri abductio id effecit, ut hîc in primo persecutionis & proscriptionis æstu extra omnem teli jactum poneretur. Quòd antem postea, cum illæ Saxonis fraudes jam ubique palàm fierent, id ipsum Cæsar's edictum ad executionem deduci non potuerit; adscribendum est Francisco Galliarum Regi, ejusdemque bellis contra Cæsarem hoc anno motis. Invaserat illè

Re-

Cæsar Lutherum abire jubet, eumque & omnes ejus receptores, fautores & sectatores proscribere edicto publico.

Palat. in Aq. Austr. Spond. ad hunc ann. & alii.

Lutherus, ne quid mali patere-retur ex hoc edicto, jussu Friderici Saxonis eam abducitur Wartenburgum.

Palat. Spondan. Cochlaus. & Surinus ad hunc annum.

A Lutheranis eadem ineptissima applauditur, imò & blasphemâ.

*Weisslinger l. Vogel frist.

pag. 70. Juncker in vita Lutheri.

nummis & iconibus illustratâ.

Franciscus
Galliarum Rex,
absente Cas-
rolo Rege,
invadit &
occupat
Regnum
Navarræ.
Palat. in
Aq. Austr.
Spond. hic
n. 6.
Bartoli de
Vita S. Ig-
natii l. i.
pag. 4. &
seq.
Inde pro-
gressus in
Castellam,
ita caditur
ab Hispanis
ut Navarræ
totam rur-
sus amiserit
Palatius
Spond. &
alii.
Nec multo
post etiam
in Italia ce-
ditur, ejici-
turque rursus
è Ducatu
Mediola-
nensi.
Spond. hic
n. 7.
Palat. in
Aq. Austr.
& alii.
*Lodi.

Regnum Navarræ. Et quia per absentiam Cæsaris Hispania to-
ta laborabat rebellionibus intestinis; facillimè Navarram omnem
occupaverat, exceptâ arce Pampelonensi, in quam Ignatius de
Lojola victâ urbe se injecerat. Et hic quidem fortissimè defen-
dit eam, quàm diu viribus & corpore sanus fuit. At ubi post-
modum lapis muralis, jactu globi tormentarii excussus, pedem
ejus alterum comminuit, & alterum gravissimè sauciavit; etiam
arx ista, meticulosi gubernatoris ignaviâ, decimo quarto Kalen-
das Junii in potestatem Gallorum venit. Inde animus ita increvit
Gallo, ut etiam trans Iberum amnem sua signa ferre, & in ipsa
Castellæ viscera se infundere non dubitaverit. Sed eventu planè
& improspero. Nam interea, cæsis peremptisque rebellium ante-
signanis, tota Hispanorum militia conjunctis in unum viribus,
obviâ sese Gallis trans fluvium Iberum tulit: initoque ibidem
prælio, tam insigni clade eos profligavit, ut captis eorundem bel-
liducibus, Navarra tota eâdem facilitate, quâ prius amissa fuerat,
ab Hispanis recepta sit. Neque hîc finis fuit infelicitatis Gallicæ.
Imperator enim invasione Gallicâ laceratus, percusserat interea
foedus cum Pontifice, ad invadendum hoc anno Gallum in Italia.
Pauloque post amborum exercitus ibidem coit sub egregiis belli-
ducibus, quorum præcipuus erat Prosper Columna, exploratæ
virtutis miles. Prima deinde vis impressa est urbi Parmæ. Quâ
cadente, etiam Placentia, Pavia, & Cremona ad repentinam de-
ditionem compulsæ sunt. Inde victores contra Mediolanum ver-
si, Gallorum castra disjecerunt, cedentibus primùm Venetis, Gallo
junctis; reliquis verò cum Lautrecio, Principatûs Mediolanensis
gubernatore, tumultu magis ac metu panico, quàm Cæsareo fer-
ro in fugam actis. Corona victoriæ fuit urbis Mediolani deditio.
Quæ sequenti nocte Cæsareo Marti portas aperuit; suoque exem-
plo etiam Alexandriam, Comum, Laudam*, aliasque non pau-
cas urbes, in Caroli V. potestatem progressu tam felice traxit, ut
intrâ breve tempus Insuebria ferè tota, excepto Mediolanensi ca-
stro, à Gallorum servitute liberata fuerit.

Nihil funestius nationi Germanicæ poterat accidere, quàm
ista amborum Regum discordia. Hac enim inceptâ, ac deinde
quàm plurimis annis inter concatenatas bellorum turbas protractâ,
Lutherus optatissimam occasionem habuit ad suas hæreses libere
securæque divulgandas, uti ex annorum sequentium decursu pla-
num fiet. Interea adhuc paululùm revertamur ad comitia Wor-
matiensia; maximèque ad ea, quæ ibidem acta sunt in causa Epi-
scopi Hildesienfis & foederatorum ejus, contra Duces Brunsvicen-
ses aliòsque Dominos, ante biennium in bello Hildesienfi captos,
La-

Laboraverant in componendo hoc dissidio tres Electores, Moguntinus, Saxo, & Brandenburgicus. At, cum in duobus congressibus, mense Januario Majorque ante annum habitis, res ea ad optatam concordiam perducere non potuerit; partes ambæ in comitiis Wormatiensibus hoc anno comparere, ibique suas controversias novo Cæsari dijudicandas proponere jussæ sunt. Quo peracto Carolus Imperator communi Principum consilio primum tres Commissarios in inferiorem Saxoniam ablegavit, qui intra spatium quadrimestre, adhibitis ab utraque parte quibusdam arbitris, controversiam hanc amicabili viâ dirimere studerent. Deinde etiam severissimo edicto cavit, ut ambarum partium captivi unâ cum oppidis, arcibus, & pagis, quæ alter alteri eripuerat, intra mensem traderentur in manus ac potestatem Cæsareæ Majestatis, usque ad exitum totius causæ: & si quis ambarum partium id recusaverit, certò sciret, se Imperatoriæ proscriptionis poenâ, & omnium bonorum, beneficiorum, ac Regalium amissione multatum iri. Oportebat Episcopum Hildesensem tam severis præceptionibus morem gerere. At ille iterum iterumque de obedientia præstanda monitus, non modò non obediit; verum etiam captivos à se detentos adhuc arctius custodiri & adstringi jussit. Quare tandem Imperator (qui tunc agebat Gandavi in Flandria) sententiam banni, vel proscriptionis contra omnes immorigeros tulit; simulque Ducibus Brunsvicensibus, Henrico & Erico, demandavit, ut sententiam à se datam executioni darent. Conternatus indè Luneburgicus, priusquam ab imminente fulmine propius tangeretur, continuò suorum amicorum operâ transegit cum Brunsvicensibus: idemque & alii foederati Comites vel antè fecerant, vel tunc fecerunt simul cum Luneburgico. Solus Episcopus Hildesensis, etiamsi ejus proscriptio festo S. Laurentii per totam Dioecesin promulgata esset à caduceatore Cæsareo, concordiam omnem obstinatissimè respuit, instigatione civium & senatorum Hildesensium, qui sententiam proscriptionis (germanicè *die acht und ober-acht*) contemptissimis vocibus explodebant, sermone vernaculo vociferantes: *Wat acht und aver acht? tweymahl acht synd seftene*. At paulò post Episcopus infelix didicit, quàm stolidè & imprudenter egerit! nam exeunte mense Augusto suprâ dicti Brunsvicensium Duces Hildesensem Dioecesin cum instructissimis copiis ingressi sunt. Et quia Episcopus tunc temporis non solum necessario milite destitutus, verum etiam à prioribus belli sociis derelictus erat; primò arcem Hundesruckam, deinde Lawensteiniam, Poppenburgum, Steinbruckam, Liebenburgum, Woldenbergam, aliasque arces, oppida, & præfecturas, continuato

Carolus V. in comitiis Wormatiensibus Joanni Episcopo Hildesensi præcipit sub poenâ banni, ut omnes bello Hildesensi captos relaxet, sibi; tradat usque ad exitum totius causæ. *Chytræus l. 8. Saxon.*

Quod cum Episcopus pertinaciter abnuitt, à Cæsare proscribitur, & maxima terrarum suarum parte exuitur. *Chytræus loc. cit. Lezner in Chron. Dassel. Spangenberg. in Chron. Mansfeld.*

nuato victoriarum cursu in potestatem suam redegerunt. Attoni-
tus hoc eventu Joannes Episcopus, festinatis itineribus fugit ad
fratrem suum Ericum, Monasteriensis Ecclesiæ Præfulem. Sed,
cùm ille solus res afflictas restituere non posset, nec auderet pro-
pter edictum Cæsaris: nullo recreatus auxilio, ad suos redire de-
buit; ac tandem biennio post *foedissimâ pace Brunsvicensibus
permittere, ut retinerent omnes arces, oppida, & Præfecturas,
post Imperialis banni *executionem Hildesienſi Episcopatu subtra-
ctas. Ità factum, ut Episcopus retinuerit solum tres præfecturas,
nempe Sturwaldiam, Peinam, & Marienburgum unâ cum urbe
Hildesienſi: reliquæ autem præfecturæ omnes, plûs quàm sedecim,
in Ducum Brunsvicensium potestate manserint per annos
ferè centum & viginti.

Ericus Episcopus Paderb. & Osnabr. Wormatiæ per suos Legatos accipit confirmationem suorum Regalium. *Litera in archivo Cath. Eccl. Paderb.*

*Hamelm. in hist. Renati Evangelii in urbe Osnabr. pag. 1126. Componit litem inter Capitulum & Nobiles Calenbergios de pagis Attelen & Hengleren. *Litera in archivo Cath. Eccl. Paderb.*

Ericus Episcopus noster prædictis comitiis Wormatiensibus non interfuit. In iis tamen per ablegatos & Oratores suos Albertum Comitem de Mansfeld, & Mauritium de Amelungen, amborum Episcopatum suorum jura & Regalia à novo Imperatore consecutus est; uti constat ex ejusdem Imperatoris diplomate Germanico, quod adhuc Paderbornæ in Ecclesiæ majoris archivo superest, & hoc modo clauditur: *Datum in nostra et Imperii nostri civitate Wormatia, die 2dâ mensis Aprilis, Anno post nativitatem Christi Domini nostri millesimo quingentesimo vicesimo primo, Regnorum nostrorum, Romani secundo, ceterorum verò omnium sexto.* In eodem hoc diplomate scribit Imperator, quod Ericus Episcopus noster per Legatos antè dictos absentiam suam excusaverit, proponique fecerit, se, tametsi Regalium suorum recipiendorum causâ personaliter accedere perlubenter voluerit, uti deberet; *gravissimis tamen suis et suarum Diœcesum negotiis præpediri*, quò minùs id per se ipsum facere ac præstare possit. Quænam autem hæc ejus negotia fuerint, non satis liquet: nisi forsitan occupatus fuerit Osnabrugi in comprimenda Lutheri doctrina, quam ibidem id temporis à Gerharδο Heckero, Augustiniani Conventûs Monacho, propagatam esse, refert *Hamelmannus. Certè in Diœcesi nostra nihil aliud ab eo gestum reperitur, quàm quod per æstatem hujus anni laboraverit in pacanda controversia de pagis *Attelen & Hengleren* inter Nobiles Calenbergios & Capitulum Cathedrale agitari coepta, ac tandem die 4. Augusti felicissimè composita: uti docent ejusdem Episcopi tabulæ, ea de re conscriptæ, signatæque *Paderbornæ in Monasterio Abdinghoff, Dominicâ post vincula Petri, Anno post nativitatem Christi millesimo quingentesimo vicesimo primo.* Claudio hunc annum præmaturâ morte Leonis Papæ, qui nondum quinquagenarius inter armorum curas in morbum incidit,

dit, obiitque Romæ die 1. Decembris. In ejus locum die 9. Januarii sequentis anni, delectus est Hadrianus VI. titulo Ss. Joannis & Pauli Cardinalis Presbyter & Episcopus Dertusensis* in Hispania; antea Caroli V. Imperatoris Præceptor, natione Belga, & honestæ fortunæ parentibus Ultrajecti genitus. Qui, cum id temporis abesset, & apud Hispanos ageret; demum die 29. Augusti Romam appulsus, ac biduo post in Basilica S. Petri coronatus est die 31. Augusti, in Dominica.

Leo X. Papa moritur die 1. Decembris. In ejus locum initio sequentis anni eligitur Hadrianus VI.

Spond. n. 10
*Dertusa.
Hispanicè
Tortosa.

Annus Christi 1522.

HADRIANI VI. Pontificis 1.

CAROLI V. Imperatoris 3. & 4.

ERICI Episcopi Paderborn. 14.

Bellum, quòd anno præcedente exarserat in Italia, hoc anno rursus urgeri coepit; sed magno iterum Francisci Regis Galliarum damno. Collegerat hic ibi novum exercitum, virorum sexaginta millium; eumque urbi Mediolano admoveri jusserat sub Duce Lautrecio. Sed hac in urbe Prosper Columna, Cæsareorum supremus Ductor, adeò fortiter se defendit contra omnes assultus hostium, ut hi urbis potiundæ spe depositâ, aliò mentem & arma vertere coacti fuerint. Recedentes pedetentim insequabatur Cæsareanus miles. Nec multò post in vicino loco ad Bicocam pagum totis utrimque castris concursum est, eâ Gallici exercitus clade, ut amissis ferè omnibus belli Ducibus, Helvetiorum Gallorumque octo millia occubuerint; reliqui verò in effusissimam fugam coniecti sint, relicto simul toto ærario bellico. Magnus exinde pavor in regno Galliæ, secuta mox deditio arcis Mediolanensis, Genua ipsa, urbs magna & præpotens, quæ tunc à Gallis tenebatur, ingressum Cæsareo militi aperire compulsa est.

Galli rursus obsident Mediolanum; & ab eo depulsi, cum ingenti clade caduntur à Cæsareis.

Palat. in Aq. Aust.
Spond. hic n. 4.

Ripamont.
l. 15. hist.
Eccles. Mediolan.

Genua à Cæsareis occupatur.
Palat. Spond. dan. & Suerius ad hunc ann.

Verùm quàm feliciter in eo loco procedebant res domini temporalis; tam infeliciter in Germania procedebant res Ecclesiæ, quas ubique pessundabat & evertibat Lutherus Evangelista Saxonum. Wittenbergam hic è sua Pathmo reductus erat ineunte Martio; statimque inibi diversos libellos edidit, omni spurcitiâ & scurrilitate refertissimos. Primus est contra Sedem Pontificiam, quam Suillus Doctor ita alloquitur: *Martinus Lutherus Sanctissimæ Sedi Romæ, et toti ejus Parlamento, meam gratiam et salutem.* Deinde recitatâ suæ damnationis Pontificiæ Bullâ, sic pergit: *Ego autem dico ad Papæ et Bullæ hujus minas: qui præ minis moritur, ad ejus defun-*

Lutherus, Wittenbergam rediens, tres libellos putidissimos edidit, nempe contra Papam, contra statum Ecclesiasticum, & de vita conjugali.

N

Eti

Cochlaus
in actis Lu-
theri ad
hunc ann.
& alii.

Eti sepulturam compulsari debet crepitibus ventris etc. Secundus est contra statum Ecclesiasticum, cui vir audacissimus novam excommunicationis & reformationis bullam seditiosè intentat, insolentibus hîsce verbis, in medio libelli positis: *Doctôris Lutheri Bulla et reformatio. Quicumque opem ferunt, et corpus, bona, ac famam, in hoc impendunt, ut Episcopatus devastentur, et Episcoporum regimen extinguatur; hi sunt dilecti filii Dei, et veri Christiani, observantes præcepta Dei, et repugnantes ordinationibus Diaboli. Contrà verò, quicumque defendunt Episcoporum regimen, eisque obediunt voluntariâ obedientiâ; hi sunt Diaboli ministri proprii, et repugnant Dei ordinationi ac legi.* Tertius denique foedissimi Doctôris libellus est de vita conjugali, in quo Sacerdotes, Monachos, & Sanctimoniales omnes adhortatur ad ineundas nuptias; & addit: *carnalem commixtionem cuilibet homini tam necessariam esse, quàm edere, bibere, scribare, dormire, vigilare; idcôque penitus oportere, ut omnis vir habeat mulierem, et mulier virum, juxta illud Genesis 1. Crescite et multiplicamini.*

Superi boni! quænam hæc doctrina? quàm foeda? quàm sacrilega? quàm impia, & magno gentium Doctôri contraria? Nonne hic apertè inquit 1. Cor. 7. *Qui matrimonio jungit virginem suam, bene facit; et qui non jungit, melius facit: puto autem, quòd et ego spiritum Dei habeam?* & tamen hoc deploratissimo tempore nemo Principum Germanicorum fuit, qui tam impiæ doctrinæ se opponere vellet aut valeret! Carolus enim Imperator per æstatem hujus anni in Hispaniam iêrat, ut rebellionum præteritarum reliquias funditus extirparet. Saxo & Palatinus, penès quos Imperii administratio solebat esse in absentia Cæsaris, aut Lutheri fautores erant, aut certè nondum penitus ab eo alieni. Ferdinandus Imperatoris frater, qui Palatino & Saxoni velut Imperii Vicarius adjunctus erat, nondum eò ætatis venerat; ut regere sinè istis ambobus posset. Atque ideo Lutherus, ab omni metu solutus, non solùm impunè agebat & scribebat omnia, quæ volebat; sed etiam ubique passim Sacerdotes, Monachos, Sanctimoniales, & omne indoctum vulgus hominum, adavitæ fidei desertionem cum æterno animarum suarum exitio pertrahebat. Id quod etiam acerbè queritur Hadrianus Papa in Epistola * verè aurea, ad Fridericum Saxonem hoc anno scripta: *Tibi, inquit, debemus omnes, quod nunc passim ab unitate Matris Ecclesiæ recedatur: quòd indoctum vulgus mille præstigiis ac fascinationibus retrahatur à fide, quam suxit ab ubere materno: quòd Basilicæ sint sinè plebe, plebs sinè Sacerdotibus, Sacerdotes sinè debita reverentia, et sinè Christo denique Christiani.*

Accedebant his malis truculentæ invasiones Solymanni Turcarum

*vide hanc
in opere
concilior.
& apud
Palat. in
Aq. Austr.

carum Imperatoris, cui istæ Lutheri & suorum seditiones ad auferendas Christianorum terras non parum profuere. Obsederat hic anno superiore Belgradum urbem, Hungariæ Dominam; eamque demum die 29. Augusti post bimestrem oppugnationem ceperat, nullo Principum Christianorum in urbis auxilium advolante. Id cum ei tam prospere successisset, etiam hoc anno adjecit animum ad invadendam Insulam urbemque Rhodum, ab equitibus Rhodiis (quos hodie à moderna ipsorum sede Melitenses appellamus) hucusque fortiter custoditam. Itaque mense Junio præmisit illuc numerosissimam classem trecentarum ferè navium, quæ urbem incingerent, & omnes insulæ accessus clauderent. Has deinde partim secutus, partim etiam comitatus est ingens exercitus terrestris ducentorum vel trecentorum millium; insuperque tanta militarium tormentorum ac balistarum copia, quæ duabus propè oppugnationibus urbium sufficere posset. Consternatus eorum adventu Philippus Liladamus, Rhodiorum equitum supremus Magister Ordinis, misit ocyùs è suorum numero, qui à Pontifice, ab Imperatore, à Galliæ Angliæque Regibus, festinata auxilia contra hostem præpotentem peterent: interimque urbem istam cum armatis, quos habebat, quinque millibus fortissimè tutatus est usque in mensem sextum. At, cum intra tempus illud nihil auxiliorum adveniret, ac plerique urbis propugnatores diuturnâ jam obsidione fracti vel extincti essent; ægerrimè tandem die vicesimâ Decembris urbem dedere coactus est, æterno, ut ait Palatius, *Christianorum* Principum opprobrio, qui discordiis à se invicem distracti, commune illud atque fortissimum Christianæ Religionis propugnaculum neglexere.* Hi nimirum sunt primi fructus Lutherani Evangelii! Hæc illa præclara merita verborum seditiosorum, quæ novus Evangelista Lutherus hoc anno protulit, in libello contra *Bullam Cænæ* hoc modo scribens: *Quid juvat armis corporcis Turcam avertere? quid nobis malifacit? occupat Provincias, easque gubernat dominio temporali. At hoc ipsum pariter ferendum nobis est à Papa: qui et vitam nobis et corpus excoriat, secus quàm Turca faciat. Imò theri, Turca permittit victis, ut eorum quisque maneat in sua fide. Hoc autem Papa non facit; sed mundum universum cogit, ut deficiat à fide Christi, transcatque ad sua Diabolica mendacia. Unde, si Turcam velimus aggredi, initium nobis ducendum est à Pontifice.* Certè longè melius Luthero censit hac de re suprâ dictus Liladamus, Rhodii Ordinis Magister supremus. Qui, dum urbe deditâ ad Solymannum deductus, atque ab eo magnis honorum pollicitationibus ad defendendam Fidem Romano-Catholicam invitatus esset; intrepidè respondit in hæc verba: *Malo vitam hanc, aut statim amittere coram*

Solymannus
Turcarum
Imperator
occupato
ante annū
Belgrado,
etiam hoc
anno occupa-
vit insulam
Rhodum,
fortissimū
Christianos
rum propu-
gnaculū.
Spond. hic.
Palat. in
Aq. Austr.
Surius in
comment.
Jacobus
Fontan. l.
2. de bello
Rhodio.

Palat. in
Aq. Austr.

**vide Co-*
chlaum ad
hunc annū
in actis Lu-

Palat. in oculis tuis, aut eam semper ingloriam et inhonorem ducere; quàm à te victus, etiam Catholica Ecclesia ac Religionis desertor fieri. Vinci enim est fortuna: suos autem deserere, et à Catholica veritatis tramite in transverso ire, extrema levitatis, ignavia, et impietatis est.

Ericus Episcopus Paderborn. à Simone Comite Lippiensi recuperat Comitatum Pymontanum. Interea Ericus Episcopus noster magno studio defudaverat in recipiendo retrahendoque ad nos Comitatu Pymontano; qui post obitum Mauriti, Comitum Pymontanorum ultimi, à Simone Comite Lippiensi recuperat Comitatum Pymontanum.

*año 1494.

*ex literis

archiv.

Cath. Escl.

ro Simon Comes post mortem sui Patris Bernardi Comitis, anno millesimo quingentesimo undecimo defuncti. Nihilominus tamen Ericus Episcopus, collaborante Capitulo suo Cathedrali, repensis aliis beneficiis ac favoribus eò tandem rem deduxit, ut hoc anno Simon Comes Pymontano Comitatu pro se suisque successoribus plenè & integrè renuntiaret; eundemque totum Ecclesie nostrae perpetuis temporibus tenendum ac possidendum restituerit. Quà de re in Ecclesie nostrae Cathedralis tabulario adhuc supersunt & custodiuntur duae literae, westphalicà linguà scriptae. Primae sunt Eri Episcopi, quibus Capitulo Majori, propter molestias & labores in recuperando Comitatu Pymontano habitos, perpetuò donavit ac tradidit majorem decimam urbis Lügdenfis pinguem satis & celebrem à vetustate, unà cum alia minore ad anniversariam suam memoriam applicanda. Alterae sunt Simonis Comitis, quibus hic in praesentia Rabani de Westphalen, et Hermannii de Mengerfen, Comitatum Pymontanum perfectissimè abdicat in favorem Ecclesiae Paderbornensis: & hae literae datae sunt hoc anno, die Jovis post S. Michaelis Archangeli. Nihil optatius accidere poterat Episcopatu nostro, quàm ista renuntiatio: plurimumque utilitatis ex ea sperandum erat, nisi triennio post Ericus Episcopus novâ alienatione spem istam, velut herbam in prima segete, corrupisset; quemadmodum referetur infra ad annum 1575.

Ericus Episcopus Monasteriensis moritur.

*Chron

Tremon.

ms.

*Chron.

Monast.

ms.

Denique & hoc anno ex Antistitum Westphalicorum numero decessit Ericus Episcopus Monasteriensis, Horstmariae defunctus die vicesimâ Novembris, postquam Ecclesiae suae cum laude maxima praefuisset annis quatuordecim. Mortem ei praematuram attulit lenta corporis & virium corporearum tabes: quam putatur contraxisse, partim ex dolore ac toedio restitutae Lingensis Dynastiae, de qua dictum est ad annum 1518; partim ex infelicitate sui fratris, Joannis Episcopi Hildesienfis, priori anno à Caesare proscripti, ac plerisque bonis Episcopalibus exuti. Corpus ejus ab

ab obitu deportatum est ad Basilicam Cathedralis Ecclesiæ Monasteriensis, ibidemque è regione chori ad latus * australe conditum, cum imposita ex aurichalco lamina, tumultu Anabaptistico postmodum everfa. Præter legata pia quàm plurima, reliquit insuper à morte sua septem millia florenorum aureorum pro ærario publico, & quatuor millia pro Successore: neque ullus Aulæ Minister, imò nec minimus * famulus, etiam inter minimos culinæ mediastinos fuit, cui non legaverit aliquod liberale munus. Vacantem ipsius Cathedram infelici fato recepit Fridericus de Wieda, Hermani Colonienfis Archiepiscopi frater, vir Erico decessori suo plurimum dissimilis; planèque talis, de quo breviter ac verè dixeris, quòd gravissimo istius Dioecesis infortunio delectus fuerit. Ejus enim negligentia Lutherana hæresis, ac deinde foedissima lues Anabaptistica Dioecesin urbemque Monasteriensem ingressa est; brevique tantum inibi excitavit incendium, ut non nisi plurimo populorum sanguine posterioribus annis restingui & opprimi potuerit, uti suo loco videbimus.

* Chron.
Monast.
ms.

* Chron.
Monast.
Succesfit ei
Fridericus
Comes de
Wieda.

Annus Christi 1523.

HADRIANI VI. Pontificis 2.
CLEMENTIS VII. Pontif. 1.*
CAROLI V. Imperatoris 4. & 5.
ERIGI Episc. Paderborn. 15.

* electus est
die 19. No-
vembr.
coronatus
die 26. No-
vembr.
Hadrianus
Papa in co-
mitiis No-
rimb. rogat
Principes,
ut Worma-
tienti con-
tra Luth-
erum decre-
to pareant.
Palat. in
Aq. Austr.
Spond. Sa-
rins & alii
Cui frigis
dissimè ibi-
dem re-
sponderunt.
Auctores
iidem.
ta,



Posteaquam Imperator priori anno discesserat in Hispaniam, Ferdinandus ejusdem frater & Imperii Vicarius Norimbergæ coepit aperire comitia publica, quæ usque in primos hujus anni menses protracta sunt. In eo Principum conventu Franciscus Cheregatus, cui Hadrianus Pontifex Apostolicæ legationis officium imposuerat, à Principibus congregatis efflictim petiit, ut germanicæ tranquillitatis miserti, sincerè tandem se converterent ad exequenda ea, quæ in comitiis Wormatiensibus contra Lutherum decreta fuerant. At illi, potissima ex parte jam seducti, vicissim obtulerunt ei centum gravamina, contra abusus Pontificios à scriptoribus Lutheranis confarcinata. Quibus addiderunt frigidissimum hoc responsum: *Docere se, quòd è Lutheri dogmatis tam funesta animarum pericula consurrexerint. Sed ea nunc tempora et hominum sensus esse, ut, si ex edicto Caesaris contra Lutherum processuri forent; necessariò timendum sit, inde plus perturbationis, quàm utilitatis publicæ nasciturum. Jam enim pleraque multitudini persuasum esse, Romanam curiam per abusus varios egisse mul-*

ta, quæ nationi Germanica in grave præjudicium cederent: atque ideo primum oportere, ut abrogentur gravamina, Legato Papali tradita. His enim non abolitis, si quid acerbius contra Lutherum fieret, multitudinem popularem in turbas prorupturam, et insano tumultu vociferaturam, talia contra Lutherum et ejusdem fautores agi pro tuendis Romanorum abusibus, et Evangelica veritatis oppressione. Quàm speciosa atque ad

Novem
moniales
unâ vice ab
ducuntur
simul ex
monasterio

obtegendam astutiam elaborata verba! Quasi verò turbas excitaret, qui turbas opprimit!

Sic igitur Lutherus cum suis poterat impunè furere, nullòque resistente humana Divinâque omnia permiscere. Id quod etiam

Nimicensi:
inter quas
etiam Ca-

tharina de
Bore/
postea Lu-

theri con-
jux.

Cochlaus
in actis Lu-

theri.

Surius in
comment.

*germa-
nicè

Nimptsch.
Turpe illud
facinus Lu-

therus scur-
rilliter lau-
dat.

Cochlaus
& Surius
loc. cit.

Dux Bor-
bonius à
Gallo ad
Cæsarem

transit: res
Gallicæ in-
feliciter ce-
dunt in Ita-
lia.

Spond. ad
hunc ann.

Surius in
comment.

Palat. in
Aq. Austr.

Ripam l. 15
Hist. Med.

hoc anno audacissimè fecit, & effectui dedit. Nam, ut alia nefanda fileam, ejus hortatu vel approbatione Leonardus Koppenius civis, in hebdomada sancta, è Nimicensi *monasterio simul abstulit, & Wittenbergam attulit novem virgines Deo consecratas: inter quas etiam erat nobilis illa & famosa femina Catharina de Bore/ quæ biennio post novo huic Saxonum Evangelistæ sacrilegis nuptiis illigata est. Ac, ne quis execrabile illud factum reprobareret, Lutherus illud peculiari libello edito summopere dilaudavit, ità scribens inter alia: *Fecisti novum opus Leonarde, quod loquentur ac decantabunt omnes provincia. Et multi quidem traducunt illud, ut absurdum facinus. Qui autem cum Deo sentiunt, dilaudabunt illud veluti rem præclarissimam, censcuntque id esse opus et consilium Dei. Audient quidem te fuisse raptorem istum: at verò felicem raptorem! sicut enim Christus in hoc mundo raptor erat, quando Dæmoni per mortem suam auferbat arma, ipsūque ducebat captivum; ità et tu has miseras animas ex humana tyrannidis carcere eduxisti. Et quidem opportunissimo tempore, in Paschate, quo Christus suorum quoque captivitatem captivam duxit etc. Prò! quæ doctrina? quàm absurda & absona comparatio Christi, & illius Koppenii? facecant ab auribus oculisque puris ejusmodi sordes Luthericæ,*

- - - - - *ne stercore fæda canino*

Atria displiceant oculis venientis amici!

Quod attinet ad gesta bellica, satis feliciter ea rursus ceciderunt pro Carolo Imperatore. Nitebatur quidem Franciscus Gallix Rex Mediolanum recuperare, ideòque præmiserat illuc potentissimum exercitum, quem ipse propediem secuturus, & in aciem educturus erat. Sed hæc ejus consilia improvise rursus interversa sunt per defectionem Caroli Borbonii, Francorum Ducis præstantissimi: qui, quòd à Rege se neglectum, & ab Aloysia Regis matre magnis odiis appetitum cerneret, abjectâ ejus militiâ ad Caroli Cæsaris fortunam se adjungebat. Consternatus indè Rex, veritusque domi tumultum inter suos, retraxit pedem ex Italia: totiusque

totiusque exercitûs Præfecturam detulit Boniveto Duci, magnis quidem natalibus orto; sed qui rerum bellicarum non satis gnarus, nec alio merito, quàm Regiæ matris commendatione ad hujusmodi honores venerat. Is igitur, tametsi vel tertiâ suarum copiarum parte potuisset Mediolanum frangere, exercitum suum imprudentissimè convertit ad expugnanda quædam levioris momenti oppida: atque ità Cæsareis occasionem tempusque dedit, non modò ad contrahendum augendumque militem; verùm etiam ad urbes præcipuas, Mediolanum scilicet & Cremonam, novis aggeribus operibusque præmuniendas. Id autem quàm fatale illi fuerit, eventus infelix docuit. Nam paulò post, & exercitus Regius continuis Cæsareorum infestationibus plurimùm diminutus, & Bonivetus Dux velitationum improsperarum toedio in Galliam regressus est, *nullius rei bene gesta gloriam ex provincia* Mediolanensi referens*, uti scribit Ripamontius. *Ripamont. loc. cit.

Neque Gallo felicior fuit ejusdem socius & adjutor Carolus Gelder. Is, tametsi anno 1517, à Carolo V. nondum Imperatore victus, eidem promississet, se deinceps nihil ampliùs acturum esse contra Frisiam occidentalem, quam iniquis armis appetiverat; nihilominus iterum, hortatu Gallico, in Transisalaniam finitimamque Frisiam præcedenti anno se injecerat. Missi igitur hoc anno Joannes Wassenarius, & Georgius Schenckius, ingentium animorum & notæ virtutis viri, cum egregiis militum instructorum copiis, quæis Geldrum insolentem frangerent. Nec defuit amborum votis fortuna prospera; fugientibus enim ad eorum adventum Geldris, devictoque Worcomio Frisæ prædictæ oppido, primùm Sevenwoldii, mox etiam Ommelandii, ac plures alii circa Groningam populi, submissis capitibus fortunam Cæsaris adoravêre. Indè Schenckius & Wassenarius victricia signa protulerunt contra Dockomium: eoque per trimestrem obsidionem domito, etiam Slota, Sneka, & quidquid aliarum urbium ac munitionum in tota Frisia vel retinuerat vel recuperaverat Gelder, oblato fidelitatis & obedientiæ Sacramento Imperium Cæsaris recepêre. Supererat adhuc Steenwicum, Transisalanæ oppidum, quod paulò antè à Geldris dolo captum, sollicitéque præmunitum fuerat. Sed & istic vim Cæsareorum non exspectârunt Geldri, jam pridem ab illis trepidare docti. Nam adventu eorum intellecto, priusquam ab iis obsiderentur, spoliatis oppidanis præcipiti fugâ se subduxerunt. Quos tamen Wassenarius, relicto ibidem Schenckio, celerrimè insecutus est; & non procul ab urbe Geldrâ, post brevem concertationem, tam feliciter devicit, ut eorum septingenti circitèr in loco cæsi, ducenti bello capti, reliqui autem

Carolus Gelder à Cæsareis profligatur ex tota Frisia, quam invaserat suadente Gallo. Hareus in annal Brabant. ad ann. 1522. & 1523. Chytraus l. 9. Saxon.

autem abjectis desertisque signis militaribus, quâ data via, dilapsi fuerint.

Hadrianus
Papa mori-
tur.

Multa alia, quæ contra Gallum hoc anno cusa & fabricata sunt, præpopere abruptit inopina mors Hadriani VI. Pontificis, Carolo V. ante omnes addictissimi. Magno huic Romanæ Ecclesiæ Capiti nihil ad summam existimationem apud Romanos defuit, quàm quòd immodicum * Papalis aulæ splendorem abroga-

*Spond. ad
hunc ann.
Ost in Ro-
ma gloria
sa.

Auctores
isdem, &
alii.

*in ejus vi-
ta to. 14.

concilior a-
pud Labb.
Lachorß in
Epist post
chron. He-
de.

Ericus &
Henricus
junior, Du-
ces Bruns-
vicenses, in
congressu
Huxariensi
adjungunt
se foederi,
inter Epi-
scopum nos-
trum & a-
lios Comi-
tes ante
quadrien-
nium inito.
ex literis
Archiv.
Cath. Eccl.
Paderb.

ret; rejectoque superfluo ministrorum circumfluorum syrmate, instar hominis religiosi privatim viveret. Pro exaltanda familia sua nullam planè curam aut sollicitudinem habuit, ut nepotes & consanguineos suos ad pinguiora * sacerdotia promoveret, solitus dicere: *nolo ædificare Sion in sanguinibus*. Obiit Romæ die 14. Septembris in festo Exaltationis S. Crucis; humatusque est in Ecclesia Teutonicorum S. MARIE de anima, cum hac scriptura, monumento ejus incisa: *Hadrianus VI. hinc situs est, qui sibi nihil infelicius duxit in vita, quàm quòd imperaret*. Successit illi Julius de Medicis Archiepiscopus Florentinus, electus Romæ die 19., & coronatus die 26. Novembris, dictusque *Clemens septimus*.

In Ostphaliæ Westphaliæque finibus hoc anno magnus diversorum Principum & Comitum congressus, die undecimâ Martii, celebratus est in urbe Huxaria. Accesserunt illuc Ericus & Henricus junior Brunsvicensium Duces, ibidemque associârunt sese foederi, quod in urbe Lipstadiensi anno 1509 inter Ericum Episcopum nostrum, aliosque Principes & Comites Ostphaliæ & Westphaliæ, pro defensione & assistentia mutua percussum erat; uti liquet è Ducum prædictorum literis, germanico sermone scriptis, cum hoc initio & fine: *Nos Dei gratiâ Ericus et Henricus junior, Duces Brunsvicenses et Luneburgenses, profiteamur ac notum facimus etc. Actum Huxariæ, die Mercurii post Dominicam Oculi, Anno à natiuitate Christi Domini nostri millesimo quingentesimo vicesimo tertio*. Reconsentur in iisdem literis etiam aliorum Principum Comitumque foederatorum nomina, videlicet Ericus Episcopus noster, Philippus Dux Brunsvicensis Erixi Antistitis frater, Wolffgangus Princeps Anhaltinus Ascaniæ Comes, Wilhelmus Comes Hennebergensis, omnesque illi, quos ex foedere Lipstadiensi produximus ad annum 1519.

Ericus Epi-
scopus Pa-
derb. hoc
anno cœpit
ædificare
orientalem
alam arcis
Neuhufan-
æ prope
Paderborn.

Renovato firmatoque hoc foedere Episcopus noster Paderbornam se recepit; & Neuhusii in loco amoenissimo, unâ ferè horâ ab urbe dissito, construere hoc anno cœpit orientalem alam novi castri vel palatii Episcopalis. Ædificium istud, quod etiam nunc opere superbo cernitur, intrâ biennium & paulò ampliùs ferè usque ad dimidiam suâ partem perductum est; quemadmodum ad ingressum

gressum castrî, quâ Paderbornam respicit, adhuc demonstrant ejus insignia muro infixâ & incisâ, cum hac inscriptione germanica: *Von Gottes Gnaden / Erich Bischoff zu Paderborn und Osnabrück / Herzog zu Braunschweig und Lüneburg / Anno 1525.* Totâ autem istius alæ Neuhusanæ fabrica, unâ cum turribus & omni structura interiore, diuturniorem operam expoposcit. Nam, uti coenobii Mariæmünsterensis manuscripta in diario Henrici Abbatis perhibent, anno 1529 adhuc indictæ & postulatæ sunt contributiones publicæ pro novi illius ædificii consummatione. Et Ferdinandus Fürstenbergicus in monumentis Paderbornensibus memorat, etiam Hermannum de Wieda, Erici Episcopi successorem, in continuandis ædificiis ab Erico coeptis* non parvam operam præstitisse: addendo forsitan, aut perficiendo partem alæ meridionalis usque ad antiquius ædificium, quondam ab Henrico Spiegelio conditum.

*vide dicenda ad ann. 1590.

Urbi etiam Paderbornæ egregium hoc anno decus & commodum accrevit ab inchoata supra minorem Paderam officina aquaria; cujus beneficio fontes Paderæ ex inferiore urbis parte ad superiorem illius partem per canales propelluntur in amplissimos alveos; indeque iterum per canales alios derivantur in præcipuas plateas civiumque vicinorum ædes. Opus sanè utilissimum, non modò ad privatam commoditatem civium; verùm etiam ad restringenda incendia, quæ subinde non modicam urbis partem ex aquarum penuria devoraverant. Licentiam exstruendæ hujusmodi officinæ concessit hoc anno civibus Reverendissimum Capitulum Cathedrale; uti constat ex ejusdem Capituli tabulis westphalicâ linguâ conscriptis, quarum partem latinè redditam hîc appono.

Paderbornæ hoc anno struitur officina hydraulica, per quam fontes Paderæ in superiorem urbis partem derivantur. ex archiv. Cath. Eccl.

Nos Decanus, et Cathedrale Capitulum Paderbornensis Ecclesiæ, pro nobis et successoribus nostris profitemur in his literis, quòd honorabilibus ac providis Consulibus, Senatui, et communitati urbis Paderbornæ, eorundem rogatu permiscimus, ut infra monasterium Abdinghoffsense supra minorem Paderam construere et erigere possint parvam adiculam, cum rota aquatica interiùs agitata; vi cujus aquam suis usibus necessariam in forum et plateas urbis derivare queant etc. - - - In testimonium veritatis, Nos Decanus et Cathedrale Capitulum Paderbornensis Ecclesiæ suprâ dictæ, pro nobis et successoribus nostris, majus sigillum nostrum hisce literis appendi fecimus, Anno Domini millesimo quingentesimo vicesimo tertio, die Mercurii post Ss. Apostolorum Petri et Pauli. Et Nos Consules, Magistratus, et universa communitas Paderbornensis Civitatis profitemur in his literis reversalibus, quòd in prædicto rivulo minore, ceterisque rivis Paderæ, nihil à nobis habeatur juris, quàm quod et quo-

quousque nobis à prædicto Cathedrali Capitulo id indultum ac permissum est etc. . . . Datum, ut supra.

Delbrus
genium
privilegia
confirman-
tur ab Erico
Episcopo.
ex archiv.
Delbrug.

Ostentant & hoc anno Delbrugeses nostri privilegiorum suorum confirmationem, ab Episcopo Erico datam, & consignatam *die Luna post S. Liborii Patroni nostri*. Sed, cum in illis tabulis à me inspectis & relectis nihil inveniam relatu dignum; operæ pretium non existimavi, fore, ut eas latinè redderem, & huic operi immiscerem.

Annus Christi 1524.

CLEMENTIS VII. Pontificis 1. & 2.
CAROLI V. Imperatoris. 5. & 6.
ERICI Episcopi Paderborn. 16.

In comitiis
Norimbergensibus
rursus à
Cæsare &
Pontifice
urgetur
executio
decreti
Wormatiensis
contra Lutherum.
Sed frustra.
Cochleus in actis Lutheri.
Surius in comment. rer. gest. Palat. in Aq. Austr. & aliis.

Inane decretum
Principum
de rebus fidei
definendis in
proximo
conventu
Spirensi.
Cochleus & Palatius loc. cit. Spond. hic n. 5.



Ntrà primos hujus anni menses nova rursus Imperii comitia Norimbergæ celebrata sunt: at iterum exiguo cum profectu Religionis Catholicæ. Querebatur in iis Legatus Pontificius, causam fidei contra Lutherum tam socorditer ac negligenter à Principibus agi, cum gravissimo periculo totius Germaniæ: orare Pontificem, ut seditio- nes istius Monachi tandem sincerè comprimant; simulque pro- mittere, curaturum se, pro suis viribus, ut vicissim aboleantur mitigenturque decantata sæpius germanicæ nationis gravamina. Similiter & Cæsar absens per Legatum ex Hispania missum que- rulabatur, edicto suo, in comitiis Wormatiensibus contra Luthe- rum edito, hucusque tam parùm obediri: cunctationem hanc si- bi non exiguo despectui esse; ideoque velle se & præcipere, ut ejusdem edicti executio vel nunc saltem ab universis Principibus citra omnem reluctationem sincerè ac seriò ad effectum deduca- tur. Secuta est his de rebus diuturna Principum consultatio. Et quia jam pleraque ipsorum pars in Lutheri dogmata non parùm propendebat; tandem die 18. Aprilis nugatorium hoc planèque frivolum decretum consensu plurimorum prodiiit: *Wormatiense edictum Cæsaris in omnibus Germania terris exequendum esse, quantum pro ratione temporis et circumstantiarum fieri potest: hoc est, quantum unusquisque Principum pro suo in Lutherum affectu vellet, uti ego ex eventu & rebus postea secutis colligo. Romanum verò Pon- tificem rogandum esse, ut ad examinanda Lutheri dogmata generale con- cilium in Germania convocet, quàm primùm potest. Ac, ne interea populus rerum credendarum incertus maneat; primùm in Diœcesi quali- bet seligi oportere viros doctissimos, qui per astatem hujus anni libros*

Lu-

Lutheri perlegant, et ex iis bonum à malo segregent: deinde verò circa Novembrem huius anni nova rursus comitia Spirensi in urbe congreganda esse, in quibus audito eorundem cruditorum iudicio definiatur, quid usque ad finem generalis concilii quisque agere vel credere in rebus Divinis debeat. Superi boni! quæ & quantæ hallucinationes in hoc Principum istorum decreto? quomodo poterat convocari concilium generale, nondum conciliatis Gallo & Cæsare? quomodo universalis & antiquissima Ecclesiæ doctrina disquiri debuit in urbe Spira, in conventu particulari quorundam Principum? quis inibi futurus iudex controversiarum? non indocta plebs, uti liquet per se. Non ipsimet congregati Principes: quia potissimam suâ partem seculares erant, ad quos orthodoxæ fidei & rerum credendarum censura nunquam pertinuit. Non denique selectiores è Clero viri. Quis enim persuadeat sibi, Gallos, Italos, Hispanos, aliósque Ecclesiæ populos id approbaturus esse, quod paucis Germanis credibile visum fuerit, præsertim in particulari coetu, nullâ Cæsaris ac supremi Pontificis auctoritate cœpto? Hæc & alia contra decretum illud prudenter obmovebat Legatus Pontificius. At à plerisque Principum æquè parùm auditus est, ac ii, qui surdo canunt. Quare tandem coactus est ea de re Pontificem erudire, & hic vicissim apud Carolum Imperatorem conqueri. Carolus autem Imperator, qui tunc agebat in Hispania, non modò hoc Norimbergense decretum, velut inane ac frivolum reprobavit; sed etiam Principibus omnibus gravissimè interdixit, ne in urbe Spira convenirent, ibique novam rerum credendarum normam formamve cuderent: uti constat ex proluxa ejusdem Imperatoris epistola, à Cochleæo recitata, signatâque *Burgis in Castilia, die 15. Julii, anni MDXXIV.*

Cæsareum illud fulmen haud obscurè jam præsenferant nonnulli Principes, quorum sincerius adhuc studium erat in religionem Catholicam: nimirum Ferdinandus Archidux Caroli Imperatoris frater, Matthæus Cardinalis & Archiepiscopus Salisburgensis, Georgius Saxoniz Dux, Wilhelmus & Ludovicus Bavariz Duces, Bernardus Episcopus Tridentinus, Ernestus Episcopus Passaviensis, Joannes Episcopus Ratisbonensis, Wigandus Episcopus Bambergensis, Georgius Spirensis, Wilhelmus Argentinenensis, Christophorus Augustanus, Hugo Constantiensis, Philippus Frisingensis, Christophorus Basileensis, & Sebastianus Brixinensis. Hi, cum in comitiis Norimbergensibus contra pluralitatem aliorum Principum nihil evincere potuissent, conventum aliquem particularem condixerunt in urbe Ratisbona, festo S. Joannis Baptistæ; ibidemque præsentem Legato Pontificio con-

Carolus V.
per speciale
rescriptum
ex Hispania
missum, de-
cretum hoc
Norimber-
gense re-
probat.

*Cochleus
in actis Lu-
theri.*

*Spond. &
Surius ad
hunc ann.*

Alii Prin-
ces Catho-
lici in alio
conventu
Ratisbonæ
habito, de-
cernunt ob-
temperare
edicto

Wormati-
ensi, & Re-
ligionem
Catholi-
cam tueri.

*Cochleus,
Surius,*

*Spond. &
alii.*

diderunt saluberrima hæc statuta, in eorum terris observanda: *Wormatiensis* edicto *Casaris* parè ac simpliciter omnes obtemperent: sacrificium *Missæ* et omnia Sacramenta consuetis *Ecclesiæ* ceremoniis peragantur: in jejuniis, precationibus, aliisque ritibus antiquis nihil innovetur: sacrilega Sacerdotum ac sanctimonialium connubia non tolerantur. Studiosi *Wittenbergenses* ad sacerdotium vel doctorem publicam nullibi admittantur. Subditorum ac civium filii, qui in studiis versantur *Wittenberge*, intra spatium trimestre revocentur; neque illuc redire audeant sub pœna confiscationis et amissionis bonorum ac beneficiorum omnium. Nemo ad populum verba faciat, nisi examinatus ab Episcopo loci: nemo in typographis librum aliquem prolo det, nisi qui prius approbatus fuerit ab Episcopo etc.

Lutherus
hoc anno
Monachalẽ
cucullum
exuit.

Spond. ad
hunc ann.

& alii
passim.

Henricus
Zutphanus
apostata

(vulgò
Drover
Henricus)

primus Bre-
mensium

seductor,
hoc anno

vivus exu-
ritur in

Dithmarsia
Chron.

Brem. ms.
Spond. hic

n. 12.
Cochleus

in actis Lu-
theri.

Surius in
comment.

* alias Jacob

Provest/
und Jo-

han Go-
temelck.

Utinam pari zelo exarsissent & alii Principes, maximèque Fridericus Saxonie Dux & Elector! hujus enim conniventia Doctor Lutherus, in extrema vitiorum ruens, tandem hoc anno die 9. Octobris monachalem cucullum exuit; pessimòque exemplo suo quàm plures alios diversorum Ordinum Religiosos ad hoc audendum & imitandum traxit. Quanquam ii omnes in prædicando hoc novo Evangelio non unâ eadèmq; fortunâ gavisi fuerint. Nam, ut alios non paucos taceam; Henricus Zutphanus ejusdem Augustiniani Ordinis desertor (quem Bremenses primum suæ urbis Evangelistam & purioris doctrinæ præconem vocitant) apostasiæ ac desertionis suæ mercedem tristissimam hoc anno retulit. Wittenbergam hic abiêrat ex monasterio Antwerpiensi; auditòq; Luthero Antwerpiam reversus, perniciosam ejus doctrinam in hac urbe sparserat. Comprehensus idcirco bis, & alterâ vice post errores jam semel ejuratos in severiorem custodiam detrusus, perfracto carcere diffugit Bremam. Hic autem à civibus avidissimè receptus, Lutheranam hæresin intra annum & aliquot menses ita disseminaverat; ut ineunte hoc anno duos alios ejusdem Ordinis apostatas, puta Jacobum* Præpositum & Joannem Amsterdami-um, in operam subsidiariam advocari necessum fuerit. Neque diu tunc eman sit pœna, votorum suorum violatori debita. Cum enim haud multò post à Pastore Meldorpiensi in Dithmarsiam evocatus, ibique non semel impiè contra antiqua Ecclesiæ dogmata concionatus esset; nocte mediâ ab armatis Dithmarsiensibus in lecto comprehensus, alteròque mane, die decimâ vel undecimâ Decembris ferali rogo combustus est. Lutherani hunc passim appellant martyrem. Sed cur etiam eodem titulo martyribus non adscribunt Joannem Leidensem, Bernardum Knipperdollingium, Müntzerum, & alios hujusmodi? *Martyres Christi non facit pœna, sed causa*, ait S. Augustinus. Et ante hunc S. Cyprianus: *audeant licet*

licet flammis, et ignibus traditi animas suas ponant; non erit illa fidei corona, sed poena perfidia. Occidi talis potest: coronari non potest.

Hoc etiam anno apud nos inter perillustres Dominos de Spiegel non parva dissensio erat de monte castróque Defenbergico, in quo tanquam primariâ feudorum Spiegeliorum parte dominii Defenbergensis jurisdictio quondam fundata fuit. Controversiam hanc ante annos quinquaginta & amplius *jam composuerat Simon Episcopus, constitutâ inter eos pace Castellaná, quam vocant germanicè *Burgfride*. Quoniam verò posterioribus hísce temporibus novæ iterum discordiæ repullulaverant inter eorundem successores; Ericus Episcopus noster iisdem efficacissimè se interposuit, veterémque pacem Castellanam juxta leges à Simone constitutas renovari fecit. Qua de re in Cathedralis Ecclesiæ nostræ tabulario adhuc asservantur ejusdem Erici literæ, Westphalicâ dialecto scriptæ, quarum initium & finis est: *Nos Ericus, Dei gratiâ Episcopus Paderbornensis et Osnabrugensis, Dux Brunsvicensis, notum facimus et profitemur vigore harum literarum etc. . . . Datum anno Domini millesimo quingentesimo vicesimo quarto, die S. Andree Apostoli.* Hodie castrum illud, quod in montis Defenbergensis fastigio steterat, nescio quibus annorum præcedentium injuriis planè collapsum est: intérque murorum ac turrium ruinas, veterem suæ nobilitatis gloriam concidisse luget. Id quod Ferdinandus Fürstenbergius, Episcopus noster, in monumentis Paderbornensibus* maximopere deplorat, hísce versibus:

Nunc jacet indignâ latè collapsa ruinâ

Arx vetus, et rerum gloria sola manet.

Quis, nisi mentis inops, factis extendere famam

Negligat; ipsa videt si quoque saxa mori?

Superfunt & aliæ plures Erici Episcopi de hoc anno literæ, ex quibus manifestè liquet, eum potissimâ hujus anni vel ætatis parte in Dioecesi nostra perstitisse. At, cum in iis nihil inveniam, quod ad illustrandam historiam faciat; libenter eas prætermitto, & adhuc pauca aliqua de rebus in Italia gestis hîc adjungo. Mense Augusto Carolus Borbonius, Cæsareorum ductor, cum nonnullis peditum equitumque millibus in Galliam Narbonensem irruit: Aquisque sextiis *magnâ civium gratulatione receptus, cogitabat Avenionem; & indè rursus Lugdunum (vulgò Lion) urbem id temporis malè firmam aut minùs custoditam. Hac autem occupatâ, facillimum ipsi erat, è vicino Ducatu Borbonico suas copias adaugere, & in ipsa Galliarum viscera se inferre: præsertim cum viciniore populi adamarent magis Borbonium Ducem; quàm Regem

Ericus Episcopus Paderb. hoc anno cons. firmat & renovat inter nobiles de Spiegel pacem Castellanam in monte Defenberg.
*ex literis archivi Cath. Eccl. Paderb.
*a. 1472.

*fol. 155.

Cæsareani improspere impugnant Marfiliam.
Palas. in Aq. Aust.
Spond. Surinus & alii.
*gallice Aix.

Cæsareani
obsidionē
solvunt in
adventu
Francisci
Gallorum
Regis: qui
& Papiam
obsidere
cepit men-
se Novem-
bri.
Palas. in
Aq. Austr.
Spond. &
Surius hic.
Ripamont.
l. 16. Hist.
Mediolan.

gem ipsum, ob illicitos amores minùs carum. Displicebat consilium illud Ferdinando Davalo, & aliis quibusdam belli Ducibus malebântque, non attentâ copiarum suarum paucitate castra verti contra Massiliam: sed eventu maximè improspéro; posteaquam enim quadraginta dies in ejusdem urbis diverberatione inutiliter consumpsissent; adveniente Gallorum exercitu, obsidionem malè coeptam solvere, & majori, quàm illuc venerant, celeritate in Italiam se recipere coacti sunt. Abeuntes è vestigio insecutus est Franciscus Rex: omissoque Mediolanensi castro, universum exercitum adduxit ad Papiam urbem, cui præter quingentos Hispanos quinque millia Germanorum à Cæsareanis injecta erant sub Antonio Leva, expertæ fortitudinis & scientiæ militaris viro. Coepta est hæc obsidio sub initium Novembris: certèque tunc fuisset actum de Insubria, si Franciscus Rex tantùm valuisset ingenio & arte militari, quantùm Regali potentiâ, & militum congregatorum numero; uti docuit eventus famosissimæ hujus obsidionis, de qua plura ad annum proximè secuturum.

Annus Christi 1525.

CLEMENTIS VII. Pontificis 2. & 3.

CAROLI V. Imperatoris 6. & 7.

ERICI Episcopi Paderborn. 17.

Franciscus
Galliæ Rex,
ante Papiā
ingenti cla-
de prostra-
tus, à Cæsa-
reis capitur
unā cum
Henrico
Navarræ
Rege.
Palas. in
Aq. Austr.
Spond. &
Surius hic.
Ripamont.
l. 16. Hist.
Mediol. &
alii.



Rancisco Galliarum Regi tardè hætenus procedebat obsidio Papiensis in Italia: tum quòd iniquissimo hoc anni tempore obsidionales copias multis inutilibus frustraneisque laboribus nimium delassaret: tum quia simul id temporis ad occupandam urbem Regnùmque Neapolitanum non pauca suorum millia transmiserat; & alia sex Rhætorum Grisonumve millia, ob interceptam à Cæsareis Clavennam, repentè in suam patriam revocata fuerant. Interea Cæsareani, obsidentium tarditate læti, vires suas egregiè restaurabant. Et quidem hi, qui per insubriam in diversis urbibus aut munimentis dispersi fuerant, colligebant se apud urbem Laudam, vulgò *Lodi*. Iis autem brevi tempore accedebant primùm non parva Anglorum & Helvetorum auxilia; paulòque post, circa finem Januarii, adhuc quindecim Germanorum peditum equitumque millia, à Borbonio Duce in Italiam traducta. Quæ dum exercitui reliquo se conjungere, tandem pugna cum hostibus decreta est, omnisque miles tam propè admotus ad castra Gallicana, ut ambarum partium sclopetarii penè se invicem contingere, & mutuis explosio-
nibus

nibus laceßere possent. Initium pugnae duabus ante lucem horis à Cæsareis datum est die vicesimâ quartâ Februarii, sancto Matthiæ Apostolo sacrâ : atque , ut se invicem inter matutinas tenebras discernere à Gallis possent; miles omnis albâ tunicâ , vestimento superjectâ, ante prælium indutus erat. Certatum fortiter aliquot horis ab utraque parte. Demum verò Cæsareani plenissimâ victoriâ potiti sunt; & , quod omnium felicissimum fuit , etiam ipse Gallorum Rex, confosso infra se equo, in manus ipsorum incidit. Rogatus, an se vellet Borbonio Duci captivum dedere? eundem velut Gallicæ coronæ transfugam averfatus, Lanoium Ducem accersi petiit; & huic sese, priusquam Borbonius adveniret captivum tradidit. Præter ipsum bello capti sunt, Henricus Rex Navarrae, Annæus Mommorantius Franciæ Mareschallus, aliique Procerum Gallicorum plurimi cum ingenti militum gregariorum turba: cæsi autem & in prælio strati, Bonivetus Admiralius, Pallissius & Lescutus Mareschalli, Tremollius, Suffolcius, Sanseverinus, multique alii inferioris notæ, quos universim ad octo vel decem millia ascendisse volunt. Reliqui verò Galli (quidquid ipsorum adhuc supererat in tota Insubria) visâ auditâve suorum clade, festinatis cursibus in suam Galliam relapsi sunt; neque prius à fuga destitère, uti scribit Ripamontius, *quàm relictas à tergo Alpes cernerent.*

Partâ hac insigni victoriâ, quæ Imperatori Carolo septingentis tantum aut octingentis capitibus constitisse fertur, Henricus Rex Navarrae in arcem Papiensem deductus fuit: ex qua tamen, auxilio quorundam civium, paulò post elapsus; & occultissimis itineribus in Galliam reversus est. Franciscum verò Lanoius Dux primò Piceleonem*, deinde navali itinere in Hispaniam transportavit; ubi Carolo Imperatori traditus, in arce Madritensi decentissimam & Rege dignam custodiam usque in annum proximi sequentem pertulit. Ajunt, ipsum (cùm in hujus arcis pariete scriptum reperisset illud symbolum Caroli V.: *Plus ultra*) suâ manu subnotâsse hanc monitiunculam, *Hodie mihi, cras tibi*: Carolum verò, suæ sortis non immemorem, subscripsisse iterum illud Terentii: *Homo sum: humani nihil à me alienum puto.*

Sopito hunc in modum bello Gallico, exortum est in Germania *bellum Rusticum*, cujus incentor primarius fuit sacerdos apostata Thomas Müntzerus, Lutheri discipulus. Hic, ut erat mortalium audacissimus, cum socio suo Pfeiffero, Præmonstratensis ordinis desertore, coepit hoc anno percurfare varias Germaniæ provincias, & ubique rusticos in pagis excitare, ut Evangelicæ libertatis restaurandæ causâ potestatem omnem, tam secularem quam

Rex Navarrae clàm e-libitur à custodia: Rex Galliae abducitur in Hispaniam.
Spond. ad hunc ann. & alii passim.
**vulgò, Piccighione.*

Bellum rusticum in Germania, auctore Thoma Müntzero. Cochlaus in actis Lutheri.

Palat. in quàm Ecclesiasticam, armatâ manu supprimerent, Sacramenta
Aq. Aust. abolerent, Ecclesias invaderent, monasteria destruerent, Mona-
Helvici chos ac Sanctimoniales trucidarent. Mira stolidâque res! intrâ
in Theatr. breve tempus post seditiosas hujusmodi conciones trecenta (ut
Hist. univ. ajunt) rusticorum millia in armis constitère, maximèque in Thu-
Spond. Su- ringia, in Alsatia, in Suevia, Franconia, & aliis ad Rhenum lo-
rius & alii. cis. Ac priusquam à Principibus conscribi possent necessarij mi-
 litum exercitus; eo furore proruerunt in Ecclesias, arces, ac mo-
 nasteria, ut in sola Franconia plùs quàm ducentas Nobilium arces
 ac monasteria in flammis egerint. At ille hominum seditiosorum
 furor brevi iterum oppressus est. Nam, ut primùm vicini Prin-
 cipes militari manu adversùs eos in arenam processère; agrestis
 illa gens tam foedo excidio percussa est, ut intrâ bimestre spatium
 centena & ampliùs eorundem millia occubuerint. Antonius Lo-
 tharingiæ Dux ad viginti sex millia trucidâsse fertur in Alsatia. Pa-
 ri strage affecti sunt ab Electore Palatino, Moguntino, & aliis foe-
 deratis, quibus etiam Dioecesis nostra* subsidium pecuniarium pro
 communi bello conferre debuit. Postremùm verò à Georgio Sa-
 xonum Duce, Philippo Hassiæ Landgravio, & Henrico Bruns-
 vicensi, decumanam ac decretoriam cladem accepère prope Fran-
 ckenhusium in Thuringia, confossis primo impetu sex & ampliùs
 rusticorum seditiosorum millibus, captoque ipsorum Evangelista
 Müntzero, qui ægritudinem à prælio peracto simulans, in lectum
 se injecerat. Nec multò post etiam Pfeifferus ejusdem socius in
 fuga comprehensus, & Müllhusium* deductus est; ubi ambo viri
 nequam infami gladio plexi, & ipsorum capita ad conservan-
 dam facti memoriam feralibus contis imposita fuère: diverso ta-
 men amborum exitu. Pfeifferus enim impoenitens obiit ad mo-
 dum bestiae: Müntzerus autem revocatis erroribus, acceptisque
 ritu Catholico Sacramentis, inter pientissimos dolentis animi af-
 fectus* occubuisse fertur, melior Christianus in morte, quàm in
 vita.

Sed nondum hîc finis fuit malorum, quæ ex malignis Lutheri
 suggestionibus in hunc annum inciderunt. Nam eodem illo tem-
 pore, quo prædicti rustici contra suos Dominos, etiam in urbi-
 bus depravati cives contra personas Deo sacras vehementer insur-
 gere visi sunt: neque dubium est, quin divina profanâque omnia
 fuissent permixturi, nisi compressa rusticorum seditio etiam tu-
 multus hujusmodi civicos feliciter enervâset. De Franckofur-
 tensium ac Moguntinensium seditione, quarum utraque in Aprili
 contigit, videri potest Joannes Cochlæus. Quæ autem sequenti
 mense Monasterii Westphalorum contigit, hujusmodi ortum &
 pro-

Seditiones
civium
Francofurti
& Mogun-
tiz.
Cochlaus
& Surius
hic.

*Cochlaus
 in actis Lu-
 theri.

*urbs Thu-
 ringia.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

antiores
iidem.

progressum habuit. Lutheranam ibi doctrinam de superiore loco proposuerant quatuor Sacellani urbici, Lubertus Cansenius ad S. Martinum, Joannes Tantius ad S. Lambertum, Fridericus Reiningius ad B. Virginem transaquas, & Joannes Vinchius ad S. Ludgerum: quibus etiam extra templum in privatis colloquiis egregie assistebat Adolphus Clarenbachius, Ludimagister Martinianus, Coloniae postmodum combustus. Horum tumultuosis adhortationibus concitati cives, adversus Clerum & libertatem ejus conscripserunt leges triginta quatuor, quarum praecipua capita sunt haec: *Sede vacante, custodia castrorum Episcopali non sit in manu solius Capituli Majoris; sed etiam in manu unius e nobilitate, et unius e numero civium. Nullus e Clero sit immunis ab oneribus publicis. Collegia Canonicorum, etiam Ecclesiae Cathedralis, subjiciantur correctioni civium. Nullus e statu civico potestatem habeat legandi aliquid personis Ecclesiasticis, etiam ad sacra funebria et memorias anniversarias. Filii civium, ad Clericalem statum transire, bona hereditaria non queant aliis donare vel transcribere, quam solis civibus. Ad Collegium Fratrum communis vitae * nemo deinceps admittatur: iis, qui adhuc ibidem vivunt, suppeditentur omnia ad congruam sustentationem necessaria; reliqua vero convertantur in usus pauperum etc.* Has aliasque leges exoticas die vicesima sexta Maji cum ingenti fremitu obtrudunt Magistratui ac Senatoribus urbis, comminantes iisdem extrema omnia, nisi leges istas a Capitulo Majoris Ecclesiae continuo recipi & consignari faciant. Mox etiam furore populi jubentur occludi portae, stringuntur gladii, coguntur ad plebis imperia Consules, adeuntur majoris Ecclesiae Canonici, propositoque mortis periculo legem populi admittunt, consentiunt, subscribunt: ac dein, tumultu paululum consopito, die prima Junii, ab urbe se proripiunt. Interea Clerus minor, qui in urbe manserat, in id unum incumberebat, ut quatuor isti Sacellani, velut praecipui tumultuum praetitorum incentores, dimoverentur a suis cathedris. Et primo quidem Canonici Martiniani tentarunt illud in Sacellano suo Luberto Cansenio. Is enim omnis verecundiae immemor, tametsi antea conjugii fidem addixisset puellae perhonestae, quam stupraverat; alterius insuper haud parvi nominis virgunculae pudicitiam sollicitaverat per literas amatorias, foeda spurcitiae ac turpitudine plenas. Quae literae cum in publico senatu praelectae essent, ita commoverunt Senatorum animos, ut Collegio Martiniano quantocyus facultatem dederint, scelus istud ab officio & suggestu sacro detrudendi. Pari felicitate etiam Joannes Tantius a Pastore Lambertino, & Fridericus Reiningius a Decano Transaquensi, sacellanatibus suis exuti ac depulsi sunt: Vin-

Seditio urbis Monasteriensis, & ejus origo a praecognitionibus Lutheranis, Kerssenbroch in hist. Anabapt. mss. ad annum hunc & praecedentem.

* vulgo Fratres Herren.

Tumultus hic sedatur, depositis ab officio praedicatoribus. Kerssenbroch. loc. cit.

ckio autem, ne quid ampliùs mutiret contra Catholicos, oblato alio pinguiore sacerdotio garrulum os facillimè clausum & obturatum est. His autem ab officio vel ab urbe puls, tota factio Lutherana quàm primùm concidit: ac decimo post mense non solum Cathedralis Ecclesiæ Canonici in urbem reversi (ut cives mutata mente jam iterum expetièrunt) sed etiam omnes legum prius obtrusarum articuli solenni pacificatione aboliti & abrogati sunt.

Seditio civium Osnabrugensium, & eorum iniquissima causa contra Clerum & Capitulum. *Chron. Osnabr. ms. Chytræus l. 11. saxon. Flamelm. in hist. Ev. ren.*

Non minori cum ferocia contra Clericos tumultuatum ac defœvitum est Osnabrugi: nam & ibi novæ libertatis Evangelica tuba jam insonuerat per Gerhardum Heckerum, Ordinis Augustiniani Monachum. Seditionis autem vexillum primus ibidem extulit Joannes de Oberg, civis Osnabrugensis: cui protinus accesserunt permulti alii, maximèque Joannes Ertmannus, Henricus Lürmannus, & (ut vulgò credebatur) etiam Otto Spikerus, ejusdem urbis Gogravius. Hi, cum audissent, Monasterienses tanta cum audacia adversus Clerum insurrexisse; eorundem exemplo moti judicârunt, sibi pariter aliquid audendum esse pro tuenda (ut vocabant) libertate Evangelica. Itaque his instigantibus, ultimâ die Maji, quæ tunc erat feria quarta ante Pentecosten, coacta est ingens multitudo plebis, effractæ Cathedralium Canoniorum ædes, direpta Clericorum bona, aliâque id genus plurima contra immunitatem Ecclesiasticam horribiles inter clamores gesta & attentata sunt, repugnantibus frustra Consulibus & Magistratu urbico, suorummet capitum non securis. Gravissimè hanc injuriam ac seditionem tulit Ericus Episcopus: jamque tales coquebat iras, quæ indubiè toti urbi extremam perniciem attulissent; nisi prudentior Magistratus ad mitigandum ipsius animum continuò deprecatores adhibuisset Gerhardum Abbatem Iburgensem, & alios viros eisdem Antistiti non parùm caros. Horum intercessione tandem eò res deducta est, ut omisâ armorum vi, concordia & pacificationis ineundæ causâ amicabile congressus fieret; in eoque per designandos arbitros ac mediatores, offensio tota quocunque meliore modo sopiretur. In hoc autem congressu, Bilefeldiæ die sextâ Augusti habito, à designatis mediatoribus, Philippo Erici Antistitis fratre, Philippo seniore Comite Waldecensi, Gerardo Abbate Iburgensi, ac Theodorico Lünigio satrapâ Ravensbergensi, cum utriusque partis consensu statutum est: *Primò*, ut urbs Osnabrugensis Erico Antistiti in satisfactionem offensæ pro multa solvat sex millia florenorum aureorum Rhenensium. *Secundò*, ut Joannis Obergii, velut primarii incentoris, poena relinquatur arbitrio Principis, qui illum vel supplicio capitis, vel bonorum suorum confiscatione punire poterit; ita tamen, ut ab ingressu urbis

Ericus Episcopus gravissimas minas intendat urbi; sed paulò post iterum pacatur in tercessione Abbatis Iburgensis & aliorum. *Chron. Osnabr. ms. Chytræus loc. cit.*

Civitas multatur sex millib⁹ aureorum: seditiosi puniuntur. *Ex literis Archivi Cath. Eccl. Osnabr.*

urbis ac Dioecesis Osnabrugensis æternùm exclusus maneat. *Tertiò*, ut Magistratus Osnabrugensis alios factiosos pro quantitate suorum delictorum puniat, excepto Ottone Spikero Gogravio: qui, si huiusmodi seditionis particeps fuerit (utì refert suspicio) ab Erico Antistite punietur eo modo, quo in alios reos animadvertetur ex parte Magistratûs. *Quartò*, ut Canonici Cathedralis aliique Clerici, qui prædictæ seditionis causâ ab urbe profugerunt, securè ac libere ad suas ædes reverti debeant &c. - - - Qua de re servantur adhuc tabulæ publicæ, vernaculo sermone scriptæ, hoc ferè initio & fine: *Nos Philippus Dei gratiâ Dux Brunsvicensis, Philippus senior Comes Waldecensis, Gerhardus Abbas Iburgensis, ac Theodoricus Lüning satrapa Ravensbergensis, profitemur ac palàm facimus, quòd in dissensionibus et inimicitis, inter Ericum Episcopum--- ex una, et Magistratum urbemque Osnabrugensem ex altera parte ortis ratione seditionis ac violentiæ, contra Clerum Osnabrugensem usurpatæ, cum utriusque partis notitia et consensu statuerimus in hunc modum etc. - - - Datum et actum Bilefeldiæ, Dominicâ post vincula Petri, anno post nativitatem Christi Domini nostri millesimo quingentesimo vicefimo quinto.*

Inter has urbium ac rusticorum seditiones, die quintâ Maji, è vivis abiit Fridericus Dux & Elector Saxoniz: magnus quidem Lutheri fautor & patronus; in eo tamen commendandus, quòd ejusdem errores nunquam amplexus, & adhuc ritu Catholico defunctus fuerit. Sic enim docet * Chytræus, homo Lutheranus, adhuc annum ita scribens: *Dux Fridericus, sub quo docere Lutherus cepit, nunquam videri voluit, immiscere se illius causæ; sed ostendit potius, Ecclesiasticas controversias commendare se Episcopis, ad quorum curam pertinerent. Ideo sinebat Theologos ea de re scriptis ac disputationibus luctari inter se; eatenus solum Luthero patrocinium præstans, ne adversariorum violentiâ opprimeretur. Successit ei, velut improbi & cælibi, Joannes frater ejus, acatholicæ doctrinæ primus cultor. Hic Luthero & aliis ejusdem farinae fociis, omnem agendi, mutandi, reformandi, ac pervertendi libertatem in rebus Ecclesiæ tribuit. Atque ideo infroenis ille apostata in eam vitæ licentiam proruit, ut (quod aliàs nunquam ausurus fuisset vivente Friderico) die vicefimâ septimâ Junii præsentis anni sacrilego connubio se conjunxerit cum sanctimoniali profuga Catharina de Bore, quæ biennio abhinc è Nimicensi monasterio abducta, atque interim (ut Cochlæus * asserit) vagâ suâ inter scholares Wittenbergenses conversatione generis communis effecta fuerat. Præclarissimum inauditis hujusmodi nuptiis epithalamium addidit Hieronym⁹ Emserus, amoeni vir ingenii; interque alia, Lutheranorum personam agens ita * cecinit:*

Fridericus
Dux & Ele-
ctor Saxo-
niæ mori-
tur Catho-
licè.

Chytræus
l. 1. Saxon.
Successor
ejus & fra-
ter Joannes
Dux, plus
indulget
Luthero;
qui paulò
post uxore
ducit Ca-
tharinam
de Bore
Monialem
profugam.
Cochlæus
in actis Lu-
theri.

Spond. ad
hunc ann.
* Cochlæus
loc. cit.
* apud Co-
chlæum in
actis Luth.
ad annum
1525.

*Hoc Magistro licet nobis
Omne nefas, licet probis
Omnibus obstrepere:
Conculcare licet leges,
Infamare licet Reges
Summo cum Pontifice.*

*Sed et ipsos irridemus
Christi Sanctos, ac delemus
Calitum imagines:
Septa clauſtri diſſipamus,
Sacræ vaſa compilamus
Droinôſque calices.*

*I cuculla! vale cappa!
Vale Prior, Cuſtos, Abba,
Cum obedientia!
Ite vota, preces, hora!
Vale timor cum pudore,
Vale conſcientia!*

Albertus;
magn' Ma-
giſter Ordiniſ
Teuto-
nici in Bo-
ruſſia, defi-
cit à fide, &
uxorem du-
cit.

*Chytræus
ſpond. Sa-
rius & alii
*Renſner
in Genealo-
gia Regum
Dania.*

Ejus exem-
plo Luther⁹
Albertum
Archiepi-
ſcopum
Mogunti-
num ſolli-
citat ad A-
poſtaſiam
& matri-
monium.

*Serar. l. 5.
rer. mo-
gunt. p. 887.*

*Spond. hic
n. 19.*

*Cochla⁹ Sa-
rius & alii.*
Albertus
Moguntin⁹
ne quidem
dignuſeſt
Luthero ad
has literas
reſpondere.

Lutheri exemplum continuò, velut obice rupto, ſecuti ſunt quàm plures alii Sacerdotes, Monachi, ac variorum Ordinum Religioſi: interque eos etiam Albertus Brandenburgicus, Teutonici Ordiniſ per Boruſſiam ſupremus Magiſter. Nam & ipſe hoc *anno, religioſorum votorum immemor, cum Dorothea Friderici Regiſ Danorum filia matrimonium inîit; aſſumptoque Ducis Boruſſiæ titulo, regiones iſtas ab Ordine Teutonico in domum Brandeburgenſem tranſtulit. quod cum ſummopere probaretur à Luthero, etiam conſanguineum ejus Albertum Archiepiſcopum Moguntinum in eodem caſſes pertrahere, eique ſimiliter per literas perſuadere ſtudit, ut acceptâ Conjuge Archiepiſcopales terras in ſæcularem Principatum verteret: *Habet, inquit, hac in re Illuſtriſſima Dominatio veſtra pulcherrimum exemplum, nempe Magnum Boruſſiæ Magiſtrum.* Et iterum paulò poſt: *Quod ſi hac animum Illuſtriſſimæ Dominationis veſtræ non permoueant; certè vel hoc ſolum ſufficere deberet, quòd Illuſtriſſima Dominatio veſtra à Deo facta ſit perſona maſcula. Voluntas enim Dei eſt, ut vir habeat mulierem, juxta illud Gen. 2. Non eſt bonum, eſſe ſolum: faciamus ei adiutorium ſimile ſibi. - - - Horribile eſt, ſi vir in morte inueniatur ſinè uxore, niſi ſaltem habuerit ſincerum animum voluntatèque incundi matrimonii! quid enim reſpondebit, cum Deus interrogaverit: virum te creavi, qui ſolus eſſe non debet, ubi ergo eſt uxor tua? Superi boni! quænam hæc verba impia, ſacrilega, propudioſa: quis unquam vel in Scriptura ſacra, vel in ſanctorum Patrum voluminibus legit, ejusmodi quæſtionem in divino judicio proponendam eſſe? At alium Lutherus virum in hoc Antiſtite expertus eſt, quàm ipſe credidiſſet: imò talem, qui ſcurrilem hanc epistolam ne levi quidem reſponſiunculâ dignatus eſt impertire. Sciebat enim, quod ait Auguſtinus l. 1. de adulteriniſ conjugiiſ c. 24. *Quod alicui, antequam voviſſet, licuit; id, cum ſe nunquam fa-**

ctu-

Eturam voverit, non licebit; si tamen id voverit, quod vovendum fuit; sicut est perpetua virginitas, vel continentia post experta connubia. Hæc enim, cum homines voverint, nullâ conditione rumpenda sunt: quia et hoc Dominum præcepisse intelligendum est, ubi legitur, Vovete, et reddite Domino Deo vestro.

Paris constantiæ in fide catholica adhuc erat Ericus Episcopus noster: &, quod ampliùs commendandum est, Wormatiensè edictum Caroli Cæsaris contra omnes Luthero addictos in Dioecesi sua rigorosissimè solebat exequi. Experti sunt id Sacerdotes vitæ communis* in domo Fratrum, quæ tunc erant Herivordia. Audierat, eos vel eorum aliquos Lutheranis doctrinis adhærescere; ideoque in vim edicti Wormatiensìs jubet eos, velut Ecclesiasticæ jurisdictioni nostræ subjectos, à Procuratore fiscali Paderbornam evocari, ut ibidem fidei doctrinæque suæ rationem redderent. Mittuntur ergo prædicti Conventûs aut Collegii nomine duo Sacerdotes, Henricus *Telgete* / & Gerhardus *von Xanten*, hujus causæ procuratores ab eadem Domo Fratrum constituti. Hi, cum in judicio Ecclesiastico interrogarentur de Lutheri dogmatis, non solum protervè responderunt se iisdem adhærescere; verum etiam singulari immodestia contra sententiam, à generali Vicario in se suosque latam, nescio quibus frivolis audacissimisque appellationibus protestati sunt. Sed hanc eorum audaciam pro merito suo castigavit ac fregit Ericus Episcopus. Continuo namque iussit ambos Dringenbergensem in arcem abripi, in eaque tam diu custodiri & emaciari; donec & ipsi Lutherum ejurassent, & alii ejusdem Domûs aut Collegii Sacerdotes, à quibus procuratorio nomine missi fuerant, Papali Cæsareoque edicto sese in posterum parituros esse promisissent. Imò ne tum quidem prædicti duo sacerdotes è Dringenbergenfensi custodia priùs dimissi sunt; quàm alii complures Domini, maximèque Simon Lippiensis Comes, pro iisdem relaxandis è carcere soepe deprecati fuerint. Seriem rei gestæ, quæ minùs fideliter evulgata est ab Hamelmanno, delibare juvat è tabulis autographis, westphalico sermone scriptis, & in archivo Cathedralis Ecclesiæ nostræ conservatis; quæ ferè hoc modo sonant.

NOs Bartholomæus Amelen Pater, Joannes Neer Procurator, cum omnibus Presbyteris, Clericis, et Fratribus domûs Fratrum intra Herivordiam, profitemur et contestamur hisce literis. Cum Reverendissimus et Illustrissimus Princeps Ericus Episcopus, - - - ad instantiam et requisitionem Procuratoris fiscali, nos ut violatores ac transgressores Cæsarei Pontificiique edicti, contra seditiosos Martini Lutheri aliorumque adhaerentium ausus jam pridem publicati, judicialiter conveniri, et cum præ-

Literæ publicæ de tota re conscriptæ. ex archiv. Cath. Eccl. Paderb.

*Serar. loc. cit. pag. 893. Cochleus in actis Lutheri. Spond. & Surius ad hunc ann. Ericus Episcopus Paderb. edictum Wormatiensè Caroli V. rigorosè exequitur. *vulgò Fratres Herren. Sacerdotes vitæ communis in Herivordienfensi Domo Fratrum propter doctrinas Lutheranas Paderbornam citat. Eorum duos, aliorum nomine, illic missos, & immodestius respondentes in carcerem detrudit,*

fini-

fnitione termini judicialis ad nos tuendos ac defendendos evocari jufferit: cūque insuper exhiberi nobis fecerit informem et inconsultam appellatiōnem, in qua adhuc videmur à Lutheranorum ausis ac machinationibus desistere non velle, pro ut nostri Confratres, atque ad eam causam constituti Procuratores, Henricus Zelgete et Gerhardus von Xanten Sacerdotes, non solum temerariè et informiter appellârunt; sed etiam Paderborne indecenti modo, verbis et factis, contra veterem Christiana Ecclesiæ morem insollescere visi et auditi sunt (id quod à nobis neutiquam approbatur, neque nostrâ voluntate contigit) unde etiam prædicti duo Sacerdotes hac in re graviter deliquerunt, prædictoque Clementissimo Domino nostro justissimam causam dedere, eosdem ex mandato Papali et Cæsareo incarcerandi, puniendi, et castigandi: quemadmodum etiam contra nos pari modo procedere voluit, ut Papalibus hujusmodi, nec non et Cæsareis mandatis morem gereret. Nos igitur Bartholomæus Pater, Joannes Procurator, totiusque Conventus Domus Fratrum antè dictæ promittimus ac spondemus, quod nos omnes ac singuli doctrinam et institutiones Martini Lutheri nequaquam sequi; sed è diverso nos ita gerere, docere, et concionari velimus, ut Christianarum legum, conciliorum, ac statutorum Ordinationes, in Ecclesia Catholica ab antiquis temporibus observata, nobis indicant et commonstrant. Quod si aliquis nostram adversus ista quid aliud attentaret, illum vel illos in Conventu nostro ferre non volumus; sed eosdem à nobis segregare, et Episcopali Celsitudini suæ absque omni mora ac tergiversatione in jus et judicium tradere etc. etc. - - - Datum anno Domini millesimo, quingentesimo, vicesimo quinto, ipsâ die S. Lamberti Episcopi.

Fridericus
Comes de
Spiegel-
berg. Co-
mitatum
Pyrmonta-
num sibi
atrogat,
eūque
rursus ab-
strahit à
diocesi Pa-
derbornen-
si.

*Ex literis
infra ci-
tandis.*

His laudatissimè gestis, novum Ecclesiæ nostræ vulnus inflatum est ex iniquissima transactione hoc anno facta de dominio & Comitatu Pyrmontano, quem triennio ab hinc Diocesi nostræ à Comitibus Lippiacis restitutum ac reunitum fuisse vidimus. Invaserat hunc Fridericus Comes de Spiegelberg, ea solum de causa, quod Comitatus iste Joanni patri suo in dotem assignatus fuerit, quando matrimonium iniit cum prima uxore sua Comitissa Pyrmontana, sinè liberis relictis mortua. Stupebant ista Paderbornenses, dicebantque, non videre se, quo jure Fridericus in Comitatum hunc involare queat: hunc enim esse feudum Diocesis nostræ, adeoque nec in dotem assignari posse, multòque minùs ad Fridericum pervenire, utpote qui non sit genitus è matre Pyrmontana; sed è secunda sui patris conjuge, Comitissa Diepholdiensi. At ille contra negare feudum, publicisque in scriptis dicere, Comitatum Pyrmontanum esse dominium planè liberum, atque ab omni clientela seu jure beneficiario solutum: proinde & infeudationem, Lippiacis Comitibus ter quaterque priùs concessam, nullius fuisse roboris

boris ac valoris. Debuissent hîc statim Episcopus & Capitulum Consiliarios suos mittere in archivum patriæ, veteres infeudationum tabulas perquirere, & ex iis non modò jus nostrum, sed etiam qualitatem & modum ejus exhibere. At ipsi (quæ erat illorum temporum socordia) neglecto archivo nostro confugere statim ad amicabilem transactionem; eamque adhuc incautiùs detulerunt Gebhardo & Alberto Comitibus Mansfeldianis, ultroneè se offerentibus, & rerum nostrarum ignaris. Hi autem gravissimo nostræ Diocesis damno rem ita composuere, ut *Comitatus *Pyrmontanus sit ac maneat feudum Paderbornense*: Friderico tamen Spiegelbergio & ejus fratri conferatur, non solum pro se suisque hæredibus masculis; verum etiam, si tales non superessent, pro eorundem filiabus, aliisque ex eorum vel earum sanguine descendentes, *pro ut in Diocesi Paderbornensi *usu et observantiâ receptum est*. *Datum Huxaria, die Veneris post Crispini et Crispiniani, Anno Domini 1525.*

Quis non videt, hanc transactionem à Comitibus Mansfeldianis factam, fuisse iniquissimam? si enim agnoscebant arbitri, Comitatum Pyrmontanum esse feudum Paderbornense; quomodo ab iisdem decerni poterat, ut conferretur Friderico Spiegelbergio, qui ex matre Pyrmontana nullatenus descendebat? aut quomodo asserere poterant in Diocesi Paderbornensi usu & observantiâ receptum esse, ut emortuâ stirpe masculâ succedant in feudis feminae & earum descendentes; cum apertè contrarium elucesceret ex peculiari concessione ante octennium facta *Simoni Comiti Lippiensi, cui id temporis adhuc supererant sorores quatuor, multâ prole masculâ foecundæ: & tamen Ericus Episcopus, nostræque Ecclesiæ Capitulum Cathedrale, nescio, quâ coecitate vel ignorantia ducti, compositionem istam admisere. Quæ res postmodum, extinctâ Comitum Spiegelbergicorum familiâ, diuturnis litibus & controversiis materiam præbuit usque ad annum circiter 1668; quo Ferdinandus Fürstenbergicus Episcopus noster tandem ita cum Waldeckianis *Comitibus pepigit, ut Comitatus Pyrmontanus, qui tunc ad eosdem venerat, deficiente ipsorum stirpe masculâ ad Episcopatum nostrum recideret.

Controversia per arbitros iniquissimè deciditur pro Spiegelbergio. ex literis transactionis.

*ita literæ transact.

*ita habetur in lit. transact.

*Die Dammfisches im dem Stifte van Paderborn herkommen usu-Gebrach ist.

Ostenditur iniquitas istius sententiae vel transactionis.

*vide di. Et ad ann. 1517.

*Imhoff in Nobil. Proc. S. R. I. l. p. 6. 12. n. 5. & l. 6. 6. 19. n. 3.

An-

Annus Christi 1526.

CLEMENTIS VII. Pontificis 3. & 4.

CAROLI V. Imperatoris 7. & 8.

ERICI Episcopi Paderborn. 18.

Carol^{us} Im-
perator u-
xorem du-
cit Isabel-
lam Lusita-
nam.

Harans in

Ann. Brab.

Palas. in

Aq. Austr.

& Francil-

cum Gallie

Regem li-

bertati re-

stituunt variis

conditioni-

b^{us}: qua-

rum una

est, ut Ca-

rolo reddat

Burgundiā,

ei ab avia

paterna de-

bitam.

Harans &

Pal. loc. cit.

Spond. ad

hunc ann.

Gallus li-

bertati red-

ditus, non

modò re-

nuit Bur-

gundiam

reddere;

Harans in

Ann. Brab.

Spond. hic.

Pal. in Aq.

Austr.

sed etiam

contra Cæ-

sarem cum

Pontifice &

Venetis

percutit

novum fœ-

derus, ad eun-

dem perfe-

quendum.



Quarto Idus Januarii Carolus V. Imperator in urbe His-
pali matrimonium iniit cum Isabella Regis Lusitanie
filia: interque prima nuptiarum gaudia etiam con-
clusæ sunt conditiones pacis ac libertatis pro Francis-
co Galliarum Rege, hactenus captivo. Quas inter præcipue erant
hæ: ut Gallia Rex intra sex hebdomadas, à die liberationis facta, Caro-
lo Imperatori pro se suisque hæredibus restitueret Ducatum Burgundia, ab
avia paterna debitum. Ut omni jure prætenso in utramque Siciliam, Du-
catum Mediolanensem, Ditionemque Genuensem et Astensem perpetuo
renuntiaret. Ut Eleonoram Caroli sororem viduam, in thalamis sociam
adscisceret, et cum ea in dotem acciperet ducenta milliorum aureorum mil-
lia. Ut Carolo Borbonib, et aliis ad Casarea castra transgressis, redde-
ret omnia, quæ possederant in regno Gallie. Ut Carolo Geldro, si bello
et armis à Cæsare peteretur, nullum auxilium ferret. Ut binos filios,
ex prioris conjugis natos, daret obsides Imperatori; eidemque per ius iuran-
dum promitteret, se in ejus captivitatem rediturum esse, si forte postea
conditionibus hujusmodi stare, vel non vellet, vel non posset. His aliisq;
articulis ab utraque parte consignatis, Franciscus Rex die 18. Mar-
tii libertati redditus; & ejusdem ambo filii, Franciscus & Henri-
cus, à Carolo Imperatore velut obsides recepti sunt. At ecce!
quàm instabilis & fluxa est fides Gallica. Vix enim aliquot heb-
domadis Rex in Galliam reversus fuerat, cum repente suam pro-
missionem de Burgundia restituenda revocat. Monitusque idcir-
co à Carolo Cæsare frigidissimè respondet: Magnates Regni sui in
eam restitutionem consentire nolle: sine horum voluntate sibi fas non esse,
membrum aliquod à regno separare: proinde rogare se, ut Burgundia loco
duos milliones aureorum à se recipiat. Mirari his auditis Carolus,
protinusque respondere: nullis Regni legibus prohiberi posse restitutio-
nem rei aliena, qualis est Burgundia Ducatus, avia sua Maria Burgun-
dica debitus, et huic per vim creptus: adeoque vel decedendum ex illius
possessione; vel, si id non vellet aut non posset, ad captivitatem Hispani-
cam ex vi juramenti præstiti redeundum esse. Quid autem ad ista Gal-
lus? pudor est dicere! Non solum ei nihil, nisi verba dedit; sed
etiam (quod longè foedius est) post duos menses, die 17. Maji,
cum Venetis ac Pontifice nefandum foedus iniit ad eundem infe-
standum,

standum, prosequendum, opprimendum, & si Superis placuisset, etiam ejiciendum totâ Italiâ.

Nihil perniciosius evenire poterat orbi Europæo, quàm foedus illud: præsertim eo tempore, quo & hæresis Lutherana interstinis diffidiis lacerabat Germaniam, & furor Ottomannicus funestissimis cladibus evertibat Hungariam. Id quod ipsèmet Imperator Clementi Pontifici objectavit in epistola, nono Kalendas Julii ad eum data, cùm ità scribit: *Videat, quæso, Sanctitas vestra, an hac Pastoralis congruant officio, an hic sit gladius per vestram Sanctitatem evaginandus, quem Christus ipse in vaginam potius recondendum censuit, Animadvertat, an hac justitia conveniant, an verò contra in justè procedatur cum ipso Apostolica Sedis protectore, turbetur universæ Ecclesiæ status, et incendatur ignis adeò noxius, ut tandem Christianorum viribus debilitatis, perfidi hostes* velut lupi rapaces gregem Christianum abigant, ac demum hæreticorum dogmata magis magisque invalescant?* Et certè Pontifex ex eo damnofo foedere non modò laudem nullam; sed etiam, puniente Deo, egregiam suâ confusionem & ignominiam retulit. Interea namque, cùm foederati Pontificii militem colligerent; Hugo Moncadius Cæsareanæ classis Præfectus, quasi Regni Neapolitani limites defensusurus, cum aliquot Cæsareorum millibus ex improvîso Romam se convertit: ac, priusquam de adventu suo Romanis aliquid suboleret, sub auroram die decimâ nonâ Septembris, collusione Principum Columniorum, in urbem se intromisit. Nulli civium in hoc ingressu vel minimum nocumenti datum, Cæsareus miles viâ rectâ progressus ad Palatium Vaticanum, direptus illic omnis apparatus aulæ, sublata supellex pretiosa, Clemens Pontifex ægerrimè captionis periculo substractus, & in castrum S. Angeli dilapsus est. Ubi, cùm formidaret, se minimè securum fore; oblatâ rejiciendi foederis Gallicani spe, quadrimestres cum Hugone Moncadio inducias pepigit, eâ lege ac promissione, ut *adversus Columnios nullam hac de re vindictam querere, copiasque suas omnes, in Insubriam transmissas, à fœderatorum suorum partibus revocare velit ac debeat.* Atque utinam, vel tunc saltem didicisset Papa suo damno sapere! Nam paulò post, cùm, elapsis hujusmodi induciis, Gallicano foederi se rursus conjunxisset: à Cæsareis Romæ captus, & in custodiam detrusus est, uti ad annum sequentem referetur.

Meritò autem hæc patiebatur Papa Clemens: quippe qui familiæ suæ commoda Religioni præferebat, suoque damnosissimo cum Gallis foedere causa fuit, ut non modò bella Cæsarem inter & Gallum continuata sint; verùm etiam, ut Hungaria acerbissimam hoc anno cladem à Turcis tulerit. Nam interea temporis,

Q

quo

*Auctores
idem &
alii.*

*Cæsaris
contra Pon-
tificem
querelæ ea
de re.*

*Palat. in
Aq. Austr.
Spond. hic
n. 4.*

*Helvici
in theat.
hist. univ.*

**Turca.*

*Cæsareani
Romam
occupant,
& palatium
Vaticanum
diripiunt,
Pontifice
clam effu-
gente ad
castellum
S. Angeli.
Auctores
iidem.*

*Pontifex
quadrime-
stres indu-
cias pacisci-
tur cum
Cæsareis:
postea ta-
men redit
iterum ad
fœdus Gal-
licum.*

*Spond. hic
n. 7.*

*Pal. in Aq.
Austr.*

Solimann⁹
Turcarum
Imperator
Hungari-
am invadit.
Exercitus
Hungarorū
cæditur, &
Ladislau
Rex miserè
occumbit.
Isthnaff. l.
8. Hist.
Hung.
Sambucus
in append.
rer. Hung.
Spond. Pal.
& alii.

quo Papales copiae contra Cæsareanos in Insu-
briam processere, Solimannus Turcarum Imperator cum ingenti barbarorum exer-
citu in Hungariam se infudit: expugnatōque Petri - Waradino,
Villaco, & aliis oppidis quàm plurimis, tandem vicesimā nonā
Augusti Ladislaum Regem, viginti annorum juvenem, cum par-
vo exercitu suo funestissimā clade prope Mohazium stravit, per-
didit & obtrivit. Ferunt, ex parte Regis, tam in prælio, quàm
in fuga, periisse viginti duo millia gregariorum, Nobiles Hunga-
ros præcipui stemmatis quingentos & amplius, Archiepiscopos
præterea duos, & Episcopos quinque. Rex ipse, dum amissis
omnibus fugā salutem quæreretur, palude haustus interiit, hærede
adhuc nullo propter juveniles annos post se relicto. Neque satis
hoc furori Mahometico; indè enim prædatoriæ Turcarum cohor-
tes per totam Hungariam inferiorem quaquaversum divisæ, &
ubique locorum tam barbarum in modum grassatæ sunt, ut propè
ducenta Christianorum millia partim occisa, partim in servitutem
abducta fuisse, memorentur. Quo peracto, Solimannus exerci-
tum reduci jussit, & seditionis Asiaticæ causâ Constantinopolim
reversus est, nullo (quod mireris) præsidio militari in urbibus bello
captis relicto.

Principum
Lutherano-
rum inso-
lentia in co-
mitiis Spi-
rensis.
Cochlaus
in ætis Lu-
theri.
Spond. Sur.
Pal. & alii.

Debuissent in his angustiis Ladislao Regi auxilium ferre Ferdi-
nandus Archidux, & alii Germaniæ Principes. At ille militum
suorum florem Carolo fratri suo miserat in Italiam contra iniqua
Papalium foederatorum ausa: ceteri autem Germaniæ Principes
nihil opis afferre poterant ob animorum divisiones & execranda
Religionis dissidia. Quæ & hoc anno tam flebilibus aucta sunt
incrementis, ut in Spirensibus comitiis, per æstatem habitis, non-
nulli Principum ausi fuerint conciones Lutheranas in ædium sua-
rum atriis palam instituere, feriâ sextâ & sabbatho coram omni po-
pulo carnes comedere, novos rerum credendarum articulos con-
ventui Principum offerre, eorundem approbationem à comitiis
flagitare, ac demum Evangelicæ doctrinæ suæ ostentandæ causâ,
militum ac ministrorum suorum vestibis hæcce literas in dextra
manica assuere *V. D. M. I. Æ.* id est: *Verbum Domini manet in æter-*
num. Præcipui novitatum istarum auctores erant Joannes Elector
Saxoniae, & Philippus Landgravius Hassiæ: quorum posterior
anno superiore ad Lutheranorum partes accesserat, non attentâ
reclamatione pientissimæ genitricis suæ, Annæ Mecklenburgicæ,
quæ probè Catholica mansit usque ad extremum vitæ suæ hali-
tum. His duobus novi Evangelii protectoribus etiam Lutherus
Georgium Saxoniae Ducem adungere hoc anno studuit. At ille,
ut erat in avita fide constantissimus, non modò novum istud Evan-
gelium

Luther⁹ eti-
am Georgiū
Saxoniae
Ducem ad
suam sectā
allicit: sed
ab eo repel-
litur.

gelium à se rejecit; sed etiam Luthero invitanti præclaram epistolam reddidit, in qua recensitis urbium seditionibus, religiosarum domuum expilationibus, conjugatarum personarum adulteriis, monachorum & monacharum nuptiis, aliisque id genus offendiculis ex novo ejus Evangelio profeminatis, ita subjungit: *Hos egregios fructus attulit Evangelium tuum, quod de suppedaneo* in apertam lucem protraxisti! Et rectè ais, de suppedaneo: bonumque foret, ut sub eodem adhuc delitesceret! si enim adhuc semel hujusmodi Evangelium è tenebris abditiisque scamnorum eruas, nullum amplius* agricolam in pagis nostris retinebimus. etc. - - Datum Dresda die Jovis, festo sanctorum Innocentium, anno Domini 1526.*

Cochlaus in actis Lutheri.

Surius in commentis.

Auctor libelli de ortu & occasu evangelii Lutheri.

**germanisch welches du unter der Wand herfürgezogst.*

**allendis hie ad bellum rusticum.*

Monasterii Helmershusani apostasia cum Abbate & malis monachis.

Ex veteri mss relatione Paderbornæ.

Et certè, si novus iste Lutheri partus repentè in primis incunabulis oppressus foret; etiam in Diocesi nostra adhuc incolume staret nobilissimum illud Helmershusense monasterium Ordinis S. Benedicti, quod hoc vel præcedente anno dissipatum est per Apostasiam vitamque nequissimam Georgii Marnholtii Abbatis ultimi. Postulatus hic erat ante annos pauculos in locum sui decessoris Ludovici ab Hanstein: nec voluerat Ericus Episcopus postulationem ejus confirmare, quòd aliunde jam satis nôsset, in eo nullam religiosæ conversationis micam reperiri. Postremò tamen, cum pro eo constanter intercederent Levinus de Veltheim Præpositus Hildefiensis, Joannes de Marnholt Decanus Halberstadiensis, & alii perillustres viri; eorundem precibus inclinatus, postulationem subprædictam admisit eâ lege, ut se suumque monasterium continuò submitteret congregationi ac reformationi Bursfeldiensi, ibidem hætenus non receptæ. Id quod etiam Huxariæ in scripturis publicis, ea de re confectis, datâ manu stipulatus est: sed heu! quàm instabili & Græcâ fide? Mittebatur quidem illuc ex monasterio Bursfeldiensi Joannes Winhusius, integerrimæ vitæ Sacerdos; eidemque demandatum erat, ut *Prioris* officio fungeretur, monachosque dissolutos ad severiorem vivendi formam adstringeret. Sed quia Abbas ipsèmet religiosam ejusmodi reformationem oderat, bonus *Prior* non modò nihil profecit apud homines infrunitos; verum etiam haud multò post ab iisdem in suo cubiculo per noctem invasus, comprehensus, ligatus, bacillo in os intruso vociferari prohibitus, extra monasterium tractus, in saltum Solinganum trans Visurgim raptatus, ibique tandem soluto oris repagulo dimissus, atque ad monasterium suum remissus est cum hac monitione & comminatione: *abi jam, ac tolle te quantocyns, nec deinceps Helmershusium revertere! alioquin deteriora tibi evenient.* Ità rursum exleges monachi, præeunte Abbate suo, ad priorem vitæ licentiam redière; imò etiam delapsi sunt ad pejora, quàm unquam

*Relatio
supradicta
Paderb.

antea. Nam, ut vetera Dioecesis nostrae* monumenta perhibent; vagabantur ubique foris pro suo libitu, vivebant sine regula, carebant religiosâ disciplinâ, hærebant in ganeis ac tabernis publicis, non legebant *Missas*, non recitabant *Horas*, non psallebant in choro, non intererant officio Divino, cimelia, calices, vasa sacra potitando absumebant; multaque factitabant alia, non solum homini religioso, verum etiam Christiano turpia. Qua de re cum Abbas iterum severe moneretur ab Erico Episcopo; finxit iterum, se curaturum, ut reformatio Bursfeldienſis nunc tandem ferio à suis recipiatur: eumque in finem ex Erfurtenſi monasterio venire jussit Joannem Hunefeldium, virum non minus doctrinâ, quam religione præstantissimum. Sed & hic tentatæ reformationis & correctionis mercedem non meliorem retulit, quam Joannes Winhusius. Nam paulo post à Georgio Abbate, & effreni lurconum suorum turba, gravissimis contumeliis affectus, injuriis oneratus, inediâ pressus; ac demum in ejusmodi miseras detrusus est, ut extra monasterium in ædibus privati civis (ad cujus opem confugerat) ærumnis ac doloribus confectus fuerit. Interea Romæ laboraverat Abbas, ut Conventus Helmershusanus Papali dispensatione* converteretur in Collegium Canonorum secularium; uti postmodum ex variis contractibus & scripturis compertum est. Cum verò id ei negaretur, vel certè ab aliis impeditum sit, non fieret; maluit ex recenti Lutheranorum doctrina monasterium deferere, quam ex Bursfeldienſium instituto religiosioris vitæ normam acceptare. Itaque primò nummos omnes, quos è pecuniariis monasterii proventibus corradere potuit, clam avexit *Pollas, ubi cistulam habebat pro celandis hujusmodi furtis. Deinde præta & campos, prædiumque unum post alterum, turpissimè vendidit vel oppignoravit, etiam ignorantibus quandoque monachis, à quibus ideo sigillum Conventus per vim extorserat. Ad extremum denique, ab Erico Episcopo nostro comprehendi metuens, cum uno alterove famulo clanculariâ fugâ se subduxit; cumque in montem vicinum evasisſet, converso ad monasterium vultu dixisse fertur: *Vale Helmershusum! ego nunquam amplius te videbo.*

*ex eadem
relatione
ms.

*Poll, oppi-
dum ad Vi-
surgim.

Exemplum hoc illico plenis passibus consecuti sunt reliqui istius Ecclesiæ Monachi, abjectoque religioso habitu ita postmodum se in omnem scelerum sentinam demersere, ut in eos, velut homines infames, etiam judicio publico animadverti necessum fuerit. Horum unus Joannes Usler, multis annis per orbem vagus, tandem ab Erico Episcopo scelerum suorum causâ comprehensus, & ad carceres perpetuos condemnatus est. Alius, nimirum Joannes Simons, propter multiplicia crimina Dringenbergæ in custodiam datus; ac tametsi

tametsi per interventionem alicujus viri nobilis cautione datâ libertatem receperit, haud multò post in colluvie militum grassatorum (quos appellabant *Knechte*) infelici morte trucidatus fuit. Alius demum, cui nomen Henricus *Eldesen*, ob infanda maleficia etiam ab ipsismet Lutheranis carcere constrictus est in Hassia; & adhuc ibidem circa annum 1540. infamibus vinculis inclusus jacuit. Ità fanè præstantissimum illud nostræ Diœcesis monasterium, posteaquam steterat annis quingentis & viginti sex, fine infauisto periit; ac tandem post diuturnas gravissimâsque lites in Hassorum potestatem venit, uti suo loco recensetur. Interea lubet hîc addere brevem catalogum omnium Abbatum Helmershusensium, qui ab anno Christi millesimo usque ad Marnholtium desertorem præfuere, operoseque à me collecti sunt ex diversis archivorum nostrorum literis.

CATALOGUS

Abbatum *Helmwardeshusensium

ab anno 1000. usque ad annum 1526.

*nunc Hel-
mershu-
sensium.

- I. *Hanssus* Abbas præesse cœpit anno Christi millesimo, quo monasterium hoc à Comitibus, Eckihardo & Mathilda fundatum est sub Ottone III. Imperatore & Silvestro II. Pontifice. Memoratur in Historia translationis S. Modoaldi apud Papebroch. to. 3. Ss. Maji, c. 1. n. 6. Vixit adhuc anno 1017, quo S. Henricus Imperator monasterium hoc Paderbornensium Episcoporum curæ & inspectioni tradidit.
- II. *Wino* Abbas, antea monachus Abdinghoffensis Paderbornæ. Hic anno 1032. à B. Meinwerco Episcopo nostro missus est Hierosolymam, ad afferendam inde mensuram ac delineationem Ecclesiæ supra Christi sepulchrum conditæ. Vixit adhuc, & interfuit consecrationi Ecclesiæ Buxtorffensis anno 1036, uti constat ex tabulis ad eundem annum productis à Schatenio.
- III. *Tammo*, seu *Tangmarus*. Reperitur apud Schatenium in literis Abdinghoffensibus, ad annum 1058.
- IV. Horum duorum nomina ignorantur. Forsitan sunt *Albericus* & *Berthgerus*, de quibus è Corbejensi manuscripto meminit
- V. Overhamus in suis notis ad vitam B. Meinweri, pag. 337.
- VI. *Thietmarus* I. hunc Abbatem sexto loco præfuisse, discimus ex historia translationis S. Modoaldi apud Papebrochium n. 8. ubi sic legitur: *Tietmarus*, hujus cœnobii sextus à Deo electus Abbas. Reperitur apud Schatenium in literis foundationis Bursfeldiensis ad annum 1093. pag. 637. Idem anno 1107. Helmershusium attulit corpus B. Modoaldi Trevirensis Archiepiscopi, uti in historia illius translationis loco citato legitur.
- VII.

VII. *Reimboldus I.* reperitur in literis Helmershusanis de anno 1126.

* *alijs Adel-* VIII. *Thietmarus II.* reperitur in literis Athelberti * Archiepiscopi Moguntini de anno 1139.

IX. *Conradus I.* Reperitur apud Schatenium in literis Gerdensibus ad annum 1142. & in alijs quàm plurimis usque ad annum circiter 1170.

X. *Conradus II.* Hic in literis suis de anno 1180 clarè meminit sui decessoris Conradi primi; simulque nominat se *Conradum hujus nominis 2dum*. In alijs verò, post mortem ipsius datis, appellatur *Conradus hujus cœnobii Abbatum decimus*, sui verò nominis 2dus. Unde certum est, nos hæcenus in Abbatum catalogo non errasse.

XI. *Thietmarus*, vel *Ditbmarus III.* Reperitur in literis Helmershusanis de anno 1205, *indictione octavâ*; quarum initium est: *Ego Thetmarus, Divinâ clementiâ hujus nominis tertius Helmwardeshusensis Abbas*. Eodem anno postulatus est Abbas in monasterio Corbejensi; ibidemque triennio post, nimirum anno 1208, præmaturâ morte extinctus est, uti ferunt Annales * Corbejenses.

* *Annal. Corbej. apud Paulin. & chron. Henricar. apud eundem.*

XII. *Wernerus*. Reperitur in literis Helmershusanis, datis anno 1215, *indict. III. die 24. Junii*.

XIII. *Henricus Abbas*. Reperitur in literis Helmershusanis de anno 1220, & in Marienfeldensibus de anno 1221.

XIV. *Conradus III.* De hoc supersunt literæ, quæ sic incipiunt: *In nomina sancta et indivisa Trinitatis, ipsius favente clementiâ Conradus hujus nominis tertius, Helmwardensis Ecclesiæ Abbatum quartus decimus etc.* Sed annus, quo datæ sunt, non additur.

XV. *Joannes I.* Reperitur in literis de anno 1237. obiit eodem anno.

XVI. *Conradus IV.* Reperitur primùm in literis de anno 1237: deinde in alijs multis usque ad annum 1249. Annus mortis ignoratur.

XVII. *Hermannus I.* Memoratur in literis de anno 1256, & in alijs de anno 1267.

XVIII. *Conradus V.* dictus de Recklinghusen. Reperitur in literis de anno 1270.

XIX. *Joannes II.* Hic in literis de anno 1273, die 14. Aprilis, nominat se *Joannem, electum Abbatem in Helmershusen*. Reperitur & in alijs permultis literis usque ad annum 1303 inclusive.

XX. *Adolphus Abbas*. Reperitur in literis Helmershusanis de anno 1307. & in Gerdensibus de anno 1310. Hic omisso negle-

gleſtoque Episcopo Paderbornensi confirmationem & benedictionem suam petiit à Clemente V. Pontifice, ad quem in Gallias Avenionem profectus est. Sed, cum ab eo post longas pecuniarum ac temporum dilapidationes tandem remitteretur ad Archiepiscopum Colonienſem, velut Apostolicæ Sedis Commissarium; non multò post circa annum 1314 * ante adeptam confirmationem è vivis abiit, nullo alio tantorum itinerum & impensarum fructu, quàm quòd opulentissimum illud monasterium gravissimis debitis oneraverit.

*ex literis
monasterii
Helmshufani de
anno 1319.

XXI. *Reimbaldus II.* Reperitur in literis monasterii Wilbadessensis, anno 1316 datis pridie Epiphaniæ. Hic similiter benedictionem suam à Paderbornensi Episcopo suscipere detrectavit. Quade re cum Episcopus noster conquestus esset apud Pontificem; causæ hujus discussio commissa est Godefrido Episcopo Osnabrugensi, & quibusdam aliis. Hi autem cognitione factâ pronuntiârunt contra Abbatem: atque ideo is tandem anno 1326, *VIII. Idus Martii*, confirmationem suam ab Episcopo nostro accipere compulsus est, uti constat ex actis, quæ supersunt. Rexit usque ad annum circiter 1330.

XXII. *Engelbardus Abbas.* Reperitur in literis de anno 1332, & in aliis de anno 1337.

XXIII. *Sifridus de Schartenberg.* Reperitur in literis datis anno 1339 *in crastino S. Nicolai Confessoris*. Resignavit anno sequente, uti fatetur ipsemet in aliis literis.

XXIV. *Hermannus II.*, dictus de Hardenberg. Reperitur primum in literis de anno 1348: deinde in plurimis aliis consequentibus, quarum ultimæ datæ sunt anno 1391, *sexto Kalendas Decembris*.

XXV. *Joannes III.* Reperitur in literis de anno 1394. Non præfuit ultra sexennium.

XXVI. *Theodoricus de Rebock.* Invenitur in literis de anno 1399, datis *pridie Conversionis S. Pauli*: deinde in plurimis aliis, quarum ultimæ datæ sunt anno 1423, *in die S. Martini Episcopi*.

XXVII. *Wilhelmus I.* Reperitur in literis de anno 1424, datis *in die Ss. Apostolorum Petri et Pauli*.

XXVIII. *Arnoldus de Malsburg.* Hic anno 1435 ex Abbate Helmershusano postulatus est Abbas in Corbeja, ubi postea rexit usque ad annum 1463, quo mortuus est.

XXIX. *Wilhelmus II.* Reperitur in variis literis ab anno 1436 usque ad annum 1454 inclusivè.

XXX. *Hermannus III.*, dictus de Stockhusen. Reperitur in literis ab eo datis anno 1456 *in Dominica Judica*. Item in aliis anno 1462.

XXXI.

XXXI. *Wilhelmus* III, dictus de Haxthausen. Reperitur in literis ab eo datis anno 1471, die 22. Januarii: & in aliis quàmplurimis, quarum ultimæ datæ sunt anno 1494, die *S. Petri ad vincula*.

XXXII. *Hermannus* IV. Reperitur in literis ab anno 1496 usque ad annum 1499 inclusivè.

XXXIII. *Ludovicus* ab Hanstein. Reperitur in literis ab eo datis anno 1510, ipso die *S. Michaelis*.

XXXIV. *Georgius* de Marnholtz, Abbatum Helmershusensium pessimus ac postremus: qui & postea monasterium illud Philippo Hassiæ Landgravio vendidisse fertur.

Annus Christi 1527.

CLEMENTIS VII. Pontificis 4. & 5.

CAROLI V. Imperatoris 8. & 9.

ERICI Episcopi Paderborn. 19.

Clemens
Papa redit
ad fœdus
Gallicum:
Veneti,
Galli &
Pontificii
invadunt
Regnum
Neapolis.
Spond. hic.
Harant in
ann. brabant.
Palat. in
Aq. Aust.



Interea Cæ-
sarei sub
Duce Bor-
bonio pro-
perant Ro-
mam, & eā
expugnant.
Anonym.
in comm.
urb. capta.
Spond. ad
hunc ann.
Hara^o, Pal.
Surius Hel-
vicus &
alii.

Clemens Pontifex, tametsi priore Septembri in præsentissimo captionis periculo fuerit, sub initium hujus anni rursus Gallicano fœderi se conjunxit. Coibant igitur haud procul ab urbe Roma Galli, Veneti, & Pontificii milites; junctisque belli viribus procedebant contra Neapolim, ut regnum illud ejecto Cæsare victricibus armis occuparent. Nec defuere primum successus boni. Captæ aliquot urbes, oppida & castella, magno Pontificis gaudio; sed iterum paulò post in dolorem & luctum converso. Nam interea, dum fœderati ad Neapolim obsidendam irent, Georgius Fronsbergius cum quatuordecim millibus Germanorum advenit in Italiam. Quos cum accepisset Carolus Borbonius, Cæsareorum supremus Dux; contractis in unum copiis omnibus, occisoque simul Joanne Mediceo nepote Pontificio (qui Cæsaris transitum prohibere connisus fuerat) properatis itineribus contendit Romam. Tum verò consternatus Pontifex quantocyus ad se accersi petiit Lanoium, Neapolitani Regni Pro-Regem, ut cum eo octimestres iterum inducias pangeret. Sed frustra jam erat, militem famelicum, & necessariis stipendiis diu destitutum, ab invasione Romanæ urbis retrahere. Itaque die sextâ Maji, cum primum dilucesceret, Cæsareani magnis animis in muros urbis incurrerunt: ac tametsi binis vicibus repulsi fuerint, assultu tertio urbe totâ potiti sunt; amisso tamen Duce Borbonio, qui in ipsa murorum consensione globo tactus occubuit. Secuta mox dira cædes, non modò mili-

militis Pontificii, sed etiam plurimorum civium. Non sexui, non ætati, non religiosis domibus templisque paritum. Direpti è sacrariis calices, refracta sanctimonialium claustra, spoliata monachorum cellæ: tota urbs tam barbarè ac foedè habita, ut à temporibus Gothorum ac Wandalorum ferè nunquam acerbius oppressa fuerit. Ipse Pontifex, tametsi ægerrimè se furori primo subtraxerit, fugeritque in castellum S. Angeli; altero tamen mense, nimirum die sextâ Junii, se & arcem hanc unà cum suis dedere, ac deinde per septem menses in captivitate Cæsaris permanere coactus est. Cæterum & huic fortunæ Cæsaris etiam haud parum damni conjunctum fuit. Nam interea dum Cæsareani in urbe capta è templorum domuumque spoliis dies geniales agerent, non modò multa ipsorum millia luxu & peste consumpta sunt; verum etiam Gallicanus miles, qui mense Julio cum exercitu novo in Lombardiam transmissus erat, nemine resistente Papiam & Alexandriam urbes recuperavit.

Attamen & ea Cæsaris jactura felicissimè compensata est, quando Ferdinandus ipsius frater, hoc eodem anno, Bohemiæ, Hungariæque thronum conscendit loco Ladislai Regis demortui, cujus unicam sororem Annam conjugali thalamo devinctam habuit. Elegerunt hunc Bohemi præcedente anno, die 24. Octobris; & sub initium præsentis anni, die vicesimâ quartâ Februarii, summo omnium applausu coronarunt Pragæ in templo aulico. Hungari verò, tametsi antea pars eorum Joannem Cepusiensem, Transilvaniæ Waiwodam, in sedem regni elevasset; postea tamen, cassatâ hujusmodi electione, nova regni comitia indixerunt Posonii: ibidemque pariter Ferdinandum Archiducem, communibus plurimorum Principum Ordinumque suffragiis, Hungariæ Regem edixere. Et hic deinde in urbe *Abbâ Regali* die 5. Novembris coronatus, intrâque paucos annos toto regno potitus est, Joanne Waiwodâ duobus validissimis præliis devicto fugatoque. Ità rursus Franciscus Galliarum Rex inani spe delusus fuit: quippe qui cum eodem Waiwoda jam electo solenne foedus percuti, scriptoque publico in urbe Budâ promulgari fecerat.

In hac rerum Cæsarearum prosperitate nihil erat visu tristius, quàm acerba labes Catholicæ religionis, quæ per absentiam Caroli Imperatoris quotidie magis ac magis diminuta est in Regno Germaniæ. Nam, ut alia non pauca taceam, Philippus Hassiæ Landgravius è bonis monasteriorum dissipatorum conditum conditæ academiam Lutheranam in urbe Marpurgensi condidit, ad quam è vicinis Westphaliæ locis quàm plurimi adolescentes confluxere, magno animarum & avitæ fidei decremento. Tremonix quoque per-

R

multi

Pontifex
iple capitur
dedito ca-
stro S. An-
geli, nec ni-
si post
mensem se-
ptimum li-
bertati red-
ditur.

aut idem
Chytræus l.
12. Saxoniæ.
Novus Gal-
lorum exer-
citus, in In-
subriam ve-
niens, Papiam
& Alexandriam recu-
perat.

aut idem
Ferdinandus
Austriacus,
ante annū
electus Bo-
hemiæ Rex,
etiam hoc
anno eligitur
Rex Hungariæ,
contra Jo-
annem Cepusiensem.
Isthanff.
l. 9. Hist.
Hung. &
alii.

Philippus
Hassiæ
Landgrav.
è bonis mon-
asteriorum
dissipato-
rum conditæ
academiam
Marpur-
gensis.

*Dilicht³ in
chron. hafs.
Chytrans l.
12. Saxon
Cives Tre-
monienſes
petunt Lu-
theranum
Conciona-
torem; ſed à
Magiſtratu
urbico bo-
nis verbis
abſterren-
tur.
chron. Tre-
mon. mſ.
Lipſtadium
pervertitur
à duobus
monachis
Auguſtina-
nis: qui
priori qui-
dem anno
Lutherum
ejuraverant
ſed paulò
pòſt ad eò-
dem erro-
res reverſi
ſunt.*

** Hamelm.
in hiſt. E-
vang. re-
nati in ur-
be Lippi-
enſi.
* Ulenberg.
l. de gravi-
bus juſtisq;
cauſis per-
manendi
in Eccl. Ca-
ſbol. c. 7.*

multi cives cum ingenti fremitu poſtulârunt à Magiſtratu urbico, ut Lutherani Evangelii præcones in Eccleſiarum ſuarum cathedras admitterentur. Sed horum poſtulata Magiſtratus catholicus prudenti alloquio faciliùs rejecit, inquiens: *Tremoniam eſſe urbem Imperialem, idèoque vel maxime Imperatori ſubditam. Conſtare omnibus, quàm ſevere Imperator Lutherana dogmata prohibuerit per edictum Wor-
matienſe. Id ſi modò violaverint, metuendum eſſe, ne offenſo irritatòque Caſare non ſolùm exciderent Comitatu Tremonienſi, quem beneficiario nomine impetrâſſent; verùm etiam aliarum gratiarum ac privilegiorum ſuorum jacturam facerent.* Multò nequiùs res agi viſa eſt Lipſtadii à duobus Auguſtiniani coenobii monachis, Joanne Weſtermanno, & Hermannò Kothenio, qui Wittenbergâ, ex Lutheri ſchola & magiſterio reduces, doctrinam ibidem Lutheranam ſparſerant. Menſe Martio prioris anni Hermannus Colonienſis Archiepiſcopus ad eoſdem corrigendos & puniendos miſerat Joannem Rombergium, Ss. Theologiæ Doctorem & Commiſſarium Archiepiſcopalem. Is cùm adveniſſet Lipſtadium, ambòsque illos monachos ad examen evocâſſet; continuo ad mendacia & fraudes converſi, negârunt ſe Lutheranis doctrinis adhæreſcere, ſimulque palàm edixerunt, ſe Catholico ritu ſemper victuros, &, ſi quid hæreticum imprudenter à ſe dictum fuerit, in poſterum correcturos eſſe. At eheu! quàm primùm Rombergius Coloniam Agrippinam rediit; etiam nequiſſimi illi monachi in antiquam ſilvam reverſi ſunt: brevique tempore totam urbem Lippienſem ad infauſta Lutheri dogmata traduxere, evulgato ſimul catechiſmo weſtphalico, qui eodem veneno etiam vicinos Paderæ fontes inficeret. Mirandum hîc interim, quàm fallaciter mendacitèrque de duobus hiſce monachis pro more ſuo ſcripſerit * Hamelmannus, quòd auditâ ſuorum dogmatum condemnatione obtulerint ſe ad diſputandum de iis in urbe Lippia; id autem à Rombergio detractatum fuerit. Contrarium certè ſcribit integerrimus vir * Caſparus Ulenbergius, in urbe Lippienſi genitus, & rerum in ſua patria geſtarum ante ommes gnarus. Cùm inquit, *monachi, qui Lutheraniſini fundamenta poſuerant, ad reddendam facti ſui rationem citarentur, conqueſti ſunt, ſe per calumniâ delatos ad inquiſitorem, et mendaciis oneratos eſſe. Itaque factâ proteſtatione, obediètes ſe Romanæ Eccleſiæ filios appellârunt, et Commiſſario ſtipulatâ manu polliciti ſunt, nullum ſe deinceps è damnatis Lutheri erroribus docere velle.* Eſtne hoc ad diſputandum provocare; an verò potiùs nequiter ſe ſubmittere?

Præter iſtas Lutheri novitates proruperunt hoc anno quædam aliæ ſectæ ab Oecolampadio, Zwinglio, Carliſtadio, & aliis Lutheri diſcipulis fabricatæ; è quibus tamen ferè nulla pejor, quàm

Ana-

Anabaptistarum fuit. Docebant hi *Baptismum puerorum esse inuti-* Novæ hæ-
lem, oportere inter Christianos esse omnia communia, omnem feminam refes hoc
obligari ad serviendum voluntati cujuslibet concupiscentis, et vicissim vi- anno oræ,
ros omnes obstrictos fore ad admittendam libidinem cujuscunque femine, ac præfer-
se rogantis. Quæ & alia id genus plurima cum ab honestis auri- tim doctri-
bus nec audiri nec ferri possent; plerique viri Principes nefarium na Anabap-
illud genus hominum, velut execrabilem inferni partum, acerrimo tistarum.
supplicio persecuti sunt. Rotenburgi ad Neccarum fluvium Cochlaus
ex ea hominum colluvie viri novem in ignes missi, feminaeque in actis Lu-
decem in fluvio suffocatae sunt. Alii quoque Salisburgi, alii Vi- theri.
ennæ, alii Isenaci & Augustæ, alii Wormatiæ & in aliis urbi- Surius in
bus comprehensi, & cum ab erroribus suis resipiscere nollent, comment.
capitalibus poenis affecti sunt. At nemo ex iis diriori morte pu- ad hunc
nitus, quàm eorum Doctor præcipuus, Michaël Sellarius mona- annum.
chus apostata: cui primùm excisa est lingua impia, deinde corpus Spond. ad
ignitis forcipibus laceratum; semel in foro publico, & quinquies hunc ann.
in via ad locum ultimi supplicii; postremò etiam in ignes dejectum, n. 18 & seq.
& in cineres redactum est Rotenburgi. Neque tamen pestilen- Anabapti-
tissima secta illa tot mortibus extingui potuit; sed intra paucos starum per-
annos in provinciis Belgicis longè validius reviviscere coepit, uti secutiones
videbimus infra, cum ad Joannem Leidensem pervenerimus. & supplicia
Adeò verum est, quòd hoc anno* Lutherus, novitatum suarum Auctores
immemor, contra Zwinglium & Oecolampadium scripsit: *Nos* iidem.
Germani, quidquid novum est, arripimus, eique adhaeremus velut fatui.
Nulla doctrina, nullumque somnium tam ineptum excogitari potest à Dia-
bolo, quod discipulos suos non inveniat: quantoque ineptius est, tanto
citius.

Lugebat interea Dioecesis Hildesina, quòd sibi nondum re-
stitutæ essent Satrapiae & praefecturae plurimæ, quas anno 1521 à
Ducibus Brunsvicensibus occupatas, & huic Episcopatu subtra-
ctas esse diximus. Conquestus quidem fuerat ea de re Joannes
Episcopus; ejusdemque rogatu causæ hujus examen à Romana
curia commissum erat Petro Cardinali Anconitano. At ubi post-
modum hoc anno vidit, opinione suâ tardiùs hac in re processum
iri, tum ob mortem Cardinalis antè dicti, tum ob inopinam cap-
tivitatem ipsius summi Pontificis: tandem vel tædio victus, vel
aversione & odio subditorum fractus, Episcopatu suo renuntia-
vit; & quod reliquum vitæ erat, apud fratrem suum Lawen-
burgi Ducem contrivit, Lubecæ* defunctus anno 1547 die trice-
simâ Novembris, & sepultus Racenburgi. Ejus loco postulârunt
Canonici majoris Ecclesiæ Balthasarem Merckelium, Caroli V.
Imperatoris Pro-Cancellarium, virum eruditione magis, quàm

* Luther. in
l. contra
Zwingl.
Cochlaus
in actis Lu-
theri.
Joannes
Episcopus
Hildesien-
sis abdicat
Episcopatu
& vitam
postea pri-
vatam agit
apud fratrem
Lawen-
burgi Ducem.
Chytr. l. 12
Saxon.
Brusch. in
catal. Episc.
Hild
Rentel. in
chron. Hild
* Catalogus
Episc. Hild.
Chytraeus,
Rensner,
& alii.

Succellit
Balthasar
Merckeli,
quadrien-
nio post
mortuus.
Chytrius
Bruschius
Renselius
loc. cit.

Knippers
dollingius
Monasterii
turbas agit,
& illudit
Episcopo.
*Kerssen-
broch in*
*Hist. Ana-
bapt. Mon.*
ad hunc
annum.
**westpha-
licè spille-
ten-dre-
her.*
Compre-
henditur ab
Episcopo;
sed brevi
post à car-
cere libera-
tur precib'
Capituli
majoris.
*Kerssen-
broch. loc.*
cit.

Propylæi
Cathedra-
lis Ecclesie
Monaster.

natalium splendore clarum : cuius potenti patrocínio sperabant apud Cæsarem effectum iri, ut ablatae quondam satrapiae Hildesien- si Episcopatu redderentur. Neque spes illa forsitan cecidisset irrita, nisi tam insignis præpotensque vir quadriennio post im- maturâ morte è vivis exiisset, uti referetur infra ad annum 1531.

In Diœcesi Monasteriensi per æstatem hujus anni auditus est in aëre magnus fragor ac sonitus, quasi martialium tormentorum, ac militum adversâ acie concurrentium. Verisimile est, eo signo prænuntiatos esse horribiles istos bombardarum ac militum con- currentium fremitus; qui non longè post, in urbis Monasterien- sis obsidione, consecuti sunt sub Joanne Leideni, Monasterien- sium Anabaptistarum Rege. Certè huic tragoediæ jam hoc anno præludere visus est Bernardus Knipperdollingius, homo Luthera- nus, inquietus, & urbis totius exitio natus. Præterquam enim quòd varias in plebe turbas concitaret, etiam ipsimet Episcopo Fri- derico procacissimè illudebat; eundemque ob artem tornariam, quâ temporis fallendi causâ nonnunquam usus fuerat, non alio fe- rè nomine compellabat publicè, quàm *tornatorem fusi muliebris. Imò subinde colum cum girgillo parvo & aliis instrumentis mu- liebribus deferēbat palàm in suo pileo; atque ità per urbem histrio- nico gestu incedebat, ut & populo ridenti ludum, & sibi de irriso Episcopo plausum faceret. Non poterant hæc diu latere Præsu- lem, absentem urbe. Quare cum nugator ipse haud multò post ne- gotiandi causâ proficisceretur Bremam; eundem in itinere prope Vechtam attineri, & Horstmariam in carceres promeritos deduci jussit. Mirum, quibus motibus agitata fuerit Monasteriensis plebs, ut primùm captivitas hæc urbi innotuit! Fremere illa per plateas, coire in cuneos, adire Magistratum, implorare Cathedralis Eccle- siæ Canonicos, minis etiam ac terroribus cogere, ut Knipperdol- lingii liberationem ab Antistite poscerent, ergaque multam pecu- niariam perurgerent. Ægerrimè permisit id Episcopus, ideòque rescripsit Capitulo: *Mirari se, quòd ista rogent pro tali homine, qui Clero semper et Magistratui obstreperus fuit. Nihil cum in urbe nisi tur- bas agere, nec ambigi posse, quin aliquando totius urbis ac patriæ everfor fiat. Se quidem importunis ipsorum postulatis nunc annuere; vereri ta- men, ne eos postmodum sui facti pœniteat.* Nec vana præmonitio fuit. Solutus enim carcere, propediem ad seditiosum ingenium rediit; neque priùs à turbis destitit, donec è Lutherano Anabaptista factus, ac tandem urbe captâ ex turri Lambertina suspensus fuerit.

Eodem anno, die septimâ Septembris, Monasterii propylæ- um Basilicæ Cathedralis (quod vulgò *Paradisum* vocant) funestis ignibus correptum & exustum est ex incuria operariorum, qui plum-

plumbeas testilaminas reparabant, & ignes huic operi solidando necessarios incautiùs custodiêrant. Hoc incendio simul interiit admirandæ vetustatis Bibliotheca, super eodem propylæo structa: in qua præter antiquos codices, ex arborum corticibus confarcinatos, multa virorum doctissimorum autographa unà cum veterum Imperatorum & Regum diplomatis conservata erant. Magna certè jactura, tantòque magis deploranda, quòd hujusmodi thesaurus librarius plerumque nullo pecuniarum impendio restitui ac restaurari queat.

De rebus Diœcesis nostræ singulare nihil hoc anno reperitur. Id solum ex chartis antiquis novimus, Ericum Episcopum nostrum potissimâ hujus anni parte in Diœcesi nostra constituisse; interque alia laborasse gnaviter in componenda controversia, quæ inter Capitulum Cathedrale & pagi Ettelenfis incolas exorta erat propter silvam, dictam *die Eteler Mark*. Superfunt adhuc illius transactionis & conventionis tabulæ, ab Erico Antistite in Abdinghofensi apud nos monasterio consignatæ, quarum finis est hic: *In testimonium rei gestæ* nos duo hujus transactionis exemplaria confici, et utrique parti unum similis tenoris, cum appenso nostro Erici Episcopi sigillo tradi jussimus. Datum Paderborne in Abdinghove, die Jovis post Galli, anno millesimo quingentesimo vicesimo septimo.*

Ericus Ep.
Pad. com-
ponit litem
Capituli
majoris, &
Ettelenfi
subditorum,
de Marca
vel saltu Ec-
telenfi.
*Urtund
Dessen hebbt
ich duser
Ausschelde
tween rero
fertiget.

Annus Christi 1528.

CLEMENTIS VII. Pontificis 5. & 6.

CAROLI V. Imperatoris. 9. & 10.

ERICI Episc. Paderb. & Osnabr. 20.

Lautrecius
Gallorum
Dux, in re-
gnum Nea-
polititanum
progredi-
tur, & Nea-
polim obsi-
det.
*Palat. in
Aq. Aust.
Spond. ad
hunc annũ.
Harant in
ann. Brab.
Classis Cæ-
sarea cædi-
tur à Philip-
po D'Oria,
Genuensium
Architha-
lasso.
auct. iidem*

Exercitus Gallicanus, qui per æstatem superioris anni sub Lautrecio Duce in Insubriam venerat, mense Februuario præsentis anni processit in Regnum Neapolitanum: atque ideo Cæsareanus miles ab urbe Roma, ubi multis millibus peste & luxu imminutus erat, continuo se retraxit Cajetam, Neapolim, & in alia valentiora ejus Regni loca. Primus Gallorum advenientium terror multas urbes, & oppida non satis firma, Regi Francisco subdidit, Neapolis ipsa, cui Lautrecius exeunte Aprili totius exercitus robur admovit, in extremo deditionis periculo versabatur: quia Cæsar non habebat in campo militem, qui succurreret; & Philippus D'Oria Genuensium Archithalassus haud procul à sinu Salernitano Cæsaream classem navali prælio superârat, interempto Hugone Moncadio classis Præfecto, multisque belli Ducibus in pugna captis. At unde gravissimum

Philippus
D'Oria
transit ad
partes Cæ-
sareas; im-
petratq; ut
Genua sit
in posterū
libera res-
publica.
*Auctores
idem &
alii.*

Exercitus
Gallicanus
ante Nea-
polim peste
consumitur
totūque
regnum re-
pentē ad
Cæsarem
redit.

*Haras in
ann. brab.*

*Palat. in
Aq. Auf.*

*Surius in
comment.*

rer. gest.

*Chytraus l.
12. Saxon.*

*Spond. &
alii.*

Henricus
Episcopus
Ultraject.
a Carolo Gel-

dro diu
pressus, totā
provincia

Ultraje-
ctensem

Cæsari
transcribit

reservatā si-
bi suisque

successori-
bus Episco-
pali susten-

tatione.

*Haras in
ann. Brab.*

*Chytraus
in Saxon.*

simum periculum imminebat Cæsari; indè mox inopina rerum Cæsarearum salus exorta est. Cum enim haud multò post, Regem inter & D'Oriam, improvisæ dissensiones nascerentur propter captivos Duces, quos Galliæ Rex imperiosius minaciùsque pro se poposcerat: Philippus D'Oria cum Andrea patruo suo repentè se convertit ad partes Caroli Imperatoris, belliduces in prælio navali captos in urbem Cajetam à Cæsareis inessam retulit, indèque reversus Genuam, non modò Gallos omnes ejecit urbe, sed etiam universo Genuensi populo inter innumeras gratulationes denun- tiavit, urbem statūque Genuensem privilegio moderni Cæsaris elevatum esse in ordinem dignitatēque Reipublicæ liberæ, qua- lis ab eo tempore etiamnum perseverat. Tum verò fortuna Cæ- saris iterum erigebat se, videbaturque simul coelum ipsum pugna- re pro ejus causā. Nam digresso D'Oria, tam acerba pestis in- gressa est in castra Gallica, ut exercitus ferè totus brevi tempore consumptus fuerit. E primariis Gallorum Ducibus conciderunt Lautrecius, Vaudemontius, Trivultius, aliique plurimi. Ex ce- tera verò militum gregariorum turba superfuere vix ultra centum equites ac mille pedites, qui bonā valetudine uterentur. Et hi- quidem, dum è castris per noctem fugere, & Averfam se recipe- re nitebantur, à Cæsareis vel in fuga strati, vel paulò post in Aver- sanæ urbis deditione unā cum Duce suo Marchione Salutio in capti- vitatem recepti sunt. Mox etiam Capua, Nola, Puteoli, & aliæ à Gallis antea occupatæ urbes, in Cæsaris potestatem rediēre: me- ritòque dubites, an in hostium adventu citiùs amissæ, quàm in eorum abitu recuperatæ fuerint?

Non minori fortunā Cæsar usus est in Belgio contra Carolum Geldrum, Ultrajectinæ Dioecesis invasorem. Hic, ut erat homo inquietissimi capitis, Dioecesi Ultrajectinæ sub tribus ultimis Epi- scopis admodum infestus ac gravis fuerat. Nam sub Friderico Badensi eripuerat ipsi Oldensaliam: reliquosque Transisalanorum agros, populationibus, incendiis, ac deprædationibus, acerbè de- vastaverat. Sub Philippo Burgundo successore ejus abstulerat Swollam, Covordiam, Diepenheimiam, plurāque alia Transisa- lanæ castella, cum insigni regionis illius detrimento & ruina. De- mum sub Henrico Bavaro Antistite per æstatem prioris anni sedi- tiosorum complurium factione infuderat se in ipsam urbem Ultra- jectinam; eaque obtentā in Transisalaniam irruens, totius pro- vincia Ultrajectensis Dominum se proclamari & inaugurari fece- rat. Non poterat Episcopus cum inimico tam potente bellum gerere; multòque minùs belli gerendi molem, exhausto jam æra- rio, sustinere. Itaque rebus desperatis consilio statuum Transisala- norum

norum recepit se ad Margaretham Gubernatricem Belgii; & in
 ejus persona, Carolo V. Imperatori ditiones omnes Ultrajectinas
 perpetuò tenendas ac possidendas obtulit, dummodo Pontifex id
 ratum haberet, & Episcopis ejusdem loci præter jurisdictionem
 spirituales relinqueretur honestissima sustentatio, eorundem dig-
 nitati consentanea. Quo peracto statim Transifalani, mense Ja-
 nuario præsentis anni, Carolo Imperatori suam fidem addixere.
 Pro cetera verò Dioecesis parte subigenda quantocyus expeditæ
 sunt validissimæ Belgarum copiæ. Et hæ, posteaquam Geldro
 multas urbes & oppida surripuerant, tandem etiam Kalendis Ju-
 lii urbem Ultrajectinam proditione quorundam civium interce-
 perunt, captis, & condigno postmodum supplicio punitis iis,
 qui præteritarum seditionum auctores fuerant. Post hæc inita,
 & hisce legibus definita pax cum Geldro: *Carolus Gelder abjiciat
 fœdus cum Gallo. Amissas Geldriae urbes à Casareanis recipiat. Zut-
 phaniam Geldriaeque à Casare, ut Brabantia Duce, clientelari benefi-
 cio teneat pro se solisque hæredibus masculis, legitimo thoro natis: his
 autem non existentibus relinquat eam Casari, ejusque hæredibus utriusque
 sexus etc.* Acta sunt hæc, ut Haræus refert, in oppido Gorco-
 mienfi, tertio nonas Octobris. Nec multò post, nimirum die vi-
 cesimâ ejusdem Octobris, Henricus Episcopus in urbe Ultrajecti-
 na omne dominium temporale istius Dioecesis in Carolum Impe-
 ratorem transtulit per solennem scripturam: quæ deinde Romam
 Clementi Pontifici missa, atque ab eodem approbata & confir-
 mata est anno 1529, *decimo tertio Kalendas Septembris*. Ità demum
 nobilissima illa civitas & provincia seditionibus bellisque intestinis
 extra suorum Antistitum potestatem abiit.

Aliud hoc anno bellum, in ipsis Germaniæ visceribus, non
 minori cum periculo suscitatum est ab Ottone Packio, Georgii
 Saxoniae Ducis integerrimi Consiliario. Nactus ille sigillum sui
 Ducis, mendacissimè conscripserat arcanum fœdus, quo Ferdi-
 nandus Archidux, Joachimus Elector Brandenburgensis, & Geor-
 gius antè dictus, cum Alberto Moguntino, Matthæo Salisbur-
 genfi, Wigando Bambergensi, Conrado Herbipolensi, ac duo-
 bus fratribus Wilhelmo & Ludovico Bavariae Ducibus, fingeban-
 tur conspirasse ad opprimendos Lutheranos Principes, Joannem
 Saxonem & Philippum Hassiae Landgravium. Hujus deinde fœ-
 deris conficti tabulas occultè miserat Landgravio, & hic Joanni
 Saxoni. Uterque fidem adhibet fallaci Packio, simulque magnum
 exercitum inopinò colligit contra hostes imaginarios. Mirari
 mox alii Principes, quorsum iste apparatus hosticus, Propèque
 aberat, ut mendacium illud excrevisset in grande bellum, nisi
 Land-

*Suffrid. Pe-
 tris in ap-
 pend. ad Bes-
 kâ in chron.
 Ultraject.
 Transifa-
 lani Casari
 se libenter
 submitunt
 Haræus loc.
 cit.
 Ultrajectū
 à Casareis
 capitur.
 Auctores
 supra cit.
 Carolus
 Gelder pa-
 cem init cū
 Casare, &
 Geldriam
 ei clientela-
 rem facit.
 Haræus in
 Ann. Brab.
 Hortens. l. 7.
 rer. Ultraj.
 Suffridus
 Petri in ap-
 pend. ad
 Bekam.
 Otto Pack,
 Georgii Sa-
 xoniae Dus
 cis Consi-
 liarius, con-
 fingit fœd'
 Catholico-
 rum contra
 Joannem
 Saxonem
 & Philippū
 Landgra-
 vium.
 Cochleus in
 aët. Luth.
 Spangenh.
 in Chron.
 Mansf.
 Palat. in
 Aq. Austr.
 Surius in
 comment.
 Saxo &
 Landgravi'
 conscri-
 bunt ingens
 tem exerci-
 tum contra
 Catholicos.
 auct. eisdem.*

Packius
falsimonii
convinci-
tur, ejicitur,
ac tandem
diu vagus,
Antwer-
piæ prome-
ritâ, morte
castigatur
anno 1536.
Surius, Co-
chleus, Pal-
& alii.

Landgravius apographum istius foederis misisset Georgio focero suo, eumque præmonuisset, ut ab hujusmodi conventionē facta pedem retraheret. Tum verò Georgius mysterium falsitatis agnoscere, statimque rescribere Landgravio: *Fœdus illud esse purum putumque mendacium: idcōque tenebrionem istum, qui id ei pro vero obtulerit aut fabricarit, habendum esse pro mortalium omnium, quos terra ferat, perditissimo. Scripturum se pariter aliis Principibus, in eodem commentitio fœdere nominatis; certumque sibi esse, ab iis et suam et ipsorum innocentiam apertissime demonstratum iri.* Quod cum ab iis integerrimè fuisset præstitum; amicâ tandem compositione factâ, ab armis discessum est. Packius autem, quem interea Landgravius in captivitatem egerat, feriâ 2dâ post S. Margarethæ Virginis coram Principum accusatorum Legatis è carcere protractus, & in eorum confessu non solum hac in re, sed etiam in aliis quàm plurimis ita convictus est de falsimonio & scripturis adulterinis, ut ab omnibus unanimi voce conclamatum fuerit, esse hominem sceleratum, perfidum, reumque falsi ac læsæ Majestatis. Neque deseruit eum poena, tamenormi flagitio digna. Licet enim Landgravius recusarit, scelestum illud caput Principibus ab eo læsis puniendum tradere; neque aliamei poenam irrogaverit, quàm solius proscriptionis & ejectionis è terra Hassica: octennio tamen post, nimirum anno 1536, propter consimilia scelera Antwerpiae captus, mensèque Februario sequentis anni abscisso capite in quatuor partes dissectus est.

Lutheri
mendacia
de isto tē-
dere dete-
gantur.
Cochleus
in actis Lu-
theri.
Surius in
comment.
& alii.
*exstat a-
pud Chy-
traum in
libro spe-
ciali post
hist. saxon.

Quis non sperasset, Lutherum, si fuisset homo bonus, gavisurum esse de restincto istius belli gliscentis incendio; Et ille tamen impudentissimâ fronte adhuc perrexit, non modò Packium excusare; sed etiam antè dictos Principes mendacissimi istius foederis reos agere. *Fœdus* (ait in epistola* ad Wenceslaum Lincum, apostatam Augustinianum) *fœdus*, inquam, *illud Principum impiorum, quod ipsi negant, vides, quantos motus concitaverit. Sed ego Ducis Georgii frigidissimam excusationem ferè pro confessione interpretor. Negent, excusent, fingant: ego sciens scio, fœdus istud non esse merum nihil aut chimeram etc.* Calumniam hanc non poterat nec debebat ferre Georgius Dux. Et ideo, quàm primùm aliquod harum literarum exemplar nactus est, misso Norimbergam Secretario suo enixè petiit à Senatoribus, ut Wenceslaum interrogent, an epistola illa verè scripta sit à Luthero, nec ne? cum autem & Wenceslaus id affirmasset, & Secretarius Ducis ibidem inspexisset originales vel autographas Lutheri literas: continuò scripsit patrueli suo Joanni septemviro, ut vel istam Lutheri impudentiam severe puniat, vel saltem urgeat, ab eo veridicè probari, unde

NOVE-

*noverit fœdus istud non esse merum nihil, aut chimeram? sed neutrum ab eo impetrare potuit: fortè, ne Megalander iste, quem ipsi velut novum Evangelistam suspiciebant, in propudioso mendaciorum sacculo constrictus esse videretur. Nempe *Lupus Lupum non mordet.**

Inter hæc etiam Paderborna Lutheranis erroribus imbui, & quod indè sequi solebat, gravissimâ seditione contra majoris Ecclesiæ Clerum commoveri coepit. Intulerat huc novi Evangelii buccinam Joannes Fridericus Saxoniae Dux, Joanne septemviro Ducéque genitus: qui, cum anno superiore, nuptiarum causâ, ad aulam Clivensem pergeret; Paderbornam transiens, Lutheranum præconem suum aliquoties è fenestra domûs ad plebem dicere, deque nova doctrina Saxonum perorare jusserat. Ad has deinde conciones accessere primum catechismi novi, Lipstadio missi; tum etiam alii monachorum apostatarum libri, è vicinis Hassorum urbibus importati. Qui, cum avidius legerentur ab indocta plebe, genuerunt in animis plurium non modo falsas opiniones in rebus fidei; sed etiam ferale illud Clericorum odium, quod hoc anno tandem, *quarto* Idus Julii*, in apertas funestasque flammæ erupisse legimus, agebatur eâ die in platea **à carbonibus* appellata solenne convivium; ad quod præter civium gregarium filios etiam non pauci Canonice Cathedralium famuli invitati erant. Post epulas potumque liberaliorem, consurrectum est ad saltus & choreas: in quibus dum sibi primas arrogassent aliqui è famulitio Reverendissimi Domini Joannis de Imbsen, Cathedralis Ecclesiæ Canonici Senioris; continuo à nonnullis civibus & civium filiis triste murmur obortum est. Ab eo murmure **processum* ad rixas & jurgia, à jurgiis ad offensiones, ab offensionibus ad contumelias & vituperia Cleri, ab his denique ad campanæ pulsus ac tumultus publicos adversus Clerum. Tum verò commota plebs tandem signo dato audentius ostentare animos, quos è libris Lutheranis hauserat. Mox enim furiarum instar ad campum Dominicum advolare, in Ecclesiam Cathedralem ruere, chori superioris ostia confringere, stalla, vel sedes Clericorum occupare, libros psalmodicos disjicere, & in opprobrium cantus Ecclesiastici alternatim canere vulgare **illud* Lutheranorum convivium: *Hastu ein Brodt / so hebbe ick iewey Brodt; dan hebbe ick noch eine mehr alsse du oick.* Post etiam Cathedralium Canonice domos incessere, quævis obvia dissipare, personis eorum illudere, insultare, minitari, ac demum in eas angustias & necessitates adigere, ut universum Capitulum, unâ cum Decano suo & potissima aliorum Clericorum parte, urbem deserere, & primo furori

S

cedere

Seditio civium Paderbornensium contra Clerum. Ex veteribus mss. Paderborn. Item ex transactione Erici Episcopi cum urbe.

*ex veteri mss. Paderborn. *vulgò die Rollgrube.

*ex literis transactionis in Archiv. Cath. Eccles.

*Hamelm. in hist. Ev. renasi Paderbornæ,

cedere coactum fuerit. Dies ac mensis anni, quo hæc prima Lutheranorum seditio contigit, à Coævo majoris Ecclesiæ Clerico **ex veteribus biblicis anse Lutherum editis.* brevissimè annotatus est pauculis hæc verbis: *Anno 1528, die 12. Julii, magnus tumultus civium hujus civitatis excitatus est propter anteductionem choreæ, à famulis Domini Joannis de Imbsen attentatam. Unde templum prophanatum à civibus etc.*

Ericus Episcopus, Paderbornam bello aggreffurus, mitigatur à statibus patriæ. Acerrimè res ista pupugit Ericum Episcopum: nec procul aberat, quin extrema omnia fuisset paraturus urbi, nisi reliqui status patriæ sanguinariis ejusdem consiliis intervenissent. Metuebant hi, ne urbs rea, si acerbius plecteretur, vicinum Hassiæ Landgravium in suas partes advocaret: atque ideo sollicitabant, ut ea dissensio componeretur à Philippo Erici Antistitis fratre, aliisque Ordinis Equestris & urbium delegatis. Admisit consilium illud clementissimus Princeps; eumque in finem delecti sunt ex parte Ordinis equestris, Joannes Dynasta ac Dominus de Büren, Jodocus & Rabanus de Westphalen, Wernerus de Spiegel, Franciscus ab Hörde: ex parte verò primariarum Diocesis urbium, deputati Warburgenses, Brakelenses, & Borgentricenses, quorum nomina in literis ea de re confectis non exprimuntur. Hi, cum in arce Neuhusana convenissent Idibus Augusti; intra spatium unius tridui ream urbem cum Episcopo & Capitulo perfectè reconciliârunt sub diversis legibus, quarum præcipuæ sunt: *ut urbs Episcopo in pœnam delicti solvat bis mille florenos aureos. Ut seditiosorum capita, quàm primùm designata fuerint, in jus et pœnam arbitrationis, in*

Transactio cum urbe, & civium seditiosorum pœna.

Ex recessu vel scriptura trans-
actionis, in
arch. Cash.
Eccl. Pad.

**westphaliche tho-*
wetten /
nachdem
sich zc.

mittat. Ut hi, qui fundos emphyteuticos habent, post laudemium semel datum non teneantur illud amplius dare, quàm diu vivunt; sed tantum singulis duodenniis Dominum suum recognoscere, dato medio quartali vini. Ut Clerici et eorum domestici mercaturam et seculares negotiationes non exercent; onera tamen civitatis publica non ferant juxta sua privilegia. Denique ut Lutheranae novationes puniantur et auferantur, vigore mandatorum et edictorum Papalium ac Cesareorum: westphalicè, der Luttersehen Handelunge soll man upsehen hebben / darmede de gestraffet und affgestalt werden / nach Vermöge Paderstlicher Synschafft und Kayserlicher Majestät Mandat und Edict. Superest hac de re instrumentum vel recessus publicus, hoc initio & fine: **Sciendum, posteaquam non multis abhinc diebus labentis anni, inter aliquos Cathedralium Canonicorum famulos, et aliquos urbis Paderbornensis ciues, orta sunt quadam offensiones ac discordia, ex quibus dein secutus est campana pulsus ac seditio, propter quam plures Clerici, nec non Decanus et Capitulum Cathedrale ab urbe profugerunt, non sine tadio et offensione Reverendissimi et Illustrissimi Principis, Domini Erici Episcopi - - -*

Nos

Nos Philippus, Dei gratiâ Dux Brunsvicensis, rogatu utriusque partis, unâ cum iis, qui à Nobilitate et urbibus Dioecesanis nominati erant, nimirum Joanne Dynasta in Biren, Jodoco et Rabano* Westphalen, Wernero Speigel, et Francisco de Hörde, nec non et iis, qui nomine civitatum Warburgi, Brakelie, et Borgentrice, deputati erant, huic negotio manum adjecimus; adhibitōque in exequandis singularum partium dissensionibus conatu ac labore plurimo, tandem eo modo transegimus, uti hæc sequitur etc. - - - Datum et actum Neuhufii, Dominicâ post assumptionis Mariæ, Anno post nativitatem Christi Domini nostri millesimo quingentesimo vicesimo octavo.

Denique & hoc anno Romæ Clemens Pontifex cum ingenti plurium animarum commodo confirmavit Ordinem PP. Capucinatorum, recens inchoatum à Venerabili Fratre Matthæo à Bascio, eximie sanctitatis viro. Is, cum antea vixisset in Ordine PP. Franciscanorum de strictiore observantia, anno 1525 ex inspiratione divina coeperat priorem habitum abjicere, aliūque paulò diversum cum barba proluxa gerere. Eadem vestimenti forma, unâ cum eremitica vita, quam sectabatur, sequenti anno place-re coepit nonnullis aliis Franciscanis, ac nominatim Ludovico & Raphaëli de Foro Sempronio, duobus ex eodem observantium Ordine germanis fratribus: quibus etiam Clemens Pontifex tali modo vivendi & incedendi licentiam dedit. His deinde Illustrissima Domina Catharina de Cibo parvum coenobiolum condidit Camerini in Umbria. Ubi dum hucusque in summo rigore ac paupertate vitam admodum religiosam peregissent; Clemens Papa tandem hoc anno laudatissimum institutum illud confirmavit: simulq; Patribus antè dictis facultatem generalem dedit condendi nova monasteria, & alios quoscunque sive Clericos sive Laicos in eandem vitæ societatem aggregandi.

*Jost uñ
Raue
Westphalen.

*hæc Domini-
nica tunc
incidebat
in diem 16.
Augusti,
sub litera
Dominica-
li d.
Novus Or-
do Patrum
Capucino-
rum, ante
triennium
inchoatus,
confirma-
tur à Pon-
tifice.

Spond. ad
hunc ann.
1525.
Joannes de
Terra no-
va, in rela-
tione de
orig. FF.
Capucinar.

Annus Christi 1529.

CLEMENTIS VII. Pontificis 6. & 7.

CAROLI V. Imperatoris. 10. & 11.

ERICI Episc. Paderb. & Osnabr. 21.

Cæso iterū
exercitu
Gallicano
Clemens
Papa inist
pacem cum
Cæsare.



Eandem hic annus bellis Italicis finem optatum attulit, posteaquam Antonius Leva, Cæsarearum copiarum Ductor, Gallicanum exercitum in Ducatu Mediolanensi novâ clade ex insidiis obtrivisset. Primus ad pacem ineundam præiit Clemens Pontifex, qui Barcinone die vicesimâ nonâ Junii cum Cæsare transegit, eâ potissimum lege: ut

Palat. in
Aq. Auß.
Hærens in
ann. Brab.
Spond. ad
hunc ann.

Papa Cæsari in feudum tradat Regnum Neapolitanum: Cæsar verò Margaretam, filiam suam notham, despondeat Alexandro Mediceo, eoque reducat in urbem Florentinam ceterasque dignitates, è quibus Medicei plebejo tumultu ejecti erant. Octiduo post etiam in urbe Cameracensi tractari coeptum de pace cum Gallo; eaque demum post varias difficultates die quintâ Augusti in hunc modum conclusa est: *Rex Gallia Elconoram, viduam sororem Cæsaris, in matrimonium accipiat: pro liberatione filiorum obsidum vicies centena aureorum millia Cæsari persolvat: Regno Neapolitano ac Ducatu Mediolanensi protinus excedat: jus omne, quod in Flandriam, Artesiam, Tornacum, Duacum, et alias provinciarum istarum urbes, quoquo modo obtendere potest, penitissime abdicet etc.* Postremò etiam die 23 Decembris in congressu Bononiensi, Papam inter & Cæsarem ab Hispania reducem instituto, sancita est pax cum Veneris: & (quod nemo satis mirari potuit) Ducatus Mediolanensis, pro quo tot annis dimicatum fuerat, Francisco Sfortiæ ex incredibili munificentia Cæsaris redonatus est, eâ lege, ut intrâ decennium nongenta nummorum aureorum millia Cæsari persolvat. Neque jam aliud in Italia bellum supererat, quàm cum solis Florentinis, Medicæos ab urbe pulsos recipere detrectantibus. Verùm & illi tandem sequenti anno vi & armis ad obsequium Cæsaris compulsi sunt, uti suo loco referetur.

Longè infelicius procedebant res gestæ Cæsaris in Germania. Indixerat ejus nomine Ferdinandus Archidux Comitia publica, mense Februario inchoanda Spiræ. Proponebantur in iis duæ res gravissimæ. Prima erat, consultare de modo componendi turbas ac dissidia novarum religionum. Jam enim ex impunita quidlibet opinandi ac docendi licentia eò deventum erat, ut non solum Catholici colliderentur cum A catholicis; verùm etiam ipsimet A catholici in sectas diversas irent, & alii Lutherum, alii verò Zwinglium & Sacramentariorum placita sequerentur. Altera erat comparare protinus auxilia contra Turcas, ipsimet urbi* Viennensi obfidionem & exitium comminantes. Joannes enim Transilvaniæ Waiwoda, posteaquam anno 1527. à Ferdinando æmulo suo profligatus, Regni que Hungarici spe dejectus esset, ad Solimannum confugerat, & hic receptâ illius causâ non modò Ferdinandi Legatum è suis finibus excedere; sed etiam atrocibus* hisce verbis remitti jusserat: *Primo vere se cum exercitu suo prope Budam adfore: ibi se vel conflicturum cum Ferdinando, si compareat; aut si emanserit, inquirendi ipsius causâ Viennam usque venturum esse.* Utraque res ista erat gravissimi ponderis; & facilitas impetrandi auxilia contra Turcas maximopere dependebat à concordia Principum in rebus fidei. Hanc igitur ut acceleraret Ferdinandus Archidux & Hungariæ Rex,

Cameraci
constituitur
pax inter
Cæsarem &
Gallum.
aut. iidem
& alii.

initur eti-
am pax in-
ter Cæsare
& Venetos.
Pal. & Ha-
rans loc. cit.
Ducatus
Mediola-
nensis do-
natur Fran-
cisco Sfor-
tiæ.

Haraus in
ann. brab.

Comitia
Spirensis
de compo-
nendis reli-
gionum
dissidiis, &
impetran-
do auxilio
contra Tur-
cas.

* Isthuansff.
l. 10. de reb.
Hung.

* Isthuansff.
ibidem.

A plerisque
Principib;
decernitur,
ut usque ad
adventum
Cæsaris pa-
reant om-
nes edito
Wormati-
ensi, nec

Rex, mense Aprili cum potissima procerum & civitatum Imperialium parte hoc decretum commune condidit : *Romanum Pontificem à Carolo Casare sollicitandum esse, ut intra unius anni spatium indicat concilium generale pro definiendis Catholicorum et A Catholicorum dissidiis; aut, si intra tam breve tempus id fieri nequeat, generalem Imperii conventum indici oportere, in quo Casar ipse compareat, laborétque sedulo pro bono pacis. Interea parerent omnes edicto Wormatiensi, nec permetteretur ulla novitas vel novatio in rebus fidei, praesertim circa Venerabile Sacramentum, celebrationes Missarum, et praesentiam Corporis Christi in Eucharistia. Nullus etiam à Principibus vim alteri inferat sub obtentu religionis; neque permittat aliquid à typographis in lucem edi, quod novitatem doctrinae sapiat etc.* Contra hos aliosque articulos decreti Comitialis, continuò protestati sunt alii Principes urbiumque Legati. Luthero Zwingliove dediti; qui idcirco *Protestantes* appellati sunt novo nomine, ab his Comitibus derivato. *A Pontifice, inquebant, nihil remedii contra hac dissidia sperari posse, hominum conscientiae non debere vim inferri, Missam Pontificiam divino verbo adversari, de praesentia Christi in Eucharistia alios ab aliis dissidere, nec eorum quempiam in auditu parte condemnandum esse. Proinde rogari à se, ut cuique Principum et Imperialium civitatum liceat, sua dogmata et religionis libertatem retinere: alioquin à se nihil auxiliorum contra Turcas impetratum iri.* Quid hîc ageret Ferdinandus, ex praesenti necessitate malleum inter & incudem positus? durissimum illi erat, libertatem religionis permittere: at multò durius, nullis contra Turcam auxiliis adjuvari, atque ità provincias Austriacas praesentissimo perditionis periculo exponi velle. Quare tandem coactus est, antè decretum retractare, conderéque novum aliud, per quod omnibus Imperii statibus permetteretur, *in rebus fidei et religionis ità se habere vel gerere, ut existiment se Deo et Casari factorum suorum rationem reddere posse.* Atque ità demum impetravit, ut communi Ordinum suffragio decreta fuerint illa peditum equitumque auxilia, quae paulò antè nullis precibus aut publicae necessitatis exhibitione potuerat obtinere.

Interea Solimannus, Constantinopoli egressus properabat in Hungariam. Et quia innumeram populi multitudinem trahebat secum, universum regnum illud adventu suo ità perterruit, ut intra breve tempus facillimam sibi viam aperuerit Viennam usque. Buda vix hostem vidit, & admisit. Strigonium Paulus Vardanus, loci Archiepiscopus, tyranno venienti clavibus oblati tradidit. Jaurinum & Altenburgum urbes penè prius à suis defensoribus desertae sunt, quàm hostem vicinum perentiscerent. Atque ità factum est, ut universus Turcarum exercitus, postquam die

nonâ

ulla novatio fiat in rebus fidei. Palat. in Aq. Austr. Spond. his n. 10. Chytraus l. 12. Saxo.

Contra hoc decretum protestantur Principes A Catholici, & ideo tunc primum dicti sunt Protestantes. Auctores iidem. Surius in comment.

Ferdinandus imperatoris frater cogitur prius decretum immutare, & sic tandè impetrat auxilia contra Turcas. auct. iidem Cochleus in actis Lutheri.

Helvic. in theat. hist. univ.

Solimannus occupatâ celeriter Buda & aliis Hungariae urbibus Viennam obsidet. Isthvanffy l. 19. rer. Hung.

Soier. l. 1. nonâ Septembris movisset ab urbe Buda, intra octodecim dies
de bello unâ cum Solimanno Imperatore suo ante Viennam steterit. Age-
Pannon. bant hîc in præsidio duo millia equitum & sedecim millia fortif-
Anonym. simorum peditum, quibus cum supremo imperio præerat Philip-
de obsidio pus Comes Palatinus Rheni: ceterorum verò Ducum præcipui
ne Vienn. erant Nicolaus Comes de Salm, Joannes Comes de Hardeck, Ni-
Pal. Spond. colaus Comes Turrianus, Guilielmus Rogendorffius, & alii viri
& alii. præstantissimi, omnes cum suis militibus aut vincere, aut mori
certi. Ostentabat his contrâ Solimannus exercitum valentissimum,
quem aliqui ducentorum, alii trecentorum aut quadringentorum
**Cochlaus* *millium fuisse referunt. Neque ex omni apparatu militari quid-
in actis Lu- quam aliud ipsi deerat, quàm solæ grandiores belli machinæ, qua-
theri. rum loco, velocioris itineris causâ, secum vexerat colubrinas le-
Haraus in viores plurimas, verberandis prosternendisque mœnibus inido-
ann. Brab. neas. Speraverat enim, urbem hanc adhuc minùs paratam fore
ad sustinendos Turcarum impetus, ideóque solâ copiarum sua-
rum ostentatione ità perterrefactum iri, ut exemplo urbium Hun-
garicarum sese quàm primùm dederet. Hac autem spe delusus,
convertit se ad agendos cuniculos; iisdemque murum suffodere,
ac tormentarii pulveris beneficio diruere conatus est. Quod cum
ei uno alteróve in loco feliciter evenisset (ceteri enim cuniculi per
contrarias fossiones à Viennensibus detecti erant) ferocissimum il-
lic assultum fieri, & continuis novorum militum immissionibus
urbem conscendi iussit. At inani prorsus labore & conatu. No-
stri enim non solum fortiter illos exceperunt; verùm etiam fre-
quentatis tormentorum *explosionibus, gladiis, contis, hastili-
**Isthuansff.* bus, & quovis armorum obviorum genere, tam horribilem inter
& alii supr. eos edidère stragem, ut cruento plurium horarum certamine de-
cit. lassati, ab assultu tandem desistere, & militum præsidiariorum vir-
tuti cedere coacti sint. Infremuit hac suorum repulsâ tyran-
nus barbarus. Et majori conatu post dies pauculos novum
à suis assultum retentari fecit: & in postremo etiam assultu, qui
tertio Idus Octobris contigit, non modò suos ad pertinaciorem
pugnam adhortatus est; sed etiam omnibus pedestris militiæ Du-
**Isthuansff* cibus severissimè *præcepit, ut, si qui audentiùs in hostem pro-
loc. cit. gredi aut pedem ulteriùs promovere nollent, eosdem è vestigio in
Anonym. ipsius urbis conspectu suis ipsi manibus contrucidarent. At neque
in hist. ob- his imperiis aliquid effectum est pro Solimanni gloria. Iterum
sid. Vienn. enim atque iterum pari clade repulsi sunt Ottomanni: ideóque
ad extremum (dum urgeret hinc suorum Ducum, indè verò Chri-
stianorum gladius) eò desperationis ac vecordiae devenerunt, ut
ad omnia Ducum suorum imperia velut pecudes immotæ starent,
mal-

malléntque occidi ab his, quàm ab illis. Quo viso, compertóque simul Ferdinandum Regem cum Friderico Palatino & selectis Germanorum auxiliis actutum adfore; Solimannus postridie, decimâ sub noctem horâ, silenter abiit, alterâque die etiam totus barbarorum exercitus ea cum festinatione in fugam se abripuit, ut intrâ quinque dies, decursis triginta duobus miliaribus Germanicis, rursus constiterit ante Budam.

Suspexit etiam Germania novum hoc anno genus ægitudinis, quod sudorem Anglicum appellabant, quia ex Anglia primùm in maritimas civitates Belgii, indeque latius in universam Germaniam se diffudit. Morbus hic inter comedendum, ambulandum, colloquendum, repentè corripiebat homines cum ingenti angore fudorifero, ex eoque sequebatur * somnus pertinax Lethargo similis. In quo, si permanerent, passim intrâ viginti quatuor horas vitam simul animamque suam edormiebant: si autem à somno averterentur, aut viginti quatuor horas ægrotando superarent, plerumque evadebant periculum vitæ. Unde necessum erat, homines eo sudore contactos assiduè vellicare, trahere, pungere, aliisque modis impedire, ne in somnum inciderent, vel in eo remanerent. Multos malum istud è vivis abstulit, priusquam ejus natura & medicandi methodus comperta esset.

Antwerpiæ intrâ spatium unius tridui quadringentos aut quingentos eo malo peris, refert * Haræus: alibi ferè tertiam partem hominum eâ lue sublatam esse, memorat * Westhovius. In Westphalia verò, aut certè in Diœcesi nostra locisque vicinioribus, pauci admodum extincti sunt, ob remedia jam satis nota, ac præmaturè adhibita; uti scribit Henricus Abbas * Marien-Münsterensis hisce verbis: *Hoc anno quadam infirmitas grassabatur, quæ vocabatur sudor Anglicus, de qua nunquam in Germania scivimus. In aliquibus locis multi moriebantur: sed hic in Westphalia major pars convaleuit, adhibentes remedia.*

Alio, ut opinor, ægitudinis & infirmitatis genere, tertio Kalendas Decembris, vitam hoc anno clausit Franciscus Episcopus Mindensis, defunctus Wolffenbuti apud Henricum fratrem, sepultus autem Riddagshufii, celeberrimo quondam vicinóque Cisterciensis Ordinis monasterio. Vir hic erat audacis & cervicosi ingenii; Carolo tamen Imperatori & Ecclesiæ Catholicæ ad mortem usque fidelissimus. Unde & eo vivente Lutherana hæresis Mindam intrare non est ausa: uti contigit, quàm primùm è vivis abiit. Vacantem ipsius cathedram sub initium sequentis anni consecutus est Franciscus Comes de Waldeck, quem & biennio post Monasteriensi & Osnabrugensi mitrâ condecoratum videbimus.

Solimannus adventu nostrorum cognito, Viennam deserit, & celerrimâ fugâ se subducit.

ant. idem.

Sudor Anglicus multos in Germania in mortem præcipitat.

chron. Trem. ms.

Spangenberg. in chron.

Mansf.

Kerfsenb. in hist.

anabapt.

Spond. Cochlaus & alii.

* Haræus in ann. brabant.

* Westhoff. in chron.

Trem. ms. in Diario

ms. suorum temp. ad

ann. 1529.

Franciscus Episcopus

Mindensis moritur die

29. Nov. Chytræus l.

12. Saxon.

Reusner in opere Genealog.

Succedit ei Franciscus de Waldeck, electus

initio sequentis anni.

Chytræus ibidem.

Ce-

Fridericus
Episcopus
Monasteri-
ensis levi de
causa urbe
Wildeshu-
sanam de-
struit.
Chytræus l.
12. Saxon.
Hamelm. l.
1 de emors.
famil.
Anonymus
in chron.
Monaster.
Gravissimâ
indignatio-
nem idcir-
co patitur à
primoribus
suz Diœce-
sis.
Anonymus
in chron.
Monast.

Ceteri Westphaliæ Episcopi adhuc firmâ utebantur valetudi-
ne; sed inæquali tamen cum laude præerant. Nam Fridericus
Monasteriensis apud omnes patriorum annalium scriptores pessi-
mè audit, non modò propter vecordiam suam in opprimenda Lu-
theranorum & Anabaptistarum factione; sed etiam propter singu-
larem in rebus agendis imprudentiam, cujus triste rursus exem-
plum hoc anno edidit Wildeshusii. Urbem hanc, nescio cujus
existimatæ rebellionis ergò (levem certè causam fuisse memorat
Hamelmannus) clanculariâ expeditione per noctem obruit, & mi-
serandum in modum penitus everti iussit. Consul Horckenba-
chius capitali supplicio affectus, munitiones dirutæ, turres de-
jectæ, aggeres complanati, muri in fossas detrusi, urbs tota de-
nique in formam pagi redacta, & omnibus veteribus privilegiis
exuta. Iniquissimis animis id accepere omnes Ordines ac primo-
res Diœcesis Monasteriensis: huic enim eo tempore parebat Wildes-
husium. Et quia funestum illud facinus absque eorum noticia vel
consensu peractum erat; id ei toties unâ cum aliis rebus impru-
dentissimè gestis objectârunt, ut ex tædio tandem anno 1532 Epi-
scopalem dignitatem abdicaverit, uti suo loco memorabitur.

Annus Christi 1530.

CLEMENTIS VII. Pontificis 7. & 8.

CAROLI V. Imperatoris 11. & 12.

ERIGI Episc. Paderb. & Osnabr. 22.

Carol' Im-
perator à
Pontifice
coronatur
Bononiæ,
die 24. Fe-
bruarii.
Spond. ad
hanc ann.
n. 1.
Palas. in
Aq. Austr.
Cornel. A-
grippa in
historia
hujus coro-
nat. & alii
passim.



EX congressu Bononiensi, de quo ad annum superiorem
egimus, volebat Cæsar cum Pontifice Romam profi-
cisci, ut ibidem in templo, orbis Christiani Principe,
veterum Imperatorum more coronaretur. At, quia
Ferdinandus frater ejus identidem exorabat, ut abruptis Italiæ cu-
ris maturaret iter in Germaniam; solennitas ista mutato consilio
peracta est Bononiæ in Basilica Petroniana. Ubi Clemens Ponti-
fex Carolo Imperatori suis ipse manibus coronam auream impo-
suit in festo S. Matthiæ Apostoli, quo die Cæsar huic mundo na-
tus, & ab eo Franciscus Galliarum Rex Ticinensi prælio ante quin-
quennium captus erat. Aderant solennissimæ huic festivitati Car-
dinales minimùm viginti, Episcopi & Archiepiscopi quinquagin-
ta tres, Legati Regum Franciæ, Angliæ, Scotiæ, Lusitaniæ, Hun-
gariæ, Bohemiæ, Poloniæ, Venerorum, Genuensium, Lucen-
sium, Senensium, & aliorum plurium: denique Comites, Prin-
cipes, Marchiones, Ducésque innumeri; quos inter eminebant Caro-

Carolus Sabaudiaë Dux, & Philippus Comes Palatinus Rheni, à Vienna priori anno contra Turcas defensa, celebris. De reliquo coronationis istius apparatu & splendore videri potest Cornelius Agrippa in libello peculiari, ea de re conscripto. Mihi satis est, brevissimis verbis dicere cum **Palatio*, coronationem hanc tanta cum maiestate peractam esse, *ut ab omni retro memoria nunquam ulla major illustriorque hominum multitudo, vel in celeberrimi triumphimaiestate, unius urbis mœnibus comprehensa fuerit.*

Postridie coronationis confirmavit Imperator omnia Mindensis Ecclesiæ privilegia, uti constat ex ejus diplomate, quod apud Pistorium **legitur*, signatumque est *Bononiæ, die vicesimâ quintâ mensis Februarii, anno Domini MDXXX.* Reliquis verò diebus consultatum est de concedenda Equitibus Rhodiis insula Melite: utpote quæ amissâ Rhodo ad prosequendum hujus Ordinis institutum peridonea erat, & castellis validissimis adversus omnes Turcarum incursus præmuniri poterat. Annuit & his petitis Imperator. Insulamque eam, quæ tunc ad Regnum Siciliae pertinebat, die vicesimâ quartâ Martii prædictis Equitibus perpetuò tenendam dedit eâ lege, ut sibi quidem nullis obsequiis militaribus obstricti essent: Singulis tamen annis sibi vel Proregi suo album Falconem penderent; & quoties novum Sicilia Regem acciperet, coram eo clientelaris fundi professionem aut recognitionem exhiberi facerent. Qua in re prudentissimus Imperator non attendit parvitatem censûs annui; sed utilitates maximas, quæ ex ea concessione sibi suisque successoribus enasci poterant. Nam ab his Equitibus, qui nunc Melitenses appellari solent, paulatim hæc insula tam firmis operibus communita est, ut jam orbis universus fateri debeat, Regno Siciliae non potuisse contra omnes Turcarum impetus murum firmiorem præstrui, quàm ubi Melita his Equitibus tradita, & ab iisdem insideri coepta est.

His peractis Imperator exeunte Martio recepit se in Germaniam, aperturus inibi comitia Augustana, à quibus & *Augustana Confessio* nomen infaustum obtinet. Advēnit illuc die decimâ quintâ Junii, magnis honorum exhibitionibus in itinere detentus. Et quia sequenti die commodum incidebat solenne festum, quod à *Corpore Christi* nomen habet; Joannem Saxonem & alios Luthero deditos iterum iterumque per diversos nuntios rogari fecit, ut Majestatem suam veteri more comitari velint in solenni supplicatione, quâ divinissimum illud Sacramentum adorari & circumferri solet. Id ubi obstinatis animis recusassent; postremò rursus ab iis postulavit, ut, si Christo Eucharistico id honoris exhibere nolint, saltem personæ suæ reverentiam non detrectent, sequanturque sese

T

ut

Ibidem confirmat privilegia Mindensis Ecclesiæ. **apud Pistor. to. 1. rer. germ. Meliten seu Maltam insulam confert Equitibus Rhodiis, qui nunc Melitenses dicti. Spond. ad hunc ann. n. 13. Baudrand. in Dictio- nario Geograph. V. Melita.*

Pridie Corporis Christi venit ad comitia Augustana. *Cochleus in actis Lutheri. Surius in comment. rer. gest. Pal. & alii.*

Et recusantibus Principibus Lutheranis, postmodum interest solenni processioni.
Cochlaus loc. cit.
Surius ibidem.
Spondan. ad hunc annum.
Pal & alii.

ut Dominum subditi, ut Cæsarem Vasalli vel clientes. Cum autem & hoc abnuerent, vehementer excanduit; propèque aberat, ut juberet omnes Protestantes ab his comitiis facessere, nisi id alii Principes amore pacis deprecati essent. Supplicatio nihilominus ad invidiam ipsorum solennitereducta est cum splendore & maiestate maxima. præcedebat urbis Clerus, & omnium Principum Nobilitas aulica ardentibus instructa cereis. Sequebantur Ferdinandi Regis & Caroli Imperatoris tubicines & æneatores, exquisito vestium ornatu fulgidi. Post hos ante Venerabile Sacramentum ibant seculares Principes, Comites, & urbium Principumque absentium Legati, cum facibus quadrifidis è cera candida. Thecam sanctissimi Sacramenti, quam vulgò *Monstrantiam* vocant, pientissimè deportabat Albertus Cardinalis & Archiepiscopus Moguntinus: quem à dextris deducebat Ferdinandus Archidux & Hungariæ Rex; à sinistris verò Joachimus Elector & Marchio Brandenburgicus. Umbellam sive *tendam*, sub qua Sanctissimum deferri solet, alternatim portabant seculares Principes. Cæsar autem ponè sequebatur in veste simplici ex nigro holoserico; ac tametsi ardentissimi calores essent, nudo semper ac detecto capite facem quadrifidam in manu gestans. Idem faciebant, qui post ipsum gradiebantur, Hermannus Archiepiscopus Coloniensis, Christophorus Archiepiscopus Bremensis, alique Prælati Ecclesiastici, Episcopi, Abbates, & Præpositi quàm plurimi, longo ordine comitantes.

Dein die 20 Junii, in primo congressu publico, exponit scopum & finem comitiorum.
Surius ibidem.

Spondan. n. 4. & 3.
Pal & alii.

In 2do congressu præsentatur ei confessio Augustana, aut. iidem

Post hæc die 20 Junii, in prima comitiorum sessione, Carolus Imperator congressuum habendorum causas per Fridericum Palatinum hoc modo breviter exposuit: *Videre se non sinè maximo dolore cordis, quàm funestis Religionum dissidiis lacerata sit Principum concordia: quâ deficiente, Christianorum potentia decreseat, Turcarum crescat. Venisse nunc post pacata Italie bella, ut antiquam animorum et fidei conjunctionem quàm primùm reparet: idèoque omnibus liberam potestatem facere, opinionem fidemque suam sessione proximâ in scripto proferendi. Curaturum se, ut ea probe examinetur: nec ambigere, quin et ipsi Principes unâ secum laboraturi sint, ut ea fidei ac doctrinarum diversitas feliciter extinguatur.* Quatriduo post in confesso proximo Joannes Elector Saxonicus epitomen doctrinæ suæ, quam deinde *Confessionem Augustanam* appellârunt, communi Principum Lutheranorum nomine Imperatori detulit: addiditque geminum exemplar, alterum latinè, alterum germanicè conscriptum, & subsignatum, non modò à se & filio suo Joanne Friderico; sed etiam à Georgio Marchione Brandenburgico ex linea Onolsbacensi, Ernesto & Francisco Ducibus Luneburgicis, Philippo Hassiæ Landgravio

gravio, Wolffgango Anhaltino, & quibusdam civitatibus Imperii. Accepit eam Cæsar pacato animo: tardèque simul & articulatè prælectam, Catholicis Doctoribus ad examinandum tradi, & ubicunque id opus fuerit, solidissimis argumentis refutari iussit. Quod cum ab his accuratè ordinatissimèque ad singulos Augustanæ Confessionis articulos fuisset præstitum; etiam responsio illa in comitiis prælecta, eaque Cæsaris & Catholicorum Principum approbatione excepta est, ut omnes unanimiter existimarent, responso tam firmo stari, & contra omnes novorum Doctorum objectiunculas acquiesci oportere. Proinde & ceteri Principes Lutherani humanissimè rogati sunt, ut ab antiqua Majorum suorum fide pedem non retraherent, neque refutationem istam cum suis apostatis communicarent, ne eorundem frivolis frigidisque oblocutionibus desiderata Ecclesiæ pax cum æterno Germaniæ damno proteletur. Sed, cum illi novarum doctrinarum dulcedine capti, & bonorum Ecclesiasticorum rapinis hilares, contumaciter id abnuerent; Cæsar offensus è comitiis abiit, & congressus eâ die sinè omni fructu dissolutus est.

Tentatæ quidem postmodum plures collationes privatæ, Catholicos inter & Lutheranos permissu Cæsaris institutæ: sed, ut Cæsar antè jam præviderat, effectu semper irritò, & nullius bonæ expectationis capace. Lutherani enim Principes referebant omnia ad suos præcones & novatores: ab his autem, ut apostatis & variorum Ordinum religiosorum desertoribus, quid boni & frugis sperari poterat? Quare tandem Imperator, cum vidisset, conniventiam bonisque verbis nihil penitus ad revocandam fidei concordiam profici, primùm Lutheranis Principibus per literas publicas indici iussit, *ut ante medium Aprilem sequentis anni sigillatim à se literis responsum dent, num in causa fidei concordare velint cum Cæsare et aliis Principibus Catholicis; an verò non*: Deinde cum iisdem Principibus Catholicis, quales adhuc erant Electores omnes excepto Saxone, generali decreto sanxit, *ut omnes in avita Majorum suorum fide constantissimè persistant*. Postremò etiam Electores omnes exeunte hoc anno Coloniam convenire iussit, ut ibidem consulerent inter se de eligendo Romanorum Rege, qui se absente gubernaret, & rerum agendarum curam vicariam gereret.

Interea, non expectato comitorum Augustensium exitu, plures Westphaliæ civitates, maximèque Minda & Herivordia, à diversis apostatis ad Lutherana dogmata seductæ sunt. Minden. ses pervertit Nicolaus Cragius, *homo petulans, dissolutus**, præceps, & uti ab ipsomet Hamelmanno describitur, ad seditiones turbasque pronus. Is, cum à civibus defuncto Francisco Episcopo in urbem

Hæc deinde à Catholicis refutatur; & ejus refutatio approbatur à plerisque, aut iisdem Helvic. in theat. hist. univ.

Lutheranis Principibus præfinitur tempus de-liberandi. Cochlaus in actis Lutheri. Spond. hic n. 8. Electores invitantur Coloniam ad electionem novi Regis Romanorum.

Doctrina Lutherana per seditionem introducit Mindæ. Chyrr. l. 12 Saxon.

* Hamelm. in hist. ren. Evang. in urbe Minden.

admissus fuit, repentinâ factione plebis nunc in hanc, nunc in istam Ecclesiam parochialem irruit; ibique *animosâ audaciâ suâ* cum stentoreis clamoribus ita detonuit in Catholicos, ut Canonici monachique omnes, efferatæ plebis injurias veriti, urbem relinquere, domosque & monasteria sua seditionis direptioni permittere, coacti fuerint. Neque huic malo subvenire potuit defuncti Episcopi successor Franciscus Waldecensis; quia vires illi nervusque decrant, quibus urbem rebellem frangeret. Similiter & Herivordienfes ad defectionem incitavit Joannes Dreyerus Augustiniani Ordinis desertor: quo auctore ferè omnes monachi tam in Augustiniano, quàm in Franciscano cœnobio cuculum exuere. His autem incentoribus confestim omnia Catholicorum sacra sus deque versa, Joannes Dreyerus in Parochiam veteris urbis intrusus, Joannes Blombergius itidem desertor monachus parochiali Ecclesiæ novæ urbis impositus, monasteriorum bona in scholarum usus conversa, multæque aliæ novationes per tumultum & audaciam popularem factæ. Opposuit se quidem his tumultibus Illustrissima Princeps Abbatisa; &, quia sola par non erat iisdem refrenandis, etiam sequenti anno imploravit opem Erici Episcopi nostri, tanquam Antistitis Diocesani. Sed cùm Ericus eo tempore jam laboraret in obtinendo Episcopatu Monasteriensi, & eo vix adepto viam universæ carnis ingressus fuerit (utî suo loco referetur) singulare nihil contra novatores istos & iniqua ipsorum ausa effectum est.

Neque hîc finis fuit Lutheranorum tumultuum in Westphalia. Nam & Lipstadienses hoc anno vetera Catholicorum sacra sustulerunt adhortantibus Augustiniani cœnobii monachis, Joanne Westermanno, & Hermanno Kothenio apostatis, de quibus jam supra actum est ad annum 1527. Cùmque eorum conatui se opponerent Consules & Senatores aliqui; eosdem seditione populari ab officio dimoverunt, successis in eorum locum viris aliis, doctrinæ suæ adhærentibus. Acerrimè quidem ea de re moniti ac reprehensi sunt à Joanne Cliviorum Duce, & Simone Comite Lippiensi: quorum uterque pro dimidia parte hujus urbis Imperium obtinebat. Sed, quia ab his iterum iterumque jussi non paruerunt; tandem prædicti Domini cum auxilio vicinorum Principum, rebellem urbem incluserunt, severissimo simul præcepto edito, ne quis ex omnibus pagis locisque proximis obsonii aut frumentorum quidpiam in hanc urbem importaret. Id quod anno sequente factum esse, contra opinionem Hamelmanni clarissimè testatur Kerfsenbrochius, ita scribens: *Anno 1531 ob religionis innovationem civitati Lippiensi, auctoritate Episcoporum, Colonienfis, Mo-*

Et Lipstadii
Flamelm.
in hist. Ev.
ren.

Kleinsorg.
in hist. mf.

Lipstadium
à Duce Clivienfi &
Comite
Lippiensi
circumval-
latur anno
sequenti.

*Kerfsenb.
in hist. a.
nabapt. sub
initium c. 9.
chron. Tre-
mon. mf. ad
ann. 1531.

Monasteriensis, Paderbornensis, Osnabrugensis, nec non Principis Juliacensis et Comitis Lippiaci, itineribus publicis circumquaque obsessis, commeatus praecluditur. Sensere tunc rebelles incolae, quam severus urbium domitor & expugnator sit quotidiani panis & ciborum defectus. Hoc enim ab hoste victi, in festo Assumptae Virginis, post diuturnam inedia refractaria colla subdiderunt, vitam suam fortunaeque omnes Dominorum suorum arbitrio* ac discretionis permittentes. Ingressi mox urbem Clivensis & Lippiensis, cum aliis quibusdam Dominis & magnis equitum peditumque turmis. Conquisiti postridie Lutheranorum dogmatum seminatores monachi, postulati seditionum ac tumultuum Duces, Westermannus cum Kothenio & omnibus Evangelii novi praekonibus ab urbe pulsi, refractarii cives diversis poenis ac suppliciis castigati, postremo etiam (ut contra Hamelmannum scribit Kleinsorgius) Magistratus populusque Lipstadiensis polliceri debuit, se in posterum ab omni rerum novandarum studio abstinenturos esse.

Lipstadium capitur, seductores expelluntur, cives promittunt se mansuros in fide Catholica. *Kleinsorg. in hist. ms. Hamelm. in hist. Ev. *germanice auff gnade uft ungnade.*

Faciliori negotio compressa est Lutheranorum seditio in urbe Lemgovia. Nam & eam hoc anno ad Lutherum descivisse, memorat Chytræus, ita* scribens: *Lemgovia in Westphalia, invito Comite Simone, recepta est sincerior Evangelii doctrina, et ad Brunsvicensis Ecclesiae formam ritus instituti sunt.* Auctor hujus novationis & consequentium turbarum fuit Liborius* Rudolphi, è Paderbornensi Minoritarum coenobio Sacerdos profugus: ab hoc enim apostatarum & hominum uxeriorum genere ubique passim in urbibus pulsata sunt prima rebellionis tympana. Is, ubi aliquoties auditus esset in quodam urbis istius angulo, favore plebis insolenter ausus est Mauritium Piderit Pastorem Catholicum non solum ex aede primaria S. Nicolai in urbe veteri; sed etiam è templo S. Joannis in urbe nova, per tumultum ejicere: uti docent ejusdem ejecti literae, Paderbornam scriptae, & hoc modo* subnotatae: *Mauritius Piderit, Pastor nomine tantum apud Lemgenses.* Neque stetit hic plebis insanæ furor. Cum enim Consules & Senatores hunc tumultum premere, & Mauritium restituere niterentur; novis illa motibus agitata, integerrimos hosce viros ab officio movit, in urbis curia diu constrictos tenuit, ac deinde tot ærumnis pressit & afflixit, ut urbe demum excedere, novoque Magistratui per seditionem obtruso, locum dare coacti fuerint. Qua de re Kleinsorgius, rerum in sua patria gestarum praeteris gnarus, ita ad hunc* annum scribit: *Postquam Herivordia Joannes Dreyerus et alii Lutheranam fidem introduxere, etiam Lemgovia in patriam plebi libuit, contra voluntatem ac prohibitionem Ordinarii sui, Episcopi Paderbornensis, uti etiam Domini sui Simonis Comitis de Lippia, veterumque Consulum ac*

Lemgovia urbs in Comitatu Lippiensi per seditionem publicam recipit Lutheri dogmata.

**Chytræus l. 13. Saxon. *Hamelmann. in hist. Ev. ren. in urbe Lemg.*

**Litera Pideritii ad archidiaconum in archiv. Cath. Eccl. Paderb.*

**Kleinsorg. in hist. ms.*

Sena-

Sed paulò
pòst aucto-
ritate Co-
mitis Lip-
piensis, &
Erici Episc.
Paderborn.
ad fidem
Catholicæ
reducitur.
Kleinsorg.
in hist. ms.

Franciscus
Galliæ Rex
filios suos
recipit à
Carolo Cæ-
sare, & so-
rorem ejus
Eleonoram
ducit ux-
orem.
Spond. hic
n. 12.

Surius in
comment.
rer. gest.
Haraus in
ann. Brab.
Florentia
urbis Italiæ
Cæsarea-
nis deditur
Medicæi
restituun-
tur, Ale-
xander Me-
dicæus fit
postea ma-
gnus He-
truriæ Dux;
Haraus in
ann. brab.
Surius,
Spond. Pal.
& alii.

*Senatum urbis, novationem similem vehementi seditione et magnis in-
temperiis aggredi. Quo in tumultu veteres Consules, nimirum Chri-
stianus Kleinsorgius avus meus, et Conradus Flörcken senior, alique
viri senatorii ordinis, à plebe diu in urbis curia conclusi, atque in eas
angustias deducti sunt, ut urbem derelinquere necessum fuerit. Horum
loco plebejrum vulgus alios Consules et Senatores factioni suæ deditos intru-
sit, quemadmodum hac et similia seditiosa gesta à multis viris senibus ac-
cepi.* Gravissimè offendeat hoc facinus non modò Simonem Co-
mitem, sed etiam Ericum Antistitem nostrum: & uterque, veluti
jam animo destinatum erat, in urbem ream severiùs animadver-
tisset, nisi Nobilium virorum aliqui amborum voluntates ad mi-
tiora consilia revocassent. Horum interventione Lemgovienſes
tandem eò redacti sunt, ut Antistiti Comitique suo datâ fide pol-
liciti fuerint, se in posterum ab hujusmodi novationibus abstitu-
ros, & in antiquis Ecclesiæ Catholicæ ritibus perstituros esse. Ità
amborum jussu revocati in urbem fugitivi Consules, restitutus Ca-
tholicorum sacrorum ordo, & reductus in parochiam suam Pide-
ritius: qui tamen haud multò pòst, Erico Episcopo è vivis evoca-
to, Lutheranism Evangelium amplexus est, & aliorum apostata-
rum more uxorem duxit.

Satis hæc de istis novationibus. Nunc breviter addamus ea,
quæ supersunt de rebus Gallicis & Italicis. Ineunte Junio Fran-
ciscus Galliæ Rex ab Imperatore Carolo recepit obsides filios suos
Franciscum & Henricum: eodémque tempore simul advenit Eleo-
nora Cæsaris soror, & Regis futura conjux. Magnis lætitiis ex-
cepti omnes à toto populo, maximèque ab ipso Rege, qui ab ur-
be Burdigala iisdem obviàm progressus est, paulòque pòst Eleo-
noram sibi conjungi & coronari fecit. In Italia die 11 Augusti
Florentina civitas, posteaquam Cæsareanis ab Octobri superioris
anni pertinacissimè restitisset, ex inopia quotidiani victûs eorun-
dem potestati se dedit. Quo eventu Medicæi protinus ad hono-
res pristinos revocati: nec multò pòst etiam Alexander Medicæus
à Cæsare dictus & pronuntiatus est *Magnus Hetruriæ Dux*, acceptâ
in Conjugem * Margaretâ ejusdem Imperatoris filiâ, quam hic an-
te matrimonium genuerat ex Margareta Vangestia.

Annus Christi 1531.

CLEMENTIS VII. Pontificis 8. & 9.

CAROLI V. Imperatoris 12. & 13.

ERICI Episc. Paderb. & Osnabr. 23.

Imperator è comitiis Augustanis Coloniam attigit in festo S. Tho-
mæ Apostoli: nec multò pòst etiam omnes Electores ibidem
ad-

adfuere, excepto solo Joanne Saxone. Qui, licet ad electionem novi Regis humanissime invitatus esset, non solum obstinate se subduxit; sed & suo & aliorum Principum Lutheranorum nomine* per Joannem Fridericum filium suum vehementer expostulavit: *Electorem hanc juxta Bullam auream non posse alio in loco fieri, quam Francofurti; ideoque inanem et irritam fore, si secus fieret.* At huic facile respondit* Cæsar: *Carolus IV. ita olim statuisse, cum Imperium totum adhuc probe Catholicum esset; nec prævidisse modernorum temporum novationes. Francofurti jam abrogata esse Catholicorum sacra, quibus ipse et ceteri Electores addicti sint excepto Saxone: urbem verò Coloniam in Catholica fide etiamnum permanere, adeoque se et reliquos Electores ibi melius pietati suæ et rebus Divinis vacare posse.* Deinde in primo septemvirorum congressu prudentissimus Imperator novæ hujus electionis causam eleganter exposuit* in hunc ferè modum: *constare omnibus, quàm periculoso in statu jam constituta sint res Germanica; non modò ob exorta Religionum dissidia; sed etiam ob immensam Solimanni potentiam, Germanorum cervicibus impendentem. Se quidem pro suis viribus laboraturum, ne quid mali vel à Turcis vel à Principibus Lutheranis accidat. Sed, cum et aliis compluribus Regnis à se invicem longè disjunctis imperet, ideoque in Germania præsto esse non semper queat; indigere se Coadjutore aliquo seu Romanorum Rege, qui se absente curam imperii gerat, qui à suis consiliis non dissentiat, qui potentia valeat, concordiam querat, et omnia Cæsaris præcepta majori cum auctoritate vel efficacia queat perurgere. Huic autem gerendo muneri neminem sibi magis idoneum videri, quàm Ferdinandum fratrem, Archiducem Austria, et Hungaria Bohemiaque Regem: quippe qui præter insignem potentiam singulari simul industriâ polleat; et quod omnium caput est, etiam unitate vel concordia animorum à se minimè disjunctus sit.* Censuere statim Electores, petitionem hanc rationibus gravissimis nixam esse: jam enim satis didicerant ab annis pluribus, quantum ipsis nocuerit absentia capitis. Ideoque non attentâ Saxonis oppositione, sua vota contulerunt in Ferdinandum, qui ibidem pridie Epiphaniæ Romanorum Rex electus, & Aquisgrani undecimâ die Januarii solennissime coronatus est.

Interea quoque Lutherani Principes agebant sua conventicula, maximè verò Smalcaldia: ubi sub exitum anni superioris, die vicesimâ secundâ Decembris, percussum est famosissimum foedus illud Smalcaldicum, quod abhinc gravissimorum bellorum focus & follis fuit. Subscripserunt ei Joannes Dux & Elector Saxoniae, Joannes Fridericus ejusdem Electoris filius, Georgius Marchio Brandenburgicus ex linea Onolsbacensi, Ernestus & Franciscus Duces Luneburgici, Philippus Hassiæ Landgravius, Wolfgangus Prin-

Ferdinandus Caroli Imperatoris frater, Coloniae eligitur Romanorum Rex & coronatur Aquisgrani, frustra contradicente Saxone,

* Helvicus in theat. hist. univ. Palat. in Aq. Austr. & alii.

* Palat. in Aq. Austr. Spond. hic n. 1.

Spangenberg. in chron. Mansf. * Auctores iidem.

Fœdus Smalcaldicum in fine superioris anni percussum, & hoc anno confirmatum.

Helvicus in theat. hist.

Palat. in Aq. Austr. Spangenberg. in chron. Mansf. Sur. & alii.

Princeps Anhaltinus, Gebhardus & Albertus Comites de Mansfeld: qui omnes vi istius foederis quàm arctissimè se invicem obstrinxerunt, ad se suàmque Religionem contra invasores quoslibet omnium bonorum suorum impendio defendendam. Idem foedus hoc anno rursus ab iisdem Principibus confirmatum est, primò Smalcaldiae exeunte Martio, ac deinde Francofurti mense Junio: quibus in locis etiam urbes non-paucae foederi Smalcaldico se conjunxere. Quòd autem suprà dicti Principes etiam contra Ferdinandi electionem se opponere, neque eum in litteris publicis Romanorum Regem appellari vel agnosci vellent; id ab urbi-
** Helvici, & Sur. cit.* um Legatis* reprobatum est. Inquiebant enim, *sibi satis esse, pro suarum conscientiarum et Religionis libertate stare: hanc si obtinerent, se penitus acquiescere; nec opera pretium arbitrari, ut electionis impugnanda causâ inutilibus jurgiis et gravissimorum bellorum periculo se involvant.*

Zwingliani in Helvetia maxis mopere affligunt pagos vel cantones Catholicos. Cochleus in actis Lutheri. Surius in comment. rer. gest. Spond. hic n. 6. Helvicus in theat. hist. Catholicici indicunt bellum Zwinglianis, etiam si potentioribus. auct. iidem Prima Zwinglianorum clades, in qua Zwinglius à Catholicis capitur & comburitur auct. iidem Secunda clades.

Longè atrociùs hoc anno contra Catholicos insurrexere Zwingliani in Helvetia, maximèque Bernatenses ac Tigurini. Hi, cum essent pagorum omnium Helveticorum potentissimi, diu graviter divexaverant quinque alios pagos vel cantones probè Catholicos, nimirum Lucernenses, Urienses, Svitientes, Tugientes, & Unterwaldios vel subsilvanos. Dissimilârunt id primùm Catholici, quòd potentiâ & viribus inferiores essent: postremò tamen, cum adversariorum injuriæ supra modum crescerent; quarto nonas Octobris bellum ipsis indixere, solenniter contestati, se ad pugnam cogi, ideòque eventum ejus Domino Deo commendare. Præcipua eorum arma fuerunt pietas & oratio. Præterquam enim, quòd in suis castris quotidie flexis genibus interessent sacrificio Divino; etiam octodecim viduas constituerant, quæ durante bello in Ecclesia Mariana Einsidelenensis monasterii, alternatis diu noctûque precibus, pro felici expeditione Deum exorarent. Neque fefellit eos tam sancta spes, in Deo posita. Nam intrâ spatium unius mensis Bernatenses, Tigurinos, & quidquid aliorum Zwinglianorum erat, faustissimis quinque præliis ità obtriverunt, ut hi ab ipsis pacem petere coacti fuerint. In primo prælio, die undecimâ Octobris contra Tigurinos gesto, capta sunt eorum tormenta omnia, plùs quàm viginti; cæsi verò mille quingenti, interque eos unus Abbas apostata, duo Canonici Tigurini, & ipsèmet hæresiarcha Zwinglius adhuc semivivus, qui & impoenitens in ignes missus, & ultricibus flammis combustus est. In secundo prælio, die decimâ septimâ Octobris habito, rursus Catholici victores effecti sunt, & è Zwinglianorum exercitu septingenti in arena strati, quingenti in vicino fluvio submersi, reliqui omnes in indecorem fugam præcipitati sunt. In tertio prælio, quod com-

commisſum eſt die vicesimâ quartâ Octobris, Tigurini & Berna- Item tertia.
 tenſes evocatis in auxilium Schaffhuſanis, Baſileenſibus, & Müll-
 huſanis, volebant Catholicos longè pauciores per noctem clàm
 obruere. Hi autem re intellectâ (ſuperinjectis, ut ſe invicem in-
 ternoscerent, albis interulis) hoſtem intrepidè præſtolati ſunt;
 eumque Deo adjuvante tam feliciter devicerunt, ut è Zwinglianis
 iterum ſex millia virorum fortium amiſſa fuerint. In quarto præ-
 lio, die trigeſimâ primâ Octobris, Catholici rurfus Tigurinorum ^{Quarta.}
 caſtra per noctem adorti ſunt, & ejusmodi victoriam ab iis retulê-
 re, ut occiſis quinque millibus, reliqui vel in acie capti, vel in
 fugam averſi ſint. Tum verò Zwingliani, velut averſilibus fu-
 riis agitati, omnem iracundiam ſuam effudêre contra Eccleſiam
 ſtatuumque Marianam Einſidelenſis monaſterii, ubi hætenus pro
 Catholicis tam feliciter oratum & exoratum erat. Miſerant illuc ^{Et quinta.}
 pagi ſeu *Cantones* Catholici imbellem populi multitudinem, ni- ^{auſt. iidem}
 mirum ſenes, pueros, & feminas, ut ſupplicatione publicâ, vel
 Deo pro obtentis victoriis gratias agerent; vel, ſi ulterius pugna-
 re neceſſum fuerit, novas à Deo laureas ac triumphos peterent. Id
 cum ægerrimè ferrent Zwingliani, collegerunt ocyùs novum exer-
 citum; eumque adduxerunt verſus oppidum Einſidelenſe, ut illo
 capto, monaſterii templum diruerent, & miraculoſam Beatæ Vir-
 ginis imaginem funeſtis ignibus concremarent. Sed quis unquam
 adverſus huiusmodi imagines impunè ſæviit? Sanè Catholici, quàm
 primùm id ſubodorati ſunt, continuò rurfus adverſum eos in bel-
 lum proceſſere: & in planitie vicini montis per noctem obrutos
 tam inſigni plagâ percufferunt, ut occiſis hæreticorum quinque
 millibus, etiam quatuor majora labara (quorum unum Tiguri-
 norum, alterum Baſileenſium, tertium Schaffhuſiorum, & quar-
 tum Müllhuſenſium fuiſſe dicitur) in poteſtatem victorum vene-
 rint. Quare tandem Zwingliani, Deum pro Catholicis pugna-
 re docti, perpetuam cum iis pacem iniêre: & ex eo tempore quin-
 que illi pagi vel *Cantones* in Catholica Fide uſque ad hodierna tem-
 pora conſtanter perſtiterunt.

Nondum huiusmodi bella contra Catholicos movebantur à ^{Suſatum}
 Lutheranis: hi tamen in ſocietatem ſuarum novationum identi- ^{hoc anno}
 dem attrahebant alias atque alias urbes; quas inter & hoc anno ^{per tumultus publi-}
 fuit Suſatum in Weſtphalia. Primus ibi Lutheranum Evangelium ^{cos doctrin-}
 prædicare cœperat Joannes Kelbergius in æde S. Pauli ſacerdos: ^{nam Luthere-}
 cui propediem ſe adjunxêre tres apoſtata monachi, Thomas ^{pir.}
 Broickwius, Joannes Frye, & qui omnium audaciſſimus erat, Jo- ^{Hamelm.}
 annes Campius. Hic, ut aliquantiſper in privatis conventiculis ^{in hiſt. Ev.}
 plebem ſeduxerat; ejusdem favore & annutu die vicesimâ primâ ^{ren}
 De- ^{weſthoff.}

U

De-

in chron. Decembris, infesto S. Thomæ Apostoli, contra voluntatem con-
Trem. ms cionatoris Catholici proslivit in suggestum: simulque, ut erat vir
Daniel su- linguâ promptus, audacissimâ eloquentiâ suâ vehementer deto-
sasensis in nuit in Pontificem, in Cardinales, in Clerum & monachos, in
libello ipsum denique Magistratum Susatensem adhuc probè Catholicum.
Rhythmico. Finitâ concione jubet Magistratus comprehendi hominem seditio-
sum, & in urbis curia de calumniis in Ecclesia sparsis responde-
re. At obsistit furiosa plebs: concitòque tumultu publico pul-
satur feralis campana, accurrit in forum populus, irrumpunt in
curiam cives, duosque Consules, Joannem Gropperum & Alber-
tum Grevonium, unâ cum aliis quinque Senatoribus in carcerem
turrésque protrahunt. Itâ plebs, jam urbis Imperio potita, no-
vat omnia pro suo & præconum Lutheranorum libitu: paulòque
post complures flagitiosi transfugæque monachi, velut corvi ad
cadaver, Susatum confluunt. Ex horum numero primus in ur-
be *superintendens* (utî nominant) constitutus est Joannes de Briÿn:
eidem coadjutor assignatus Joannes Campius: in Ecclesia S. Pauli
relictus Joannes Kelbergius: in parochiam S. Thomæ introductus
Joannes Frye, in ædem S. Georgii Joannes Molnerus, in templum
B. MARIE Virginis Thomas Broickwius, in alias Ecclesias & Sa-
cella Joannes Sinckhusius, Jacobus Iserlonius, Henricus Velthu-
sius, & alii id genus plures. Quinam autem & quales viri illi?
Nonne omnes apostatæ & homines flagitiosi? Joannes de Briÿn,
Franciscani Ordinis desertor, matrimonio conjunctus erat cum
sanctimoniali, quam in Flandria vitiaverat; fuitque simul tamar-
rogans & libidini avaritiæque deditus, ut idcirco ab ipsismet Su-
satensibus postmodum ejectus, & solum vertere coactus fuerit.
Joannes Campius ejusdem Ordinis desertor, adhærebat magis do-
ctrinæ Zwinglii, quàm Lutheri; eratque simul homo impius, &
præter corruptarum virginum sacrilegia, etiam adulteriis furtisq;
infamis. Joannes Molnerus, ex oppido Bürano genitus (quem
Hamelmannus * *primum Paderborne, postea Susati, fidelissimè et inno-*
centissimè Evangelium docuisse jactitat) scelerum suorum causâ Pader-
bornâ Susatum fugiens; feminam aliquam, necato clam ejus ma-
rito, secum abduxit; cæque nondum satiatus, aliarum quoque
mulierum libidinibus pecuino more se commiscuit. Thomas
Broickwius Osnabrugensis, unâ seductâ monachâ non contentus,
usque adeò se immergit luxuriæ, ut etiam post ipsa templi altaria
maritatae feminæ vim intulerit. Ceteri iisdem penè flagitiis con-
taminati, omnesque ex malis monachis aut sacerdotibus pejores
mariti, quemadmodum singulos rectissimè descripsit author ca-
tholicus & horum omnium inspector in libello Rhythmico, qui

*Primorum
Præconum
Susatensium
profligatis-
sima vita.
Daniel Su-
sasensis loc.
cit.*

*Hamelm.
in Hist. E-
vangelii
renati.
Huxar.
pag. 1087.*

Da-

Danielis Susatensis titulo circumfertur. Hi nimirum sunt viri isti à Spiritu sancto illuminati, qui veram Evangelicæ doctrinæ lucem Susato intulêre! His instrumentis Deus usus est, ut nobilissimam urbem hanc ad Apostolicæ fidei puritatem revocaret!

Similes tumultus hoc anno cudebantur Monasterii in Westphalia, auctore Bernardo Rotman, qui è Sacerdote catholico primum factus est præco Lutheranus, deinde Zwinglianus, demum etiam Anabaptista & Joannis Leidenensis adjutor pessimus, uti suo loco demonstrabitur. Natus hic erat Stadtlonæ in dioecesi Monasteriensi, patre fabro ferrario: literasque humaniores didicerat Monasterii, philosophiam verò Moguntiae, sustentatus illic ex misericordia piorum hominum. Inde redux Monasterium, recepit se ad consanguineum suum Hermannum Sibingium, Collegii Mauritanii extra muros Vicarium: cujus operâ Sacellanus ibidem factus, primum catholicè docuit; postea verò Lutheri doctrinam, nescio quibus è libellis haustam, plebejis auribus instillavit. Id cum viderent boni Canonici, numerato unius anni stipendio miserunt eum Coloniam Agrippinam, ut ibidem in academia probè catholica theologicis doctrinis melius imbueretur. At ille quorundam civium consilio pro Colonia Wittenbergam ivit; auditoque istic Luthero & Melanchthone, etiam ad alias nonnullas urbes Zwinglianis erroribus imbutas abiit. Pejor itaque reversus, quàm antè fuerat, coepit iterum audentiùs in silvam antiquam ruere, bona opera vituperare, Ecclesiae præcepta contemnere, Evangelicam libertatem efferre, monachorum & clericorum vitam fugillare, eaque agendi & carpendi licentiâ tam ingentem populi multitudinem ex urbe tota ad suas conciones trahere, ut Ecclesiae Mauritanæ brevis numerosum auditorem non caperet. Ea res cum in apertam seditionem vergeret, neque ullus esset, qui infranti hominis insolentiam coërceret (Episcopus enim languidiùs agebat omnia, & Canonici nihil audebant propter comminationes infrænis populi) tandem à majori Capitulo aliisque viris primariis recursum est ad Carolum Imperatorem Bruxellis in Belgio commorantem. Et ille, ut erat catholicæ religionis propugnator acerrimus, continuo severissimè jussit Rotmannum ex Mauritiana cathedra submoveri; quemadmodum edocemur ex hisce literis ad Episcopum Senatûque Monasteriensem datis.

Carolus, Dei gratiâ Romanorum Imperator. Multum venerande Praesul ac Princeps, dilecti piique Domini. Certâ ad nos fide perlatus est, impiam proscriptamque à nobis Lutheri doctrinam apud vos in Collegii Mauritanii templo, quod est in suburbio, palàm profeminari, atque inde per urbem et Episcopatum latius diffundi. Quod equidem cum

Bernardus Rotman apostata pervertit cives Monasterienses. Ejusdem patriæ natales, & studia. Kerssenb. in hist. anabapt. mss. ad hunc annum.

Carolus Imperator jubet Rotmannum ejici. Schaten in collectan.

fit contra Imperii decreta, atque ea, quæ in proximis comitiis Augusta tam severis legibus cauta sunt, ne quis aut Lutheri hæresin, aut alias quascunque perditrices sectas, aut quoslibet errorum magistros publicè ferat, quibus populus ab avita Majorum nostrorum religione abducitur: tum minùs id à vobis permitti oportuit, quòd non ità pridem Consules et Magistratus Monasteriensis à nobis per literas moniti, et peculiari decreto* illud, anno prohibiti sint, ne quam hæresi libertatem facerent. Interea verò nonnulli 1530 die 9. præcones hæresis, et cum primis Rotmannus Vicarius ad S. Mauritium Augusti e- sacerdos, homo factiosus, palàm receptus est, permixtusque turbulentis suis declamationibus plebem per speciem Evangelii pervertere, mentes sa- Augustanis erilegis erroribus implicare, Religionem Catholicam juxta ac Rempubli- vide apud cam conturbare. Non id unquam speraveramus futurum: alia nobis de Kerfsenbr. Magistratùs Monasteriensis fide et sollicitudine polliciti, quando pro Im- in hist. perii decretis et obedientia erga Cæsarem par erat ejusmodi sacrilegos præ- anabapt. cones, cum damnata jam dudum Lutheri hæresi, cõercere et proscribere. Jam quidem Magistratus Monasteriensis læsæ Majestatis reus, nobisq; ad pœnas obnoxius est: sed monitione denuo, quàm severitate, priùs uti placuit. Quapropter à te, venerande Præsul, reposcimus, ut secundam Imperii statuta et leges, contra hujusmodi falsos præcones, et cum primis contra Rotmannum agas, quo compressis aut submotis turbatoribus, populus in avita Catholica Religione conservetur. Id sin minùs per te et eos fiat, Cæsaris erit in vos animadvertere. Hæc verbis significamus, et pro munere ac imperio nostro à vobis præstari volumus. Bruxellis die 28 Decembris, anno 1531.

Rotmannus, à facellana tu Mauri- tiano amo- tus, clancu- lum se rece- pit in urbē ad suos a- micos. Kerfsenbr. in hist. ms. anabapt. Monast. Fridericus Ep. Monast. cum Erico Episcopo Paderb. & Osnabr. transigit de Episcopatu suo dimittendo. *chron. of- nabr. ms. *Chytraus l. 13. Saxon. ad annum 1532.

Acceptis hîsce literis Fridericus Episcopus, nihil ampliùs con- nivendum vel cunctandum videns, per Satrapam Wolbecensem Rotmanno cathedram interdicit, simulque omnem apud Mauri- tianos agendi & commorandi securitatem de mandato Imperato- ris adimit. Quo nuntio perculsus, clanculum se recepit in ædes aliquorum civium factioni suæ adhærentium; ibique ea fabrica- vit in occulto, quæ sub initium sequentis anni in apertam seditio- nem erupere. Debuerat & hæsc latebras impedire deses Episco- pus; hominẽque perniciosissimum non solum è suburbio, sed etiam ex urbe ac Dioecesi tota protinus excludere, ne grex totus ovium ipsi commissus unius scabie & porrigine caderet. At ille, cum semper aliàs fuisset rerum sacrarum negligens, tum verò magis eo tempore: quippe qui per Autumnum præsentis an- ni cum Erico Episcopo nostro jam convenerat de Episcopatu suo in favorem hujus dimittendo. Congressus amborum Antistitum eâ de re celebratus est in arce Iburgensi, die* vicesimâ primâ Sep- tembris. Ubi in præsentia Legatorum Capituli Monasteriensis conclusum fuit, ut Fridericus Episcopatu suo sponte decederet, reser- vatâ

vatâ pensione quatuor millium aureorum Rbenensium: è quibus duo millia quot annis persolvantur ex Monasteriensi arario Camera; reliqua verò duo millia eo tempore, quo renuntiatio fieret, ab Erico statim redimantur viginti millibus aureorum presentis pecunie.*

Quæ tam ampla nummorum summa cum non illico ad manum esset, renuntiatio ista usque in Martium sequentis anni procrastinata est: interimq; Ericus Episcopus nummos istos ex Osnabrugensi & Paderbornensi Dioecesi coacervavit, eo subditorum suorum fremitu & indignatione, ut homines vulgò * dicerent, quòd *Osnabrugenses et Paderbornenses Monasteriensem Episcopatum emerint.*

Cetera, quæ hoc anno apud nos & in vicinis Dioecesibus contigisse legimus, breviter sic refero. Die vicesimâ septimâ Februarii, quæ tunc erat *feria 2da post Dominicam* * *invocavit*, Joannes Kerckman, falsator monetarum, unâ cum famulo suo Osnabrugensi in foro publico, propter falsarios obulos Erfurteneses in ardenti cacabo vel aheno coctus est. Die octavâ Aprilis, pridie Paschatis, ibidem Lambertus Flemming vir senex propter procusos nummos Geldricos, quos eo tempore *Schnapphahnios* * appellabant, eodem supplicio vitam infaustam finiit. *Feriâ quintâ ante Servatis Episcopi*, quæ tunc erat undecima dies Maji, pagus Põmbesen prope Niehemium in Dioecesi nostra funesto incendio consumptus periit. Die vicesimâ nonâ Maji, postridie Pentecostes, Balthasar Merckelius Episcopus Hildesienfis, cum ab urbe Treviris proficisci & equum incendere vellet, apoplexiâ tactus exspiravit, & ibidem in tergemina S. Simeonis Ecclesia terræ mandatus est, vir Episcopatu Hildesino plurimum profuturus, dummodo Superiorem ei vitam indulgissent. Successit illi Otto Comes de Schawenburg, antea Hildesienfis Ecclesiæ Præpositus, qui tamen post annos paucos matrimonium Episcopatu prætulit, uti suo loco memorabitur. Denique die decimâ quartâ Augusti, pridie Assumptæ in cælum Virginis, apud nos versùs Occidentem apparere coepit cometa novus, caudam erectam habens, & in nostro horizonte visus per dies quindecim; uti in diario suorum temporum annotavit Henricus Abbas in Marienmünster, vir egregius, & qui historiam nostram variis in locis non parùm illustraturus est.

* *Chytraus ibidem.*

* *Chron. Osnabr. ms. Falsatores monetarum Osnabrugensi in ardenti aheno coquantur. Chron. Osnabr. ms.*

* *vulgò Schnapphahnien. Pagus Põmbesen exurit. Henricus Abbas Marienmünster. in diario suorum tempor. Balthasar Merckelius Hildesienfis Episcopus moritur; cui succedit Otto Comes de Schawenburg. Chytraus l. 13. Saxon. ad hunc annum. Brusch. in Catal. Ep. Hild. Cometa per dies 15 apparens mensis Aug.*

An-

Annus Christi 1532.

CLEMENTIS VII. Pontificis 9. & 10.

CAROLI V. Imperatoris 13. & 14.

ERICI Episc. Paderb. & Osnabr. 24. & ultimus.

Carolus Im-
perator co-
mitia cele-
brat Ratis-
bonæ.

Spond. ad
hunc ann.

n. 1.

Cochlaus
in actis Lu-
theri.

Sarius in
comment.
rer. gest.



Alius con-
gressus No-
rimbergæ:
in quo Cæ-
sar metu
Solimanni
cogitur
permittere
Protestan-
tibus, ut
quisque in
sua religio-
ne maneat
usque ad
futurum
concilium.
Spond. loc.
cit.

Helvicus
in theatr.

hist. univ.

Soister. l. 2.

de bello

Pannon.

Sarius,

Pal & alii.

Coronatione sui fratris Ferdinandi Romanorum Re-
gis Carolus Imperator toto anno superiore mansit in
Belgio; ibique nihil sollicitius in curis habuit, quàm
ut Principum Lutheranorum conspirationes pruden-
ti consilio dissiparet. Eo fine rursus omnes Imperii Proceres con-
scribi fecit ad comitia, mense Martio præsentis anni Ratisbonæ
celebranda. Aperuit ea Cæsar ipsèmet cum fratre suo Ferdinan-
do; aderantque & alii Principes exceptis Protestantibus, qui in-
terea conventum peculiarem instituerant Schweinfurti in Franco-
nia. Missi igitur Moguntinus & Palatinus Electores, ut cum iis-
dem agerent, non solum de pace & concordia; sed etiam de auxi-
liis contra Turcam, qui cum ingenti armorum apparatu rursus ad-
ventabat. Sed nihil ab his duobus effectum est. Imò quò ma-
gis hi extollebant periculum à Turcis imminens; eò magis illi re-
cusabant omnem concordiam & armorum conjunctionem, nisi
Imperator suæ suorumque foederatorum religioni plusculum in-
dulgeret. Durum erat Imperatori, in rebus fidei quidquam con-
cedere. Sed quò non cogit necessitas? jam Solimannus immine-
bat Austriæ cum exercitu immenso, quem aliqui sexcentorum aut
quingentorum millium fuisse referunt. Et, nisi Protestantium po-
stulatis Cæsar aliquid permitteret; periculum erat, ne Germaniam
ferè totam perderet. Itaque necessitati cedendum ratus, denuo Mo-
guntinum & Palatinum Electores mittit ad Principes Protestantes,
& in alio congressu Norimbergæ habito tandem cum iis convenit,
*ut omnia relinquuntur in eo statu, in quo jam sunt; neque Religionis cau-
sâ cuiquam aliquid molestiæ inferatur usque ad concilium proximè futurum:
aut si concilium tam citò congregari nequeat, saltem eò usque pax firma
set, donec ab Ordinibus Imperii reperta fuerit alia methodus, dissidium
illud componendi.* Ità demum Protestantes acquievère, & copiosa
contra Turcas auxilia polliciti sunt.

Post hæc miles omnis congregari iussus prope Viennam Au-
striæ. Ubi, dum Germani una cum Hispanis & Italis confluisse
visi, tam ingentem exercitum confecere, ut Jovius ibidem præ-
sens & alii Scriptores memorent, Cæsarem in unis ad Viennam
castris habuisse nonaginta peditum ac triginta equitum armatorum
millia:

millia : quibus ipsémet supremo cum imperio præfuturus , jam advenerat ad urbem Lincium. Interea Solimannus exercitum suum non parvo tempore fatigaverat ante Guntium , Hungariæ inferioris oppidulum. Habebat illud solum quatuor propugnacula antiqui operis , unà cum arce parva , ad sustinendam hujusmodi obsidionem minimè idonea. Et tamen , sive gubernatoris insuperabili strenuitate , sive Deo fortunam Cæsaris mirabiliter adjuvante , non modò fortissimè se defendit ; sed etiam Solimanni insultantis ferociam ità fregit , ut multis millibus amissis post dies circitè viginti quatuor obsidionem solvere coactus fuerit. Ajunt , Solimannum illic à Cæsare ad pugnam decretoriam* chirothecâ missâ provocatum esse ; ipsum verò detrectatâ hujusmodi pugnam respondisse : *Non ego te Carole , sed fortunam tuam reformido !* Verùmne , an falsum illud sit , non ausim definire. Id autem certum est , Solimannum , cùm audisset , Cæsarem cum auxiliariis Germanorum copiis adventare , tam præcipiti cursu ex Hungariæ finibus aufugisse , ut identidem respectaverit , an Cæsar à tergo sequeretur ? Fugâ cognitâ , Cæsar Principum Germanorum auxilia rursus à se dimisit. Suarum verò copiarum partem reliquit Ferdinando fratri , ut cum iis prosequeretur bellum in Pannonia ; & aliam partem , præcipuèque Hispanos & Italos , remisit in Italiam : quò & ipse eos propediem consecutus est.

Ante hos eventus belli , imò inter primos ejusdem apparatus , Domum Saxoniam funestavit inopina mors Joannis Electoris : qui , postquam è Norimbergenfi congressu rediisset , Schweinitii lethali morbo correptus , & extinctus est die Veneris , decimâ sextâ mensis Augusti. Fuerat ille primus , qui instigante Luthero Catholicorum sacrorum usum è suis Ecclesiis exturbare fecit. At , ubi in lectum fatalem incidit ; sacratori lumine collustratus , errorem hunc amarissimè deflevit , cum Ecclesia Catholica se reconciliavit , Sacramenta moribundis ministrari solita Pontificio ritu suscepit , filiòque suo Joanni Friderico lege testamentariâ severissimè præcepit , ne ditionum Electoralium gubernationem adiret prius , quàm corporali stipulatione sibi vivo promississet , velle se , novationes omnes abolere , Lutherum expellere , præcones heterodoxos persequi , ad unitatem Ecclesiæ Catholicæ regredi , & omnia Christiana sacra in statum florémque pristinum revocare. Qua de re cùm apud Chytræum aliòsque Scriptores Acatholicos profundissimum silentium sit ; juvat hîc è Ducali tabulario Monachienfi producere ejusdem Joannis Friderici literas , ad Wilhelmum & Ludovicum Bavarix Duces octiduo post mortem patris de ejusdem conversatione datas :

Solimann^o
diu frustra
oppugnat
Guntium,
tandemque
cogitur ob-
sidionem
solvere.

Isthanff.
in hist.

Hung l. 11.
Soiser. l. 2.

de bello
Pannon.

Cochleus
in actis Lu-
theri.

**Palat. in*
Aq. Austr.

Solimann^o
cognito

Cæsaris ad-
ventu , præ-

cipiti fugâ
se subducit,

Auctores
supradicti.

Joannes E-
lector Saxo-

nix Catho-
licè mori-

tur , præci-
pitque filio

suo Joanni
Friderico,

ut Catholi-
cam reli-

gionem re-
stituat, eje-

cto Luthero
& aliis

apostatis.

Joannes
Fridericus

id promittit
morituro

Patri , eaq;
de re cer-

tiores facit
W. helmū
& Ludovi-
cum Bava-

rix Duces,

Den

Den Hochgebohrnen Fürsten / unsern freundlichen lieben Ohaim / Herrn Wilhelmben und Herrn Ludwigen / Pfalzgraffen bey Rhein / Herzogen in Ober- und Nieder Bayern ꝛc.

Unser freundlich Dienst / und was wir allzeit ehren / liebs / und guets vermögen / zuvor ꝛc.

Literz Jo-
annisFride-
rici ea de re.
Ex Archi-
vio Mona-
chiensi.

Wir geben Eueren beeden Lieben mit betrübtten Herzen zu erkennen / daß der Hochgebohrne / unser gnädiger lieber Herr und Vatter / Herzog Hans / Churfürst zu Sachsen ꝛc. am Freytag schirst umb den neundten Seger / auff den Tag als ein Christlicher Fürst mit Tod verschiden / des Seelen der allmächtig Vatter durch Christum unseren Herren barmherzig seyn wölle. Derselb unser lieber Herr / und Vatter seeliger Bedechtnuß / ist hievor in seiner Schwachheit durch den Geist Gottes angeregt / und dardurch herzlich bewegt worden / sich zu alter Christlicher Religion zu wenden / und mit der Mutter der H. Christlicher Kirchen widerumben zu veräinigen; hat auch darauffnach Christlicher Ordnung alle Sacrament / den Leib Christi / die heilige Beicht / und Oessung / in hitziger Lieb und Demüthigkeit angenommen und empfangen: und alsobaldt in seiner lieb Fürstenthumb ainen Tructh außgehen lassen / daß alle neugemachte Ordnung der Rürchen aufgehebt / der Luther / auch andere Prediger und Anhänger der Secten verer nicht gedult werden sollen: und in ainen zierlichen Testament uns / als seiner liebe ainigen Sohn / mit dieser Condition beladen / daß uns die Erbhuldigung der Unterthanen und Reglerung des Fürstenthumbs nicht verfolgen solle / biß so lang wir mit unsern Fürstlichen Würden und Worten bestätten und zusagen / daß wir seiner lieb letzten Christlichen Willen in allen Puncten vollziehen wöllen ꝛc. Und wir / Gott zu Ehren / und den Zusagen nach / so wir hochermelten unserm Herren und Vatter leiblichen gethan / uns des schuldig erkennend / seint demnach in unserm Gemüth ernstlichen entschlossen / Weiland Ihrer Lieb letzten Willen alles Fleiß zu vollziehen / alle verführische Secten und Lehren (darin leider: sein Lieb / wir / und unser Unterthanen / betrüglich geführt worden / und Euer Lieb und andere Christen Menschen darab nit wenig geärgert haben) mit Wurzel und Grund gänzlich aufzureißen / deroßelben Anhänger und Lehrer zu hassen / zu verfolgen / uns gemeiner Christlichen Kirchen demüthiglich zu unterwerffen / und fürter hin mit Hilff des Allmechtigen in unserm Fürstenthumb / rechte / wahre / Christliche Religion zu erhalten. Und ob wir diesem Christlichen Werck zu schwach / und uns etwas beschwärlisches darunder be- gegnen möchte: wöllen wir Euer Liebden / als unser angebohrne Freunt / und hochgerüemte Fürsten / Liebhaber und Fürderer alter Christlicher Religion / hie- mit zum freuntlichsten ersuecht haben / uns hiezu rathlich und beständig zu seyn / uns in der Noht nit zu verlassen / und uns in unser Jugend und unser Land und Leut in solchen Befelch haben / wie unser gar freuntlich und sonder Vertrauen zu Euer Lieb stehet. Wir wöllen uns entgegen mit all unserm Vermögen gegen Euer Liebden also betweisen / daß unsers Thalls die hochin- nerlich und vertreuliche Berwantung / so vor Jahren / wie Euer Liebden oh- ne Zweifel wissen / das Haus Bayern und Sachsen gegen einander gehabt / widerumben erweckt und freuntlich erhalten werde. Datum in unserer Statt Wittenberg / am Sonnabend den 24 Augusti, 1532.

Von Gottes Gnaden Johan Friderich / Herzog zu Sachsen / Churfürst / Landgraff in Thürin- gen / und Marggraff zu Meissen ꝛc.

Quæ

Quæ literæ, ut ab iis pariter, qui germanicæ linguæ ignari sunt, liquidius intelligantur, latinè sic reddi possunt:

Illustrissimis Principibus, amicis ac per-
dilectis cognatis nostris, Domino Wil-
helmo, ac Domino Ludovico, Co-
mitibus Palatinis Rheni, superioris &
inferioris Bavariae Ducibus &c.

*Amicissima obsequia nostra, et quidquid venerationis,
amoris, ac boni possumus, in primis etc.*

Vestra amborum dilectioni mæsto corde significamus, Illustrissimum,
charissimūque Dominum ac Patrem nostrum, Joannem Ducem
et Electorem Saxonie etc. nuperâ die Veneris, circa horam nonam, more
Principis Christiani defunctum esse; cuius anima omnipotens Pater per
Christum Dominum nostrum velit esse propitius! idem ille charissimus Do-
minus, ac Pater noster piissimæ recordationis, paulò antè in agitudine
sua spiritu Divino tactus, et per hoc intimo corde commotus est, ut ad
veterem Religionem Christianam se reciperet, seseque rursus conjungeret
Matri nostræ, sanctæ Ecclesiæ Christianæ. Subinde etiam Christiano ri-
tu omnia Sacramenta, Eucharistia, Pœnitentia, et extrema Unctionis,
ardentissimâ charitate et humilitate suscepit; simulque in Principatu suo
typis publicis evulgari fecit, novas omnes Ecclesiarum ordinationes tolli,
et Lutherum unâ cum aliis præconibus et seclariis in posterum tolerari am-
plius non debere: quin et in eleganti testamento Nos, ut unicum suæ dile-
ctionis filium, eâ lege et conditione prægravavit, ut subjectionis heredi-
tariæ sponso regimēque Principatus à nobis accipi non deberet, usque dum
Principali verbo nostro sponderemus ac polliceremur, nos voluntatem ejus
ultimam, ac verè Christianam, ad amissim executuros esse. Et Nos, ad
honorem Dei, et vi promissorum nostrorum, quæ prædicto Domino et Pa-
tri nostro corporali stipulatione dedimus, obligationem hanc agnoscentes,
apud animum nostrum sincerè ac seriò proposuimus, huic ultimæ volunta-
ti ejus studiosè morem gerere, seclat omnes doctrināsque seductorias (in
quas, prò dolor! et ipse, et Nos, et subditi nostri, subdolè adducti sumus;
et charitati vestræ aliisque Christianis offendiculo non parvo fuimus) ra-
dicitus extirpare, earum seclatores et magistros persequi, universali Ec-
clesiæ Christianæ demississimâ voluntate nos subicere ac deinceps in Princi-
patu nostro sinceram veramque Religionem Christianam auxiliante Deo

X

con-

conservare. Quòd si autem huic operi Christiano essemus impares, aut in eo perficiendo nobis aliquid molestiarum obveniret; vos Dominos dilectissimos, tanquam amicos laudatissimosque Principes, nec non antiquæ Religionis Christiana cultores ac promotores, hisce literis humanissimè rogamus et obtestamur, ut hac in re consilio nobis et auxilio sitis, nos in tempore angusto non deseratis, nostramque juventutem unà cum subditis terrisque nostris ità vobis commendatam habeatis, uti amica et singularis confidentia nostra à vobis præstolatur. Nos vicissim pro viribus nostris erga vestram charitatem ità nos habebimus, ut ex parte nostra sincera et intima cognatio, quam olim (utì scietis) Bavarica Saxonicaque Domus ad invicem habuere, denuo resuscitetur, et cum omni familiaritate conservetur. Datum in urbe nostra Wittenberga, sabbatho die vicesimâ quartâ Augusti, Anno 1532.

Dei gratiâ Joannes Fridericus Saxonie Dux Elector, Landgravius Thuringia, et Marchio Misnia etc.

Literæ hæc ut suprà memini, adhuc asservantur in Electorali archivo Monachienfi, ex quo earum apographum anno 1572. Ferdinandus* Maria, Dux & Elector Bavarie, à multis magnisque Dominis rogatus, Viennam Austriæ transmisit. Quare fallitur Spangenbergius, quando contra Joannem Nasum Suffraganeum Brixinensem, qui eodem seculo conversionem hanc evulgaverat, audacter asserit, id esse insolens et diabolicum figmentum. De cetero idem ille Joannes Fridericus aliquantò post, nescio quibus vel ter-
*vide eas in libello de ortu & occasu Lutherani Evangelii. part. 1. pag. 268.
 *spangenberg. in chron. Mansf. ad hunc ann. fol. m. 434 pag. 1.
 Joannes Fridericus mutatâ mente, denuo ad Lutheranismum resilit.

Rotmann* Apostata Monasterii in Westphalia per seditionem publicam introducit

Magnus etiam hoc anno tumultus Monasterii Westphalorum concitatus est, auctore & actore Bernardo Rotmanno, de quo ad annum superiorem jam pauca prælibavimus. Is, cum è templo Mauritiano ejectus, & à Lutheranis quibusdam civibus clanculariè receptus esset; continuò fabricavit apud eos novam fidei confessionem, in varios digestam articulos: quæ dein à Joanne Langermannno, Ordinis senatorii viro, typis publicis commendata,
 &

& è lingua latina in vernaculum sermonem transfusa est. Mirum! quàm avidè hæc ab hominibus indoctis pervoluta, quàm ingenti cum applausu ab iisdem approbata fuerit? Proinde non multò post, nimirum die vicecimâ tertiâ Februarii, Bernardus Knipperdollingius, magnâ civium seditiosorum coronâ cinctus, Rotmannum duxit ad cœmeterium Ecclesiæ Lambertinæ: ubi hic apostata in suggestu ligneo, ante ossuarium posito, de libertate Evangelica, de superstitione & idolomania Papistarum, de rebus aliis in prædicta suæ fidei confessione traditis, tam audacter mendaciterque ad plebem dixit; ut promiscuum vulgus concione peractâ in omnes Ecclesias Parochiales ruerit, Sanctorum imagines confregerit, hie-rothecas Divini Corporis violârit, Rotmannum Pastori Lamber-tino substituerit, ac demum omnia sus deque verterit, quæ ab ejus dogmatis dissentiebant. His auditis Fridericus Episcopus, compri-mendo huic motui sese imparem ac inidoneum videns, Cathedra-lis Ecclesiæ Canonicos ad se vocavit in oppidum Wernam; atque ibi juxta ea, quæ Iburgi ante annum conventa erant, Episcopatu male gesto renunciavit in *Dominica Palmarum*, die vicecimâ quar-tâ Martii.

Lutheranif-
mum.
Kerfsenbr.
in hist.
anabapt.
ad hunc
annum.

Fridericus
de Wieda
Monasteri-
ensem Epi-
scopatum
abdicat
Wernæ
die 24.
Martii,
Kerfsenbr.
in hist.
anabapt.
ad hunc
annum.
In ejus locū
postulatur
Ericus Ep.
Paderb. &
Osnabr.
*Kerfsenbr.
in hist. A-
nabapt. ad
annū 1532.
& in cata-
logo Episc.
Paderb.

Subinde Præsul emeritus, quietiorem vitam acturus, Colo-niam ivit. Cathedralis autem Ecclesiæ Canonici, propter sedi-tionem urbis Monasteriensis, Lüdinghusium se recepere: ubi * triduo post, pridie *Cena Domini*, concordibus omnium votis ad vacantem Cathedram postulatus est Ericus Episcopus Paderbor-nensis & Osnabrugensis. Is, cum & potentiâ valeret, & acerri-mus Lutheranorum persecutor esset; continuò minacissimis lite-ris (quas adducit Kerfsenbrochius) Magistratum urbemque mo-nuit, ut ejecto Rotmanno, & aliis Lutheranæ sectæ prædicatori-bus, ad Catholicæ Religionis exercitium quantocyus revertantur. Id, nî ab iis propediem fieret; visurum se, quibus mediis & coa-ctationibus, etiam invocato Cæsaris auxilio, pertinaciam ipsorum frangeret. Et certè non defuissent ei vires, ad hoc efficiendum & exequendum necessariæ, nisi præter omnem opinionem velociori morte fuisset præpeditus. Cum enim Fürstenaviæ in Dioecesi Os-nabrugensi de his & aliis Monasteriensium rebus consilia cum suis ageret; improvisâ ægritudine obrutus, vivere in terris desiit * po-stridie S. Servatii, die decimâ quartâ Maji. Corpus ejus devectum est Osnabrugum, ibique in Cathedrali Basilica summis honoribus tumulatum prope tumbam S. Reginae * Virginis. Fuerat ille semper, quàm diu Paderbornæ & Osnabrugi præfuit, amator pacis, justi-tiæ cultor, Dioecesium suarum conservator, & quod omnes lau-

Moritur
paulò post
Fürstenaviæ
die 14 Maji.
*Henricus
Abbas Ma-
rienmünst.
in diar ms.
*chron. Os-
nabr. ms.

**Hamelms.* des aliàs antecellit, Catholicæ fidei * severissimus defensor. Ne-
l. 2. chron. que aliud à nostris in eo carpitur, quàm quòd coenobiis domibúsq;
osnabr. religiosis per imperatas vecturas, aliáque nova onera magno gra-
pag. 572. vamine fuerit. Qua de re Henricus Abbas Marienmünsterensis in

diario suo ità scribit : *Anno 1532, postridie S. Servatii obiit*

Ericus Episcopus Paderbornensis ---- ex Ducibus

Bransvicensibus, qui multum gravavit

Monasteria in hac Diocesi.

Ignoscat ipsi Deus!

ANNA-



ANNALIUM
PADERBORNENSIIUM
LIBER XX.

HERMANNUS

Comes de Wieda ,
ARCHI-EPISCOPUS COLONIENSIS,
ECCLESIAE PADERBORNENSIS ADMINISTRATOR
ET
EPISCOPUS XL.

Annus Christi 1532.

CLEMENTIS VII. Pontificis 9. & 10.

CAROLI V. Imperatoris 13. & 14.

HERMANNI II. Administratoris 1.



ost mortem Erici Antistitis, die decimâ* tertiâ Post Erici
Junii, Paderbornæ postulatus est Herman- mortem Pa-
nus de Wieda, Archiepiscopus Colonienfis; derbornæ
cui sub initium regiminis cum seditiosis fa- postulatur
ctiosisque civibus Paderbornensibus non Hermannus
parum tædii ac molestiarum fuit. Origo de Wieda,
tumultuum erant (utî passim alibi) tres apo- Archiepi-
statae ex Paderbornensi Minoritarum coeno- scopus Co-
bio, Joannes Polhennius, Jacobus Musin- lonienfis.
gius, & Christophorus Danus, quem germanicè Dâne vocatum Ex veteri-
arbitror. Ab his commoti cives ante adventum novi Antistitis pe- bus anno-
tebant tatis illius
semporis.

Seditio Ci-
vium Pa-
derbornen-
sium ante
adventum
novi Anti-
stis.

Kerffenbr.
in catal. E-
pisc. Pad.
Kleinsorg.
in hist. ms.
Chytræus
l. 13. Saxon.
Hamelm.
in Hist. E-
vangelii
renati.

*Chytræus
loc. cit.
*Hamelm.
& Kerffen
broch. l. cit.

*Ex Reces-
su Paderb.
buj. anni.

Hermann
Admini-
strator so-
lenni ritu
Paderbor-
nam ingre-
ditur.

Chytræus
& Kerffen-
br. loc. cit.

*vulgò dicitur
Rönig-
strasse.

tebant à Magistratu urbico, Ecclesiam aliquam sibi assignari, in qua Lutheranae Religionis exercitio gaudere queant. Respondebant Consules & Senatores, *id esse extra suam potestatem: ob stare non solum edicta Caesaris; verum etiam jurata pacta, cum Erico Episcopo ante quadriennium inita.* Juebant insuper considerari mala, in quæ sine dubio se & urbem conjecturi sint, si ejusmodi postulata in effectum redigant. *Non Casarem, non Episcopum, non alios Principes, qui plerique adhuc in Fide Catholica perstarent, id impune laturos esse.* At hujusmodi sanioribus monitis nihil effectum est apud seditiosos: atque ideo, cum Senatorum animos ad consensum inclinare non possent, suapte audaciâ rapuerunt ad se duas Ecclesias parochiales, nimirum S. Udalrici, quæ aliàs *die Gau-Kirche*, & S. Pancratii, quæ aliàs *die Markt-Kirche* nominari solet. Priori intrusus est Joannes Polhennius, posteriori Jacobus Musingius: quibus cooperator additus Christophorus Danus (aliàs *Däne*) sive is Lutherani Evangelii præconem egerit, uti vult *Chytræus; sive tantum Lutheranae juventutis instructorem, uti *Hamelmannus & Kerffenbrochius referunt. Hi subinde magnis ausibus occeperunt novo ritu Christiana Sacra peragere, Lutheri dogmata propalare, sub utraque specie Eucharistiam distribuere, Clerum Catholicum vituperare, Papatum contemnere. Unde mox consecutum est, ut excitati cives primùm in privatis conventiculis juramento se obstrinxerint, velle se potius fortunam extremam perpeti, quam novæ Religionis libertatem deferere: tum deinde in Magistratum insurrexerint, claves urbis eidem extorserint, pluribus *diebus portas urbis occluserint, ac demum elato prælatoque vexillo novo, contra arcem Episcopalem seditiosè profecti sint, velut apertè comminantes, in posterum se Episcopi aut Papistarum legibus exsolutos fore.

Hermannus Administrator, quàm primùm audiit, hæc se absente à civibus factiosis fieri, eosdem ab his inceptis paternè dehortatus est, non modò per iteratas literas; verum etiam per diversos Legatos, è nobilitate sua tam Coloniensi, quàm Paderbornensi missos. Cum autem per hæc omnia nihil profecisset; rebellium poenas aliquantisper distulit usque ad solennem ingressum & inaugurationem suâ, quæ splendore maximo peracta est die octavâ mensis Octobris. Pompa hujus ingressûs viâ *Regiâ ducebatur è propinqua arce Neuhausana. Inde novum Antistitem comitati sunt, Georgius Dux Brunsvicensis, Adolphus Comes de Schawenburg Coloniensis Coadjutor, Simon Comes de Lippia, Otto Comes de Ritberg, aliique permulti Comites & Barones, cum ingenti Nobilium, tam Coloniensium, quàm Paderbornensium coro-

coronâ. Antè & retro conducebant eum cataphracti equites, quos ultra millenos fuisse refert Henricus Abbas* in Marienmünster, omnes præclarissimè obarmati, & exquisito vestium ornatu fulgidi. Quis non putâset, seditiosorum civium coryphæos vel tunc demum ad saniora consilia fuisse reversuros? præsertim quia totus Magistratus urbicus adhuc bene catholicus erat, neque seditionis vel tumultuum præteritorum particeps. Et tamen (quid non audet animus ab apostatis & prædicatoribus heterodoxis efferratus?) cùm benignissimus Princeps cives omnes in arcam Basilicæ Cathedralis, quem campum Dominicum vocant, præstandi juris jurandi causâ convocâset: factiosorum aliqui adhuc eò temeritatis devenêre, ut ibidem cùm aliis præstò esse, & consuetum obedientiæ debitæ Sacramentum dicere, tergiversati fuerint. Dissimulavit hæc Archiepiscopus. Et, ut rem istam callidiùs ageret, jussit omnes equestres copias quatrduo pòst, nimirum die duodecimâ Octobris manè ad abscessum paratas esse: cives autem universos altero die, circa horam octavam matutinam, in Abdinghoffensis monasterii pomario congregari; ut, priusquam abscederet, fidelitatis & obedientiæ Sacramentum, sibi nuper ab aliquibus denegatum, dicerent. Primo diei istius diluculo datur signum tubis campestribus, concurrunt equestres copię, accingunt se ad iter: cives etiam universi, à suis Consulibus persuasi, in pomarium Abdinghoffense confluunt, abituro Præsuli juramentum præstituri. Ibi dum in loco, muris undique incluso, starent; repentè post eos pomarium clauditur: simùlque signo dato jubetur equitatus omnis per urbem se dividere, portas urbis occupare, plateas obequitando percurrere, ac denique omnes aditus monasterii Abdinghoffensis ità obsidere, ut nemo civium elabi aut aliorum hominum accursu liberari posset. Quo peracto, Princeps gravi primùm oratione rebelles increpat; mox etiam præcipuos ipsorum Duces (quos *Evangelii fautores** nominat Hamelmannus) ex charta prælegi, eosdémque circitèr sedecim comprehendendi, & in carcerem detrudi jubet. Indè post triduum reducti, & facinorum suorum convicti, protrahuntur longo ordine in forum urbis ante curiam senatoriam, ut ibidem ea, quæ contumaciter ac seditiosè gesserant, supplicio capitis expiarent. Stabat illic ferale pegma confectum ex asseribus, & conspersum arenâ plurimâ, quæ sanguinem occisorum biberet. Prope illud consistebant sepulchrales tumbæ, in quas projicienda erant exanima eorum corpora. Aderat non uno gladio armatus carnifex, criminalis judicii futurus executor. Forum omne spectatoribus constipatum erat, & ipse Princeps cum præcipua Nobilitate & Magistratu

Henricus
Abbas in
diario.

Præcipuos
rebellionis
præteritæ
Duces
compre-
hendi jubet
eosdémque
triduo pòst
ad mortem
condemna-
ri.
Chytræus l.
13. Saxon.
Kessenbr.
in catal E-
pisc. Pad.
Recessus
Paderb. de
hoc anno.
** Hamelm.*
in hist. Ev.
Paderb.

Ad Capitu-
li Cathedra-
lis alio-
rumq; pre-
ces, Rebel-
libus con-
cedit veni-
am.
Ex recessu
infra ci-
sando.

Recessus
transactio-
nis, ea de re
conditus
inter urbē
& Episco-
pum.
Ex libro
Cancellaria
Paderbornae.
* Hamelm.
in hist. Ev.
renati Pa-
derbornae.

gistratu prospectabat è fenestris curiæ. Prælectâ postmodum funestæ mortis sententiâ, fiebat ingens ejulatus necandorum: cui suos quoque ejulatus repentè consociabant non modò ipsorum proles ac mulieres; verùm etiam quidquid matronarum, virginum, ac puellarum aderat. Omnes illæ, ad Hermannum Præfulem è curia prospectantem conversæ, provolutis humi genibus, manibûsque femineo ritu complicatis, pro obtinenda vitæ gratia ardentissimè precabantur. Movebant hæc protinùs benignum Principem. Cùmque & alii viri primarii, maximèque majoris Ecclesiæ Canonici, nec non & Comites, Barones, atque urbium aliarum Deputati, sua vota & intercessionem jungerent; misericordiâ victus, capitalem poenam suspendi jussit, & reos omnes ad ulteriorem animi declarationem in suos carceres deduci.

Nova deinde scriptura transactionis (quam vulgò *Recessum* vocant) urbem inter & Episcopum inita; alterâque die, nimirum decimâ sextâ Octobris, publicata est: in qua post brevem prætorum facinorum enarrationem præscribuntur novæ leges & articuli, ad præcavendas in posterum ejusmodi turbas profuturi. Lubet eam latinè redditam hîc apponere, ut videat orbis Christianus, quàm impudenter suo more calumniatus fuerit * Hamelmannus, Præco Lutheranus; quando scribit, quòd antè dicti civis Cathedralium Canonorum sollicitatione innocenter comprehensi, quòd falsissimis accusationibus onerati, quòd non aliter ac olim Apostoli ad mortem condemnati, quòd in urbis foro ad supplicium pertracti sint, coferè modo, quo à Turcis abduci solent Christiani. Ecce hîc *Recessum* istum, quo ad partem ejus primariam!

Nos Hermannus, Dei gratiâ sanctæ Ecclesiæ Coloniensis Archiepiscopus, - - - et Ecclesiæ Paderbornensis Administrator profite-
temur, et cuilibet hîsce literis publicè notum facimus. Cùm hoc anno post fatalem obitum Reverendissimi, Illustrissimi, dilectissimi in Christo fratris ac decessoris nostri, Domini Erixi, Paderbornensis et Osnabrugensis Episcopi, - - - nostramque postulationem, - - - inquilini civitatis nostræ Paderbornensis, contra omnes laudabiles et hucusque traditas Christianas ordinationes, consuetudines, et cerimonias sanctæ Ecclesiæ, - - contraque Pontificia et Cæsarea edicta ac Recessus Romani Imperii, nec non contra proprias ea in re factas * et consignatas transactiones, insolenter audacissimèque novationes aliquas Ecclesiasticas - - instituerint, exercuerint, et usurpârint: ex quibus paulò post seditiones turbaque maxima gregariorum civium adversus Consules et Senatum veterem ac novum quantocumque consecuta, atque cum in modum aucta sunt, ut ipsimet gregarii cives absque præscientia et voluntate sui Magistratûs in factiosa conventicula se congregaverint, in iis fœdera et pactiones fecerint, subinde etiam Con-

*und gegen
ihre eigene
derhalben
auffgerich-
tete und be-
willigte
versiegelte
Verträge.

Consulibus ac Senatui claves urbis extorserint, portas aliquot diebus occlusas retinuerint, demum elato novo labaro contra arcem nostram Nenhusanam petulanti hostilique modo profecti sint, atque seditiosè pro suo libitu contra superiores suos insurrexerint.

Qua de causa primum noster Satrapa Provincialis Joannes Quadt, et Nos deinde saepius eosdem per literas nuntiosque missos clementer admonuimus, ut illicitas huiusmodi novationes abolere, et in posterum sese à seditiosis ejusmodi ausis abstinere vellent. Cùmque hac omnia nihil proficerent, in comitiis publicis eosdem ut refractarios incusavimus coram Ordinibus ac statibus patriæ. Quorum rogatu eos iterum*per indigenas aut contrerraneos, ac deinde rursus per consiliarios nostros Rhenanos, Westphalicos* et Paderbornenses, in et ante urbem Paderbornam conveniri fecimus, cum spe et fiducia prestolantes, ut benignitate et clementiâ nostrâ tandem à suis machinationibus avertentur. At hac iterum fuerunt sine fructu! Demum, cùm pro more consueto urbem nostram Paderbornam solenni ritu ingrederemur, et inevitabili necessitate cogermur ejusmodi inobedientiam aut pervicaciam castigare; universam communitatem civium ante nos venire iussimus, denuo cum iis et clementer acturi de hac re: et tamen iterum nonnullos civium temere inobedientes et immorigeros experti fuimus. Quare tandem injecta nobis est necessitas, refractariorum istorum aliquos in custodiam auferendi, contraque eos judicialiter sic agendi et procedendi, ut seditionis incentores ad nostrorum consiliariorum accusationes, et accusatorum responsa, jure et judicio ad pœnam capitis condemnati; reliqui verò, qui suprâ dicto fœderi interfuerant, ad nostram correptionem pœnamque arbitrariam remissi fuerint. Quoniam verò totus Clerus noster, major et minor, insuperque Principes, Comites, et universa Nobilitas Diœcesum nostrarum, Colonienfis et Paderbornensis, quin et Consules, Senatores, urbium aliarum Deputati, plurimæque virgines et matronæ, devotissimè intercesserunt pro condemnatis (qui et ipsi pariter misericordiam et vitæ gratiam rogabant) et Nos ipsi quoque, si fieri posset, clementiâ potiùs ac benignitate, quàm suppliciiis et severitate juris subditos nostros in pace et concordia retinere exoptavimus: ad huiusmodi magnas valentissimæque*preces ac patrocina, executionem hesternæ sententiæ hac vice revocavimus, et ad clementissimam rei compositionem hisce legibus vel articulis nos permoveri sivimus.

Primò, cùm hac seditio plebis contra Magistratum orta sit ex eo, quòd gregarii cives, contra veteres probèque traditas consuetudines Ecclesiæ Christianæ, pro suo solum arbitrio novationes aliquas minimè permissas inceptaverint, vocando novos Evangelii Pracones; ipsique nocentes et condemnati, ad extremum facti et gravissimè conquesti sint, se à Prædicantibus per seditiosa ipsorum dogmata miserè seductos et abductos esse: idcirco mandamus, et seriò præcipimus Consulibus, Senatoribus, et

*Und sie auff Bitt gemeiner Landschafft durch die Landassent und solgendes durch unser re Rheinische, Westfälische, uft Paderbornische Räthe in- und vor der Statt Paderborn beschickt ic.

*haben wir auff solche grosse Dapere gethane Vorbitt die Vollziehung der gestrige Urtheil fallen lassen ic.

universitati civium Paderbornensium, ut in posterum sub evitatione gravissima indignationis nostrae poenaeque capitalis, Prædicatores omnes, à superioribus suis non constitutos, facessere jubeant, et antiquis laudatissimisque sanctæ Ecclesiæ ordinationibus morigeros se exhibeant, neque adversus eas aliquid attentent, agant, aut agi sinant, quàm diu ordo ille ab universali Ecclesiâ non immutabitur. Atque ut in hac ordinatione cives nostri et inquilini urbis nostræ Paderbornensis magis pacificè et imperturbatè persistere ac perdurare valeant; præcipimus pariter ac mandamus, ut in posterum* nullus extraneus, vir aut femina, servus aut ancilla, ex urbibus locisque illis, quæ nova doctrinæ adhaerescunt, aut de ea notata aut insinulata sunt (quicumque illi fuerint) in urbe nostra Paderborna ad servitia admittantur, aut ibidem famulari vel ancillari permittantur.

*Dass nun
hinsürter
kein fremd-
der Mann/
Brau /
Knecht oder
Magd, so
aus den
Städten o:
der Flecken/
die der neu-
en Lehr an-
hängig o:
der damit
berückigt
zu keinen
Dienstbot-
ten in unser
Stadt Pa-
derborn an-
genommen
oder zu die-
nen zuge-
lassen wer-
den sollen.

Secundò, ut, etiamsi Consules, Senatores, et universitas civium Paderbornensium jam ante paucos dies homagium nobis aut iusjurandum solenne dixerint; denuo tamen atque iterum suam fidem nobis obstringere debeant, et jurare, se nobis, et à morte nostra Cathedrali Collegio nostro tanquam Dominis hereditariis, usque ad adventum novi Principis, semper fidos ac morigeros fore: ac deinceps (utì subditos obedientes decet) absque omni turba vel seditione, Magistratui ac superioribus suis omnem obsequentiam præstituros et exhibituros esse.

Tertiò, cùm gregarii cives jam aliàs, nimirum anno seculi præsentis vicesimo octavo, vivente adhuc decessore nostro, seditionem aliquam excitârint, propter quam eo tempore puniti sunt; eademque occasione erectus fuerit contractus aliquis, ab utraque parte sigillatus, qui ab illis quidem juramento firmatus, at minimè observatus est: promittent nobis iterum et jurabunt, à se deinceps utrumque Recessum, tam illum decessoris nostri, quàm hunc nostrum, quo ad omnia puncta perpetuò, firmiter, et inviolatè observatum iri.

Longum esset referre cetera, quæ in eadem scriptura vel Recessu continentur. Præcipui reliquorum articulorum sunt hi: Nemo recipiatur in numerum civium, quin prius juret in Recessum et ejus leges. Qui jam capitis damnati, et ad nostram castigationem rejecti sunt, de satisfactione nobiscum transigent, et in posterum ità se gerent, utì subditos morigeros decet. Quòd si deinceps* eorum aliquis Recessum hunc violaret; sinè omni mora vel contradictione ad nutum sui Principis, quocunque is voluerit, continuò transmittetur: quem ille pro sententia modò lata, sinè ulteriore processu criminali, punire et plectere debebit. etc. --- Datum in urbe nostra Paderborna, die decimâ sextâ Octobris, anno millesimo, quingentesimo, tricesimo secundo. Appensa sunt sigilla plurima, nimirum Hermanni Administratoris, Capituli Cathedralis, urbis Paderbornensis, Joannis Dynastæ in Büren, Francisci ab

Hôr-

Hôrde, Rabani de Westphalen, Wernerî de Spiegel Mareschalli hæreditarii, & quatuor aliarum urbium, Warburgensis, Brake-
lensis, Borgentricensis, & Saltzkottensis.

Interea dum ista fierent, tres illi Prædicantes ac desertores mo-
nachi, Joannes Polhennius, Jacobus Musingius, & Christopho-
rus Danus, quorum seditiosis adhortationibus refractarii cives ad
rebellionem concitati fuerant, jussu Principis etiam comprehensi,
& in arcem Neuhusanam abducti erant. Inde verò post dies ali-
quot, severioris custodiæ causâ, rusticano curru vehebantur A-
rensbergam, ut ibidem in claustro castigatorio (quod ironice di-
cebatur vulgò *die Fette Kammer*) aliquantulum servarentur usque
ad reditum Hermannî Principis; qui interea Falckenhagam iverat
ad componenda finium limitumve dissidia, Schwalenbergenses in-
ter & Pollenses orta. Neque dubium est, quin apostatas ac tur-
batores istos fuisset egregie puniturus, nisi in itinere à Sufatensi-
bus intercepti, suisque vinculis exsoluti essent. Etenim cum im-
providus auriga in eorum fines nimium deflecteret; Lutherani ci-
ves, vel occultè moniti, vel apostatarum vociferationibus evoca-
ti, magno agmine prorumpunt portis, captivorum custodes pel-
lunt, currum exspoliant, vincula dissolvunt, & remisso aurigâ
currûque vacuo, desertores istos, quasi totidem Apostolos pro
Christo passos, cum ingenti jubilo in suam urbem introducunt.
Mirificè hoc Sufatensium facinus commendat *Hamelmannus: *Vi-*
deant hæc, inquit, omnes Christiani, quanto in periculo fuerint isti pii viri?
quantâ rabie sint apprehensi? quomodo tanquam oves ad mactationem de-
ducti? quâque mirabiliter illos eripuerit Dominus ex omnibus malis?
At ego nihil mirabile video hac in re: multoque minùs, cur hujus-
modi captivos nominet *viros pios*? quippe qui non modò religiosi
Ordinis desertores fuere; sed etiam homines seditiosi, Magistra-
tuum contemptores, & Sufatensi hospiti suo post diuturnas epu-
las ingratiissimi. Syncerius de iisdem scripsit *Kerssenbrochius
auctor coævus: *cùm urbem Sufatensem præterirent, inquit ipse, cives*
quidam urbe eruperunt, captosque intercipiunt, et secum in urbem cum
triumpho deducunt. Ubi in taberna novem hebdomadis commessantur;
et, cùm impensas hospes exigeret, clanculum se subducunt, post magnum
forsan Platonis annum soluturi. Hem! quàm pii viri?

Ad alios duos Episcopatus, qui per obitum Erici Antistitis
nostri pariter vacare coeperant, postulatus est Franciscus de Wal-
deck, Episcopus Mindensis, qui eodem anno Ratisbonæ comitiis
publicis interfuerat. Delegerunt hunc Monasterienses in castro
Lüdinghusano, die primâ Junii; Osnabrugenses autem die unde-
cimâ: utrobique non alio fine vel intuitu, quàm quia credebant,

Tres apo-
stata &
Prædican-
tes Luthere-
rani, dum
captivi ab-
ducuntur
Arensbergâ,
à Sufatensi-
bus inter-
cepti sunt
in via.
Chytrausl.
13. Saxon.
Kerssenbr.
in Cat. Ep.
Pad.

*Hamelm.
in hist. Ev.
renati Pa-
derborna.

*Kerssenb.
in Cat. Ep.
Pad.

Monasterii
& Osnabru-
gi in defun-
cti Antisti-
tis locum
postulatur
Franciscus
de Wal-
deck, Episc.

Mindenſis.
Kerſenbr.
in hiſt.
Anabapt.
Monach.

Senatum
urbemque
Monasteri-
ensem per
litteras mo-
net, ut eje-
cto Rot-
manno &
aliis Præco-
nibus reſti-
tuant Sacra
Catholica.
Kerſenbr.
ad hunc
annum in
hiſt. Ana-
bapt. Mo-
naſt.

Ecclesias suas conjunctis plurium Episcopatum viribus ab eo validius defensum iri. Neque is primum defuit magnæ expectationi, de se habitæ. Cum enim eo tempore quereretur Clerus urbis Monasteriensis, ibidem omnia pro seditiosorum arbitrio geri, Pastores legitimos amoveri, Lutheranos in eorum stationem suffici, pluraque id genus alia instigante Rotmanno fieri, quæ in extremum Catholicæ Religionis exitium vergerent, continuo severas literas in urbem dedit, his ferè verbis :

Postquam aspirante Deo ad Ecclesiæ Monasteriensis cathedram postulati sumus, fide dignâ plurimorum relatione comperimus, quod aliqui Concionatores Lutherani, partim audaciâ ac temeritate propriâ, partim hominum plebejorum instigatione se in urbem vestram intromiserint, et non modò legationem ac dehortationes antecessoris nostri contempserint; verùm etiam illius edictum, quo iisdem securitas publica sublata fuit, in insignem prædicti Principis contumeliam præfractè et contumaciter violârunt, parochiales urbis Ecclesias auctoritate propriâ invaserint, Pastores et Sacellanos legitime constitutos ejecerint, et ejusmodi doctrinas in plebem divulgârunt, quæ eam quotidie magis ac magis ad seditionem excitent, contra Magistratum commoveant, ordinem politicum perturbent, pacemque ac tranquillitatem funditus evertant. Certè nos ejusmodi levitatem, audaciam, et impietatem, à vobis minimè expectavimus, quippe qui semper antea morigeri fuistis, et pietati gravitatique plurimum addicti. Proinde, cùm omnipotens Deus Diœcesin hanc sollicitudini nostræ jam commiserit; per ejus gratiam nihil sollicitius à nobis curandum esse duximus, quàm ut ex vi decreti Imperialis subditi nostri unanimi religione, pace, et obedientiâ, inter se invicem conjuncti vivant. Eamque ob causam id à vobis pro salute et utilitate vestra postulamus, ut in hoc rerum statu vos ad Augustensium comitiorum decreta componatis, ritus Ecclesiasticos atque ceremonias antiquitus institutas retineatis, Concionatores novos omnesque novationes ab iisdem introductas proſigetis, ac denique plebem universam ad veterem concordiam, tranquillitatem, et obedientiam reducat; donec vel ab Ordinibus Imperii statuatur aliquid certi in negotio Religionis, vel nos post inaugurationem nostram ad plenariam hujus Diœcesis administrationem pervenerimus. Tunc enim, si res ità postulare videbitur, operam dabimus, ut ad normam Verbi Divini componatur Ecclesia nostra, et omnis tumultuandi occasio recidatur. Interea non ambigimus, quin decretum Imperiale, et paterna admonitio nostra locum apud vos habitura sit. Quod si autem pervicaciter hæc omnia spreveritis (ut minimè confidimus) vobismet ipsis pensandum relinquimus, quid nos agere, quibusve pœnis animadvertere in vos oporteat, ne Imperio Cæsareisque decretis, quæ nunc iterum in comitiis Ratisbonensibus executioni nostræ demandata sunt, immorigeri esse aut refragari videamur.

mur. Quanam autem hac in re sit voluntas et affectio vestra, uti etiam quid et quantum huic admonitioni nostra tribuere velitis; clarè à vobis, et absque ambiguis verborum involutionibus edoceri ac responderi cupimus. Datum die viceſimâ octavâ Junii.

Senatus has Episcopi literas communicavit tribunis plebis, & hi reliquæ multitudini civium: sed exiguo cum profectu. Plebs enim, ut primùm audiit, de Rotmanno & ejusdem sociis ejiciendis agi: non modò huic Principis postulato superbè obstitit; verùm etiam impotenter & per summam animi obstinationem urſit, ut in alias quoque urbis parochias Lutherani Evangelii Præcones intruderentur, ejectis Pastoribus, Decanis, aut Præpositis, Catholicæ Religioni deditis. Id quod etiam haud multò pòſt à Magistratu, ſeditioſorum hominum vociferationibus minisque terrore, permiſſum eſt: atque ità in ædem Ægidianam intruſus Henricus Rullius, in Martinianam Briccius Nordanus, in Ludgerianam Petrus Wirthemius, in Tranſaquenſem Godefridus Stralenius, in alias Parochiales Eccleſias alii, plerique homines protervi, laſcivi, ſuisque ſolùm flagitiis noti. Certè Rullius & Stralenius cuilibet vento accomodabant ſua vela; ideòque poſtmodum è Præconibus Lutheranis facti ſunt * Anabaptiſtæ peſſimi. Rotmannus, qui ædi Lambertinæ præerat, non modò factus eſt Anabaptiſtarum dux, verùm etiam uxorem Joannis Vigerii urbis Syndici ſuis amoribus turpiſſimè infatuavit, eamque poſtea ſibi in conjugem * adſcivit, marito per venenum interempto. Briccius Nordanus, tametſi uxorem haberet in oppido Schöppingenſi, iteratis nuptiis copulavit ſibi inſuper ſororem Bernardi Rotmanni, cujus turpi conſuetudine aliquamdiu uſus fuerat: cùmque haud multò pòſt * uxor altera unà cum prole gemina Monasterium advenſet; Rotmanni ſororem à ſe dimittere compulſus eſt, non ſinè magnis offenſionibus ac diſſidiis, inter Evangeliftam utrumque ortis. O! quales Evangeliftæ, non è coelo, ſed potiùs ex Averno miſſi?

Non meliorem effectum habuère Caroli Imperatoris literæ, de eadem re ad Franciſcum Episcopum datæ, & ab hoc in urbem ad Senatores miſſæ, quas adducit & refert Kerſſenbrochius. Jam enim plurimi conſulares viri (cùm viderent omnia pro ſeditioſorum voluntate geri) unà cum præcipuis theſauris opibusque ſuis ab urbe ſe retraxerant: interque eos maximè Everwinus Droſte & Wilbrandus Plônies Conſules, Hermannus Schencking urbis Judex, Theodoricus Münſterman, Hermannus Heerde, Bernardus de Tinnen, aliique non pauci viri optimè Catholici. Reliqui verò, qui in urbe manſerant, adeò frigide & extra ſcopum reſponderunt, ut liquidò apparuerit, eos vel metu ac terrore victos, vel à

Rot-

Monasteri-
enſes acce-
ptis hiſce li-
teris, non
modò Rot-
mannum
in templo
Lamberti-
no retinent
ſed etiam in
alias urbis
parochias
intrudunt
conciona-
tores Lu-
theranos.

*Kerſſenbr.
in hiſt.*

*Anabapt.
Monast.*

*perverſa
iſtorum
Prædican-
tium vita.*

** Kerſſenbr.
in hiſt.*

Anabapt.

** Hamelm.*

in hiſt. Ev.

*Mon pag.
1200.*

** Kerſſenbr.
in hiſt A-
nab. Mon.
ad hunc
annum.*

*Multi con-
ſulares viri
turbarum
cauſa ex ur-
be migrant.
Kerſſenbr.
ibid.*

Franciscus
Episcopus
annonam
urbi inter-
cludit, &
rebellium
bona in fis-
cum redi-
git.
Kerfsenbr.
ibid.

Legati ur-
bici petunt
agi de pace
per iudices
compromis-
sarios.
**Kerfsenbr.*
in hist. A-
nabapt.
Monast.

Monasteri-
enses, in-
eunda paci-
ficationis
causâ Tel-
getum invi-
tati, con-
siliarios o-
mnes ibidē
congrega-
tos malitio-
sē capiunt
& abdu-
cunt.
Kerfsenbr.
loc cit.
Kleinfor-
in hist m.
ad hunc
annum.

Rotmanno & aliis prædicantibus in sequiorem sensum abductos esse. Quare tandem Franciscus Episcopus de mandato Cæsaris ad acerbiora media se convertere debuit. Et primò quidem ineunte Octobri mercatorum Monasteriensium boves & alia, quæ Coloniæ ad autumnales nundinas mittebantur, prope Wernam oppidum attineri fecit. Tum deinde iussit omnes ad urbem vias per equestres copias obsideri, annonam & commeatum intercludi, rebellium bona in fiscum redigi, & præcipuos factiosorum duces ad diversa extra urbem tribunalia postulari, ut ibidem facinorum suorum rationem darent. Interea multi viri nobiles, tam è Capitulo, quàm è statu seculari, nihil industriæ aut laboris omisere, quo dissidium istud omni meliore modo complanarent. Instituti in hunc finem varii conventus: in quorum ultimo Legati urbici consensere tandem in duos iudices compromissarios, ex aliis Romani Imperii Principibus deligendos; unum videlicet ex parte Episcopi, & alterum ex parte urbis senatus. Ægerrimè id admittit Franciscus Præsul: videbat enim, ex ejusmodi compromisso nihil boni pro re Catholica sperari posse. Indicitur congressus in oppido Telgetano: designatur ex parte Episcopi Hermannus Archiepiscopus Paderbornensis Ecclesiæ Administrator: conveniunt pariter Monasteriensis Diocesis Proceres, cum diversis Consiliariis, Colonienfibus, Paderbornensibus, Osnabrugensibus, & Monasteriensibus, ad perficiendum pacificationis negotium adhibendis: mittitur in urbem nuntius, qui senatui civibusque referat, se ad pacificandum convenisse, præstolarique solum, ut & ipsi pariter per suos ablegatos Telgetum veniant, aut certè per literas indicent, quem è Principibus Imperii velut compromissarium pro sua parte designaverint?

At ecce! quàm insignis fraus ac malitia Lutheranae plebis: Tabellarium, qui ad se missus erat in festo Natalis Domini, totâ die fraudulenter detinent, portas urbis occludi mandant, in curiam senatoriam cum tribunis & opificum Præfectis coeunt; longâque consultatione sub vesperum factâ, cives omnes mediâ nocte convenire jubent cum sclopetis, gladiis, bipennibus, & omni armorum genere. Tum delecti è civium congregatorum coetu sexcenti viri, quibus adjungebantur trecenti milites præfidiarii, & aliquot currus, partim asseribus vectibusque, partim nitrato pulvere & scalis levioribus pleni. Cum his nocturno tempore extra muros effusi, summo mane in festo S. Stephani Telgetum veniunt: diruptisque portis, priusquam oppidani id adverterent, non solum omnes plateas occupant; sed etiam viros nobilissimos, pro communi pace laborantes, inaudito ac ferè ab ipsismet barbaris

baris execrando scelere in custodiam abripere satagunt. Evadebant pauci, primis clamoribus è somno excitati, puta Alexander de Morrien majoris Ecclesiæ Præpositus, Rotgerus de Schmisling Scholaisticus, & Henricus de Plettenberg Canonicus, qui per Amasim fluvium glacie concretum nudis pedibus effugère. Capti verò Philippus ab Hôrde Vice-Dominus, Melchior de Büren Cellerarius, & Adolphus de Bolefchwing, majoris Ecclesiæ Canonici: ex aliis vicinorum Episcopatum Legatis, Consiliariis, ac Nobilitate patriâ, Joannes Dynasta in Büren, & Hermannus de Mengerfen, Consilarii Paderbornenses: Gerhardus de Morrien Mareschallus Monasteriensis, Gerhardus de Reck Consiliarius Coloniensis, Joannes Merckel Cancellarius Osnabrugensis: Hermannus de Schencking, urbis Monasteriensis Prætor, Joannes de Peick, Wilhelmus de Clevorn, Franciscus de Grael, Everhardus de Buck, Everwinus & Alardus de Droste Consul Everwini filii, Bernardus, Joannes, & Henricus à Warendorp in Evinghoff, & alii quàm plures, consulari quondam aut senatoriâ dignitate functi. Omnes istos, reorum more curribus impositos, inter innumeras vociferationes Monasterium avexère: ubi tres Ecclesiæ majoris Canonici, aliique viri præcipui, honestis hospitibus commissi sunt; reliqui verò, ac præsertim ii, qui in officio consulari aut senatorio fuerant, primâ nocte in hominum flagitiosorum carceres detrusi, non sinè maxima cunctorum Principum, tam Lutheranorum, quàm Catholicorum, indignatione & offensa. Certè Philippus Hassiæ Landgravius, ut primùm audiit, hæc in ipso tractatu pacis contra omne jus gentium attentata esse: continuo die vicesimâ nonâ Decembris, senatum populumque Monasteriensem severissimè increpavit; monuitque, ut nihil ampliùs contra ejusmodi captivos agant, pacemque bello, & quietem ac tranquillitatem publicam tumultui tam insano præferant.

Longè prosperiora Francisco Præsuli fuerunt initia regiminis in Diocesi & urbe Osnabrugensi. Ibi, postquam à Pontifice confirmatus erat, solennem ingressum habuit die sextâ Decembris in festo *S. Nicolai*; neque aliud quidquam inquietudinis ibidem reperit, quàm quòd illius Diocesis incolas hostiliter infestaret inimicus homo, cognomento *Boem. Hermen*: qui jam ante in Diocesi nostra rapinis & incendiis plurimùm grassatus fuerat, & adhuc recenter, *Dominicâ post vincula Petri*, duas domos in vicinia cœnobii Marien-Münsterensis accenderat. Hunc ergo cùm audisset latitare plurimùm in Diocesi Mindensi, (quæ & ipsa Francisco suberat) primùm severissimis mandatis, ad omnes pagorum Præfectos editis, jussit ipsum unâ cum sociis comprehendi, & in castro Reinenbergi-

Facinus hoc improbatum ab omnibus Principib⁹, etiam A Catholicis.
Kerssenbr. ibidem.

Franciscus Episcopus inauguratur Osnaburgi.
Chron. Osnabr. ms. Capit incendiarium eumq; lentis ignibus comburi jubet.
Chron. Osnabr. ms. Flamelms.

*in append. Chron. Os-
nabr. pag.
643. & seq.* bergico sollicitè custodiri. Mox etiam intelligens, non paucos esse, qui pro eodem liberando satagere vellent; cum exquisita militum cohorte inter frigora & nives Reinenbergam venit, captivosque omnes Decembri ferè medio Iburgum abstulit. Ubi, cum ab Osnabrugensibus & Paderbornensibus facinorum suorum accusati & legitimè convicti essent; suprà dictus **Boem-Hermen** cum suo famulo, in loco, dicto **Stalbrinck** / ad palum alligatus, lentisque ignibus exustus est: reliqui autem inter alia tormentorum genera nocentem animam exhalârunt.

Annus Christi 1533.

CLEMENTIS VII. Pontificis 10. & 11.

CAROLI V. Imperatoris 14. & 15.

HERMANNI II. Administr. Pad. 1. & 2.

Carolus

Imperator,
Bononiæ
congressus
cum Ponti-
fice, impe-
trat, ut in-

dicatur
concilium
generale.

Haraus in

ann. brab.

Surius in

comment.

rer. gest.

Pallav. in

hist. concil.

Trid. l. 3. c.

12. n. 2.

Francisco

Sfortiæ,

Duci Me-

diolanensi,

uxorē dat,

suam ē so-

rore neptē

Christier-

nam.

Haraus in

ann. Brab.

Concilium

generale

Germanicis

Principib⁹

indicitur eā

lege, ut e-

jusdem de-



Olimanno victo, Carolus Imperator in Italiam abiens, Bononiæ sub finem anni præteriti solennem congressum habuit cum Clemente Pontifice: ibique inter alia devotissimè petiit, ut, cum omnes controversiæ fidei semper hæctenus à Principibus Germanicis ad generale concilium rejectæ fuerint; continuo studeret, illud pro communi bono & periclitantium Ecclesiarum necessitatibus indicare. Quod ubi firmiter statutum promissumque fuit; Cæsar indè Papiam, & hinc ulterius Mediolanum abiit: ubi Christianam (vel ut alii) Christiernam, Elisabethæ sororis suæ & Christierni Regis Danorum filiam, Francisco Sfortiæ Mediolanensium Duci in matrimonium tradidit. Lætus hic tam optatis nuptiis, quærebat modis omnibus recreare Cæsarem. At ipse visendæ magis Hispaniæ, quàm aliarum oblectationum cupidus, post dies pauculos venationi datos festinabat Genuam: ibidemque primo vere commissus pelago, non multò post felicibus ventis in absentis ac derelictæ diu conjugis amplexum rediit.

Interea promovendi generalis concilii causâ in Germaniam ablegati sunt Hugo de Rangonibus Orator Pontificius, & Lambertus Briardius Orator Cæsareus, Belgicæque concilii Præses. Hi, cum ad Joannem Fridericum Saxonie Electorem pervenirent in urbe Wimariensi; proposuerunt ipsi octo articulos, quibus admissis Pontifex intra sex menses generale concilium indicare vellet.

1. Ut Concilium sit liberum, et celebretur juxta morem à primis Ecclesiæ seculis usitatum. 2. Ut omnes promittant, se ejusdem decretis examus-

sim parituros. 3. Ut ii, qui justè excusati sunt ab accessu illius, legi-

timos

timos procuratores mittant. IV. Ut interea apud Germanos nihil inno-
vetur in rebus Fidei aut Ecclesiae. V. Ut Concilium celebretur in loco
idoneo et salubri, verbi gratiâ Mantua, Placentia, vel Bononia: qua-
rum singula capaces, et Germania propinquiores sunt, quàm aliis regio-
nibus Transalpinis. VI. Ut, si qui Principum neque per se neque per suos
Procuratores venerint; synodales tamen sessiones continuentur et pergant.
VII. Ut, si qui postmodum Concilii decretis non paruerint; reliqui Prin-
cipes cum Imperatore conjunctis viribus contra eosdem agant, ac synoda-
lium decretorum tuitionem in se recipiant. VIII. Ut ab indicti Concilii
tempore concedatur adhuc annus integer, intra quem domicilia pro hospi-
tibus adornari, res ad victum necessaria convehi, et, qui è terris lon-
ginq̃uoribus advocantur, se ad iter comparare valeant.

His auditis respondet Saxo, acturum se hac de re cum cete-
 ris Protestantium capitibus, Schmalcaldiae congregandis; indéque
 rescripturum, quid sibi ac suis visum fuerit de Concilii istius in-
 choatione, loco, modo, ac ordine. Tenor autem hujus responsi,
 quod ultimâ die Junii è Schmalcaldiensi conventu prodiit, erat hic:
Generale Concilium sæpius quidem à se suisque postulatum esse; non ta-
men aliud, quàm quod habendum sit in Germania: ut ibi remedium ap-
plicetur, ubi vulnus infictum dolet. Similiter se velle, ut omnes contro-
versiae decendantur solum è scriptura sacra. Neque permissuros, ut Roma-
nus Pontifex pari cum aliis jure in suffragio gerendo gaudeat: cùm et ipse
reus habeatur in rebus plurimis; et iniquum sit, eundem hominem in pro-
pria causa reum simul et judicem agere. Quis non videt, hæc fuisse
pura putâque effugia, non ad promovendum, sed ad declinan-
dum concilium excogitata? Concilium volebant in Germania:
 hoc est in loco tali, ubi Patres velut in carcere ita constricti essent,
 ut, si decernerent aliter, quàm Lutherani vellent; in continuo
 periculo versarentur, furorem plebis & Lutheranorum Principum
 contumelias incurrendi. Quæstiones Fidei volebant enucleari:
 at non à Pontifice, neque ab iis, qui doctrinis Pontificiis adhæ-
 rebant; sed à clamoris quibusdam rhetoribus, qui novam biblio-
 rum interpretationem à Luthero editam, in manibus ostentarent,
 nec aliud agerent, quàm vociferari & stentoreis clamoribus im-
 plere omnia. Scripturam solam volebant esse judicem: quæ ta-
 men, cùm de sensu illius disputatur, sui ipsius interpretes aut ex-
 planatrix esse non potest, uti patet ex apertissimis verbis illis: *Hoc*
est corpus meum. Hæc enim cuilibet sunt ante oculos: & tamen
 ex iisdem solis nondum hætenus dijudicata est controversia, quæ
 de legitimo eorum sensu Lutheranos inter & Calvinistas agitur.
 Recte igitur pronuntiavit de hac re Nicolaus *Helvicus, cùm ita
 scripsit: *Legatus Pontificius omnes Principes Protestantes ad concilium*

Principum
 Protestan-
 tium frigi-
 dissimæ ex-
 ceptiones
 & effugia:
 Pallav.
 loc. cit.
 Palat. in
 Ag. Austr.
 Spondan.
 ad hunc
 annum.

Ostendunt,
 se nunquā
 voluisse
 concilium
 legitimū:
 auct. iidem
 Corbleus
 in actis Lu-
 theri, &
 plur. alia.

*Helvic. in
 theat. hist.
 univ. ad
 hunc annū.

toties expetitur invitavit, atque, ut interessent, monuit. Sed brevi animadversum est, Protestantes non voluisse concilium legitimum et consuetum; sed liberum, hoc est, tale, quod eorum genio arrideret: quod Pontificem rejiceret, et Luthero assensum daret: quod scripturarum allegationes in sensu ab ipsis explicato reciperet: ac demum, quod ejusmodi esset, in quo nec spiritalis nec civilis auctoritas aliquid valeret.

Monasteri-
enses iterū
petunt
compro-
missum.
Kerssenbr.
in hist.
Anabapt.
Monast.

Monasterii Westphaliæ sub initium hujus anni vergebant omnia in excidium rei Catholicæ. Senatores tribuniq̃ue plebis, cum è variis Principum diversorum literis accepissent, invasionem suam Telgetanam ubique oculis infestis aspici; novâ fraude convertunt se ad patrocinia Philippi Hassiæ Landgravii. Deinde rogant Hermannum de Mengersen unum è captivis, ut interpositâ redeundi fide Bevergernam eat ad Franciscum Episcopum; eique nuntiet, cives omnes reducendæ quietis & amicitiae causâ compromittere in arbitrarios judices, à Philippo Landgravio designandos: id nî & ipse fecerit, captivos omnes totūque Clerum ob irritatæ plebis intemperiem in extremo vitæ periculo fore. Timidiorē se hîc ostendit Princeps, quā ea res postularet: compromittit in pacificatores Hassicos, Religionis Catholicæ inimicos: Mengersenius Monasterium revertitur: posterâque die, quæ erat septima Januarii, etiam Legati Hassici, videlicet Jacobus à Taubenheim, Joannes Fischer jurium Doctor, & Georgius Nussbicker Licentiatus, fide publicâ in urbem veniunt, operam suam Landgravii sui nomine ad procurandam pacem oblaturi. Hi, cum non solum à Senatu, sed etiam ab Episcopo, velut arbitri sequestresque pacis tandem admissi essent; post bene longam utriusque partis consultationem, die decimâ quartâ Februarii convenerunt in varios articulos pacis, quorum præcipui sunt sequentes: *Franciscus Episcopus in causa Religionis nullam vim urbi inferet; permittetque, ut in sex templis parochialibus, nimirum Lambertino, Ægidiano, Martiano, Ludgeriano, Servatiano, et Mariano Trans-aquas appellato, novi Evangelii ritus et prædicatores maneat, donec aliud statutum fuerit à generali concilio, vel communi Principum consensu. In Ecclesia Cathedrali, ceterisque templis non Parochialibus, Catholici retinebunt sua sacra, donec aliter disponent Superi. Cives in profanis politicisque rebus Principi suo non minùs, ac aliarum urbium oppidani pareant: eidem pariter, et omnibus personis Ecclesiasticis, vectigalia, pensiones, aliòsque ipsorum redditus, pro ut aliàs consuetum fuit, accurate solvent. Senatores manum suam non injicient in Ecclesiastica beneficia, quæ ad aliorum collationem ab antiquis temporibus pertinere. Captivi omnes consuetâ cautione præstitâ relaxentur, cum restitutione omnium ablatorum, quæ in manibus ac potestate Senatorum fuerint.* Joannem Baronem de Buren, Her-

Statuitur
per Legatos
Hassicos
sædissima
pax, quâ
Lutheranis
relinquun-
tur sex tem-
pla paro-
chialia.
Kerssenbr.
in hist.
Anabapt.
Hamelm.
in Hist. E.
vangelii
pag. 1195.

*Hermannum de Mengersen, et Joannem Merckel Cancellarium Osna-brugensem, levabit civitas ab omnibus expensis, durante captivitate in hospitio suo factis: reliqui verò nobiles Diœcesani suas ipsi expensas fe-
rent etc.*

Infelicissimæ hæ leges pacis (quas Episcopus & Nobilitas re-
cipere coacti sunt, ut iniquè captos è civium indomitorum ungui-
bus extorquerent) æternum Catholicæ Religioni exilium indixis-
sent; nisi Anabaptismus, è licentiore vita propediem consecutus,
pacem hanc & omnes concordie prædictæ leges iterum dissolvif-
set. Id autem hoc modo contigit. Publicatâ pace Lutherani ci-
ves Rotmannum, quem ut hominem de coelo missum venerati sunt,
favore novo constituebant primum suæ urbis *Superintendentem* :
neque jam aliud ipsi ad Evangelicè vivendum decrat, quàm sola
uxor, quæ Lutheranæ vocationis complementum esse solet. Itaque
die decimâ nonâ Februarii matrimonio sibi conjunxit relictam vi-
duam Joannis Vigerii, urbis ejusdem Syndici; cui vivente adhuc
marito Evangelicum spiritum & amorem infudisse dicitur. Au-
ctus hoc solatio, novationem à se inceptam promovebat acriter:
nec minore alacritate vesana plebs funestis ejusdem conatibus ob-
secundabat. Primum igitur ejus impulsu reformatur Magistra-
tus: ejectisque iis, qui vel probè Catholici, vel certè ad rem Ca-
tholicam benè affecti erant, substituuntur homines osores Cleri,
seditionum fabri, novarum doctrinarum asseclæ, tumultuatores
indomiti, contumaces, audentissimi. Deinde eâdem facilitate
persuadet civibus, Eucharistiam non alio ritu ministrandam esse,
quàm quo à Christo ministrata est: ideoque abolito naturalis jeju-
nii præcepto, coepit homines communicaturos vespertino tem-
pore vel in templum, vel in ædes privatas convocare, particulas
quasdam ex pane similagineo iisdem porrigere, & pateram vino
plenam inter se dividendam tradere, nullâ habitâ attentione, u-
trùmne bene poti, an verò ebrii accessissent. Quòd si aliquis ægri-
tudine vel alia de causa impeditus fuerat ab hujusmodi congressu
coenâque vespertinâ; huic frustum similaginis istius ad ædes pro-
prias in sua manica adferebat, non sinè risu hominum sapientio-
rum: à quibus ideo novâ voce, à similis* aut similaginibus de-
rivatâ, passim in urbe nominari coepit *Bernardus similarum portitor*,
fordens malæ farinæ nomen. Neque id satîs erat nugarum & sor-
dium. His enim principiis positis, etiam paulatim ex prætenso
Dei verbo huc insanie devenit, ut communicaturi non pa-
terentur ampliùs, panem sacrum sibi à Rotmanno porrigi; sed suis
ipsi manibus ex eo decerperent, quantum vellent, ac deinde ple-
nis tractibus è consecrato calice se proluerent. Imò cum Rot-

Rotmann^o
Monasterii
fit primus
superinten-
dens Lutha-
ranus, &
uxorem
ducit.
Kerssenbr.
loc. cit.

Ejus impul-
su, Catho-
lici omnes
ejiciuntur à
Magistratu.
Kerssenbr.
loc. cit.

Ministrat
Eucharistiâ
in cœtibus
vespertinis.
Kerssenbr.
ibid.

Quare di-
ctus fuerit
stuten
Berend.
Kerssenbr.
ibidem.
Hamelm.
pag. 1190.

*simila vel
similago
westphali-
cè ein-
stute.

Panem sacrum interrit in patinas; vinoque superfuso, dat illum cochlearibus exedendū.

Kerssenbr.

in hist.

Anabapt.

Monast.

Defleat in

errorem

Zwinglii,

& negat

præsentiam

Corporis

Christi in

Eucharistia.

Kerssenbr.

loc. cit.

mannus inter utramque speciem, simul aut successivè sumptam, nihil interesse duceret: novo convivii spiritualis genere interdum post consecrationem similagines suas intrivit in amplas patinas; vinoque liberali superfuso easdem suis communicantibus apposuit, ut adhibitis cochlearibus totum exederent, ac saturarentur de mensa Domini.

Hæc autem agebat homo nequam, ut paulatim vilescere Sacramento, faciliorem sibi viam aperiret ad excludendam ab eo veram ac realem præsentiam Corporis & Sanguinis Christi. Errorem hunc Zwinglianum jam antè hauserat in urbe Argentina; eumque postmodum instillaverat nonnullis, qui doctrinæ & favori ejus ardentius inhærebant. Ex horum numero Prædicator aliquis Ludgerianus, posteaquam die vicesimâ septimâ Martii diffregisset repositorium Divinissimi Sacramenti, extractam ex eo hostiam cum ludibrio divisit in tres partes; easdemque sacrilego oris flatu coram pluribus dissipavit, inquires: *Ecce hic Deus vester!* similiter etiam Bernardus Knipperdollingius, die nonâ Aprilis per Basilicam Cathedralem transiens, in ea sacrificantem Presbyterum hisce verbis adortus est: *Heus! tu famelicus Sacerdos: nondumne satis Deorum absumpsisti?* Nemo tamen impudentius hac in re locutus est, quàm ipse Rotmannus, istorum sceleratorum signifer. Nam, ut Kleinsorgius & alii perhibent, die quadam sacramentum hoc ritu judaico fregit, & in terram abjecit, asserens: *Videte! ubi hic est caro et sanguis Christi? Id si esset, utique attolleret se de terra, et rursum se retraheret in altare.* Vah! impudentissimum os, nec absimile illi, quo judæi crucifixores olim vociferati sunt in morte Domini: *si filius Dei est, descendat nunc de cruce!*

Franciscus Episcopus Monasterii solenniter inauguratur.

Kerssenbr.

loc. cit.

Novationi huic Rotmannianæ per breve tempus intervênit solennis inauguratio Francisci Episcopi, qui hoc anno tandem die quartâ Maji Monasteriensem urbem cum apparatu splendido ingressus est. Venientem excepere cives, longo ordine per plateas dispositi, à porta Ludgeriana usque ad fanum S. Michaëlis. Altero mane novus Princeps, audito solenni sacro, consuetum fidelitatis & obsequii juramentum depoposcit à Senatu & Consulibus, ante propylæum Cathedralis templi congregatis. Quod cum illi more solito præstitissent, magnificis epulis in Episcopali aula excepti sunt; ac vicissim pro die postera Antistitem suum invitârunt ad refectionem vespertinam, in urbis curia præparandam. Debuisset Princeps in hoc rerum statu ab istius convivii aditu se abstinere: præsertim, quia probè nôrat, in moderno Magistratu Senatores non alios esse, quàm homines audacissimos, olores Cleri, seditiosos, contumaces; qui adhuc recenter viros omnes Catho-

cos

cos è Magistratu ejecerint, & omnium Lutheranorum tumultuum auctores fuerint. At ille non solum epulas in urbis curia præparatas adiit; verum etiam non modicâ noctis parte primariorum civium & matronarum choreas ibidem aspectavit. Nimirum ea tunc erant Episcoporum sensa & mores, ut ferè nullus dolor eorum animis faciliùs evolaret; quàm qui ex naufragio fidei, aut ovium commissarum interitu ac perditione debuisset concipi.

Monasterio discessit Princeps ad alia ejusdem Dioecesis oppida; & interea Rotmannus, novationum suarum progressu tumidus, etiam ad errores Anabaptisticos deflectebat: sive eos didicerit ab Henrico Rullio concionatore Ægidiano (ut aliqui voluerent) sive à Joanne Bockelsonio sartore Leidenfi, qui eodem ferè tempore Monasterium venerat. Ut autem doctrinam hanc sub assumpta sanctitatis larva in hominum plebejorum animos fallaciùs instillaret; coepit hac æstate novos omnino mores induere; levitatem omnem à se rejicere, in incessu gravis esse, in victu sobrius, in vestitu modestus, in communi sermone taciturnus. Non adire ampliùs convivia, non interesse poculis, non frequentare ludos & choreas, non admittere mulierum aut puellarum oscula. In concionibus etiam adhortari suos, ut in operibus misericordiæ sint assidui, ut inimicitias ponant, ut amore se invicem prosequantur, ut veluti fratres & sorores inter se agant, ut exemplo primorum Christianorum omnia sua bona habeant inter se communia; atque ita *peccato mortui et Christo conscripti*, vitam novam planèque spiritualem degant. Quo dicendi vivendique genere cum in hominum simpliciorum animis non parvam suæ sanctitatis opinionem peperisset; meditatum virus tandem effundere, & revelationes à coelesti Patre sibi factas obtrudere coepit, hoc modo loquens: *totum orbem post breve tempus involvendum esse horribili calamitate, quæ à nullo hominum evadenda sit, quàm à solis electis, novique fœderis caractere insignitis. Hunc autem novi fœderis characterem, esse baptismum hominum adultorum: id est, eorum, qui jam credentes mundoque mortui, ad accipiendam S. Spiritus illustrationem se denuo baptizari, undisque salutiferis retingi sinant.* Similia dicebant & annuntiabant alii, è Lutheranis Præconibus Anabaptistæ facti, putà Hermannus Stapreda, Joannes Cloprisius, Godefridus Stralenius, Dionysius Vinnius, & Henricus Rullius, ex Harlemiensi monacho desertor Ordinis & postea combustus Ultrajecti.

Senatus ex ea doctrina periculosas consecutiones veritus, primum eos amicè monet; ac deinde etiam in urbis curia severissimè præcipit, ut ab odiosis hujusmodi doctrinis in posterum sibi temperent, neque ea de re in suis concionibus ullam ampliùs mentionem

Rotmann⁹
labitur in
errores. A-
nabaptisti-
cos: arque
ut eos faci-
lius in ple-
bem funda-
dat, novam
sanctitatem
exterio-
rem induit.
Kerfsenb.
in hist. A-
nabapt.
Monast.

Senat⁹ Præ-
conibus A-
nabaptisti-
cis interdi-
cit Cathedra, mo-

nem

vérq; eos ab officio.

Kerssenbr. in hist. ms.

Petit auxilium Episcopi contra Anabaptistas. Kerssenbr. ibid.

Detrectar, in æde Cathedrali ferre concionatorem Catholicū. Kerssenbr. ibid.

Rotmann, factionem Anabaptisticam vehementer augeat, & novos fidei articulos in lucem edit. Kerssenbr. in hist. Anab. Mon.

nem faciant. Quod cū illi protervè contemnerent, & jam ali- quibus civium primariorum pueris baptismum denegassent: no- vo tandem edicto eosdem omnes à sacris officiis amoveret; simulque Francisco Episcopo per legatos indicat, urbem suam intestinis dis- sidiis æstuarè, doctrinam Anabaptisticam à Rotmanno & aliis in- troduci, ideoque peti à se, ut malum istud virorum literatorum præsidio quàm primùm tollat. Respondet ille: *mirari se, quòd malorum suorum remedia tam serò flagitent. Tunc illa postulanda fuisse, quando Rotmannum contra sui Principis voluntatem in suis adibus deti- nuère, quando Pastores Catholicos à suis Ecclesiis exclusere, quando sedi- tiosos Concionatores parochiarum suarum cathedris imposuere, iisque o- mnem reformandi novandique licentiam contra antiquas Ecclesiæ consue- tudines permiscere. Nihilominus tamen visurum se, ut et nunc præsentè malo subveniat: dummodo et ipsi pariter Episcopo suo magis obtemperent; et Patrem Henricum Mumpertium, Ss. Theologiæ Doctorem Dominica- num, quem ab Ecclesiæ majoris cathedra contra leges pacis hucusque præ- pediverant, ibidem concionari et officio suo perfungi sinerent.* Mirum! quâ perviciaciâ senatus opposuerit se huic postulato Principis! quidquid literarum ea de re ad senatum daret (dedit autem frequen- tissimas) nullum aliud responsum à senatu obstinato retulit; quàm in æde Cathedrali Mumpertium tolerari à se non posse nec debere, ne illius prædicatione Lutherani cives ad fidem Romano-Catholi- cam revocentur. Prò! quanta execratio!

Sed idcirco forsitan Deus permisit hoc, ut nobilissima civitas illa (dum Catholicæ Religionis excidium quæreret) per invalescen- tem Anabaptismum, ejusdemque extinctionem paulò post conse- cutam, ad Ecclesiæ Romanæ gremium reduceretur. Nam interea, dum senatus contra leges pacis Mumpertium recusaret, Rotman- nus factionem Anabaptisticam clanculariis conventionibus vehe- menter auxit; simulque novos doctrinæ hujus articulos excudi fe- cit, quorum præcipui sunt: *Baptismum puerorum esse abominationem coram Deo. Sacramenta, Missas, Chrisma, Oleum sacrum, et similia, à Diabolo et Pontifice velut Anti-Christo inventa esse. Hostiam à Sa- cerdotibus elevari aut circumferri solitam, esse magnum Baal. Diem Sabbathi, et non solis, à Deo institutum, et ex ejus præcepto servandum esse. Christum à MARIA Virgine naturam humanam non assumpsisse. Neminem censeri posse Christianum, nisi qui primùm crediderit, et postea baptizatus fuerit. Magistratui gentium, sive eorum, qui à cœtu Ana- baptistico sejuncti sunt, non esse parendum. Omnia bona inter Christia- nos esse communia; et ideo pensiones ab iisdem nec solvi, nec postulari oportere. etc.* Doctrinam hanc maximèque ultimum ejus articu- lum, quantocyus amplexi sunt, non modò pauperes & obærat; ve-

ve-

verum etiam opulentiores aliqui, fucatâ Rotmanni & sociorum sanctitate lusi. Qui, cum omnia bona sua ad novorum Apostolorum pedes pro communi usu detulissent; incredibile dictu est, quanta hominum perditissimorum colluvies è diversis provinciis Monasterium venerit. Huc Westphali, huc Rhenani, huc Hollandi, Geldri, Frisones, & omnium ferè nationum Anabaptistæ profugi, tam ingenti numero confluxere, ut eorum multitudo intra breve tempus toti urbi formidabilis esset.

Tum verò Senatus, diuturnam conniventiam suam serò dam-nans, tandem severiora media circumspicere cogitur. Et quia recenter duo novi Prædicantes nimirum Joannes Leningius & Theodorus Fabritius à Philippo Landgravio missi erant; communi decreto statuit, Rotmannum & omnes Præcones Anabaptisticos, unâ cum suis assèclis & sectatoribus ab urbe ejici ac proscribi debere. At frustra jam & nimis serò; cum enim decretum hoc die 5. Novembris publicatum fuit, continuò Lutheranos inter & Anabaptistas tam horrendus in urbe tumultus oritur, ut senatus, posteaquam utraque pars totâ nocte cum gladiis & bombardis contra se invicem in armis constitisset, urbem omnem civili sanguine perfundendam veritus, altero mane cum Anabaptistis pacem facere cogeretur in hunc modum: *Anabaptista relinquent Lutheranis omnes ipsorum Ecclesias, neque publicas conciones habeant. Tolerentur tamen in hac urbe, et cujuslibet libertati permittatur eam fidem amplecti, quam sibi salutique suæ magis profuturam duxerit.* Rebellionem sic pacatâ, Leningius, graviora pericula veritus, non multò post in Hassiam se recepit. Videbat enim, pacem hanc minimè diuturnam fore; neque alio fine ab Anabaptistis initam, quàm ut interea temporis factionem suam novis hominum accessionibus auctiorem redderent. Fabritius autem, homo audax & eloquens, qui depulso Rotmanno Lambertinam Ecclesiam occuparat, non solum in urbe factionibus agitata mansit; verum etiam, invito Præsule, novam Ecclesiæ ordinationem procudere coepit: quam non sinè gravi sua & suorum confusione. Nam eâdem die, quâ novam hanc ordinationem promulgavit (erat autem pridie Kalendas Decembris) à Rotmanno æmulo suo, tam in templo, quàm in coemeterio, acerbissimè invasus, & innumeris penè contumeliis laceratus est. Studuere quidem Senatores eam Rotmanni maledicentiam intentato exilio plectere. At ille numerum suorum sectatorum brevi tempore jam ita auxerat, ut hujusmodi comminationes ac decreta flocci faceret. Proinde, cum Senatus ei die undecimâ Decembris memoratam exilii poenam indiceret per satellitem; eundem, honorario munere à se donatum, cum ludibrio

Anabaptistæ ex omnibus Provinciis Monasterium confluent, *Kerssenbr. in hist. tit.*

Senatus omnes Anabaptistas proscribit ab urbe: sed exorto civili tumultu iterum cogitur eisdem ferre. *Kerssenbr. ibid.*

Fabritius, Præco Lutheranus, novam Ecclesiæ ordinationem fabricans, multis contumeliis à Rotmanno invaditur. *Kerssenbr. ibid.*

Senatus Rotmanno indicit exilium: sed ille, suorum auxilio fretus, ridet ejusmodi minas. *Kerssenbr. in hist. mss.*

brio remisit, inquiens : *se Dei et suorum auxilio communitum, non egere Senatorum protectione; atque ideo inanes hujusmodi minas non timere.* Quo audito, protinus Anabaptistarum plurimi ad ejusdem ædes confluxere, unaque voce polliciti sunt, se eidem adversus omnem Senatorum vim usque ad ultimam sanguinis sui guttulam constanter adstituros.

Alia Dio-
cesis Mo-
nasteriensis
oppida, Lu-
theranismū
amplexa,
coërcentur
ab Episco-
po.

Kerfsenbr.
loc. cit.
**Kerfsenbr.*
loc. cit.

Ahlense
oppidum
duos præ-
dicantes
Lutheranos
recipit, per
quos ejici-
untur Pa-
stres Ca-
tholici.

Hamelm.
in hist. Ev.
oppidi Ah-
lensis. pag.
1304. es seq.
**Kerfsenbr.*
loc. cit.

Gerhardus
de Reck
Dominus in
Heëlsen, om-
nia Ah-
lensium pe-
cora sub
concione
Lutherana
silenter
abigit.
Hamelm.
loc. cit.

Dum hæc aguntur Monasterii, etiam aliqua è minoribus ejusdem Dioecesis oppidis, putà Warendorpium, Cosfeldia, Dulmania, Beckemium, & Ahlena, Lutherani Evangelii causâ novationem aliquam incepere. Sed, cum infirmi eorum conatus à Francisco Episcopo per se suosque satrapas facillimè repressi fuerint; operæ pretium non est, in earum novationum aliqua nos detinere: præterquam in ea tantum, quæ ex loci istius genio aliisque circumstantiis non parum lepôris habet. Rei seriem sic paucis accipe! Die 2dâ Junii, quæ tunc erat feria 2da *Pentecostes, sollicitaverant Ahlenses, ut exemplo Monasteriensium permittatur sibi Lutheranus *Prædicans*, qui purè doceat verbum Dei. Id cum negatum esset ab Episcopo; nihilominus ex urbe Monasteriensi duos ejusmodi Præcones petunt, instigante Gerhardo Cotio, Ahlensis oppidi Secretario simul & Ludimagistro. Mittuntur ergò insignes duo, Brictius Nordanus bigamiæ commissæ reus, & Joannes Beveranus Franciscani Ordinis Apostata: qui in duas Ecclesias Parochiales per vim intrusi, continuo coeperunt Catholicorum sacra vituperare, Evangelicam libertatem extollere, Sanctorum venerationem velut idololatriam reprehendere, Pastores legitimos ab officio dimovere, ac demum cives eum in modum concitare, ut in utroque templo Divorum statuas*comminuerint, repositorium Augustissimi Sacramenti fregerint, calices diripuerint, suppellectilem sacram profanârint, & ablatis altarium candelabris ædes proprias exornaverint. His peractis, Monasterium rediit Brictius; & Ahlenæ in veteris Ecclesiæ cathedram suo loco reposuit suprâ dictum Gerhardum Cotium, qui jam antè Lutheranis doctrinis Wittenbergæ institutus fuerat. Sed brevi didicit hic novus Præco, quantum periculi sit, in ejusmodi vocatione, per seditionem ac tumultum popularem facta. Etenim Franciscus Episcopus, posteaquam Ahlenses diu frustra ad restitutionem adhortatus esset, rogatu Joannis ab Harman, Capenbergensis Ecclesiæ Canonici & Ahlensis Decani (quem expulerant) negotium illud commendavit Satrapæ suo Gerhardo Reckio, Domino in Heëlsen; eumque jussit modis omnibus invigilare, ut Ahlenses vi & metu ad obsequium cogat. Nec defuit fortuna votis: Reckius enim, adjuvante Godefrido ab Harman Decani expulsi fratre, non par-

vam

vam equitum peditumque manum tacitissimè comparavit : am-
bòque postmodum, in festo S. Matthæi, inter crassiores nebulas
ante oppidum Ahlense veniunt, & sub ipsa concione matutina o-
mne cornutum pecus è pascuis vicinis auferunt.

Id cum oppidani comperissent, dici non potest, quo furore
contra Gerhardum Cotium, velut mutatæ Religionis auctorem
insurrexerint. Ante alios iratæ feminæ, cum dolerent sua pascua
lactiferis vaccis & bobus vacua, confestim ad ædes Cotii fremitu
insano currere, flere, gemere, ejulari, intèrque mille diras eun-
dem cum socio Beverano poscere. Pars etiam tentare januam,
valvas diffringere, scalas apportare, fenestras inscendere, extre-
ma omnia seductoribus comminari. Mille in angustiis tunc erat
uterque *Prædicans* : neque salvis capitibus evasisent, nisi inter hu-
jusmodi fremitus latibulum invenissent. Beveranus enim occu-
luit se sub acervo aridorum fruticum vel ramusculorum ; ibique
in diem tertium delitescens, tandem è moenibus beneficio noctis
elapsus est. Cotius autem sub muliebri veste clàm erumpens, ab-
scondit se in vicina domo sub acervo straminum : ubi novus mu-
lier per quinque dies in summis angoribus tam diu jacuit, usque
dum sedato plebis tumultu silenter eductus, & Monasterium ave-
ctus fuerit. Sed nec ibi à ludibriis hominum immunis mansit. Quo-
cunque enim per plateas iret ; non modò Catholicorum, sed etiam
Anabaptistarum digitis monstrabatur, audiebátque passim de se
dici : *Ecce istum, qui Lutherana prædicatione suâ Ahlensem populum
suis vaccis et bobus exuit.* Ità demum Ahlenæ res Catholica postli-
minio restituta est, & Joannes ab Harman Pastoratui ac Decana-
tui suo redditus.

Longè tristius excidium Religio nostra hoc anno passa est in
urbe Huxariensi. Convenerant illuc mense Januario Philippus
Hassia Landgravius, Ernestus Dux Luneburgicus, multique Co-
mites & Barones, composituri lites aliquas inter Jodocum Comi-
tem Hojanum & Franciscum de Halle Ordinis equestris virum.
Aderat Landgravio Lutheranus Prædicans, qui omni mane in e-
jusdem ædibus concionabatur, priusquam Domini congregati
procederent ad examen causæ. Hunc ubi sæpius dicentem au-
divissent gregarii cives ; novâ ejus eloquentiâ fascinati, senatum
adeunt, postulântque, ut ejusdem Evangelii præcones aliquos in
urbem advocet. Respondit senatus, *rem istam non esse positam in
sua potestate : formidandum quoque, ne ex eo sequantur magna urbis in-
commoda ; ideòque expectandum esse usque ad concilium generale, proxi-
mè indicendum.* At illi nihilominus obstinatè perstant in suis postu-
latis : ac demum auctoritate propriâ in urbem ducunt Joannem

Oppidani
Ahlenses,
maximèq;
feminæ,
ambos præ-
dicantes ad
necem po-
stulant.
Hamelm.
ibid. pag.
1306. &
seq.

Egerrimâ
tandem
elabuntur,
oppidumq;
redit ad
religionem
Catholicâ.
Hamelm.
ibid. p. 1308
& seq.

Lutheranis-
mus recipi-
tur Huxa-
riæ, & con-
tra volun-
tatem sena-
tus intro-
ducitur à
Joanne
Wianen-
stedio, Apos-
tata Augu-
stiniano.
Chytrausl.
13. Saxon.
Hamelm.
in hist. Ev.
Erbens in
chron.
Huxar.
Kleinsorg.
in hist. msf.

A a

Win-

Winnenstedium, ex monasterio S. Joannis prope Halberstadium sacerdotem profugum. Is cùm aliquoties concionatus esset in privato loco, seditiosâ audaciâ suâ civium plurimorum animos ita concitavit, ut non modò violenter ipsum intruderint in Ecclesiam parochialem S. Kiliani; verùm etiam eadem pervicaciâ involârint in Ecclesiam Collegiatam S. Petri, eamque præcipuis ornamentis suis turpissimè dispoliârint. Qua de re in veteribus monumentis Ecclesiæ Petrinæ ita legitur: *cùm anno 1533 Joannes Winnistadius, Ordinis S. Augustini Canonicorum Regularium ex monasterio S. Joannis prope Halberstadium Sacerdos Apostata, Huxaria disseminavit Lutheri dogmata; cives hac peste imbuti, in Ecclesiam S. Petri turmatim irruerunt, everfis unâ die sex altaribus, combustis imaginibus, ablatâ pretiosissimâ suppellectile, ita ut Canonici tunc temporis damnum illatum computaverint ad octo millia Imperialium. Ægerrimè quidem id ferebant, non solum Canonici, sed etiam Senatores. Ast quid agerent contra tumultuatores istos? cùm ex una parte Philippus Landgravius pro tuendo civium Lutheranismò staret; & ex altera parte Corbejenfis Princeps imbecillior esset, quàm ut urbem Huxariensem ad obsequium cogeret. Quare tandem anno 1536 Canonici Petri, agente eodem Landgravio, adacti sunt ad foedissimam transactionem, sibi suoque Capitulo maximè exitialem; de qua in prædictis monumentis Ecclesiæ Petrinæ ita legitur: *Mediante Landgravio Hassia, transactio inter Canonicos et cives Lutheranos facta est, quâ egre permisi sunt Canonici, horas Canonicas in choro legere et cantare; Missam verò et aquam benedictam Lutherani exclusérunt. Exinde Canonici, ad hæresin descedentes, cœperunt curias Canonicales vendere, et ex adibus viginti octo remanserunt quinque tantum, quibus Senatus concessit libertatem.**

*Kleinsorg.
in hist. ms.
ad annum
1532.

Eodem ferè tempore Lutheranismus in Comitatum Tecklenburgensem ingressus est per Mechtildem Hassicam, Philippi Landgravii patruelem. Hæc primam ætatem suam Deo consecraverat in monasterio *Kauffungeni Ordinis S. Benedicti: quod olim à S. Cunegunde conditum, & ab ea post mortem S. Henrici Imperatoris inhabitatum erat. Cùm autem Philippus Landgravius Parthenonem hunc everteret; Mechtildem istam, & cum ea pariter Evangelium Lutheranum, tradidit Conrado Comiti Tecklenburgico. Qui ex eo tempore Schmalcaldicum foedus amplexus est; atque, ut Clericorum ac Religiosorum bona ad se raperet, doctrinam Lutheranam in Comitatum suum introduxit.

An-

Annus Christi 1534.

CLEMENTIS VII. Pontificis *II.

PAULI III. Pontificis *I.

CAROLI V. Imperatoris 15. & 16.

HERMANNI II. Administ. Pad. 2. & 3.

*obiit die
25. Sept.
*electus die
12. Octobr.
coronatus
die 3. Nov.
Hariaden⁹
Barbarossa,
Turcarum
Architha-
lassus, reg-
num Tunc-
tanum oc-
cupat, de-
pulsio Rege
Muleasse.
Etropius in
diario ex-
pedit. Tu-
net.

Surius,
Spondan.
Pal. & alii.
Gravia ma-
la minatur
Hispaniæ
& Italiæ: sed
anno se-
quente Ca-
rolus V. eū
rursus è
regno Tu-
nerano eji-
cit, & Mu-
leassum re-
stituit fa-
ventissimis
conditio-
nibus.
Etropius
loc. cit.
Spond. ad
hunc ann.
Surius in
comment.
rer. gest.

Palat. in
Aq. Austr.
*anno 1535
Joannes
Bockelso-
ni⁹ (aliàs

Hoc anno Hariadenus Barbarossa, Solimanni Turcarum Imperatoris Archithalassus, Italici maris oram cum triginta biremibus & sexaginta triremibus infestare coepit: expilatisque aliquot oppidis, è quibus multi in servitutem abducti sunt, ejusmodi terrorem injecit Italis, ut etiam in urbe Roma ac Neapoli trepidatum fuerit. Indè rursus incredibili celeritate vela vertit in litus Africæ: ibique Muleassum Tuneti Regem, ad arma penitus imparatum, repentinâ invasione de throno movit, universo ipsius regno in potestatem Solimanni tradito. Neque satis id erat homini victoriis tumido. Mox enim pro arroganti genio suo majorem aliam apparabat classem, cum qua iterum fines Christianorum aggredi, eosdè que penitus obterere vel debellare posset. Id cum audisset Imperator (qui tunc agebat in Hispania) videretque simul, quot & quanta pericula sibi suisque terris imminere queant ex istis Barbarossæ motionibus: continuo coepit adornare classem numerosissimam septingentarum (ut ajunt) navium, putà Melitensium, Genuensium, Papalium, Lusitanarum, & Hispanicarum. Cum his in Africam anno *sequente navigans, Barbarossam è regno Tunetano eadem facilitate, quâ illud occupaverat, rursus ejecit. Ac deinde Muleassum in thronum regni sui reposuit sub faventissimis conditionibus, quarum præcipuæ sunt: *ut arcem Guletanam, cum agris per duo milliaria circumfusus, in Caroli Imperatoris et suorum Successorum potestatem perpetuò transferat. Ut Christianis permittat, in regno Tunetani degere, negotiari, domicilium figere, et, ubi suas ades ac possessiones habituri sunt, etiam Ecclesias vel cœnobîa struere. Ut in omnibus Tunetani regni provinciis Christiani omnes, in captivitate vel servitute constituti, cujuscunque sexûs, ætatis, vel nationis fuerint, libertati suæ restituantur, etiam addito viatico, si cui forsan hoc opus fuerit etc.*

Novum aliud hoc anno regnum in urbe Monasteriensi erexerunt Anabaptistæ, elevato in regni solum Joanne Bockelsonio factore Leydensi, quem vulgò nominant: *Johan van Leyden*. Is, cum esset ingenio satis vivido, scripturamque sacram occasione novarum hæresum studiosè pervolvisset; præcedente anno lautio-

Johan van Leyden) al-
 terâ vice
 Monasteriū
 redit cum
 Joanne
 Matthifon-
 io Ana-
 baptistarū
 duce.
Kerssenbr.
in hist.
Anabapt.
Monast.
ad hunc
annum.
 Simulant se
 esse duos
 Prophetas
 à Deo mis-
 sos.
Kerssenbr.
ibidem.

ris fortunæ desiderio Monasterium venerat, ut Rotmanni famo-
 sissimam doctrinam attentius pervideret. Cum eo collocutus,
 ipsiusque sensa de puerorum baptismo percontatus, post unum al-
 terumve mensem revolavit in Hollandiam: ubi plura conferens
 cum Joanne Matthifonio, præcipuo Anabaptistarum duce, non
 modò sacrilegis undis se retingi fecit; sed etiam sectæ istius fun-
 damenta tam exactè combibit, ut brevi inter primarios Anabap-
 tistarum Doctores reputatus fuerit. Primùm igitur de augendo
 suorum numero sollicitus, Amstelodamum, Roterodamum, Alc-
 mariam, & alias Hollandiæ urbes cursim peragravit, & ubique
 multos pestilenti huic Anabaptistarum coetui adscripsit. Indè sub
 initium hujus anni, die decimâ tertiâ Januarii, unâ cum Joanne
 Matthifonio Monasterium rediit: ubi hi duo novi Prophetæ (quo-
 rum alter Elias, & alter Enoch videri voluit) incredibili suorum
 plausu excepti, & apud Knipperdollingium in hospitio collocati
 sunt. Uterque peregrino & infueto habitu amictus erat: uterque,
 ut plebem falleret, singularem fucatamque sanctitatem in gestu
 & moribus præferebat: uterque spiritu Prophetico vaticinabatur,
 novum inibi Sionis regnum propediem erigendum esse, deletis o-
 mnibus doctrinæ suæ non adhærentibus. Id autem ut efficerent,
 primò per comminationes ac tumultus intestinos Magistratum a-
 degerunt, ut permitteret cuilibet, non solùm credere; sed etiam
 docere, prout in conscientia sua docendum vel credendum duce-
 ret. Deinde Henricus Rullius, velut entusiasmo correptus, die
 octavâ Februarii per plateas urbis cursitabat, horrendis clamori-
 bus insonans: *pœnitentiam agite, qui nondum rebaptizati estis! ne
 ultionem Patris provocetis in capita vestra. Pœnitentiam agite! adest
 enim dies Domini: dies, quâ Dominus purgabit arcem suam, ac delebit
 impios de domo sua.* Idem faciebat post ipsum Bernardus Knipper-
 dollingius, & Joannes de Leyden, dictus aliàs Bockelsonius: quo-
 rum uterque nudo capite, oculisque in cœlum fixis, attonitam
 urbem oberrabat. His autem clamore nimio cursuque delassatis,
 iterum succedebant plures alii, non solùm viri; sed etiam feminæ,
 Baccharum aut Mænadum instar in omnes plateas fusæ: quorum
 alii addebant, Regem Sionis è cœlo descensurum ad erigendam Je-
 rusalem novam: alii fingeant, coelestem Patrem à se videri in nu-
 bibus coruscantem: alii denique mentiebantur à se conspici mul-
 tas Angelorum centurias, qui Catholicis & Lutheranis miniten-
 tur extrema omnia. Hoc autem insaniendi genere (quod iisdem
 à Rotmanno infusum referunt per potionem aliquam, è lagena
 lignea* propinatam) cives adeò conterriti sunt, ut eorum non
 pauci, deserto Luthero, ad Anabaptistarum partes accesserint, unâ
 cum Tilbeckio Consule, & tota ejus familia.

Tum

Magistratū
 urbicum
 per tumultus
 intestinos adi-
 gunt ad
 permittendam
 omnē
 libertatem
 credendi
 vel docendi.

Kerssenbr.
ibid.

Multi cives
 horrendis
 Anabaptis-
 tarum cla-
 moribus
 territi, ad
 eorum ses-
 sam acce-
 dunt.

Kerssenbr.
ibid.

**Flamelm.*
in hist. Ev.
Mon. pag.
1206.

Kerssenbr.
loc. cit.

Tum verò Cathedralium Canoniorum plures, & cum iis plerique boni viri, non sinè lacrymis ab urbe recesserunt. Anabaptistæ autem horum habitu gavisi, continuò vocârunt ad se alios doctrinarum suarum asseclas, in vicinis urbibus occultatos; miseruntque illis hujusmodi literas, à Bernardo* Rotmanno scriptas: *Monasterium à Deo Patre jam ablegatos esse duos Prophetas, insigni pietate ac vitæ sanctimoniâ præditos, qui Dei verbum singulari suavitate doceant sinè ulla admixtione legum humanarum. Proinde, si salutis sue consultum velint, cum uxoribus liberisque suis quàm primùm veniant ad se, et instaurari secum faciant novam Jerusalem; in qua præter thesauros cælicos etiam satis opum terrestrium reperturi sint.* Nec multò post, nimirum die vicesimâ primâ Februarii, etiam in Hollandiam Frisiam, totumque Belgium emissus est Henricus Rullius, ut ab omnibus Anabaptistarum ducibus pro instauranda nova Hierosolyma novas hominum suppetias peteret. In quo tamen legationis officio perquam infelix fuit, utpote non procul ab urbe Ultrajectina captus, & funestis* ignibus concrematus. Ità Rullii legatio non sinè magno suorum dolore incassum cecidit. Ex aliis verò locis, quò Rotmanni literæ pervenerunt, nimirum Cosfeldiâ, Warendorpio, Schoppingâ, pluribusque oppidis vicinioribus, tanta plebejorum hominum civiumque multitudo Monasterium allapsa est, ut intrâ dies paucos Anabaptistarum numerus Lutheranos Catholicosque reliquos longissimè superaret. Itaque jam ad plenum urbis imperium aspirantes, primùm die vicesimâ quartâ Februarii novos Consules elegerunt Bernardum Knipperdolling, & Gerhardum Kibbenbroick, Anabaptistæ doctrinæ fautores pessimos: quorum præsidio statim omnia sacra, & quid quid in templis ac bibliothecis, vel antiquitate rarum, vel artificio celebre, vel cultu & religione venerandum, reperiri potuit; confectum, ablatum, exustum, vel alio modo pessundatum est. Tri-duo post, nimirum die 27. Februarii, jubentur Anabaptistæ omnes bene obarmati in forum urbis convenire, ut istic audiant, quid Pater velit de illis fieri, qui nondum rebaptizati fuerint. Ibi Matthisonius Propheta, postquam iterum urbe totâ poenitentiam in-clamâisset, in medio armatorum hominum se prono corpore in terram projicit; totâque multitudine simul humi procumbente, post breve spatium velut è quadam extasi ad se reversus: *Hoc est, inquit, mandatum Patris, ut omnes impii, nâ quantocytus retingi velint, ejiciantur ex hac urbe, ne Dei populus contaminetur eorundem commercio et cohabitatione. Quare agite ô socii mei! ostendite vos esse viros, et expellite filios Esau.* Locus enim hic et civitas sancta debetur filiis Jacob verisque Israëlitis. His auditis, continuò sese fundunt per totam urbem:

Anabapti-
stæ plura
suorum secta-
riorum au-
xilia in ur-
bem advo-
cant.

*Kerssenbr.
in hist. de
nabapt.
Monast. ad
hunc ann.

*Kerssenbr.
ibid.

Crescente
suorum nu-
mero, novâ
è suis Ma-
gistratum
eligunt.
Kerssenbr.
loc. cit.
Haraus in
ann. Brab.
ad hunc
annu pag.
595.

Omnes do-
ctrinæ suæ
non adhæ-
rentes, ab
urbe pel-
lunt, dicen-
te Matthi-
sonio Pro-
phetâ, hoc
esse manda-
tum Patris.
Kerssenbr.
ad hunc
annum.

Hamelm. urbem: & horrendis vociferationibus homines omnes Anabaptif-
in Hist. E. mum recusantes, viros ac mulieres, juvenes ac senes, Ecclesiasti-
wang. Mo- cos & seculares, è suis domibus ejiciunt & urbe extrudunt, non
nast. p. 1216 permittentes, ab iisdem vel unum obolum efferri secum pro victu
& seq. necessario; uti refert Kerffenbrochius, testis oculatus, & unà si-

Rotmann mul cum aliis ab urbe pulsus. Factum hoc, tametsi barbarum &
ejectionem prorsus inhumanum esset, inter suæ gentis miracula adscriptum
hanc refert voluit Rotmannus, dum in epistola invitatoria ad Henricum
inter mira- Schlachtscapium & alios Anabaptistarum Præsides, in Hollandia
cula suæ commorantes, hoc modo * scripsit: *Bernardus ꝑ ESU CHRISTI*
sectæ. *in Ecclesia sua, quæ est Monasterii, Minister, Henrico Schlachtscapio*

**Kerfsenb.* fratri suo. Gratia Domini in fortitudine spiritûs tecum et cum omnibus
in hist. A- fidelibus. Tanta et tam magna Dei mirabilia sunt hîc, mi frater, ut,
nab. Mon. si haberem centum linguas, ea tamen exprimere non possem. Dominus
ad hunc magnificè operatus est nobiscum. Liberavit enim nos de manibus inimi-
annum. corum nostrorum: et non solum liberavit nos; sed etiam ejecit inimicos

Franciscus nostros, qui ab urbe turmatim diffluunt, percussi timore, nescio quo? Do-
Episcopus minus testificatus est nobis per suos Prophetas, fore, ut in hac civitate
inchoat ob- congregentur Sancti Dei: et ideo jusserunt me tibi scribere, ut tuo ductu
fidionem huc ocyus properent fratres omnes; et, quæ in promptu habent, videlicet
urbis, cui è pecuniam, aurum, et argentum secum afferant. Videte diligenter, ut
Paderbor- spiritum Dei sequamini, et valete in Domino.
nensib⁹ in-

terfuere ge- Eodem ferè tempore Franciscus Episcopus jam accinxerat se
nerosissimi ad inchoandam urbis obsidionem, habebatque in exercitu suo Sa-
duces, Jo- xones, Clivenfes, Geldros, Colonienfes, Juliacenfes, & alios Prin-
annes de cipum diverforum populos: quibus è Dioecesi Paderbornensi ac-
Büren, & cedebant generosissimi duces, Joannes Dynasta in Büren, & Her-
Hermann⁹ mannus * de Mengersen, cum aliquot centuriis & potissima parte
deMenger- Nobilitatis nostræ. Cum his pridie Kalendas Martii circa vespe-
sen. rum propius ad urbem accessum est; eadèmq; nocte in parandis

**Hamelm.* fossis & aggeribus ità laboratum, ut altero mane septena Princi-
in hist. Ev. pum foederatorum castra ante urbem starent. Quo intellecto,
Mon. pag. Knipperdollingius Consul oppidanos omnes, hoc eventu non pa-
1220. & rum territòs, convocari jussit: longâque oratione eos non solum
Chron. Of- excitavit ad agendum fortiter; sed etiam adpromisit, Patrem coe-
nabr. ms. lestem pro iis veluti charissimis filiis pugnaturum esse, neque ul-
item Kerf- latenus permissurum, ut hæc sancta civitas in manus inimicorum
senb. vari- suorum * veniat, modò & ipsi vicissim probent se viros esse, neque

is in locis. rem suam desidiâ vel torpore negligant. Ad hæc verba, tanquam
Knipper- ex tripode fusa, novos animos resumunt incolæ, distribuunt se
dollingius in centurias & manipulos, eligunt militiæ præfectos & centurio-
Consul ci- nes, disponunt nocturnas diurnasque vigilias. Ac, ne quid ho-
ves obsessos minum
animat, &
iisdem pro-
mittit auxi-
lium Patris.

**Kerfsenb.* in hist. Anabapt. Monast. ad hunc annu.

minum in obsidione longa necessariorum desit; ad alios Anabaptistas, per Hollandiam Frisiâque sparsos, clanculario latore mittunt hæc novas monitorias: *Charissimi fratres et sorores: Certiores vos facimus, à Deo nobis patfactum et injunctum esse, ut singuli vestrum sese comparent ad profectionem versùs novam electâque à Deo Jerusalem. Tumultus enim horribilis imminet universo terrarum orbi, de qua locutus est Jeremias c. 51. fugiat è Babylone, qui animam suam salvam cupit. Plura non dico; sed Dei nomine præcipio, ut obediatis, et opportunum tempus elabi non patiamini. - - - Nullâ re vos onerate, præterquam auro, argento, panno lineo, veste unâ, et comineatu, quo per exiguum tempus egebitis in itinere. Curate autem, ut vicesimâ quartâ Martii circa meridiem, et neque priùs vel posteriùs, conveniatis prope Hasseletum in Transisalanis. Si qui sint, qui venire neglexerint; ab eorum sanguine innocens esse volo. Emmanuel.* Vulgatis hujusmodi literis, Mönnikendami in Hollandia septentrionali convenerunt unâ die plùs quàm triginta naves onerariæ, plenæ hominibus, Hasseletum per mare Austrium profecturis. Erâtque tanta illorum cæcitas, ut etiam, quò tenderent, aut ubi hæc nova Jerusalem esset, nemo ipsorum sciret præter solos navium singularum Præsides: quippe qui postea confessi sunt, se Hasseletum inter & Zwollam fuisse exscensuros, indéque à Prophetarum aliquo armatâ manu Monasterium deducendos. At brevi didicerunt vesani homines, quàm fluxa & infirma sit Monasteriensium Prophetarum fides! etenim Transisalani, posteaquam variis è locis de eorum adventu præmoniti essent, vicesimâ tertiâ Martii contra novos advenas cum ingenti armatorum turba profecti sunt; eosque jam in litus expositos, & adhuc inermes, facili negotio in suam potestatem accepere. Inventa in eorum navibus magna auri & argenti copia, apparatus belli multus, tympana quatuor, signa militaria quatuor, pulveris tormentarii plura vascula, lancearum, gladiorum, & sclopetorum aliquot millia. Nautæ postmodum, quòd ignorârint, qua de causa conducti fuerint, cum suis navibus dimissi: Anabaptistarum Præsides, utpote rerum gerendarum conscii, variè torti, ac demum capite plexi: de reliqua multitudine populi, quæ teste Kerffenbrochio ad sedecim millia creditur ascendisse, rescriptum est à Maria gubernatrice Belgii, omnes illos, qui nefariam sectam ejurare nollent, gladio trucidandos; qui vero eam ejurarent, & ad meliorem frugem reverti vellent, ad sua domicilia rebus omnibus ablatis remittendos esse.

Pergebant nihilominus in suis nugacissimis vaticiniis Monasterienses Prophetæ; maximèque Matthisonius, ex Harmeleni pistore Propheta factus. Jubebat is ex voluntate Patris (utî asserbat)

Mittuntur
novæ literæ
mandato-
riæ ad alios
Anabapti-
stas aliarū
urbium ac
locorum.
Kerfsenbr.
loc. cit.

Hareus in
ann. Brab.
ad hunc
annum à
pag. 593.

Multa Ana-
baptistarū
millia, Mo-
nasterium
cogitantia,
detinentur.
& capiun-
tur à Trans-
isalanis.

Hareus in
ann. brab.
Kerfsenbr.
loc. cit.
ad hunc
annum.

Matthiso-
nius Pro-
pheta jubet
omnia ci-
vium bona

bat)

ac thesau-
ros conve-
hi iisdemq;
distribu-
dis præfici
septem

Diaconos.

Kerssenbr.

in hist. ms.

Hamelm.

in hist. Ev.

pag. 1221.

Rupertum

Ruscherū,

sibi contra-

dicentem,

condemnat

& contru-

cidat.

Kerssenbr.

in hist. A-

nabapt.

Monast. ad

hunc ann.

Occiditur

dum prodigi-

ose vult

hostes de-

pellere ab

urbis obli-

dione.

Kerssenbr.

loc. cit.

Hamelm.

in hist. Ev.

Monast.

Joannes

Leydenſis

novo men-

dacio ex-

collit se in

bat) in ædes à se designatas comportari omnia civium ejectorum bona. Horum distributioni, ex eodem instinctu commentitio, præficiebat septem Diaconos; eosque, suo modo ordinandos, mittebat ad Julium Frisium, quem foedissimæ gentis Episcopum in hac urbe constituerat. Id cum ei feliciter evenisset; etiam non multò post in urbe tota sub poena gravissima præcepit, ut incolarum quilibet omne aurum & argentum, omnes annulos, inares, torques, crateres, & quidquid ei nummorum esset, in usum communem adferat: sic enim fieri oportere inter veros Christianos, apud quos omnia ex mandato Patris debeant esse communia. Durissimum id erat opulentioribus. Et tamen eorum nemo vel minimum audebat mutire contra; quoniam terrebat omnes exemplum tragicum Ruperti Ruscheri, qui de similibus Matthisonii nugis ante dies non paucos dixerat: *Quid homo iste, recenter è pistrino veniens, tam repente se Prophetam jactitat? stercorem ego hunc Prophetam esse arbitror, quem oracula sua jam sæpius fefellerunt.* Quæ verba, cum ad aures Matthisonii perlata sunt, jussit illico vinciri hominem, convocatâque populi multitudine: *Ecce! ait, vir iste ausus est insurgere in Prophetam Domini, statuenda hinc poena est: eradicandus est ex numero filiorum Israel. Scriptum est enim: justitia et iudicium in domo ejus.* Paulòque post, ad stipulante Symprophetâ suo Joanne Leydenſi, Rupertum frustra supplicantem ante suos pedes hastili per ventrem intruso confoderat; & quod reliquum vitæ adhuc supererat, sclopeto manuario in caput exploso crudeliter exturbaverat. Eo rerum successu, Propheta stultus in tantam animi cæcitatem incidit, ut, quidquid ei Dæmon suggererat, sibi à Deo Patre inspiratum esse crederet. Novo igitur Enthusiasmo percitus, octiduo circiter ante pascha per urbem prædicat, se Patris æterni monitu ante urbem abiturum, cumque paucis commilitonibus profligaturum esse inimicos omnes, qui urbem obsiderent. Simul etiam bipenni raptâ, egreditur portâ Ludgerianâ; multisque civibus è superiore vallo inspectantibus, audacissimè in hostem vadit: sed infausito ac funesto rei exitu. Obsidentes enim continuò è castris in ipsum ruere, pugnare, persequi, circumcingere, frustra in auxilio Patris confidentem non modò sternere; sed etiam suis gladiis minutatim concidere. Tum verò dubitare plurimi de suorum Prophetarum veracitate; imò & tacitè iisdem applicare illud Ezechielis c. 13. *Va Prophetis insipientibus, qui sequuntur spiritum suum, et nihil vident!* Quod ubi animadvertit Joannes Bockelsonius (vulgò dictus Joannes Leydenſis) convocatâ plebis multitudine, desinite, inquit, feralem hujus Prophetæ casum demirari! Nam etsi Deus jusserit eum hoc modo vincere; voluit

voluit tamen, ut hac in re non quæreretur gloriam suam, sed solius Dei: ne-
que ut statim caco modo in hostem rueret, sed ut prius exemplo Judith uni-
versum populum excitaret ad pœnitentiam, jejunium, et orationem. Id
autem cum neglexerit, mirum non est, quod à Patre derelictus, et ab ho-
stibus interemptus fuerit. Ego certè hunc ejus casum jam ante octiduum
à Deo didici, quando ante somnum adhuc paululum meditabar in lege Do-
mini. Tunc enim in visu mihi exhibitus est Matthisonius, militari gla-
dio transfossus. Cumque supra modum terrerer eo viso, responsum est
mihi calitus: ne metuas, vir Dei! sed vocationi tuæ diligenter insiste:
non enim tua, sed Matthisonii vita iusto Dei judicio petitur. Ego autem
cucurri statim ad Knipperdollingium hospitem meum, eique visionem hanc
aperui, ut, ubi id fieret, haberem testem rei visæ et veritatis. Quo tam
insigni mendacio, rursus populus conquievit; recepitque pro
uno Propheta mendace, alium æquè mendacem, nimirum pro
Matthisonio Bockelsonium, pro Pistore Sartorem, pro Harle-
mensi Leydensem, pro Batavo Batavum.

Exinde jam apertiùs ad Regni solium grassari nifus est Bockel-
sonius, ideòque primùm abrogare Magistratum urbicum. Quod,
ut faciliùs ac sinè turbis fieret; paulò post nocturno tempore nudus
per urbem cursitat, horribili voce clamans: *Viri Israelitæ, qui san-*
ctam hanc urbem incolitis, timete Patrem! Prope est, ut veniat Rex Sion
cum multis Angelorum millibus, et voluntatem suam vobis aperiat. Ab
his clamoribus domum rediens, rogatusque ab accurrentibus, quid
rei sit, aut quidnam sibi velint clamores isti? repente se mu-
tum simulat, postulatòque pugillari scripsit: *sibi os et linguam à ca-*
lesti Patre constrictam esse usque in diem tertium: tunc autem resolutò oris
vinculo dicturum se coram omni populo, quid Pater velit. Congrega-
tur ergo populus in illum diem; & Bockelsonius in medium pro-
cedens inquit, velle Patrem, ex populo suo tolli potestatem sena-
toriam, ejusdémque loco nominari duodecim Judices, veluti se-
niores populi Israelitici: penes quos imperii potestas & omne ju-
diciù sit, cum jure gladii in vitam & mortem. Quæ nova regi-
minis forma cum à Rotmanno è suggestu sacro summopere dilau-
data esset; Bockelsonius prælegit publicè istorum Seniorum, Judi-
cùmque nomina, sibi, ut assererat à Deo tradita: singulisque ad
se vocatis gladium evaginatum tradidit hisce verbis: *Accipe jus gla-*
dii, tibi à Deo Patre per me commissum, eoque utere juxta mandatum
Dei. Superest adhuc exemplum epistolæ, ab iisdem Senioribus
conscriptæ, cujus finis est: *scripta sunt hæc Monasterii in civitate*
Dei Altissimi, anno post Christum natum 1534, octavâ die Aprilis. Se-
niores, totâque communitas et consociatio Christi, Monasterii congregata.

Interea urbis obsidio jam eò promota erat, ut proximè tentan-

B b

da

locum voca-
cisi Matthi-
sonii.
Kerfsenbr.
in hist.
Anabapt.
Monast.
Ex confictio-
mandato
Patris abro-
gat senatū,
& loco ejus
constituit
duodecim
judices no-
vi Israël.
Kerfsenbr.
ad hunc
annum.
Hamelm.
in hist. Ev.
Mon. pag.
1229.

Tentatur
urbis ex-
pugnatio;
sed eventu
improspero
ex culpa
militum
Geldrico-
rum.

*Kerfsenb.
in hist.
Anabapt.
Hamelm.
in Hist. E.
vang. Mo-
nast.*

Mulier Fri-
fica, mœ-
nibus emise-
sa, necem
parat Fran-
cisco Epi-
scopo; sed
ab alio pro-
ditur, &
capite mul-
tatur.
*Kerfsenbr.
ad hunc
anum.*

da esset ejusdem expugnatio. Muri igitur & propugnacula gra-
vioribus tormentis verberari coepta; & assultus generalis consti-
tutus in feriam tertiam Pentecostes, quæ tunc erat vicesima sexta
Maji. Sed eventum prosperum fefellere Geldri, quorum statio
fuerat haud procul à porta judefeldica. Hi enim, postea-
quam die præcedenti liberaliore potu se proluerant; sole in occa-
sum declinante, crapulâque nondum edormitâ, invasionem cras
futuram cæco impetu anteverterunt: ideoque & alii, eorum cla-
moribus territi, improvise in hostem ruere, & periclitantibus o-
pem ferre coacti sunt. Quanquam eventu admodum infelici.
Cum enim hæc aggressio tota solum tumultuariè, & sinè lege, si-
nè ordine, sinè certo rerum necessariorum apparatu fieret; etiam
temerarii invasores ab hoc assultu nihil aliud, quàm ingentem suo-
rum cladem & cruenta capita retulere. Tum verò Anabaptistæ,
hoc rerum successu hilares, non modò protinus reparârunt mœ-
nia, ab ictibus tormentorum lacera; sed etiam alias atque alias
invenere fraudes, quibus & obsidentium castra fatigarent, & Fran-
ciscum Episcopum à continuandæ obsidionis consiliò dimoverent.
Has inter fraus nulla periculosior, quàm quâ ipsius Episcopi vi-
ta petebatur à muliere Frisica, cui nomen Hilla. Hæc, ubi au-
diérat, qualiter olim Holofernes à Juditha muliere ante urbem Be-
thuliam interemptus fuerit; eodem spiritu se impulsam rata, Boc-
kelsonium & Knipperdollingium adiit, ut consilia sua cum iis con-
ferat. Ab his in proposito suo confirmata, pulcherrimè se totam
comit: atque ut haberet, quod offerret adeundo Principi, parvo
simul fasciculo includit rarum opus muliebre, nempe indusium è
lino subtilissimo; sed imbutum simul veneno pessimo, ad ejus ne-
cem præparato. Urbem dein egreditur die decimâ sextâ Junii,
statimque à militibus deprehensa Telgetum ducitur; ubi à Theo-
dorico Merveldio, satrapâ Wolbecensi, Præsulis accessum postu-
lat mendaci hoc alloquio: *se haud ità pridem cum viro suo religionis
causâ Monasterium advenisse; nunc autem visis Anabaptistarum erro-
ribus ab eorum cætu retrocedere. Maritum suum propediem secuturum,
petiisseque, ut ipsa præcat; et ante pedes Antistitis demissè provoluta, sibi
vitæ gratiam exoret. Eum esse è præcipuis Proceribus urbis, audire ac
nosse arcana omnia, neque dubium fore, quin is optima potiundæ urbis
consilia queat suggerere.* Perditissima tunc fuisset Episcopi vita; nisi
prius, quàm hæc mulier ad ejus colloquium admitteretur, civis
aliquis perhonestus, nomine Hermannus Ramers, ex urbe clan-
culum elapsus, dolosamque mulierem insecutus esset. Captus hic
à militibus, & ad supremos belli præfides deductus, confestim a-
perit: *se venire ad salvandam vitam Francisci Principis. Periclitari*

cam

eam à muliere, ante biduum ex urbe missa. Munus, quod ipsa velit offerre Principi, exitiale esse et morte plenum. Quo audito civis ille celerrimè Telgetum ducitur, examen causæ instituitur, ferele crimen detegitur, Hermanni fidelitas laudatur, dolosaque mulier Bevergernam vecta, amputato prius capite, in rotam agitur, sinè omni prævio poenitentiae Christianæ signo.

Videbat hinc iterum Bockelsonius, quàm falso agantur spiritu, qui Anabaptisticis inspirationibus se abduci sinunt. Et tamen homo nequam non solum in incepto perstitit; sed etiam haud multò post ad priora scelera sua Polygamiam adicere coepit. Id autem hoc modo factum. Miles aliquis, è castris Episcopalibus ad Knipperdollingium profugus, viderat Bockelsonium Propheetam nocturno tempore de lecto surgere, & ad stratum famulae clanculum se conferre. Miratus illud fieri ab homine tam sancto & conjugato, nonnullis aliis facinus tam foedum detegit. Quod ubi subodoratus est Bockelsonius; famæ suæ naufragium veritus, Rotmannum & alios Prædicantes in commune concilium vocat, & ab iis percontatur, quid ipsi judicent de Polygamia? an ea populo huic sancto permittenda sit, nec ne? Affirmant illi, eodem luxuriæ spiritu incitati: allegant exemplum Davidis, Abrahami, & aliorum Patrum testamenti veteris: jubent, urgente Bockelsonio, doctrinam hanc toto triduo è suggestu sacro in Ecclesiis explicari. Dubius exinde motus in urbe nascitur. Peregrini & advenæ doctrinam approbant: civium verò multi eam detestantur ac rejiciunt. Horum ducenti, cum ad ejiciendam hujusmodi pestem constituissent, urbem ab istis novatoribus oppressam Episcopo suo tradere; octiduo post nocturno tempore ad arma convolant, præcipuos Polygamiae suasores impetunt, Bockelsonium, Knipperdollingium, Rotmannū, Vinnium, Kloprisium, Schlachscapium, & alios ejusdem furfuris Præcones capiunt, eosdémque improvisis vinculis constrictos in carcerem detrudunt. His peractis oportuisset eos protinus in aliquam urbis portam irruere, januas aperire, obsidentium partem intromittere, captivosque suaprà dictos eorum potestati tradere. Sed quia ab iis, nescio quâ animi cæcitate, neglectum fuit; ab adversæ partis multitudine tandem superati, nihil aliud ab his ausis retulêre, quàm acerba ludibria, captivitatem, carceres, mortémque immanissimam. Certè viginti quinque ex illis postridie in campo Dominico ad tiliam alligati, & novorum Polygamorum telis barbarè trajecti sunt. Alii sexaginta sex gladio perire jussi, in quorum refecandis capitibus egregiè per plures dies exercuerunt se Bockelsonius & Knipperdolling. Ceteri post innumera convicia, carceres, ac dira verbera,

Joannes
Leydenfis,
in adulterio depre-
hensus, in-
troducitur Po-
lygamiam.
*Kerssenbr.,
loc. cit.
Hamelms.
& alii.*

Multi civiū
doctrinam
illam dete-
stati, stu-
dent urbem
Episcopo
tradere: sed
quia portas
non ape-
ruerant, ab
aliis vin-
cuntur, &
crudelissi-
mè necan-
tur.

*Kerssenbr.
ibid.
Hamelms. 2
pag. 1234.*

bera, tandem dimissi ac vitæ gratiâ donati sunt. Ità Bockelsonius, jam ab omni metu liber, brevi tempore trium feminarum fit maritus, æmulantur id ipsum alii, rejicitur pudor, exiit verecundia, ac demum per verba illa turpissima: *spiritus meus appetit carnem tuam*, tam bruto modo in venerem ruitur; ut, quæ ab istis peccoribus gesta sunt, silentio magis præterire juvet, quàm castis auribus explicare.

Abrogatur iterum potestas duodecim judicum & seniorum populi.

Dusent-schürus, Prophetarum novus, Joannem Leydensum creat & ungit Regem. *Kerssenb. in hist. A. nab. Mon. Hamelm. & alii.*

At inter hæc omnia nihil magis ridiculum, quàm quâ ratione Leydensis ille sartor Bockelsonius, amotâ rursus duodecim seniorum sive judicum potestate, in thronum regni se extulerit. Affectârat hoc pridem vir nequissimus, ac tandem effecit per Joannem Dusentschürum, quem in fine Julii ex Warendorpiensi aurifabro Prophetam renuntiaverat. Is, cùm universam populi multitudinem in forum urbis convocâisset, ut audirent verbum Domini, quod ad se factum esse mentiebatur; superiore loco stans: *Audi*, inquit, *Israël! Hæc dicit Dominus Deus tuus: Elegi mihi Regem de medio tuâ, Joannem Bockelsonium Leydensum, virum sanctum et Propheten: ipse occupabit sceptrum et sedem David Patris sui, et dominabitur universo terrarum orbi.* Quo dicto à duodecim senioribus nuperrimè constitutis repoposcit gladium, eumque Leydensi porrigens: *accipe*, inquit, *gladium justitiæ, et cum eo potestatem super omnes populos terræ!* Deinde caput ejus oleo perfudit, inquit: *Ego ex imperio Patris inungo te, et pronuntio Regem novæ Sionis, ac totius populi Dei.* Ad quæ verba novus Rex profundissimè in terram provolutus: *O mi Pater!* exclamabat, *Ego servus tuus, cùm nec ingenio me, nec scientiâ tali instructum videam, quæ sufferendis Regni oneribus parem se inveniatur, ad tuam immensam bonitatem supplex confugio.* Da mihi ergo, O Pater, *sedium tuarum assitricem sapientiam!* Mitte illam de cælis sanctis tuis, ut mecum sit, et sciam, quid acceptum sit coram te! Mox iterum de terra surgens, & ad populum conversus, ait: *Fratres charissimi! Deus, qui Davidem ex humili loco ad Regni solium vocavit per Prophetam Samuel, etiam hodie vocavit me per Prophetam Dusentschürum.* Ego quidem ex revelatione Patris id pridem sci vi: nolui tamen per memetipsum id vobis aperire, sed alterius Prophetæ vaticinium expectare, ne viderer inter vos dignitatem Regiam affectasse. Post hæc fanaticus Rex, qui hucusque hospitatus fuerat in domo Knipperdollingii, pro palatio delegit sibi curiam Domini Melchioris de Büren, Cathedralis Ecclesiæ Cellerarii pridem expulsi. Disponuntur etiam ab eo functiones palatinæ cum Regalis aulae ministerio: Vicarius Regis constituitur Knipperdollingius, Orator Regis Rotmannus, Magister aulae Tilbeckius, Cancellarius Henricus Krechtingius, Consilarii intimi Bernardus Krechtingius

Novi Regis aula, Proceres, & gynæceum: Auctores iidem.

tingius & alii tres. His additi ephebi, cubicularii, ciborum prægustatores, pocillatores, & quidquid ministrorum ad aulam Regiam desiderari potest. Neque minor majestas erat Regi in decore cultûque corporis. Vestitus ejus pretiosissimus, ex aureis argenteisque templorum ornamentis confarcinatus. Caput ejus in-tegebat corona aurea, gemmis ac margaritis interstincta: quarum una erat Regia, & solùm aliquibus turriculis fastigiata; altera verò Cæsarea, signoque crucis aureo supernè rutilans. E collo defluebat gemmeus torques, ex quo pependit insigne Regium, scilicet aureus mundi globus, duobus gladiis transfixus, & in medio gladiorum aurea crux cum hac epigraphe: *unus Rex* justitiæ super omnes*. Per humeros partemque superiorem pectoris decurrebat catena longior, totaque aurea, & in orbem sæpius Regali corpori circumducta. Sinistrum latus decorabat gladius pretiosissimus, cujus manubrium sive capulus auro & gemmis undique inclusus. In manu dextera fulgebat sceptrum tribus aureis circulis incinctum. In digitis radiabant complures annuli, interque eos unus annulus major, qui signatorius erat, habebatque inculptum insigne Regium cum his verbis: *Rex in novo templo gerit hoc* pro exemplo*. Denique Regale solium stabat in medio fori, tribus à terra gradibus elevatum, ac modò aureis, modò purpureis peristromatis in adventu Regis insterni solitum. Sed inter hæc omnia nihil foedius in hoc hirco Batavico, quàm ejus execranda mulierofitas. Nam præter conjugem relictam* Leydæ (quæ & ibi propter Anabaptismum capite plexa est) adhuc sedecim alias adoptavit, quarum præcipua & velut omnium caput erat Regina *Divara*, Matthisonii Prophetæ relictæ vidua. His aulam separatam adornabat in vicina Cathedralis Præpositi curia, ad quam dejectâ muri parte fiebat aditus è palatio. Omnes luxu Regio procedebant; & quæ per noctem placitura erat, infixio bacillo notabatur in tabella, nominibus omnium inscripta.

Hæc & alia id genus plura cùm à transfugis didicisset Franciscus Episcopus; novum urbis assultum tentaturus, die vicesimâ quartâ Augusti in castra suorum venit. Aderant eodem ferè tempore Hermannus Ecclesiæ nostræ Administrator, Philippus Dux Brunsvicensis in Grubenhagen, Philippus Comes de Waldeck Francisci Episcopi frater cum duobus filiis Volrado & Ottone, aliique non pauci tam Comites, quàm Barones ac viri Nobiles: quorum consilio iterata urbis impressio decreta est in diem tricesimam primam Augusti. Sed iterum eventu irritum. Licet enim ab obsidentibus acerrimè incursum fuerit à primo istius diei crepusculo usque in vespèrum; non minore tamen alacritate, vel potius despe-

*germanice, ein König der Gerechtigkeits über alle.

*Westphalisch, de König in dem neuen Tempel steht die vor ein exempel. *alias Lugdunum Batavorum.

Novus in urbem assultus tentatur; sed iterum eventu irritum & magnâ obsidentium clade.

Kerfsenbr. ad hunc annum. Hameln. pag. 1245. & seq.

Urbis ob-
sidio muta-
tur in cir-
cumvallas-
tionem, e-
rectis ante
urbem sep-
tem castel-
lis.
ant. iidem

desperatione, depugnatum est ab Anabaptistis: quorum alii saxa ingentia in incurrentes detrudebant, alii trabes quercinas in eorum corpora è murorum hiatibus devolvebant, alii ardentes coronas piceas aut calcem fervidam, à mulieribus comportatam, in eorum vertices defundebant, alii denique sclopis, bipennibus, & omni armorum genere, ità sæviebant in obvios quosque, ut eorum pauci sinè cæde aut vulnere retrocederent. Quare tandem Episcopus militem revocare; & obsidionem hanc, sumptibus parcenti causâ, in circumvallationem diuturnam vertere coactus est. Id autem ut majori cum effectu fieret, nec interea quidquam alimentorum in urbem inferri posset; erecta sunt primùm ante singulas urbis portas castella singula, sufficiente militum præsidio communita. Deinde in spatii intermediis ab uno castello ad aliudeducti aggeres & fossæ profundiores, quæ viam & comneatum intercluderent. Postremò etiam trecenti equites constituti, qui die totâ contra omnes hostium egressus vigilent, & urbem ob-
equitent.

Joannes
Rex, novos
Apostolos
emissurus,
jubet insti-
tui cœnam
magnam:
quâ finitâ,
Rex præbet
singulis
fructû pa-
nis triticeï,
Regina ve-
rò calicem
cum vino.
Hamelm.
in hist. Ev.
Kerssenbr.
ad hunc
annum.

Formidabat hinc Bockelsonius, thronum Regni sui adhuc fulcro admodum infirmo niti, nisi aliarum urbium auxilio fulciretur. Sed hunc metum rursus absterisit promotor ejus, Propheta Dufentschürius, homo stultus, & in vaticinando miris deliriis agitatatus. Adiit ille Regem die duodecimâ Octobris, eumque monuit, *nunc esse tempus, quo Deus Apostolos à se electos in omnes mundi plagas emitti jusserit. Priusquam verò id fiat, Patrem velle, ut in monte Sion (intellige campum Dominicum) instruaturn cœna magna pro Christianis fratribus et sororibus.* Annuit Rex, jubetque statim apparari omnia in diem proximum. Altero mane sub horam nonam Dufentschürius Propheta per urbem ubique cursitat; lituisque præcinentibus, homines omnes (præterquam eos, qui in excubiis occupati erant) invitat ad cœnam magnam in monte Sion. Accurrit illico frequens multitudo populi, scilicet viri mille sexcenti, pueri quadringenti, & mulierum quinque millia: quos omnes Tilbeckius Magister aulæ disponebat per singulas mensas ac sedilia. Confidentibus ministrat ipse Rex cum suis aulicis; apponitque primùm carnes recentes cum rapis coctas, deinde pernas & carnes infumatas, postremò carnes assatas cum largo potu cerevisiæ. Succedit postea novum convivium spirituale & mysticum. Afferuntur in canistro panes triticeï, quos ipse Rex manu frangit, singulisque frustillum aliquod ori imponit, inquit: *accipite, comedite, et mortem Domini annuntiate.* Similiter etiam Regina Divara pateram vino plenam iisdem porrigit, dicens: *bibite ex hoc omnes, et mortem Domini annuntiate.* Quo peracto Rex omnes

omnes in unum congregatos palàm interrogat, utrùmne velint parere verbo Dei? cùmque id omnes unâ voce conclamarent; Dufentschürius Propheta conscenso editiore loco inquit: *Pater calæstis nominavit mihi viginti septem Apostolos, qui se conferant in quatuor mundi plagas, ibique prædicent doctrinam nostram de Regno Dei.* Subinde nomina singulorum de scheda recitat, ità pergens: *Pater calæstis vult ubique vos protegere, nec permittet, ut vel unus capillus pereat de capite vestro. Ite igitur! annuntiate in civitatibus verbum Dei: et sicubi Magistratus urbicus locum dare nolit prædicationi vestræ, relinquit illic nummum aureum (à Rege novo signari jussum) et excussipedum vestrorum pulvere ad alia loca demigrate!* Nec mora, omnes isti viginti septem, inter quos & ipse Dufentschürius erat, eâdem nocte portis emissi; &, quia circumvallationis fossæ nondum penitus absolutæ erant, inter densiores tenebras feliciter elapsi sunt: nimirum octo ex iis Cosfeldiam in occidentem, octo Susatum in meridiem, quinque Warendorpium in orientem, & sex Osnabrugum in septentrionem.

At hi omnes pro nugaci missione sua mortem admodum luctuosam experti sunt; suoque damno didicerunt, verissimè de suis Prophetis dici posse illud Ezechielis 13. *Va Prophetis insipientibus, qui sequuntur Spiritum suum, et nihil vident! - - - Vident vana, et divinant mendacium, dicentes: ait Dominus; cùm Dominus non miserit eos!* In primis enim octo illi, qui Cosfeldiam ablegati erant, ibidem comprehensi, atque ad plurimum terrorem in diversis locis vicinioribus, nimirum Cosfeldiæ, Horstmaræ, Borckenæ, Bucholdiæ, Vredenæ præcisus caputibus in rotam acti sunt. Similiter & octo illi, qui Susatum ierant, cùm in urbe seditionem accendere velent; post brevem carcerem, resectione capitis infelicem animam exspuere: mirumque est, Dufentschürium Prophetam, qui, inter eos erat, adhuc in loco supplicii tam stultum fuisse, ut putaverit, caput suum nullo carnificis ense dejectum iri. Quod attinet ad urbem Warendorpiensem, recepit ea quidem Apostolos ad se missos, decrevitque pro Monasteriensium Anabaptistarum doctrina stare: sed magno suo malo. Nam paulò post, nimirum die vicesimâ primâ Novembris, Franciscus Episcopus cum ingenti apparatu bellico cœpit urbem incingere: fuissetque fortuna civium occisissima, nisi hortatu strenuissimorum ducum, Joannis Dynastæ in Büren & Hermannii de Mengersen Paderbornensium, deductione præmaturâ iracundiam sui Principis mitigassent. Comprehensi tunc statim quinque illi pseudo-Apostoli, unâ cum tribus civibus Anabaptistarum primipilis, qui omnes excepto Joanne Klopriso, die vicesimâ quartâ Octobris in publico urbis foro decol-

Dufentschürius
Propheta mendax,
nominat 27
Apostolos,
interque
eos etiam
se ipsum.
Kerßenbr.
& Hamel-
man, ibid.

Octo ex illis Cosfeldiam, & octo alii ad Susatenses missi, prestantur capite.
Auctores iidem.
Quinque alii recipiuntur à Warendorpiensibus: at paulò post, urbe dedita, traduntur ac decollantur excepto Klopriso, qui Coloniensi Archiepiscopo missus, & sequenti anno Brülæ combustus est.
Kerßenbr.
Hamelman, & alii.

Sex alii capiuntur Osnaburgi. Horum unus in carcere moritur: quatuor plectuntur capite: sextus, Henricus Graßius, promittit omnia Anabaptistarum consilia proderet, acceptam vitam gratiam. *Kerssenbr.* ad hunc annum. *Hamelm.* in hist. Ev. *Monast.* Graßius dimittitur, & Monasterium redux, astutissimè fallit Anabaptistas. *Auctores iidem.*

Graßius declaratur Propheta, & à Rege discit arcana omnia. *Kerssenbr.* & *Hamelman.*

decollati sunt. Civium deinde corpora tumulata in cœmeterio; Apostolorum verò quaterna cadavera ante quatuor urbis portas rotæ imposita. Kloprius denique, ex Lutherano Prædicante factus Anabaptista & pseudo-Apostolus, pro xenio missus est Hermanno Archiepiscopo Coloniensi: qui virum nequissimum, & jam olim ex ejus carcere elapsum, sequenti anno die primâ Februarii Brülæ condemnari, & ferali rogo vivum exuri jussit. Reliqui sex Apostoli Osnabrugum destinati, cum in urbis foro seditiosas conciones agerent, à Magistratu apprehensi, pauloque post è mandato Francisci Præfulis Iburgum abducti sunt. Ibi quatuor ipsorum in loco *Staelbrinck* appellato gladium & rotam in sui Apostolatûs præmium acceperunt. Quintus, nimirum Godefridus Stralenius olim Præco Lutheranus, priusquam ad supplicii locum educeretur, nocentem animam exhalavit in carcere. Sextus & ultimus, Henricus Graßius antea Borckensis Ludimagister, ob detecta Monasteriensium consilia vitæ gratiam impetravit eâ lege, ut in urbem redux adhuc ampliùs indagaret omnia, quæ ubique in locis aliis, vel pro liberando Monasterio, vel pro firmando Anabaptistarum imperio fierent. Id quod ubi fidelissimè addixisset; silenti nocte compedibus manicisque vinctus ad locum urbi vicinum vehitur: ubi altero mane à civibus inventus, ac deinde cum incredibili ipsorum gaudio in urbem reportatus est. Illic vir callidissimus ante conspectum Regis lamentabili voce exposuit, quo furore hominum impiorum Osnaburgi captus, indè verò Iburgum traductus fuerit unà cum ceteris Apostolis Monasterio missis. *Et hi quidem, inquiebat, in Apostolatu suo mortui atque ab impiis occisi sunt: ego autem, ne pari morte cum iis caderem, singulari prodigio à caelesti Patre servatus fui. Nam superiori nocte, dum in Iburgensi carcere jacerem vinctus mortique destinatus; descendit ad me Angelus Domini, multo lumine circumfusus, apprehensâque manu meâ, corporéque secum per aërem tracto, deposuit me ante hanc urbem. Ecce testes hujus rei compedes manicæque ferreas! Quas idcirco non dissolvit idem Angelus, ut Dominus meus Rex totûsque populus Israël videat, quàm certò possit ac velit Pater, etiam occisis tot Apostolis, urbem hanc sanctam contra omnes impiorum assultus tegere et custodire.*

Mirificè hoc mendacio delectatus est Rex & omnis populus, concipitur nova spes liberandæ urbis, Henricus Graßius unanimi voce declaratur Propheta, atque ut homo, spiritu divino plenus, admittitur ad arcana omnia Regis consilia. Hinc ille apertius dicit, quot & quales pro Regno Anabaptistarum faciant in urbe Wefaliensi? quid rerum Amstelodami cogitet Jacobus Campensis, ante dies paucos Monasterio illuc missus? quos tumultus ac seditio-

ditiones pro Monasteriensium auxilio cudant alii in Frisia, totoque Belgio. Hæc autem omnia ut celerrimè perferret ad Franciscum Episcopum; paulò post quasi novo entusiasmo percitus, vociferatur coram Rege: sibi à Patre imperatum esse, ut urbis liberandæ gratiâ Wefaliæ, Daventriæ, Amstelodami, & alibi, Christianos fratres in unum exercitum colligat: omnes illos ubilibet ad succurrendum paratos esse, dummodo Regis imperium ex ejusdem literis & sigillo Regio perspectum habeant. Quo audito, Rex ei protinus ingentem pecuniæ vim numerari jubet, simulque expediri literas novæ hujus missionis testes, in hunc modum: *Nos Joannes Rex justus novi templi, et Minister Dei Altissimi, omnibus et singulis fratribus, fœderi nostro consociatis, presenti scripto notum facimus, quòd latorem ejus Henricum Graës, Prophetam inspiratione Patris illustratum, auctoritate nostra ablegaverimus, ut fratres nostros, hinc inde per Germaniam dispersos, in Regni nostri augmentum colligat, et mandata reliqua, sibi à Deo et nobis imposita, fideliter exequatur. Rogamus itaque, ut huic non aliter ac nobis ipsis, in rebus omnibus, quæ ad causam nostram pertinent, indubiam certissimamque fidem habeatis. Scriptum Monasterii in civitate Dei, et signo nostro corroboratum anno atatis nostræ vicesimo sexto, Regni verò nostri primo, secundo die primi* mensis, post incarnationem JESU Christi filii Dei anno 1534. Quid autem porro effecerit Graëus, posteaquam hujusmodi mandatorias acceperat à Rege suo, prolixius dicetur ad initium anni sequentis.*

Fingit, sibi à Deo mandatum esse, ut alibi omnes Anabaptistas ad urbem liberandam colligat.

Kerfsenbr.

ad hunc

annum.

Accipit à

Rege lite-

ras, fidei

sue testes,

& abib.

Kerfsenbr.

ibidem.

*id est, die

2. Januarii

Hæc inter Ecclesia Catholica novo lumine collustrari coepit à novo Ordine Societatis JESU, cujus primi Patres hoc anno, in festo Assumptionis B. MARIE Virginis, præeunte S. Ignatio fundatore, pro salute proximi se totos devoverunt in Monte Martyrum prope urbem Parisios. Diem hanc Societas ista etiamnum celebrat velut Natalem sui Ordinis; factique hujus memoriam sempiternam prædictæ Ecclesiæ ac Parthenonis Mater & Præses literato marmori postmodum incidi* fecit hisce verbis: *D. O. M. Siste spectator, atque in hoc Martyrum sepulchro probati Ordinis cunas lege! Societas JESU, quæ S. Ignatium Loyolam patrem agnoscit, Lutetiam matrem; anno salutis MDXXXIV, Augusti XV. die, hic nata est: cum Ignatius et socii, votis sub sacram Synaxin religiosè conceptis, se Deo in perpetuum consecrârunt ad majorem Dei gloriam. Præerat eo tempore sedi Pontificiæ Clemens VII: qui tamen oriens illud lumen vix primis oculis aspicere, nedum ejus progressum intueri potuit, utpote paulò post mortali vitâ exutus die XXV. Septembris. Successit illi Paulus III, dictus antè Alexander Farnesius, electus die XII. Octobris, coronatus die III. Novembris. Symbolum ejus fuit: *Confirma hoc Deus, quod operatus es in nobis: videturque digni-**

Initium Societatis JESU.

*Pinus 10.

7. Ss. Julii,

in comm.

visa S. Ig-

natii S. 18.

n. 181.

Moritur

Clemens

VII Papa:

succedit

Paulus III.

electus die

12. Octobr.

Spondan.

Papebrock.

& alia.

C c

tatem

tatem eam sibi met ipsi præcinuisse, cum pridem antè consuëssset dicere: *confectum senio melior fortuna sequetur.*

Annus Christi 1535.

PAULI III. Pontificis 1. & 2.

CAROLI V. Imperatoris 16. & 17.

HERMANNI II. Administ. Pad. 3. & 4.

Carolus V,
è bello Tu-
netano re-
dux Nea-
polim, Ale-
xandro Me-
dicæo con-
jugem tra-
dit Marga-
retam, filiâ
suâ notham

Franciscus
Sfortia Me-
diolanen-
sium Dux
moritur, &
sui Ducatûs
hæredem
scribit Ca-
rolus V:
unde nova
bella inter
hunc & Re-
gem Galliæ.
*Palat. in
Aq. Austr.
Ripam. l. 17
hist. Me-
diolan.
Spond. Su-
rius & alii*

Grasius,
Monasterio
egressus,
Iburgum
venit, &
Francisco
Episcopo
detegit om-
nia Ana-
baptistarû
consilia.
*Kerssenbr.
ad hunc
annum.
Chytraus
l. 14 Saxon.*



Initio bello Tunetano (de cujus origine prosperoque exitu ad annum superiorem egimus) Carolus Imperator cum sua classe navigavit in Siciliam, indeque Novembri mense præsentis anni Neapolim venit: ubi ex pacto, ante quinquennium inito, Margaretam filiam suam illegitimam Alexandro Medicæo in thalami consortem dedit. In hoc itinere citra omnem expectationem audiit, Franciscum Sfortiam Insubriæ Ducem, suæ neptis Christiernæ conjugem, die vicesimâ quartâ Octobris nullâ prole relictâ mortuum; seseque ab eo hæredem totius Insubriæ seu Ducatûs Mediolanensis postremis testamenti tabulis renuntiatum esse. Luctuosissimus certè casus! imò talis, qui rursus Imperatorem Galliæque Regem funestissimo bello inter se collisit, non sinè magno Lutheranorum ac Protestantium aliorum gaudio. Franciscus enim Galliarum Rex Insubriæ Ducatum repetebat, ut hæreditatem ad se revolutam à proavia sua Valentina Mediolanensi: contra verò Carolus Imperator petebat illum non modò ex testamento Sfortiæ; sed etiam ex jure belli, quo eundem ex infestis Francorum manibus eripuerat, & ex mera gratia sua redonaverat Sfortiæ, per injuriam à Gallis pulso. Qua de re plura dicenda sunt ad annos proximè secuturos.

Ego interim ad Monasteriensium Anabaptistarum gesta me recipio, & in primis quidem ad ea, quæ de Henrico Grasio me dicturum appromiseram. Hic, ubi à Rege suo consecutus erat literas illas (quas ad annum præcedentem retuli) sub initium hujus anni urbem egressus est; atque, ut securiùs fugeret, præmissi sunt armatorum virorum plurimi, qui castellum portæ oppositum continuis velitationibus tam diu incesserent ac irritarent, donec ipse inobservatus præterisset. Lætus eo successu Joannes Rex fausta omnia sibi promittebat ab egressu Grasii; ideoque paulò post, novam Dei revelationem fingens, edicebat populo: *Verbum Domini hodie ad me factum est circa horam tertiam ante solis ortum. Dixitque Dominus ad me: tu mihi excitabis populum innumerabilem ad honorem et gloriam nominis mei.* Quandònam verò, et quo anni tempore id fu-

turum

turnum sit, revelabo postea. Tu autem interea cautè ambula, et hac annuntia reliquiis populi mei, ut expectent auxilium Domini cum patientia. At longè aliter evenit res, quàm sibi imaginatus fuerat Rex fanaticus. Gravius enim, derisis Anabaptistarum ineptiis, pridie Epiphaniæ Iburgum rediit ad Franciscum Episcopum: ostensoque diplomate Regio, quo donatus erat ad colligenda fratrum auxilia, narravit eidem omnes Monasteriensium Anabaptistarum res & spes. Nominatim verò, quinam illis confociati sint in urbe Wefalienti? quænam arcanæ eorum tesserae? quid in Geldria, quid in Frisia, quid in Hollandia & aliis in locis agant pro liberando Monasterio? quas etiam cædes & civium suorum interfectiones aliis in urbibus cogitent; ut occisis Magistratibus, venereum illud novæ Sionis Regnum celeriori auxilio fulciant? Exhorruit ad ista Præsul: statimque die octavâ Januarii Ducem Clivensem, & alios Principes, eâ de re certiores facit, enixè rogans, ut in hujusmodi sectarios acerrimè inquirant; & si quem inter eos deprehenderint, qui vocetur Henricus Graës, eundem velut hominem sibi fidum, atque ad alios detegendos missum, ab interitu servent. Exinde Gravius jubente Præsule Wefaliam profectus, accedebat clanculum ad cives varios, quos Anabaptismo infectos noverat: ostensoque novi Regis diplomate ab iisdem petiit, ut attentâ sociorum necessitate, quàm citò possent, ad solvendam Regalis urbis obsidionem se accingerent. Quòd cum illi non solum appromitterent; sed etiam varia armorum genera ex eodem fine in ædes aliquas comportarent: à Gravius repente proditi, jussuque sui Principis in diversos carceres abrepti sunt. Subinde sex eorum, velut præcipui seditiosorum duces, die decimâ tertiâ Aprilis poenam capitis dedere: ceteri verò non pauci vitæ gratiam consecuti, & in Ecclesiæ Romanæ gremium eâ lege recepti sunt, ut in lustratione publica linteis albis involuti, ardentemque cereum in manibus tenentes, cœmeterium templi circumirent, & in eodem habitu divinis officiis interessent.

Pari felicitate etiam in toto Belgio flagitiosum id genus hominum ubivis repressum est. In urbe Leyda, fanatici Regis patria, multitudo magna eorum (quæ die vicimâ quartâ Januarii ad hanc urbem occupandam se accinxerat) re maturius patefactâ in manus civium armatorum venit, ferroque postmodum & igne periit. Quo in motu etiam Bockelsonii Regis prima uxor, quæ ibidem hucusque manserat, infami gladio percussa est: quod non modò Anabaptistis conjunctissima; sed etiam eorundem assidua receptrix fuerit. In Geldria tres hujusmodi sectariorum naves, multis armis, hominibus, & vario comœatu plenæ, à Carolo Geldrorum Du-

Mittitur Wefaliam, ubi ipsius proditione plures Anabaptistæ capiuntur, & puniuntur. *Kerfsenb. in hist. Anab. Mon. ad hunc annum.*

Eorundem perversæ machinationes reprimuntur in urbe Leyda. *Kerfsenbr. loc. cit. Haraus in ann. Brab. In Ducatu Geldriæ, Kerfsenbr. ibid.*

ce attineri iussæ, nullâque vitæ servandæ gratiâ in Isalam demersæ sunt. In Frisia Georgius Schenckius, Gubernator Cæsareus, ingentem eorundem sceleratorum turmam (quæ coenobium vetus, vulgò dictum **Oude-Kloister**/Snekam inter & Bolswerdam occupaverat, illudque variis aggeribus ac fossis contra hostilem impetum communire coeperat) militari manu aggressus est; eosque demum, post impressionem octiduanam, die septimâ Aprilis munimentis omnibus feliciter eiecit, plerisque ipsorum vel in pugna cæsis, vel in expugnatione captis, posteaque vario poenarum genere trucidatis. At nullibi Christianæ res ab Anabaptistarum seditione in majori periculo versatæ sunt, quàm Amstelodami in Hollandia. Præcipui malorum istorum architecti erant Jacobus Campensis, & Joannes Gelius: quorum hic sub initium hujus anni; ille verò sub exitum anni præcedentis Monasterio missus, & à Joanne Rege Amstelodamensis urbis Episcopus constitutus fuerat. Posterior horum Joannes Gelius (dictus aliàs **Johan van Geel**) posteaquam in Frisia concitârat eam populi multitudinem, quam suprà diximus à Georgio Schenckio devictam & oppressam esse; novum suo sceleri velamen obducturus, confugit ad Mariam Gubernatricem Belgii: simulatâque facinorum suorum poenitentiam, eidem pollicitus est, curaturum se, ut urbs Monasteriensis in Caroli Imperatoris potestatem veniat, dummodo vitæ gratiam consecutus, & aliquo militum generosorum auxilio suffultus fuerit. Credit illa huic nequam homini, dat ei diploma gratiæ munitum sigillo Regio, addit etiam pecunias, quibus militem auctoraret, & ad urbem occupandam se accingeret. Exinde Gelius, nequitiarum suarum successu hilaris, festinatis itineribus Amstelodamum prope- rat, literas gratiæ sibi datas exhibet, Monasterii liberandi causâ se ibidem commorari jactitat, indèque tantam existimationem sibi conciliat, ut in urbe tota libere versari, civium ædes introire, & quidquid ei libuit, pro voluntate sua gerere, citra omnem doli suspicionem posset. Sed, cheu! quàm ingenti urbis & Hollandiæ totius periculo? Hoc enim obtectus clypeo, factionem Anabaptisticam, à Jacobo Campensi jam antea concitatam, vehementer auxit; ac tandem eò rem deduxit, ut Anabaptistæ mense Mayo, nocte mediâ inter diem decimam & undecimam totius urbis dominium ad se rapere conati fuerint. Neque dubium est, quin id iis feliciter evenisset, nisi hæc eorum consilia eâdem nocte civibus patefacta essent, priusquam seditiosi omnes accepto campanæ signo in unum convenissent. Et jam pars eorum, expansis progressa labaris, occupaverat urbis curiam ductore Gelio: solumque exspectabat, ut & reliqua Anabaptistarum turba in vicino aggere

Et in Frisia
occidentali
Kerssenbr.
Haraus &
Surius in
comment.
rer. gest.

Maximè
verò Am-
stelodami :
ubi horrens-
da eorum
conspiratio
cœpta est à
duobus A-
nabaptistis,
Monasterio
missis.
Kerssenbr.
in hist. A.
nabapt.
Haraus in
ann. brabant.
Historia
Amstelod.
Belgicæ.

Anabapti-
stæ nitun-
tur occupa-
re urbem
Amstelo-
damensem.
Auctores
ibidem.

aggere se conjungeret. Sed quia cives alii de malignis eorum consiliis jam edocti erant; ad impediendam hanc eorum conjunctionem, incredibili celeritate occluserunt vias omnes, per quas ad curiam & aggerem vicinum accedi poterat. Ità quidem eà nocte nihil amplius effectum; sed in armis tantum ab utraque parte vigilatum est usque in primam alterius diei lucem. Hac autem appetente, continuo fit impressio in urbis curiam & Anabaptistas eandem insidentes, laxantur in eos tormenta bellica, disjiciuntur postes cum repagulis, franguntur ostia, concurritur, pugnatur, vincitur, occisis Anabaptistarum plurimis; quos inter etiam Joannes Gelius glande plumbea transfossus jacuit. Horum scelerata corpora eodem die in furcas acta & è pedibus suspensa sunt. In alios verò, nefandæ hujus conspirationis participes, per dies proximè sequentes ulterius inquisitum, variisque poenis animadversum est. Ex his duodecim viri, qui in assultu capti erant, revulsis è corpore adhuc vivo cordibus in faciem percussi, ac deinde in quatuor partes dissecti fuere: tres alii quadripartito corpore rotis implexi, tres ad gladium condemnati, quatuor mulieres ante ædes proprias suspensæ, septem in aquis suffocatae, septem in ignes missæ & infamibus flammis concrematae. Omnes autem, uti magnitudine scelerum, ità etiam diritate suppliciorum anteivit Jacobus Campensis, Amstelodamensis Episcopus à Bockelsonio Rege designatus. Hic è carcere protractus in theatrum ante curiam, ponebatur in editiore cathedra, gerens in capite Episcopalem infulam ex lamellis ferreis & stanno illitis fabricatam, cujus anteriori parti impressa erant Amstelodamensis urbis insignia. In eo apparatu primum sedere debuit per horam integram, atque interim à plebe circumfusa innumeras derisiones, opprobria, & subsannationes ferre. Post hæc eidem à carnifice excisa est lingua impia, quæ doctrinam Anabaptisticam evulgaverat: dein abscissa ac detruncata manus dextera, quæ suos assecclas rebaptizaverat: tum lanionio cultro à cervice resectum caput, cui mitram Episcopalem sacrilegè imposuerat: postremò cadaver mutilum flammis absumptum; caput autem, unà cum infula resectaque manu, ad portam, quæ Harlemensis dicitur, palo infixum est.

Interea urbs Monasteriensis propter castella & aggeres circumductos arctissimè claudebatur: veluti sub finem anni superioris decretum erat, primum in Essendienti Principum conventu mense Novembri; deinde rursus in comitiis Confluentinis medio Decembri habitis, quibus interfuere Legati, Colonenses, Moguntini, Trevirenses, Palatini, Saxonici, Clivenses, & aliorum ordinum circuli Westphalici & Rhenani. Horum voluntate & consensu

copiis

Sed ab aliis civibus, maturè præmonitis tandem vincuntur; puniunturque diverso poenarum genere.
Historia Amstelodam.

Horrenda mors ac supplicium Jacobi Campensis, Amstelodamensis Episcopi à Joanne Rege constituti.
Historia Amstelodam.
Surius in comment. rer. gest.

Urbs Monasteriensis tenebatur arctissimè clausa.

Kerssenb. in hist. Anabapt. Monast. ad ann. præc.

Hamelm. copiis omnibus, toti urbi circumfufis, cum supremo imperio
in Hift. E- præfectus est Wiricus à Daun Comes de Oberstein: pro stipendiis
vang. Mo- verò militaribus, quæ solus Monasteriensis ferre non poterat, in
naff. singulos dimidii unius anni menses decreta sunt quindena floreno-
Brower. in rum aureorum millia, ab omnibus istorum Circulorum Principi-
annal. bus conjunctim exsolvenda. Neque ab ea communi Principum
Trevir. contributione immunis aut libera fuit Paderbornensis Dioecesis
 nostra. Nam & in ea non modò Laici; sed etiam Clerici & Reli-
 giosi, pecuniarium subsidium ad hoc bellum contulère, uti anno-
 tavit Henricus Schröder* Abbas in Marien-Münster, de suo mo-
 nasterio ità scribens: *Anno 1535 dedimus Hermannò Administratori*
rien-mün- *Paderbornensi quinquaginta florenos Rhenenses, pro exstirpanda heresi*
ster. in dia- *Anabaptistarum in civitate Monasteriensi.* Ità factum est, ut hi, qui
rio. urbem includebant, rebus omnibus ad vitam necessariis abunda-
 rent: contra verò in urbe, quæ jam initio præsentis anni penuriam
 victûs experiri cœperat, acerba fames quotidie magis magisque
 ingravesceret. Qua ex re cùm Joannes Rex popularem tumultum
 pertimesceret; primùm è numero fortissimorum civium de-
 legit sibi duodecim duces, quorum uni Saxoniam, alteri Ducatum
 Brunsvicensem, huic Brabantiam, aliis regiones alias cum Ducali
 titulo promittebat, si muneri quisque suo diligenter satisfaceret,
 & omnem quiritantis populi tumultum coërceret. Deinde etiam
 universæ multitudini imaginario suo Prophetico spiritu prædice-
 bat, adhuc paululùm divino jussu exspectandum esse usque in pro-
 ximum Pascha: tunc enim à suis emissariis, Henrico Grasio & Jo-
 anne Gelio, urbem hanc à diuturna circumvallatione certissimè li-
 beratum iri. Tacuit his auditis populus. At, ubi postmodum
 advenisset Pascha, eoque præterlapso adhuc nulla spes relevandæ
 urbis allucesceret; adeò recruderunt plebis jejunæ murmura, ut
 nullâ amplius territatione vel supplicio capitis potuerint coërceri.
 Neque id mirum sanè. Jam enim totâ urbe tam acerba fames in-
 valuerat, ut plerumque vulgus hominum, excepto Rege & ejus
 aulâ, intrâ dies plurimos ne vel unicum panis frustulum degustâ-
 rit, multoque minùs cibos alios humano corpori necessarios. Post
 equos, catts, canes, & alia id genus animalia sinè pane commesta,
 etiam ranæ, mures, glires, & recentia hominum occisorum cada-
 vera, in deliciis esse præ inedia cœperant. Imò non paucæ matres,
 ut indomitam ventris esuriem compescerent, ausæ sunt in cibum
 vertere suosmet liberos, quorum salitæ carnes post urbem expu-
 gnatam variis in locis adhuc inventæ sunt. Quid autem ad ista
 Rex, potu ciboque satur? *Per me licet*, inquiebat, *ut hi, qui in fide*
magis infirmi sunt, urbem nostram et Regnum deserant, modò secum
nihil

Joannes
 Leydenfis
 Rex, ex in-
 gruenti fa-
 me tumult-
 um verit?
 creat duo-
 decim du-
 ces; promit-
 titq; urbem
 circa Pascha
 liberandam
 esse ab ob-
 fidione.

Kerfsenbr.
ad hunc
annum.

Spona. ad
hunc ann.
n. 18.

Chytraus l.
14. Saxon.
ad annum

1534.
Horrenda
fames in
urbe.

aufr. iidem
Surius ad
ann. 1534.

Kerfsenb.
Hamelm.
& alii.

nihil pretiosum efferant, et vulgari solum veste contenti fuerint. Ego in- Multi ob
famem di-
mittuntur
ab urbe:
quorum a-
lii à militi-
bus occisi,
alii usque
ad urbis ex-
pugnationē
custoditi
variis in
locis.
terim, licet omnes abscedere vellent, caelesti fretus auxilio persistam et ma- Kerfsenbr.
Hamelm.
& alii.
nebo hic. Pater enim non deseret me, nec me amplebem; sed hac inedia
solum vult periclitari nostram constantiam. Per quæ verba cum abire
liceret omnibus, quicunque vellent; continuo plurimi viri ac mu-
lieres (quos nongentos aut amplius fuisse memorant) urbem hanc
& Regnum sartoris deseruere: omnes inedia confecti, pallidi, ema-
ciati, & cadaveri magis quam homini adhuc vivo & spiranti simi-
les. Ex iis multi primo impetu ab obsessores trucidati: alii ve-
rò ab his repulsi, cum in urbem redire nollent aut non auderent;
per dies quatuordecim aut paulò amplius, urbem inter & hostium
castra more pecudum victitarent; nihil aliud habentes, unde cor-
pus ex sanguine pascere, quam sola gramina. Id quod ubi Fran-
cisco Episcopo nuntiatum est: huiusmodi vitam omni morte acer-
biorem esse ratus, iussit ipsos in locum vicinum colligi, ibique
magis reos poenâ capitis condemnari; ceteros verò usque ad urbis
expugnationem variis in locis reservari.

Eodem ferè tempore, nimirum die quartâ Aprilis (quæ tunc
erat octava Paschatis) ad infringendas Monasteriensium Anabapti-
starum oblationes nova imperii comitia celebrata sunt Wor-
matiae: in quibus Principum Legati, præter stipendia militaria,
quæ mense Decembri decreta erant, adhuc alia viginti millium au-
reorum stipendia in singulos quinque reliquos æstatis & Autum-
ni menses decreverunt. Imò, si interea forsan hæc obsidio non
esset visura finem; novus alius Principum conventus in diem de-
cimam tertiam Julii constitutus est, in quo decernerentur cetera
ad edomandam urbem necessaria. Sed (quæ Deo sint immorta-
les gratiæ) ante huius ultimi congressus initia civitas Monaste-
riensis feliciter expugnata est, præeunte juvantéque Joanne Lan-
genstratio, quem à brevi statura corporis appellabant Hansulum
aut Hensulum, vulgò *Hänsten von Langenstraten*. Hic è castris
Episcopalibus anno superiore in urbem fugerat: & quia jam nul-
lum amplius videbat modum, quo afflicta urbs ab annonæ deficien-
tis penuria sublevari posset; quæsitâ elabendi viâ, statuit urbem
Francisco Antistiti prodere, si ab eo vitæ gratiam impetraret. Abit
igitur silenti nocte: deductusque ad præcipuos militiæ Duces, mo-
dum aperit, quo prædicta civitas trecentorum ferè militum auxi-
lio capi, & in Francisci Præfulis potestatem sinè magna suorum
clade compelli queat. Audiunt hæc illi cum ingenti gaudio, pro-
bant omnia Joannelli vel Hensuli consilia, traditisque immunita-
tis & gratiæ signatæ literis, adjungunt ei Wilckinum Stedingium,
pedestris militiæ ducem, cum quadringentis pugnatoribus ex o-
mni

Nova Im-
perii comi-
tia, Wor-
matiae ha-
bita, in cau-
sa Anabap-
tistarum
Monasteri-
ensium.
Kerfsenbr.
& Hamel-
man.

Joannes
Langen-
stratus, mi-
les transu-
ga, aperit
ac declarat
modum ca-
piendi ur-
bem.
Kerfsenbr.
in hist.
Anabapt.
Chytraus l.
14. Saxon.
Hamelm.
& alii.

Wilckin'
Stedingius,
præeunte
Langen-
stratio, cum
quadrin-
gentis mili-
tibus vallū
transcendit
& urbem
intrat: sed
per incuriā
negligit a-
perire por-
tam urbis.
Kerßenbr.
Hamelmo.
& alii.

Certatur
acriter in
campo Do-
minico; ac
tandem A-
nabaptistæ
se ex eo re-
trahunt in
forum ur-
bis.
Kerßenbr.
in hist. ms.

Joannes de
Twickel à
Stedingio
mittitur, ut
ex urbis
vallo nova
in urbem
auxilia
convocet.
Kerßenb.
loc. cit.

nni castrorum flore delectis. Hi igitur nocte illâ, quæ S. Joan-
nis Baptistæ natalem sequitur, inter ventorum fulminumque mur-
mura clanculum accedunt ad portam Crucis: Hensulôque mon-
strante locum, ubi fossa minûs lata, & inops aquarum erat, per in-
jectos virgulteos fascēs emergunt in vallum urbis. Indè per obli-
quos tramites tacitissimè adrepunt ad sudes præpilatas: evulsâque
earum unâ vel alterâ, quam Hensulus jam antè nôrat leviori bra-
chio removeri posse, sinè magna difficultate veniunt in propu-
gnaculum exteriori portæ impositum. Indè rursus, occisis omni-
bus, qui ibidem excubabant, celerrimè descendunt in viam saxeam
inter duas portas intermediam: rursumque interfectis omnibus ex-
cubitoribus, ponticulum ad se attrahunt, per quem ad portam
interiorem simul & in urbem itur. Debuissent hîc statim effrin-
gere portam exteriorē; & aliquem è suis mittere, qui per eam
nonnulla alia confodaliū suorum auxilia in urbem jam apertam
evocaret. At illi nimîâ festinatione rem adeò necessariam negli-
gentes, viâ rectâ properârunt ocyûs in planitiem campi Domini-
ci; occupatisque tormentis bellicis, quæ ibidem erant, contra ad-
volantes Anabaptistarum copias in apertam aciem se composuere.
Certatum exinde fortiter ab utraque parte: ac tandem Episcopa-
les (nescio an ab hoste pressi, an autem novo stratagemate hostem
oppressuri) retraxerunt se in angiportum, propè sacellum S. Mar-
garetæ. Ubi dum eorum pars ex viâ angustæ faucibus egregiè de-
pugnaret; altera pars effractis ædium vicinarum ostiis, elabatur in
plateam Ægidianam: indèque in campum Dominicum redux, tam
ardenter irruit in Anabaptistarum terga, ut antè simul ac retro ab
hostium suorum gladiis prostrati caderent; ideòque demum ulte-
rioris lanienæ impatientes, ex area Cathedralis templi in vicinum
urbis forum se retraherent.

Joannes Rex, eâ suorum clade non parùm territus, post ho-
ram secundam noctis ad Stedingium Legatos ex foro mittit, qui
utrimque breves inducias & paciferum colloquium postulent. An-
nuît Stedingius (nam & ejus miles, pugnando & cædendo fessus,
quiete modicâ indigebat) hostibûsque interim non advertentibus,
Joannem de Twickel signiferum secretò in vallum destinat ad ex-
petenda suorum commilitonum auxilia. Abit ille cum tribus aliis,
purpurante jam aurorâ. Cùmque urbis vallum jam ab omni A-
nabaptistarum præsidio vacuum inveniret; explicato vexillo suo,
edictâque simul militari tesserâ (quæ erat *Waldeck*) acclamat sociis
ante urbem præstolantibus: *adhuc omnia satis feliciter geri à nostris:*
eos tamen pugnando et cadendo non parùm delassatos esse; ideòque deside-
rare, ut, et ipsi quâcunque meliore viâ quantocys in urbem veniant, et
fati-

fatigatis auxilium præsent. Intrà vallum et portas nihil ampliùs periculi fore, cùm ea defensoribus jam destituta sint; ac belli totius vis nunc tantùm hæreat in campo Dominico, vicinòque urbis foro. Interea Stedingio & sociis ejus per Legatos proposuerat Joannes Rex, parci-
 turum se ipsorum sanguini, dummodo relictis armis vexillisque
 militariis vellent urbem derelinquere. Quod, cùm ipsi recusa-
 rent, malléntque mori potius, quàm regressu tam probroso sui
 nominis gloriam obfuscare, commodùm è vallo redit Joannes
 Twickelius, nuntiátque Stedingio & sociis ejus, jam à castris in ur-
 bem accuri, intráque breve tempus eorum auxilia præstò fore.
 Tum verò Stedingius, dimissis Legatis Regiis, jubet iterum dari
 signum pugnae: dùmque ab ambabus partibus acerrimè certare-
 tur; ecce tibi! copiarum Episcopaliū numerosa turma, per val-
 la, per fossas, per effracta portarum repagula in urbem ruens, fa-
 tigatam suorum aciem ità corroborat, ut Anabaptistæ, diutur-
 norem cædem non ferentes, dissolutis ordinibus in fugam se con-
 jicerent. Ex his alii in terras subterraneas, alii in turre, alii in
 evastata Religiosorum domicilia, alii in alios angulos & latibula se
 abstruserunt, ut mortem capitibus suis imminentem fugerent. So-
 li, adhuc ducenti circiter, ad munitiones in foro excitatas convo-
 laverant, atque ex iis cum horrifono tormentorum fremitu ità in
 adversarios detonuère, ut nemo ex his in forum progredi sinè cæ-
 de vel sanguine posset. Sed & hæc tempestas brevè rursus defer-
 buit. Nam, ut primùm iis oblata est vitæ gratia, si relictis omni-
 bus extra urbem securè duci, ac dimitti cuperent, conditionem
 hanc perlubenter amplexi, & impunè urbem egressi sunt. Ità de-
 mum nobilissima civitas, post unius anni pluriūque mensium
 obsidionem, die vicesimâ quintâ Junii in sui Præfulis potestatem
 rediit, non sinè magno omnium Principum Christianorum gau-
 dio.

Victoriæ nuntius eodem die sub horam sextam matutinam à
 Stedingio missus est ad oppidum Wolbecense, ubi tunc agebat
 Franciscus Episcopus. Priusquam verò hic in urbem adveniret;
 omnes omnium domorum ac turrium anguli sollicitè perquisiti,
 & ex occultis eorum latibulis hominum sceleratorum plurimi ad
 varia poenarum genera protracti sunt: ità tamen, ut longè mitius
 ageretur cum feminis, quàm cum viris. Illæ enim solo exilio ca-
 stigatæ, exceptâ Reginâ Divarâ & paucis aliis, quæ supplicio ca-
 pitis nefariam vitam conclusère: viri autem è diverso vel è turri-
 bus in terram deturbati, vel hastilibus transfixi, vel gladiis & mu-
 cronibus obtruncati fuère. Soli ex omnibus ad enormia supplicia
 servabantur Joannes Bockelsonius Rex, Bernardus Knipperdollin-
 gius

Stedingius
 prælium re-
 dintegrat,
 & castrorū
 accurrentiū
 auxilio ur-
 bem capit,
 Anabapti-
 stis partim
 occisis, par-
 tim fugatis.
Kerfsenb.
Hamelm.
or Haraus
in annal.
brabant.

Joannes de
 Leyda,
 Knipper-
 dollingius,
 & Kreck-
 ingius ca-
 piuntur,
 Regina Di-
 vara capite
 plectitur,
 Roemann
 in acie ce-
 cidit.
Kerfsenb.
Hamelm.
Haraus or
alii.

D d

gius

Stedingius
Episcopo
ad urbem
venienti
offert cap-
tivi Regis
coronam,
sceptrum,
& alia Re-
gis insignia

Kerfsenb.
& *Hamel*
man.

Joannes
Rex Iburgi
ad Episco-
pum duci-
tur, & pro-
terve ref-
pondet ipsi.

Kerfsenb.
Spond. ad
hunc ann.
n. 19. &
alii.

* *germani-*
ce, Pfaff:
* *moneta*
genus, *ger-*
manice

ein welfs-
pfenning

gius Regis Vicarius, & Bernardus Krechtingius novi Regni con-
filiarius. Horum primus in superiore tabulato portæ Ægidianæ
deprehensus erat, catenam auream è collo defluentem gerens, quæ
hodie adhuc asservatur à perillustri familia Dominorum de Mer-
veld. Alter apud portam Novipontanam latuit, proditusque est
à quadam femina, quæ idcirco impunitatem obtinuit. Postremus
in Ægidiano cœnobio se occultaverat, poenamque singularem vel
ex eo meruit, quod antea sacerdos & Pastor Gillhusanus fuerit.
His adjungi debuisset Bernardus Rotmannus, malorum omnium
fax & incensor primus. At ille, dum acerrimus ambarum par-
tium conflictus esset, in medias hostium phalanges militari sub ve-
ste irruens, ex accepto vulnere sceleratam animam jam antè evo-
muerat. Mirificè gavissus est Episcopus de trium istorum captivi-
tate; magis autem de recuperatione urbis: ad quam videndam
triduo post, nimirum die 28. Junii, ex oppido Wolbecensi Mo-
nasterium venit. Accedenti procedebat obviam Wilckinus Ste-
dingius cum octingentis militibus, eidemque non solum obtulit
claves urbis; verum etiam Regis captivi sceptrum, coronam, gla-
dium, & calcaria ex auro fusa. Lætus hoc donario Princeps, cum
ingenti solatio in urbem ducitur, ibique in gazophylacio Regis
adhuc centum aureorum millia in auro & argento reperit. Cetera
autem curiosis oculis contemplans, nihil aliud in urbe desolata vi-
dit, nisi tures fastigiatis cacuminibus denudatas, Ecclesias tecto
plumbeo exutas, profanata altaria, desertas domos, dispersa cada-
vera, plateas recenti sanguine adhuc madentes. Quare vix ultra bi-
duum hîc moratus, Iburgum abiit; eoque pariter Joannem Re-
gem in vinculis adduci iussit, aliis duobus alibi tantisper custodi-
tis. Ibi Princeps audacissimum hominem primo intuitu sic ador-
tus est: *Scelerate nebulo! in quæ damna me meosque coniecisti? Ad quæ*
verba Rex fronte imperterrita: Sacrificule! quid nocui tibi? urbem*
reliqui tibi, non modò amplam ac spatiosam, sed etiam validissime præmu-
nitam. Si quid ampliùs damnorum à me reparatum velis; jube fieri pro
me corbem ferreum, undique contextum corio: huic me inclusum toto orbe
circumducito, novæ Sionis Regem hîc esse proclamato, et à quolibet meâ
videndi cupido nummum album tibi dari facito. Sanè eo modo plûs num-*
morum recipies, quàm bello contra nos gesto consumpsisti. Bene est, re-
ponebat Præsul: circumducam Te, et ab hominibus videri faciam; cor-
bem verò servabo tibi in tempus aliud. Sed heus tu! quâ auctoritate ausus
es arrogare tibi jus in meam urbem et populum? Reponebat ille vicissim
& interrogabat: *Quis tibi, Sacrificule, jus istud in urbem contulit?*
Cùmque responderet Præsul, se à Canonicis legitime electum, at-
que à Pontifice & Imperatore confirmatum esse: *Ego autem, edice-*
bat,

bat, non ab homine, sed ab ipso Deo per ejus Prophetam ad hujus urbis imperium vocatus sum. Ità fanaticus homo etiam in vinculis insanire non desit. At brevè didicit, non impunè ludi cum Principibus. Nam paulò post unà cum duobus aliis, Knipperdollingio scilicet ac Krechtingio, spectaculi causâ per diversas urbes & oppida circumductus, ibique à diversis Principibus, Comitibus, Nobilibus, populoque universo, non solum visus; sed etiam derisus ac subfannatus est, non sinè magno spectatorum & auditorum gaudio. Demum verò, cum abunde cum iis lusum esset, Joannes Rex custodiæ arctioris causâ Bevergernam vehitur; Knipperdollingius autem & Krechtingius Horstmariam in diversos carceres abducuntur: ex quibus illos principio sequentis anni in ferale pegma vel theatrum proferemus.

Ceterum inter eas Monasteriensium Anabaptistarum turbas, longè gravius detrimentum Ecclesia passa est in Regno Angliæ, propter divortium Regis & Reginae. Series totius rei ità habet: Catharina, Caroli V. Imperatoris matertera, sub initium hujus seculi nupserat Arthuro, Henrici VII. Regis Angliæ filio natu maximo. Hoc autem post quinque menses decedente, cum adhuc virgo & ob morbum conjugis intacta esset; rursus ad nuptias expetita est pro Henrico VIII, defuncti Arthuri fratre, qui tunc agebat annum ætatis duodecimum. Quæsitâ postmodum dispensatio Pontificia; eaque post longas consultationes impetratâ, demum anno 1509 die 3. Junii Henricus* eam sibi in conjugem adscivit, ac die vicesimâ quartâ Junii unâ secum in Westmünster coronâ Regiâ decorari fecit. Exinde per octodecim annos nemo fuit, qui valorem istius matrimonii in dubium traheret, usque ad annum istius seculi vicesimum septimum. Quo tempore Thomas Volsæus Cardinalis & Regni Cancellarius, cum videret, castissimos Reginae mores lascivo Regi non nihil displicere; primus omnium suggessit ipsi, valorem præsentis matrimonii sibi valde suspectum esse, multisque de causis fieri posse, ut illud iterum declaretur fuisse irritum. At brevè didicit assentator ille, quàm vera sit vetus illa & vulgaris paroemia: *malum consilium consultori suo pessimum*. Cum enim res illa postmodum deduceretur ad examen Pontificium, ibique difficultates multò plures inveniret; quàm putasset Rex, jam proclinatus in amores Annæ Bolenæ, admodum facilis & levitate ipsâ levioris feminæ: Thomas Volsæus, consiliorum istorum auctor, in gravissimam Regis offensam incidit. Ac primò quidem anno 1529 à conspectu Regis faceßere jussus, dein die 18 Octobris Cancellarii dignitate exutus, demum etiam gravissimarum accusationum causâ in ærumnas varias detrusus est. Quas

Knipperdollingius, & Krechtingius, cū Rege suo ludibrii causâ per varias urbes deducuntur: ac demum retruduntur in diversos carceres. Kerßenbr. Hamelm. Suri⁹ Spondan. & alii.

Origo schismatis Anglicani ab anno 1527 usque ad annum 1535. Sander. de schism. Angl. l. 1. Spond. ad ann. 1528. Palat. in Aq. Austr. ad eundem annum. *tunc ingressus annum 18^{um}. Henricus VIII consilio Thomæ Volsæi petit, matrimonium suum cum Catharina declarari irritum. Spond. ad ann. 1528. Sander. l. 1. de orig. Schism. Angl. Palat. in Aq. Austr. Thomas Volsæus, in Regis of-

sensam in- inter, dum anno subsequente ad dicendam læsæ Majestatis causam
 cidit; eique Londinum abduceretur; fatali morbo in itinere correptus obiit
 in dignitate Cancellarii mense Octobri anno 1530. Huic in officio Cancellarii post octi-
 sufficitur duum suffectus est Thomas Morus, vir sapientissimus, & jam antè
 Thomas in variis legationibus cum egregia laude versatus: cui Henricus
 Morus an- Rex eandem sui divortii causam examinandam ac discutiendam
 no 1529. tradidit. At ille, post bene longam istius causæ discussionem, se-
 Spondan. ad posito respectu humano respondit Regi: *se quidem, Deo ante ocu-*
 ann. 1529. *los habito, stare non posse pro divortio: si tamen alii contrarium sentiant,*
 Sanderus *id à se non iniquè ferendum esse; nec unquam fore, ut idcirco eos malitia*
 loc. cit. *vel erroris arguat.* Audiebat hæc Rex moderato, uti exterius præ-
 Vita Thoma se ferebat, animo: sciebat enim, se antea dixisse Moro, ut in hoc
 Mors c. 14. negotio nihil aliud agat vel respondeat, quàm quod ejus conscien-
 Thomas tia dicendum vel agendum suadeat. Re ipsâ tamen ab hujusmo-
 Morus di- di viro sententiam aliam libidini suæ magis faventem expectave-
 vortium à ratum im- rat: ideoque postea semper alios atque alios divortii sui patronos
 Rege cogi- probat; & auro ac muneribus conquirebat, non quieturus, donec per fas aut
 anno 1532. nefas ad optatas nuptias perveniret. Quod cum videret Morus,
 Cancellarii turbarum indè nasciturarum præscius; anno 1532, die 15 Maji;
 officium cum bona Regis Henrici venia Cancellarii munere se abdicavit. Nec
 suâ sponte multò post etiam Rex, novarum nuptiarum avidus, invenit vi-
 abdicat. rum suis desideriis obsequentissimum, nempe Thomam Cranme-
 Sand. l. 1. de rum profligatæ conscientiae virum, quem eodem anno ad Archi-
 schism. An- Episcopatum Cantuariensem evexerat, in locum Guilielmi Wa-
 glie, rami mense Augusto mortui. Is, cum Annæ Bolenæ addictissi-
 mus, totusque ad assentationem Regis fictus & factus esset; con-
 tinuò sinè lege, sinè ordine, sinè jure & judiciaria potestate, sen-
 tentiam pronuntiavit pro divortio: simulque permisit Regi, ut
 non expectato Romanæ Sedis judicio ad concupitas nuptias pro-
 cederet. Initæ sunt hæc mense Octobri vel Novembri anno 1532;
 sed admodum occultè paucisq; consciis: volebat enim Rex aliquot
 mensibus expectare favorem summi Pontificis. Sed cum interea
 nihil ex ejus voto Roma decerneret, tandem anno sequente omnem
 Apostolicæ sedis reverentiam exuit, matrimonium à se initum
 publicavit, Annam Bolenam velut Angliæ Reginam coronari fe-
 cit, & eodem anno, die septimâ Septembris, ex ea suscepit Elisa-
 betham filiam, Catholicæ Religionis flagellum pessimum.

Clemens VII. Papa, ut primùm ista per nuntios didicit, Hen-
 ricum Regem non semel paternè cohortatus est, ut ab illicitis
 hujusmodi nuptiis quantocyus resiliret. Cum autem per hæc o-
 mnia nihil profecisset; ad acriora tandem progressus, mense Mar-
 tio anni millesimi quingentesimi tricesimi quarti, Majoris excom-
 muni-

Thomas
 Cranmerus
 anno 1532
 creatus Ar-
 chiepiscopus
 Cantuari-
 ensis, sen-
 tentiam fert
 pro Rege
 Henrico;
 permittitq;
 eum con-
 jungi cum
 Anna Bole-
 na.
 Spond. ad
 ann. 1533.
 Sand. l. 1. de
 orig. schism.
 Angl.

Henricus
 VIII. anno
 1614 à Cle-
 mente VII
 Pontifice

municationis sententiam in Henricum Regem fulminavit: eâ tamen moderatione, ut censuræ hujus declaratio adhuc toto semestri spatio suspenderetur; & si interea Henricus resipisceret, excommunicatio effectum non haberet. At ille jam eò flagitiorum venerat, ut non modò amores illicitos non coërceret; sed etiam quotidie magis ac magis in Catharinam à se rejectam & in Pontificem Romanum fureret. Nam eodem anno, cum assensu Thomæ Cranmeri Cantuariensis Archiepiscopi, novam duplicis juramenti formulam adinvenit, unam, quâ jurarent omnes, consentire se in successionem Elisabethæ filiæ jam recens natæ, cum exclusione Mariæ ex matrimonio priori genitæ: alteram, quâ jurarent, se Romano Pontifici renuntiare, nullumque aliud Anglicanæ Ecclesiæ caput à se agnosci, quàm solum Regem. Utrumque illud juramentum offerebatur toti Clero Londinensi, ad Archiepiscopale palatium convocato; uti etiam Thomæ Moro, qui solus è statu Laicali præstò erat, & ante omnes alios juramentum hoc edicere iussus est. Respondit ille, id à se jurari non posse, nisi se suamque animam æternæ damnationis periculo objectam vellet. Simile responsum dedit Joannes Fischerus, Episcopus Roffensis: reliquis verò secularis Clerus, minùs Deum, quàm Regem timens, juramentum illud metu poenarum edidit. Morus igitur & Fischerus, velut homines Regi suo rebelles, auctoritate Regiæ comprehensi, & in carceres abducti; nec multò post etiam varii variorum Ordinum Religiosi ob eandem causam in vincula & compedes pertracti sunt. Ex horum numero, sequenti anno 1535, primi omnium gloriosâ morte procubuere tres Carthusianorum Priores, unâ cum Reginaldo Brigittini Ordinis Theologo, & alio sacerdote seculari: omnes crassiori fune in furcam attracti, dein semivivo corpore ex ea rursus demissi, ac demum detruncato capite in quatuor partes dissecti. Hos iterum die decimâ octavâ Junii ad gloriosam necem consecrati sunt alii tres Carthusiani ex Londinensi monasterio: quos non modò pari mortè affectos referunt; sed etiam paulò antè in foetentissimo carcere tam immaniter constrictos, ut debuerint semper erecti stare, ne quidem permiscâ (quod ait Surius) purgandi corporis facultate. Quatriduo post, nimirum die 22. Junii, senile caput crudeli ferro subicere debuit Joannes Fischerus Episcopus Roffensis, vir summæ probitatis & religionis: in cujus thesauris à satellitibus Regiis nihil aliud inventum est, Sanderò testè, quàm cilicium & flagellum. Ad supplicii locum deductus, eundemque jam eminus videns, abjecto statim senili baculo: *Eja, inquit, pedes mei! adhuc brevi tempore vestrum officium facite: adhuc parùm itineris restat.* Conscenso demum ferali pegma-

excom-
municatur.
Spondan. ad
ann. 1533.
Haraus in
annal. brab.
Sander. l. 1.
schismo, An-
glic.
Exigit à suis
impiissimū
duplex ju-
ramentum.
Spond. ad
ann. 1534.
n. 6.
Pal. & alii.

*Roffa, An-
glie Roche-
ster, urbs E-
piscopalis
sub Archie-
piscopo
Cantuari-
ensi.
Thomas
Morus, Jo-
annes Fis-
cherus Epi-
scopus Rof-
fensis, &
alii jura-
mentum il-
lud recu-
santes, in
carcerem
detrudun-
tur aò 1534
Spond. ad
ann. 1534.
& seq.

Fischer &
alii truci-
dantur an-
no 1535.
Spond. ad
ann. 1535.
Sander. l. 1.
schismo, An-
glic.
*Chytra l.
14, Saxon.

pegma-

pegmate, sublevatis in coelum oculis, oravit hymnum Ambrosianum; eoque recitato fatalem ictum lætus excepit.

Acerbè ingemuit Morus, cùm audivit, sanctissimum illud caput ad necem rapi; se verò nondum coronæ talis participem fieri.

**Sander. Confiteor* tibi Domine, inquiebat, quòd non merear tam illustrem glo-*

l. i. schism.

Angl.

Thomas

Morus ad

mortem

condemna-

tur & mor-

itur.

riam; non enim sum adeò sanctus, uti Roffensis tuus. Attamen, si fieri potest, fiam et ego particeps calicis tui Domine! Placuere coelo tam beata suspiria: Die primâ Julii Morus iterum è Londinensi carcere ad Regium tribunal ducitur. Ubi diu multumque exagitatus,

cùm nec Annæ Bolenæ nuptias approbare, nec Regem ut Ecclesiæ Anglicanæ caput agnoscere vellet; suæ mortis sententiam à supremo Regni Cancellario pronuntiatum audiit in hæc verba: *Visum est nobis, Thomam Morum ab hoc loco in carcerem turris Londinensis reduci oportere: inde verò post dies aliquos per mediam urbem ad furcas Tyburtinas trahi, ibidem suspendi, adhuc spirantem è furca relaxari, petus eviscerari, viscera comburi, caput absceri, corpus in quatuor partes diffindi, postremò singulas partes unà cum resecto capite in iis locis affigi, in quibus Rex voluerit.* Sed hæc sententia paulò post ab Henrico Rege mitigata est, conversaque in solum abscissionem capitis. Morus interim à satellitibus reducitur in suum carcerem, occurrentibus inter viam Joanne Moro filio ipsius unico, & Margaretâ filiâ præ ceteris dilectâ. Ille, tametsi jam vir maturus & matrimonio ligatus foret, coram patre in genua provolutus, benedictionem ab eo supremam petiit, & osculo impresso abiit. Illa verò in patris amplexum ruens, nihil aliud loqui præ dolore potuit, quàm hæc pauca verba: *Ah! mi pater!* Quibus dictis cùm oscularetur patrem, respondit hic: *se, quacunque jam pateretur, Dei vo-*

**Vita Mori*

6. 19.

luntate et permissu pati: proinde opus esse, ut et ipsa divina voluntati se accommodet, patrisque sui casum patienter ferat.* Subinde redux in carcerem, per dies reliquos ad Martyrium perferendum pientissimè se disposuit, usque ad diem sextam Julii, glorioso ejus Martyrio designatam. Educebatur eâ die vilissimo indutus habitu, mani-

**Vita Mori*

6. 20.

búsque ferens crucem, è cujus amplexu frequenter oculos in coelum sustulit.* Vinum, quod ei transeunti offerebatur à quadam femina, modestè recusabat, inquiens: *Christum in morte sua non vino, sed amaro felle potatum esse.* Ad locum supplicii veniens, ac

**Vita Mori*

ibid.

Sander. l.

i. schism.

Angl.

**Vita Mori*

ibid.

theatrum ibi positum conscensurus, manum alicujus adstantis petebat hîsce verbis: *juva me, * quæso, ad hunc ascensum: in descensu, ut quis me juvet, nemini molestus ero.* In ferali pegmate jam constitutus, prohibitusque ad plebem loqui, brevissimè ad omnes dixit: *Ego, fratres, contestor apud vos, me et fidelem Regi, et servum Dei mei, et in fide Catholica* mori.* Tum utroque genu flexo clarâ voce re-

cita-

citavit psalmum: *Miserere mei Deus.* Quo finito, gloriosum caput ferali trunco imposuit, eoque recisò abeuntem animam felici transitu ad coelos misit.

Necem Mori initio sequentis anni consecuta est beata piâque mors Reginae Catharinae: quæ, tametsi à cæde & ferro intacta manserit, ab Anna tamen Bolena tot ærumnis & injuriis pressa est, ut inter eas vitam longiorem agere vix potuerit. Paulò ante mortem Henrico Regi pientissimè valedixit hac epistolâ, uni famularum suarum ad calamum dictatâ: *Domine mi Rex, et Marite mihi semper charissime. Jam adventat hora mortis meæ. In quo temporis articulo jubet amor meus, quo te semper prosecuta fui, ut paucis admoneam te de aeterna salute animæ tuæ, universis mundi rebus et bonis anteferenda. Ego tibi libenter ignosco omnia; precorque, ut eadem condonet tibi Deus. Quod reliquum est, commendo tibi Mariam, communem filiam nostram, ut ei præstes officium patris. - - Postremò id unum testor, quòd oculi mei te solùm è rebus mortalibus adhuc semel videre desiderent. Vale.* Non potuit sibi Rex à lachrymis temperare, cum hujusmodi literas perlegisset: statimque remisit aliquem è suis, qui eidem suo nomine plurimam salutem diceret. Sed illa jam ante adventum hujus in coelum ierat, defuncta Kimbaltonii in Huntingtonia, die sextâ Januarii anno 1536. Subinde præcepit Rex, ut Aula tota lugubrem vestitum sumeret: & quis non putâset, etiam Annam Bolenam, publici honoris causâ, huic decreto Regio parituram fuisse. At illa (turpe dictu!) non solùm ei non paruit; sed ex adverso, quasi in signum suæ lætitiæ, se suasque famulas ac ministras flavi coloris vestibus amiciri jussit. Imò cum assentatores quidam gratularentur ei de securitate per hunc obitum acquisita, respondit scelerata mulier: *equidem gaudere se de illius obitu; dolere tamen, quòd obiit morte tam honestâ.* Per quæ verba quid aliud indicatum voluit, quàm sibi gratius fuisse, ut gladio carnificis percussa caderet? sed non videbat coronata pellex, malum istud, quod Catharinae innocenti voluit, suomet scelerato capiti propediem impendêre. Mense enim quarto post illius obitum, nimirum die decimâ nonâ Maji, propter adulteria & incestum cum suomet fratre commissum infami gladio percussa est; & quidem in eodem loco, in quo eadem instigante Thomas Morus ante annum passus erat propter innocentiam & sanctitatem. Adeò verum est illud Poëtæ: *rarò antecedentem scelestum deseruit pede pœna claud.*

Satis hæc de schismate Anglicano, cujus originem & progressum paucis attingere necessum fuit. Nunc ad ea me recipio, quæ hoc anno gesta sunt in negotio convocandi generalis concilii. Paulus III Papa, cum per Octobrem anni superioris ad summi Pontificatus

Catharina
Regina piè
moritur an-
no 1536. die
6. Januarii.
Spond. ad
ann. 1536.
Sander. l.
1. schism.
Angl. &
plures alii.

Regis Hen-
rici mortis,
& Annæ
gaudium
de hac
morte.
Auctores
iidem.

* Sander. l.
1. schism.
Angl.
Anna Bo-
lena eodem
anno securi
percutitur
ob incestu
& varia ad-
ulteria,
Sander.
loc. cit.

Spondan.
loc. cit.
Chytraus
l. 14 Saxon.
Vergerius
Legat. Pon-
tificius, à
Paulo III.

ad Principes Germaniæ mittitur, ut cum iis agat de concilio celebrando Mantuæ.

Pallav. in hist. concil. Trid. l. 3.

s. 18.

Spond. ad ann. 1535.

Surius in comment. rer. gest.

**vide eas supra ad ann. 1533.*

Responsa Principum Protestantium ad eâ Legati Propositionem Palavic.

Spond. & Surius. loc. cit.

Imprudencia & inanitas hujus responsionis.

ficatûs apicem provectus esset; inter primas officii sui curas nihil impensius habuit, quàm ut in bonum nationis Germanicæ tandem aliquod concilii generalis initium pro componendis Religionum discordiis fieret. Ea de causa Petrum Paulum Vegerium, antea Nuntium Viennensem, hoc anno misit in Germaniam, ut ea de re cum Principibus, tam Protestantibus, quàm Catholicis ageret, omiſſis omnibus conditionibus, antebiennum* à Clemente VII præscriptis. De loco autem futuri concilii nihil aliud suo nomine proponi jussit, quàm lenissima hæc verba: *cogitâsse quidem se de urbe Mantua, utpote quæ ad Imperii Germanici clientelam pertineret: ex paterna tamen benevolentia et affectu singulari se iis nihil de hac urbe designanda præscribere; sed prius velle, eorundem consensum et voluntatem explorare.* His auditis, Catholici ferè omnes, & ex Lutheranis etiam Georgius Marchio Brandenburgensis, acquievêre tam benignæ moderatæque propositioni summi Pontificis. Reliqui verò Principes Lutherani, maximèque Saxo & Hassus, responsionem suam rejecêre ad conventum Schmalcaldicum, Decembri mense inchoandum. Indè postmodum rescribebant: *recusare se concilium in Italia: nec unquam permissuros, ut Romanus Pontifex concilio futuro præsit; aut ut ea, quæ in antiquioribus conciliis definita sunt, habeantur in rebus veris et certis. Solam scripturam sacram à se agnosci ut regulam indubitata fidei: atque idcò ad componenda Religionum dissidia satis fore, si à Casare et aliis Principibus deligantur ab utraque parte viri idonei, qui ex puro Dei verbo res credendas tenendasque definiant.* Deus bone! quàm imprudens & inepta methodus procedendi in rebus fidei? Certè si olim tempore Arianorum, Nestorianorum, aliorumque id genus hæreticorum veterum, hoc modo actum, & cum iisdem processum esset; quis unquam sperâſſet, fore ut ejusmodi hæreses in Ecclesia Christi finem acciperent? Nonne & illarum sectatores potuissent dicere, se conciliorum definitiones ut infallibiles non recipere? se Romanum Pontificem ut synodaliū congressionum Præsidem recusare? se tantum velle, ut Imperator & alii Principes, è Provinciis eadem hæresi aspersis, *viros idoneos* deligant, qui è solo Dei verbo de suarum doctrinarum veritate aut falsitate arbitrium ferant? Præterea, qui & quales debebant esse *illi viri idonei*, à Protestantibus deligendi? si volebant Lutherum, si Melanchthonem, si Bucerum & alios id genus Apostatas: quis eorum decisionem majorem certitudinem attribuire poterat, quàm definitioni tot sanctissimorum Patrum, qui veteribus conciliis interfuêre? Aut quis Italos, Hispanos, Gallos, Polonos, reliquumque orbem Christianum obligare pòterat ad amplectendum ea, quæ à paucis Germanis in conventu nationali decre-

decreta essent in materiis ad universalem Ecclesiam pertinentibus? Ridicula sunt hæc; imò talia, quæ apertè indicant, Protestantes illos ad nihil aliud collimasse, quam ut Ecclesiam universalem scinderent, & ab ejusdem unitate se retraherent: id quod proprium hæreticorum & schismaticorum est.

Annus Christi 1536.

PAULI III. Pontificis 2. & 3.
CAROLI V. Imperatoris 17. & 18.
HERMANNI II. Administ. Pad. 4. & 5.

Carol' Im-
perator ve-
nit Romam
& agit cum
Pontifice
de concilio
indicendo
Mantua.
*Pallav. in
hist. conc.
Trid. l. 3.
c. 19.*
Ibidem a-
cerimè
questus est
de Rege
Gallia, qui
Mediolani
recuperan-
di causâ,
magnam
Sabaudia
partem oc-
cuparat.
*Pallav. ib.
Palat. in
Aq. Austr.
Spond. Su-
rius & alii*
Pessimo
consilio ex-
ercitum suum
transfert in
Galliam,
aut. iidem
Haraus in
ann. brab.
Chytrius
l. 14 Saxon.



Carolus Imperator, cum apud Neapolitanos per hie-
mem versatus esset, die quintâ Aprilis Romam venit:
ubi cum Paulo III Pontifice multa conferens, tandem
eò rem deduxit, ut è Principum Catholicorum voto
generale concilium in urbe Mantua indictum fuerit. Interea Fran-
ciscus Gallia Rex, intellecto Ducis Mediolanensis obitu, cum in-
genti exercitu processerat in Sabaudiam; eaque occupatâ, etiam
urbe Taurinensi & magnâ Pedemontii parte potitus erat. Quo
audito Cæsar vehementer excanduit in Regem Gallia: tum quòd
Sabaudus affinitate maximâ sibi conjunctus esset; tum quòd ap-
prime nôset, invasionem istam non alio consilio susceptam esse,
quàm ut Gallus ex eo latere in Insubriam se infunderet, rursusque
Mediolanensem Ducatum è suis manibus extorqueret. Itaque pri-
mum ea de re coram Pontifice & Patribus purpuratis gravissimè
conquestus est: deinde verò sequenti die, nimirum decimâ octavâ
Aprilis, quàm ocyssimè abiit in Insubriam, ubi ad nova bella
florentissimum exercitum coire jusserat. Potuisset hîc illustrem
victoriam consequi, si Taurinum prius invasisset; eoque recupe-
rato, Sabaudiam totam ab hostili milite repurgasset, uti suadebat
Alphonfus Davalus, & alii plerique Duces. At ille consilio solius
Antonii Levæ, qui Mediolano gubernator præerat, statim in ipsa
Gallia viscera transgressus est; relictôque Turino & Sabaudiâ, ca-
stra sua posuit ante Masiliam. Quod, quàm improspere eidem
cesserit, funestus eventus docuit. Cùm enim Galli (videntes, quò
Cæsar vellet) ibidem omnes frumentarias molas unâ cum furnis &
pistrinis evertissent; brevi tempore florentissimum Cæsaris exer-
citus, necessario pane destitutus, ferèque solis uvis & fructibus
victitantem, tam acerba ventris profluvia invaserunt, ut multa
armatorum millia in tumulum dejecta fuerint. Ità demum Im-
perator, nullo tantæ expeditionis fructu, receptui canere; & unâ

E c

cum

cum exercitûs lacerati reliquiis, eâdem viâ, quâ venerat, in Liguriam reverti debuit, amisso interim Antonio Leva consiliorum istorum auctore.

Carol⁹ Gelder occultè rursus sœderatur

Gallo: Dani ejus consilio Damnum occupant, & agrum Gröningensem infestant.

Harans in ann. Brab

Chytraus l.

14. Saxon.

*Omlandia

regio circumfusa

urbi Gröningensi,

atque ad ejus domini-

um pertinens.

*vide illud ad ann.

1528.

Gröningenses, re-

jecto Carolo Geldro,

se submit-

tunt Imperatori; ejus-

que nomine fidem

jurant Georgio

Schenckio.

Chytraus

& Harans

loc. cit.

Schenckius

devicto

Geldro,

Dammobq;

occupato,

Covordia,

Bronckhor-

stium, & alias

urbes

Geldro eripit.

Chytra⁹ &

Haras⁹ ibid.

Prosperius fortuna Cæsaris procedebat in dominio Gröningano, contra detentorem ejus Carolum Geldrum. Hic, tametsi anno 1528. societatem Gallicam ejurâisset (utî suo loco diximus) auro tamen Gallico invitatus, rursus se intromiserat in foedus interdictum. Ut autem facinus tam iniquum tegeret, neque adhuc apertè videretur contra Cæsarem, fidemque ei datam agere; Christiernum Daniæ Regem hostemque Cæsaris invitârat ad invadendam Omlandiam: promittens ei, se, qui Omlandiam* possidebat solùm pro diebus vitæ, externè simulaturum, quasi hæc invasio se invito fieret; postea verò, cùm occasio tulerit, conjunctis armis contra Cæsarem iturum ad occupandam vicinam Frisiam. Rebus in hunc modum adornatis, copiæ Danicæ, Meinardo & Hackefordio Ducibus in Omlandiam irruunt, Dammum agri Gröningensis oppidum Christierno subigunt, eoque festinatis operibus præmunito, per totam latè viciniam prædas non parvas agunt. Gröningani fraudis istius inscii recurrunt ocyùs ad Carolum Geldrum, cui ex pacto* Gorcomiensi etiamnum suberant. Rescribit ille, invasionem hanc se invito factam esse: visurum tamen, ut iis opem ferat, dummodo sibi permittere velint, ut in urbe Gröningensi castellum erigat, receptumque Dammense oppidum validioribus munimentis pro suo libitu circumcingat. At illi timentes vulpem (quam gerebat in pectore) converfis repentè animis confugiunt ad Mariam Gubernatricem Belgii; fratrique ejus, Carolo Imperatori, subjectionem suam offerunt, si in rebus afflictis auxilium ferat. Mittuntur ocyùs mandata Regia, cum selectis Belgarum copiis, ad Baronem Schenckium gubernatorem Frisiae. Et hic celerrimè Groningam tempore nocturno veniens, alterâ die (quæ erat octava Junii) Caroli Imperatoris nomine juramentum fidelitatis à civibus Gröninganis recipit. Indè verò cum acceptis militibus in hostem prodiens, Delfzielam occupat, Dammum oppidum incingit, muros ejus majoribus tormentis verberat, ac demum tria millia Danorum & Geldrorum, qui ad obsidionem dissolvendam adventabant, sexto Idus Augusti, prælio tam fausto profligavit, ut captis belli ducibus, reliqui omnes vel in pugna cæsi, aut in fugam compulsi fuerint. Quo peractò Schenckius, in obsidione coepta perseverans, tandem Idibus Septembris oppidum in deditionem accepit, non aliâ conditione, quàm ut Meinardus & Hackefordius captivi fiant; ceteri autem relictis omnibus impedimentis cum solo scipione albo è portis emigrent. Deje-

ctæ

etæ mox omnes munitiones oppidi, everſa cum portis mœnia, complanati aggeres, æquatæ ſolſæ, locus totus in formam paten- tis pagi redactus eſt, qualis hodierno tempore etiamnum viſitur. Neque hîc bellandi finem faciebat Schenckius; ſed eodem victoriæ curſu occupabat etiam Covordiam, Bronckhorſtium, aliâſque urbes & oppida non pauca: quibus amiſſis Gelder tandem à bello malè coepto abſtitit, pacemque petere coactus eſt. Leges illius pacis, exeunte hoc anno Bruxellis publicatæ, potiffimùm fuerunt hæ: *Dominium Gröningenſe, cum locis omnibus hoc bello acquiſitis, man- neant in poteſtate Caroli Imperatoris. Quo ad Geldriam verò et Zutpha- niam ſerventur ea, quæ in Gorcomienſi tranſactione anno 1528 conventa fuerant: nimirum ut hæc utraque Provincia, ſi Gelder ſinè prole maſcula deccdat, ad Carolum V. ejusque legitimos heredes tranſcat.*

Gelder ad pacem co- gitur, eâ le- ge, ut, ſi moriatur ſinè prole maſcula, tota Geldria recedat ad Carolū V.

Interea Monaſterienſium Anabaptiſtarum Duces, Joannes de Leyda, Bernardus Knipperdollingius, & Bernardus Krecchtingius, ineunte hoc anno Monaſterium reduçti ſunt, ut ſuorum facino- rum poenas eo in loco darent, ubi Regni ſceleſtiffimi ſedem ac ſo- lium fixerant. Pridie, quàm ad ſupplicium educerentur, omnes interrogati ſunt, num aliquem ſacerdotem cuperent, cum quo devotè & confidenter agerent de rebus animæ? Recusârunt id Knipperdollingius & Krecchtingius, desperatæ ſalutis homines: Leydenſis verò, tametſi Joannem Siburgium Franciſci Principis Capellanum ad ſe popoſcerit, & coram eo crudelitatem & impu- dicitiam ſuam acerbè deplorârît; nullis tamen adhortationibus huc adduci voluit, ut recantaret errores ſuos de puerorum baptiſmo & humanitate Chriſti, quam è Virgine MARIA aſſumptam eſſe pernegabat. Itaque omnes impœnitentes altero mane, quæ erat viceſima 2da Januarii, poſt horam octavam protrahuntur ad ſup- plicium, in primario urbis foro præparatum. Stabat ibi færale theatrum, in cujus medio palus ligneus cum brevi ſcamno, & nu- mellis vinculisque ferreis, quibus nocentium colla manûſque ad- ſtringerentur. Circùm aſpiciebantur funeſtæ ſartagines, carbo- nibus ignitis plenæ, cum horrendis forcipibus eidem igni impoſi- tis. Ex adverſo in æde proxima conſidebat Franciſcus Epiſcopus cum diverſis aliorum Principum oratoribus. Ante reos pro tribu- nali ſedebat in theatro Joannes Weſſelingus, urbis Judex cum duo- bus Aſſeſſoribus; altâque voce prælegebat ipſorum crimina, & in- ferendæ mortis ſententiam. Quâ auditâ, prior omnium in pœ- nam trahitur, qui dignitate & honoribus prior fuerat, Joannes Leydenſis, dictus aliâſ Bockelſonius. Hic, ubi veſtibus exutus ac toto corpore denudatus erat, imponitur ſcamno ad palum fixo, conſtringitur vinculis, includitur numellis, laceratur ignitis for-

Haraus & Chytraus ibid.

Supplicium Anabapti- ſtarum. *Kerſſenbr. in hiſt.*

Anabapt. Spond. ad hunc annū. n. 19.

Hamelm. Kleinforg. & alii.

cipibus ad omnes partes carnosas corporis, ac demum ad guttur ipsum: testisque est *Hamelmannus, tenuisse hoc supplicium per horam integram, aut paulò ampliùs. Simili modo processum est cum Bernardo Knipperdollingio, & Krechtingio: quorum prior, cum è scamno se retrahere & collari circulo sibi guttur infringere vellet; recte per os tractâ eum in modum constringi debuit, ut nullum accelerandæ mortis remedium inveniret. Nonnulli *Monasteriensium Annales referunt, eosdem, adhuc vivo corpore, feratis corbibus inclusos, & è turri Lambertina suspensos fuisse. Contrà verò Hamelmannus & Kerffenbrochius perhibent, eos postmodum adacto in pectus gladio trucidatos, ac deinde in feratis corbibus inclusos, è Lambertina turri pependisse. Id quod etiam Antonius Corvinus, ejusdem supplicii spectator, indicat in epistola *ad Georgium Spalatinum scripta. Monumenta rei gestæ adhuc visuntur Monasterii, ubi singulorum forcipes etiamnum pendent ante urbis curiam; corbes autem ante turrim suprâ dictam: ità tamen, ut Joannes Rex paulò altiùs pependerit in medio; Knipperdollingius verò paulò depressiùs ad Regis dexteram, & Krechtingius ad sinistram.

Prima subinde cura Francisco Antistiti fuit, ut in urbe recuperata quantocyus restitueret antiquam fidem ac Religionem Romano-Catholicam: quam & Ferdinandus Romanorum Rex ibidem recipi, & unicè *conservari statuit in comitiis Wormatiensibus, per anni superioris Novembrem habitis. Opponebant se quidem hac in re foederati Schmalkaldienses, maximèque Saxo & Hassus, cupientes illuc iterum introduci doctrinam Lutheranam: quippe quæ, priusquam Anabaptistæ ibidem nidulari cœperant, in omnibus *templis parochialibus recepta fuerat. Sed hæc eorum consilia facillimè difluerunt è sola voluntate civium, ab invalescentibus Anabaptistis ejectorum. Hi enim præcipua ex parte adhuc probè Catholici erant: ceteri verò; qui jam antè Luthe- ro se adjunxerant, nunquam ampliùs adduci potuère, ut ab Ecclesiæ Romanæ gremio se retraherent; utpote semper veriti, ne, si rursus in eandem silvam irent, rursus in errores alios & miseriam antè habitam se devolverent. Ità vel ex ipsis adversariis nostris clarissimè fatetur Antonius Corvinus, è Cisterciensi monacho Lutheranus Præco, dum in epistola, ad Georgium Spalatinum hoc anno scripta, in hunc modum loquitur: *de Evangelico negotio, quod tu forsân in ea ditione procedere arbitraris, nihil est. Imò tantò Anabaptistis iniquior sum, quantò certiùs comperi, illorum malitiâ ac perfidiâ factum esse, ut vix mutire nunc audeant, qui antea veritati (Luthera- no scilicet Evangelio) erant addictissimi: nimirum iis, penès quos re-*

rum

rum summa est, semper timentibus, ne illud doctrinae genus, quod profitemur nos, ab Anabaptistarum dogmatis diversum non sit. Quis hinc non adoret admirabilem supremi Numinis providentiam, quæ sic elicuit ex malo bonum, attulitque salutem ex inimicis nostris?

Ne autem in posterum novæ civium rebelliones quoquo modo suboriri possent; primùm in septentrionali urbis angulo propugnaculum vetus, quod ad portam Novipontanam erat, firmiori opere communitum; fossæque, versùs urbem circumductâ, roboratum est. Ex altera verò urbis parte, in loco dicto *Bischpintshoff* (ubi antiquis temporibus curiam Episcopalem stetisse ferunt) erecta est arx prævalida, muris, aggeribus, fossis, aliisque munitionibus fortissimè cincta, quam Engelburgum appellavere: forsitan ad imitationem istius castelli, quod Romæ intrâ urbem visitur, diciturque *Castellum S. Angeli*. In hanc arcem illata sunt plurima tormenta bellica, ab Anabaptistis obtenta; primusque illius gubernator omnium Ordinum consensu designatus est Dominus Bernardus ab Ohr, egregiæ nobilitatis, fortitudinis, & auctoritatis miles. Ad hunc omni vespere debebant afferri claves urbis & portarum, neque ampliùs asservari apud aliquem è Consulibus vel ex Magistratu urbico, penès quem antea portarum & urbis custodia fuerat.

Plura alia, quæ ad reformationem Cleri Monasteriensis, & ad rectam Christiani populi institutionem requiri videbantur, eodem hoc anno pulcherrimè ordinata sunt in provinciali synodo Coloniensi: cui præter Hermannum Archiepiscopum etiam alii Episcopi, Coloniensi Metropolitano subditi, videlicet Leodiensis, Ultrajectensis, Monasteriensis, Osnabrugensis, & Mindensis, per suos Oratores & Legatos interfuere. Præcipui impulsores ad hanc synodum inchoandam fuere tres egregii viri, Adolphus Comes de Schawenburg Archiepiscopi Coadjutor, Quirinus à Vilich Archiepiscopi Suffraganeus, & Joannes Gropperus ad S. Gereonem Canonicus, patriâ Sufatensis, & in sacrarum literarum studio versatissimus. His autem indefessam operam in pertractandis concilii negotiis præstitere plures alii Coloniensis Academiae Doctores; quorum industriâ & integritate facillimè suppletum est, quidquid scientiæ aut fervoris deerat Hermannò Archiepiscopo, homini minùs literato, magisque venationum, quàm Ecclesiasticarum sanctionum studioso. Decreta synodalia, quæ à Joanne Groppero in quatuordecim partes ordinatissimè digesta sunt, in tomis* conciliorum generalium videri possunt; facilique methodo complentur omnia, quæ ad rectam Cleri populi que disciplinam inducendam pertinent. Unde etiam synodus illa, teste Cardinale

Construitur in urbe novum castellum, nomine Engelsburg / ad refrenandas civium seditiones. *Kerssenbr. in hist. Anabapt.*

Quæ ad reformationem Cleri & morum continent, pulchrè hæc anno constituta sunt in provinciali synodo Coloniensi.

Acta concilii Coloniensis.

Spond. ad hanc ann. n. 16.

Kleinsorg. in hist. ms. & alii.

**apud Labbaum & Cossart. 10.*

*Palla-

**Pallavic.* **Pallavicino*, non minori plausu excepta est in Germania, quàm in hist. con- octennio antè Senonensis in Gallia.

4 c. 14. n. 2. Inter hæc fausta Religionis promovendæ studia, rursus Eccle-
Simon Co- sia Catholica stragem non parvam retulit ex immatura morte Si-
mes de Lip- monis V. Comitis Lippiensis: utpote quo defuncto Lippiacæ di-
pia, vir pi- tiones ab avita majorum suorum fide ad Lutheranismum abstra-
entissimus ctæ sunt. Annum ac diem obitûs, in quo Hamelmannus* ac Pi-
& probè deritius exerrârunt, clarissimè nobis indicat necrologium vetus
catholicus, monasterii Falckenhagensis, hoc modo scribens: *VI. Kalendas Octo-*
hoc anno bris (hoc est, die vicesimâ sextâ Septembris) *Anno Domini 1536 obiit*
moritur die *quondam Nobilis, dum vixit, Comes et Dominus Simon de Lippia, piissi-*
26 Septem- *mus amicus et protector omnium Religiosorum, et potissimùm hujus Con-*
bris. *ventus.* Primis ille nuptiis copulaverat sibi Walburgem Bronck-

**Hamelm.* horstianam. Hac autem sinè liberis relictis mortuâ, novo matri-
in hist. Ev. monio* sibi junxerat Magdalenam, Gebhardi Comitis Mansfel-
pag. 811. diensis filiam: ex qua annis vitæ posterioribus genuit Bernardum
Piderit. in successorem, Hermannum Simonem, postea Comitem Spiegelber-
chron. gicum, & quatuor filias, nempe* Margaretam, Annam, Agne-
Lipp. tem, & Magdalenam. Tutores horum ob ætatem adhuc teneram
**aò 1523.* constituti sunt Adolphus, è Comite Schawenburgensi Metropo-

**Hamelm.* litanæ Colonienfis Præpositus, & Coadjutor Archiepiscopi, Jo-
de Comit. docus Comes de Hoya, & Philippus Hassiæ Landgravius: quorum
Lipp. pag. primus quidem bene Catholicus; reliqui autem Lutheranorum
400. dogmatum tenacissimi erant, magno totius Comitatus & nostræ
Philippus Dioecesis damno. Landgravius enim, ut erat turbulenti & quæ-
Hassia libet audentis animi, frustra obnitente Adolpho Schawenburgico,
Landgravi primùm impuberes filios Bernardum & Hermannum Simonem è
juniores gremio matris confestim abripuit, eosdémque in aula sua Cassel-
Comites lenfi Lutheranis doctrinis institui jussit. Postmodum verò, sequen-
abducit ti* anno, *Dominicâ post vincula Petri*, Procancellarium suum Geor-
Cassellas, gium Nufsbickerum cum duobus Lutheranis præconibus Lemgo-
ibiq; eos e- viam misit, Proceribus yel Deputatis Lippiacis proposituros:
ducari facit Landgravii mandatum esse, ut novam illic ordinationem Eccle-
in Luthe- siasticam procudant, eamque in omnes Lippiacæ ditionis parochias
ranismo. introduci faciant. Restitère quidem his conatibus Deputati pa-
Piderit. in triæ, juréque merito causati sunt, hujusmodi novationem permitti
chron. Lip. à se non posse sinè consensu primarii tutoris, & Hermannii Admî-
Kleinorg. nistratoris Paderbornensis; cujus Ecclesiasticam jurisdictionem per
in hist. ms hujusmodi reformationes violari compertum erat. Sed quia neu-
**aò 1537.* ter horum vim vi opponere, & iniquas ejusmodi machinationes
Lippiacas æquali potentiâ reprimere poterat; importunis tandem impulsio-
ditiones aò nibus eò rem deduxit Landgravius, ut reformatio, seu potius defor-
1737 ad Lu- matio

matio Lutherana, anno proximo recepta, & contra omne jus Dioecesanum in toto Comitatu promulgata fuerit. Ità unus ille his temporibus versabat omnia pro suo libitu; neque ullus Catholicorum Principum in vicinis Provinciis adeò cordatus, vel potens erat, ut ejus iniquissimo novandi & reformandi studio se opponere vellet vel auderet.

Cetera, quæ de rebus ad hunc annum pertinent, brevissimè sunt hæc. Die octavâ mensis Aprilis, Paderbornæ in Abdinghofensi monasterio cum fama sanctitatis obiit Venerabilis Dominus Joannes de Sufato Abbas, vir egregiæ pietatis, & omnium virtutum laude conspicuus; de quo Bucelinus* ad hunc annum ità scribit: *In Germania insigne iterum sidus extinguitur beata memoriae Joannes de Sufato, Abdinghoffensis Abbas in civitate Paderbornensi, Monachica reformationis promotor, Henrici de Peynis viri non minùs sancti successor dignissimus, relique religiosi et omnium virtutum ex asse heres: ad cujus tumulum energumena mirè liberata est. Migravit ex hac vita sexto Iduum Aprilis, non absque opinione sanctitatis absolutissima.* Præfuit huic monasterio annis quadraginta quinque; habuitque successorem Theodoricum Ruremundensem, virum non impari sanctitate, & admirabili simul doctrinâ præditum: qui eodem anno, die primâ Augusti, consuetis Ecclesiæ cerimoniis in Abdinghofensi Ecclesia* benedictus est, assistentibus Domino Reinero Abbate Bursfeldiensi, & Domino Henrico Schröder Abbate in Marien-Münster. Die sextâ Maji, in festo S. Joannis ante portam latinam, oppidulum Gerdense funesto rursus incendio in cineres redactum est, salvo tantum Parthenone, seu monasterio Virginum Ordinis S. Benedicti, è quarum fundis oppidani potissimum vivunt. Atque hoc infortunium vel idcirco magis miserandum fuit, quòd viginti abhinc annis locus iste simili incendio conflagraverit; neque ab eo tempore satè respirare, & infortunii prioris damna resarcire potuerit. Denique & hoc anno in vicinia coenobii Marien-Münsterensis ædificari cœpta est arx Grevenburgum, conditore Arnoldo ab Oynhusen, prædicti monasterii non exiguo inimico. Qua de re Henricus Abbas in diario suo ità scribit: *Anno 1536. Arnoldus ab Oynhausen incepit edificare domum, dictam Grevenborg, circa piscinam nostram, quæ vocatur piscina comitis, vulgò Greuendieck. Hermannus Administrator noster die decimâ quintâ Septembris fuit præfens in Steinheim; cum quo cœnavi, et querelas deposui contra Arnoldum ab Oynhausen.*

Joannes de Sufato, Abbas Abdinghoffensis, Paderbornæ cum fama sanctitatis moritur.

*Bucelin. in Benedicto redi-vivo.

Successor ei datus est Theodoricus de Ruremunde, eodem anno benedictus die 1. Augusti.

*Henricus Abbas Marien-münster. in diario ad hunc annū. Oppidum Gerdense rursus hoc anno conflagrat, salvo tamen coenobio Virginum.

Idem. Grevenburgum, domus nobilis Dominorum de Oynhausen hoc anno conditur.

Idem.

An-

Annus Christi 1537.

PAULI III. Pontificis 3. & 4.
 CAROLI V. Imperatoris. 18. & 19.
 HERMANNI Admin. Paderb. 5. & 6.

Alexander
 Medicæus,
 primus He-
 truriæ Dux,
 occiditur à
 Laurentio
 Medicæo,
 cognato
 suo.

*Grasianus
 in casibus
 viror. 16.
 lustr.*

*Spond. ad
 hunc annū.*

n. 2.

Palat. in

Aq. Austr.

*Surius in
 comment.*

rer. gest.

& alii.

INitium hujus anni tristissimum fuit ab immani cæde A-
 lexandri Medicæi, primi Hetruriæ ducis; quem ex-
 eunte anno 1535 cum Margareta, Caroli V. filia notha,
 matrimoniali vinculo conjunctum esse retuli. Erat is
 homo juvenis annorum viginti sex, civibusque Florentinis comi-
 tate & facilitate suâ non parùm gratus: at immodicè simul conci-
 tatus in Venerem, ut conjugali toro non contentus, plerumque
 vagâ pasceretur libidine, & ab alienis etiam thalamis non abstine-
 ret. Fovebant hanc ejus intemperantiam Laurentius Medices co-
 gnatus ejus, homo fallax, & qui jam sæpius apud alios gloriatus
 fuerat, Alexandri necem à se curatum iri, ut sic iterum Florentina
 respublica in libertatem veterem se attolleret. Quod cum occultè
 renunciatum esset Alexandro, respondit homo vafer, id à se tan-
 tùm simulatè, nec alia de causa dictum esse; quàm ut penitiùs ex-
 ploraret, quomodo Florentini erga suum Ducem affecti sint, &
 an aliquid sinistri in vitam ejus molirentur? credidit Alexander huic
 mendacio; virumque perfidum tam singulari amicitia complexus
 est, ut huic uni aperiret, quidquid arcani sub corde gereret. In-
 terea contigit, ut mulierosus Princeps matronam aliquam, genere
 formæque nobilem, in suos amplexus posceret. Quæ cum diu fru-
 stra in facinus pellecta esset; Laurentius, tandem sanguinarium ani-
 mi propositum executurus, finxit apud Alexandrum, feminam
 hanc diuturnis demum blanditiis à se persuasam esse, noctèque
 proximâ apud se in domo sua comparituram. Lætus ille post cœ-
 nam abiit ad Laurentii ædes, ducali palatio proximas; dimissisque
 famulis componit se in lecto, dormiturus aliquantulum, donec
 promissa mulier sub medium noctis adveniret. Ibi dum oborto
 somno quietem caperet, Laurentius cum duobus satellitibus cu-
 biculum ingreditur; adauctoque per costas gladio, eundem adhuc
 resistentem tam diu à sociis confodi ac perforari jubet, donec mul-
 to vulnere confectus infelicem animam ejectasset. Peraçto scelere
 nefarius latro Bononiam primum, indeque Venetias abiit, præ-
 stolaturus inibi, num Florentini hac occasione sese in libertatem
 pristinam erecturi sint. Sed cum ea spes eundem falleret, audis-
 setque, à successore ejus Cosmo Medicæo septem millia aureorum
 con-

constituta esse in præmium istius, qui Laurentium interficeret; nullibi se tutò consistere videns, Constantinopolim fugit ad Solimannum. Hic autem pariter nullum patrociniū inveniēns, intellecto suæ traditionis periculo Venetias reversus est: ubi non multò post à duobus occisi Ducis militibus trucidatus, condignam flagitii sui mercedem retulit.

Non minori scelere, ac totius Christiani orbis offendiculo, Franciscus Galliarum Rex Legatos hoc anno misit in Turciam, qui Solimannum Imperatorem instigarent ad invadendum litus Italiæ. Argumentum nefariæ legationis erat: Carolum Cæsarem, bello ante annum improspere gesto, non modicè enervatum esse; neque parem hoc anno fore, qui sibi & Solimanno simul geminatis exercitibus queat occurrere: *itaque se æstate proximâ cum ingentibus Gallorum copiis ruiturum in Insubriam; unâque petere, ut eodem tempore Solimannus navali expeditione rem suam agat, et in extrema Regni Neapolitani litora exscensionem faciat.* Indignum profectò facinus; atque ejusmodi, per quod æternam suo nomini ignominiam peperit! certè Spondanus, scriptor Gallicus, non modò legationem istam vehementer improbat; verum etiam patheticè hic* interrogat: *boccine est, esse Christianissimum, capitales christianitatis hostes in perniciem Christianorum evocare?* Deo tamen disponente contigit, ut illa Turcarum expeditio Christianæ reipublicæ nocumento non magno fuerit. Nam egregiæ Belgarum copię in Artesia continuis decertationibus ità distinebant Regem Galliæ, ut ante Octobrem hujus anni cum exercitu suo in Italiam ascendere non potuerit. Atque ideo Hariadenus Barbarossa, qui æstate primâ cum ingenti Turcarum classe in fines Apuliæ venerat, à Francisco Rege se deceptum videns, post aliquam Hydruntini litoris expilationem, ad Solimannum rebus infectis rediit.

Interea Carolus Imperator agebat in Hispania, quò sub anni prioris finem ex Italia profectus erat cum Carolo Sabaudia Duce, ejusdemque uxore & filio. Prius verò, quàm huic itineri se committeret, accefferant ad eum Legati foederatorum Schmalkaldiensium; nuntiarantque ipsorum nomine: *se constanter hætenus perstitisse in fide Cæsaris, tametsi adversus eum à Gallo et Anglo magnis sollicitationibus crebrò sollicitati sint.* Proinde à se, *tanquam à fidelibus subditis vicissim peti, ut in sua suorumque sociorum causa aboleatur omne iudicium Imperialis Camera: simulque beneficium pacificationis Norimbergicæ extendatur amplius ad cos omnes, qui interea temporis, desertâ Religione Catholicâ, Schmalkaldico foederi se conjunxissent.* Audax postulatio! Norimbergensi pacto sancitum erat anno 1532, ut omnes Imperii status ubique permanerent in ea Religione, in qua tunc

F f

erant

Cosmus Medicus ei succedit: Laurentius haud multò post interficitur.

Auctores

idem.

Franciscus Galliarum Rex, Turcarum Imperatorem incitat ad invadendas oras Italiæ.

Spond. ad hunc ann.

Pallav. in hist. conc. Trid. l. 3. c. 19.

Palat. in Aq. Aust. n. 355.

**Spond. loc. cit. n. 5.*

Classis Turcica recedit ab Italico litore, cum Galli constituto tempore non adessent.

Spond. ad hunc ann.

n. 5. & 6.

Carolus V. ad Principū Lutheranicorum postulata, exeunte anno superiore proposita, spondet se proximè responsurum esse per Matthiam Heldium, Pro-Cancellarium suum.

Surins in comment.

rer. gest.

erant; neque deinceps aliquid novi tentaretur ab utraque parte, donec vel in concilio generali aliud statueretur, vel saltem in comitiis generalibus inveniretur alia methodus ad componenda Religionis dissidia. Hoc autem non attento, multæ urbes magnique Principes ab eo tempore se adjunxerant Lutheranis dogmatis, plurimæque monasteriorum & Ecclesiarum bona violentis ausibus in suos usus ac potestatem abripuerant. Ea de re cùm in cameræ Imperialis judicio conventi, & ad restitutionem condemnati essent; volebant, hujusmodi actiones judiciales abrogari, & eos, qui Lutherum postea secuti, vel in posterum adhuc secuturi erant, suprâ dictæ pacificationis beneficio securè & integre frui & gaudere posse. Id autem quid aliud erat, quàm ab eo poscere, ut iniquitatem foveat, permittatque ipsis Religionem veterem exscindere, monasteria destruere, Ecclesiarum bona invadere, patrimonium Christi expilare, justitiam proscribere, Catholicos opprimere, Schmalkaldicum foedus quotidianis accessibus adaugere, ac demum ipsimet Imperatori vires omnes adimere, per quas iniquis Lutheranorum conatibus se opponere temporibus futuris possit? Advertebat id facilè prudentissimus Imperator, ideoque Protestantium Legatis brevissimè respondit, properare se ad iter Hispanicum: mandaturum verò Pro-Cancellario suo Matthiæ Heltio, ut ad ipsorum postulata responsum perferat, simulque etiam de futuro generali concilio cum iis conferat.

Heltius in
conventu
Schmalkal-
diensi
ostendit
Principib'
Lutheranis,
iniquissimū
fore, si a-
ctiones ju-
dicii Came-
ralis in ip-
sorum cau-
sis abolean-
tur.
*Helvicus
& Surinus
loc. cit.
Chytraus l.
15. Saxon.
Spond. hic
n. 10.*

Mense postmodum Februario Lutherani Principes & urbium foederatorum Legati Schmalkaldiam convenère: nec multò post etiam ibidem adfuit Matthias Heltius, à Cæsare absente missus. Is, cùm in Schmalkaldiensem conventum introisset, primùm gravi oratione declaravit Principibus congregatis, quàm iniqua sint eorum postulata, abituro Cæsari proposita. Palàm esse, quàm innumeræ querelæ ad Cæsarem perferantur adversus Principes, Lutheranis erroribus accedentes? Quomodo adhuc in singulos ferè dies pergant, alios Imperii Proceres ad se attrahere, Catholicam doctrinam persequi, veteris Ecclesiæ ritus proscribere, religiosos è suis monasteriis expellere, in eorum bona vultureis unguibus involare, antiquas proavorum suorum foundationes intervertere, & alia non pauca insolenter agere contra clarissima pacta & conventa pacificationis Norimbergicæ? Has autem querimonias & earum discussionem quò tandem remittat Cæsar; nisi ad judicium Imperialis Cameræ, velut à Majoribus unicè institutum adtribuendum unicuique suum jus? Certè si id non faciat, & hujusmodi actiones interdicit; Cæsarem apertæ injustitiæ manifestum fore: & perinde facturum, ac si permittat, aliorum bona violenter diripi, nec ta-
men

men velit illis remedium aliquod superesse, quo contra invasores jus suum prosequi, & justitiam obtinere valeant. Quocirca Cæsarem justissimè cupere, ut ab ejusmodi postulatis desistant; &, cùm illud Camerale judicium planè consonet Evangelio (ad quod ipsi tam crebrò provocant) ejusdem decisioni absque omni repugnantia se submittant. Quis non dicat, æquissima fuisse ea Cæsaris responsa? Et tamen in hoc Principum Lutheranorum Areopago benevolam aurem non invenire: quòd ibidem agerentur omnia consilio Lutheri, Melanchthonis, Pomerani, Bucerii, & aliorum id genus Apostatarum, quos adduxerant.

Alteram suæ legationis partem, quæ erat de futuro generali concilio, non minori facundiâ proponebat Heltius: nempe *Cæsarem anno superiore, cùm in urbe Roma versaretur, egisse cum Paulo III. Pontifice de accelerando generali concilio, ad quod postea Lutherus, et alii sectatores ejus, ferè in omnibus Imperii comitiis appellassent. Inchoandum illud proximè, et jam indictum esse in urbe Mantua, sine ulla rerum agendarum exceptione. Urbem istam nemini Teutonicorum suspectam videri posse, cùm sit urbs Imperio subdita, sive talis, quæ teneatur ab Imperii cliente seu vasallo. Hispaniam, Galliam, Poloniam, Italiam, et plerosque Germaniæ Principes, in hanc urbem consentire; nec ambigere, quin ibidem omnia, quæ ad reducendam universalis Ecclesiæ pacem ac tranquillitatem pertinent, pro more veterum conciliorum diligenter examinanda ac dijudicanda sint. Quapropter et Cæsarem cupere, ut Protestantes in hoc negotio ad aliarum nationum vota se conforment; atque ità unanimi studio collaborent pro instauranda Ecclesiarum unitate, innumeris penè dissidiis lacerata.* Movit hæc oratio nonnullos Principes & Oratores urbium. Ceteri verò, maximèque Saxo & Hassus, consilio cum præconibus Lutheranis communicato, Cæsareis admonitionibus pertinaciter obstiterè; nullum aliud concilium admissuri, quàm quod œcumenicum non sit, ac potissimùm è clamoso quorundam Prædicantium seu Magistrorum Lutheranorum coetu coalescat. Ità & hîc iterum nihil actum est ex voto aut voluntate Cæsaris: pergebantque Lutherani Principes non modò societatem sui foederis adaugere; verùm etiam Cameralis judicii decreta contemnere, & eos, qui acceptarum injuriarum causâ ad Imperiale tribunal querimonias suas detulerant, gravissimis comminationibus insectari.

Sensit id hoc anno Dioecesis nostra, occasione monasterii Confugienfis (vulgò Kauffungen) quod olim à beata Cunegunde, S. Henrici Imperatoris conjuge, non procul ab urbe Cassellensi conditum; nunc autem, anno seculi hujus tricesimo primo vel secundo, per novationum Lutheranarum turbines miserrimè detur-

Exponit etiam voluntatem Cæsaris de concilio celebrando Mantuz. Pallav. in hist. conc. Trid. l. 4. c. 2. Spond. hic n. 9. Surinus, & alii.

Sed hæc Cæsaris propositiones Lutheranis Principibus displicuere. Pallav. Spondan. Surinus & alii.

Historia disturbati Monasterii Confugienfis in Hassia; uti & malorū

quæ per eâ
occasione
intentata
sunt Epi-
scopatui
Paderbor-
nensi
*Ex veteri-
bus ms.
*ex anti-
quis ms.
Dilich. in
chron. Hef-
sia indicat
id esse fa-
ctum anno
1506.*

**vulgò
Kauff-
ungen
vel Kof-
fungen.*

**factum est
hoc circa
annum
1531 vel ad
sequente.
Alferadis
Abbatissa,
Confugio
pulsâ, cum
aliis mo-
nialibus o-
lim Gerdæ
professis,
recipit se ad
monasteriũ
Gerdenſe:
ubi & mo-
ritur.*

batum est. Floruerat illic olim perfecta regularis vitæ sanctitas: quam & ipsa Cunegundis exemplo suo non parum auxerat, quando ab obitu sui conjugis monasticam in eo vitam complexa est. At ubi postea sub initium hodierni seculi primævus ille pietatis fervor paulatim visus est refrixisse; Wilhelmus Landgravius, religiosarum domuum singularis cultor, ex florentissimo Dioecesis nostræ monasterio in Gerden* evocârat illuc moniales aliquas probè institutas, quæ labentem inibi disciplinam è congregationis Bursfeldiensis instituto corrigerent ac reformarent. Perlubenter hujusmodi postulatis annuerant Gerdenſis monasterii præſides: atque ideo volente simul ac perurgente Episcopatus nostri Administratore Hermannò de Hassia, Wilhelmi prædicti patruo, Confugium sive Kauffungam destinatæ sunt religiosissimæ virgines Anna de Borch, Alferadis de Borch, Helena Fresken, & aliæ complures. Ex earum numero primam istius monasterii reformatricem & Abbatissam egit religiosissima, & apud nos perillustri Nobilium Borchiorum sanguine prognata virgo Anna de Borch; cujus obitus (non addito illius anno) in Ecclesiæ Gerdenſis necrologio annotatus est hisce verbis: *¶ 11. Kalendas Decembris obiit pie memoria venerabilis et per dilecta Domina Anna de Borch, Abbatissa reformatricis monasterii S. Salvatoris in Confugio, quæ fuit ex nostra congregatione.* Huic deinde successit ibidem altera post reformationem Abbatissa Alferadis de Borch, olim ex eodem Gerdenſi monasterio Confugium* deducta. Quæ, cum aliquot annos parthenonem hunc laudatissimè gubernâſſet; postremò tamen, unâ cum toto virginum sacrarum coetu, in gravissimas persecutiones ac molestias incidit sub Philippo Landgravio, pientissimi patris Wilhelmi dissimillimo filio. Hic enim abjectâ Religione veteri, non modò celeberrimum illud ac regale monasterium unâ cum plurimis aliis iniquissimè* disturbavit: sed etiam virgines omnes Deo sacras, instigante Luthe- ro, vel ad matrimonium ineundum compulſit; vel, si constanter id recusarent, saltem omni divinatorum officiorum usu penitus interdixit. In his rerum angustiis Alferadis Abbatissa & aliæ sanctimoniales, quæ cum ea venerant, derelicto Confugio receperunt se ad monasterium Gerdenſe, velut ad locum primæve suæ professionis: tum ut ibi consuetae pietatis & monasticarum exercitationum studiis vacare pergerent; tum ut etiam commodius in eo loco præstolari possent mitiora tempora, quæ sperabant.

Interea tertio exulationis anno, videlicet anno Christi millesimo quingentesimo trigesimo quarto, die 27 Aprilis mortem oppetebat Alferadis Abbatissa. In cujus locum reliquæ sanctimoniales, quæ supererant, octavo Idus Julii per viam compromissi delegerunt

gerunt religiosam devotissimamque virginem Helenam Fresken : In ejus lo-
 simúlque ab Eminentissimo Domino, D. Alberto Cardinale & Ar- cum deligi-
 chiepiscopo Moguntino humillimè petierunt, ut electionem istam tur Gerda
 potestate ordinariâ confirmare, ipsamque electam per se vel alium Helena
 benedicere non dedignetur, quemadmodum elucet ex hoc earum Fresken.
 *libello supplice :

Reverendissimo in Christo Patri et Domino, D. Alberto titulo S. Petri
 ad vincula Cardinali, Moguntinensi et Magdeburgensi Archiepi- in char-
 scopo, Principi Electori, Primati etc. ant in spiritualibus Vicario ejus ge- lario mo-
 nerali, Priorissa et conventus desolati monasterii S. Salvatoris in Cossun- nasterii
 gen propter tyrannicam expulsionem prò dolor! exules, et jam in Gerden Gerdensis.
 Diocesis Paderbornensis residentes, vestra Reverendissima Paternitatis
 humiles et devota filia, cum omni reverentia orationumstrarum suffra-
 gia, et infra scriptorum agnoscere veritatem. Quia propter vocationem
 diuturnam monasteria, pastoralibus solatiis destituta, gravissima in spi-
 ritualibus et temporalibus dispendia patiuntur; idcirco anno Domini mille-
 simo quingentesimo trigesimo quarto, die luna 27 mensis Aprilis, defun-
 ctâ bonæ memoriæ Dominâ Alverade von der Borch Abbatisâ novissimâ
 monasterii præfati, et ipsius corpore cum devotione et reverentia tradito
 ecclesiastica sepultura (ne ipsum monasterium, si in locum pristinum, ut
 Deo volente speramus, restitutum fuerit, viduitatis suæ incommoda diu-
 tius deploraret) fuit à nobis dies Mercurii, qui fuit octavus mensis Julii,
 ad electionem futuræ Abbatisæ celebrandam concorditer assignatus. Con-
 vocatis igitur secundum statuta nostra venerabilibus Patribus et Dominis,
 Francisco Abbate Corbejensi præcipuo nostro Commissario, et Joanne Abbate
 Abdinghovensî tanquam assumpto et Collega, Paderbornensis Diocesis;
 et convenientibus in termino supra dicto in capitulari loco Gerdensi, quem
 ad hoc elegimus (ad proprium enim nostrum capitularem locum accessum
 habere non potuimus) omnibus, qui debuerunt, voluerunt, et potuerunt
 commodè interesse, post invocationem S. Spiritûs per devotam Missa cele-
 brationem, aliisque juxta sacri Basilcensis concilii decreta ritè peractis,
 maturâ deliberatione præhabitâ, placuit nobis omnibus et singulis adhuc
 præsentibus, et vitam monasticam profitentibus, per formam et viam
 compromissi dicto nostro monasterio providere. Unde Reverendissimum
 Dominum Abbatem Corbejensem, nostrum Commissarium, ac venera-
 bilem Dominam Annam von der Borch Priorissam Gerdensis monasterii,
 in compromissarios concorditer assumendos duximus. Qui potestatem sibi
 à nobis traditam acceptantes, et in partem secedentes, tandem post tra-
 ctatus inter se habitos, et vota singularum personarum inquisita (pro ut
 ipsi nobis postea retulerunt) unanimiter in Helenam Fresken sororem no-
 stram et professam in Cossungen concordârunt, providam et utilem illi mo-
 nasterio prædicto, vitâ et moribus commendandam etc.--- Quam idem
 Abbas

Abbas compromissarius vice suâ et Domina Priorissæ Gerdensis compromissaria, ac totius conventûs, elegit solemniter, et publicè pronuntiavit sub hac verborum forma: In nomine Patris, & Filii, & Spiritûs sancti, Ego Franciscus Abbas monasterii in Corbeja, & Domina Anna Priorissæ in Gerden, quibus est à toto conventu monasterii in Cossunga de Abbatisa providendi commissa potestas, de sorore Helena Fresken provideo monasterio præfato, vice meâ, & venerabilis Domina Priorissæ præfatæ, & aliarum præsentium jus in electionem habentium: eamque etiam his scriptis in Abbatisam eligo. Quâ electione sic rite celebratâ, --- consensum ipsius flagitantes, post humilem insufficientia sua allegationem, tandem divina nolens resistere voluntati, annuit votis nostris, electioni de se factæ consentiens. Ea propter Reverendissima paternitati vestræ, tam devotè, quàm humiliter, unâ cum dicta Electa supplicamus, quatenus electionem eandem, sic Canonice et solemniter celebratam confirmare, ac eidem Electæ munus benedictionis favorabiliter impertiri, aliasque, pro ut opus fuerit, opportune providere dignemini etc. --- Acta sunt hæc et data in monasterio sanctorum Petri et Pauli in Gerden sub anno Domini millesimo quingentesimo trigesimo quarto indictione 7mâ, die Mercurii, octavâ mensis Julii, Pontificatûs sanctissimi in Christo Patris et Domini nostri, Domini Clementis divinâ providentiâ Papæ 7mî anno undecimo. In quorum omnium et singulorum fidem etc.

Quæ ex iudicio Camera Imperialis contra Landgraviû impetrat mandatum pœnale de restituendo

Landgravi eo accepto gravissimas comminationes intentat Episcopatu Paderbornensi. ex archiv. Cath. Eccl.

Paderb. *ein peinlich mandat auf die peen des Landfriedens meldend.

Confirmatione acceptâ, cùm adhuc Landgravius detrectaret Confugiense monasterium virginibus iniquè pulsas restituere, Abbatisa nova litem illi intentavit in iudicio Imperialis Camera: eamque demum ità urfit ac perurfit, ut hoc anno, Christi Domini nostri millesimo quingentesimo tricesimo septimo, gravissimæ sententiæ contra Philippum Landgravium, veluti pacis publicæ violatorem, ex eadem Imperiali Camera fulminatæ fuerint. Quibus ille auditis, etiamsi factum ipsum sive expulsionem sacrarum virginum negare non potuerit, irritatâ bile haud aliter infremuit, ac leo saucius à telo venatoris. Moxque etiam ad Paderbornense Capitulum & alios Ordines Dioecesis nostræ dari iussit acerrimas comminatorias, quibus universo Episcopatu, nisi virginum prædictarum audentiam comprimat, horribiles terrores à se & toto corpore Evangelico denuntiat. Ecce hîc literas illas è germanico latine redditas:

Non possumus non aperire vobis, quòd intrâ dies paucos, rogatu ac sollicitatione quarundam sanctimonialium, quæ se nominant Abbatisam et conventum cœnobii Confugiensis, ex iudicio Camera Imperialis acceperimus pœnale mandatum, violatâ pacis publicæ mentionem faciens: cuius genuinum apographum vobis transmittimus. Cùm autem penitus

jam

jam edocti sumus, personas illas (quæ hujusmodi nomen sibi vendicant, et nos unâ cum subditis ministrisque nostris aggrediuntur) commorari in monasterio Gerdensi Diœcesis vestræ Paderbornensis; et hæc machinatio ipsarum sit ejusmodi negotium, quod nobis ac nostris propè tanti esse debet, quanti salus corporis ac bonorum; neque etiam recordemur, nos Diœcesi Paderbornensi aliquam ad ista causam præbuisse: idcirco vobis, tanquam iis, qui hæreditariam* totius Diœcesis præfecturam gerunt, et in ea res fortunâsque suas possident, hæc illarum sanctimonialium ausa volumus aperire. Simulque propter bonam vicinitatem, quam hucusque diu coluimus, et, quantum in nobis est, adhuc ulterius colere et conservare parati sumus, indubiè nobis pollicemur fore, ut moniales antè dictas, quæ Confugiense monasterium nostrum sibi hoc modo arrogant, uti et earundem receptrices monasterii Gerdensis virgines, non solum severe corripatis; verum etiam instigetis ac permoveatis, ut à temerariis hujusmodi postulatis quantocys desistant, paritèrque nos de hac sua desistendi voluntate, sub literis et sigillo vestro, certiores faciant: præsertim cum vobis cognitum ac satîs exploratum sit, quo in loco jam versentur Evangelicorum et Papistarum res et spes. Quod si ista non feceritis, ac subinde nobis plus molestiarum aut gravaminum ea ex re nasciturum sit (cum hic agatur de negotio communi totius corporis Evangelici) benigne et gratiosè præmonitos vos esse volumus, quod fœderati nostri Evangelici, et nos, vexationem* et afflictationem hanc suo tempore vindicaturi; neque alibi ultionem nostram quesituri sumus, quàm apud vos, in terris et agris, in personis et subditis, in prædiis et possessionibus vestris. Quod sanè ut nullatenus eveniret, ex parte nostra perlubenter vobiscum hoc negotium* composuissimus; neque dubium nobis est, quin et alii status Evangelici ulteriorem discordiam evitare malint. Hæc vobis omnibus ac singulis, erga quos de cetero gratiosè ac benevolè affecti sumus, propenso animo significamus; ac vicissim à vobis ea de re aliquid responsi petimus. Datum Cassellis die jovis post Jubilate, anno 1537.

*als denen die erbliche vorstehung des gantzen Stiffts zu- steht.

*daß unsere Evangelische Verwanten/ wir solche Beschränkung bey niemand / dan bey euch/ etwen Lande/ Leuten/ Personen/ Daab und gütere/ sämtlich und sonderlich zu suchen wissen.

*welches wir vor uns in warheit lieber vertragen hättet; glauben auch/ daß die gemelte Evangelische Verständnuß desselben auch lieber übrig stünde.

Respon-
sa
Capituli
cathedralis
ad hujus-
modi mi-
nas ac terri-
tationes.
Ex literis
Archivi
Paderb.

Acceptis hisce literis vehementer exterriti sunt Cathedralis Ecclesiæ Canonici. Statimque rescripserunt Landgravio, Diœcesanos Ordines jam abesse: curaturos tamen se, ut proximè conveniant, et his de rebus consilium capiant. De accusationibus, à Confugiensi Abbatissa factis, nullam sibi ante has literas notitiam fuisse; multoque minùs hanc à se inductam esse, ut in ea causa Landgravio se opponat. Amicitia beneque vicinitatis conservationem à se unicè exoptari: idèoque et operam se duros, ut Abbatissa Confugiensis, si adhuc moretur aut morari cogitet in Gerdensi monasterio, ab omni Camerali actione quantocys absistat. Interea verò, dum Ecclesiæ majoris Canonici prædicta scriberent & agitarent inter se; Abbatissa Confugiensis, nescio quo rumore vel monitore docta, aliorum se proripuit. Atque ideo status nostri

nostri Dioecesani, posteaquam omnia diligenter investigâssent, è congregatis patriæ comitiis ad prædictas Landgravii literas in hunc ferè modum responderunt:

Illustrissime Princeps, clementissime Domine.

*es senden/
dat se erst
siegel und
breve gebe/
und ge-
nochsame
börge stel-
le; der Sa-
chen und
Rorderun-
ge genöth
to doen-

IN causa *Abbatissa Confugiensis*, Deputatos nostros è Capitulo, Nobilitate, et urbibus Dioecesanis, ad monasterium Gerdense misimus; maximeque animi sinceritate mandavimus, ut eadem *Abbatissa* à suis accusationibus et omni actione Camerali penitus abstat, si in Dioecesi nostra ulterius degere et commorari velit. His autem Deputatis nostris responsum est à Domina et conventu Gerdensi, prædictam *Abbatissam* jam abesse in quintam hebdomadam; neque sciri à se, in quod et quale monasterium fugerit. De actionibus Landgravio intentatis sibi nihil constare. Si redeat Gerdam, polliceri se, quòd in posterum eam receptura non sint prius, quam per sigillatas literas, aliâque sufficienti* cautione præstitâ, sibi fidem indubiam fecerit, Landgravii desiderio ac petitioni satisfactum iri. Quòd autem paulò antè receperint eam; id sibi vitio duci nullatenus posse. Etenim personam hanc monasterii Gerdensis professam esse; indeque olim à *Wilhelmo* hodierni Landgravii patre ad Confugiense monasterium unâ cum aliis nonnullis evocatam. Proinde cum in eo loco, ob interdictum Catholicae Religionis et monastici concentus exercitium, remanere in posterum non licuerit; eidem et sociis ejus, ad locum suae professionis revertentibus, alimoniam et receptum denegari non potuisse, quam diu de aliis ipsarum excessibus non constabat. Quæ cum ita se habeant, *Illustrissime Princeps ac Domine*; officii nostri duximus, ea propensissimo in te animo fideliter significare per presentes: quæ sub nostris, Capituli, Nobilitatis, et urbium sigillis, data sunt Paderbornæ, die lunæ post *S. Bonifacii*, anno 1537.

Tandem
controver-
sia pacatur
per coa-
ctam deser-
tionem isti-
us litis.
*Zapfen-
burg; aliàs
Sabbas-
burg.
Castellum
Hassia in
silva Rein-
hardiana.

Non acquievit quidem Landgravius huic statuum responso. Imò novis comminatoriis eosdem incusavit, quòd sæpe dictam *Abbatissam* è potestate manibusque suis tam improvidè elabi siverint, uti constat ex aliis ejusdem literis, *Zapfenburgi** datis, die *Mercurii* post *S. Viti*. At ubi postmodum *Hermannus*, Ecclesiæ nostræ Administrator, *Poppelsdorffio* scripsit, se brevè Paderbornam abiturum, atque inibi cum Ordinibus patriæ ea de causa deliberaturum esse; videtur hoc dissidium sinè graviore Dioecesis nostræ incommodo ad concordiam rediisse, *Abbatissâ* forsan à suis juribus propter quietem publicam desistente. Certè eam postea ad Gerdense monasterium reversam, & in eo tandem pientissimè defunctam esse, non obscurè colligi videtur ex Gerdensi necrologio, in quo ad diem vicesimam primam Martii ita legitur: *XII Kalendas Aprilis obiit venerabilis Helena Fresken, Domina electa ad monasterium sancti Salvatoris in Confugio, monacha nostræ congregationis.* Ità demum hic illustris Parthenon, posteaquam à sanctorum Imperatorum

rum Henrici & Cunegundis ævo per annos quingentos & ampliùs ^{*Overham} constitisset, infelicissimo tandem hoc seculo penitus abolitus ac di- ^{in notis ad} sturbatus est à Philippo Landgravio, Principe Lutherano. ^{vitam B.} *Qui, Meinwer-*
 ùt ait Adolphus ^{*Overham}, *geminam Kauffungam cum aliis pagis et ei Episcopi*
prædiis, huic monasterio subditis, ditioni suæ adjunxit, convertitque in Paderb.
præfecturam secularem, quæ nunc vulgò das Ampt Kauffungen appel- ^{pag. 394.}
latur.

Felicibus interim auspiciis procedebant omnia in urbe Mona- ^{Urbs Mo-}
 steriensi, quæ post ejectos Anabaptistas, incredibili civium & Ca- ^{nasteriensis}
 nonicorum Cathedralium studio, penè in urbem aliam & longè or- ^{egregiè res}
 nationem abiit. *Urbs ista*, ait Hamelmannus coævus auctor, *est* ^{stauratur:}
itâ sub annis sedecim reedificata, templâ itâ exornata, ades itâ extructæ,
et vallis undique munita civitas, ut nunc sit longè splendidior, firmior,* Hamelm.*
et potentior, quàm ante obsidionem. Prima omnium Ecclesiarum re- ^{in hist. Ev.}
 staurari coeperat Ecclesia Cathedralis, quæ ab Anabaptistis non so- ^{Mon. pag.}
 lùm tecto; sed etiam fenestris, altaribus, organis, & omni ornatu ^{1296.}
 vel apparatu sacro foedissimè exuta fuerat. Hanc Episcopus &
 Capitulum intrâ unius biennii spatium festinatis operibus itâ repa-
 rârunt, ut hoc anno rursus ad omnimodam perfectionem dedu- ^{*Kerfsenb.}
 cta; & *in Dominica prima Adventûs* à Joanne ^{in hist. A-}
 *Bischopingio, Fran- ^{nab. Mon.}
 cisci Episcopi, suffraganeo solennissimè consecrata sit. Quanti ^{ad hunc}
 verò hic labor steterit, facilius est dicere, quàm divinare. Sola ^{annum.}
 ligna ad hoc opus necessaria devorârunt ^{*Kerfsenb.}
 ta: reliqui sumptus & expensæ, præter fenestras & imagines, ex- ^{ibid.}
 currerunt ultra septem florenorum aureorum millia & nongentos, ^{Calices &}
 uti refert Kerfsenbrochius. Alia denique ornamenta sacra, nem- ^{alia orna-}
 pe calices, thuribula, vestesque Sacerdotales & Leviticæ, magnam ^{menta sacra}
 partem accepta sunt ex direpto Hudensi ^{inferuntur}
 *monasterio; è cujus spo- ^{ex mona-}
 liis adhuc superest amplissimus calix vetusti artificii, cum hac in- ^{sterio Hu-}
 scriptione veteribus literis inarata: *Hic est Calix novum testamentum* ^{Chytraus l.}
in sanguine meo, qui pro vobis fundetur. Robertus Abbas in Huda ^{15. Saxon.}
 *me ^{ad an 1538.}
 formari fecit, anno Domini M.CCC.XCVII. Monasterium hoc Or- ^{*Huda,}
 dinis Cistertiensis jacebat in comitatu Delmenhorsteni; eratque ^{vulgò}
 his temporibus adèò corruptum ac depravatum, ut plerique mo- ^{Hude.}
 nachi, desertâ Religione Catholicâ, ad Lutheri & aliorum Apo- ^{Cujus mo-}
 statarum castra profilierint. Neque melioris farinæ erat eorun- ^{nachi cum}
 dem Abbas, Liborius Lipkenius. Nam & hic, dissipato mona- ^{Abbate suo}
 sterii nobilissimi patrimonio, Lutherana dogmata complexus erat, ^{transierant}
 & cum uxore seu pellice sua privatam curiam incolebat in civita- ^{ad Luthera-}
 te Brema. Quæ omnia cum ad Franciscum Episcopum, cui tunc ^{nismum.}
 parebat comitatus Delmenhorstanus, per literas querelâsque pluri- ^{Itâ refer-}
 mas delata essent; residuum templi apparatus, omniâque vasa ^{tur in que-}
 & ^{relis ad}
 & ^{Franciscû}
 & ^{Ep. datis.}

& ornamenta sacra Monasterium abduci jussit: longè sanctius ac Deo gratius esse ducens, thesaurum hunc ad sacerdotum Catholicorum servitia conservari; quàm à desertoribus monachis vel in usus profanos distrahi, vel inter meretrices & prostibula sacrilegis impuris manibus contrectari. Unde patet, quàm iniquè scrip-

**Hamelm. in hist. Ev. Delmenh. pag. 792.* ferit*Hamelmannus, historiarum sui temporis corruptor famosissimus: *Monasterienses, qui volunt videri Catholici, et sancti cultores Romana doctrina, destruxerunt cœnobium amplissimum in Hude, monachosque dissiparunt. Hi erant talium Episcoporum et Canonorum fructus! Quantò melius potuisset ac debuisset scribere: Hi sunt fructus Evangelii Lutherani! Hæ monachorum ab eo seductorum pœna!*

Otto Episcopus Hildesien-
sensis
exauctoratur à Paulo
III Pontifice.
Chytraus l. 15. Saxon. Brusch. in Catal. Ep. Hild. & alii.

Episcopatu Hildesien-
sensi tunc in annum jam sextum præerat, aut potius præesse visus est, Otto Comes de Schawenburg, Adolphi Coloniensis Præpositi & Coadjutoris frater: homo juvenis & ob ætatem juvenilem adeò suæ aut rerum suarum negligens, ut intra sexennium illud non modò se abstineret à sacrorum Ordinum susceptione; sed etiam à Romana sede confirmationem suæ electionis & Episcopatus non petierit. Quare tandem hoc anno Romanus Pontifex Ottonem Episcopum ab officio movit, severe mandans Canonicis majoribus, ut vel intra sex menses virum alium eligerent, vel alium à sede Apostolica nominandum ac designandum exspectarent. His auditis recessit Otto, factus postea melior maritus, quàm Episcopus. In ejus verò locum, die primâ Octobris, communibus omnium suffragiis delectus est Valentinus à Teutleben, Sacrosanctæ Theologiæ ac Canonum Doctor, Cathedralium Ecclesiarum Hildesii, Moguntiæ, & Magdeburgi Canonicus, uti etiam Collegiatae Francofurtensis ad S. Bartholomæum Præpositus meritissimus. Is, ut erat in rebus agendis alacer, continuo perrexit Romam ad Paulum III Pontificem; Cùmque ab eo sub initium anni sequentis non solum confirmatus, verum etiam solenni ritu consecratus esset; non multò post in Germaniam reversus, & Hildesii, die vicesimâ octavâ Maji, magno Ordinum omnium applausu ac gratulatione susceptus est.

In cujus locum eligi-
tur Valentinus à Teutleben, vir magnæ eruditionis.
Auctores iidem.

Annus Christi 1538.

PAULI III. Pontificis 4. & 5.
CAROLI V. Imperatoris. 19. & 20.
HERMANNI Admin. Paderb. 6. & 7.

**Spond. ad ann. 1537. n. 3. Pallav. l. 4. conc. Trid. c. 5. n. 2.*



Ubi finem anni præcedentis duæ sorores Cæsaris, nimirum Eleonora Regina Galliarum, & Maria* Gubernatrix Belgii, collatis inter se consiliis id effecerant, ut Cæsarem inter & Gallum de trimestribus armorum indu-

induciis conventum fuerit. Hæ induciæ mox ad aliud* semestrem spatium prolongatæ sunt: & interea strenuè laborabatur à Paulo III. Pontifice, ut inter duos maximos orbis Christiani Principes tandem sincera firmæque pax coalesceret. Eo fine Cæsar, Gallus, & Pontifex, mense Majo convenerunt prope Nicæam sive Niciam in Ducatu Pedemontano: summæque rei Christianæ felicitas dependebat ab adventu hujus pacis; quod ab ortu Lutheranae hæresis, duarum istarum domuum dissidia fuerint exitium Catholicæ Religionis in Germania. Verum, quidquid ibidem ageret ac laboraret Pontifex; haud aliud tamen quam decennales armorum inducias impetravit: quæ & publicistabulis, die decimâ Octavâ Junii, utrimque consignatæ sunt. His peractis, Imperator cum Pontifice discessit Genuam: ubi Margaretam, occisi Ducis Alexandri Medicæi viduam, despondit Octavio Farnesio Pontificis cognato. Indè verò in Hispaniam reversurus, prope Aquas Mortuas* Francisco Regi, in illius urbis vicinia demoranti, per Legatos indicavit, sibi in votis esse, eundem hîc amplecti & salutare. Lætus eo nuntio Rex (nam apud Nicæam à congressu mutuo certis de causis abstinerant) consensâ protinus naviculâ ad ejus quadriremem accurrit, solusque ibi cum solo per horam integram locutus est. Posterâ die Cæsar vicissim ad Regem adiit, procedente obviam sorore suâ Eleonorâ Franciæ Reginâ, magnôque Procerum comitatu. Ab his ad aulam deductus, familiarissimè cum Rege prandit, cœnavit, pernoctavit; ac demum postridie, sumpto prandio, inter amicas colloquutiones & amplexus ad classem rediit ac discessit.

Ex eo congressu plurima bona sibi invicem ominabantur Principum amborum subditi. Sed, quæ temporum istorum infelicitas fuit, propè nulla aut pauca admodum secuta sunt propter alios eventus improsperos. Nam in primis eodem anno, die 2dâ Julii, nullâ prole legitimâ relictâ è vivis abiit Carolus Egmondanus, Dux Geldriæ: & quia perpetuus Caroli Imperatoris ac Burgundorum inimicus fuerat, contra omnia præcedentium annorum pacta Wilhelmum Clivensem Geldriæ Zutphaniaque hæredem scripsit. Quæ tam iniqua res quadriennio post iterum novo calamitosoque bello materiam præbuit, Cæsare, quod suum erat, repetente; Clivenfi autem ad Gallorum auxilia confugiente. Sed & aliam hoc anno tempestatem Cæsari & Principibus Catholicis minitari cœperant foederati Schmalkaldenses, maximèque præcipui eorum duces, Joannes Fridericus Elector Saxoniae, & Philippus Hassiæ Landgravius. Convenerant hi rursus ineunte Martio in urbem Brunsvicensem, haud alio (ut opinor) consilio, quàm ut Cameræ

G g 2

Impe-

* *Hæraus in ann. brab. ad an. 1537*
Pontifex, Cæsar, & Rex Galliae conveniunt apud Nicæam, ubi decennales induciæ feruntur inter Cæsarem & Regem.
* *Hæraus in ann. brab. Sur. in com. rer. gest. Pall. in hist. C. Trid. l. 4. * urbs Lan- guedociae, gallice dicta Arques-Mortes.*
Postea Cæsar & Rex amicissimè se invicem complentur apud Aquas mortuas.
* *auct. iidem. Spontan. & alii.*
Carolus Geldriæ Dux moritur, & hæredem scribit Wilhelmum Clivensem: unde iterum nova bella.
* *Hæraus in ann. brab. Sur. adhuc ann. in fine.*
Foederati Schmalkaldenses conveniunt Brunsvici, ibique suum fœdus augent.
* *Chytraus l. 1. Saxon. Dilich. in chron. hessia*

**litera Do-*
mnicalis
erat F.
 Catholici
 contra eos
 percutiunt
 aliud fœd⁹,
 quod ap-
 pellârunt
fœd⁹ sanctū.
Chytræus
loc. cit.
Spondan. ad
an. 1537 n. 16
Hansiz. in
hist. Archi-
Ep. Salisb.
pag. 601.
Pallav. in
hist. conc.
Trid. l. 4.
c. 8. n. 10.
 Lutherani
 Principes
 iterū con-
 veniunt
 Isenaci.
Surius in
comment.
ver. gest. ad
hunc ann.
Paulin. in
anal. Ise-
nac. & alii.

Calvinus
 Genève
 pulsus, hoc
 anno venit
 Argentora-
 tum in Ger-
 maniā. Ejus
 Natales,
 studia, Cle-
 ricatus, exi-
 lium, & fu-
 ga in Italiā.
Spond. ad
ann. 1534.

Imperialis iudicio audenter se opponerent, foedusque suum novis aliorum Principum receptionibus adaugerent: quemadmodum & Christianus Daniæ Rex, quā Holsatiæ Dux, ibidem Schmal-kaldiano foederi adjunctus est. Initium conventui tam nocivo datum die vicesimā septimā Februarii, sicut in diario Henrici Schröder Abbatis Marienmünsterensis annotatum legitur hīsce verbis: *Anno 1538, feriā quartā * post Petri ad Cathedram servata est magna dicta in Brunsfwick, à Principibus et Comitibus, qui dicuntur Evangelici, et à civitatibus eisdem adherentibus.* Has adeò frequentes iteratāsque Lutheranorum conventiones meritò suspectas habebat Ferdinandus Romanorum Rex cum Principibus Catholicis: ideoque & ipsi agente Heltio, Cæsaris Pro-Cancellario, cogitare cœperunt de adverso foedere, quod etiam *fœdus sanctum* appellari voluere. Percussum id Norimbergæ die decimā Junii: postque Cæsarem & Ferdinandum Regem in illud recepti sunt: Albertus Elector Moguntinus, Matthæus Archiepiscopus Salisburgensis, Georgius Saxoniae Dux, Wilhelmus & Ludovicus Bavariae Duces, Ericus & Henricus Brunsvici Duces, cum quibusdam aliis; e quorum numero supremus armorum ductor constitutus est Henricus Brunsvicensis, bellicosus eo tempore Princeps, & Cæsari cum primis fidus. Ea res acerbè pupugit adversarios. Atque ideo primò in diem vicesimam quartam Julii novum conventum indixerunt Isenaci: in quo à Ferdinando Romanorum Rege ausi sunt petere, ut Henricus Brunsvicensis ab insectandis Goslariensium Lutheranorum ausibus juberetur abstinere; cùm tamen è diverso ipsimet Lutherani Principes finem propè nullum facerent, Catholicos persequendi, & antiquas proavorum suorum foundationes evertendi. Nec longè post, nimirum die tricesimā Decembris, Philippus Hassiæ Landgravius Henrici Brunsvicensis Secretarium, cum arcanis literis ad Moguntinum Heltiūque missis, prope Cassellas intercipi, & in custodiam detrudi iussit. Quā ex re non parum aucta sunt partium ambarum odia, paucorum annorum spatium in apertas belli flammās eruptura.

Accedebat his aliud malum ab adventu Joannis Calvinī, qui hoc anno pariter irrepsit in Germaniam, posteaque magnam illius partem à Lutheri erroribus ad suos transtulit. Natus hic erat Noviomī in Gallia anno 1509, die decimā Julii, patre Gerhardo Cauvino: cujus ille nomen latinè in Calvinum, & aliquando etiam transpositis literis in *Alcuinum* vertit; quasi magno illi Alcuino, Caroli Magni præceptorī, se parem ferret. Post decursā humaniorum literarum studia Philosophiam Parisiis, Jus Canonicum apud Bituriges audiit: ubi tunc etiam à Melchiore Wolmario,

rio, homine Germano, qui stipendiis Margaritæ Biturigum Ducis alebatur, Lutheranae hæreseos venenum combibit. Inde Noviomum reversus, clericali vitæ se addixit, nactus ibidem duo beneficia Ecclesiastica, quæ Gerardus pater ei procuraverat. Sed in his possidendis inquietus homo demorari diu non potuit. Cum enim suas hæreses & novarum opinionum venena luculenter hinc indè proderet; propter eas in exilium actus, & (ut Bolsecus* addit) etiam perpetrata sodomia causâ nigro lilio ad humeros inustus est. Quapropter utroque Sacerdotio vendito, acceptaque certarum *pecuniarum summâ primò in Germaniam ad præcipuos novarum doctrinarum fabros, indeque rursus ad Pictavos in Galliam se recepit: ubi famosos illos institutionum suarum libros ex diversis, cum veterum, tum novorum sectariorum chartis infeliciter confarcinavit; & eos, qui contenta in iis dogmata in plebem disseminarent, *Ministros** appellari voluit. Ex horum deinde numero tres in Gallia reliquit: ipse verò, ne fortè cogeretur pro fide sua martyrium ferre, securitatis obtinendæ causâ in Italiam ivit. Fidem Catholicam tunc abjecerat urbs Geneva, Zwinglianis erroribus imbuï ac deformari coepta anno seculi præsentis *tricesimo quinto. Illuc igitur anno sequenti veniens, & inter verbi Ministros cooptatus, non modò gnaviter suarum doctrinarum semina in plebem sparsit; sed etiam haud multò post Guilielmum Farellum, Genevensium seductorem, aliòsque verbi Ministros inclinavit, ut in odium Catholicæ Religionis Coenam Dominicam non amplius* in pane azymo sed tantum in fermentato porrigere vellent. Cumque huic novitati senatus populusque Genevensis audenter se opponeret; nihilo minùs nequissimi seductores illi tam perditè & obstinatè persisterunt in proposito, ut hoc anno, seculi præsentis tricesimo octavo, in festo solenni* Paschatis, per omnes totius urbis Ecclesias nulli hominum Eucharistiam seu Communionem sacram distribuerint. Ea res gravissimè offendit populum: atque ideo statim alterâ die, quæ erat vicesima secunda Aprilis, novatores isti ab urbe pulsi, & in exilium ejecti sunt. Ità demum Calvinus, nec Genevæ amplius, nec in Gallia securus, in Germaniam *profugit, ac tandem Argentorati hoc anno à senatu Zwingliano cathedram consecutus est. Ex qua tamen triennio post *Genevam rediit, ut ibidem pestilentis doctrinæ suæ principatum stabili-
*Bolsec. in
vita Calvin
c. 5. & alibi.
*Spondan.
ibid. n. 10.
in fine.
Bolsec. loc.
cit.
*Spondan.
ibid. n. 13.
*Spond. ad
ann. 1535.
n. 3.
*Spond. ad
ann. 1538.
n. 12.
Bolsec. in
vita Calvi-
ni c. 6. &
seq.
*Pascha ad
1538. inci-
debat in diē
21. Aprilis,
sub litera
Dominicali
F.
*Spond. ad
hunc ann.
loc. cit.
Bolsec. in
vita Calvin
c. 10.
*Spond. ad
ann. 1541.
n. 4.

Ceterum & hic annus non omnino immunis fuit à bello, saltem prædatorio. Nam in mense Majo Antonius & Christophorus Comites Oldenburgici, nullâ hostilitatis denuntiatione præviâ (ut refert Kerssenbrochius) in Dioecesin Monasteriensem irruerunt:

Anton. &
Christoph.
Comites
Oldenbur-
gici inva-
dunt ac po-
pulanrur
Diœcesin
Monaster.
Kerffenbr.
in hist.
Anabapt.
Chytraus
l. 15 Saxon.
Hamelm.
in chron.
Olden-
burg. à pag.
366.
Franciscus
Episcopus
eisdem
rursus ex-
pellit, & e-
vastat Co-
mitatum
Oldenbur-
gicum.
Auctores
iidem.
Hermannus
Archiepi-
scopus Co-
lon. & Jo-
annes Dux
Clivensis,
pacē inter
eos resti-
tuunt.
auct. iidem
* Hamelm.
in chron.
Oldenb.
pag. 368.
Pœna Hen-
rici de
Schade, in-
cendentis
Ecclesiam
in War-
denburg.
Hamelm.
ibid pag.
367.

runt: eâ quidem prætextâ causâ, quòd Franciscus Episcopus Hu-
dense monasterium per decursum anni superioris iniquè diripue-
rit; re verâ tamen, ut ab Ecclesia monasterii præfecturam arcemque
Delmenhorstensem, à majoribus suis possessam, vi & armis recu-
perarent. Prima eorum impressio tentata est in arcem hanc, de
qua nunc dixi. At eo conatu propter fortitudinem præsidario-
rum frustrati, subjectum oppidum exspoliant & incendunt. In-
dè latius progressi, Wildeshusium, Vechtam, Haselünnam, Mep-
penam, Harpstadium, Kloppenburgum, & alia regionis istius
castra vel oppida capiunt; magnâque pecuniæ vim è vicinis ad
Amasim pagis extortam auferunt. Sed brevis hic furor fuit, &
instabile gaudium. Nam, ubi haud multò post Franciscus Episco-
pus è triplici Diœcesi sua, videlicet Monasteriensi, Osnabrugensi,
& Mindensi, magnas equitum peditumque turmas adunaverat sub
Joanne Raësfeldio, supremo militum Præfecto: Oldenburgici Co-
mites, incenso post se Vechtenfi castro & oppido, quantocyus re-
gressi sunt; omniâque loca occupata non minori celeritate rursus
amifere, quàm ea prius ab æmulo nondum parato ceperant. Mox
etiam Monasterienses, ut cladem cladi ac damna damnis repone-
rent, in comitatum Oldenburgensem vicissim irruunt, pagos di-
ripiunt, oppida incendunt, ac demum ipsimet urbi Oldenburgensi,
velut primariæ Comitum prædictorum sedi, obsidionem admo-
vent. At his eorum conatibus repentè intervenerunt Hermannus
Archiepiscopus Coloniensis, Ecclesiæ nostræ Administrator, &
Joannes Clivensium Dux; quorum uterque duos Legatos, pro
tractando pacificationis negotio, ad partes dissidentes misit. Ho-
rum arbitrato & suasionibus primùm constitutæ sunt induciæ;
deinde verò Wildeshusii, die tricesimâ Julii, eâ lege pax compo-
sita, ut utraque pars in iudicio Imperiali experiatur suum jus, &
interea suis quisque rebus ac possessionibus contentus vivat, uti
refert* Hamelmannus. Immitiùs tamen, quàm Christiana repres-
sio ferret, in eo ultionis genere à Monasteriensibus processum est
Wardenburgi, loco olim devotis peregrinorum supplicationibus
haud parùm claro. Templum enim, quod ibidem satis elegans
cupreisque laminis intectum erat, Monasteriensis miles foedissimè
incendit, campanis Bremam abductis; & in urbe, Lutheranis er-
roribus jam addicta, venditis. Auctor hujus facinoris fuisse legi-
tur Henricus de Schade Satrapa Wildeshusianus: qui idcirco (uti
refert Hamelmannus) repentè in eam amentiam ac phrenesim lap-
sus est, ut eundem curru imponi, vinculisque adstrictum, in suas
ædes reportari necessum fuerit.

Eâdem

Eâdem occasione Paderbornensis Dioecesis nostra non parùm nocu-
mentum, velut ex obliquo, pertulit. Nam, ut Hamelmannus in chronico* Oldenburgerensi refert, Philippus Hassiæ Landgravius in bellum istud nonnulla equitum peditumque auxilia Francisco Episcopo suppetias misit. Hos autem per Dioecesin nostram eò tractos esse, non obscurè constat ex diario Henrici Schröder Abbatis Marienmünsterensis, qui ad hunc annum ità scribit: *In vigilia Pentecostes venerunt ad monasterium nostrum viginti et centum armati equestres ex curia Principis Hassiæ, ex promotione Arnoldi* ab Oynhausen inimici nostri. Manserunt per unam noctem, et in recessu acceperunt quatuor boves. Damnum nostrum fuit ad quadraginta florenos aureos.* Neque dubito, quin adhuc majorem, vel certè non minorem jacturam tulerit monasterium Gerdense virginum; cui Landgravius jam ab anno priore plurimùm infensus erat propter Abbatissam & conventum cœnobii Confugien-
sis, de quo alio in loco* memini. Hæc autem & plura alia dissimulabat Hermannus Ecclesiæ nostræ Administrator; neque vel minimùm ausus est mutire contrà, utpote homo languidus, & jam paulatim Lutherano magis, quàm Principi Catholico similis. Imò & in ceteris rebus, purè civilibus, ferè nihil agebat, nisi per suos Ministros: quorum opera Paderbornenses inter & Colonien-
ses hoc anno complanata est eorundem controversia de jurisdictione in Westerkotten & Erwite; uti constat ex tabulis publicis, eade re conscriptis, datisque *Newhusi die decimâ Octobris, anno 1538.*

*Hamelmann, loc. cit. pag. 367.

*Oynhausen in Grevenborg.

*ad annum 1537.

Hermannus Administrator inter Colonien-
ses & Paderborn, componit litem de jurisdictione in Erwite & Westerkotten. Ex literis cancellaria Paderb.

Annus Christi 1539.

PAULI III. Pontificis 5. & 6.
CAROLI V. Imperatoris 20. & 21.
HERMANNI II. Administ. Pad. 7. & 8.



Annus hic fuit quidem à bellis vacuus; sed ab intestinis Religionum discordiis Catholicos inter & Protestant-
es non parùm turbidus. Mense Febuario institutus erat Francofurti conventus Principum, pro tentanda Catholicorum & Lutheranorum concordia. Sinè hac enim, neque bella inter ipsos, propter contraria partium ambarum foedera, devitari diu poterant; neque ab Imperii Proceribus obtineri subsidia bellica, per quæ Ferdinandus Romanorum Rex Hungariæ sceptrum in suis & Archiducum Austriacorum manibus contra Turcarum insultus firmari satagebat. Aderat ex parte Cæsaris Joannes Wefalius, olim Archiepiscopus* Lundensis in Dania: præterq;

Catholici & Acatolici Principes conveniunt Francofurti pro tentanda concordia. Spond. ad hunc annu. Pallav. in hist. conc. Trid. l. 4. c. 8. n. 10. *Spond. ib. n. 3.

eum

Post longas
partium
discepta-
tiones feri-
untur in-
ducia
quindecim
mensium;
intrà quos
controver-
sæ fidei
utrimque
à Theologis
discutian-
tur, si id
Cæsar ap-
probet.

*Spond. hic
n. 2.*

*Pallav. loc.
cit. n. 12.*

Inducia il-
læ, & con-
gressus
Theologo-
rum, dis-
suasu Pon-
tificis re-
probantur
à Cæsare.

** Spond.
hic. n. 3.
Pallav. ib.
6. 9. n. 1.*

** Spondan.
hic n. 2.
Pallav.
loc. cit.*

eum duo pacificatores ab utraque parte acceptati, nimirum Lu-
dovicus Palatinus, & Joachimus II. Brandenburgicus, Electores:
quorum posterior ad Lutherana dogmata jam plurimum propen-
debat. Hi cum in eo conventu reliquos Principes patheticâ ora-
tione ad pacem & concordiam hortati essent, responderunt pro
more suo Lutherani: pacem utique sibi maximopere in votis esse:
eam tamen haud aliter à se admitti posse; quàm ut vi illius etiam
Cæsareum tribunal Cameræ in posterum, usque ad futurum con-
cilium, abstineret à causis & quæstionibus in Ecclesiasticorum bo-
norum direptores hucusque exercitis. Conditionem hanc, velut
summè perniciosam, rejecit Orator Cæsareus, aliique Principes
Catholici. Videbant enim à Protestantibus hoc modo nil aliud
quæri, quàm ut interea temporis opulentiora Ecclesiasticorum
prædia, urbes, & oppida; citra omnem Cameralis judicii metum
occuparent: neque postea spem ullam fore, hujusmodi bona è vul-
tureis eorum unguibus recipiendi; quandoquidem ab iis concilii
futuri nomine haud aliud intelligeretur, quàm suorum Præconum
& Apostatarum synagoga. Quare iterum ad alias consultationes
itum; ac tandem die decimâ nonâ Aprilis, post bene longas, acrésq;
disceptationes, unanimi voto conclusum est: *utrique parti con-
cedantur induciæ quindecim mensium. Interea Norimbergæ conveniant
sex Theologi Catholici totidemque Lutherani, qui excluso Pontifice ibidem
inter se conferant de Religione et rebus fidei. Eodem illo tempore suspen-
dantur omnes actiones Camerales propter damna, monasteriis, templisque
Catholicis hætenus inflicta: ità tamen, ut interea Protestantibus non li-
ceat, ullum amplius intrà Schmalkaldicum fœdus admittere; aut Catho-
licis, eorundem Ecclesiis adhuc salvis nova damna vel injurias inferre.*

Mirum est, quòd Archiepiscopus Lundensis (quem Pallavici-
nus *Londensem* ex errore nominat) non adverterit illico, paucorum
hujusmodi Doctorum conventionem, non solum Apostolicæ sedi
& ejusdem juribus maximopere fatalem fore; sed etiam innumeris
animarum ac fidei periculis expositam? Quomodo enim à Theo-
logis tam paucis confici vel absolvi poterat ea rerum quæstionumq;
moles, quæ totius oecumenici concilii robur & sapientiam depo-
scebat? aut quomodo ex hujusmodi congressu vel minimum spei
bonæ sublucere poterat, in quo nec ipsis Catholicis, eò destinan-
dis, omnimodè confidi poterat: cum & ipsi interdum vel occultè
foverent hæresin, quam celabant; vel etiam conscientiam quan-
doque suam utilitati propriæ posthaberent? Quare Carolo Impe-
ratori (in cujus arbitrio relictum erat, concordiam suprà dictam*
intrà sex menses approbare aut rejicere) continuò dissuasit Ponti-
fex, ne perniciosis ejusmodi pactis probationem vel assensum
daret.

daret. Id quod etiam Imperator pro bono Religionis lubenter præstitit: quanquam non sine magno Principum Acatholicorum offendiculo. Quippe qui idcirco novam conventionem die decimâ nonâ Novembris instituerunt Arnstadii in Thuringia: ubi iterum ab iis deliberatum de augendo fœdere Schmalkaldico, rebusq; aliis, ad mutuam suâ & sociorum suorum defensionem necessariis.

Catholicorum interea fœdus, quod *sanctum* appellaverant, immedicabile vulnus accepit ex inopino obitu Georgii Saxonie Ducis, viri (si quisquam alius) usque ad mortem probè Catholici, ideoque etiam à Luthero scriptis & maledictis dirum in modum divexati. Excessit hic è vivis Dresdæ die decimâ septimâ Aprilis; &, quod maximè luctuosum erat, cum eo simul in ipsius terris contumulata est Catholica Religio, quæ eo stante ibidem stetit, & eo cadente concidit. Habuerat quidem antea duos filios, paternæ constantiæ ac pietatis æmulos, Joannem & Fridericum. Sed (quæ inscrutabilis fuit permissio Dei) prior horum Joannes, triginta sex annorum Princeps, biennio ante* patrem extinctus erat, posteaquam ex Elisabetha Hassica uxore sua prolem nullam suscepisset: posterior autem Fridericus, cum in Januario præsentis anni matrimonium inivisset cum Elisabetha Mansfeldica, Ernesti Comitissæ bene Catholici filia; paulò post in lectum fatalem* decidit, ac die vicesimâ sextâ Februarii è vivis emigravit. Acerrimè id affligebat Georgium, sexaginta & octo annorum senem: augebátque dolorem hunc apostasia Henrici fratris, qui à fide Catholica jam desciverat, & ante biennium Schmalkaldico fœderi se associaverat. Itaque, ne antiqua fides detrimenti aliquid pateretur à morte sua, quam timebat; continuò testamentum condidit, in eoque statuit, ut Henricus frater unâ cum duobus filiis, Mauritio & Augusto, eâ duntaxat lege bonorum terrarumque suarum hæredes fierent, si ad fidem Romano-Catholicam se reversuros promitterent: sin minus; tota suarum ditionum portio transferretur in potestatem Cæsaris & Ferdinandi Regis, atque ab iis tam diu teneretur, donec vel Henricus frater suus, vel ejusdem filii, vel alius è consanguineis proximis voluntatem suam adimplere, & Catholicam Religionem in suis terris protegere vellet. Sed illa tam salutaris præcautio turbatissimis hîsce temporibus nihil profuit. Henricus enim, Protestantium auxilio fretus, non modò statim fraternæ ditionis possessionem adiit: verùm etiam ad ejiciendam indè Religionem Catholicam repentè ea cum festinatione grassatus est, ut, cum in festo Paschatis adhuc ubique sacra omnia ritu antiquo fierent; in sequenti festo Pentecostes Lutherani concionatores Dresdæ ac Lipsiæ in cathedris templorum starent. Ne verò simplicior populus

Lutherani
Principes
novâ con-
ventionem
celebrant
Arnstadii,
ad augendū
suum fœd.
*Spond. hic
n. 3.*

Georgius
Saxonie
Dux, Ca-
tholicæ fi-
dei retinen-
tissimus,
hoc anno
moritur.

*Spond. ad
hunc an. n. 6*

*Chytræus l.
15. Saxon.*

*Spangenberg.
in chron.*

*Mansfeld.
& alii.*

**hist. Ducis
Saxonie.*

**hist. Ducis
Saxonie.*

*Spangenberg.
& Chytræus
loc. cit.*

Henricum
Fratrem, e-
jusq; filios,
à successio-
ne suarum
ditionum
excludit, nisi
ad fidem
Catholicâ
revertantur

*Spond. ad
hunc an. n. 6*

*Spangenberg.
in chron.*

*Mansfeld.
Sax. & alii.*

At ille, Pro-
testantium
auxilio fre-
tus, non
modò suc-
cedit; sed e-
tiam fidem
Catholicâ
è terris eji-
cit.

*Chytræus,
Spond. & c.*

pulus animadverteret, eo modo defraudari se, privarique divino sacrificio; Lutherani reformatores, à Joanne Friderico Saxoniae septemviro missi, veteres omnes missarum solennium ritus (excepto **Canone*) in Ecclesiis Misnienfibus retinere, putà: *introitum*, l. 15 Saxon. *Kyrie eleison*, orationes, lectiones Epistolarum et Evangeliorum, symbolum Nicenum, praefationem, vestitam sacerdotalem, cereos accensos, et **Chytræus* (quod summopere demirandum est) etiam elevationem **Divini Corporis*, quam saepe alias velut idololatriam condemnaverant. Adeo verum est, quod antè dictus Dux Georgius de versatili Lutheranorum Doctorum fide persaepe dixerat: *Scire se, quid hodie credant Lutherani; quid autem cras credituri sint, ne ab ipsis quidem sciri: quod apud eos penè annua menstruasque sint fidei dogmata*; uti olim de veteribus haereticis dixit S. Hilarius.

Joachimus II, Elector Brandenburgicus, Lutheranam doctrinam recipit; sed ita, ut plerique missarum ritus in Ecclesiis retenti fuerint.

**Chytræus* l. 15 Saxon.

**Chytræus* loc. cit.

Albertus Elector Moguntinus Lutheranam doctrinam permittere cogitur in Archiepiscopatu Magdeburgensi & Episcopatu Halberstad.

salvis tamen Ecclesiis Canonico-
rum, & monasteriis

**Chytræus* l. 15 Saxon.

Pallav. in hist. conc. Trid. l. 5.

**Chytræus* loc. cit.

Sub eodem fraudulento retinendorum rituum Catholicorum praetextu, seductus & circumventus est Joachimus Brandenburgicus, Joachimi I. Electoris, viri semper Catholici, filius & successor. Nam & is hoc anno Lutherana sacra in suas terras introduxit, retentis plerisque cerimoniis veteribus, etiam iis, quae Praedicantium Lutheranorum judicio superstitionem sapere videbantur. Id quod idcirco à novis illis Theologis permixtum esse, refert Chytræus, ut in prima illa Religionis mutatione minus offenderentur Pontificii: quasi verò devitandae offensionis causâ permitti queat, superstitionem colere. Caro tamen res illa stetit Joachimi subditis. Non enim prius novationem hanc ad assiduas iteratasque eorum preces indulgere voluit, quam ingentem æris **alieni* molem, ipsius nomine persolvendam, in se reciperent. Similia scribit Chytræus de Alberto Moguntino, Joachimi patruo. Ait enim, quod & hic in Dioecesibus suis Magdeburgensi & Halberstadiensis hoc anno publicum Lutheranae doctrinae exercitium permiserit; acceptâ prius ingenti pecuniarum summâ, quam ab istorum locorum subditis efflagitaverat. Id quod ego tamen, cum bona Chytræi venia, non eo modo factum intelligo, quasi Catholicam Religionem utilitati vel necessitati propriae posthabuerit; sed quod animo jam prospexerit, Lutheranae doctrinae exercitium, etiam se invito ac repugnante, per vim & seditionem publicam intrudendam esse. De cetero enim Albertus hic antiquae fidei Catholicæ retinentissimus fuit (ut summopere commendat Pallavicinus) atque ideo, cum exercitium Lutheranum Halberstadiensibus & Magdeburgensibus permittere coactus est; simul disertè & expressè cavit, ut omnia seu Canonico-
rum collegia, seu Religiosorum **monasteria*, per utramque Dioecesin illam in statu pristino relinquantur.

E re-

E reliquis Germaniæ Principibus, maximèque iis, qui ad circulum Westphaliæ pertinent, vitam hoc anno posuit Joannes III, Cliviæ, Juliæ, & Montium Dux, inopinâ morte præventus die sextâ Februarii, cùm animi causâ * ad abacum lusorium confideret. Fuit ille quidem Catholicæ Religionis cultor usque ad extremum vitæ halitum: sed admodum languidè ac remissè. Tametsi enim Lutheranorum civium novationes Lipstadii ac Susati sub initium compresserit; postea tamen sequioris doctrinæ libertatem iisdem indulgit: sive quòd hac in re non nihil se accomodaret in favorem generi sui, Joannis Friderici Saxonix septemviri; sive quòd in aula sua viros Catholicæ Religionis non admodum addictos aleret. Foederi Schmalkaldico, adversus Catholicos & Carolum Imperatorem inito, nunquam adscribi voluit: imò & est, qui de eo scribat, quòd, priusquam è vivis emigraret, Wilhelmum filium suum & hæredem unicum sincerè præmonuerit, ut Cæsarem * officiosè colat, & externas aliorum Regum aut Principum amicitias non inquirat. Quæ verba si Wilhelmus Dux attentè in animum demississet; juvenili impetu nunquam in eas misérias vel in eam Cæsaris offensam incidisset, quàm triennio post flexis genibus ab eo deprecari debuit.

De rebus Diocesis nostræ nihil aliud hoc anno memorandum reperi, quàm quòd in ejus principio, nimirum die sextâ Januarii, ubique apud nos inaudita aquarum eluvio fuerit; uti Henricus Schröder, Abbas Marienmünsterensis, in diario suo retulit hisce verbis: *Anno 1539, in die Epiphaniæ et sequenti, fuit maxima abundantia aquarum, ita ut nullus hominum tunc viventium tale diluvium viderit, quod multis locis et civitatibus grande damnum intulit.* Eadem asserunt chartæ nostræ Falckenhagenenses: & addunt, fluvium Ambram* propè oppidum Lügdam* eum in modum exundasse, ut aquæ, ripis egressæ, non modò urbem intraverint; sed etiam cœmeterii muros transcenderint, ædes omnes percursârint, pecora multa absorbuerint, coëgerintque populum universum in superioribus domuum suarum tabulis degere: atque hæc eadem contigisse pariter Brakeliæ, Steinhemii, Huxariæ, & aliis in locis. Inundationem hanc non multò post consecuta est ingens annonæ caritas, quæ in Diocesi nostra frumentorum pretia supra modum auxit; in aliis verò ad Visurgim locis, uti etiam in vicina Hassia, tam acerbam necessitatem induxit, ut ex urbe Brema fruges Polonicas per Visurgim advehi necessum fuerit. At nullibi ferè major penuria vel necessitas fuit, quàm in urbe Trémonia locisque finitimis: ubi magna pars hominum debuisset ex inedia mori, nisi providi cives ad avertendum commune malum Daventriâ & Amstelodamo

Joannes III.
Clivensium
Dux, inopinâ
morte præventus
die 6. Febr.
Teschenm.
in annal.
Cliv.
* *Chron.*
ms. Domi-
nicorum
Trémon.

* *Cratopol.*
in Catal.
Archiep.
Colon. apud
Gualterii
pag. 1353.
Magnæ a-
quarum in-
undationes
in principio
hujus anni.
* *Ambra*
fluvius,
vulgò die
Emmer.
* *Lüda*
vulgò
Flüß de aut
Lüde / op-
pidum Pa-
derbor-
nense, non
procul à
Pyrmonte.
Magna an-
nonæ cari-
tas in Diœ-
cesi nostra
& alibi.
Ex Diario
Henrici
Schröder
Abbatis in
Marienm.
item ex li-
teris Fal-
ckenhagens.

chron.Trem. ms.**Messis præ-
matura.**litera Falcken-
hag.***Falcken-
haga, mo-**nasterium**vetus in**comitatu**Swalenb.*

peregrinas fruges importâssent. Veniebat illuc ingens * multitudo pauperum ac famelicorum hominum, qui per misericordiam Dei instantissimè flagitabant panem ante urbis portas: iique non solum erant vulgares mendici, corrogandis ostiatim panibus assuefacti; verum etiam personæ honestiores, famuli, ancillæ, opifices, mercenarii, qui perlubenter, etiam pro solo pane lucrando famulitium & laborem præstitissent. Ceterum huic inopiæ satis maturè Deus medelam attulit. Nam, ut literæ Falckenhagenses perhibent, fruges hoc anno visæ sunt solito velocius maturescere: ita ut * Falckenhagæ, loco aliàs perfrigido, die octavâ Julii siligo meti coeperit; & in festo S. Jacobi Apostoli jam penitus demessa, imò & maximam suâ partem granariis illata fuerit.

Annus Christi 1540.

PAULI III. Pontificis

6. & 7.

CAROLI V. Imperatoris

21. & 22.

HERMANNI II. Administ. Pad. 8. & 9.

Carol⁹ Imperator, initio hujus anni, ex Hispania in Belgium redit.



*Harans in
ann. Brab.
Spond. ad
hunc annū.
& alii plu-
res.*

** Helvicus
in theatro
hist. univ.
ad hunc
annum.*

** Surius in
comment.*

rer. gest.

*Mittit Le-
gatum ad*

Principes

*Protestans
tes, Schmal-
kaldia*

*congrega-
tos.*

** Chytrius
lis. Saxon.*

Arolus Imperator, posteaquam anno superiore Elisabetham conjugem in partu amisisset, sub initium præsentis anni ex Hispania rediit, evocatus inde per tumultus ac rebellionem Gandavensium. Instituerat iter istud per terras Gallia, Rege ipso Regiisque filiis eum deducen-
tibus usque ad ingressum Belgii; ubi à provinciarum istarum Pro-
ceribus cum ingenti splendore exceptus fuit. Annum exinde totum consumpsit Cæsar in Belgio: tum quòd exortæ Gandavensium turbæ vicinam ejus præsentiam poposcere; tum quòd in terras Imperii prius ire non vellet; quàm vidisset, quòd se rerum Germanicarum turbæ verterent. Ibi foederatorum Schmalkaldiensium Legati Februario mense ad Cæsarem accessere, simulatâ animorum submissione obsecrantes: *primum ne in eos vi et inopino aggressu * rueret; deinde verò, ut omnes Imperialis judicii actiones, quæ contra bonorum Ecclesiasticorum direptores institutæ fuerant, penitus aboleri sineret: ex his enim omnia Germanicorum Principum dissidia profluxisse, et sinè earum abolitione pristinam Germaniæ quietem restitui non posse.* Respondit Cæsar, se deliberaturum * hac de re. Nec multò post ad conventum Schmalkaldensem (ubi foederati Principes rursus congregari coeperant ineunte Martio) legationis causâ misit Wilhelmum Comitem de Neuenar, verbo ac literis per eundem indicans, in Germaniam se non venisse animo hostili; sed ut Religionis concordiam æquo modo refarciret: ideòque se ab iis petere, quid Ca-

Catholicis concedere, quidve demum contra eos tueri ac defendere velint? Qua de re posteaquam diu multumque deliberassent cum Theologis suis Melanchthone, Bucero, & aliis Apostatis; tandem responderunt Neuenario Legato: *studium concordiae sibi maxime cordi esse: cavendum verò, ne per eam intelligatur * ulla rejectio doctrinae, in Augustana confessione vel ejusdem apologia quondam exhibitae: in hac enim sese mordicus persistere velle; solumque petere, ut illius fundamenta in comitiis publicis per viros idoneos discutiantur.*

Finito conventu (in quo & Wilhelmus Cliviae Dux, magnâ Catholicorum offensione, Schmalkaldico * foederi, ut petierat, adscriptus est) Carolus Imperator, concordiae tentandae causâ, nova Principum comitia in diem vicesimam tertiam Maji conscribi fecit in urbe Spira: quae tamen paulò post, cum ibidem grassaretur pestis, Hagenoam translata sunt, mensëque Junio celebrari coepta. Aderat hic è Catholicis Ferdinandus Romanorum Rex cum diversis Principibus virisque doctis: è Lutheranis verò propè nulli comparuere præter Legatos Principum & aliquos eorum Theologos, cum quibus de reducenda rerum credendarum concordia diligenter agi coeptum. Sed, quia Protestantes, ex decreto conventiculi Schmalkaldiensis, nihil de articulis in Augustana confessione porrectis remittere constituerant, ideòque de iisdem singulis * colloquium aliquod institui petiere; tandem, abruptis comitiis, colloquium illud permissum, & in urbe Wormatiensi die vicesimâ quintâ * Novembris inchoatum est, praesente Campegio Legato Pontificis, Granvellano Legato Caesaris, multisque ambarum partium Theologis ac Principum Legatis. Magna spes concordiae & conciliationis credebatur fore ex eo colloquio, praesertim cum in ejus ingressu per Campegium Oratorem suum sponderet Pontifex, facturum se, quidquid divinae gloriae sinceræque * Religionis studium sibi permetteret. Sed ea spes iterum inani casâque operâ diffluxit. Cum enim Eckius & * Melanchthon, ille Catholicorum, hic verò Protestantium Theologorum primipilus, de peccato originario per dies aliquos disceptassent; Carolus Imperator, se absente nihil perficiendum esse arbitratus, congressum hunc rursus abrumpi, & nova comitia, quibus ipsèmet interesse vellet, Ratisbonae in annum proximè sequentem indici jussit.

Dum autem hoc modo laboratum est pro bono Religionis, novum Ecclesia Catholica vulnus accepit in comitiis Hagenoae habitis. Illic enim, die vicesimâ sextâ Junii, ex malo dysenterico extinctus est Ericus Dux Brunsvicensis, cognomento senior, Princeps per omnem vitam Catholicus, & ob egregia belli facinora Carolo Imperatori apprime charus. Nullum ille filium susceperat

ex

* Chytraus
ibid.* Chronic.
Dominic.
Tremou.
Vatii congressus
Principum, pro
tentanda
eorum concordia, Ha-
genoae &c.:
Wormatiæ
sine fructu
habiti.
Chytraus l.
15. Saxon.
Brower, in
ann. Trev.
* Helvic, in
theatr. hist.
univers.
* Pallav. in
hist. conc.
Trid. l. 4
c. 12. n. 1.
& seq.* Pallav.
ibid. n. 4.
* Pallav.
ibid. n. 12.
Cochla⁹ in
actis Luth.
Chytraus
l. 15. Saxon.
Eric⁹ senior
Dux Brunsvi-
censis
probrè Ca-
tholicus, in
comitiis
Hagenoen-
sibus mori-
tur.
Chytraus l.
15. Saxon.

*Kleinsorg. in hist. msf. Hamelm. in hist. Evang. *Rensner. in opere genealog. & alii.* ex primo thoro: è secundo autem adeptus erat Ericum juniorem, tunc adhuc duodecim annorum juvenem. Qui cum ob ætatem puerilem adhuc inidoneus esset ad regendum; Hannoverani Ordines omne regimen paulisper commiserunt ejus matri *Elisabethæ, Joachimi I. Brandenburgici Electoris filiae. At illa, regiminis profani limites egressa, etiam ad altare manum applicuit; veteremque fidem Catholicam è suis terris ejici & proscribi fecit, evocato in hunc finem Antonio Corvino Apostatâ, monachoque sceleratissimo, qui per id tempus Witzenhufii, in vicino Hassiæ inferioris ad Werram oppido, Lutherana dogmata propalabat. Hunc deinde generalem, uti vocant, superintendentem constituit, datâ simul potestate novandi & immutandi veteres Ecclesiarum Brunsvicensium ordinationes, pro ut ipsi utilius visum fuerit. Quâ potestate acceptâ, Corvinus omnem illam provinciam peragravit, templa, cathedras, monasteria, scholas, novis errorum magistris adimplevit, ac demum etiam novam Ecclesiarum ordinationem ad Lutheranarum doctrinarum formam fabricavit; quæ triennio post in lucem *publicam evulgata est. Opposuit se quidem huic femineæ machinationi Henricus Dux Brunsvicensis, cognomento junior, & alii Catholici. Sed, cum & ipse eo tempore plurimum exagitaretur à Philippo Hassiæ Landgravio, qui pro tuendis viduæ supra dictæ ausibus defensorem se objiciebat: consultius erat, aliquantisper hæc dissimulare, & eventum hujus rei interea tempori commendare; quàm eam ob causam novo bellorum periculo se exponere. Ceterum hic applausus Lutheranorum, quem ex illo viduæ matris facinore conceperunt, minimè diuturnus fuit. Nam, ubi postea Ericus filius, ex Imperatoris aula redux, Principatum paternum adiit, non modò Lutheranos præcones iterum ejecit, restitutâ Fide Catholicâ; sed etiam Corvinum Apostatam, supra dictæ novationis auctorem, in arce sua Calenbergica diuturno carceri mancipavit. Itâ miser homo, qui Religiosi Ordinis rigorem ferre non potuerat, ejus loco molesti carceris duritiem perferre debuit.

**Hamelm. in hist. Ev. infer. Duc. Brunsvic. Chytrous loc. cit. Ericus junior Erici defuncti filius, post paucos annos rem Catholicâ restituit, Corvino superintendente in carcerem dejecto. Hamelm. loc. cit. Chytrous l. 15. Saxon. Valentinus Ep. Hildes. sententiam restitutionis obtinet contra Henricum Brunsvicensem. Chytrous l. 15. Saxon. Demonstratio tripartita Hildes. p. 40. & 242.* Mortem Erici Ducis propediem consecuta est nova alia Brunsvicensis familiæ plaga: nimirum promulgatio sententiæ Papalis, quâ Ericus jam defunctus, & Henricus junior ejusdem ex fratre nepos, Dux Brunsvicensis adhuc superstes, jubebantur Valentino Episcopo Hildesienfi restituere omnes satrapias, urbes, oppida, pagos & castra, Joanni quondam Antistiti in bello erepta. Justissima quidem erat Papalis illa sententia; sed huic tempori minimè conveniens. Eò enim jam dilapsæ erant res Germanicæ, ut Catholicæ religionis erigendæ spes in Henrico Brunsvicensi non minimâ

nimâ parte conquiesceret: utpote qui & bello strenuus, & Catholici foederis primarius Dux ante biennium constitutus. Quare etiam Carolus Imperator (cujus assensu & imperio Dioecesis Hildesienfis viginti abhinc annis eum in modum lacerata ac mutilata fuerat) exequendæ huic sententiæ tam potenter se opposuit, ut Valentinus Episcopus, quidquid in adversum niteretur, Imperatoris voluntati cedere, & effectum istius causæ usque in alia mitiora tempora differre coactus fuerit.

Novos interea fructus Evangelium Lutheranum hoc anno protulit in primario illius defensore, Philippo Hassiæ Landgravio. Conjugem is habebat Christinam, Georgii Saxoniae Ducis Catholici filiam, numerosâ jam prole fecundam: & tamen huic viventi, ac gignenti simul, alteram conjugem superinduxit Margaretam de Sala, quam hoc anno, die tertiâ Martii, sibi insuper adjungi & conjugari fecit. Pudendum hoc, & inter Christianos hætenus inauditum facinus, à Chytræo, Dilichio, Hartmanno, & aliis rerum Hassiacarum scriptoribus, tacitissimè præteritur; ne cuilibet statim in oculos incurreret, qualem & quantum habuerit Lutherana Ecclesia defensorem. Imhoffius autem (cùm id omittere non posset propter materiam rerum tractandarum) huic turpitudini aliquem honestatis colorem allinit; excusâtque, id factum esse *gentibus causis* * *secretis*, et re cum Theologis communicatâ. Candidiùs forsan dixisset cum Joanne Cochlæo, scriptore Catholico, Landgravium ad hoc audendum processisse *consilio* * *et approbatione Lutheri*, et quorundam complicitum ejus. Hi enim ex nova Theologia sua declarârunt, id fieri posse: & eâdem, ut opinor, conscientiâ, quâ Rotmannus & alii Doctores Anabaptistici, rogatu Joannis Leydenfis, ante sexennium * declaraverant, Polygamiam novo populo suo permitti posse.

Non minorem audendi licentiam idem Landgravius hoc anno prodidit in invadendis rapiendisque bonis monasterii Helmershusani, quod ab antiquissimis temporibus ad jurisdictionem & inspectionem Paderbornensis Dioecesis pertinuerat. Abbas ultimus ibidem fuerat Georgius à Marnholtz, homo pessimæ vitæ & exempli. Qui, postquam ab Erico Episcopo nostro persæpe monitus, atque ad severiorem vivendi methodum ex congregationis Bursfeldiensis instituto adigendus fuerat; sanctioris disciplinæ impatiens, anno præsentis seculi vicesimo sexto * monasterium deseruerat, & ex recente Lutheranorum doctrina maluerat esse maritus, quàm monachus. Exinde per annos ferè decem in Hassia vicina vixerat ex direptis * monasterii thesauris: & quia interea temporis etiam omnes monachi in eandem Apostasiam aliâque scelera pro-

Sed hujus executio ob injurias temporum impeditur à Carolo Cæsare. Catalogus recentior Episc. Hildes. Philippus Hassiæ Landgravius legitimæ conjugis suæ adhuc alteram superinducit, consentiente Luthero. Imhoff. in notitia Procerum Rom. Imp. l. 4. c. 7. n. 8. Cochlaus in æt. Luth. ad hunc ann.

* Imhof. loc. cit.

* Cochlaus loc. cit.

* vide dicta ad ann. 1534

Idem hoc anno invadit bona monasterii Helmershusani, à desertore Abbate sibi iniquissimè venditi.

* vide dicta ad ann. 1526

* ex veteribus manuscriptis.

*ex iisdem
manuscr.

*ex iisdem
ms.

Pestis in
Dioecesi
Paderbor-
nensi graf-
sari cœpit.

Oppidum
Vörde exu-
ritur, castro
illæso.

Eimbeca,
urbs Duca-
tûs Bruns-
vicensis,
tristissimū
incendium
patitur.

*Hamelm.
in hist. Ev.
urbis Eim-
bec. p. 918.

Hamelm.
loc. cit.

prolapsi fuerant; monasterium totum à nostris Episcopis occupa-
tum erat. At, ubi postmodum fugitivus Abbas indigere cœpisset cum sua pellice, neque ullam spem videret accipiendi plura de prædiis Helmershusiensibus; tandem hoc anno * monasterium illud cum omnibus bonis & juribus Philippo Landgravio per summam injuriam vendidit. Lætus hic tam pingui bolo, repentè se immisit in omnia prædicti monasterii bona. Ac tametsi Dioecesis nostra contra invasionem hanc, in territorio alieno tactam, continuò protestata fuerit; nihilo tamen feciùs, tum ob ejusdem Landgravii potentiam, tum ob alias istorum temporum injurias, haud aliud obtinere* potuit; quàm exiguam aliquam proventuum partem, quæ jam olim nostris Episcopis vendita, & in perpetuum transcripta fuerat.

Huic damno Dioecesis nostræ accedebant & alia duo mala: unum à peste, & alterum ab exustione oppidi Vördenſis. De priore malo Henricus Abbas Marienmünsterensis in diario suo ità scribit: *Anno 1540 pestilentia hîc grassabatur circumquaque, etiam in curia et familia nostra.* De altero idem Abbas hoc modo refert: *Decimâ quintâ Maji, in vigilia Pentecostes, oppidum Vörden ex toto comburebatur, et non remansit, nisi una parva et vilis domuncula; sed castrum cum suis ædificiis mansit illæsum.* Erat hoc in eo seculo jam tertium incendium istius oppidi: nam & anno 1511, & anno 1516, totum oppidum, unâ cum castro, funestis ignibus in cineres diffluxerat, quemadmodum ab eodem Abbate annotatum legitur. At longè funestius incendium hoc anno exortum est haud procul à Dioecesi nostra in urbe Eimbecensi, quæ prædicto oppidulo nostro longè amplior, ac duobus Canonicoꝝ collegiis decorata erat. *Anno 1540, ajunt veteres chartæ Falckenhagenses, in die S. Annæ viduæ insurgebat incendium grande circa horam quintam vespertinam in civitate Eimbecensi, per quod omnes Ecclesiæ turres, ac domus, unâ cum urbis curia, ità funditus combustæ sunt, ut nihil ex iis remanserit, nisi sola vestigia: id quod nunquam in his regionibus auditum aut visum est.* Eo simul infortunio periit magna multitudo hominum, partim suffocata fumo & flammis, partim* oppressa lignis & lapidibus, quæ ex ædibus, templis, ac turribus accensis copiosè decidebant: nec ferè quisquam fuit, qui vel minimum de suis rebus aut pecuniis ferali huic incendio subtrahere, aut ab interitu servare potuerit. Hamelmannus, scriptor nugacissimus, autumat, infortunium hoc urbi accidisse Deo vindicante, quòd novis Præconibus Lutheranis* nimis tenue stipendium assignârit. At cur non alius pari modo potuisset opinari, poenam hanc urbi inflictam esse, quòd antè paucos annos Religionem veterem abjecerit, & bina Canonicoꝝ

rum collegia ex Lutheri instituto per Nicolaum Amsdorffium reformari fecerit?

In Dioecesi Monasteriensi, post oppressos Anabaptistas, adhuc omnia quiescentia erant & pacifica. Quâ tranquillitate feliciter usus Franciscus Episcopus, tandem hoc anno animum adjecit ad accipiendos majores Ordines; è quorum numero, si subdiaconatum exceperis, nullum hæcenus obtinuerat. Itaque primò die vicesimâ octavâ Decembris, festo Sanctorum Innocentium, in Ecclesia monasterii Iburgensis à Joanne Bischoppingio suffraganeo suo creatus est Diaconus, & postridie Presbyter. Deinde verò sub initium sequentis anni, in solenni festo Circumcisionis, in cœnobio Marienfeldensi Episcopus consecratus est ab Antistite Leodien- si, & duobus suffraganeis, Monasteriensi scilicet ac Paderbornensi: quibus in solenni officio per modum Diaconi & Subdiaconi adstiterè Arnoldus Abbas in Marienfeld, & Bernardus Abbas in Iburg.

Quis ex eo Francisci factò non sperâset plurimum boni pro conservanda in suis Dioecesibus re Catholicâ? Et tamen haud multò post, rejectâ fide Catholicâ, Schmalkaldico Principum Lutheranorum foederi se adjunxit. Id quod etiam hoc anno fecit Wilhelmus* Cliviæ Dux, nullo alio impulsu ductus, quàm ut eo foedere Ducatum Geldriæ, quem à morte Caroli Geldri occupaverat, in Cliveni familia stabiliret. Accesserat ille priùs mense Martio Carolum Imperatorem, Gandavi in Belgio commorantem, transacturus cum eo* de Ducatu suprâ dicto, cujus hæredem se à demortuo Carolo Geldro designatum ac declaratum esse dictitabat. Ast, ubi Cæsar vicissim ostendit, Geldriam non uno pacis tractatu sibi adscriptam, ideòque nulli dispositioni testamentariæ obnoxiam fuisse: Wilhelmus Dux, re infectâ domum rediens, primò ad Schmalkaldicum foedus transgressus est; ac paulò post ad Francisci Galliarum Regis amicitiam juvenili animo se convertit. Lætus hic tam desideratâ armorum societate (jam enim occultè* circumspiciebat occasionem, quâ decennales inducias, ante biennium cum Cæsare conventas, rumperet) continuò suam addidit operam: atque ut hominem, adhuc in primo juventutis ardore constitutum, sibi arctiùs obligaret; neptem suam Joannam, Henrici Navarrae Regis, & Margaretæ* sororis suæ filiam, eidem in sponsam offert. Qua ex re biennio post nova belli seges prognata est.

Felicio hic annus fuit ab incepto novo Ordine Clericorum Regularium Societatis JESU, qui ante sex annos Lutetiæ Parisiorum natus, & hoc anno Romæ à Paulo III. Pontifice, die vicesimâ septimâ Septembris, approbatus & confirmatus est, cum innumerabili plurimarum animarum ac totius orbis Christiani fru-

Franciscus
Ep. monast.
Osnabr. &
Minden.
majores
Ordines &
consecra-
tionem Epi-
scopalem
suscipit.
*Kerssenbr.
in hist. An-
ab. Mon.
ad hunc
annum.*

Wilhelmus
Dux Cliv-
ensis, Gel-
driæ reti-
nendæ cau-
sâ convertit
se ad
Schmalkal-
diciæ foed.
& ad ami-
citiam Re-
gis Galliar.
*Chronie.
Dominic.
Tremou.
*chron.
Trem. cit.
Haraus in
ann. Brab.
Teschenn.
in annal.
Cliv.
*Teschenn.
ibid.

*Teschenn.
ibid.

Novus Or-
do Religio-
rum Socie-
tatis JE-
SU à Paulo
III. Pontifi-
ce confir-
matur.

Spond. ad hunc annū. *n. 14.* *Orlandin.* *in hist. Soc.* *& alii.* **proverb.* *27. n. 2.* **Spond. ad ann. 1539.* *n. 9.* *ctu.* Laudes hujus sanctæ societatis, in qua & ego Deo vocante vivo, multæ admodum & magnæ sunt. Sed, cùm æterna veritas per Salomonem* dicat: *laudet te alienus, et non os tuum; extraneus, et non labia tua*: malim ego hujusmodi laudes ore alieno cani, quàm meo. Id autem copiosè præstitit* Spondanus, hisce verbis: *cladem hanc (à sectariis inflictam) reparavit Deus institutione florentissimæ Societatis, quæ terrori esset inferno, consolationi orbi, directioni animis, fulcimento fidei, firmamento Ecclesiæ. Et quî posset aliter, cùm sit Societas JESU, in quo est omnis plenitudo gratiæ? Panegyri non agimus. Nota sunt ejus opera, labores, sollicitudines, studia. Ex fructibus ejus, juxta Magistri verbum, cognoscere licet, quantum mundo emolumentum attulerit, in conversione gentium, instructione populorum, extirpatione vitiorum, confusione hæresum. Unde etiam, teste Romano Breviario in vita S. Ignatii fundatoris nostri, constans fuit omnium sensus, Deum, sicut alios aliis temporibus viros sanctos; ità Luthero ejusdemque temporis hæreticis Ignatium et institutam ab eo Societatem objecisse: uti è sequentium annorum decursu manifestiùs elucescet.*

Annus Christi 1541.

PAULI III. Pontificis 7. & 8.
CAROLI V. Imperatoris 22. & 23.
HERMANNI II. Administ. Pad. 9. & 10.

Comitia
Cæsaris,
Ratisbonæ
habita pro
tentanda
concordia
Religionis,
*Surius in
comment.
rer. gest.
Spond. ad
hunc annū.
Cochla^{us} in
actis Luth.
& alii.*



AD comitia Ratisbonæ indicta satis maturè advenit Cæsar, uti & Legatus Pontificius Gaspar Contarenius; alii verò plerique Principes haud multò tardiùs. Præcipuus comitiorum scopus erat concordia Religionis: quâ obtentâ faciliùs foret inclinare Principum animos ad mittendum auxilium contra Ottomannos. Delecti igitur ab utraque parte tres Theologi, nimirum Joannes Eckius, Julius Pflugius, & Joannes Gropperus, Doctores Catholici; Philippus Melancthon, Martinus Bucerus, & Joannes Pistorius, Doctores Lutherani: quibus injunctum est, ut de rebus controversis modestè ac nervosè inter se conferrent, sinè omni acrimonia vel æstu invidiosæ disputationis. Tres item ab utraque parte adjuncti testes, qui audirent omnia, testarique possent, quid utrimque à Theologis actum vel conventum fuerit. Postremò etiam constituti duo istius colloquii vel collationis Præsides, nimirum Granvellanus* administer Cæsaris, & Fridericus Palatinus Electoris frater; qui huic tractatui præessent, suique reverentiâ Theologorum dissidentium linguas aut furorem literarium cohiberent. Sed, cheu! etiam

*Pallav.
Spond. loc.
cis.

etiam in eo Theologorum colloquio singulare nihil, quod ad concordiam reducendam faceret, effectum est. Licet enim Theologi suprà dicti, post laborem unius mensis & paulò *amplius, tandem in quibusdam articulis de justificatione, de baptismo, de Episcopis, de bonis operibus, concordaverint inter se; in aliis tamen articulis principalioribus, maximèque de Sacramento Eucharistiæ & ejusdem adoratione, nullam concordiae viam invenère. Quare tandem Imperator, communi Principum consensu, acta hujus colloquii ad generale concilium remisit: simulque pollicitus est curaturum se, ut hujusmodi concilium intrà breve tempus indicatur; aut, si id aliis de causis impediendum esset, saltem aliquod concilium nationale convocetur, in quo omnes fidei ac religionis controversiæ coram Legato Pontificio componantur. Ne autem interea temporis Catholica Religio plus nocimenti acciperet, pari Principum consensu decretum est: *Primò, ut ante concilium proximè futurum nemo aliquid in posterum doceat contra articulos, à Theologis utriusque partis unanimiter admissos. 2dò, ut omnes actiones et processus Camerales, qui hucusque adversus Ordinum Protestantium ausa in tribunali Cæsareo instituti vel agitati fuerant, conservanda pacis causa usque ad idem concilium suspendantur. 3tiò, ut inconcussè ac firmiter in posterum observetur pacificatio Norimbergensis de anno 1532: ideòque nulli Principum ante finem concilii prædicti liceat, alium Principem bello aggredi, infestare, premere, vel despoliare, non solùm ex causâ diversæ Religionis, verùm etiam ex alia qualicunque. Sin verò aliter à quoquam actum vel attentatum fuerit; liceat oppressæ parti ad Camerale tribunal se recipere, et ab eo justitiam ac penalia mandata contra hujusmodi invasorem petere.* Hæc & alia istius generis non solùm à Carolo Imperatore, sed etiam ab omnibus* Principibus eorùmque Legatis constituta, recepta, & consignata sunt Ratisbonæ die vicesimâ nonâ Julii, anno seculi præsentis quadragesimo primo. Quî autem & qualiter ab iis observata sint, posteaquam Cæsar in Italiam, & inde in bellum Africanum abiit; manifestiùs edocebunt gesta sequentis anni.

Evocaverat huc etiam Cæsar Wilhelmum Cliviæ Ducem, ut cum eo de Geldriæ Zutphanixque rebus ageret. At ille satis habuit, suos istuc Legatos mittere: interimque occultis itineribus abiit ad Franciscum Galliæ Regem, cujus amicitiam præcedente anno jam aucupatus fuerat. Lætus hoc adventu Rex, continuò nuntiat Margaretæ forori suæ, ejusque conjugii Henrico Navarræ Regi, ut quantocyus ad se adducant Joannam filiam, Wilhelmo Duci desponsandam. Ægerrimè quidem id ferebant parentes ejus, tum quòd puella nondum in undecimo ætatis* anno constituta

*Cochlæ⁹ in actis Luth. adhunc annum. Pallav. in hist. conc. Trid. l.4.c. 14. n. 5. & seq. Concordiâ non obtentâ, controversiæ Religionis remittuntur ad conciliû; interimque statuitur, ut omnes relinquantur in ea Religione, in qua tunc erant. Recessus Imperii, conditus Ratisbona.

*vide Recessum Imperii de hac re.

Wilhelm⁹ Cliviæ Dux conjungit se Regi Galliæ, & filiâ sororis ejus in sponsam accipit.

Teschenm. in annal. Cliv.

Haraus in ann. brabant. Spond. & alii.

*Spond. ad hunc ann.

*castrum
Heraldi,
vulgò Cha-
steller aud,
urbs Picta-
via.
Cæsar hac
de re gra-
vissimè
conqueri-
tur in co-
mitiis.
Teschenn.
loc. cit. pag.
m. 310.
*Vide dicta
ad an 1536
& alibi.

Respon-
sū
Cæsar ad
Principes,
unanimitè
pro Cliven-
si depre-
cantes.
Teschenn.
in annal.
Cliv. pag.
m. 311.

Cæsar solu-
tis comitiis
in Italiam
discedens,
agit cum
Pontifice

esset; tum quòd ipsimet vererentur, eam asperiori Germaniæ solo assuefieri difficulter posse. Vicit tamen Francisci Regis auctoritas: ac licet Wilhelmus Dux teneram sponsulam eo tempore adhuc reliquerit in sinu matris, donec viro maturior foret; sollemnis tamen amborum desponsatio die decimâ tertiâ Junii cum honore & splendore maximo peracta est in castro *Heraldi, Pictavorum urbe. Id cum audisset Imperator, facilè suspicatus est, quorsum ista Wilhelmi Ducis consilia tenderent: nimirum ut ope Gallicâ se in usurpato Geldriæ Ducatu stabiliret, non sinè periculo novi belli, ex ea orituri. Itaque die tertiâ Julii, Ratisbonæ in comitiis & consessu Principum, gravi oratione palàm conquestus est, Wilhelmum Cliviæ Ducem nullo jure in Geldriam involâsse: Ducatum hunc sibi deberi, non solùm titulo emptionis factæ à proavo suo Carolo Burgundo; sed etiam è diversis tractatibus pacis, cum Carolo Geldro* jam pridem initis: nuntiatum esse à se Wilhelmo Duci, ut ea de causa Ratisbonam veniat ad comitiâ; illum verò in aliud iter se dedisse, adiûsseque ad Franciscum Galliæ Regem, forsan ut eundem novarum nuptiarum vinculo in bellum pertrahat. Excusabant hæc multis verborum coloribus Wilhelmi Ducis Oratores, ac subinde etiam conati sunt exhibere ejusdem jus in occupanda Geldria. At, cum ea in re suos arcus nimium intenderent; Carolus Imperator, seu tædio, seu indignatione victus, è comitiis consurrexit & abiit. Oratores, hoc viso territi, confugerunt ad aliorum patrocinia: ac tandem, die vicesimâ primâ Julii, Principes Ordinésque omnes ad Cæsarem accessêre, unanimi voce deprecantes, ut amicæ tractationi causam istam permittat; vel, si eo modo componi nequeat, per viam juris, quod suum est, à Clivenfi repetat. Cæsar autem, his offensus, præclarissimè respondit: mirari se, quòd in hac causa privata, sibi que soli propria, tam unanimi voto inter se consentiant omnes Ordines, Principésque totius Imperii. Sæpe aliàs, inquiebat, de summis gravissimisque reipublicæ negotiis quàm plurimos in Germania conventus egi: nec tamen unquam potui tot Principes simul ad ullam consultationem publicam in unum conventum cogere. Nunc autem, cum de corio meo agitur, quanto numero congregati estis contra me? Comitia hæc indicta sunt ad revocandam concordiam pacemque publicam; non autem, ut à vobis dijudicetur causa hæc privata, quæ inter me et solam Clivensem vertitur. Quo audito Principes controversiam hanc voluntati Cæsar's permisêre.

Cæsar autem octiduo post, solutis Principum comitiis, festinato itinere discessit in Italiam. Ubi, postquam inter alia negotia, etiam cum Paulo III. Pontifice in urbe Luca familiariter congressus, déque inchoando generali concilio per dies aliquot collocutus esset;

tan-

tandem adulto jam Octobri cum ingenti classe, quam apparaverat, in Africam trajecit, expugnaturus Algeriam urbem, à piraticis excursionibus famosam, & Hispaniæ Italiæque plurimum infestam. Sed ea res, tametsi gloriôsè instituta fuerit, longè aliter evenit, quàm ab ullo hominum potuisset expectari. Cum enim Cæsar, ad litus Africanum veniens, circitè viginti millia peditum cum præcipua equorum ac tormentorum parte in terram exposuisset; derepente tantus ventorum ac procellarum turbo in Africano mari exortus est, ut intrà paucas horas, inspectante gementèque exercitu, centum ac triginta naves collabefactæ fuerint, unà cum triremibus aliquot, & magnâ omnis commeatûs vel annonæ copiâ. Gravitationem hujus infortunii ità postmodum exaggeravit mendax fama, ut Europam communis* rumor pervaserit, ne unum quidem asserem è classe tota servatum, Cæsaremque ipsum vel undis obrutum, vel inter collisarum navium fragmenta contritum esse. At ista magis cupiebant inimici Cæsaris, quàm ejusdem protector Deus. Nam exeunte Novembri salvus ipse in Hispaniam rediit, & paulò antè militum Cæsareorum potissima pars in diversos Italiæ portus feliciter perducta est: quod severè Cæsar edixisset, velle se potius, equos* omnes, & quidquid pretiosum erat, in mare dejici; quàm vel unum hominem è navigiis excludi, & à barbaris in servitutem accipi.

Interea pestis, quam anno superiore Diœcesi nostræ infusam diximus, adhuc perrexit in ea plurimum divagari, uti scriptor coævus* retulit hîsce verbis: *Anno 1541. pestilentia hîc grassabatur circumcirca, maxime in Brakel, Niehem, Steinheim, Driburg, et per totam Diœcesin Paderbornensem.* At longè dirius hoc malum sævit in urbe Colonia: ubi, teste *Chronico Tremonienfi, ampliùs triginta hominum millia per æstatem hujus anni peste sublata sunt.

de inchoando concilio.

Haraus in ann. brab. Spond. ad hunc ann. n. 7.

Pallav. in hist. conc. Trid. l. 4. c. 16. n. 1.

Indè in Africam trajiciens ad expugnandam Algeriam, horrendo ventorum turbine ab inceptis impeditur.

Haraus & Spond. l. c. Villagagn. de expedit. Alger.

* *Pallav.*

loc. cit.

* *Pallav.*

& Haraus ibid.

Pestilentia grassatur apud nos & Colon.

* *Henricus Abbas Marientmünst.*

in suo diar.

* *Chron.*

Trem. msf.

Annus Christi 1542.

PAULI III. Pontificis 8. & 9.

CAROLI V. Imperatoris. 23. & 24.

HERMANNI Admin. Paderb. 10. & 11.



Assente Cæsare, nova Imperii comitia ineunte Februario coepta sunt in urbe Spira: ubi coram Ferdinando Romanorum Rege consultatum est, non solum de mittendis auxiliis contra Turcas; verum etiam de inchoando generali concilio, cujus maturationem Carolus Imperator præcedente Autumno vehementer urserat in congressu habito cum Pontifice. Quod ad pri-

Comitia celebrata Spira. Decernuntur in iis auxilia contra Turcas, frustra obniti-
tente Legato Galliz.

**Pallav. in
hif. conc.
Trid. l. 4. c.
17. n. 7.
Spond. hic
n. 1.*

**Pallav. ib.
Spond. n. 1.
Legat⁹ Pon-
tificius pro
futuro con-
cilio pro-
ponit urbē
Tridentinā.
Assentiun-
tur Princi-
pes catholi-
ci, & conci-
liū Triden-
tinum indi-
citur.*

*Pallav. ib.
n. 8. & 9.
Harant in
annal. brab.
Spond. hic
n. 10.*

*Sed iterum
triennio su-
spenditur
ob nova*

*bella.
Franciscus
Galliarum Rex,
inducias
decennales
rumpens,
unā cum
Wilhelmo
Cliviarum Du-
ce invadit
Cæsarem,
in eūque
mittit
quinque
exercitus.
Savins in
comm. rer.
gest.*

*Sed nihil
singulare
ab iisdem
exercitibus
effectum
est præter*

primam hujus deliberationis partem attinet, Legatus Gallicus die 14. Februarii* orationem satis prolixam habuit, quā Imperii Principes turpissimè dehortatus est, ne quid auxiliorum nationi Hungaricæ in Turcas mitterent. Sed hæc ejus oratio pessimè accepta est à Principibus universis: ideóque non attento cantu Gallicano, magnæ militum Germanicorum suppetiæ in Hungariam destinatæ sunt; etiamsi fructum, expeditioni tantæ consentaneum, diuturnæ cunctationis causâ non retulerint. Longè gravior Principibus fuit oratio Legati Pontificii. Is enim non modò suavit, Regnum illud*Germaniæ vicinum non oportere in manibus Turcarum deferri; sed etiam tria militum præstantissimorum millia, stipendiis Papalibus alenda, in hoc bellum obtulit. Quâ tam liberali promissione ita animos cunctorum affecit, ut in altera Spirensum deliberationum parte, quæ ad concilii futuri locum pertinebat, faciliores plurimorum aures invenerit. Proponebat ille nomine Pontificis urbem Tridentinam, Germaniæ conterminam: hanc enim, inquit, & Germanici juris esse, & Romano Pontifici velut homini jam decrepito viciniorem. Quod cum omnes Catholici Principes acceptarent, eodem anno concilium à Paulo III. Pontifice in urbe Tridentina indictum est, promulgatumque, ut in festo omnium Sanctorum, die primâ Novembris, initium illius fieret. Sed huic inchoationi propositæ rursus triennalem remoram iniecit funesta belli fax, quæ hoc anno inter duos potentissimos orbis Christiani Principes accensa est.

Enim verò Franciscus Galliarum Rex, cum Imperatorem Algeriensi infortunio fractum esse crederet, ruptis iterum decennialibus induciis in eundem irruit, quasi fortunæ ipsius agonizanti telum ultimum infixurus. Eum in finem quinque simul exercitus in Cæsareas terras infundit: unum in Italiam ad fines Pedemon-
tium, alterum in Hispaniam versùs Perpinianum, tertium in Artesiam & agros Atrebatensium, quartum in Ducatum Luxemburgicum, quintum (cui Dux Clivensis magnas equitum peditumque turmas conjunxerat) in Brabantiam reliquumque Belgium. Actum videbatur de Cæsare, nisi Deus omnem hanc belli molem feliciter enervasset. Nam qui in Hispaniam à Rege missi erant, à Ferdinando Duce de Alba fortissimè repulsi, & re infectâ domum redire coacti sunt. In Italia eventu vario decertatum est ab utraque parte. In Artesia nihil singulare gestum præter agrorum direptiones & spolia. Ducatus Luxemburgensis à Gallis quidem occupatus unâ cum urbe Luxemburgo; sed eodem Autumno à Cæsareis recuperatus, Duce Reinero Nassovio Arausionum Principe. In Brabantia denique Martinus Rossemius cum Gallicis Clivis-

vicisque copiis foedissimè quidem grassatus est, ubique in pagis & oppidis incendiis & evastationum suarum vestigia post se relinquens. At, ubi postmodum in Octobri Reinerus Nassovius à recuperato Luxemburgo rediit, etiam ipse Wilhelmo Clivio talionem redditurus, in Ducatum Juliacensem vicissim irruit; occupatòque Marcoduro, Juliaco, Sittardiâ, Heinsbergâ, Süsternâ, & Linichio, Rosemianam expeditionem incendiis & pecuniarum exactione severissimè vindicavit.

Ità demum hoc toto bello nihil aliud effectum est, quàm quòd Cæsar & Gallus diuturnâ armorum suorum collisione se invicem fatigârint cum ingenti Catholicæ Religionis & Ecclesiæ damno. Interea namque, dum Cæsar in Gallos & Ferdinandus Romanorum Rex in Turcas ageret, Joannes Fridericus Elector Saxoniae & Philippus Hassiæ Landgravius nova bella concitârunt adversus Henricum Brunsvicensem, qui ferè solus è Principum Saxonico numero Catholicam Religionem sustinebat. Causa illius invadendi præcipuè petita est ab urbe Goslariensi, Lutheranis erroribus dedita, foederique Schmalkaldico jam pridem illigata. Cives illius urbis anno 1527* ausi fuerant vicinum in Monte S. Georgii monasterium (quod modò longiùs remotum est, conditumque in Grauhoff) armatâ manu impetere, despoliare, diruere: binas etiam Henrici Ducis officinas, in quibus argentum liquefit, violentâ manu occupare, & quos ibidem invenerant, prædicti Ducis ministros obtruncare. Qua de causa cum à judicio Camerae Imperialis post diuturna multorum annorum examina condemnati essent; Henricus Dux eosdem commerciis omnibus exclusit, & interdicto comœatu publico ad satisfactionem congruam adigere conatus est. Cives hoc modo pressi confugerunt ad prædictos Principes, velut præcipua Schmalkaldicæ conjunctionis capita: & hi tandem anno superiore in comitiis Ratisbonensibus eò rem suam deduxêre, ut omnes hujusmodi processus Camerales retinendæ concordia causâ usque ad concilii secuturi exitum suspensi fuerint. Paruit quidem huic decreto Henricus Dux; at quia nondum penitus abstinebat à vindicanda injuria suis ministris irrogata; Saxo & Landgravius cum suis foederatis (inter quos etiam, prò dolor! erat Franciscus* Episcopus Monasteriensis) per æstatem hujus anni Ducatum ejus invadunt, monasterium* Riddagshufanum diripiunt, arcem Wolffenbutanam obsidione feroci domant, ac demum oppida castellaque omnia in suam potestatem adigunt, Henrico Duce cum Philippo & Carolo filiis ad Wilhelmum Bavariæ Ducem confugiente.

spolia & agrorum urbiumque evastationes multas. Auctores eisdem.

Henricus Dux Brunsvicensis, probè Catholicus, à principibus Protestantibus bello premittitur, omnibusque ferè provinciis suis exiit. Historia bellis Schmalkaldicis contra Henricum Ducem. Chytraeus l. 15. Saxon. Surinus & alii. * Hist. belli prædicti. Chytraeus l. 15. ad ann. 1541.

* Annal. Monast. mss. * Chytraeus l. 15. ad hunc annum.

Aper-

**vide di-
ta ad ann.
preced.*

*Saxo, &
Landgravi
Lutheranas
doctrinas
in omnes
terras fugi-
tivi Ducis
introdu-
ducunt.*

*Chytraus
Lis-Saxon.
ad hunc
annum.*

*Hamelm.
in hist. Ev.
Ducat.*

*Brunsvic.
pag. 892.
& seq.*

*Et sententiâ
Cameræ
Imperialis,
contra se-
laram, con-
temnunt.
Auctores
iidem.
& alii.*

*Diœcesis
Paderbor-
nensis eodẽ
bello non
parum pa-
titur.
ms. cano-
bii in Ma-
rienmün-
ster.*

Apertissimè hîc læsa erat, non solùm pax & concordia publi-
ca; sed etiam suprema Cæsaris auctoritas. Quippe qui in Recessu
vel edicto publico, ante annum Ratisbonæ condito, severè ca-
verat, *ut nulli Principum ante finem concilii secuturi liceat, alium Prin-
cipem bello aggredi, infestare, premere, despoliare, non solùm ex causa di-
versa Religionis; verùm etiam ex alia qualicunque.* Et tamen his in-
juriis nondum contenti, Canonicos omnes Brunsvicensi ex urbe
pellunt, Religiosos è monasteriis ejiciunt, sacerdotes Catholicos
de suis parochiis deturbant, & institutiones Lutheranas ubique per
oppida & pagos introducunt. Evocati ad hanc rem Antonius
Corvinus, Martinus Gorlitius, & Joannes Bugenhagius, quem
alio nomine Pomeranum vocant. Ab his per Octobrem hujus an-
ni visitatæ omnes Ecclesiæ, sacra Catholicorum abrogata, Præco-
nes impositi cathedris, demum res omnes Ecclesiasticæ eum in mo-
dum innovatæ, ut nullam ampliùs antiquæ fidei & orthodoxi cul-
tûs imaginem præ se ferrent. Conquestus quidem hac de re Hen-
ricus Dux, effecitque, ut in hujusmodi violatores pacis varia man-
data pœnalia è judicio Cameræ Imperialis evibrata fuerint; pro ut
in comitiis Ratisbonensibus anni superioris contra novos aliorum
Principum invasores decretum erat. At illi, citati & accusati,
non modò non comparuere; sed etiam scripto edito judicium illud
velut iniquum in suis suorùmque foederatorum causis recusârunt:
non secùs, ac si nullam ampliùs justitiam in terris colerent, solique
in posterum supra Cæsarem, & extra omnium Episcoporum po-
testatem, constituti forent. Ità nimirum volebant omnia licere
sibi, & aliis nihil.

Neque Diœcesis nostra ab ejusdem belli incommodis prorsus
illæsa mansit: quippe quæ per varios militum Hassicorum accessus
& regressus plurimum nocumendi in oppidis pagisque pertulit.
Argumento nobis esse possunt ea, quæ Henricus Abbas monaste-
rii B. MARIE (vulgò Marien-münster) hac de re annotavit in
diario suorum temporum. Ubi postquam de bello suprâ dicto bre-
viter egisset, ità subjicit: *Damna, quæ monasterium nostrum indè ac-
cepit, sunt sequentia: Primâ vice venerunt ad monasterium hoc viginti
duo, quos cibavimus. 2dâ vice, in vigilia S. Jacobi venerunt octoginta
pedites, et quindecim equestres, et manserunt apud nos in quintum diem.
3tiâ vice, sabbatho post Jacobi, venerunt duo millia peditum, et quin-
quaginta vel ampliùs equestres cum diversis curribus. Quanta damna
et molestias monasterium hoc pauperrimum ab iis sustinuerit, notum est
Deo. Consumpserunt, fregerunt, et secum abstulerunt plurima, quæ
nescio ad quantum damni computanda sint. Die quartâ Augusti adhuc
duodecim sequebantur: omnes ad culinam nostram! Quæ cum verissima
sint,*

fint, nulli dubium esse potest, quin & alia Dioecesis nostræ cœnobîa & pagi eâdem occasione plurimum detrimenti perpeffa sint : etiam si nemo ibidem fuerit, qui talia perennibus chartis & posteritati commendaverit. At longè gravior procella Dioecesi nostræ imminebat ab ejsdem Administratore, Hermannò * Colonienfi Archiepiscopo. Qui, cùm per hujus anni quadragesimam Paderbornæ versatus, & adhuc nullius hæreseos labe notatus esset (ut verisimile est ex ejusdem contractu cum Augustinianis Dalheimensibus inito, signatòque *Neubusii* * die Mercurii post Dominicam *Palmarum*) nihilo minùs exeunte hoc anno Lutheranam hæresin amplexus est, seducente Martino Bucero, impostore pessimo; de quo plura videbimus ad annum proximè sequentem.

Hermannò
Archiepi-
scopus Co-
lonienfis,
Ecclesiæ
nostræ Ad-
ministrato-
r fidem Ca-
tholicam
deserit, se-
ductus à
Bucero.

* *Litera*

Huic lamentabili Apostasiæ videtur ostium aperuisse deplorable ejusdem languor & socordia in conservandis Ecclesiæ suæ juribus: quam, uti sæpe aliàs, ita etiam hoc anno rursus aperitissimè prodidit, quando Schildecensis Ecclesiæ Præposituram, hætenus uni è Majoribus Canonicis nostris conferri solitam, laicali potestate penitus extingui; ejusdemque præcipuos redditus ad Wilhelmum Cliviæ Ducem, veluti Ravensbergæ Dominum transferri passus est. Rem hanc, uti gesta est, narrare lubet ex Adolpho Overhamo, qui literas ea de re conscriptas vidit olim in aula Ferdinandi Fürstenbergii, Antistitis nostri. *Anno*, inquit; *millesimo* * *quingentesimo quadragesimo secundo, die adâ Julii, convenit inter Decanam ceterasque Collegii Schildecensis Vestales, et inter Wilhelmum Julia, Clivia, ac Montium Ducem, Ravensbergæ Comitem, ut post mortem Georgii ab Hatzfeld Præpositi nullus deinceps huic successor daretur; sed domicilium Schildecensis Præpositi cum ea proventuum parte, quam Coloni Ducis olim soliti fuerant Præposito pendere, exinde cederent Duci, velut hereditario Schildecensis Collegii Patrono seu Advocato: reliquos Præpositi redditus inter se partirentur ex aquo Vestales, quarum hodie potior pars Romanos ritus et sacra colit; pars Lutheri Calvinique placita seclatur.* Schildec (vulgò Schildse) intra primum lapidem abest ab oppido Bielefeldia. Ab aliquot seculis Abbatia esse desiit, regiturque hodie Collegium à Præposita et Decana.

Archivii
Cath. Eccl.
Paderb.

Schildecen-
sis Ecclesiæ
Præpositu-
ra, Dioecesis
nostræ in
Comitatu
Ravensber-
genfi, ini-
què extin-
guitur; ejus-
demq; re-
ditus præci-
pui trans-
scribuntur
Wilhelmo
Cliviæ Du-
ci.

Ex literis
Schildec.
* Overham
in notis ad
vitam B.
Meinwer-
ci, pag. 381.
& 169.

Annus Christi 1543.

PAULI III. Pontificis 9. & 10.

CAROLI V. Imperatoris. 24. & 25.

HERMANNI Admin. Paderb. 11. & 12.

Bellum, anno superiore cœptum, ardentissimè continuârunt Gallus & Clivius, instigato simul in Cæsarem Solimanno per Antonium Polinum, Francisci * Regis Legatum. Contra Turcas

Turcæ ma-
gno Chri-
stianorum
damno ir-
rumpunt in

K k

Fer-

hungariam
& mariti-
mas oras
Italiæ.

*Pallav. in
hif. conc.

Trid. l. 5.

*Surius in
comment.

Cochla^o in
actis Luth.

*Spondan.
hic n. 1.

Surius l. c.

*Surius in
comment.

Harans in
ann. brab.

*Surius in
comment.

Galli & Cli-
vii Cæsarē

adoriuntur
in Belgio.

*Harans in
ann. brab.

Surius ad
hunc ann.

*Hara^o ad
ann. 1542.

*Hara^o ad
ann. 1543.

Surius in
comment.

Tefchenm.
in annal.

Julia.

*Harans in
ann. brab.

Wilhelm^o
Clivie Dux

è suarum
provinciarū

Ferdinandus Romanorum Rex, dum Cæsar adhuc abesset, auxilia Principum flagitavit in comitiis, exeunte Januario Norimbergæ coeptis. At, quia foederati Schmalkaldienfes opem omnem detrectabant, nisi ab officio dimoverentur judices* Imperialis Cameræ, qui pro Henrici Brunsvicensis & omnium ejus provinciarum restitutione stabant; à paucis, qui adhuc supererant, Principibus Catholicis paucae admodum suppetiæ contra valentissimum hostem impetratae sunt. Eò furiosius igitur Solimannus in Hungariam se effudit; occupatâque* Alba Regali, Strigonio, Valpoviâ, & aliis urbibus oppidisque, universum Regnum illud miserrimè depopulatus est. Simul etiam Hariadenus Barbarossa, Turcarum Archithalassus, cum ingenti classe in fretum Siciliae procurrit; captâque ibidem urbe Rhegio, componit se ante ostia* Tiberina, tanto Romanorum terrore, ut plerique fugam circumspicere visi sint. Indè post aquationem triduanam, Hetruriæ Liguriæque oras perlegens, Gallicanæ classi prope Massiliam se conjungit: quanquam nullâ aliâ re effectâ, quàm quòd urbs Nicæa, salvo tamen illius castro, à copiis istis expugnata, direpta, & incensa fuerit. Multi interim Christiani, interque eos ducentæ* virgines Deo sacrae, hac navali expeditione in Ottomannicam servitutem abducti sunt: quos tamen haud multò post, cum in quatuor navigiis ad Solimannum præmitterentur, Neapolitana classis feliciter interceptit, & unâ cum ereptis navibus non sinè summo ipsorum gaudio Messanam perduxit.

Non minore animorum æstu contra Cæsarem in Belgio decertabant, hinc Clivius, indè Gallus. Hic in Hannoniam progressus, Landrecium* occupat, illudque brevi tempore festinatis operibus egregiè firmat. Ille verò (posteaquam in fine anni præcedentis, Hasslorum & Saxonum auxilio, ferè omnia Ducatûs Juliacensis oppida, præter* Heinsbergam, recepisset) Belgarum copias à comitatu Heinsbergam deducto reduces, die vicesimâ quartâ Martii prope Sittardiam adoritur: longoque tandem certamine victos in fugam* abigit, occisis eorundem ferè tribus millibus, plurimisque captis, unâ cum tormentis & impedimentis omnibus. Tum verò Clivius victoriâ tam opimâ tumidus, adhuc altiùs attollere cornua, in Ducatum Limburgensem se injicere, Falckenburgensem ac Dalemensem ditionem invadere, ferro & flammis* desævire: in fines etiam Brabantinos incurrere, Helmontium & Endhoviam occupare, è locis omnibus ingentem prædam avehere. Cum autem hæc omnia non sufficerent ad exsolvenda militum suorum stipendia (non enim gratis & sinè pretio militare volebant Saxones & Hassi, in auxilium ipsius missi) exemplo nunquam hætenus hîc audi-

audito ad exactiones planè novas & insolentes converti cœpit. Nam, ut chronicon Tremonienſe perhibet, menſe Junio ex omnibus ditionum ſuarum parochiis, monaſteriis, Capitulis, templis, & ſacellis, omnes pretioſos calices, ciboria, monſtrantias, candelabra argentea, & quidquid auri vel argenti in ſacris vaſis vel hie-rothecis reperiri poterat, pecuniæ conſlandæ cauſâ auferri juſſit: neque in ſingulis Eccleſiis plus reliquit, quàm unum duntaxat calicem pro divino ſacrificio; niſi forſan è ceteris vaſis aliquid redimere vellent, & pro qualibet argenti uncia unum imperialem ſolvere.

Eccleſiis omne argen-tum diripit, pecuniæ conſlandæ cauſâ.

Chronicon Dominice Tremon.

Cæſar, hanc belli flammam oppreſſurus, è portu Barcinonenſi properabat in Italiam, & indè pariter acceleratis itineribus in Germaniam. Venienti Spiram occurrebat Hermannus Archiepiſcopus Colonienſis, & varii Proteſtantium Legati. Prior horum, cùm intercederet pro Duce Clivio, breve hoc reſponſum retulit: *frustra* pro eodem agi, quàm diu à Principatu Geldria non decederet.* Poſterioribus verò, cùm ab Imperatore peterent, ut amoverentur judices Cameræ Imperialis, neque decernerent aliquid pro reſtituendo Henrico Brunsvicenſi, paucis reſponſum eſt: *Camera judices* inaudita cauſâ removeri, neſas eſſe; et, ſi Henricum Brunsvicenſem reſtituere nolint, viam Cæſari non deſuturam, quâ eum reſtituere queat.* Interea Cæſareus miles partim itinere terreſtri, partim ſecundo Rheno confluebat Bonnam: quò & Cæſar propediem conſecutus eſt. Ibi dum exercitum ſuum recenſeret, invenit equitum* octo millia, peditum Germanicorum quatuordecim millia, Belgarum, qui acceſſerant, duodecim millia, Hiſpanorum & Italorum decem millia, univerſim verò millia militum quadraginta quatuor. Cum his die 22. Auguſti Marcodurum* adveniens, eodem veſpere de-ditionem à civibus ac præſidiariis expoſcebat. Eâ verò non im-petratâ, altero mane urbem hanc quadraginta majoribus tormen-tis verberari juſſit; ac, tametſi foſſâ duplici muròque lateritio mu-nita eſſet, quinto demum aſſultu feliciter* expugnavit die 24 Au-guſti, in feſto S. Bartholomæi Apoſtoli. Trifte erat viſu, quàm acerbè hîc deſævierit inimicus miles, quaternâ commilitonum ſuorum depulſione irritatus! Oppletæ hoſtibus plateæ, vaſtata ædes, direpta bona, excuſſi omnes theſaurorum ſecretiorum loculi, & quidquid hominum primo impetu occurrebat, ſub gladio vi-ctore cecidit: ita ut ex inquilinis plùs quàm* duo millia & quin-genti crudeliter occiſi; nec ferè alii à præſenti morte ſervati fuerint, quàm qui cum imbelli puerorum ac mulierum manu ad Divorum templa ſe receperant.

Cæſar ex Hiſpania per terras Italicas ve-nit Spiram; *Harans in ann. Brab.*

Surius in comment. rer. geſt.

**Haras & Surius ib.*

Teſchenm-

in annal. Jul. Cliv.

**Sur. loc. c.*

Exercitu ſuo prope Bonnam lu-

ſtrato per-git Marco-

durum, & urbem hanc intrâ biduû expugnat.

**Harans in ann. brab.*

**Marcodu-*

rum, vulgò Dûren/

urbs Duca-tus Juliac.

**Harans loc. cit.*

Surius l. c.

Chron. Do-minic. Tre-mon.

**Harans in ann. brab.*

K k 2

Hoc

Marcodur-
rensum
exitio terri-
tae dedunt
se reliquae
urbes Juliae
& Geldriae.
*Harans in
ann. brabant.
Surius in
comment.
Teschenn.
in annal.
Jul. Cliv.
Wilhelm.
Cliviz Dux
Imperator
ad pedes
accidit, ab
eobq; venia
perit & im-
petrat.
*Vernula
in virtut.
Austr. l. 2.
c. 4. n. 4.
Harans
loc. cit.
*Vernul. &
Harans ib.
*Antiores
iidem.
Leges pacis
inter Cæsa-
rem &
Wilhelmū
Cliviz Du-
cem.
Surius, Ha-
rans Tesch-
enn. loc.
cit.*

Hildesum
urbs à Ca-
tholica Re-
ligione de-
ficit.
*Hamelm.
in hist. Ev.
Hildes-pag.
938.
Chytrans l.
15. Saxon.

Hoc funesto Durensum excidio cum in modum exterritæ sunt omnes aliæ Juliæ ac Geldriensis Ducatus urbes, ut uno ferme consensu victori Cæsari, vel suarum portarum claves obtulerint, vel adventanti ejusdem exercitui deditionem præmaturam fecerint. Quin & ipse Wilhelmus Dux non multò post, cum in castris prope Venlonam consideret Cæsar, ad ejusdem clementissimos pedes humillimè provolutus est; orantibusque pro se Henrico Brunsvicensium Duce, Reinero Nassovio Arausionum Principe, & aliis quibusdam viris non parvi nominis, culpæ suæ veniam demissè flagitavit, inquires: *patere, clementissime* Cæsar, ut adolescentia mea, magnificis ingentibusque Francorum promissis decepta, apud te venia locum inveniat! Errata mea in posterum virilis ætas constanti erga te fide sarciet ac emendabit.* Subinde etiam prædicti Ducis Cancellarius (qui simul cum primariis octo Proceribus, pullâ veste indutis, ad Augusti pedes procumbebat) oratione* submissâ addidit: *Augustissime Imperator! quascunque pacis et amicitia leges Duci meo præscripseris, equo animo à te accipiet, et servabit fidelissimè.* Cæsar, ut hæc audivit, composito ad gravitatem vultu supplicantem intuitus, ne vel unico* verbo responsum dedit: Nassovio tamen & Granvellano, ut leges deditionis & concordia scriberent, mandavit & abiit. Leges autem ab iisdem scriptæ ac propositæ sic habent: *Wilhelmus Dux ab Ecclesia Catholica et ejus ritibus non discedat; et quidquid ea in re jam innovatum aut mutatum est, in priorem statum restituat. Cæsari et Imperio se morigerum et obsequentem præbeat. Fœderi Gallico renuntiet; nec ullum aliud cum aliis incat contra Cæsarem, et ejus ac Ferdinandi fratris hæredes. A Ducatu Geldria et Comitatu Zutphaniensi protinus decedat; Juliensem verò provinciam, à Cæsareis occupatam, recipiat exceptâ Heinsbergâ et Sittardiâ: quæ tam diu manebunt in potestate Cæsaris, donec ei fides Wilhelmi Ducis abunde cognita, et comprobata sit.* Quæ omnia cum libenter acceptaret & amplecteretur Clivius, Imperatoris gratiam penitissimè recepit, eique postmodum in omni vita conjunctissimus fuit, non solum constanti fidelitate; sed etiam Religione & Fide Catholicâ, quam exinde in suis terris restitui ac retineri iussit.

Sed, eheu! dum ibidem Romana fides revirescit, Hildesii florem omnem ac virorem perdidit. Steterat in hac urbe Religionis avitæ fervor, quàm diu stetit fortuna vicini Ducis, Henrici Brunsvicensis. Atque ideò Martinus Listrius Præco Lutheranus, cum ante annos tres quorundam civium depravatorum consilio se in suggestum* publicum extulisset, mercedem suorum ausuum tam acerbam retulit, ut à Magistratu civibusque Catholicis non solum ex ambone sacro depulsus; verum etiam cum omnibus, qui ei-
dem

dem faverant, in exilium eieetus fuerit. At, ubi postmodum à Saxone & Hassio fortuna Ducis everfa, & hæresis Lutherana in omnes illius terras per eandem violentiam introducta est (quemadmodum anno præcedente vidimus) etiam Hildesienfis ^{*Hamelm. loc. cit.} civitas in præsentissimum amittendæ Religionis periculum delapsa est. Nam paulò post idem Saxo & Landgravius Magistratum populùmque Hildesiensem ^{*Chytraus loc. cit.} per literas adhortati sunt, ut & ipsi tandem novi Evangelii lucem, quæ jam ferè Saxoniam totam pervasisset, in urbem suam infundi sinerent. Quod cum illi, vel minis vel potentiâ amborum vicinâ territi, in suæ salutis exitium consentirent; repentè istuc velut corvi ad cadaver hoc anno convolârunt Antonius ^{*Hamelm. & Chytra⁹ ibid.} Corvinus, & Joannes Bugenhagius, duo Apostatæ, jam à Brunsvicensium terrarum deformatione celebres. His auctoribus nova Ecclesiæ Hildesienfis ordinatio fabricata, & in templis, Andreano, Michaëlitico, Jacobæo, Georgiano, Martiniano, ac Paulino, infelicissimè recepta est, constitutis ibidem Prædicatoribus Lutheranis, & eorum primo superintendente Jodoco Isermanno; quorum insano tumultu etiam Ecclesiæ ^{*Chytraus loc. cit.} Cathedralis per summam injuriam occlusa est.

At longè tristius hoc anno in Catholicam Ecclesiam insurgere coepit Hermannus Archiepiscopus Colonienfis, & Ecclesiæ nostræ Administrator. In ejus amicitiam jam ab aliquot annis furtivè ingressus erat Martinus Bucerus, Dominicani Ordinis desertor monachus. Et, quia primo statim affatu reperit, esse Principem naturâ cereum, simulque in literis ac fidei dogmatis minimè versatum; seductoriâ blandiloquentiâ suâ eidem faciliè persuasit, Catholicos inter & Lutheranos vix aliud interesse, quàm quòd hi aliquos Romanorum abusus detestentur, qui tamen prudentis moderatiquè reformatoris operâ haud ægre sustolli possent. Idem suo Principi identidem oggerebant nonnulli Aulici, Lutheranae ^{*Chytraus l. 15. Saxon. Spond. ad hunc ann. Kleinfor. & alii in chron. ms. Spond. hic n. 5. Surius loc. cit.} hæreseos fermento jam corrupti: quorum consilio sub exitum prioris anni Martinus Bucerus Argentorato Bonnam accersitus, & ibidem à deliro Archiepiscopo in apertam primariæ ^{*Surius ib. Surius & Spond. l. c. Kleinfor. in hist. ms.} Ecclesiæ cathedralis eveetus est. Conquesti sunt statim hac de re Metropolitanae Ecclesiæ Canonici, simulque monuerunt Archiepiscopum, ut hujusmodi impostorem quantocyus ^{*} ab se dimitteret: fas illi non esse, contra sacros canones, contra juramentum Ecclesiæ præstitum, contra Cæsaris & Imperii decreta, in rebus sacris aliquid immutare, donec aliud à concilio œcumenico statutum fuerit. At ille, jam à Bucero suo dementatus, non solum in incepto perstitit; sed etiam haud multò post eâdem insaniâ evocavit ad se Philippum ^{*} Melanchthonem, Erasmus Sarcerium, Casparum Hediônem,

Joan-

Joannem Pistorium, & alios id genus Apostatas: qui accepto novationum faciendarum odore, celerrimè Bonnam advolârunt, veluti ad prædam vultures. Hi deinde collatis in unum consiliis **Surius, Spondan. Chytræus.* procudêre librum *Reformationis*, in quo omnia novæ **Ecclesiæ* dogmata, unà cum ritibus Dioecesi totâ observandis, complexi sunt: eâ tamen calliditate & astutiâ, ut evitandæ offensionis causâ, **Chytræus l. 16 Saxon.* simul omnia **secularium* Capitulorum jura, dignitates, immunitates, ac privilegia retineri vellent. Librum hunc Archiepiscopus continuò misit Collegio Metropolitano; jussitque, ut eundem Academiæ Colonienfi aliisque viris doctis probandum vel refutandum offerant: alioquin **fore*, ut Ordines Dioecesanos convocet, & unà cum iis reformationem inibi præscriptam quantocyus aspicietur. His auditis, Theologi Colonienfes intrâ tertiam hebdomadam pestilenti huic libro opposuerunt alium, *Antididagma** appellatum. Et hunc vicissim Clerus Major Archiepiscopo seducto misit, rogavitque, ut in eo omnes novorum dogmatistarum errores dilucidè refutatos legeret: simul etiam expenderet, quæ conturbatio sacrorum, quæ offensiones Ordinum, quæ bella ac seditiones cum æterno ipsius dedecore secutura essent, si primus ipse post tot egregios sanctosque Præsules hæresim introduci, ac prætensæ reformationis librum evulgari sineret.

Caroli Imperatoris monitione Præcones Lutheranos à se dimittit sed paulò post eosdè revocat.

Auctores iidem, & alii Annales msf.

**Surius in comment. rer. gest.*

**Rovarus & alii Annales msf.*

Commodùm his intervenit Carolus Imperator, è superiore Germania descendens in Belgium, ad infringendos conatus armorum hostilium. Is, cùm in urbe Bonna per triduum subsisteret mense Augusto, novationum hujusmodi non ignarus, monuit Archiepiscopum, ne seditiosos istos pravorum dogmatum seminatores apud aulam suam diutiùs retineret. Paruit illico **Hermannus* Præsul: quid enim negaret Cæsari, cum armato exercitu apud urbem stanti? Statimque Bucerum, Sarcerium, Hedionem, ac Pistorium (nam Philippus Melanchthon jam antè, metu Cæsaris adventantis, Wittenbergam se receperat) honestè à se dimisit, impetrato etiam securitatis publicæ commeatu, ne ab Hispano milite necarentur. Sed hæc eorum dimissio minimè sincera fuit Episcopo, Bucerianis erroribus capto. Siquidem haud multò post, ubi Cæsarem bello Gallico adhuc satè impeditum & implexum audiit, non modò seductores istos è suis latebris revocari jussit; verùm etiam reformationis ab iisdem conscriptæ librum typis publicis evulgari, pèrque totam **Dioecesi* suam dispergi fecit, non sinè magno Lutheranorum plausu, & Catholicorum ignominiâ. Neque satè id fuit extremæ ejus insanix: Nam & impulsu Buceri, à quo velut puer à pædagogo regebatur, Bonnenfibus monachis plenissimam è suis claustris exeundi libertatem dedit. Quâ acceptâ

ceptâ, inter alios Joannes Meinershagius, ex ordine S. Francisci Presbyter ac Theologiæ Lector, novationi Bucerianæ se conjunxit; celebratisque sacrilegis nuptiis, pestilentem librum sub falso titulo *Enchiridii Christiani* edidit, calumniis in Pontificem, Clerum, & omnes Catholicos refertissimum.

Exemplum hoc sui Archiepiscopi velut ex condicto securus est Franciscus Episcopus Monasteriensis, Osnabrugensis, & Mindensis, trium Dioecesium Præsul; sed jam lupo magis, quàm syncero Pastori similis. Convocârat is hoc anno in Episcopatu Monasteriensi comitia publica suorum statuum, in quibus ante alia potissimum proposuit hæc duo capita: Primum erat, cogitare se, non solum urbi Monasteriensi, sed etiam aliis quibusdam oppidis restituere vetera privilegia & libertates, Anabaptistico tumultu perditas; quemadmodum frequenter & instantissimè id ab iis flagitari viderat. Alterum & longè insolentius erat, cupere se, Monasteriensem Ecclesiam suam reformari juxta normam *Confessionis Augustanae*: hanc enim jam à Principibus per universam ferè Saxoniam recipi, seseque pariter ad eam suscipiendam vehementer propendere. Mirari hic Ordines Patriæ, oculisque ad se invicem conversis obstupescere, quomodo tam inopinatò se Lutheranum ostendat, qui paulò antè ritu Catholico sacerdos & Episcopus consecratus fuerat. Ut autem in re tanta nihil per tumultum agerent, processerunt seorsim in consilium; justâque deliberatione habitâ responderunt Principi: *Si vetera privilegia ac libertates urbi Monasteriensi aliisque oppidis restituere velit, acquiescere se, neque id agrius laturos esse. Quod autem ad propositam Ecclesiæ reformationem attinet; recordari velit clementissimus Princeps, quàm ingentia damna non solum urbi, sed etiam Dioecesi suæ adhuc recenter enata fuerint ex mutata semel religione Catholica? Eapropter communi statuum consensu firmatum esse, ne deinceps in ea fide, quam à suis progenitoribus acceperint, ulla unquam novatio aut immutatio fieret. Proinde rogare se, ut Celsitudo sua dignetur ab ejusmodi conatibus animum abstinere, unâque secum præstolari et acquiescere usque ad concilium universale, cujus initia propediem secutura sint.* Irritatus eo responso Princeps paulò immoderatiùs effervecebat animo. Jam enim à Philippo Hassiæ Landgravio in societatem foederis Schmalkaldici pertractus erat; ideoque minabatur Ordinibus patriæ, visurum se, ut, nisi spontè velint ad Augustanam confessionem accedere, eosdem vi ac violentiâ ad suæ voluntatis arbitrium cogat. Quæ verba cum insolentius dicta essent, quàm causæ istius æquitas pateretur; etiam Ordines Dioecesani in offensam acti, cervicoso Principi frontem ostendere, minasque minis reponentes edixerunt: *se quidem ei tanquam Domino suo obtem-*

Franciscus Episcopus Monaster. doctrinam Lutheranâ introduce re studet in Dioecesi Monasteriensem.
Chron. Tremon. Patrum Dominis. ad hunc annum.

Status Dioec. cessant huius ejus voluntati ac studio acerrimè se opponunt.
Chron. Tremon. supra cit.

Episcopus minatur, se vi acturû, nisi sponte consenserint status Dioecesani,
Chron. supra citat. Status Dioec. cesani vicissim ei mi-

pera-

nantur de-
positionem
ab Episco-
patu, si
quid atten-
ter contra
fidem Ca-
tholicam.
Chron.
Tremon.
PP. Domi-
nican.

perataros, quàm diu juberet ea, quæ licita sint et honesta; secùs verò, si illicita, et suarum conscientiarum rectitudini adversantia. De cetero se iniquas hujusmodi minas non magni facere. Quidquid enim domini aut jurisdictionis obtineret in hoc Principatu, id ei non esse congenitum ab ortu suo vel natalibus Waldeckianis; sed unice provenire à libera electione Capitali, à confirmatione sedis Pontificiæ, et à legitima justaque statuum acceptatione, quæ prædictam electionem et confirmationem sequitur. Proinde jam in ejus arbitrio stare, an ipsorum Episcopus et legitimus Princeps manere velit, nec ne? mansurum certè, si à minis ac novationibus hujusmodi se abstineat: si autem secùs fecerit, vel attentarit, in sua vel suorum potestate fore, ut è Domino servus aut nihil fiat. His dictis contituit Princeps, & è comitiis utrimque discessum est cum indignatione maxima. Ne quid autem ulterius hac in re tentari posset ab Episcopo; iidem Ordines, maximèque Nobilitas & Capitulum, novo iterum ac indissolubili fœdere sibi invicem polliciti sunt, sese nunquam ab avita patrum suorum Fide recessuros, neque permisso, ut eadem ab aliis Monasteriensium provinciarum subditis deseratur.

Episcopus
& Ordines
Diœcesani
utrimque
discedunt
cum indi-
gnatione.
chron. Tre-
mon. supra
cit.

Idem Fran-
ciscus Ep:
permittit,
Lutheranis-
mum in-
troducti in
urbem ac
Diœcesin
suam Osnab-
rugensem.
Chytraus
l. 15. Saxon.
Hamelm.
in hist. Ev.
Osnabr.
Chron. Of-
nabr. ms.
Hermann?
Bonnus,
Lubecâ
evocatus,
Lutheri
doctrinam
introducit
in tres Ec-
clesias pa-
rochiales,
consentien-
te Episcopo
aut. iidem

Faciliorem progressum habuit reformatio Lutherana, quam idem Episcopus per hunc annum institui fecit in urbe ac Diœcesi sua Osnabrugensi. Permiserat ibi quoque Augustanæ confessionis doctrinam recipi, simulque virum idoneum advocari, qui eandem introduceret. Læti eâ licentiâ cives (jam enim diu mollioribus Lutheri dogmatis adhinniverant) sub finem anni superioris misère duos Legatos, qui à Magistratu Lubecensi peterent, sibi ad breve tempus concedi Hermannum Bonnum, ejusdem urbis superintendentem, novioris Evangelii gnarum; eoque gratiorem futurum Osnabrugensibus, quòd eorum conterraneus & ortu Quakenbrugensis esset. Id cum à Lubecensibus permetteretur, venit Bonnus initio præsentis anni; & in urbe Osnabrugensi, die 2dâ Februarii, unà cum uxore ac liberis magno civium applausu receptus est. Assignata ei statim parochialis cathedra in æde B. MARIÆ Virginis. Ubi postquam per dies aliquot Saxonici Evangelii suavitatem curiosæ multitudini explanâisset, ità animos hominum indoctorum ad se attraxit, ut etiam in alias duas Ecclesias parochiales, nimirum in Catharinianam & Collegiatam S. Joannis, Prædicatores Lutheranos ex voluntate plebis introduci, necessum fuerit; Francisco interim Episcopo novationem hanc non solum tolerante, sed etiam approbante. Erant id temporis Osnabrugii tria monachorum cœnobia, unum S. Dominici, alterum S. Francisci, tertium Eremitarum S. Augustini. Ex horum numero Patres Dominicani in Fide Catholica & monasterio suo perstiterè, sicu-

sicuti & aliis in locis constantiores fuerunt, pugnando ac decertando contra hæreticos. E diverso autem Franciscani & Augustiniani, auditâ Bonniani* Evangelii tubâ, catervatim è suis monasteriis exiliâre, simul hæresin & appendicem illius pellicem complexi. Animatus eo successu Bonus perrexit etiam ad reformatas alias ruralium Ecclesiarum parochias; paritèrque è Lubecensis Ecclesiæ forma præscribere coepit ordinationem novam, quâ in posterum sacramenta per totam hanc Diocesin Christiano populo administranda, patriôque idiomate peragenda sint. Eâ verò in pagis & oppidis promulgatâ, eum in modum auctus est novorum Evangelicorum numerus, ut jam essent plures parochiæ, quæ prædictam reformationem peterent; quàm præcones Lutherani, qui iisdem parochiis præficerentur. Rogatus idcirco Bonus, ut novos Ecclesiæ Ministros Lutherano ritu consecraret, præfecit eis primùm desertores monachos & sacerdotes. Dicebat enim: *se quidem Lubecensi in urbe superintendentem esse, et locum Episcopi tenere: re ipsâ verò nec Episcopum, nec sacerdotem esse, nec aliquid plius, quàm verbi Ministrum Doctoremque Ecclesiæ; quales olim primitiva Ecclesia plures habuisset præter Episcopos, sacrorum Ordinum conferendorum potestate præditos.* Verùm & hanc ille sententiam, pro ut huiusmodi novatores & sectarii solent, pro versatili ingenio suo intra breve tempus iterum immutavit. Cùm enim haud multò post videret, sibi omnia feliciter evenire, nec Episcopum suis ausibus contradicere; homo suû & suorum verborum immemor, simul eò temeritatis & audaciæ devenit, ut manuum suarum impositione novos etiam Osnabrugensis Ecclesiæ Ministros ordinare, eosdémque populo velut idoneos mysteriorum divinorum dispensatores obtrudere, non erubuerit. Quibus præclare gestis, eodem anno Lubecam* rediit; novamque Ecclesiam Joanni Pollio, quem in æde Cathariniana Pastorem & superintendentem constituerat, in habitu suo commendavit.

Grassante in hunc modum hæresi Lutheranâ, jam in Germania versabantur duo primi Patres è Societate Jesu. Claudius Jajus & Petrus Faber, biennio abhinc à S. Ignatio, novi Ordinis fundatore, pro fide & Ecclesia tuenda missi. Primus horum Claudius Jajus in Bavaria & Austria demorari coeperat; eodémque hoc anno, post obitum* Joannis Eckii, in ejus cathedram Academicam Ingolstadtii subrogatus est. Alter verò, nimirum Petrus Faber, posteaquam Spiræ, Wormatiæ, ac Ratisbonæ in comitiis, magnatum plurimorum animos* audiendis confessionibus & omnium virtutum admiratione sibi conciliâset; priore anno Moguntiam venit, expetitus ab Alberto ejus loci Archiepiscopo, & Cardinale, qui

*chron. Osnabr. msf.

Idem Bonus etiam progreditur ad reformatas Ecclesias rurales, præscribitque novam Ordinationem Ecclesiasticam.

Auctores iidem.

Negat, Ecclesiæ Ministros à se ordinari posse; & tamen postea mutâtâ mente id attentat, reditque Lubecam.

Supple.

mentû ad chron. Osnabr. Erbmanni.

*Hamelm. in hist. Ev. Osnabr. pag. 1137.

Claudius Jajus, & Petrus Faber, in Germaniam à S. Ignatio missi, operantur ibi plurimum boni pro fide Catholica.

*Annal.

Boic part. 2

*Annal.

Boic. n. 47.

*Serar. l. 5. religioſâ ipſius converſatione & ſpiritualibus colloquiis magno-
 rer Mo- pere oblectabatur. Manſit ibidem Faber uſque in æſtatem præ-
 gunt. pag. ſentis anni: atque interim, præter alia animarum lucra, Deo &
 894 & ſeq. Societati genuit magnum illum Germaniæ Doctorem* Petrum Ca-
 * Serar. niſium, qui ab eo ſpiritualibus exercitiis in urbe Moguntina ex-
 loc. cit. cultus; ac deinde Coloniam, unde venerat, tirocinii inchoandi
 Pinus 10.7 cauſâ præmiſſus eſt. Nec multò poſt etiam Faber Coloniam ve-
 Ss. Julii, in nit, receptus illic in monaſterio Patrum* Carthuſianorum, quos
 comment. Caniſius, à ſpiritualibus exercitiis redux, ardentiffimo ejuſdem
 prævio ad vitam S. videndi & audiendi deſiderio jam ante inflammaverat. Lubet hîc
 Ignatii § adjicere literas commendatitias, quas, antequam Faber Coloniam
 37. n. 380. adveniſſet, R. Pater Gerardus Hammontius, Carthuſiæ Coloni-
 * Pinus ib. ſis Prior, & de re hoc anno ſcripſit* ad R. Patrem Priorem Carthu-
 n. 383. & ſiæ Trevirenſis:
 380.
 * Serar.
 loc. cit.
 Pinus ib.*

Venerande in Chriſto Pater. Inter lætuoſiſſimas noſtræ tempeſtatis procellas, quibus nunc undique concutitur Chriſtianitas, non uſque adeò Deus reliquit Eccleſiam ſuam, quin ſuſcitârit nobis viros aliquos Apoſtolicos, quos ſpiritu ſuo implevit, et induit virtute ex alto, ut ex multorum Doctorem teſtimonio didici: qui vero fervore errantes revocent, peccantes recreent, trahantque ad iter ſalutis - - ſunt à Ssmo Domino noſtro Paulo III. approbati, et ad diverſas nationes miſſi. Primus eorum vocatur Ignatius, et moratur Romæ; et in Italia aliqui: in Hiſpaniis, Galliis, et Portugallia ſunt alii, colentes vineam Domini. Unus eorum Doctorem eſt in Ingolſtatt; et unus moratur Moguntia apud Cardinalem, vir magna ſanctitatis. Vocatur M. Petrus Faber, Theologus Pariſienſis. Dat hominibus bonæ voluntatis exercitia quedam ſpiritualia, quibus intra paucos dies conſequuntur veram cognitionem ſui et peccatorum ſuorum, gratiam lachrymarum, veram et animoſam converſionem à creaturis ad Deum, proſectum in virtutibus, et ſecretam familiaritatem, amorem, et amicitiam Dei. Utinam per aliquam occaſionem liceret adire Moguntiam! Certè talem theſaurum deberet homo meritò quærere, etiam apud Indos. Spero tamen, quòd Dominus dabit mihi videre hominem Dei, antequam moriar, ut ab eo dirigar ad interiorem hominis reformationem et unionem cum Deo. Hoc periculoſiſſimo tempore multi adhærent hæreſiarchis, vaſis perditionis, organis diaboli iniquiſſimis. Ideò libentiùs adhære debemus amicis Dei, organis ſpiritus ſancti, ut eò tutiùs defendamur à telis igneis, quæ demon jaculatur in corda hominum. - - Raptim ultimo Maji, anno 1543.

An-

Annus Christi 1544.

PAULI III. Pontificis 10. & 11.

CAROLI V. Imperatoris 25. & 26.

HERMANNI II. Administ. Pad. 12. & 13.



Annuarius hujus anni celeberrima Principum comitia vidit in urbe Spira, quæ circa festum Conversionis Divi Pauli inchoata, ac deinde usque in mensem Junium protracta sunt. Aderat his Imperator ipsemet cum fratre suo Ferdinando Romanorum Rege, & (quod aliàs rarò fit) Electores vel septemviri ad unum omnes. Ex aliis etiam Principibus adfuere Christophorus Archiepiscopus Bremensis, Henricus Episcopus Wormatiensis, Philippus Spirensis, Otto Augustanus, Joannes Constantiensis, Valentinus Hildesienfis, Wolfgangus Passaviensis, Philippus Abbas Fuldensis, Rudigerus Præpositus Weissenburgensis, Joannes Palatinus Rheni & Comes Spanheimensis, Wolfgangus Palatinus Rheni & Comes Veldentienfis, Mauritius Saxoniae Dux & Marchio Misniae, Joannes & Albertus Marchiones Brandenburgici, Henricus junior Dux Brunsvicensis, Albertus Dux Mecklenburgensis, Wilhelmus Clivæ, Juliæ, & Montium Dux, Ernestus Dux Lunenburgensis, Philippus Landgravius Hassiæ, & Georgius Landgravius Leuchtenbergensis: reliqui Principes absentiam suam per Oratores & ablegatos expleverunt. Præcipuus comitiorum scopus erat, concitare Principes in Regem Galliæ. *Hunc enim, inquit Cæsar, in Imperii perniciem* habere fœdus cum Turcis, ejusque impulsu non solum Hungariam* ** Auctores* *anno superiore tam crudeliter à Turcis evastatam; sed etiam Italiæ Sabau-* *iidem.* *diæque fines, conjunctis amborum classibus, extremo periculo objectos esse. Nullam insuper fore spem feliciter pugnandi contra Turcas in Hungaria, nisi prius edometur malorum istorum incentor Gallus; contra quem idcirco totius Imperii arma communi sumptu conferenda sint.* Facile agnoscebant omnes æquitatem istius propositionis: Lutherani tamen (qui in tali necessitate ferè nihil addicebant Cæsari, nisi ab eo novam aliquam libertatem impetrassent) postulârunt iterum, sibi prius* appromitti, ut controversiæ Religionum componerentur in visceribus Germaniæ: ut edictum Augustanum, uti & Mindensium ac Goslariensium proscriptio, suspenderetur usque ad concordiam Religionis: ut usque ad idem tempus abolerentur omnes quæstiones vel actiones Camerae de direptis hucusque monasteriorum vel Ecclesiarum bonis, & alia plura ejusdem generis. Quæ omnia cum pro temporum illorum necessitate concederet Imperator (etiamsi

Comitia
Spirensia,
Cæsare!
præsentē
habitā à Ja-
nuario us-
que in Ju-
nium.

*Recessus
Imperii de
hoc anno.
Helvici
in theatro
hist. univ.
Spond. ad
hunc ann.
n. 2.*

** Auctores
iidem.*

** Recessus
Imperii su-
pra cit.*

*Chytraus
l. 16 Saxon.
Pallav. in
hist. conc.
Trid l 5.*

*In his co-
mitiis in-
gentia au-
xilia Cæsari
decreta
sunt contra
regē galliæ*

Recessus Imper. cit. Haraeus in ann. Brab. Helvic. in theatr. hist. univers. Carol⁹ Cæsar cogit Gallum ad ineundam pacem, quæ conclusa est die 18. Septembr. contrarium cuperent plures Catholici) tandem ei stipendia pro viginti quatuor millibus peditum & quatuor millibus equitum in sex menses decreta sunt.

*Helvic. in theatr. hist. univers. Carol⁹ Cæsar cogit Gallum ad ineundam pacem, quæ conclusa est die 18. Septembr. Haraeus & Helvic. l. c. Spond. n. 12. & alii. *Matrona fluvius, vulgò die Marne. *Crepiacæ, gallicæ Crespy, vel Crespy. Conditiones hujus pacis. auct. iidem *a. 1536. *Haraeus in ann. brab. Spond. ad ann. 1544. n. 13.* Cum his auxiliis Cæsar Spirâ profectus in Belgium, primò recuperavit Luxenburgum unà cum locis omnibus, quæ in eo Ducatu Gallus ante annum occupaverat, interea dum Cæsar ex parte alia bellum inferret Clivio. Indè victoriæ cursum profecuturus, castra movit in Campaniam: debellatòque ibidem Fano S. Desiderii (vulgò S. Dizier) secundùm ripas Matronæ* fluvii rectâ contendit in ipsa regni viscera, tanto cum terrore urbium vicinarum, ut etiam Parisienses à Cæsaris adventu contremiscerent. Quo viso Rex, nihil ampliùs cunctandum ratus, Oratores ad Cæsarem misit rogaturos pacem. Et hæc deinde Crepiaci* die decimâ octavâ Septembris feliciter conclusa est pluribus articulis, quorum præcipui fuere: *ut Rex et Cæsar sibi invicem adjumento sint in negotio Religionis. Rex contra Turcas in bellum conferat decem millia peditum et sexcentos equites cataphractos: Carolo Sabaudia Duci restituat omnes urbes et oppida, ante octennium* ablata: juri omni in Insubriam et Regna Sicilia ac Neapolis in perpetuum renuntiet. Vicissim verò Cæsar Carolo Aurelianensi, Francisci Regis filio secundò genito, intrâ annum despondeat, vel suâmet filiam cum dote omnium provinciarum totius Belgii, vel certè unam è filiabus Ferdinandi fratris sui cum dote Principatus Mediolanensis, beneficiario nomine conferendi.* Sed hæc ultima conditio, in qua præ ceteris maxima difficultas hæsit, non multò post ordine factorum ac Deo mirabiliter sic disponente concidit: quando Carolus *Aurelianensis, viginti duorum annorum juvenis, ineunte Septembri sequentis anni præmaturâ morte extinctus obiit.

Magnam ea pax lætitiâ peperit Paulo III. summo Pontifici. Sed & illud rursum singulari tristitiâ eundem affegit, quòd Hermannus Archiepiscopus Colonienfis, Ecclesiæ nostræ Administrator, unà cum Francisco, Monasteriensi, Osnabrugensi, & Mindensi Episcopo, Lutheranis novationibus, ante annum inchoatis, adhuc perditè adhærerent, non sinè maximo omnium Episcopatum Westphalicorum periculo. Uterque enim hoc anno in Spirensibus comitiis apertissimè declaravit, se Protestantium *partibus accedere: auctòrque est Seckendorffius, Franciscum* Monasteriensem finitis comitiis ad Landgravium recurrisse, & cum eo reformandæ Dioecesis suæ consilia solerter contulisse. Ità bonus ille Princeps, Hassiaco Evangelio captus, nondum concoquere poterat repullam, superiore anno acceptam in comitiis Monasteriensibus: pergebatque reformationem à se intentam perurgere, suaden-

**Helvicus in theatr. hist. univ. *Seckend. apud Haraeus in hist. Hassi Exercit. 12 thesi 90.*

suadentibus id potissimum *Joanne Sibergio, Sacellano ipsius au-
lico, qui Ecclesiastici Breviarii usum haud pridem ipsi exemerat;
& Friderico Twistio, Nobili Waldeckiano, quem vulgò *parvum*
*Episcopum** appellabant, quòd non solùm aulæ Episcopalis Magi-
ster seu Præfectus esset, verùm etiam omnes alios Episcopi Mini-
stros aut consiliarios potentiâ & auctoritate antecelleret.

Franciscus
Episcopus
Monaster.
& Olnabr.
perseverat
in hæresi
Lutherana.
*Chran.

Paulò tamen moderatiùs in hoc negotio processit Franciscus
Monasteriensis cum suis subditis, quàm Hermannus Colonien-
sis Præsul cum suis. Ille enim pejora veritus, abstinebat hætenus
ab omni vi: hic verò, magis imperiosus quàm prudens, non cessa-
bat Sacerdotes Catholicos è parochiis ejicere, desertores monachos
iisdem subintrudere, Ecclesias Lutheranis præconibus commen-
dare, Bucerianæ reformationis librum ubivis introducere, Ca-
nonicorum sibi adversantium bona ad se pertrahere, ac demum
sub gravi poena omnibus interdiceret, ne quis aliquid contra Præ-
cones à se institutos attentaret. Irritatus hac injuriâ Clerus, mo-
net rursus Archiepiscopum, ut hujusmodi novationes pro more
majorum suorum differat usque ad cognitionem concilii œcume-
nici: paritèrque recordetur, quid ei mandaverit Cæsar anno su-
periore? quàm instanter urserit volueritque, Bucerum & alios ejus-
dem farinae socios ab ipsius aula dimoveri? Id, si detrectet facere;
necessarium sibi fore, ut ad Cæsarem appellent, ejusque brachium
armatum expetant. Respondit iterum Archiepiscopus, *se nihil*
facere, quàm quod sui sit officii; ideòque etiam sperare, quòd Clerus Co-
loniensis ab isto appellationis et accusationis proposito sit discessurus. Id si
nolit; nihilo timidiùs perreclurum se in rebus jam inceptis, ac visurum,
quid in hoc negotio Cæsar valeat. Per quæ verba satis indicabat, in
quo confideret: nimirum in auxilio Principum Protestantium qui
novationem hanc tueri velint, & conjunctis animis propugnare.
Tum verò indignati summæ ædis Canonici convocabant omnes
totius Diocesis Ordines: atque, uti jam antè à Monasteriensibus
factitatum esse intellexerant, sèmet invicem hortabantur ad perse-
verandum fortiter in ea Religione, quam à B. Apostolis, eorùmque
discipulo S. Materno traditam, Colonien-
sis Ecclesia usque in hæc
tempora conservasset. Principi autem suo rescribi curant, se jam
ad Cæsarem ac supremum Pontificem appellasse; ideòque iterum
atque iterum obsecrare, ut, cùm amborum istorum potestati sub-
jectus esse debeat, eorundem sententiam priùs exspectet, quàm
in incepto pergat. Quid autem hæc appellatio apud hominem
Bucerianis ineptiis fascinatam effecerit, sequenti anno uberius o-
stendetur.

Mon. ms.
*Kerffenbr.
in hist. A-
nabapt.
Similiter &
Hermannus
Archiepisc.
Colon. re-
formationē
à se incep-
tam, pro-
tervè con-
tinuat.
Surius in
comment.
rer. gest.
Rovaus
Pont. l. 4.

Clerus Co-
loniensis,
omnesque
Status Dio-
cesani, ea
de re ad Cæ-
sarem ap-
pellant.
Auctores
iisdem.
Kleinsorg.
in hist. ms.

Pader-

Bernardus
Comes de
Lippia in
Diœcesi
Paderb.
invadit pa-
gū Entorp,
& rucolas
indē abdu-
cit:
Hermannus
Abbas Ma-
rien-mün-
sterensis in
diario.

Paderbornensis Diœcesis nostra, cui idem Archiepiscopus cum titulo Administratoris præerat, videtur hætenus à prædictis impetitionibus mansisse libera. Nam hucusque Clerus Colonienſis tantum ei faceſſebat negotii, ut reformationem Ecclesiæ noſtræ in curis poſtremis poneret. Non deſuere tamen adverſitates aliæ, tum ab ipſo Deo per tempeſtates ac tonitrua; tum à vicino Comite Lippienſi, Lutheranis erroribus jam addicto, per vim & injuriam irrogatæ. Quærebat ille novum aliquod jus in pagum Entorpienſem, Paderbornenſi Episcopo hucusque ſubditum, ſitumq; haud procul ab oppido Niehemenſi. Cùm autem villici Entorpienſes prædicto Comiti ſervitutem omnem ac jurisdictionem abnuiffent; nocte, inter diem vicesimam ſeptimam & octavam Aprilis, mediâ, Lippienſes armatâ manu in pagum iſtum prorupere, villicosque omnes, quos invenire poterant, è ſomno lectulisque ſuis abripere partim in arcem Oldenburgicam, partim in oppidum Blombergenſe, partim etiam Dethmoldiam, Comitſ antè dicti ſedem. At brevi ruſſum ſua cornua depoſuerunt iniqui aggreſſores. Nam octiduo poſt, cùm Paderbornenſis Diœceſis Proceres de tali violentia conquieſti, & Lippienſibus adverſa omnia vel à ſe, vel à Cæſare comminati eſſent; iidem cum rubore & confuſione maxima captivos omnes diē quartâ Maji reſtituere, atque in pagum Entorpienſem reducere coacti ſunt. Ità nos docet Henricus Abbas Marien-Münſterenſis, in diario ſuo rem iſtam his verbis referens: *2dâ die poſt Marci Evangeliftæ, vicesimâ ſeptimâ Aprilis, de nocte Lippienſes armati violenter venerunt in villam noſtram Entorp, et villanos ibidem captivos abduxerunt, aliquos ad caſtrum Oldenburg, aliquos in Blomberg, et aliquos in Detmold. Sed alterâ die Inventionis S. Crucis, 4tâ Maji, Lippienſes cum rubore et confuſione, propter ſcripta et comminationes Paderbornenſium, coacti dimiſerunt villanos Entorpienſes, quos violenter nocturno tempore captivarant propter jura et ſervitia monaſterii noſtri: et nolebant ſubdi Lippienſibus; ſed Eccleſiæ Paderbornenſi.*

Annus Chriſti 1545.

PAULI III. Pontificis 11. & 12.

CAROLI V. Imperatoris 26. & 27.

HERMANNI Adminiſtr. Pad. 13. & 14.

Cæſar cum indignatione videt, in comitiis Wormatiensib' vix adeſſe unū

IAm eò tandem veniebat fortuna Cæſaris in Germania, ut nullam ampliùs obedientiam, ac multò minùs concordiam Religionis, à Principibus Proteſtantium exſpectare poſſet, niſi qualibet in re iniquiſſimis eorum poſtulatis cum Eccleſiæ Chriſtianæ damno conſentiret. Indixerat Cæſar in urbe Wormatienſi nova

nova Principum comitia: in quibus*agendum erat de bello Tur- alterumve
 cico, de constituenda Religionis concordia, de convocando, è Principi-
 bus,
 quàm primùm id fieri posset, concilio oecumenico. Venerat eò *Chytræus
 Ferdinandus Romanorum Rex* præterito mense Decembri: Cæ- lib. Saxon.
 sar autem ob affectam valetudinem haud paulò tardiùs. Ex aliis Spond. hic
 verò septemviris, præter Fridericum Palatinum nemo comparuit, n. 4.
 nisi tantùm per suos Legatos, eosque (ut Chytræus asserit) ple- *Cochlæ in
 nariis* mandatis minimè instructos. Acerbè habebat Cæsarem ea actis Luth.
 septemvirorum suorum paucitas: præsertim cùm & ceteri Prin- Surius in
 cipes, tam seculares, quàm Ecclesiastici, præsentiam suam subtra- comment.
 xissent; nec ferè alii jam adessent, quàm Otto Cardinalis & Epi- *Chytræus
 scopus* Augustanus, Wolffgangus Administrator Ordinis Teu- loc. cit.
 tonici, Melchior Episcopus Herbipolensis, & Valentinus Episco- *vide Re-
 pus Hildesienfis. Auxit etiam hanc ejus indignationem Luthe- cessu Wor-
 ranorum Principum obstinatio & importunitas. Saxo enim & mat. de hoc
 Landgravius publicè declarabant per suos Oratores, nihil à se con- anno.
 tributum iri pro bello *Turcico; nisi omnes Lutherani per com- Lutherani
 mune edictum Cæsaris eximerentur à subjectione judicii Camera- detestant
 lis, & ab obedientia præstanda concilio Tridentino, à se suisque auxilia
 nunquam acceptando. Quæ omnia, cùm aliò non spectarent, contra Tur-
 quàm ut Cæsari leges præscriberent, & in posterum in suis ausi- cas, nisi
 bus nulli Domino subjacerent; Cæsar tandem ad acriora consilia eximantur
 se convertere, & ensē adversus eos distingere coactus est. à concilio
 Primùm igitur, ne interea sinistri aliquid à Turcis formidari posset, & Camere
 Constantinopolim ex comitiis misit Gerardum* Veltwichium; judicio.
 ejusdémque, & Regis Galliarum operâ, cum Solimanno armorum *Chytræus
 inducias pepigit. Deinde clanculum percontatus est ex Pontifice lib. Saxon.
 quænam auxilia præstolari ab ipso posset, si bellum*Protestantibus Cæsar me-
 inferendum esset? Postremò etiam, ut Lutheranis palàm faceret, ditatur bel-
 se ad gladium converti nolle, nisi ipsorum protervitas eundem è lum contra
 vagina protraheret; nova iterum comitia indixit Ratisbonæ Protestan-
 in Januarii sequentis anni: jussitque, ut omnes Imperii Principes tes:
 in iis comparerent; &, quæ ad reducendam Religionis concor- *Spond. hic
 diam facerent, syncerè consultarent, aut per Theologos ab utraque n. 6.
 parte constitutos expediri sinerent. Decretum hac de re conscri- *Pallav. in
 ptum est Wormatiæ die quartâ Augusti: in eoque Cæsar nullam hist. conc.
 ampliùs mentionem fecit de concilio nationali, neque de indul- Trid. l. 5.
 genda *Lutheranis pace, neque de iisdem eximendis à potestate prius tamen
 & jurisdictione concilii Tridentini, quod hucusque recusaverant. indicit no-
 Jam enim Catholici Principes, agente Caudio Jajo* Societatis JE- va comitia,
 su presbytero, in iisdem comitiis urserant; his & aliis Lutherana sequenti
 norum postulatis nihil ampliùs deferendum, vel immoderatæ eo- anno tele-
 rum cupidini permittendum esse. branda Ra-
 In- tishonæ.
 Spond. hic
 n. 4.
 Cochleæ in
 actis Luth.
 *Pallav. l.
 5. c. 15. n. 1.
 *Hansiz.
 to 2. germ.
 sacre de
 Archiep.
 Salisb.

Hermannus Colonien-
sis obstina-
tè perseve-
rat in suis
novationi-
bus Luthe-
ranis.
*Hamelm.
in hist. Ev.
Paderb.
pag. 1333.
*Surius in
comment.
Spond. hic
n. 7. & alii.

Interea Hermannus Archiepiscopus Colonien-
sis documentis ebrius, ardentè insistebat novationi à se inceptæ: au-
ctorque est Hamelmannus, ejusdem jussu docuisse Campis Alber-
tum Hardenbergium, Andernaci Joannem Prætorium, Lintzii*
Joannem Meinertzhagium, Franciscani Ordinis desertorem, &
aliis in locis alios. Contrà verò Clerus & Academia Colonien-
sis non minùs acriter insistebat appellationi, ante annum factæ ad Ca-
rolum Imperatorem. Et hic, ut ejusmodi turbamenti repagu-
lum poneret, primùm literis, mensè Junio è Wormatiensi con-
gressu datis, Clerum & Academiam Coloniensem in suam *tute-
lam suscipit; severè simul & sub poena Cæsareæ proscriptionis im-
perans, ne quis eos in Religione Catholica, & omnium bonorum,
jurium, ac immunitatum suarum possessione, vel minimùm per-
turbaret. Deinde præcepit Archiepiscopo, ut intrà diem tricesi-
mum Wormatiæ compareret, de accusationibus contra se addu-
ctis responsurus, interimque nihil ampliùs innovaret, & ea, quæ
jam antè novata fuerant, in antiquum statum restitueret. Demum
etiam ad eundem ampliùs percellendum imploravit*opem summi
Pontificis: à quo pariter citatus, & intrà diem sexagesimum, sive
per se, sive per Procuratorem suum, in tribunali Pontificio cau-
sam dicere jussus est. At ille foederatorum Schmalkaldiensium pa-
trocinio fretus, post hujusmodi minas ac terrores non modò non
resipuit; verùm etiam antè acti criminis magnitudinem novo ite-
rum piaculo cumulationem fecit. Nam & hoc anno Dioecesi no-
stræ Paderbornensi, cui hætenus adversi nihil in Religionis nego-
tio intentatum fuerat, Lutheranismus virus rursus infundere cona-
tus est; novo mandato edito, quo omnes urbes & oppida jubeban-
tur veteres Ecclesiæ ritus abolere, & novos alios ad Augustanæ
confessionis formam recipere. Verùm & hîc in eundem lapidem
incurrit, ad quem offenderat in urbe Agrippina. Cathedrales
enim Canonici, Monasteriensium & Colonien-
sium exemplo pro-
vocati, factâ reliquorum Ordinum conspiratione, sacrilegum il-
lud mandatum generosis animis abjecere; prudenter obmoven-
tes: id sibi non esse integrum: obstarè non solum edicta Cæsaris; sed etiam
urbis Paderbornensis pacta, cum Erico*Episcopo inita, ab ipsomet Her-
manno in primo sui regiminis aditu*confirmata, et à civibus eorùmque
posteris ex juramento præstito observanda. Si quid aliud imperaret, quod
sibi licitum, et suarum conscientiarum integritati contrarium non sit, se
libenter ei morigeros et obsequentes fore. Id quod etiam hoc anno o-
stenderunt in comitiis provincialibus, die vicesimâ 2dâ Octobris
Paderbornæ extra urbem, *prope sacellum Romanum habitis. Cùm
enim in his pro*defensione suâ auxilium aliquod pecuniarium,
nescio

*Pallav. in
hist. conc.
Trid. l. 5.
Conatur e-
tiam Luthe-
ranam do-
ctrinam in-
fundere ur-
bi ac Dioe-
cesi Pader-
bornensi;
sed impedi-
tur ibidem
à statibus
Patriæ,
Kleinsorg.
in hist. ms.
Erben. in
chron. Hu-
xar. ad
ann. 1535.
ms. vetera
Paderbor.
*aò 1528.
*vide di-
cta ad ann.
1532.

*an der Ca-
pellen/ Ro-
me genand.
*eine defen-
sive Dülff

nescio, quam ob causam, posceret; continuo addixerunt ei sex millia dalerorum Imperialium, in proximo festo Purificationis B. MARLÆ persolvenda, uti constat ex ipsius apocha, in archivo Cathedralis Ecclesiæ hætenus custodita.

Eodem ferè tempore Henricus Brunsvicensis magno animo, sed minori felicitate, conatus est recuperare Ducatum suum, quo ante annos tres bello Schmalkaldico exutus erat à Philippo Landgravio & Joanne Friderico Saxoniae septemviro. Acceperat ille à Francisco Galliarum Rege magnam pecuniæ vim; sed alios in usum traditam: eaque parvum conscripserat exercitum, circiter octies mille peditum ac mille quingentorum equitum. Cum his è Verdensi Episcopatu, qui Christophoro ejus fratri tunc parebat, per Autumnum hujus anni processit in Ducatum suum Brunsvicensem; receptaque non modicâ illius parte, appropinquabat Wolfenbutto, ubi aliàs primaria sedes & aula ipsius fuerat. Simul etiam ex altera parte Otto * Comes Ritbergensis, Alhardus ab Hörde, Matthias Schelle, & alii Westphalicæ Nobilitatis viri, cum alio agmine circiter mille equitum ac ter mille peditum, in auxilium Ducis adventabant; & conjunctis cum eo viribus, incipiebant Wolffenbutum feroci obsidio premere. Interea verò, dum urbs illa adversus omnes Henrici impetus fortissimè se defenderet, Philippus Hassiæ Landgravius celeritate maximâ Northeimium venit; contractisque ibidem tum suis, tum aliorum fœderatorum copiis, brevi tempore coëgit exercitum virorum, circiter viginti quinque millium, unâ cum tormentis bellicis quadraginta & amplius. Quo audito, Brunsvicensis Wolffenbutanam obsidionem continuo solvit; rectaque progressus in Landgravium, castra sua non procul à castris ipsius posuit, ut ibidem videret, an hostilibus copiis ex opportuno loco stragem aliquam inferre posset. At planè aliter evenit res. Cum enim per dies aliquot levioribus hinc indè pugnis inter se invicem digladiati essent, ab ingenti adversariorum suorum numero ac multitudine tandem Henricus Dux in eas angustias detrusus est, ut sinè graviore prælio fortunam præsentis belli desperare, seseque unâ cum filio suo *Carolo Victore* in potestatem Landgravii tradere coactus fuerit.

Dies infaustæ hujus deditionis fuit vicesima prima* Octobris, ac postridie statim ambo Duces captivi ab Hermanno Malsburgio Castellæ deducti sunt: ubi filius postmodum in custodia retentus; pater autem à filio separatus, ac deinde Ziegenhainam avectus est. Cum in urbem Cassellensem advenissent, universa plebs cum aula Principis effudit se in ingentem plausum: solus autem Wilhelmus Landgravii filius, Cassellis in adventu ducū

M m

pro-

Henricus,
Dux Brunsvicensis Catholicus, tentat recuperare suum Ducatum.

Spond. hinc p. 10.

Spangenberg. chron.

Mansfeld. Cbytrans l. 16 Saxoniæ.

* Chron.

Trem. mss.

Spangenberg. ibid.

Sed ab Hassio & aliis fœderatis cogitur, se unâ cum filio suo in captivitatem tradere.

Auctores iidem.

* Henricus

Abbas Marienmünsterensis in diario.

Wilhelmus Landgravii filius, Cassellis in adventu ducū

captivorum
amarè flet,
& patri suo
similem
fortunam
prælagit.

*Dilich. in
chron.*

*Hassie.
Landgravi
partâ victos
riâ occupat
Bückebur-
gum & Rit-
bergam.*

*Spangenberg.
chron.*

*Mansfeld.
Dilich. in
chron.*

*Hassie.
Ritbergâ
venit Pa-
derbornâ,
& indè Cas-
sellas rediit
Henricus
Abbas Ma-
rienmünst.
in diario.*

Lichtenoa
oppidum
in Diœcesi
Paderbor-
nenſi, func-
ſto incen-
dio conſla-
grat.

*Manuſcri-
ptum vet.
Concilium
Tridentinũ
hoc anno
inchoatur,
die 13. De-
cembris.*

*Acta con-
cilii Trid.
* Pallav. in
hiſt. conc.
Trid.
* Serar. l. 5.
rer. Mog.*

profusè flevit. Rogatus autem, cur ità gerneret? respondit ani-
mo plùs quàm puerili; sibi in aspectu istorum Principum captivo-
rum venisse in mentem illud Solonis ad Regem Cræsum: *nihil in
orbetam felix esse, quod vicissitudini temporum non subjaceret.* Per quæ
verba, teste Dilichio, videtur prælagiſſe fortunam sui patris, qui
biennio pòſt à Carolo Imperatore in similem captivitatem abdu-
ctus est, Henrico Duce & filio ejus in pristinam libertatem & bo-
norum suorum possessionem restitutis. Aberat Landgravius, dum
iſta Caſtellis fierent. Partâ enim victoriâ, protinus convertit se
contra Joannem Comitem de Schawenburg, & Ottonem Comi-
tem Ritbergenſem: quorum ille Henrico Duci auxilia miſerat; hic
yerò etiam belli ſtipendia commeruerat. Priori ex his duobus
arcem Bückeburgicam; posteriori autem Ritbergenſe caſtrum eri-
puit, illudque in ſuam & Comitis Lippienſis fidem jurare com-
pult.

His peractis, die 11. Novembris in die S. Martini Episcopi,
Ritbergâ Paderbornam venit: ubi poſtquam in Abdinghoffenſi
monasterio pernoctâſſet, altero mane Warburgum, & indè Caſ-
ſellas abiit. Miles autem, quem in hoc itinere trahebat ſecum,
in diverſis hinc indè locis per Diœceſin noſtram diſtributus eſt; non
ſinè magno ruſticanorum hominum & monaſteriorum quàm plu-
rium damno, uti in militaribus ejuſmodi proſectionibus evenire
plerumque ſolet. Quanquam inter hæc incommoda longè am-
pliùs dolendum fuerit, quòd oppidum Lichtenoënſe, in eadem via
Caſſellana ſitum, eo tempore nullam tranſituro militi manſionem
præbere valuerit à recenti incendio; de quo in veteribus manu-
ſcriptis hoc modo legitur: *Anno 1545, die viceſimâ nonâ Maji, op-
pidum Lechtenowe, exceptâ arce Episcopali, per incendium ità penitus
conſlagravit, ut ne quidem tuguriolum à voraci flamma ſuperſtes manſe-
rit.* Simile infortunium, & quidem hoc eodem die, urbecula hæc
rurſus experta eſt poſt annos centum & quadraginta ſeptem, ut
in iſdem chartis annotatur & adjungitur hiſce verbis: *eodem die
Maji, anno 1692, Lichtenoa rurſus, exceptâ Eccleſiâ et quibusdam do-
mibus, totaliter conſlagravit.*

Lætior hic annus fuit à felici tandem exordio concilii Triden-
tini, quod Idibus Decembris in feſto S. Luciae Virginis, & ſequenti
anno quatuor ſeſſionibus continuatum eſt. Sæpius id antè jam
indictum erat, & toties etiam per bella & eventus alios retarda-
tum. Imò & eodem hoc anno timor novus nec parvus erat, ne
id iterum ſufflaminaretur ex illapſa morte Alberti * Cardinalis &
Archiepiscopi Moguntini, die viceſimâ quartâ * Septembris huic
mundo ſubtracti. Nam in ejus locum Philippus Haſſiae Landgra-
vius

vius cupiebat eligi Wilhelmum filium, quatuordecim vix annorum juvenem; eoque fine jam pertentaverat animos* quorundam Canonorum, misso ad eos Alexandro Thannio Darmstadiensi Præfecto. Sed hoc periculum adjuvante Deo feliciter depulsum est; ideoque & initia concilii, ex omnium Catholicorum voto, progressum optatum habuerunt. Præfuerat autem Albertus Moguntinæ Dioecesi in annum tricesimum secundum, & erat germanus frater Joachimi I. Electoris Brandenburgici, decennio prius è vivis evocati. Catholicæ Religionis propugnandæ studium, etsi quandoque timidè, semper tamen usque ad* extremos halitus constantissimè tenuit; ità ut Lutherus ipsèmet, eum frustra pervertere nisus, non sinè indignatione dixerit: *Rectè institutus est Romæ* Albertus, ideoque Lutheranam doctrinam nostram flocci facit.* Cùm videret, plerosque Germaniæ Principes in Lutheri doctrinam certatim ruere, solebat dicere: *multa temporibus* commendanda sunt: confido futurum, ut Catholica rursus Religio ac pietas in Germania vigeat.* Sepultus est Moguntinæ in æde primaria ad basin summi altaris, ubi minimùm ter* sepulchrali ejus lapidi incisæ sunt hæ voces: *allehernach*: quasi diceret: *ego jam ivi præ; vos autem sequimini.* Thronum ejus Archiepiscopalem recepit Sebastianus ab Heusenstamm, è Cathedralis Ecclesiæ Scholastico ad eam dignitatem subvectus die vicesimâ Octobris; de cujus laudibus id unum dicere hoc loco satis est, fuisse virum talem, qui extincti Principis desiderium eruditione ac pietate suâ compensârit.

*Seckend. & aliis, ap. Hartm. in hist. Hass. Exerc. 12. thesi 98. Albertus Cardinalis & Archiep. Moguntin' moritur, & laudatur. *Pallav. loc. cit. *Serar. l. 5. rer. Mogunt. pag. 893. *Serar. ib. *Serar. l. 5. rer. Mog. c. 31. p. 108. In ejus locum eligitur Sebastianus ab Heusenstamm. Serar. l. 5. rer. Mog.

Annus Christi 1546.

PAULI III. Pontificis 12. & 13.
CAROLI V. Imperatoris 27. & 28.
HERMANNI Administr. Pad. 14. & 15.



Novis Evangelicis magnum hoc anno sidus extinctum est, morte sui Doctoris Martini Lutheri: si tamen sidus appellari potuit, qui, dum orbi lucem inferre voluit, innumeros homines in æternas tenebras deturbavit. Evocaverant eum Comites Mansfeldienses in urbem Islebiam, ut hîc in terra natali suam operam conferret ad pacificandas, quas inter se habebant, gravissimas controversias. Digressus ergo Wittenbergâ, venit istuc die 28 Januarii; intrâque tres hebdomadas, quæ ibidem perstitit, varias* ad plebem conciones habuit, plenas vanâ gloriâ & conviciis ejectis in Pontificem: ità ut meritò crederes, eundem velut viperam brevi morituram extre-

Martinus Lutherus hoc anno moritur, die 18. Februarii. Cochle' in actis Luth. Spangenberg. in chron. Mansfeld. *Epist. 1. de Lutheri morte ap. Cochlanm.

**epist. 1.*
(supra dicta)

**Pallav. in*
hist. conc.
Trid. l. 6.
Protestan-
tes de rebus
à se agendis
consultant
francofurti
Fridericus
Electoꝝ Pa-
latinus à Fi-
de Catholi-
ca deficit.
Surius in
comment.
rer. gest.
Helvic. in
theatr. hist.
univers.
Pallav. in
hist. conc.
Trid. l. 6.
Colloquiū
Ratisbo-
nense inter
Doctores
Catholicos
& Luther-
anos.
Cochlæ⁹ in
actis Luth.
Surius in
comment.
Pallav. in
hist. cit. l. 6
c. 9. n. 5.

num virus ibidem evomuisse. In harum concionum una superbissimè dicebat de se ipso : *dedit mihi Deus intellectum scripturarum, ut eas rectè interpretari sciam; non autem Papa cum suis Cardinalibus et Episcopis. Ego unam quintulam intellectus mei non darem pro centum centenariis intellectus illorum.* Sed brevi Deus obturavit ac silere fecit arrogantissimum illud os. Cùm enim haud multò post, nimirum die decimâ septimâ Februarii, bene potus & coenatus ad lectum se recepisset; repentino morbo suffocatus, infelicem animam exhalavit circiter tertiam horam post medium noctis, inchoatâ jam die decimâ octavâ Februarii. Neque tamen hîc finem habuere turbæ, ab eodem adhuc vivo concitatae. Jam enim Principes Protestantes novâ vitæ licentiâ & bonorum Ecclesiasticorum rapinis* eum in modum inescati erant, ut, etiamsi Lutherus moriens ad Religionem Catholicam se recepisset, ipsi nihilo segnius in accepta hæresi fuissent perstituri. Denotabant id satis creberima ipsorum conventicula, ac præcipuè conventus ille, qui ab iis ineunte hoc anno Francofurti habitus; nec alio fine, quàm ad promovendam tuendamque hæresim, institutus fuit. Ibi enim ab iis actum de instaurando foedere Schmalkaldico, de adsciscendo in hoc foedus Friderico Electore Palatino (qui hoc anno ad Lutheranismum transire coeperat) de tuenda juvandâque apostasia Hermannî Colonienfis Archiepiscopi, de rejiciendis Tridentini concilii decretis, de parandis in Cæsarem armis socialibus, nisi Cameram Imperialem è Protestantium arbitrio formet, & eorum cui libet plenissimam conscientiarum suarum libertatem indulgeat. Cæsar, tametsi hæc eorum consilia jam satis pervideret; tamen, ut ostenderet, nihil à se omitti, quo amica pax & antiqua Religionis unitas revocari valeat, novum Ratisbonæ colloquium à Theologis utriusque partis haberi jussit, præsidentibus Mauritio Hutteno Episcopo Aichstadiensi, & Friderico Comite Fürstenbergio. E Catholicis disputatores constituti erant Petrus Malvenda Dominicanus, Everhardus Billichius Carmelita, Joannes Hoffmeisterus Augustinianus, & Joannes Cochlæus Doctor: è Lutheranis verò Martinus Bucerus, Joannes Brentius, Erardus Schneppius, & Georgius Major, substitutus Melanchthoni, qui colloquium istud subterfugerat. Initium congressui datum est sexto Calendas Februarii, multæque hebdomades eidem insumptæ sunt sinè omni fructu & spe concordiae. Catholici enim ad omnes materias paratissimi, accuratè se continebant intrâ limites à Cæsare præscriptos. Lutherani autem, extra oleam saltare soliti, nunc has nunc illas extravagandi vel secedendi vias inquirebant; ac tandem appetente die vicesimâ Martii clanculum se subduxerunt ex arena, fugisse potius, quàm abiisse visi. In-

Interea Cæsar è Belgio properabat Ratisbonam ad comitia su-
prà dicto colloquio subjungenda. Priùs verò, quàm eò loci per-
venisset, accesserunt ad eum Spiræ, Fridericus Palatinus, & Philip-
pus Landgravius. Ille, ut recenti apostasiæ ac defectioni suæ co-
lorem aliquem obduceret : hic verò, ut Ratisbonensis colloqui
cessationem, Cæsare invito factam, excusaret ; & (quod intole-
rabilius erat) Hermannii Colonienfis novationes permitti ac tolera-
ri peteret. Audax petitio ! atque ejusmodi, quâ veterem veramq;
Religionem Catholicam ex omni ferè Germania proscribi deposce-
bat. Saxoniam penè universam jam obtinebant Lutherani, Hen-
ricum Brunsvicensem probè Catholicum tenebant in vinculis, Fri-
dericum Palatinum adhuc noviter in suos errores traxerant, Her-
mannum Coloniensem ac Paderbornensem in inceptis novationi-
bus confirmari expetebant, Franciscum Monasteriensem & Of-
nabrugensem iisdem vestigiis inhæsurum intellexerant, Mogunti-
niac Treverici Electoris consensum elicere modis omnibus conten-
debant. Quid ergo supererat Landgravio, quàm ut simul pete-
ret, Catholicæ Religionis jugulo cultrum ultimum ac perempto-
rium infigi ? Quare paucis respondit Cæsar Landgravio : *Ea, quæ*
Colonienfis attentasset, nullo Canonum sacrorum jure, nullo Cæsaris vel
Imperii indulto facilitata esse. Et quid ? addebat, quid in rebus Ecclesiasti-
cis novare vel immutare vult iste Hermannus, cum ne quidem latinas **li-*
teras rectè intelligat ; et semper in officiis divinis tam socors et deses fuerit,
ut, quàm diu in gradu sacerdotali constitit, non nisi tres Missas legerit,
quarum duas peragere debuit me præsentem ? Per quæ verba Landgravi-
us, qui & ipse latinas literas non didicerat, sat apertè punctus ac
sugillatus obticuit : Cæsar autem, dimisso Palatino & Landgra-
vio, Ratisbonam perrexit ad aperienda comitia, pridem indicta.
Venit illuc die decimâ Aprilis ; & (quod ingentium dolore vidit)
vix unum alterumve è Principibus conscriptis reperit, qui in tan-
tis Imperii negotiis se ipse præsentem stiterit. Iterum ergo
novo mandato, die 22dâ Aprilis edito, jubet omnes adesse in
persona propria. Cùmque iterum emanerent Lutherani, stude-
rèntque magis in privatis conventiculis rem suam agere, quàm in
comitiis publicis pro Imperii totius bono collaborare ; tandem Im-
perator, Lutheranorum ferociam quotidianis incrementis augeri
videns, coepit arma circumspicere, & in refractarios bellum ador-
nare, tracto etiam in societatem Catholici foederis Paulo III. Sum-
mo Pontifice. Neque id eis occulere vel celare voluit Augustissi-
mus Princeps. Cùm enim haud multò post* à Protestantium Le-
gatis rogaretur, quid sibi vellent isti apparatus belli ac delectus mi-
litum, quos in Italia & aliis in locis fieri comperissent ? intrepidè
*respon-

Philippus
Hassæ
Landgravius
rogat Cæ-
sarem, ne se
opponat
novationis
bus Her-
manni Ar-
chiepiscopi
Colon.

Hortens. l.
1. de bello
German.

Surius in
comment.

Hartm. in
hist. Hass.
exerc. 13.
thesi 102.

Cæsar hanc
petitionem
rotundè re-
jicit.

Hortens.
loco cit.

**Serap. l. s.*
rer. Mog.
sub Seba-
stiano Ar-
chiep.

Abit Ratis-
bonam ad
comitia : in
quibus vi-
dens Luth-
eranos com-
parere non
velle, decer-
nit bellum
in refracta-
rios.

**Cochla* in*
actis Luth.
ad hunc
annum.

**die 10.*
Junii.

**Chytraus* respondite eis : *Germania pacem ac tranquillitatem sibi cordi esse, hanc*
L16. Saxon. *qui vellent, sibi maxime caros et amicos fore; qui verò nollent, et mo-*
Hareus in *nasteriorum ac Præsulum bona iniquè detinere pergerent, bello et armis ad*
ann. Brab. *obsequium compelli oportere.*

Surius ad
hunc ann.

Legati Prin-
cipum Lu-
theran. di-
scedunt è
comitiis:

Catholici

Principes a-

pud Cæsare

urgent pro-

gressum

concilii

Tridentini,

**Serar l. 5.*

rer. Mog.

**Surius ad*

hunc ann.

**Hansfz. in*

hist. Ar-

chiep. sal.

**Serar.*

loc. cit. sub

Archiep.

Sebastiano.

**Serar ib.*

Spond. hic

n. 16.

Hansfz. ib.

pag. 614.

Protestan-

tes cum in-

genti exer-

citu adori-

untur bellū

cum Cæsare

Spangenh.

in chron.

Mansf.

Hareus in

ann. brab.

Surius,

Spondan.

Chytraus

& alii.

Cæsar exer-

citum suū

colligit

Landishuti.

**Chytraus*

L16 Saxon.

His auditis Legati Protestantium post dies paucos non saluta-
 to Cæsare è comitiis discessere; atque ita rerum agendarum con-
 sultatio devoluta est ad solos Principes Catholicos & eorum Le-
 gatos, qui jam antea secessionem à Lutheranis * fecerant. Hos
 inter è seculari statu præcipui ac potentissimi erant Albertus Bava-
 rus & Wilhelmus Clivius: quos, ut arctiori vinculo sibi Cæsar ad-
 stringeret, in iisdem comitiis affinitate * proximâ sibi conjunxit;
 Alberto Annam, & Wilhelmo Mariam, Ferdinandi fratris Regisq;
 Romanorum filias in matrimonium tradens. Similiter & è statu
 Ecclesiastico ibidem erant Ernestus Archiepiscopus * Salisburgen-
 sis, Otto Cardinalis & Episcopus Augustanus, Christophorus
 Cardinalis & Episcopus Tridentinus, Wolfgangus Episcopus Pas-
 savienfis, Wigandus Bambergensis, Melchior Herbipolensis, &
 Valentinus Hildesienfis, unâ cum Legatis * Moguntinis, Treviri-
 cis, & quorundam aliorum Præsulum, quos vel morbus, vel alio-
 rum negotiorum gravitas, à comitiis accessu impediverat.
 Hi, cum in eo conventu præsentem Germaniæ statum & antiquæ
 Religionis mutationem expenderent, non solum Tridentinæ sy-
 nodus exordia comprobârunt; sed etiam Imperatorem * instantis-
 simè hortati sunt, ut ulteriorem illius progressum generosè tuere-
 tur, nec unquam sineret, Protestantes à rebus in ea statutis ac de-
 finitis eximi.

Soluta conventu, qui die 22 Julii finem habuit, Germania su-
 perior ferè tota adversus Cæsarem in armis constitit; primæque
 ante alios in bellum ierant Ulmensium, Augustanorum, Nôrtlin-
 gensium, & Ulrici Ducis Würtenbergensis copiar, Ductore Seba-
 stiano Schertelio. Has deinde Landgravius & Saxo propediem
 consecuti sunt, magnisque itineribus Donawerdam properabant
 cum octoginta millibus peditum, decem millibus equitum, & cen-
 tum ac triginta tormentis bellicis. Cæsar, cui nondum eo tem-
 pore miles omnis ad manum erat, eorum adventu cognito, paulu-
 lum reflexit copias * Landishutum: ubi intrâ dies paucos ad eas ac-
 cesserunt è terris Pontificiis duodecim millia peditum cum equiti-
 bus quingentis, è Regno Neapolitano & Insabria octo millia pe-
 ditum Hispanorum cum equitibus non paucis, à Duce Florentino
 ducenti equites, & à Duce Ferrariensi centum. Subinde Saxo
 &

& Landgravius, copiarum suarum ubertate & affluxu tumidi, mittebant in castra ejus æneatorem cum adolescente, qui bellum ei denuntiaret per epistolam ad amentum hastæ alligatam. At ille jam nihil metuens, responsi loco remisit illis Imperatoriæ proseriptionis tabulas, Ratisbonæ in comitiis conscribi jussas: alterâque mox die, quæ erat vicesima quinta Augusti, cum exercitu suo progressus est Ratisbonam, & indè Ingolstadtum; exspectaturus inibi Comitem Bûranum, qui cum decem millibus Belgicorum peditum & quinque millibus præstantissimorum equitum erat in via. Advenit ille tandem exeunte Septembri; suoque accessu castra Cæsaris eum in modum auxit, ut jam in exercitu suo numeraret circiter quadraginta quinque millia peditum, & novem vel decem millia equitum, unâ cum omni re ad bellum inferendum necessaria. Tum verò fortuna Cæsaris lætiores aspectus induit. Nam ex eo tempore usque ad exitum Novembris continuo victoriarum cursu eidem sese dediderunt infessæ ab hostibus urbes, Neoburgum, Wendinga, Donawerda, Dillinga, Lauinga, Gundelfinga, Bopfinga, Nortlinga, Dinckelspila, Rotenburgum ad Tuberum fluvium, & aliæ multæ, Cæsaris adventu magis, quàm armorum vi subactæ.

Non minori felicitate in septemviri Saxonici terras omnes cum alio exercitu ingressi erant Ferdinandus Romanorum Rex, & Mauritius Saxoniae Dux; qui ob inimicitias ac dissensiones, cum Electore jam pridem habitas, in comitiis Ratisbonensibus ad Cæsarem se converterat. Et quia pleræque ipsius urbes præsidiariis militibus denudatæ erant; brevi tempore universâ propè regio in manus amborum venit, exceptâ Wittenbergâ, Gothâ, Isenaco, & paucis oppidis vel pagis, in harum urbium aspectu positis. Quo audito, cum & aura hiemalis domuitionem suaderet Saxoni, ipse & Landgravius die vicesimâ tertiâ Novembris ab invicem discesserunt: hic in Hassiam, ut eam tueretur ab incurso Cæsaris; ille in Saxoniam electoralem, ut eam suis & socialibus Landgravii copiis recuperaret. Itâ Cæsar jam ab omni metu liber, Comitem Bûranum cum suis legionibus à se dimisit: & ut rerum eventus docuit, plures urbes ac provincias recepit in hieme; quàm alias, etiam secundissimâ fortunâ, potuisset vincere in æstate. Bûranus enim, ad Moenum inferiorem abiens, occupavit ibi Darmstadtum & Francofurtum, in quibus urbibus hiberna tenuit. Cæsar autem, Rotenburgo Halam Suevorum pergens, passim omnia foederatorum Principum urbiumque loca ad suam gratiam aspirare ac suspirare vidit. Ibi primùm Fridericus Elector Palatinus cum

**Surius in comment. Chytraus l. 16. Saxon. Redit Ratisbonam, occupat Ingolstadtum, ibiq; novum belli robur accipit à Belgio. Helvicius in theatro hist. univ. Hare^o, Surius & alii Pleræque urbes, antea ab hostibus occupatæ, se dedunt Cæsari. Surius ad hunc annū. Spangenberg. in chron. Mansf. Ferdinand^o Rom. Rex, & Mauriti^o Saxo, occupant terras Electoris Saxonie. Surius, & alii auctores cit. Saxonis & Landgravii exercitus dissolvitur: Elector Palatinus, dux Würtembergicus, Darmstadtum, Francofurtum, Ulma, Augusta, & aliæ urbes, Cæsari se submitunt. Surius in comment. Hareus in ann. brab. acer-*

acerbo fletu ad pedes Imperatoris accidit, & sui erroris veniam impetravit. Ibi Ulmenſes, Auguſtani, & Argentinenſes, cum aliis aliarum urbium Legatis, demisso vultu & genibus incurvatis clementiam exorârunt. Ibi denique Ulricus Dux Württembergensis, ejuratâ Saxonis & Landgravii ſocietate, in gratiam fidemque Cæſaris receptus eſt: quanquam omnes non ſinè gravi mulcta, in ærarium victoris inferenda.

Hermannus
Archiepi-
ſcopus Co-
lon. & Ec-
cleſiæ Pa-
derborn.
Admini-
ſtrator hæ-
reticus, à
Pontifice
exaugura-
tur, die 16.
Aprilis:

*Spond. hic
n. 16.

Pallav. in
hiſt. conc.

Trid. l. 7.

*Rader. in
vita P. Ca-
niſii l. 1. c. 4
Annal. Col-
legii Colon.

*Pallav.
loc. cit.

Spond. l. c.

*Pallav. ib.
Spond. ib.

*Spond. &
Pallav. ib.

Post hæc etiam Imperator convertit animum ad caſtigandas abolendâſque novationes Hermannii Colonienſis Archiepiſcopi, sæpe antea, ſed fruſtra moniti. Moverat illum Pontifex à gradu Archiepiſcopali velut hominem inutilem, doctrinîſque hæreticis pertinaciter inſiſtentem. Simul etiam Imperatori miſerat exau- gurationis prædictæ ſententiam, Romæ latam in conſiſtorio publi- co die decimâ ſextâ *Aprilis: juſſerâtque, ut Paderbornæ in ejus locum eligeretur alius; Colonia verò ſufficeretur ei Adolphus Schawenburgicus, dudum antea ejuſdem Hermannii Coadjutor. Qua de re ſimul aliæ ad Adolphum literæ tranſmiſſæ ſunt, quibus ei Pontifex Archiepiſcopale munus auctoritate Apoſtolicâ deman- dabat. Adolphus, hujusmodi literis potitus, ne quid temere & inconfultè faceret, conſilii cauſâ Petrum *Caniſium è Societate Jeſu Colonia miſit ad Cæſarem, adhuc in comitiis agentem Ratiſ- bonæ. Et ille, cum id temporis totus eſſet in apparando bello con- tra Proteſtantes, inſuperque adhuc omnia incerto fluctuarent exi- tu; jubebat ejuſmodi literas adhuc pauliſper obtegi, quemadmo- dum & ipſe ſuas, à Pontifice miſſas noluerat evulgari. Neque Cæſar opinabatur, id ſummo Pontifici *in modernis rerum cir- cumſtantiis ingratum fore. Videbat enim, executionem ſenten- tiæ, ab eo latæ, majori cum efficacia præſtari poſſe conſecto bello: imò, ſi priùs ea tentaretur, multis maximîſque periculis obnoxiam eſſe, tum quòd adverſarii inter alias belli cauſas Hermannum unicè defendendum ſuſcepiffent; tum quòd ipſe Imperator adhuc videri vellet, contra Saxonem & Landgravium in bellum ire, non Reli- gionis, ſed rebellionis ac proterviæ cauſâ. Unde & intra primos meſes, poſt acceptam ſententiam Papalem, non modò nihil mo- vit contra hunc apoſtatam; ſed etiam die ſeptimâ Julii *ad eum, velut regentem Archiepiſcopum, Ratiſbonâ ſcripſit, mandavítque, ne Proteſtantibus opem ferret, ne ſuos ſubditos eiſdem militare ſineret, ne Cæſareis militibus è Belgio adventuris viam ac tranſi- tum prohiberet. Exinde Præſul novam ſibi ſpem fingeſbat emol- liendæ, quam incurrerat, indignationis * & iræ Cæſaris: atque ideo literas iſtas, ſibi tanquam Archiepiſcopo adhuc inſcriptas,

Dioe-

Dioecesi tota promulgari, & iis examussim obediri iussit. Ne tamen idcirco videretur Bucerianam doctrinam deseruisse, adhuc perrexerat eam in suis urbibus & oppidis promovere: testisque est *klein- *Kleinorg. in hist. mss.* forgius, quòd eodem hoc anno Præcones aliqui Lutherani ex mandato ipsius in Ecclesiæ Werlensis cathedram intrusi fuerint; & Sacerdos alius Catholicus à plebejis quibusdam civibus ac mulierculis de suggestu sacro deturbatus.

At minimè diuturnus, imò nec semestris fuit hic eorum furor. Cum enim haud multò post Lutheranorum belligerantium fortuna retrocederet, & jam ferè tota superior Germania Cæsareas Aquilas adoraret; coepit etiam pientissimus Imperator Papali sententiæ morem gerere, & Hermannum diu refractarium à suis infulis ac honoribus amovere. Id autem ut quietiùs & sinè strepitu armorum fieret, vertente hoc anno suos ad eum Legatos misit Philippum Lalainium Comitem, & Viglium Zwichemum juris consultum, qui suo nomine juberent eum vel ad Fidem Catholicam se recipere, & Pontificis gratiam præstolari; vel Cathedris Episcopalibus excedere, & aliis dignioribus locum dare: alterutrum nò fecerit, Cæsarem usum armis ac vi militari. Hermannus, ut primùm hos Legatos & hanc eorum propositionem sibi penitùs inexpectatam audiit, vehementer exterritus *palluit, ut nudis pressit qui calcibus anguem.* Ac primò quidem, ut ex huiusmodi laqueis evolveretur, sese in omnes elabendi vias contorsit, appellando nunc ad concilium *solius nationis Germanicæ; nunc etiam provocando ad exempla Joachimi Brandenburgici & aliorum Principum Lutheranorum, qui in hoc bello secum à Cæsareis partibus non recesserant. Sed cum hæc omnia nihil proficerent; insuperque magnum discrimen esset inter provincias hæreditarias, & inter eas, quæ Catholicæ Religionis intuitu per electionem conferuntur: tandem initio sequentis anni, die vicesimâ *quintâ Januarii, utriusque Episcopatus infulam abdicare, & in gentilitio comitatûs Wiedani castro ad vitam privatam se recipere, coactus est, quinquennio post ibidem in miseris mortuus anno 1552. die 15 Augusti. Eandem fortunam subire debuit Fridericus frater ejus, olim Episcopus Monasteriensis; tunc autem Bonnenfis Ecclesiæ Præpositus. Nam & ipse, quòd cum hæretico fratre suo in eadem nave sessitasset, Bonnenfi Præpositurâ simul exutus est, adscito in ejus locum Joanne Groppero Susatensi, viro doctissimo, de quo alibi prolixius disseremus.

Et à Carolo Cæsare sub initium sequentis anni utrumque Episcopatum abdicare cogitur. *Henricus Abbas Marienmünst. in diario, & alia scriptura veteres.*

*Spond. ad hunc ann. n. 16. in fin.

*Merffaus Græp. in Cat. Arch. Colon. sub Adolpho success. ejus. Fridericus frater ejus exiit. Præpositus rā Bonnenfi, quæ dein collata est Joanni Groppero, viro doctissimo.

Surins in com. 1547.

Paulò antè, quàm ista fierent, nonnulli rituum Catholicorum irrisores evidentibus poenis à Deo castigati sunt Werlis in


N n

West-

Irrifores
Missæ & ri-
tuum Ca-
tholicorum
divinitus
puniantur.
*Kleinsorg.
in hist. ms.
germanicâ
linguâ.
*eine
spöttische
Mess.
*principal
Messhal-
ter.

Westphalia. Rei seriem pro coronide præsentis anni narrabo bre-
viter ex *Kleinsorgio. Cum per æstatem hanc Lutherani Prædi-
cantes in Ecclesiæ Werlenfis cathedram intrusi essent, ejecto (ut su-
prà memini) Sacerdote Catholico; leviculi cives aliqui ausi sunt
in popina cerevisiaria Missam joculari agere, & cæleste illud Sa-
crificium histrionico ritu exhibere. Unus eorum, quem prima-
rium Sacerdotem vel *Sacrificulum appellabant, suprâ calicem &
patenam efformabat plurimas cruces; easdémque ludibrii ac de-
risionis causâ nominabat ictus tutatorios, vulgò *Schirm-Schläge*.
At brevi Deus cum ludionibus istis ludum alium tristiolem ludit.
Repentè enim omnes aspectabili plagâ in suis corporibus percuf-
si sunt: & qui primarius in eo ludo sacrificulus fuerat, ab usu men-
tis deturbatus, & humanæ miseriæ spectaculum factus est, mem-
bris omnibus in continuos hujusmodi ictus contortis, uti se
non solum ab hominibus fide dignis accepisse; verum
etiam suismet oculis inspectâsse, refert
Kleinsorgius.

AN-



ANNALIUM
PADERBORNENSIIUM
LIBER XXI.

REMBERTUS

à

KERSSEN BROICH,

ECCLESIAE PADERBORNENSIS
EPISCOPUS XLI.

Annus Christi 1547.

PAULI III. Pontificis 13. & 14.
CAROLI V. Imperatoris 28. & 29.
REMBERTI Episcopi Pad. 1.



Ostquam Hermannus, Ecclesiae nostrae Ad-
ministratores, die 25. Januarii Paderbornen-
sem simul & Coloniensem infulam deposuif-
set eo modo, quo suprà narratum est; suc-
cessit ei Coloniae Coadjutor ejus Adolphus
Comes de Schawenburg, probatissimæ vir-
tutis vir: cujus egregio zelo & constantiâ
brevi tempore penitus restauratum & emen-
datum est, quidquid antea ab intrusis nova-

Adolphus
Comes de
Schawen-
burg fit Ar-
chiepiscopus
Colonien-
sis.
Kleinsorg.
Cratopol.
Surius &
alii

toribus vitiatum & corruptum fuerat. Paderbornæ verò, cum
ad novam electionem procederetur die 26. Martii postridie Annun-
tiationis B. MARIE Virginis, omnium eligentium vota singula-
ri consensu cecidère in virum ætate grandem & Seniore Capituli,

Rembertus
de Kerssen-
broich Pa-
derbornæ
Episcopus

N n 2

D. Rem-

eligitur &
confirma-
tur.

Henricus
Abbas Ma-
rienmünst.
in diario,
& alia ms.

*Epitome
ms.

*Hamelm.
l. 5. de vi-
ris doctri-
nâ illustr.

part. 1. pag.
225.

*Ex vet-
ribus ms.

*in archi-
vo Cathed.
Eccl. Pad.

D. Rembertum à Kerfsenbroich, Paderbornensis, Monasteriensis, & Osnabrugensis Ecclesiæ Canonicum. Erat hic antiquæ Religionis Catholicæ zelator ardentissimus, uti fatetur scriptor hæreticus Henricus ab Hôvel Epæus, dum in brevi epitome * Paderbornensium Episcoporum ita scribit: *Post resignationem Hermannii Wiedani eodem anno 1547 ad diem 26. Martii eligitur Rembertus Kerfsenbroich, vir Catholicus, atque eam ob rem sedi Romane carissimus.* Hamelmannus etiam, *coævus auctor Lutheranus, eum celebrat inter Westphaliæ viros eruditione ac doctrinâ illustres: certumque est, eum Romæ in primo ætatis flore cultioribus literarum studiis præclarè institutum esse. In urbe Osnabrugensi parochialem Beatæ Virginis Ecclesiam, suæ fidei commissam, contra Lutheranos invasores *acerrimè diu tutatus est, etiam adversante sibi Francisco Waldeckio, urbis Episcopo, Lutheranis erroribus pridem imbuto: ac, licèt indè non semel ejectus fuerit; ejus tamen restitutionem, quàm diu potuit, apud Cæsarem urisit. Ab his aliisque præclaris laudibus exornatus, facilè inclinavit animum summi Pontificis, ut electioni de se factæ consensum Papalem daret, & Apostolicæ confirmationis robur adjiceret. Qua de re supersunt *eiusdem Pontificis literæ, die primâ Julii in curia Romana datæ, & simul exaugurationis Hermannianæ causam exponentes in hæc verba:

Paulus Episcopus, servus servorum Dei, Dilecto filio Remberto de Kerfsenbroich, Electo Paderbornensi, salutem et Apostolicam benedictionem. Divinâ disponente clementiâ, cujus inscrutabili providentiâ ordinationem suscipiunt universa, ad Apostolicæ dignitatis apicem sublimati, ad universas orbis Ecclesias aciem nostræ considerationis extendimus, et pro earum statu salubriter dirigendo Apostolici favoris auxilium adhibemus. Sed de illis propensius cogitare nos convenit, quas propriis carere pastoribus intuemur: ut eis juxta cor nostrum, per facta in illis Canonice electionis confirmationem, aut simplicis provisionis officium, pastores præficiantur idonei: qui commissos sibi populos per suam circumspeditionem providam, et providentiam circumspèctam, salubriter dirigant et informant, ac bona Ecclesiarum ipsarum non solum gubernent utiliter; sed etiam multimodis efferant incrementis. Sanè nuper Ecclesiâ Paderbornensi, quam iniquitatis filius Hermannus, olim Archiepiscopus Coloniensis, ex concessione et dispensatione Apostolica in administrationem obtinebat, tunc administratione hujusmodi ex eo, quòd nos contra eundem Hermannum ritè procedentes, per nostram diffinitivam sententiam, de Venerabilium fratrum nostrorum consilio in consistorio nostro latam, et quæ nullâ provocatione suspensa in rem transverat judicatam, prædictum Hermannum ex eo, quòd hæresin Lutheranam profiteri non erubuerat, Colo-
nienfi

nienſi, cui tunc præerat, et dictâ Paderbornenſi Eccleſiæ Apoſtolicâ aucto-
ritate privaverimus, per privationem huiusmodi ceſſante, adhuc eo, quo
ante adminiſtrationem huiusmodi vacabat, modo, Paſtoris ſolatio deſtitutâ,
Dilecti filii Præpoſitus, Decanus, et Capitulum dictæ Eccleſiæ Paderbor-
nenſis, pro futuri Episcopii Paderbornenſis electione celebrandâ, vocatis
omnibus, qui voluerunt, potuerunt, et debuerunt electioni huiusmodi com-
modè intereſſe, die ad eligendum præfixâ, ut moris eſt, convenientes in
annum, te tunc ipſius Eccleſiæ Paderbornenſis Canonicum, de nobili etiam
militari genere procreatum, et in ſubdiaconatûs Ordine conſtitutum, in
Episcopum Paderbornenſem viâ ſcrutinii concorditer elegerunt: Tūque
electioni huiusmodi, illius tibi præſentato decreto, conſenſiſti, et deinde
electionis huiusmodi negotium proponi feciſti in eodem conſiſtorio coram no-
bis, petens, illam eadem auctoſitate confirmari in his omnibus, ſtatutis
à jure temporibus obſervatis. Nos igitur verum et ultimum vacationis
dictæ Eccleſiæ Paderbornenſis modum, etiamſi ex illo quævis generalis re-
ſervatio, etiam in corpore juris clauſa reſultet, præſentibus pro expreſſo
habentes, electionem prædictam, nec non idoneitatem et merita perſonæ
tue examinari fecimus diligenter. Et quia invenimus electionem ipſam
de eadem perſona tua, cui apud nos de literarum ſcientia, vitæ munditia,
honeſtate morum, ſpiritualium providentia et temporalium circumſpectio-
nè, aliisque multiplicium virtutum donis, fide digna teſtimonia perhi-
bentur, fuiſſe Canonicè celebratam; illam de fratrum eorundem conſilio
auctoſitate prædictâ approbamus et confirmamus. Teque eidem Eccleſiæ
Paderbornenſi in Episcopum præficimus et Paſtorem, curam et adminiſtra-
tionem ipſius Eccleſiæ Paderbornenſis tibi in ſpiritualibus et temporalibus
plenariè committendo: in illo, qui dat gratias et largitur præmia, confi-
dentes, quòd dirigente Domino actus tuos, dictâ Eccleſiæ Paderbornen-
ſis ſub tuo felice regimine regetur utiliter, ac grata in eiſdem ſpiritualibus
ac temporalibus ſuſcipiet incrementa. Jugum igitur Domini, tuis impo-
ſitum humeris, promptâ devotione ſuſcipiens, curam et adminiſtratio-
nem prædictas ſic exercere ſtudeas ſollicitè, fideliter, et prudenter, quòd
ipſa Eccleſiæ Paderbornenſis provido et fructuoſo adminiſtratori gaudeat ſe
commiſſam: tūque præter æternæ retributionis præmium noſtram et Apo-
ſolicæ ſedis benedictionem conſequi merearis. Datum Romæ apud S. Pe-
trum, Anno incarnationis Dominicæ milleſimo quingentefimo quadrage-
ſimo ſeptimo, Kalendis Julii, Pontificatûs noſtri anno tertio decimo.

Cum iſſdem his literis advenerunt & aliæ quàm plures, ad Cæ-
ſarem, ad Archiepiſcopum Moguntinum, ad Cathedrale Capitu-
lum Paderbornenſe, ad ejuſdem Eccleſiæ vaſallos ac miniſteriales,
ad Clerum denique minorem & ſubditos univerſos, quibus omni-
bus antè dictus Pontifex Electum & Confirmatum impenſiſſimè
commendabat: Cæſari quidem, & Moguntino, ut eundem pro
viri-

Aliæ literæ
Pontificis
de eadem
re, ad Cæſa-
rem, ad Mo-
guntinum,
& alios.
Ex archi-
vo Cath.
Eccl. Pad.

viribus defenderent; ceteris verò, ut eidem in rebus, ad Episcopale officium pertinentibus, debitam obedientiam ac morigeram subjectionem præstent. Subinde novus Episcopus, accepto regimine, primum omnia comparari jussit ad solennem inaugurationem & introductionem suâ: quæ in urbe Warburgensi die decimâ octavâ Octobris; Paderbornæ verò die vicesimâ tertiâ ejusdem mensis cum honore splendoréque maximo peracta est. Mox etiam ad altiora versus, applicabat animum ad accipiendos Ordines Episcopales. Neque enim cupiebat esse in eorum numero, qui solo nomine Episcoporum gaudent, & solos ipsorum redditus ad se traducunt (quales ea tempora non rarò tulerant) sed cum ipso nomine personam induturus, volebat etiam re ipsâ esse, quod erat. Et quia difficulter habere poterat tot Episcopos, quot in jure communi ad hujusmodi actum requiruntur; eodem hoc anno supplicibus literis à Paulo III. facultatem petiit, ut ab uno Episcopo ac duo-

Magna hoc anno siccitas in Westphalia. *chron. tremon. ms. & alii.*
**Henricus Abbas Marienmünst. in diario.*
 bus Abbatibus infulatis consecrari posset: qua de re plura videbimus ad annum proximè consequentem. Memorabilis interim hic annus fuit à singulari siccitate, quæ in principio æstatis tam insueta ac fermè inaudita erat, ut non modò famem paterentur pecora, sed etiam variis in locis homines, utpote non habentes aquam, ad molendas fruges, necessariam. *Hoc anno, scribit auctor* coce-vus, fuit magna siccitas. Non fuit homo vivens his temporibus, cui constet tale tempus. Bestiæ agri magnam penuriam sustinuerunt. Etiam molendina in multis locis steterunt sine aquis: ità ut Susatenses cogeren-tur molere in Paderborn.*

Joannes Fridericus, Elector Saxo, à Carolo V. Imperatore vincitur, & in captivitatē accipitur. *Surius, Spond. Harans, Chytraus &c.*
**Harans in ann. brabant. Spangenberg. in chron. Mansf. Harans & Spangenberg. ibid. Chytraus l. 16. Saxon.*
 His è rerum nostratium promptuario expositis, revertor ad acta Caroli V. Imperatoris; cui hoc anno eum in modum fortuna favit, ut præcipuos duos Protestantium antesignanos, præclarissimâ victoriâ de coelo missâ, in suam captivitatem & custodiam traxerit. Prior horum Joannes Fridericus Elector Saxo, postquam exeunte anno superiore cum suis & Philippi Landgravii copiis in suam Saxoniam reversus esset, non solum facillimè recuperaverat ea, quæ per absentiam suam istic amiserat; verum etiam propè omnes* Mauritiū patruelis urbes potestati suæ subjugaverat, exceptâ Lipsiâ ac Dresdâ. Indè in vicinas Magdeburgensium & Halberstadiensium ditiones irruens, Joannem Albertum utriusque loci Antistitem ejecerat, populos ei subjectos* in suam fidem adegerat, Cathedralium Ecclesiarum collegia disturbaverat, monasteria diripi, monachos divexari, calices, hierothecas, candelabra argentea, baculos Episcopales & Abbatiales, & quidquid auri vel argenti in sacris thesauris erat, Islebiam avehi, & ex iis pecuniam conflari fecerat. Postremò etiam vicinos Bohemiæ populos pecuniis

niis & sollicitationibus in eam seditionem egerat, ut non solum Ferdinando Regi se opponere, & omne bellum in Saxonem* de-
 tractare; sed etiam inter se & cum Saxone in foedus ire, cum eo
 militem sociare, & Regis filias Pragensi in arce inclusas tenere aufi-
 fuerint. Cæsar, ut primum ista in hibernis comperit, nihil amplius
 cunctandum ratus, ineunte Martio cum exercitu suo abit Egram,
 Bohemiæ urbem; conjungendus ibidem Ferdinando fratri & Mau-
 ritio Saxoniae Duci. His autem à se receptis, velocissimè progre-
 ditur ad inquirendum hostem; eumque tandem die vicesimâ quar-
 tâ Aprilis manè, prope *Mülbergam oppidum, in adversa Albis
 ripa confidentem reperit. Concioni tunc intererat Elector Saxo
 (erat enim Dominica 2da post Pascha) auditoque, Cæsarem sibi
 tam vicinum esse, maximopere consternatus, imprudenti consi-
 lio statuit locum hunc deferere, & securitatis amplioris causâ *Wit-
 tenbergam aufugere. Præmissis igitur castrorum impedimen-
 tis, etiam ipse cum exercitu suo paulatim sequitur: credebat enim,
 fluvium tam profundum ac trecentis ferè passibus latum sinè ponte
 navali trajici non posse; &, priusquam hujusmodi pons fabrican-
 dus esset, satis temporis habiturum se, ut è Cæsaris conspectu fu-
 geret. Commodum tunc evenit Cæsari, ut homo rusticanus,
 cui pridie *duo equi ab hostibus ablati erant, offerret se ad osten-
 dendam equitibus viam in loco proximo, ubi fluvius vadusior,
 ac propter firmitatem fundi permeabilis erat. Hunc ergo Cæsar,
 promisso ingenti præmio, jubet in equo suo præcedere. Sequun-
 tur mox Hungari equites levioris armaturæ, singuli sessorem pe-
 ditem post se ferentes: tum deinde legiones aliorum equitum lo-
 ricarum, quos cataphractos nominant: demum Cæsar ipse,
 equo Hispano vectus, eum Principibus Ducibusque ceteris, qui
 ejus castra secuti fuerant. Cùmque omnes in alteram Albis ripam
 eluctati essent; Cæsar illic imaginem crucifixi, tormentario* glo-
 bo perforatam, videns: *O Deus!* inquebat, *quàm facile potes eam*
injuriam vindicare, dummodo nunc velis? statimque, non expecta-
 to peditatu cetero (qui adhuc in perficiendo navali ponte præpe-
 ditus erat (abeuntem hostem insequitur, è fuga retrahit, ad pu-
 gnam sistit, invadit, cædit, profligat, &, quod omnium fortu-
 natissimum erat, etiam Electorem ipsum cum Ernesto Brunsvi-
 censi captivum accipit, desideratis ex parte sua non amplius quin-
 quaginta* vel centum* equitibus. Ut proinde Cæsar ipse, visâ
 tam admirabili victoriâ, solo equitatu sinè tormentis bellicis im-
 petratâ, non immeritò dixerit: *veni, vidi; sed Deus *vicit.*

Finito prælio captivus Elector, ad Cæsarem deductus, capite
 nudato inquit: *Potentissime et clementissime Cæsar! tuus ego captivus sum:*

peto,

*Chytraus
loc. cit.

Hortens.
de bello

german. l.
6. & 7.

*Surius in
comment.

Spangemb.
& alii.

*descriptio
illi⁹ pugna

to. 2. rer.
gest. sub

Carolo V.

*Surius in
comment.

Spangemb.
& alii.

*Surius in
comment.

*Surius in
comment.

*Harans in
ann. brabant.

*Surius,
& alii.

Saxo capti-
vus exiit
dignitate
septemvi-
rali, terrisq;
Electoralibus.
Auctores
iidem.
*Spond. hic
n. 8.
Spond. ad
ann. 1546.
*Surius in
comment.
*Hortens.
de bello
germ. l. 7.
*Hortens.
loc. cit.
Surius &
alii.

peto, me ita habeas, uti Principem captivum decet. Priora huius al-
loquii verba, priusquam Elector pergeret, continuo Cæsar inter-
cepit, inquit: *Nunc ergo demum agnoscis, quis ego sum? sic antea
non loquebare.* Saxo enim & Landgravius in hoc tumultu bellico
vocaverant eum **Carolus de Gandavo, qui se fert Imperatorem*: eoque
nomine etiam usi erant *in denuntiatione belli ante annum facta.
Ad alteram verò alloquii partem respondit Cæsar: *infortunium hoc
tibi met ipse *adsciivisti! tractabo te pro tuo merito*: eoque dicto eundem,
& Ernestum Brunsvicensem, Alphonso Vives Hispanorum tribu-
no custodiendum tradidit. Constituerat Imperator Electorem
plectere pænâ capitis: eamque sententiam haud parùm præcipita-
verat concitata rebellio Bohemorum, qui cum pluribus *cohorti-
bus jam erant in via ad succurrendum Saxoni. At ea sententia
aliorum Principum interventu mitigata, vitæque gratia postmo-
dum concessa est his *conditionibus: *ut septemvirali dignitate, et omni
ditione ad eam pertinente, pro se suisque successoribus in perpetuum decede-
ret; neque aliud pro se et illis beneficio Cæsaris retineret, quàm terras et urbes
à se habitas in Thuringia: tormenta omnia et apparatus bellicos, in suis ur-
bibus repertos, in Cæsaris potestatem traderet: Magdeburgensem et Hal-
berstadiensem Diœcesin Joanni Alberto Archiepiscopo restitueret: iudicio
Camera Imperialis morem gereret, nec unquam in posterum cum ullo Prin-
cipe contra Cæsarem et Ferdinandum ejus fratrem in fœdus iret.* His
peractis, adhuc supererat Philippus Hassiæ Landgravius, in cu-
jus terras jam tota belli moles transferenda erat, nisi quantocyus
amicorum suorum operâ præteritorum facinorum veniam & vi-
tæ gratiam inveniret. Usus igitur intercessoribus, Mauritio Sa-
xone & Joachimo Brandenburgico, Halæ Saxonum ad Cæsarem
venit, ejusdem pedibus advolvitur, peccatum à se admissum con-
fitetur, ac demum suas sibi ditiones relinquere, & perpetuæ capti-
vitatæ pænâ remitti impetrat, hisce legibus: *ut intra menses qua-
tuor centum aureorum millia Cæsari persolvat: arces omnes ac munitiones
totius Hassiæ, præter Ziegenhainam vel Cassellas, diruat: pulverem tor-
mentarium et omnia tormenta bellica Cæsari quàm primum tradat: Hen-
ricum Brunsvicensem ejusque filium Carolum victorem, è custodia dimit-
tat, et in suas Provincias redire jubeat: federi Schmalkaldico renuntiet,
decretis Camera Imperialis pareat, et, quidquid Imperator pro tranquil-
litate Germaniæ constituerit, fideliter observet et exequatur.* Perluben-
ter hæc omnia subscripta & admissa sunt à Landgravio: credebatur
enim, se ab omni captivitate liberum & immunem fore. Cæsar
autem eodem vespere Landgravium in custodiam deduci jussit, ac
deinde pluribus annis captivum tenuit: inquit enim, *se quidem
ei promississe immunitatem *à custodia perpetua, quam promeruerat; non*

ta-

tamen addidisse, quandonam à custodia solvi ac liberari debeat. Qua ex re postmodum non parvæ lites, ac demum gravissima bella contra omnem Cæsaris opinionem rursus exorta sunt.

Ceterum & aliqua Westphaliæ loca, propter societatem Schmalkaldici foederis, eodem bello non parum detrimenti accepere à Jodoco Croningio Zelandiæ Præfecto: qui in fine præcedentis anni è Cæsareis castris in inferiorem Saxoniam demissus erat ad oppugnandos omnes Landgravii & Saxonis amicos. Adduxerat ille secum non parvas Belgarum copias: quibus apud urbem Essendiam, ubi ineunte hoc anno confidere coeperat, tam multi alii spontaneo affluxu juncti sunt, ut intra breve tempus numeraverit decies mille pedites & mille ducentos equites. Cum his mensè Januario profectus est primò contra Conradum Comitem in Tecklenburg, Philippi Landgravii affinem: eumque minis ac terroribus coëgit societatem Schmalkaldici foederis ejurare, Dynastiam & arcem Lingensem Imperatori tradere, ac præterea adhuc quindecim millia Imperialium pro multa solvere. Cives Osna-brugenses, vicini Comitis exemplo territi, obsidionem sibi intentam continuò redimunt quinque millibus Imperialium; promittuntque Cæsari, se abjectâ Protestantium societate ad ejus obsequium redituros. Indè Croningius, ad nostræ Diocesis confinia se convertens, arcem Ritbergicam ante duos annos à Landgravio captam occupat; eaque Cæsareo præsidio committit, exercitum suum transfert contra Bernardum Lippiensem, Landgravii prædicti partibus adhærentem. Cùmque & hunc ad Cæsaris obsequium reduxisset; acceptâ duodecim millium Imperialium multâ, processit ad urbem Mindam. At illa, tam diu hætenus Cæsareanis imperiis refractaria, continuò portas aperuit, Croningium cum suis copiis intromisit, suoque exemplo vicinos Comites Hohenjenses & Schawenburgenses ita conterruit, ut extemplo missis in eam urbem consiliariis declarârent, se Imperatori suo in rebus omnibus morigeros fore, nec ab ejus fide & obsequio unquam recessuros. Lætus hoc armorum successu Croningius promovit castra ad urbem Bremam, unam è præcipuis, quæ in foedere Schmalkaldienfi etiamnum persistebant. Ac tametsi fortunâ minùs prosperâ ibidem usus, tandèmq; etiam glande plumbeâ trajectus occubuerit; diuturno tamen hujus urbis obsidio feliciter *impedit, ne Bremenses, Hamburgenses, & aliæ urbes maritimæ, periglianti à Cæsaris adventu Saxoni, auxilium ferrent.

Franciscus Episcopus Monasteriensis, etiamsi magno suo & suorum subditorum commodo præmaturè se separaverit à societate Protestantium, cui pridem adscriptus fuerat; in Bremensi tamen

O o

ob-

Jodocus
Croningius
belli ductor
Cæsareus,
varia West-
phaliæ loca
Schmalkal-
dico foederi
illigata, ad
Cæsaris ob-
sequium
cogit.

Chytraus
l. 16 Saxon.
Spangenberg.
chron.

Mansfeld.
Haras in
ann. Brab.
Kleinsorg.
in hist. nif.
& alii plu-
res.

**Haras in*
ann. brab.
pag. 645.
in initio.

Franciscus
Episcopus
Monaster.
exiit

possessione arcis ac præfecturæ Delmenhorstensis. *Chytræus l. 16. Saxon. Hamelm. in chron. Oldenb. * Hamelm. loc. cit.* obsidione Cæsareano militi non parùm nocumenti intulerat per arcis Delmenhorstianæ Satrapam & Præfectum Hermannum ab Ohr. Quod cum indignè ferrent Cæsareanæ militiæ Duces; Antonium Comitem Oldenburgensem iteratis literis instigabant, ut arcem hanc, velut antiquum suæ gentis patrimonium, recuperare satageret: addicebantque se libenter hac in re eidem opitulaturos, &, ne Imperator aliquam inde offensam capiat, præcautos esse. Subinde commodum accidebat * die Jovis ante palmarum, ut Hermannus Ohrius potissimam suæ militiæ partem à se dimitteret, mutandi (ut opinor) præsidii causâ. Usus hac opportunitate Comes Antonius, collectis repentè quatuor millibus virorum fortium, tacitissimâ nocte proficiscitur Delmenhorstum: summoque mane in Dominica Palmarum silentio transmittit fossas, applicat scalas, aggerem conscendit, arcemque minùs custoditam suo rursus dominio subjicit, posteaquam ab annis * sexaginta quinque in Monasteriensium Episcoporum potestate constitisset.

Citatur à Pontifice Romæ ad purgandū se de suscepta hæresi Lutherana. *Litteræ Papales. Chytræus l. 16. Saxon. Kleinfor. in hist. msf. Annal. Mon. msf.* Gravissimum id erat vulnus Francisco Episcopo, Lutheranæ societatis incommoda jam degustanti. At huic malo non multò post iterum supervenit aliud adhuc longè exitiosius: imò tale, quod ei omnium ditionum suarum possessionem adimere, triplicemque insulam excutere, valuisset. Etenim Paulus III. Romanus Pontifex per Apostolicas literas, hoc anno Romæ die XI. Junii consignatas, peremptoriè & sub pæna privationis omnium Episcopatum suorum, citavit ipsum ad Romanam curiam; iussitque ibidem intrâ bimestre spatium comparere, & legitimè purgare se de desertione Fidei Catholicæ, de amplexu hæreseos Lutheranæ, de novatione rituum Ecclesiasticorum, de admissione heterodoxorum Prædicantium, aliisque rebus contra Ecclesiam Catholicam attentatis. Perditissima tunc fuisset fortuna Principis, nisi Monasteriensis Diocesis Ordines, ante annos quatuor, eidem in * introducenda confessione Augustana tam potenter obstitissent. Hi igitur, seducti Principis commiseratione tacti, continuò rescribunt summo Pontifici, quæ & quanta olim Franciscus egerit pro bono Fidei Catholicæ? quàm operoso molestoque bello Monasteriensem urbem ex Anabaptistarum manibus recuperaverit? quàm immensos labores & sumptus fecerit pro restauranda Ecclesia Cathedrali, ab Anabaptistis foedissimè deturpata? quâ industriâ & sollicitudine eandem Basilicam & omnia templa parochialia Catholico ritu iterum expiari & consecrari fecerit? Proinde cum viro tali, & aliàs tam bene merito, paulò mitiùs agendum videri, ac priùs omnia pro ipsius reductione tentanda esse, quàm ad ejus exauetorationem pro-

* vide di-
sta ad ann.
1543.
Monasteri-
ensis Epi-
scopatus
Ordines
pro eo in-
tercedunt
Romæ, &
sententiam
privationis
interci-
piunt.
Chytræus & Kleinfor. loc. cit.

procedatur: præsertim cum adhuc medicabile sit illius vulnus; & ea, quæ in Diœcesi Osnabrugensi per hæreticos labefactata sunt, non minùs ab ipso ad Ecclesiæ Catholicæ gremium revertente; quàm ab alio novo Antistite, corrigi & in statum pristinum revocari queant. Eadem occinebat Romæ ipsius Advocatus, Jodocus Hoitfilius Osnabrugensis, postea Lubecensis Episcopus: qui & causam hanc eò tandem reduxit, ut sententia exauctorationis Francisci Episcopi feliciter sufflaminata fuerit in eventum futuræ conversionis & resipiscentiæ, de qua plura dicemus anno sequente.

Mortalem vitam hoc anno finiêre duo magni Principes, Henricus VIII. Angliæ Rex, & Franciscus I. Galliæ Rex. Primus horum defunctus est die vicesimâ octavâ Januarii, posteaquam rexisset annis fermè triginta octo: cui successit ejusdem filius Eduardus IV, ex Joanna Semeira genitus, novem annorum puer. Posterior verò, Franciscus Galliæ Rex, è vivis abiit die tricesimâ primâ Martii, Princeps Catholicæ & orthodoxæ Fidei retinentissimus: in quo vix aliud culpes, quàm quòd inutilibus parùmque profecturis bellis impediverit Carolum V. Imperatorem, quò minùs enascentem hæresin Lutheranam in primis incunabilis extinguere & suffocare potuerit. Regnavit annos triginta duos cum tribus mensibus; & successorem throni post se reliquit Henricum II. filium, viginti & octo jam annos natum. His duobus funeribus adjungere liceat funus aliud, inferioris quidem Ordinis; sed tamen sacri Romani Imperii Principis, Francisci de Ketteler, Abbatis Corbejenensis in Westphalia: qui difficillimis temporibus ibidem summa cum laude præfuit annis quadraginta tribus; in eo solùm infelix, quòd hæresin Lutheranam ab ingressu urbis Huxariensis cohibere non valuerit. Sepultus est Corbejæ die decimâ quintâ Januarii, peragente solenne officium funebre Henrico Abbate in Marienmünster; & evoluto bimestri intervallo, die decimâ quintâ Martii, successorem adeptus est Casparum ab Hôrsel, postulatum ex monasterio Prumienfi.

Henricus VIII. Angliæ Rex moritur. *Spond. hic n. 16. & alii.* Item Franciscus I. galliæ rex. *Spond. hic n. 23.*

Et Franciscus de Ketteler, Abbas ac Princeps Corbejenensis: cui succedit Casparus ab Hôrsel. *Henricus Abbas Marienmünsterensis in diario.*

Annus Christi 1548.

PAULI III. Pontificis 14. & 15.

CAROLI V. Imperatoris 29. & 30.

REMBERTI Episcopi Pad. 2.



Devicto Saxone & Landgravio, Carolus Imperator ad Augustam Vindelicorum conscribi fecit nova Principum comitia, quæ à præterito Septembri per potissimam hujus anni partem extracta sunt. Aderant ibi raro exemplo Electores omnino omnes, intérque alios duo novi

Comitia Augustana à Septembri superio-
ris anni, usque ad Augustum anni præsentis

Electores, Adolphus Archiepiscopus Colonienſis & Mauritius Saxo: quorum prior magnificentiſſimum toti coetui convivium adornavit, poſteaquam ſacris Ordinibus initiatus, in conſpectu Principum congregatorum * primam Deo hoſtiam obtuliſſet: poſterior verò Joanni Friderico Saxoni ſuffectus, ibidem à Carolo Imperatore ſeptemviralis dignitatis inſignia ſplendore maximo ſuſcepit die viceſimâ quartâ Februarii, uti fuſius deſcribit * Mameranus. Ex aliis etiam Principibus dominisque, tam ſecularibus quàm Eccleſiaſticis, magnus ad ea comitia confluxus fuit; & qui adeſſe non poterant, per Oratores à ſe miſſos abſentiam ſuam explevere: uti & noſter Episcopus, Rembertus Kerſſenbrochius, ſuo nomine illuc miſit Jodocum à Dincklage Cathedralis Eccleſiæ Canonicum, Joannem Albrecht juris utriusque Doctorem, & Henricum von Cöllen Secretarium, qui Receſſui * Auguſtano ejus nomine ſubſcripſerunt.

* *Surius ad hunc ann.*
* *Mamer. in tract. peculiari de hac re, to. 2. rer. geſt. ſub Carolo V.*
* *vide Receſſum Auguſtan. de hoc anno.*

Primis quatuor vel quinque menſibus ferè nil aliud actitatum eſt, quàm ut concilium generale, quod ex metu peſtilentis morbi Bononiam translatum erat, Papali jufſu Tridentum revocaretur; & quidquid in eo jam definitum aut ulterius definiendum eſſet, id omnes Imperii Principes in ſuis terris unanimi conſenſu reciperent ac tenerent. Poſtrema pars hujus deliberationis, cui aliàs à Proteſtantibus maximopere contradicturn fuerat, in his comitiis vel amore pacis, vel terrore Cæſaris, perfacilem aſſenſum habuit; uti conſtat ex proœmio Cæſareæ declarationis ibidem editæ, maximèque ex his verbis: *Quare ſua Majeſtas horum comitiorum initio communes Imperii ſtatus cò induxit, ut ſecuti veſtigia ſanctorum Patrum Majorumque noſtrorum, qui in cauſis laborantis Religionis conſugiſſent ad œcumenica concilia, iſque ſemper paruiſſent; ipſi quoque inchoato Tridentino concilio adhererent, judicium ejus ac definitionem exſpectarent, dicto audientes eſſent, eique ſe communi conſenſu ſubmitterent.* Sola diffi-

Henricus II. Galliarum Rex impedit, ne concilium reſumatur in urbe tridentina. *Pallav. in hiſt. conc. Trid. l. 10. c. 16. n. 3. Spond. ad ann. 1547. n. 32.*

Contra verò Cæſar cum Principibus ſcripſerunt libellum ſupplicem, quo devotè repræſentabant Pontifici:

fici: nunc tandem ope divinâ contigisse, ut afflictâ diu Germania rursum affulserit optata spes opprimenda hærescos, et restituenda ibidem orthodoxa Fidei Catholica. Carolum Imperatorem nuperrimo praelio de summis Protestantium capitibus feliciter triumphasse; eoque demum in his comitiis adduxisse Principum reliquorum animos, ut concilio Tridentino acquiescere, ejusdemque judicio se in posterum submittere in rebus controversis velint, Proinde sanctitatem suam enixissimè rogari à se, ut ex Italia, Lutheranis invisa, concilium revocet, et in urbe Tridentina resumifinat. Id si impetrarent, brevi totam Germaniam favente calo ad obsequia Pontificis redituram: sin minùs, indubiè periculum fore, ne totum illud reducenda pacis ac Religionis negotium eventu casto retrocederet.

At jam optimi senis aures. partim Gallicanis persuationibus, partim aliis Antistitum Italicorum præjudiciis, ad hujusmodi preces ita obsurduerant, ut easdem iteratis vicibus vel non audiret, vel responso minùs favente à se rejiceret. Quare tandem Imperator, ne per eam tergiversationem adhuc magis invalesceret hæresis Lutherana, novum in his comitiis libellum conscribi & publicari fecit: quem vulgato nomine appellârunt *INTERIM*; quoniam in eo præscribatur, quidquid interim usque ad novam concilii Tridentini resumptionem ac definitionem credendum esset. Hic autem libellus* continebat ferè solas doctrinas Catholicas, excepto sacerdotum conjugio, & usu Eucharistiæ sub utraque specie. Quæ tamen duo ibidem non comprobavit Cæsar, neque permisit ut licita; sed tantum usque ad futuri concilii determinationem toleranda censuit ob innumeras* difficultates, quas prævidebat fore, si sacerdotes ab uxoribus jam acceptis abstrahi, & eos, qui utrique speciei Eucharisticæ jam assueverant, ab usu calicis avelli præcepisset. Imò nec ista duo tolerari voluit in provinciis illis, quæ Catholicam Fidem hucusque retinuerant; sed in iis tantum, quas à novationibus Lutheranis ad Catholicam Fidem reduci studuit, uti constat è sequentibus verbis, in ejusdem libelli* proœmio positis. Quare nunc Casarea Majestas à communibus Imperii statibus, qui Ecclesiæ Catholicæ institutiones ac decreta hætenus summa cum laude observârunt, clementer requirit, ut eadem deinceps religiose observent, nec se ab eis avelli ullo modo patiantur: à reliquis vero statibus, qui novationes induxerunt, similiter sua Majestas clementer ac seriò requirit, ut vel ad communes status accedant, et in observatione constitutionum aut cerimoniarum Ecclesiæ Catholicæ per omnia cum illis conveniant; vel saltem doctrinam suam juxta prædictam consultationem in omnibus moderentur. Denique etiam in his comitiis constitutum est, ut ad Episcopatum nemo assumatur, nisi sit sacerdos, aut promittat, se velle gradus omnes, quos nondum habet, in

Ecclesiasticis urget, concilium illic reponi. Pallav. loc. cit. c. 6. per tot. Spond. ad ann 1547. n. 31.

Quo non impetrato, Lutheranis mi coërcendi causâ publicat libellum, appellatum: *INTERIM*. Pallav. in hist. conc. Trid. l. 10. Declaratio Casarea, Augusta edita, & aliis scriptores passim. *publicatus est die 15. Maji. *declaratio Casarea c. ult. sub fin.

*vide proœmium istius declarationis

Statuit etiâ, ut omnes Episcopi proximè se consecrati

ordi-

faciant; &
ante S. Mar-
tini cele-
brent syno-
dum Dioe-
cesanam
pro refor-
matione
Cleri.

Formula

*Reforma-
tionis. Au-
gusta edita,
in prae-
fatione.*

Rembertus
Episcopus
Paderborn,
hoc anno in
Dalheimen-
si monaste-
rio conse-
cratur die
22. Maji.

Henricus

Abbas Ma-

rienmünst.

in diario,

**Bulla Pa-*

palis in ar-

chi v. Cath.

Ecll.

**publicatū*

est die 9.

Julii.

**Henricus*

Abbas Ma-

rienmünst.

in diario.

ordinationibus proximis absque dilatione vel tergiversatione susci-
pere. Item, ut pro restauratione disciplinæ Ecclesiasticæ quàm
primùm à singulis Episcopis & Archiepiscopis celebrentur synodi :
& quidem Dioecesanae ante festum proximum S. Martini; Provin-
ciales verò aut Metropolitanæ ante proximam, si fieri possit, qua-
dragesimam anni sequentis.

Vide nunc Lector, & oculis tuis inspice, quàm bellè & ac-
curatè hæc omnia pro voluntate pientissimi Cæsaris executus fue-
rit novus Episcopus noster, Rembertus Kerffenbrochius? Indul-
serat ei Pontifex peculiari Bullâ, *XV. Kalendas Martii* hoc anno da-
tâ, ut in defectu plurium Episcoporum (quales eo tempore dee-
rant propter apostasiam Francisci Monasteriensis, Osnabrugensis,
& Mindensis Episcopi) consecrari posset * ab uno Antistite Catho-
lico ac duobus Abbatibus infulatis. Lætus eo beneficio, confe-
ctim adornavit omnia ad hujusmodi solennitatem necessaria. Ac,
priusquam è comitiis Augustanis antè dictum Cæsaris* decretum
emanaret; feriâ tertiâ Pentecostes (quæ tunc erat vicesima 2da Maji)
in monasterio Dalheimensi Canonorum Regularium S. Augusti-
ni solennissimo ritu se consecrari fecit à Reverendissimo Joanne
Episcopo * Thephelicensi, Hermanni decessoris sui suffraganeo,
ac duobus Abbatibus Dioecesis nostræ, Arnoldo Abbate in Ab-
dinghoff, & Henrico Abbate in Marienmünster. Aderant huic
pompæ ac festivitati, è Capitulo majoris Ecclesiæ Paderbornensis
Wilhelmus de Westphalen major Præpositus, Philippus de Twiste
Scholasticus, Buddo ab Hüge Cantor, Philippus de Westphalen
Cathedralis Ecclesiæ Canonicus & Præpositus in Meschede : ex
Prælatiis Dioecesanis, Martinus Abbas in Hardehausen Ordinis
Cistertiensis, Prior & Prælatus in Bôdeken, Prior & Prælatus in
Dalheim, uterque Ordinis Canonorum Regularium S. Augu-
stini: è Consiliariis Episcopi, Conradus Tor-môllen Officialis Pa-
derbornensis, Hermannus Schmedt Decanus Collegiatae Ecclesiæ
Buistorffensis, Hermannus de Viermond Satrapa Dringenbergen-
sis, Widekindus de Valckenberg, & alii quàm plurimi viri Nobi-
les ex Ordine equestri ac militari, qui ibidem splendidissimo &
principali epulo recreati sunt.

Post hæc
die 16.

Octobris,

Paderbor-
næ celebrat

synodum

dioecesanâ.

Henricus

Abbas Ma-

rienmünst.

in diario.

Mense dein Octobri idem laudatissimus Præsul congregavit
Paderbornæ synodum Dioecesanam, atque in eâ publicavit *formu-
lam reformationis*, in comitiis Augustanis editam & receptam, do-
nec alia rerum Ecclesiasticarum reformatio, vel à synodo Metropo-
litana, vel à concilio generali fieret. Quî autem & qualiter id ab
eo pro sua Episcopali sollicitudine gestum fuerit; lubet audire ex
ore & calamo illius, qui huic synodo interfuit Henricus Abbas in

Ma-

Marienmünster: *In die S. Galli Abbatis, inquit, celebrata est synodus Paderborna: et Reverendissimus ac graciosus Dominus Rembertus Episcopus praesidebat, congregatis ibidem Canonicis majoris Ecclesiae, cum Abbatibus, Prelatis, Pastoribus, ac toto Clero hujus Diocesis. In primis Missa de Spiritu sancto solenniter decantata; et post eam Concionator fecit devotam et integerrimam exhortationem. Quâ finitâ, lecta sunt literae Caesaris Majestatis, et Archiepiscopi Moguntinensis, velut Metropolitani: in quorum literis Episcopo nostro facta est commissio de reformatione Clericalis disciplinae; quæ et ibidem prælecta ac promulgata est in medio majoris Ecclesiae. Deinde factâ deliberatione lectum est mandatum synodale; et post finem horum omnium solenniter decantatum, Te Deum laudamus. Duravit ista synodus à medio octavae usque ad medium primae; et Dominus Episcopus invitavit omnes Prelatos ad mensam suam. Hucusque prædictus Abbas: qui & rectè ibidem addit, talem synodum non esse celebratam intra centum annos. Nimirum quia tales plerumque tunc erant Episcopi in Germania, quales in eadem formula reformationis describit ac deplorat sapientissimus Imperator, de iisdem inquires: Est autem præposterum, et eorum vocatione indignum, res temporales spiritualibus præferre, et rebus secularibus sedulò intentos, eos tantum agere PRINCIPES; curam verò Ecclesiasticam omnem rejicere in Vicarios. Ità eis vita instituenda est, ut appareat, eos Episcopos potius, quàm Principes esse: et calum potius, quàm hunc mundum cogitare.*

Finitâ synodo adhuc supererat, ut Episcopus Pastoralem sollicitudinem suam converteret etiam in terras illas, quæ ad spirituales nostræ Diocesis jurisdictionem pertinebant, maximamque sui partem Lutheranis erroribus jam infectæ erant. Itaque ut & has in viam salutis revocaret, initium fecit à comitatu Lippiensi; cui ante annum præsidere coeperat Bernardus Comes, homo juvenis, & à morte Catholici patris in aula Hassica educatus. Missi in hunc finem* duo Commissarii, qui mandatum Cæsaris exhiberent Comiti, juberentque, ejusdem subditos vel ad Ecclesiæ Catholicæ instituta regredi; vel saltem ad Religionis formulam, in comitiis receptam, se quantocyus accomodare. Quod cum & Comes, & consulti ab eo status patriæ, metu Cæsaris non detrectarent, continuo coeperunt iidem Commissarii, unà cum assumpto prædocto monacho, Lippiense territorium obire, pagos & oppida perlustrare, monasteria virorum ac mulierum restituere, Pastores ad examen evocare, de eorum scientia cognitionem accipere, idoneos ab officio dimovere; idoneos verò ac morigeros, etiam toleratis uxoribus jam antè habitis, ad *interimisticæ* doctrinæ leges adstringere. Simili modo processum est, non solum in comitatu Waldeensi; verum etiam in territorio Corbejensi & Ravensber-

Curat etiā
visitari, &
ad *interim-*
isticam
doctrinam
adstringi
terras, juris-
dictioni
sue spiri-
tuali subdi-
tas; nimirū
comitatum
Lippiensē,
waldecen-
sem, Ra-
vensbergē-
sem & Cor-
bejense ter-
ritorium.
* *Piderit.*
in chron.
Lipp. pag.
621. & seq.
Hamelm.
in hist. Ev.
Lemgov.
pag. 1075.

genſi

genſi. Quanquam in his duobus ultimis Episcopus noſter maxi-
mâ ſuorum onerum ac ſollicitudinum parte liberatus fuerit à lo-
corum iſtorum Principibus, Caſparo * Corbejenſi & Wilhelmo
* Hamelm. in hiſt. Ev. Huxar. pag. 1087. entiffimis.

* Hamelm. in hiſt. Ev. Ravensb. pag. 833. Franciſcus Episcopus Monaſt. Oſnabrug. & Minden- ſis, comper- to ſuæ ex- auctoratio- nis decreto, ad Catholi- cam Fidem revertitur. Lilius in appendice mſ. ad Ert- wini chron. Oſnabrug. Hamelm. in hiſt. Ev. Oſnabrug. pag. 1142. Longè difficilior fuit medicatio in vicina nobis Dioceſi Oſna- brugenſi, ubi non ſolùm oves Chriſtianæ; ſed etiam Paſtor ipſe, nimirum Franciſcus de Waldeck, Monaſterienſis, Oſnabrugenſis; ac Mindenſis Episcopus, Lutheranâ peſte infectus erat. Hic, tametſi anno præterito Romam citatus, atque ad cauſam inibi di- cendam poſtulatſus eſſet ſub poena privationis ſuorum Episcopatu- tum; hucuſque tamen exiguam planè ſpem de ſe fecerat futuræ emendationis & amplectendæ ruruſus Fidei Catholicæ. Quare tan- dem Cathedralis Eccleſiæ Oſnabrugenſis Canonici, qui illius dam- nationem Romæ ſedulò perurgebant, novi Antiſtitis deligendi fa- cultatem à Paulo III. Pontifice conſecuti ſunt: eâ tamen lege, ut ob Capituli Monaſterienſis interceſſionem priuſ omnem adhibe- rent operam pro tentanda ipſius reductione, quàm ad alterius no- vi Antiſtitis electionem procederent. His acceptis, unâ cum No- bilitate patria tunc adhuc potiſſimam ſuâ partem Catholica, repen- tē citra Principis voluntatem indixerunt comitia Dioceſana; at- que ad ea, die viceſimâ octavâ Aprilis, ipſummet Principem evo- cârunt, ut in perſona propria compareret, audirétque ſententiam Cæſaris & Pontificis. Quod cū ipſe per octiduum recusâſſet; eundem contumaciæ contra ſupremos dominos reum eſſe, coram Notario ac teſtibus proteſtati ſunt: minatiſque ſimul, ſe ad ejus exauctorationem proceſſuros, niſi poſt alterum octiduum com- pariturus eſſet in aliis comitiis, ad quartum Idus Maji denuo con- gregandis. Tum verò tandem Franciſcus Episcopus, amittendæ huius Dioceſis periculum videns, præſtituto die præſentem ſe ex- hibuit; abjuratâque Lutheri doctrinâ, quam ex quorundam adu- latorum inſtinctu ſecutus fuerat, ſe Catholicum eſſe, & in poſte- rum fore, profeſſus eſt. Mox etiam ſuâ & Collegii Cathedralis auctoritate decretum condidit, quo abolitis novationibus, ab Her- manno Bonno pseudo-Apoſtolo nuper introductis, veteres Eccle- ſiæ ritus Dioceſi totâ reſtitui, & Fidem Catholicam â ſubditis re- ſumi juſſit: additis quoque graviffimis poenarum comminationi- bus, niſi hac in re, & ſibi, & Cæſari, morem gererent. Itâ rur- ſus Oſnaburgi, tam in urbe, quàm extra illam in pagis & oppidis, Catholica Fides reſſeſcere cœpit; redditâque ſunt Religioſis mo- naſteria, Eccleſiaſticis templa, altaribus ſacrificia, choris psalmo- diæ, parochiis ejecti Paſtores, cathedris & ſuggeſtibus ſacris con- cio-

Jubet ean- dem in ur- be ac Dio- ceſi Oſna- brugenſi & Cæſaris de- creto re- cipi: Auctores iidem.

cionatores Orthodoxi. Denique & indicta synodus totius Cleri Osnabrugensis: in qua Franciscus Episcopus Pontificali habitu indutus prodit, omnibusque Parochis & animarum curatoribus gravissime demandavit, ut gregem sibi commissum ad Ecclesiæ Romanæ gremium revocarent, vel certè limites in decreto *interimistico* præscriptos non excederent.

Cum fine hujus anni in Diœcesi nostra Paderbornensi finem vivendi fecit Reverendissimus Dominus Henricus Schröder, Abbas monasterii B. Mariæ Virginis, vulgò Marien-Münster, è cujus diario manuscripto præcedentium annorum historiam persæpe illustravimus. Fuit hic vir egregiæ pietatis, prudentiæ, constantiæ, fortitudinis; & quod nobis in hoc opere nostro frequenter profuit, memorabilium rerum sui temporis annotator sedulus. Adhæc inter innumera temporum istorum pericula pro tuenda suorum Religiosorum salute & custodia tam sollicitus, ut verè potuerit usurpare illud Christi Servatoris: *Pater! quos dedisti mihi, non perdidisti ex eis quenquam.* Atque idcirco anno 1532, cum videret, alibi passim non modò Clericos seculares; sed et monachos, **prostituto honore casti sacerdotii, in execrabilia scorta et pellices, quas ipsi conjuges appellabant, sine verecundia proruere;* monachos suos omnes è parochiis ruralibus (quarum non paucas in Episcopatu nostro à temporibus antiquis obtinent) severioris custodiæ causâ ad monasterium retraxit. Simul etiam à Reverendissimo **D. Vicario generali facultatem petiit, ut alios interim sacerdotes Ecclesiasticos, pro suo nutu removendos, iisdem surrogare tam diu posset, donec ea mutandæ Religionis tempestas non nihil deferbuerit.* Idem hoc anno adhuc interfuit synodo Paderbornensi, die 16 Octobris habitæ; & indè redux, nescio quo morbo subitaneo, vitam pientissimè transactam clausit die 4. Novembris. Successit in ejus locum Gerhardus de Colonia, sic dictus ab urbe patria, postulatus ex Abdinghoffensi monasterio **in festo S. Lucie Virginis, confirmatus à Remberto Episcopo nostro pridie S. Thomæ Apostoli, & ab eodem benedictione sacrâ impertitus biduo post die 22. Decembris, vir integerrimæ vitæ & zeli; sed qui sui decessoris vestigia in annotandis temporum istorum gestis minimè secutus fuit.*

Synodum
Diœcesanâ
Osnaburgi
celebrat.
*Auctores
idem.*

Moritur
Novembri
mense Hen-
ricus Schrô-
der, Abbas
in Marien-
münster,
vir egregiæ
pietatis, re-
ligionis, &
sollicitudi-
nis erga
suos.

**ita habent
littera Ma-
rienmünst.
de aâ 1532.*

**ita habent
eadem li-
tera.*

**ita habet
manuscri-
ptum ejus-
dem Abba-
tis Ger-
hardi.*

Annus Christi 1549.

PAULI III. Pontificis ultimus.
CAROLI V. Imperatoris. 30. & 31.
REMBERTI Episcopi Pad. 3.

Finitis comitiis Augustanis, compositoque Germaniæ statu, Carolus Imperator Septembri mense præcedentis anni in Belgium reversus,

P p

pro-

Conradum
Comitem
de tecklen-
burg privat
Lingenſi
Dynastiâ;
alios verò
multat
propter
commu-
nionem
fœderis
Schmalkal-
dici.

**utlgo*
audenar-
de vel ou-
denarde.
**Hamelm.*
in hiſt. Ev.
Waldec.
**vide dicta*
ad an. 1518.
et Chytrau
ad eundem
annum.
**Chytraus*
ad an. 1547

Adolphus
Archiep.
Colon. ce-
lebrat ſy-
nodum
Provinciale
in qua etiâ
præſcribit
ſex media,
ad refor-
mationem
Cleri ac
populi ne-
ceſſaria.
Vide acta
ſynodi illi
to. 14. con-
cil. general.
apud Lab-
baum

proficiſcitur, ſecum ducens captivos Principes, Joannem Frideri- cum Saxonem, & Philippum Landgravium Haſſiæ: quorum prior ferè ſemper manſit in comitatu Cæſaris; poſterior verò primùm *Aldenardæ, dein Mechliniæ, ab Hiſpanis militibus in custodia detentus eſt. Illuc etiam, ut in veteri manuſcripto legitur, mul- ctationis cauſâ vocati ſunt non pauci Nobiles Weſtphaliæ, qui ſu- periore bello contra Cæſarem Saxoni & Landgravio à ſtipendiis vel auxiliis fuerant; præcipuè verò duo Comites, Volradus Wal- decenſis, & Conradus Tecklenburgenſis. Primus horum grandi mulctâ pecuniariâ *temeritatem ſuam expiare debuit: ſecundus autem, arce ac Dynaſtiâ Lingenſi, quam Nicolaus ejuſdem pa- truius anno 1526* Duci Geldriæ in feudum dederat, ob infidelitatem & ingrati- tudinem ſuam erga Cæſarem, tunc Geldriæ *totius Do- minum, exutus fuit; atque ità hæc Dynaſtia à Comitibus Tecklen- burgicis in aliorum poteſtatem tranſiit. Cetera per hunc annum Carolo Imperatori pacatiſſima fuere: videbaturque Religio Ca- tholica intra paucos annos ad florem priſtinum reditura, niſi ſpes iſta haud multò poſt iterum everſa eſſet è vicina Gallia, diſſenſio- num Germanicarum faultrice.

Interim præſenti bono pacis ad reformandas Eccleſias feliciter uſi ſunt Weſtphalicorum Episcopatum Metropolitani, Sebaſtia- nus Archiepiſcopus Moguntinus, & Adolphus Archiepiſcopus Colonienſis; quorum uterque hoc anno provincialem ſynodum è comitorum Auguſtenſium decreto habuit. Colonienſis eam celebravit in quadrageſima à die undecima Martii uſque ad ſextam Aprilis. Quo tempore, poſteaquam omnes Episcopî comprovin- ciales exhibuiſſent acta Dioceſanæ ſynodi ante annum à ſe habitæ; ante alias conſtitutiones quaſlibet ſaluberrimè præſcripta ſunt ſex media, quibus Clerus populûſque ſenſim ad pleniorẽ perfectio- rêmque reformationem perducî poſſit ac debeat. Nimirum *Pri- mò*, ut juventus Catholica per magiſtros probatos & ſelectos rectè inſtituatur, non ſolùm doctrinis humanioribus & profanis; ſed etiam ſacris ac Theologicis. *2dò*, ut hi, qui ſacris ordinibus ini- tiandi, vel ad animarum regimen aſſumendi ſunt, antea per viros doctos probatosque diligenter examinentur, tam de vita ac mori- bus, quàm de ſcientia ad eum ordinem aut animarum curam ne- ceſſaria. *3tiò*, ut hi, qui curam animarum tenent, ſumma cum diligentia ſuo munere perfungantur; nec Archidiaconi ſuas vices committant hominibus levibus vitioſisque, ſed viris gravibus & probatæ exiſtimationis. *4to*, ut Archidiaconi ſuas Eccleſias dili- genter viſitent, oculumque pervigilem habeant in detegendis cor- rigendisque Parochorum aut Parochianorum vitiis. *5to*, ut fre- quen-

quenter ab Episcopis celebrentur synodi, sinè quibus Ordo ecclesiasticus facillimè diffluit, uti corpus sinè nervis. Etò, ut jurisdictio ecclesiastica, per abusum depravata, reformetur juxta modum ac normam, aliàs in synodis anterioribus laudatissimè præscriptam.

Post hæc etiam die sextâ Maji celebrari cœpit synodus provincialis Moguntina, in qua non minùs, quàm Coloniae, pro extirpandis novorum hæreticorum doctrinis instantissimè laboratum est. Sanciti in ea sunt articuli centum & quatuor: atque inter eos quadraginta septem, qui ad Fidem aut res credendas; alii verò quinquaginta septem, qui ad mores ecclesiasticos & eorum reformationem pertinent, omnes utilissimi, atque ad scopum à pietissimo Cæsare intentum quàm maximè salutare. Episcopus noster Rembertus Kerffenbrochius, qui Archiepiscopo Moguntino subest, huic synodo non interfuit per se ipsum; sed per idoneos Legatos, *pictate, doctrinâ, et consilii* magnitudine præstantes*. Erat enim gravissimè impeditus, partim visitatione suæ Diœcesis & correctione defectuum in ea repertorum, partim aliis negotiis, à Cæsarea Majestate sibi demandatis; uti constat ex ejusdem Remberti literis, ad Moguntinum Archiepiscopum exaratis, quas ad egregium ejus fervorem declarandum hîc adjicio.

Salutem et officiosam suâ commendationem Reverendissime in Christo Pat-
ter, amplissime Princeps ac Domine, multis nominibus nobis observande. Quàm flagranti affectu atque studio Dominica illius Domûs, Ecclesiæ inquam, nunc beu! nimium devastatæ et multifariam conspurcatæ, nativum et genuinum decorem sedulò quidem aliàs; sed præcipuè ab illo die, quo Deus optimus maximus gravissimam ac viribus nostris plane imparem hujus gregis sui pascendi sarcinam imposuit, ambièrimus: id solus ille cordium scrutator Deus, tanquam omni exceptione major testis, exactiùs pernoxit. In quo, licet hæctenus nihil licuerit; tamen sedatâ et flescete jam utcunque (ope divini Numinis, sedulâque invictissimi illius Caroli Imperatoris operâ) servissimâ hac, quâ ad desperationem usque jactati sumus, tempestate, letiora nobis pollicentes, collapsam illam Domum non solum instaurari, verùm etiam ad pristinum statum reduci posse confidimus: ad quam rem et qualiscunque nostra sedulitas haud gravatè accedet. Quoniam verò Deo gratissimus ille conatus noster nulla in re, aut meliùs, aut efficaciùs, quàm tum particularibus ac provincialibus, tum etiam œcumenicis synodis, suo effectui mancipari poterit: quapropter, posteaquam Cæsarea Majestatis mandatum in hoc accepimus; Episcopalem nostram synodum hîc, quantâ potuimus diligentia, celebravimus. Eâmq; necessaria nobis ac decens nobis subjectorum visitatio subsequuta est: in qua etiam, manifestiores errores, defectus, et vitia resecando, adhuc desu-

Similiter etiam Sebastianus Archiep. Moguntinus congregavit synodum provincialem; cui Rembertus Ep. noster, tunc impeditus, per Legatos interfuit.

*Acta hujus synodi extant eodem to. 14. concil. gener. *ex præfatione conc.*

Mogunt. Literæ Remberti Episcopi Paderborn. ad Archiep. Moguntinum. ex antiquo libro ms.

damus. De gravioribus verò ad vestra Reverendissima Paternitatis provincialem synodum, ad quam et nos quoque per Reverendissimam vestram Paternitatem inter alios vocati sumus (cui etiam, si per omnipotentis Dei favorem, et per varia, quibus domi forisque distinemur, per Casaream Majestatem nobis demandata negotia, licuerit, constituto loco et tempore interesse studebimus) vel ipsémet, vel saltem per nostros, cum sufficienti instructione et mandato, Legatos referre, ac Reverendissima Paternitatis vestra aliorumque comprovincialium consilium et diffinitionem præstolari decrevimus. Interim, ut Reverendissima Paternitas vestra, Christo IESU Servatori nostro commendata, diu feliciterque vivat, precamur.

**vulgo* Datum in arce nostra Nova* domus, die primâ mensis Martii, Anno ab
Neuhauß orbe redempto supra sesqui millesimum quadragesimo nono. Rembertus,
vel Neu- Dei gratiâ Paderbornensis Ecclesiæ Episcopus.
husum.

Ericus ju- Non minori studio in repurgandis ditionibus suis desudabant
nior & Hen- Ericus junior & Henricus junior, Duces Brunsvicenses; quorum
ricus ju- ille Principatum Calenbergensem, hic verò Wölffenbutanum cum
nior Duces provinciis annexis tenuit. In Erici terras doctrinam Lutheranam
Brunsvi- Elisabetha mater invexerat anno 1540, quando ipse* post mortem
centes, e- patris adhuc impubes, & ad regendum inhabilis erat. At ubi is
gregiè de- postmodum, adultiori jam ætate, ex aula Cæsaris & comitiis Au-
sudant in gustanis rediit: non modò Præcones Lutheranos expulit; sed etiam
reducenda Antonium Corvinum *superintendentem*, qui *interimistico* Cæsaris
in suas ter- decreto se opposuerat, sequenti anno* comprehendi, ac triennio
ras FideCa- in vinculis eum in modum attineri iussit, ut, etiamsi demum anno
tholica. 1540.
**anno 1550,* 1553 ab iisdem exsolutus fuerit, intra sex menses infelicem animam
ut refert eiecitaverit. Henrici terris Lutheranum virus infuderat Philippus
Hamelm. Hassiæ Landgravius, qui eundem ante aliquot annos primùm è
in hist. Ev. Ducatu suo excluserat, ac deinde etiam cum filio suo in acerbam
Brunsvic. captivitatem abduci fecerat. Sed & ipse pariter, ut primùm al-
pag. 924. ternante Landgravii fortunâ libertati pristinæ se restitutum sensit;

Catholicam Religionem postliminio reduxit per duos egregios do-
**Hamelm.* ctissimosque viros, Bernardinum* Lasthausen, & Henricum Hel-
in hist. Ev. mes, quorum posterior erat ex Ordine S. Francisci strictioris ob-
Brunsvic. servantia. Hi duo in omnes ipsius urbes pagosque missi, cum
pag. 895. ingenti zelo parochias visitârunt; eiectisque recentis Evangelii
buccinatoribus, qui per ostium verum non intraverant, eorundem loco introduxerunt Sacerdotes probè Catholicos, Ecclesiæ veteris & Sanctorum Patrum doctrinis adhærentes. Hamelmanus præco Lutheranus, vetulæque ejulanti magis, quàm viro cordato similis, visitatores istos pro sua maledicentia vocat homines impios & scortatores. At ab homine malo vituperari, laus est potius, quàm vituperium: præsertim cum ille passim eandem ap-

**Hamelm.* pellat
ibid. p. 895
& seq.

pellationem tribuat omnibus presbyteris nostris ; putétque hos eodem spiritu agitari cum prædicantibus Lutheranis , qui sibi à scortationibus temperare vix possunt , nisi ad matrimonium con-
volent. Sed hæc per parenthesin.

Jubilæum sequentis anni quinquagesimi propemodum aper-
turus erat Paulus III, Romanus Pontifex; cùm eundem inopinus
animi dolor die decimâ Novembris è numero vivorum abstulit.
Erat is exquisitæ sapientiæ senex , & in quo nihil non altum &
sublime visum est, nisi quòd hominem simul se prodiderit immo-
derato* amore erga suam stirpem & sanguinem. Id quod etiam
in extremis doluisse dicitur, ac deplorâsse his verbis Davidicis: *si
mei non fuissent *dominati, tunc immaculatus essem, et emundarer à de-
licto maximo.* Neque hic immodicus in suos amor sinè pharetra ac
telo fuit. Cùm enim Octavius Farnesius nepos ejus paucis ante
mortem diebus eidem per literas indicaret, vel sibi dominium Par-
mense ab eo tradi oportere; vel se cogendum esse, ut illud à Ca-
rolo Cæsare in feudum peteret; improvisis hujusmodi minis con-
turbatus, repentè velut ex infixò telo* in animi deliquium incidit,
ac biduo triduove post extinctus est.

Paulus III.
Pontifex
die 10. No-
vembris
moritur.

*Pallav. in
hist. conc.
Trid. l. 11.
c. 6. n. 4.

*Spond. ad
hunc ann.
n. 12.

*Pallav.
loc. cit. n. 3.

Annus Christi 1550.

JULII III. Pontificis 1.
CAROLI V. Imperatoris 31. & 32.
REMBERTI Episcopi Pad. 4.



Aulo III. Pontifici, post trium ferè mensium interre-
gnum, in Papali cathedra successit Julius III, electus
*die septimâ Februarii, & antea dictus Joannes Maria
Vincentius de Monte, Cardinalis & Episcopus Præ-
nestinus. Inter primas officii sui curas nihil impensiùs habuit,
quàm concilii Tridentini resumptionem urgere; & Societatem
JESU, à decessore suo ante decennium approbatam, Papali aucto-
ritate suâ denuo stabilire. Postremum ex his duobus præstitit per
amplissimum diploma, *duodecimo Kalendas Augusti* hoc anno datum,
utì prolixiùs videri potest apud *Ribadeneiram. Alterum verò,
quod ob Regem Galliæ in plures difficultates impingebat, post lon-
gas totius anni consultationes tandem effectui datum est *decimo
octavo* Kalendas Decembris*; quo die Julius Pontifex resumendi con-
cilii Tridentini decretum edidit; simulque statuit, illud anno se-
quente in ipsis Kalendis Maji pro Germaniæ laborantis bono resu-
mendum ac prosequendum esse.

Julius III.
Pontifex es-
ligitur hoc
anno die 7.
Februarii.

*Pallav.
loc. cit.

Confirmat
Societatem
JESU, &
mandat re-
sumi concil-
ium Tri-
dentinum.

*ex vita S.
Ignatii, to.
7. ss. Julii
c. 19.

*Vide ipsius
Bullam in
to. concil.
general.

De-

Ordines

Imperii in
comitiisAugustanis
denuo pol-
licentur, sestaturos de-
terminatio-
ne concilii

Tridentini;

*Pallav. in

hist. conc.

Trid. l. 11.

Contradi-

cente quidē

Electore

Saxone;

*Pallav.

ib. c. 11 n. 3.

Surius in

comment.

ad hunc

annum.

Spond. hic

n. 5.

*Auctores

iidem.

Recess. Au-

gust. de aō

1551.

Sed tamen

postea con-

sentiente

saltem si-

mulatē.

In iisdem

comitiis a-

gitur de do-

ctrina inte-

rimistica, à

statibus Lu-

theranis u-

niformiter

admittenda

*Helvicius

in theatro

hist. univ.

et alii.

*Recessus

August. de

aō 1551.

Desideratissimum hoc decretum accepit Imperator in comitiis Augustanis, quæ per æstatem hujus anni cœpta, & usque in mensem Februarium sequentis anni protracta sunt. In his potissimum urgebat Cæsar, ut omnes Imperii Ordines iteratam sibi fidem darent, concilii Tridentini leges in modernis Religionum discordiis à se receptum & observatum iri. Id enim jam antè promiserant in comitiis, biennio abhinc Augustæ habitis: inquiebat Pontifex, non fore* opus concilio; sed armis, ad infringendam eorum contumaciam, qui Ecclesiam audire nollent. Re deliberatâ, ferè omnes consenserunt æquissimæ huic postulationi Cæsaris. Unus hac in re aliquantum reclamabat, qui à Cæsare Carolo maximis beneficiis in sublime evehctus erat, Mauritius Elector Saxonæ, Joanni Friderico Saxoni ante biennium surrogatus. Is enim, cum abesset à comitiis, per suos Oratores* protestatus est, concilium Tridentinum à se non aliter probatum iri; quàm si Augustanæ Confessionis Theologi parem cum aliis decidendi potestatem obtinerent, neque Romanus Pontifex eidem concilio præset. At, cum ea protestatio superiorum comitiorum decreto contrairer; neque unquam in comitiis œcumenicis auditum fuerit, ut ipsimet rei, de novis doctrinis accusati, in causa propria sententiam ferant: ideo contradictione hac rejectâ, ab aliis tam Protestantibus quàm Catholicis* denuo constitutum est, concilii generalis determinatione, tanquam ordinariâ & unicâ ad abolendas Religionum dissensiones viâ, in posterum stari & acquiesci oportere. Id quod etiam postea à Mauritiū septemviri Legatis videtur acceptatum: cum & ipsi non minùs ac alii Principes & eorum Oratores Recessum hunc Augustanum suorum nominum subscriptione comprobârint; etiamsi tantum simulatè ac fictè, uti è sequentium annorum serie lucidiùs apparebit.

Major difficultas erat in promovenda Religionis formula, in prioribus comitiis evulgata sub famoso nomine *doctrina interimistica*. Hæc enim, tametsi in plerisque provinciis aliqua ex parte recepta esset; non tamen in omnibus uniformiter ac plenariè. Apud Saxones major Theologorum pars, quos idcirco *molliores** Lutheranos appellârunt, in rebus plurimis accomodaverant se, præeunte Philippo Melanchthone: alii tamen *rigidiores*, quos inter Nicolaus Ambsdorffius & Illyricus Flaccus, vehementer illis obstrepuere, ideoque etiam è Saxonæ terris excedere jussi sunt. In aliis quoque Protestantium ditionibus, pro diverso Lutheranorum præconum sensu & ingenio, alibi plùs* & alibi minùs è doctrinis *interimisticis* admissum & acceptatum est. Qua de re cum in his comitiis inquisitio fieret, variique varias difficultates & impedimenta prætexuissent,

sent, propter quæ hæc nova illa Religionis formula ad plenior-
rem effectum perducere nondum potuerit; Cæsar istorum impedi-
mentorum cognitionem * in se recepit, promisitque, se de iis in-
dagaturum, neque aliquid studii aut laboris omitturum esse, quo
minùs ea sapienti consilio tandem è medio tolleretur.

Postremò etiam consultatum est de infringenda senatùs popu-
lìque Magdeburgensis rebellionè & pervicacia. Mirum! quàm
obstinatè civitas illa se opposuerit voluntati Cæsaris, etiam devi-
cto Saxone, finitòque bello Protestantico! societatem Schmalkal-
dici foederis à victore Cæsare deprecata non fuerat (utì aliæ jam ur-
bes fecerant) doctrinam *interimisticam* * suscipere detrectabat,
Ambsdorffium & Illyricum, seditiosa duo capita, in gremio suo
confovebat; pacem Imperii publicam * violaverat, Cathedralis
Ecclesiæ Canonicos * expulerat, iisdem vivis ac mortuis insolenter
insultaverat, eorum bona redditusque omnes ad se attraxerat, vi-
cinos Capituli pagos & urbes armatâ manu occupaverat: ac ta-
met si nonnulli Principes atque aliorum Ordinum Legati, permissu
Cæsaris, urbem hanc amicabili transactione ad obsequium redu-
cere conati fuerint, non solum conatus eorundem omnes fefelle-
rat; sed etiam, post imperatam proscriptionis Imperatoriæ sen-
tentiam, in sua contumacia & iniquis ausibus obstinatissimè per-
sistebat. Quare tandem communibus Imperii sumptibus decre-
ta est ejusdem urbis obsidio; atque, ut ea constantius urgeretur,
durante bello in singulos menses assignata sunt * sexaginta aureo-
rum millia, quibus & stipendia solvi, & reliqua ad bellum geren-
dum necessaria conquiri possent. Initium huic obsidioni datum
die quartâ Octobris, & (quod omnium maximè Imperatori no-
cuit) suprema rerum agendarum cura demandata est * Mauritio
Saxoni. Qui, utì Cæsari ob accepta beneficia fidissimus fore cre-
debatur; ità etiam turpissimè eum decepit, & omnem restituen-
dæ Religionis pacisque spem nefariis consiliis intervertit, quem
admodum ex eventu istius obsidionis manifestum fiet.

Interea Rembertus Episcopus noster, postquam hæc in
Dioecesi nostra composuisset ea, quæ ad Religionem & mores Ec-
clesiasticorum pertinent; etiam hoc anno, singulari cum industria,
manum admovit ad complanandas monasteriorum aliquorum con-
troversias. Harum una, quæ inter Abbatem monasterii B. MA-
RIÆ Virginis (vulgò Marien-Münster) & inter Perillustres Domi-
ni Arnoldi ab Oynhausen in Grevenborg relictam viduam, diu agi-
tata fuerat propter bona in Münsterbroick & piscinam appellatam
Greuendieck; per ejusdem Episcopi & Bernardi Comitis Lippien-
sis commissarios, Hermannum de Viermund satrapam Dringen-
ber-

*idem Re-
cess. August.

In iisdem
quoque de-
cernitur
obsidio ur-
bis Magde-
burgensis,
Imperator
hacten⁹ re-
fractariæ:

*Helvic.in
theatr.hist.
univers.

*Recessus
August. de
anno 1551:

*Chytraus
ad annum
1547.

Cujus per-
urgendæ
cura à Cæ-
sare perpe-
ram comi-
mittitur

Mauritio
Saxoni.

Chytraus l.
17. Saxoni.

*Chytraus
ibid.

Sarius ad
hunc ann.

*Chytraus,
Spangenberg.
& alii.

Rembertus
Ep. Pader-

born. com-
ponit litem

diu agitatâ
inter Mari-

enmünste-
rense cœ-

nobium, &
viduam

perillustres
Domini Ar-

noldi ab
Oynhausen

in Greven-
burg.

bergensem, & Hermannum de Mengersen satrapam Lippiensem in Swalenberg, amicabili modo coæquata est sub initium Junii, uti constat è prædicti coenobii tabulis, datis & consignatis in *Ma-*
**erat quar-* *rienmünster, Anno post Nativitatem Domini nostri millesimo quingentesi-*
tâ Junii, *mo quinquagesimo, die Mercurii* post Dominicam Trinitatis.* Altera
sub litera *lis erat monasterii Virginum Benedictinarum Paderbornæ ad S. U-*
Dominica- *dalricum (vulgò Gaukirchen) repetentis antiqua bona sua in Tydt-*
li e. *boldinckhusen & Vesperthe, duobus pagis tunc desertis & olim*
 Item adhuc aliam litem inter coenobium Gaukirchense Virginum ex una parte; & inter ipsum Episcopum & Nobiles de Westphalæ in Fürstenberg ex alia parte.
Litera mo- *nasterii ad*
s. Udalri- *cum, vulgò*
Gaukirchen **ab anno*
circa *1445. vel*
paulò post.
 Remberti Episcopi litteræ de hac re.
ex archiv, *monast.*
Gaukirch, *ad S. Udal-*
ricum Pa- *derbornæ.*
**verrückter* *Zeit.*

NOs Rembertus, Dei gratiâ Episcopus Paderbornensis etc. Notum facimus et profitemur publicè per has literas, quòd Reverenda, nobis dilecta ac devota, Abbatissa, Priorissa, et Conventus ad S. Udalricum in urbe nostra Paderborna, prægrosso tempore* demissè nobis exponi fecerint, se, tametsi vigore illarum adhuc literarum ac sigillorum jus antiquum habeant in pagis desolatis, Tydtboldinckhusen ad campum Mathfelde, et Vesperthe ad campum Sinfeldicum sitis; è possessione tamen hujusmodi bonorum dejectas esse: eaque nunc, nempe Tydtboldinckhusen à nostris Officialibus in Wünnenberg; Vesperthe autem à cognatis et fratribus Westphaliis in Fürstenberg usurpari, nullâ vicissim consolatione redditâ, non sine insuperabili suo et memorati monasterii detrimento: proinde etiam humillimè supplicarint, ut nos, veluti Princeps territorialis, earum gravamina ponderare, simulque prospicere dignaremur, quo ipsa rursus ad prædicta
 *deso-

desolata loca et bona recipiantur. Cùm igitur ex officii nostri debito agnoscamus nos obligatos esse, ut cuilibet adjuvamento simus ad accipendum id, quod suum est; non intermisimus, de rei hujus veritate et habitudine sedulò percontari. Licet autem in hac investigatione verissimè comperrissemus, quòd Officiales nostri *Winnenbergenses* locum desolatum *Tydboldinckhusen* in commodum istius nostræ satrapia, et similiter etiam prædicti Nobiles *Westphalii* in *Fürstenberg*, locum desolatum *Vesperthe*, ultra hominum memoriam, supràque tempus à jure præscriptum, in quietâ et nunquam impedita possessione tenuerint, ac pro suo libitu usurpârint; adeoque prædicta *Abbatissa*, *Priorissa*, et *Conventui* difficillimum futurum sit, viâ juris aliquid per suarum veterum literarum exhibitionem adipisci: Subinde tamen cum eadem *Abbatissa*, *Priorissa*, et *Conventu*, per intimos *Consiliarios* nostros agi, easque demum permoveri curavimus, ut prædictas ejusmodi sigillatas literas de utroque isto desolato loco, ad majorem sui monasterii utilitatem deliberatè ac libere in nostras ac prædictorum *Westphaliorum* manus tradiderint etc. - - - - - Omnia et singula puncta vel articulos, in his literis contentos, promittimus ac profiteamur nos *Rembertus* Episcopus pro nobis et successoribus nostris: et nos *Mauritius*, *Rabanus*, *Lubertus*, *Fridericus*, *Casparus* et *Rabanus*, consanguinei et fratres *Westphalii* in *Fürstenberg*, pro nobis, et heredibus cohæredibusque nostris, constanter, firmiter, et inviolatè observatum iri. In cujus rei ac veritatis testimonium Nos *Rembertus* Episcopus prædictus pro nobis et successoribus nostris: similiter et Nos *Præpositus*, *Decanus*, et *Capitulum* *Ecclesiæ Cathedralis* in signum consensûs nostri: et Nos *Mauritius*, *Rabanus*, *Lubertus*, *Fridericus*, *Casparus*, et *Rabanus*, pro nobis et heredibus nostris, sigilla nostra successivè et seorsim hisce literis appendimus. Datum Anno millesimo quingentesimo quinquagesimo, die *S. Jacobi Apostoli*.

Annus Christi 1551.

JULII III. Pontificis 2.
CAROLI V. Imperatoris 32. & 33.
REMBERTI Episcopi Pad. 5.



Solutis comitiis Augustanis, quæ ab æstate præterita usque in hujus anni Februarium extracta sunt, Carolus Imperator adhuc multis mensibus Augustæ mansit, ut Imperii Principes auctoritate suâ ad adeundum concilium Tridentinum impelleret: ac deinde cum Ferdinando Rege fratréque suo Oenipontum abiit, ut eidem concilio vicinior esset. Resumptum est illud ineunte Majo; ac die undecimâ Octobris nova sessio, in qua materiæ controversæ de Sanctissimo

Post comitia Augusta-
na Cæsar
diu mansit
Augustæ,
ac demum
abiit Oenipontum.
Concilium
Tridentinū
resumitur,
cique inter-

Q 9

Eucha-

sunt tres
Archiepi-
scopi Ele-
ctores.

Labbe. 10.
14. concil.
pag. 814.

Pallav. in
hist. conc.

Trid. l. 12.
Electores

Brandebur-
gicus per
suos Orato-
res offert
concilio
suam obe-
dientiam:

*Pallav. in
hist. conc.
Trid. l. 12.
c. 9. n. 2.

Et erat cu-
pientissim⁹
restituendæ
concordiæ
Religionis.

*Pallav.
ibid. n. 3.

*Chron.
Halber-
stad. ms.

*Pallav. in
hist. concil.
Trid. l. 12.
c. 15. n. 4.

*Chron.
Halberst.
ms.

Henric⁹ II.
Galliæ Rex
à concilio
Tridentino
prohibet o-
mines Epi-
scopos Gal-
liæ.

Pallav. in
hist. cit.
Spond. hic
n. 13.

Eucharistiæ Sacramento deciderentur, à congregatis Patribus ha-
beri cœpit. Huic sessioni interfuerunt è Principibus Ecclesiasti-
cis Germaniæ, Sebastianus ab Heusenstamm Archiepiscopus &
Elector Moguntinus, Joannes Comes de Isenburg Archiepisco-
pus & Elector Trevirensis, Adolphus Comes de Schawenburg
Archiepiscopus & Elector Colonienfis: è secularium verò Princi-
pum ac septemvirorum cœtu duo Oratores Joachimi Electoris
Brandenburgici, Christophorus von der Straelsen, & Joannes Hof-
mannus. Primus horum Christophorus Straëssius in eo confessu
latinum sermonem ad Patres congregatos habuit, in quo ipsis no-
mine sui Principis obedientiam synceram obtulit; ac tandem ora-
tionem suam* ita conclusit: *Neque verò dubitare debet sancta synodus,*
Principem Electorem Illustrissimum omnia, quæ sancta synodo placitura
sunt, sanctè, syncerè, ut Principem Christianum et obedientem filium Ec-
clesiæ Catholicæ decet, observaturum ac defensurum esse, uti ex authen-
tico ejus mandato sancta synodus percipere potest. Et certè nemo Prin-
cipum Lutheranorum ardentioribus votis ad pacem & concordiam
religionis anhelabat, quàm prædictus Elector Brandenburgicus.
Evidentissima hujus rei argumenta sunt, quòd Julium Papam in
hac synodo appellârit* *sanctissimum in Christo Patrem, sacrosanctæ Ro-*
manæ et universalis Ecclesiæ summum Pontificem: quòd Carolo Impe-
ratori in consiliis, pro reducenda Religionis concordia susceptis,
nunquam obstrepuerit: quòd Fridericum filium secundò genitum
in aula pientissimi patris sui, Alberti quondam Cardinalis & Ar-
chiepiscopi Moguntini, Catholicè* educari & institui siverit: quòd
ejusdem filii postulationem, quâ ad Magdeburgensem & Halber-
stadiensem infulam anno 1549 canonicè expetitus fuerat, primùm
à Paulo III, tunc brevi mortuo; ac deinde* à successore ejus Julio
III. submissè depoposcerit, simul juratò pollicens, Fidem Catho-
licam ab eo retinendam, & in utroque Episcopatu contra finiti-
morum Protestantium vires tuendam ac sustentandam esse. Id
quod etiam Fridericus* reverà præstitit; & adhuc multò cumula-
tius fuisset præstiturus, nisi præmatura mors Catholici regiminis
initia non sinè maximis plurimorum lachrymis abruptisset anno
1553, die (ut Reusnerus asserit) undecimâ Octobris,
Urgebat Cæsar, & sperabat fore, ut & reliqui Principes aca-
tholici pari modo subjectionem suam Tridentino concilio exhibe-
rent. Sed eam spem, licet oppidò propinquam, repentè rursus
intervertit Gallia, fortunatis Germaniæ rebus ferè semper inimica.
Vetuerat Henricus Rex, ne quis Episcoporum Galliæ ad concilium
Tridentinum se conferret: imò & eos, qui jam Romæ & in aliis
Italiæ locis erant, in suas Dioceses quantocyus redire jusserat, variis
qui-

quidem de causis in speciem prætextis; re verâ tamen, quia Cæsaris fortunam & Germanicæ Religionis concordiam oderat, uti è rerum sequentium eventu paruit. Deinde Rhætos & Helvetos, tam Catholicos quàm Zwinglianos, contra summi Pontificis invitationem dehortatus est, ne suos ad concilium Tridentinum Legatos mitterent; aut, si quos ibidem miserint, illuc remanere non sinerent: imò, quod longè turpius, ea in re suadenda usus est auxilio & operâ Petri Pauli Vergerii, quondam Episcopi Justinopolitaniac Legati Pontificii; tunc autem foedissimi apostatæ apud Rhætos commorantis. Denique etiam cum nonnullis Principibus Lutheranis, maximèque Mauritio Saxone, Imperialium copiarum supremo Præside, nocentissimum foedus inîit, quo non solum Cæsar ipse propemodum oppressus, verùm etiam Tridentinæ synodi continuatio penitus disiecta, &, quod ab iisdem Principibus ardentissimè desiderabatur, Lutherana Religio in terris Germaniæ rursus erecta ac stabilita est. Id autem hoc modo contigit.

Ab Octobre superioris anni usque in hanc æstatem hærebat Saxo in obsidione Magdeburgi; eamque non paucis mensibus urgebat adeò tardè ac languidè, ut ea videretur simulatè magis, quàm animo sincero geri. Timebat enim, ne superatis Magdeburgensibus, etiam alii Protestantes ad *interimistica* doctrinæ legem severiùs adstringerentur: atque ideò malignis oculis circumspiciebat, quâ ratione ex eo laqueo se extricare, & concilii Tridentini observantiam evitare posset. Id cùm adverteret Henricus II. Galliæ Rex (qui eodem tempore propter urbem Parmam, recenter à se occupatam cum Cæsare dissidebat) pro conservanda Germaniæ libertate Mauritio Saxoni & aliis Protestantibus armorum societatem cum ingentibus pecuniis obtulit. Placuit consilium tam optatum Saxoni, communicatur cum Wilhelmo Hassiæ Landgravio (cujus pater adhuc detinebatur in custodia Cæsaris) indicitur secreta conventio Friedewaldiæ in Hassia inferiore, mittitur illuc ab Henrico Rege Joannes Fraxineus Episcopus Bajonensis in Gallia, accedit etiam ex aliis Germaniæ Principibus Albertus Marchio Brandenburgicus, Joachimi septemviri agnatus; ac decimum die nonâ Octobris, inter eos quatuor, hoc foedus icitur: *Henricus Rex * Mauritio, et sociis ejus, in singulos menses quadraginta miliorum aureorum millia pro exercitu alendo numeret: militem proprium, Casarea potestatis distrahenda causâ, in Imperii fines, maximèque in Lotharingiam infundat: Metas, Tullum, ac Virodunum, urbes Imperiales, armis admotis occupet; simulque vicino Belgio, ne id Cæsari in auxilium veniat, cum aliis armatorum suorum copiis bellum inferat.* Viciissim ann. brab.

Rhætos & Helvetos ab accessu concilii dehortatur per apostatam Vergerium: Spond. ad hunc ann. n. 18. Cum Saxone & quibusdam aliis Protestantibus foedus init pro defendenda contra Cæsare libertate germanica, seu potiùs Germanicæ Religionis.

foedus illud die nonâ Octobris percutitur Friedewaldiæ in Hassia, cum Saxone, Hassio & Alberto Marchione Brandenburgico. Dilich. in chron. Hassiæ. Harim. in hist. Hass. * Hærens in

quoque Mauritius Elector, Wilhelmus Landgravius, et Albertus Marchio, suas vires consociant, adversus Cæsarem in bellum coeant, reliquos Protestantium Ordines* in suam factionem sollicitent; minenturque eos à se habendos esse ut perduelles et proditores patriæ, si ipsorum conatus impedire, aut aliquo modo Cæsarem, Germanica libertatis hostem, adjuvare connisi fuerint.

Magdeburgum post obsidionem annalem Cæsari deditur agente Saxone: sed conditionibus tantum simulatis, & nunquam observandis. His peractis, Mauritius ad Magdeburgensem obsidionem rediit. Et quia per Heideckium internuntium obsessis indicabat, deditionem urbis jam securissimè & sinè omni Religionis mutandæ periculo fieri posse; facile persuasit illis, ut ipsius arbitrio se suasque fortunas post obsidionem plus quàm annalem dederent. Id quod etiam die septimâ octavâ, & nonâ mensis Novembris, tandem effectum est. Ne verò Cæsari suboleret, fraudem aliquam hîc delitescere; Magdeburgenses fucatè & in speciem jussi sunt in hos pacis articulos (non nisi ad Kalendas Græcas observandos) consentire: nimirum, ut ante Cæsarem in genua procumbentes, rebellionis præterita* veniam exorent: contra Austriacam Burgundicamque Domum nunquam aliquid hostile agant: interimistica doctrina formulam cum Tridentini consilii legibus acceptent: Camera Imperialis judicio se submittant, Cathedralis Ecclesiæ Canonicos in integrum restituant, Cæsareum præsidium recipiant, Cæsari et Romanorum Regi quovis tempore urbem aperiant, quinquaginta Rhenensium aureorum millia in penam solvant, ac duodecim tormenta belli maxima Cæsareæ Majestati tradant. Mirificè lætatus est Imperator, cum istos Magdeburgicæ deditionis articulos legeret: atque ideo credebatur penitus, neminem è Principibus A catholicis sibi æquè aut magis fidum esse; ac Mauritium, tam obstinatæ urbis domitorem. Sed hic jam aliter affectus, vulpem servabat in pectore; neque arcum suæ mentis dirigeat aliò, quàm ut Cæsari, falsitatum suarum inscio, repentinis insultibus ferale telum infingeret. Id autem ut occultius efficeret ex pacto cum Gal-
 *Spangenberg. in chron. Mansfeld. Cæsareum exercitum sub vario prætextu sibi suisque u-
 *Camerar. in annos. rer. præcipuar. apud Fresh. 10. 3.

mili-

militum exauktionatione laberetur. Quo autem Cæsaris & Catholica Religionis nocumento id factum fuerit, sequens annus aperiet.

E rebus Westphalicis memorabile nihil occurrit, nisi grave illud incendium, quod hoc anno Monasterii Westphaliæ confur-
 rexit in parochia Transaquensi. Cœpit illud die tertiâ Novembris in æde alicujus Pistoris; versûsque portam S. Crucis, quæ moder-
 no tempore jam pridem extincta & antiquata est, aspirantibus
 ventorum flabris ita sæviit, ut brevi tempore centum & viginti
 ædes ab infestis ignibus consumptæ fuerint. Per hiemem quoque,
 nihil ferè nivium aut frigoris animadversum est; ea verò tepidio-
 rum imbrium ac pluviarum copia, ut herbarum aliquæ in amœ-
 nos flores protuberaverint.

Hildefsi hoc anno Valentinus Episcopus, è Nobili Teutlebio-
 rum familia vir & eruditione & virtute maximus, die vicesimâ octa-
 vâ Aprilis è vivis abiit; postquam afflictissimis ejusdem Ecclesiæ
 temporibus majori cum laude, quàm felicitate præfuisset in annum
 decimum quartum. Vacantem illius cathedram recepit Fridericus
 Holsatiæ Dux, Adolphi Ducis frater, & Friderici I. Regis Dano-
 rum filius; de cujus regimine Cathedralis Ecclesiæ Canonici lon-
 gè faustiora sibi polliciti sunt, quàm præstiterit.

Monasterii
in West-
phalia 120.
ædes per
incendium
absumun-
tur.

Chron. Tre-
mon. ms.

Hiems mi-
tissima sine
frigore &
nivibus.

Chron.

Trem. ms.

Valentinus

à Teutlebē,

Ep. hildefsi-

ensis mori-

tur: cui suc-

cedit Fride-

ricus Hols-

atiæ Dux.

Chytraus

l. 17. Saxon.

Catal. Epi-

scop. Hild.

Annus Christi 1552.

JULII III. Pontificis

3.

CAROLI V. Imperatoris

33. & 34.

REMBERTI Episcopi Pad.

6.



Ædus, anno præcedente cum Saxone & aliis initum,
 Henricus Galliæ Rex mense Januario confirmavit,
 præfente Alberto Marchione * Brandeburgensi, qui
 post urbis Magdeburgensis deditionem clanculariis
 itineribus in Galliam ierat. Saxo interim, ut occultius falleret,
 non modò omne obsequium * pollicebatur Cæsari; sed etiam ex
 ejus voluntate Oratores Legatósque suos * ad concilium Tridenti-
 num misit: at aliâ prorsus mente, quàm quâ Elector Brandebur-
 gicus anno superiore suos Oratores miserat. Hi enim tam Pon-
 tifici, quàm concilio omnem obedientiam ac submissionem obtu-
 lerant: illi verò concilium volebant * acephalum, & cui Pontifex
 non præfideret, sed subesset. Hi venerant, ut concordarent; illi
 verò, ut conturbarent, multisque tricis inutilibus * tam diu tem-
 pus fallerent, usque dum ineunte Vere Saxo & Gallus inopino
 bello

Mauritius
Saxo pergit
Cæsarem
deludere
primis hujus
anni men-
sibus.

* Spond. ad

ann. 1551.

* Surins ad

hunc ann.

* Spond. hic

n. 1.

* Pallav. in

hist. conc.

Trid. l. 12.

* Palat. in

Aq. Austr.

**Pallav.
l. 13. c. 2.
n. 6.*

bello concilium omne disjicerent. Animadvertēbant hæc facile tres Electores Ecclesiastici, præsentēs in concilio (jam enim imminentis belli rumor non unis nuntiis Tridentum venerat) atque ideo Trevirensis die decimâ sextâ Februarii, Moguntinus autem & Coloniensis die vicesimâ primâ Martii * Tridentum deseruere, ut suis Ecclesiis consulerent. Neque tamen Imperator adhucdum induci potuit, ut huic rumori crederet. Putabat enim, facilius fieri posse, ut cælum rueret, quàm ut hostiliter invaderetur à Saxone, viro sibi tantis beneficiis obstrictissimo: præsertim cùm hic aliâ fraude non solum nuperrimè rescripsisset, se brevi adfuturum Cæsari in urbe Oeniponta; sed etiam * illuc jam præmisisset Magistrum seu Præfectum aulæ suæ, ad præparandas ædes venturo Domino servituras.

**Harans in
ann. brab.
Palat. loc.
cit. n. 105.
mense Mar-
tio contra
Cæsarem
ad arma
proruit cū
Wilhelmo
Hasso.
Sleidan. l.
24.
Dilich. in
chron.
Hass.
Variis urbi-
bus occu-
patis, etiam
Augustam
Vindelico-
rum capit.
Palat. loc.
cit. n. 10.*

At brevi post Imperator suo damno didicit, dolosam hanc vulpem longè aliud coxisse animo, quàm fronte & verbis fucatis proderet. Nam adulto mense Martio, Mauritius Saxo & Wilhelmus Hassus, Philippi captivi filius, cum ingentibus militum suorum copiis contra Cæsarem ad arma provolarunt: eo quidem prætextu, ut Philippum Landgravium à diuturna Cæsaris custodia solverent; reapse verò, ut Augustanam confessionem in Tridentino concilio periclitantem ab interitu vindicarent, quemadmodum in scripto publico, de belli causis tunc simul edito, luculenter contestati sunt. Ambo etiam haud multò post cum suis exercitibus convenerunt in Franconia: indeque occupato velociter Schweinfurto, Rotenburgo, Dinckelspîlâ, Nortlingâ, ac Donawerdâ, magnis itineribus die primâ Aprilis Augustam pervenere. Quæ urbs, cùm ob inopiam præsidii militaris, magis autem ob civium propensione Lutheranorum animos, intrâ quartum obsidionis diem sese dedidisset; continuò aliarum urbium suprà dictarum exemplo, Magistratum veterem in sedem pristinam revocare, novosque Senatores à Cæsare constitutos abolere debuit. Coactæ mox ingentes pecuniarum præstationes à majoris Ecclesiæ Collegio, clausa quindecim Catholicorum templa, prohibiti sacrorum ritus, intrusi Præcones Lutherani, ejectus ex urbe Dilingensi Otto Episcopus Augustanus, direpta Religiosorum coenobia, contusi crudeliter monachi, sparsæ hæc illac Divorum reliquæ, ipsum etiam sanctissimæ Eucharistiæ Sacramentum è suis repositoriis effusum, pedibusque diriter conculcatum.

*Henricus II.
Galliarum Rex,
eodem
tempore in
Lotharingi-
am irruens,*

Non minore armorum impetu Henricus Galliarum Rex ex alia parte in Germaniam se infundebat, edito simul scripto publico, quo profitebatur, potissimam hujus belli ac foederis Protestantici causam esse, ut oppressam Germaniæ libertatem (& quænam alia hæc

hæc erat, quàm oppressa libertas Lutheranae Religionis?) ex veteri Germanorum & Francorum amicitia ab interitu vindicaret. Quem in finem etiam huic scripto publico præfixit imaginem aliqujus numismatis, cui ab uno latere incisa erat effigies Regis cum hac inscriptione: *Henricus II. Galliarum Rex invictissimus*, ex altero verò *libertatis propugnandæ symbolum, Pileus inter duos gladios erectos, cum inscriptione suprâ: *libertas*; & infrâ: *vindex libertatis Germania*. Hoc ille specioso doloque titulo, circa Idus Martias è Regni finibus egreditur, in Lotharingiam armatus involat, Tullum, Virdunum, Nanceium, ac *Mussipontum urbes, militari præsidio destitutas occupat, Carolum Lotharingiæ Ducem adhuc puerum è matris viduatæ sinu in Galliam abstrahit, ac tandem etiam quarto Idus Aprilis *Metensem urbem, favente suadentèque Lenoncurtio Episcopo, per astum intercipit; cùm ab ea commeatum & annonam sibi tribui, præsentì pecuniâ fallaciter expetiisset. Sperabat Rex, eadem facilitate se potiturum Treviris; ideoque circa finem Aprilis copiarum suarum partem illuc misit, & promissâ benevolentiam suâ, pro Germanicæ libertatis bono in urbem admitti petiit. Sed quia cantilenam hanc Gallicam renuebant audire cives, Metensium damno cautiores facti; converso protinus exercitu suo in Alsatiâ abiit, castraque posuit ante Argentoratum, urbem illam pari, quo Metas, dolo ac fallaciâ tentaturus.

Interea tantis Germaniæ periculis intervenerat Ferdinandus Romanorum Rex; atque ut inopino huic bellorum tumultui finem imponeret, annuente Imperatore fratre suo rogaverat Mauritium Saxonem, ut alloqui causâ paulisper ad se veniret Lincium: ibi se adfuturum die decimâ septimâ Aprilis *in festo Paschatis, visurumque, ut ejus & sociorum suorum postulatis ex æquo satisfiat. Obsecundabat huic invitationi Mauritius, & venit Lincium: aderant cum Ferdinando Rege Maximilianus ejusdem filius, & Albertus Baviaræ Dux, ejusdem gener. Consultatum de pacis reducendæ mediis per dies ferme quatuordecim: &, quia interea temporis nondum penitus inter se concordare poterant, novus alius reliquorum septemvirorum ac Principum conventus Passavii in diem vicesimam sextam Maji indictus est. Quo statuto, Ferdinandus explicandi hujus negotii causâ *quantocyus Oenipontum ad Cæsarem ivit: Mauritius autem ad suorum foederatorum castra, quæ tentatâ repulsâque urbis Ulmenis expugnatione Gundelfingam inter & Lauingam consistebant, circa diem nonam Maji reversus est. Fortuna belli Mauritanii in eo potissimum sita erat, ut Cæsarem anteverteret, ac prius in ipsum iret, quàm ex Italiæ, Carinthiæ, Rhæ-

Tullum, Virdunum, & Metas occupat. *Sleid. l. 24. Spond. hic n. 8. Palat. in Aq. Austr. *Palat. ib. Surius in comment. *Haraus in ann. Brab. *Haraus in ann. brab. Sleid. l. 24. Pal. & alii. Treviris reiectus, pergit in Alsatiâ, tentaturus Argentoratû. Sleid. l. 24. Haraus in ann. brab. Pal. n. 108. Mauritius Elector, invitatu Ferdinandi Regis venit Lincium. Sleid. l. 24. Haraus, Spond. Surius & alii. *vide Recessum Passav. Consentit in conventum Passavii instituentum die 26. Maji. Sleid. Haraus & alii. Irruit in Tirolim & occupat Oenipontum. *ant. iidem**

Rhætiaëque finibus, novum exercitum colligere posset. Quare statim à suo reditu exercitum lustrat, in Tirolim se convertit, Fusi-
**Züssen* *aut Siles-* *sen/Bau-* *drando* *Faucena,* *aliis Fieffa.* *Cæsar Oe-* *niponto fu-* *git, & Joan-* *nem Frider-* *icum Saxo-* *nem è cu-* *stodia di-* *mittit: qui* *tamē spon-* *te Cæsarem* *sequi ma-* *luit.* *Auctores* *idem.* **Helvic. in* *theatr. hist.* *univers.* *Mauritius* *elector, Oe-* *niponto re-* *dux, pergit* *ad Conven-* *tum Passa-* *viensem:* *Sleid. l. 24* **Vide Re-* *cess. Passav.* *Ac tandem* *de modo* *pacis cum* *Cæsare* *transigit.* **Sleidam.* *l. 24.* *Recess.* *Passav.* *Haraus in* *ann. brab.* *Helvic. in* *hist. univ.* *& alii.* *fiacum* & Ehrenbergam ad Alpium fauces occupat, indeque gres-* *sibus tam citatis Oenipontum advolat, ut Cæsar inopini adventus* *rumore territus, pluviosâ nocte Oenipontum deferere, & unâ cum* *Ferdinando fratre Villacum in Carinthia præcipitatis itineribus fu-* *gere compulsus fuerit. Sequebatur huc etiam Joannes Fridericus* *quondam Elector, tametsi jam ante fugam à Cæsare dimissus, &* *è quinquennali captivitate sua relaxatus esset: quippe qui malebat,* *Imperatoris profugi fortunam redivivam; quàm victoris & æmuli* *sui benevolentiam exspectare. Bona omnia, quæ Oeniponti re-* *liquerat Cæsar & Hispani consilarii, urbe captâ direptioni mili-* *tum permessa sunt: cetera verò, quæ Ferdinandi Regis & civium* *Oenipontanorum erant, Mauritius Elector ab omni suorum de-* *prædatione & rapinis intacta voluit.*

Agebatur tunc dies Maji vicesima tertia; nec deerant, qui sua-
derent* Mauritio, ut Imperatorem profugum adhuc longiùs per-
sequeretur. Sed ille vertentem belli fortunam veritus, jam satis
gloriæ se consecutum credidit, quod à subjectione synodi Triden-
tinæ, quæ ad primos armorum sonitus penè diffolata erat, Germa-
nicæ nationis libertatem vindicasset. Atque ideo, cùm solum tri-
duum adhuc superesset usque ad inchoationem conventus Passa-
viensis nuperrimè condicti; festinatis itineribus inde rursus Passa-
vium profectus fuit, meditatæ pacis consilia propositurus. Ade-
rant ibi, præter Ferdinandum & Mauritium, Ernestus Archiepi-
scopus Salisburgensis, Mauritius Episcopus Aichstadiensis, Wolff-
gangus* Episcopus Passaviensis, Albertus Baviaræ Dux, & reli-
quorum septemvirorum ac Principum Legati. Disceptatum hîc
longo tempore de futuræ pacis conditionibus, propèque aberat,
ut hoc bellum denuo validiùs recrudesceret; cùm & Cæsar varios
Mauritianæ pacis articulos generosè recusaret; & Mauritius armo-
rum suorum successu tumidus, arcum suum longè altiùs intendis-
set, quàm in colloquio Lincienfi fecerat. At, ubi postmodum
Ferdinandus Rex Mauritio jam digresso per novos nuntios indica-
vit, Cæsari fortissimum exercitum* rursus ad manum esse, & Jo-
annem Fridericum, si Cæsar jam bello vincat, in ereptam sibi di-
gnitatem septemviralem reponi posse; repentè animos mitiores
induit, ac demum die 2dâ Augusti consensit in hujusmodi leges pa-
cis: *Fæderati Principes mox ab armis discedant, et circa undecimam Au-*
gusti copias suas ubique dimittant. Philippus Hassiæ Landgravius ad ean-
dem diem libertati redditus inducatur in suam arcem Rhinfelsiam, dum-
modo priùs idoneè caverit de servandis conditionibus, sibi quondam Hale
Saxo-

Saxonum à Cæsare dictatis. Intrà semestre spatium Cæsar Imperii comitia convocet, atque in iis deliberetur, quâ potissimum ratione dissidium Religionis componi queat. Interea ab omnibus colatur pax, nec ullus alteri in suæ Religionis exercitio molestiam creet. A Cameralis judicii consensu non excludantur ii, qui sunt Augustana Confessionis etc.*

Jam diu antè, quàm ista pax coalesceret, Henricus Galliarum Rex deserto Argentorato, cui frustra insidiatus fuerat, cum exercitu suo retrocesserat in Lotharingiam: tum quòd ex Linciensi colloquio non imprudenter metueret, nullam sibi fidem servandam esse à Mauritio, qui jam antea Deo & Cæsari fidem fregerat, uti loquitur *Spondanus: tum quòd eo tempore, quo in Alsatia Rex consistebat, Martinus Roslemius copiarum Belgicarum ductor *cum multis equitum peditumque millibus in provinciam Campaniæ se infudisset, eamque ferro & incendiis longè latèque devastaret. Verùm abscedente Gallo, adhuc acerbior ac pejor hostis in Germania manserat, ejusdem Regis & aliorum fœderatorum socius, Albertus Marchio Brandenburgensis, truculenti ingenii vir, & solùm quærens, è rapto vivere. Jactitaverat & ipse in libellis publicis, bellaturum se pro tuenda libertate Germaniæ, quam Cæsar inducto pridem Hispano milite eversum iret. Et tamen (quæ hujusmodi hominum colorata fallacitas est) hoc toto bello haud aliud egit, quàm rapinas exercere, provincias exsugere, pecunias extorquere, oppida cum villis evertere, & pro libertate prætexta ubilibet extremam inopiam ac paupertatem inducere; idq; non solùm in terris Catholicis; verùm etiam in acatholicis & Augustanæ Confessionis deditis. Primum ejus furorem *experti sunt Ulmenses, quorum oppida & vicos, dum in colloquio Linciensi Mauritius ageret incendiis & populationibus tristissimè deformavit. Indè in agros Norimbergensium & in Ordinis Teutonici Magistrum versus, utrobique tam fœdè ac barbarè grassatus est, ut in solo *Norimbergensi territorio, præter domuum templorumque despoliationem, vicos centum, castella & civium villas septuaginta, silvam denique amplissimam, ejusdem urbis dominio subditam, in flammis egerit, & usque ad tria millia jugerum concremavit. Non minori insolentiâ præter omnem juris & æqui rationem post hæc usus est contra duos Episcopos *Bambergensem & Herbipolensem: quorum hunc adegit ad pendenda sibi suisque creditoribus quingenta & longè ampliùs florenorum aureorum millia; illum verò, ut è terris Episcopalibus sibi circitè viginti oppida cum præfecturis jure perpetuo cederet. Q! præclarum defensores libertatis Germaniæ.

Henricus Galliarum Rex, Argentorati non receptus, redit in Lotharingiam.

Sleid. l. 24.

Spond. & alii.

**Spond. hic n. 9 sub fin.*

**Heraus in ann. brabant.*

& alii passim.

Albertus Marchio Brandenburgensis Germaniam pessimè affligit:

Sleid. l. 24. & alii.

**Sleid. ib.*

Surius in comment.

Palat. in Aq. Austr.

**Sleid. ib.*

Annal. Boici part. 2.

l. 11. n. 4.

Surius & alii

Et speratâ
Passaviensi
concordiâ,
pergit fure-
re in Epi-
scopatu
Wormati-
ensi, Spi-
rensi, Mo-
guntinensi,
ac trevis-
rensi.

Sleidam. l. 24.

**Serar. l. 5. rer. Mog.*

pag. 910.

*Annal. Boi-
cipart. 2. l.*

11. n. 6.

**Sleid. l. 24.*

*Ann. Boici
loc. cit.*

**Brower.*

in annal.

Trev. h. n.

85. & seq.

**Brower.*

ibid. n. 84.

Surius in

comment.

Carol⁹ Im-

perator,

collecto

rurs⁹ gran-

di exercitu,

venit Au-

gustam.

Sleid. l. 24.

Palat. in

Aq. Aust.

**Sleidam,*

loc. cit.

Haras in

ann. brab.

Marchione

brandebur-

gicum ad

obsequium

revocat.

Sleid. l. 24.

Haras in

ann. brab.

Surius &

alii.

Neque hic finis execrandarum ejus machinationum fuit. Nam & eo tempore; quo Passaviensis concordia, vel conclusa, vel pro-
pediem concludenda erat, solus ille recusatâ pace adhuc perrexit
ferocire; occupatâque Wormatiâ, Spirâ, Moguntiâ, ac Treviri,
in iisdem Episcopatibus furore plûs quàm Ottomannico debaccha-
tus est. In urbe Spira imperavit Ecclesiasticis ingentem pecuniâ
vim: quæ cum eidem præstari non posset, plerisque maturiore fu-
gâ dilapsis; templa omnia pretiosis ornatibus vasisque sacris de-
spoliavit, etiam ædis primariæ tectum plumbeum demoliturus, nisi
Magistratus Luthero deditus eam perniciem deprecatus esset. Mo-
guntia palatium * Archiepiscopale cum cœnobio Carthusiano, &
Ecclesiis Collegiatis S. Albani, S. Victoris, & S. Crucis, nefariè in-
cendit; etiam pari modo in basilicam Metropolitanam & omnium
Ecclesiasticorum ædes grassaturus, nisi trepidi cives eidem osten-
dissent, universam urbem hoc incendio simul involvi & absumi
posse. In urbe Trevirensi, quàm primùm intromissus est, tem-
pla omnia claudi, & res *divinas cessare jussit: deinde suburbana
monasteria S. Maximini, & Sanctorum Martyrum, cum Ecclesia
Pauliniana * & vicinis Canonorum ædibus exussit: postremò
etiam Palatiolum & Saraburgum vicina oppida teterrimo incendio
deformavit; & jam animo constitutum erat, iisdem furiis in omnes
Trevirorum ditiones * ex implacabili Clericorum odio desævire,
nisi armati Cæsaris adventus execrandis hujusmodi molitionibus
frænum injecisset.

Collegerat hic Villaci numerosum exercitum, non modò ex
Germanis, Italis, & Bohemis; verùm etiam ex Hispanis, qui sub
initium Julii ad urbem Genuam appulsi erant. Cum his in unum
congregatis, decimo tertio Kalendas Septembres Augustam Vin-
delicorum venit, senatum à Mauritio Saxone constitutum abrogat,
complura templa Catholicis restituit, alia verò ex Passaviensi tran-
sactione Protestantibus relinquit. Indè, rescissis Alberti * Bran-
deburgensis & oppressorum Episcoporum pactionibus, per Fran-
coniam, Alsatiam, ac Dioecesin Trevirensensem, die vicesimâ 2dâ
Octobris cum exercitu suo pervenit Metas, urbem hanc dolo Gal-
lico occupatam vi & armis recepturus. Ibi Albertus Brandebur-
gicus, qui paulò antè è Trevirorum finibus in Lotharingiam fu-
gerat, propter discordias aliquas cum Gallis habitas Imperatoris
offensi gratiam sibi reconciliat; & abjecto Regis externi foedere,
cum quinquaginta signis peditum validoque equitatu ad Cæsarem
transgreditur. Urbis invasio coepta est cum ardore maximo: ac
die vicesimâ Novembris, cum Cæsar hætenus articulari morbo
detentus in castra deveniret, eâ martialium tormentorum vi & im-
pe-

pe-

petu concussa fuit, ut illorum fragorem usque ad urbem Argentinensem & ampliùs exauditum ferant. Neque dubium est, quin eam Cæsar tam potenti armorum ac militum apparatu fuisset recepturus, nisi magnanimis ejusdem conatibus obstitisset asperima nivosaque hiems, & enata in castris dysenteria. Quo utroque ex malo, cum è centenis millibus peditum plùs quàm quadraginta millia periissent; Cæsar suorum incolumitati consulturus, tandem Kalendis Januarii obsidionem hanc, tempore tam iniquo coeptam, deferere debuit. Atque ex eo tempore, quod finè dolore non referimus, Tullum, Virodunum, ac Metæ, urbes olim Imperiales, cum adjunctis Episcopatibus in Gallorum potestate etiamnum perseverant. Ità facilius est amittere, quàm recuperare.

Sub his autem Germaniæ turbis ac mutationibus Lutherana doctrina rursus invaluit, non solùm extrà Westphaliā; sed etiam apud nos in propinquo nobis territorio Lippiensi, uti refert Pideritius* ità scribens: *Comradus Meyer, Blombergæ nuper dejectus cathedrâ, prædicandi officium denuo resumit, reformatio purioris doctrinæ in chron. postliminio rursus incrementum capit, proficit, et per Comitatum Lippicum in pleno rursus vigore est anno Christi 1553.* Neque id emendare vel impedire potuit Rembertus Episcopus noster, cui in rebus ecclesiasticis Lippienfè territorium subest. Nam & ipse Comes Luthero pridem addictus fuerat; & ex Passaviensi transactione non licebat, ut usque ad futura comitia alter alteri in suæ Religionis exercitio molestiam faceretur. At Francisci Episcopi Osnabrugensis insanam conniventiam quis excuset? Is enim, tametsi ante annos quatuor ad Ecclesiæ Catholicæ gremium se recepisset, importunâ tamen quorundam sollicitatione hoc anno rursus permisit *Osnaburgi, ut in duas Ecclesias Parochiales, Marianam & Catharinianam, Lutherani Prædicatores à senatu revocati sint. Quæ ipsius indulgentia rei Catholicæ tam nociva & exitialis fuit, ut ex eo tempore binæ istæ ac principales parochiæ sub Lutheranorum potestate manserint, maximâque civium partem ad se attraxerint.

In Hungaria per hunc annum versabantur omnia in statu misero. Christiani, cum apud Segedinum incautiùs agerent, fœdâ clade affecti sunt à Budensi Turcarum Præfecto Ali: qui in hujus victoriæ signum, præter vexilla plurima, quinquies mille natos, è Cæsarum cadaveribus abscissos, Constantinopolim Solimanno misit. Nec multò post etiam Temesvarium ingentibus Turcarum copiis obsessum ac devictum est. Præerat huic urbi Lofontius animi invicti miles: quem ipsimet oppidani, post unius mensis oppugnationem fortissimè toleratam, adegere tandem, ut

Metas obsideret, & ob morbos asperitatēque hiemis cogitur obsidionem solvere. *Sleid. l. 24. Haraus in ann. brabant. Surius, Spond. & alii passim.*

Comitatus Lippiensis ad Lutheri doctrinam relabatur. *Pideris. *Lipp. germanico pag. 623.*

Franciscus Episcopus Osnabrugensis Lutheranis Osnaburgi permittit iterū duas parochias, quas adhuc tenent. *Hamelm. *in hist. Ev. Osnabr.*

Christiani prope Segedinum cæduntur in hungaria. *Palat. in Aq. Aust. Spond. hic n. 13.* Temesvarium expugnatur, ac

Turcis de- honestis largisque conditionibus urbem dederet. Sed magno suo
ditur. ac militum suorum nocumento. Nam, ut primùm urbe excessse-
Palat. ib. rat, contra datam fidem à Turcis invasus, & unà cum suis omni-
Sambuc. in bus inauditâ barbarie trucidatus est.
hist. expu-

gnat. Te- Apud Indos Orientales hoc anno, die 2dâ Decembris, labo-
meswar. res Apostolicos morte beatâ finiit S. Franciscus Xaverius, è Socie-
S. Franciscus Xaverius, tate JESU Indiarum & Japoniæ Apostolus, postquam decennio
Indiarum toto innumeras animas à paganorum erroribus ad veræ Fidei agni-
Apostolus, tionem perduxisset. De ejus vita, miraculis, & virtutibus, non
moritur & est, quod multa scribam; cùm ea fusissimè descripta sint in li-
claret mira- bris compluribus, neque etiam abnegentur ab ipsismet acatholi-
culis. cis. Mihi hoc loco sufficit, ut alios non paucos taceam, testi-
Spond. ad monium Richardi Hacuithusii, hominis Angli & acatholici: qui
hunc annū. libro *de primis navigationibus* parte 2. volum. 2. pag. 20. sancto Xa-
n. 13. verio hanc laudem tribuit, *omnes historias Indicas, ejus miraculorum,*
Orland. in *virtutum, et gloriosi laboris in conversione gentium, plenas esse.* Quod
hist. Societ. certè signum indubium est, Fidem ejus & prædicationem fuisse
Deo probatam & veram: cùm aliunde notum sit, nec egeat pro-
batione, miracula à Deo fieri non posse in confirmationem doctri-
næ falsæ.

Annus Christi 1553.

JULII III. Pontificis 4.
CAROLI V. Imperatoris 34. & 35.
REMBERTI Episcopi Pad. 7.

Philippus
magnus,
Henrici
Brunsvi-
censis filius
hostiliter
invadit
diocēsin
Osnabru-
gensē &
Monasteri-
ensē, utro-
bique vin-
dicaturus
injurias, Pa-
tri suo
quondam
illatas à
Francisco
Episcopo.
Kerfēnb. in
hist. Anab.



Imperii comitia, quæ in Passaviensi conventu ad pa-
candas Religionum discordias condicta fuerant, in an-
num alium dilata sunt: partim ob affectam Cæsaris
valetudinem, partim ob varia bella, non modò Cæ-
saris cum Gallo; sed etiam aliorum Principum inter se, vel cum
Imperio. Hæc autem bella ut ordinatiùs hoc loco prosequar, in-
cipiendum est mihi ab ea expeditione, quæ hoc anno contra West-
phaliam gesta est ab Henrico juniore, ejusque filio Philippo magno,
Brunsvicensium Duce Catholico. Pro causâ belli hujus affereban-
tur injuriæ variæ, à diversis Westphaliæ primoribus acceptæ: præ-
sertim verò à Francisco, Monasteriensis, Osnabrugensis, ac Min-
densis, Ecclesiarum Episcopo, Lutheranis erroribus nuper addi-
cto. Is enim anno 1542, cùm Henricus Dux à foederatis Schmal-
kaldiensibus bello obrutus ac Principatu suo exutus est, non solum
eos tormentario apparatu; verùm etiam peditibus equitibusq; sub-
missis

missis juverat. Unde & postea viri sagaciores persæpe cum * ver-
 bis & scripto commonuerant, ut causam hanc maturè transigeret: **Kerffenbr. in hist. A-nab. Mon.*
 alioqui periculum fore, ne Henricus Dux occasione datâ in terras
 Episcopales involet, & armatâ manu præteritæ læsionis aut offen-
 sæ vindictam postulet. Cùm autem Episcopus tam sana monita
 in aurem non admitteret; ecce tibi! Philippus magnus prædicti
 Henrici filius, cum paterno exercitu repente hoc anno Visurgim
 trajicit: percursisque Lippiensium finibus, in Osiabrugensem epi-
 scopatum celerrimè se infundit. Præcipui copiarum Duces cum
 ipso erant Christophorus* de Vriesberg diuturni stipendii miles, & **Kerffenbr. loc. cit.*
 Joannes de Münnichausen Magister equitum. Hi cum aliquibus
 militum veteranorum turmis præmissi, Iburgensem arcem die de-
 cimâ quintâ Aprilis improvise impetu sub noctem capiunt: pro-
 pèque aberat, ut & ipse Episcopus in manus eorum devenisset cum *Iburgum capit ac di-ripit. Chytra & Kerffenbr. loc. cit. Annal. Monast.*
 sua pellice vel concubina; cujus amoris magis, quàm rebus aliis
 vecordem animum applicabat. Certè nudus propemodum aufu-
 git Monasterium: totâque arx, rerum omnium abundantia locu-
 ples, unâ cum insigni bibliotheca, supellectile, pecuniis, frumen-
 tis, vasis aureis & argenteis, ita ab hostibus expilata est, ut præ-
 ter muros & nuda ædificia nihil penitus ibidem relictum fuerit. In-
 terea Dux Philippus potissimam sui exercitus partem admoverat
 urbi Osnabrugo; atque ut eam facilius edomaret, opportunè col-
 locaverat se in colle vicinissimo, cui impositum est monasterium
 S. Gertrudis. Ibi cùm ad ipsum accessissent Vriesbergius & Mün-
 ninchusius, Iburgensi prædâ & spoliis acceptis divites; tremefacti
 cives & Canonici suam ac totius Dioecesis incolumitatem viginti
 novem florenorum aureorum millibus redemere. His acceptis
 mitigatus Dux continuo sua castra vertit in Dioecesin Monasteri-
 ensis: primoque introitu Sassenbergam Episcopi arcem occupa-
 vit, villas & pagos intermedios diripuit, milites Warendorpio tu-
 endo missos in fugam egit, atque ex eorum dissipatione tantum
 oppidanis Warendorpiensibus terrorem intulit, ut apertis conti-
 nuò portis venientem ad se receperint. Qua ex urbe cùm à cir-
 cumfusiis Brunsvicensium copiis gravissima perniciès Dioecesi toti
 impenderet; concordia tandem quæsita, & à congregatis patriæ
 statibus in hunc modum sancita est, ut Franciscus Episcopus Min-
 densis Episcopatum abdicaret, Julius Dux, Philippi frater, eun-
 dem reciperet, Monasteriensis Dioecesis Ordines Henrico & Phi-
 lippo Ducibus centum millia florenorum aureorum in satisfactio-
 nem darent.

Paderbornensis Dioecesis nostra, cùm olim in bello Schmalkal-
 diensi nihil opis vel auxilii contra Ducem Henricum attulisset, spem
 sibi

Osnabrugū
 obsidet, &
 ab ea Dioe-
 cesi extor-
 quet 29.
 millia flo-
 renorum
 aureorum.
*Auctores
 iidem.*
 Warendor-
 pium occu-
 pat, indèq;
 Dioecesa-
 nos cogit
 ad penden-
 da sibi cen-
 tum millia
 aureorum;
 Episcopum
 verò ad re-
 linquendū
 Julio fratri
 suo Episco-
 patum min-
 densis.
auct. iidem

Minatur
etiam Dice-
cesis Pader-
bornensis &
quare?
Ex literis
Cancellaria
Paderborn.

Canonici
Cathedra-
les, invasio-
nis evitan-
dæ causâ,
Julium Phi-
lippi Ducis
fratrem de-
ligunt in
Coadjutore
Episcopi
nostri.
ex iisdem
literis.
*Schilske,
aliàs Schil-
dece, prope
Bilsfeldiâ,
locus à Do-
micellari
Collegio
nobilis.
Ordines
Diœcesani
cum Phi-
lippo
brunsvi-
censi tran-
sunt, pa-
cémq; redi-
munt 25
millibus
Imperiali-
bus.
Ex iisdem
literis.

fibi non parvam fecerat, se ab hostilibus istis Brunsvicensium inva-
sionibus immunem fore. Nihilo minùs & ipsa pœnas dare, & ad cru-
cem hanc adrepere debuit, quæsitis undecunque nonnullarum of-
fensionum causis vel prætextibus: nimirum quòd anno superiore Dice-
cesis nostra contra Volradum Comitem de Mansfeldt, ejusque militem
Gallicanis partibus adhaerentem, nulla sibi suisque subditis auxilia miserit,
ut è Casarceis edictis oportuisset: quòd ea de causa Henricus Dux ad repel-
lendas Mansfeldii invasiones coactus fuerit auctiorem exercitum conscri-
bere, non sinè maximo suo et suorum detrimento: quòd Episcopus et Ca-
pitulum nostrum passi fuerint, ut suorum subditorum aliqui, tam nobiles
quàm ignobiles, prædicto Mansfeldio se adjunxerint; neque eos à per-
duellibus ejusmodi ausis domum revocari jusserint: postremò etiam, quòd
Episcopus et Capitulum tam nefarios subditos post commissum illud facinus
unà cum spoliis raptisque prædis in suam patriam reverti, et ibidem hæcte-
nus impunes agere ac permanere siverint. Patebant hinc, facilè esse,
comminisci causam offensionis si quæretur. Placare tamen ut-
cunque Duces iratos oportebat. Quare Episcopus & Ecclesiæ
majoris Canonici, ut invasionem sibi intentatam anteverterent,
convocato primùm Capitulo Julium Ducem, Henrici Brunsvicen-
sis filium & Philippi magni fratrem, sponte ac libere postulârunt
in Coadjutorem & successorem Diœcesis nostræ. Deinde verò ad
quartum Kalendas Maji ab utraque parte indictus est conventus
publicus in *Schilske, in quo præter Duces antè dictos & Rem-
bertum Episcopum nostrum comparuère statuum Diœcesanorum
deputati: videlicet nomine Capituli Hugo Budde Decanus, Joan-
nes ab Hôrde Senior, Henricus de Meschede Cantor, & Volper-
tus de Brencken: nomine Ordinis equestris Jodocus de Kanne,
Widekindus de Falckenberg, Wilhelmus de Krevet, Conradus ab
Oynhausen, Fridericus de Westphalen, & Jodocus de Brencken:
denique etiam nomine urbium Ludolphus Schnaërman Paderbor-
næ, & Hermannus Listing Warburgi, consules. Horum con-
fessu & voluntate, quidquid offensionum & querelarum prætexe-
batur à Brunsvicensibus, concordia pacisque causâ transactum est
his conditionibus: Primò, ut Episcopus et Ordines Diœcesani prædictis
Ducibus in compensationem damnorum penderent viginti quinque millia
dalerorum Joachimicorum, quorum una medietas numeranda sit Holtz-
minda sabbatho post Ascensionis Domini, die decimâ tertiâ Maji; altera
verò ibidem sabbatho post Pentecosten, die vicesimâ septimâ ejusdem men-
sis. 2dò, ut postulatio Julii Ducis in Coadjutorem Ecclesiæ Paderbornen-
sis rata firmâque maneat: ejusdem verò postulationis confirmatio à Pon-
tifice quæretur sumptu ipsius Ducis, et non Capituli. 3tiò, ut Episco-
pus unà cum patriæ statibus curet ea bona, quæ in superiore bello prædictis
Du-

Ducibus et eorum subditis per Diocesanos nostros ablata fuerint, suis Dominis restitui aut compensari. etc. Superfunt adhuc illius transactionis literæ, linguâ Germanicâ scriptæ, quarum initium & finis est:

NOs Dei gratiâ Henricus junior, et eâdem gratiâ Nos Philippus Magnus, pater et filius, ambo Duces Brunsvicenses et Luneburgenses, pro nobis et heredibus ac successoribus nostris, ex una, Et Nos Dei gratiâ Rembertus Episcopus: item Nos Hugo Budde Decanus, Joannes ab Hörde Senior, Henricus de Meschede Cantor, Volpertus de Brencken, totumque Capitulum Cathedralis Ecclesiæ Paderbornensis: Et Nos Jodocus à Kanne, Widekindus de Falckenberg, Wilhelmus de Krevet, Conradus ab Oynhausen, Fridericus Westphalen, et Jodocus de Brencken: itemque Nos Ludolphus Schnaërman Paderbornæ, et Hermannus Listing Warburgi, Consules, nomine nostro et omnium Prælatorum, Nobilium, urbium, et universæ communis territorii vel Diocesis Paderbornensis, pro Nobis et nostris quorumlibet heredibus ac successoribus respectivè, ex altera parte: profiteamur et notum facimus etc. - - - Actum et datum in Schilke, die Veneris post Jubilate, anno post nativitatem Christi Domini et Salvatoris nostri millesimo quingentesimo quinquagesimo tertio.

Similes pecuniarum emulendarum tituli à prædictis Ducibus adinventi sunt contra diversos horum locorum Comites & urbes. De Huxaria scribit Erbenius apud Paullinum: *Anno MDLIII ci- ves nostri denuò Philippo Magno Brunsvicensi pro multa dedisse dicuntur ter mille Joachimicos, quòd Ottoni Malsburgio liberum transitum permisserint super pontem Wiscranum, Volrado Mansfeldensi tunc Fürstenbergam incendente.* Ex Comitatu Lippiensi, Hojano, & Schawenburgensi, multa pariter auri & argenti millia similibus de causis extorta esse, testantur Chytræus & Kerffenbrochius: tametsi neuter ipforum addat, quid & quantum pecuniæ ab his emunctum fuerit.

Alterum & longè truculentius bellum hoc anno gestum est cum Alberto Brandenburgico; nempe eodem illo, de quo tam multa, inhumanè barbarèque facta, ad annum præcedentem retuli. Hic solutâ obsidione Metensi jussus erat hiemare Treviris, donec ei Cæsar stipendia solveret, ac deinde cum rursus ad alios belli usus evocaret. At ille magis cupiditati suæ, quàm Cæsari militare gestiens, mense Februario cum acceptis pecuniis continuò revolat in Franconiam; ut ibidem ea, quæ anno superiore à Norimbergensibus, Herbipolensibus, ac Bambergensibus, iniquissimè extorserat, vi armorum consequeretur. Nec mulò post (cùm iidem se opponerent, & violentas pactiones suas, quas tunc inièrant, Imperialis Cameræ judicio rescissas, atque in irritum revocatas esse dicti-

Simili modo etiam Huxaria, & plures Westphaliæ & Ostphaliæ Comitatus mulcati sunt. Erben. in addit. ad chron. Huxar. Chytræus, Kerffenb. & alii. Albertus Brandenburgicus, è domo Anspacensi, barbarè grassatur in ditione Herbipolensi, Bambergensi & Norimbergensi. Sleid. l. 24. Chytræus l. 18. Saxon.

**Chytraus*
17. *Saxon.*
Spangemb.
in chron.

Mansf.
recusat pa-
cem, sibi
oblatam fa-
ventissimis
conditioni-
bus.

Auctores
iidem.
& alii.

**Camerar.*
in annotat.
rer. princip.
Spangemb.
chron.

Mansfeld.
Irruit in
terras hen-
rici Ducis
Brunsvic.

Chytraus l.
18. *Saxon.*
Spangemb.
ibid.

Prope Si-
vershusium
gravissimè
cæditur ab
Henrico
Brunsvic.
& mauritio
Saxone; sed
victoriâ e-
tiam victo-
ribus cru-
entâ.

auct. iidem
**Chytraus*
l. 18. Saxon.
**Spangemb.*
in chron.

Mansfeld.
Non longè
post iterum
cæditur ab
Henrico
Brunsvic.
prope
Brunsvicû;

dictarent) novo incensus furore in ipsorum ditiones irruit: ibiq; tam foedè ac barbarè grassatus fuit, ut non modò omnia circa Bambergam, Herbipolim, ac Norimbergam evastaverit; sed etiam inter alia crudelitatis argumenta, duas urbeculas, Lauffen* & Altorff, clausis earum portis incenderint, non sinè tristi multorum hominum concrematione. Multùm à Cæsare & aliis Principibus laboratum est in pacando hoc illius tumultu, etiam oblatis conditionibus faventissimis. At, cùm hæc omnia nihil proficerent apud hominem turbulentum, & suæ tantùm cupidini inservientem; eò tandem res devenit, ut Mauritius Saxo & Henricus Brunsvicensis (qui & ipsi postmodum se petendos esse verebantur) cum Episcopo Herbipolensi, Bambergensi, Moguntino, & aliis Principibus communi foedere in eundem Albertum irent. Jámque Henricus Dux non modicam suarum copiarum partem unà cum Philippo Magno filio suo in Franconiam miserat, ut ibidem se conjungeret *Principibus Franconiis & eorum exercitui. Quo animadverso, Albertus Marchio incredibili celeritate per Thuringiæ terras convertit se in Saxoniam inferiorem; occupatòque Halberstadio, in Henrici Ducis regiones irruit, populationibus & incendiis omnia pro suo more vastaturus. Nec minore animorum contentione abeuntem insecuti sunt Mauritius Saxo, & Philippus Magnus è Franconia redux. Qui ut primùm Northusii in Thuringia se conjunxerant, ab eodem persequendo non priùs destitère, donec eum die nonâ Julii prope Sivershusium pagum, duabus ferè horis Peinâ dissitum, ad pugnam sisterent. Certatum acerrimè ab utraque parte: demum verò Mauritius & Henricus, prostrato exercitu Albertino, nobilissimam victoriam retulère; tametsi non sinè suo & suorum sanguine. Mauritius enim tertio post pugnam die ex vulnere accepto obiit: Philippus Magnus & Carolus Victor, Henrici Brunsvicensis filii, in acie ceciderunt: Fridericus Dux Lunenburgicus, inflicta Lethali plagâ Cellas abductus, & undecimâ post prælium die extinctus est. Ex aliis occubuerunt Comites* quatuor, Nobiles plùs*quàm ducenti, milites gregarii quater mille & amplius: atque hi potissimùm erant milites Albertini, quorum præcipui ductores aut cæsi, aut capti sunt, relictis vexillis equestribus quatuordecim, pedestribus verò quinquaginta quatuor. Albertus, quem ex eo certamine Deus ad acerbiora fata refer-
vârat, confugit primò Hannoveram ad Ericum Ducem, Calenbergæ Principem, suæ factioni deditum; indè verò Brunsvicum, urbem Henrico Duci à pluribus annis refractariam. Ubi, cùm suarum copiarum reliquias novis auxiliis nonnihil instaurâset; rursus ab Henrico Duce, die duodecimâ Septembris, haud procul à mo-

monasterio Riddagshufano cæsus ac profligatus est, præcipuis militum* suorum ductoribus interfectis. Tum verò desperatâ hîc locorum securitate (nam & Erixi Brunsvicensis uxor ante dies paucos cum Henrico Duce* transegerat) per Thuringiæ fines cum residuis equitibus in Franconiam revolavit, meliorem inibi fortunam, quamvis irato Numine, tentaturus. Sed jam ordo fatorum ejus devolvi ac deglomerari coeperat in perditionem ejus. Nam paulò post ab Imperiali Camera per solennem sententiam proscrip-
indèq; rursum fugit in Franco-niam.
 *Camer. in annot. rer. præcip.
 *Chytræus, l. 18. Saxon. Proscribitur ut Impes-rii hostis ab Imperiali Camera.
 Chytræus Spangenberg. & alii. Franciscus Ep. monast. & Osnabr. in Diocesi Osnabrugensem re-versurus, ab Ordinibus Diocæsanis rejicitur:
 Chytræus l. 18. Saxon. Annal. Monast. Nec multò post mærore animi consumptus, moritur die 19. Julii.

Interea temporis Franciscus Episcopus Monasteriensis & Osnabrugensis, Mindensi infulâ jam exutus, præ nimia tristitia ac dolore mortales oculos in mortem clausit. Animus ei fuerat, post abscissum Philippi Brunsvicensis in Episcopatum suum Osnabrugensem regredi. Id autem recusabant ejusdem Diocesis Ordines, renuntiantes ei: auxilia quondam Landgravio & Schmalkaldien-sibus foederatis fuisse præstita citra omnem consensum Ordinum: ex ea causâ profluxisse recentissimas calamitates ac misérias, quas è moderna Brunsvicensium invasione ceperint: atque idcirco ro-gari à se, ut ab hujus Diocesis aditu ac gubernatione se tantisper abstinere velit, donec illa ex ingentibus debitis, & aliis calamita-tibus indè contractis, eluctata sit. Quo responso cum eidem pa-riter omne illic imperium abrogaretur; etiam alteram hanc infu-lam sibi quodammodo subtractam videns, cum incredibili dolore animi Wolbecam abiit, ibique intrâ paucas hebdomadas lentâ ta-be consumptus obiit die decimâ quintâ Julii. Inter ejus gesta ni-hil gloriosius, quàm Anabaptistarum Monasteriensium extirpatio, & restitutus ibidem Catholicæ Religionis vigor, qui jam ante in-gressum Anabaptisticæ seditionis eversus fuerat. Sed quas indè laudes & honores æternos meruit, foedissimè postmodum obfusca-vit, partim apostasiâ ac desertione Fidei Catholicæ, de qua plura locuti sumus ad annum 1543; partim libidine & incastis amoribus unius feminæ, Annæ Poëlmanniæ, Iburgensi in oppido commo-rantis. Huic tanta in eum potestas erat, ut ipse regeretur, & ipsa regeret; ille quodammodo colum teneret, & illa sceptrum; uti coævus Auctor* his verbis exprimit: *Principalis Celsitudo sua ni-miùm obsecundabat voluntati unius mulieris, quæ ipsi imperabat. Unde Cancellarius et consiliarii ejus discedebant ab eo, disclitantes, nolle se de-servire Domino, apud quem femina teneret sceptrum. Princeps habebat sacculum, et ipsa pecuniam. Cùm Philippus Dux Brunsvicensis occupa-ret Iburgum, ipsa habitabat ibi. Sed hac de re satis, ac forsitan nimis mul-tum.* Neque mihi dubium est, quin idcirco Deus illum tam acer-

*Kerßenbr.
vocat Her-
mannum
Kotbeniū.

bis gravibusque malis ante mortem affligi siverit, ut ærumnis temporalibus castigatus, pœnitentiam salutarem ageret, & mortis æternæ supplicia subterfugeret. Certè illum Catholicè mortuum, & sacramentis extremis à Sacellano suo Joanne * Cõitenio ritè præmunitum esse, Monasteriensium annales perhibent. Qui tamen insuper adjungunt (id quod summopere demireris) tot Episcopatum possessorem obiisse pauperem & ita obæratum, ut non modo suis ministris propter stipendia non persoluta; sed etiam aliis creditoribus quàm plurimis ob ingentia nomina, gravi ære obstrictus manserit. Nimirum tales plerumque sunt opes ecclesiasticæ, ut modicæ ferè semper sufficiant; immodicæ per modum nivis dilabantur. Corpus ejus intrà dies proximos Monasterii receptum, & in Ecclesia Cathedrali ab australi latere (quem chorum S. Joannis nominant) honorificè tumulatum est cum hac inscriptione lapidis:

Franciscus, Dei gratiâ Episcopus Monasteriensis ac Osnabrugensis, Administrator Ecclesiæ Mindensis, de generosa et Illustri Comitum de Waldegg familia ortus, hîc sepultus est: qui hanc urbem, ab Anabaptistis occupatam, post longam et difficilem obsidionem civibus tandem restituit. Obiit autem die XV. Julii, anno 1553, circa horam septimam in arce Wolbeck: cujus animâ requiescat in pace! Amen.

Monasterii
in ejus locū
eligitur
Wilhelmus
de Ketteler,
Chytræus l.
18. Saxon.
Ann. Mon.
msf.

*germani-
ci Gõddertj

*vide Re-
cessus Imp.

frustra ean-
dem insulā

prensante
Jodoco à

Reck, olim
Episcopo

Derpatensi
in Livonia.

Chytræus
ibid.

Qui postea
uxorē

duxit,
Chytræus

ibid.

Sextâ post obitum ipsius die, nimirum vicesimâ primâ Julii, à Capitulo Monasteriensi in ejus locum surrogatus est perillustis & generosæ Familiæ vir Wilhelmus de Ketteler, Godefridi * vel Godehardi filius; de cujus genealogia (recta, an irrecta, nescio) videri potest Chytræus. Fuerat is antea Cathedralis Ecclesiæ Præpositus, eodémque tempore simul à consiliis intimis in aula Wilhelmi Clivorum Ducis; à quo etiam velut Orator & Legatus anno 1552 ad conventum * Passaviensem, & anno 1550 ad comitia Augustana missus est. Competitorem infulæ nactus erat Jodocum à Reck, ejusdem Ecclesiæ Canonicum, & olim Episcopum Derpatensem in Livonia: qui paulò antè, propter imminentes Moscorum invasiones, Ecclesiam suam deseruerat. Is, cùm ante fugam suam omnia Derpatensis Episcopatus bona aliis oppignorâisset, & hac arte ingentem auri & argenti copiam in suos sacculos congestisset; splendido conviviorum apparatu multorum animos aucupari, & in suas partes inclinare studuit. Sed quia ipsum hæc spes fefellerat, paulò post Canonici sui renunciavit; & secularem Nottelensis Collegii domicellam, Joannam ab Heiden, matrimonio sibi conjunxit, melior futurus vir, quàm sacrorum Antistes. Ita non omnibus omnia conveniunt.

Ad

Ad Osnabrugensem infulam Cathedralium Canonicorum promotione accitus est Joannes Comes de Hoja, vir insigni eloquentiâ, eruditione, prudentiâ, & studio proferendæ Religionis Catholicæ. Natus hic erat *Wiburgi in Finnia, patre Joanne Comite Hojano, matre Margarethâ Gustavi Suecorum Regis sorore, quæ patri ejus ob egregiam virtutem in bello præstitam desponsata fuit. Post humaniores literas in terris Suecorum haustas, altioris doctrinæ & linguarum studio primùm in Gallias, deinde in Italiam profectus est; ibique *itâ se excoluit, ut præter multiplicem eruditionem, simul etiam septem linguarum, Sueciæ, Germanicæ, Latinæ, Græcæ, Gallicæ, Italicæ, & Hispanicæ, perfectam notitiam acquisiverit, singulis ad loquendum & scribendum expeditissimus. Quæ de causâ etiam à Cæsare expetitus, & in Imperiali Camera Spirensi supremus causarum Judex vel Præses constitutus fuit, priusquam ad Osnabrugensem cathedram vocaretur.

Denique Mindensis Episcopatus, quem Franciscus Episcopus adhuc vivens dimittere coactus fuerat (utî suprâ vidimus) obvenerat quidem Duci Julio, Henrici Brunsvicensis filio; sed, cum ipsius fratres, Philippus Magnus & Carolus Victor, die nonâ Julii in prælio Sivershusano cecidissent; paterni Ducatus adeundi cupidine, Mindensem infulam abdicavit in favorem Georgii patris sui, Coloniensis Ecclesiæ Præpositi. Et hic sacris istis honoribus, propter singularem orthodoxæ Fidei constantiam, longè dignior erat; quàm Julius Dux, ad errores Lutheranos admodum propensus: utî suo loco videbimus, cum ad mortem Henrici patris narranto pervenerimus.

Coloniæ per hunc annum grassabatur horrenda pestis, quæ nonnunquam intrâ diem unicum ducentos homines è vivis exturbabat. Memorantur ex ea per Æstatem & Autumnum periisse circiter viginti quinque millia hominum. His indefessam in sacramentis administrandis operam præstitere Patres è Societate JESU, unâ cum Patre Kesselio, collegii Coloniensis Rectore primo. Visusque est Deus charitatem hanc Apostolicam itâ remunerari, ut è prædictis Patribus, inter quotidiana funera oberrantibus, non solum nemo *defunctus fuerit; verùm etiam complures alii, ad quos animarum juvandarum causâ accedebant, ex eorum adventu & spirituali consolatione curati sint. Unde &, Orlandino teste, ea interdum voces audiebantur in populo; quotquot sua Leonarda peccata aperirent, eos protinus convalescere, et vitam instituerent san-
tiores.

De bellis exteris, Gallum inter & Cæsarem hoc anno gestis, nihil hîc memorare volui: tum quia nihil faciunt ad scopum hi-

Osnaburgi
deligitur
Joannes
Comes de
Hojæ.
*Chytræus
l. 11. Saxon.
ad ann.
1574. & l.
23 ad ann.
1574.
*Chytræus
l. 23. ad
ann. 1574.

Julius Dux
Brunsvi-
censis Min-
densis in-
fulam sibi
delatam
abdicat in
favorem
patris sui
Georgii
Ducis.
Chytræus l.
18. Saxon.
Hamelms.
in chron.
Mind. pag.
559.

Coloniæ
moriuntur
ex peste 25.
millia ho-
minum.
Chron.
Trem. mss.
Orland.
infra cis.
Obsequia
Patrum S. J.
in juvendis
ibidem pe-
stiferis.
*Orlandus.
in hist. Soc.
Jesu, pars.
1. l. 13. n.
27.

storiæ nostræ; tum quia ad hunc annum satis multa è rebus Westphalicis occurrerunt, quæ calamum nostrum præ ceteris deposcebant.

Annus Christi 1554.

JULII III. Pontificis 5.
CAROLI V. Imperatoris 35. & 36.
REMBERTI Episcopi Pad. 8.

Albertus
Brandenburgicus, Germaniæ turbator ab Henrico Brunsvicensi iterum cæditur in Franconia.

Spangenberg. in chron.

Mansf.

Haraus in ann. brabant.

Camer. ad hunc ann.



Albertus Marchio Brandenburgicus, uti sub anni prioris exitum à Camera Imperiali; sic etiam hoc anno ab ipsomet Cæsare per edictum publicum, Bruxellis editum, proscriptus est. Ille tamen, contemptis hisce fulminibus, pergebat adhuc spirare bella, & variis in locis corrogare militem, quo nefarias molitiones suas, ante biennium coeptas, pertexeret. Sed Henricus Dux Brunsvicensis, à quo jam bis gravi clade percussus fuerat, ipsius tergo cum suis & Episcoporum Franconicorum copiis continuo insitebat: neque prius ab eodem persequendo destitit, donec eum in Bambergensi ditione prope silvam Steigerwaldiam affecutus est. Ibi, cum ad manus conferendas veniretur, Henricus Dux novam ab hoste victoriam retulit. Alberti equitatus in fugam actus, pedites omnes vel interfecti vel in prælio capti, reliquus apparatus belli cum tormentis & impedimentis omnibus potestati victoris traditus ac derelictus: nec multò post etiam fortissima Alberti Marchionis arx Plasenburgum* propter alimentorum & victus penuriam se spontè dedit. Ità magnus hic turbator Germaniæ, tandem omnibus ditionibus suis ejectus & exutus, in Galliam profugit: ubi tamen haud magnis à Rege gratiis receptus fuit; quòd & istic perfidiæ suæ vestigia ante biennium reliquisset, & nunc veniret, non ut auxilium ferret, sed ut rogarer. Proinde, cum & ibi se neglectum cerneret, suòque ære per sesquiannum tenuiter victitasset; ad Marchionem Badensem, affinem suum, precariò se recepit: brevique post, *inter ingentes cruciatus, et vermiculorum* è putrescenti corpore enascentium corrosiones*, turbulentam animam exhalavit Pfortzhemii die 8. Januarii, anno 1557, ætatis suæ tricesimo quinto. Dignus, cujus tumulo inscriberetur vulgatum illud: *hic quiescit, qui nunquam voluit quiescere.*

*arx illa
imminet
arbi Culmbacenfi.

Ditionibus omnibus exutus, in Galliam fugit; ibique neglectus & exul moritur Pfortzhemii.

Haraus loc. cit.

Camerar. in annotat. rer. precip.

*Camerar.

loc. cit. ad ann. 1557.

In Italia, Gallia, & Belgio, fervebant adhuc bella, Cæsarem inter & Gallum à biennio coepta. Decertatum ab ambobus eventu vario: sed in Italia tamen Mars longè faventior erat Cæsareanis,

nis, quàm Gallis. Illic enim die 2dâ Augusti, Marignanus copiarum Cæsarearum ductor tam insigni clade profligavit Strozium Gallorum ducem, ut eorum circiter* quinque millia occisa, ac duo millia cum centum & amplius vexillis militaribus in prælio capta sint, amissis ex parte Cæsareorum vix quadraginta viris. Quæ victoria cum in die S. Stephani Papæ martyris impetrata sit in agro Pisano; Cosmus I. Heturriæ Dux* in memoriam ejus instituit Ordinem equestrem S. Stephani.

Galli à Cæsareis magnâ clade cæduntur in Heturria. *Hæraus in ann. brab. Spond. hic n. 5. *Spond. ib.

In Anglia reflorescebat Catholica Religio per Mariam Reginam, Henrici VIII ex Catharina Hispana filiam; quæ superiore anno post obitum Eduardi Regis, pridie Nonas Julias in tenera ætate mortui, ad Regni istius thronum evecta erat. Hæc deinde Philippo Caroli Imperatoris filio, solennibus nuptiis hoc anno conjuncta est Wittoniæ in Anglia, die vicesimâ quintâ Julii: nec multo post Anglia tota à Cardinali Polo ad obedientiam summi Pontificis reducta, & à schismate ac hæresibus præteritis felicissimè absoluta fuit. Magnum gaudium res illa peperit universo orbi Catholico, si Galliam exceperis. Sed eheu! lætitia ista brevi rursus in luctum abiit, quando hæc Regina quadriennio post cum ingenti bonorum omnium dolore è vivis abiit, nullâ prole post se relicta, quæ Catholicam Religionem sustineret.

Maria Angliæ Regina, Eduardo fratri ante annū suffecta, rem Catholicam restituit; & hoc anno despondetur Philippo Caroli V. Imperatoris filio. Hæraus in ann. brab. Spond. hic & ad ann. præced. Savins, & alii passim. Joannes Comes de Hoja, Electus Ep. Osnaburgensis, confirmatur à Pontifice.

Hæc de aliis in Europa gestis breviter attingere necessarium duxi: nunc etiam ad ea pergo, quæ ad historiam Westphaliæ spectantim pertinent. In Episcopatu Osnabrugensi faustissimum hoc anno regimen adortus est Joannes Hojanus, vir & Cæsari gratus, & summo Pontifici. Ejus postulatio à Julio Papa Romæ admissa & confirmata est tertio Kalendas Aprilis, uti constat ex hoc diplomate ad Collegium Cathedræ missio.

Julius Episcopus, servus servorum Dei, dilectis filiis, Capitulo Ecclesiæ Osnaburgensis salutem, et Apostolicam benedictionem. Hodie postulationem de persona dilecti filii, Joannis Electi Osnaburgensis, in Episcopum Osnaburgensem, per vos et dilectum filium Decanum et Seniorem Ecclesiæ vestre Osnaburgensis, Ecclesiâ ipsâ certo tunc expresso modo Pastoris solatio destitutâ, ritè celebratâ, de fratrum nostrorum consilio Apostolicâ auctoritate admisimus; ac eundem Joannem Electum dictæ Ecclesiæ in Episcopum præfecimus et Pastorem, curam et administrationem ipsius Ecclesiæ sibi in spiritualibus et temporalibus plenariè committendo, pro ut in nostris inde confectis literis plenius continetur. Quocirca etc. - - - Datum Romæ apud S. Petrum, anno incarnationis Dominica millesimo quingentesimo quinquagesimo quarto, tertio Kalendas Aprilis, Pontificatus nostri anno quinto.

Gra-

Wilhelm^o
de Ketteler,
electus mo-
nasteriensis
à sede Pon-
tificia con-
firmatur;
sed non si-
nè difficul-
tate.

* Anton.
Matthaus
so. 8. Ana-
lect. vet.
avi, in no-
tis ad cal.
Ep. Mon.
Matthai
Tympii
pag. 274.

Graviorem in curia Papali remoram invenit Monasteriensis Electus, Wilhelmus de Ketteler: sive quòd à suscipiendo sacerdo- tio alienior esset; sive quòd in aula Clivenfi nimium adhæsisset Ge- orgio Cassandro, & aliis de integritate Fidei Catholicæ non levi- ter suspectis. Certè Cassandrum inter & ipsum, extitisse novi- mus non parva commercia literarum; & inter has unæ sunt, per quas Wilhelmus eundem consuluit de præstatione hujus juramen- ti *Episcopalis: *Ego Wilhelmus, Electus Monasteriensis, ab hac hora in antea fidelis et obediens ero beato Petro sanctæque Romana Ecclesiæ, et Domino nostro Julio III, suisque successoribus Canonice intrantibus etc.* Postremò tamen ob Ecclesiæ detrimenta, quæ ex diuturniori va- catione timeri poterant ac debebant, à Romana Curia impetratum est, ut ei plena Monasteriensis Episcopatus adeundi & administran- di potestas fieret. Unde & anno sequente Monasteriensem in ur- bem cum honore publico se introduci, & consuetâ statuum Dice- cesanorum pompâ inaugurari fecit.

Monasteriū
Flechtorpi-
ense Ordini
S. Benedi-
cti versa-
tur in statu
misero.
ex antiquis
litteris Pa-
derborn.

* ex instru-
mento ele-
ctionis.
Meinolpho
Abbate
mortuo,
ibidem ex
compro-
misso nov^o
Abbas con-
stituitur &
postulatur
Joannes
Rade, pro-
fessus in
Liesborn.
ex iisdem
litteris an-
tiquis.

In Episcopatu nostro Paderbornensi, vigilantia & sollicitudi- ne Remberti Episcopi nostri, adhuc omnia, quæ ad Catholicam Religionem pertinent, videbantur in statu bono. At in aliis ter- ritoriis vicinioribus, quæ tantum spirituali jurisdictioni Antistitis nostri subjacent, propriorum dominorum inconstantia ac defe- ctione multa jam pessumibant, non solum in Ecclesiis parochiali- bus; verum etiam in variis monasteriis, intra eorum ditionem po- sitis. Inter alia, monasterium Flechtorpiense Comitatus Walde- censis (quod virorum religiosorum ex Ordine S. Benedicti erat) propter invalescentem hæresin, tam in temporalibus, quam in spiritualibus bonis maximopere deficiebat. Et jam hoc anno, quo Meinolphus Abbas ibidem die decimâ quintâ Maji è vivis abiit, eâ personarum* paucitate laborabat, ut in toto monasterio præter Priorem & Cellerarium nemo superesset, quam unus junior mo- nachus professus. Quare, cum ad novi Abbatis electionem pro- cedi oporteret, necesse fuit ad aliorum auxilia confugi; rogarique tres Abbates viciniore, Arnoldum Ss. Petri & Pauli Apostolorum, in Abdinghoff, Gerhardum B. MARIE Virginis in Marienmün- ster, & Rotgerum S. Alexandri & sociorum ejus in Graëffschafft, velut istius monasterii visitatores à congregatione Bursfeldiensi de- signatos, ut in hoc difficili electionis negotio suæ paucitati ac per- sonarum inopiæ subvenirent. Sed & hi, dum ad tempus consti- tutum in monasterio Flechtorpiensi convenissent, rursus aliud ob- staculum invenere à prohibitione Comitum Waldecensium, qui pro Lutherano ingenio suo novam electionem impediabant; ma- lebantque, monasterium hoc paulatim emori, quam ad pristinum flo-

florem revocari. Unde prædicti Abbates unà cum tribus illis monachis, qui ibidem adhuc supererant, coacti sunt pro futura Abbatis electione locum alium circumspicere: tandèmq; habitis inter se consiliis placuit, pridie Idus Julii rursus convenire Paderbornæ in monasterio Abdinghoffensi, quò & Conradus Flechtorpiensis Ecclesiæ Cellerarius nomine suorum venit. Ibi verò à prædictis Abbatibus & Conrado Cellerario per viam simplicis compromissi delectus est Frater Joannes Raden, Professus in Liesborn, & Virginum Benedictinarum Confessarius in Wittmerfen. Qui & eàdem die; nimirum decimâ quartâ Julii, Remberto Episcopo nostro ad confirmandum & benedicendum præsentatus fuit; uti constat è veteribus literis nostris, cum authentico electionis instrumento ad eundem exaratis, quæ ità habent:

Ejusdem confirmatio & benedictio more antiquo petitur à Remberto Episcopo Paderborn.

Reverendo in Christo Patri et Domino, D. Remberto Ecclesiæ Paderbornensis Episcopo etc. - - - In nomine Domini amen. Prior

et conventus (quamvis defectu personarum exigui numeri) monasterii di-
væ *MARIE* Virginis in Flechtorp, Ordinis divi Benedicti, vestra Reverenda Paternitatis humiles et devoti filii, cum omni reverentia orationumstrarum suffragia, ac infra scriptorum cognoscere veritatem. Literæ hæc de re datæ ad rembertum Episc. Ex veteribus ms.

Quia propter vocationem diuturnam monasteria, Pastoralibus solatiis destituta, gravia tam in spiritualibus, quàm temporalibus, dispendia patiuntur: idcirco anno Domini infra scripto, die quidem decimâ quintâ mensis Maji defuncto piæ memoriæ Meinolpho Abbate novissimo monasterii nostri præfati, ac ipsius corpore cum devotione et reverentia tradito Ecclesiasticæ sepulture, ne ipsum monasterium viduitatis suæ incommoda diutius deploraret, fuit certus dies à nobis ad electionem futuri Abbatis celebrandam concorditer assignatus. Convocatis igitur secundùm statuta nostra Venerabilibus et Religiosis Dominis, Arnolde in Abdinghoff, Gerbardo in Mariemünster, et Rotgero in Graëffschafft monasteriorum Abbatibus, et visitatoribus nostris, per Capitulum annale nobis deputatis, ad monasterium nostrum prædictum pro electione futuri Abbatis celebranda, fuerunt præfati Abbates, ne ad electionem procederent, pro parte Comitum de Waldecke impediti. Assignato itaque alio loco et die per eosdem Dominos Abbates, hoc est, loco monasterii Abdinghoffensis, et die sabbathi decimâ quartâ mensis Julii, eisdem Abbatibus unà cum Cellerario nostro Domino Conrado, cum constitutionis procuratorio et potestatis dationis eligendi per eundem præsentato, plenariam, ad electionem futuri nostri monasterii Abbatis, propter defectum personarum nostri Conventus concessimus facultatem. Convenientibus ergo præfatis Dominis Abbatibus et Cellerario nostro, in loco Capitulari ejusdem monasterii Abdinghoffensis, et die suprâ dictâ, post solennem Missæ de S. Spiritu decantationem, et juxta decreta concilii Basileensis procedere volentibus, placuit eisdem præfatis Abba-

Abbatibus maturâ deliberatione prahabitâ, per formam et modum Compromissi simplicis dicto nostro monasterio de novo Abbate (præstitis hinc inde per eosdem Abbates et Cellerarium nostrum prædictum juramentis) providere. Unde præhabitis deliberationibus Abbatum sæpèdictorum et Cellerarii nostri concorditer elegerunt et nominârunt religiosum Fratrem et Dominum Joannem Rade, Patrem et confessorem in Wittmersen, Diœcesis Monasteriensis, monachum professum in Liesborn ejusdem Diœcesis, virum utique providum et discretum, literarum scientiâ, vitâ, et moribus meritò commendandum, in sacris Ordinibus et ætate legitima constitutum, in spiritualibus devotum, Religionis et observantia regularis zelatorem, aliisque multiplicibus castimoniâ et sanctimoniâ virtutibus insignitum. Quem unus præfatorum Abbatum, Dominus Gerhardus Abbas in Marienmünster, vice suâ et suarum collegarum pronuntiavit sub hac verborum forma: In nomine Patris, et Filii, et Spiritûs sancti, amen. Ego Frater Gerhardus Abbas in Marienmünster etc. . . . Quâ electione sic ritè celebratâ, et cantico Te Deum decantato, aliisque servandis servatis, tandem consensu ipsius Electi per prædictum nostrum Cellerarium . . . humili precum instantiâ flagitato: Idem Electus, post humilem insufficientiæ suæ allegationem, demum divinæ nolens resistere voluntati, annuit votis nostris, electioni de se factæ consentiens. Quapropter Reverendæ Paternitati vestræ, tam devotè, quàm humiliter, unâ cum dicto electo supplicamus, quatenus electionem ipsam sic canonicè et solemniter celebratam confirmare, ac eidem Electo munus benedictionis favorabiliter impertiri, aliâsque, pro ut opus fuerit, opportunè providere dignemini: ut Deo authore nobis et nostro monasterio velut Pastor bonus præesse valeat utiliter, et prodesse; nōsque et alii ejus subditi sub ipsius regimine, in observantia regulari, Domino virtutum salubriter militare possimus. Acta sunt hæc in loco capitulari monasterii Abdinghoffensis, sub anno Domini millesimo, quingentesimo, quinquagesimo quarto, Indictione 12, die quidem sabbathi, 14 mensis Julii, Pontificatûs Sanctissimi in Christo Patris ac Domini, D. Julii divinâ providentiâ Papa III. anno quinto. etc.

Rembertus
Ep. Paderb.
componit
controversiam,
habitâ
cum Philippo
Comite Spiegelbergensi
de limitibus
Pyrmontanis &
Schwalenbergensibus,

Quæ autem fortuna postmodum Flechtorpiensi huic monasterio evenerit; quomodo illud per facinorosam immundamque vitam Balthasaris Haghmeisteri, Abbatis ultimi, quotidie in pejus iverit, ac tandem à Comitibus Waldecensibus extinctum fuerit; apertius ostendetur quadriennio post. Rembertus interim Episcopus noster, de terris propriis maximè sollicitus, composuit hoc anno duas graves controversias, quas habebat cum vicinis. Prima erat inter ipsum & Bernardum Comitem Lippiensem ex una parte; atque inter Philippum Comitem Spiegelbergensem & Pyrmontanum ex altera parte, ratione limitum Pyrmontanorum &

Schwa-

Schwalenbergensium: Hæc autem controversia feriâ quartâ Pentecostes (quæ erat decima sexta Maji) interveniente Comite *Ot-
tone de Holstein, Schawenburg, & Sterneberg, feliciter compla-
nata est in oppido Lügde: ubi, præter Ottonem Comitem prædi-
ctum, velut arbitrum, convenère simul Bernardus Comes de Lip-
pe, Philippus Comes de Spiegelberg, & ex parte Episcopi Capi-
tulique Paderbornensis, Dominus Philippus de Westphalen Præ-
positus, Volpertus de Brencken, Henricus de Meschede, Cano-
nici, Philippus ab Hörde Præfectus aulæ, Widekindus de Falcken-
berg satrapa in Herstelle, & Henricus von Cöllen Cancellarius.

**ex veteri-
bus literis
cancellaria
Paderb.*

Altera lis erat Nobilium de Amelunxen in territorio Corbe-
jenfi, disceptantium cum Episcopo nostro de limitibus inter Beve-
rungam oppidum Diocesis nostræ, suosque pagos Amelunxen ac
Drencke. Sed & ista lis, intervenientibus Dominis Ludolpho de
Klencke & Melchiore de Steinberge, non minùs prospere compo-
sita est Beverungæ feriâ quintâ post S. Galli: ubi præter modò di-
ctos interventores & arbitros convenerunt ex parte Amelunxio-
rum Reinardus, Joannes, Gerhardus, & Ludolphus de Amelun-
xen, fratres & cognati; ex parte verò Episcopi & Capituli nostri,
Henricus de Meschede Cathedralis Ecclesiæ Cantor, Volpertus de
Brencken Canonicus, Hermannus de Mengerfen satrapa Swalen-
bergensis, Joannes de Spiegel Mareschallus hæreditarius, Her-
mannus de Viernund satrapa Dringenbergensis, Philippus ab
Hörde Præfectus aulæ, Widekindus de Falckenberg satrapa He-
ristallensis, & Henricus von Cöllen ad S. Udalricum Præpositus,
& Cancellarius.

*Item aliam
controver-
siam, cum
nobilibus
Amelunxiis
habitam de
limitibus
inter Beve-
rungenfes,
& Corbe-
jenfes pa-
gos Ame-
lunxen &
Drencke.
Ex anti-
quis literis
Beverung.*

Finem hujus anni dolendâ morte suâ funestavit egregiæ do-
ctrinæ, zelique ardentissimi vir, Jacobus Schöpferus, Tremonia
in Westphalia natus, & ibidem Pastor ad Beatam Virginem. Is,
cùm ætatem primam humanioris literaturæ studio solerter exco-
luisset; reliquum suæ vitæ tempus altioribus disciplinis & scriptu-
rarum sanctorumque Patrum lectioni tam utiliter impendit, ut
apud eruditos & pios quosque magnam sui nominis existimatio-
nem promeruerit. Admotus deinde ad sacram ædem cathedrâmq;
B. MARIE Virginis, integerrimi Pastoris & ferventissimi concio-
natoris officium annis quàm plurimis cum laude maxima conjun-
xit; idque infestissimo Lutheranae hæreseos tempore, quo etiam
viri boni propter insanos ubique motus de sua Fide & salute peri-
clitati sunt. Unde etiam id consecutus est, ut quemadmodum
passim antiqui scriptores referunt, urbs Tremonia vivente ipso in
Catholicæ Religionis observantia perstiterit; quæ tamen haud
multò post, cùm ejusmodi columna cecidisset, præcipiti lapsu in

*Tremonia
in West-
phalia hoc
anno mori-
tur Jacobus
Schöpfer?
Pastor &
conciona-
tor celebris
chron. Tre-
mon. ms.
Kleinsorg.
ad an. 1556
Cratop. in
catal Ar-
chiep. Col.
Quo extin-
cto, Fides
Catholica
non multò
post ibidem
extingui-
tur.*

T t

Lu-

Turckius in hist. ms. Luthericos errores devoluta est. Mortem ejus Cratepolius, Klein-
**Chron.* forgius, Callidius, & alii vulgò referunt ad annum 1556: sed,
Trem. ms. cum inscriptio sepulchri ejus in Mariano templo Tremonienſi in-
 dicet, eum hoc anno* è vivis decessisse die quartâ Decembris, in
 festo S. Barbaræ; testimonium hoc aliorum scriptorum authorita-
 ti præferre malui, & requiem ei sempiternam precor.

Annus Christi 1555.

JULII III. Pontificis ultimus.
 MARCELLI II. & PAULI IV. PP. I.
 CAROLI V. Imperatoris 36. & 37.
 REMBERTI Episcopi Pad. 9.

Julius Papa
 moritur die
 23 Martii.

*Pallav. in
 hist. conc.
 Trid. l. 13.
 Successor
 ejus marcel-
 lus II. mo-
 ritur die 30
 Aprilis.
 *Pallav. ib.
 6. 11. n. 7.

Post hunc
 eligitur
 Paulus IV.

*Pallav. ib.
 6. 11. n. 12.
 Sebastianus
 Archiepi-
 scopus Mo-
 guntinus
 moritur die
 17. Martii.

Serar. l. 5.
 rer. Mog.
 vita Ar-
 chiep. Mog.
 Cui succe-
 dit Daniel
 de Brendel
 ab Hom-
 burg.

Die vicesimâ tertiâ Martii Julius III. Romanus Pontifex
 quinquennalem Ecclesiæ præfecturam finiit, ex ni-
 mia ciborum abſtinentia: quâ, dum obſtinatis acu-
 tisque* podagræ doloribus mederi vellet, stomachum
 prævalidum ciboque plurimo assuefactum ita fregit, ut post unum
 tam importunæ diætæ mensem vitalis calor penitus extinctus fue-
 rit. Successit ei Marcellus Cervinus, qui retento priori nomine
 Marcellus II. appellari voluit, electus die nonâ Aprilis, & sequenti
 die coronatus. At ejus Papale regimen longè brevius & contra-
 ctius fuit, quàm Patrum Purpuratorum opinio tulerit: quippe
 qui eodem mense, nimirum die*ultima Aprilis, catarrho apople-
 ctico tactus in aliam vitam evolavit. Post hunc ad Pontificale so-
 lium pervenit Paulus IV, dictus antea Joannes Petrus Caraffa, ele-
 ctus die vicesimâ tertiâ Maji, ac triduo post coronatus in Domini-
 ca proxima ante Pentecosten: vir egregiæ pietatis ac doctrinæ; sed
 non eâ, quâ oportebat, prudentiâ* & circumspectione præditus,
 uti in historiæ nostræ progressu clariùs elucescet.

Paucis diebus ante mortem Julii Pontificis, nimirum die de-
 cimâ septimâ Martii, etiam è vita subtractus est Metropolitanus
 noster, Sebastianus ab Heusenstamm, Archiepiscopus Mogunti-
 nus, inopino fato extinctus Elfeldiæ in Rhingavia. Erat hic, ut
 in ejus epitaphio apud Serarium legitur, *vir ingenio rerumque usu*
clarissimus, utriusque juris Doctor, et in administranda re publica domi-
forisque indefessus: verbo talis, cui subditi omnes longiorem vitam
 exoptâssent, nisi Deus illum ob insignia virtutum merita ad me-
 liorem in coelo mitram & coronam voluisset evocare. Successo-
 rem tamen haud minùs dignum à suo decessu nactus est Danielelem
 de Brendel ab Homburg, Cathedralium Ecclesiarum Moguntinæ
 &

& Spirensis Canonicum. Qui, tametsi è numero juniorum esset, & fortissimum competitorem contra se haberet Richardum, Cathedralis Ecclesiæ Præpositum è Principibus* palatinis in Simmeren; huic tamen præter omnium expectationem antepositus, atque ad Archiepiscopalem dignitatem electus est die decimâ octavâ Aprilis. Id autem non esse factum sinè digito Dei, & instinctu Spiritûs sancti, posteriorum annorum eventus docuit. Daniel enim, integerrimæ vitæ & castitatis vir, dignitatem hanc cum ingenti istius Episcopatus & Ecclesiæ bono felicissimè gessit; cùm è diverso* palatinus ille postmodum à Fide Catholica ad hæresin, à S. Martino metropolitanæ Ecclesiæ patrono ad Martinum Lutherum turpissimè dilapsus fuerit.

*Serar. loc. cit. p. 918.

*Serar. ib. pag. 919.

Restitutâ in hunc modum jacturâ primariorum Ecclesiæ capitulum, gravem aliam longèque minùs reparabilem jacturam Germania passa est in comitiis Augustanis, quæ ab ultimo conventu Passaviensi usque in hunc annum dilata fuerant. Præsidebat his Ferdinandus Romanorum Rex, qui exeunte anno superiore, die vicesimâ nonâ* Decembris, Augustam venerat; agebátque vices sui fratris Caroli Imperatoris, morbo & aliis negotiis impediti. E Principibus, qui paulò tardius advenêre, pauci aderant per se ipsos: putà, Michaël Archiepiscopus Salisburgensis, Melchior Episcopus Herbipolensis, Everhardus Episcopus Aichstadiensis, Otto Cardinalis & Episcopus Augustanus, Wolffgangus Abbas Campidunensis, Albertus Dux Baviaræ, Christophorus Dux Würtembergensis, Carolus Marchio Badensis, & quidam alii. Reliqui ferè omnes tantùm per suos Legatos comparuêre. Initium congressui datum est Nonis* Februarii; & præcipua deliberationum capita sita erant in his duabus quæstionibus: nimirum, quomodo componendæ sint Religionum controversiæ, ex quibus hætenus tam innumera mala in Germanicam nationem fluxerant? Et quâ ratione stabilienda sit communis pax & securitas? Quod ad primum attinet, facillè videbant omnes, rem hanc esse longioris indaginis, quàm ut in his comitiis absolvi, & Religio concors iterum induci queat: atque ideo unanimi consensu quæstio illa in alium Imperii conventum rejecta est. Quod autem ad alteram quæstionem attinet, petiêrat Ferdinandus Rex clariora Cæsaris mandata; simulq; *suaserat ei pacem cum Gallo: hanc enim velut unicum telum superesse ad infringendam Protestantium pervicaciam. Sed, cùm Imperator eo tempore jam cogitaret Imperii coronam à se deponere; ideóque solùm frigidè responderet, se curis aliis intentum esse, Germaniæ res in ejus arbitrio à se reponi: tandem Ferdinandus Rex, à Lutheranis pejora metuens, post longas multorum men-

In comitiis Augustanis constitui-
tur pax Religionis,
quam vocant Passaviensem.
*ita habetur in Re-
cessu August.

*Palat. in Aq. Austr. n. 543.
Serar. l. 5. rer. Aug. n. 917. c. 4.

*Pallav. in hist. com. Trid. l. 13. c. 13. n. 3.
explicantur istius pacis articuli, Catholicæ.

Religioni
magnopere
noxii.

Ex Recepto
Augustano
huius anni
Spond. hic
n. 3.

Palat. in
Aq. Austr.
n. 543.

*quales
sunt Epi-
scopatus
Imperii, &
alia Prae-
latura simi-
les.

fium altercationes die 25 Septembris consensit in hos articulos pa-
cis, ab utraque parte acceptatos, & usque ad obtinendam Reli-
gionis concordiam duraturos: *Nemo Principum aut aliorum Imperii
Ordinum (etiam nec ipse Imperator) cuius alteri vim aliquam aut mo-
lestiam inferat ob Religionem seu Catholicam seu Lutheranam, quam am-
plectitur; neque propter ordinationes et cerimonias, utrique Religioni pro-
prias: ita tamen, ut hoc decreto non comprehendantur alii, quam qui
vel Catholica Religioni vel Augustanae Confessioni adhaerint. Quod si in
posterum aliquis Archiepiscoporum, Episcoporum, Praesulum, aut aliorum
Ecclesiasticorum, à Romana Fide abscissurus esset; continuo dignitatem Ec-
clesiasticam et beneficia sacra, cum omnibus fructibus et emolumentis inde
provenientibus, ab se dimittet; licebitque tunc vel capitulis, vel aliis Per-
sonis, quibus id ex jure vel consuetudine competit, alium Catholicæ Reli-
gioni deditum in ejus locum surrogare, eligere, aut nominare. Bona Ec-
clesiarum et monasteriorum, quæ Passaviensis transactionis tempore jam
extra potestatem Clericorum aut Religiosorum constituta, et à statibus Lu-
theranis vel ad pauperum eleemosynas, vel ad literarum scholas, vel ad
alios usus pios applicata fuerant, relinquuntur in eo statu, in quo jam sunt;
neque de iis admittantur processus in judicio Camera, nisi ea pertineant
ad immediatos *Imperii status vel Ordines. Jurisdictio Ecclesiastica (sal-
vis Ecclesiarum, Collegiorum, ac monasteriorum redditibus, decimis, et
aliis juribus) non exerceatur in homines Augustanae Confessioni deditos,
quo ad ea, quæ ad ipsorum fidem, religionem, ordinationes Ecclesiarum,
designationes ministrorum, aliosque ritus et consuetudines pertinent: se-
cùs verò in rebus aliis, quæ talia non concernunt. Nullus Imperii Or-
do alium ejusve subditos ad suam Religionem alliciat, invitet, aut adver-
sus proprios ipsorum Dominos in suam protectionem suscipiat. Ac denique
in urbibus liberis ac Imperialibus, in quibus utraque Religio, Lutherana
scilicet et Catholica, hætenus in usu fuit, etiam utraque in posterum per-
severet; nec ibidem civium aut incolarum unus alteri ob Religionem ad-
versetur etc.*

*Palat. in

Aq. Austr.

Paulus IV.

apud Ferdi-

nandū Re-

gem acerbè

queritur de

hoc tracta-

tu inito.

Pallav. in

hist. conc.

Trid. l. 13.

Palat. in

Aq. Austr.

Hæc est illa famosa Religionis pax, quæ, tametsi Augustæ
demum confecta sit, communiter tamen *Passaviensis appellari
solet, quod tribus abhinc annis ibidem inchoata fuerit. Pontifex,
ut primum audiit, Ferdinandum Regem his decretis consensisse
(Cæsar enim subscribere non voluerat, quod hac in re successuro
fratri potestatem omnem detulisset) vehementer animo commotus
est: eoque licentiùs indulgit fervori suo, quod jam antè ab Austria-
cis alienior, & in Gallum propensior esset. At Ferdinandus à Pon-
tificiis objurgationibus haud ægre purgavit se; responditque, in
rebus, à sua solius voluntate pendentibus, vel maximum Religio-
nis Catholicæ studium à se hætenus ostensum esse: in iis verò con-
ceden-

cedendis, quæ in aliis Imperii terris Catholicæ Religioni officerent, excusari se ab aperta necessitate; cùm & Lutherani quotidie pejorantur, & à Cæsare fratre, bellis Gallicis, morbisque impedito, non multum opis afferri valeat: proinde consultius sibi visum esse, ut in ea necessitate Lutheranis permetteret aliqua, ne turbarent ac raperent universa. Quæ responsio, tametsi Paulo IV, contrariis præjudiciis occupato, non satisfecerit; verissima tamen fuit, probatæque omnibus, qui pientissimas *Ferdinandi literas, ad S. Ignatium datas, vel obiter inspexere. Fundaverat jam tum Viennæ collegium Societatis JESU pro tuenda Fide Catholica; & eodem hoc anno, cùm in urbe Augustana degeret, urgebat ac meditabatur aliud *in urbe Praga. Evulgaverat in suis terris catholicismum Catholicum, à Petro Canisio Societatis JESU conscribi jussum; graviterque simul interdixerat omnes alios catechismos, à Lutheranis editos vel corruptos. Expulerat è Bohemia, non sinè aliquorum Principum offendiculo, Lutheranos omnes verbi ministros, circiter ducentos: neque dubium est, quin id etiam perfecisset in omnibus aliis Germaniæ terris, modò ipsi tantum potestatis fuisset in aliorum ditionibus, quantum in suis. Quare, quod in his comitiis in favorem Lutheranorum statuit, non nisi animo invitissimo fecit: neque desunt *auctores, qui contententur, Ferdinandum Regem, cùm huic tractatui subscripsit, necessitati suæ moestum illachrymâsse profusis fletibus.

Uno duntaxat mense post hanc pacem initam, nimirum die vicesimâ quintâ Octobris, Carolus Imperator totius Belgii gubernationem Bruxellis in filium Philippum transtulit, ægritudine magis ac virium defectu; quàm pondere annorum pressus. Aderant præter innumeros Belgarum procures, aliosque Principes & Principum Legatos, geminæ sorores ejus, Eleonora, Francisci Galliarum Regis, & Maria, Ladislai Hungariæ Regis vidua, unâ cum successore ejus Philippo filio. In horum conventu ægre stans, unâque manubaculo, & alterâ adstantis humero innixus, primùm commemorabat labores pro terrarum suarum defensione obitos; deinde modernam infirmitatem suam, quâ moneretur terrenis se abdicare, & æternæ salutis negotium agere. Tum ad Belgii congregatos Procures conversus: *Accipite igitur, inquebat, pro senem juvenem, pro imbelli fortem! Adjungite ei inter vos concordiam, in templo religionem, in foro justitiam! sic Deo cari, fideles Principi, et ubique terrarum victores eritis.* Postremò etiam ad Philippum versus: *A te autem, inquebat, fili mi! hoc unum posco, ut subditos tuos in filios suscipias: sic enim et ipsi suscipient te in Patrem. Ditissimas provincias trado tibi: tu, ut iis feliciter præsis, time Deum, et ama subditos.* Hæc

Ferdinandi
Regis excu-
satio à ne-
cessitate
istorum
temporum.

Pallav.

loc. cit.

Palat. in

Aq. Austr.

Ejusdem

fervor in

Fide.

*extant. to.

7. Ss. Julii

in comm.

prævio ad

vitam S.

Ignatii, §.

44. & 45.

*ibid § 45.

n. 475. &

sequentib⁹.

*Palat. in

Aq. Austr.

n. 544. &

alii.

Carolus

Imperator

Bruxellis,

die 25. O-

ctobris, bel-

gii totius

regimen

abdicat, ac

transfert in

Philippum

filium.

Palat. in

Aq. Austr.

Haras in

ann. brab.

Surius &

alii.

fi

*Palat. ib.
n. 547.

si serues, neminem formida; sed cuncta prospera de cælo spera! Quæ ultima verba, dum leni exclamatione & cadentibus è vultu lachrymis terminaret; etiam omnium adstantium oculi* in uberes fletus resoluti sunt. Cæsar interim, ad cuius genua Philippus filius humillimè se advolverat, paternâ manu impositâ copiosam ei de coelis opem ac benedictionem precatus est. Nec multò post etiam Regnis aliis & Imperio Germanico eâdem animi constantiâ ac fortitudine renuntiavit, uti ad annum sequentem plenius exponetur.

Georgius
Episcopus
Mindenſis
eo tempore
nondum
erat conse-
cratus à se-
de Pontifi-
cia.

*vide Re-
cessum Au-
gustan.
Reliqui
Episcopi
Westpha-
liæ, Paderb.
Osnabrug.
& monast.
Oratorem
suum ha-
buere in
comitiis
August.
vide Retes.

August.
Wilhelmus
Episcopus
Monaster.
Dominicâ
quingages-
imæ urbē
suam solens
ni pompâ
ingreditur.
chron. Mo-
nast. ms.
Lætitia
convivales.
chron. Mo-
nast. ms.

In Westphalia circa hoc tempus nondum omnes Episcopales cathedræ novos acceperant Episcopos, à Romana curia confirmatos. Nam in comitiis & Recessu Augustano, quem die vicesimâ quintâ Septembris conclusum diximus, inter Principum subscribentium nomina prorsus nulla fit mentio Georgii Mindenſis Episcopi; sed solius* Decani & Capituli. Quod mihi signum certissimum est, resignationem Julii Ducis, in Georgium Ducem patruumque suum, eo tempore nondum receptam & confirmatam fuisse à Pontifice: idque forsan ex eo capite, quod ipse Julius nondum antea confirmatus fuerit, & consequenter etiam non potuerit legitimè renuntiare in favorem alterius. Reliqui Westphaliæ Episcopi in iisdem comitiis comparuere per Legatum vel Oratorem suum Jodocum de Dincklage, Cathedralium Ecclesiarum Paderbornensis & Osnabrugensis Canonicum: qui non modò Remberti Paderbornensis & Joannis Osnabrugensis; verum etiam Wilhelmi Monasteriensis Episcopi vices ibidem supplevit, uti ex Recessu prædicto constat.

Posterior horum, Wilhelmus Episcopus Monasteriensis, posteaquam à sede Pontificia confirmatus esset; pro solenni inauguratione suâ, urbem hoc anno ingressus erat die vicesimâ quartâ Februarii in Dominica quingagesimæ, deducente eum frequentissimâ Nobilitate, & nongentis equitibus. Peractâ pompâ & honoribus consuetis, instructæ fuerant opiparæ dapes, omni ciborum apparatu & lautitiâ splendidæ. Ad quas, dum sederet Princeps cum nobilissimis Convivis, inter alia fercula postremum afferebatur ingens artocreas: in quo sub triticei panis operculo claudebatur elegantulus puer, apothecarii filius. Is, cum operculum removeretur, derepente se in altum attollebat; & vivacissimo corporis motu, primò Wilhelmum Principem, deinde reliquos convivas, gratiosè intuebatur, & ex ordine salutabat hisce versibus:

Exspectate diu, sis felix inclyte Princeps!

Urbs hac pacifico sit pede tacta tuo!

Te Clerus, te Nobilitas, totusque Senatus,

Te cuncti cives, virginumque decus,

Te

*Te posito luctu vidui, viduæque saluant,
Gratatûrque tibi, quidquid in urbe vides.*



*Vos quoque magnanimos Proceres salvere iubemus,
Quos minime piguit gaudia nostra sequi!
Olim pro meritis referetur gratia vobis:
Sed nunc latitiam resque locûsque petunt.
Hosce dies igitur latos consumite lati:
Principe cum nostro corda levate mero.*

Ex aliis viris Principibus nullum aliud hoc anno funus vidit Westphalia, quàm Illustrissimi Abbatis Corbejenfis, Caspari ab Hôrsel; de cujus morte brevissimis verbis hoc anno meminit Erbenius. Utinam & elogium ejus, ac diem obitûs addidisset! In Recessu Augustano, Abbatiae Corbejenfis nomine, nullus planè Legatus vel Orator adfuit: unde colligo, eum circitè Augusto mense extinctum esse. Successor ejus in Prælatura & Principatu fuit Reinerus, vel (ût alii scribunt) Reinhardus de Bucholtz, postulatus ex monasterio Gladbacensi, vir & œconomiae studiosus, & rerum Westphalicarum non ignarus: in eo tamen infelicior, quòd Lutheranorum invalescentium turbas ob istius ævi malignitatem compescere non potuerit. Nam eodem anno, quo clauvum adiit, & Patres Minoritæ seu Conventuales *ab Huxariensibus urbe pulsi, & sanctimoniales è Kemnadenfi *monasterio, Corbejenfium directioni subdito, ejecti sunt. Quod cum apertissimè repugnaret paci Religionis, non video, cur novus Abbas non solum id permiserit; sed etiam sequenti anno Huxariensibus privilegium dederit, ne quis extra hanc urbem audeat in toto principatu suo cerevisiam coquere.

Casparus
ab Hôrsel,
Abbas &
Princeps
Corbejen-
sis moritur:
cui succedit
Reinerus
vel Rein-
hardus de
Bucholtz.
Erben. in
addit. ad
chron.
Huxar.
ms Corbej.
PP. Mino-
ritæ ab Hu-
xariensibus
expellun-
tur.
*Erben. ib.
*ms. Corb.
*Erben. ib.
ad ann.
1556.

Annus Christi 1556.

PAULI IV. Pontificis	1. & 2.
CAROLI V. Imperatoris.	37. & 38.
REMBERTI Episcopi Pad.	10.



Annus hic tribus Imperii septemviris fatalis fuit: nimirum Friderico palatino, qui die vicesimâ sextâ Februarii; Joanni Trevirensi, qui die decimâ octavâ Februarii; & Adolpho Coloniensi, qui die vicesimâ Septembris, vitam in terris finiit. posterior horum (nam de aliis duobus plura loqui, extra nostræ historiæ scopum est) novennali regimine suo apud omnium subditorum animos æternam sibi laudem

Tres Impe-
rii septem-
viri, Palati-
tinus, Tre-
virensis, &
Coloniens-
is moriun-
tur.
Auctores
passim.

Adolphi
Colonien-
sis laus.
Cratopol.
in catal.
Archiep.
Colon. &
alii sparsim

dem ac honorem peperit. Erat enim Catholicæ Religionis aman-
tissimus, pacis cultor, dissensionum osor, integritate vitæ, mo-
destiâ, humanitate, prudentiâ, & omnium virtutum ornamentis
itâ commendatus, ut meritò in epitaphio suo Colonienfi dictus
fuerit, *Delicia populi*. Lutheranos errores, ab Hermanno deces-
sore ejus quodam introductos, quantocyus abolevit, concilium
provinciale pro reformandis Cleri populique moribus Coloniz ce-
lebravit, Tridentinæ synodo cum Archiepiscopis Trevirenfi ac
Moguntino interfuit: neque dubium est, quin pro Ecclesiæ Ca-
tholicæ bono plura fuisset præstiturus; nisi talia meditantem, pri-
mò tumultus bellici, deinde præmatura mors à bene coeptis impe-
diisset. Successorem in folio Archiepiscopali habuit germanum
fratrem suum, Antonium Comitem de Schawenburg, concordi-
bus votis electum die vicesimâ sextâ Octobris. Fuerat hic antea
Præpositus Leodiensis, Trajectensis, & Colonienfis ad S. Gereonem;
fratrique suo demortuo, pietate, moribus, & Fidei or-
thodoxæ zelo, ferme tam similis erat, ut ovum ovo. Sed & huius
vita brevior moriendi necessitatem prius imposuit, quàm Electo-
ralis dignitatis commoda penitiùs degustasset.

Successit
ipsum frater
Antonius
Comes de
Schawen-
burg, non
imparis viri
tutis ac zeli
Cratopol.
loc. cit.
Fridericus
Ep. Hildes-
& Slesvi-
censis mos-
ritur.
Catal. re-
centior Ep.
Hildes.
Chytraus l.
19. Saxon.
**Reusner.*
in geneal.
Duc. Holf.
Hildesienfi
Ecclesiæ
magno
cum dam-
no præfuit.
Catal. Ep.
Hildes.

**Chytraus*
l. 19. Saxon.
**Catal. Ep.*
Hildes. sub
Ernesto
Bavaro.

Accessit & aliud, sed magis inglorium ac illaudabile funus
Friderici Episcopi Hildesienfis & Slesvicensis; qui ex pernicioso re-
gimine suo plus vituperii, quàm honoris retulit. Spes magna
de ipso fuerant Hildesii propter cognationes potentissimas: era-
nim frater Adolphi Ducis Holsatiæ; filius autem Friderici I. Da-
norum Regis * è Sophia, Bugslavi Stetinenfium Ducis filia. Sed
ille magnas ejusmodi spes longissimè fefellit. Præterquam enim
quòd ambiguz Religionis fuerit, Episcopale officium neglexit,
sacros Ordines non suscepit, licentiosæ vitæ se tradidit, Ecclesiæ
bona disperfit, Stürwaldiam Adolpho fratri oppignoravit, &
pleraque urbis Hildesinæ templa, nimirum S. Pauli Patrum Domi-
nicorum, S. Martini Patrum Franciscanorum, S. Michaëlis Pa-
trum Benedictinorum, S. Georgii Equitum Teutonicorum, S.
Andree Canoniarum secularium, duasque alias Ecclesias paro-
chiales, Jacobæam scilicet & Lambertinam, senatui & commu-
nitati Lutheranz cessit. Ac tametsi hoc sacrilegio præfecturam
& arcem Peinenfem, Hildesinæ urbi oppignoratam, à civibus re-
demerit: ea tamen iterum haud multò post, vel Adolpho ipsius
fratri oppignorata*, vel certè aliorum sumptuum prætextu tra-
dita, neque priùs à successoribus Episcopis recepta est; donec Er-
nestus Archiepiscopus, Hildesinæ Ecclesiæ Præsul, eandem sexa-
ginta imperialium millibus* ab Holsatiæ Duce redemisset. His
tam perniciosè gestis, Fridericus Episcopus anno superiore in Hol-

Holsatiam rediit; ibique hoc anno, die vicesimâ septimâ *Octobris, Chilonii defunctus, & Slesvici tumultatus, nocere desiit. In ejus locum non sinè magna Capitularium dissensione Hildesii successit Burchardus ab Oberg, è Nobili ac pervetusta Obergiorum familia, Cathedralis Ecclesiæ Senior ac Decanus: vir ex asse probus, & vel ideo de Ecclesia Catholica maximoperè meritis, quod Friderico decessori suo Fide, pietate, ac moribus dissimilis fuerit.

*Reusner. in geneal. Duc. Holf. Successit Hildesii Burchardus ab Oberg, vir maximè Catholicus ac devotus. Catal. Ep. Hildes. Carolus V. regna sua transfert in Philippum filiū:

Inter has Episcoporum Principumque mortes Carolus V. Imperator, postquam in Autumno superioris anni ditiones Belgicas in Philippum filium transtulisset, eidem pariter intrà menses proximos reliqua Regna omnia, tam Europæa, quàm Transmarina tradidit, reservatâ sibi solum centies mille coronatorum pensione annuâ: id quod Wilhelmus Godelevæus *exeunte priori anno; Pallavicinus autem *die decimâ septimâ Januarii peractum volunt. Nec multò post Imperator, ut Philippo filio tranquillum pacatumque regimen relinqueret, die quintâ Februarii Gallum inter & Hispanum *quinquennales armorum inducias confecit: quæ tamen, priusquam hic annus evolveretur, illaudabili Pauli IV. Pontificis consilio rursus abruptæ sunt. Supererat adhuc ei dignitas Imperatoris Romani. Et hanc similiter in comitiis publicis ante suum in Hispanias discessum abdicare voluerat, dummodo id ei per vires & alia quædam impedimenta licuisset. At, cùm ea in re plus difficultatis esset; retento paulisper eo titulo, primùm Ferdinando fratri suo, velut electo Romanorum Regi, sollicitè commendavit, ut se absente curam Imperii singularem gereret: deinde & aliis literis, die vicesimâ septimâ Augusti Gandavi datis, Joannem Episcopum Osnabrugensem, velut Camera Imperialis Præsidentem, & ceteros ejusdem judicii Assessores, impensè commonuit, ut gloriam Dei præ oculis habeant; ut justitiam omnibus equaliter administrent, ut à recti studio se nullo rerum aut personarum respectu averti sinant, ut Ferdinando Regi in omnibus morigeri sint, et ab eo (cùm opus fuerit) in absentia sua consilium et auxilium petant.

*Godel in hist. abdic. Caroli V. *Pallav. in hist. conc. Trid. l. 13. *Auctores iidem. Harens in ann. brabant.

Curam Imperii commendat Ferdinando fratri, & justitiam judicibus Camera. Godel. in hist. abdic. Caroli V.

His expeditis, die 30 Augusti cum duabus sororibus suis, Eleonora Franciæ, & Maria Hungariæ Regina vidua, Gandavo Birsfleum venit; visoque ibidem sepulchro Wilhelmi Beuckels (qui primus haleces in falsamentariis cadis salire docuit, ac defunctus est anno 1397.) in Zelandiam abiit, ventos inibi secundos ad navigationem Hispanicam præstolaturus. Iis verò benignè aspirantibus, die decimâ septimâ septembris cum utraque sorore prædicta navem conscendit; cursuque optatissimo in Laredanum Biscaïæ portum feliciter impulsus est. Ibi, ut primùm exscendisset è navigio, hu-

In Zelandiâ abit, & inde in Hispaniâ: Godelev. loc. cit. Harens in ann. brabant. Palas. in Aq. Austr.

Ubi vitæ
solitariae se
committit
in monaste-
rio S. Justi.
Auctores
iisdem.

Sufati, He-
rivordiae,
Lipstadii,
& in aliis
locis West-
phaliae, rur-
sum inva-
lescit Lu-
theranismus,
rejectâ reli-
gione inter-
imistica.

*Piderit.
loc. cit. pag.
326.
Bernardus
Comes de
Lippia syn-
odum provin-
cialem
convocat,
in eaque ju-
bet omnes
subditos ad
lutheranâ
doctrinam
transgredi.
Piderit. in
chron. Lip.
624 & seq.

millimè terram osculatus est, inquit: *Salve, mihi optatissima ma-
ter! nudus ex utero matris meae exivi, nudus ad te velut alteram ma-
trem redeo; tibi quoque, quod unum possum pro tam multis in me meritis, cor-
pusculum hoc et ossa dedo ac dedico.* Indè post multas Hispanicorum
Procerum salutationes, Vallisoletum se deportari fecit. Ubi, cum
brevissimè de residuis regnorum negotiis disposuisset; relictis hîc
sororibus, recepit se ad monasterium S. Justi, Ordinis Eremitarum
S. Hieronymi, reliquam ætatem illic in assiduis religiosæ vitæ exer-
citiis Deo consecraturus.

Eodem hoc tempore Lutherana hæresis vehementer iterum in-
valescebat in Westphalia: præsertim verò Sufati, Lipstadii, Heri-
vordiae, Mindæ, Osnabrugi, Ritbergæ, Lemgoviae, & aliis in lo-
cis, quæ jam antea Lutherum secuta, & ab eo rursus per edictum
Interimisticum abstracta fuerant. Hæc enim loca omnia, ut pri-
mum anno superiore in comitiis Augustanis novam suæ Religionis
libertatem accepere; statim citatis passibus in antiqua Lutheri pla-
cita sic proruerunt, *qualis ubi abruptis solvit præsepia vinculis tandem
liber equus, campoque potitus aperto.* Inter alios verò egregium no-
vi Evangelii promotorem se exhibuit apud nos Bernardus Comes
de Lippia, de quo Pideritius in chronico Lippiensi * ita scribit:
*cum anno 1555 Protestantium statibus, Augustanæ Confessioni deditis, con-
cederetur libertas utendi palam suæ Religionis exercitio; etiam Bernardus
Comes de Lippia Religionem promoveri cepit, et abominations (ut ipse
loquitur) Papisticas abolere.* Quod ut majori cum effectu ageret,
congregavit hoc anno in castro suo Braeck synodum Ecclesiasti-
cam; sed planè exoticam, & antiquis Ecclesiarum consuetudini-
bus dissentaneam: cui nimirum, præter concionatores Luthera-
nos totius Comitatus, interfuerunt omnes Patriæ status & urbium
consules, unà cum ipsomet Comite & omnibus consiliariis ejus.
In horum confessu orationem synodalem, nomine sui Comitis ve-
lut sacrorum Antistitis, habuit Perillustris Dominus Christopho-
rus de Donop, intimi consilii Senior ac Satrapa provincialis, Me-
morabat is, *Comitem Dominumque suum Lutheranis doctrinis à puero
institutum, et Papatui semper adversatum esse: dolere, quòd ab aliquo
tempore Cæsareis edictis ad interimisticam Religionem unà cum subditis
adstrictus fuerit: Nunc verò eum ad Augustanæ Religionis placita rever-
ti, ac seriò velle, ut hac ubique à suis subditis recipiatur: non abituros
impune, qui hac in re immorigeri, et in antiqua Fide Catholica persisturi
fuerint.* Peractâ hac oratione, Bernardus Comes quatuor concio-
natoribus, quos ex omni Lutheranorum præconum numero sele-
gerat, nempe Mauritio Piderit, Gerhardo Cotio, Hermannò Ha-
melman, & Joanni Wilhelmo Torrentino concionatori Aulico,
visi-

visitationem & inspectionem Ecclesiarum detulit, cum plenaria novandi ac reformandi potestate.

Haecenus, inter omnes anteriorum temporum vicissitudines, ^{Canonici Regulares S. Augustini in Blomberg deficiunt à fide; Pideris. ib. pag. 626.} adhuc incolume steterat monasterium Blombergense Canonico-regularium S. Augustini; etiamsi jam aliqui ipsorum ad infauſta Lutheri dogmata propenderent. Sed, cum hoc anno Blombergenses incolæ, quorum Ecclesia parochialis monasterio prædicto suberat, ad reformationem Lippiacam tam severè astringerentur; & jam antè Conradus Meyerus, è coenobio Mindensi defector monachus, plerosque cives ac parochianos ab Augustinianis Patribus ad Lutherum avertisset: etiam hi, errorem suarum ovium secuturi, claustralem vitam abjecere, nobilissimum Schirense prædium vendidere, pecunias ex ea venditione receptas inter se invicem divisere, initoque sacrilego matrimonio ex malis Canonicis facti sunt pejores mariti. Supererant adhuc tres, qui novi hujus Evangelii doctrinam constanti animo recusabant, & permanserunt in monasterio. Ex iis duo intra paucos annos temporalem vitam cum æterna commutarunt: postremus autem, P. Augustinus Düvel, anno 1569 in senectute ultima à Jodoco Pideritio, prædicante Lutherano, se perverti passus est; exutisque vestibus religiosi, divo Patri suo Augustino Lutherum prætulit, biennio post è præſenti vita ad judicium divinum evocatus. Ità præclarum illud monasterium, quod ab insigni miraculo initium sumpsit, ad manus Comitum Lutheranorum recidit, postquam vix ultra unum seculum constitisset.

In Comitatu Pymontano, prope Lügdam aut Lüdam oppidum Dioecesis nostræ, terribilis ac penè immensus hominum confluxus hoc anno fuit ad acidulas fontèsque medicos, qui ibidem saliant. Fontem hunc appellabant *sacrum*: nec erat novus, aut nuper è terra prodiens; sed ante secula jam plurima notus. De eo

namque Henricus de Herivordia, qui anno 1370 Mindensi in urbe defunctus est, in codice mſ. his verbis * meminit: *In Westphalia juxta oppidum Lüde Dioecesis Paderbornensis fons est, qui dicitur SACER FONS; de quo si quis pronus biberit, in faciem ejus exsilit, et quasi supergisci videtur. Ibidem est et alius fons, qui dicitur FONS BULLIENS. Iste quasi quadratus est de quatuor lateribus equalibus, et fundus subter rubens ad pallorem declinans. Nil in ipsum insluit, nec effluit; sed continue bullit, et sic sonore, quod ad jactum balistæ potest audiri.*

Ceterum vis medica istius fontis non videtur inter homines admodum nota & explorata fuisse ante exitum anni superioris. Quo tempore, cum aliqui homines acidularum istarum usu à scabie, petigine, malignis defluxionibus, imò & chiragræ podagræve doloribus

Fontis Pymontani virtus medica inclarescere cœpit.

*vide monum. Paderis. Lüda.

Ad illum hoc anno fit immensus ægrorum concursus, quorum plures illic

sanitatem
recepere.

Monum.

Pad. loc. cit.

chron. Tre-

mon. ad

hunc annū.

Merian. in

topograp.

Westph.

v. Lügde.

pag. 87.

Dæmon e-

tiam huic

sanationum

generi se

immiscuit.

Chron.

Tremon.

Merian.

loc. cit.

Fons Pyr-

montanus

hodierno

tempore

adhuc val-

de celebra-

tur ab aquis

salutaribus.

S. Ignatius

Societatis

JESU fun-

dator, hoc

anno mori-

tur.

Spond. ad

hunc annū.

n. 10.

bus relevati essent; curationum istarum fama, in orbem volans, tantos ubique motus concitavit, ut ineunte vere præsentis anni 1556 multa hominum ægrotorum millia ex diversis Germaniæ partibus obtinendæ sanitatis desiderio Pymontum venerint. Multitudo horum sub aperto cælo confidebat illic in modum parvi exercitus; erantque inter eos etiam surdi, claudi, cæci, & aliis morborum generibus pressi, è quorum numero non pauci pro sanitate mortem retulere. Neque dubium est, quin malorum omnium architectus dæmon huic etiam negotio se immiscuerit: præsertim cum & energumeni suæ liberationis causâ ad fontem hunc legantur confluisse; & Merianus è chronico Brunsvicensi memoret, magum aliquem seu præstigiatores cæcum, nomine *Simonem*, inibi inventum esse, qui suis incantationibus dæmonia ex hominum obsessorum corporibus expellere nixus aut visus fuerit. Unde & immodicus ille hominum concursus ultra hunc annum non tenuit; sive propter abusus & errores varios, qui intercurrerant; sive quod ægroti per experientiam usumque discerent, fontem hunc non cuiusvis morbo, sed tantum certis infirmitatum generibus mederi posse. Quod autem Merianus è chronico prædicto addidit, Deum postea huic fonti vim subtraxisse propter infamia scelera apud ipsum perpetrata, fabulosum duco. Quis enim credat, fonti huic tunc temporis fuisse vim aliquam naturali majorem, etiam ad curandos homines ab ortu suo claudos, cæcos, & surdos? reliquam verò naturalem vim ab eo tempore in his acidulis permansisse, perspicuum adhuc est hodiernâ experientiâ: cum & hodie fons ille à magnis dominis per æstatem adiri soleat, non solum jucunditatis causâ; verum etiam propter aquarum Pymontensium salubritatem virtutemque medicam.

Historiam hujus anni meritò coronat, qui hoc anno ad immortalem gloriæ coronam in coelos abiit S. Ignatius de Lojola, fundator Societatis JESU, vir de tota Ecclesia Catholica turbatissimo illo tempore meritissimus. Obiit in urbe Roma die 31 Julii anno ætatis suæ 65: ac, priusquam è vivis decederet, Societatem suam in provincias plurimas diffusam & ferè centum Collegiis locupletatam vidit. De ejus virtutibus & miraculis innumera videri possunt apud Hagiographos Antverpienses, tomo 7. Sanctorum Julii. Mihi satis est, hic adducere testimonium Urbani VIII. Pontificis, qui in Bulla Canonizationis ejus disertè asserit: *fuisse virum, quem prælegerat Deus, ut eorum dux foret, qui portarent ejus sanctissimum nomen coram gentibus et populis; quique fideles ad veram Fidei cognitionem inducerent, et rebelles hæreticos ad illius unitatem revocarent etc.*

AN-

Annus Christi 1557.

PAULI IV. Pontificis 2. & 3.
CAROLI V. Imperatoris. 38. & 39.
REMBERTI Episcopi Pad. 11.

Henricus
Galliarum Rex,
violatis induciis, in
Regnum
Neapolis ir-
ruit cum
Paulo IV.
Pontifice.
** Pallav. in
bist. conc.
Trid. l. 13.*



Nondum abiêrat annus ab induciis quinquennalibus, præcedente anno Gallum inter & Hispanum initis; cùm iterum Gallus in bella profilit, rumpitque inducias, etiam juramento interposito à se firmatas. Incensor hujusmodi turbarum erat Paulus IV. Pontifex, ejusdemque ambitiosior nepos Carolus Caraffa Cardinalis, homo in armis enutritus, & insatiabili dominandi libidine præditus. Hi, ut erant ab Austriacis & Hispanis alienissimi; ita etiam variis artibus (quas fusissimè recenset Pallavicinus) perpetuò sollicitabant Gallum, ut perniciosas hujusmodi inducias rumperet, junctisque secum armis in Hispanos iret: alioquin fore, ut Hispani per quietem hanc vires afflictas reparent, & universæ demum Italiæ jugum imponant. Audiit hæc tandem Gallus: multumque ponderis ad eundem inclinandum addidit, quòd Hispani, maximis Pauli IV. injuriis provocati, superiori Autumno Papales terras invasissent; & jam aliàs eidem Gallorum Regi promissum esset à Pontifice, ut in belli præsentis præmium unus è Regalibus filiis Regnum Neapolis, & alter Mediolanensem Ducatum acciperet. Itaque ineunte hoc anno Franciscum Guisium cum valido exercitu mittit in Italiam; jubetque eum rectà ad Pontificem contendere, & unitis amborum viribus in regnum Neapolitanum irruere. Alium verò exercitum è suis colligit adversus Belgium; partemque illius pridie trium Regum sub Duce Colignio mittit ad intercipiendum Duacum: eventu quidem irritò; sed hostiles tamen animos & violatas armorum inducias declarante. Expavit his auditis Philippus Hispaniæ Rex, eaque indignatione commotus est, ut juramento affirmârit, haud prius à se gladium in vagina reconditum iri; quàm poeniteret Gallos, à juratis induciis recessisse. Nec defuit fortuna huic promisso. Nam Augusto mense, die S. Laurentio sacrâ, Philippus Rex, Germanorum & Anglorum copiis adjutus, apud Quintinopolim in Picardia tam insignem de Gallis victoriam retulit, ut ab ea non solum Parisiis; sed etiam totâ Galliâ trepidatum fuerit, præcipuo Nobilitatis ac militiæ flore vel perduto, vel captivo. Periêrunt ex parte Philippi Regis tantum octoginta viri, intêrque eos Philippus Comes de Spiegelberg & Pymont, de quo postea. Ex parte verò Gallorum amissa fuêre tria millia cæsorum, quatuor millia capto-

** Pallav. ib.
c. 16. n. 5.*

** de his vi-
de Pallav.
c. 17. & 18.*

** Pallav. ib.
c. 15. n. 6.*

** Pallav. ib.
l. 14. c. 1.*

Ex alia parte etiam invadit Belgium.

*Harans in
ann. brab.
Surius in
comment.
rer. gest.*

Sed ingenti clade afficitur à Philippo Hispaniæ Rege prope Quintinopolim in Picardia, vulgò S. Quintin.

*ant. iidem
* Harans in
ann. brab.*

rum

rum, trecenta plaustra bellico apparatu plena, vexilla tam pedestria quàm equestria nonaginta quatuor, cum omnibus impedimentis ac tormentis militaribus. Nec multò post etiam Quintinopolis, urbs munitissima, cum Novioduno & aliis Gallorum urbibus in Philippi Regis potestatem venit. *Hic fructus fuit, uti loquitur* *Spondanus, *ruptarum contra fas induciarum, et infausi fœderis, cum Paulo Pontifice et Caraffis initi!*

*Spond. hic
n. 10.

Gallus ex
Italia mili-
tem suum
revocat:

*Pallav. in
hist. conq.

Trid. l. 14.

6. 3. n. 4.

*Pallav. ib.

n. 8.

Pontifex cū

Philippo

Hispaniæ

Rege paci-

ficatur.

Pallav. ib.

6. 3. & 4.

Spond. hic

n. 2.

*Gratian.

in casibus

Vir. illustr.

Philippus in

memoriam

Quintinia-

næ victoriæ

statuit ædi-

ficare mo-

nafterium

celeberri-

mum S. Lau-

rentii in Es-

curiaco.

Ortel.

theat. orbis

terr. in fin.

Colloquiū

Worma-

tienſe inter

Theologos

Catholicos

& Luthera-

nos.

Credi vix potest, quantum eâ clade consternata fuerit Papalis curia: præsertim cū Henricus Rex, necessitati propriæ subventurus, Franciscum Guisium cum exercitu suo è Papalibus terris in Galliam *revocaret; permitteretque foederato Pontifici, ut, quâcunque ratione vellet, cum hostibus concordaret. Sed hunc terrorem non leviter mitigavit. Philippi Regis moderatio: qui Senatui Veneto victoriam à se obtentam nuncians, indicavit simul, se ad amplificandam ditionem suam nullatenus *aspirare; ideoque & ad restituendum Pontifici terras, eidem à se ereptas, paratum esse, dummodo & is per æquas pactiones ad Italiæ quietem conspiraret. Quare statim, conciliatoribus Venetis, itum est in consilia tractandæ pacis: ac tandem, die decimâ quartâ Septembris, concordia Pontificem inter & Hispanum inita, pactionibus tam honestis, ut ex iisdem sole clariùs apparuerit, honori & existimationi Pontificiæ à Christianis Catholicisque Principibus plurimùm deferri. Interea pœnam Dei non evasere belli hujus incentores, Carolus & Joannes Caraffæ, Pauli IV. Pontificis nepotes. Uterq; enim altero abhinc anno primùm à Paulo IV. patruo suo ex urbe *Romana pulsus; ac dein, tertio post anno, à Pio IV. ejusdem successore propter gravissimas accusationes morte promeritâ castigatus est. Philippus autem Hispaniæ Rex, ut primùm à bellis omnibus quietem habuit, vel in gratiarum actionem Quintinianiæ victoriæ, in festo S. Laurentii obtentæ; vel (ut alii volunt) ex voto id temporis ad S. Laurentium edito, ingenti magnificentiâ construere coepit nobilissimum illud Hispaniæ monasterium S. Laurentii in Escuriaco, vulgò *Escorial*: quod postea infinitis opum impendiis, & plurium annorum labore impigro, in ejusmodi molem excrevit, ut hodie inter orbis miracula censeretur.

In Germania hoc anno post cladem Quintinienſem pugna alia spiritualis instituta est, in cujus decursu Confessio Augustana plagam mortiferam accepit à suis met affeclis ac defensoribus. Deceverat hoc anno Ferdinandus Romanorum Rex in comitiis Ratisbonensibus, ut pro tentanda Catholicorum & Lutheranorum concordia, in urbe Wormatiensi, die vicesimâ quartâ Augusti, inchoaretur colloquium aliquod; in quo duodeni Catholicorum,

ac

ac duodeni Lutheranorum Theologi, conferrent inter se de modo concordiae in rebus, ab utraque parte, controversis. Praesidem quoque hujus colloquii nominaverat * Rudolphum Episcopum Spirenses; pro quo tamen postea, ob incidentem ejus ægritudinem*, designatus est Julius Pflugius Episcopus Naumburgensis, integerrimus Fidei * orthodoxæ cultor. Huic è Principum, tam Catholicorum, quam Lutheranorum numero adjuncti sunt quatuor * Assessores, Joannes Archiepiscopus Trevirensis, Michael Archiepiscopus Salisburgensis, Augustus Elector Saxoniae, & Christophorus Dux Würtembergensis. Congressu inchoato, unus è duodecim Theologis Catholicis (credo Petrus Canisius è Societate JESU) primo loco proposuit Lutheranis: *Ex Receptis Patris Augustini et Augustini nullam aliam Religionem in Imperio permissam esse, quam veterem Catholicam, et novam Augustinam Confessionem deditam: inter has duas concordiam in presenti congressu queri, exclusis aliis: ac proinde necessarium fore, ut omnes collocutores ac Theologi adversæ partis prius declarent, an pro sola Confessione Augustina sentiant; an verò etiam aliis Majoristarum, Osiandrinorum, Adiaphoristarum, et Zwinglianismorum doctrinis adherescant? alioquin frustra se disputaturos esse, nec scituros, cum quo vel quibus? cum Theologo Lutheranis, an verò cum Zwingliano conferant?* Mirum! quam omnes Adversarii ad improvisam hanc propositionem hæserint! Est enim id genus hominum in oppugnanda quidem Ecclesia Romana concors; at in ipsis Fidei articulis discors: ideòque simile sampsonianis vulpibus, quæ, tametsi caudis inter se colligatæ fuerint, capitibus tamen ibant ac tendebant in diversa. Totis ergo sedecim diebus ea de re seorsim altercati sunt inter se. His autem evolutis, cum adhuc discordarent, & quinque ex iis tenerent mordicus, aliorum sectariorum errores à se rejici; alii verò septem (inter quos & Melancthon erat) pertinaciter affirmarent, eos inauditâ causâ à se damnari non posse: totus ille congressus absque omni fructu, & operæ impensæ pretio, dissolutus est. Priores enim quinque, dum pro sola Confessione Augustina pugnari vellent; à septem aliis rejecti, colloquium deferuere: & hi septem rursus à Catholicis repudiati sunt, quòd hi nullum sibi negotium esse dicerent cum iis, qui ab Augustinâ Confessione & ejus dogmatis in alios errores inclinarent. Ita nunquam sperari potest concordia cum illis, qui unitatem Ecclesiæ deferunt, & in rebus credendis nullum visibile caput aut judicem controversiarum habent.

Regebatur id temporis Ecclesia Monasteriensis in Westphalia à Reverendissimo Principe Wilhelmo de Ketteler, Godehardi Kettelerii postea Livoniæ Magistri fratre, viro quidem non parvis animi

* Vide Receptis. Ratisbon.

* Camerac. in annos.

rer. prac. ad hunc annum.

* ex Receptis Ratisb.

* Pallav. in hist. concil. Trid. l. 14.

Surius in comment.

Spond. & alii.

In eo colloquio Con-

fessio Au-

gustana à suismet

Theologis

plagam prægrandē accipit ab eorum dis-

sensionibus. Camerac. loc sup. cit.

Sur. Spond. & alii.

Colloquium sine fructu dissolvitur.

Auctores iidem.

Wilhelmus de Ketteler Monaster.

episcopatus

mi

renuntiat
die 3 Dec.
chron Mo-
nast. msf.

Noluit fieri
Sacerdos.

**chron. msf.*

**Chytraus*

l. 19. Saxon.

& alii.

Cœnobiū

Hohenhol-

tanum su-

periori an-

no conver-

tit in colle-

gium do-

mnicellariū

secularium.

Kerffenb.

in msf.

In ejus locū

die 4 Dec-

cembr, ele-

ctus est Ber-

nardus à

Raesfeldt.

chron. Mo-

nast. msf.

Inchoatur

famosa lis

inter Erb-

mannos

Monaste-

rienses ,

mi virtutibus prædito; sed hucusque nondum ad sacerdotales & Episcopales Ordines promotus. Hos ut à Pontifice deprecaretur, magnos in curia Romana sumptus adhibuit, missis illuc Oratoribus Legatisque suis, Bernardo à Morrien, Cathedralis Ecclesiæ Canonico, & Casparo de Büren summæ ædis Vicario. At, quia Paulus Pontifex, velut rigidus canonum sacrorum exactor, suscipiendi sacerdotii legem relaxare noluit, ac demum trimestre spatium ei præfixit, intra quod vel consecrationem acciperet, vel Episcopatu abiret; hunc deferere, quàm ad illam accedere maluit. Itaque sub initium Decembris Monasterium se recepit; convocatisque majoris Ecclesiæ Canonicis, die tertiâ Decembris pridie S. Barbaræ, Episcopale pedum ad manus eorum deposuit, reservatâ sibi, quàm diu viveret, mille aureorum pensione aureâ. Sunt, qui hanc ejus abdicationem arbitrentur esse factam ex teneritudine conscientiae: alii verò non temere suspicantur, eum erga ritus Catholicos, in hujusmodi ordinationibus adhiberi solitos, non optimè affectum fuisse; præsertim, quòd cum Gregorio Cassandro, Fidei suspectæ viro, non parva literarum commercia gereret. Certè ex ejus institutione, non videtur opinionem satis Catholicam tenuisse de statu virginum Deo sacratarum. Etenim cum in cœnobio Hohenholtano, quod olim virginum religiosarum erat sub regula S. Augustini, puellæ quædam ad liberiores Canoniarum secularium vitam aspirarent; faciliorem iis, quàm in tanto negotio posset, assensum præbuit. Ac, tametsi è senioribus una aut altera vehementer se opposeret; eas tamen anno superiore per duos Ecclesiæ majoris Canonicos, quos eodem ex fine miserat, à religiosa vita absolvi, & ad statum secularem transferri jussit. Quanquam, ut putabatur, non sinè celeri vindicta Numinis: cum uterque ex illis Commissariis, vix uno mense decurso, in vitam aliam evocatus fuerit. Wilhelmus autem post renuntiationem à se factam adhuc vixit plùs quàm annis viginti quatuor; ac tandem Cosfeldiæ, ubi sedem suam fixerat, anno 1582 die 18 Maji ad manes abiit, sepultus ibidem in sacrario Parochialis Ecclesiæ S. Jacobi. In ejus locum postridie abdicationis, nimirum in festo S. Barbaræ, concordibus votis electus est Bernardus à Raesfeldt ex Hammeren, antea majoris Ecclesiæ Cellerarius, & Præpositus ad S. Mauritium, vir à mansuetudine, prudentia & Religionis orthodoxæ zelo cum primis commendatus.

Eodem anno Monasterii coepta est famosa illa, & seculi non unius, controversia inter Cathedralis Ecclesiæ Canonicos, aliòsq; viros Nobiles ejusdem Dioecesis, quos usitato nomine Erbmannos vocant. Obiérat in mense Pontificio, Kalendis Maji, perillustis

vir

vir Bernardus à Münster, majoris Ecclesiæ Præpositus: ejusque vacantem Canonicatum Romæ obtinuerat Joannes à Schencking, è Nobilitate Erbmännica vir doctissimus, & Augustanæ Ecclesiæ Canonicus Cathedralis. Is, cùm deinde Monasterium adveniret, & in sacerdotii vacantis possessionem induci cuperet; præter omnem expectationem suam ab illius aditu exclusus fuit: quòd Canonici Majores dicerent, Monasteriense Capitulum ex Papali privilegio patere solis ex equestri Nobilitate genitis; his autem accenseri non posse Nobilitatem Erbmännicam, utpote civium officii functam, eorumque legibus ac plebiscitis obnoxiam. Ægerimè res ista habuit non modò Schenckingium hunc; sed etiam Erbmännos omnes: quippe qui non minùs, ac alii perillustrium familiarum viri, se de antiqua sincerissimâque Nobilitate progenitos esse contendebant; nec ferè aliis uxoribus, quàm ex Ordine equestri editis, matrimonio conjungi sueverant. Itaque causam hanc sibi omnibus communem esse conspicati, in Papali curia litem intenderunt Majori Capitulo. Ac, tametsi non unis vicibus ibidem, ac Viennæ triumphârint; sententiæ tamen istius executio, partim ob iteratas appellationes ac revisiones, partim ob alias bellorum ac temporum vicissitudines, non sinè summo ipsorum incommodo protelata est usque in annum 1709. Quo tandem Carolus VI. Imperator non modò iterum pro Erbmännis victoriam causæ pronuntiavit; Sed etiam Cathedralis Ecclesiæ Monasteriensis Canonicos gravissimis poenarum comminationibus adegit, ut in posterum Erbmännos, velut syncerâ probatâque Nobilitate genitos, ad Majoris Capituli gremium reciperent.

In aliis Westphaliæ partibus non parvæ hoc anno mutationes acciderunt, partim è bello tumultuario; partim è morte duorum Comitum. Primus horum fuit Conradus Comes Tecklenburgicus, die quintâ Martii defunctus, & à nulla fermè re alia notus, quàm à sceleribus & impietate. Nam (ut omittam, quòd abjectâ patrum suorum fide, prior ipse Lutherana dogmata amplexus fuerit) immaturâ dominandi libidine Ottonem patrem in vincula conjecit, eundem ab amicis libertati redditum solo dominio Rhedenfi contentum esse, compulit, Dynastiam Lingensem post obitum Nicolai patrui suis fratribus præripuit, Ottonem fratrem, quòd abdicato * statu Ecclesiastico ad Lingensem Dynastiam aspirâisset, tenebricofo carceri inclusit; & ex eo postea, quàm diu ipsi vita stetit, nunquam dimisit. Unde etiam benedictione divinâ destitutus, è conjugè sua Mechtilde Hassica prolem masculam non obtinuit; sed filiam duntaxat unicam, nomine Annam: quæ Ewerwino Comiti Benthemensi nupta, ditiones Tecklenburgicas ad fam-

alibsq; Nobiles, de vera istorû Nobilitate, & idoneitate adeundi Canonici Cathedralis.

chron. Ad. n. 1709. ms.

Erbmänni, lite sæpius evictâ, mittuntur in possessione à Carolo VI. Imperatore. Ex actis publicis.

Conradus Comes de Tecklenburg moritur, unicâ filiâ Anna, Ewerwino Comiti Benthemensi nuptâ. Chytraus l. 25. Saxon. Reusner. in gen. Com. Tecklenb. Hamelm. l. 3. de famil. emort.

Per quem
comitatus
Tecklen-
burgicus ad
Benthe-
menfes.
transiit.

*Chytra^o &
Hamelm.*

loc. cit.

Philippus,
Comes de
spiegelberg
& Pymont
in prælio S.
Quintinia-
no moritur
improlis.

*Haraus in
ann. brab.*

Hermann^o
Simon de
Lippia se-
quenti a^o
ducit foro-
rem ipsius
Ursulâ, &
cum ea ac-
cipit comi-
tatum Spie-
gelbergen-
sem:

Hamelm.

*l. 3. de fam.
emort. V.*

*Spiegel-
berg.*

Pymonta-
num verò
ei negat

Rembertus
Episcopus
Paderborn.

*Litera Pa-
derb.*

Hamelm.

*ib. V. Pyr-
mont.*

**in liter. de
a^o 1567.*

**Hamelm*

loc. cit. V.

Pymont.

Joannes
Comes Rit-
bergenfis,
veluti pacis

miliam Benthemicam transtulit. Et hæc Anna, Conrado patre suo longè melior, non modò Ottonem patrum suum liberavit è carcere, in quo diuturnas inter miseras consenuerat; sed etiam decenti famulatio condecoratum, reliquis vitæ annis in magno honore habuit: donec & ipse anno 1562 mortalitatem relinquens, masculinam stirpem antiquorum Comitum Tecklenburgensium clauderet.

Similis mutatio apud nos in Comitatu Pymontano contigit ex morte Philippi Comitis Spiegelbergii & Pymontani; qui hoc anno, die decimâ Augusti, in prælio Sanct-Quintiniano cæsus occubuit. Reliquerat ille solùm tres sorores: quarum prima, cui nomen Ursula, sequenti anno in conjugalem thalamum adscita est ab Hermanno Simone, Bernardi Comitis Lippiensis, fratre. Credebat enim hic, & certissimè persuasus erat, se ex iisdem nuptiis utroque isto Comitatu vacuo potiturum esse. Et priore quidem Comitatu, nimirum Spiegelbergensi, perfacile potitus est beneficio Ducum Brunsvicensium, Henrici & Erici; quorum consensu prædictam Ursulam, Philippi Comitis demortui sororem, duxerat. Major autem difficultas erat in adipiscendo comitatu Pymontano, quem Episcopus noster jure beneficiario ad Paderbornensem Ecclesiam suam recidisse, contendebat. Re ad controversiam deductâ, militabant rationes diversæ pro utraque parte. Hermannus Simon allegabat pro se, Fridericum Spiegelbergensem, Philippi nunc defuncti patrem, comitatu Pymontano sic potitum esse, ut extinctâ successionem masculâ devolveretur etiam ad filias; quemadmodum anno 1525 decreverant arbitri ea in re constituti. Contrà verò allegabat Rembertus Episcopus, arbitros istos errasse in substantia; putâsseque, omnia feuda Paderbornensis Ecclesiæ esse talia, quæ successionem femineam admitterent, uti constat ex hisce verbis decreti ab iis editi: **wiedan solches im Stiff von Paderborn herkommen und Gebrauch ist.** Quod cum apertè & evidenter falsum sit, etiam in hoc errore substantiali nullum jus legitimum fundari posse. Multæ postmodum intercessiones pro Hermanno Simone sunt adhibitæ, præsertim verò ab ejus fratre Bernardo Comite Lippiensi. Ac tametsi in posterioribus quibusdam * literis memoretur, eò tandem perventum esse, ut Rembertus Episcopus conferendi hujus feudi promissionem vel spem Hermanno Simoni fecerit; eo tamen vivente collatio ista * ad effectum perducta non est, uti suo loco videbimus.

Tertia & magis luctuosa mutatio hoc anno contigit è captivitate Joannis Comitis Ritbergenfis, viri admodum turbulenti ac ferocis. Aluerat ille diu non parvas inimicitias contra vicinòs cogna-

cognatósque Comites Lippienses; quòd eorum subditi anno 1545, cum Philippus Hassiæ Landgravius, devicto Henrico Brunsvicensi, Ritbergam expugnaret, opem huic & auxilium tulerint. Neque ista animorum alienatio finem habuit, etiamsi postmodum Otto pater ejus cum Philippo Landgravio reconciliatus, & comitatu suo restitutus fuerit. Nam & ab eo tempore, maximèque post mortem sui patris, Joannes Comes iteratas injurias Lippiensibus intulit: ac demum præcedente anno, die vicesimâ * Novembris, in territorium Lippiense irruit, Bernardo Comiti centum & quadraginta porcos eripuit, domum Joannis de Wendt Satrapæ Lippiensis in Lipperode violenter invasit, inde plùs quàm decem millia aureorum sustulit; &, quod longè insolentius est, ejusdem absentis conjugii catenas aureas de collo, armillas de manibus, annulos de digitis, omnémque ornatum muliebrem de toto corpore detraxit. Querebatur hac de re Bernardus Comes apud moderatores circuli Westphalici. Et hi, cum viderent admissi criminis iniquitatem, non solum permiserunt ei, Ritbergensem* velut publicæ pacis violatorem bello aggredi; sed etiam largiter promissè, se eidem in hac invasione bellica suis armis ac militibus adjumento fore. Quo audito, Comes Lippiensis exeunte anno superiore cum auxilio Remberti Episcopi nostri in comitatum *Ritbergensem ingreditur, domum venatoriam in Holte flammis injectis concremat, Nienkerckam & Verlam pagos exspoliât, ac demum etiam Ritbergam oppidum * die 19 Decembris in suam potestatem redigit. Interea Joannes Comes receperat se in vicinam arcem Ritbergensem, palustri in loco sitam, & expugnatu perdifficilem. Quæ, dum à Lippiacis & Paderbornensibus obsideri cœperat; ineunte Januario præsentis anni ad eos adjuvandos allatæ sunt ingentes copiæ, à Colonienfi, Clivenfi, & aliis circuli Westphalici Principibus missæ. Ab his deinde castrum illud validiùs inclusum, & erectis aggeribus ità circumvallatum est, ut ejusdem deditio tandem die 2dâ Junii, quæ tunc erat feria quarta ante Pentecosten, per inediam longamq; famem extorta fuerit. Exibat eo die Joannes Comes, albo solum bacillo nixus; captivumque sistebat se perillustri Domino Caspáro de Quernheim, Serenissimi Ducis Clivenfis & Juliacenfi Consiliario. Ab eo primùm custodiæ datus est Ritbergæ: inde Novembris Augusti in curru clauso abductus ad oppidum Buricense, ex adverso urbis Wesaliæ situm: postea anno 1560 in Archiepiscopi Colonienfis potestatem traditus, & ab eo Coloniz in monasterio S. Martini conclusus est: ubi triennio post, nimirum anno 1564, diuturnis miseriis confectus obiit. Ex Agnete Benthemica, uxore sua, duas tantum reliquit filias, Ermegardem & Walburgem.

publicæ violator, bello premittur à Comite Lippiensi & Episcopo Paderbornensi.

Chytraus Lib. Saxon. Piderit. in chron. Lip. Chron. Trem. ms.

**Chron. Trem. ms.*

**Piderit. in chron. Lip.*

**Chron. Trem. ms.*

A circuli Westphalici copiis hoc anno arctissime obsideretur in arce Ritbergensi; ac tandem capitur die 2dâ Junii.

chron. Trem. mon. ms. Chytra & Piderit. loc. cit.

Coloniz in captivitate moritur anno 1564. *Chytra & Piderit. loc. cit.*

Comitatus
Ritbergen-
sis per filiā
ejus Wal-
burgem de-
volvitur
tandem ad
Comites
Oistfrisiæ.
*Imhoff. in
Not. proc.
S. R. I. l. 9.*

Prior harum, cui Comitatus Ritbergensis in dotem obtigit, enupta est primū Erico de Hoja; deinde verò, cūm is maturiore fato decederet, Simoni de Lippia, Bernardi Comitis Lippiensis filio. Posterior autem, cui dominium Esense, Stedesdorffienſe, & Wittmundense in dotem venit, nuptiali thalamo conjuncta est cum Ennone Frisiæ orientalis Comite. Et quia soror ejus Ermgardis ex utroque matrimonio prolem non accepit, etiam Ritbergici Comitatus hæreditas ad Oistfrisiæ Comites devoluta est.

Annus Christi 1558.

PAULI IV. Pontificis 3. & 4.
FERDINANDI I. Imperatoris. 1.
REMBERTI Episcopi Pad. 12.

Carolus V.
Imperii co-
ronam per
legatos ab-
dicat.

*Godelev. in
hist. hujus
abdicat.*

*Palat. in
Aq. Austr.*

*Surius in
comment.*

Ferdinandus
frater ejus
denuncia-
tur Impera-
tor.

*Auctores
iidem.*

*Helvicius
in theatro
hist. univ.*

Carolus eos
dem anno
moritur die
21 Sept.

auct. iidem

**Surius in
comment.*

**Palat. in
Aq. Austr.*

**Palat. Su-
rius, Ver-
nula &c.*

Ense Februario Principes Electores cum Ferdinando Romanorum Rege convenerunt Francofurti. Ibi Carolus V. Imperator die sancto Matthiæ sacrâ (quâ & huic mundo genitus, & à Clemente VII. Pontifice coronatus, & à Francisco I. Galliarum Rege capto nobilissimam vi-
etoriam prope Ticinum adeptus erat) solenni legatione coronam Imperii abdicavit, rogans & obsecrans, ut Electores non modò hoc animi sui facinus ratum habere; sed etiam fratrem suum Ferdinandum Romanorum Regem, veluti legitimum Imperii successorē, agnoscere & declarare vellent. Egerrimè quidem id ad-
mittebant septemviri, nec libenter sinebant, Imperatorem tantum à se divelli. Sed quia Legati ejus constanter opponebant, sibi nihil aliud in mandatis esse, quàm Imperii abdicationem sibi com-
missam exequi; tandem Ferdinandus Rex à septemviris Imperator denuntiatus, ac die decimâ quartâ Martii, consuetis Imperii ceri-
moniis Francofurti in foro publico salutatus est. Ex eo tempore Carolus V, rerum humanarum satur, magnis passibus decurrebat ad vitæ finem; quem in sacra solitudine sua post biennalem præ-
parationem feliciter attigit, ex febris acuta mortuus die vicesimâ primâ Septembris, in festo S. Matthæi Apostoli. Paulò ante mor-
tem divinissimo Christi corpore, quo frequenter solebat refici, de-
votè iterum præmuniri voluit; eoque accepto **dixit: O Domine! mane in me, et ego maneam in te!* Tum deinde patientis Christi ima-
ginem ardentissimè complexus, post illa verba; *in manus *tuas Do-
mine commendo spiritum meum*, bene actam vitam beatorum morte con-
clusit, anno ætatis suæ quinquagesimo nono. Virtutes ejus, quas alii scriptores **fusissimè* referunt, brevitatis & compendii causâ præ-

prætermitto. Sepultus est Granadæ prope matrem suam Joannam, ubi primum ejus epítaphium humillimo stylo* exaratum fuit, hísce versibus :

Hic jacet intus CAROLUS Quintus !

Ora pro eo bis velter, Ave Maria et Pater noster.

At multò acerbior fuit orbi Catholico præmatura tristisque mors Mariæ Reginae Angliæ ; quæ Philippo Hispaniarum Regi nupta, intra paucos annos totam Angliam ab hæresibus repurgarat. Credebatur hæc ferre uterum ; & erat hydrops : nec prius patuit esse morbum ; quàm esse insanabilem. Obiit adhuc improlis, die 15 Novembris ; & initio sequentis anni in thronum ejus evocata est Elisabetha soror ejus, ex illegitimo Annæ Bolenæ connubio genita. Quæ, cum hucusque simulasset se Catholicam Religionem colere, non modò in solenni inauguratione sua juramentum præstitit de tuenda Fide Catholica ; sed etiam Paulo IV summo Pontifici per Oratorem suum demissè nunciavit, se ad Angliæ solium evectam esse, nec à Fide Romano-Catholica recessuram. At ille, ut erat homo durus & morosi capitis, gravi statim supercilio respondit Oratori, assumptionem Elisabethæ sibi neutiquam probari posse : quòd hæc è conjugio per sedem Apostolicam damnato genita, & citra ejusdem sedis auctoritatem ad Regni solium subvecta fuerit. Quòd si tamen ipsa causam hanc arbitratus vellet permittere, visurum se, ut eidem indulgeat, quidquid sibi per jus liceret. Acerrimè Reginam pupugit tam importuna responsio summi Pontificis : multique sunt, qui hac ejus duritiâ effectum putent, ut eodem anno Regina Elisabeth ab Ecclesiæ Romanæ gremio discesserit, unaque secum totam Angliam in hæreticæ pravitatis barathrum denuo deturbârit. Adeò verum est, etiam in regimine spirituali & ecclesiastico : *nescit regnare, qui nescit dissimulare.*

Non minori duritiâ ac morositate usus est hic idem Pontifex in Ferdinandum Romanorum Imperatorem. Nam, cum & ipse Francofurti hoc anno proclamatus esset Imperator, idque per oratorem suum Martinum Guzmanum renunciaret Paulo IV. Pontifici ; Paulus ex antiquo in Austriacos odio, nec legationem hanc admittere voluit, nec Ferdinandum ut legitimum Imperatorem agnoscere. Causam hujus tam frivolæ tergiversationis afferebat, quòd Carolus V. Imperii coronam deposuerit sinè consensu & auctoritate Romani Pontificis ; ideòque nec illius abdicatio, nec Ferdinandi Romanorum Regis surrogatio fuerit legitima : quòd in assumptione novi Cæsaris adhibiti sint tres Electores Acatolici, qui à deserta Fide Romana nullum ampliùs retinuerint jus ad creandum

Maria Angliæ regina moritur die 15 novemb. Palas. in Aq. Aust. Pallav. in hist. conc. Trid. l. 14. Spond. ad hunc ann. comment. rer. gest. In ejus locum eligitur alia Elisabetha, soror ejus ex Anna Bolena, aust. iidem Haraus in ann. brab. Quæ à Paulo IV. Pontifice rejecta Fidem Catholicam deserit. Palas. in Aq. Aust. Pallav. loc. cit. n. 2. 3.

Simili morositate ac duritiâ Paulus Pontifex detestat Ferdinandum Austriacum, ut legitimum Imperatorem agnoscere. Palas. in Aq. Aust. Spond. hic n. 8. Pallav. in hist. conc. Trid. l. 14.

dum Imperatorem Romanorum : quòd Ferdinandus adhuc Rex in comitiis & pacificationibus publicis multa permiserit Lutheranis, quæ Ecclesiæ Fideique Romanæ detrimentum non parvum afferant. Facillimè quidem hæc refutabantur * à Guzmanno : præsertim cum Ferdinandus olim, adjuvante & comprobante Clemente VII. Pontifice, Romanorum Rex electus esset; atque ideo ad legitimam successionem nullâ aliâ septemvirorum electione indigeret, dummodo Imperium vacaret, uti reipsâ vacabat per voluntariam abdicationem sui fratris. At, quia suprâ dictus Pontifex malebat Imperatorem Gallum, quàm Austriacum, vel Germanum; etiam subsecuto Caroli Imperatoris obitu in imprudenti sententia * sua, quo ad vixit, perstitit, successoris suo in ea causa defæcatus iudicium relinquens.

Eâdem, ut reor, occasione in gravissimas persecutionum tempestates Romæ incidit Joannes Gropperus, Colonienfis Academiæ Doctor, natione westphalus, patriâ Susatensis, & Religionis Catholicæ propugnator invictissimus. Erat hic Archidiaconalis Ecclesiæ * Bonnensis Præpositus, & vir ejusmodi, qui admirabili doctrinâ, integritate, sapientiâ, & laboribus pro Fide obitis, jam pridem ita se commendaverat, ut à Paulo IV * Pontifice, die 18 Decembris anno 1556, præter omnem expectationem in Collegium Patrum Purpuratorum adscitus fuerit. Recusaverat ille quidem honores istos * magnâ animi demissione. Sed quia Pontifex nihilo minùs urgebat & sollicitabat adventum ejus, tandem hoc anno itineri se commisit; &, ut refert Henricus Turckius, die vicesimâ sextâ Augusti Romam ingressus est. Ibi cum ejus iudicium peteretur in causa Ferdinandi Romanorum Imperatoris (de qua antè meminì) unus ipse, velut rerum Germanicarum ante omnes gnarus, invictâ animi constantiâ pro Ferdinando stetit; edixitque in concilio publico, Imperatorem alium in præsentì rerum statu eligi nec posse, nec oportere, nisi Pontifex Germaniam totam contra se commovere vellet. Germanos enim Cæsarem non alium velle, quàm Germanum; ac multò minùs passuros esse, ut sibi novus Imperator obtrudatur à sede Pontificia. E Germanis verò Principibus nullum alium nunc inveniri, in quo tanta Religionis avitæ firmitas cum potentia tanta conjungatur, quàm in Ferdinando; quippe qui & hæreditarias ditiones amplissimas habeat, & cum Philippo Hispaniarum Rege arctissimâ necessitudine constrictus sit. Nec eidem prudenter objici posse, quòd in conventu Passaviensi & Augustano Lutheranis multa indulserit: id enim imputandum non esse ejus voluntati; sed necessitati, in quam ex nimia Principum Lutheranorum potentia conjectus erat, non solum

conni-

Joannes
Gropperus,
S.R.E. Car-
dinalis de-
signatus,
natione
Westphal⁹,
hoc anno
Romam e-
vocatur à
Pontifice.
* Surius ad
ann. 1547.
* Pallav. in
hist. conc.
Trid. l. 13.
* Pallav. ib.
Spond. ad
ann. 1559.
Ibi consult⁹
in causa
Ferdinandi
Imperato-
ris, acerrime stat pro
illo contra
omnes dis-
sentientes.
Pallav. ib.
l. 14. c. 6.

connivente, sed etiam favente Gallo. Hæc & alia, quæ sapientissimè Gropperus protulit, mirificè offenderunt alios Pauli IV. Consiliarios. Omnes enim illi cum Pontifice in duriorē sententiam contra Ferdinandum ibant: idque vel ex animi facilitate, quā ministri Principum in rebus ambiguis persæpe solent eorum propensionem sequi; vel ex eo, quòd ipse Pontifex hac in re *sibi tales delegerit Consiliarios, qui propensionem suæ concordem gererent. Itaque hi primū obliquis eundem oculis intueri, deinde sinistros de eo *rumores spargere, demum etiam accedentibus malevolorum aliquorum inculpationibus doctrinas hæreticas eidem appingere, atque ea de re dicam ipsi non levem scribere. Facillimè quidem Gropperus huiusmodi maculam à se absterfit. At interea, dum se purgabat, & invidiosis huiusmodi litibus conflictabatur, ex moerore animi in febrim quartanam incidit; & sequenti anno, die decimā tertiā Martii, extremis Ecclesiæ sacramentis rite præmunitus, innocentem animam exspiravit. Corpus ejus honorificentissimè tumulatum est Romæ in Ecclesia Germanorum ad pedes Hadriani VI. Pontificis; & ipse Paulus IV. Papa, ut ejusdem pios manes ab omni falsarum suspitionum macula depurgaret, oratione funebri eum dilaudavit, inter alia dicens: *Dominum Gropperum non amisimus; sed ad Deum præmisimus.* Vitæ ejus breve compendium exhibet ipsius inscriptio sepulchralis in urbe Roma, quæ *sic habet:

Domino Joanni Groppero, Religionis Fideique Catholica propugnatori acerrimo, post incredibiles labores, summis cum periculis pro Ecclesiæ ac Religionis Catholica conservatione, magno semper et invictō animo exantlato, multaque præclara literarum monumenta edita, ob perpetuam Fidei pietatisque constantiam, incomparabilem doctrinam, summāsque virtutes, absenti nec quicquam minùs cogitanti in sacrum R. E. Cardinallium collegium cooptato, præmaturā adhuc morte, et quando suū opera in primis desiderabatur, ex humanis erepto, fratri piissimo atque optimè merito, Godefridus et Casparus Gropperi fratres, alumni mæstissimi posuere. Vixit annis LVIII, diebus XVIII. Obiit III. Idus Martii, anno MDLIX.

Tam illustri huic viro novem propè mensibus in vitam alteram anteivit ejusdem egregius æstimator, Antonius Archiepiscopus Colonienſis, ex antiqua Comitum Schawenburgensium familia genitus, & Adolphi decessoris sui germanus frater. Qui, cū hoc anno Francofurtensibus Electorum comitiis interfuiſſet, indeque redux meditaretur solennem ingressum in urbem ædémque Metropolitanam; repentino morbo correptus obiit in arce Godesberg die decimā octavā Junii, postquam uno duntaxat anno & aliquot mensibus Archiepiscopalem honorem degustasset. In ejus locum

Gravem persecutionem Romæ patitur, ita ut etiam vocaretur in suspicionem hæresis.

*Pallav. ib. n. 11.

*Turck. in hist. ms. Egregiè se defendens, in febrim incidit, & moritur anno sequente die 13. Martii.

*Turck. in hist. ms. Spond. ad ann. 1559. Oratione funebri dilaudatur ab ipsomet Pontifice.

*Turck. in hist. ms. Ejus epitaphium Romæ.

*Turck. ib.

Antonius Comes de Schawenburg, Archiepiscopus Colonienſis, hoc anno moritur die 18 Junii

Surius in comment.

Cui surrogatur Joannes Gebhardus Comes de Mansfeld, probè catholicus. *Auctores iidem. *Græzopol. ibid.* cum, die 26 Julii S. Annæ sacrâ, unanimi Canonico- rum suffragio delectus est Joannes Gebhardus Comes de Mansfeld, antea Præpositus Trajectensis; & Coloniae ad S. Georgium. Qui licet ortus fuerit ex familia Lutheranis erroribus tunc imbuta, Catholicæ tamen Religioni totâ vitâ suâ *constantissimè inhæsit: dignus idcirco, non solum Archiepiscopatu; sed etiam longioris vivendi spatio, quod eidem adipisci non licuit.

Paderbornæ turris major Cathedralis Ecclesiæ, ob imminentem ruinam, superiore sui parte tollitur, & in aliam formam restauratur. Ex literis Archiv. Cath. Eccl. Balthasar Haghmeisterus, Flechtorpiensis monasterii Abbas ultimus, hoc anno instituitur. Ex lit. Archiv. Cath. Eccl. Pad. In urbe nostra Paderborna turris major Ecclesiæ Cathedralis, è superiore & acuminata sui parte, non parùm inclinare jam coeperat in ruinam; nec erat imprudens timor, ne productior ejusdem apex intrâ aliquot annos ab alto rueret, cum ingenti istius Ecclesiæ & urbis totius damno. Qua de causa Decanus & Capitulum Cathedrale, hoc anno in festo S. Joannis Baptistæ, solennem contractum iniêrunt cum duobus fratribus architectis, Jacobo & Bertholdo Frunneken, ut antiquam turrim, lapideæ basi vel turri superstantem, cautissimè tollerent; atque è dissolutis demissisque in terram trabibus novam aliam breviorémque turrim antiquæ basi lapideæ superstruerent, juxta ideam ipsis propositam ac præmonstratam. Id quod etiam ab iis feliciter effectum est, uti hodie adhuc videri potest.

Pejorem aliam foediorémque ruinam apud nos hoc anno minitari coepit fortuna retrograda monasterii Flechtorpiensis, Diocesis nostræ, in vicino Comitatu Waldeckiano. Abbatem illic egerat ab annis quatuor Joannes Raden professus Liesbornensis: & interea cum ingenti dolore viderat, quàm ingentia damna monasterium hoc in spiritualibus ac temporalibus perpeffum fuerit ab invalescente ibidem hæresi Lutherana. His autem avertendis cum & imparem se agnosceret, & simul animo reputaret, quàm beatè ac feliciter ante infulam acceptam vixerit; deserto Abbatis jure ac titulo quietiorem hoc anno vitam repetiit, rediitque ad monasterium Wittmersense Virginum, quas antè rexerat ut Confessarius.

Accepto regimine, coepit agere vitâ inquinatissimâ. Manuscripta Paderb. Henschen. 10. 2 Ss. Junii. Revocatus ad monasterium Liesbornense, rursum Tum verò Flechtorpiensis Abbatiae res decumano simul impetu in interitum protrusæ sunt. Qui enim successit Abbas Balthasar Haghmeisterus, post aliquot annos vitam adèò inquinatam egit, ut malo exemplo suo non solum bonos omnes ab istius monasterii ingressu absterruerit; verùm etiam Lutheranis ipsis, in eadem viciniâ demorantibus, horro- ri fuerit. Qua de re, cum à præsidibus Congregationis Bursfeldiensis persæpè & acriter admonitus esset; postremo quidem circa annum 1580 eò inclinatus est, ut in suæ professionis monasterio Liesbornensi ad poenitentiam obeundam se tradiderit, etiam solenni protestatione suam ob admissa crimina indignitatem confitens. At paulò post religiosæ disciplinæ impatiens,

ex

ex eodem coenobio rursus aufugit, habitum Benedictinum exiit, cum Lutherana muliere matrimonium iniit, ac demum in ditione (ut ferunt) Corbejensi animam infelicem exspuit in domo cuiusdam viri Nobilis Lutherani, cui pro scriba frumentario & liberorum simul pædagogus fuit. Supererat, cum ista fierent, in toto monasterio tantum unus & senex monachus, nomine Humbertus: quem ab infelice Balthasaris fuga rogaverant superiores, ut loci istius curam in se reciperet. Sed cum ille crebrius excusaret senectutem suam, rebus œconomicis curandis imparem; eo solo ibidem sine sociis relicto, Comes de Waldeck locum hunc ad se attraxit: commendavitque alicui Amptmanno, qui viginti pauperes ex ejusdem proventibus aleret, sibi que in singulos annos omnium acceptorum & expensorum rationes daret.

aufugit, uxoreque ductâ infelicitè moritur.

Henschen. loc. cit.

Comes Waldecensis monasterium desertum occupat, superstitè solum uno monacho sene.

Henschen. ibid. & ms. Pad.

Annus Christi 1559.

PAULI IV. Pontificis ultimus.
FERDINANDI I. Imperatoris. 2.
REMBERTI Episcopi Pad. 13.

Pætor hic annus fuit ab optatissima pace, Gallos inter & Hispanos inita. Occasionem huic dederant prægrandes duæ Gallorum clades: una, quâ ante biennium *apud urbem S. Quintini; & altera, quâ per æstatem superioris anni prope Gravelingam *perculsi & profligati fuerant. Posterior harum priori addita præparavit viam ad pacem: quæ, tametsi ante annum tractari cœpta, & per mortem Reginæ Angliæ paulisper sufflaminata sit; hoc anno tamen, die 3tiâ Aprilis, in Cambresienfi* castro feliciter composita & conclusa est. In ea conventum est, ut ab utraque parte restituantur omnia: sive ea, quæ sibi invicem eripuerant, sive ea, quæ aliis per eandem belli occasionem intra complures annos ablata erant. Unde contigit, ut Henricus Galliarum Rex in terris Belgicis Philippo Hispano, in Sabaudia Sabauda, in ducatu Montis Ferrati Mantuano, in Senensi ditione Cosmo Florentino, in Corsica Reipublicæ Genuensi, & aliis alibi restituere debuerit* centum & nonaginta urbes & oppida; cum ex adverso Gallus non nisi tria oppida reciperet ab Hispano. Ut autem ambo Reges arctiori nexu jungerentur inter se, etiam duo matrimonia in eodem congressu pacis decreta sunt: unum inter Elisabetham Regis Henrici filiam & Philippum Hispanum; alterum inter Margaretam Henrici Regis sororem & Emmanuelem Philibertum Sabaudiarum ducem, Philippi Regis consanguineum.

Pax inter Hispanum & Gallum inita.

*Vide dicta ad annum

1557.

*Haras in ann. brab.

ad an. 1558

*Gallie, Cambresy.

*Spond. hic n. 11.

Pallav. in hist. conc.

Trid. l. 14.

nuptiæ Philippi Hispani cum Elisabeta

Galliarum Regis filia; &

Y y

Magni

Philiberti
Sabaudi cū
Margareta
Regis Gal-
liæ sorore.

*Spond. hic
n. 21.*

*Harans in
ann. brab.
Surius &
alii.*

Henric⁹ II.
Galliæ Rex
moritur.

** Auctores
antea cit.*

*Pallav. loc.
cit. c. 9. n. 1.*

** Spond. hic
n. 21.*

Succedit in
regno Fran-
ciscus II, &
huic se-

quente an-
no Carolus
IX, uterque
Regis Hen-
rici filius.

*Spond. &
alii.*

Paulus IV.
Papa mori-
tur.

** Pallav. in
hist. conc.*

Trid. l. 14.

** Pallav. ib.*

** Pallav. ib.
n. 4.*

** Pallav. ib.
n. 7.*

Magni postmodum apparatus facti ad utrasque nuptias. Et primæ quidem Parisiis cum singulari pompa celebratæ sunt exeunte Junio, Philippi Regis vicem peragente Ferdinando Duce Albanos. In his, præter alia ostentandæ lætitiæ signa, etiam instituta sunt trium dierum hastiludia; in quibus & ipse Galliarum Rex primo biduo sic decertavit, ut suorum concertantium (credo Gallorum) plures ex equis & ephippiis ejecerit. Inde elatior factus, die tertio, etiam heroem extraneum, licet invitum ac repugnantem, iteratis invitationibus ad similem concursum lacecessivit: sed magno suo infortunio. Nam in eo concursu ex diffracta herois istius lancea *frustillum cuspidis in dexterum Regis oculum tanta cum vehementia per foramen cassidis involavit, ut penè usque ad ipsum cerebrum pervaserit. Læsus ergo deferitur in palatium: & quia vulnus erat insanabile, undecimo die post, nimirum sexto Idus Julii, ex infelici vulnere extinctus est; posteaquam biduo antè *etiam posteriores nuptiæ inter Sabaudum & Margaretam sororem ejus absque omni pompa celebratæ essent. Successit in ejus thronum Franciscus II, ejusdem filius, Mariæ Stuartæ Scotorum Reginae conjux, ætate juvenis, ingenio mediocris, valetudine imbecillis: qui & anno superiore, Nonis Decembribus, Henricum patrem in fata consecutus est, Carolo IX. fratri suo decenni coronam Galliæ relinquens.

At nemo gravius eam Henrici Regis jacturam sensit, quàm Paulus Pontifex: tum quòd ei semper impensè addictus fuerit; tum verò maximè, quòd extincto illo undique se desertum * & periclitantem cerneret. Etenim Ferdinandus Imperator ab eo maxime opere averfus erat ob negatum hætenus Romani Imperatoris titulum, Philippus Hispaniæ Rex propter iniqua bella duobus abhinc annis contra se commoveri cœpta, Elisabetha Angliæ Regina ob improbatam rejectamque assumptionem suam in thronum Angliæ: qua de causâ etiam, ut multi volunt, ab Ecclesiæ Catholicæ gremio se disjunxerat. Nec major apparebat ei securitas domi, quàm foris: cùm & subditi * propter onera sibi imposita fremerent, & alii ditionum Papalium Procures variis injuriis affecti essent. Igitur angoribus undique obsessus, & simul octoginta quatuor annorum pondere delassatus, brevi morbo * vitam exiit die decimâ octavâ Augusti: tanto sui nominis odio apud Romanum vulgus post se relicto, ut eadem die, priusquam adhuc penitus exspirasset, insana plebs cum ingenti fremitu in Capitolium irruerit; ac primò quidem statuam ejus marmoream * naso & manu dexterâ detruncaverit: deinde biduo post eidem simulacro caput absciderit: postremò etiam caput illud cum grandi ignominia

nia per urbem volutârit, ac in Tyberim deiecerit. Ultima de-
 cidentis verba fuerunt illa *Prophetæ Regii, psalmo 121: *Letatus sum* *Spond. hic
in his, quæ dicta sunt mihi; in domum Domini ibimus. Neque dubium
 est, quin fuerit vir *admodum pius, devotus, ac fervidus in tuen- *Spond. ib.
 da re Catholica: simul tamen *austerus, vehemens, iracundus, ar- *Pallav. ib.
 rogans, ideóque minùs commendabilis in sede Apostolica; quàm
 priùs in claustro Ordinis Theatini, quem olim instituerat. In ejus
 locum post quatuor mensium vacationem unanimi Purpuratorum
 suffragio surrogatus est Pius IV, electus die vicesimâ quintâ De-
 cembris in ipsa nocte Natalem Domini subsecuta; coronatus au-
 tem sequenti anno, die sextâ Januarii in Epiphania Domini.

Interea Nobilitas Westphalica, gravissimè affligi cœperat in
 Livonia, suarum exercitationum vetere Palæstrâ. Vixerat hæc
 terra diu cum vicino Russorum Principe in summa pace, quam ad
 integros quinquaginta annos ab eodem obtinuerat invictissimus
 Russorum domitor *Walterus Plettenbergius. Et hac pace non
 solùm ipse gavissus fuerat usque ad annum hujus seculi tricesimum
 quintum, quo è vivis abiit; sed etiam tres illius in supremo sui Or-
 dinis Magisterio *successores, Hermannus de Bruggeney, condi-
 ctus Hasenkamp, defunctus anno 1549: Joannes de Reck, defun-
 ctus anno 1551: & Henricus de Galen, defunctus anno 1557. At
 paulò pòst, nimirum anno 1558, Russi iterum cum ingenti armo-
 rum fremitu in Livoniam *proruerunt, Narvam expugnârunt,
 Dorpatum subegerunt, multisque aliis oppidis & castellis captis,
 non modicam Estoniæ partem dominatui suo subdidere. Vehe-
 menter id affligebat Wilhelmum Fürstenbergium, qui ibidem pau-
 lò antè ad supremum Ordinis Magisterium evectus fuerat. Et quia
 jam gravi senio premebatur, quietioris vitæ causâ hoc anno rursus
 dignitatem istam abdicavit, ac tradidit Coadjutori suo Gothardo
 Kettelerio, florentioris ætatis viro. Sed heu! ubi quietem & se-
 curitatem quærebat Fürstenbergius; ibi summam infelicitatem &
 exitium reperit. Etenim sequenti anno 1560 Vellinense castrum,
 in quo velut loco munitissimo confidere cœperat, proditione, seu
 rebellionem militum à Russis occupatur, & optimus ille senex amissis
 thesauris omnibus in Moscoviam abductus est; ubi reliquam vitam
 in custodia & ærumnis finiit, Catholicæ pietatis ac Fidei assertor
 constantissimus. Utinam & aliquam istius constantiæ scintillam
 habuisset ejusdem in Magisterio successor Gothardus de Ketteler!
 de cujus apostasia ac defectione agetur suo loco.

In Episcopatu nostro Paderbornensi adhuc optimè florebat an-
 tiqua Fides Catholica; & in ea conservanda sollicitè desudabant
 Henricus von Cöllen Cancellarius, Conradus Thor Møllen Offi-

*Spond. hic
 n. 11.
 *Spond. ib.
 *Pallav. ib.
 n. 5.
 In ejus locū
 sub finem
 hujus anni
 eligitur
 Pius IV.
 Auctores
 citati.
 Livonia,
 Westpha-
 licæ Nobili-
 tatis Palæ-
 stra, à Rus-
 sis invadi-
 tur.
 *Vide dicta
 ad annum
 1502.
 *Russovius
 in chron.
 Livon. p. 2.
 *Russov. ib.
 fol. 63.
 Wilhelmus
 de Fürsten-
 berg, supre-
 mus Teuto-
 nici Ordinis
 Magister in
 Livonia, mu-
 nus suum
 abdicat
 propter se-
 nium:
 Chytræ l.
 20. Saxon.
 At anno se-
 quenti à
 Russis capi-
 tur, & in
 Moscoviam
 abducitur.
 auct. iidem

ac monaste-
rium Wil-
badessense,
componit
litem de
quibusdam
silvis &
glandemia.
*Ex literis
monasterii
Wilbadess.*

Item aliam
litem de li-
mitibus do-
minii nostri
Bokensis,
& arcis ac
præfecturæ
Lippiacæ in
Lipperode.
*Ex literis
Cancellaria
Pad.*

cialis, & Gerhardus Rôtekenius Concionator primarius. Hac autem Religionis tranquillitate Rembertus Episcopus noster studiosissimè utebatur ad componendas Diocesis nostræ controversias, quarum duæ hoc anno rursus ad optatum exitum perductæ sunt. Prima erat monasterii oppidique Wilbadessensis de quibusdam silvis & earum glandemia: & hæc ibidem *die decimâ tertiâ Julii* feliciter complanata est per Episcopales Commissarios, Hermannum de Viermund satrapam Dringenbergensem, Widekindum de Falckenberg satrapam Heristallensem, Henricum von Cöllen Cancellarium, & Philippum Poët quæstorem. Altera erat Episcopi nostri, Comitumque Lippiensium de limitibus inter Dominium nostrum Bokense, & arcem vel præfecturam Lippiacam in Lipperode. Qua in lite, cùm hoc anno designati essent partium ambarum arbitri, nimirum ex parte Remberti Episcopi nostri; Gisbertus Budden Cathedralis Ecclesiæ Osnabrugensis Cantor, Widekindus de Falckenberg satrapa in Herstelle, & Schönnenbergius de Spiegel vir equestris familiæ; ex parte verò Bernardi & Hermannii Simonis, Comitum Lippiacorum, Antonius de Donop, Franciscus de Kerffenbroich, & Ludolphus Kottman Lemgovien-sis consul: eorundem industriâ ac sollicitudine tandem lis illa feliciter extincta est; uti constat ex literis ejusdem transactionis, quarum finis est: *Actum et concordatum Delbrugi Anno millesimo quingentesimo quinquagesimo nono, die decimâ octavâ Julii.*

Annus Christi 1560.

Pii IV. Pontificis	1.
FERDINANDI I. Imperatoris	3.
REMBERTI Episcopi Pad.	14.

Pius IV Pa-
pa Ferdi-
nandi Cæ-
saris assum-
ptionem ra-
tam & gra-
tam habet.
** Pallav. in
hist. concil.
Trid. l. 14.*

** Pallav. ib.
6, 12. n. 1, 2.*



Auli IV. Pontificis duritia, quâ Ferdinandum ut legitimum Imperatorem agnoscere detrectârat, Romæ passim ab aliis improbata erat ut nimis aspera * ac parum prudens. Videbant enim, quàm ingentes Germanorum turbæ, quis Lutheranorum plausus & Catholicorum dolor secuturus esset, si è supremi capitis intemperie regnum inter & sacerdotium dissensio fieret. Quare successor ejus Pius IV, ut primùm Romæ electus est, avertendi hujus dissidii causâ Franciscum Turrianum Ferdinandi Oratorem benevolè ad se admisit; & paternè significavit, Ferdinandi Cæsaris assumptionem sibi maximè gratam & ratam esse. Quo audito prædictus Imperator singulari cum lætitia, non solùm literis amantissimis * honores Pontificios

ficios Pio IV. gratulatus est; verum etiam paulò post, solenni le-
gatione missâ, eundem ex antiqua superiorum Cæsarum consue-
tudine adorari iussit, subjunctâ humili petitione, ut revirescente
Regum Catholicorum pace, concilii Tridentini celebrationem
pro totius Ecclesiæ bono resumeret. Id quod etiam hic novus
Pontifex, uti jam antè purpuratis Patribus declaraverat, lubentis-
simè se facturum adpromisit.

Promittit
etiam re-
sumptionē
concilii tri-
dentini.
*Pallav. ib.
n. 3.*

Et sanè jam summa rei hujus necessitas erat; cùm & ipsa Gal-
lia, quæ hucusque bellis inutilibus hæresin Lutheranam foverat in
Germania, Calvinianis erroribus plena esset. Neque pestis illa
serpebat solum inter homines plebejos & vulgus humile; sed etiam
inter ipsos Regni magnates, quorum præcipuus ductor & ante-
signanus erat Ludovicus Princeps Condæus, Antonii Regis, Na-
varræ, frater. Hi deinde secretioribus consiliis gravissimam con-
juratorem in Regem juvenem hoc anno conflavere: sub eo qui-
dem prætextu, ut Principes Guisios velut extraneos ab administra-
tione regni deicerent; revera tamen, ut Calvinianam hæresin, de-
pulsâ Religione Catholicâ, stabilirent. Ac tamen ea conjuratio
adhuc maturè detecta, & Condæus* in custodiam detrusus fuerit:
Rege tamen paulò post è vivis decedente, & Carolo IX. decenni
puero in thronum fratris evocato, Condæus iterum* à vinculis
absolutus est, non sinè maxima convulsione totius regni, quod
eo duce calamitates adhuc multò graviores à Calvinistis pertulit,
quàm paulò antè Germania nostra à Lutheranis.

Initia mo-
tum Cal-
vinistarum
in Gallia.
*Spond. ad
hunc ann.
Pallav. 6.
12. n. 9.*

**Spond. hic
n. 9.
*Spond. hic
n. 21.*

Eadem virulenta lues anno superiore jam in urbem & acade-
miam Heidelbergensem infusa erat, afflante Wilhelmo Clebitio. De-
certaverat hic ibidem cum Tilmanno Heshusio de præsentia Divi-
ni Corporis* in pane Eucharistico; quam affirmabat Heshusius,
& pernegabat Clebitius Calvinista. In hac funesta amborum al-
tercatione Fridericus Elector Palatinus à Philippo Melanchthone
ante annum petiit, ut hac in re suam sibi sententiam aperiret. Sed,
cùm ille pro versatili ingenio suo tam ambiguè responderet, ut ne-
que realem Christi præsentiam assereret, neque eam penitus infi-
ciari vellet; Elector ipsèmet officium judicis assumpsit, ejectisque
Lutheranis vel Confessionistis* templa omnia & scholas in Calvi-
nianorum potestatem tradidit. Nec multò post ab iisdem Calvi-
nistis Heidelbergensibus invidiosum hoc decretum* prodit: *Lu-
theri et Brentii catechismi extra Ecclesiam ejiciantur, et eorum scripta
nullam auctoritatem habeant.* Acerbè res ista pupugit Joannem Fri-
dericum Saxoniae Ducem, Electoris Palatini socerum: ideòque hoc
anno cum duobus Theologis suis, Morlino & Stöffelio, Heidel-
bergam* profectus est, ut novo huic Augustanæ Confessionis vul-

Fridericus
Elector Pa-
latinus Cal-
vinismum
in suas ter-
ras intros-
ducit.
*Surius ad
ann. 1559.
Epitome
Ephem.
de ortu &
occasu Au-
gust. Conf.
ad an. 1559
*Epitome
Ephem.
loc. cit.
*Surius ad
ann. 1560.
*Epitome
Ephem. ad
ann. 1560.*

neri

neri medelam ferret. Sed Elector Palatinus venenum illud Calvinisticum tam profundè jam receperat intrà sua viscera, ut, quidquid ibi Morlinus & Stosselius prædicando vel disputando agerent, ex ejus corde malum illud expellere non valerent.

Philippus Melancthon moritur: & incertum est, in qua fide. *Chytræns. l. 20. Saxon. Surius ad hunc ann.*

* *Surius ib. Spond. hic n. 30. * Spond. ib.*

Ità Joannes Fridericus re infectâ rediit: & Philippus Melancthon, cujus ambiguae responsiones Palatinatui Calvinismum intulere, eodem anno Wittenbergæ die decimâ nonâ Aprilis obiit; relicto non imprudenti de se dubio, an Augustanam Confessionem, à se olim fabricatam, sub vitæ finem retinuerit, nec ne? certè postremis annis, ut è Wormatiensi colloquio constat, à doctrinâ Calvinistarum aut Zwinglianorum non abhorruit, præsertim in materia de cœna Domini. Imò Florimundus Remundus, teste Spondano, refert, eum, cùm ante mortem rogaretur à matre sua adhuc superstite, ut sincera conscientia declararet sibi, *quanam sit optima Religio?* nova scilicet, an Catholica vetus? disertè huic respondisse: *novam esse plausibilem; antiquam verò securiorem esse.* Quod si verum est, non video, cur prudens quisque non debeat potius mori Catholicè; quàm ob inanem ejusmodi plausum æternæ salutis periculo se exponere.

Annus Christi 1561.

PII IV. Pontificis 2.
FERDINANDI I. Imperatoris 4.
REMBERTI Episcopi Pad. 15.

Pius IV. Pontifex ubiq; per suos nuntios indicit concilium Tridentinum. *Pallav. in hist. conc. Trid. l. 14.*

Ferdinandi Cælaris consilia, data nuntiis in Germaniam ablegatis. *Pallav. l. 15. c. 2.*



DRincipio hujus anni, cùm & Cæsar & Hispaniæ Galliciæque Reges concilii Tridentini resumptionem acceptassent, varii Papales Nuntii ad omnes Regum ac Principum Christianorum aulas ablegati sunt, ut eosdem pro tollendis Religionum dissidiis ad prædictum concilium invitarent. Ad Ferdinandum Imperatorem ea de re missus erat Joannes Franciscus Commendonus, natione Venetus: qui & unâ cum Zacharia Delfino Veneto in mandatis habuit, ut ipsorum alter ad superioris, alter ad inferioris Germaniæ Principes diploma concilii cum literis Pontificiis ferret. Approbat id etiam Imperator. Simul tamen prudentissimè suggerebat eis, non parùm temporis inutiliter ab ipsis consumptum iri, si Principum acatholicorum quemlibet separatim adituri sint: imò, si id fiat, eorum singulos indubiè responsuros esse, nihil certi hac in re decerni ac statui à se posse, donec aliorum Protestantium ac foederatorum sensa pernoverint. Quare suo judicio consultius fore, ut ambo simul

simul Naumburgum pergant. Illic enim die vicesimâ Januarii omnes Principes acatholicos, aut eorum Legatos, repurgandæ Confessionis Augustanæ gratiâ, conventuros esse: eodémque tempore curaturum se, ut ope Ministrorum suorum, quos iisdem adungere velit, faciliorem ad hosce Principes accessum habeant.

Placuit consilium istud ambobus Nuntiis; deductique à tribus Oratoribus Cæsareis, Naumburgum pervenêre ^{*Pallav. ib.} die vicesimâ octavâ Januarii. Aderant illic è Principibus acatholicis Fridericus Elector Palatinus, Augustus Elector Saxonicus, Joannes Fridericus Saxoniae Dux, Wolfgangus Comes Palatinus Rheni, Christophorus Dux Wirtenbergensis, Ulricus Dux Mecklenburgensis, Philippus Landgravius Hassiæ, Carolus Badensis Marchio, multique alii tum Principes, tum aliorum Principum ac Procerum Legati. Præcipua conventionis illius causa erat, ut, cum in decreto pacificationis Augustanæ ^{Aacatholici Principes conveniunt Naumburgi ad statuentem concordiam suæ doctrinæ.} ex communi Principum consensu non comprehendantur alii acatholici, quàm qui Augustanæ Confessionis addicti fuerint; sese invicem ab aliis hæreticis, & suam Confessionem à sinistris & insynceris posteriorum temporum Confessionibus discernent. Catholici enim Lutheranis exprobrabant in scriptis & comitiis publicis, eos hodie non amplius ^{Chytr. transl. 20. Saxon. ad hunc annum. *de aō 1555 vide dicta ibid.} Confessionem, sed ^{*Chytr. transl. ibid.} confusionem Augustanam sequi: cum ab eo tempore, quo ipsorum Confessio in comitiis Augustanis Carolo V. Imperatori exhibita fuit, ea novis editionibus toties recusa, immutata, correctâ, & vitiata vel corrupta sit, ut moderna multorum Confessionistarum doctrina toto ferè cælo à prima discrepet; ideoque & ipsimet ^{Hunc in finem student, è diversis Augustanæ Confessionibus unam seligere & comprobare: sed frustra.} Lutherani Theologi in colloquio Wormatiensi noluerint condemnare doctrinam Zwinglii & aliorum hæreticorum, tametsi hæc nunquam ab Imperio recepta, & vel ab ipso Confessionis Augustanæ primordio rejecta fuerit. Itaque ut hanc maculam expurgarent, & in posterum se ab hujusmodi sugillationibus immunes redderent; studebant hîc, è tam multis diversissimisque Augustanæ Confessionis editionibus unam seligere, quam in posterum tenerent & amplecterentur omnes. At brevi hîc iterum patuit, in Ecclesia acephala nullam planè concordiam reperiri posse. Palatinus enim & Saxonicus Electores volebant retineri editionem recentiorum: quippe quæ, ut ipsi asserabant, ab editione prima non differret in re; sed tantum in verbis & explicationum claritate. Contrà verò oculatiores alii, ut à Calvini & aliorum erroribus doctrinam suam segregarent, acerrimè contendebant, retinendam esse Confessionem primam, & eadem verborum formâ, quâ hæc olim ^{Diffensiones Principum congregatorum} Carolo V. Imperatori in Augustanis comitiis oblata fuerat. Post hæc iterum instabant Electores antè dicti, tolerari quidem à se posse,

ut

de renova- ut retineatur & recudatur editio prima: ita tamen, ut addatur no-
 tione Con- va præfatio. & in ea declaretur, editionem primam à recentiori-
 fessionis bus non differre in substantia; atque ideo, si rem ipsam intuearis,
 Augustanæ. nulla in suis Ecclesiis esse dissidia. Contrà verò iterum Joannes Fri-
 Chytræns. dericus Saxoniz Dux, & quidam alii, præfationem istam ambabus
 20. Saxon. manibus rejecere: tum quòd in ea falsissimè jactitetur, nulla in
 suis Ecclesiis esse dissidia, quæ tamen omnium oculis & auribus ob-
 servantur: tum quòd illius præfationis beneficio etiam inter Au-
 gustanæ Confessionis asseclas connumerari vellet Elector Palatinus,
 & alii sacramentarii, qui errores ab Augustana Confessione alie-
 nissimos recenter amplexi erant, neque hætenus induci poterant,
 ut ab iisdem retrocederent. Ità concordia, quam hîc tentaverant,
 eventu casso rursus diffluit; & Joannes Fridericus Dux, tam im-
 portunis animorum dissensionibus rem agi videns, die tertiâ Fe-
 bruarii ex improspero conventu abiit.

Joannes
 Fridericus,
 Saxoniz
 Dux, re in-
 festâ rece-
 dit è con-
 ventu.

Chytræns. ib.

Delfinus &
 Commen-
 donus, Pa-
 pales Nun-
 tii, admit-
 tuntur
 Naumbur-
 gi ad con-
 ventum
 Principum.

Pallav. in
 hist. concil.
 Trid. l. 15.

*Pallav.

n. 10.

Utriusque
 Nuntii ora-
 tio ad Prin-
 cipes.

Pallav. ib.

6. 3. n. 1.

Eorundem
 Principum
 responsio.

*Pallav. l.

15. 6. 3. n. 3.

*Pallav. ib.

Interea Papales Nuntii persæpe flagitaverant colloquium pri-
 vatum cum duobus Electoribus, Palatino & Saxone. Sed, cum
 illud assiduè negaretur, tandem ipsis die quartâ Februarii à Fride-
 rico Palatino significatum est, eos postridie à toto conventu simul
 auditum iri. Altero mane à quatuor viris primariis, è conventu
 missis, in ædes congregatorum Principum honorificè deducti sunt,
 etiam adjunctâ custodum armatorum cohorte; eumque ad eos
 ingressi, Principibus singulis diploma concilii, singulasque lite-
 ras Pontificias, ad eorum singulos nominatim scriptas, perhumana-
 niter obtulissent, in subsellio holoserico, decentissimè præparato,
 considere jussi sunt hisce verbis: *sedent Dominationes vestrae*. Tum
 altissimo * silentio facto, uterque Nuntius oratione geminâ lega-
 tionum suarum causas exponere, affectum summi Pontificis erga
 nationem Germanicam dilaudare, ejus desiderium de abolendis Re-
 ligionum dissidiis extollere, multiplicitatem sectarum quotidie au-
 gescentium plangere, œcumenici concilii necessitatem declarare,
 ad illud adeundum cohortari, ac demum promittere, in eo cun-
 cta per summam pacem, charitatem, ac mansuetudinem peractum
 iri. Quibus auditis Principes, inter se paululum submissâ voce
 collocuti, responderunt illis per Cancellarium Electoris * Palatini:
se ea, quæ Romani Pontificis nomine sibi exposita sunt, attentis auribus
accepisse: negotium illud magis arduum esse, quàm ut in eo statim aliquid
à se decerni queat: conventuros primum inter se, ac postea responsuros,
quid agere velint, nec ne. Mox eodem honore, quo * venerant, am-
 bo Nuntii domum reducti sunt: & congregati Principes non so-
 lum retinere diploma concilii; sed etiam Papales literas, ad sin-
 gulos ipsorum editas, cum inscriptione solita: *Dilecto filio &c.*

Vix

Vix autem horæ quadrans præteriêrat, cùm posteriores literæ ad eorum ædes remittuntur *hîsce verbis: *Magnifici Domini: Prin-* *Pallav. ib. n. 4.
cipes nostri, dum apud eos fuistis, in literis Pontificiis non animadvertē-
runt verba illa: Dilecto filio. At, ubi postmodum conspicati sunt, se
à Romano Pontifice nominari filios; huiusmodi titulum unâ cum literis de-
dignati sunt. Biduo pòst, nimirum die septimâ Februarii, remit-
 tuntur ad eos iterum decem consiliarii Principum; & eorum no-
 mine ultimum *responsum perferunt: *non esse opus, ut hoc in loco* *Pallav. ib. n. 5.
moram longiorem faciant: nullam Pontificis auctoritatem à se agnoscere;
ideòque nec futurum, ut concilium ab eo indictum per se suosque Theolo-
gos aut Oratores adeant.

His auditis discessit illico uterque Nuntius. Et Zacharias qui-
 dem Delfinus ad invitandas urbes Imperiales, Norimbergam, Au-
 gustam, Francofurtum, & Argentoratum abiit: quanquam exi-
 guo cum profectu, ob invalescentem in iis hæresin. Commen-
 donus verò, salutatâ primùm Berolinensi aulâ (Joachimi enim se-
 ptemviri uxor *adhuc erat probè Catholica) in Germaniam infe-
 riorem se convertit ad invitandos Principes Catholicos, Henricum
 Brunsvicensem, Wilhelmum Clivensem, Joannem Gebhardum
 Coloniensem, ceterosque horum locorum Episcopos. Ac tametsi
 omnes hi summa cum reverentia contestati sint, concilii Triden-
 tini convocationem sibi pericaram esse; pauci tamen propter vi-
 cina hæreticorum pericula de ejusdem accessu cogitare visi, exce-
 pto Remberto Episcopo nostro: qui, licet podagrâ tunc laborans,
 ac propè octoginta septem annorum esset; sese tamen ad concilium
 adeundum obtulit, modò id vires & valetudo ferrent.

Erat eo tempore Paderbornæ primarius concionator Gerhar-
 dus Rôtekenius, qui & paulò pòst ibidem propter egregiam do-
 ctrinam creatus est Præpositus ad S. Udalicum. Is, cùm acerri-
 mè staret pro conservanda Fide Catholica, quæ in vicinorum Co-
 mitum, Principumque ditionibus jam pridem eviluerat; synodi-
 cam hoc anno orationem edidit de veteribus Ecclesiæ cerimoniis
 & consuetudinibus. In ea præter alia complura docuit: *quadrage-*
simale jejunium esse traditionem Apostolicam, et scripturam sacram è San-
ctorum Patrum interpretatione explicari oportere. Non potuit hanc il-
 lius lucubrationem æquis oculis intueri vicinus in urbe Lemgovia
 præco, Hermannus Hammelmannus; atque ideo contrariam fal-
 sitatem astruere nisus est alio libello, in lucem publicam evulgato.
 Sed eâdem, ut opinor, felicitate aut imprudentiâ, quâ solam Fidem
 justificare, quadriennio abhinc *probaverat ex eo, quod in hym-
 no canat Ecclesia, *sola Fides sufficit*: cùm tamen eo in loco non di-
 catur, solam Fidem sufficere ad salutem vel justificationem homi-
 nis;

Z z

nis;

Commen-
donus ad
concilium
invitat in-
ferioris
Germaniæ
Principes
Catholicos.
*Pallav. in
hist. conc.
Trid. l. 15.

Remberti
Ep. Paderb.
alacritas ad
concilium
adeundum.
*Pallav. ib. n. 3.

Gerhardus
Rôtekenius
Paderbor-
næ concio-
nator, edidit
librum de
cerimoniis
veteribus:
Hamelm.
in hist.
Eccel. Pad.
pag. 1342.
Quem frustra impu-
gnat Ham-
melmannus.

*Kleinsorg.
in hist. ms.
ad an. 1557

*edita est
Colonia 17.
pis Godefr.
Godenau
aō 1561.

Monasteriū
Lemgovien-
se PP.
Francisca-
norum
stricti Obs.
invaditur à
Lutheranis
& occludi-
tur.

Ex literis
Paderb.
*conditum
est aō 1463.
à viro No-
bili, Joanne
de Möllen-
beck.

Querelæ
Patrum hac
de re ad
Rembertū
episcopum
Ex literis
Joachimi
Arnheim-
ensis,
ejusdem
ordinis
Ministri
provincia-
lis, ad Ep.
hoc aō da-
tis die 13.
Augusti.
Eo frustra
se oppo-
nente, mo-
nasterium
illud extin-
guitur.

nis; sed (utè expressè additur) *ad firmandum cor synocum* in tenenda & confitenda præsentia Christi sub speciebus Eucharisticis. Rô-
tekenii synodicam orationem * probè legi: contrarium Hamel-
manni scriptum adipisci non potui, alioquin similia falsa ac mutilata
plurima in eo facile detecturus.

Nempe id unum agebat semper veteratorius ille scriptor, ut
Catholicis noceret, & plebem indoctam falleret: *dolus an virtus,*
quis in hoste requirat? Neque dubium est, quin eodem auctore vel
impulsore factum sit, ut Patres Franciscani, quibus de strictiori
observantia nomen est, Lemgovix hoc anno tam iniquè habiti,
ac demum etiam urbe ipsâ exclusi fuerint. Habebant hi ibidem
coenobiodum, ante annos propè centenos * conditum: toleratisque
primis Religionum dissidentium turbis, credebant se in posterum
tutiores fore beneficio pacis Augustanæ, quæ Lutheranorum po-
testati solùm permiserat monasteria ante id tempus occupata; re-
liqua verò, quæ adhuc supererant, in suo statu citra omnem in-
juriam relinqui voluit. Sed, eheu! contrarium suprà dicti Patres
experti sunt à Consulibus & Magistratu Lemgovienſi. Hi enim,
quod à suis Prædicatoribus assiduè concitarentur in Catholicos,
eò tandem audaciæ ac temeritatis proruerunt, ut hoc anno bonis
Patribus non solùm interdixerint omnia, quæ ad exercitium Re-
ligionis pertinent; verùm etiam, ne officium divinum canere aut
concionari possent, conventum, bibliothecam, ac templum vio-
lenter occludi jusserint. Qua de causa ejusdem Ordinis Minister
Provincialis Joachimus Arnheimensis apud Rembertum Antisti-
tem nostrum, velut ordinarium istius loci, gravissimè conquestus
est: simulque ab eo demissè petiit, ut Lippiensem Comitem de
insolenti Lemgovienſium Senatorum facto convenire, veteremq;
monasterii istius libertatem efficaciter perurgere, non dedignetur.
Quid ad hæc responderit Episcopus noster, non invenio. Cer-
tus sum, ab eo nihil operæ ac laboris prætermisſum esse in restau-
randa prædictorum Patrum libertate. Sed, cùm hodie monaste-
rium illud adhuc in manibus acatholicorum sit; vereor, ne in va-
num laboraverit propter vicinam Hassi potentiam; qui inter istas
Religionum turbas, & nobis terrori, & Comitibus Lippiacis ad-
jumento semper non parvo fuit.

Hamelmannus, etiamsi de recepto apud Lemgovienſes Evan-
gelio Lutherano, deque illius ortu & progressu non pauca scripse-
rit; iniquum illud subditorum suorum facinus pede tacito præ-
terivit, ne vel eos Augustanæ pacis violatores faceret, vel se ipsum
istius malefici auctorem fuisse, proderet. Aliam tamen historiam
scriptioni meæ suppeditat, quam hîc attexere, necessum est. Ever-

winus

winus Comes Benthemensis, nescio qua de causa, gravem inimicitiam conceperat adversus uxorem suam Annam Tecklenburgicam, aviti comitatûs hæredem unicam. Et jam eò creverat Comitibus offensi furor, ut uxorem hanc, tametsi per ipsius nuptias Tecklenburgensem comitatum indeptus esset, in severam custodiam detrudi jussisset. In his angustiis astuta mulier per literas occultas confugit ad cognatum suum, Christophorum Comitem Oldenburgicum; eundemque demissè rogat, ut suû liberandi curam suscipere, & innocuam se ex his ærumnis eripere, non detrectet. Is autem, ut hoc facilius & sinè omni tumultu fieret, ingeniosam planè fraudem comminiscitur: amicis que literis Comitem Everwinum rogat, ut, cùm avia sua fuerit orta è domo Tecklenburgica, eaque domus adhuc nunquam à se visa vel inspecta fuerit; benignè sibi permittat, occasione datâ eam ingredi, & pro suo desiderio perlustrare. Everwinus, nullam fraudem hîc suspicatus, Christophori Comitis petitioni obsecundat; simulque eadem reddit securi commeatûs literas, quibus antè dictæ arcis custodes jubebantur, Christophorum ad se venientem intromittere. His acceptis, Oldenburgicus cum fortissimis quibusdam viris Tecklenburgum proficiscitur: castròque citra ullam offensionem occupato, Everwinum adigit, ut Annam conjugem suam non solum eximeret è custodia; sed etiam sacramento se obstringeret, eidem futuris temporibus nullam ampliùs molestiam illatum vel irrogatum iri. Quo peracto, Christophorus Comes prædictam arcem Everwino reddidit, & abscessit.

Everwinus
Comes
Benthem.

ac Tecklen-
burg. uxorem suam
Annam

Tecklen-
burgicam
tradit custodia:

Hamelm.
in chron.
Oldenb.

part. 3. pag.
358.

Sed ingeniosa
fraude à Christo-
phoro

Oldenburgi cogi-
tur eam relaxare, & à
similibus

ausis in posterum
abstinere.

Hamelm.
ib. pag. 359.

Annus Christi 1562.

PII IV. Pontificis 3.
FERDINANDI I. Imperatoris 5.
REMBERTI Episcopi Pad. 16.



Annus hic tandem die decimâ octavâ Januarii, non sinè maximo Catholicæ Religionis commodo, resumptum ac restitutum vidit concilium Tridentinum, quod hucusque à decem annis bellorum ac temporum iniquitate suspensum fuerat. In prima sessione numerati sunt Præsules *centum & ampliùs; in aliis verò longè plures. Galli ob intestina Religionis dissidia, quæ Calvinus excitaverat, aliquantò seriùs advenère. E Cæsareis & Germanis tantùm aderant Marcus Altempsius Cardinalis & Episcopus Constantiensis, Ludovicus Madrutius Cardinalis & Episcopus Tridentinus, Antonius Mu-

Concilium
Tridentinũ
hoc anno
resumitur.

*Spond. hic
n. 3.
Pallav. in
hist. conc.

Trid. l. 15.

Catholici
Principes
Germaniæ,
metu Lu-
theranorū
emanent.

* *Pallav. in*
hist. concil.
Trid. l. 15.
c. 9. n. 3.

Gothardus
de Ketteler,
supremus
Magister
Ordinis
Teutonici
in Livonia,
à Fide, Or-
dine, & Im-
perio defi-
cit.

A Sigif-
mundo Au-
gusto Polo-
niæ Rege,
post Livo-
niæ tradi-
tionem
creatur
Curlandiæ
Dux, &
Ordo ibidē
extinguitur
Chytraus l.
20. Saxon.
ad hunc
annum.

glitius Archiepiscopus Pragensis & Orator Cæsareus, Georgius Drascovitius Episcopus Quinqueecclesiensis & Orator Cæsareus, Hercules Rettinger Episcopus Laventinus, Leonardus Haller Episcopus Philadelphiæ & Aichstadiensis Episcopi suffraganeus, Augustinus Baumgartner Orator Alberti Ducis Bavarix, Georgius Hohenwarter Orator Episcopi Basileensis, Joannes Gothardus Orator Episcopi Ratisbonensis, Felicianus Ninguarda Archiepiscopi Salisburgensis Theologus, & Joannes Covillonius Societatis JESU, Alberti Bavarix Ducis Theologus. Ex aliis Germaniæ Principibus tam Ecclesiasticis quàm secularibus, etiamsi id maximè velent, nemo per se vel Procuratorem suum ausus est comparere* propter multiplicia pericula, quæ sibi suisque imminere poterant, si, Lutheranis detrectantibus, ad concilium indictum pergerent; uti Cæsar ipse Legato Pontificio jam antè indicaverat.

Enim verò jam in eo statu erant res Imperii, ut Catholicorum potentia quotidie decrederet, acatholicorum verò cresceret: sicuti & hoc anno ad partes eorum transiit supremus Teutonici Ordinis in Livonia Magister, Gothardus de Ketteler, quem tribus abhinc annis Wilhelmo Fürstenbergio susceptum diximus. Luctuosus hic viri tanti casus potissimum ortus est è duobus malis, quæ antecesserant. Primum est, quòd supinâ Ordinis negligentia pleræque regiones Livoniæ jam ab annis pluribus Religionem veterem deseruerint; atque ideo vicissim à Deo desertæ, & hostium variorum direptioni permixtæ fuerint. Alterum est, quòd & ipsæmet Gothardus non satis firmus esset in antiqua Fide, cuperétque sequi exemplum Alberti Brandenburgici, supremi quondam Ordinis Magistri in Borussia; qui jam antè complures annos uxorem duxerat, & consentiente Polonorum Rege, ditionem suam in secularem Ducatum verterat. Itaque, dum & hinc à potentissimo Russorum Duce, & indè ab Erico Suecorum Rege aliisque hostibus acerrimè premeretur; sub finem anni superioris Livoniam totam Sigismundo Augusto Polonorum Regi submisit: eâ tamen adjunctâ lege, ut Curlandiam cum Ducali titulo retineret; & hac in feudum receptâ sibi permetteretur, Lutherano ritu matrimonium contrahere. Id quod ubi obtinuit; hoc anno, die quintâ Maji, prædicto Regi, coram Legato ejus Nicolao Radzevilio, clientelare sacramentum dixit, Religiosum Ordinem ejuravit, Magistrorum insignia, crucem, sigillum, privilegia, Cæsarum & Pontificum diplomata, claves urbis & arcis Rigenfis, unâ cum omnibus Ordinis antiqui juribus Legato tradidit, & ab eo vicissim Curlandiæ ac Semigalliæ Ducem se proclamari fecit. Lugebant multi in aspectu hujus tragediæ; plurimumque miserebat eos, tam indigno modo extingui Ordi-

Ordinem, qui ab antiquis temporibus Christianæ Reipublicæ tam innumeros animarum fructus attulerat. Præ ceteris verò maximè ad hoc facinus ingemiscendum fuit Nobilitati Westphalicæ, quæ ferè sola apud Livones equestrem hunc Ordinem obtinebat; & in eo præcipuis dignitatibus fungebatur.

Ceterum, quidquid incrementi Lutherana Religio cepit ex illa Gothardi Kettelerii ac Livonum defectione, id in Germania rursus deperdi coeptum ex invalescente Calvinismo; qui jam ita infestus erat Augustanæ Confessioni, ut penè jugulum ipsius peteret. Palatini septemviri terras lues ista jam indè à tribus *annis invaserat, agente (ut suprà vidimus) Wilhelmo Clebitio, Heidelbergensi Prædicatore. In urbem Bremensem ante annum se infuderat seditiosis *dictionibus Alberti Hardenbergii, concionatoris in æde summa. Ad alias quoque Saxonum provincias, ne prope diem se extenderet, non leve *periculum vel metus erat: tum quia Elector Saxonie ante annum in conventu Naumburgensi tam ardentè steterat pro Friderico Palatino, Calvinianis erroribus addito; tum quia Illyricus Flaccus & alii *hoc anno conquesti sunt, se idcirco è Jenensi schola à Saxonis Principibus ejectos esse, quòd sacramentariorum & Calvinistarum doctrinæ se opposuerint. Pulcherrimè scribit hac de re Stanislaus Hosius Cardinalis in epistola, è Tridentino concilio ad Henricum Ducem Brunsvicensem *hoc anno data: *Quorsum, inquit, res modò rediit, per Deum immortalè! putavit Lutherus, eversum se Papatum Romanum, qui mille quingentis annis duravit in Ecclesia Dei. Ecce autem ipsius Lutheri Papatum, quem vixdum annos quadraginta durasse constat in Saxonia, jam prius eversum esse, non temere gloriantur sacramentarii: cum bona pars eorum, qui Lutheri fidem amplexi fuerant, rejectâ eâ doctrinam Zwinglii sive Calvinii secuta sit. Plurimos in Germania videre licet, qui de præsentia Corporis Christi in Eucharistia, non solum ab Ecclesia Dei; verum etiam ab ipsius Lutheri placitis discesserunt.* Conati sunt quidem Lutherani Principes hoc malum eradicare in congressu Luneburgensi, per hunc annum habito; ubi & novum decretum *contra hujusmodi sacramentarios, maximèque Bremenses, editum. At ipsi, hoc edicto magis irritati, continuò Lutheranos omnes ecerunt urbe; responderuntque Principibus, qui ejusdem edicti auctores fuerant: *sibi non minùs licere, Zwinglium et Calvinum sequi, ac iis liceat, sentire cum Luthero.*

Longè tristius virulenta ista Calvinistarum factio crescebat in regno Gallie: ubi sub Rege puero, & Reginae matris muliebri Imperio, eum in modum aucta est, ut hoc anno demum in apertam seditionem, gravissimùmque bellum eruperit. Præcipuus re-

Bremensis
uibs à Lu-
thero ad
Calvinum
anno supe-
riore tran-
siit;

*Vide dicta
ad annum
1560.

*Surius ad
ann. 1561.

*Surius ad
ann. 1562.
in fine.

*Surius
loc. cit.
Spond. hic
n. 49.

*data est
Tridentinæ
1562 die
24 Martii:
impressa est
Colonia
apud Cho-
linum an-
no 1564.

Et alii
Principibus
frustra ob-
nitentibus,
in eodem
errore per-
severat.

*Surius in
comment.
Spond. ad
hunc ann.
n. 49.

Calvinistæ
in Gallia
contra Ca-
tholicos ar-
ma capiunt,

bellum

occupantq; bellum signifer tuit is, qui paulò antè è vinculis improspere dimissus erat, Ludovicus Condæus, Regii sanguinis Princeps, & multas urbes.

Spond. hic Antonii, Regis Navarræ, frater. Huic operam suam adjungebant *n. 10 & 11.* Gaspar Colignius regni Admiralius vel Archithalassus, Andelotus *Surius in* Colignius, peditatûs Gallici tribunus, Odettus Colignius Cardina- *comment.* lis & Episcopus Bellovacensis, aliique plurimi non parvi nominis *rer. gest.* & prosapiæ; quos egregiè pro more suo animabant Joannes Calvinus, ejusque infelix discipulus Theodorus Beza. Ab iis mense Martio conclamatum est ad arma; primoque impetu in potestatem ipsorum venit Aurelia cum vicinis oppidis: deinde etiam urbs Rhotomagensis, Andegavensis, Vindocinensis, Bituricensis, Pictavensis, Turonensis, Lugdunensis, & aliæ complures. Quæ autem sacrilegia ibidem perpetraverint; quàm barbarè, & plùs quàm furore Turcico, debacchati sint in templa, in aras, in sacerdotes, in Divorum reliquias, in imagines Beatæ MARIÆ Virginis, in ipsam denique Eucharistiam; horrendum est referre, dictuque incredibile. In urbe Lugdunensi everterunt *sepulchrum S. Irenæi Episcopi, qui seculo Christi secundo vixit: in urbe Pictaviensi dissipârunt ossa divi *Hilarii, quem S. Augustinus *accerrimum* *Ecclesiæ Catholica defensore nominat: in urbe Turonensi combusserunt *corpus S. Francisci de Paula, qui anno septimo seculi præsentis ibidem extinctus fuerat: in urbe Aurelianensi disjecerunt *ossa S. Aniani, istius urbis Episcopi; & (quod multò acerbius visum est) etiam cor *Francisci II. Regis, nondum integro biennio defuncti, furore barbaro in rogum abjecere. E sacerdotibus & monachis, quorum collegia ubilibet exscindebant, alios equorum caudis alligatos *per saxa & lutum raptavere, aliis oculos evulsere, alios naribus & auriculis mutilavere, aliis cutem faciei & capitis abstraxere, alios præcisus virilibus glande plumbeâ trajecere: uni etiam grandævo monacho (quod & pluribus fortasse contigit) non solum virilia membra exsecuere; sed etiam coegerunt *eum, ut hæc eadem, in aheno cocta, in cibum sumeret ac deglutiret. Nec minore truculentiâ desævierunt in augustissimum sacramentum divini corporis, quod iisdem sacramentariis maximopere exosum erat. Id enim frequentissimè, nunc pedibus *obterere visi sunt, nunc suis canibus objectare, nunc in ignem sacrilegum projicere, nunc suorum sclopetorum globulis velut metam configere, nunc aliis modis homine Christiano indignissimis tractare. Opponebant sese quidem Catholici tam funestis eorum ausibus; collectoque protinus non parvo exercitu, plures urbes armatâ manu ab hostibus recepere. At ubi postea res ad prælium venit, ea cum pertinaciâ dimicatum est ab adversa parte; ut Catho-

Eorundem
horrenda
sacrilegia.
Spond. &
Surius ad
hunc ann.

**Surius* pag.
mibi 751.

**Surius* ib.

**S. Aug. l. 1.*

contra Ju-

lian. c. 3.

**Acta* Ss.

10. 2. April.

**Surius* pag.

m. 743.

**Spond. hic*

n. 11.

**Surius* pag.

747.

**Surius* pag.

749.

**Surius* pag.

750.

Funestum
prælium
inter Ca-
tholicos &
Calvinistas,
victoriâ

Catholici, tametsi campo Martio potiti sint, gloriari tamen vix potuerint, se vicisse. Numerus enim occisorum ex parte Catholica, si non major, certè non minor fuit. Et (quod maximè singulare est) ab utraque parte capti sunt amborum exercituum primarii duces: nimirum Condæus, qui in potestatem Catholicorum; & Monmorantius, qui glande plumbeâ vulneratus, in manus Calvinistarum venit.

Cæsar interim, pacato imperio fruens, laborabat sedulò, ut Maximilianum filium, cui Bohemiæ corona jam obvenerat, etiam Romanorum Regem eligi, & Imperii successorem declarari faceret. Eo fine jam indixerat septemvirorum comitia, Octobri mense Francofurti ad Moenum coitura. Sed ecce! dum optatus ille conventus imminet, funesta mors intromittit se in collegium septemvirale; alterâque Novembris die, Brülensi in arce è vivis abripit Joannem Gebhardum Archiepiscopum Coloniensem, ex Mansfeldiorum Comitum familia, virum optimè Catholicum, atque idcirco etiam vitâ longiore dignum. Itaque, ne ex ea morte Romanorum Regis electio prorsus diffunderet, post dies paucos unanimi Capitularium suffragio in Archiepiscopale solium subvectus est Fridericus Comes de Wieda, Metropolitanæ Ecclesiæ Decanus: è Domo quidem Lutheranis erroribus infecta genitus; Religioni tamen Catholicæ usque ad mortem deditus. Is deinde festinatis itineribus die 23 Novembris Francofurtum venit. Ubi, dum & alios Romani Imperii septemviros jam à plurimis hebdomadis congregatos reperit, Maximilianus Ferdinandi Imperatoris filius, conspirantibus omnium votis, die vicesimâ quartâ Novembris, Romanorum Rex denuntiatus; paulòque post in festo S. Andreæ solenni ritu coronatus est, præsentè Ferdinando patre, Mariâ conjugè, Rudolpho & Ernesto filiis, Annâ & Elisabethâ filiabus, nec non omnibus Imperii septemviris, & innumerâ Ducum, Principum, Comitum, Legatorum, virorùmque prælustrium multitudine, quorum nomina fusissimè recensentur ab Heydeno.

E rebus Paderbornensis Diœcesis nostræ singulare nihil aut observatione dignum occurrit; quàm funestus ille tristissimûsque casus, qui hoc anno contigit viro Nobili Remberto de Krevet. Matrimonium hic iniêrat cum perillustri Domicella Margareta de Haxthausen; magnisque gaudiis agebantur solennes nuptiæ, die vicesimâ septimâ Januarii. Finito nuptiali epulo surgitur ad choreas: in quibus, dum sponsa saltat & lætùm subsilit; repentino facto inter choreas concidit & expirat. Neque melior fuit fortuna sponsi. Nam & ipse quadriennio post, cum deambulare in prato suo, nescio quâ incuriâ vel infelicitate in suum ipsius gladium incidit, & eodem in loco die quintâ Octobris obiit.

AN-

penè ancipiti. Condæus capitur.

Surius ad hunc annū. Spond. hic n. 45.

Joannes Gebhardus Archiep. Coloniensis die 2. Novembris moritur; & in ejus locū sufficitur Fridericus Comes de Wieda, *Mersanus Crasep. in catal. Archiep. Col. Maximilianus, Ferdinandi Imperatoris filius, Romanorum rex eligitur & coronatur Francofurti Heyden. in hist. elect. & coronat.*

Maximiliani II. funestæ nuptiæ Remberti de Krevet, & Margarete de Haxthausen, sponsoz nobilium in Diœcesi Paderb. Ex veter. mss. Pad.

Annus Christi 1563.

PII IV. Pontificis 4.
 FERDINANDI I. Imperatoris 6.
 REMBERTI Episcopi Pad. 17.

Concilium
 Tridentinū
 hoc anno
 finitur die
 4. Decemb.

*Pallav. in
 bist. concil.
 Triē. l. 24.
 c. 8. n. 9.

Acatholi-
 corum ca-
 lumniz de
 synodo
 conclusa,
 *Chytræ l.
 20. Saxon.
 in fine.

Catharina
 Galliz Re-
 gina post
 Guisii necē
 turpissimis
 conditioni-
 bus pacem
 inquit cum
 hugonottis
 vel Calvi-
 nistis,

Sacrofancta & oecumenica synodus Tridentina (quæ exelūte anno 1545 sub Paulo III. Pontifice inchoata, interimque pluries reassumpta fuerat) hoc anno tandem, die quartâ Decembris, felicissimo fine coronata est. Id verò tam ingenti Patrum omnium lætitiâ & applausu factum esse, testatur Pallavicinus, ut non modò ipsorum ora uberibus lachrymis manare visa sint; sed etiam nonnulli, qui durante synodo interdum animis à se invicem discordaverant, non secus ac unius exercitus milites, è longo prælio cum palma reduces, fraternâ charitate se mutuò amplexati fuerint. Quantum autem ea de re lætati sunt & alii boni Catholici; tantum è diverso ringebantur ac fremebant acatholici, inter quos Chytræus, de fine hujus concilii scribens, ita loquitur: *die 3. et 4. Decembris, Tridentini Patres brevibus decretis, paucisque verbis immensum teterrimarum superstitionum et idololatricorum abusum pelagus concluserunt, exeunte anno 1563.* Sed iniquus ille censor non advertebat, eodem jure etiam idololatrias vocari à se posse Carolum Magnum, Ludovicum Pium, omnesque viros sanctos & Apostolicos, à quibus olim Saxonia Fidem accepit. Si malevolus Chytræi animus non permittebat ei, hanc synodum dilaudare; mirari tamen debuisset, quomodo tam ingens Episcoporum ac Theologorum cœtus, ex Italis, Hispanis, Gallis, Germanis, Belgis, Lusitanis, Polonis, Hungaris, & omni ferme Christianorum natione, collectus in unitatem Fidei convenire potuerit; cùm tamen hætenus apud acatholicos in Germania ne quidem unius parvæ ditionis Theologi cum aliis vicinis in unam animi sententiam coire visi sint; uti ex annorum tam præcedentium, quàm subsequenitum decursu liquet. Nimirum ubi Spiritus Sanctus non est; ibi etiam pax & consonantia rerum credendarum esse non potest.

Interea res Catholica in regno Franciæ gravissimum vulnus acceperat ex funesta morte Francisci Guisii, Regiarum copiarum supremi ducis. Obsidebat is urbem Aureliam, quæ præcipuus Calvinistarum nidus ac latibulum erat. Jamque occupatis aliquot propugnaculis in eas angustias urbem adegerat, ut intrâ diem proximum fuisset occupanda, nisi ducis præstantissimi spem & vitam nefarius percussor abruptisset. Erat hic unus è domesticis Guisii, nomine

nomine Poltrottus, à Theodoro Beza & aliis ad hanc cædem pretio conductus. Qui, dum Guisus die decimâ octavâ Februarii à visitatione operum castrensiu sero vespere ad hospitium se reciperet; post eundem à tergo equitans, breviori sclopo illum ita per latus trajicit, ut sextâ die post ex inflicto vulnere animam exhalârit. Secuta mox ingens & luctuosa rerum conversio. Regina enim, sive femineo impulsu acta, sive pro filio adhuc impubere nimum sollicita, continuò pacem iniit cum Condæo, eidemque indulgit multa, non solum Regi ignominiosa; verum etiam Religioni Catholicæ noxia, & ad propagandos hæreticorum errores magnopere profutura. Nimirum: *ut illius regni Proceribus liceret Religionem novam exercere in suis territoriis; ceteris verò Nobilibus id solum permitteretur in suis ædibus et pro sola sua familia. Ut in singulis præfecturis urbs una designetur, in cujus suburbio Reformati ad liberum suæ Religionis cultum convenire valeant. Ut in aliis urbibus, in quibus usque ad Nonas Martias hujus anni Calvinianæ Religionis exercitium viguit, id in posterum continuari debeat in uno vel duobus locis, à Regina designandis. Denique ut Condæo Principi, ceterisque ejusdem affectis, condonentur omnia, quæ toto hujus dissidii tempore ab iisdem gesta fuerant.* Conabatur quidem astuta mulier apud concilii Tridentini Patres hanc maculam expurgare, prætextâ necessitate illius pacis* ad evitanda graviora pericula, quæ ex denudato Hugonottorum seu Calvinistarum ferro Catholicis omnibus potuissent impendere. Sed frustra. Facilius enim erat, novam hæresin opprimere in primis incunabulis; quàm ubi temporis diuturnitate validior fieret. Neque deerant vires ad hoc agendum & perficiendum necessariae; dummodo superba & ambitiosa femina in bellum Hugonotticum deputasset vel dimidiam partem istorum sumptuum, quos alii duo Reges decessores quolibet anno profuderant in infausta bella, contra Carolum V. Imperatorem gesta: quorum scopus non alius erat, quàm in regno Germaniæ tristes illas Lutheranorum Principum factiones confovere.

Eodem hoc anno, die decimâ quintâ Aprilis (quæ tunc erat feria quarta post festum Paschatis) florenti in ætate obiit Bernardus Comes de Lippia, relictis ex Catharina Waldeckiana tribus filiabus, & unico filio Simone, novem annorum puero. Primus ille, post mortem genitoris sui probè Catholici, Lutheranum dogma in comitatu Lippiaco stabilivit. Neque melior affulgebat spes de Simone ipsius filio. Nam & hunc à teneris Lutherana mater ejusdem sectæ magistris instituendum tradidit; ac deinde, cum adultior fieret, studiorum ulteriorum causâ Argentoratum ad scholas misit.

Surius ad hunc ann. Spond. hic n. 13. Buffier. 10. 2. hist Franc. L. 19 n. 11.

Conditiones hujus infaustæ pacis. Spond. n. 17. Buffier loc. cit. n. 12.

**Pallav. in hist. conc. Trid. l. 20. n. 1. & L. 21 c. 3. n. 5.*

Bernardus Comes de Lippia, Comitum Lutheranorum primus, hoc aë moritur. Piderit. in chron. Lip. Simon ejusdem filius novennis in eadem secta educatur. Piderit. ib.

Annus Christi 1564.

Pii IV. Pontificis 5.
 FERDINANDI I. Imperatoris ultimus.
 MAXIMILIANI II. Imperat. 1.
 REMBERTI Episcopi Pad. 17.

Pius IV. Pa-
 pa confir-
 mat synodū
 Tridentinā
 & omnia
 ejus decreta
Pallav. in

hist. conc.
Trid. l. 24.

Rex & Re-
 gina Gallie
 detrectant
 illud in suo
 regno pro-
 mulgare,
 tamen illic
 privatim ab
 omnibus
 receptum
 fit.
** Pallav.*
loc. cit. c. 11.

** Spond. hic*
n. 4.
 Alii tamen
 Reges Ca-
 tholici, ma-
 ximēq; Fer-
 dinandus
 Cæsar cum
 plerisque
 Principib;
 Catholicis,
 jubent illud
 in suis di-
 tionibus re-
 cipi.
Pallav. l.
24. c. 9.



Pius IV. Pontifex, cū in senatu Cardinalium die vige-
 simā sextā Januarii Tridentinam synodum & omnia
 ejus decreta confirmasset, non solum ea typis publicis
 excudi jussit; verum etiam Legatos varios ad Impe-
 ratorem, aliosque Reges & Magistratus Catholicos misit, ut eos-
 dem ad recipiendas & promulgandas Tridentini concilii sanctiones
 efficacius instigarent. Licet enim in rebus illis, quæ ad Fidem &
 Catholicam doctrinam pertinent, facillimus omnium Catholico-
 rum assensus fuerit; in aliis tamen, quæ extra fidem sunt, solumq;
 ad mores & reformationem faciunt, non imprudenter formidari
 poterat, aliquid obstaculi ab uno alterove Principe objectum iri.
 Id autem acerrimè ante omnes fecit Carolus IX. Galliarum Rex;
 vel potius Regina mater, quæ teneriorem ipsius animum in sua
 manu versabat, velut ollam recentem figulus. Prætexebat illa po-
 tissimum duas causas, propter quas Tridentina synodus à se recipi
 ac promulgari nequeat. Prima erat, quod in ea vetitum sit, ne
 deinceps Regularium Prælaturæ darentur aliis ** in commendam*, uti
 hætenus factitatum fuerat in regno Gallie: altera verò erat, quod
 ex ejusdem concilii receptione certissimè futurum sit, ut adhuc ma-
 gis irritentur Hugonotti, multiplicibus inibi censuris & anathe-
 matis percussi. Quæ & aliæ id genus oppositiones, cū ab ali-
 quibus malevolis ultra modum exaggeratæ essent, cerebroso mu-
 lieris animum ita opplevêre, ut, etiamsi concilium suprâ dictum
 * privatim ab omnibus in regno Franciæ receptum fuerit; nihilo-
 minus tamen, publicam & generalem illius promulgationem fieri,
 interdixit.

Promptiores, & vel ipso Rege christianissimo magis christia-
 nos, hac in re exhibuerunt se Philippus Rex Hispaniæ, Sebastia-
 nus Rex Lusitaniæ, Sigismundus Augustus Rex Poloniæ; &
 quem omnibus anteponi oportuerat, Ferdinandus I. Romanorum
 Imperator, cum Alberto Baviariæ Duce. Ab his enim sacrosan-
 ctum illud concilium non modò summa cum veneratione susce-
 ptum; sed etiam ubique in suis ditionibus observari ac recipi man-
 datum est. Addit Pallavicinus, etiam hoc anno tentandæ utilita-
 tis causâ quibusdam Germaniæ Episcopis à Pio IV. concessam esse
 po-

potestatem permittendi laicis usum calicis in Eucharistia : quandoquidem Ferdinandus Imperator id ardentissimè flagitasset ; crederetque, hoc modo Catholicorum plurimos in orthodoxa Fide retineri, & multa hæreticorum millia ad eam revocari posse. At ista concessio, licet admodum restricta fuerit, brevi iterum aboleri debuit ab ejusdem Papæ successoribus. Jam enim in aperto erat, concessionem hanc plus nocuenti, quàm utilitatis parere; & eos, qui ad usum calicis contra veteris Ecclesiæ consuetudinem admissi erant, ab hac eadem novitate ad plures alias novationes expetendas præcipiti ausu proflire.

Luculentum istius rei exemplum hoc anno vidit Westphalia in Imperiali ac libera urbe Tremonia. Importunis ibidem precibus nonnulli cives ante duos annos flagitaverant * à magistratu ur- bico, ut sibi permitteretur, sanctissimum Eucharistiæ sacramen- tum accipere sub utraque specie : id enim primævis temporibus in Ecclesia factitatum esse; neque se de cetero alienum aliquid à do- ctrina Catholica sentire, aut sequi velle. Annuit his petitis Magi- stratus, popularem aliquam seditionem veritus : eâ tamen cautio- ne additâ (quæ in edicto publico typis evulgata est) ut cives* omnes in Ecclesiæ Catholicæ gremio permanerent; &, qui unâ tantum specie* pro veteri more contenti esse vellent, id libere ac sinè ulla aliorum civium oblocutione possent. At brevi didicit magistra- tus, hujusmodi concessionem fuisse instar olei in flammam fusi, quo furor ignis non extinguitur, sed augetur. Nam paulò post ineun- te Martio præsentis anni, iidem cives & numero & viribus aucti petierunt insuper, ut in Ecclesiis parochialibus * psalmi quidam germanici (quos à circumfusus hæreticis jam adepti erant) ante & post concionem à congregato populo decantentur : idque sibi sal- tem tam diu liceat, donec aliud quidquam à sacra Cæsarea Maje- state & vicinis Principibus imperatum fuerit. Quod cum iterum vitandæ seditionis causâ indultum est, res Catholica non solum va- cillare cœpit; sed etiam decumano impetu in ruinam agi. Mox enim editus * & in plebem sparsus libellus pestilens, qui summis laudibus doctrinam Lutheranam extulit, & innumeris conviciis Catholicam Religionem discerpfit. Indè non multò post in pri- mariam S. Reinoldi ædem populari factione introductus Dethma- rus Wickrodius, præco Lutheranus. Postremò etiam hæc pestis in alias Ecclesias parochiales diffundi cœpit, exceptâ Ecclesiâ S. Nicolai : quam egregius vir & zelosissimus Pastor, Nicolaus Gla- semacher, usque ad finem vitæ suæ contra omnes hæreticorum au- sus insuperabili constantiâ tutatus est. Sed, cum & ille tandem communi mortis necessitati succumberet (id quod ingenti bono-

Pius IV. quibusdam Germaniæ Episcopis dat potesta- tem, per- mittendi laicis usum calicis.

Pallav. l.

24. c. 12.

Sed ea con- cessio à Pio V. & aliis revocata est propter in- gentia damna, quæ seque- bantur.

Pallav. ib.

Tremonia, urbs Impe- rialis in westpha- lia, à Fide Catholica deficit.

* *Kleinforz. in hist. ms.*

* *Hamelms. in hist. Ev.*

Tremon.

pag. 1031.

* *Chron.*

Trem. ms. ad annum

1564.

* *Chron.*

Tremon. ib.

**Chron. Tremon. ms. ad. ann. 1580.* rum omnium dolore contigit pridie Idus Novembris *anno 1580) in optimi Pastoris locum surrogatus est nocentissimus lupus, Magister Hermannus Emsinghoffius; à quo ultimæ Catholici gregis reliquæ, vel discerptæ, vel disjectæ sunt. Atque ita civitas illa, quæ ante usum calicis inter omnes annorum præcedentium turbas in Fide antiqua steterat, obtento hoc usu ab una novitate in aliam incidit, ac demum retentæ hætenus Catholicæ Religionis naufragium fecit. Quapropter Pius V. Pontifex de quibusdam Catholicis eundem usum calicis impensè flagitantibus, piè admodum ac prudenter scripsit *ad Episcopum Passaviensem: *Si verè Catholici essent, sanctam Matrem Ecclesiam magis revererentur; et potius verè Catholicos, quàm hæreticos horum temporum, in usu tam divini ac venerabilis Sacramenti sibi imitandos esse statuerent. Si sub una specie perinde Christum integrum, ac sub utraque sumi credunt (sicuti credere debent) cur unâ specie contenti non sunt? cur immutari ritum Ecclesiæ tam antiquum, et ab omnibus Catholicis nationibus per tot secula observatum, volunt? si autem id non credunt, hoc ipso se nomine tantùm Catholicos esse, re ipsâ autem cum hæreticis sentire, ostendunt. --- Itaque metus ille, ne denegato usu sacri calicis ad hæreticos transeant, movere te non debet. Si enim id facturi sunt; jam certum habeas, eos non esse purâ syncerâque Fide, nec pro veris Catholicis habendos.*

*Ferdinandus Imperator moritur: cui succedit ejusdem filius Maximilianus II. Surius ad hunc ann. Spond. & alii. *Pallav. loc. cit. l. 24.6.12.* Hucusque Pius V. in literis, anno 1568 ad Antistitem Passaviensem datis. A quo etiam dissensurus non fuisset Ferdinandus Imperator, si licuisset ei vitam longiorem vivere; & videre ea, quæ Pius V. ex permissio calicis usu consecuta vidit. At ille tunc temporis ad superos immortales jam pridem iverat, utpote hoc anno mortuus Viennæ, die vigesimâ quintâ Julii, in festo S. Jacobi Apostoli. De ejus virtutibus laudibusque maximis multa passim reperiuntur apud scriptores. Mihi satis est hîc afferre pauca illa, quæ de eo refert Pallavicinus in historia *concilii Tridentini: *Ferdinandus, inquit, magno animo Princeps fuit: forti ad bellum pectore; sed ad pacem prono. Ingens in illo fuit humanitas ad privatorum benevolentiam sibi comparandam: ingens moderatio ad retinendam cum potentioribus concordiam: ingens studium ad explenda Principatus munera: ingens Religio ad servandum se suasque regiones illas à communi Germaniæ morbo. Illi se obnoxiam singulariter fateri debet Apostolica sedes. Quamvis enim hac diu restiterit, nomen ac jus Casarcum ipsi tribuere sub Paulo IV; eundem tamen postea experta est egregium inter obsequentissimos Casares, qui unquam in Germania imperaverint: atque illi potissimum acceptam referre potest immensam utilitatem, quam attulit Ecclesiæ Synodus Tridentina. Successit ei in Imperatoria dignitate Maximilianus II. ejusdem filius, ante biennium electus Romanorum Rex; de quo Delphinus,*

finus, tunc Viennæ Nuntius Apostolicus, eodem hoc anno significavit* summo Pontifici, eum & reliquos, demortui Imperatoris ^{*Pallav. ib. n. 11.} filios, paternam pietatem imitatu-
 ros. *Certumque est*, ut ait Pallavicius, *Ferdinandi posteros fuisse postea quasi Josueos et Gedeones populo Dei in septentrione, et ceteris Germaniæ provinciis.*

Disparem ac longè infeliciorem vivendi finem habuit Joannes Calvinus ^{Calvinus hæresiarcha infelici morte exspirat. *Spond. hic n. 25.} hæresiarcha pestilentissimus; qui eodem hoc anno rationum reddendarum causâ ad supremi judicis tribunal evocatus est Genevæ die vicesimâ septimâ Maji. Septennio toto ante obitum suum gravissimis morbis à Deo percussus, atque ad salutarem poenitentiam invitatus est. Sed cum ad eam homo pertinax non rediret, imò adhuc ampliùs in suis flagitiis obsurdesceret; à Deo tandem derelictus, inter horrendas execrationes & cruciatus corporis (ut Bolsecus* & alii referunt) sceleratam animam ad inferos ^{*Spondan. loc. cit.} eiecit. Doctrinam Zwinglii & aliorum sacramentariorum (quam & ipse amplexus erat) suis acuminibus, fallaciis, & subtilitatibus, longè nequiores reddidit. Ac, tametsi propterea à Luthero & ejusdem asseclis acerrimè impugnatus fuerit; ab his tamen adeo parùm devinci aut prosterni potuit, ut etiam inter ejusmodi pugnas & concertationes doctrinam suam ferè latius propagari viderit, quàm antea Lutherus suam.

Denique & hoc anno memoranda est apud Gallos mutatio veteris æræ vel supputationis temporum. Usitatum apud eos hucusque fuerat, ut annorum initia caperentur à die Paschatis; adeoque; primi menses cujuslibet anni usque ad festum Paschæ, ex eorum ^{Galli hoc anno mutant æram suam veterem; Spond. ad hunc ann.} putandi modo, pertinebant adhuc ad annum præcedentem. Quæ ex re, cum in historiis actisque publicis propter mobilitatem istius festi nasceretur magna confusio; tandem hoc anno Carolus IX. Francorum Rex, jam declaratus majorennis, publico edicto statuit, ut in posterum Romano more novorum annorum initia ducerentur à Kalendis Januarii.

Annus Christi 1565.

Pii IV. Pontificis 6.
 MAXIMILIANI II. Imperator. 1. & 2.
 REMBERTI Episcopi Pad. 19.



Der ætatem hujus anni Pius IV, Germanorum peritulantium saluti consulturus, Petrum Canisium ^{P. Petrus Canisius S. J. à Pio IV, Papa ad varios germaniæ Principes} Societate JESU, virum doctissimum, ex Urbe misit ^{Episcopos, ut eorum animos in promovenda Fide Catholica roboraret,}

ad promo- raret, simulque eos efficaciter impelleret ad promulgandum in
vendam Fi- suis terris concilium Tridentinum. Ægerrimè quidem hanc lega-
deinCatho- tionem adiit Canisius, utpote vir honorum ac dignitatum fugiens:
licam, & altiore tamen imperio iussus, obivit hoc officium tam singulari
promulga- tionem
tionem
concilii
Tridentini. modestiâ ac demissione animi, ut rejecto omni splendore externo,
Vita Cani- Religiosi vulgaris instar, uno tantum ejusdem Societatis presby-
sii apud tero comitatus, ad Principum Ducumque aulas accederet. Sic
Raderum l. enim scribit ipsèmet in suis literis apud Raderum hisce verbis: *Pius*
2. c. 2. *IV. Pontifex hoc mihi negotium Romæ dedit, ut præcipuos Germania Prin-*

cipes, quibus et ipse scribebat, coram accederem, ac eorum animos in Re-
ligione Catholica promovenda confirmarem. Igitur in Westphaliâ usque
peregrinandum fuit: ubi et in Geldriam penetravi, et satis laboriosam
sensi profectionem, comite ex nostro uno contentus. Quidquid autem in
his itineribus, quæ suis periculis non caruerunt, rectè et feliciter à me ge-
stum est; præpotentis Dei gratiâ et virtute singulari gestum esse, testor: ego
nihil ex his mihi arrogo, utpote servus inutilis.

Ejus gesta

Paderbor-

næ, Osnab-

urgi, &

Coloniz.

Vita Canis.

ap. Sachin.

Fructus modestæ hujus legationis non pauci fuerunt, nec vul-
gares: imò tantò illustriores, quantò majorem sub humili vestitu
sapientiam, pietatem, & eruditionem Canisius prodidit. Pader-
bornæ Rembertum Episcopum ad omnia Pontificis postulata pror-
sus obsequentem reperit; etiamsi hic ob extremum senium (erat
enim nonagenario major) longè minùs præstare potuerit, quàm
promittere. Osnabrugi apud Episcopum Joannem de Hoja non
solum benevolè auditus est; sed etiam diebus aliquot in Ecclesiæ
majoris cathedram productus. Ubi tanto cum plausu & appro-
batione de rebus Fidei ad plebem dixit, ut & ipse Episcopus & cum
eo boni omnes exoptarent, in hac urbe, Lutheranis erroribus de-
dita, collegium Societatis construi. In urbe Colonienfi, post ex-
hibita summi Pontificis mandata, senatui civili & academico pro-
posuit* ac persuasit: *Primò*, ut ad concionandum in templo, vel
ad juventutem erudiendam in scholis, nemo in posterum admit-
teretur; de cujus fide probatissima & morum integritate non con-
staret. *2dò*, ut scripta omnia, synceræ Fidei doctrinæque mo-
rum adversantia, proscriberentur unà cum librariis, qui hujusmodi
chartas apertè vel occultè in urbem inferrent. *3tiò*, ut in urbem
non reciperentur præcones clancularii; neque eam incolere sine-
rentur Catholicæ Religionis hostes, aut alienæ doctrinæ sectato-
res. *4tò*, ut in quatuor istius academiz facultatibus nemo ad ul-
lum publici honoris gradum admitteretur, nisi ex Tridentini con-
cilii formula Catholicæ Fidei professionem ederet.

**Vita Cani-*

sii apud Ra-

der. l. 2. c. 2.

Sachin. in

hist. S. J.

part. 3. l. 2.

Interea dum Canisius hæc & alia non pauca sapienter ageret:
die nonâ Decembris Romæ moritur, qui eundem ablegaverat,

Pius

Pius IV. Pontifex; vel idcirco sempiternâ memoriâ dignus, quòd indefessâ ipsius operâ concilium Tridentinum cum æterno Catholice Religionis fructu non modò resumptum, sed etiam felicissimè absolutum sit. Id autem, cùm ægerrimè tulerint acatholici; Hamelmannus *præco Lutheranus detractorio calamo suo impudentissimè fingit, Pium IV. Pontificem jam senem esse mortuum ex turpi concubitu; & Wilhelmum Juliæ Cliviæque Ducem, audito ipsius obitu, dixisse ad convivas: *Bona nova! Papa Romanus etiam mortuus est; et hunc sua sanctitas et opera liberare non potuerunt à morte.* Sane, si hoc non est fingere vel detrahere; non video, quis in posterum detractoris vel impostoris nomine culpari queat. Pium IV. ex intemperantia victus in morbum incidisse, memoratur* à Spondano: ex turpi autem concubitu morbum vel mortem ejus profectam esse, hætenus non invenio; nec unquam apud aliquem scriptorem probi nominis invenire potero. Similiter & Wilhelmum Cliviæ Ducem tam imprudenter locutum esse de morte hujus Pontificis, quis homo sanæ mentis credat? præsertim, cùm Wilhelmus iste (quod Hamelmannus in dubium vocat) Catholicum se profiteretur; & in ea Fide se permanens, tum sæpe *aliàs, tum etiam sequenti anno in comitiis Augustanis coram Legato *Apostolico testatus fuerit? Quòd si tamen absolutè velis hæc à Wilhelmo Duce dicta esse; æquè imprudenter locutus foret, ac si alius quisquam, auditâ Lutheri morte, proclamasset: *Bona nova! Martinus Lutherus, qui Papæ mortem se fore dixerat, etiam mortuus est; neque hunc suæ doctrinæ novitas et sola fides liberare à morte potuit.* De reliquo prædictus Pontifex sacramenta omnia, moribundis administrari solita, à S. Carolo Borromæo nepote suo *pientissimè suscepit; pauloque post inter illa S. Simeonis verba: *Nunc dimittis servum tuum Domine, secundum verbum tuum in pace,* sensibus integris placidèque exspiravit, meritorum ac laborum suorum præmia à Deo præstolaturus. Vacantem ipsius Papalem cathedram communi Patrum purpuratorum suffragio adeptus est vir Sanctissimus Pius V, antea dictus Michaël Gislerius, ex Ordine S. Dominici, Cardinalis presbyter, electus initio sequentis anni postridie trium Regum; coronatus die decimâ septimâ Januarii in festo S. Antonii Abbatis.

Canisius, priusquam ei comperta esset mors illa Pii IV, ad aulam Clivensem ierat; ibidem pariter ea, quæ sibi Romæ demandata erant, Wilhelmo Duci propositurus. Ad alloquium admittus publicum (idenim indulgebat ei Princeps, etiamsi Pium IV. Pontificem jam defunctum esse diceret) ponderosâ & eleganti oratione Wilhelmum adhortatus est, ut in antiqua Fide Romano-

Ca-

Pius IV.
Pontifex
moritur die
9. Decemb.

*Hamelm.
in hist. Ev.
renati pag.
1010.

*Spond. hic
n. 19.

*Pallav. in
hist. conc.
Trid. l. 15.
*Vide dic-
cenda ad
ann. seq.

*Spond. hic
n. 19.

In ejus lo-
cum ineun-
te Januario
sequentis
anni eligitur
Pius V.

Canisii ge-
sta apud
Wilhelmū
Juliæ, Cli-
viæ & mon-
tium Ducē.
Hamelman-
ni fabulæ
de hac re,

*Vita Cani-
sii apud
Sachin.
Hamelm.
in hist. Ev.
renat. pag.
1010.

Catholica* pede immoto staret, neque in re tam sancta à laudatissimis Majorum suorum vestigiis defleceret: concilium quoque Tridentinum in suis terris reciperet; atque, ut ab aliis etiam Principibus Catholicis in Germania reciperetur, industriam operamque suam sedulo conferret. Quibus auditis per Cancellarium suum respondit Princeps: *in rebus Fidei Majorum suorum exempla sibi assidue præ oculis fore; neque unquam commissurum se, ut ab antiqua eorum Religione deviet. Quod autem ad concilii Tridentini receptionem attineret, ea de re in comitiis proximis deliberatum iri: quidquid illic in commune receptum vel statutum fuerit, id etiam sibi ratum ac gratum fore.*

*Hamelm.
loc. cit.

Hamelmannus, dum ista narrat, novas iterum fabellas pro virulento ingenio suo inspergit; asseritque, Wilhelmum Ducem* audito Canisii adventu stomachantis instar edixisse: *quid hic scelestus vult? optarem, illum ut Patrem Jesuitam, ita reliquos omnes Jesuitas, Rheno immersos!* At, quis existimet, hæc à Principe Catholico dicta esse de viris probe Catholicis, nec adhuc ullius maleficii compertis? aut, si ab eo dicta sint, cur ergo Canisium cum socio suo ad se admisit? cur aurem ei tam benignam præbuit? cur ad ejus orationem Catholicam responsum adeo benevolum reddidit? Multa hujusmodi dicteria ac persecutiones non solum ab inimicis Fidei nostræ; sed etiam interdum ab ipsis Catholicis, passa est Jesuitarum Societas nascens: ipsa tamen inter has adversitates mirum in modum semper crevit; eodemque illo tempore jam stabiliri coeperat Viennæ, Pragæ, Ingolstadii, Coloniae, Treviris, Moguntiae, aliisque pluribus in locis. Proinde non minus verè, quàm emphaticè scripsit *Spondanus, Episcopus Appamiensis in Gallia: *Nullus fuit unquam Ordo inter cunctas Religiosorum sodalitates, qui plures passus sit per universum orbem controversias et oppugnationes, nec qui gloriosius eas ubique superaverit. A Domino procul dubio factum est istud, et est miserabile in oculis nostris! Verèque possumus ac confidenter de eo dicere, nullum esse (his temporibus) in Ecclesia utiliore; dum contineantur privati socii, ut sapiant ad sobrietatem.*

*Spond. ad
hunc annū.
n. 2.

Insula &
urbs melite,
seu malta,
cum ingenti
classe obsi-
detur à
Turcis.
Surius ad
hunc annū.
Spond. hic
n. 9.

Hæc ego non alicujus jactantiæ causâ è Spondano protuli; sed eo duntaxat animo, ut malevolum os obstruerem Hamelmanno conviciatori, qui hujusmodi fabellis & ineptiis anilem historiam suam ubivis commaculat. Nunc etiam breviter adjungo ea, quæ Solimannus Turcarum Imperator hoc anno gessit adversus insulam urbemque Meliten, fortissimum totius Italiae propugnaculum. Obsidere eam coeperat mense Majo cum ingenti classe plus quàm ducentarum triremium, ex quibus triginta & amplius armatorum millia in litus Melitense exposita sunt. Prima Turcarum impressio facta est in vicinum urbi castellum S. Erasmi, ab incolis

colis dictum S. Elmo: quod, etiamsi à Christianis fortissimè defen-
sum fuerit, postremo tamen assultu (cùm & omnes illius muri
horrendo martialium tormentorum impetu concidissent) pridie S.
Joannis Baptistæ in potestatem barbarorum venit. Indè omnis il-
lorum furor conversus est in ipsam urbem, tunc adhuc longè mi-
norem, divisamque tantum in duas partes; quarum una diceba-
tur *Burgum*, altera verò *oppidum S. Michaelis*. Utramque hanc ur-
bis partem terrâ marique eum in modum è septuaginta majoribus
tormentis verberavère, ut aliquibus in locis muri etiam curribus
& plaustris pervadi possent. Neque tamen idcirco animi cecide-
runt Melitensibus, quos ad egregiè resistendum diu noctuque in-
citabat supremus Ordinis Magister Joannes de Valetta. Decies &
amplius mense Julio & Augusto, pertinacissimis assultibus in ur-
bem incurrere barbari: pariterque decies & amplius tantâ suorum
clade à Melitensibus repulsi sunt, ut ultimâ vice non nisi propo-
tis ingentibus præmiis ad iterandam pugnam excitari potuerint.
Una res vehementer affligebat Christianos, quòd auxilia, jam an-
te tres menses à Sicilia Prorege flagitata, in his angustiis tam diu
emanerent: unde necesse erat, eos quotidianis penè decertationi-
bus nimium delassari; cùm è diverso barbari, succenturiato semper
novo milite, in assultum ruerent. Sed & huic malo tandem suc-
currebatur die quintâ Septembris, quando Prorex cum septuagin-
ta duabus triremibus prope insulam applicuit, pauloque post octo
millia virorum armatorum in litus exposuit. Ab his iterum de-
victi, novâque clade mulctati barbari, cum ingenti consterna-
tione sese in suas naves retraxère: ac demum convasatis omnibus
die duodecimâ Septembris in Orientem, unde venerant, non sinè
grandi ignominia revecti sunt; posteaquam viginti tria suorum
millia quadrimestri obsidione perdidissent. Solutus hoc periculo
magnus Magister Ordinis Valetta non modò celerrimè reparavit
omnes Erasmiæ arcis ac moenium ruinas; verum etiam, ut ur-
bem hanc adversus omnes hujusmodi invasiones validiorem face-
ret, sequenti anno novam aliam urbem antiquæ urbi adstruere cœ-
pit, quæ reliquis duabus partibus haud paulò major est, & ab ejus
nomine appellatur urbs Valettæ, vel, ut Itali loquuntur, *la Valetta*.

Melitenses
fortissimè
se defen-
dunt.
Auctores
iidem.

Siciliæ Pro-
rex tandem
obsessis in
auxilium
venit cum
octo milli-
bus arma-
torum.

auct. iidem
Spond. n. 11
Turcæ fu-
giunt, amif-
fis in qua-
drimestri
obsidione
viginti tri-
bus suorum
millibus.
Auctores
iidem.

Annus Christi 1566.

PII IV. Pontificis 6.

MAXIMILIANI II. Imperator. 1. & 2.

REMBERTI Episcopi Pad. 19.

Solimannus Turcarum Imperator, à Melitensi obsidione se de-
pulsus fremens, & aliunde simul à Joanne Sigismundo Tran-
silva-

Comitæ
Augustana,
& petita in

Bbb

filva-

iis auxilia
contra tur-
cas.

*Surius ad
hunc annū.*

*Spond. hic
n. 6.*

Cardinalis
Commen-
donus Prin-
cipibus Ca-
tholicis ibi-
dem per-
suadet rece-
ptionem
concilii tri-
dentini, &
animorum
conjunctio-
nem contra
protestan-
tes.

**Vita Joan-
nis Francis-
ci Com-
mendoni l.*

3. c. 2. pag.

234. & seq.

**Vita Com-
mendoni*

ibid. pag.

237.

Spond. n. 6.

Principes
acatholici
frustra ibi-
dem petunt
relaxationē
aliquam in
pace Augu-
stanae an-
no 1555.

silvaniae Principe contra Caesarem incitatus, apparabat hoc anno magnas barbarorum copias; cum quibus ipsemet in Hungariam, & illius provincias Austriacae Domui subjectas, rueret. Id cum audisset Maximilianus Imperator, qui tunc erat in comitiis Augustanis mense Martio inchoatis, nihil istic impensius egit, quam ut praevalida pecuniarum & militum auxilia à congregatis Principibus impetraret. Ne autem hoc ipsum fieret cum aliquo Religionis & rerum Catholicarum decremento; Cardinalis Commendonus, ad eundem conventum à Pio V. Pontifice missus, Principes omnes Catholicos ad peculiarem domi suae congressum invitavit: in quo comparuere simul *Daniel Elector & Archiepiscopus Moguntinus, Joannes Elector & Archiepiscopus Trevirensis, Fridericus Elector & Archiepiscopus Colonienfis, Marcus Altempsius, Cardinalis & Episcopus Constantiensis, Otto Truchsesius, Cardinalis & Episcopus Augustanus, Albertus Bavariae Dux, Wilhelmus Juliae, Cliviae, & Montium Dux, Henricus Brunsvicensis, & alii Episcopi vel absentium Episcoporum Legati. Hos ille gravi nervosâque oratione primùm adhortatus est: *ut sacrilegis Lutheranae norum Principum conatibus ardentem se opponerent; quemadmodum haud* *agere possent, si in tutanda Religione veteri tam inter se concordessent forent,* *quàm adversarii nostri in eadem evertenda: deinde, ut unanimi consensu etiam reciperent concilium Tridentinum, in quo et Fidei Christianae dogmata à sapientissimis omnium nationum viris integerrimè discussa, et saluberrimae leges ad reformatam Cleri populique disciplinam summa cum industria constituta essent.* Finitâ hac oratione Archiepiscopus Moguntinus, post brevem hac de re consultationem cum reliquis Principibus habitam, de eorum sententia *respondit: *agnoscere se, vera esse haec omnia, quae de animis voluntatibusque jungendis tam copiosè graviterque differuisset; ideoque et se magnopere adnixuros, ut remedia ab eo proposita suis vulneribus adhiberent.* Concilium quoque Tridentinum à se recipi, sanctèque omnes polliceri, quòd ejusdem legibus citra omnem exceptionem obtemperare velint in iis, *quae ad Fidem et cultum sacrorum attinent.* In aliis verò, *quae ad solam disciplinae rationem spectant, aliqua reperiri, quorum executio huic tempori nondum conveniat; sed in aliud pacatius magisque tranquillum tempus differri debeat: atque ideò petere se ab eo, velut rerum germanicarum scientissimo, ut ad obtinendam eorum dilationem apud summum Pontificem auxilio sibi et adjumento sit.*

Multum ista privata conventio profuit ad infringendas machinationes acatholicorum Principum: qui, uti semper aliàs in turbido piscati fuerant; ita rursus bellorum Hungaricorum occasione satagebant, nova pacificationis Augustanae laxamenta consequi, & Catholicæ Religionis fatalem ictum intorquere. Primaria ipso-
rum

rum * postulatio erat, ut in prædictæ pacificationis *Recessu* dele-
retur articulus ille, quo Archiepiscopi, Episcopi, & alii Ecclesia-
stici à Fide Catholica discedentes, jubebantur ocyùs dignitatem
suam & beneficia sacra cum omnibus emolumentis fructibusque
annexis abs se dimittere. Sed hæc eorum consilia à Principibus Ca-
tholicis tam unanimi omnium refragatione disjecta sunt, ut Maxi-
milianus Imperator non sinè singulari gaudio fateretur, nunquam
antea * à se visam esse inter Catholicos tantam animorum conjun-
ctionem & firmitatem. Quare tandem communi omnium Ordini
consensu decretum est, ut Augustanæ pacificationis leges
prorsus inviolatæ * maneant; & ex earum præscripto nullæ sectæ
vel opiniones, à Fide Catholica & Lutherana dissentientes, in Im-
perio terrisque germanicis tolerari debeant. Sed hinc iterum in-
ter ipsos Protestantes nova altercandi materies orta est propter Fri-
dericum Electorem Palatinum, quem ante paucos annos à Luthe-
ro ad Calvinum descivisse, compertum erat. Accusabant eum hac
de re Lutherani Principes; urgebantque apud Cæsarem, ut jube-
retur Fridericus, damna omnia scholis templisque suis illata, resti-
tuere. Contrà verò negabat ille, se Calvinianum esse; aut aliam,
quàm Augustanæ Confessionis, doctrinam profiteri. Quod cum
iterum iterumque assereret è quibusdam corruptis Augustanæ Con-
fessionis exemplaribus; non attentâ falsi evidentiâ à Calvinismo
absolutus, & in corpus Evangelico-Lutheranum receptus est, non
sinè magno Catholicorum risu ac sibilo. Certè Imperator, eam
Principum Lutheranorum inconstantiam demiratus, cum indi-
gnatione dixit: *Augustanam * Confessionem non esse absimilem sacco, in
quo recipiuntur secta qualibet: non ut intra illud constricta maneant; sed
ut postea perforato sacco vehementius iterum se effundant, et nova pariant
Religionum dissidia, Germania fortunam eversura.*

Ceterum in conferendis auxiliis contra Solimannum tam li-
berales in his comitiis fuerunt Imperii Principes, ut antea vix ul-
lus Imperator eosdem liberaliores expertus fuerit. Advenerat So-
limannus cum ducentis*, vel (ut alii referunt) centum & quin-
quaginta * armatorum millibus; cum quibus die sextâ Augusti an-
te Sigethum, Hungariæ inferioris munitissimum oppidum, ca-
stra metatus est. Contrà verò Maximilianus Imperator, decimâ
quintâ Augusti * Viennâ egressus, ex Italia, Germaniis, Hungaris,
& Bohemis, ferè centum ac decem millia fortissimorum virorum
in castris habuit. Cum quibus (tametsi egregium aliquid aggredi
& efficere potuisset) meticoloso tamen quorundam consilio, qui
bellum * sustinendum potius, quàm inferendum esse contendebant,
ferè nil aliud egit; quàm quòd apud Jaurinum urbem procul ab

* Vita Com-
mend pag.
239.

* Vita Com-
mend. loc.
cit. p. 240.

* Spond. hic
n. 6.

Recess. Au-
gust. de hoc
anno.

Fridericus
Electo Pa-
latinus à
Lutheranis
accusatur
Calvinismi:
postea tamè
ab iisdem
recipitur
inter asse-
clas Con-
fessionis
Augustanæ.
Sacchin. in
hist. S. J.
loc. c. n. 27.
* Sacchin.
ibidem.

Solimannus
in Hungaria
Sigethum
occupat,
non impe-
dicente Ma-
ximiliano
Cæsare.
* Spond. hic
n. 9.

* Surius ad
hunc ann.
* Istvanff.
in hist.
Hungar.
* Istvanff.
ib. l. 23.

pag. 311.

hostium conspectu staret, interimque Sigethum oppidum, omni auxilio destitutum, ab iisdem expugnari sineret. Unde & multorum, qui videndæ hujus expeditionis desiderio è terris alienis venerant, diuturnioris moræ fastidio ducti, in suam patriam ante tempus rediére. Duo tamen haud parvi momenti commoda ex infelici hoc bello reportata sunt. Primum est, quòd obsidio Sigethana ferè septuaginta barbarorum *millia absumpserit: è quibus plùs quàm viginti millia, præfidiariorum militum & Zrinii gubernatoris fortitudine; ceteri verò peste aut aliis morbis vitam amisère. Alterum est, quòd ipsémet Solimannus die quartâ Septembris ante Sigethum extinctus fuerit, relicto dissimili filio & successore Selymo; qui sub finem anni sequentis cum Imperatore Maximiliano octennales inducias pepigit.

*Spond. hic
n. 11.
Solimannus
triduo ante
expugna-
tionem Si-
gethi mori-
tur, eique
succedit Se-
lymus fili-
us.

Spond. Sur.
Isthuamff.
& alii.
Calvinista-
rum turbæ
& conspira-
tiones in
Belgio.
*Surius ad
hunc ann.

Sed eheu! dum à Turcis appropinquat quies; iterum à Calvinistis funestæ bellorum tædæ accensæ sunt in terris Belgicis. Mense Octobri superioris anni ad Margaretham gubernatricem allatæ erant Regis* Philippi literæ, quibus ad conservationem Fidei Catholicæ jubebat, concilii Tridentini decreta ab omnibus custodiri, Caroli V. Imperatoris edicta contra hæreticos evulgata constanter observari, in vitam & Religionem hominum aliunde adventantium sedulò inquire, præceptores & ludimagistros ab Episcopis examinari de sua conditione, patria, Fide, & libris, è quibus docent; neque alios, quàm viros probè Catholicos, ad instruendos docendosque pueros in scholis publicis adhiberi. Mandata hæc prudentissima, cum in principio hujus anni deferrentur ad Episcopos & magistratus omnes, mirificè percellebant animos quorundam acatholicorum: jam enim Calvinistæ Galli *non paucos Belgas in suam factionem traxerant; ne, dum ipsi intestinis dissidiis inter se collisi essent, laboranti in Galliis Religioni Catholicæ in auxilium accurrere possent. Itaque primò ab his in occultas conventiones itum, & ex iisdem *sparsus in plebem rumor; Philippi Regis literas eò solum collimare, ut in Belgium introducatur famosa inquisitio Hispanica, quæ singulari diritate suâ ferè omnem tyrannorum ethnicorum immanitatem superet. Mox etiam à Nobilibus quibusdam viris perniciofa foedera contra Regem * & regimen modernum inita: sub eo quidem prætextu, ut Hispanicam inquisitionem à se averterent; reverâ tamen, ut plenissimam conscientiæ suæ libertatem à Philippo Rege obtinerent. Horum plurimi Bruxellis die quintâ Aprilis longo ordine ad Margaretham gubernatricem adeunt, moderationem in edictis Regiis petaturi. Cumque ipsa in eorum accessu timidiorem se ostenderet; Berla-

*Spond. ad
ann. 1565.
n. 5.

*Surius ad
ann. 1566.

*Surius ad
hunc ann.

Haras in
ann. brabant.
Calvinistæ
in Belgio
dicuntur
Geusii; &
unde?

*Surius ad
hunc ann.

ab

ab hominibus istis? Mendici sunt ac triobolares, vel, ut ipse loquebatur Gallicè: *les gueux*. Quod ubi ab iisdem rescitum est; magna foederatorum turba, ferè hominum trecentorum, paucis post diebus ad solenne convivium coeunt, liberali vino se perfundunt, interque iterata pocula Baccharum ac Moenadum instar certatim clamant: *vivent les gueux*, id est: *vivant Geusii*. Primarius etiam factionis illius tubicen Henricus Bredenrodus, multo jam potu madens, ligneam scutellam * instar mendici in manus accipit; infusoque mero vasculum illud convivis fratribus cum eadem acclamatione largiter propinat. Quo exemplo invitati reliqui intra dies paucos nova sibi de panno cinericeo vestimenta comparant, scutellas ligneas lateri appendunt, iisdemq; foris infigi curant lamellam argenteam, cum hac * seditiosa inscriptione: *vivent les gueux!* Unde & factum, ut usque in hodiernum diem Calvinistæ in Belgio vocitentur *Geusii*; quemadmodum in regno Galliae à Regis * Hugonis porta, apud quam in urbe Turonensi sua primum conventicula instituerant, nominati sunt: *Hugonotti*. Ab his initiis processum est ad conciones præconum Calvinisticorum, à concionibus ad concursus ac tumultus publicos, à tumultibus ad invasiones templorum, expilationes monasteriorum, violationes altarium, profanationes hostiarum, dejectiones crucifixorum, confractiones imaginum, & alia huiusmodi, quæ à plebe Calvinistica Antwerpiae, Boscoducii*, Gandavi, Aldenardæ, Ultrajecti, Valencenis, plurimisque aliis in locis, tanto cum furore peracta sunt, ut ferè calamum non invenias, tam infandis criminibus describendis parem. Fuerant inter alios, qui Venerabile Sacramentum pedibus conculcarent, qui oleo sacro calceos inungerent, qui ad imagines* Christi & Sanctorum intolerabili blasphemiâ dicerent: *Si tu es Christus Dei filius, si quis beatorum et calitum es, si quid vales ac potes, dicito: vivent les gueux! et imagini tuæ parcituri sumus*. Bone Deus! quale hoc novum Evangelion, quod ex hominibus feras, è Christianis barbaros & vel ipsis Ottomannis æquales facit?

Aliam hoc anno mutationem sinè Fidei dispendio vidit & experta est Monasteriensis Diocesis in Westphalia. Refloruerat ibi quidem Religio Catholica à temporibus anabaptismi indidem expulsi: cum ea tamen, per sinistram interpretationem decreti Carolini (quod appellabant *Interim*) ita simul invaluerant connubia Sacerdotum & Ecclesiasticorum, ut Clerus primarius non solum occultè aut latenter; sed etiam in luce urbis publica suas passim uxores aleret. Ac tametsi huiusmodi nuptiæ in eodem edicto nequitquam probarentur; imò de Clericorum conjugiiis, jam ante hoc edictum initis, expressè cautum esset: *super ea re generalis concilii*

* Auctores
iidem.

* Surius ad
hunc annū.

* Spond. ad
ann. 1560.

Calvinistarum Belgicorum impietas in templa, altaria, imagines &c.

* Herbo-
gen
Busch.

* Surius ad
hunc annū.

Bernardus de Raësfeld, Ep. Monasteriensis renuntiavit in cuius locum postulatus est Joannes de Hoja Ep. Osnabrug. Chytra^o l. 21. Saxom.

senten-

Mafen. in mss. collect. biff. Pad. *sententiam exspectari oportere*; nihilo minùs idem Clerus, etiam finito ac prohibente concilio Tridentino, adhuc ità persistebat in abusu isto, ut ejusmodi uxores suas, Præpositissæ, Decanissæ, Cantricis, Custricis, aliisque honoratis officiorum vel dignitatum suarum titulis compellari faceret. Id cùm audisset Pius V. Pontifex, ad Bernardum de Raësfeld Monasteriensem Episcopum *severas hoc anno literas exaravit, quibus eum non modò permissi, tolerantive hujus abusûs arguit; verùm etiam per sacra omnia obtestatur, ut celerrimum grassanti huic malo remedium adhiberet, neque tali viâ propinquas hæreses in suam Diocesim ingredi, atque in ea nidulari sineret: alioquin fore, ut in supremo divini Numinis judicio severam hac de re, & de omnibus animarum damnis indè secuturis, rationem reddat. Bernardus, tam potenti comminatione perterritus, in synodo *proxima, die decimo quarto Octobris habita, literas illas Clero congregato prælegit; simulque mandat, Papalibus edictis morem geri, & ab illicito mulierum istarum commercio abstineri. At unde laudem & existimationem sui nominis promereri debuit; indè summam indignationem* & plerorumque Ecclesiasticorum offensam retulit. Alii namque odiosis hujusmodi mandatis palàm obstrepere visi sunt: alii, ut ab expurganda domo propria initium faceret (nam & ipse eodem concubinatûs vitio interdum laboraverat) insolenter* objectare: alii denique Nobilitatem patriam, affinitate vel consanguinitate proximâ sibi conjunctam, adversùs ipsum incitare; accendere, & inflammare. Quam ob rem, ut ab hac invidia se liberaret, paulò post (nimirum die vigesimâ quintâ* Octobris) convocato in arcem Wolbecensem Capitulo, Episcopale pedum à se dimisit; & ætatis antè actæ nævos correcturus, ad vitam privatam abiit. Commendatur maximopere à prudentia, mansuetudine, studio pacis, & sincero orthodoxæ Religionis cultu. Obiit Monasterii, in multiplicibus pietatis & precum exercitiis usque ad finem perferens, quens, anno 1574 die vigesimâ octavâ* Aprilis. Vacantem illius cathedram, intrâ paucos à peracta *resignatione dies, unanimi postulantium Canoniconum suffragio consecutus est Joannes de Hoja, Episcopus Osnabrugensis, de cujus egregiis laudibus plura dixi ad annum 1553, quo ad insulam Osnabrugensem venit.

Annus Christi 1567.

PII V. Pontificis

2.

MAXIMILIANI II. Imperat.

3. & 4.

REMBERTI Episcopi Pad.

21.

ANnus, quem ingredimur, in præcipuis Europæ regionibus turbarum ac tumultuum plenus fuit. In Anglia Catholicam Re-

regionem affligere ac pessundare pergebat atrocissima Catholico-
 rum hostis Regina Elisabeth. In regno Scotiæ Maria Stuarta, Sco-
 torum Regina, à Calvinianis subditis * per fraudem capta, & in
 arctissimam custodiam detrusa est. In Gallia rursus Hugonotti,
 Condæo duce, ad arma convolârunt; propéque* abfuit, ut Regem
 ipsum cum Regina matre interciperent. In Belgio cum seditiosis
 Geusiis persæpe ac feliciter decertatum est: unde & ita infracti sunt
 eorundem animi, ut ante finem Aprilis ferè omnes urbes ac pro-
 vinciæ ad Philippi Regis obsequium reductæ fuerint. Neque par-
 va spes erat, quin omnes antè acti motus brevi tempore ad opta-
 tam Religionis concordiam redituri essent: nisi mitiora Guberna-
 tricis consilia disturbâisset à Rege missus, & exeunte Augusto Bru-
 xellas veniens, Ferdinandus Toletanus Albæ Dux, animi quidem
 intrepidi miles; sed in quo plus humanitatis ac moderationis à ple-
 risque Belgarum Proceribus desideratum fuit. Is, tametsi in ad-
 ventu suo reperisset iterum pacata omnia: quiete redditâ non con-
 tentus, post dies paucos Hornensem & Egmondensem Comites
 in captivitatem abripit, Bredenrodium aliósque fugitivos provin-
 ciarum istarum Proceres intrâ dies quatuordecim iterum adesse ju-
 bet, novum criminale tribunal (quod à plebe *concilium sanguinis*
 appellatum est) ad exquirendos, plectendosque præteritorum tu-
 multuum auctores instituit; eoque agendi ac sæviendi modo Bel-
 garum animos ita à se avertit, ut rebellionem penè consopitam,
 velut oleo morituris ignibus affuso, novas iterum in flammæ ege-
 rit, quemadmodum videbimus anno sequente.

In Germania quoque tumultus admodum periculosos fabri-
 care coeperat Joannes Fridericus Saxonæ Dux, Joannis Friderici
 quondam Electoris, à Carolo V. capti & exauctorati, infelicissimus
 filius. Origo turbarum erat Wilhelmus de Grumbach Nobilis Fran-
 co, quem Chytræus non immeritò vocat *centaurum Franconicum*,
 quod in castris Alberti Marchionis Brandenburgici, magni quon-
 dam Germaniæ turbatoris, ad omnem audendi licentiam adole-
 visset. Is cum à Melchiorre Zobelio, Herbipolensi Episcopo, feu-
 dis omnibus exutus esset propter iniquissimas deprædationes, quas
 in ejus Episcopatu cum prædicto Marchione exercuerat; furore
 novo incitatus, eundem Antistitem * die 15 Aprilis anno 1558 in
 ipso urbis & arcis Herbipolensis conspectu supra Moeni pontem
 crudeliter obtruncari fecerat. Accusatus ea de re, tametsi non-
 dum convictus, recepit se in regnum Galliæ: indè postmodum re-
 versus, clanculariis persuasionibus aggregavit sibi non paucos vi-
 ros Nobiles, quos antè noverat perlubenter ex rapto vivere. Ho-
 rum auxilio tandem anno 1563 die 2. Octobris per nocturnas tene-

Res in An-
 glia; Scotia,
 & Francia
 gestæ.

* Spond. hic
 n. 2.

* Spond. hic
 n. 12.

Geusiurum
 turbæ in
 Belgio
 compri-
 muntur.

Spond. hic
 n. 8.

Surius ad
 hunc annū.

Hareus in
 ann. brabant.

Ferdinand⁹
 Dux de Al-

ba ferocita-
 te suâ rebel-

lionem pe-
 nē consopi-
 tam refuscio

rat.

Spond. hic
 n. 10 & 11.

Hareus in
 ann. brabant.

Joannes
 Fridericus
 Saxonæ

dux è man-
 dato Cæsa-

ris obside-
 tur in urbe

Gorha, ob
 receptum à

se Wilhel-

mū Grum-
 bachium,

& alios re-
 belles.

* Chytræ⁹ l.
 21. Saxon.

grumbachii
 prædicti

scelera.

* Crusius
 part. 3. An-

nal. Suev.
 l. 12. c. 4.

pag. 701.

bras

bras Herbipolim venit, portas malè custoditas celerrimè perfregit, urbem occupavit, eâque expilatâ majoris Ecclesiæ Canonicos per vim adegit, ut alicujus transactionis à se allatæ formulam subscriberent, & in ea non modò magnam pecuniam; sed etiam omnium bonorum feudalium restitutionem sibi faciendam adpromitterent. Proscriptus idcirco à Ferdinando Cæsare tanquam violator pacis publicæ, communi totius Imperii consensu roboratæ, confugit ad Joannem Fridericum Saxoniae Ducem: atque (utì postmodum ex literis, tum interceptis, tum in Ducali chartulario*receptis patuit) spem ei amplissimam fecit, curaturum se, ut conjuratæ sibi Nobilitatis auxilio non modò septemviralem dignitatem, genitori suo ademptam, reciperet; sed etiam depulso Maximiliano, qui Ferdinando mortuo jam successerat, Romanorum Imperator fieret. His illiciis inescatus Dux Grumbachium ad se in urbem Gothanam recipit. Ac, licèt Imperator (cui non minùs quàm Augusto septemviro res ista admodum suspecta erat) anno 1566 in comitiis Augustanis eundem Grumbachium, ceterosque Herbipolensis invasionis primipilos, unà cum omnibus ipsorum adjutoribus ac receptoribus denuo proscripsisset: nihilò tamen secius malitiosos hujusmodi socios ejicere noluit, quòd eorum ope sub initium veris multa equitum peditumque millia pro se in campum proditura crederet. Cæsar itaque graviores motus à Joanne Friderico veritus, jubet ejus consilia quantocyus præveniri; urbemque ejus Gothanam, in qua ipse cum rebellibus & proscriptis erat, inopino Marte circumfundi. Belli curam in se recepit, qui vicinum hostem formidabat, Augustus, Elector Saxoniae. Et hic ea cum celeritate ac silentio* expeditionem istam inchoavit, ut seditiosi moenibus inclusi priùs audiverint funesta balistarum ac tormentorum fulmina; quàm se hostiliter invasum iri, pertimescerent. Initium hujus obsidionis fiebat à copiis Electoralibus, quæ exeunte anno superiore ante urbem advenerunt vespere ante festum Nativitatis Dominicæ. His autem intrà breve tempus adjuncta sunt validissima auxilia* quatuor circulatorum, nempe Westphalici, Franconici, Saxoniae inferioris, & Saxoniae superioris: quorum adjumento prædicta urbs tam diu circumcincta, pressa, & impugnata est, donec tandem hoc anno Idibus Aprilis* unà cum arce Grimmensteiniana in Cæsaris potestatem venit, capto simul Joanne Friderico Duce, Wilhelmo Grumbachio, & aliis rebellibus. Ex horum numero, Wilhelmus Grumbachius, & Christianus Bruck, prædicti Ducis Cancellarius, die 16 Aprilis vivo corpore in quatuor partes dissecti, eorumque membra sic divisa ad quatuor urbis plagas in viis publicis appensa sunt: alii vel suspendio, vel ampu-

* *Anonym.*
in vit. Duc.
Saxon.
Chytræus
loc. cit.

Obsidio ac
deditio ur-
bis Gothanae.

* *Anonym.*
in vita
Duc. Sax.

* *Anonym.*
loc. cit.

* *Anon. ib.*
Chytræ^o l.
21. Saxon.

Grumbachii & aliorum
seditionum poena:
Joannis Friderici

amputatione capitis, vel alio poenarum genere, infelicem vitam conclusere: demum etiam Joannes Fridericus Dux Imperatori traditus, & ab eo postmodum Neostadii in Austria custoditus est; ubi post annos viginti & octo in diuturna ac perdifficili captivitate in gloriam animam exhalavit anno 1595, die 9. Maji.

Tredecim diebus ante ejus captivitatem, nimirum die 31 Martii, Castellis obiit Philippus Hassiæ Landgravius, magnus iste Lutheri cultor, bonorum Ecclesiasticorum inuasor, & Augustanæ Confessionis defensor acerrimus: qui tamen, si quibusdam scriptoribus habenda fides, postremis vitæ annis à novo Evangelista suo ad Zwinglii errorem transiit. Cum enim anno superiore à Legato Cæsaris rogaretur de colloquio Marpurgensi, ante annos triginta octo *Lutherum inter & Zwinglium instituto; hoc ei responsum *edidisse fertur: *Etsi non fuit is exitus colloquii, quem et sperassem et optassem, insigni tamen fructu non caruit. Siquidem ex illa colloquutione multorum piis mentibus veritatis lux affulsit clariùs: et, ut de me confitear, ab illo tempore, quo abunde cum Luthero et Zwinglio sum collocutus, crassam illam et oralem corporis Christi manducationem in pane probare non potui.* Habuit in matrimonio non successivè, sed simul *duas conjuges: nempe Christinam Saxonæ Ducem, quam sibi devinxit anno 1523; & Margaretham de Sala, quam ex Lutheri dispensatione priori conjugii superinduxit. Ex primo connubio proveniunt decem liberi, è quorum numero Wilhelmus Landgravius lineam Cassellensem, & Georgius Darmstadianam condidit. Ex altero autem connubio simultaneo præter unam prolem femellam procreati sunt sex filii, qui deinde cum aliis fratribus, priori ex thoro natis, perpetuas controversias habuere; nec fuisset altercationum finis, si, ut ipsi concupiverant, ad honestas decentesque nuptias potuissent pervenire.

Interea Joannes de Hoja Episcopus Osnabrugensis, quem anno superiore etiam ad Monasteriensem infulam postulatum esse, diximus, Romæ apud Pium V. Pontificem laborabat sedulo pro obtinenda confirmatione; eamque demum die vicesimâ tertiâ Julii feliciter adeptus est auxilio & operâ Cardinalis Joannis Francisci Commendonii, cui ab insigni doctrina, pietate, zelo Fidei, aliisque virtutibus, jam pridem in amore ac pretio singulari fuerat. Expeditæ sunt in hunc finem duæ Papales literæ, quarum unæ complectuntur ejus translationem ab Episcopatu Osnabrugensi ad Monasteriensem; alteræ verò simul conferunt & adjungunt plenariam administrationem Osnabrugensis Ecclesiæ, & bonorum omnium ad eam pertinentium. Utræque literæ clauduntur hisce verbis: *Datum Romæ apud S. Petrum, anno incarnationis Dominicæ millesimo*

Ccc

quin-

Ducis perpetua captivitas.

Anon. in vita Duc.

Saxon. Philippus Hassiæ

Landgravius moritur, & in fine propendit in Zwinglianismum.

Dilich. in chron. Hass.

*ad 1529.

*Hartm. in bist. Hass. exercit. 13. thesi 153.

*vid. dicta ad an 1540

Ejus filii diviserunt familiam in duas lineas, Cassellensem scilicet ac Darmstadianam.

Dilich. in chron. Hass.

Joannes de Hoja, aliàs Ep. Osnabrugensis, Papali confirmatione constituitur Ep. Monaster. & Administrator Osnabrug.

*Chron.

Monast. apud Antonium Mattheum tom. 8

quingentesimo sexagesimo septimo, decimo Kalendas Augusti, Pontificatus nostri anno secundo. Et in harum alteris* expresse additur: *Vo-*
graphis li- lumus autem, quod antequam regimini et administrationi dicta Ecclesia
teris Pii V. Osnaburgensis --- te in aliquo immisceas, in manibus Venerabilium fra-

* *Acconen-* trum nostrorum, Paderbornensis et Acconensis* Episcoporum, seu alterius
sis erat Jo- eorum, fidelitatis debite præstes juramentum juxta formam, quam sub
annes Crise- bulla nostra mittimus introclusam. Præstito hoc juramento, magnis
suffragane- animis quam primùm studuit, in Ecclesia Monasteriensi laxatam
Monaster. Cleri majoris disciplinam leniori quocunque modo restituere. At-
Mense que, ut ipsèmet singulari pietatis exemplo omnibus præluceret;
Octobri suscipit sa- que, ut ipsèmet singulari pietatis exemplo omnibus præluceret;
croscordi- nes, & con- que, ut ipsèmet singulari pietatis exemplo omnibus præluceret;
secratur Episcopus. reverentia ac devotione debita præparare. Quod ubi factum; etiam
chron. Mo- die quintâ Octobris (quæ tunc erat Dominica decima nona post
naft. supra Trinitatis) in Bentlagenfi Patrum Crucigerorum cœnobio pri-
cit. & alia mam Deo hostiam obtulit, ibique simul à Joanne Critio, Monaste-
ms. vetera. riensi suffraganeo, Episcopus consecratus est, assistentibus tribus
 Abbatibus Benedictinis, Abdinghoffensi, Liesbornensi, & Ibur-
 genfi.

Fridericus Utinam & exemplo tali Metropolim suam condecorasset Fri-
 de Wieda dericus de Wieda, Elector & Archiepiscopus Ecclesiæ Colonien-
 Colon. Ar- dericus de Wieda, Elector & Archiepiscopus Ecclesiæ Colonien-
 chiepiscop⁹ sis! At ille quinto jam anno suæ sedis, non solum erat sacerdotii;
 dignitatem sed etiam Pontificiæ confirmationis expers, quod juramentum Fi-
 Archiepi- dei ac fidelitatis è recenti Romanæ Ecclesiæ formula, nescio qua
 scopalem abdicat. de causa, recusaret edere. Monuit eum hac de re Cardinalis Com-
 mendonus in comitiis Augustanis anni superioris, jussuque sum-

* *Vita Pii V.* mi Pontificis adhortatus est, ut in emittendo hoc juramento *mo-
 so. 1. ss. ram ulteriorem non faceret: alioquin certò fore, ut sede & Archi-
 Maji n. 76. episcopatu suo privaretur. Quâ ignominiâ se percellendum ve-

* *Kleinsorg,* ritus; cum & ægro corpore non esset ampliùs ad regendum habilis,
in hist. msf. die vigesimâ quintâ * Octobris Archiepiscopalem infulam sponte
 ac libere abdicavit; alteroque statim anno Colonia in festo S. Ste-
 phani protomartyris pientissimè defunctus, & in Ecclesia Patrum
 Dominicanorum honorificè tumulatus est. Peractâ resignatione
 vacavit sedes duobus ferè mensibus; ac tandem die 23. Decembris
 concordibus omnium Capitularium suffragiis honores Archiepi-
 scopales delati sunt Salentino de Isenburg, Decano ad S. Gereonem,
 viro propter singularem Catholicæ Religionis Fideique zelum sem-
 piternâ memoriâ digno.

Eodem hoc tempore non lentis passibus ad cælum festinabat
 Rembertus Episcopus Paderbornensis, cui in summo senio po-
 stremos ictus ad celerius decedendum intulit Martinus Hoitban-
 dus,

Fridericus
de Wieda
Colon. Ar-
chiepiscop⁹
dignitatem
Archiepi-
scopalem
abdicat.

In ejus locū
die 23. De-
cembris eli-
gitur Salen-
tinus Co-
mes de
Isenburg.
Græp. in
catal. Ar-
chiep. Co-
lon.

Martinus
Hoitband,
Paderbor-

dus, forensis Ecclesiæ ad S. Pancratium Paderbornæ Pastor & Sa-
 cerdos. Docuerat hic ibidem per aliquot annos probè & Catho-
 licè: reliquisque etiam in rebus, ad Sacramentorum administra-
 tionem pertinentibus, ità se gesserat, ut neque Episcopus, neque
 alii Primores urbis de eo conqueri, aut novationem aliquam ab eo
 faciendam, suspicari possent. At, ubi per æstatem anni superioris
 *Paderbornæ coepit grassari pestis (quæ etiam *Tremonix, Mo-
 nasterii, aliisque plurimis in locis vehementer desæviisse legitur)
 rebus adeò turbatis usus, primò Eucharistiam sub utraque specie
 civibus ægrotis obtulit; addiditque istum sumendi modum Chri-
 stianis omnibus à Christo Domino præceptum ac pernecessarium
 esse. Postea verò, cùm id ipsi non improspere cecidisset, ineunte
 quadragesimâ præsentis anni coepit etiam cantus veteres de Beata
 Virgine abrogare, Lutheranas cantilenas iisdem substituere, cul-
 tum Sanctorum abjicere, sacrificium altaris abolere, purgatorios
 ignes ut fabulam deridere, aliâque Augustanæ Confessionis dogma-
 ta citra omnem Episcopi consensum & voluntatem introducere.
 Monitus idcirco centies, tum ab Episcopo & statibus patriæ, tum
 à senatu & consulibus pleramque partem Catholicis, non solum
 ab interdictis hujusmodi novationibus abstinere noluit; sed etiam
 contumacissimè perrexit, contra iteratas ipsorum prohibitiones
 pastorem cathedram conscendere, Lutheranam doctrinam pro-
 palare, imperitum vulgus commovere, ad aliorum Principum in-
 terventionem se convertere, seditionem civium pro suis viribus
 confovere, & (quod impostor quilibet, etiam Arianus vel Euty-
 chianus, oggerere posset) ore protervo dicere, se hujusmodi man-
 datis non obligari: tum quòd *oporteat obedire magis Deo, quàm ho-
 minibus; tum quòd Isaias cap. 58 dicat: *clama, ne cesses: quasi tuba
 exalta vocem tuam.* Imò, cùm ab Episcopo & congregatis patriæ
 Proceribus die septimâ Junii *conclusum esset, eundem vel ex ur-
 be ejiciendum, vel Ecclesiæ suæ ministerio exuendum esse: adhuc
 ausus est homo pertinax, bis ad Cameram Spirensen *proficisci,
 de Episcopi & Procerum violentia conqueri, atque adversus eos
 poenale mandatum, de se in suis exercitiis non perturbando aut mo-
 lestando, sollicitare. Ibi verò iterum ex Augustanæ pacificatio-
 nis lege bis repulsus, bis iterum Paderbornam rediit; spretâque
 omni superiorum suorum prohibitione, parochialem cathedram
 & Sacramentorum administrationem repetivit. Quare tandem
 Episcopus, inauditam hominis contumaciam acrioribus remediis
 frangendam esse videns, gravissimâ poenarum interminatione con-
 sulibus ac senatui mandat, ut, nisi ante solis occasum Hoitbandus
 urbem deseruerit, violentas manus eidem injici faciant; & omnes,

næ ad S.
 Pancratium
 Pastor, à Fi-
 de Catholi-
 ca deficit.

*Hamelm.
 in hist. Ev.
 *Chron.
 Tremon. &
 Monast.

Confessio-
 nis Augu-
 stanæ do-
 ctrinam in
 suam paro-
 chiam in-
 troducere
 nititur.

Rembert.
 Episc. in li-
 teris ad
 Landgrav.
 Hamelm.
 pag. 1346.

Proscriptus
 ab urbe &
 ministerio
 Verbi re-
 nuit parere:
 *Hamelm.
 in hist. Ev.
 renati pag.
 1362.

*Hamelm.
 pag. 1363.
 *Hamelm.
 ibid.

diu relucta-
 tus, cogitur
 urbem de-
 serere.

Hamelm.
 in hist. Ev.
 ren. p. 1368

qui ipsum detenturi vel suscepturi sunt, jure civitatis privent. Quod cum ipsi & fautoribus ejus die septimâ Octobris à senatu denuntiatus esset; eodem vespere, convasatis omnibus, urbem dereliquit.

Fugit Cassellas ad Wilhelmum Hassiæ Landgravium.

Hamelm. ibid.

Landgravi ad Rembertum Episcopum scribit, rogatq; Hoitbandum restitui: id quod Episcopus constantissime recusat.

Hamelm. ibid.

Littera Remberti mox citanda.

Remberti Episcopi litteræ, ea de re ad Landgravium datæ.

*extant in apologia

Hoitbandi, impressa Marpurgi anno 1580.

Neque tamen idcirco destitit à perversis machinationibus, quas in urbe coeperat. Nam à Paderæ fontibus rectà Cassellas abiit: atque ut ibidem à Wilhelmo Hassiæ Landgravio facilius aurem, putidæque causæ suæ patrocinium obtineret; intra paucas hebdomadas à veteribus parochianis eblanditus est novum libellum supplicem, quo desiderabant, ejus interventu Hoitbandum à se recipi, fidemque Lutheranam retineri. Motus eâ civium postulatione Landgravius, Rembertum Episcopum per literas rogat, ut Evangelii Lutherani cursum Paderbornensi in civitate non impediat, ejusdemque promovendi causâ, Martinum Hoitbandum ad forensensem parochiam suam propediem reverti, sinat. At Episcopus, nec latum unguem à Fide Catholica discedere certus, humanissime respondit Landgravio; petitionem civium pugnare contra varias transactiones & pacta ab iisdem jurata, Catholicam Fidem à primæva foundationis tempore in urbe ac Diocesi nostra inviolatam hactenus perstitisse, Hoitbandi novationem sinè omni suo & aliorum Procerum consensu refractariè, ac temere inceptam esse: atque ideo, sicuti Landgravius nullo modo permissurus foret, ut aliquis in Principatu Hassiæ Religionem Catholicam sinè ejus consensu ac voluntate solidaret; ita à se nunquam permitti posse aut debere, ut iste Hoitbandus, aut alius quisquam ejusdem farinae socius, Lutheranae Religionis dogmata in suam urbem vel Dioecesim introduceret. Ecce hîc ipsas Remberti Antistitis litteras*, Dringenbergæ hoc anno die duodecimâ Novembris datas, & ex Hoitbandi apologia fidelissime à me in linguam latinam verfas:

Illustrissime Princeps, ac singulariter dilecte Domine et amice. Ea, quæ charitas vestra rogatu subditorum nostrorum, incolarum parochiæ forensensis in urbe nostra Paderborna, scripsit et à nobis petiit, rectè accepimus, et eorundem argumentum satîs intelleximus. Sanè de prædictis subditis nostris nihil minùs opinati fuissimus; quàm quòd ad iniquas ejusmodi sollicitationes ac postulata, quæ contra tenorem publicum quorundam aliàs erectorum, et corporalis juramenti præstatione ab iisdem firmatorum recessuum pugnant, adeò temere fuissent animum adjecturi: quâ tamen de re modò nolumus plùs verborum facere. De cetero charitati vestræ ad cognoscendam rem præsentem amicissime detegimus, quòd, postquam antiqua Catholica Religio ac doctrina hîc in urbe ac Diocesi nostra à tempore foundationis ejus piè et constanter usurpata esset: ac subinde aliquis, nomine

mine *Martinus Hoitband*, forensis Ecclesie ibidem Pastor, juxta morem antiquæ et veræ Catholicæ Religionis, divini verbi prædicatione et sacramentorum administratione, prædictæ Ecclesie suæ aliquot annis probè et sincrerè præfuisse, ita ut nos et omnes incolæ ejusdem functione et operâ bene contenti fuerimus: postea tamen in præterita quadragesima citra omnem notitiam ac voluntatem nostram, contrâque propriam obligationem suam, ab antiqua verâque Religione Catholica recesserit, et *Augustanam Confessionem* unâ cum cerimoniis ritibusque suis introducere, ausus sit. A quo etiam conatu et machinatione sua, quanquam idcirco sæpius à nobis conventus, prohibitusque fuerit, nullatenus abstinere voluit; adeoque semetipsum, vigore pacis Religiosæ, à sacro Romano Imperio condita, Pastoratûs sui exsortem fecit. Quare et nos ei non immeritò ministerium verbi et sacramentorum interdiximus; cui et ipsum, contra publicam nostræ veræ, nobisque à teneris infusæ Religionis Catholicæ professionem, restitui nequitiam passuri sumus. Neque in æternum de nobis dici aut affirmari cum veritate poterit, *Augustanam Confessionem* à nobis unquam permissam, subditisve nostris indultam esse. Cum igitur aliud nihil à nobis factum sit, quàm quod è prædictæ Religionis pace pro imposito nobis officio facere debui-
mus; quodque et ipsâmet charitas vestra in Principatu suo citra dubium factura esset, si quis ibidem antiquæ Religionis usum contra receptam Confessionem *Augustanam* sinè præscientia et consensu vestro introducere, niteretur: amicè nobis persuademus, fore, ut charitas vestra benignè nos hac in re excusatos habeat; simulque subditos nostros, ut in antiqua Religione sibi tradita cum obsequio et obedientia debita perseverent, severe ac seriò cohortetur. Concionatores boni, qui eos verbo Dei, divinisque sacramentis pascant, nunquam illis Deo favente decrunt: pro ut etiam sinè veritatis offendiculo dicere non poterunt, aliquem in his defectum hætenus extitisse etc. --- Datum Dringenbergæ, die 12 Novembris, anno 1567.

His acceptis acquievit Landgravius: & *Martinus Hoitbandus*, urbe & patriâ se exclusum, omnique spe dejectum videns, *Huxariam* discessit; ubi à senatoribus in Ecclesia Collegiata S. Petri ad verbi ministerium admotus est, suffectusque in locum *Jacobi Reutelii*, in urbem *Eimbeckensem* evocati. Quemadmodum verò prædictus Episcopus noster audenter à se rejecit memoratam petitionem *Wilhelmi Landgravii*; ita pariter à se amovit aliam petitionem, non minùs noxiam *Wilhelmi Cliviæ*, *Juliaque Ducis*. Retulerat huic Domina *Catharina*, *Bernardi* quondam Comitis *Lippiensis* relicta vidua, *Hermann*o *Simoni*, Comitis ejusdem fratri, à *Remberto* Episcopo nostro, ceterisque statibus *Dioecesanis* factam esse promissionem vel spem aliquam recipiendi in feudum comitatûs *Pyrmontani*, de cujus vacatione plura diximus ad annum 1557. Addiderat etiam, impuberis filii sui consiliarios laborare se-

Hoitbandus fit Pastor
huxariæ ad
S. Petrum,
Hamelm.
in hist. Ev.
Erben. in
chron. Hu-
xar. apud
Paulin.
Wilhelmus
Dux *Julia-*
censis *Pa-*
derbornæ
solicitat, ut
inteudatio
comitatûs
Pyrmonta-
ni confers-
tur etiam

dulò,

Simoni, ju-
niori Co-
miti Lip-
piensi.

**ha litera
sunt in Ar-
chiv Cash,
Eccl. Pad.
Rembertus
Ep. infeu-
dationem
hanc non
solum ne-
gat Simoni;
sed etiam
ejus patruo,
Hermanno
Simoni,*

dulò, ut hujus infeudationis & beneficii literis, nondum hætenus expeditis, simul inferatur suus & Bernardi Comitis Lippiensis filius (cui nomen Simon) unà cum omnibus hæredibus masculeis ex eo descensuris. Quod cum hætenus impetratum non esset; rogaverat ipsum, ut ea in re perurgenda suum quoque patrocini-um interponeret. Consensit huic postulato Wilhelmus Dux: primâque die Martii ad Capitulum nostrum, ceterosque Ordines Dioecesanos ex urbe Düsseldorfensi literas perhumanas* dedit; quibus impensè petiit, Rembertum Episcopum ad concedendam ejusmodi infeudationem sedulò permoveri. At ille, cum videret, concessionem hanc Dioecesi nostræ non parùm noxiam ac perniciosam fore, non solum generosè repulit hoc postulatam viduæ; sed etiam, quàm diu vixit, Hermannò Simoni Comiti, qui defuncti Comitis Pyrmontani sororem duxerat, collationem istius feudi constanter denegavit ex causis, alio in loco allegatis ad annum 1557.

Annus Christi 1568.

Pii V. Pontificis

3.

MAXIMILIANI II. Imperator.

4. & 5.

REMBERTI Episcopi Pad.

ultimus.

Maria Stu-
arta Scotiæ
Regina, ad
Elisabethâ
Angliæ re-
ginam fu-
giens, car-
ceri manci-
patur.
Hugonotti;
in Gallia,
rursus ad
arma versi,
barbarè de-
sæviunt in
sacerdotes.
Spond. n.
14. & seq.
Buffier. 10.
2. hist.
Franc 119.
n. 21.

In Belgio
Ferdinandus
dux Albanus
feliciter
devincit



Terum hoc anno turbæ, iterum funesta & gravia Catholicæ Religionis pericula in plurimis Europæ tractibus. Maria Stuarta, Scotorum Regina, à Calvinianis, rebellibusque subditis ante annum capta, cum è custodia sua ad Elisabetham Angliæ Reginam elapsa esset, ibidem pro quæsito solatio novos carceres, ac denique post novendecim annos truculentam suæ necem invenit, felicior in cælis coronam habitura, quàm in terris. In Gallia rursus ab Hugonottis, Con-
dæo duce, ad arma concursus est; multisque Pictonum & Engolismensium urbibus occupatis, adeò foedè & inhumaniter desævitum in sacerdotes ac religiosos, ut alii variis membris truncati, alii sclopetariis militibus in scopum propositi, alii vivis corporibus humo infossi, alii lento igne aut oleo fervente tosti, alii denique ad trabes, sulphure copioso illitas ac postea incensas, alligati fuerint: visique milites Calvinistæ ad hujusmodi lucernas per noctem ludere. In Belgio seditiosorum Geusiorum Proceres, Wilhelmus Princeps Arausionensis, & Ludovicus Nassovius ejusdem frater, cum suis affeclis gravissima parabant bella in eversionem rei Catholicæ. Sed utrumque singulari vigilantia ac fortitudine sua brevi

brevi domuit Ferdinandus Dux de Alba, copiarum Hispanicarum ^{rebellium} supremus Præses. Ludovicum Nassovium non modò sui adven- ^{geusiorum} tûs famâ ab obsidione urbis Groninganae depulit; sed etiam paulò ^{duces-} pòst, die 21 Julii, in comitatu Embdensi tam gravi prælio profligavit, ut è Geusiis ferè septem * millia occubuerint, & è castris ^{Spond. & alii.} Hispanorum vix ampliùs, quàm decem viri vitam amiserint. Nec ^{* Spond hic n. 10.} minori felicitate, quanquam sinè cæde & sanguine, triumphavit ^{Haraus in ann. brab.} de ipsius fratre Wilhelmo Arausionensi. Veniebat hic Septembri mense cum ingentibus Germanorum copiis, pretio conductis: Rhenûmque inter & Mosam ponebat castra, visurus illic, an in agrum Luxemburgensem, an verò in Hannoniam irrumpere vellet. At Ferdinandus Albæ Dux, jam è Frisica expeditione cum suis redux, continuò sic * hærebat ipsius lateri, ut neque justicer- ^{* Spond. hic n. 11.} taminis copiam ei faceret, neque simul permetteret, eum ulteriùs ^{Haraus in ann. brab.} posse in Belgium progredi. Atque illo cunctandi, & advigilandi modo consecutus est, ut Arausionensis, tot militibus diu susten- ^{* Haraus pag. 102.} tandis impar, tandem ^{Spond n. 11} ineunte Decembri exercitum suum debue- ^{Ejusdem} rit exauctorare; divenditisque tormentis & impedimentis omni- ^{Albani Du-} bus, pecunias pro stipendio solvendo cogere. Qua ex re, cùm ^{cis trucul-} ingentem suæ fortitudinis laudem promeruerit; ex alia tamen par- ^{entia in} te non immeritò bonis omnibus exosus fuit propter singularem ^{plectendo} animi truculentiam, quâ desævîit in omnes præteritæ seditionis ^{Comite Eg-} quomodolibet incusatos, maximèque in duos Comites bene Ca- ^{mondano,} tholicos, Egmondanum & Hornanum. Hos ille die quintâ Junii ^{Hornano,} Bruxellis in publico urbis foro produxerat in theatrum: ac, ta- ^{& aliis plu-} met si iterum iterumque protestati fuerint, se nunquam sinistri ali- ^{ribus.} quid machinatos esse, &, quidquid egerint, id in Regis obsequium ^{Haraus in} sincere, & ex animo præstitisse; eos tamen sinè omni misericor- ^{ann. brab.} dia plecti, resectoque capite in vitam aliam transmitti, jusserrat. His ^{Spond. hic} autem, aliisque plurimis truculenti animi exemplis ità à se aver- ^{n. 9. & alii.} tit favorem populi, ut rebellio jam sopita, quadriennio pòst lon- gè terociùs recrudesce re cœperit.

In terris etiam Austriacis Religio Catholica non parùm hoc ^{Maximilia-} anno periclitata est sub Maximiliano Cæsare. Convocaverat hic ^{nus Impe-} Ordinum Austriacorum comitia, petiturus ab iis expunctionem ^{rator Nobi-} æris alieni, in præteritum bellum Turcicum insumpti; quod ad ^{litati Au-} octoginta millia librarum auri excrevisse, refert Chytræus. Illi, ut ^{striacæ per-} in hac necessitate Cæsaris impetrarent, quod sæpe hætenus, & ^{mittit exer-} frustra sollicitaverant; vicissim ab eo petivêre liberum exercitum ^{citium pri-} Religionis Lutheranæ: famâque erat, id iis jam indultum esse, vel ^{varum Re-} certè propediem fore, ut permittatur. Attonitus hoc rumore ^{ligionis Lu-} Pontifex, continuò ad Cæsarem legat Cardinalem Commendo- ^{theranæ.} num, ^{Chytræ^o l. 22. Saxon.} ^{Spond. hic} ^{n. 25.}

num, qui vel istam concessionem pro suis viribus impediret; vel certè eam, si jam facta sit, iterum rescindi, ac revocari faceret. Simul etiam alios Principes* Catholicos, maximèque Philippum, Hispaniæ Regem, instantissimè rogat, ut à pernicioso ejusmodi proposito Cæsarem dehortentur. Quod cum illi pro suo in rem Catholicam affectu copiosè præstitissent, Cæsar tandem animos æquiores induit. Ac tametsi exercitium illud jam antè permisisset Proceribus, & Nobilitati Austriacæ privatim in suis castris & ædibus; ea tamen concessio postmodum acerrimè restricta, & coarctata est hisce legibus: *Primò*, ut nulli civium, aut hominum plebejorum liceat avitos Ecclesiæ ritus deferere, & Lutheranam Religionem colere. *2dò*: ut nulli Nobilium impune sit, pro civibus, & plebejis, à Fide Catholica defecturis, intercedere; neque facta Nobilibus concessio priùs valeat, quàm ea de re Cæsari fidem, & securitatem dederint. *Tertiò*: ut, si quid ultra prædictæ concessionis terminos ab eorum aliquo tentaretur, *ac nominatim, si quid in fraudem jurium parochialium facerent, si in matrimonii contrahendi ritu, contra leges à concilio Tridentino præscriptas, agerent, si intrà quartum propinquitatis gradum ad celebrandas nuptias processuri essent; in eisdem non levibus poenis, Dioecesani Antistitis judicio, animadverti debeat. Sed ejusmodi cautiones additæ processu temporis parùm profuere: eoque tandem res evasit, ut non solum* in multis oppidis, & pagis; verùm etiam in ipsa urbe Viennensi, quàm plurimi cives & plebeji Lutheranam Fidem publicè amplexi, & professi fuerint. Quod cum apertissimè pugnaret contra leges concessionis; primum ipsèmet Maximilianus, ac deinde Rudolphus II, pientissimus ejusdem filius, & successor, exorbitans illud Lutheranæ Religionis exercitium* continuo sustulit; & concessionem hanc rursus, intrà primævos Nobilium Minorum terminos, arctissimè constrinxit.

Atrociorum hoc anno plagam Romana Ecclesia cepit ex morte Henrici junioris, Ducis Brunsvicensis ferventissimè Catholici, quem anno suæ ætatis octogesimo dies undecima Junii è numero vivorum abstulit. Multa hic olim passus erat propter Fidem, cujus defensæ causâ à Philippo Hassiæ Landgravio, & sociis ejus vehementer impugnatus, è Ducatu suo bis ejectus, ultimâ vice captus, ac per biennium in severa custodia detentus est, usque dum variatâ fortunæ scenâ Landgravius pariter in Caroli V. Imperatoris captivitatem deveniret. Indè reductus in Ducatum, confestim omnes* Evangelii Lutherani præcones, à Landgravio introductos, expulit, & Fidem Catholicam integritati suæ restituit. Ex Maria Wirtenbergica, uxore primâ, consecutus erat antea tres filios, Carolum

*Vita Pil V.

10. 1. St.

Majin. 162

Spond. ib.

Simul tamè

severè pro-

hibet, ne

quis homi-

num plebe-

jorum aut

civium au-

sit Catholi-

cam Fidem

deferere.

Chytraus l.

22. Saxon.

Hansiz. in

hist. Episc.

Passav.

pag. 630.

*Hansiz.

loc. cit.

*Chytraus

& Hansiz.

loc. cit.

*Chytraus

loc. cit.

Henricus

junior, Dux

Brunsvi-

censis, & a-

cerrimus

Catholicæ

Religionis

vindex, hoc

anno mori-

tur.

Chytraus l.

22. Saxon.

*Hamelm.

in hist. Ev.

rolum Victorem, Philippum Magnum, & Julium: è quorum numero priores duo, viri probè Catholici, anno 1553 in prælio Sivershusano, contra Marchionem Albertum gesto, periêre. Tertius, qui supererat, ad Lutheri dogmata se propendere, non unis indiciis ostendebat: ideoque pater, ut eundem à provinciarum suarum * successione removeret, novi hæredis accipiendi spe accensus, anno ætatis suæ sexagesimo octavo novas iterum adivit nuptias cum Sophia, Sigismundi Poloniae Regis, sorore. Sed cum ex ea nullam prolem consequeretur; tandem vel invitus ferre debuit, ut Julius antè dictus ditionum suarum hæres fieret. Et ille statim animum à paterna pietate alienum prodere, Jesuitam, in aula patris commorantem, abdicare, sacerdotes alios, Romanæ Fidei sectatores expellere, Lutheranos concionatores eorum loco substituere, ac demum omnia, quæ ad cultum divinum pertinent, ex novorum dogmatistarum arbitrio reformare. Ità Ducis Henrici funus in terris illis etiam Catholicæ Fidei occasus fuit.

Senem hunc octogenarium quaternis mensibus in cælum præiit senex alius nonagenario major, & æquè Catholicus, Rembertus, Episcopus Paderbornensis, Dringenbergæ mortuus die duodecimâ Februarii, postquam Episcopatu suo per viginti & unum annos fructuosè, ac pientissimè præfuisset. Multis ille coruscabat virtutibus, tali Præsule, & animarum Pastore dignis. Justitiam & æquitatem curabat adeò sollicitè, ut ferè semper in ore haberet * vulgatum illud: *fiat justitia aut pereat mundus*. Unde & eos, qui rapinas alienorum bonorum exercuerant, etiamsi Nobiles, & equestri familiâ prognati essent, nullo sanguinis, aut natalium discrimine comprehendi, & ultimo supplicio castigari fecit. Nec minor fuit ipsius mansuetudo, studiùmque pacis. Atque ideò, si quid hostile à vicinis Principibus metuendum erat, eosdem vel amicis verbis mitigare satagebat; vel precibus ad cælum fufis, malum * imminens à suorum subditorum cervicibus divino auxilio depellebat. Conservandæ Religionis ardorem jam olim apertissimè ostenderat, cum adhuc Paderbornæ & Osnabrugi Cathedralium Ecclesiarum Canonicus esset. Nam & eo tempore cum Osnabrugensi Canonicatu simul conjunxit animarum regimen in parochiali urbis Ecclesia ad B. * MARIAM Virginem. Ac, licet ibidem à seditio-

* Hamelm.

ib pag. 897

Chytraus l.

18. Saxon.

adam. 1556

in fine.

Succedit ei

Dux Julius,

qui à morte

patris Ca-

tholicam

Religionē

è Ducatu

ejicit.

Chytrae° l.

22. Saxon.

Rembertus

de Kerffen-

broich, epi-

scopus Pa-

derbornen-

sis die 12

Februarii

moritur.

Kerffenb. in

catal. Epi-

scop. Pad.

* Kerffenbr.

ibid.

* Kerffenbr.

loc. cit.

* manuscri-

pta vetera.

*ex iisdem
veteribus
ms.

*Kerßenb.
loc. cit.

*hoc est no-
naginta
annos.

ni illius Pastoratûs titulum* Episcopali titulo adungere non erubuit; usque dum ex Augustanæ pacificationis edicto ab urgenda ejusdem Pastoratûs restitutione cogeretur desistere. Quid ergo mirum est? quòd & Paderbornæ Martino Hoitbando, forensis Ecclesiæ Pastori Lutherano, tam egregiè se opposuerit; neque prius acquievit, donec ille à magistratu & senatoribus ex urbe ejectus fuerit, uti prolixius ostensum est anno superiore. Certè in hoc actu, si unquam aliàs, virum probè constantem, & imperterritum se probavit; etiamsi non sinè maximo depontani corporis, & senilium virium detrimento. Nam ex ea contentione, quæ totum ferè annum tenuit, in morbum lethalem incidit; ac tandem senio, animique moerore* delassatus, ad capienda Fidei, & virtutum suarum præmia in cælum abiit. Corpus ejus è Dringenbergeni castro Paderbornam revectum; ibique in medio Cathedralis Ecclesiæ, non sinè multis Catholicorum lachrymis, tumulatum est, cum hac inscriptione, ad Australem columnam sempiterno æri infusa:

*Mille ubi quingentos et sexaginta sub octo
A Christo Februos lux duodena notat;
Occubuit Princeps, fitus hac Rembertus in urna,
Kerßenbrochiaco sanguine clarus erat.
Præsulis officio ter septem præfuit annis,
Consilio pacem, justitiámque fovens.
Sed bis* lustra novem variâ dum mole gravatus
Vixerat, ad superûm transfuit astra senex.*

ANNA-

ANNALIUM PADERBORNENSIIUM LIBER XXII.

IOANNES II.
Comes de Hoja,
ECCLESIAE PADERBORNENSIS
EPISCOPUS XLII.

SALENTINUS
de Ilenburg,
ARCHI-EPISCOPUS COLONIENSIS,
ET
ECCLESIAE PADERBORNENSIS
EPISCOPUS XLIII.

HENRICUS
Saxo-Lavvenburgicus,
ARCHI-EPISCOPUS BREMENSIS,
ADMINISTRATOR OSNABRUGENSIS,
ET
ECCLESIAE PADERBORNENSIS
EPISCOPUS XLIV.

Ddd 2

JOAN-



IOANNES II.

Comes de Hoja,
EPISCOPUS PADERBORNENSIS, MONAS-
TERIENSIS, & OSNABRUGENSIS,
Nostrorum Episcoporum XLII.

Annus Christi 1568.

Pii V. Pontificis 3.
MAXIMILIANI II. Imperator. 4. & 5.
JOANNIS II. Episcopi Pad. 1.

Joannes
de Hoja,
Episcopus
Monaste-
riensis &
Osnabru-
gensis, Pa-
derbornæ
postulatur.



Emberto è vivis evocato Cathedralis Eccle-
siæ nostræ Canonici prudenter censuere, si-
bi propter modernorum temporum pericula
non diu cunctandum esse in surrogando no-
vo Antistite. Prævidebant enim fore, ut
Martinus Hoitbandus, ante annum expul-
sus, forensis Ecclesiæ Pastor apostata, vacan-
te sede iterum se è latebris Huxariensibus in
urbem nostram injiceret, eamque Lutherani Evangelii causâ no-
vis tumultibus implicaret. Quare decimâ post mortem die, quæ
erat vicesima 2da Februarii, Neuhusana in arce convenere; ibique
votis concordibus ad vacantem cathedram postulârunt Joannem
Comitem de Hoja, Monasteriensis, & Osnabrugensis Ecclesia-
rum Præsulem, ob insignia maximarum virtutum, ac scientiarum
decora, tantis honoribus longè dignissimum. Rei peractæ nun-
tium accepit Joannes in Dioecesi Monasteriensi (illic enim paulò
antè, die undecimâ Januarii, solennem ingressum celebraverat)
statimque Romam festinatas literas misit ad Cardinalem Alexan-
drinum

drinum, qui, proposito Paderbornensis urbis periculo, postulationem de se factam, à Pio V. Pontifice confirmari, peteret. Abhorrebat quidem Papa sanctus à tot Episcopatibus in unam personam congerendis. Ne tamen interea, dum longiores Romæ consultationes fierent, Paderborna aliquid incommodi à Lutheranis pateretur; continuò per eundem Cardinalem, Joanni postulato rescribi, fecit; Paderbornensis Ecclesiæ regimen tantisper ei à Pontifice commendari, donec petitæ confirmationis necessitas in Papali curia penitiùs excussa foret.

Ibidem vacantis Ecclesiæ curâ temporariâ accipit.
Ex literis Pii V. Pontificis infra citandis.

Commodum advenerunt istæ Cardinalis Alexandrini literæ, cum in urbe nostra Martinus Hoitbandus, ab Huxariensi exilio redux, novam populi seditionem, ac tumultum ageret. Crepabat is ubique verbum Dei, ex quo omnes hæretici, tam recentes, quàm antiqui, sua contra Ecclesiam tela malè deprompserunt: & quia simul ortu Paderbornensis erat, faciliè rursus ad se attraxit multos è grege civium, qui ipsius doctrinis, ante annum prægustatis, denuo adhærescerent. Horum deinde adminiculo rursus ille forensis Ecclesiæ cathedram conscendere, Pastorum sibi adeptum repetere, Confessionis Augustanæ suavitatem dilaudare, Beatæ Mariæ Virginis cultum proscribere; atque, ut alia non pauca taceam, Wilhelmum Hassiæ Landgravium, aliosque Principes implorare, ne desistant, ejus doctrinam, personamque Paderbornensi magistratui commendare. Quo audito Postulatus noster, ne initia novæ seditionis in pejus vergerent, pro potestate sibi interim commissa, mense* Augusto Paderbornam properat; vocatque in Abdinghoffense monasterium inquieto, * & jam sæpius rebellis capite, coram universo Clero: *Age, inquit, Hoitbande! tuæ novæ Religionis ac Fidei rationes hîc ante oculos nostros palam expone. Si quid Fidei Catholicæ melius, et veritatis patrocinio dignum attuleris, tuæ causæ non decro: sin minùs; aut palinodiam cane, aut cathedrâ et urbe cede.* At ille sciens, quàm erudito, & in rebus Fidei exercitato Principi sese oppositurus esset, si quid in suæ causæ, doctrinæque patrocinium diceret; hanc aleam subiri noluit, maluitque videri minùs peritus, quàm errorum ac falsitatum suarum publicè convictus. Quare Princeps eidem ocyùs Pastorum, & urbe interdicat; unaque simul Paderbornensi magistratui severè præcipit, ut, nisi protinus excedat moenibus, eundem armatâ manu, vel satellitibus immixtis, excedere cogat. Ità demum urbs præsentissimo corruptionis periculo subtracta est; & Hoitbandus, alterâ jam vice pulsus, à fontibus Paderæ * Susatum abiit: ubi stationem, apostatico ingenio suo dignam, in Ecclesia S. Walburgis consecutus est.

Martinum Hoitbandû, Huxariâ reducem, Lutheranæ doctrinæ & seditionis commotæ causâ rursus ab urbe pellit.
Kerffenb. in hist. Ep. Paderb.

Hamelm. in hist. Ev. Paderb. p. 1370. & sequent.

* *Hamelm. pag. 1370. Charta Paderb.*

* *Hoitband in apologia*

Glo-

Propterea à
Pio V. tan-
dem confir-
matur us-
que ad suū
& sedis
Apostolicæ
beneplaci-
tum.

Ex literis
Pontificiis.

Literæ con-
firmationis.
ex archiv.
Casb. Eccl.

Gloriosum illud Postulati facinus magnum ipsi adjumentum attulit ad obtinendam, quæ hucusque deerat, confirmationem summi Pontificis. Hic enim, quod ægerrimè ferret, tot Episcopatus, contra sanctiones Tridentinæ synodi, in unam personam confluere; jam certò constituerat, postulationem ejus, à Capitulo Paderbornensi factam, non admittere. At ubi postmodum recentioribus è literis didicit, quæ & quanta Postulatus noster Paderbornæ hoc anno contra pastorem Lutheranum egerit, continuo mutavit animum; & eidem Postulato, velut Principi de Ecclesia nostra præclarè merito, die sextâ Novembris confirmationem Apostolicam impertivit: eâ tamen cautione additâ, ut administratio illi commissa durare solum debeat usque ad Romanæ sedis beneplacitum. Superfunt hac de re adhuc binæ Pii V. Pontificis literæ, quarum unæ ad Joannem Episcopum, & alteræ ad Paderbornense Capitulum datæ sunt. Priores ita habent:

Venerabili fratri Joanni, Episcopo Monasteriensi, Pius Papa V. Venerabilis frater, salutem et Apostolicam benedictionem. Molestè tulimus, non potuisse nos postulationem de persona tua ad Ecclesiam Paderbornensem, ab illius Capitulo factam (quod quidem negotium cum nonnullis venerabilibus fratribus nostris, sanctæ Romanæ Ecclesiæ Cardinalibus, communicavimus, maturèque discussimus) obstantibus Canonicis sanctionibus, et sacri concilii Tridentini decretis admittere. Impediunt enim, venerabilis frater, ut nosti, aliarum duarum Ecclesiarum onera, quæ sustines. Quia verò te, propter eximium tuum in Religionem Catholicam studium, vehementer amamus, et egregiè de te sentimus, magnâque cum letitia intelleximus, quantam diligentiam et vigilantiam in ipsa regenda Ecclesia Paderbornensi adhibueris, quantumque profeceris, postquam ea tibi per literas dilecti filii nostri, Cardinalis Alexandrini, nostro nomine scriptas, commendata fuit: Nos, qui ipsi Ecclesiæ, quantum fieri potest, his turbulentis et periculosis temporibus maxime consultum cupimus, commendationis nostræ tempus ad nostrum, et sedis Apostolicæ beneplacitum prorogamus; tèque interim ejusdem Ecclesiæ Paderbornensis in spiritualibus et temporalibus Administratorem, ita quòd ejus fructus, redditus, et proventus percipere et exigere, ac in tuos, ipsiusque Ecclesiæ usus et utilitatem convertere, libere et licitè possis et valeas, authoritate Apostolicâ tenore presentium ad simile beneplacitum constituimus et deputamus. Mandantes dilectis filiis, Capitulo, Clero, et populo, Ecclesiæ, civitatis, et Diocesis Paderbornensis, ut te interim, tanquam ejusdem Ecclesiæ Administratorem, animarumque suarum Pastorem, humiliter ac devotè suscipientes, tibi debitam reverentiam et obedientiam præstent et impendant; vasallis verò et subditis, ut consueti servitia et jura, tibi ab eis debita integre exhibeant. Non obstantibus constitutionibus et ordinationibus Apostolicis,

ac

ac in synodalibus et provincialibus conciliis editis generalibus vel specialibus constitutionibus, et ipsius Ecclesie Paderbornensis juramento, confirmatione Apostolicâ, vel quâvis firmitate aliâ roboratis statutis, et consuetudinibus, ceterisque contrariis quibuscunque. Datum Romæ apud sanctum Petrum, sub annulo piscatoris, die VI. Novembris MDLXVIII. Pontificatus nostri anno tertio.

Alteræ ejusdem Pontificis literæ, eodem die, mense, & anno, ad Paderbornense Capitulum datæ, hoc modo sonant:

Dilectis filiis, Decano et Capitulo Ecclesie Paderbornensis, Pius Papa V. Dilecti filii, salutem et Apostolicam benedictionem. Potationem, de persona venerabilis fratris Joannis Episcopi Monasteriensis, ad Ecclesiam Paderbornensem, per literas vestras factam, re cum nonnullis venerabilibus fratribus nostris communicatâ, maturèque examinatâ, de eorum consilio nequaquam admittendum duximus, obstantibus Canonicis sanctionibus, ac sacri Tridentini concilii decretis, propter onera, quæ is sustinet, aliarum duarum Ecclesiarum. Quia tamen ipsius Episcopi persona nobis valde probata est, magnâque cum letitia intelleximus, ejus curam, operam, et vigilantiam, isti Ecclesie, postquam ei fuit per literas dilecti filii nostri Cardinalis Alexandrini, nostro nomine scriptas, commendata, maximè utilem et salutare fuisse, et majora etiam ex eo speramus: ad ejusdem Ecclesie utilitatem, cui his turbulentis et miseris temporibus, quantum cum Deo possumus, consultum cupimus, commendationem prædictam ad nostrum, et Apostolicæ Sedis beneplacitum duximus prorogandam, ipsum Administratorem in spiritualibus et temporalibus Ecclesie Paderbornensi constituentes. Hortamur itaque vos, atque etiam vobis mandamus, ut ei, tanquam Administratori Ecclesie Paderbornensis, debitam obedientiam ac reverentiam præstetis; ipsiusque in regenda Ecclesia vestra custodiam et diligentiam adjuvare, pro vestra parte enixè studeatis, vitam, actiones, et omnia studia vestra, ad Dei honorem, et Catholicæ Religionis cultum augendum, salutemque animarum et populorum vestrorum quietem procurandam dirigentes, sicut vos facturos esse confidimus. Datum Romæ apud sanctum Petrum sub annulo piscatoris, die VI. Novembris MDLXVIII, Pontificatus nostri anno tertio.

Paulò post, nimirum die trigesimâ Novembris, etiam expeditæ sunt Viennenses literæ, quibus Imperator Maximilianus, Joanni Episcopo, vel Administratori nostro consueta Principum regalia contulit; ejusdemque rogatu simul omnia Paderbornensis Ecclesie privilegia, donationes, fundationes, immunitates, & alia hujusmodi jura, benignissimè confirmavit. Operæ pretium non est, eas hîc adducere: tum quia nimis longæ sunt, & linguâ Teutonicâ scriptæ, tum quia nihil singulare continent, quod ad nostræ historiæ scopum queat conducere. Tempus autem, quo datæ

A Maximiliano II. Imperatore accipit Regalia pro Episcopatu Paderbornensi.

Ex diplomate Cæsareo, in archiv. Cæthed. Eccl.

datae sunt, in fine earum additur hîsce verbis: *Datum in urbe nostra Vienna, die ultimâ Novembris, anno post nativitatem Christi Domini no-*

**annus hic stri millesimo quingentesimo sexagesimo octavo, Regnorum nostrorum, Ro-*
desumitur mani septimo, Hungarici sexto, Bohemici vigesimo.*
ab anno

1562, quo
 electus est
 Romanorū
 Rex, patre
 adhuc vi-
 vente.

Annus Christi 1569.

PII V. Pontificis	4.
MAXIMILIANI II. Imperat.	5. & 6.
JOANNIS II. Episcopi Pad.	2.

Joannes E-
 piscopus
 Neuhausii
 cum urbe
 Paderbor-
 nensi beni-
 gnè transi-
 git de rebus
 in seditione
 præterita
 gestis:
Ex Recessu
Episcopi
Joannis de
Hoja, in
archiv.
Cath. Eccl.



Ioannes Episcopus noster, postquam, exeunte anno superiore, à Pio V. Pontifice confirmatus, & à Maximiliano Cæsare consuetis Regalibus impertitus esset; continuò se accinxit ad capiendam, ut primùm posset, Dioecesis nostræ possessionem. Itaque mense Februario Neuhausnam ad arcem, Paderbornæ vicinam, cum egregio apparatu venit: atque, ut in solenni urbis ingressu pacata omnia inveniret; priùs illic de rebus omnibus, quæ in seditione præterita, propter Hoitbandum & ejus doctrinam, gestæ erant, cum senatu & civibus benignè transigendum duxit. Evocati in hunc finem primaria statuum Dioecesanorum capita: & quidem nomine majoris Capituli (cujus Decanus ante dies paucos exspiraverat) Wilhelmus de Westphalen, Præpositus, Philippus de Westphalen, Senior, & quidam alii: nomine Ordinis equestris, Joannes Dynasta in Büren, Fridericus de Westphalen, satrapa Dringenbergensis, Philippus de Hörde, Dominus in Boke, & Schönenbergius de Spiegel, Dominus in Desenberg: denique nomine civitatis Paderbornensis & aliarum urbium, consules Paderbornenses, Warburgenses, & Brakelenses. Horum operâ & consilio tandem die undecimâ Februarii dissidium illud cum urbe & civibus compositum est his conditionibus. *Primò*: ut senatus ac tota civium communitas Recessus omnes, ac transactiones, tam veteres, quàm novas, constantissimè fervet; & quidquid ad alendam pacem, quietem, concordiam, & obedientiam debitam conferre potest, cum omni industria præstet. *2dò*: ut Paderbornenses cives nullam in Religione mutationem vel novationem facere præsumant; neque Ecclesiæ ministros, in forensi templo, & alibi ab Antistite suo constituendos, perturbent, aut perturbari sinant: & si fortè id fieret, ejusdem facti reos ad supplicium deposcant, vel Episcopali Celsitudini suæ puniendos tradant. *3tiò*: ut consules ac senatores Paderbornenses, quòd annis proximè elapsis, in diversis civium suorum

tur-

turbis, seditionibus, concursationibus, rebellionibus, & iniquis machinationibus, nimiam conniventiam usi fuerint, neque earum auctores & reos tempestive in poenam traxerint, ideoque ab Episcopali Celsitudine sua pro excusatis, aut penitus innoxiiis haberi nequeant; nonnullorum quidem Procerum & consiliariorum intercessione, in gratiam recipiendi sint: ita tamen, ut illaeso honore, statu, & officio suo, humillimam deprecationem praestent; ac deinceps in imposito sibi munere debitam obedientiam, fidamque synceritatem exhibeant. 4to: ut Episcopali Celsitudini suae sine omni obstaculo & reclamazione liberum sit, praeteritorum tumultuum auctores, primipilos, concitatores, & consortes, cujuscunque conditionis ii sint, processibus debitis ad poenam deposcere, vel ad gratiam & reconciliationem rursus admittere. Quae omnia, licet pervicacissime neget Hoitbandus in apologia sua, anno 1580 Marpurgi edita; fusissime tamen legi, & videri possunt in transactione vel Recessu Joannis de Hoja, in archivis nostris adhuc optime custodito, cujus finis est: *Actum Neuhusii anno Domini nostri JESU Christi millesimo quingentesimo sexagesimo nono, die Veneris, undecima Februarii.*

His peractis, Joannes Episcopus & Administrator quadriduo post, nimirum die decima quinta Februarii, solenni pompa, ac trecentorum fere hominum comitatu, urbem ingressus est, juramentum fidelitatis a civibus recepit, synceram in antiqua Fide constantiam inculcavit, noxarum praeteritarum condonationem fecit, ac demum, adornatis omnibus, quae ad felicem administrationem, publicamque tranquillitatem pertinent, aliorum negotiorum causa Monasterium rediit. Vix autem discesserat Paderborna, cum illic iterum nova dissidia coorta sunt inter ipsos Cathedralis Ecclesiae Canonicos. Obierat quarto Nonas Februarii, priusquam Episcopus advenisset, Reverendissimus Dominus Volbertus de Brencken, Decanus Major, vir antiquae Fidei: novaeque electionis dies a Capitulo constituta erat dies nona mensis Martii. Congressu inito, frustra exire jussis, qui excommunicati, suspensi, irregulares, aut alio quovis modo ad eligendum inhabiles essent, cum protestatione debita processum est ad scrutinium: eoque habito compertum est, plurima quidem vota stetisse pro Domino Wilhelmo de Schilder; sanioerem vero partem pro Domino Henrico de Meschede. Huic enim, praeter nonnullos alios ad eligendum inhabiles, adhærebant Wilhelmus de Westphalen, Major Praepositus, Philippus de Westphalen, Senior, Rabanus de Hörde, Scholasticus, Godefridus de Raësfeldt, ac Theodoricus de Meschede, omnes in sacris Ordinibus constituti, virique tales, in quorum vota

Ac dein die 15 Februarii solenni ritu, Paderbornam ingreditur. *Kerssenb. in catal. Ep. Pad.*

Ibidem; post obitum Decani Volberti de Brencken, per dissidium eliguntur duo decani, nempe Henricus de Meschede, & Wilhelmus de Schilder. *Acta electionis in archiv. Cath. Eccl.*

Ecc

&

** Pius V. in Bulla infra cit.* & * personas cadere non poterat ulla exceptio. Contrà verò inter eos, qui elegerant Wilhelmum de Schilder, erant septem in sacris Ordinibus non constituti, duo absentes illegitimè sine justa causa, & alii duo irregulares velexcommunicati, quòd in ultimo bello * militassent hæreticis contra Philippum, Hispaniæ Regem: quorum suffragiis rejectis tantum remanebant ei duo vota valida, nimirum Domini Bernardi de Büren, Subdiaconi, ac Domini Wilhelmi ab Hatzfeldt, in sacro Diaconatûs gradu constituti. Re ad litem deductâ, appellatum est ad summum Pontificem, Pium V. Qui examinato electionis processu (cùm videret, saniora quinque vota stetisse pro Domino Henrico de Meschede) sequenti anno, die decimâ nonâ Aprilis, electionem ejus approbavit; & alteram Wilhelmi de Schilder, utpote in duobus tantum suffragiis jure validis, consistentem, Apostolicâ auctoritate repudiavit, uti constat è proluxa ejusdem Pontificis Bulla, quæ adhuc superest, & ita clauditur: *Datum Roma apud sanctum Petrum, anno incarnationis Domini millesimo quingentesimo septuagesimo, tertio decimo Kalendas Maji, Pontificatûs nostri anno quinto.* Atque hic ille laudatissimus Decanus, cui præter Theodorum Fürstenbergium, paulò seriùs advenientem, Paderbornensis Ecclesia potissimum debet, quòd in antiqua, verâque Religione Catholica etiamnum perseveret; uti è sequentium annorum decursu clariùs elucescet.

Joannes Ep. Monasterii instituit judicium Aulicum, chron. Mo. nst. ms. Interea Joannes Episcopus noster, retardatæ, multisque abusibus corruptæ, justitiæ consulturus, in Monasteriensi Dioecesi sua instituit hoc anno judicium Aulicum, vulgò *das Hoff-Gericht*: cui primus ipse (veluti vir legum gnarus, & qui jam antè Spirensis Cameræ Assessor ac Præses fuerat) Rheinenfi in oppido summâ cum auctoritate præsidebat. Subinde & primum suo loco judicem in eo tribunali posuit Engelbertum de Langen, celebratæ eruditionis virum; cui & alios duos Assessores, utriusque juris peritissimos, pro faciliiori justitiæ cursu adjungi, voluit. Postremò etiam, ut iidem judices & Assessores intrâ certos rerum agenda-
** impressa est Monasterii anno 1571. Paderbornæ die 2. Septembris curat à suis Vassallis accipi novas infeudationes. Ex veteribus ms.* rum cancellos adstringerentur; librum integrum (cui titulus est: *Joannis de Hoja, Monasteriensis Episcopi, ordinatio judicii Aulici*) magnâ industriâ conscribi, à Maximiliano Cæsare approbari, ac demum biennio post * Monasterii typo dari, & evulgari fecit. His autem rectè, ac laudabiliter institutis, exeunte Augusto Paderbornam rediit; ibique postridie Kalendarum Septembrium, pro more veteri, diem solennem egit, quo Vassalli omnes coram Principe clientelam suam profiteri, ab eoque omnium bonorum feudalium confirmationem, renovato fidelitatis juramento, flagitare debent. In eo magnorum Vassallorum conventu etiam sistebat se Herman-
nus

nus Simon, defuncti Comitis Lippiensis frater, & Comes Spiegelbergicus: qui ex Ursula conjugē, postremi Comitis Spiegelbergensis, ac Pyrmontani, sorore natu maxima, jam pridem arrogaverat sibi jus, & successionem beneficiariam in comitatum Pyrmontanum. Sed, cum id ei haecenus negatum esset à Remberto Episcopo, femineam successionem rejiciente; Joannem successorem ejus iteratis multorum intercedentium precibus tandem hoc anno *in sua vota pertraxit: eā tamen lege, ut beneficiaria concessio Pyrmontani comitatūs masculinam ejus progeniem non excederet. Hæc autem post annos paucos iterum exaruit in Philippo, Hermannii Simonis, unico filio, de cujus obitu plura dicemus ad annum 1583.

Hermannio Simoni, defuncti Comitis Lippiensis, fratri, comitatum Pyrmontanum concedit pro sola ejus progenie mascula.
*Hamelm. l. 3. de familiis e-

De rebus à Maximiliano Imperatore gestis memorabile nihil hoc anno suppetit. In Belgio Geusiorum vires per decursum anni superioris eum in modum accisæ erant, ut eorum furor jam ferè penitus elanguesceret. Nova tamen graviorum bellorum semina pro futuris temporibus jacta sunt à Duce Albano, quòd immodicis pecuniarum postulationibus plebem ægre quiescentem hoc anno premeret. In Gallia Hugonotti, cum assidue adversus Regem & Catholicos in armis essent, acerrimis duobus præliis vehementem hoc anno cladem accepere. Primum ex iis die decimā tertiā Martii commissum est in provincia *Engolismensi, Jarnacum inter & castrum novum: ubi Ludovicus Princeps Condæus, Hugonottorum antesignanus, unā cum plurimis ipsorum primariis ducibus infelicissime periit, reliquo eorundem exercitu vel à Regiis deleto, vel in fugam præcipitem verso. Alterum longèque truculentius prælium die tertiā Octobris initum in provincia Pictaviensi prope oppidum *Monconturium: ubi Regales copię, cum Hispanicis, ac Pontificiis auxiliis conjunctæ, tam insignem de Hugonottis victoriam retulere, ut soli milites Pontificii, ductore Sanct-Florio, septem & viginti signa iisdem eripuerint. Considerati è Catholicis tantum quingenti; ex hæreticis autem ferè decies vel duodecies mille: plures, ne perirent, à supervenienti nocte protecti fuere: tormenta eorum omnia cum cetero apparatu bellico in prædam accepta: Gaspar Collignius, Hugonottorum præcipuus ductor, celeriori fugā periculum evasit; morti magis ignominiosæ post unius triennii lapsum reservandus.

lit. P. pag. 754.
Belgæ, quiescentibus oculis, premuntur nimis exactionibus à Duce Albano,
Hærens in ann. brabant.
Hugonotti in Gallia ceduntur duobus non parvis præliis.
*Spond. hic n. 1.
Vita Pii V. to. 1. Sc. Maji n. 111.
*Spond. hic n. 6.
Vita Pii V. ib. n. 124.

Annus Christi 1570.

PII V. Pontificis 5.
 MAXIMILIANI II. Imperator. 6.&7.
 JOANNIS II. Episcopi Pad. 3.

Selymus
 Turcarum
 Imperator
 invadit Cy-
 prum,
Gabut. in



vita Pii V.
10. 1. Ss.
Maji, l. 4.
c. 1. n. 203.
Spond. ad
hunc ann.
Chytra^o l.
22. Saxon.

Nova belli tempestas Christianæ Reipublicæ hoc anno intentata est à Turcarum Imperatore Selymo, quem ante annos quatuor, in expeditione Sigethana, Solimanno patri suffectum esse, diximus. Hic, tametsi paulò antè renovâsset pacem cum Venetis; eâ tamen superbè ruptâ, Legatum Venetias miserat, qui vel insulam Cyprum sibi tradi posceret, vel senatui, populóque Veneto bellum indiceret. Mirari tam insolentem postulationem Veneti; statimque Legatum hunc à se rejicere, cum hac brevi responsione, perferenda Selymo: *nullam à se causam fœdisfragis ejusmodi invasionibus datam esse; atque ideo, si innoxius bellum inferre cogitet, sperare se, divinum sibi auxilium non desore.* Mox etiam à Pio V. Pontifice per Oratorem suum petere, ut iniquè oppressis auxilium ferret, & aliorum quoque Principum subsidia, contra communem hostem, præproperè sollicitaret. Neque defuit sanctissimus Pontifex tam devotis Venetorum precibus: misitque illico suos Oratores, qui ab Hispaniæ, Galliæ, ac Lusitaniæ Regibus, auxilia maritima contra Selymum invasorem poscerent. Interea Turcæ ad insulam Cyprum adnavigabant cum ingenti classe ducentarum & amplius instructissimarum navium, e quibus, nullo resistente, quinquaginta peditum selectorum millia in terram exposuere. Ab his ductore Mustaphâ, qui terrestri exercitui cum imperio supremo præerat, exeunte Julio, primùm obsideri coepta est Nicosia, totius insulæ caput & metropolis. Et quia hæc urbs debiliori præsidio tenebatur, neque classis Christiana, quæ ob ducum suorum dissensionem cum octoginta, centumque navibus otiosè hærebat ad insulam Cretam, satis maturè in urbis auxilium venit; post quadraginta dierum obsidionem, sexto Iduum* Septembris à Turcis expugnata est, occisis eâ die Christianorum viginti millibus, reliquis verò in miserriam servitutem abductis.

Et primariâ
 ejus urbem
 Nicosiam
 expugnat.
Gabut ib.

n. 212.
Spond n. 13
Chytræns
loc. cit.

**Gabut. ib.*
l. 5. n. 259.

Famagustæ
 urbis obli-
 tionem in-
 ceptam de-
 ferit,

Spond. n. 15
Chytra^o ib.

Urbe captâ, reliquæ Cypriorum urbes & oppida facillimè in prædicti Mustaphæ potestatem devenire, præter Famagustam, situ & arte munitissimam. Quam ut metu ac terrore cogeret, Nicolai Dandali, Nicosiensis Præfecti, caput, Marco Antonio Bragadeno, Famagustensi Præfecto, misit, severè, barbarèque comminans, eandem ipsi fortunam subeundam esse, nisi urbem istam quan-

quantocyus dederet. Sed, cùm ille hujusmodi minas flocci faceret, jamque Ottomannis aliquoties à primis aggressionum suarum initiis ostendisset, sibi cum viris fortissimis rem gerendam esse; tandem, de hac urbe ante hiemem potiunda desperans Mustapha, receptui cecinit, relictoque intrà insulam sufficienti præsidio, Constantinopolim reversus est. Oportuerat vel tunc eos, qui classi Christianorum præerant, insigne aliquid in hostem aggredi, ne tanti bellorum apparatus inutiles forent. At, cùm illi propter continuas animorum dissensiones omnem aliquid audendi occasionem è suis manibus elabi sinerent; insuperque Joannes Andreas D'oria, Hispanicarum navium Præfectus, ineunte Octobri maturaret reditum in Siciliam: totus hic annus, nullâ re præclarè gestâ, infructuosissimè consumptus est, cum ingenti non modò sumptuum impensorum; sed etiam plurimarum navium, adversis tempestatibus in infelici reditu dispereuntium, detrimento.

Nihil interim agente Christianorum classe, ferè centû & octoginta navium. *Gabst. loc. cit. n. 212. Spond. hic n. 15 & 16. Chytra² ad hunc annû.*

Maximilianus Imperator, cui tunc temporis adhuc fluebant induciæ cum Turcis initæ, bellum istud quietis oculis aspectabat: interimque duas filias, nempe Annam natu majorem, Philippo, Hispaniarum Regi, & Elisabetham sedecim annorum adolescentulam, Carolo IX, Galliarum Regi, in matrimonium tradidit. Prior harum sextili mense usque in Belgium deducta est à Joanne de Hoja, Paderbornensis, Monasteriensis, & Osnabrugensis, Ecclesiarum, Episcopo: altera verò mense Octobri in Galliam deducta est à Jacobo, Trevirorum Archiepiscopo, ex antiqua & perillustri Eltziorum familia, genito.

Maximilianus Imperator filias suas, Annam & Elisabetham, Hispaniæ, Galliarumque Regibus in matrimonium tradit. *Spond. hic n. 19. Chytrausl. 22. Saxon. ad hunc annum.*

Ambarum nuptiæ, atque indè secuta trium Regum potentissimorum conjunctio, plurimùm contulêre ad conservandam Germaniæ pacem: quâ Episcopi non pauci ad suarum Ecclesiarum reformationem pientissimè usi sunt. Etenim (ut omittam alios, qui extra Westphaliâ sunt) Joannes de Hoja, Episcopus noster in Osnabrugensi Diœcesi sua, Lutheranis erroribus non parùm deducta, severissimè præcepit, ut ibidem bis in anno, videlicet in vere & autumno, celebretur synodus Diœcesana; & omnes Clerici, qui huic non interfuerint, gravioribus poenis, etiam per implorationem brachii secularis (cùm opus fuerit) ad obediendum compellantur. Literæ Joannis Episcopi, ea de re ad Conradum von der Burg, Officialem, seu Vicarium Osnabrugensem datæ, hoc modo sonant:

Joannes, Dei et Apostolica Sedis gratiâ, Episcopus Osnabrugensis, Monasteriensis, et Paderbornensis etc. Quanquam sacrosanctis œcumenicis conciliis, et Canonicis constitutionibus, pro conservatione doctrinæ Catholice salubriter cautum et provisum esse, reperiatur, ut quolibet

Joannes de Hoja, Osnabrugensis Episcopus, gravissimè præcipit, ut Osnaburgi bis in anno celebretur synodus Diœcesana. *ex actis synodalibus Ecclesiæ Osnabrug. Colonia impressis anno 1653.*

an-

anno bis *Diœcesana synodus celebretur*, in eaque omnes jurisdictioni *Diœcesana* subiecti *Praelati*, sacerdotes, et *Pastores*, sub pœnis *Canonicis* obedientissime comparere teneantur: hisce tamen non obstantibus, non sine magna animi nostri perturbatione comperimus, hujus nostra *Diœcesis Osnabrugensis Pastores*, nostraque ordinaria jurisdictioni subiectos *Curatos*, non solum in magnum *Canonicarum constitutionum contemptum*; sed et in notabile *secularium scandalum*, hoc precipue deplorato, et dissidiis intricato tempore, potissima ferè ex parte ex dictis annuis *synodis contumaciter omnino et absque legitima causa emanere*. Cum autem officii nostri *Pastoralis* sit, similibus gravioribus excessibus opportunis remediis in tempore occurrere, tibi serio, et clementissime committimus, quatenus omnes et singulos *Pastores*, ceterosque alios *Ecclesiastici status viros*, *Diœcesana* nostra jurisdictioni subiectos, et *synodalibus conventibus de jure*, vel de consuetudine interesse obligatos, moneas, iisque districte nomine nostro, sub comminatione pœna, sacris Canonibus contra similes contumaces expressa, et alterius insuper notabilis arbitraria multa pecuniaria mandes, ut rejectâ omni remorâ, in consuetis nostris *Osnabrugensibus synodis*, obedientissime compareant, nec sub ullo quasito colore (nisi urgente et legitima ex causa, vel corporis adversa valetudine, de quibus tamen certam fidem facere teneantur) ab iis emanere præsumant. Si jam verò spretis hisce nostris salutaribus monitionibus (quod tamen de nullo confidimus) unus vel plures se à sæpè dictis *synodis absentare*, obstinate præsumerent; tibi hisce expresse mandatum volumus, contra tales rebelles, et contumaciter absentes non solum ad pœnas *Canonicas*; sed et ad comminatam multam pecuniariam, summarie in cotinenti procedas: eosque in pœnam utramque incidisse declaratos, ad actualem solutionem competentibus mediis de facto constringas. Quo etiam promptius et expeditius seriam hanc nostram voluntatem per omnia exequaris; vigore hujus omnibus nostris *Drossardis, Quæstoribus, et Officiatis secularibus quibuscunque serio mandamus etc.* - - - *Data ex nostra Episcopati Residentia Iburgensi, Veneris die XIII Januarii, Anno MDLXX.*

Idem Paderbornensi Capitulo mandat, ut omnes Archidiaconi suas Ecclesias visitent earumque statum sibi exponant. ex antiquis MSS.

Non minori sollicitudine idem Joannes Episcopus curavit rem Catholicam in Episcopatu nostro Paderbornensi. Audiêrat, & hîc aliquam Religionis novationem recenter attentatam esse in quibusdam pagis & oppidis, præsertim verò in Baronatu Bûrano; ubi ante unum alterumve annum Joannes Dynasta ac Nobilis Dominus de Bûren ab antiqua Majorum suorum Fide ad Evangelii Lutherani dogmata transgressus erat. Itaque ut hujus mali progressum quantocyus præpediret, die 23 Januarii literas admodum severas ad Capitulum Cathedrale dedit: jussitque, ut omnes Archidiaconi suas Ecclesias quàm primùm visitent; &, quis earum status, quæ Religio in parochianis, parochisque sit, Celsitudini suæ singul-

singillatim exponant. Paruerunt ii protinus huic mandato; antequam alios Wilhelmus de Westphalen, majoris Ecclesie Præpositus, cujus Archidiaconatus Dynastia Bûrana suberat; de suarum Ecclesiarum statu, die septimâ Aprilis, hoc modo * retulit: *Visitationem synodalem præteritâ quadragesimâ diligentissimè à se peractam esse per suos Commissarios, Georgium Holthusen, Ecclesie Forensis in urbe Paderborn, et Jodocum Otterjäger, summa adis Beneficiatum. Ex eorum fidei relatione parochiales Ecclesias, Saltzkottensem, Delbruggensem, Eltensem, Bokensem, Thülensem, Vernensem, Borchensem, Bekensem, Schwancienssem, Dablensem, Dornhagenssem, Bödekensem, Harensem, Brenckensem, ac Tüorpensem (vulgò Tüerpke) adhuc esse in optimo statu; nihilque inibi repertum esse, quod Catholica Religioni, et antiquæ nostrarum Ecclesiarum consuetudini aduersetur. Contra verò Bûrena, et in pagis ad Bûrensem Dynastiam pertinentibus, Pastores omnes esse hæreticos, et Fidei Catholica desertores: non comparuisse in synodo, non habere oleum pro infirmis, non asseruare in templis Venerabile Sacramentum, non adhibere in baptismo aquam benedictam, omniâque alia more Lutherano agere. In pago etiam, castroque Wewelsburgensi (quod eo tempore à Dynastis Bûrensibus, ex Erici Antistitis oppignoratione, tenebatur) ab iisdem Dominis intrusum esse Præconem aliquem Lutheranum, Brunsvico adductum, nullisque sacris Ordinibus initiatum: qui non modò vicinis Pastoribus novo Sacramentorum, verbique ministerio suas ovi- culas abstrahere satagat; verum etiam ante dies paucos, cum vir aliquis probè Catholicus, mortique proximus extrema sacramenta sibi ritu Catholico ministrari, petisset, modis omnibus id impediuerit, edixeritque * moribundo, cum, si Catholico ritu præmunitus mortem oppeteret, certissime damnatum iri, neque unquam ad æterna salutis gaudia pervenire posse. Denique etiam Paderbornæ intrâ urbem Pastores omnes ritu quidem Catholico hucusque vivere, agere, ac docere; eos tamen hoc anno sibi conquestos esse, quòd in proximo festo Paschatis nemo ipsorum numeraverit ultra decem vel duodecim viros adultos, divino epulo resectos: ceteri verò omnes, contempto sacerdote proprio, aut Wewelsburgum iuerint ad præconem su- præ dictum; aut in Oistsehlungen, Lippiaci comitatûs pagum, tribus fere horis Paderbornâ dissitum.*

Wilhelmus de Westphalen, majoris Ecclesie Præpositus, denuntiat, Joannem Dynastam Bûranum recenter à Fide Catholica defecisse & cum eo simul omnes Ecclesias in Bâronatu Bûrano sitas: * Litera Wilhelmi Præpositi, in archiv. Bûrensi.

* ex iisdem literis.

Addit insuper, cives Paderbornenses aliorum excurrere ad Prædicantes acatholicos.

Hæc & alia prolixè memorat Wilhelmus Præpositus in suis literis ad Capitulum Cathedrale datis, additque insuper, se jam ante medium annum contra novationes, in Dynastia Bûrana coeptas, auxilium flagitasse à Joanne Episcopo: hujus autem cunctatione non modò pestem illam tam celeriter increvisse; verum etiam adhuc majora illius incrementa formidari posse, nisi ab Episcopali Celsitudine sua, primis hæreticarum novationum principiis, efficacius obsistatur. Quo audito Joannes Episcopus, ne quare rei istius culpa

Joannes Episcopus jubet omnes

Pastores acatholicos ex Diocesi Paderbornensi ejici.

Ex veteribus mss.

Simulque severè præcipit, ne quis extra Episcopatum ad alios concionatores Lutheranos eat.

Ex veteribus mss.

Laurentius Surius Carthusianus Coloniz cæpit hoc anno edere vitas Sanctorum.

Ex literis Pii V. ad Surium.

Laudatus idcirco à Pio V. Pontifice.

culpa in suam tarditatem refundi posset, continuò securim arbori apposuit. Ac tametsi Dynastam Bûranum à doctrinæ Lutheranæ complexu divellere non valeret: parochias tamen omnes, in ipsius Baronatu ac dominio sitas, ab hæresibus expurgavit, Pastores illegitimos, aut Catholicæ veritatis desertores ejecit, novos alios, antiquæ Fidei defensores iisdem substituit, gravissimèque simul præcepit omnibus tam Paderbornæ, quàm aliarum urbium aut pagorum inquilinis, ut in posterum nemo, verbi divini aut sacramentorum accipiendorum causâ, extra suam parochiam ad alios aliorum locorum concionatores adeat; sed in sua quisque parochia legitimo Pastori suo & ejusdem doctrinæ fideliter adhærere. Id quod etiam pro singulari, quâ pollebat, auctoritate & potentia sua sic effecit, ut eo vivente Lutherana hæresis in Episcopatu nostro pedem, sedemque figere non potuerit.

Coloniz per hæc tempora Laurentius Surius, Carthusianus, vir in omni literatura versatissimus, post evulgatam sui temporis historiam summo studio se applicuit ad conscribendas veterum sanctorum vitas; quarum tomus prior, sive Januarius, hoc anno editus, & Pio V. Pontifici transmissus est. Legit hic volumen istud non sinè maxima voluptate animi, simulque auctorem ejus benignissimis literis impensè adhortatus est, ut in opere incepto pergat; nihilque dubitet, saluberrimum hunc laborem à Deo, bonorum omnium retributore, copiosè remuneratum iri. Qua de re supersunt hujusmodi literæ, tomo primo præfixæ:

Pius Papa V. Dilecto filio, F. Laurentio Carthusiano. Dilecte fili, salutem et Apostolicam benedictionem. Librum, sanctorum Patrum vitas continentem, à te nuper editum, atque ad nos missum, libentissimè accepimus. Qui quidem eo etiam gratior nobis fuit, quod opus in se contineat à nobis semper desideratum, et ad refellenda hæreticorum in easdem sanctorum Patrum historias maledicta aptissimum. Laudamus vehementer pium hunc laborem tuum: teque, quod coram Domino vacuus apparere nolueris; sed in ejus domum, pro facultate tibi ab eo concessa, quidquid potueris, ultro obtuleris, debitis in Deo laudibus commendamus. Cujus tamen laudabilis laboris tui gloriam in primis ei tribuendam esse, memento, à quo accepisti et velle et perficere, quod et à nobis, et ab omnibus piis et Catholicæ Religionis studiosis, meritò laudaretur. Hortamur autem te, ut hujusmodi opere prosequendo, et de Ecclesia Dei bene mereri, et tibi apud omnipotentem Deum merita augere, ne desistas, securus, te à Redemptore nostro laborum tuorum centuplum esse fructum percepturum. Datum Roma apud sanctum Petrum sub annulo piscatoris, die 2. Junii, MDLXX. Pontificatus nostri anno quinto.

AN-

Annus Christi 1571.

PII V. Pontificis 6.
 MAXIMILIANI II. Imperator. 7. & 8.
 JOANNIS II. Episcopi Pad. 4.



Magnam hujus anni partem consumpsere Veneti in percutiendo foedere triplo cum Pio V. Pontifice, & Philippo, Hispaniarum Rege. Tandem verò hoc negotium, decimo tertio Kalendas Junii, feliciter confectum est multis conditionibus: quarum prima ac præcipua erat, ut à foederatis in bellum Turcicum apparentur triremes ducentæ, onerariæ centum, copiarum pedestrium quinquaginta millia, equestrium verò quatuor millia & quingenti. Sed, priusquam hæc omnia pararentur, classis Turcica jam in mare Ægeum ierat: exspoliatisque multis Venetorum insulis, Famagustam urbem situ & arte munitissimam (quæ sola Venetis in Cypro adhuc supererat) medio ferè Majo obsidere coeperat, expositis in terram quinquaginta & ampliùs Turcarum millibus. Præerat huic urbi Marcus Antonius Bragadenus, Patritius Venetus; qui eam singulari virtute & fortitudine sua per bimestre spatium tam egregiè defendit, ut æternam sui nominis memoriam promeruerit. Nec minorem animi generositatem ostendere ceteri ejusdem urbis inquilini. Nam & ipsæ mulieres in suos manipulos distributæ, præeunte & imaginem crucifixi præferente Græco monacho, quotidie procurrebant in urbis moenia; & ubi fortior Turcarum assultus erat, vel arreptis armis in eosdem irruebant, vel saxa, truncos arborum, & quidquid ad hostes avertendos idoneum videbatur, indefessis conatibus apportabant. Sed, quia post longas mensium duorum moras, & assiduas concertationes nulla à Venetis auxilia comparuere; tandem Bragadenus, plurimorum civium sollicitatione victus, ineunte Augusto deditionem cum Turcis pepigit hisce legibus: *ut Italici pedites cum suis ducibus, armis, et impedimentis omnibus in insulam Cretam perferrentur: Epirota et Græci perducerentur, quocunque ipsi vellet: ceteri verò Græcorum civium, qui abire nollent, unà cum uxoribus, liberis, fortunisque suis, non solum ab omni injuria immunes essent; verum etiam in Christiana Religione sua tutò permanere, eamque in duobus templis, ipsorum usui permittendis, exercere et colere possent.*

Hi deditionis articuli, quarto Nonas Augusti, à supremo Turcarum præfecto Mustapha subscripti, & juramento in Mahometis Alcoranum edito confirmati sunt; postea tamen ab eo rursus
 F ff foedissi-

Veneti contra Turcas percutiunt
 tædus cum Pio V. Pontifice, & Philippo Hispaniarum Rege.
Spond. hic n. 2 & 3.
Gabus. in vita Pii V. to. 1. ss.
Maji, v. 223 & seq.
 Famagusta, Cypri urbs, à Turcis invaditur, & superatur.
Spond. hic n. 10 & 11.
Gabus ib. n. 259.

Bragadenus, gubernator urbis, contra datam

fidem cru-
delissimè
necatur:
Spond. hic
n. 12.

Alii duces,
militésque
Itali, vel
neci dantur
vel triremi-
bus addi-
cuntur.
Spond. ib.

Christianor-
um classis
duce Joane
Austriaco
serius
advenit:
Spond. hic
n. 14.
Gabus. in
vita S. Pii
V.
Animosè
tamen clas-
sem Turci-
cam adori-
tur, & us-
que ad in-
ternecionē
cædit, No-
nis Octo-
bris.
Spond. n. 15
& seq.

foedissimè rupti. Cùm enim Bragadenus urbe deditâ, priusquam navigaturus in Cretam pelago se committeret, unâ cum reliquis belli ducibus ac militibus suis, honoris exhibendi causâ, ad Mustapham accessisset; nescio, qua de causa irritatus barbarus, post familiaria quædam colloquia, eosdem omnes comprehendi iussit. Et Bragadenus quidem inter varias illusiones continuò ambabus auribus mutilatus fuit, cum hac blasphema interrogatione: *ubi est Christus tuus, qui tibi opem ferat?* Deinde post dies aliquot, cùm ad abjurandam Religionem Catholicam sæpe frustra sollicitatus esset; nudo corpore ad columnam vinctus, & inspectante, jubentéque Mustaphâ, membratim suâ pelle vivus exutus est. Quod ille supplicium, inter assiduas divini auxilii invocationes, invictâ animi constantiâ ac fortitudine tam diu generosè pro Christo pertulit; donec tortore ad umbilicum progresso, è copiosiore sanguinis erumpentis profluvio, pientissimam animam exhalaret. Nec multò mitior fuit ejusdem tyranni furor in omnes alios Venetorum duces ac milites: utpote quos eodem perfidiæ exemplo, vel triremibus addixit, vel vario mortis ac suppliciorum genere è vita sustulit. Hunc finem habuit celeberrima illa Famagustæ urbis occupatio, quæ post Nicosiam, anno superiore captam, Cypri totius possessionem ac dominium Ottomannico Imperio dedit.

Neque ad eam recuperandam valuit Christiana classis, tandem exeunte Septembri veniens. Nam eo tempore terrestrium copiarum Præfectus Mustapha cum ingenti præda jam rediêrat Constantinopolim, & immansuetior anni tempestas non permittebat amplius graviolem obsidionem aggredi. Classis tamen Ottomanica hærebat adhuc apud insulas Echinadas (hodie mutato nomine *Curzolari* dictas) ubi illa, Nonis Octobribus, exoriente sole in conspectum nostrorum venit. Eâ visâ Christiani statim comparârunt se ad prælium: atque ut omnia feliciter evenirent, primùm omnes brevi peccatorum confessione expiati sunt, cum plenaria culparum indulgentia, à Pio V. concessa. Mox etiam Joannes Austriacus, Caroli V. Imperatoris, filius nothus (qui navali huic militiæ cum summo imperio præerat) consensâ celoce mediam aciem circumvectus est; simulque idipsum in cornu dextero per Ludovicum Requesenium, & in sinistro per Marcum Antonium Columnam fieri præcepit. Una horum trium adhortatio erat: *ut quisque locum suum teneret fortiter, animoque suo reputaret, præclare secum agi, sive in prælio caderet, sive ex eo incolumis rediret. Si caderet: gloriosum ei fore pro Deo mori, et obtentâ peccatorum suorum indulgentiâ beatis spiritibus in calo consociari. Si autem incolumis evaderet: gloriosum pariter ei fore, tam felici (ut sperabatur) prælio interfuisse.* His auditis miri-

mirificè accensi sunt Christianorum animi, quorum egregia clas-
 sis plùs quàm ducentis navibus, & selectissimo ducum, ac militum
 flore, instructa fuit. Initium certamini datum circa meridiem,
 pugnatumque solùm per quatuor horas: quarum spatio Christia-
 ni, favente Deo, tam insignem à Turcis victoriam retulère, ut fer-
 mè à condito Romano Imperio nulla major in mari obtenta fue-
 rit. Nam hoc prælio in Christianorum potestatem venère Turci-
 carum navium ferè centum & nonaginta, omni apparatu bellico
 & commeatu refertissimæ: octoginta aliæ biremes, ac triremes,
 aut flammis exustæ, aut scopulis diffractæ, aut alio modo lethali-
 bus undis absorptæ sunt. Numerus occisorum hostium ascen-
 disse fertur ad viginti quinque, vel triginta millia; quos inter ipso-
 rum Archithalassius Halis, matrimonio conjunctus cum sorore Se-
 lymi Imperatoris: captivorum verò ad tria millia, & quingentos,
 inter quos pariter multi viri præcipui cum duobus, Archithalassi
 occisi, filius, è Selymi sorore genitis. Denique & hac victoriâ è
 servitute Turcica in libertatem redière quindecim millia Christia-
 norum, qui annis prioribus capti, & ad remos in barbarorum na-
 vibus constricti fuerant: contra verò ex parte foederatorum ceci-
 dère tantum septies mille, quingenti, & sexaginta sex.

Prodigiosæ hujus victoriæ nuntius, ut primùm ex oriente in
 occidentem perlatus est, incredibilem toto orbe Christiano læti-
 tiam peperit. Et Pius V, qui triumphum hunc Beatæ MARLÆ
 Virginis patrocinio potissimùm adscribebat, in perpetuam rei tan-
 tæ memoriam Litaniis Lauretanis æternum inseri, atque inscribi
 *jussit hæc verba: *Auxilium Christianorum, ora pro nobis.* Commu-
 nis omnium existimatio erat, victoriam hanc aliarum plurium vi-
 cticiarum prodromam, & quasi matrem fore; præsertim cum ex
 primo ejus rumore Constantinopolis tota cum universa Thracia,
 ac Peloponneso contremisceret. Sed eheu! fructum alium non at-
 tulit, quàm quòd Christiani Turcis ostenderint, nullam eorum
 vim adeò præpotentem esse, quæ à Christianis vinci nequeat, si
 vires & arma locient. Nam interea, dum foederati suas naves re-
 pararent, ac dividerent spolia; October ad finem properans, ob
 imminentes hiemis procellas, domuitionem suadebat. Et quia Pius
 V, tanquam præcipuus Christiani illius foederis & consociationis
 auctor, sequenti anno celeriori morte è rebus humanis abiit; etiam
 illud sanctum foedus paulatim elanguescere, ac demum penitus
 dissolvi cœpit: cum Veneti statim altero post mortem anno clan-
 culum ferirent pacem cum Selymo, & Cyprum, insulam poten-
 tissimam, in ejus manu relinquerent.

Captæ sunt
 hoc prælio,
 Turcarum
 naves ferè
 centum &
 nonaginta;
 octoginta
 aliæ peni-
 tús everstæ.
Spond. hic
n. 20.

Gabuti⁹ in
vita Pii V.
 Occisa Tur-
 carum ferè
 triginta
 millia, ter
 mille &
 quingenti
 capti, re-
 dempti è
 servitute
 barbarorū
 quindecies
 mille Chri-
 stiani,

Gabuti, loc.
cit. n. 289.

Spond. ib.
 Pii V. gau-
 dium de ta-
 li victoria.

**Spond hic*
n. 11.

quam Chri-
 stiani, prò
 dolor! per-
 secuti non
 sunt annis
 sequentib⁹,

Gabuti, loc.
cit. n. 312.

et 297.

Etiā insu-
 lā Cypro in
 Turcarum
 manibus re-
 liqta.

Gabuti, n.
312.

Joannes de
Hoja Epi-
scopus ju-
bet in Of-
nabrugensi
niæceli sua
promulgari
concilium
tridentinū,
& recipi
catechismi
ex ejusdem
concilii de-
creto edi-
tum.
*Ex actis
synodalib⁹
Eccle. Of-
nabrug.
Literæ Jo-
annis Epi-
scopi hac
de re,
ex iisdem
actis.*

Memoravi hæc paulò fusiùs, quòd Cyprii belli fama eo tem-
pore totius Europæ aures & ora compleverit. Nunc in Westpha-
liam redeo; & ea, quæ à Joanne Antistite nostro per hunc annum
gesta sunt, breviter adjungo. Studuerat ille diu, in suis Episco-
patibus, ac præcipuè in Osnabrugensi, Lutheranis erroribus ma-
gis infecto, Catholicæ Religionis cultum nitore pristino restituere.
At, ubi postmodum experiëntiâ magistrâ didicit, omnem probæ,
Catholicæq; institutionis defectum ex eo maximè proficisci, quòd
ipsi animarum curatores, & parochi in rebus credendis minimè ver-
sati sint, neque satîs nôrint, Catholicæ Religionis dogmata à Lu-
theranis erroribus discriminare: tandem hoc anno Tridentini con-
cilii doctrinam per Dioecesi Osnabrugensem promulgari; & Ca-
techismum, ex ejusdem concilii decreto editum, ab omnibus ani-
marum curatoribus examissim observari ac teneri jussit. Literæ
mandatoriæ, ea de re ad Osnabrugensem Officialem seu Vicarium
generalem datæ, hoc modo habent:

Joannes, Dei et Apostolica Sedis gratiâ, Episcopus Osnabrugensis, Mo-
nasteriensis, et Paderbornensis, Comes de Hoja. Honorabilis, et syn-
cerè nobis dilecte etc. Cùm non sinè maximo animi nostri mœore intel-
lexerimus, jam dudum varias, erroneas, et orthodoxæ nostræ Religioni
contrarias, etiam in punctis Fidei passim à Pastoribus, præcipuè per hanc
nostram Dioecesi Osnabrugensem, doceri opiniones, easque in radi et
simplici populo perniciosissimè disseminari: causam verò hujus mali inde
vel maximè profluxisse adverterimus, quòd rudibus et indoctis plerumque
Pastoribus certa et aperta Christiana veritatis articulorum breviter com-
prehensa, ac typis divulgata methodus (secundùm quam pede inoffenso et
se, et suos simplices subditos dirigant) ubique ferè defuerit; et hoc quidem
per incuriam eorum, qui, licèt in specula vigilantia Episcopalis constituti
fuerant, hisce tamen malis hæcenus inexcusabili torpore indormierunt:
Nos itaque, pro officio nostro Pastoralis, damnatis illis dogmatibus tandem
aliquando finem imponere satagentes, sacrosanctam generalem et œcume-
nicam Tridentinam synodum, nec non ab eadem synodo præscriptum Ca-
tholicum, et orthodoxum catechismum (utpote in quo Romana Catholica
Religio ordinatè, fundamentaliter, et integre continetur, quémque pro-
pterea primâ die imprimi curabimus) per dictam nostram Osnabrugensem
Dioecesi observari, volumus. Ne autem Pastores, tanquam hujus no-
stræ decreta resolutionis ignari, ullam habeant excusationem prætere, hunc
clementissimè tibi committimus, et mandamus, ut hanc nostræ men-
tis intentionem in proxima vernali synodo, cum prælectione nostri adjun-
cti synodalis decreti de recipiendo et servando in posterum per Dioecesi no-
stram Osnabrugensem concilio Tridentino, ejusque catechismo, debitè in-
sinuari, publicari, et intimari facias: isque proinde nomine nostro sedulo

et severe injungas, ut sese (sicut in decreto transmissio latius continetur) per totam Diocesim nostram Osnabrugensem, tam in ceremonialibus, quam doctrinalibus, sub comminatione gravissima multa, imò et actuali privatione suorum Pastorum, et cura commissa, sepe dictis Tridentina Synodo et catechismo conformiter per omnia gerant. --- Quod nostrum propositum, quò facilius et maturius effectui demus, et per hoc quoscunque inutiles et inqualificatos Pastores penitus exterminemus; aliam adhuc reformationem confici, tibi que extradi curabimus. --- Ex Residentia nostra Episcopali Iburgensi, XVIII Martii, Anno MDLXXI.

Non minori curâ & sollicitudine laudatissimus hic Episcopus concilium Tridentinum, & catechismum ex ejusdem concilii decreto editum, promulgari, ac recipi fecit Paderbornæ, ac Monasterii. Qua de re, licet hætenus nullum in archivis nostris mandatum viderim, absolutam nobis evidentiam & certitudinem ingerunt Pii V. Pontificis literæ, inferius apponendæ. Ab hoc enim Joannes Episcopus licentiam hoc anno petiit, non solum pro Diocesi Osnabrugensi; verum etiam pro ceteris Diocesibus suis, earumque subditis, catechismum suprâ dictum recudendi, & ubi opus fuerit, in sermonem germanicum fideliter transferendi. Id quod ei pro salute suorum subditorum benignissime indultum est hisce literis Pontificiis:

Pius Papa V. Venerabili fratri Joanni Episcopo Monasteriensi, ac Osnabrugensi, et Paderbornensis Ecclesiarum, Administratori. Venerabilis frater, salutem et Apostolicam benedictionem. Exponi nobis nuper fecisti, quòd pro tibi injuncto munere Pastoralis, hoc tempore maxime cuperes, quàm plurima catechismi Romani, ex decreto sacri concilii Tridentini, editi exemplaria in tuis civitatibus et Diocesibus, ac earum oppidis, villis, pagis, ac monasteriis haberi et divulgari; ac in unaquaque Cathedrali, Collegiata, Clausrali, parochialisque Ecclesia, unum exemplar appendi, quò populus ex eo erudiri, et ab omnibus legi, et palam inspicere possit. Verum, quia tot exemplaria in istis partibus vix haberi possunt, ut pio huic tuo desiderio satisfieri valeat; Nobis humiliter supplicari fecisti, ut in præmissis opportunè providere de benignitate Apostolica dignaremur. Nos igitur, Pastorem hanc Fraternalitatis tuæ circa gregem tibi commissum curam et sollicitudinem plurimum in Domino commendantes, hujusmodi supplicationibus inclinati, tibi et impressori tuo catechismum prædictum, tam latinum, quàm in vulgarem germanicum sermonem, per aliquem virum doctum, et in Catholica Religione probatum, fideliter translatum, pro usui tuarum civitatum, Diocesum, et locorum prædictorum, juxta tamen exemplum Romanum, nihil prorsus addito, vel immutato, aut mutato, imprimendi, seu imprimi faciendi auctoritate Apostolicâ tenore præsentium licentiam et facultatem concedimus. Non obstantibus constitutionibus Apo-

Idem hic fieri jubet in Diocesi Paderbornensi & Monasteriensi: eoque sine Pius V. ei concedit facultatem recudendi & evulgandi catechismum Romanum.

Literæ Pii V. ea de re. Habentur in fronte catechismi Romani, à Joanne H. jano editi.

foli-

solis, prohibitionibusque nostris super hoc emanatis, ceterisque contrariis quibuscunque. Datum Roma apud sanctum Petrum sub annulo piscatoris die III Novembris, MDLXXI. Pontificatus nostri anno VI.

Catechism^o
Romanus,
juxta nor-
mam Tri-
dentini
concilii, an-
no sequen-
te editur &
evulgatur
Coloniz.

Acceptâ hac licentiâ catechismus ille prelo statim commissus, & sequenti anno Colonia typis Caleniis latinè evulgatus est cum hoc titulo, fronti præfixo: *Catechismus ex decreto concilii Tridentini ad Parochos, antè quidem Pii V. Pontificis maximi jussu conscriptus; nunc autem in IIII. libros, certâque capita distributus, et summariis capitum, pluribusque ad marginem scripturarum, ac Patrum testimoniis illustratus, nihil interim prorsus in textu addito, imminuto, aut mutato. Mandato et auctoritate Reverendissimi in Christo Patris, S. R. I. Principis et Domini, D. Joannis, ex Comitibus de Hoja, Episcopi Monasteriensis, nec non Osnabrugensis, et Paderbornensis Ecclesiarum, Administratoris perpetui, editus Colonia apud Gerwinum Calenium, et heredes Quentelios, Anno Christi nati MDLXXII.* Neque dubito, quin utilissimum opus illud etiam paulò post pro usu totius populi in linguam germanicam translatum fuerit; nisi forsan præmatura ejusdem Episcopi mors meditatam editionem sufflaminaverit.

Mortuo
Theodori-
co, Plessen-
sium dyna-
starum ulti-
mo, Wil-
helmus
Hassiz
Landgravi^o
dynastiam
Plessensem
occupat.
*Dilich, in
chron. Haj.
Paderborn-
ensis Ec-
clesiæ anti-
quum jus in
eandem
dynastiam.
*vide Scha-
ren. ad an-
num 1015.
*Littera
Henrici IV.
Imperato-
ris de anno
1192.
*Diploma
hoc vide
apud Scha-
ren. ad an-
num 1196.*

Fatalis etiam hic annus fuit perantiquæ dynastiarum Plessensium familiæ; quorum ultimus, nomine Theodoricus, posteaquam è defuncto filio suo Christophoro prolem masculam non recepisset, vitam ac seriem suorum decessorum hoc anno clausit die vicesimâ 2dâ Maji. Dynastiam hanc, arcemque Plessensem continuò post mortem ejus occupavit Wilhelmus, Hassiz Landgravius: quò autem id jure vel obtentu fecerit, nusquam apud auctores mihi notos invenio. Sanè locum istum unâ cum prædiis quàm plurimis ex donatione B. Meinwerici ad Paderbornensem Ecclesiam pertinuisse, liquet ex ejusdem Episcopi vita, quæ tomo I Ss. Junii c. 4. in fine, sic habet: *Episcopus autem de bonis hereditariis in Saxonia positus, urbem sitam in loco, qui Plesse dicitur, cum undecies centum mansis jam antè Ecclesiæ traditis, ipso die (quo* nimirum dedicata est major Basilica) recognoscendo et reiterando Ecclesiæ delegavit et confirmavit.* Ac tamen postmodum anno 1192 Bernardus II. Paderbornensis Episcopus, Plessense castrum Henrico VI. Imperatori cessavit, illudque permutavit cum aliis quibusdam bonis ac prædiis* vicissim redditis; ea tamen permutatio triennio post, nimirum anno 1195, ab eodem Imperatore propter apertam Ecclesiæ nostræ læsionem novo diplomate* revocata & rescissa est, adjectis hîsce verbis: *Mandamus igitur, et districte precipimus, quatenus jam dictus Episcopus, et Ecclesia Paderbornensis castrum Plesse, et universa ejus pertinentia cum omni jure et plenitudine, sicut prius habuerant, deinceps teneant, et in pace possideant, et in nullo unquam in iisdem bonis et castro mole-*

molestantur. Post aliquot deinde annos, uti refert eruditissimus Adolphus* Overham, Plessensis Dynastia ab Episcopo Paderbornensi feudi titulo concessa est familiæ Nobili, à qua Plessenses Dynastæ orti, dictique. Et anno 1300 Joannes Nobilis de Plesse Bernardo Episcopo, & Ecclesiæ Paderbornensi homagium, ut vocant, præstitit* ratione castri Plesse, & villæ Hammenstede, circa festum Ss. Apostolorum Simonis & Judæ. Nec ambiguum est mihi, quin plures aliæ talium infeudationum literæ adhuc inveniendæ sint in archivo nostro Diocesano; dummodo veteres illius tabulæ eo modo, quo tabularium Ecclesiæ Cathedralis, diligenter perquisitæ, & in bonum, perfectumque ordinem redactæ forent.

*in Notis
ad vitam
B. Mein-
weri pag.
351.
*Overham
loc. cit.

Annus Christi 1572.

PII V. Pontificis	ultimus.
GREGORII XIII. Pontificis	1.
MAXIMILIANI II. Imperat.	8. & 9.
JOANNIS II. Episcopi Pad.	5.



Multa & magna hoc anno moliebatur Pius V. Pontifex ad prosequendam superioris anni victoriam, & obtinendas Turcarum vires. At in medio fortunæ cursu pia ejus consilia interceptit præmatura nimis & prope-
ra mors. Mense Januario sanctus vir gravius affligi coeperat ex morbo, quem dysuriam vocant. Ac tametsi non multò post ex eo paululum respirârit; subinde tamen mense Martio & Aprili malum illud longè pejùs recrudit, & accedente senio vires corporis ità enervavit, ut brevi tempore ad extrema deductus, & confuetis Ecclesiæ sacramentis maturè præmunitus, Kalendis Maji beatam animam exhalârit. Papalem ipsius thronum, concordibus omnium Cardinalium votis, eodem mense conscendit Hugo Boncompagnus, electus die decimâ tertiâ Maji, & coronatus die vicesimâ quintâ, in festo Pentecostes: qui assumpto nomine Gregorii XIII. laudatissimè præfuit, vir omni ex parte magnus, & Catholicæ Religionis ubilibet propagandæ studio incensissimus, uti è sequentium annorum decursu manifestum fiet.

Pius V. Papa sanctus, moritur
Kalendis Maji.
Spond. hic n. 5.
Gabur in vita Pii V. to. 1. Ss. Miji. l. 5. c. 5.

In cujus locum eodem mense eligitur Gregorius XIII, dictus antea Hugo Boncompagnus.
Spond. n. 7.

Interea motibus luctuosissimis ardebat Belgium, Albani Ducis ferociâ longè magis, quàm ab infestis Geusis, ad seditiones & furias concitatum. Potuisset ille Regis Philippi nomine tranquillum, pacatumque regimen obtinere; dummodo victoriâ, ante quadriennium contra Geusios obtentâ, paulò moderatiùs novisset uti. At ipse, fastu Hispano tumidus, ac timeri magis, quàm amari cupiens,

Belgæ, propter ferociâ Albani Ducis, non parùm nutant in Fide vel obsequio Regis Hispaniarum.

cupiens, primò in arce Antwerpiana superbum sibi de subacta Nobilitate, populòque Belgico trophæum condidit, non sinè maximâ omnium offensa. Tum deinde ad emungendos provinciarum loculos progressus, inauditum aliquod, novumque tributi genus imperavit: nimirum* ut de omnibus bonis penderetur semel centesima pars; postea verò in quacunque venditione rerum, de mobilibus penderetur decima, de immobilibus vigesima. Quæ omnia cum Albanus imperiosè magis, quàm providè niteretur extorquere; eam sibi invidiam conflavit in populo, durioribus imperiis inassueto, ut ferè jam nihil aliud ad publicam seditionem deesse videretur, quàm novus tympanotriba, qui ferali pulsu commotæ plebis animos ad rebellandum concitaret. Optatissimum id erat Wilhelmo Arausionensi, Geusiorum primipilo (quem vulgò Orangium nominant) credebaturque, jam tempus esse maturandi seditionem illam, quam ante quatuor aut quinque annos frustra coeptaverat. Volabat ad ejus obsequium per Hollandiæ, Frisiæque oras non parva classis prædatoriæ navium ferè quadraginta, jam pridem è rapinis & spoliis victitantium: jamque nihil aliud ad majora tentandum deerat, quàm portus aliquis, è quo & securiùs in Oceanum iri, & urbium vicinarum deditio faciliùs urgeri posset. Hunc autem, ut obtineret, fortuna viam aperuit per Wilhelmum Lumæum, Comitem de Marca, ejusque socios, in mari prædam exercentes. Interceperant hi duas naves pretiosis mercibus oneratas, Hispanicam unam, & Antwerpiensem alteram: de quibus in tutum reducendis deliberantes, adversâ ventorum vi in Voornam, Hollandiæ insulam, propelluntur. Ibi pro mercatoribus tempestate ejectis habiti, periculo in audaciam verso, Brièlam insulæ istius portum adoriuntur: &, priusquam oppidani pro mercibus bellum advehi, intelligerent, insuperabili successu non modo urbem, nemine obsistente, capiunt (quod ineunte Aprili contigit) sed etiam omnes insulanos adigunt, ut, rejectis Albani Ducis imperiis, Wilhelmo Orangio tanquam legitimo Hollandiæ Præfecto, sacramentum dicant.

Mirum! quàm funesta rerum conversio ad occupatæ hujus insulæ famam, veluti ad elatum seditionis inchoandæ signum, toto ferè Belgio derепente consecuta sit. Plures urbiu'm foederatis ultro favere, nonnullæ etiam eos ad se invitare, aliæ inter foederatos, Regiòsque mediæ, nec Albanum pati, nec à Rege suo deficere: paucissimæ sui obsequii & jurisjurandi memores, pro Hispanis libenter arma induere. Flissinga, Zelandiæ portus, in solenni die Paschatis (utì refert Famianus Strada) Hispanicum præsidium ejecit, & in Orangii partes abscessit, ipsòmet parocho, suos-

met

* *Harans in*
ann. brab.
Strada de
bello Belg.
Dec. 1. 1. 7.

Geusii, Lumæo Duce, Brièlam occupant, insulamque totam adigunt in obsequium Principis Arausionensis, quem vulgò Orangiū vocant.
Strada loc. cit.

Harans in
ann. brab.
Multæ urbes Hollandiæ & Zelandiæ, Ducis Albani odio, deficiunt ad Geusios, eorūque Ducem Orangium.
auct. iidem

met subditos inter concionandum adhortante, ut libertatem ab Hispanis læsam vindicarent. Nec multò post exemplum illud cattervatim secutæ sunt Enckhusa, Horna, Alcmaria, Edamum, Guda, Lugdunum, Dordracum, Gorcomium, Harlemum, & omnis ferme Hollandia. Quo autem furore ibidem Geusii in res, personasque Deo sacras debacchati sint, longum esset hoc loco profequi; mihi satis est, paucissimis verbis attingere ea, quæ ab ipsis Gorcomii gesta sunt cum diversis religiosis & sacerdotibus, Catholicæ Religionis odio postmodum trucidatis. Occupaverant hanc urbem Geusii die vicesimâ sextâ Junii; proximâque nocte etiam in arcem, huic urbi contiguam, recepti erant * eâ lege per jusjurandum firmatâ, ut Catholici omnes, qui ibidem erant, salvi & incolumes abire possent. Verum, quæ fides haberi potest hominibus Deo perfidis, gentique non sanctæ? arce deditâ, comprehenduntur illico religiosi omnes & sacerdotes; qui salutis causâ in eam se receperant: nimirum ex Ordine S. Francisci de strictiore observantia P. Nicolaus Picus, Gorcomiensis monasterii Guardianus, cum aliis octo sacerdotibus, ac duobus Laicis ejusdem Ordinis: è Canonicis Regularibus S. Augustini, Joannes Oisterwicanus, Gorcomiensium sanctimonialium Præses: demum etiam è Clero seculari, Leonardus Veccheli, Gorcomiensis urbis Pastor primarius, Nicolaus Poppelius, Pastor secundarius, & Godefridus Dunæus, Presbyter, tenui sacerdotio in eadem Ecclesia præditus. Quindecim illi primùm contra juratam Fidem ab hæreticis crudelissimè habiti, in tetrum, foetidumque * carcerem detrusi, verberibus affecti, pugnis contusi, calcibus impetiti, multisque aliis opprobriis & cruciatibus diu divexati sunt. Deinde nocte illâ, quæ inter diem quintam, * sextamque Julii intercedit, navali itinere Briëlam abducti ad Wilhelmum Lumæum, hominem truculentum, & Ecclesiastici sanguinis profundendi sitientissimum. Qui eosdem rursus acerbissimis ludibriis, contumeliis, & carceribus fatigatos, tandem die nonâ Julii (quâ festum ipsorum ex Ecclesiæ præscripto agitur) unâ cum aliis quatuor aliunde Briëlam adductis, nimirum Joanne, * parocho Hornariensi, ex Ordine S. Dominici; Adriano, Parocho in pago Münster, Ordinis Præmonstratensis, Jacobo Lacopio, ipsius adjutore, ejusdem Ordinis; & Andréâ Walteri, presbytero seculari, Parochoque Heinortensi, iniquissimè necari, & in vicini Rüggenensis monasterii horreo è duabus trabibus suspendi fecit. Omnes illi martyrium hoc fortissimè pertulerunt: nihilque ægrius eosdem habuit, quàm quòd alii duo Franciscani Gorcomienses (quos idcirco è Martyrum sanctorum numero prætermisi) in ipso mortis ingressu Fidem, Ordinemque

Geusiorum furor erga res, personasque Deo sacras, paucis ostenditur ex historia Ss.

Martyrum Gorcomiensium.

* *Estius in hist. Mart. Gorcom. 20. 2. Ss. Julii l. 1. c. 1. & 2.*

* *Estius ib. l. 1. c. 6. & sequent.*

* *Estius ib. l. 3. n. 309. & seq.*

Omnes isti, numero novendecim, fortissimè subeunt martyrium.

Ggg

suum

Alius Fran-
ciscanus
metu sus-
pensionis Fi-
dem abne-
gat; factus
que miles,
eodem an-
no furtorum
causâ sus-
pensionis.
Estius ibid.
n. 319.

Wilhelmus
Comes Ber-
gensis ma-
gnam Gel-
dria, Fri-
siaq; parte
Hispanis
eripit.

Haraeus in
ann. brabant.

S strada de
bello Belg.

**vulgò*

Mons ger-
manicè

Bergen

im Hœne-

gaw.

Montes

Hannonia,

vulgò Mons

auxilio Hu-

gonottorum

capiuntur à

Ludovico

Nassovio:

sed paulò

pòst felicif-

simis initis

obsidentur

à Friderico,

Ducis Alba-

ni filio.

Spond. ad

hunc annu.

n. 2.

Haraeus

loc. cit.

S strada ib.

suum abjurârint. Primus horum erat Henricus, Novitius, octo-
decim annorum juvenis: qui tamen postea juvenilem hunc timo-
rem deflens, ad Ordinem à se desertum rediit, & in eo vitam pien-
tissimè conclusit. Alter, Wilhelmus nomine, erat multorum an-
norum Professus; & idcirco postea divinæ punitionis tristissimum
exemplum fuit. Cùm enim à deserto Ordine ad militiam Geusi-
cam se adjunxisset, in eaque brevi tempore se in omnem vitæ li-
centiam præcipiti lapsu projecisset: eodem anno furtorum causâ
comprehensus est; & suspendium, quod pro Christo subire no-
luit, propter commissa scelera perferre debuit, mense tertio post
necem beatorum Martyrum.

Non minori facilitate procedebant Geusiorum res in Transisa-
lania, Geldria, Frisia, aliisque locis, quæ Germaniam confinem
habent. Nam & ibi Wilhelmus, Bergensis Comes, qui Orangi
sororem duxerat, seditiones contra Albanum cœptas non instre-
nuè promovebat: brevique tempore sic invaluit, ut Zutphania,
Dodecomium, Dûisburgum, Hardevicum, Elburgum, Olden-
salia, Swolla, Vollenhovia, Stayera, & aliæ urbes non paucae, vi
aut metu ad Geusiorum partes pertransiêrint. At nihil æquè in-
ter hæc infausta nuntia Albanum perculit, quàm quòd interim au-
diret, etiam Hannoniæ * *Montes*, urbem amplam ac præmunitam,
à Ludovico Nassovio, Gallorum hæreticorum ope, interceptam
esse. Verebatur enim, ne & Carolus, Galliarum Rex, inter istas
oppidorum & urbium defectiones, velut in amne turbido piscari
vellet: certumque erat, Regem hunc à Gaspare Collignio, Hugo-
nottorum præcipuo duce, persæpe verbis & scripto sollicitatum
esse, ut in hujusmodi tumultibus Belgicis Philippo Regi bellum
inferret, neque tam egregiam victoriarum inibi consequendarum
occasionem è suis manibus elabi sineret. Itaque, ut Albanus pri-
mum ex eo latere periculosius bellum præpediret; neglectâ mari-
timarum civitatum curâ, ad recuperandos Hannoniæ Montes con-
tinuò se accingit, iisdemque obsidendis Fridericum filium, cum
aliqua legionum suarum parte, præmittit, ipse cum exercitu re-
liquo propediem secuturus. Neque defuit fortuna cœptis. Nam
paulò pòst, sex vel septem Hugonottorum millia, quæ Collignius
obfessæ urbi suppetias miserat, à Friderico, Albani filio, die de-
cimâ septimâ Julii ad internecionem delata sunt: & altero mense
pòst, etiam ipse Collignius, acerrimus Belgicorum tumultuum
promotor, unâ cum præcipuis Hugonottorum capitibus trucu-
lentâ morte sublatus fuit. Hujus autem lanienæ series, è Spon-
dano & aliis rerum Gallicarum scriptoribus, ferè in hunc modum
se habuit.

Pro-

Promiserat Carolus, Galliarum Rex, Margaretam, sororem suam, Henrico Navarræo, Regi hæretico; & Gregorius Papa, licet ægre admodum, dispensaverat in impedimento consanguinitatis, quâ invicem obstricti erant. Sponsalia magno apparatu celebrata sunt Parisiis die decimâ septimâ Augusti, & postridie solennes nuptiæ; quibus etiam Condæus & Collignius, cum præcipuis aliis Hugonottorum capitibus, interfuerunt: specie quidem, ut Regis Navarræi nuptias honorificentius concelebrarent; re verâ autem, ut partium suarum vires, frequentiore Nobilium accessu, confirmarent. Quatriduum deinde convivii, choreis, ludicrisque spectaculis, & certaminibus datum est in arce Lupara, quæ Parisiis Regale palatium est, vulgò dictum *le Louvre*. His autem peractis, dum Collignius die vicesimâ 2dâ Augusti ad hospitium se reciperet, pauloque tardiùs ingrederetur propter epistolam, quam legebat; præter omnem expectationem suam sclopeto, è fenestra vicinæ domûs expulso, tangitur: nullo tamen alio nocumento, quàm quòd è manu dextera unus digitus eidem excussus, & in brachio sinistro plaga gravior ipsi inflicta fuerit. Sunt, qui scribant, vulnerationem hanc, biduoque post secutam Hugonottorum præcipuorum cædem, jam pridem antè in secretiori Regis concilio adornatam esse. Sunt etiam alii, qui id apud Spondanum negent; putentque, vulnerationem Collignii, Rege inscio, vel saltem eo non consentiente, nec jubente factam. Ut ut ista sint, jaculator ille statim equo conscenso per posticum fugit; & Carolus Rex, per Collignii nuntios de facinore perpetrato monitus, constantissimè simulavit, sibi nullam percussioneis attendendæ notitiam præluxisse. Quin & faucium perhumaniter invisit Rex; addixitque, modis omnibus laboraturum se, ut percussorem deprehenderet, & injuriam hanc non aliter, ac si ea sibi met ipsi inflicta esset, acerrimè vindicaret. At quia Collignius ne tum quidem à minis abstinebat, oggerebátque Regi, nisi pro adjuvandis Geusiis contra Hispanos arma caperet, eventurum fortè, ut à suis met subditis brevi bellum experiretur: Carolus Rex, pejora veritus, confestim alia consilia cum suis iniit, maluitque periculosum hominem cum suis interimere; quàm ab eo seditio-nem novam cum sui capitis & coronæ periculo præstolari. Itaque statim alterâ die, nimirum vicesimâ tertiâ Augusti, militibus omnibus, civibusque Parisinis mirabili taciturnitate mandat, ut sequenti nocte, quæ diem sancto Bartholomæo sacram aperiebat, audito ad S. Germanum campanæ signo, confestim omnes ad arma currerent; cunctosque Hugonottos, quotquot in urbe degerent, præter Navarrum & Condæum, sinè ullo personarum discrimine

Henricus Rex Navarræ, vir hæreticus, Parisiis agit nuptias cū Margareta regis Galliarum sorore, præsentibus Condæo, Collignio, & aliis primariis Hugonottorum capitibus. Spond. hic n. 11. Buffier. 10. 2. hist. Franc. l. 20. Collignius, peractis nuptiis ad hospitium redux, è vicinæ domûs fenestra duabus glandibus vulneratur. Auctores iidem. Regem ad se venientē verbis minacibus instigat contra Hispanos in Belgio. Spond. ib. Carolus Rex, pejora veritus, notu in festo S. Bartholomæi jubet Collignium & omnes Hugonottos urbe interfici, exceptis Navarræo & Condæo. Spond. hic n. 13 & 14.

cæderent, mactarent, perderent. Initium huic tragoediæ datum paulò post medium noctis: primusque ante omnes gladio ferali cecidit Gaspar Collignius, multis vulneribus confossus, ac deinde è superiore fenestra in subjectam aream præcipitatus. Alteras post eum poenas dedere Franciscus Comes * Rupefucaldius, Telinius Collignii gener, & alii quàm plurimi: ità ut hac unâ nocte è Nobilitate Gallica interfecti esse dicantur quingenti viri, sago, togâq; inclyti; è civibus verò, & reliqua Hugonottorum turba, quorum laniena adhuc triduo continuata est, ferè quatuor millia.

* *Gallicè
Rochefon-
caut, quod
oppidum
latine dici-
tur Rupes
Fucaldi.*

Similis Hu-
gonottorū
cædes ten-
tatur in aliis
urbib' non
paucis.

*Spond. hic
n. 18.*

*Buffier. ib.
n. 5.*

Furor po-
puli in Col-
lignii ja-
centis ca-
daver.

*Spond. n. 13
Buffier. n. 3*

* *Spond. n.
n. 13.*

Parisiensium exemplo protinus ad similem carnificinam concitatæ sunt urbes aliæ non paucae, in quibus Catholici prævalebant: auctorque est Buffierius, Lugduni, Meldis, Burdigalæ, Trecis, Aureliæ, Tolosæ, & alibi, ad viginti quinque Hugonottorum millia pari tumultu interempta esse. At nullus omnium fuit, in quem acerbius à furenti populo desæviturum sit, quàm in Collignium sæpe dictum: cujus poena, etiam ultra ipsam vitam, in cadaver ejus foedissimè prorogata est. Et primò quidem jacentis in area caput à cervice revulsum: deinde corpus truncum, abscissis manibus, ac pudendis, toto triduo per vicos urbis raptatum: postremò etiam ad furcas Monfalconias abreptum, ibique catenâ ferreâ de pedibus suspensum, & igne supposito ustulatum. Quæ omnia suo modo prælagire visus est medicus aliquis probè Catholicus, qui, auditâ ipsius in Ecclesias & sacerdotes Catholicos impietate, biennio prius

ità de eo cecinit:

*Infauſto quòd ſim Colligni nomine dictus,
Haud dubiè dictum calitus eſſe puta.
Seu collum ligno, ſeu collum junxeris igni,
Conueniet rectè nominis hoc etymon.
Jam pridem admiſi, quæ ſunt digniſſima flammis,
Admiſi pariter crimina digna cruce.
Pendebo è ligno, poſito pendebo ſub igne,
Pròque meo referam nomine ſupplicium.*

Orangius,
montenſem
obſidionē
ſoluturus,
auditâ Hu-
gonottorū
& Collignii
cæde con-
feſtim fugit
*Strada de
bello Belg.
Dec. 1. l. 7.*

Famola iſta Hugonottorum cædes (quam & *nuptias Pariſienſes*, & *Matutinas Bartholomæanas*, appellârunt poſteri) plurimum adjuamenti attulit ad occupandos, recipiendosque Hannoniæ Montes, urbem, ut antè diximus, ab Albano Duce, ejusque filio hætenus obſeſſam. Properabat ad eam liberandam Wilhelmus Orangius cum ingentibus equitum, peditumque copiis, quas è terris Proteſtantium contraxerat in Germania: neque dubitabat, quin & Collignius antè dictus è Regno Gallia ſibi non parua Hugonottorum auxilia tranſmiſſurus eſſet. Jamque occupatâ per fraudes Mechliniâ, levioribus quibusdam præliis decertare cœperat cum Alba-

Albano, visurus, an eundem posset è suis castris egregiè præmun-
 nitis in arenam prolicere. At, ubi non multò post è singulari ca-
 strorum Hispanicorum lætitia comperit, memorabilem illam Col-
 lignii & sociorum cædem Parisiis perpetratam esse; desperatâ Hu-
 gonottorum ope, famelicum exercitum à se dimisit, fratrèmque
 Montibus inclusum admoneri fecit, ut salutis, rebûsque suis qua-
 cunque meliore viâ maturè consulat. Ità Montensis urbs tandem
 Septembri mense ad Hispanos rediit; eâque receptâ, etiam brevi
 tempore Mechlinia, Aldenarda, Teneramunda, Zutphania, Swol-
 la, Vollenhovia, Duisburgum, Hardervicum, & aliæ pleræque
 urbes, quæ vel ab Orangio nuper, vel à Comite Bergensi captæ
 erant, ad Hispani Regis obsequium redierunt.

Montes
deduntur
Hispanis,
multæque
postmodum
urbes aliæ,
ab Orangio
& Comite
Bergensi
prius occu-
pata.
Strada loc.
cit.
Hareus in
ann. brabant.

Annus Christi 1573.

GREGORII XIII. Pontificis 2.
 MAXIMILIANI II. Imperat. 9. & 10.
 JOANNIS II. Episcopi Pad. 6.



Carolus IX. Galliarum Rex, Hugonottorum reli-
 quias persecuturus, ineunte hoc anno Sancerram
 simul & Rupellam urbes, ad quas confugerant, bi-
 partito exercitu obsidere cœpit: sed parvo Catho-
 licæ Religionis incremento. Rupella enim, post-
 quam à mense Februario acerrimè se defendisset, sub initium Julii
 novam pacem à Rege impetravit iis conditionibus, ut *Fidei Catho-*
lica cultus ibidem restituatur: cuique tamen in toto Regno concedatur li-
bertas conscientia; et iis etiam Nobilibus, qui maiorem jurisdictionem ob-
tinebant, à Rege permittatur, domi suæ conciones et sacramenta Calvi-
niano ritu celebrare. Nec longè post etiam Sancerrana civitas, ade-
 ptâ religionis & conscientia libertate, in deditioem, gratiamque
 Regis admissa est; multis impensè demirantibus, quòd improvi-
 dus Rex ad ea civium postulata tam facilem assensum dederit. Jam
 enim diuturnâ suæ urbis obsidione ad ejusmodi famem redacti
 erant, ut non modò cattis & muribus; verùm etiam antiquis equo-
 rum pellibus, librorum involucris, animalium capistris, ephip-
 piorum integumentis, imò & brutorum, hominùmque stercore-
 bus vescerentur. Proinde, licet nulla Religionis libertas iisdem
 indulta foret, nihilo minùs, cogente fame, urbem diu pressam de-
 dere, cervicèsq; suas ad Regis obsequium flectere debuissent.

Majori constantia & fortitudine rem Catholicam contra Geu-
 sios promovebat Ferdinandus Dux de Alba, peritissimus bellator;
 sed

Carolus
Galliæ Rex
Rupellam
& Sancerrâ
urbes Hu-
gonottorū
ad deditio-
nem cogit;
sed malè si-
mul per-
mittit
omnibus in
toto Regno
libertatem
conscien-
tia.
Spond. hic
n. 5. 6. & 7.
Bussier. 10.
2. hist.
Franc. l. 20

Ferdinand⁹ sed in homines bello victos nimium truculentus. Postquam is præcedente anno ferè omnes urbes, in terra continente sitas, à Geusiis repurgasset; etiam eas, quæ mari adjacent, & aquatilium Geusiorum sedes erat, pari felicitate aggredi, & ad Regis obsequium cogere, nisus est. Primos illic armorum impetus experta sunt minora quædam oppida: his autem facilius occupatis, exeunte anno superiore, tota belli moles conversa est contra Harlemiam, urbem amplam & locupletem; sed Hispanico nomini summè intensam. Offerebatur hujus urbis incolis præteritorum delictorum venia, dummodo, non expectatâ armorum vi, ad Philippi Regis obsequium se reciperent. At illi, his invitationibus nihil moti, non solum omnia pacis consilia *superbè rejecerunt; verum etiam, ut accipiendæ reconciliationis viam sibi præcluderent, adventu Hispanorum cognito, in primaria urbis templa violenter irruerunt: fractisque Divorum imaginibus palàm contestati sunt, se in posterum, despectâ Religione Catholicâ, nullam ab Hispanico Rege veniam, gratiamque præstolari. Quin & his non contenti, post aliquot menses, dum obsidio ferveret acrius, longè diriori spectaculo Hispanis militibus insultârunt. Nam, ut inquit Famianus Strada, *ludo impio in editioribus mœnium tumultis altaria constituunt, Divorum statuis exornant, supplicantium ritu circumveniunt, sacris vestibus induti: mox etiam ludo isto in furorem verso, stramineas sacerdotum, monialium, et Hispanorum imagunculas è mœnibus ostentatas, flagris cedunt, confodiunt, amputatisque capitibus in castra dejiciunt.* Sed non impunè sic lusum est à sacrilegis ludionibus. Nam ex eo tempore (ut notavit idem Strada) coeperunt Harlemsium res quotidie in pejus ruere, donec tandem post septimum obsidionis mensem, extremâ & lamentabili fame, quâ & proprios calceos & equorum, vaccarumque pelles in cibum coxerant, sese ad arbitrium Hispanorum dedere, coacti sint. Exinde continuato plurium dierum supplicio in præcipua seditiosorum capita gravissimè animadversum: feruntque, è militibus præsidiariis nongentos, è civibus verò, & aliis inquilinis ferme quadringentos, quorum plerique aut hæreseos administri, aut præteritæ rebellionis incentores fuerant, aut ferro plexos, aut laqueo strangulatos, aut colligatis binorum ac binorum dorsis in lacum dejectos, & aquis vindicibus interemptos esse.

tandem vindicante deo coguntur se ad Albani arbitriū dedere, *Haræus & Strada loc. cit.* & scelerum perpetrato- rum pœnas dare, *Auctores iidem.*

Philippus Hispaniæ Rex maritimâ classẽ, aliâsq; maritimas aquatilium Geusiorum sedes, ad imperium, sceptrumque suum revocare; dummodo præstantissimam, quam habebat, classẽ contra perduelles in Oceanum emisisset. Nam hucusque Amstelodamum adhuc manserat Regi Philippo fidum: & Mid-

Middelburgum, primaria Zelandiæ civitas, contra diuturnas Geu- tit ad occu-
 siorum impugnationes fortissimè se defendebat. At ipse, con- pandum in
 temptis rebellium viribus, classem illam præcipiti consilio misit in Africa Re-
 Africam, ad occupandum inibi regnum Tunetanum, olim à Ca- gnum Tu-
 rolo V. genitore suo captum; postea verò per intestinas Mauro- netanum.
 rum dissensiones à Turcis debellatum. Qua ex re, quantum sibi,
 rebûsque suis detrimentum accersiverit, experienciâ nimis funestâ
 & serâ didicit. Licet enim Joannes Austriacus, quem Philippus
 Rex Africanæ huic expeditioni præfecerat, Regno Tunetano feli-
 cissimè potitus fuerit; anno tamen sequente *Hispani rursus toto **Spond. ad*
 eo Regno ejecti sunt à Selymo, Turcarum Imperatore: & interea *ann 1574.*
 per maritimas Belgarum oras diffusi Geusii, qui à prædicta Hispa- *n. 11.*
 norum classe facillimè potuissent opprimi, quotidie majora virium
 suarum incrementa accepere. Errorem hunc Philippi Regis pro- *nec felicior*
 pediem consecutus est error alius, priori non longè minor: nimi- *re consilio*
 rum, quòd exeunte hoc anno Ferdinandum Albanum unà cum Fri- *Ferdinandū*
 derico Filio è provinciis Belgicis in Hispaniam revocârît; substi- *Albæ Ducē*
 tuto in ejus locum Ludovico Requesenio, magno Equitum S. Ja- *è Belgio re-*
 cobi Magistro. Quamvis enim negari nequeat, virum istum in- *vocat, sub-*
 humano, ferocique ingenio suo plurimum nocuisse tranquillitati *stituto in*
 Belgicæ; ex alia tamen parte non minùs certum est, quòd bellandi *ejus locum*
 peritiâ ac felicitate sibi parem vix habuerit. Quare non immeritò *Ludovico*
 censuerunt multi, virum hujusmodi * aut nunquam debuisse mitti *Reques-*
 in Belgium, ne rebellio ista nasceretur; aut nunquam è Belgio di- *enio.*
 mitti, ut rebellio ista faciliùs finem acciperet. **Spond. ad*
hunc annū.

Inter ista Catholicæ Religionis turbamenta Gregorius Ponti- *Gregorius*
 fex, Germanorum periclitantium saluti consulturus, fundavit hoc *Papa XIII.*
 anno Romæ Collegium Germanicum; in quo ejusdem nationis *Romæ fun-*
 adolescentes per assidua doctrinarum studia formarentur ad statum *dar Colle-*
 Ecclesiasticum. Initium saluberrimi hujus operis jam antè fecerat *gium Ger-*
 Julius III. * anno 1552, qui & viginti quinque adolescentes Germa- *manicum.*
 nos, tum suâ, tum aliorum Cardinalium benignitate, ibidem aluit. **Hist. Soc.*
 Sed quia hic nondum stabiles, certosque redditus eidem Collegio *part. 1. l. 12.*
 deputaverat; ipso è vivis evocato, laudatissimæ hujus institutio- *n. 8. & 9.*
 nis primordia * non parum concidere, donec Gregorius XIII. di- **Spond. ad*
 vino consilio ad supremi Pontificatûs apicem proventus est. Is, *hunc annū.*
 cum esset propensissimo in Germanicam nationem animo, non *n. 14.*
 modò jacentem illius Collegii fortunam restauravit; sed etiam in-
 signi liberalitate foundationem ei tam copiosam addidit, ut ex an-
 nuis ejus redditibus ferè centum alumni *perpetuis temporibus in-
 strui, & enutrirî possint. Quâ munificentia plerisque Germaniæ
 provinciis maximopere profuit, effecitque, ut ex eo Collegio post-
 modum,

modum, velut ex equo Trojano, prodiêrunt innumeri viri illustrissimi, qui vel in officio Episcopali, vel certè in Ecclesiarum Cathedralium, aut Collegiatarum subselliis, Catholicam Religionem strenuissimè tutati sunt.

Joannes Episcopus
Monaster.
Osnab. &
Paderbornensis, propter infirmitatem suam urget electionem Coadjutoris.

Ex veter.

MSs.

Monasterii jam ante annum Coadjutor postulat⁹ erat Joannes Wilhelmus Juliz, Cliviz, & monastium Dux.

Annales

Monast.

Paderbornenses & Osnabrugenses recusant Coadjutorem.

Ex veter.

MSs.

Burchardi ab Oberg Episcopi Hildesien-
sis mors, & ejusdem egregia laus.

Ex catalogo recentiore Episcop. Hild.

In Dioecesi nostra Paderbornensi Joannes Episcopus adhuc solerter invigilabat, ne vicinum Lutheranae doctrinae virus in ovile nostrum se infunderet. Pejusculè tamen habere coeperat ejusdem valetudo non parùm inclinata: atque ideo, Catholicæ Religionis conservandæ studio, sollicitè apud suos urisit, ut pro majori securitate Coadjutorem sibi aliquem, tam zelo Fidei, quàm vicinâ potentiâ præditum, legendo substituerent. Propositionem hanc, ut æquitati ac prudentiæ consonam, quantocyus approbârunt Monasteriensis Ecclesiæ Canonici, ideoque & anno præcedente Coadjutorem postulavêre Wilhelmum, Wilhelmi Ducis Clivensis & Juliacensis, filium, tunc adhuc decennem puerum. Contrà verò Paderbornenses, & Osnabrugenses opponebant se huic propositioni, non sinè summo posterioris Ecclesiæ damno, uti prolixiùs videbimus ad annum proximè sequentem.

Hildesiensem Ecclesiam hucusque magno cum fructu rexerat Burchardus ab Oberg, ex antiqua ac perillustri Obergiorum familia Præsul egregiè Catholicus. Erat ille vir excelsi & generosi animi, eâque simul pietate ac devotione præditus, ut in Crypta beatæ MARIE Virginis infra templum Cathedrale, unà cum sacerdote domestico noctes integras precando soleret exigere, etiam in lachrymas, tenerrimæ devotionis indices, persæpe effusus. Initio Pontificatûs aditi (quod ob diuturnas dissentientium Canonorum altercationes non nisi sexennio post ejus electionem contigit) omnium Ordinum sacerdotes & Clericos, ad se convocatos, magnificâ, & Episcopo dignâ oratione ad vitam & mores Clericali statui consentaneos, ardentissimè cohortatus est. Sonum campanarum ad officia divina convocantium, supplicationes publicas, psalmodiam, & cantum solennem Ecclesiarum, aliâque pietatis exercitia, pluribus jam antè annis intermissa, summo Catholicorum gaudio, ad usum pristinum revocavit. Arcem Stürwaldensem, ab inutili decessore suo Friderico malè oppignoratam, triginta sex imperialium millibus redemit: ac tandem senio, curis, & laboribus confectus, in eadem arce Stürwaldensi hoc anno pientissimè expiravit die vicesimâ tertiâ Februarii. Cadaver ejus quadriduo post, magno omnium Ordinum ac Prælatorum comitatu, Hildesium ad ædem Cathedralē deportatum, & ibidem haud procul à sacrario sepultum est cum hac inscriptione cippi mortualis:

Hic jacet Hildesia Præsul Borchardus ab Oberg:

Ille Pater patriæ est, Altitonantis ope.

Se-

Sedes Episcopalis ab ejus obitu vacavit solum per dies duodecim; septimâque die Martii in demortui locum susceptus est Ernestus Bavarus, Alberti Bavarie Ducis filius, & Episcopus Frisingensis: qui sequentibus annis etiam Coloniensem, Leodiensem, & Monasteriensem infulas, in suum unius caput, ob singularem Catholicæ Religionis integritatem, comportari vidit, uti suo loco memorabitur.

Cui in Episcopali cathedra successit Ernestus Dux Bavarie.
Ex eodem Catalogo.

Annus Christi 1574.

GREGORII XIII. Pontificis 2. & 3.
MAXIMILIANI II. Imperat. 10. & 11.
JOANNIS II. Episcopi Pad. ultimus.



IN Regno Gallie omnia turbata erant post concessam Hugonottis libertatem conscientie. Detecta adversus Regem periculosa multorum conspiratio, in quam & ipse Regis frater Franciscus Alenzonius à sectariis, & malè contentis pertractus erat: eâ specie quidem, ut suam, Regisque matrem unâ cum Guisii, aliisque exteris rerum publicarum administratione pellerent; reverâ tamen, ut ejectâ Religionis Catholicæ doctrinam Calvinianam toto Regno stabilirent. Capti è conjuratis plurimi, variisque suppliciis affecti: Alenzonius, & Rex Navarre in libera custodia detenti: Henricus Condæus in Germaniam fugiens Argentorati latibulum invenit. In alios dum inquisitio severa fieret, ipsemet Galliarum Rex Carolus IX (quem ab aliquo tempore infirmior valetudo prefferat) die tricesimâ Maji in festo Pentecostes obiit, nullâ prole masculâ è legitimo conjugio post se relicta. Successit in thronum ejus Henricus III, Regis defuncti frater, natu major, qui eodem hoc anno Poloniae Rex coronatus erat Cracoviae in festo S. Matthiae Apostoli. Et ille statim, relictis inquietorum Polonorum rebus, in Galliam se recepit, ubi mense Februario sequentis anni in urbe Remis, consueto Regum Francorum ritu, inauguratus est.

In Gallia consurgit nova multorum conspiratio adversus Regem.
Spond. hic n. 3.
Buffier. n. 11.
Hac detectâ & puniri coepit, Carolus IX. Gallorum Rex è vivis evocatur:
Spond. hic n. 4. & 5.
Buffier. ib.
Cui succedit Henricus III. Regis defuncti frater, jam coronatus Poloniae Rex.
Spond. n. 6.

In Belgio quoque Hispanos inter & Geusios adhuc utrimque fortuna procedebat ambiguis passibus. Etenim Geusii navali praelio devicerunt Hispanos, cum hi annonam ac militem conarentur inferre Middelburgo, ultra annum à Geusis obfesso, pauloque post iisdem dedito. Contra verò Hispani campestri praelio ita Geusios & eorum auxiliares prostraverunt in Geldria prope Mockam pagum, ut supremi ipsorum duces, nimirum Christophorus Palatinus, Ludovicus Nassovius, ejusdemque frater Henricus Nassovius, ac ferè

In Belgio Hispani à Geusis vincuntur praelio navali; sed paulo post eosde egregie vincunt praelio

Hhh

omnes

campestri,
caelis eo-
rundem
præcipuis
ducibus.

Spond. hic
n. 10.

Harans in
ann. brab.

*Spond. hic
n. 11.

Joannes E-
piscopus
Monaster.
Paderborn.
& Osnab-
rugensis
moritur die
9. Aprilis.
Ex Annal.
Monaster.
mss. & aliis
veteribus
chartis.

Ejusdem se-
pultura.
Ex Annal.
Monast.
mss.

Et egregius
zelus pro
tuenda Fide
Catholica.


omnes legionum Præfecti ibidem occubuerint. Ex aliis militibus gregariis periêre circiter quatuor millia, capti ferè trecenti, reliqui derelictis omnibus impedimentis ac triginta signis militaribus, in præcipitem fugam dissipati. Jámque ad subigendos Geusios maritimos, utpote re navali superiores, id unum deerat, ut Hispana classis, quæ anno superiore in regnum Tunetanum iverat, hoc anno in Hollandiæ, Zelandiæque oras procurreret. At illa in Siciliæ finibus colligebat se contra Turcarum classem, Tunetano* Regno incumbentem: quæ & regnum illud, priusquam Hispana classis adveniret, velocissimè recepit; adeoque sumptus omnes, priori anno in Tunetanam expeditionem à Rege Catholico factos, ad nihilum redegit. Ità nimirum persæpe accidit, ut, qui foris nova regna quærit, domi suas ditiones amittat.

Inter hæc Dioecesim nostram, imò totam ferè Westphaliam, non parùm hoc anno contristavit improvisa ac nimium præmatura mors Joannis de Hoja, Paderbornensis, Monasteriensis, & Osnabrugensis, Ecclesiarum, Episcopi. Coeperat hic à biennio circiter non modò lentâ absumi tabe; sed etiam affligi simul epilepsiâ, morbove Herculeo. Cúmque malum istud rediret crebrius & magnâ vi; tandem & viribus fractus, & nimio mœrore consumptus, extremum sibi diem appropinquare sensit in arce Ahusana. Illuc igitur ex urbe Monasteriensi accersi jussit Ecclesiæ Transaquensis Decanum, Melchiorem Ruperti, virum eruditione pariter ac religione spectatissimum: à quo consuetis omnibus Catholicæ Ecclesiæ Sacramentis maturè præmunitus, inter ardentes erga Deum affectus placidissimè exspiravit die quintâ Aprilis, anno ætatis quadragesimo quinto. Funus ejus magnis honoribus deportatum est Monasterium Westphaliæ, ibique in Ecclesia Cathedrali conditum ad latus Australe chori: multis acerbè deplorantibus, in uno Principe tam innumeras naturæ, gratiæque dotes unâ simul in terram defodi. Nam præter egregiam septem linguarum peritiam, non modò in jure civili & Canonico; sed etiam in studiis Theologicis, rebûsque omnibus ad Fidem ac disciplinam Ecclesiasticam pertinentibus, apprime versatus erat. Quàm verò probè & integre semper steterit pro tuenda, retinendâque in suis terris Religione Catholica; sole clariùs elucescit partim ex omnibus ipsius actis, partim ex decreto 2dæ synodi Osnabrugensis de anno 1571. In hoc enim præter alia complura, quibus miserabilem Osnabrugensis Ecclesiæ statum in-eufabat, ità de se ipso loquitur: *In hoc tam deplorando rerum statu, si quid à nobis oppressæ Ecclesiæ adjumenti potuisset adferri, officio nostro nequaquam nos defuturos fuisse, existimari debet. Illud certè, quod unum istis temporibus vel maximè subditos movere posse arbitrabamur, studiosè,*

dili-

diligentérque præstitimus; ut videlicet ab omni hærescos suspitione alieni, sanctam Catholicam Fidem et Religionem palàm ac publicè constanti, infractòque animo, prædicaremus, profiteremur, atque etiam sequeremur, (cujus rei testimonium omnes, qui nos vel publicis, vel privatis in rebus paulò noverunt familiariùs, facillimè nobis perhibere poterunt) existimantes futurum, ut hoc nostro exemplo, si nulli alii, saltem subditi nostri, qui variis doctrinis à via veritatis abducti essent, excitati, ad gremium matris Ecclesiæ redire satagerent. - Præfuit Osnabrugi annis viginti & uno, Monasterii septem & aliquot mensibus, Paderbornæ sex & paulò ampliùs. Breve ejus encomium complectuntur hi pauci * *Kerffenb. in catal. Ep. Pad.* versus, ex Kerffenbrochio * desumpti, & paululùm emendati:

*Hic jacet Hojana Præsul de stirpe JOANNES,
 Qui fuit Aonidum, Picridùmque decus.
 Religionis erat rigidus defensor ævita,
 Quæ tanto hinc semper vindice tuta stetit.
 Bis tribus ad Paderam, vix ultra, præfuit annis;
 Ac mœstâ demum tabe necatus obit.*



SALENTINUS

Comes de Ilenburg,
 ARCHI-EPISCOPUS COLONIENSIS,
 ET
 ECCLESIAE PADERBORNENSIS
 EPISCOPUS XLIII.


Annus Christi 1574.

GREGORII XIII. Pontif. ut suprà.

MAXIMILIANI II. Imper. ut suprà.

SALENTINI Episc. Paderb. 1.

Monasterii
 defuncto
 Joanni Epi-
 scopo suc-
 cedit ejusdē
 Coadjutor,
 Joannes
 Wilhelm^o,
 Cliviae dux
Annales
Monast.
Chytra^o ad
hunc annū.



Osnabrugi
 magno isti^o
 Ecclesiae
 malo po-
 stulatur
 Henricus
 Saxo-Law-
 enburgic^o,
 Bremensis
 Archiepi-
 scopus Lu-
 thero dedi-
 tus.
Annal. Of-
nabr. mss.

Defuncto Joanne Episcopo, Monasteriensis Ecclesia faciliè recepit constitutum antea Coadjutorem ejus, Joannem Wilhelmum, Juliae, Cliviae, & Montium Ducem, Wilhelmi Ducis adhuc viventis filium. Sed quia is adhuc admodum juvenis, & nondum duodenario major erat: eidem adjunctus est Conradus de Westerholt, majoris Ecclesiae Scholasticus, & quidam alii non solum à Capitulo; sed etiam ex equestri Nobilitate praelustres viri, qui Monasteriensem Dioecesin per octo annos nomine ipsius regerent. Eadem gubernandi methodus etiam inducenda fuisset in Dioecesin Osnabrugensem, si & ibi Cathedralis Ecclesiae Canonici, quemadmodum rogati erant, in praedictum Joannem Wilhelmum sua vota contulissent. At ipsi, nescio quibus vel promissis irretiti, vel heterodoxae doctrinae illecebris invitati, magno istius Ecclesiae malo sua vota converterunt ad Henricum Saxo-Lawenburgicum, tunc Bremensem Archiepiscopum; sed erroribus Lutheranis deditum, & Catholicæ Religionis osorem pessimum. Qua de causa nunquam à Sede Romana agnitus, aut confirmatus est.

Mul-

Multò circumspēctiūs Paderbornæ apud nos egerunt Cathedralis Ecclesiæ nostræ Canonici, quibus antiquæ Religionis Catholicæ vigor adhuc majori in pretio erat. Hi enim, indicto Capitularium suorum conventu, die vigesimâ primâ Aprilis concordibus votis postulavêre Salentinum Comitem de Isenburg, primævæ Religionis cultorem studiosissimum. Præfuerat hic jam à septem annis Metropolitânæ Ecclesiæ Colonienfi : intereâque se, tam in rebus Ecclesiasticis, quàm in profanis, adeò præclarè sancteque gesserat, ut inter optimos istorum temporum Antistites non immeritò censerì posset. Unde etiam Gregorius Papa, licèt eum sacerdotii expertem esse, non ignoraret, ei faciliè confirmationem Apostolicam impertivit, cum plenaria potestate, ut ea, quæ sunt Ordinis Episcopalis, per Antistitem suffraganeum expleri faceret. Ecce hîc Papales *litteras, die 4tâ Septembris Romæ datas :

Venerabili fratri Salentino Archiepiscopo Colonienfi, Gregorius Papa XIII. Venerabilis frater, salutem et Apostolicam benedictionem. Cùm, sicut accepimus, nuper Dilecti filii Decanus et Capitulum Ecclesiæ Paderbornensis, Ecclesiâ ipsâ tunc per obitum bonæ memoriæ Joannis olim Episcopi Monasteriensis, qui, dum viveret, ex concessione Apostolica eandem Ecclesiâ Paderbornensem in administrationem obtinebat, extra Romanam curiam defuncti, Pastoris solatio destitutâ, Te, qui Ecclesiæ Colonienfi ex simili concessione Apostolica præes, etiam in Episcopum Paderbornensem postulaverint: Nos, qui pro nostri universalis Pastoris officii sollicitudine utilitati Ecclesiarum omnium, præsertim Cathedralium, quantum cum Deo possumus, his potissimum turbulentis et periculosis temporibus, ne illæ longæ vacationis exponantur incommodis, nève propterea in spiritualibus aut temporalibus detrimenta patiantur, diligenter providere studemus, sperantes, quòd, dirigente Domino actus tuos, præfata Ecclesiâ Paderbornensis sub tuo felici regimine utiliter regetur, et prospere dirigetur: Te dictæ Ecclesiæ Paderbornensis in eisdem spiritualibus et temporalibus Administratorem auctoritate Apostolicâ tenore præsentium ad nostrum et Sedis Apostolicæ beneplacitum facimus, constituimus, et deputamus. Tibique possessionem ipsius Ecclesiæ Paderbornensis et illius bonorum, seu quasi, vigore præsentium per te vel alium, quem ad hoc duxeris deputandum, capiendi et retinendi, nec non illius mensæ Episcopalis fructus, redditus et proventus, petendi, exigendi, et percipiendi, ac debitis consuetis ipsius Ecclesiæ Paderbornensis supportatis oneribus, quod supererit, in tuos licitos et honestos usus convertendi, ac Pontificalia officia, quo ad ea, quæ sunt Ordinis, durante tuâ administratione hujusmodi, per suffraganeum à te deputandum in civitate et Diocesi Paderbornensi exerceri faciendi, ceteraque in præmissis et circa ea necessaria seu quomodolibet opportuna gerendi, mandandi, et exequendi, plenam et liberam facultatem

et

Paderbornæ postulatur Salentinus Comes de Isenburg Colonienfis Archiepiscopus, vir probè Catholicus, Kerffenbr. incatal. Ep. Paderb. Chytraus, & vetera m/s Pad. Qui & eodem anno confirmatur à Gregorio XIII. Pontifice: *Ex Archiv. Cath. Eccl. Pad.

et potestatem concedimus. Mandantes dilectis filiis Capitulo et Vasallis dictæ Ecclesiæ Paderbornensis, ac Clero et populo civitatis et Diocesis Paderbornensis, ut juxta presentium tenorem tibi, tanquam Ecclesiæ hujusmodi Administratori, ac Patri et Pastori animarum suarum, humiliter intendentes, exhibeant tibi obedientiam ac reverentiam debitas ac devotas: Vasalli verò et subditi consuetæ servitia et jura tibi ab eis debita integre exhibere, procurent. Non obstantibus Apostolicis, in provincialibusque et synodalibus ac generalibus conciliis, editis specialibus vel generalibus constitutionibus et ordinationibus, et Ecclesiæ Paderbornensis prædictæ, etiam juramento, confirmatione Apostolicâ, vel quâvis firmitate aliâ roboratis statutis et consuetudinibus, privilegiis quoque, indultis, et literis Apostolicis illi concessis et confirmatis, --- ceterisque contrariis quibuscunque. Hortamur igitur te plurimum in Domino, ut hoc munus regenda et administranda Ecclesiæ Paderbornensis, tuis per nos impositum humeris, sic exercere studeas sollicitè, fideliter, ac prudenter, quòd illa, sicut speramus, provido et fructuoso Administratori gaudeat se commissam; Tuque in nostro et ejusdem Sedis conspectu te semper meritum præmiis digniorem constituas, Nosque proinde ad uberiores gratias tibi faciendas per amplius invitamur. Datum Romæ apud S. Marcum sub annulo Piscatoris die IIII. Septembris MDLXXIII. Pontificatus nostri anno tertio.

Ac dein die
9. Decem-
bris solenni
pompa Pa-
derbornam
ingreditur.
Kerffenbr.
in catal.
Ep. Pad.
Chytra^o l.
23. Saxon.
& vetera
mss. Pad.
ejusdem ju-
rumentum,
eâdem die
præstitum
de tuendis
Ecclesiæ
Paderbor-
nensis juri-
bus.
Ex archiv.
Cath. Eccl.
Paderb.

Post hæc Salentinus, commissæ Diocesis possessionem aditurus, die nonâ Decembris cum egregio mille equitum comitatu Paderbornam ingressus est. Et quia nondum sacerdotio initiatus erat, non in habitu Episcopali (ut veteres Episcopi solebant) sed in veste militari, totusque cataphractus & obarmatus, Cathedralē Basilicam subiit, ut vel hoc ipso apparatu Martio Paderbornensibus civibus, aliisque subditis commonstraret, se pro Ecclesiæ sibi commendandæ juribus, veterique Fide Catholica, quantum in Domino posset, constanter pugnaturum. Id quod etiam eâdem die in domo Capitulari pollicitus est per solenne juramentum; cujus primam, ultimamque partem, brevitatis confectandæ studio, juvat hîc apponere:

NOs Salentinus, Dei gratiâ sanctæ Coloniensis Ecclesiæ Archiepiscopus, sacri Romani Imperii per Italiam Archi. Cancellarius, Princeps Elector, Westvaliæ et Angariæ Dux, Administrator Paderbornensis etc. Redditus Episcopi Paderbornensis, et Episcopalis mensa ejusdem, non alienabimus; sed integraliter conservabimus: alienatos pro posse nostro recuperabimus, nec recuperata alienabimus. Præpositum, Decanum, et Capitulum, ac singulos de Capitulo et Ecclesiâ Paderbornensi, in disciplina, in jure suo, in libertatibus et consuetudinibus licitis et honestis conservabimus; et universa bona, ad Capitulum et singulos pertinentia, sicut nostra conservabimus ac defensabimus. etc. --- Omnia et singula suprâ dicta

dicta Nos Salentinus Archiepiscopus et Administrator suprâ dictus libenter servabimus, et Capitulo nostro Paderbornensi promittimus. Sic nos Deus adjuvet et sancta Dei Evangelia. Datum sub nostro sigillo et manûs nostræ propriæ subscriptione, die jovis, nonâ mensis Decembris. Anno Domini millesimo quingentesimo septuagesimo quarto.

Annus Christi 1575.

GREGORII XIII. Pontificis 3. & 4.

MAXIMILIANI II. Imperat. 11. & 12.

SALENTINI Episc. Paderborn. 1. & 2.

Reserata à Gregorio summo Pontifice ante annum in Jubileum celebratur Romæ in solito accursu hominum. Spond. ad hunc ann. pervigilio Nativitatis Domini consueto ritu januâ sanctâ Ecclesiæ Vaticanæ ad obtinendas toto hoc anno indulgentias jubilei, ingens nunc quorumvis hominum Romam accursus ex omnibus Europæ regionibus; quin & ex Æthiopia, Arabia, Armenia, Græcia, aliisque provinciis orientalibus tantâ multitudine, ut centena millia toto jubilei tempore Romæ numerata fuerint. Placuisse pietatem Superis ex eo arguebant plurimi, quòd Romanam urbem immunem servârint sævissimâ peste, quæ per varias Italiæ urbes, totâque Sicilia grassabatur; & quamvis complures ex contagiosis locis Romam adirent, nihil tamen contagionis ab his allatum fuit, quod in tanta populi frequentia multis miraculo visum simile. Obiit tamen ibidem *Pighius in Her. prodicio. ex peregrinis Germaniæ Proceribus Carolus Fridericus, Wilhelmi Cliviæ, & Juliæ Ducis, filius primogenitus, consumptus febre in flore ætatis, de cujus vita & præclaris dotibus & quanto cum luctu Domûs Clivenfis decesserit, alibi dicitur.

Cùm Romæ cum in modum ferverent pietatis exercitia, Maximilianus Imperator pacis negotia cum Geusiis tractanda sumpsit; eaque de causa misit illuc Guntherum Comitem de Schwartzenburg, quem ideo valiturum autoritate & gratiâ apud Orangium putabat, quòd hujus soror Gunthero in matrimonium collocata esset. Guntherus igitur re cum Requesenio, Belgii gubernatore, communicatâ, se itineri dedit Dordracum versùs, eoque adnitate congressus ambarum partium 2 Martii institutus est in urbe Bredana, ad quam diversi tam Catholicorum quàm Geusiorum Legati convenère. Sed pacis desiderio majore, quàm spe, & fructu: quàm primùm enim novæ offensionis lapis positus à Geusiis, postulantibus, ut Hispani tanquam exteri toto Belgio excluderentur; totùmque negotium, tum de rebus ceteris, tum de Religione tractan-

In Belgio congressus de pace intus successus irritus dissolvitur.

Spond. hic n. 3.

Haras in ann. brabant. Chytrani in Saxon. ad hunc annum.

standum daretur convocatis omnium provinciarum Proceribus; id, cum à Philippo Rege negaretur, asserente, Gallos, Germanos, Anglos, ac ceteros, qui Orangio militarent, potius exteros habendes, non verò Hispanos, qui non minùs, quàm ipsi Belgæ ad ditionem Regis pertinerent; neque generalem Provinciarum conventum, nisi arma priùs poneret Hollandia, ac Zelandia, à se permissum iri; Indè jam de futuro infelici totius congressûs eventu existimari facilè poterat; proposita tamen ad tentandos animos hæc concordie capita: *privilegia, leges, ac jura omnia conservarentur. Erepta utrimque, quæ extarent, restituerentur. Captivi sine pretio dimitterentur; ità tamen, ut urbes, arces, munitiones, naves, machinæ bellicæ, Regi bonâ fide traderentur, et Religio Catholica Romana ubique et NB sola constitueretur; permissio iis, qui cam profiteri nollent, bonis suis intra certum tempus divenditis, aliò migrare.* Hoc ultimum maximè Geusios pungebat, qui pertinacibus animis exercitio suæ Religionis retinendo inhærebant, obfirmati, nec deserere Belgium, nec à possessione bonorum decedere. Igitur conventus ille post inanes trium, quatuorve mensium consultationes dissolutus est. Præcipua tamen impeditæ hujus pacificationis causa meo judicio fuit, Orangiæ Principis obstinatio, qui, ut antiquæ Fidei æternum valediceret, eodem illo tempore, dimissâ legitimâ conjuge suâ, novo matrimonio sibi devinxerat Charlottam Borboniam, virginem Deo consecratam, & coenobii Jotrensis ex Ordine S. Benedicti Abbatissam profugam. Ità novis istis quinti Evangelii sectatoribus omnia, quæ libent, licent; neque ampliùs apud eos valet illud Ecclesiastæ: c: 5 v. 3. *Si quid vovisti Deo ne moreris reddere, displicet enim ei infidelis et stulta promissio*

Hæc Geusiorum in recusanda pace pertinacia non impunita mansit; finito enim congressu, cum arma resumerent, solito infeliciùs pugnatum est. Præter nonnulla oppida in Zelandiæ insulis amissa, ex toto ferè continente in eas conjecti sunt angustias, ut viribus suis diffidentes, ad potentioris vicini Principis auxilia, ne penitus interirent, confugere, necessum duxerint; atque in primis Elisabetha, Angliæ Regina, opem rogata, tametsi initio difficilior videretur magnorum bello gerendo sumptuum metu, & inimicitias Hispanorum verita, post tamen suppetias non parvas addixit.

Rudolphus
Maximilianus II. filius
Ratisbonæ
eligitur &
coronatur
Romanorum
Rex.

Sereniorem hoc anno fortunam vidit Maximilianus II. Imperator in comitiis Ratisbonensibus, pro deligendo novo Romanorum Rege, cum ejusdem assensu habitis. Proposuerat ibi Cæsar vires suas jam deficere, seseque ex earum imminutione non immeritò suspicari de suæ mortis proximitate; proinde ut Electores per

per novam electionem tranquillitati Germaniæ maturè consulant, *Spond. hic*
 sibi maximè in votis esse, longèque jucundissimum sibi fore, si Ru- *n. 9.*
 dolpho filio suo, jam creato Bohemorum & Hungarorum Regi, co- *Chytraus*
 ronam Imperii decernant. Quæ propositio, cùm ab omni septem- *in Sax. ad*
 virorum, Principumque coetu maximopere laudaretur, Rudol- *hunc ann.*
 phus antè dictus, viginti quatuor annorum Princeps, die vigesimâ *& alii.*
 septimâ Octobris Romanorum Rex pronuntiatus, & Kalendis No-
 vembribus in festo omnium Sanctorum, cum ingenti Cæsaris læti-
 tia, coronatus est.

Optatissima quæque sibi pariter per hæc tempora Dioecesis no-
 stra Paderbornensis sub auspiciis novi Episcopi pollicebatur; nisi
 quòd non parùm anxia esset ob pestem in vicinia grassantem, ne &
 illa in hanc urbem, totamque patriam proferperet ex civitate Mo-
 nasteriensi, quam ab hoc anno per biennium ferè miserandum in *Pestis in ur-*
 modum afflixit, tantamque de medio sustulit hominum multitu- *be Mona-*
 dinem, ut contumulandis cadaveribus ingentes ruri fossas agere, *steriensi.*
 necessum fuerit. Accessit alius in eadem urbe timor, ortus ex ru- *Stangefol.*
 more sparso, cogitare Joannem Wilhelmum, quem præcedente *chron. Mo-*
 anno ad Monasteriensem insulam pervenisse, diximus, abdicato *naß. ms.*
 Episcopatu redire ad Clivensem domum inito matrimonio propa-
 gendam, postquam Carolus Fridericus trater, designatus familiæ
 propagator, Romæ obiêrat. Ex eo ob evidentissima introducen-
 dæ hæreseos pericula non parvæ difficultates in eligendo novo, pro-
 batæque Religionis Antistite, orituræ timebantur, qua de causa
 abdicatio Episcopatus **in decennium ex voluntate summi Pontifi-*
 cis dilata fuit, uti triennio post videbimus. **chronicon*
Monast.

Annus Christi 1576.

GREGORII XIII. Pontificis	6.
MAXIMILIANI II. Imperator.	12.
RUDOLPHI II. Imperator.	1.
SALENTINI Episc. Paderb.	2. & 3.

Urbatissimus rerum status hoc anno visus est in toto *Requeseni*
 Belgio. Ludovicus Requesenius, Provinciarum ista- *gubernator*
 rum gubernator, sub exitum præcedentis anni non *Belgii, inter*
 parvos armorum progressus fecerat in una Zelando- *felices ar-*
 rum **insula*, cui nomen Scaldia, vulgò *Schowen*. Jámque aliis mu- *armorum*
 nationibus, urbibusque occupatis, castra moveri jusserrat ad prima- *progressus*
 riam illius urbem Ziriczeam, cujus obsidio usque in æstatem hujus *moritur.*
 anni protracta est. Eâ durante, vir ille præstantissimus die sextâ **Harans in*
ann. brabant.
ad an. 1575

Ziriczæa
Zelandiæ
urbs ab Hi-
spanis ad
deditionem
cogitur, tre-
pidante
cum suis
Orangio.
*Hæc ad
hunc annũ.
Strada de
bello Belg.
Hispani in
seditionem
versæ, Bra-
bantiam,
Flandriam-
que Regi fi-
dam co-
nantur ex-
pilare.*

Unde com-
moti Belga-
rum Proce-
res, foedere
cum Geu-
siis inito,
nituntur
eos expel-
lere toto
Belgio.
*Antiores
iidem.
Chytræ l.
23. Saxo.
ad hunc
annum.*

Henricus III.
Galliæ Rex
ab Alenzo-
nio fratre,
& Henrico
Principe
Condæo

Martii pestilenti febre sublatus obiit; & rerum administratio à Philippo Rege tam diu commendata est concilio Statuum, donec alius gubernator mitteretur. Latè hoc nuntio Belgarum Proceres obfidionem Ziriczææ vehementer promovent; eaque demum expugnatâ, in tantum pavorem coniecere Geusios cum Orangio ipso-
rum duce, ut, qui antea Bredanam pacificationem rejecerant, nunc in eam facile consensuri viderentur. Considerabant enim, Ziriczæâ captâ totam Scaldiam in manibus Hispanorum esse, Totam insulam huic vicinam in Regis obsequio perstitisse, ac proinde Zelandiam reliquam istarum insularum interjectu ab Hollandia separari: his autem ab auxilio mutuo impeditis, & hanc & illam facile ab Hispanis recuperatum iri; præsertim cum in Hollandia adhuc urbes variæ, maximèque Amstelodamum & Harlemum, ab Hispanis tenerentur. Sed præclaras hujusmodi spes derepente rursus intervertit inopina militum Hispanorum seditio. Isti enim rapacissimi socii Ziriczæâ deditâ, priusquam victoriæ continuandæ causâ in vicinam Walachriam se transportari sinerent, residuorum stipendiorum causâ ferocissimè in suos duces insurrexere: & quia tot pecuniæ tam celeriter ab iis expediti non poterant; expilatâ, relictâque Scaldiâ, turbulento impetu in Brabantiam, vicinamque Flandriam proruperunt, ibidem undique hostiliter discurrentes, ex urbium ac pagorum spoliis crumenam suam repleturi. Tum verò Belgarum Proceres, qui jam antè similibus rapinis non semel irritati, ideòq; & militum Hispanorum ferociam perosi erant, collatis inter se capitibus tandem de Hispanis toto Belgio expellendis agere, ad arma convolare, militem conscribere, Orangium cum suis invocare, ac demum eò furoris devenire, ut percussio cum Geusii foedere semet invicem adjuvare, & unitis viribus in Hispanos ire, constituerint. Huic autem iniquissimo foederi, quod in urbe Gandaveni, sexto Idus Novembris conclusum est, non modò subscripserunt Ordines Catholici; verum etiam (quod mirè) nonnulli Abbates, ac Prælati Ecclesiastici, putantes, conscientia suæ per hoc satis factum esse, quòd in foederis antè dicti tabulis expressè caverint; *ne quid in Belgio Catholico ab Hollandis, Zelandisque Geusii contra Catholicam Religionem aut ejus exercitium attentetur.* At hîc ipsi postmodum serò nimis experti sunt, nullum foedus tolerabile vel securum esse, quod oves cum lupis ineunt.

Neque pacatius hoc anno fuit Regnum Galliæ, in quo Catholicam Religionem eversum ibant Henricus Princeps Condæus, & Franciscus Dux Alenzonius, Regis Henrici frater. Prior horum, cum ante biennium conspiracyonis detectæ causâ in Germaniam fugisset, ibidem cum Joanne Casimiro, Palatini Electoris filio, ingen-

gentem conscripserat exercitum, quem viginti duo millia peditum, ^{cogitur ad} equitumque Germanicorum fuisse complexum, asserunt. Cum his ^{perniciosis-} per initium hujus anni magnis itineribus * properat ad Alenzoni- ^{simam pa-} um; qui & ipse belli concitandi causâ præterito Septembri ex au- ^{cem ineun-} la fraterna fugiens, non parvas armatorum copias collegerat in re- ^{dam cum} gno Galliæ. Conjunctione amborum factâ circa undecimam diem ^{Hugonot-} Martii, numerata sunt in toto exercitu plûs quàm triginta selectis- ^{tis;} ^{Spond. hic} ^{n. 3.} ^{Buffier. 10.} ^{2. hist.} ^{Franc. l. 20} simorum virorum millia. Quibus cùm Henricus Rex parem exer- ^{* Spond. hic} ^{n. 4.} ^{Buffier. loc.} citum tam celeriter opponere non posset; avertendæ hujus inva- ^{cit. n. 19.} sionis causâ, tandem mense Majo ad propudiosam, reique Ca- ^{tholicæ} nocentissimam pacem* adactus est: nimirum, *ut Hugonot-* ^{tis in toto Regno permittatur facultas libera, non modò suam Religionem} ^{exercendi; verùm etiam congregandi et celebrandi synodos. Ut iidem cit. n. 19.} ^{non minùs, quàm Catholici ubivis admittantur ad honores et magistratus} ^{publicos. Ut in supremis Regni tribunalibus (quæ parlamenta vocant)} ^{pari numero constituantur judices è Catholicis et Hugonottis. Ut nihil con-} ^{troverſiæ moveatur contra sacerdotum et monachorum conjugia jam con-} ^{tracta; eorùmque liberi censeantur tanquam legitimi. Postremò etiam,} ^{ut Alenzonio tribuatur Ducatus Andegavensis cum pensione annua cen-} ^{ties millium aureorum etc. Sed hæc repentina & coacta pacificatio} ^{Quæ tamen} ^{intra annũ} ^{rursus dis-} ^{soluta est.} rursus intra annum concidit; adeoque fuit instar glaciei, quæ hie- ^{me rigente coit, & sole æstivo solvitur, uti videbimus anno se-} ^{quente.}

Similem suæ Religionis libertatem, pro terris omnibus Roma- ^{Lutherani} ^{Principes} ^{in comitiis} ^{Ratisbo-} ^{nensibus} ^{petunt, li-} ^{bertatem} ^{Religionis} ^{permitti e-} ^{tiam in ter-} ^{ris Catholi-} ^{cis, cum} ^{potestate} ^{ibidẽ adeo} ^{undi & re-} ^{tinendi Ca-} ^{nonicatus} ^{ac dignita-} ^{tes.} no Imperio subditis, flagitabant hoc anno Principes Lutherani in ^{comitiis} ^{Ratisbo-} ^{nensibus} ^{petunt, li-} ^{bertatem} ^{Religionis} ^{permitti e-} ^{tiam in ter-} ^{ris Catholi-} ^{cis, cum} ^{potestate} ^{ibidẽ adeo} ^{undi & re-} ^{tinendi Ca-} ^{nonicatus} ^{ac dignita-} ^{tes.} comitiis Ratisbonensibus. Convocaverat ea Cæsar ad petenda Principum Germanicorum auxilia contra Turcas, qui præcedente anno Hungariæ Christianæ fines invaserant, novàsque iterum inva- siones videbantur minitari. Neque magna difficultas erat in in- clinandis eò Principum Catholicorum animis. At verò Lutherani seu Protestantes (qui jam sæpe aliàs per eam occasionem favores plurimos obtinuerant) vicissim rogavêre Cæsarem, ut in omni- bus Imperii terris generali indulto permittatur absoluta libertas Re- ligionis: paritèrque ut omnes illi, qui in posterum Confessione Au- gustanæ se adjungerent, vel jam antè adjunxissent; neque ab ade- undis Cathedralium Ecclesiarum dignitatibus ac beneficiis prohi- beri, neque ab iisdem antè habitis, mutatæ Religionis causâ, ex- cludi vel privari debeant. Quod cùm Imperator non solùm con- stantissimè recusaret; sed etiam nullo modo in consultationibus publicis tractari sineret: multi ipsorum ausi sunt insolenter edice- re & comminari; nihil auxiliorum ad infringendas Turcarum in- vasiones à se contributum iri, nisi novis hujusmodi postulatis Im-

lūm rejici-
untur à Ca-
tholicis; ve-
rūm etiam
à septemvi-
ro Saxoni-
co.

*Chytræus
hic l. 23.
Saxon.

*Laurea-
censis, nunc
Passaviē-
sis.

Maximilia-
nus II. Im-
perator,
Ratisbonæ
moritur.
Spond. hic
n. 14.
Chytræus
& alii.

*Hansiz. in
hist. Episc.
Passav. pag.
631. n. 6.

Succedit e-
jusdem fili-
Rudolphus
II. Roma-
norum rex.

perator consentiret. At imprudentes illæ comminationes prope-
diem repressæ sunt, non solum à Principibus Catholicis (inter quos
Jacobus Eltzius, Archiepiscopus Trevirensis, edixisse fertur: *malle
se, sibi vivo cutem à corpore universo detrahi, quàm istam Religionis li-
bertatem comprobare*) verum etiam, quod magis admirare, ab ipso
met *Augusto*, Saxonie septemviro, Lutherano quidem; sed juris &
æqui tenacissimo. Nam & hic teste * Chytræo judicabat, *per hu-
jusmodi postulata perforari pacem Religionis; adeoque et in Cæsaris pote-
state non esse, Catholicos Principes contra pacis antè dictæ leges compellere,
ut Religionem aliam, quam ipsi hætenus non probassent, suis subditis in-
dulgerent: alioquin pari jure etiam in Cæsaris potestate fore, ut Augusta-
na Confessionis Principes ad Religionem Catholicam suis subditis permitten-
dam cogat.* Ità rursus ab iniquis ejusmodi postulatis destitutum; ac
tandem impetratis iis, quæ Cæsar expetiêrat, comitia hæc die duo-
decimâ Octobris optato fine conclusa sunt.

Erât hæc ipsa dies S. Maximiliano quondam Laureacensi *Epi-
scopo & Martyri sacra: eadēque die etiam Imperator Maximi-
lianus, cū decreta comitialia, præsentē ipsius filio Rudolpho Ro-
manorum Rege, in palatio senatorio publicarentur, diuturnâ cor-
poris ægrotatione confectus, ad vitam in cælis immortalem abiit,
anno ætatis quinquagesimo inchoato. Fuit hic Princeps admo-
dum literatus, pius, pacificus; & quod omnium caput est, Ca-
tholicæ Religionis, Fideique antiquæ retinens. Nec ferè aliud
quidquam in eo carpitur, quàm quod ante aliquot annos Nobili-
bus Austriacis, Luthero deditis, privatum suæ Religionis exerci-
tium indulserit. Sed ad hoc gravissimâ pecuniarum necessitate in-
ductus est. Atque ideo, cū videret postmodum, eosdem ex-
tra orbitam ire, contraque præstiti juramenti fidem etiam alios ple-
bejos homines ad Lutherum pertrahere; facinorosam hanc au-
dendi licentiam severissimè compescuit, uti Marcus *Hansizius
refert hisce verbis: *Nulla unquam atas Austriacis Principibus pares re-
feret gratias: qui nisi fuissent eâ, quæ erant, constantiâ; actum erat in Au-
stria de re Catholica. Maximilianus Cæsar, cū videret, quod res eva-
deret, Nobilibus istis frenos adduxit; gravibusque edictis primum, dein-
de etiam pænis, veluti perjuros, læsæque Majestatis reos compressit: quo
ex capite nonnullos etiam e Palatio et officiis publicis jussit facessere.*

Vacantem Imperii thronum à morte patris capeffivit ejusdem
filius, Rudolphus II, ante annum coronatus Romanorum Rex:
cui, post consueta funerum solennia, de Imperatoria dignitate in-
ter primos gratulatus est Salentinus Archiepiscopus, Paderbor-
nensis Ecclesiæ nostræ Administrator. Hic enim adhuc agebat Ra-
tisbonæ, cū comitia finirentur; nec multò post cum perillustri
viro

viro Casparo de Fürstenberg, & aliis intimorum consiliorum arbitris, ad Rhenum inferiorem rediit, Ecclesiarum suarum commodo prospecturus. Nihil optimo huic Præsuli syncerioribus in curis erat, quàm utramque Dioecesim suam à luporum invasionibus custodire, Catholicæ Religionis florem reducere, scholas pro juventute meliùs formanda instituere, præfecturas, arcèsque oppignoratas ab ære alieno expurgare. Et quidem (ut de rebus hoc anno gestis incipiam) die vicesimâ octavâ Maji, priusquam ad Imperii comitia se conferret, præclarissimum diluendi æris alieni specimen dedit in redimendo Metropolitanæ Colonienfis territorio, quod vulgò *Vestam Recklinghusanam* nominant. Hanc ab annis fere centum & quinquaginta possidebant illustrissimi Comites Schawenburgici; quibus hæc olim, sub Electore & Archiepiscopo Theodorico de Môrsa, pignori data erat pro septendecim florenorum aureorum millibus, ac præterea quingentis & quinquaginta. Neque omnium successorum ullus ab eo tempore inventus est, qui tam ingentis pecuniæ debitum expungere, conaretur. Quod cum indignum duceret Salentinus; magnis animis rem aggressus, ingentem illam pecuniarum vim hoc anno Schawenburgicis Comitibus, licèt admodum invitis, reddidit: simulque *Vestam Recklinghusanam*, alieno rursus à nexu liberam, cum immortali sui nominis gloria Metropolitano Capitulo tenendam, ac possidendam tradidit.

Nec minora suæ caritatis & Pastoralis curæ specimina Dioecesi Paderbornensi præbuit, cum è comitiis Ratisbonensibus in Ducatum Westphaliæ, indèque Neuhusium & Padibornam rediit. Nam, ut refert Kerffenbrochius, Beverungam arcem & oppidum, in ripa Visurgis positum, redemit; Nihemenfes decimas, & molas aliquas prope Saltzkottenam, à pignore alieno solvit; insignem suppellectilem argentariam, Rege dignam, pluribusque florenorum aureorum millibus æstimatam, successoribus Principibus pro Episcopali mensa liberalissimè donavit; ac demum, quo nil magis Paderbornæ necessarium erat, pro meliori juventutis institutione novum inibi litterarum gymnasium prope majorem Ecclesiam adornavit, quod ab ejus nomine *Salentinianum* appellatum est. Primum hujus novæ gymnadis Rectorem dixit Magistrum Hermannum Kerffenbrochium, virum apprime doctum, & à descripta Monasteriensium Anabaptistarum historia celebrem: qui & benigno post in evulgato Paderbornensium Episcoporum catalogo utitur* hoc titulo: *M. Hermannus Kerffenbroch, schola Padibornensis et collegii Salentiniani moderator*. Huic deinde plures alios Magistros ac Præceptores addidit; antiquum, desertumque monasterium

Salentinus
Archiep.
Colon. à
Comitibus
Schawen-
burgicis
Vestam
Reckling-
husanam
redimit.
*Dethmar.
Müller. in
chron. Tre-
mon.*

*Merssians
Cratopol.
in annal.
Archiep.
Colon. sub
Salentino.*

Idem, ut Episcop⁹ Paderbornensis, multa ibidem redimit,

Argentariâ suppellectilē pretiosam Ecclesiæ Paderbornensi donat.
*Kerffenbr. in casal.
Ep. Pad.
Et Gymnasium Salentinianum Paderbornæ instituit.
Kerffenbr. ibid.
in præfatione ad Episcopum.

Mino-

cui sequen-
tia præfe-
cit quatuor
Provisores
& Inspecto-
res perpe-
tuos.

Minoritarum unà cum omnibus ejusdem bonis ac redditibus Magistrorum sustentationi applicuit, novos alios proventus, tum à se, tum à Majori Capitulo assignatos, in augmentum foundationis adjecit: ac demum, ne saluberrimum illud opus ex defectione inspectionis rursus in pejus rueret, ineunte Februario sequentis anni quatuor earundem scholarum Provisores constituit, qui perpetuam assignatorum reddituum curam gerant, bona aliis oppignorata redimant, Præceptoribus & Magistris tempore debito suum stipendium aut minerval solvant, & omnia, quæ ad hujus gymnasii conservationem, florémque pertinent, sedulò procurent. Hi autem Provisores erant viri selectissimi, & in summa auctoritate constituti: nimirum è Clero primario, Cathedralis Ecclesiæ Decanus, Senior, & Scholasticus; è secundario autem, Curia Episcopalis judex Ecclesiasticus, quem aliàs vulgò *Officialem* vocant, uti docent hæ ejusdem fundatoris literæ, è lingua vernacula in latinam versæ:

Literæ Sa-
lentini de
hac re.
Ex veteri-
bus mss.

Salentinus, Dei gratiâ sancta Colonienfis Ecclesia Archiepiscopus, S. R. I. per Italiam Archicancellarius, - - - Paderbornensis Ecclesia Administrator etc. Cum Nos rei Christiana, bonique publici promovendi causâ, nec non ad rectam juventutis educationem et institutionem, in urbe nostra Paderborna emendationem et reformationem scholarum fieri, easque idoneis Præceptoribus adornari curaverimus: bona etiam, redditusque certos unà cum Capitulo nostro cum in finem seposuerimus, unde Præceptores ali, et scholarum fabrica in posterum conservari debeant: hac autem bona ac redditus fortasse jacturam aliquam vel detrimentum capere possint, nisi è præcipuis viris provisos et inspectores aliqui à nobis ordinati ac deputati fuerint: idcirco provisos, inspectores, et curatores deputavimus et ordinavimus, deputamus etiam et hisce literis ordinamus Reverendos, Doctissimos, et Honorabiles Consiliarios nostros et Officialem, dilectos ac devotos, Henricum de Meschede majoris Ecclesiæ Decanum, Philippum de Westphalen Seniore, Wilhelmum de Schilder Scholasticum, et Lubertum Mejer juris utriusque Licentiatum: iisdem seriò demandantes, ut scholarum suprâ dictarum proventus, redditus, ac bona in hoc Episcopatu nostro Paderbornensi sita, ad easdem applicent; res pignori innexas redimant; cuilibet præceptori seorsim suum stipendium assignent, ac tempore debito persolvi curent; insuperque sedulò prospiciant semper, ut idonei præceptores admittantur, iique summa cum industria suas functiones in scholis obeant. Quem in finem etiam prædicti provisos ministrum aliquem instituere vel adornare poterunt, qui ipsis annuas omnium acceptorum et expensarum proventuum rationes reddere, nobisque et nostris ad Paderam successoribus ea de replenariam informationem ac notitiam exhibere queat. Ut autem hac ordinatio, cura, et inspectio futuris temporibus

bus non intereat, sed perennet; vigore harum literarum ulterius constituimus, ut huiusmodi cura et inspectio scholarum continuè penes Decanum, Seniorem, et Scholasticum prædictæ majoris Ecclesiæ, nec non penes Officialem, vel Curiam nostram Ecclesiasticam iudicem, in posterum perseveret, et per eosdem assidue peragatur. - - - In cuius rei testimonium hisce literis arcanum sigillum nostrum appendi iussimus. Id quod factum est anno millesimo, quingentesimo, septuagesimo septimo, die sextâ Februarii.

Annus Christi 1577.

GREGORII XIII. Pontificis 5. & 6.
 RUDOLPHI II. Imperat. 1. & 2.
 SALENTINI Episcopi Pad. ultimus.



Nisi nostræ me fallant literæ, Salentinus Episcopus à fine præcedentis anni permagnam hujus hiemis partem Neuhausii & Paderbornæ mansit, ut ibidem interea temporis expediret omnia, quæ ante Episcopatus sui abdicationem, hoc anno factam, expediri & confici peroptaverat. Inter alia adhuc eidem summopere in votis erat, ut Paderbornenses inter & Colonienfes componeretur diuturna controversia de jurisdictione in duobus Angariæ pagis, Erwete & Westerenkotten, nec non salinariis Westerenkottenium officinis. Paderbornenses jurisdictionem illam sibi arrogabant partim ex diuturno illius exercitio, partim ex antiquissima donatione Conradi II. Imperatoris, qui anno supra millesimum vigesimo septimo Curtem Regalem Erwete, cum omnibus ad eam pertinentibus *areis, adificiis, terris cultis et incultis, imò etiam cum banno et mercatu apud eandem curtem haberi solito, Paderbornensi Ecclesiæ perpetualiter habendam tradidit*, uti videre est apud Schatenium. Contrà verò Colonienfes jus & jurisdictionem suam fundabant in eo, quòd Fridericus I. Imperator anno 1180. * totum Westphaliæ & Angariæ Ducatum Colonienfi Ecclesiæ dederit (quasi verò ex Henrici Leonis exuviis donare plus potuerit, quàm in devicti Ducis potestate fuit) simulq; allegabant aliqua usurpatæ illius jurisdictionis exempla. Itaque, ut spinoso huic dissidio finem imponeret Salentinus; eò rem deduxit, ut hoc anno ab utraque parte constituti fuerint duo arbitri, qui partium ambarum jura diligenter examinent, &, quod æquum, rectumque viderint, collatis inter se consiliis pronuntient. Quid autem ab his effectum, & quomodo lis ista postmodum in plures adhuc annos protracta fuerit, suo tempore explicatiùs enarrabitur.

Salentinus
Episcopus
Paderb. &
Archiepi-
scopus Co-
lon. plerq;
hiemis par-
te moratur
Paderbor-
næ:

*Ex variis
literis Pad.
Conatur in-
ter Coloni-
enses & Pa-
derbornen-
ses compo-
nere litem
de pagis Er-
wete &
Westeren-
kotten.*

*Ex veteri-
bus mss.*

**Vide Scha-
ten. ad istu
annum.*

Appe-

Visitat Paderborn.
Diœcesim
& vetera illius monu-
menta:
Ex veteribus mss.

Appetente subinde vernali tempore, zelosissimus Episcopus non minimam Diœcesis partem visitandarum parochiarum causâ peragravit. Atque eâ occasione, præter alia complura, quæ ad salutem animarum curandam pertinent, etiam suis oculis inspicere dignatus est singulares aliquas Diœcesis nostræ antiquitates & monumenta: puta, fontem Altenbekanum, vulgò dictum **Bulserborn** / quotidie per aliquot horarum intervalla nunc aquis omnibus destitutum, nunc eas iterum cum ingenti sonitu per herbas & gramina copiosè provolventem: tum desertum Sennæ, veteresque campos & saltus, olim Varianâ clade & Arminii victoriâ celebres: indè rursus prope Wewelsburgum & Brenckam pervestitas Hunnorum fossas & aggeres, ab Henrici Aucupis triumpho claros; aliâque id genus monumentorum Paderbornensium vestigia, quæ Ferdinandus Episcopus toto libro doctissimè complexus est. His autem perlustratis, Arensbergam abiit, ibidem pariter, & in vicino Westphaliæ Ducatu, curaturus ea, quæ ad subditorum salutem, & Catholicæ Religionis integritatem profutura cerneret.

Defuncto
Præposito
Wilhelmo
Westphalen,
electio-
nem Theo-
dori Für-
stenbergii
confirmat.
**vid. dicta
ad ann.
1570.*

Interea die septimâ Julii Paderbornæ moritur Reverendissimus ac Perillustris Dominus Wilhelmus de Westphalen, Cathedralis Ecclesiæ Præpositus. Cujus obitus vel idcirco plurimum deplorandus erat, quòd pro tuenda Fide Romano-Catholica curam semper egregiam ac singularem gereret, uti liquet ex dictis *alibi. Verùm (quæ Deo laus & gloria) tam illustris viri decessum octiduo post compensavit ejusdem successor, Reverendissimus ac Perillustris Dominus, Theodorus de Fürstenberg, Cathedralium Ecclesiarum Trevirensis ac Paderbornensis Canonicus, peculiari dispositione Numinis electus die Lunæ, decimâ *quintâ Julii. Erant id temporis Canonici Capitulares Paderbornæ, præter Theodorum electum, Henricus de Meschede, Decanus, Philippus de Westphalen, Senior, Mauritius de Spiegel, Bernardus de Büren, Georgius de Spiegel, Jodocus de Borch, Camerarius, Wilhelmus ab Hatzfeldt, Walterus à Brabeck, Roserus de Westrem, Zerchius de Westrem, Alhardus de Quernheim, Melchior de Plettenberg, Wilhelmus de Schilder, Scholasticus, Joannes de Hôrde, Hermannus de Winckelhusen, Henricus à Pappenheim, Fridericus de Wendt, Theodoricus de Raesfeldt, Rotgerus ab Horst, & Joannes de Hanxleden. Hi omnes & singuli (ut ex instrumento electionis constat) eâ concordia & unanimitate sua vota contulerunt in Theodoricum suprâ dictum, ut aperto scrutinio ne vel unus omnium repertus fuerit, qui in cujuspiam alterius per-

personam inclinârit. Proinde electionem hanc, non sinè Superum afflatu factam, continuò transmisère Salentino Episcopo, qui adhuc agebat in Ducatu Westphaliæ: rogantes & supplicantes, ut eam auctoritate ordinariâ (sic enim ferebat istorum temporum consuetudo) ratam habeat, & clementissimè confirmet. Id quod etiam ab eo factum Arensburgæ, die vicesimâ sextâ mensis Augusti; uti docent hæ ejusdem literæ, Theodoro electo* missæ:

* *Litera Salentini, in archiv. majoris Ecclesie.*

Salentinus, Dei gratiâ sanctæ Colonienfis Ecclesiæ Archiepiscopus, Sacri Romani Imperii per Italiam Archicancellarius, Princeps Elector, Westphaliæ et Angariæ Dux, nec non Administrator Ecclesiæ Paderbornensis, Comes et Dominus in Isenburg etc. Venerabili, devoto, nobis dilecto Theodoro à Fürstenberg, Cathedralis Ecclesiæ nostræ Paderbornensis Electo Præposito, salutem in Domino. Cùm superioribus diebus, proximis prædecessor tuus Guilielmus Westphal, prædictæ Ecclesiæ, dum viveret, Præpositus, vitam cum morte commutâisset; cæque ratione, defuncto illo, Decanus et Capitulum, Ecclesiæ consultum iri volentes, alium in demortui locum subrogare sategerint: compertum, relatûmque nobis est, te vocatis vocandis, omnium concordantibus suffragiis in Præpositum sæpe dictæ Ecclesiæ electum esse: supplicatûmque sit, ut te, Majorum nostrorum more, auctoritate nostrâ ordinariâ confirmare, dignaremur. Itaque hujusmodi precibus inclinati, decretôque electionis præfate nobis præsentato, ac per nostros ad hoc deputatos Commissarios, uti moris et juris est, diligenter discusso, et Rotulo testium per eos examinatorum per nos viso et examinato, quum suprâ dictam electionem de persona tua rite et Canonice factam constet, eandem auctoritate nostrâ ordinariâ approbavimus, admisimus, et confirmavimus: pro ut approbamus, admittimus, et confirmamus; tibi que (recepto abs te primitus juramento solito) præsentium tenore committimus, ut munus Præposituræ subeas, omniâque, quæ huic provinciæ atque dignitati incumbunt, expedias, faciâsque. Non obstantibus, in contrarium facientibus quibuscunque. In cujus rei testimonium, sigillum nostrum præsentibus, manu nostrâ propriâ subscriptis, appendi fecimus. Datum ex castro nostro Arnspergo, die vicesimâ sextâ mensis Augusti, Anno à Nativitate Domini millesimo, quingentesimo, septuagesimo septimo.

Post hæc Salentinus, tandem acturus id, quod emorientis familiæ propagandæ causâ jam pridem animo volutaverat, ex Arensburgensi castro Padibornam rediit; ibidémque die quintâ Septembris* in Capituli majoris confessu Paderbornensem infulam abdicavit, non sinè maximo omnium subditorum dolore: qui, uti venientem cum gaudio suscepère; ita recedentem penè cum lachry-

Paderbornensem Episcopatum die 5. Septembris;
* *Kerssenbr. in catal. Ep. Paderb.*

Kkk


mis

Colonienſe mis proſecuti ſunt. Tum deinde citatis itineribus Coloniam Ubiorum properans, etiam illic die decimâ quartâ Septembris in ſenatu Capitulari Archiepiſcopatûs & ſeptemviratûs inſignia depoſuit: nec longè poſt, nimirum IV. Idus Decembris, ut labanti Comitum Iſenburgicorum proſapiæ mâſculeam prolem ſuſcitaret; ad huc Ordinum ſacrorum expers, cum Antonia Wilhelmina, Joannis Comitſ Arembergensis filia, ſolenne matrimonium Bonnenſi in oppido contraxit. Præfuit utrique Dioceſi cum ſumma laude, Princeps verè pius, prudens, Catholicus, religioſè parcus, & munificus: verbo talis, in quo nihil culpari potuit, quàm quòd Epſcopus non maneret. Certè hac odioſâ renuntiatione non modò ſibi; ſed & utrique Epſcopatui à ſe dimiſſo vehementer nocuit. Sibi quidem, quia è tanta dignitate ad exigui Comitatus anguſtias devenit; & familia Iſenburgica, quam ab interitu vindicare voluit, poſtea tamen in Erneſto ipſius filio* prorſus intereidit. Suis verò Epſcopatibus, quia tam Coloniae, quàm Paderbornæ, in feliciffimâ Capitularium electione tales (prò dolor!) ſucceſſores habuit, qui ſuis Dioceſibus extremam ferè perniciem attulère; uti ex annorum ſequentium decurſu manifeſtum fiet.

*Brower. in
annal.
Trevir.
Kerſſenbr.
loc. cit.
Cratopol.
in annal.
Archiep.
Colon.*

**Imhoff. in
notit. Proc.
S. R. I. I. 6.
c. 7. n. 3.*

HEN-



HENRICUS

Saxo-Lavvenburgicus,
 ARCHI-EPISCOPUS BREMENSIS.
 ADMINISTRATOR OSNABRUGENSIS,
 ET
 solo nomine tenus
 EPISCOPUS PADERBORNENSIS
 XLIV.

Annus Christi, ut supra.

GREGORII XIII. Pontif. 6.
 RUDOLPHI II. Imper. 2.
 HENRICI Admin. Paderb. 1.



Ræclarissimè se habuerant Cathedralis Eccle-
 siæ nostræ Canonici, cùm ante paucos men-
 ses in locum defuncti Præpositi, Wilhelmi
 de Westphalen, communi suffragio delege-
 rant Theodorum Fürstenbergium, Catholi-
 cæ Religionis defensorem ac tutatorem opti-
 mum. At paulò post, egregium hunc ar-
 dorem, zelumque orthodoxæ Fidei, turpif-
 simo facto corruperunt; cùm Salentinus Præ-

Paderbor-
 næ in locū
 Salentini
 improspere
 deligitur
 Henricus, è
 Domo Saxo-
 Lavven-
 burgica, Ar-
 chiepiscop⁹
 Bremensis
 &c.

Kerffenbr.
 in casal.
 Ep. Pad.
 Chytraus
 in Saxon.

ful, conjugales thalamos amplexurus, Paderbornensi Episcopatu
 nuntium remisisset. Erant adhuc eo tempore in Cathedralis Ec-
 clesiæ nostræ Collegio non pauci viri præstantissimi ac probè Ca-
 tholici: è quibus (utì postmodum Theodori Fürstenbergii exem-
 plo patuit) facillimè desumi poterat Episcopus, mitrà Paderbor-
 nensi

Kkk 2

qui Catho-
licam Reli-
gionem
egregiè si-
mulabat, li-
cèt animo
Lutheranus
esset.

ex variis
mss. vete-
ribus.

* *Littera ex
autogra-
pho Archi-
epi Osnabr.*

* *Kerfsenb.
in catal. Ep.
Paderb. &
alia vetera
mss.*

* *Chytraus
in Saxon.
Hamelm.
in chron.
Oldenb.*

pag 436.

Coloniz in
Salentini
locum die
5. Decem-
bris deligi-
tur Gebhar-
dus Truch-
sesius,

* *Michaël ab
Iselt l. r.
belli Colon.*

* *Klockner.
in hist. Pa-
derb. mss.
part. 3.*

nenſi dignus ; niſi plurimorum judicia cenſuiſſent , ad ejuſmodi honores in his temporum difficultatibus adſciſcendum eſſe Prin- cipem : auctoritate & armis maximè valentem. Talem verò cre- debant fore Henricum Saxo-Lawenburgicum , Archiepiſcopum Bremſem , Adminiſtratorem Oſnabrugensem , & Episcopatus Monasterienſis competitorẽ , Colonia quondam in ſtudiis enu- tritum. Is enim , licèt ad Lutherana Religionis dogmata non me- diocriter affectus , ideòque nondum à Sede Pontificia ad Oſnabru- genſem Cathedram admiſſus aut confirmatus eſſet ; eam tamen ani- mi ſui propenſionem ambidextrâ ſimulatione etiamnum obtege- bat : vidique literas ipſius de anno 1575 , in quibus * dolore cro- codilino queritur : *ſe apud Sanctitatem Pontificiam humillimè , et cum omni obſequentia debita , pro obtinenda confirmatione ſua inſtitiffe : ab ea tamen impetranda ſiniſtris aliorum invidentium denuntiationibus præter omnem exſpectationem hætenus impediri ; neque tamen adhuc penitùs de- ſperare , quin eâ tandem pro ſuo , ſuorumque voto potiturus ſit.* Itaque his , aliisque fucis & ſimulationibus faſcinati Canonorum pluri- mi (frustra diſſuadentibus aliis , qui anguem ſub herba latitantem verebantur) demum die decimâ quartâ * Octobris Henricum antè dictum ad Eccleſiæ noſtræ Adminiſtrationem poſtulavere : ſimul additâ hac lege , ut ſingulis annis per tres meſes in Dioceſi * Pa- derbornenſi , per tres etiam in Oſnabrugeniſi , & per ſemestre ſpa- tium in Archiepiſcopatu Bremſi , aulae ſuæ ſedem , vel , ut vulgò nominant , *Reſidentiam* caperet. Id quod etiam die decimâ ſextâ Novembris ab eo acceptatum , & ſubſcriptâ manu propriâ robo- ratum eſt.

Infeliciffima quidem fuit hæc electio ſeu poſtulatatio viri , de pu- ritate Fidei Catholicæ tam ſuſpecti. At longè infelicior fuit ea , quâ Capitulum Coloniense die quintâ Decembris , poſtpoſito Er- neſto Bavaro , Hildeſienſi & Friſingenſi Episcopo , in Salentini lo- cum delegit Gebhardum Truchſeſium : illum , inquam , Truchſe- ſium , qui poſtea ſacrilegis nuptiarum ſuarum tædis non modò Dioceſin Coloniensem ; ſed etiam Weſtphaliã penè totam in flammã bellorum egit. Erat is ex perantiqua familia Truchſe- ſiorum de Waldburg , laudatiſſimi quondam Principis , Ottonis Truchſeſii , Cardinalis & Episcopi Auguſtani , ex fratre nepos , & Præpoſitus Auguſtani. Honores Archiepiſcopales potiſſimùm conſecutus eſt arte & operâ Hermannii Comit̃s Neuenarii , homi- nis apprime Lutherani , ideòque Erneſti Bavari potentiam & zelum ſyncerum veriti. Is enim Canonicos illos , quos vel pede non ſa- tis firmo ſtare , vel ad partes Proteſtantium nonnihil propendere noverat , ſigillatim adiit : eosque partim blandiloquâ ſui oris elo- quen-

quentiâ, partim etiam promissionibus aut inductionibus subdolis, in Gebhardi vota sic pertraxit; ut, cùm in senatu Metropolitano ad suffragationem veniretur, Gebhardus uno voto Ernestum Bavaram antecesserit. Et hic initio quidem, nisi insignis, perfidusque simulator fuerit, præferebat animum probè Catholicum. Etenim sequenti anno Confluentiæ, die vigesimâ quartâ Aprilis, iuramentum illud, quod Ecclesia Romana ab Episcopis & Archiepiscopis juxta sacrorum Canonum præscripta postulat, Jacobo Archiepiscopo Trevirensi, tanquam Apostolicæ Sedis delegato, in præsentia multorum præstitit; nihilque aliud, quod ad veram Catholicæ Fidei confessionem requiri potest, prætermisit. Qua de causa etiam Gregorius XIII. Romanus Pontifex, repudiata Ernesti Bavari contradictione (qui ad Curiam Papalem appellaverat) non modò Gebhardi electionem confirmavit; verùm etiam, ut in literis iisdem additur, penitissimè persuasus fuit, neminem illo magis idoneum, & *Religionis orthodoxa studiosiorem, aut Ecclesiastica disciplina observantio- rem fore.* Hæc autem spes quâ & quali unius Dalilæ seductione postmodum interversa fuerit, suo tempore declarabo.

Qui & aò
sequente
publicam
Religionis
Catholicæ
professionē
fecit,
*Klockner et
Isfels loc.
cit.*
Et paulò
pòst à Gre-
gorio XIII.
Papa con-
firmatus est
*Auctores
iidem.*

Ceterùm & hoc anno Warendorpii in Episcopatu Monasteriensi casus admodum funestus die trigesimâ Aprilis contigit. Cuius aliquis domi suæ mactaverat vitulum, qui fortè paulò antè, quòd à matre divulsus se doleret, multum clamoris dederat. Id cùm sollicitè observâisset ejusdem filiolus; conversus ad eum pater, cultrumque lanionium ostendens, dixerat: *sic et tibi fiet, si in posterum vocifereris, et inconditos in domo mea ploratus edas.* Credidit puer hanc esse poenam parvulorum, qui multum vociferantur & ejulant. Paulò pòst uterque parens aliquantisper exhibant ædibus; & alium pusionem, adhuc in cunis jacentem ac dormientem, commendat mater filiolo suprâ dicto, donec ipsa protinus reversa fuerit. Interim evigilat in cunis pusio, &, ut fieri persæpe solet, ingentem simul vagitum edit. Quem ubi filiolus natu major compescere non valeret; memor verborum sui patris, lanionium cultrum haud procul à se jacentem arripit, & vagienti fraterculo suo jugulum abscindit. Qui & indè, velut re bene gestâ glorians, matri suæ, post breve tempus redeunti, procurrit obviam; & ei cultrum adhuc sanguine madentem exhibet: *ecce!* ait, *ô mater! quia noster in cunis pusio tam acerbè flevit, nec absistere à ploratu voluit; ego eidem perinde, ac pater meus vociferanti vitulo, guttur abscidi.* Consternata hoc viso mater, & præ dolore subitaneo penè, quid ageret, facerétque, nescia, continuò sanguineum cultrum filiolo suo è manu eripit, & cordi ipsius ità intorquet, ut exanimis in terram cade-

Funestissi-
mus casus,
qui hoc an-
no contigit
Waren-
dorpii.
*Dethmar⁹
Müller. in
chron. Tre-
mon.*

caderet. Indè verò adhuc magis exterrita, & velut amens dolore facta, rursus cultrum ex corde ipsius extrahit; séque ipsam è vestigio confodiens, miserabili catastrophe tragoediam infaustam claudit.

In Belgio

Joannes

Austriacus, à Rege con-
stitutus gu-
bernator.

*Hareus in
ann. brabant.*

*Strada de
bello Belg.*

Dec. 1. 1. 9.

Paulò post,
in eâ apud
omnes invi-
diam trahi-
tur, ut ab
iisdem pa-
triae hostis
declaratus
sit,

*Hareus &
Strada loc.
cit.*

Vocato in
locum ejus
Matthiâ Ar-
chiduce,

auct. iidem

In Gallia

pacificatio,

præcedente

anno cum

Hugonottis

inita, re-

scinditur

occasione

novi fœde-

ris Catho-

lici.

Spond. ad

ann. 1576.

Satis hæc de rebus ad Westphaliâ & vicina loca pertinenti-
bus. Nunc etiam delibanda sunt pauca de rebus extraneis; & in
primis quidem de Belgio, ubi adhuc omnia perturbata ac plena
confusionis erant. Advenerat illuc sub finem anni præcedentis Jo-
annes Austriacus, à Philippo Rege designatus gubernator; stu-
debátque istarum Provinciarum Ordines omni humanitatis & offi-
ciorum genere sibi plurimum devincire: ità, ut etiam ipsorum pa-
candorum causâ Hispanos, exterósque milites, de quorum inso-
lencia potissimum conquesti erant, cum Philippi Regis consensu
ab se dimitteret. Placebant hæc summopere Statibus Catholicis:
neque jam aliud ad quietem Belgii reducendam deerat; quàm ut
etiam Orangius & ejusdem socii in communem pacem, cum Joanne
Austriaco à Catholicis initam, suos animos inclinarent. At
ille, ut erat pestilens hæreticus, non modò pacem illam cum sto-
macho rejecit; verùm etiam Catholicorum virorum plurimis fal-
lacissimè persuasit, eam animi facilitatem in Joanne Austriaco si-
mulatam esse, neque ad finem alium, quàm ad eosdem postea frau-
dulentiùs opprimendos tendere. His autem susurrationibus effe-
ctum est primò, ut in multorum animis nasceretur aliqua in Jo-
annem diffidentia. Deinde etiam processu temporis adversus eum
effusi sunt seditiosi quidam & infames libelli, qui hujusmodi igni-
culos jam accensos alerent. Ad extremum denique, flamma ista
sinistris quarundam literarum interpretationibus eum in modum
crevit, ut Joannes Austriacus die septimâ Decembris à seditiosis
Ordinibus velut publicæ tranquillitatis perturbator declaratus; &
Matthias Archi-Dux, inscio fratre suo Rudolpho Imperatore, in
ejus locum evocatus fuerit. Quæ res iterum diuturno tristissi-
mòque bello feralem scenam aperuit, Geusiis interim sub Oran-
gio duce suo fortunam ad vicina quælibet explicantibus.

In Galliis interim Catholica Religio nonnihil iterum attolli
coepit occasione novi Catholicorum fœderis; quod, quia contra
hostes antiquæ Fidei percussum erat, *fœdus sacrum* appellari voluere.
Auctores illius fuerant quàm plurimi viri Nobiles in Picardia & Pi-
ctavia: qui, cum vidissent anno superiore nocentissimam illam
pacificationem, quâ Henricus Rex, armis Hugonottorum obru-
tus, omnem illis exercendæ hæreseos libertatem indulserat; faci-
nus tam indignum averfati, se, suâque omnia, etiam usque ad
sanguinis & vitæ profusionem, devoverunt pro tuenda Fide Ca-
tho-

tholica, & excludenda cujuslibet alterius Religionis libertate. Notitia illius tam pii, sacrique foederis primùm ad Regis aures permanavit in comitiis *Blesensibus, exeunte anno priore coeptis. Deinde in iisdem comitiis actum, & ad instantissimas prædictorum foederatorum sollicitationes conclusum est, pacificationem anni prioris, velut Catholicæ Religionis nocentissimam, rescindi ac revocari oportere. Postremò etiam, cùm Hugonotti id recusarent, iterùmque se ad arma in Regem verterent; immixtis duobus exercitibus eum in modum domiti & oppressi sunt, ut protensis ferme ambobus brachiis ad pacem anhelaverint. Quæ & illis postea die quintâ Octobris concessa fuit his conditionibus: *Religio Catholica restituatur in omnibus Regni urbibus et locis, unde ejecta fuerat. Exercitium Calvinianæ Religionis permittatur solum in iis locis, quæ ejusdem exercitio ante hoc bellum ultimum deputata sunt. Liberum Hugonottis esto, sine sua Religionis exercitio habitare, quocunque in loco velint: ita tamen, ut ibidem festa Catholicorum servent, et in matrimoniis contrahendis etiam observent consanguinitatis et affinitatis gradus, à Romana Ecclesia præscriptos.*

*Spond. ib.
n. 8.

Hugonotti,
Regiis ar-
mis devicti,
adiguntur
ad novam
pacificationem Catho-
licæ Reli-
gioni ma-
gis faventē.
Spond. ib.
n. 6. & 7.
Bussier. 10.
2. hist.
Franc. l. 20

Annus Christi 1578.

GREGORII XIII. Pontificis 6. & 7.

RUDOLPHI II. Imperator. 2. & 3.

HENRICI Admin. Paderb. 1. & 2.



Prope aberat, ut Catholica Religio novam hoc anno plagam accepisset in Westphalia, nisi imminens illud malum egregio quorundam virorum zelo ac sollicitudine fuisset præpeditum. Joannes Wilhelmus, Juliæ, Cliviæ, & Montium Dux, cùm ob mortem sui fratris Caroli Friderici, triennio abhinc defuncti, in successionem paternorum Ducatum vocaretur; Monasteriensis Capitulo non ita pridem proposuerat, se libenter ab Episcopatu Monasteriensis decessurum, dummodo sibi spem non obscuram facerent de surrogando, ut ipse cuperet, consobрино suo, Ernesto Barvaro, Hildesienſi, & Frisingensi Episcopo. Placebat id summo-pere Cathedralis Ecclesiæ Decano Godefrido à Raesfeldt, & aliis antiquioribus, Romanæ Sedi, veterique Fidei addictissimis. Jam enim ex rebus, Hildesii ab eodem gestis, perspicuè nōrant, esse Principem probè Catholicum, atque ejusmodi, in quo syncera Majorum nostrorum Fides ac pietas cum avito splendore generis felicissimè conjuncta sit. Contrà verò Conradus à Westerholt, Scho-

Henricus
de Saxen-
Lawen-
burg Mo-
nasterienſe
Episcopatū
adipisci ni-
titur fraude
& operâ
Conradi
Wester-
holtii, ejus-
dem Eccle-
siæ Schola-
stici.
chron Mo-
nast. ms.
Chytraus l.
23. Saxon.
ad an. 1574

Scholasticus, & Pro-Princeps Monasteriensis, etiam si exteriùs fronte & ore simularet, se etiam stare pro Ernesto Bavaro; occultè tamen collimabat in Henricum Saxo-Lawenburgicum, Bremensis, Osnabrugensis, & Paderbornensis, Ecclesiarum Antistitem postulatum: pro quo etiam plurimorum Canonorum, præcipuè verò juniorum, vota tacitissimè collegerat. Subinde fraudem fraude cumulaturus, non solum Raesfeldii Decani & seniorum; sed etiam sua, suorumque juniorum vota ad Ernestum defert: mentiturque, eum certò, conjunctis horum suffragiis, ad Monasteriensem infulam assumptum iri, dummodo Joannes Wilhelmus legitimis tabulis Episcopatu, jurique suo renuntiet. Credidit Ernestus astutæ huic, subdolæque vulpi. Nec multò post etiam Joannes Wilhelmus, ab Ernesto monitus, abdicationis suæ tabulas expediri fecit, easque Legatis Monasteriensibus in manus tradidit: cum ea tamen expressa protestatione * ad Dominos Capitulares à se perferenda, quòd, si in hac re fraudem aliquam animo tegerent, & Ernestum postea dolosè præterirent; hujusmodi abdicatione à se facta nullius planè roboris aut valoris esse debeat. Non prævidebat Westerholtius hanc protestationem, die 23 Februarii unà cum literis abdicatoriis in Capitulo propositam. Eà tamen auditâ, ne continuò vulpem detegeret, permisit intrâ dies paucos ad novi Antistitis electionem pergi. Scrutatores votorum designati erant, præter Westerholtium, duo Canonici Ernesto Bavaro addictissimi: quibus de more adjuncti fuere Capituli Syndicus, Notarius, ac alii duo testes. Hos Godefridus Raesfeldius Major Decanus, Westerholtii & juniorum conspiracy non imprudenter veritus, jam antè præmonuerat, ut aliquo pedum strepitu signum ederent, si Westerholtius forsan, aliter ac simulaverat, pro Henrico Lawenburgico suffragium ferret. Prosperrimum sanè consilium! imò & ejusmodi, ex quo pependit salus totius Dioeceseos! cum enim Westerholtius paulò post Henrico Lawenburgico suffragatus esset; atque ideò Capituli Syndicus, quasi sputum aliquot extriturus, pedum suorum strepitu fraudem ejus detegeret: Raesfeldius Major Decanus continuò assurrexit, & suspensæ hodiernæ electionis actu è Capitulari congressu abiit, reliquis etiam Canonicis abeuntem è vestigio consequentibus.

Tum verò in comitiis Dioecesanis, die decimâ quartâ Martii, Monasteriensi in urbe habitis, Joannis Wilhelmi abdicatione, ab ejusdem & Ernesti Legatis, publicè revocata est propter defectum conditionis non impletæ: simulque Westerholtius primùm infidelitatis ac perfidiæ convictus coram Statibus patriæ; deinde & Romæ apud Gregorium Pontificem accusatus, velut homo suspectus de hæresi,

* *Chytraus*
ibid.
chron. Mo-
nast. ms.

Sed ea fraus
artificiosè
detegitur à
Decano
Godefrido
Raesfeldio.
chron. Mo-
nast. ms.

Joannis
Wilhelmi,
Clivæ Du-
cis, resigna-
tio à Gre-
gorio Pon-
tifice pro-
nuntiatur
irrita.
chron. Mo-
nast. ms.

hæresi, Principique Lutherano magis, quàm Catholico & probato favens. Quo audito Gregorius Papa, nascenti huic malo occursurus, continuò duplex edictum expediri jussit: unum, quo Joannis Wilhelmi repuntiationem, velut absque Pontificio consensu factam, pronuntiavit irritam ac inanem; alterum verò, quo præcepit Westerholtio, ut intra sexaginta dies Romæ se præsentem sistat, ibidemque in persona propria de criminationibus contra se adductis causam dicat. Ridebat hæc primùm vir ambiguae fidei: imò non solùm ridebat ea; sed etiam (ut omnem Romanæ Sedis reverentiam videretur exuisse) literas illas Apostolicas, quibus Romam citabatur, intra ædium suarum septa præalta ex arbore suspendit, non sinè magno Decani & aliorum seniorum opprobrio. At ubi postmodum sequebatur altera, multoque acrior citatio (quâ eidem omnia beneficia & proventus Ecclesiastici tam diu jubebantur subtrahi, donec Romæ se purgasset) Jovi tandem fulminanti cedens, Curiam Papalem adiit: indeque rursus re infectâ Monasterium veniens, abdicato Canonatu suo & honoribus antè habitis, apud Oistfrisiæ Comitem Cancellariatûs officio potitus est. Joannes autem Wilhelmus ex eo tempore Monasteriensem infulam adhuc retinuit usque ad mortem Henrici Lawenburgici; quæ magno omnium Catholicorum gaudio tandem contigit anno 1585, uti suo loco fusiùs exponetur.

Westerholtius ob hæreseos suspicionem citatur ad curiam Romanam: *chron. Monast. mss.*

Indèque causâ vuleratâ, perditâque rediens, Canonatum abdicat. *chron. Monast. mss.*

Paderborna interim, quæ eundem Lawenburgicum jam antè ad Episcopale regimen depoposcerat, non sinè lachrymis hoc anno vidit, cuinam lupo Christianas oves commendaverit. Licet enim ille nullum ad Catholicam Fidem ejurandam cogeret; velex eo tamen veræ Christi Ecclesiæ plagam admodum luctuosam intulit, quòd subditorum suorum cuilibet plenissimam Lutheranae fidei complectendæ libertatem daret. Nam hoc ostio aperto, non solùm Paderbornenses cives, quorum animi jam pridem ad Lutherana dogmata propensi fuerant; sed etiam ipsimet Parochi & animarum curatores plenis passibus ad novi Evangelii pascua procurerunt. Hos inter primus erat Georgius Holthusius, Cathedralis Ecclesiæ concionator, & Pastor ad S. Pancratium; homo quidem disertus & ore promptus; at ejusmodi simul, qui prò dolor! teste *Kerfsenbrochio, jam pridem volaverat inter utrumque. Is, ut primùm sub acatholico Principe nactus est occasionem effundendi venenum in corde latens; continuò rejectâ Fide Catholicâ Lutherum induit, & mulierculam, quam diu deperiêrat, in urbis totius oculis uxorem duxit. Neque multum temporis intercesserit, quin & alii Pastores urbis in eandem silvam ièrint, Holthusii præeuntis exemplo tracti. Certè is, qui in æde Buxtorffienfi parochialem

Henricus Administrator, Paderbornæ, cum ingenti religionis damno, permittit libertatem doctrinæ Lutheranae: *Ex veteribus mss.*

*Kerfsenb. in catal. Ep. Paderb. sub Joanne de Hoja.

Iplis etiam
animarum
curatoribus
ab antiqua
Fide rece-
dentibus,
Klockner.
in hist. Pa-
derb. mss.

*vulgò dicitur
Genero
Straß.

Paderbor-
nensem
Dioecesim
ingreditur;
ex anti-
quis mss.

Saltzkotte-
nam visitat,
controver-
siam aliquā
ibi compo-
nit, novasq;
molas ædi-
ficari jubet.

cathedram obtinebat Hermannus Kersting, Wiedenbrugenſis (etſi per hunc annum ſe adhuc abſtinuerit à matrimonio, viſurus forſitan, quid Holthuſio præceſſori fieret) à doctrina tamen Catholica ſe averſum exhibere; & Lutheranum virus, quod hucusque texerat, confluenti populo ſuaviloquis verbis inſtillare non deſiit. Oppoſuere ſe quidem huic novatori Buſtorffienſis Eccleſiæ Canonicis; neque permiſerunt ampliùs, ut ibidem aliquid ageret vel attentaret, quod Lutheranam, & Romanæ Eccleſiæ diſſentaneam doctrinam ſaperet. At ille nihil indè motus, dereliſto Buſtorffienſi templo repente ſe recepit ad ſacellum S. Laurentii in vicina platea *vulturea: ibique magno civium favore & applauſu tam diu perrexerit Lutheranam doctrinam evulgare, Catholicæ Eccleſiæ ritus explodere, & Euchariftiam ſub utraque ſpecie accurrenti populo miniſtrare, donec haud multò poſt, ſubitaneâ & improvifâ morte infelicem animam ad inferos ejeſtaverit, *ſine luce*, ut ajunt, *et cruce mortuus*. Neque has & aliorum Apoſtatarum inſolentias coërcere poterant Cathedralis Collegii Proceres: quia & ipſi jam didicerant, vereri Principem infauſto ſidere poſtulatam, & hic acerrimè pro concedenda civibus conſcientiarum ſuarum libertate ſtabat. Ità factum, ut repente urbe totâ Lutheranum Evangelium reciperetur; intrâque unum alterûmve annum vix unus & alter in ſenatu aut plebe fuerit, qui antiquam Fidem Romano-Catholicam ſyncero corde ſectaretur.

Inter hæc triſtia ſuæ adminiſtrationis initia, Henricus pseudo-Epiſcopus noſter menſe Julio Neuhuſium ac Paderbornam venit: ubi inter alia gratulationum officia etiam Hermannus Kerſſenbrochius, Salentiniani apud nos gymnaſii Rector, catalogum Epiſcoporum Paderbornenſium à ſe conſcriptum, typiſque Lemgovienſibus editum, novo Principi in xenium obtulit. In eo poterat videre Princeps, quàm probi, ſanctique Præſules Paderbornenſi ſedi à primis Eccleſiæ noſtræ incunabulis præfuerint: è quorum numero (ſi unum excipias Hermannum Wiedanum, poſtea exauſtoratum) hucusque nemo fuerat, qui doctrinam à Fide Catholica alienam coleret. Sed hæc vel non vidit, vel potiùs videre noluit, quia *oculus* ejus jam erat *nequam*; ſive talis, qui virtuti vitium & præceptis Eccleſiaſticis novam vivendi libertatem ac licentiam anteferebat. Paderbornâ ſubinde poſt moram aliquam proſectus eſt ad alias noſtræ Dioceſis urbes & oppida: inter quæ etiam Saltzkottena, à ſalinariis officinis admodum celebrata, honorem habuit, venientem ad ſe Principem intrâ ſua moenia complectendi. Ibi controverſiam aliquam de pendendo ſalis tributo, quæ ſub ejus deceſſore Salentino mota & nondum finita erat, conſentiente majori

majori Capitulo feliciter composuit; vetera Dominorum salinatorum jura, libertates & privilegia, die vigesima 2da Augusti gratiosissime confirmavit; simulque molam novam frumentariam, oleariam, & fulloniam, pro commodiore civium & accolarum usu ab imis fundamentis erigi ac fabricari, jussit, uti ex literis diversis constat.

Digresso Principe, cum omnis materia, ad exstruendas hujusmodi molas necessaria, studiosè convehi & comparari coepta esset; repente fontes *Hedera** fluvii, qui alias copioso fluxu Saltzkottenam alluebat, aquam solito parciorem protrudere, visi sunt. Factaque tandem investigatione sedulâ compertum est, supra dictam annis imminutionem proficisci ex eo, quod Canonici Regulares in Bodeken, ut uberiores aquam ad molendina sua derivarent, in flumine *Alma* voraginosos aliquos terræ fauces obstrui & obturari fecerint. Quo intellecto Henricus Administrator, qui eo tempore jam in Osnabrugensem Dioecesin reversus erat, Saltzkottenensi Gogravio suo quantocyus imperavit, ut hujusmodi foramina ac subterraneos meatus recludi faciat, atque undis in terram subsidentibus fluxum alias consuetum curet. Ecce hinc ipsas Henrici Antistitis literas, hac de re ad Gogravium Saltzkottenensem datas, & è lingua germanica latinè redditas:

Dilecte fidelis. Jam edocti sumus, quod Pater, et Conventus monasterii nostri Bodecensis, voragines quasdam vel hiatus terra in fluvio nostro Alma, ex quo rivus noster Hedera non parvum incrementum accipit, obturare, atque cār ratione nobis et molendino nostro in urbe Saltzkottena nocumentum aliquod inferre, conati sint. Id quod ab iis minime expectavimus; ideoque meritò inducimur, occasionem congruam circumspicere, quā his ipsorum ausibus vicem aliquam rependamus. Ne autem interea nobis detrimentum aliquod ea ex parte accidat; hīsce tibi precipimus, ut non minùs, ac ab aliis memorati molendini nostri curatoribus habetenus facilitatum est, prædictorum hiatuum obturamenta excutias, fluvialibus undis cursum liberum restituas, neque ullatenus te ab hujusmodi rebus exequendis abstrahi vel retardari sinas. Id si fiat abs te, seriam voluntatem nostram effeceris etc. Datum Fürstena via in Residentia nostra, die septimā Novembris, anno 1578.

In Belgio per decursum præsentis anni adhuc omnia tam plena turbis ac tumultibus erant, ut Ordines Catholici, ad avertendum antiquæ Religionis interitum, penè semper alia ex aliis consilia caperent. Matthias Archidux, quem adversus Joannem de Austria sub finem anni superioris in Belgium evocaverant, non regebat ibi; sed regebatur ab Orangio, vicario suo: qui ejusdem

*vulgò die Hedera.
Foramina quædam & hiatus terræ in Alma fluvio à Bodecensibus obturatos, pro Saltzkottenensium commodo recludi jubet.
Ex literis Henrici Administratoris in urbe Saltzkottenensi.

In Belgio Matthias Archidux, ab Ordinibus ad regendum evocatus, non regebat; sed regebatur ab

Orangio, tholicorum Primores expulit; sed etiam Amstelodamum, Philippo cum ingen-
ti damno Regi hactenus fidissimum, diuturnâ obsidione ad se dedendum ac
rei Catholi submittendum compulit. Contrâ verò Joannes de Austria, revo-
cat. catis ex Italia militibus Hispanis, quos amore pacis ante annum

Haras in
ann. brab. abire jusserat, novum adunavit exercitum virorum circiter octo-
Joannes de decem millium; deditque eis pro vexillo primario triumphalem
Austria in- Domini crucem cum hac inscriptione: *in hoc signo vici Turcas, in*
signi clade *hoc signo vincam Hæreticos.* Tum deinde cum Alexandro Farnesio
foederatorū exercitum
fundit notæ pariter virtutis milite, quem ex Italia unâ cum Hispanicis
apud Gem- legionibus obtinuerat, summa cum fiducia processit contra foede-
blacum. ratos; eosdémque pridie Kalendas Februarii prope Gemblacum*

Auctores
iidem. oppidum tam admirabili clade protrivit, ut ejus dièi victoria pro-
*vulgò digio magis, quàm robore militari parta videretur. Ceciderunt
Gemblours ex Hispanis vix decem viri; è foederatis verò octo vel decem mil-

lia: captus eorundem belli dux Goignius, multique milites Belgæ:
relata ab hostibus militaria signa quatuor ac triginta, unâ cum im-
pedimentis, curribus, tormentis: & quod magis admirêre, tota
Occupat hæc victoria solùm à duabus equitum legionibus reportata est,
multas ur- priusquam reliquus miles ad pugnam deveniret. Altero mox die
bes & oppi- Gemblacum oppidum, ubi sedes belli à foederatis constituta fuerat,
da. in potestatem Hispanorum venit; & cum eo simul ingens armatu-

Auctores
iidem. ra, multorumque mensium commeatus. Nec multò post etiam
Lovanium, Tirlemontium, Bovinianum, Sichemium, Dieste-

Incidit in morbum & moritur, succedente in ejus locū Alexandro Farnesio. diu frustra petiisset ab Hispania, neque tamen aliud indè recipe-

Haras ad
hunc annū. ret, quàm sola verba, *quibus bella* non geruntur*: tandem ex ægri-
Spond. hic tudine animi in morbum lethalem incidit; & consuetis Ecclesiæ sa-

n. 4. cramentis maturè præmunitus, die primâ Octobris pientissimè in
Strada dec. Domino obdormivit. Successorem in officio gubernatoris habuit,

1. l. 10. quem ipse ante mortem designaverat, Alexandrum Farnesium, Par-
**Strada ib.* mæ Ducem, innumeris penè victoriis annorum subsequentiū de-
cursu inclytum, uti suo loco denarrabitur.

An-

Annus Christi 1579.

GREGORII XIII. Pontificis 7. & 8.

RUDOLPHI II. Imperator. 3. & 4.

HENRICI Admin. Paderb. 2. & 3.



Paulò antè, quàm anno superiore moreretur Joannes de Austria, rursus in Belgio se ostentare coeperant ingentes Ordinum Belgicorum copiae, post Gemblacense praelium è diversis aliorum Regnorum provinciis accersitæ. Quæ tamen singulare nihil contra Hispanos & Regios profecere; quod ipsimet seditiosi Belgæ magnis animorum dissensionibus à se invicem distracti, ac minimùm in tres diversas factiones divisi essent. Prima earum stabat pro Matthia Archiduce nuper accito; cui favebant Flandro-Belgæ, Brabantini, Frisii, Transisalani. Altera pro Francisco Alenfonio, tunc Andegavensium Duce, è Gallis evocato; cui favebant Hannonienses, Artesii, & Flandro-Galli. Tertia pro Wilhelmo Principe Arausionensi vel Orangio; cui perditè adhærebant Hollandi, Zelandi, Geldri, & Ultrajectini, cum Joanne Casimiro Ludovici Electoris Palatini fratre. Observabat hæc sollicitè è suis castris, probissimè communitis, Alexander Farnesius, Parmæ Dux, quem defuncto Joanni Austriaco surrogatum diximus. Ac tametsi res Hispanicæ tunc temporis jam in eas angustias redactæ essent, ut è septendecim provinciis Belgii solæ tres, nimirum Luxemburgica, Namurcensis, & Limburgensis, unà cum aliis nonnullis urbibus & oppidis in Philippi Regis fide constantes manserint; sperabat tamen, eam Ordinum Belgicorum dissensionem sibi & exercitui suo ad prosperos armorum progressus non parùm profore. Nec fefellit ipsum hæc opinio. Nam Alenfonius, cum ad explenda suorum stipendia non sufficeret, exauctorato milite suo sub finem anni superioris in Galliam reversus est; nullo alio tantorum impendiorum fructu, quàm quòd inani titulo *defensor Belgicae libertatis* à quibusdam appellatus esset. Similiter & Joannes Casimirus, qui præcedenti æstate multa equitum, peditumque milia in Belgium adduxerat; eadem pecuniarum difficultate pressus, ineunte Januario hujus anni in Angliam discessit, visurus illic, ut Elisabetham Reginam flecteret ad privatas, publicasque Ordinum Belgicorum necessitates, præsentì pecuniâ sublevandas.

Lætus hoc eventu Farnesius mense Januario exercitum suum in hostes duxit: captisque primùm levioribus quibusdam oppidis ac munitionibus, per quas annona foederatis intercludi ad Mosam

po-

In Belgio magnus foederatorum exercitus, ante annu conscriptus, exeunte eodem aò per intestinas discordias iterum dilabatur.

Spond. ad ann. 1578.

Srada dec.

2. l. 1. in initio.

Haras & alii.

Alenfonius, Gallie Regis frater, exauctorato milite in Galliam revertitur.

aut. iidem

Joannes Casimirus Palatinus, deficiente suorum stipendio, abijt in Angliam.

aut. iidem

Alexander Farnesius, cognito utriusque

abitu, Joannis Casimiri copias in Arschottanis confiniis hiemantes, & ingenti stipendiorum inopia fatigatas. Quas cum ibidem unâ aut alterâ velitatione aliquantulum attrivisset; in eas tandem angustias compulit, ut omnis ille miles domuitionem suam libero, securoque in Germaniam com-
Strada de bello Belg. Dec. 2. l. 1. Harans in ann. brabant. Trajectum ad Mosam obsidet, illudque die 29 Junii tandem expugnat.

Strada ib. l. 2. & 3. Harans ib. Spond. hic n. 8.

Coloniae pro tentanda Belgarum concordia instituitur conventus publicus, solenni supplicatione inchoatus. Spond. hic n. 9. Isfeld l. 1. de bello Colon. Harans & Strada loc. cit.

poterat, castra movit ad opprimendas Joannis Casimiri copias, in Arschottanis confiniis hiemantes, & ingenti stipendiorum inopia fatigatas. Quas cum ibidem unâ aut alterâ velitatione aliquantulum attrivisset; in eas tandem angustias compulit, ut omnis ille miles domuitionem suam libero, securoque in Germaniam com-
 meatu libentissimè pactus fuerit. Nec multò post etiam ipsèmet Joannes Casimirus, qui die decimâ quartâ Februarii ex Anglia Fliessingam renavigaverat, suorum abscessu cognito, sinè gloria sinè milite, sinè omni honore bellico, properatis itineribus in Palatinum se recepit. Tum verò Farnesius, à residuo foederatorum exercitu nihil adversi metuens, celerrimè se Trajectum ad Mosam vertit; urbemque illam, satis amplam & optimè communitam, die duodecimâ Martii totis castris incingere coepit, priusquam ab Ordinibus foederatis copiosior miles injici vel infundi posset. Multa quidem ab Orangio tentata sunt ad hanc urbem liberandam. Sed quia Farnesii castra validiùs prævunita erant, quàm ut sinè periculo novæ cladis invadi possent; urbs ea demum in extremas necessitates acta, & infesto sanctorum Petri & Pauli armatâ manu à militibus Regiis expugnata est.

Interea Rudolphus Imperator, volente & consentiente Philippo Hispaniarum Rege, pro tentanda Belgicorum tumultuum pacificatione splendidissimum Colonienſi in urbe congressum instituerat; in quo, præter complures ambarum partium Legatos, nomine Cæsaris comparuere Gebhardus Elector Colonienſis, Jacobus Elector Trevirensis, Julius Episcopus Herbipolenſis, & Otto Henricus Comes de Schwartzenburg. Hi ut suorum tractatum ac negotiationum felicius initium caperent, pridie Kalendarum Maji solennem in urbe supplicationem adornârunt; in qua divinissimum Christi Corpus, unâ cum innumeris Divorum Reliquiis, apparatu maximo circumlatum est. Juxta illud incedebant suprà dicti duo septemviri, & in medio eorum Nuntius Apostolicus, Joannes Baptista Castaneus, Archiepiscopus Rossanensis in Italia. Ponè sequebantur Julius Herbipolenſis, Legatus Imperatoris, quem ab utroque latere conducebant Carolus, Terræ novæ Dux, Legatus Regis Catholici; & Philippus Dux Arschottenſis, Legatus Ordinum Belgicorum. Tum deinde egregii duo Abbates ab iisdem Ordinibus missi, unâ cum ceteris Legatis, Oratoribus, Legatorum consiliariis, & innumera Clericorum, Religiosorum, populique Agrippinensis multitudine, quæ Venerabile Sacramentum anteibat, vel devotis cantibus proſequebatur. His initiis præmissis, die septimâ Maji processum est ad consultationes pacis: magnâ quidem animorum contentione; sed longè minore fructu.

fructu. Licet enim Rex ibidem Ordinibus Belgicis amore pacis concederet omnia, quæcunque salvâ auctoritate suâ & Catholicâ Religione poterat (*nimirum ut omne Belgium externâ militiâ liberetur; ut ejus loco deligatur alius exercitus, Belgarum populo magis gratus, et bello sustinendo par; ut ad civitatum, arciumque præfecturas, aliæque honoratiora munia, in posterum non admittantur, nisi soli Belgæ; ut acatholici, qui in provinciis extra Hollandiam et Zelandiam habitant, impune ibidem sine exercitio suæ Religionis degant; ut ad suprema provinciarum gubernacula à Rege non admoveatur alius, quàm Regii sanguinis Princeps, et ejusmodi, de quo justam conquerendi causam non habeant*) Hæc, inquam, & alia Belgis faventissima licet amore pacis concederet Philippus Rex; nihilo minùs tamen Orangius, cui pax & concordia neutiquam in votis erat, semper aliis atque aliis exceptionibus & effugiis rem istam ità involvere studuit, ut casso tandem eventu congressus ille, die decimâ tertiâ Novembris, cum ingenti partium indignatione dissolutus fuerit. Singulari tamen consilio providere Superi, ut obliquè, vel, ut ajunt, *indirectè*, ex eodem conventu non parva rerum conversio in Philippi Regis utilitatem profilièrit. Nam inter ista pacificationis tentamenta, Hannonienses, Artesienses, & Flandro-Galli, cum viderent, Orangium nihil aliud, quàm Catholicæ Religionis interitum velle, ideòq; & æquissimis concordie articulis præfracto animo dorsum obvertere; non expectato ceterorum Ordinum consensu, pacificationis oblatae leges unanimiter complexi, & in Regis Philippi gratiam promptissimè recepti sunt. Idem fecere postea quinque ex Legatis Ordinum, de Colonienſi congressu rediit; maximèque Philippus Dux Arschottensis, & alii complures Belgarum Proceres, eorundem exemplo tracti. Qui & omnes juramento edito sponderunt, se in posterum Regi suo constantissimè parituros, & Fidem Romano-Catholicam usque ad vitæ ac sanguinis profusionem defensuros esse.

Utinam laudatissimo hoc Religionis, Fideique zelo arfisset etiam, qui suprà in congressu pacificationis nominatus est, Gebhardus Ecclesiæ Colonienſis Archiepiscopus, & sacerdos consecratus. Memorat quidem Klocknerus auctor coævus, eum Coloniae in congressu prædicto coram pluribus asseverasse, *quòd infurcam agi malit, quàm à Fide Catholica recedere; aut libertati Religionis, quæ à multis in Belgio petebatur, consentire*. Sed, an id seriò ac synceriter; an verò fictè & solùm fuci faciendi causâ ab eo dictum fuerit, quis divinet? certè jam eo tempore propudiosis mulierum amoribus implexus erat, multisque* noctibus furtivè in cubili suo versabatur cum Agnète Mansfeldica, domicellaris Collegii Gerrisheimen-

Philippus Hispaniæ Rex faventissimos concordie articulos Ordinibus foederatis offert. Spond. ib. Haraus ad hunc ann. pag. 296. Qui cum ab Orangio & suis obstinate rejicerentur, conventus ille tandem eventu casso dissolvitur. Spond. & alii. Hannonia, Artesia, & Flandro-Gallia, ad sui Regis obsequium redeunt; spondentq; se in Fide Catholica usque ad mortem persistere velle. Haraus in ann. brabant. Strada dec. 2. l. 1. & 3. Gebhardus Archiepiscopus Colon. eo tempore jam ardebat propudiosis amoribus. Agnetis Mansfeldicæ. *Iffelt. l. 1. de bello Colon.

Similiter & heimenſis Canoniffa, quam deperibat, Nec hilo pilóve melior fuit
 Henricus hac in re Henricus Archiepiſcopus Bremenſis, Paderbornenſis &
 Admini- Ofnabrugenſis Eccleſiæ Adminiſtrator. Nam & ipſe è civitate
 ſtrator Ec- Colonienſi, ubi jam antè inter Canonicos majores vixerat, con-
 cleſiæ Pa- cubinam habebat Annam Beſtorpſiam Colonienſis Doctōis filiam:
 derb. depe- quam egregiè comptam, & meretricio ornatu ſplendidam, aſſi-
 ribat Annā duè ducebat ſecum, non finè peſſimo Clericorum & ſacerdotum
 Beſtorpſiam in antiqua Fide nutantium exemplo. Unde & eo regente Pader-
 Doctōis borna ferè tota, quam hucusque priores Epifcopi in Catholicæ Re-
 Colonien- ligionis gremio retinuerant, unà cum omnibus animarum curato-
 ſis filiam. ribus in Evangelii Lutherani complexum proruit; viditque verum
 Klockner. eſſe id, quod ex concilio Tridentino ait Cratepolius: *Integritas*
 in hiſt. Pad. *praſidentium ſalus eſt ſubditorum; totiùſque Dominica familia ſtatus et*
 ms. part. 2. *ordo nutabit, ſi, quod requiritur in corpore, non inveniatur in capite.*
 Paderborna ferè tota ej⁹
 exemplo Fi- dem anti-
 quâ deſerit.

Eodem aō Ceterum hic annus Paderbornenſi Dioceſi noſtræ non parum
 in Dioceſi felix & auſpicatus fuit ob detectam ac diſſipatam ſceleſtiſſimorum
 Paderbor- aliquot latronum ſocietatem. Auctōr illius erat Bernardus qui-
 nenſi dete- dam, viliffimo loco natus in pago *Haren*, ad campum Sintfeldi-
 gitur perdi- cum ſito. Is, cum ferè ſex vel ſeptem annorum eſſet, quotidie
 tiſſima cum aliis id genus mendicabilis jacebat ad portam vicini monaſte-
 quædam la- rii Bôdecenſis. Et quia formoſulus, rectique corporis adoleſcens
 tronum ſo- erat; ejuſdem monaſterii Frater Laicus (cui rei agrariæ cura com-
 cietas, miſſa erat) miſericordiâ Chriſtianâ motus, aſſumpſit eum, effe-
 Klockner. citque, ut ex illo mendiculorum grege melioris educationis cau-
 in hiſt. Pad. ſâ ad monaſterii culinam admitteretur. Ibi, dum horis otioſis ad
 ms. part. 3. focum ſedens continuò ſcriptitaret in cineribus, communi cete-
 Natus hic rorum lixarum joco *Scribonius* appellatus eſt: quod ei nomen ita
 in pago Ha- ſemper adhæſit poſtmodum, ut etiam adultioribus annis haud alio
 ren, & in quàm *Scribonii* vel ſcriptoris nomine vocatus fuerit. Subinde in
 monaſterio Bôdecenſi manſit per annos decem & ampliùs; eoque
 educatus, tempore cum prædicto Fratre Laico frequenter egrediens & regre-
 diens, didicit omnia ſecreta ejus: nimirum, quâ clave portam cœ-

Anno ætatis nobii-aperiret (poterat enim ſuorum negotiorum cauſâ ſummo
 propè deci- mane vel ſero veſpere exire vel redire) ubi cubiculum ipſius eſſet,
 mo octavo quo in loco pecuniam ex re lignaria vel agraria collectam repone-
 ad parentes ret, & plura alia. Poſt, ubi jam circiter octodecim annorum ef-
 revertitur, ſet, exhibat ſemel ad parentes ſuos in pago *Haren*. Cumque ibi-
 Et cum eis dem per dies aliquot moraretur; fortè fortunâ contigit, ut pere-
 nocte in- grinus mercator aliquis, præcipiti nocte à via ſeductus, ad pater-
 tempeſtâ num ejus mapale adveniret, pretiôque oblato peteret, ſe deduci
 mercatorē ad commune diverſorium. Reſpondit illico ſcelerata mater: *di-*
 peregrè ve- *verſorium adhuc procūl diſtare, et viam ad cœnoſam eſſe, ut agerri-*
 nientem me
 obtruncat.
 Klockner.
 ibid.

*mè illuc inter ejusmodi tenebras pervenire queat: quod si autem in hoc ma-
pali commanere secum non dedignetur, se eidem pro suis viribus infer-
vituram.* Acceptabat id homo de via fessus ac famelicus; aper-
tòque statim facculo, pecuniam ei dedit, quâ cerevisiam & alia
ad frugalem coenam necessaria compararet. Sed eâdem nocte,
postquam jucundè coenatum, bibitumque fuerat, infelix advena
securi percussus & crudelissimè interfectus est, sceleratâ matre ma-
ritum, filiùmque suum ad ejusmodi facinus instigante.

Præda satis opima, quam ex latrocinio consecuti sunt, eum
in modum placuit *Scribonio*, ut in posterum omni vitâ suâ hanc ar-
tem factitare, constituerit. Eoque in proposito mater venefica non
modò confirmavit ipsum; sed etiam, ut securiùs latrocinari pos-
set, ei calamum aliquem, veneficiis imbutum, tradidit, cum ea
sponsione diabolica; quòd hoc amuleto, manu sinistrâ tento, hu-
manorum oculorum aciem effugiturus, omniâque vincula sibi in-
jecta facillimè soluturus vel excussurus sit. Lætus hoc dono *Scri-
bonius* confestim sibi socios complures adlegit: qui, ut firmiùs
invicem se astringerent, sanguinem suum ex inciso digito pro-
manantem sibi mutuò propinârunt, intermixto simul hoc averna-
li juramento: *quòd nunc et in æternum sanctissima Trinitatis, JESU,
MARIE, sanctorum omnium, et quorumlibet Christianorum, insensif-
sami hostes vivere, et mori velint.* Quo peracto mox decrevêre, pri-
mum suæ improbitatis experimentum capere in illo Fratre Laico,
qui in Bôdecensi monasterio *Scribonium* educaverat. Itaque sub
vesperum collocabant se in ejusmodi loco; ubi eundem, è silvis,
agrisque reducem, certò transiturum noverant. Ibi miserum pro-
tinus invadunt, verberant, humi fundunt, veste religiosâ exuunt,
simul claves & omnia, quæ habebat, eidem auferentes. Cùmque
infelix Frater *Scribonium* suum tristissimo vultu intuitus, diceret:
Hæcine merui abs te, fili mi? ille nihil indè mitigatus, adhuc fero-
ciùs in insontem irruit, linguam ipsi evellit, genitalia membra ex-
scindit, frustra que obluctantem in abstrusissimo saltu crassis funi-
bus ad arborem prægrandem alligat; ubi nudo, mutiloque corpo-
re per totum fere quatrídium stare debuit, & vitam vel ipsâ mor-
te duriores agere. Tum verò trifurciter iste religiosam ejus ve-
stem induere; ceterisque fociis in vicina silva præstolari jussis, ad
Bôdecense monasterium pergere, portam exteriorē clave acceptâ
referare, cubiculum Fratris introire, arcas omnes evacuare, pecu-
nias ab eo custoditas auferre, spoliòque non parvo dives, eâdem
nocte ad suos regredi. Illi tam optato successu hilares, triduo pro-
ximo jucundè litârunt Baccho: interimque miserrimus ille Frater,
cujus vestem inter abdita dumorum texerant, circa fatalem arbo-

Spolio ac-
cepto lætus
eam latro-
cinandi ar-
tem ulterio-
rè facitare
statuit,
*Klockner.
ibid.*

Socios
complures
in scelerum
societatem
adsciscit;
*Klockner.
ibid.*

Ejuratòque
Deo & San-
ctis omnib⁹
*Klockner.
ibid.*
primum la-
trocinandi
experimen-
tum cum iis
capit in Fra-
tre Laico
Bôdecensis
monasterii;
*Klockner.
ibid.*

quarto die
post eum
interficiunt

M m m

rem

corpore ej⁹
inter vici-
nas lignorū
strues oc-
cultato.
Klockner.
ibid.

rem suam difficillimā vitæ, mortisque luctā eum in modum sese circumegerat, ut eidem injecti funes continuā ligati corporis gyratione profundum huic arbori sulcum induxerint; quemadmodum suis oculis vidit, qui hæc descripsit Martinus Klôckner. Quarto autem die, cum ad arborem redirent, Fratrēque morti proximum, & ante oculos suos expirantem offendissent; cadaver ejus inter vicinas lignorum cæduorum strues abdidere: ubi tandem adultā hieme post avecta culinaria, focariāque ligna inventum est, non sinē magno Religiosorum Bôdecensium gaudio; quippe qui jam pridem suspicati fuerant, eum unā cum pecuniis sibi creditis à Fide & Ordine suo profugisse.

Post hæc in
omnem la-
trocinandi
licentiam
effusi, toto
ferè bien-
nio cædes
innumeras
perpetrant,
etiam
quandoque
soliis vo-
luptatis
causā.

Post hæc in omnem latrocinandi ac libidinandi licentiam effusi, per totam undique Dioecesim, præcipuè verò in silvis prope Dalhemium, Kleinenbergam, Hardehusium, Stattbergam, aliisque in locis proximioribus, tam innumeras hominum itinerantium cædes per biennium perpetrarunt, ut nullum ferè calamum iisdem recensendis vel describendis parem invenire liceat. Neque solum id agebant lucri vel quæstus faciendi gratiā; sed etiam quandoque solius diabolicæ voluptatis explendæ causā: ita ut subinde non minus in mendicos obvios, quàm in homines pecuniosos desævirent. Sanè pauperculum adolescentem ex pago Rôsenbeck, dum ex opido Stattbergenfi domum rediturus, levandæ sitis causā in vicinum fonticulum prono ventre procumberet; *Scribonius* à tergo involans, tam diu in aquis tenuit, usque dum in iis violentā morte præfocatus esset. Ac tametsi puer iste, vermiculi morientis instar, miserabili corporis inflexione fatorum necessitati sic obluetur, ut & ipsi lapides commiseratione tangi aut frangi posse viderentur: *Scribonius* tamen huic spectaculo non solum hilariter adrisit; verum etiam eā de re paulò antè extremum supplicium interrogatus, asseruit: *hanc adolescentis morituri luctam sibi admodum delectabilem, visūque jucundam fuisse.* Pari truculentiā tres mulieres prægnantes, ac nullo ferme peculio præditas, unā cum suis comilitonibus interemit; earundem uterum dissecuit; fetum inibi latentem protraxit; ea solum ex causa, ut videret, an prolem masculinam gererent, quā ad suas præstigias, artēsve magicas abuti posset. Cumque in illis tribus non nisi prolem femellam reperisset; cum ingenti stomacho comminatus est, non prius destitutum se ab occidendis hujusmodi mulieribus, donec è dissectis earum uteris fetu masculo potiretur. Quod autem in his malis tristissimum erat, scelesti nebulones isti incredibili celeritate commigrabant ex uno loco in alium: ita ut, si hac horā prope Dalhemium visi essent; non multò post apud Kleinenbergam, Hardehusium, Statt-

Stattbergam, aut Breidelariam conspecti fuerint. Unde etiam communis hominum persuasio erat, eos arte diabolica ex uno loco in alium transportari.

At non ita in his permittendis dormiebat cæli oculus, quin demum evigilaret in interitum *Scribonii* & sociorum ejus. Prima omnium poenas dedit, promiscuæ libidinis mulier, cognomento **Schnatentopff**; quæ iisdem cibaria in silvis afferebat, eaque occasione sæpe illis multorum itinerantium vitam prodiderat. Hæc tandem ab excubitoribus ubique positis comprehensa, severis quæstionibus pressa, condemnata, capite plexa, & prope *Kleinenbergam* rotæ imposita est. Nec multò post etiam *Scribonius*, Haræ in pago suo natalitio captus, *Wewelsburgum* ducitur, arctissimis ibidem vinculis præalta in turre constrictus. Ac tametsi rursus ex iisdem, non sine dæmonis auxilio, post unam alteramve noctem eluctatus fuerit; in ea tamen fuga & præcipiti lapsu (quem in petram subjectam fecit) præstigiosum calamum, sibi nuper à matre traditum, non sine magna animi consternatione perdidit. Unde & ipse postmodum conquestus est, vereri se, ne amisso hoc amuleto, vitæ suæ & latrociniorum præteritorum finis appropinquet. Id quod etiam non longè abhinc evenit, eâ occasione & rerum serie, quam hîc adjungo.

Deamabat mulierem aliquam in vicinia *Marienlohæ* & *Benhusii* natam, ex qua violenter oppressa filiolum consecutus erat. Huic ille sæpius intentaverat, ut vel ubilibet locorum ad ejus obsequium curreret; vel certè, nisi id ita vellet, extrema omnia, necemque indubitata à se, suisque sociis exspectaret. Percussa his minis femina (cùm videret, se vel occidendam à *Scribonio*; vel, si ille tandem caperetur, percutiendam esse manu carnificis) accurrit clanculum ad *Aulæ nostræ Ministros*; promisitque, si vitæ gratiam sibi fecerint, curaturam se, ut *Scribonius* nullo ferè negotio in manus ipsorum veniat. Libentissimè id acceptabant *Ministri Principis*. Et, quia mulier ista liberali simul præmio se donandam intellexerat, si telam hanc fortunatè posset pertexere; continuò *Scribonium* suum rogat, ut in pervigilio *S. Andreæ Apostoli*, non procul *Paderbornâ*, veniat ad eam officinam laterariam*, quæ ab urbe semotior est, ibi se futuram cum parvula prole sua, & paraturam omnia ad jucundè convivendum necessaria. Quod cùm ipse protinus amore prolis addixisset; rursus illa ad eosdem *Aulæ Ministros* regredi, *Scribonii* responsum aperire, diem adventûs ejus prodere, simulque eis hoc signum faciendæ invasionis dare, ut executores tunc in ædes conditæ irruant, quando ipsa lotos pueruli sui panniculos in ostio domûs explicaret.

M m m 2

Subinde

Mulier, latronum
istorum sociâ, capitur, & extremo supplicio punitur prope *Kleinenbergâ*. *Klockner*.
loc. cit.
Scribonius etiam comprehensus, ope dæmonis è carcere clauditur; amisso tamen amuleto, quod acceperat à matre venefica. *Klockner*.
loc. cit.

Rursus tamen ab alia amasia sua, post promissam viæ gratiam, judicibus proditur: *Klockner*.
ibid.

*vulgò amferren
Stiegels
haus auf
der Eluf

Et astu va-
ferrimo in
manus infi-
diatorum
traditur.
Klockner.
p. 3 hist. Pa-
derb. mss.

Capitur,
abducitur,
& condi-
gnâ morte
condemna-
tur.
Klockner.
ibid.

Dalhemiū
deinde ave-
hitur.
Klockner.
ibid.

Subinde rerum hujusmodi administer Joannes Rambock, die constitutâ, priusquam dilucesceret, ibidem adest cum expedito armatorum virorum agmine, quos obtegni consilii sui causâ quaquaversum in latibulis propinquis occulit. Nec multò post etiam *Scribonius* advenit, ædes intrat, amasiam suam salutat, puerulum sibi genitum peramanter excipit, amplectitur, deosculatur, bombardâ & bipenne suâ tantisper ad parietem vicinum positâ. Interea domûs illius hospita, rerum agendarum probè conscia, scopas arripit, culinam everrit, aream emundat; & quò longiùs expurgando progreditur, eò magis ac magis inobservato motu bipennem & bombardam ejus de loco priore demoveret. Similiter & *Scribonii* amasia, linteorum infantilium lotione peractâ, accedit propiùs ad ostium domûs; panniculisque supra illud explicatis, Rambockio & sociis ejus è conditio signum dat aggressionis inchoandæ. Quo visò ille derepente cum suis advolat; vigiliisque circa domum totam dispositis, ipse cum quaternis vel quinis per posticum intrans, ait: *Ave hospita! quos et quales hîc habetis advenas?* Consternatus indè *Scribonius*, puerum, quem tenebat, furibundo similis in terram projicit; frustra que circumspiciens bombardam ac bipennem suam (utraq; enim protinus ab astuta hospita per fenestram ejecta est) pleno impetu in anteriorem januam & panniculos ibidem explicatos insilit, ut ex ea parte fugiendi viam inveniret. Sed & hîc à constitutis excubitoribus prægrandi clavâ percussus, ac retrorsum in ædes recidens, tandem ab accurrente multitudine comprehenditur, ligatur, stringitur, funeq; toti etiam inferiori corpori circumjecto, & posterius per braccam exeunte vinctus, Neuhusanam in arcem deportatur. Ibi mox in quæstionem severam tractus, fidiculis in equuleo distentus, & horrendam scelerum suorum Iliadem confessus, experienciâ ferali didicit, verum esse Horatianum illud:

*Rarò antecedentem scelestum
deservit pede pœna claud.*

Supplicii locus, intrâ octiduum circiter, ei constitutus est prope monasterium Dalhemense; ubi plura, quàm in locis aliis latrocinia exercuerat. Illuc ut auctus erat, assiduè circa illum steterunt sacerdotes varii, qui ad Christianam poenitentiam, piâque mortem hortarentur: nec tamen ullus ipsorum tam felix aut potens, qui incarnatum hunc diabolum (sic enim potius, quàm hominem appellari, convenit) vel eò saltem perducere ac permovere potuerit, ut Sanctissimum JESU nomen invocare; ne dicam alias orationes fundere, aut conscientiam suam per salutes actus à peccatis expiare vellet. Unicum ipsius ad omnia pia monita responsum

fuerat: Deo et ejus amicitia se aeternum renuntiâsse; sacrum JESU In Dei ini-
 et MARIE nomen sibi pridem in odio fuisse; juramento se obligatum ad micitia se
 perpetuam hostilitatem erga Deum et sacra omnia; nec ullatenus com- moriturum
 missurum, ut ejusdem promissi violatione dæmoni perjurus fiat. Unde proficetur.
 & ab omni scelerum suorum dolore ac detestatione tam procùl abe- Klockner.
 rat, ut etiam de iisdem perpetratis maximopere lætaretur, & in- ibid.
 dubitanter diceret: Vos quidem arbitramini, me jam neci dandum esse;
 at ille, cui ego me in aeternum devovi, non omittet, me de manibus tor-
 torum eripere, et à suppliciis omnibus expedire. Ergo, postquam totâ
 nocte superiore frustra laboratum erat in lavando hoc æthiope, se-
 quenti mane rursus in finale judicium adductus est. Ubi, cum
 abominanda ejus flagitia publicè recitata, & ab eo intrepidè affir-
 mata essent; postrema capitis sententia hoc modo in eum pronun-
 tiata est: Scribonius ob infanda scelera sua in asserre vel tabula quadam Ac demum
 fortissimè constringitor: forcipibus ignitis, ubicunque ejus caro prehendi morte seve-
 et interpreti potest, vivo corpore lacerator: postea venter ejus licetorio cul- rissimâ ple-
 tro inciditor, impiissimum cor in ejus faciem incutitor, corpus totum in- titur.
 quatuor partes disseccator, singulâque illa segmenta versùs quatuor mun- Klockner.
 di plagas in exemplum ac terrorem omnium appenduntor. ibid.
 Quis non
 putâset, feram hanc audito hujusmodi supplicio non nihil terrefa-
 ctum iri? At ille vultu nihil immutato, non modò non expavit;
 sed etiam totâ viâ, quâ ad locum supplicii vehebatur (præsertim
 quando virgines & mulieres innuptæ aderant) impudentissimis,
 turpissimisque verbis, devotam orco animam oblectavit. Imò
 cum ad aream poenalem advenisset, ibidémque in ferali tabula jam
 extendi coeptus, intueretur ignes illos, qui ad accendendas forci-
 pes præparati erant; confictis ambabus manibus joculari verbo
 adhuc dicere ausus est: Adducite mihi hos ignes, ut manus meas non-
 nihil calefaciam! cui tamen perbellè vicissim carnifex: Flabe, obsecro,
 adhuc parùm patientiæ; et ego te abunde calefactum dabo. His auditis,
 aliquantulum ei cadebat animus: præsertim cum videret, adhuc Frustra ab
 nullum sibi auxilium ab orco vel dæmone, ut speraverat, afful- amico dæ-
 gere. Ajunt quidem, eo tempore prægrandem, nigerrimūque mone se li-
 corvum inter vicinas arbores consedisse, & à Scribonio semper in berandum
 cruciatu suo fixis oculis observatum esse. At funesta avis illa, si sperans.
 sub ea dæmon aliquis delituerit, certè hujus adstrictissimi amici Klockner.
 sui liberatorem se minimè exhibuit: atque ideò, cum ad ignitas ibid.
 forcipes iteratò ac sæpius processum foret; homo desperatissimus,
 & furie infernali similis, tam horrendum immugiit, ut ipse carni-
 fex, animi defectionem ex nimio terrore passus, alteri succedaneo
 ulteriorem executionem committere debuerit. Et hic deinde reli-
 qua omnia, pro ut per sententiam suprâ dictam imperata erant,
 tam

tam diu fortiter ac imperterritè fuit executus, donec perditissimus ille trifurcifer sceleratam animam ad æternos ignes exhalaverit. Acta sunt hæc mense Decembri præsentis anni, ferè tredecim diebus ante Natalem Domini.

Paulò post etiam capitur primarius ejusdè socius, parique supplicio afficitur: sed si-
ne ullo poenitentiae signo.

Klockner. in hist. Paderb. ms. part. 3.

Aliis alibi condemnatis, postremò etiam Scribonii mater venefica Cassellis plectitur
Klockner. ibid.

Maclatâ hac diaboli sue, paulò post etiam primarius ejusdè socius (cui nomen *Grumbenstien*) homo pariter adhuc juvenis & imberbis, Wewelsburgi interceptus; & ibidem *prope latam quercum*, eodem, quo *Scribonius*, cruciatuum ac suppliciorum ordine ad inferos demissus est. Nec ille pariter ad cælestia se convertere, aut ullum salutaris poenitentiae signum emittere, visus est; sed velut homo desertus à Deo, quidquid piarum admonitionum à sacerdotibus adhiberetur, obstinatâ mente cum risu & sibilo semper explosit: non secus, ac si decrevisset ad infernum ire; & eidem consociari in poenis, cui consociatus fuerat in flagitiis. Simili modo alii duo Dringenbergæ, alii verò aliis in locis propediem apprehensi, & ad condigna supplicia raptati sunt: ità, ut ex putidissima illa scelerum colluvie intra breve tempus ferè nemo amplius in vivis degeret; quàm, quæ malorum istorum auctor & origo erat, *Scribonii* occisi mater venefica. Sed & hæc, licet ocyus in Hassiam vicinam profuga, ibique virum sub assumpto militari habitu mentita fuerit; brevi tamen detectis hujusmodi fallaciis agnita, & Cassellis ad severum tribunal evocata (nescio quo mortis & cruciatuum extremorum genere) sceleratam vitam nece infami clausit.

Annus Christi 1580.

GREGORII XIII. Pontificis 8. & 9.

RUDOLPHI II. Imperator. 4. & 5.

HENRICI Admin. Paderb. 3. & 4.

Mense Februario Paderbornæ moritur Sacerdos apostata, Georgius Holthusius, concionator summæ ædis & Pastor ad S. Pancratium.
Klockner. in hist. Paderb. ms. part. 3.



Utherana fides Paderbornæ sub auspicio Lutherani Principis jam ità invaluerat, ut passim erecto collo, magnisque gressibus per totam urbem ac Dioccesin iret: cum ex improvise nova syncerioris doctrinæ lux ibidem oritur ex introducta in hanc urbem Societate JESU. Decedebat in Februario Georgius Holthusius, Cathedralis Ecclesiæ concionator, simulque Pastor ad S. Pancratium: qui, tametsi biennio abhinc rejectâ Fide Catholicâ ad Lutheri placita deflexisset, ut uxorem, quam deperibat, cum sacerdotali gradu conjungeret; à majori tamen Capitulo, offensæ Principis evitandæ causâ, tolerari in officio debuit, quàm diu vixit. Ne autem in posterum similis vipera in cathedram veritatis irreperet;

ret; Canonici Cathedrales, pro majori securitate sua, parochialem Ecclesiæ Pancratianæ curam à supremi concionatoris officio iterum sejunxere, uti jam aliàs ante Holthufium fieri consueverat.

Et Pastoratui quidem Pancratiano admotus est Hermannus Tünneken, vir idoneus, ut initio videbatur; sed qui postea majoris Capituli & proborum omnium expectationem turpiter fefellit. Etiam si enim prius, quàm ad hanc parochiam admitteretur, in domo Capitulari coram Reverendissimo Domino Theodoro de Fürstenberg, tunc adhuc majori Præposito, non solum examinatus; verum etiam in præsentia Notariorum ac testium, antiquam veramque Fidem Catholicam adjuncto corporali juramento professus fuerit: nihilo minùs haud multò post, conculcatâ ejusdem jurisjurandi fide, Lutheranum præconem induit, veteremque Religionem Catholicam acerrimè infectatus est. Contrà verò (quod urbi ac Dioecesi nostræ felicissimum fuit) ad cathedram summæ ædis à majori Capitulo evocatus est sacerdos aliquis è Societate JESU. Quem ut certiùs impetrarent; continuò Decanus & Capitulum, die decimâ nonâ Februarii, ad Fuldenfis & Heiligenstadiensis collegiorum Rectores expedièrunt sequentes literas, zelo Fidei & sancto fervore plenas:

Ad Ecclesiâ Pancratianam seu forensensem promovetur Hermannus Tünneken, sacerdos: post etiam apostata. *Klockner. loc. cit.*

Jesuitæ vocantur Fulda & Heiligenstadio Paderbornam. *Hist. Collegii S. J.*

P*RAEVIÀ officiorum delatione, Reverende et admodum erudite Domine. Cùm nobis incumbat, veram nostram et veterem Catholicam Religionem omni conatu pro posse nostro vindicare, propugnare, et conservare; in quem finem, hisce dubiis temporibus, opus esset nobis in doctrina Theologica viro bene versato, qui concionandi munere in summa nostra ade præclarè fungeretur, et per hebdomadem aliquot horas lectionibus Theologicis impenderet: Referatur verò à viris fide dignis, huic obcundo officio admodum idoneos, facundos, multâ eruditione pollentes, in isto Collegio reperiri. Quare humanissimè ad Reverentiam vestram petendo recurrimus, ut ad tuendam et propagandam veram Catholicam Religionem omni meliore modo nobis velit esse adjumento; et personam requisitâ eruditione politam, cui de honesta et Ordini vestro conveniente sustentatione providemus, sub festa Paschalia mittere, non dedignetur. In eam spem venimus, id nos impetraturos: cùm sit Deo gratum, nobis ad communem animarum utilitatem necessarium, et à bonis omnino desideratum. Cui beneficio nobis præstando ut respondeamus; omnem curam et cogitationem collocabimus. Exspectamus certum et gratum responsum. Data Paderborne, Anno 1580, die 19. Februarii. Decanus et Capitulum Ecclesiæ Paderbornensis.*

Laudabili huic desiderio hujatis Capituli, quod eo tempore penè solum & unicè velut murum aheneum se opposuit pro domo Dei, perlubenter obsecundatum est à Præsìde Provinciali Christiano Socie-

Mittitur Heiligenstadio P. Christianus

Halverius
S.J.
*Hist. Colle-
gii Paderb.*

Huic dein-
de adjungi-
tur P. Ste-
phanus
Lohn; pau-
lòque pòst
Halverio
mortuo
succedit P.
Leonardus
Rubenus,
*Hist. Colle-
gii.*

**vulgò* am
Istenber:
86.
duobus Pa-
tribus affi-
gnatur fa-
cellum S.
Bartholo-
mæi cum a-
liqua domo
vicina.
*Hist. Colle-
gii Paderb.*

Societatis; missusque primùm è collegio Heiligenstadiensi Pa-
ter Christianus Halverius, sacrosanctæ Theologiæ Doctor, & vir
amabilis omnibus. Qui die 26 Martii, pridie Palmarum, unà cum
fratre laico Paderbornam veniens, in Abdinghoffensi monasterio
apud Patres Benedictinos, nostrorum quoque laborum avidos, fa-
miliari hospitio exceptus fuit. Huic deinde, post prægustatos ex-
hortationum sacrarum fructus, rogante eodem Capitulo in ince-
pti laboris partem adjunctus est Pater Stephanus Lohn, non mi-
nori virtute, quàm doctrinâ præditus: qui &, remisso ad Heiligen-
stadienses fratre laico, die vicesimâ sextâ Juli Padibornam attigit.
Sed amica hæc amborum confociatio brevi iterum dissipata est ce-
leriore unius morte. Halverius enim, cùm in Septembri negotio-
rum provincialium causâ Moguntiam accitus esset, indè redux, in
collegio Fuldensi ex illapsa corporis ægritudine cum ingenti no-
strorum dolore obiit; suamque stationem Padibornæ cœptam, re-
liquit successori suo P. Leonardo Rubeno, viro insigniter docto,
pio, ac devoto. Interea Pater Stephanus operam suam tam in con-
cionibus, quàm in catechismis, ita probaverat Illustrissimo Capitu-
lo, ut ab eo non solum de retinendo Patrum binario; verùm etiam
de eodem augendo & amplificando sollicitissimè cogitatum, a-
ctumque fuerit. Quem in finem, die 24 Octobris, primùm duo-
bus Patribus antè dictis assignata est antiqua domus concionatoris,
in colle Idonis* infra majorem Ecclesiam sita; deinde etiam, pridie
Kalendas Novembris, vicinum S. Bartholomæi sacellum pro cele-
brando sacrificio quotidiano, aliisque sacris functionibus, institu-
to & vocationi nostræ consentaneis. Ibi cùm incepissent habita-
tionem, sedemque suam figere; initio quidem rarissimus poeni-
tentium & communicantium accursus fuit: ita, ut etiam in festis
natalitiis Christi Domini non ampliùs, quàm duodecim homines,
ad accipiendâ poenitentiae & Eucharistiæ Sacramenta accedere, visi
sint. Sed hoc facilè concedendum erat malignitati istorum tem-
porum: cùm & universa penè civitas Lutheranis erroribus infecta
esset; & apud Catholicos, qui pauci tantum supererant, frequen-
tia sacramentorum jam ita exolevisset, ut non modò in desuetudi-
nem, sed ferme etiam in contemptum venerit. His tamen Patres
minimè absteriti, Apostolicæ vocationi suæ in sacris exedris fer-
venter institère; nihil interim ambigentes, quin progressu tem-
poris & Catholicorum numerus incrementum aliquod acceptu-
rus, & sacramentorum frequentior usus è concilii Tridentini nor-
ma Deo auspice restituendus sit. Neque hæ duorum sacerdotum
curæ solis Padibornæ moenibus includi se, ferebant; sed etiam in
Dioecesin totam, ubi major animarum utilitas vel necessitas po-
stula-

stulabat, quaquaversum diffusæ, cunctosque homines pari charitatis affectu pro suis viribus complexæ sunt. Certè Novembri mense unus eorum à Paderæ fontibus excurrere debuit ad monasterium Gerdense virginum, indeque paulò longiùs ad monasterium Patrum Benedictinorum ejusdem Ordinis in Marienmünster. Et quia templum utriusque loci satis amplam parochiam sibi adjunctam habet: præter exhortationes varias, privatim ad Religiosum conventum habitas, etiam persæpe ad frequentem populi multitudinem cum ingenti animarum fructu peroratum est; provisumque, ne qua hæresum vicinarum lues in utramque parochiam se infunderet.

Mense Novembri un^o eorum evocatur ad monasteriũ Gerdense, ac deinde ad monasterium B. M. V. in Marienmünster. *Ex eadem historia.*

Dis simulavit ista Henricus, Paderbornensis Ecclesiæ Administrator, & Pseudo-Episcopus. Multa enim reservabat in tempora secutura; & hoc anno potissimùm satagebat, ut in Monasteriensem Episcopatum, à quo ante biennium per sententiam Apostolicam exclusus erat, per vim & fraudem se intruderet. Quam ob rem die 24 Aprilis cum insigni comitatu è Dioecesi Osnabrugensi Monasterium venit, ejusdem urbis & plurium Canonorum, sibi nuper faventium, animos tentaturus. Exceperunt hîc illum

Henricus Ecclesiæ nostræ Administrator Monasteriũ venit ad consequendam insulã istius loci. *chron. Monast. ms.*

omnes eo honore, qui Principi externo deferri solet: simulque, ut ad portam* Salvatoris adventavit, curulium tormentorum grandiores machinæ ad eundem salutandum explosæ sunt. Exinde complures dies, majori Canonorum simulatione, quàm syncerâ voluntate ac studio, consumpti sunt in transigendo præteritæ electionis negotio. Henricus enim, cum probè sciret, ante biennium plura Canonorum vota stetisse pro se; quàm pro Ernesto Bavaro, cui soli seniores potissimùm adhæsere: adhuc atrociter minabatur, se nullatenus à jure suo abstiturum, nisi & seniores Canonici pariter ab Ernesto Bavaro se retraherent. Commodum

*vulgò die hõchster Porte.

hîsce turbis ac disceptationibus intervenit Wilhelmus Cliviæ & Montium Dux, à senioribus quibusdam secretò monitus. Is (ut primùm hæc ausa comperit) unâ cum Joanne Wilhelmo filio suo, qui Monasteriensi Episcopatu jam pridem habito nondum legitime renuntiârat, contractis illico magnis equitum armatorum turmis properavit Monasterium: primâque suâ adventûs famâ Henricum, huic mitræ insidiantem, ita conterruit, ut relictâ quanto-
cyus urbe & Capitulo, in Dioecesin Osnabrugensem festino cursu revolaverit. Subinde uterque Dux, pater & filius, tantâ urbis totius lætitiâ per Ægidianam portam introductus est, ut facile appareret, non adesse merum Episcopalis insulæ competitorem; sed verum, legitimumque Principem Dioecesanum. Displosa statim circa urbem tormenta quælibet, cives omnes bis mille circiter ac

Sed repellitur ab adveniente Wilhelmo Clivorum duce, ejusq; filio Joanne Wilhelmo *chron. Monast. ms.*

Qui & Mo-
nasterienſe
Episcopatū
retinuit uf-
que ad obi-
tum Henri-
ci Saxonis.
*chron. Mo-
naſt. mſ.*

ducenti pulcherrimo ordine ab utroque platearum latere in armis refulgebant, Clerus denique univerſus ac tota Nobilitas patria tali veneratione ac reverentiâ ambos Principes excepere, ut majorem ab iis requirere nemo poſſet. Ne autem Ordines Dioceſani tam citò novas paterentur moleſtias ab Henrico Saxone; magnis precibus egerunt cum utroque Principe, ut Joannes Wilhelmus, tunc ſolū annos octodecim natus, adminiſtrationem hujus Episcopatūs tam diu gereret ac retineret, uſque dum ætate magis provec̃tâ ad nuptiales thalamos tranſiret. Quod cū utrimque conſtitutum, & à Monasterienſibus quorundam oppidorum traditione firmatum eſſet; Henricus tandem acquieſcere debuit, nec unquam poſtea ad eandem infulam pervenire potuit, utpote celeriori morte ſublatus anno 1585, uti ſuo loco referetur.

Philippus
Hiſpaniæ
Rex Luſita-
niam occu-
pat Henrico
illius Rege
defuncto.
*Spond. ad
hunc annū.
Haraus in
ann. brab.*

Interea, dum hæc agerentur in Weſtphalia, fortunam Belgii non modicè retroëgit Philippi Hiſpaniarum Regis cupiditas; qui jam alterâ vice deſerebat propria, ut acquireret aliena. Obiérat hoc anno pridie Kalendas Februarii Henricus Luſitaniæ Rex, familiæ totius ultimus: de cujus hæreditaria ſucceſſione, præter Philippum Hiſpaniæ Regem, contendebant complures alii. Hos ut ille præverteret antè, quàm eorum vires diuturniore morâ per amicorum ſuorum factiones creſcerent; per æſtatem hujus anni cum ingentibus armatorum copiis, terreſtri ſimul & navali bello, in Luſitaniam irruit: eamque Albani Ducis felicitate ſic infregit, ut intrâ paucos menſes ferè tota ad ejuſdem Philippi Regis obſequium ſe incurvaret. Sed dum ibidem triumphabat contra Catholicos; viciffim ab acatholicis in Belgio multa ſibi met eripi, & in rebellium Calvinistarum poteſtatem devenire, ſivit. Neque ad avertenda hujusmodi mala ſufficere poterat edictum publicum, quo primarius ejuſdem concitator Orangius à Rege proſcriptus; ac velut perduellis, etiam conſtituto in occiſorem illius viginti quinque millium aureorum præmio, declaratus eſt. Quid enim proſint ejuſmodi paginæ, ſi non adſit robur in armis? Conabatur quidem Alexander Farnexius, quantum pro viribus ſuis poterat, inimicas Geuſiorum invaſiones frangere: nec inſtrenuè adjuvabant eum Hannonienſes, Arteſienſes, & Flandro-Galli, quos anno ſuperiore ad Regis Catholici fidem rediſſe, diximus. At longè infirmior ipſorum vis & poteſtas erat, quàm ut Orangium & foederatos debellare, vel obterere poſſent. Deerat miles ad bella neceſſarius: quia Farnexius, ex pacificatione ante annum inita, Hiſpanicas, Italicasq; legiones è ſuis caſtris dimittere debuerat. Aberant pecuniæ ad novum alium exercitum conſcribendum requiſitæ: quia Philippus Rex omne ærarium hoc anno inſumebat in bellum Luſitanicum.

Idem edi-
cto publico
proſcribit
Orangium
ſeduc̃torem
Belgii:
*Spond. hic
n. 9.
Haraus in
ann. Brab.
Sed nulla
contra eum
auxilia præ-
ſtat Alexan-
dro Farnex-
io guber-
natori Bel-
gii:
Auctores
ſidem.
Chytrani l.
25. Saxon.*

Neque

Neque aderat ullus alius belli nervus, unde ea, quæ deficiebant, expromi possent: quia paucae illæ provinciæ, quæ in Regis obsequio persistebant, nequaquam ita pecuniis abundabant, ut ad omnes belli impensas condignam auri, argentique copiam valerent suppeditare. Sic igitur sinè magnis ambarum partium victoriis hic annus abiit: nec ferè quid aliud ab iis gestum, quàm quòd foederati Mechliniam, Diestemium, & Campos, Regii verò Cortracum & Grôningam interceperint.

Atque ideo
singulare
nihil effici-
tur adver-
sus illum
& Geusios.
Auctores
iidem.

Porro cùm Orangius in id unum collimaret, ut omne Belgium Catholico Regi subtraheret; foederatis Ordinibus hoc anno rursus proposuit: *nullam spem apparere concordandi cum Hispano, idè quæ huic omne Belgarum regimen abrogandum esse, deferendumque alteri cuidam Principi, qui et impugnatæ opem vicinam ferre, et belli diuturni sumptus copiosiore nummorum impendio sustinere valeat. Ad hoc autem ferè neminem sibi magis idoneum videri, quàm Franciscum Alensonium, nunc Andegavensium Ducem, et Regis Galliarum fratrem: quippe qui et regnandi cupiditate flagret, et jam aliàs à foederatis Ordinibus defensor Belgicæ libertatis compellatus fuerit.* Quæ Orangii senfa cùm à plerisque ipsorum probarentur; tandem Alensonius, post multas consultationes, ad capeffendum Belgii Principatum legatione solenni accitus est: sed, uti Spondanus inquit, *adeò duris, servilibusque conditionibus, ut appareat, eum valde ambitiosum fuisse, qui oblatus ejus imperii umbram tanti emerit.* Acerbè res ista pupugit Matthiam Archiducem, qui triennio abhinc ab iisdem Ordinibus in Belgium accersitus; plurimisque falsis promissionibus ad capiendam istarum Provinciarum gubernacula, invito Rege & Cæsare, seductus erat. Jam pridem ille non sinè maximo cordis dolore viderat, Orangium illic omnia pro suo solius arbitrio gerere: se autem è diverso non gubernatorem Belgii; sed potiùs inane aliquod simulacrum gubernatoris agere. Atque ideo (cùm primùm audiit, Ordinum foederatorum vota se neglecto in Alensonium verti) prædicto gubernatoris titulo suâ sponte se palàm abdicavit; mensèque Martio sequentis anni foederatis Ordinibus valefecit, relicto hoc prudenti monito: *Restituo vobis, quidquid auctoritatis et potestatis in me conferri à vobis potuit: vos eadem sic utamini, ut hac de re non solum Regi; sed etiam Deo vestro valeatis respondere.*

Imò Oran-
gius, eâ pro-
scriptione
magis effe-
ratus, Prin-
cipatum
Belgii de-
fert Francis-
co Alensio-
nio, Regis
Galliarum
fratri.
Spond. hic
n. 9. & 10.
Heraus in
ann. brab.

Quo audito
Matthias
Archidux
gubernationem,
sibi
nuper à foederatis
oblatam defe-
rit.
auct. iidem

Annus Christi 1581.

GREGORII XIII. Pontificis 9. & 10.
 RUDOLPHI II. Imperator. 5. & 6.
 HENRICI Admin. Paderb. 4. & 5.

Gerardus
 Episcopus
 Leodiensis
 exeunte an-
 no priore
 moritur.
*Annales
 Boici part.*

*2. l. 12. n. 2
 Haraeus ad
 hunc annū.*

In cujus lo-
 cum hoc aō
 postulatur
 Ernestus
 Bavarus.
*Annal. Boi-
 ci loc. cit.
 Haraeus
 loc. cit.*

Gebhardus
 Truchsesius
 Archiepisc.
 Colon. in-
 ter amores
 illicitos
 egregiè si-
 mulat ar-
 dorem Fi-
 dei Catho-
 licæ.
*Klockner.
 in hist. Pad.
 ms. part. 3.*



IN fine anni superioris, die vicesimâ octavâ Decembris, vitam integerrimam sine beato clausit Gerardus à Groësbeck, ex perillustri apud Geldros familia Cardinalis, & Episcopus Leodiensis. In quo, licet omnia fuerint prælustria, laudumque maximarum plena; ante cetera tamen laudatissimum illud fuit, quod illis turbulentis periculosisque temporibus Leodiensem Episcopatum ab omni hæresum vicinarum contagio prorsus intactum conservaverit. Obtulere se quidem protinus multi magnique candidati, qui vacantem ipsius cathedram diversis Principum aliorum patrociniis vehementer affectabant. Sed quia Gerardus Episcopus, dum adhuc in vivis ageret, Cathedralis Ecclesiæ Canonicos præmonuerat, nihil magis è re Catholica fore, quàm si Ernestum Bavarum, tunc Episcopum Hildesensem & Frisingensem, ad suscipienda pariter Leodiensis Ecclesiæ gubernacula postularent: sapienti hoc monito instigati, eundem Ernestum perhumaniter invitârunt, ut ad constitutam electionis futuræ diem Leodienfi in urbe se præsentem sisteret. Quod cum ab eo confestim fieret, unanimi omnium Canonicorum consensu pridie Kalendas Februarii postulatus; ac deinde, post adeptam Romanæ Sedis confirmationem, die decimâ quintâ Junii magnificè inauguratus est, cum ingenti urbis totius gaudio & gratulatione.

Felicem te, Colonia! si & tu quadriennio ab hinc (utî id temporis complures voluere) eundem Ernestum ad Archiepiscopale solium admisisses pro Gebhardo Truchsesio, rerum tuarum & Catholicæ Religionis everfore pessimo. Ardebat hic jam à biennio tristissimis illis amoribus, qui eundem haud multò post, non modò ad matrimonium sacerdotio suo conjungendum; sed etiam ad impetendum Romanæ Ecclesiæ jugulum, ferociter adegerunt. Et tamen inter ejusmodi turpitudines videri voluit probè Catholicus. Nam, utî Kleinsorgius & Klocknerus coævi scriptores referunt, die septimâ Aprilis anni superioris, Rüdæ in Ducatu Westphaliæ peculiari scripturâ statuit, ut in curiam, cætumque senatorium nemo alius adsciscatur, quàm qui Ecclesiæ Romano-Catholicæ adhærescat. Similiter & hoc anno die primâ Decembris, ejusdem Provinciæ vel Ducatûs Consiliarios tam verbo, quàm scripto monuit;

nuit; jussitque eos omni studio in id incumbere, ut pro tuenda Catholica Religione collegium aliquod & gymnasium Societatis JESU Werlis aut alibi conderetur. Qua de re etiam sequente anno plures consultationes jubente eodem Gebhardo habitas & institutas esse, ex iisdem auctoribus liquet. Sed hæc & alia complura, vel erant meræ tantum simulationes & fallaciæ, ad interiorem vulpem obtegendam compositæ; vel certè liquidò & aperte monstrant, quàm potenter mulierum insanus amor hominem suis retibus innexum teneat, eumque agat & circumagat, quocunque velit, juxta illud Lucretii:

*Nam vitare plagas, in amorem ne jaciatur,
Non ità difficile est; quàm captum retibus ipsis
Exire, et validos Veneris dissolvere nodos.*

Hæc sunt præcipua, quæ de rebus in circulo Westphalico gestis ad calamum affluxere: nunc etiam brevi compendio juvat addere quædam de rebus Belgicis, utpote quæ sequentibus annis cum historiarum nostrarum scopo fuerunt admodum conjunctæ. Mense Julio insolentissimum edictum à foederatis Belgarum Ordinibus pro exauctorando Rege suo publicatum est, hoc titulo: *Edictum* Ordinum generalium, Provinciarum unitarum; per quod ex rationibus, in eodem edicto prolixè recitatis, declaratur, Hispania Regem excidisse præfecturis et dominiis dictarum Provinciarum: et prohibetur, ne quis deinceps ejus nomine aut insigniis in dictis Provinciis utatur.* -- *Datum Hagæ Comitum, die 26 Julii anno 1581.* Præcipuam hujus improbæ exauctorationis causam afferebant Philippi Regis tyrannidem, & edicta sanguinaria, contra Geusios, novarumque Religionum sectatores jam pridem edita. Sed hæc ratio (si tamen ratio & non potiùs rationis aberratio vocari debeat) longè magis verberabat ipsos, quàm Philippum Regem. Quis enim nescit, quàm nefanda & impia commiserint ipsimet Geusii contra Catholicos in suis oppidis & urbibus occupatis? Quot monachos in illis truculentis motibus non fecerunt Martyres? quot sacerdotes non trucidârunt? quot innocentes non occiderunt? quæ templa non profanârunt? quæ altaria non everterunt? quas Divorum imagines aut reliquias non tradiderunt igni? testis est Antwerpia, Mechlinia, Bruxellæ, Harlemium, Ambstelodamum, & aliæ urbes innumerae, in quibus contra Catholicos barbarum in modum grassati fuere! testes quoque Martyres Gorcomienses, & alii aliorum locorum sacerdotes, de quorum nece & sanguinariis cruciatibus plura diximus ad annum 1572! Hæc autem & alia hujusmodi, si volebant sibi licere Geusii; cur non vicissim, longèque magis licebat Regi, in eosdem velut avitæ Fidei desertores animadvertere, & edicta

Fœderati
Belgæ Regi
suo Provin-
ciarum Bel-
gicarum
imperium
publico
edicto ab-
rogant:

*Hæc in
ann. brabant.
103. p. 328.
Spond. hic
n. 9.

Strada &
alii.

Sed futilib^{us}
de causis;
imò talibus
quæ magis
contra
iplos.

Auctores
iisdem.

edicta sanguinaria in ipsos evulgare? Nónne Rex in suo regno potestatem habet, novas hæreses prohibendi, sanguinisque poenam statuendi in omnes, qui student eas per vim ac tumultus publicos introducere? Nunquid etiam sciebat Rex, Geusios, omnesque alios Calvinī asseclas manifestæ hæreseos condemnatos esse iudicio universalis Ecclesiæ, quæ sola semper infallibilem discernendarum hæresum potestatem habuit? Certè privata Geusiorum judicia hac in re sequi vel exspectare nullatenus debuit: alioquin Rex nec Anabaptistas, nec Manichæos, nec Arianos, nec quidquid veterum hæreticorum est (si & illi se per vim ac tumultus publicos in ejus regnum infundere niterentur) supplicio capitis mulctare posset; cum & ipsi, non minùs ac Geusii, præfractè ac obstinatè negent se hæreticos esse.

Rege bel-
lis, rebûsq;
aliis occu-
pato, Ale-
xander Far-
nesius, ne-
cessario mi-
lite destitu-
tus, contra
foederatos
non multū
proficit:

Spond. hic

n. 7. & alii

lis tamen
Bredam ac
Tornacum
eripit.

Spond. ib.

Haræus,

Strada, &

alii.

Alenfonius

cum ingen-

ti apparatu

in Belgium

venit; nul-

lâq; re ma-

gni mo-

menti gestâ

abit in An-

gliam, ina-

nes Elisabe-

thæ nuptias

prensaturus

aut. iidem

Non fuisset admodum difficile Regi, perniciosis hujusmodi turbis Belgium expedire, si vel exemplo sui patris Caroli V. nonnunquam ex Hispania in Belgium advenisset; vel certè misisset il- luc sufficientem belli nervum cum pecuniis, ad conscribendum, alendumque exercitum, necessariis. At ille ex his duobus neutrum præstitit; & hunc annum consumebat iterum in componendis re- bus Lusitanicis: magis utique sollicitus, ut nova regna potestati suæ adjungeret; quàm ut vetera conservaret. Ità factum, ut Ale- xander Farnesius Belgii gubernator, tametsi animo ac prudentiâ militari parem vix haberet, sufficienti militum auxilio destitutus, etiam hoc anno ferè aliud nihil contra foederatos Geusiorum Ordi- nes potuerit efficere; quàm quòd urbem Bredanam per stratage- ma, Tornacensem verò post bimestre obsidium armatâ manu iis- dem eripuerit. Neque Geusii Farnesianis hujusmodi ausis multum obniti poterant. Nam & ipsi, diuturnitate bellorum pressi, non parvâ nummorum penuriâ premebantur; ideòque magnis deside- riis anhelabant ad adventum Francisci Alenfonii Andegavensium Ducis, quem anno superiore ad capiendum Belgii Principatum so- lenni legatione accersiverant. Et ille quidem cum ingenti Gallo- rum exercitu (quem Haræus viginti quinque millia, alii verò tan- tum quatuordecim vel septendecim millia complexum asserunt) mense tandem Augusto in Belgium venit; & urbem Cameracen- sem à diuturna Alexandri Farnesii obsidione liberavit. Sed quia potissimum exercitûs prædicti robur constabat ex meris volonibus; magnâque insuper illius pars aut assiduis velitationibus imminuta, aut ex defectu stipendiorum ante hiemem dilapsa erat: captis ali- quot levioribus castris præmaturè se in Picardiam recepit; indèque non multò post in Angliam ad Reginam Elisabetham abiit, inani Britannicarum nuptiarum spe se ibidem oblectaturus.

AN-

Annus Christi 1582.

GREGORII XIII. Pontificis 10. & 11,
 RUDOLPHI II. Imperat. 6. & 7.
 HENRICI Admin. Pad. 5. & 6.



Em æternâ memoriâ dignam Gregorius XIII. Romanus Pontifex hoc anno præstitit in correctione antiqui Calendarii; quod à tempore Julii Cæsaris (unde Calendarium Julianum dicebatur) totis integris decem diebus jam exerrare cœperat, non sine magna diei Paschalis, aliorumque festorum ex eo pendendum confusione. Origo hujus erroris erat, quòd in Calendario Juliano constitutum esset, ut in posterum constaret annus trecentis sexaginta quinque diebus, horisque sex; quæ singulis quadrienniis ob residuas viginti quatuor horas unum diem intercalarem facerent. Hæc autem computatio, tametsi in ceteris accurata fuerit; in eo tamen adhuc paululum deviabat, quòd antè dictæ sex horæ putarentur esse omnino integræ: cum tamen aliquæ brevissimi temporis particulæ (quas communi vocabulo *minuta* vocant) ad earum integritatem desint. Quod cum à veteribus observatum non esset; diuturno seculorum lapsu paulatim evenerat, ut hucusque jam decem dies, ultrà quàm oportuisset, in Calendario numerati sint: ideòque & æquinoctium vernum, quod aliàs incidere debebat in diem vicesimam primam Martii, præpostero modo jam incideret pridie Kalendas Aprilis. Errorem hunc, aliorum plurium errorum fontem, jam pridem adverterant multi viri docti. Sed ejus correctioni manum admoveere majori cum auctoritate nemo poterat, quàm Romanus Pontifex. Qui auditis Mathematicorum peritissimorum consiliis, primò ad restituendum æquinoctium vernale statuit, ut prædicti decem dies in Octobri hujus anni omitterentur; atque ideo post diem quartam istius mensis, quæ S. Francisco sacra est, continuò scriberetur decima quinta. Deinde verò, ne similis error in posteriora secula rursus illabi posset, perpetuo edicto sanxit, ut præsentem quidem seculo annus centesimus adhuc maneret intercalaris: postea verò singulis quatuor seculis tres primi anni seculares vel centesimi diem intercalarem omitterent; & quartus annus secularis, vel centesimus, eam rursus adhiberet, uti videri potest in ejusdem Pontificis constitutione, signatâ Tusculi VI. Kalendas Martii Anno 1582. Correctio hæc apprime necessaria, uti à Principibus Catholicis non parvum applausum retulit; ita è diverso à multis acatholicis

Gregorius
 XIII. Papa
 Calendariū
 Julianum
 hoc anno
 corrigit,
Spond. his
n. 14. & 15

Non sine
 magna plu-
 rium aca-

cis

tholicorum
invidia &
contradi-
ctione.
Spond. m. 17
& alii.

cis non solum ore maledico, sed etiam libellis famosis gravissime appetita est. Imò & eorum aliqui in eam audendi licentiam prolapsi fuere, ut imprudenti populo voluerint persuadere, nullum certiùs Antichristi signum esse, quàm annos & eorum tempora emendare. Alii tamen Lutherani, quibus paulò emunctior nasus erat, correctionem istam vehementer approbârunt: sapientissime opposcentes, eam, licet à Pontifice facta sit, rectitudini temporum accomodatam esse; neque hac in re spectari oportere personam corrigentis; sed veritatem & rectitudinem rei correctæ.

Daniel Ar-
chiepiscop⁹
& Elector
Moguntin⁹
moritur die
22. Martii.
Serar. l. 5.
rer. Mog.

Haud multò post, quàm ista Pontificis constitutio in lucem publicam prodisset, mortalis vitæ lucem amisit Metropolitanus noster Daniel, ex perillustri Brendeliorum familia Archiepiscopus & Elector Moguntinus, defunctus Aschaffenburgi die vicesimâ 2dâ Martii. Dehujus laudatissimi Principis virtutibus & gloriosis meritis multa copiosè descripsit Nicolaus Serarius in historia Moguntina. Mihi breviter sectaturo satis est, breve laudum ejus compendium hîc adscribere ex ipsius epitaphio, quod ita habet: *Daniel, Dei gratiâ Archiepiscopus Moguntinensis, S. R. l. per Germaniam Archicancellarius, Princeps Elector, et è Nobili familia Brendel ab Homperg, anno 1555, ætatis suæ trigesimo tertio electus, Ecclesiam annis 27 optimè, pacificèque rexit, haud paucis emolumentis auxit, justitiam solvit, Religionem promovit, carus omnibus extitit, duos Imperatores, Maximilianum II. et Rudolphum II. coronavit, inculpate vixit, Sacramentis Catholicè perceptis, pie, placidèque quievit, ac desiderium suum, luctumque cunctis reliquit. Obiit Aschaffenburgi anno 1582 die 22. Martii.*

In ejus locū
eligitur
Wolfgangus,
Camerarius de
Dalberg.
Serar. ibid.

Vacantem ipsius cathedram sequenti mense consecutus est Wolfgangus Camerarius de Dalberg, electus die vicesimâ Aprilis, & eodem anno à Sede Pontificia confirmatus: vir & prudentiâ singulari præditus, & integritate morum conspicuus; &, quod potissimum in Principibus Ecclesiasticis commendari debet, Catholicæ Religionis cultor ardentissimus.

Sectariorū
Aquisgrana-
nensium
turbæ, ante
biennium
coeptæ, &
usque in
hunc annū
continuatae
*Chytra⁹ l.
25. Saxon.
Noppius in
chron. se-
dis Regia
Aquisgran.

Erat eo tempore ad Rhenum inferiorem periculosissimus rerum status: quem ut ordinatiùs proponam; à civium Aquisgranensium turbis, jam ante biennium coeptis & hucusque nondum consopitis, initium scribendi faciam. Ab annis ferè quindecim, nescio quâ Magistratûs & Senatorum indulgentiâ, nidulari in hac urbe coeperant Lutherani quidam & Calvinistæ, partim ex Belgio vicino profugi, partim ex aliis Principum Lutheranorum terris adventantes. Hi, cum ibidem & numero, & mercimoniorum suorum prosperitate, valentiores fierent; anno ejusdem seculi septuagesimo quarto humillimè supplicârunt urbis Magistratui, ut saltem unum alterumve è suis asseclis in senatum admitti sinerent:

pro-

promittere se vicissim, quòd in summa tranquillitate ibidem vivere, pacem colere, superioribus constanter obedire, nec ullam in rebus fidei novationem inducere vel tentare velint. Consensit huic petitioni Magistratus, fraudulentis eorum promissis improvidè credens. At brevi didicit, quàm verum sit illud Svidæ: *omnis echinus asper est*; vel, ut ex Aristophane vertit Erasmus: *è scabro in levem nunquam vertetur echinus.* Nam post annos paucos, nimirum anno hujus seculi * octogesimo, quando jam civium Aquisgranensium plures diuturnâ familiaritate & colloquiis in societatem suorum traxerant, contra fidem antè datam protervè ausi sunt etiam publicum suæ Religionis exercitium intrâ hanc urbem petere. Cùmque id iis à Magistratu tam civili, quàm ecclesiastico negaretur; contemptâ omni prohibitione nihilo minùs perrexerunt novationem suam violenter introducere, templisq; aliquot occupatis conciones publicas instituere, & coenam Eucharisticam, aliâque sacra novo ritu ministrare. Cæsar ea de re monitus, continuò severissimis literis mandavit civibus, ut hujusmodi res novas abolerent, & sectarios concionatores quàm primùm ex urbe pellerent. Quin etiam sequenti * anno (cùm adhuc iteratis ejusmodi monitis ac præceptionibus dorsum obverterent) Ernesto Episcopo Leodiensi, & Wilhelmo Juliacensium Duci negotium dedit, ut per Legatos * eò missos non solùm Cæsarea mandata perfici, & veterem doctrinam retineri, facerent; verùm etiam in proxima renovatione Magistratûs nullum alium inter senatores aut consules admitti, sinerent, quàm qui juxta pristinas ejusdem civitatis leges Religionem Romano-Catholicam profiteretur. Sed frustra hæc omnia! cantata est fabula surdis! Mense Majo, dum ad nova senatorum comitia veniretur, cives iterum in duas partes distracti sunt; nec minùs Lutherani & Calvinistæ suos, quàm Catholici * suos consules & senatores elegère: idque non alio fine, quàm ut urbis totius regimen amotis Catholicis paulatim ad se pertraherent. Quod cùm impedire vellent Principum commissariorum Legati; ideòque solos consules, à parte civium Catholicorum sibi oblatos, auctoritate Cæsareâ confirmarent: repentinè cives alii, Luthero & Calvino dediti, gravissimos in urbe * tumultus concitare, mandata Cæsaris pro nihilo ducere, portarum claves Catholicis extorquere, plateas obductis catenis claudere, forum insidere, armamentarium effringere, tormenta extrahere, turre & valla contra Catholicorum vim & aggressiones præmunire. Imò consulum sectariorum unus, cùm ad eam violentiam coërcendam alia atque alia Cæsaris mandata cum iteratis poenarum aggravationibus advenirent, non solum ea pervicaciter contempsit; sed etiam impudentissimo * ore dixisse

* Chytraus
ad an. 1580
Klockner.
in hist. Paderb. ad
eund. ann.

* aò 1581.

* Palat. in
Aq. Austr.
ad an. 1581
Chytra^o ib.

* Palat. ad
ann. 1581.
Chytra^o ad
ann. 1580.

* Palat. loc.
cit.
Helvic. in
theat. hist.
univers.
ad an. 1581
* Wejer de
ortu & oc-
casu Au-
gust. Conf.

Ooo

dixisse

dixisse fertur: *etiamsi Imperator mulum clitellarium, literis, mandatisq; praegravatum, ad eos mitteret; se tamen idcirco minime ab inceptis abstinentes.*

Comitia
Augustana,
ad compri-
mendas
Aquisgra-
nensium
turbas indi-
cta.

*Chron.

Trem. ms.

*Chytraus

ad an 1580.

*ab Isfeli l.

1. de bello

Colon.

truchsesius

Archiep.

Colon, ma-

trimonium

promittit

amatae suae

Agneti

Mansfeldi-

cz.

Michaël ab

Isfeli loc.

cir. pag. 15.

Palat. in

Aq. Austr.

*Isfeli ibid.

pag. 16. &

alia ms.

Tum verò Cæsar, nihil ampliùs cunctandum ratus, Wilhelmo Juliacensi mandatorum suorum executionem præcipere, Aquigranense territorium circa festum S. Michaëlis* occupare, ejusdem subditos in suam fidem adigere, annonam urbi intercludere, vias omnes ad importandum commeatum* præstruere; ac demum post initium sequentis anni octogesimi 2di (de quo nunc agimus) nova Principum Germanicorum comitia* pro decernendis rebellium poenis ad urbem Augustanam conscribere. Sed heu! tristitia, & acerbis lachrymis deploranda tempora! Cùm ibidem congressus Principum aperiretur, & jam agi coeptum esset de puniendâ Aquensium rebellione; ecce tibi! iterum ex urbe ac Dioecesi Colonienfi deferuntur nova mutandæ Religionis pericula. Gebhardo Truchsesio, Colonienfium Archiepiscopo, dudum fuerat consuetudo pessima cum Agnete Mansfeldica, uti jam aliàs persæpe diximus. Et jam amor iste, qui diu furtivus erat, paulatim omnem lasciviendi verecundiam ita abjecerat, ut omnium ferè hominum linguis & sermonibus percrebesceret. Quapropter ejusdem Agnetis fratres velocissimè Bonnam profecti, maximâque animi commotione Gebhardum sic adorti sunt: *Quâ fronte ausus esset, sororem suam, tam illustri loco natam, suis flagitiis conspurcare? si scortari libuisset, querendam fuisse aliam plebeji generis; non verò puellam tam excelsis natalibus ortam. Huic illatum dedecus redundare in probum totius familiae: ideòque eam nunc, aut secuturis nuptiis cohonestandam esse; aut, nisi id velit, alia sibi consilia non de fore, quibus eam injuriam severe vindicent.* Perterritus indè Præsul sub initium hujus anni, præsentem Petro Ernesto Mansfeldienfi Comite & aliis cognatis, matrimonii secuturi fidem Agneti dedit: promisitque, eam, quàm primùm id occasio ac tempus ferret, nuptiali thalamo sibi conjungere; etiam relictâ, si aliter fieri non posset, Ecclesiæ Colonienfis dignitate. Gratissimum id erat Adolpho* Comiti Nüenario, & aliis Calvinii affeclis. Nam ex ea matrimonii promissione dilucidè cognoscebant, eum à Religione Catholica recessurum: cùm in hac nullatenus permittatur, matrimonium conjungere cum sacerdotio jam antè habito. Ne autem idcirco aliquod amittendi Archiepiscopatus periculum incurreret; promittebant ei, se laboraturos, ut & urbs Colonia ad expetendam Religionis libertatem concitetur, eaque impetratâ, plenis cursibus in opiniones à Fide Catholica alienas proruat.

Habe-

Habebat jam Colonia multos acatholicos, tum ex aliis provinciis pulsos, tum ex eorum doctrina & conversatione depravatos. Hi, dum Augustensium comitiorum initia propediem imminebant; à Nüenario & aliis instigati, Magistratum audacter adunt, multitudinem suorum sectatorum superbè jactitant, porrectoque insuper libello supplice ardentè ab eo flagitant, ut sibi liberam potestatem faciat, Augustanæ confessionis fidem, in Imperio permissam, exercitio publico ibidem profitendi: *contestari se vicissim per salutem animæ suæ, quòd in summa pace cum aliis victuri sint, neque ea petitio ad ullam seditionem aut rebellionem vergat.* Speciosa verba! sed eorum voluntati minùs consona. Nam, ut primum senatus Colonienfis, Aquensium exemplo doctus, petitioni huic assentiri noluit; statim illi homines pacifici, neglectâ senatûs auctoritate, in propinqua Mechterensi villa Calvinianæ Religionis exercitium instituere, præsentè Comite Nüenario, ad eosdem protegendos quatuor manipulis militum circumfuso. Offensus indè Magistratus, neque talem insolentiam in ipsius urbis conspectu ferens, novo protinus edicto cavit, ne deinceps oppidanorum, civiùmque suorum aliquis, nisi jure civitatis excidere velit, ad peregrinas hujusmodi conciones adeat. Cùm autem id nihilò secius ab eorum pluribus attentatum esset; tandem senatus, pacificos hominum istorum animos apertè videns, tertiâ vice perniciosum illud conventiculum repentinâ tormentorum suorum explosione disturbavit. Atque ut in posterum à contumaci illo hominum genere urbem liberaret; non multò post communi omnium suffragio poenale hoc edictum condidit, & solenni ritu per urbem publicavit: *quicumque exteri ab anno hujus seculi sexagesimo sexto in hanc urbem commigrârunt, neque ritu Catholico vivunt aut vivere volunt, intrâ quatuor hebdomadas urbem deserunt; reliqui verò, qui contra senatûs prohibitionem, vel concionibus in pago Mechterano habitis, vel aliis clanculariis conventiculis interfuere, in pœnas alias huic temeritati vel contumaciæ debitas reservantur.*

Ità demum prima illa Truchsesii machinatio eventu casso infumum & ventos abiit. Neque multò fortunatius fuit consilium ipsius alterum, priori longè pestilentius. Agnoscebat homo verisipellis, Legatos illos, qui à se & Collegio Metropolitano ad Augustana comitia missi fuerant, maximèque Casparum Fürstenbergium Satrapam Bilsteinianum, & Franciscum Burchardt Cancellarium, esse viros in Catholica Fide constantissimos; quique in rebus ad Religionem nostram pertinentibus ne vel unicum latum unguem cessuri essent. His igitur in sua causa nihil fidendum ratus, finitis propè comitiis misit illuc duos alios Calvinianæ doctrinæ de-

Conatur evincere per suos, ut Magistrat⁹ Colonienfis permittat omnib⁹ libertatem Religionis. *Kleinsorg. in diario hist. Truchses. Iselt l. 1. de bello Colon. Spond. hic n. 20. Sed opponit se Magistratus, ac tandem omnes acatholicos ex urbe ejicit. Iselt l. 1. de bello Colon. Spond. ib.*

Truchsesius in comitiis Augustanis evincere nititur, ut sibi permittatur matrimonium Archiepiscopatus suo conjungere: sed frustra. *Antiores iidem.*

**Helvic. in
theat. hist.
univers.*

ditos, qui secretò & quasi per cuniculos cum Protestantium Legatis agerent; videréntque, an in his comitiis perurgeri nequeat, ut & Principes Ecclesiastici, si relictâ Fide Catholicâ ad statum conjugalem transeant, suorum Episcopatum aut Prælaturarum administrationem retineant? inclinârunt in hanc partem* quàm plures Protestantium Legati: non enim ignorabant, id proponi à Truchsesio; & per ejus apostasiam fore, ut in posterum plerique septemviri doctrinam ab Ecclesia Romana alienam teneant. Contra verò Catholici Principes, cum Rudolpho Cæsare, propositionem hanc unanimi voto rejecerunt: utpote quæ *Religionis paci* directè contraria sit; ideóque ab ipsismet adversariis approbari vel admitti nequeat, nisi totam Religionis pacem eodem impetu everfam aut proculcatam velint. Sed, cum ea disceptatio videretur esse prolixior, quàm ut intrâ breve tempus absolvi posset; quæstio illa, & plures aliæ ad Religionis tranquillitatem pertinentes, in alium conventum rejectæ sunt. Atque ità mense Septembri ab his comitiis* discessum fuit, etiam Aquisgranensium controversiâ in suspenso relictâ.

**Isfeld l. 1.
pag 45.*

In Ducatu
Westphaliae
degens,
externè
simulat se
Catholicum
esse:

*Kleinsorg.
in diario
hist. Truchses.*

**Kleinsorg.
loc. cit.*

**Kleinsorg.
ibid.*

Interea Truchsesius, qui tunc agebat in Ducatu Westphaliae, exterius callidissimè præferebat, se Catholicæ Religionis promovendæ studiosissimum esse. Præterquam enim, quòd ibidem sacrificio divino frequentissimè interfuerit; etiam die decimâ nonâ Augusti Præposito Conventûs S. Walburgis intrâ urbem Susatensem perscribi jussit, ut omnes novationes à se inceptas abrogent, & antiquæ Fidei Romano - Catholicæ perseveranter se addicant. Item die octavâ Septembris* Petrum Michaëlis, Societatis Jesu sacerdotem ac Theologum, qui id temporis apud eum Hirtzbergæ in Westphalia fuerat, Werlas ad Gerhardum Kleinsorgium juris utriusque Licentiatum ablegavit; jussitque ibidem inter eos consultari de Collegio & Gymnasio Societatis Jesu intrâ hanc urbem erigendo, uti constat ex ipsis Truchsesii literis ea de re ad Kleinsorgium datis. Postremò etiam die ultimâ Octobris (hoc est biduo prius, quàm è Westphalia Bonnam reverteretur) eorundem locorum consiliarios Arnsbergam convocavit, de Catholica Religione conservanda* cum iisdem egit, tenuiora quædam beneficia in Geseke, Brilon, & Rüden, pro meliore unius Vicarii sustentatione uniri voluit, suffraganeum Coloniensem pro sacramento Confirmationis administrando in hæc terras mittendum esse apromisit; atque, ut alia multa præteream, pro Catholicæ juventutis institutione de fundando Werlis Patrum Jesuitarum collegio sollicitissimè deliberari præcepit. Sed hæc omnia merissimæ tantum fictiones & simulationes erant fraudulentæ hominis; qui per hu-

hujusmodi artificia nihil aliud intendebat, quàm sub Catholica Religionis pallio sese contra Catholicam Religionem potentiùs obarmare. Nam eodem illo tempore, quo ista nequiter simulavit, Henricum Paderbornensis Ecclesiæ nostræ Administratorem, & Archiepiscopum Bremensem, Joannem Nassovium Principis Orangiæ fratrem, aliòsque Dominos Lutherò & Calvino deditos in Ducatum Westphaliæ ad se accersiit, cum iisdem Septembri & Octobri mensibus mutandæ Religionis consilia contulit, eorum auxilio copiosum ubique militem pro se tuendo conscribi studuit; ac demum aliquos è Nobilitate viros, & aliquos urbium Angaricarum consules, per Ottonem de Wolmeringhausen tacitissimè sollicitari fecit, ut sibi, suisque civibus plenam Religionis libertatem concedi peterent. Id quod tamen eo tempore apud Nobiles, consulesque illos nullum planè successum habuit.

Rebus in hunc modum subdolè institutis, Truchsesius die 2dâ Novembris Arensbergâ discessit; acceptisq; in itinere multis equitum, peditumque turmis, die quartâ Novembris Bonnam ingressus est, ut ibi fraudum suarum telam pertexeret. Cum eo simul intrabat copiosus miles, clanculario delectu conscribi jussus; quem ad avertenda hostium occultorum bella sibi *necessarium esse fingebat. Paulò post Arensbergam ad supremum Quæstorem emittuntur literæ, quibus jubetur Henricum Saxonem, Ecclesiæ Paderbornensis Administratorem Lutheranum, velut singularem Truchsesii amicum gravioribus in rebus consulere, eique in Ducatu Westphaliæ castra & oppida omnia, cum voluerit, aperire. Leguntur deinde majores equitum, peditumque copiarum: imponitur præsidium monasterio Dietkircheni pulsas virginibus: oppellitur militibus Poppelsdorpium, Godesberga, Kessenichium, & alia cum pagis vicinis oppida: auferuntur è Brülensi castro omnia vascula aurea & argentea, militari stipendio in posterum servitura: extorquentur Magistratui Bonneni claves urbis, exarmantur cives, ejiciuntur Minoritæ, violantur Ecclesiæ jura. Verbo, tota urbis & aulæ facies talis erat, ut ibi non Archiepiscopum cum Pastoralis pedo & mitra; sed magnum aliquem belli Imperatorem cum suis tribunis, centurionibus, & chiliarchis residere crederes: eo tamen discrimine, quòd ejusmodi belli dux plerumque castiùs & moderatiùs vivat; ille autem penè semper in scortationibus & immani computatione viveret.

Quis putaret inter istos vapores crapulæ, vel inter istas libidinum spurcicias, æternæ beatitudinis viam inveniri posse? Et tamen ille (si superis placet) inter hujusmodi turpitudines æternæ veritatis radio tam copiosè collustratus est, ut extemplo viderit, Reli-

Sed occultè ibidem studet, apostaticas machinationes suas stabilire.

Kleinsorg. in diar. cit.

Redit Bonnam cum ingenti comitatu militum,

** Isfeld l. 1. belli Colon. pag. 50. Consilia*

sua confert cum Henrico Administatore Paderborn.

Kleinsorg. in diar. cit.

Multa loca circa Bonnâ præfidiis impositis firmat, Isfeld l. 1. belli Colon.

Et publicè
profiteretur,
se Religioni
Catholicæ
nuntium
remisisse.
*Issele l. 1.
belli Colon.
pag. 81.*

Religionem Catholicam non nisi puras, putâsque tenebras appellandas esse; quemadmodum scribit ipsêmet in edicto suo, die decimâ nonâ Decembris edito contra eos, quibus videbatur Dioecesis hanc ad suos filios ac nepotes hæreditario titulo transmittere velle. *Cum, inquit, benignissimus Deus se ex tenebris Papatûs in lucem et cognitionem sancti et salutiferi verbi sui asseruerit; nihil ampliùs postulari à se, quàm ut in vocatione et officio suo bonâ et tranquillâ conscientia vivere, et fidelibus sibi ab eodem Deo commendatis subditis publicum verâ atque incorruptâ doctrinæ exercitium, usumque sacramentorum legitimum permittere posset. Interim se nullius conscientia vim inferre velles; sed utriusque Religionis exercitium juxta pacem Religionis instituere. Polliceri etiam, se majoris Ecclesiæ Capitulum electione suâ liberâ non spoliaturum: itâ ut, si sua Celsitudo ex hac lachrymarum valle abripiatur, electio sinè ulla contradictione ad Capitulum reversura sit. Itâ cæco huic Principi tenebræ lumen erant.*

Paderbornæ Patres
Jesuitæ salutem animarum
promoveant
cum ingen-
ti fructu.
*Hist. Collec-
gii Paderb.
P. Provin-
cialis cona-
tur eos Pa-
derbornâ
revocare:
sed ejus vo-
luntati stre-
nuè se op-
ponunt Pri-
mores Ca-
pituli, ac
tandem im-
petrant, ut
in statione
incepta man-
neant.
Hist. Collec-
gii Paderb.*

Paderbornæ interim hæc novatio Truchsesiana magnopere profuit ad conservandam inibi Societatem JESU, in colligendis animarum fructibus egregiè defudantem. Cum enim Henricus, Ecclesiæ nostræ Administrator Lutheranus, hoc anno totus in eo esset, ut in Archiepiscopali Sede Colonienfi Truchsesium sustineret; de Jesuitarum Paderbornensium ejectione cogitare ferè nihil aut parum potuit. Aliunde tamen avocationis faciendæ periculum timebatur ab ipso Patrum eorundem Provinciali Præside. Qui, cum videret, Paderbornæ sub heterodoxo & solùm tricenario Principe tam citò spem non esse fundandi collegii, non modò P. Leonardum indè misit in Livoniam; sed etiam haud longè post Cathedrali Capitulo denuntiari fecit, duos alios Patres aliis in locis expeti, & propediem revocandos esse. Res ea maximopere percussit Cathedralis Ecclesiæ Decanum Henricum de Meschede, atque ideò gravissimè commotus respondit: *non sperare se, Patrem Provinciale in hac voluntate persitutum esse; alioquin sese precaturum, ut illa dies, quâ Patres hic abirent, sibi fatalis et suprema in terris fiat. Quantum erit in suis viribus, obnixurum se huic intentioni: utpote quam sinè evidenti nostræ Diocesis incommodo, certissimâque plurimarum animarum jactura exequi non liceat. Periclitari hoc modo totam patriam, Cathedrale Capitulum in apertum fidei discrimen conjici, Clerum deinceps non ausurum publicè ad celebrandum officium divinum convenire: eò quòd Patres insolentem hæreticorum pervicaciam, tum concionibus publicis, tum allocutionibus privatis, tum etiam suæ vitæ ac morum integritate, hætenus coërcuerint. Eadem senserunt alii Cathedralis Ecclesiæ Primores: qui & literis efficacissimis, hac de re ad Patrem Provinciale datis, continuò id impetrârunt, ut reliqui sacerdotes ad avertenda*
Reli-

Religionis & animarum pericula, cum ingenti urbis ac Dioecesis totius commodo, Paderbornæ manserint. Epistola ipsorum, quæ etiam nunc asservatur, *data est Scharma die 24 Octobris anno 1582*; eiq; primariorum Canonicorum nomina cum sigillis propriis adjecta sunt hoc ordine: *Theodorus Fürstenberg Præpositus, Henricus de Melchede Decanus, Melchior de Plettenberg Camerarius, Wilhelmus Schil-der Scholasticus.* Benedicere dignetur divina bonitas gloriosis cineribus tantorum heroum, qui de Religione, de republica, de Societate JESU Paderbornæ tam præclare meriti sunt; inclinatæque in ruinam patriæ succollantes, fundamenta jecerunt, quibus Catholica Fides, in pristinum vigorem erecta, solidius postmodum firmaretur.

Quod attinet ad statum Belgii, fortuna Alenfonii (quem anno superiore illuc advenisse, nec longè post inanium nuptiarum spe in Angliam abiisse, diximus) ferè eum in modum sese habuit, ut potiùs comoedum aliquem aut histrionem; quàm provinciarum foederatarum Ducem egisse videatur. Die nonâ Februarii ex Anglia reversus erat Flissingam in Zelandia, multis armatorum millibus, cùm è Gallia præmissis, tum verò etiam ex regno Angliæ comitantibus. Indè verò post decem dies Antwerpiam à foederatis Ordinibus occupatam veniens, magnis omnium lætitiis exceptus, ac Brabantiae Dux festivo ritu proclamatus fuit. Sperabant Catholici, se à novo Duce nunc impetraturos esse, ut sibi liberum suæ Religionis exercitium in hac urbe restitueretur. Sed quia foederati Ordines potestatem ejus ità constrinxerant, ut nihil aliud posset, quàm quod ipsi vellent; sola S. Michaëlis Ecclesia Catholicis permessa est: idque eâ duntaxat lege, ut, quisquis hoc templum adire voluerit; priùs omnem Catholici Regis jurisdictionem egeret, novòque Duci Alenfonio perpetuæ fidelitatis & obsequentiæ sacramentum dicat. Quæ foedissima conditio, cùm à servo Duce comprobata vel acceptata fuerit; etiam brevi tempore non uno indicio didicit, ambitiosum illud, penitusque servile regimen infausto fidere susceptum esse. Etenim die octavâ Martii in urbe Antwerpia novi Ducis insignia, quæ Philippi Regis insignibus tumultuariè superinduxerat, procelloso ventorum turbine revulsa, & in vicinum flumen abrepta sunt. Deinde rursus die decimâ octavâ Martii, quæ ejusdem Alenfonii natalis erat, non multum abfuit, quin ipse cum suis Gallis intrà urbem Antwerpiam populari tumultu caderet. Cùm enim eâ die peregrinus adolescens Oran-gium occidere conatus esset, exploso in ejus caput parvo sclopeto, repentè commota plebs non solum adornati hujus flagitii suspicionem conjecit in Alenfonium; sed etiam tam insano furore in eundem

Alenfonius
in Belgium
redux, Ant-
werpiæ
proclama-
tur Dux
Brabantiae:
sed infelici
omine.

*Haræus in
ann. Brab.
Spond. hic
n. 2. & alii.*

Ab Ant-
werpiensi-
bus in tu-
multu civi-
co penè op-
primitur
cum suis.
*Haræus
loc. cit.
Spond. n. 3.*

dem

Et sequente
anno Belgiū
rursus dese-
rere cogi-
tur.

dem intremere coepit, ut nisi Orangius, ex vulnere accepto fau-
cius, culpam omnem ab eo protinus removisset, procul dubio in-
ter accurrentium Geusiorum gladios inquietam animam exspuif-
set. Neque tamen idcirco vir infelix destitit à Principatu malè par-
to: donec iterum sequente anno longè pejùs intrà urbem eandem
habitus, probrosâ fugâ in Galliam se recipere debuit, ibidémque
haud multò pòst celeriore fato arrogantes animos in obscuro se-
pulchro claudere; uti suo loco prolixiùs exponetur.

Annus Christi 1583.

GREGORII XIII. Pontificis	11. & 12.
RUDOLPHI II. Imperat.	7. & 8.
HENRICI Admin. Pad.	6. & 7.

Alenfonius
temere ni-
titur, Belgiū
acatholicū
suæ solius
potestati
subdere.
*Spond. ad
hunc annū.
Hareus in
ann. brabant.
Strada de
bello Belg.
dec. 2. l. 5.*



düncker-
ckam, Te-
naramundā
& dixmūdā
feliciter per
tumultum
occupat.
*Auctores
iidem.*

Antwerpiā
ex insidiis
oppressur⁹,
fœdā suorum
clade rejici-
tur.
*Auctores
iidem.*

Actenus Alenfonius inane Ducis nomen in Belgio
turbato gesserat. Nullam ferè urbem tenebat so-
lus; munitorum locorum præsidia constabant si-
mul ex aliis Arausicano Principi devotis; belli sum-
ptus non solvebantur; miles Gallicus laborabat
magnâ victûs inopiâ; deerat omnis imperandi auctoritas, tota re-
rum summa vel potestas erat penès Arausicanum & Ordines foede-
ratos, qui novo Duci ferè nihil præter inanem dignitatis umbram
reliquerant. Itaque ut ex hisce tædiis quàm primùm se expediret;
præcipiti consilio statuit, simul uno die, nimirum decimo septi-
mo Januarii, Antwerpiam, Ostendam, Neoportum, Brugas, Dun-
kerckam, Dixmüdā, Tenaramundā, & alia quædam oppida,
per improvisum Gallicani militis tumultum suo solius juri ac im-
perio subicere. Evenit res illa prospere in aliquibus locis, ubi
numero vincebant Galli; putà Dünckerckæ, Dixmüdæ, ac Tena-
ramundæ: contrà verò minùs prospere Neoporti, Brugis, & Os-
tendæ, ubi major erat civium & aliorum præsidiariorum copia. At
nullo in loco res infeliciùs gesta, quàm in urbe Antwerpiensi, cu-
jus occupationem & subactionem pro majore gloria sibi delege-
rat Alenfonius ipsémet. Multas equitum, peditumque suorum
copias ante hanc urbem congregari jusserat, sub ementito præ-
textu mittendi eas in hostem. Ibi dum à biduo constitissent; cir-
ca prandium diei præstitutæ cum ingenti militum, ac Nobilium
suorum comitatu extra urbem vehitur, quasi exercitum ad bella
promptum lustraturus. Transeunti primam portam, & jam con-
sistenti in secunda, per speciem honoris exhibendi obviam ei de
castris veniunt nonnullæ equitum Gallicorum turmæ. Statimque
Alen-

Alenſonius, ad ſuos converſus, urbemque manu monſtrans: *Eja*, inquit, *filii mei, jam veſtra eſt Antwerpia*. Quo audito miles omnis, qui præſtò erat, occiſis excubitoribus portas occupare, in urbem ruere, ſocios è vallis advocare, inſequentèque mox toto exercitu per plateas & compita ſe dividere, propugnacula conſcendere, tormenta in urbem vertere, mercatoriam domum invadere, obſtantes interficere, victoriam inſclamare. Mirabantur primò ci-ves, quò hæ voces, quò arma tenderent. At ubi paulò poſt viderunt, imperium urbis proditoriè à Gallis peti; etiam ipſi ad reſiſtendum ſe accingere, campanæ ſigno plebem convocare, arma capere, præſidiario militi ſe conjungere, plateas catenis obductis claudere, pleno impetu in Gallos diſperſos ruere, gladiis, haſtis, bombardis, clavatis fuſtibus, & omni obviſorum inſtrumentorum genere in eoſdem ità deſævire, ut intrà unius horæ ſpatium totà urbe rurius ejeſti fuerint. E civibus in hoc tumultu perièrè circitèr octoginta: è Gallis verò mille & quingenti, inter quos non minima pars è præcipua Nobilitate, præter còmplures alios bello captos.

Proditorium illud, fraudibusque plenum facinus novo Duci non modò ſummum odium apud omnes Belgas; ſed etiam repentinam Principatùs malè coepti jacturam attulit. Nam ex eo tempore, ab Antwerpianis in fugam pulſus, à Belgis aliis dereliſtus, annonà intercluſus, inopià preſſus, reconciliationis obtinendæ ſpe dejectus; tandem exeunte Junio, convaſatis omnibus, è portu Dünkerckiano Calètum abiit; indè ulterius in Galliam, undè venerat, non ſinè ignominia ac dedecore, diſceſſit. Tum verò Alexander Farnèſius, gravi metu & hoſte liberatus, continuo Dünkerckam adhuc à Gallis inſeſſam obſidet; eamque, deſperato Ordinum Geuſicorum auxilio, intrà ſedecim dies acerrimā oppugnatione in ſui Regis poteſtatem redigit. Sequebantur mox urbes aliæ, ſimili armorum impulſu domitæ; ſcilicet Neoportum, Winoxberga, Furna, Dixmüda, Menina, Steinberga, Aloſtum, Zutphania, cum diverſis oppidis infirmioribus: in quibus ubilibet Religionem Catholicam in ſtatum antiquum reſtitui juſſit, Calvinianis omnibus domo pulſis, & in alia loca demigrantibus. Neque dubium eſt, quin laudatiſſimus hic belli dux (cui Hiſpanorum, aliorumque militum externorum revocatio præcedente anno rurius ab Ordinibus Catholicis permiſſa erat) victricia ſigna longè ampliùs toto Belgio fuiſſet extenſurus, dummodo Philippus Rex, Luſitanico bello etiamnum impeditus, majores Hiſpanorum copias cum ampliſſimis pecuniarum ſubſidiis in Belgium tranſmiſiſſet. Qua de re Farnèſius ipſemet apud Regem conquæſtus eſt* hiſce ver-

Idcirco à Belgis malè habitus, abjectà Principatùs retinendi ſpe in Galliam revertitur. *Spond. n. 2. Haraus, & Strada, loc. cit.* Eo abſcedente Farnèſius Dünkerckam, Neoportum, & alias urbes federatis eripit. *Spond. ib. Haraus & Strada loc. cit.*

* *Strada de bello Belg. dec. 2. l. 5.*

P p p

bis:

bis: si ab Hispania mitterentur auxilia, quibus exercitum abunde auget; sperare se Deo duce, intra annum universam Brabantiam potiturum. Imò si semel vis omnis, quanta ab Regum potentissimo exseri potest, ad profligandos hostes adhiberetur; eosdem, qui nunc divisis Hispanorum conatibus pares sunt, conjunctis in unum viribus impares fore, ac demum fortiori sese dedituros esse. Contra verò, si tota belli mole in eos non incumbatur; vereri se, ne bellum infinite protrahatur, et Regis curæ adhuc annis compluribus in extinguendo hoc incendio fatigentur.

Truchsesius
Colon. Archiepiscopus
à Pontifice,
Imperatore
propriisq;
subditis
frustra monitus.
* Isfeld l. 1.
belli Colon.
pag. 76.

Ruinam Alençonii propediem consecuta est ruina fidentissimi clientis ejus, Gebhardi Truchsesii, Colonienſis Archiepiscopi. Jam ab anni superioris exitu pervenerant ad hunc diversæ legationes ac literæ, ab ejusmodi personis missæ, quibus Ecclesiæ Colonienſis incolumitas cordi esse poterat ac debebat. Monuerat eum Gregorius Papa, ne quid in rebus Fidei* novandis ageret, unde sibi, subditisque suis æternum animæ detrimentum pareret. Monuerat Rudolphus Imperator: cogitet, ea, quæ ab ipso agi ac procu- di ferebantur, esse contra sacros Canones, esse contra veteres Romani Imperii constitutiones, esse contra ~~pactum~~ Religionis compluribus abhinc annis communi Principum consensione stabilitam, esse contra omnia jura, tam nova, quàm antiqua. Monuerant bini alii Electores Ecclesiastici, ne concupitæ mulieris amore Fidem avitam deferat: à Principibus Catholicis nunquam permissum iri, ut matrimonium jungat huic insulæ; & si id ipsis invitis agat, populum Eridos ab eo jaciendum esse, quo tota Imperii machina disturbetur. Monuerant denique non solum Canonici Metropo-

* Kleinſorg
in diario
hist. Truch-
ses. in adj.
sub lit. H.

Matrimo-
nium init
cum Agne-
te sua.

Isfeld l. 2.
belli Colon.
& in tota
Diœcesi
libertatem
Religionis
permittit.
Isfeld ibid.

litani, & alii Proceres, Ordinésque Rhenani; sed etiam omnes* Consiliarii provinciales Ducatus Westphaliæ, qui adhuc recenter humillimis literis, Arensbergæ duodecimâ Januarii datis, eundem obtestati fuerant: curaret omnes discordias*, inter ipsum et Capitulum excitatas, periculosis hîſce temporibus per viros pacificos exaquari, ne in hoc laudatissimo Archiepiscopatu necessaria capitis et membrorum concordia dirumpatur: alioquin vereri se, ne calamitates Belgicæ, jam à pluribus annis ante oculos ipsorum posita, etiam in hunc Archiepiscopatum se diffundant; atque ita hîc etiam impleatur illud Christi: omne regnum in se divisum desolabitur. His tamen omnibus flocci habitis, pertinax in impuro amore Agnetis suæ ipso festo Purificationis Beatæ MARIÆ Virginis, cum eadem sacrilego matrimonio se conjunxit. Atque, ut suorum subditorum aliquos novi sceleris approbatores inveniret; septendecim diebus antè, nimirum decimâ sextâ Januarii stylo veteri, publicum edictum edidit, in quo Dioecesanis omnibus conscientiæ & Religionis libertatem indulgebatur hîſce verbis: Illustres, Nobiles, et plebejos quosdam in Diœcesi sua

peti-

petiisse à se libertatem Religionis, usumque sacramentorum in Ecclesiis, Augustanae Confessioni deditis, exerceri solitum. Hac verò postulata, saluà conscientia suâ, à se rejici nequaquam potuisse, ne diuinis mandatis obstrepat; negligatque officium boni Principis, cuius est, Regi gloria portas attollere, eumque venientem expansis brachiis excipere. Quapropter, habitis amicorum suorum consiliis, perlibenter se permittere, et omnibus Prælati, Comitibus, Dominis, vassallis, urbibus, pagis, et aliis communitatibus in sua Diocesi constitutis, generalem facultatem dare, ut ea, quæ ad Religionem et sacramenta pertinent, juxta formulam Confessionis Augustanae (sub qua etiam se tegebant Calvinistæ) sine ullo iudicio aut Magistratum impedimento palam instituere et adornare valeant: ita tamen, ut aliis, qui Catholicam Fidem retinere et in ea perseverare volent; nullam planè molestiam creent, aut eosdem oppugnare, persequi, vel calumniari audent.

Erant adhuc id temporis in Capitulo Metropolitano complures viri integritate & zelo Religionis præstantissimi, non solum ex eorum Ordine inferiori, quos vulgò presbyteros nominant; sed etiam ex illustriori Ordine Ducum, Principum, & Comitum, quos adhuc antiquæ Fidei & spiritus divini fervor impleverat. Nōrant illi, quanta sibi in Truchsesium potestas esset ex antiqua, juratâque Ordinum* provincialium unione: nempe ut, si Archiepiscopus antiqua Diocesis pacta vel conventiones infringat, si in vitis Ordinibus militem conscribat, si suis arcibus et castris externum præsidium imponat, aut (quod anno 1550 post Hermannii Wiedani exaugurationem communi Ordinum consensu appositum est) si in negotio Religionis* novationem aliquam contra veterem Catholicæ Ecclesiæ consuetudinem instituere præsumat, neque, à Capitulo Metropolitano monitus, ab hujusmodi rebus et machinationibus abstat: prædictum Capitulum status omnes Diocesanos ad comitia generalia convocare debeat; eoque facto iidem Ordines vel Status patriæ à juramentis Archiepiscopo suo præstitis exsoluti, cum Capitulo se conjungere, eidemque soli in posterum obedire ac parere debeant. Hac igitur potestate in modernis turbis utendum rati, universis Statibus per circulares literas indixere, ut vi unionis antè dictæ die vicesimâ septimâ Januarii Coloniam veniant, atque ibidem post tridie interfint generali Ordinum conventui, in causa Truchsesiana & novationibus ab eo factis instituendo.

Subinde locus comitiorum opportunè constitutus fuit in amplissimo Patrum Dominicanorum coenobio; totusque Rhenus inferior cum vicina Westphalia suspensus erat ad eventum periculi hujus conventus. Pro Truchsesio stabant à Capitularibus Georgius Comes de Witgenstein Metropolitanae Ecclesiæ Præpositus, Hermannus Adolphus Comes de Solms, Thomas Baro de Krichingen,

Capitulum
Colonienſe
in cauſa
Truchſeſia-
na convo-
cat comitia
provincia-
lia.

Iselt l. 2.

belli Colon.

pag. 130.

*vulgò

Land

Bereins-

gung.

*erklärte

Land

Bereins-

gung de

anno 1550,

apud Klein-

sorg. ibid.

Nomina
Capitulariſſi

qui in his

comitiis

pro; vel

contra

Truchſeſiū

ſteterē.

Iselt l. 2.

belli Colon.

Propositio
in comitiis
facta.

Iselt ibid.
pag. 141.

Oppositio-
nes Truch-
sesianorū.

**Iselt ib.*
pag. 147.

**Kleinsorg.*
in diario
bis. Truch-
ses.

Ordines
Westphali,
excusata
absentiā
suā declas

chingen, Joannes Baro de Winnenberg, & Henricus è Ducum Saxo-Lawenburgicorum familia Archiepiscopus Bremensis & Administrator Paderbornensis; qui die decimā nonā Januarii Coloniā venerat, periclitanti amico suo fidelem operam præstiturus. Contrā verò in Truchsesium acerrimè stabat ejusdem Bremensis Archiepiscopi frater Fridericus Chorepiscopus ac Thesaurarius, Antonius Comes de Schawenburg Decanus, Christophorus Comes de Tengen Vice-Decanus, Adolphus Comes de Manderscheid Scholasticus, Wilhelmus & Joannes Comites de Salm, ac reliqui ferè omnes; quibus egregios animos addidère Legati Cæsaris, aliorūque Ducum & Principum Catholicorum. Primo die comitiorum in confessu publico recitata, prælectaque sunt ea, quæ à Truchsesio contra antiquam, juratamque *Ordinum provincialium unionem* perpetrata fuerant: simulque rogati sunt Ordines Dioecesani, ut pro bono totius patriæ maturè deliberent inter se, an insolentissimas hujusmodi violationes tolerare; an verò iisdem cordatè se opponere, veteremque *unionem* suprā dictam communi virium & animorum consociatione factam, tectamque conservare velint? Consultatum est hac de re toto sequente triduo: atque interim à fautoribus Truchsesianis afferebantur multa, quæ statibus congregatis non parvum terrorem incutere possent. Hermannus Adolphus Comes Solmenis vehementi magis, quàm prudenti oratione jactitabat: *Collegas suos *Metropolitana Ecclesia Canonicos minùs consultò agere, quòd Archiepiscopi sui studiis tantā animorum contentione reluctentur. Si sic perrexerint, non solum in Archiepiscopatu Coloniensi; verum etiam in Imperio toto gravissimos tumultus excitatum iri.* Eadem obmovebat Joannes Dux Bipontinus, & alii Principum acatholicorum Legati; minitantes insuper, quòd, si Truchsesio adversi aliquid mutatae Religionis causā eveniret, Electores acatholici ferro & armis eidem adstituri sint. At nemo omnium hac in re impudentiorem se exhibuit, quàm Otto Wolmeringhusius Nobilis Westphalus, ac novationum Truchsesianarum promotor pestilentissimus. Is, cum à Truchsesio inter consiliarios Westphalicos noviter adscitus esset, viderétque neminem è Ducatus Westphaliæ statibus in his comitiis comparere; audacter ad ceteros Ordines Rhenanos adiit, & inauditā *mentiendi licentiā finxit, Ordines Westphalicos cum Truchsesio & Augustana Confessione ab eodem admissa facere, seseque ad hoc declarandum ac denuntiandum ab iis missum esse. At hic impostor, licèt initio quosdam conteruerit, brevi ab his comitiis cum ingenti pudore & confusione depulsus est. Præterquam enim quòd nullā scripturā publicā huic denuntiationi suæ fidem facere potuerit; paulò post advenierunt authen-

authenticæ eorundem Ordinum Westphalicorum literæ Arensbergâ missæ, quibus non modò absentiam suam decenter excusârunt; sed etiam unanimi sigillorum ac nominum suorum appositione contestati sunt, *se antiquæ Statuum Diœcesanorum unioni constanter inherere, nec ab ea latum unguem recedere velle.*

Tum verò Illustrissimus vir Antonius Comes de Schawenburg, majoris Ecclesiæ Decanus, magnâ constantiâ assurrexit; frustra que infrementibus adversariis, primus omnium sententiam suam* hisce verbis aperuit: *Nemini vestrum, ut opinor, ambiguum esse potest, quin modernæ machinationes Archiepiscopi nostri directè pugnent cum antiquis provinciarum nostrarum statutis et conventionibus, quas vulgò statuum unionem vocant. Ab hac autem unione ut recedatur, et pro antiqua, sanctissimâque Religione Catholica jam nobis perperam obtrudatur novitia quadam fides Confessionis Augustana: id enim vero nec ego, quantum in me est, permitti patiar; neque vos pariter, si viri esse vultis, per salutem animæ vestræ concedere poteritis aut consentire. State igitur in hac unione tam sancta et antiqua! Id enim Comites, id viros Nobiles et generosos, id fidelem Reipublicæ Magistratum decet.* Hæc sententia, à tali viro tam intrepidè prolata, mirificè erexit animos, non modò ceterorum Capitularium; sed etiam reliquorum statuum, Procerumque totius Diœcesis. Atque ideo protinus die primâ Februarii concordibus omnium votis* conclusum est: *Truchsesium peccasse, Capitulum rite ac legitime processisse, Status omnes Diœcesanos, pro tuenda unione veteri, conjunctis animis cum Capitulo contra Truchsesium stare velle ac debere.* Simul etiam Lintzienfibus, Andernacenfibus, aliisque oppidis à Truchsesiano milite nondum infestis, comitali decreto imperatum fuit, ut adversus Archiepiscopum sollicitè se præmunirent, & in posterum soli Capitulo in rebus agendis morem gererent.

Quo audito Henricus Archiepiscopus Bremensis, contra hæc Ordinum provincialium decreta frustra protestatus, altero statim die Coloniam deferuit. Fridericus autem frater ejus, Colonienfis Ecclesiæ Chorepiscopus, priori vespere jam discesserat, ut pro egregio suo in Catholicam Religionem studio Truchsesianorum vires infringeret; castrâque & urbes, ab iisdem occupatas, improvise Marte ad Capituli sui obsequium revocaret. Neque defuit fortuna cœptis. Nam intrâ paucas hebdomades Cæsaris-Werdam, Brülam, Hulckeradam, & Linnam, celeritate magis & stragemate, quàm vi & armorum pondere tam feliciter subegit, ut Cæsar ipsèmet* de tanta fortitudine & constantia eidem per literas maximopere gratulatus fuerit. At, quia iustum exercitum non habebat, & aliunde fati compertum erat, à quibusdam Protestanti-

rant in comitiis, constanter se inhæsurus antiquæ statuum unioni.

Kleinsorg. in diar. cit.

Antonius Comes de Schawenburg Decanus contra Truchsesiū declarat, standū esse antiquā unionē statuum:

* *Iselt l. 2. belli Colon. pag. 149.*

Cui sententiæ se adiungunt omnes Ordines Diœcesani.

* *Iselt ib. pag. 155.*

Henricus Archiepiscopus Bremensis discedit Coloniā: *Iselt l. 2. pag. 159.* Fridericus frater ejus strenuè militat contra Truchsesiū:

* *Iselt pag. 168.*

Truchseſſi
à Gregorio
XIII. exau-
guratur, ac
dejicitur à
ſuo Archiepi-
ſcopatu.

In ejus locū
ſufficitur
Erneſtus
Bavarus,
Ep. Leod.
Hildeſ. &
Friſingenſis
*Iſſelt l. 2.
belli Colon.
pag. 262.*

*& l. 3. pag.
280.*
Nec multò
poſt etiam
ſauctores
Truchſeſſi
ſuis digni-
tatibus &
beneficiis
Eccleſiaſti-
cis exuun-
tur.

*Iſſelt l. 3.
pag. 283.*
Truchſeſſi
ex urbe
Bonnâ abijt
in Naſſoviâ
** Iſſelt l. 2.
pag. 159.
* Iſſelt ib.
pag. 163.*

ſtantibus magnos militum delectus pro Truchſeſſio fieri: magnifi-
cum ac grande nihil contra eundem effici priùs poterat, quàm ex
mandato ſummi Pontificis crearetur novus Archiepiſcopus, qui,
& unâ cum Ordinibus Dioceſanis de copioſiore milite conſcriben-
do agere, & à ſuis conſanguineis, aliſque Principibus Catholicis,
neceſſaria peditum, equitumque ſubſidia comparare queat. Huic
igitur neceſſitati ſubventurus Pontifex, tandem die primâ Aprilis
Gebhardum Truchſeſſium, velut *hominem Romanæ Eccleſiæ rebellem
et excommunicatum*, Archiepiſcopali dignitate ſuâ, omnibſque
aliis dignitatibus, Canonicatibus, beneficiis, juribus, & proven-
tibus Eccleſiaſticis privavit; ſimulque Metropolitanum Capitulum
ſeverè monuit, ut acceptâ hujus privationis notiâ continuò no-
vam electionem indiçi, atque ad eam ſinè omni longiore mora pro-
cedi curret. Optatiſſimum id erat Capitulo, Paſtorem alium diu
præſtolanti. Proinde ſtatim revocatus in urbem Fridericus Chor-
Episcopus, conſultatum de die & modo electionis, procuratâ à ſe-
natu eligentium ſecuritas, ac demum die vicesimâ 3tiâ Maji Erne-
ſtus Bavarus, Leodiſenſis, Hildeſienſis, ac Friſingenſis Episcopus
(qui jam ante duos meſes Coloniam venerat) unanimi Canoni-
corum ſuffragio ad Archiepiſcopalem cathedram poſtulatus eſt,
cum incredibili totius urbis, Ordinumque omnium applauſu &
gratulatione. Nec multò poſt etiam omnes ii, qui de Capitulari
gremio Truchſeſſium ſecuti fuerant, neque in ſinum Eccleſiæ Ca-
tholicæ reverti voluère (nimirum Georgius Comes de Witgenſtein
major Præpoſitus, Hermannus Adolphus Comes de Solms, Joan-
nes Baro de Winnenberg, ac Thomas Baro de Kriechingen) à Nun-
tio Apoſtolico citati, condemnati, excommunicati, & omnibus
dignitatibus, beneficiis, & obventionibus Eccleſiaſticis, per ſen-
tentiam publicam exuti ſunt.

Interea res Catholica per Ducatum Weſtphaliæ ferè penitùs
diſperibat iniquis auſibus Truchſeſſi. Diſceſſerat ille Bonnâ die
quartâ Februarii ſtylo vetere; direptoque priùs * archivo publico,
in quo ſcripturæ veteres totius Dioceſis eatenus cuſtoditæ fuerant,
properatò receperat ſe Dillenburgum ad Joannem * Naſſovium,
Wilhelmi Principis Arauſicani fratrem: ubi non modò Comitum
vicinorum ſtudio factionem ſuam ſtabilire, niſus eſt; verùm etiam
vaſa omnia pretioſa, è Brülensî caſtro ante annum ablata, in mo-
netam & militum ſuorum ſtipendia cudi fecit. Indè primùm ali-
quos è ſuis emiſſariis, maximèque Ottonem de Wolmeringhaufen
& Joannem Grote civem Geſekenſem, præcipuos iſtius mali ope-
ris architectos in Ducatum Weſtphaliæ præmiſit, ut oblatâ Reli-
gionis libertate plebem commovere, & popularium animos ab an-
tiqua

tiqua Statuum unione, paritèrque à Capituli Coloniensis obedientia, disjungere & sevocare conarentur. Quod cum illi malis artibus ac mendaciis tam dolosè fabricari & contexere incepissent, ut etiam aliquos è Nobilitate, & aliquos ex urbium aliquarum consilibus, in rete suum traxerint; continuo Truchsesius die decimâ quartâ Februarii (stylo vetere) pervolavit in Westphaliâ, venitq; Medebacum. Urbs hæc, unâ cum quibusdam aliis, nimirum Winterbergâ, Hallenbergâ, Stadtbergâ, & Volckmariâ, quæ in Hassorum & Waldecensium confiniis jacent, jam ante unam alterâve septimanam ab Ottone de Wolmeringhausen ad novi Evangelii doctrinam traducta erat. Atque ideo Truchsesius tam optato successu hilaris, biduò post Briloniam abiit; ibique pari modo acatholicæ Religionis exercitium, die decimâ septimâ Februarii (stylo vetere) solenniter introducere coepit per Valentinum Schönæum Prædicantem Hassicum. Peractâ hujus concione, Pastorem Catholicum *Svicardum Steven* (vel, ut alii vocant, *Steffens*) ambrosque ejusdem Sacellanos *Wilhelmum Koch* & *Joannem Nöggeradt*, in ædes alicujus civis accersivit, & per Ottonem Wolmeringhusium interrogari fecit, num& ipsi reformationem Truchsesianam acceptare vel amplecti velint, nec ne? cumque id ipsum cordatè recusaret Pastor, Sacellani autem in id perperam consentirent: Parochialis Ecclesiæ regimen propudiosis hujusmodi apostatis commissum est; Pastor autem ab officio suo iniquissimè dejectus, & in angustum Briloniensis nosocomii sacellum pro Catholicorum civium usu ac necessitate retrusus fuit. Imò ne ibi quidem diu tutum esse, & Catholicorum suorum saluti vacare licuit. Nam paulò post in festo Paschatis, cum in Ecclesia parochiali valde pauci ad synaxin Lutheranam vel Calvinianam accedere vellent; *Svicardus* etiam è sacello isto exclusus, à sacramentis more Catholico ministrandis prohibitus, dein urbe pulsus, nec nisi post annum integrum ab Ernesto Bavaro in parochiam, sedemque pristinam restitutus est. Adeò bellè, sanctèque Truchsesius præstitit, quod initio hujus anni, cum Augustanæ Confessionis libertatem obtruderet, fraudulentè ac dolosè venditaverat: *nolle se, ut eâ occasione aliquid molestiarum aut persecutionum inferatur his, qui Catholicam Fidem retinere, et in ea perseverare ac mori velint.*

Sed hæc solum erant initia malorum, quæ consecuta sunt. Die decimâ octavâ Februarii (stylo vetere) Truchsesius Briloniensi ex urbe advenit Arensbergam, ibidemque pariter affigi & publicari jussit perniciosum illud edictum suum de permittenda Religionis libertate. Ac tametsi tunc nemo omnium favorem istum amplexus fuerit; sperabat tamen, id proximè & majori cuni effectu

Inde verò
in West-
phaliâ.

Kleinsorg.
ibid.

Medebacū,
Winter-
berga, Hal-
lenberga,
Stadtberga,
& Volcks-
maria, ur-
bes defici-
unt à Fide
Catholica.
Kleinsorg.
ibid.

Brilonia ad
Augustanā
Confessio-
nem tradu-
citur, Pastor
Catholicus
deponitur,
ac tandem
exulare co-
gitur pro
Fide.

Kleinsorg.
in diario
hist. Truch-
ses.

Arensberga
in Fide Ca-
tholica
perseverat.
Kleinsorg.
ibid.

Ibidem à
Truchsesio
indicuntur
comitia
provincia-
lia:
Kleinsorg.
ibid.

In quibus
rogat Ordines
Westphalicos,
ut sibi assis-
tant contra
Capitulum
Colonien-
se & persecu-
tiones ab
eo motas
propter
concessam
Religionis
libertatem.
Kleinsorg.
in diario
hist. Truch-
ses.

Rogat etiā,
quid re-
sponderi
debeat Cas-
pitulo, ejus-
que literis,

Et futurum esse in comitiis provincialibus, quæ promovendorum scelerum ac novationum suarum causâ ibidem indixit in quintum Idus Martii, profecturus interea ad amicos suos, putridæque causæ defensores. Primâ die comitiorum nihil propositum est, propter absentiam aliquorum Comitum & Magnatum, quos adesse volebat Præsul. Omnibus tamen ibi congregatis (licet adultâ jam quadragesimâ) tam in urbe, quàm in arce, largissimæ carnes ministratæ sunt; non sinè magno eorum, qui hujusmodi cibos recusabant, improprio ac derisione. Sequenti die (quæ erat duodecima Martii, & feria tertia post *Latare*, stylo vetere) Truchsesius cum ingenti comitatu in curiam senatoriam venit; & ea, quæ à Patribus conscriptis in communem deliberationem adduci voluit, contra omnem annorum veterum consuetudinem proponi fecit per Jacobum Schwartzium Doctorem Calvinianum, virum scilicet extraneum, & Joannis Comitum Nassovii consiliarium. Prælegebat hic primùm varias, longissimâsque literas, & ex iis declarabat, quàm bono, sanctoque zelo Truchsesius Augustanæ Confessionis libertatem suis subditis indulgere cœperit? quæ contentiones ac diffidia ex laudabili hoc opere nata sint inter ipsum & Colonienſe Capitulum? quænam idcirco seditiones contra eum profusæ fuerint in comitiis Colonienſibus, Capitulari decreto convocatis? ac demum quæ bella & armorum fremitus ea propter formidari debeant à Capitulo & Principibus Catholicis? Tum deinde plausibilibus verbis adungebat, quàm copiosa militum auxilia Truchsesio promissa fuerint à diversis Principibus acatholicis, quorum Legati aderant: simulque rogabat Ordines Westphalicos, *ut et ipsi fidelem opem Truchsesio ferre, et Confessionem Augustanam non modò promptis animis acceptare; sed etiam armis, corporibusque suis tueri constantissimè velint.* Propositionem hanc secutæ sunt liberales epulæ, præsertim in arce Electorali: in qua omnes viri Nobiles cum Truchsesio pransi, vinôq; tam copioso proluti & ingurgitati sunt; ut eorum plures, inusitatis haustibus expugnati, porrectâ manu Truchsesio fidem dederint, se ejusdem consiliis astipulatu- ros, vitamque & bona omnia ipsius tutandi causâ profusuros esse.

Postridie Legatus Brunsvicensis, unâ cum duobus Legatis Hassicis, oratione longâ Patres conscriptos adhortatus est, ut oblatam Religionis libertatem grato animo reciperent, neque gloriosis Truchsesii conatibus repagulum aliquod obmoverent. Schwartzius autem, Truchsesii delirantis os & lingua, novam aliam propositionem secundariam attulit: nimirum, quid responderi debeat ad literas à Colonienſi Capitulo missas, in quibus prolixè declarabatur, Truchsesium propter apostasiam & matrimonium suum

Archi-

Archiepiscopali dignitate suâ excidisse; ideoque non ampliùs illi, sed sibi, ex antiqua Statuum provincialium unione vel conventionem à se compositam: simulque ab Ordinibus congregatis petunt, ut super utraque propositione, tam primaria, quàm secundaria, mentem suam ocyùs Truchsesio id urgenti explicent. Censuerunt plerique, in re tam ardua pro veteri more primùm exquirenda esse judicia Consiliariorum provincialium, eaque postmodum solerter ac pensiculatè conferri oportere cum arbitrio aliorum Statuum; ut hac demum ratione faciliùs in unam omnes sententiam coëant. Neque huic officio suo defuere prædicti Consilarii cum suo Præsidente, Satrapa provinciali. Etiam si enim nulla rerum lectarum ac propositarum apographa iisdem tradita vel communicata essent (quia Schwartzius & commilitones ejus malebant illic omnia tumultuariè & sinè maturo consilio fieri) ex iis tamen, quæ inter legendum ac proponendum studiosè observaverant; arbitrium suum, ad postulata Principis, quàm celerrimè in chartam coniecere, hac deprecandi & respondendi formulâ: *dissensiones, inter ipsum et Colonienſe Capitulum ortas, popularibus omnibus acerrimo dolori esse; nec iisdem aliquid ardentioribus in votis fuisse ac fore, quàm ut hujusmodi dissidia in primis eorum scintillulis opprimerentur, vel adhuc dum sopiri possent. Quoniam verò dissensiones illæ, turbaque bellica, Westphalicarum ditionum culpâ suscitata vel incepta non fuerint; idcirco adhucdum ab iis dispici ac definiri non posse, an hujusmodi negotiis bellicis in unam alteramve partem assentiri, uniusque magis, quàm alteri propalam se adungere, sinè temeritate et præjudicio aſint? præsertim cùm Celsitudo sua Electoralis, unà cum Principibus eidem assentientibus, et vicissim Colonienſe Capitulum, unà cum Rudolpho Imperatore et aliis Principibus, in hoc litigio sententias toto ferè celo disjunctas foveant; de quarum equitate vel iniquitate judicium ferre, præsentisque bellipartem in se suscipere, profectò res est, longè suprâ hujus exiguæ provincie vires et facultatem posita. Adhæc etiam negotium esse tale, quod non modò concernat unam hujus Archidiœcesis partem; sed omnino totam Archidiœcesim, omnesque illius Ordines, tam Rhenanos, quàm Westphalicos, tam Ecclesiasticos, quàm seculares, eorumque omnium salutem, animas, corpora, bona, jura, consuetudines, privilegia, libertatem, et antiquam, sempérque sanctam Ordinum Diœcesanorum unionem: ac proinde in re tam communi et ad omnes pertinente, solos hujus Ducatus incolas inauditâ aliâ suorum provincialium parte nihil agere, dijudicare, statuere, vel ad id exequendum conferre posse, juxta regulam communem juris: quod omnes tangit, ab omnibus approbari debet.*

declarantibus Truchsesium Archiepiscopatu suo excidisse; Kleinſorg. ibid.
 Consilarii provinciales ab Ordinibus rogati suadent, ab ea controversia manus abſtrahendâ, neque huic negotio temere injiciendam esse. Kleinſorg. ibid.

Otto à
Wolmes-
ringhusen,
& Joannes
Grote, om-
nem Ordini
num con-
sultatione
impediunt,
obtruso per
tumultum
alio respon-
so Doctoris
Schwartzii:
*Kleinsorg.
in diario
bist. Truch-
ses.

Quod ab
aliquibus
approbatur
à plerisque
autem reji-
citur.
Kleinsorg.
ibid.

Truchsesi
ex menda-
cissima re-
latione Jo-
annis Grote
responsum
illud
Schwart-
zianum
velut com-
munè pla-
citur pub-
licari jubet,
plerisque
reclamanti-
bus.
Kleinsorg.
ibid.

Hoc senatûs consultum, uti revera prudentissimum erat, ita & innumeras calamitates depulsurum fuisset ab hac provincia, nisi omne consilium præcipiti motu pervertissent conscelerata duo capita, Otto à Wolmeringhausen, vir equestris familiæ, & Joannes Grote civis Gesekenfis, uterque in suæ patriæ exitium natus, & magnis insuper promissis ad omne scelus incitatus. Primus horum in senaculo Ordinis equestris consultationem omnem impedivit per inconditos clamores paucorum sibi adhærentium: atque interim aliud responsum à Doctore Schwartzio compositum, quod omnia Truchsesii postulata comprobabat, furtivo modo ad urbium Legatos attulit, mendacissimè jactitans, *hanc esse mentem Ordinis equestris*. Alter verò, Joannes Grote, responsum illud Schwartzianum, veluti certissimam equestris Ordinis decisionem, Legatis urbium prælegit, urgente interim ac sæpius inclamante Wolmeringhusio: *non esse tempus hac de re diu consultandi: Truchsesium quàm ocyssimè de ipsorum arbitrio doceri velle; neque prius abiturum se, quàm huic scripto consensum præstent*. Fuere quidem aliqui ex Legatis urbium, qui præfestino impetu responsum illud, fallaciter obtrusum, probaverunt. Alii verò, maximèque hi, qui ex urbe Werla, Rüda, Menda, Attendorna, totòque comitatu Arensbergico missi fuerant, consensum negavere: petebantque sibi prius exhiberi aliud senatûs consultum, à provinciali Satrapa, ceterisque ejusdem consiliariis ea de re conscribi jussum. Quod ubi tandem in congressu publico recitatum est; plerique omnium congregatorum, tam Nobilium, quàm urbicorum, communi suffragio decrevere, prudentissimo isto consiliarium provincialium judicio standum esse: præsertim si in ejus contextu (uti protinus factum est) omitterentur aut mitigarentur pauca verba, quæ Truchsesio, vel extraneis acatholicorum Principum Legatis, forsitan aliquid offensionis creare possent.

Et tamen (quid non audet infrunitum os?) tamen iste Joannes Grote cum quibusdam aliis cucurrit ocyus ad Truchsesium; eisdemque suprà dictum illud responsum Schwartzii, velut communi Ordinum suffragio probatum, obtulit. Stupuere ceteri (cùm id audirent) unde huic homini tam impudica frons & mendacitas? imò & alterâ die in comitiis publicis complures ausi sunt palàm de ipso dicere: *cum ista mentiri in suum caput: nunquam ei à patriæ Statibus demandatum esse, ut hujusmodi commenta ad aulam perferat: et, si ita pergat in rebus tanti momenti ludere; meritò vereri, ne brevi dies appetat, quo halophanta iste minuat capite*. Sed frustra hæ protestationes! frustra omnis reliquorum Ordinum & consiliarium oppositio! Truchsesio placebat magis hoc mendacium, quàm aperta veri-

veritas: atque ideo die 15 Martii responsum illud Schwartzianum, velut commune placitum comitiale, solenni ritu publicari iussit; plerisque Ordinibus, ne id audirent, celeriore abitu jam dilapsis. Nec multò post introducendæ Confessionis Augustanæ curam Wolmeringhusio commisit, Præcones heterodoxos à Principibus vicinis petiit, ac demum ipsèmet amplioris militiæ conquiendæ causâ in comitatum Nassoviensem & Palatinum abiit.

Secuta mox ingens Catholicæ Religionis disturbatio. Wolmeringhusius enim, Truchsesii mandato pariturus, continuò Valentinum Schonæum, Superintendentem Ziegenhainensem in Hassia, die 22 Martii deduxit Werlam, ut ibidem in parochiali templo recipiendæ Confessionis Augustanæ principium faceret. Opposuerunt se quidem huic novationi præcipui senatores cum duobus consulibus, Joanne Gôdden & Gerharδο Brandis, viri omnes probè Catholici, & in Fide antiqua stabiles. At, quia contiguum urbi castrum à Truchsesiano milite infestum erat, gravi metu adacti sunt eam injuriam pati eâ lege, ut sibi & omnibus Catholicis liberum suæ Religionis exercitium relinqueretur ab hora quinta matutina usque ad octavam. Quo concessio, Wolmeringhusius alterâ die (in quam hoc anno festum Annuntiationis B. MARIE Virginis anticipatum erat propter insequentem Dominicam Palmarum) prædictum Schonæum horâ octavâ in templum induxit: non, ut longiùs ibidem commaneret (nam biduo post à suis fautoribus ære non parvo donatus abiit) sed ut unâ alterâve dictione ad plebem habitâ, Religionis heterodoxæ exercitio januam aperiret. Post hunc deinde bini alii aliorum locorum Prædicantes (quorum unus Paderbornæ monasterii Abdinghoffensis * desertor erat) pro concione aliquoties dixere; donec postea die 13 Aprilis à duobus perversæ doctrinæ civibus illuc adductus est Caspar Mottæus (dictus aliàs *Motte*, quod linguâ nostrâ suam significat) olim ex Henenbergensi comitatu pulsus, indèque in Hassiam profugus, religiosi cujusdam Ordinis apostata. Hic alterâ statim die in parochialem cathedram intrusus, foedissimâ concione veteris Ecclesiæ ritus vituperavit, monachorum & monialium connubia dilaudavit, Sanctorum imagines audacissimè reprehendit: ac tandem Kalendis Maji eò stoliditatis & infaniæ venit, ut per hæc verba Christi, *in domo Patris mei mansiones multe sunt*, sibi & aliis novi Evangelii Præconibus à Christo promissum esse diceret, eos nunquam à se temporali subsidio destituendos; &, si ex una civitate vel provincia cum uxore ac liberis ejiciantur, in aliam urbem vel provinciam benignissimè deducendos esse. Quæ carnalis & absurda explicatio tamen ita quibusdam heterodoxis placuit, ut non modò

Exercitium Religionis acatholicæ Truchsesio jubente introducit Werlæ. Kleinfor. in diar. cit. Isfels l. 2. belli Colom. à pag. 205. Eylinger & alii.

* Henricus de Stattona vocatur cum Isfelle pag. 207. Et primus ibidem Prædicans constituitur Caspar Motte apostata Henenbergensis. Kleinfor. ibid.

concionem hanc summopere deprædicaverint ; sed etiam eâdem die Truchsesio adhuc absenti, pro obtinenda meliore istius Mot-
tæi vel suis alimonia, supplicârint.

Similiter
etiâ intro-
ducitur in
urbe Gese-
kenfi.
Kleinsorg.
ibid.

pulso in
exilium
Wernero
Schlaun,
Kleinsorg.
ibid.

Ex urbe Werla Wolmeringhusius, cum prædicto Schonæo, die vicesimâ quintâ Martii processit ad urbem Geseke, novationem Truchsesianam ibi pariter incepturus. Facillimum id erat in loco tali, ubi domicilium & sedem habuit præcipuus novarum partium patronus Joannes Grote, quem sæpe antea civem Gesekensem fuisse dixi. Hic enim perverso consilio suo plurimorum civium ac senatorum animos jam antè sic dementaverat, ut, etiamsi Confessio Augustana ab iis nunquam visa aut inspecta esset; pro ea tamen sanguinem, vitamque suam fundere, inter decumana pocula constituerint. Quare, cum Schonæus illuc ab Ottone Wolmeringhusio deductus esset, non solum ab urbe tota magnis lætitiis receptus est; sed etiam ferè omnium oppidanorum aures ad novi Evangelii susceptionem apertas reperit, excepto loci istius Judice Wernero Schlaun: qui & idcirco postmodum à Truchsesio tantis persecutionibus exagitari coepit, ut postremò solum vertere debuerit, & usque ad ipsius Truchsesii ruinam aliis in terris vitam ærumnosam agere. Ità unius tempestuosi hominis instigatione tota Geseke pessum ivit; & Schonæus post quatuor vel quinque dies cum egregio tricenorum imperialium dono in Hassiam reversus est, impositis ibidem novis concionatoribus Henrico Lindberto, Justo Herboldo, & aliis: qui deinde specioso nomine se appellârunt *Ministros Evangelii JESU Christi in Geseke*, *Diener am Evangelio vom JESU Christo in Geseke*.

Item in ur-
be Rûda:
ubi Pastor
Catholicus
ab officio
moveretur,
judex urbis
in carcerem
conjicitur,
duo consu-
les pellun-
tur in exiliū
Kleinsorg.
in diario
hist. Truch-
ses.

Inde Wolmeringhusius cum prædicto Joanne Grote, machinationum suarum fideli socio, repentè festinavit Rûdam, ut ibidem quoque magistratui & consulibus novi Evangelii Præconem obtruderet. Fungebantur id temporis consulari officio Joannes Hartman & Helmigius Lohn: qui, cum essent viri integerrimè Catholici, & novarum doctrinarum osiores; iniquissimis hujusmodi conatibus audacter se opposuerunt pro Dei gloria. Sed, prò dolor! non sinè magno suorum corporum ac bonorum temporalium detrimento. Cum enim postea Truchsesius die nonâ Maji ex comitatu Nassoviensi rediret Arensbergam; seditiosi quidam cives, à Wolmeringhusio concitati, ad aulam Principis detulère: *Magistratum Rûdensem obstitisse hætenus puritati Evangelicæ; se verò et plures alios ejusdem recipiendæ præcupidos esse, ideòque precibus enixis petere, ut eadem ex præscripto Confessionis Augustanæ non minùs Rûda, quàm in aliis Westphaliae urbibus, locum inveniat.* Quo audito, Truchsesius alterâ statim die* cum aliquibus militibus Rûdam abiit, severam
istius

istius causæ disquisitionem instituit, Nicolaum Rhammum urbis judicem in vincula conjecit, prædictos duos consules in exilium egit, pristinum edictum suum de solis Catholicis in senatum adlegendis iterum abolevit: atque, ut alia complura taceam, Religionis antiquæ statum tam iniquè disturbavit, ut Præconibus Lutheranis duo templa majora ad usum assignata sint; sacerdos autem Catholicus cum residuo grege suo ad ædiculam S. Pantaleonis in hospitali retrusus fuerit.

At longè truculentiùs postmodum, in Catholicos debacchari coepit vir invisus Deo; cùm Ernestum Bavarum à Colonienſi Capitulo ad Archiepiscopalem infulam, se rejecto, postulatum audiit. Nuntium hujus rei accepit Werlis die 25 Maji. Et, quia gravissimum id in corde ejus telum erat; primùm velut homo dolore amens in urbem cucurrit, cives plurimos è suis domibus evocavit, ad œnopolium cum iis abiit, vinum largissimè expromi jussit, bibit, compotavit, inquiens: *jam tandem scio, quis meus adversarius et antagonista sit! vos autem quid agetis pro tuendo me et verbo Dei, quod obtuli vobis?* Tum deinde furorem suum effudit in Catholicos; præsertim verò illos, qui in comitiis Arensbergenſibus pro Capitulo Colonienſi & pro tuenda veteri Dioecesanorum Statuum unione fecerant. Ex horum numero bonis omnibus exuti & in exilium acti sunt integerrimæ vitæ & constantissimæ Religionis viri, Everhardus Comes de Solms Westphaliæ totius Archisatrapa*, Casparus de Fürstenberg consiliarius intimus & satrapa in Bilsstein, Hermannus ab Hatzfeldt consiliarius provincialis & satrapa in Balve, Joannes de Droste Dominus in Erwitte, Joannes Kleinsorge Licentiatuſ & consiliarius provincialis, Henningius Rhamm Officialis judicii Ecclesiastici in Werl, Antonius Blanckebiel actorum judicialium scriba & Secretarius Arensbergenſis, aliique non pauci; qui usque ad ejectionem Truchsesii, non sinè magnis bonorum suorum detrimentis, domo, urbe, & patrio solo, extorres esse coacti sunt.

Pari truculentiâ defævitum est à Truchsesio in urbes illas, quæ in iisdem comitiis provincialium consiliariorum opinioni se conſociaverant. In urbe Werla primùm Joanni Gôdden & Gerardo Brandis, consulibus probè Catholicis, gravissimas insidias adornavit: ità ut etiam prior horum (licet omni ex parte innocens) totis quatuor septimanis in carcere detentus fuerit. Post hos deinde Pastorem Catholicum Bernardum Tütel, monasterii Weddinghufani Præmonstratenſis Ordinis Religiosum, ad sui Ordinis ac Fidei desertionem variis artibus tentari jussit. At, cùm & ipse, pro virilis animi sui fortitudine ac constantia, neque ad ejusmodi apo-

Truchsesi⁹,
audita Ern-
nesti Bavari
electione,
velut homo
insanus per
urbem cur-
rit; & mox
omnes
Catholicæ
Religionis
Proceres
expellit.
Kleinsorg.
ibid.

*vulgò
Land-
Droste.

Werla Jos-
annem
Gôdden
consulem
Catholicū
in carcere
detruit,
Bernardum
Tütel Ec-
clesiæ Pa-
storem, bo-
nis omnib⁹
denudatum
ejicit.
Kleinsorg.
ibid.

statiam

Et Joannē
Platenium,
Scholarum
Rectorem,
Fidei Ca-
tholicæ
causâ gras-
sissime
affligit.
Kleinsorg.
ibid.

Arensber-
gæ monas-
terium
Weding-
husanum
occupat.
Kleinsorg.
in diario
hist. Truch-
ses.

Religiosos
exturbat,
Kleinsorg.
ibid.

stasiam, neque ad oblatum sibi matrimonium, induci posset; ab omni Catholicæ Religionis exercitio prohibitus, rebus omnibus exspoliatus, è Pastoralis curia extrusus, eâque superintendenti heterodoxo traditâ, oves suas deferere compulsus est. Eâdem injuriâ pressi fuere istius Ecclesiæ sacerdotes Vicarii, unâ cum duobus ludimagistris Joanne Platenio & Andrea Telen; quorum iste Werlensium scholarum Rector, hic verò Con-Rector erat. Etenim omnes isti, quod ab Ecclesiæ Romanæ gremio se disjungere, & Augustanæ Confessionis dogmata amplecti nollent; in triste exilium acti, fortunas, reculasque suas in Truchsesii & suorum manibus reliquere. Imò Platenius, quod aliquantò longiùs in urbe commansisset, à Truchsesio die 10 Augusti in arcem adduci jussus, & in profundum carcerem detrusus; indè postea in molam pulverariam compactus, & à militibus more Turcico dirissimè cæsus; demum verò post undecim vel duodecim dies è vinculis relaxatus & foras ejectus est, cum hac derisoria exprobratione: *si studiorum causâ Marpurgum aut Rostochium iret, ibique Augustanam Confessionem recepisset; cum huc reverti, et ampliorem suâ promotionem opperiri posse.* Ità Religio Catholica, tam è templis, quàm è scholis Werlensibus, tandem ejecta est usque in Aprilem anni sequentis; viris interim præcipuis, multisque civibus, ærumnoso illo tempore in antiqua Fide laudatissimè persistentibus.

Similiter & Arensberga, quæ hucusque ab omni Truchsesianarum novationum turbine inconcussa manserat, ei tandem succumbere, novamque doctrinam tolerare magis, quàm acceptare debuit. Recusaverat urbs illa diu concionatores heterodoxos; quos inter Casparus Mottæus, postea concinator & superintendens Werlensis, ibidem frustra à die tricesima Martii, usque ad decimam tertiam Aprilis, vocationem suam à civibus expectaverat. At ubi postmodum Adolphus Comes Nüenarius, Calvinista pessimus, die 3tiâ Junii cum suis copiis è tractu Recklinghusano Arensbergam venit; parochialem Ecclesiam Catholicis prærepturus, invasit illico vicinum urbi monasterium Wedinghusanum Ordinis Præmonstratensis (nam in eo parochiale templum est totius oppidi) Religiosos violenter expulit, cubicula ipsorum evastavit, horrea diffregit, cellas aperuit, annonam exportavit, in Ecclesiam irruit, ornamenta, vasâque sacra diripuit; interque alias Divorum reliquias manum dexteram B. Richardi, quondam istius Ecclesiæ Religiosi (quæ ab annis ferè quadringentis incorrupta manserat) ità vel excussit, vel alio modo pessundedit ac dissipavit, ut ab eo tempore venerandi hujus thesauri nullum ampliùs vestigium potuerit inveniri. Nec multò post, etiam cives omnes è Truchsesii man-

mandato in curiam senatoriam convocati sunt; minisque admodum severis jussi, Confessionis Augustanæ doctrinam (sub cujus pallio Calvinismus tegebatur) in Ecclesiam suam parochialem seu Wedinghusanam recipere. Quod cum ipsi ardentissime deprecarentur, seseque in antiqua Fide ac simplicitate sua relinqui peterent; iisdem nihilominus omnis Catholice Religionis cultus penitissime interdictus, & *Joannes Urbani* Calvinianus Præco in Arensbergensis Ecclesiæ regimen intrusus est: magno quidem prædicti monasterii & Religiosorum exulantium damno; sed exiguo tamen orthodoxæ Religionis detrimento. Nam (quod ad æternam Arensbergensium commendationem & gloriam scribit *Kleinsorgius*) viri omnes, feminæque istius urbis, inter innumeras novationum Truchsesianarum pressuras, tam ardentem in Fide Catholica perstitere, ut toto illo tempore, quo avitæ Religionis exercitium inde proscriptum fuit, non nisi quatuor aut quinque homines ad Evangelii novi doctrinam transfugerint.

Arensbergâ Truchsesius cum prædicto Comite Nüenaro, ejusdemque prædatorio milite, profectus est in satrapiam Bilssteinianam. Et quia hæc à pluribus annis oppignerata erat Perillustri Domino Casparo de Fürstenberg, viro admodum Catholico, ac modernarum novationum inimico: non modò arcem istius nominis unâ cum omnibus bonis ac proventibus Fürstenbergicis violentâ manu occupavit; sed etiam satrapiam totam, ejusque oppida, Attendornam, Olpam, ac Drolshagam, mulctando, exigendo, rapiendo, abducendo, comessando, occidendo, & incendendo sic oppressit, ut etiam corda faxea ad commiserationem aliquam permoveri posse viderentur. Quod autem in hujusmodi malis luctuosissimum erat; urbs Attendorna, hucusque semper constantissima, in hoc assultu Catholicam Fidem deseruit: non tam suo vel suorum civium & incolarum vitio; quàm eorum, qui animarum curæ & conservandæ earum saluti præerant. Pastorem agebat illic Wilhelmus Tütel, Bernardo Tütelio Werlensium Pastori (quem suprà memini) in vita & moribus longè dissimilis. Hic, ubi Truchsesius è castro Bilssteiniano Attendornam venit, ejusdem hortatu & comminationibus non modò perperam se induci passus est, ut concubinam suam, quam deamabat, sacrilego matrimonio sibi conjungeret; verùm etiam eo insanix ac temeritatis repente proruit, ut Catholicam Religionem, cui hætenus adhæserat, ex ambone publico criminaretur & condemnaret. Idem pariter fecere tres alii ejusdem Ecclesiæ sacerdotes Vicarii: pessimique Pastoris sui exemplo maluerunt omnes, desertâ patrum suorum Fide uxorem ducere; quàm illâ retentâ, bonorum temporalium jacturam

Civibus
exercitium
sacrorum
Catholico-
rum prohi-
bet,

Et Præconē
Calvinianū
obtrudit,
Kleinsorg.
ibid.

paucistamē
ab antiqua
Fide rece-
dentibus.
Kleinsorg.
ibid.

Satrapiam
bilssteinianā
invadit,

Attendornā
urbem à
Religione
Catholica
abstrahit,
Kleinsorg.

*in diario
hist. Truch-*
ses.

Et Pastore
cum tribus
Vicariis ad
matrimo-
niū ineun-
dum adigit.
Kleinsorg.
ibid.

ram & exilium ferre. Qua de re Truchsesius eum in modum gavifus est, ut non modò hunc diem inter crateres & pocula genialem egerit; sed etiam serâ nocte sæpius cum Agnete conjugē suā per cœmeterium, forūque publicum jucundè saltitaverit, inter obscœnissimos cantus, à metallariis fossoribus adornatos.

In aliis quoque op-
pidis ac pa-
gis Pastores
orthodoxos
ejecit, &
missam ces-
sare prohibet,

Sic etiam in Erwite, in Stôrmede, in Miste, in Anrôchte, in Kaldenhart, omnibûsque aliis in pagis & oppidis, Pastores Catholici vel ad apostasiam adacti, vel è suis parochiis exclusi, & blateronibus heterodoxis locum dare compulsi sunt. Operari verò ad aram, & celebrari sacrificium ritu Catholico, tam severè prohibitum erat à Truchsesio, ut etiam rusticos alicubi instigârît ad occidendos omnes, qui *Missam* facerent vel audirent. Dicebat enim more aliorum hæreticorum, *hanc esse maximam idololatriam, quòd in ea divinus honor tribuatur creaturæ*: quasi verò Christus, qui ibidem

Altaria &
imagines
sanctorum
dejecit,
Kleinsorg.
ibid.

adoratur à Catholicis, non esset Deus; sed creatura. Neque hic erat finis malorum, quæ Præsul Deo perfidus egit in Westphalia. Nam à sacerdotum Catholicorum ejectione processit illico ad iconomachiam, & ejusmodi sacrilegia, quæ non solum cuilibet homini probo; sed etiam trifuri perditissimo horrorem incuterent.

sacra tem-
plorum va-
sa in mone-
tam con-
vertit,
Kleinsorg.
ibid.

Præter violationes Ecclesiarum, everisiones altarium, confectiones imaginum, disturbanceiones monasteriorum (quibus eo tempore nihil communius fuit) vasa omnia Deo sacra, calices, hierothecas, cruces aureas vel argenteas, ciboria, monilia, & quidquid ornatuum pretiosorum erat, ubicumque potuit, è templis abstulit; atque ad alendos milites in monetam converti jussit cum hac inscriptione, sibi met ipsi maximè ominosa: *tandem bona causa triumphat.*

imaginem
crucifixi
foedissime
tractat,
Kleinsorg.
ibid.

In cœmeterio Werlensi crucifixi imaginem, eleganter & affabre elaboratam videns, cum ingenti blasphemia dixit vicino militi: *amabo te! huic imagini gladium tuum intorque; et, si tunc emittat sanguinem, illum adfer ad me!* In Ecclesia Meschedensi duo iconoclastæ, ab eo missi, nihilo mitiùs, quàm sceleratissimi judæi soleant, venerabile sacramentum & argenteam crucifixi Domini effigiem sacrilegis pedibus obtriverunt.

Kleinsorg.
ad diem 10.
Augusti.
& sanctissi-
mum sacra-
mentum
barbarum
in modum
profanari
facit.

Cumque unus è Canonicis loci istius ironicè ad furibundos* diceret: *quæso! ne hac pedum vestrorum impressione crucifixo Domino cruciatum vel dolorem inferte!* propter hæc verba in carcerem abstrahendus, & in vinculis ad Truchsesium adducendus erat, nisi amici ejus magnis precibus & viginti dalerorum Imperialium mulctâ supplicium imminens deprecati fuissent. In templo Bûiricensi haud procul ab urbe Werla Caspar Mottæus Prædicans, post effractas, comminutâsque Divorum statuas, involavit in repositorium* sanctissimi sacramenti, pretiosam ejus hierothecam exemit, vitrum ei circumpositum excussit,

**Kleinsorg.*
ad diem 2.
Augusti.

hostiam

hostiâmq̃ue consecratam humi fudit, & à Capellano vel coopera-
tore suo Gregorio*Nonnenpater, apostata Paderbornensi, impiis-
simè proculcari fecit, adjectis hîsc̃e verbis, ex ore judaico magis,
quàm Christiano profluentibus: *Ecce, hic est * Deus Papistarum!* * *Isrls l. 3.*
ostendat nunc, si quid possit ac valeat: credo etiam, si adfuisset Judæis *belli Colon.*
Dominum crucifigentibus, dixisset pariter cum illis: *si Rex Israël* *pag. 289.*
est, descendat nunc de cruce; et credimus ei!

Narravi hæc paulò fusiùs, quia diarium Kleinsorgii, rerum
illarum testis oculati, in manibus paucorum est; nec adhuc appa-
ret propinqua spes, ut per typum publicum erudito orbi commu-
nicetur. Interea Truchsesii res in partibus trans-Rhenanis quo-
tidie magis retroibant; quòd columnæ præcipuæ, quibus frau-
dem atque malitiam suam suffulcire conatus fuerat, Deo fortiùs
impellente paulatim caderent. Prima istarum columnarum fue-
rat Franciscus Alenfonius Regis Galliarum frater; in quo Truch-
sesius, à suarum novationum initio, potissimam auxilii & subsi-
diorum accipiendorum spem collocaverat, uti refert coævus au-
ctor Michaël ab Isfelt. Sed hujus auxiliariam potestatem, ut su-
prà vidimus, fortuna sequior jam retroegerat: & aliæ Francorum
copiæ, fortè ex ejusdem Alenfonii reliquiis missæ, propter ingen-
tes, quas agebant prædas, in Trevirensium finibus ita excepti erant
ab offenso Duce Lotharingico, ut omnes vel ab eo cæsi, vel in fu-
gam acti, vel condigno prædatorum supplicio in furcam abrepti,
suspensique fuerint. Altera Truchsesii columna vel Atlas erat Lu-
dovicus Elector Palatinus; & frater ejus Joannes Casimirus, homo
semper inquietus, & bello ciendo magis quàm conficiendo ido-
neus. Prior horum stabat mordicus pro Truchsesio; & adhuc re-
centè Ordines Augustanæ Confessioni deditos conscripserat, ut
ipsius tutandi causâ in diem vicesimam octavam Octobris Mülhu-
sii convenirent. Sed hanc diem prohibente Deo non aspexit, &
fato celeriore ad loca mortuorum abiit, extinctus Heidelbergæ die
duodecimâ Octobris. Posterior verò Joannes Casimirus, tametsi
demum adulto sextili mense cum pluribus armatorum copiis Bon-
nam advenerit (quò etiam Truchsesius eum protinus è Ducatu
Westphaliæ secutus est) post bimestrem & infructuosam expedi-
tionem die 16 Octobris famelicum exercitum suum rursus dimisit;
quòd & commeatus deficeret, & stipendiorum inopia non levare-
tur, & multi insuper ex ejus ducibus, iteratâ Rudolphi Cæsaris
avocatione ac proscriptione territi, ab armis absistere decrevissent.

Inopinus hic eventus acerbum, durissimûmq̃ue vulnus erat in
corde Truchsesii, humanis auxiliis jam propè destituti. Neque
tamen infelix Præsul adhuc destitit insanire ac furere, donec supre-

Rrr

mum

*Klockner.
in hist. Pa-
derb.
belli Colon.
pag. 289.

In partibus
Rhenanis
Truchsesii
fortuna re-
tro cedit,
pulso Alen-
fonio, cæ-
sisque
Gallorum
auxiliis,

Ludovicus
Elector Pa-
latinus, post
Alenfonii
præcipuum
Truchsesii
fautor, è
vivisevo
catur.
Isfelt l. 3.
pag. 378.
Kleinsorg.
ibid.

Joannes
Casimirus,
ejusdem
frater, nullâ
re feliciter
gestâ, in
Palatinatû
revertitur.
Auctores
iidem.

Legati se-
ptemvirorû
in causâ
Truchsesii

conveniunt
Francofurti
Iselt l. 3.
belli Colon.
pag. 368.

Oratorum
Truchsesia-
norum po-
stulata.
Iselt ibid.
pag. 369.

Oratorum
Ernestiano-
rum re-
sponsa, qui-
bus osten-
debant,
Truchsesii
Archiepi-
scopatu suo
excidisse.
Iselt loc.
cit. à pag.
369.
Eyzinger
in hist.
Truchf.

num & fatalem ictum rursus acciperet in conventu Francofur-
tensi; qui à Rudolpho Cæsare ad agnoscendam Truchsesii causam
institutus; & ineunte Octobri inchoatus erat. Convenerant ibi
præter aliorum septemvirum Legatos, constituti ambarum par-
tium Oratores: nimirum ex parte Gebhardi Truchsesii Otto de
Wolmeringhausen, & Doctor Jacobus Schwartzius, ambo maxi-
mi Westphalicorum tumultuum folles; ex parte verò Ernesti Ba-
vari Salentinus Comes de Isenburg quondam Colonienfis Archi-
Episcopus, Godefridus Gropperus Majoris Ecclesiæ Canonicus,
Casparus de Fürstenberg Satrapa in Billstein, Doctor Franciscus
Burchardt Cancellarius, & quidam alii. Utriusque partis Orato-
res alternatim auditi sunt à Legatis Principum. Et primò quidem
Truchsesiani, die 10 Octobris, rem suam hoc modo proposuere:
*Truchsesium à tempore suæ electionis et confirmationis per plures annos jam
existisse in legitima et quietâ possessione Diœcesis Colonienfis: atque ideo
in hac contentione ac dissidio, adhuc nuperrimè in eum suscitato, primùm
oportere, ut in antiquam totius Diœcesis et omnium ab Ernesto occupato-
rum possessionem restituatur; ac tunc demum ipsius causa legitime discu-
tiatur in tribunali Cæsaris et septemvirum, quorum sententiæ et arbitrio
tunc etiam obedientissimè se submittere teneatur ac velit.* Animadver-
tebant facillè Oratores Ernestiani, quorsum illa Truchsesii restitui-
tio tenderet: nimirum ut hac obtentâ novis interim amicitiiis ac fœ-
deribus rem afflictam stabiliret. Quare statim sequenti die in con-
gressu publico responderunt: *petitioni ac restitutioni huic tantummo-
do locum esse in jure utrimque dubio; non autem, quando certum et sole-
clarius est, reum omni jure suo et legitimâ possessione, quam habuerat, ex-
cidisse, uti nunc evenit in Truchsesio. Quod enim hic amiserit omne jus
ad insulam, ideoque et Capitulum Coloniense non solum potuerit, sed etiam
debuerit procedere ad electionem novi Antistitis; id sole clariùs elucere ex
pace Augustana, vulgò Religions-Friede, cujus verba sunt S. und nach-
dem:* Si quis Archiepiscopus, Episcopus, Prælatus, aut alius Ordinis
Ecclesiastici, à Religione veteri deficiat; is continuo sine omni repugnan-
tia et cunctatione decedat à suo Archiepiscopatu, Episcopatu, Prælatura, et
aliis beneficiis, unâque simul omnibus fructibus ac proventibus, quos inde
habuit: Capitulis etiam atque iis, ad quos de jure vel consuetudine perti-
net, omnino integrum, licitumque sit, ejus loco personam aliam Religioni
antiqua deditam eligere vel constituere; quæ et in omnibus eò pertinenti-
bus juribus ac bonis, mobilibus et immobilibus, quietè et imperturbatè re-
linqui debet. Neque adversus limpidiſſima hæc verba novas aliquas
commentationes et explicationes alienas admitti vel audiri posse. Id enim
ſinceritati pacis quàm plurimùm repugnare; et, ne à quoquam ſecuturis
temporibus fieret, in eadem pace (S. und ſoll alles) prudentiſſimè cautum
eſſe

esse per hæc verba: Et contra hunc statum pacis nulla declaratio, vel quidquam aliud, quod eundem impedire vel alterare posset, dari, obtineri, vel admitti debet; aut si quid tale datum, obtentum, vel admissum foret, nullius tamen valoris et efficacitatis esse, neque juxta illud in-vel extra judicium agi aut pronuntiari debet.

Quæ cum ita sint, Ernestum recens electum justè ac meritò à septemvirali collegio postulare, ut, si pacem Augustanam sanctè et integre custoditam velint, à Truchsesio manum abstrahant; et eundem non aliter, quàm ut Principem legitime exauguratum, habeant: contra verò sibi, ut legitime suscepto, manum amicam porrigant, et adversus omnes Truchsesii molitiones auxilium ferant.

His deinde iidem Oratores Ernestiani subjungebant omnia Truchsesii apostatantis maleficia: quomodo fidem, in electione, confirmatione, & sacerdotio suscepto præstitam, nefariè violaverit? Quomodo juramentum suum de observandis omnibus, in antiqua Statuum provincialium unione comprehensis, iniquissimè fregerit? Quomodo in comitiis Arensbergensibus, contra Ordinum plerorumque voluntatem, sinè lege omnia per tumultum ac seditionem paucorum egerit? Quomodo contra pacis Augustanæ decreta subditos suos ad exuendam Religionem veterem violentissimè compulerit, extraneos Prædicatores in Westphaliam evocârît, Pastores Catholicos ejecerit, Romanæ doctrinæ exercitium interdixerit, monasteria virorum ac feminarum disturbaverit, novationi huic repugnantes in exilium amandaverit, imagines crucifixi Domini gladiis impiorum perforaverit, sacramentum Eucharistiæ sacrilegis ministrorum suorum pedibus proculcaverit, & alia complura fecerit, quæ nec ab ipsis Augustanæ Confessionis Principibus approbari vel tolerari queant?

His auditis, omnes Principum septemvirorum Legati (Palatino solùm excepto) unanimi suffragio censuere, *Ernesti causam omni ex parte justam; Truchsesii verò iniquam, et Augustanæ paci è diametro adversantem esse: idèoque et illum in Electorali solio relinqui; hunc verò ab eodem ejici ac depelli oportere.* Belli tamen evitandi causâ, atque ad impediendam provinciarum evastationem, putabant aliqui ex æquo & bono fore, ut eidem in singulos vitæ annos assignetur aliqua nummorum pensio, quâ se, suamque conjugem tenuiore victu commodiùs aleret. Sed hæc offa Truchsesio, uxorem & infulam retinere cupido, nequaquam sapuit. Post quatuor ferè septimanas (tam diu siquidem non sinè magna ceterorum indignatione responsum à se petatum distulit) Legati ejus tandem die 6^{ta} Novembris redeunt, alteroque mane in pleno conventu referunt: *Truchsesium neque velle neque posse ab Archiepiscopatu suo desistere, tum quòd egregia vicinorum Principum, Comitumve auxilia ad manum ha-*

Cetera Truchsesii scelera ab iisdem enarrantur. Auctores iidem.

Legati septemvirorum sententiam ferunt pro Ernesto Bavaro: *Iselt l. 3. belli Colon. pag. 384.* Belli tamen evitandi causâ Truchsesio offerunt pensionem annuam. *Iselt ibid.* Quam cum ille recusaret;

beat; tum quòd in Ducatu Westphalia, Ordines omnes juratò rursus ap-
promiserint, se eidem constanter adhesuros, et usque ad extremam san-
guinem adstituros esse. Non ignorabant Oratores Ernestiani, quã
vi ac fraude ab Ordinibus patriæ extorta esset hæc promissio. Jam
enim consules & senatores Arensbergenfes pridie Kalendas No-
vembres non unis literis Ernestum edocuerant, se ad hujusmodi
promissa, contra voluntatem, conscientiam, & intentionem suam,
gravissimis terroribus adaçtos fuisse: multòque sibi gratius fore,
si Ernestus veniat; patriamque, intolerandis contributionibus &
ærumnis diu pressam, à jugo tandem Truchsesiano liberet. Quæ
omnia cùm ad Electoralis collegii Legatos perferrentur; commu-
ni rursus consilio declarant, *Truchsesii machinationes Augustana pa-
ci contrarias esse, in ejus præjudicium vel eversionem nihil agi vel permit-
ti oportere, Ernestum Bavarum jure maximo ad Coloniensem insulam per-
venisse, adeoque et ei licitissimum fore, ut in Truchsesium decedere nolen-
tem agat, illatòque bello eundem omnibus à se possessis urbibus, castris, at-
que provinciis, quàm primum exuat ac depellat.* Ità demùm huic Fran-
cofurtensi Principum conventui die 16 Novembris (stylo vetere)
finis impositus est: nec multò post etiam acerrimus ille Truchse-
sianarum partium Promotor & Legatus, Doctor Jacobus Schwar-
tzii, repentino fato sinè omni vocis & mentis usura mortuus, vi-
vere simul & Coloniensem rempublicam turbare desiit.

Legati se-
prem virorū
ab eo manū
abstrahunt
& conven-
tui finem
imponunt.
*Iselt ibid.
pag. 406.*

schwartzii
repentinus
obitus.
*Kleinsorg.
in diario
hist. Truch-
ses.*

Ernestus
Archiep.
Colonien.
ineunte
Novembri
apud suos
introducitur
Calendarium
gregorianū.
*Iselt l. 4.
belli Colon.*

& Ferdi-
nandum
fratrem suū
constituit
supremum
belli Præ-
fectum.
Iselt l. 3.

pag. 394.
Qui occu-
pato prius
Poppels-
dorffio &
Godesbergā
*Iselt l. 4.
pag. 408.*

Interea Ernestus ineunte Novembri Calendarium Gregoria-
num à suis recipi; omisissique decem diebus, pro die tertia No-
vembris continuò diem decimam tertiam signari jusserat: Ferdi-
nando autem fratri suo, qui ad ipsum adjuvandum è Ducatu Ba-
varia venerat, supremam totius militiæ præfecturam demandârat.
Videbat hic statim primas belli cogitationes advertendas esse ad ex-
pugnationem Bonnæ. Hæc enim præcipuum Truchsesii muni-
mentum erat in ditione trans-Rhenana: ceteræ autem urbes &
oppida (putà Novesium, Antenacum, Lintzium, Brüla, Cæsa-
ris Werda, & alia non pauca) vel à Friderico Saxone Colonienfi
Chorepiscopo ad obsequium reducta; vel à Salentino Isenburgico,
olim Archiepiscopo, in Fide novi Principis conservata erant.
Eam igitur ut subigeret, initium bellandi fecit à vicina arce Pop-
pelsdorffienfi: quam admotis castris eum in modum pressit, ut die
quartâ Novembris (quæ recepto jam stylo novo, decima quarta
Novembris erat) in Ernesti fratris potestatem venerit. Inde, ac-
ceptis è Bavaria quater mille armatorum auxiliis, post moram ali-
quam se convertit ad arcem Godesbergam, uno circiter milliari à
Bonna dissitam, & in monte admodum excelso positam. Resi-
stebat illa quidem paulò diutiùs: cuniculis tamen infra eam actis,
mar-

martioque pulvere displosis domita, per ingentes moenium ruinas
 *tandem victores Bavaros admittere, seseque in obsequium novi
 Principis inclinare debuit. Tum verò Bonna, quæ jam èminus
 incingi & circumvallari cœperat, vehementer à bello vicino tre-
 mere: tum Carolus Truchsesius Gebhardi frater, cui imperium
 ac tutamen urbis commissum fuerat, pavore non parvo concuti-
 tum denique totus exercitus, numerato stipendio ac triduanis lau-
 titiis recreatus, ad urbem arctiùs includendam promoveri, eamq;
 omni ex parte sic affligere, ut intrà paucas hebdomades Ferdinan-
 do Duci herbam porrigere, & Ernesti fortunam adorare coacta
 fuerit; quemadmodum sequenti anno prolixiùs ostendetur.

Ceterùm in his tumultibus Truchsesianis non solùm Ducatus
 Westphaliæ; sed etiam Paderbornensis Dioecesis nostra non parùm
 periculi ac detrimentorum tulit. Initio præsentis anni, cùm Henri-
 cus Ecclesiæ nostræ Administrator ad comitia, contra Gebhardum
 Truchsesium indicta, Coloniam proficisceretur (nam & ipse Me-
 tropolitanæ Coloniensis Canonicus erat) inter alios Aulæ Proce-
 res unà secum adduxit illuc Philippum *Comitem de Pyrmont,
 Simonis Comitis Lippiensis patruelem. Sed, quia Princeps ma-
 jori equitum ac virorum Nobilium numero stipatus erat, quàm à
 senatu *Coloniensi in hac temporum habitudine permitteretur;
 etiam Philippus Comes cum equitibus non paucis Tuitium recede-
 re, ibique diversorium capere necessitate cogente debuit. Fera-
 lis admodum hic locus fuit bono Comiti, nondum annos tres &
 viginti nato, nec adhuc matrimonii vinculis adstricto. Repente
 enim hic in morbum fatalem incidens, die undecimâ Februarii *in
 primo ætatis flore extinctus est: suoque obitu præmaturo sic affe-
 cit matrem suam Ursulam Pyrmontanam, omni jam prole vacu-
 am; ut & ipsa moerore nimio contabescens, die sextâ Martii *in
 viam æternitatis consecuta fuerit. Inde rursus exortæ sunt novæ
 contentiones feudales inter Ecclesiam nostram Paderbornensem,
 & inter Philippum Ernestum Comitem Gleichensem, ejusque fra-
 tres ex Walburga, Ursulæ Pyrmontanæ sorore, genitos. Præte-
 xebant hi, matrem suam beneficiariæ successionis *non minùs ca-
 pacem fuisse; ac sororem ipsius Ursulam, Philippi defuncti ma-
 trem (quam putabant feminino titulo successisse) eoque nomi-
 ne sibi statim à consiliariis ac ministris, qui ibidem erant, Pyr-
 montanæ arcis possessionem tradi impetraverant. Contrà verò
 Paderbornensis Ecclesiæ Canonici *Henricum Administratorem
 suum assiduis impulsibus hortabantur, ut armatâ manu Pyrmon-
 tanam arcem recuperet: Philippi enim Comitis jam defuncti pa-
 trem ad Pyrmontani Comitatus adeptionem non pervenisse ex hæ-
 redi-

*die 17.
 Decembris
 stylo novo.
 Bonnam
 arctissimâ
 obsidione
 incingit.
 Isfeld ibid.
 pag. 417.

Mortuo
 Philippo
 Comite
 Pyrmonta-
 no confur-
 gunt novæ
 controver-
 siæ inter
 Ecclesiam
 Paderborn,
 & Comites
 de Gleichen
 *Piderit.
 in chron.
 Lippiens.
 pag. 464.
 *Isfeld l. 2.
 belli Colon.
 pag. 117.

*in
 Piderit.
 ib. p. 465.

*Piderit.
 loc. cit.
 Arx Pyr-
 montana
 Comiti
 Gleichenfi
 traditur à
 Ministris
 defuncti
 Comitis.
 *Piderit.
 pag. 466.

*Hamelm.
 in chron.
 Oldemb.

reditaria successione suæ uxoris Ursulæ; sed ex nova gratia, & eâ quidem lege, ut beneficiaria* concessio masculinam ejus progeniem non excederet. Quapropter Henricus Administrator, ut in favorem Ecclesiæ suæ videretur aliquid præstitisse, mense tandem Septembris suprà dictam arcem obsidere coepit: sed ità languidè & oscitanter, ut simulatè magis, quàm seriò bellum gerere; & magis ad arcem pertentandam, quàm ad eam expugnandam & subigendam advenisse videretur. Præterquam enim quòd, Hamelmanno teste, haberet solùm quingentos milites; iisdem vix adhibitis iterum abscessit: eo quidem prætextu, ut Cæsareis avocatoriis morem gereret, & causam istam Spirensis Cameræ judicio committeret; reverâ tamen, quòd Lutherano Comiti magis faveret, omnémque militiam suam defendendo potius Truchsesio, quàm augendo Episcopatus suo consecrare vellet. Id enim haud obscure colligitur ex ejus literis, eodem ferè tempore datis* ad Ottonem Wolmeringhusium, cui ex oppido nostro Dringenbergenfi, die 3. Octobris in hunc modum respondit: *singulari cum voluptatè accipimus, quòd fideles Ordines Ducatus Westphalia Domino Archiepiscopo et Electori suo tam constanter adhærescant, eidemque debita auxilia pro suis viribus tam promptè et expeditè præstent. Unde etiam non ambigimus, quin misericors et fidelis Deus per suam gratiam effecturus sit, ut ea causa ex illorum voto felicem exitum sortiatur. - - - Neque etiam, ut opinor, ab Electoribus, Principibus, aliisque Statibus Religionis nostræ addictis deserentur: et, quod ad nostram personam attinet, quidquid ipsorum causâ præstare valuerimus, id à nobis desiderari non patiemur; pro ut etiam ratione obligationis nostræ, quâ veluti Capitularis Colonienfis ad hanc Archidiocesis afficimur, ad id præstandum obstrictos nos esse agnoscimus.* Ecce! qui ob avocatorias Rudolphi Cæsaris fingeat se desistere ab oppugnatione Pyrmontana; iisdem spretis ac vilipensis, tueri non desinit causam Truchsesii! Quomodo igitur in rebus antè dictis excusari poterit à commissa fraude?

At longè pejùs versipellis ille Truchsesii fautor Dioecesi nostræ nocere studuit in comitiis provincialibus, hoc anno habitis. Erat ipsi dolori maximo, in Ecclesiæ Cathedralis collegio reperiri adhuc viros tam multos, qui non modò Catholicam Religionem colerent; sed etiam ardentissimè tuerentur ac propugnarent. Hos igitur ut paulatim ex ædè summa emoveret; nescio quibus adjutoribus, vel quo hominum improborum adminiculo, in comitiis publicis id efficere nifus est, ut Canonici juniores Catholicam Fidem ejurerent, nec in posterum alii ad Ecclesiæ Majoris gremium admitterentur, quàm qui Lutherò vel Calvino se addicerent. Exhorruerunt ad insolentem hujusmodi propositionem boni omnes. Cùmque adhuc

*Vide dicta
ad an. 1569
Henricus
Administrator.
Paderborn.
valde osci-
tanter Pyr-
montum
obsidet, ac
brevi post
iterum ab
eo recedit.
Hamelm.
pag. 437.
magis enim
cupiebat
adhibere
militem
pro Truch-
sesio, quàm
contra Pyr-
montum.
*Kleinsorg.
in diario
hist. Truch-
ses. in adj.
sub lit. T.

Conatur
etiam Paderbornæ
juniores
Cánonicos
adigere ad
amplexum
Confessio-
nis Augu-
stanæ; sed
reprimitur
efficacissi-
mè.
Hist Colle-
gii. S. J.
Paderb.

adhuc ampliùs id urgeret homo pessimus & Administratoris nomine indignissimus, non solum & unanimiter & constantissimè in faciem restiterunt; sed etiam variis comminationibus à Truchsessi periculo ductis eundem adegere, ut concionatores heterodoxos, qui ipsius conniventia Paderbornam subintraverant, à se rursus ejectum iri compromitteret. • Id quod tamen postea ab eo maximè neglectum est.

Aliam subinde chordam tentare coepit in ejiciendis Patribus Jesuitis, qui jam ab annis quatuor Paderbornæ sedem fixerant. Duo ex illis fungebantur officio concionatorum in æde summa; & alii duo juventutem instruebant in scholis humanioribus, eaque ratione simul docilibus puerorum animis doctrinam Catholicam unà cum literis instillabant. Quod cum ægerrimè ferret Henricus Administrator; die vigesimâ octavâ Novembris misit aliquos è suis consiliariis heterodoxis, qui ad Ecclesiæ Cathedralis Capitulum accederent, & cum eo de prædictis Jesuitis, tam ab urbe, quam à gymnasio dimovendis agerent. Sed hæc petitio, quemadmodum citra omnium Canonorum expectationem proponi coepit; ita etiam ab iisdem responso minùs expectato protinus repulsa est. Inquirebant enim: *si prædicti Patres ab urbe et scholis amoveri debeant, id vel agendum erit ob eorum improbitatem, vel certè ob imperitiā litteraturæ, tam sacræ, quam profanæ. De improbitate et vita impia nemo hætenus auditis est, qui illos arguat; et, si quis arguere vellet, sufficientem hujus rei probationem adducere necessum foret. De imperitia quoque nihil est, quod alicui de nobis constet: ac, si quis vestrum ea de re dubitet, vos ipsi de ipsorum eruditione periculum facite; aut in præsentia nostra cum iis in literarum certamen descendite!* Quo responso accepto, cum hanc aleam subire nollent, verecundo cum silentio & confusione tacita de Capitulari curia recessere.

Laudatissimum hunc majoris Capituli zelum pro suis viribus æmulata sunt pariter nonnulla nostræ Diocesis monasteria; quibus itidem periculosis hisce temporibus maximopere cordi fuit, antiquam Fidem Romano-Catholicam in pagis & oppidis, jurisdictioni suæ subditis, inviolatam & integram conservare. Laudem planè singularem hac in re meretur monasterium oppidi Wilbadensis, virginum religiosarum Ordinis S. Benedicti. Cum enim hoc anno ibidem consultaretur de condenda nova regiminis oppidani forma vel ejus emendatione; inter alia speciatim constitutum est jussu Abbatis & Præpositi: *ut ad informandam juventutem deligatur persona idonea et probata fidei: ut singulis diebus Deo sacris pueri ac puellæ catechismum publicè in templo recitent: ut oppidanorum quilibet iisdem diebus pueros ac domesticos suos ad explicationem catechesis mittat.*

Studet insuper Patres Societatis Jesu Paderbornæ à scholis & urbe amovere; sed Capitulum Cathedrale etiam hac in re unanimiter eidem resistit. *Hist. Collegii S. J. Paderbornæ.*

Abbatissa & Præpositus Wilbadensis magnopere satagunt novas doctrinas ab oppido suo prohibere. *Litteræ antiquæ monasterii Wilbadensis de a. 1583.*

ac

ac denique ut ejusdem loci Pastor sollicitè ac diligenter advigilet, ne in eadem explicatione catechetica doceatur quicquam aliud, quàm quod antiqua Fidei Catholica prorsus consentaneum et conforme sit etc.

Annus Christi 1584.

GREGORII XIII. Pontificis 12. & 13.
 RUDOLPHI II. Imperat. 8. & 9.
 HENRICI Admin. Pad. 7. & 8.

Gregorius
 Papa Capi-
 tulum &
 Canonicos
 majoris Ec-
 clesie Paderbornen-
 sis adhor-
 tatur, ut
 strenuè
 pergant re-
 sistere Epis-
 copo Lu-
 thierano, &
 Societatis
 JESU Patres
 apud se
 retinere;
*Litera Ca-
 thedr. Ec-
 cles. Pad.*



Audiêrat jam Roma plurimis optimorum pariter ac gravissimorum virorum testimoniis, quantum Paderbornensis Ecclesia nostra sub hæretico Administratore suo hætenus perpessa fuerit. Audiêrat, quàm nefariè corruptissimus hic Pseudo-Episcopus ante annum laboraverit in pervertendis Canonicis junioribus, & ejicienda Societate JESU; in utroque tamen conatu illo tantâ animi fortitudine & constantiâ ei restitum sit ab Ecclesiæ Majoris Capitulo, ut, nisi pejora experiri vellet, ab iniquis hujusmodi molitionibus debuerit abstinere. Id verò cum summopere placeret Gregorio XIII. Pontifici verè sanctissimo, non solum toti Capitulo de tam egregio Religionis conservandæ zelo gratulatus est; sed etiam omni cum amore ac benevolentia monuit, ne Societatis JESU Patres, velut Sedi Apostolicæ fidelissimos, in his periculis ab urbe ejici aut à se divelli sineret. Ecce hîc ejus literas, omni humanitate & affectu plenissimas!

*Literæ Gre-
 gorii XIII.
 ea de re.*

*Gregorius XIII. Papa Dilectis filiis Canonicis,
 et Capitulo Ecclesiæ Paderbornensis.*

Dilecti filii salutem et Apostolicam benedictionem. Optimorum, gravissimorumque virorum testimoniis celebratur vestra virtus et zelus Dei gloria, in instituenda Ecclesiæ vestræ, Catholicaque Religionis dignitate. Volumus igitur has literas testes esse nostræ erga vos voluntatis. Dolemus, vos ab hæretico isto, Pastore tantum nomine, re autem lupo, assidue vexari. Sed gratulamur simul virtuti vestræ, quod ejus impetus fortiter sustinetis, injuriæque resistitis: quodque illius perversitatem, virtutis exercendæ, ampliorumque indies à divina bonitate præmiorum promerendorum, materiam esse ducitis. Sic par est agere servos Christi! quò gravius oppugnantur, eò acrius obsistere; neque illius causam deserere, neque in illius gloria, optimisque institutis tuendis, Sathana, ejusque ministrorum furori in oppugnandis cedere! Accepimus etiam, illum conari sacerdotes sodalitatibus JESU istinc ejicere; vos autem, fructuosos eorum labores expertos, repugnare. Pergite per eundem ipsum Christum, cujus causa

causa illos vobis commendat, virtutem et pietatem fluctibus istis à Sathana excitationis opponere; neque illos obrui sinite! Hos, ut vos in corde habemus. Sic vestros assiduos labores ejus bonitati offerimus, omnemque ab eo felicitatem vobis precamur. Si quid autem auctoritate atque operâ, vestrâ causâ, efficere nos posse existimatis, certiores nos facite: erunt à nobis omnia paternæ caritatis officia semper vobis paratissima. Datum Roma apud S. Petrum sub annulo Piscatoris, die VI. Februarii, MDLXXXIV, Pontificatus nostri anno XII.

Mirificè animata sunt omnium Canonorum corda, cum primùm hujusmodi literas, tam paternis adhortationibus & solatiis refertas, attentis oculis inspexêre. At eheu! prius quàm illæ ad Paderæ fontes perferrentur; novi rursus tumultus, nova Religionis turbamenta, in Diocesim nostram se infuderant ex vicino Ducatu Westphaliæ, Truchsesianis motibus miserrimè discerpto. Nam ut illic ante annum; sic etiam ineunte hoc anno Paderbornæ, & in aliis locis Ducatus Westphaliæ proximis, vesana plebs Truchsesianorum exemplo cœpit in Ecclesias parochiales ruere, altarium ornamenta diripere, sacerdotales tunicas auferre, calices divinis mysteriis consecratos diffringere, Divorum reliquias de sacris hierothecis extrahere, in terram fundere, pedibus obterere, contundere, & proculcare. Quin & aliqui, facto agmine & accensis facibus, per loca templis vicina cum ululatu absurdissimo circumiêre, Catholicarum processionum & supplicationum formam barbarico ritu derisuri. Sed hæc tempestas, Deo dante, non admodum diuturna fuit: cum & Henricus Administrator, quem infana plebs ejusmodi sacrilegiis faventem habuit, post annum repentino fato occubuerit; & Gebhardus Truchsesius, qui ad hæc nefanda scelera funesto exemplo anteiverat, intra paucos menses toto Westphaliæ Ducatu exclusus, atque ad summam rerum omnium indigentiam detrusus fuerit, uti nunc apertiùs edocebo.

Premebatur jam Bonna magnis undique necessitatibus. Foris eam affligebat Ferdinandus Bavarus Ernesti frater, qui non modò totam urbem arctissimè circumcinxerat; sed etiam ex altera parte Rheni fortissimum excitaverat munimentum, unde & moenia tormentis quaterere, & omnem comœatum ex eo litore inferendum arcere poterat. Intùs verò arctabat eam gravissima rerum plurimarum inopia, præsertim verò pecuniæ, salis, & lignorum: quorum tantus apud omnes præsidarios defectus erat, ut frigido illo brumali tempore (erat enim mensis Januarius) Catholicorum exulantium ædes diruere, earumque trabes actigna ad focum apponere necessum fuerit. Unica spes miserorum erat in Adolpho Comite Nüenario, & Itelio Henrico Ducis Brunsvicensis

S f f

filio

Paderbornæ, & in locis Ducatus Westphaliæ proximis, incipiunt a catholici Truchsesiano more Ecclesias diripere, & rebus sacris insultare. *Hist. Collegii Paderb.*

Sed hæc tempestas brevi iterum conquiescit pullo Truchsesio. *Hist. Collegii Paderb.*

Bonna à Ferdinando Bavarie Duce vehementer premitur. *Isf. l. 4. pag. 410. Eyzinger. in hist. Truchses.*

Nüenarius, & Itelius Henricus

Brunsvi-
censis no-
thus, cum
suis copiis
auxiliarib⁹
ab eodem
cæduntur,
*Iffelt loc.
cit. p. 421.
Eyzinger
ibid. & alii*

filio notho; qui corraſo virorum circiter quinque millium exerci-
tu, multisque curribus annonâ plenis, exeunte Decembri ad ur-
bem obſidione liberandam abiêre: ſed magno ſuo & ſuorum in-
fortunio. Ferdinandus enim, cùm de eorum adventu per explo-
ratores edoctus eſſet, paritêrque intelligeret, eos in Ducatu Mon-
tium ex adverſa ripa Ackeræ fluvii rectâ Siburgum tendere; non
parvas equitum, peditumque ſuorum copias in occurſum ambo-
rum miſit. Atque (ut magis inobſervatè eoſdem falleret) à cite-
riore fluminis illius ripa, ubi ligneum pontem tranſituri erant,
ſuas copias abdidit in opaco, denſoque ſaltu; in quo & hoſtem ob-
ſervare, & viciffim à nemine obſervari poterant. Ibi poſtquam
Erneſtiani conſpexêre, potiorẽ exercitus Truchſiani partem in
litus proximum adveniffe; continuo è ſuis latebris proſiliunt,
minuſque opinantes tanto impetu aggrediuntur, ut magna pars
Erneſtianorum gladiis trucidata: pars è ponte, accedentium & re-
cedentium compreſſionibus diſſoluto, ſub aquis merſa & ſuffoca-
ta: reliqui verò, qui Siburgum verſus improſperam fugam capeſ-
ſiverant, ibidem in Siga fluvio conſepulti fuerint. Quo animad-
verſo etiam hi, qui adhuc trans Ackeram amnem conſtitêre, præ-
cipiti curſu in fugam abeunt; relictis impedimentis omnibus, in-
têrque cetera, etiam quadraginta quinque curribus, pernarum &
ſuccidiarum multitudi- ne, ſalêque & pulvere nitrato plenis.

Præſidarii
Bonnenſes
deditionẽ
paciſcuntur
*Iſſelt l. 4.
belli Colon.
pag. 437.*

& Carolum
Truchſeſiũ
gubernato-
rem urbis
captivum
tradunt.
*Iſſelt ibid.
pag. 440.*

Bedberga
ab Erneſtia-
nis occupa-
tur.
*Iſſelt pag.
455.*

Ea clades continuo præcidit omnem ſpem Caroli Truchſeſii
gubernatoris urbici: neque jam aliud reſpiciebat, quàm ut ex ur-
be tot ærumnis fatigata clanculum ſe retraheret. Id quod ubi ſubo-
lere cœpit militibus præſidiariis, qui jam diu fruſtra ſtipendiorum
ſuorum ſolutionem flagitaverant; jejunam hanc militiam deteſta-
ti, primùm ſeſe cum Erneſtianiſ in occultum colloquium immi-
ſêre. Deinde verò cognitâ, quam hætenus ignoraverant, Geb-
hardi & omnium ei militantium proſcriptione, die 28. Januarii de-
ditionem urbis eâ lege pacti ſunt, ut Carolus Truchſeſius Bonnæ
gubernator in Erneſti manus traderetur unâ cum duobus centu-
rionibus primariis; reliquus verò miles, ne nimium damni è ſti-
pendiis à Truchſeſio non perſolutis ferat, acceptis ab Erneſto qua-
tuor florenorum aureorum millibus cum omni armatura ſua liberè
diſcedat, quocunque velit. Poſt hæc aliquarum hebdomadam
quiete interpoſitâ, cum exercitu toto in Dioceſim inferiorem per-
rectum eſt ad obſidendam Bedbergam, arcem & oppidulum Co-
miti Nüenariio parens; eoque tempore totius viciniæ famoſum ſpo-
liarium, juxta amnem Erpiam, vulgò *die Erpe* / vel *Erſſte*. Erat
hîc ingens præda, ex incolarum & accolarum aut viatorum trans-
euntium direptionibus comportata; ideoque & arcis illius guber-
nator

nator, uti memorat Eyzingerus, constituerat eam stationem toto virium suarum objectu usque ad extremum spiritum conservare, ne opes ibidem partas amitteret. At ubi consenso oppido, etiam vicina arx tormentis majoribus verberari coepta est, & jam ingenti murorum strage factâ propediem adornandus erat assultus militaris: repente gubernator, die nonâ Martii, deditiorem velociorem obtulit, quanquam nullo alio favore pro se, suisque impetrato; quàm ut solo accincti gladio, nullâ re aliâ simul exportatâ, suas quisque vias abire possent.

Tum verò Ferdinandus Dux, pacatâ ferè totâ Provinciâ trans-Rhenanâ, castra movit in Westphaliâ, ut ibidem pariter Coloniensis belli reliquias conficeret. Præmissus illuc primùm cum aliquot centuriis Joannes de Manrique Hispanus; qui in territorium Recklinghusanum veniens, collocavit sese in pago *Buer*, vel, ut alii vocant, *Boër*. Sed cum ibidem intelligeret, è Ducatu Westphaliæ Truchsesium cum suis advenire; aliquantulum se removit ad conjungendum se Ferdinando Duci, cum universis Ernestianorum castris propinquant. Quo animadverso Truchsesius, valentior adversarii sui exercitum veritus, mutato protinus consilio cum suis copiis recepit se trans amnem Lupiam: indeque primò Wesaliâ, & hinc iterum Zutphaniâ profectus est, ut Hollandis hanc urbem obsessuris auxilium ferret; eâque domitâ, cum attractis Hollandorum legionibus in Westphaliâ rediens, Ferdinandum Ducem penitus obtereret. Sed vehementer fefellit ipsum tam remota spes. Ferdinandus enim fugâ cognitâ summo cum silentio ac festinatione Truchsesium insecutus est, nec ab eodem persequendo prius destitit, usque dum pridie Kalendas Aprilis, apud Burgam in comitatu Zutphaniæ, unam Truchsesianæ militiæ partem assequeretur. Constabat hæc sexcentis equitibus, ac ducentis sclopetariis, quibus præerat Itelius Henricus Brunsvicensis notus, vulgò dictus *Etzel Henrich*. In hos Ferdinandus, priusquam ab aliis juvarentur, tantò cum impetu derepente invehit, ut quingentis eorum interfectis, ceteri ferè omnes vivi in potestatem ipsius venerint unâ cum Itelio Henrico; quem tribus vulneribus gravissimè faucium, & adhibitâ chirurgorum operâ nonnihil re-creatum, postremò Cæsaris-Werdam ad honestam custodiam adduci iussit: in qua tamen Haræo teste, non longè post è plagis acceptis obiit. Reperta in castris ditissima præda, quam è spoliis Westphalorum tulerat; simulque in primario curru vexillum prætorium Gebhardi Truchsesii, ex albo serico damasceno confectum, & aureo caractere inscriptum hîsce vocibus: *Dominus fortitudo mea*.

Ferdinandus
Dux cum
suis movet
in West-
phaliâ.
*Isfels l. 4.
pag. 457.*

Truchsesius
eo adveni-
ente recedit
versus Wes-
saliâ &
Zutphaniâ.
*Isfels pag.
457.*

Quem Fer-
dinandus
propere
consequi-
tur & partem
exercitus
Truchsesia-
ni cædit,
capto Itelio
Henrico
Brunsvi-
censi notho
*Isfels ibid.
pag. 459.*

*Eyzinger
in hist.
Truchf.
& paulò
post mor-
tuo.*

truchsesius
cum resi-
duis mille
equitibus
fugit in
Hollandiâ
ad Wilhel-
mum Prin-
cipem
Arausicanû.

*Eyzinger
in hist.*

Truchses.
Ferdinandus
dux redit in
Westphalia
&
Reckling-
husium
cingit obli-
dione.

*Isfels l. 4.
belli Colon
pag. 463.*

quâ duran-
te primûm
Werla,

** stylo novo
aliâs die 6.*

ac deinde
totus West-
phaliæ Du-
cat^{us} Ernesto
Archiepi-
scopo se
submittit.

*Kleinsorg.
ibid.*

Arx Bilstei-
niana à sa-
trapia istî^{us}
rusticis re-
cuperatur.

*Kleinsorg.
ibid.*

Advectis à
Rheni
tormentis
bellicis,

*Isfels pag.
463.*

Castrum
Hornen-
burgense.

Isfels ibid.

Peractâ clade, Truchsesio solùm supererant mille equites, quos habebat sub Comite Nüenario. Cum his ille, statim atque tam infelicitè pugnatum audisset, lepore, cervoque timidior trans Isalam & Rhenum fugit in Hollandiam ad amicum suum Wilhel- mum Principem Arausicanum. Ferdinandus autem, ab hoste fu- gitivo liber, viam cum suis retro vertit in Westphalam, ubi die septimâ Aprilis (stylo novo) castra applicuit ad obsidendum Reck- linghusium. Diuturnior quidem fuit hæc obsidio, tum ob mili- tum præsidiorum pertinaciam; tum verò maximè, quòd Fer- dinandus Dux ob itinerum præteritorum celeritatem nulla secum attulisset graviora tormenta bellica, è Rhenano tractu lentius ad- ducenda. Aliæ tamen urbes (quæ extra territorium Recklinghu- sanum in Ducatu Westphaliæ jacent, & jam pridem antea Truch- sesiani jugi gravitatem pertæscæ erant) ejusmodi vim non exspe- ctantes, eâ promptitudine ad novi Præsulis Ernesti partes accessê- re; ut ante Recklinghusii deditionem, totus Westphaliæ Ducatus absque ullo armorum strepitu in potestatem illius venerit. Pri- ma omnium Werla, ubi dudum Catholici ad antiquum suæ Reli- gionis exercitium ardentissimè suspiraverant, die decimâ sextâ* Aprilis Ernesti Præsulis imperio se submitit: nec multò post etiam Werlensis arx, propter subitanæ gubernatoris Truchsesiani fu- gam, à præsidiariis militibus eidem tradita, & à Bavaris occupata est. Idem illud exemplum continuò secutæ sunt Arensberga, At- tendorna, Rüda, Brilonia, Stadtberga, Medebacum, Volckma- ria, Geseka, & aliæ urbes; quæ continenter intrâ dies paucos vo- luntariâ submissione novo Principi, coram ejus commissariis, obe- dientia ac fidelitatis juramentum edixêre. Imò, quod magis ad- mirandum est, Satrapia Bilsteinianæ rustici suis ipsi manibus Bil- steinianam arcem recuperârunt; hærentemque in ea Carlewizium centurionem, unâ cum aliis bellatoribus Truchsesianis, tam diu retinuerunt in custodia, donec eos Ferdinando Duçi, Satrapæque suo Casparo Fürstenbergio jam dudum exuli, captivos traderent. Interea è tractu Rheni advectus erat magnus tormentorum bellicorum apparatus, quo territorium Recklinghusense (ubi so- la Dôrsta Truchsesianas partes recusaverat) nunc demum frangi & exballistari debebat, nisi jam sponte cederet. Quod cum viderent hi, qui ibidem in præsidiis à Truchsesio collocati fuerant; pavo- re protinus tam insolito concussi sunt, ut intrâ octo vel novem dies, etiam non expectatâ muralium tormentorum explosione, suam quisque stationem deseruerit. E castro Hornenburgenfi, nocte inter vicesimam quintam & sextam Aprilis (stylo novo) mi- les omnis hoste nondum viso turpissimâ fugâ se subduxit; non aliter

aliter, ac ii faciunt, qui foro cedunt, & ædes habitatore vacuas post se relinquunt. Octiduo post (nimirum die quartâ Maji) etiam præfidiarii Recklinghusani, impressionem è majoribus tormentis faciendam veriti, deditionem oppidi istius obtulêre: sed, quia diuturniori tempore contumaces fuerant, nullam aliam deditionis legem impetrârunt; quàm ut armis abjectis, & cum solo baculo manu tento egredientes, Ferdinandi Ducis clementiæ se, vitâque suam permitterent. Quo intellecto, statim gubernator Westpholensis, ne similem fortunam experiretur, voluntariâ submissione pariter suæ arcis portas Ferdinando Duci patefecit, & cum suis militibus in ejus fidem receptus est. Itâ demum Westphalia tota, quousque illa septemviro Colonienfi paret, intra quinque hebdomades, ad Ernesti Præsulis obsequium se inflexit: ut proinde ex repentina hac omnium rerum conversione sole clariùs appareat, id esse opus misericordiæ & justitiæ divinæ; quæ hoc modo tot hominum oppressorum gemitus exaudire, & abominanda Truchsesii scelera condigno tandem supplicio castigare voluit. Revocati subinde sacerdotes Catholici, à Truchsesio proscripti: restituti veteres Ducatûs Westphaliæ Proceres & consilarii, à suis officiis depositi: reducti urbium variarum consules, judices; & secretarii, propter Fidem antiquam exules: renovatum Catholicæ Religionis exercitium, diu pulsum: reedificata aut reconciliata altaria, ab hæreticis destructa vel profanata: atque, ut hæc omnia majorem firmitatem obtinerent, Ernestus ipsemet in Westphalam venit, urbes omnes perlustravit, oppidanos in suam fidem recepit, in auctores turbarum inquisivit; ac deinde in comitiis Geseckenfis, mense Junio congregatis, adornavit omnia, quæ ad communem patriæ tranquillitatem reducendam & conservandam facerent.

Agebat eo tempore miser Truchsesius apud Wilhelmum Principem Arausicanum Delphis in Hollandia: ubi licet humanissimè exceptus fuerit; miseriam tamen & infelicitatem suam aggravari magis, quàm leniri ac mitigari sensit. Uterque ipsorum sperabat sereniora tempora: Truchsesius ab Arausicano, & Arausicanus à Francisco Alenfonio, Regis Galliarum fratre; quem oblatâ Ordinum Belgicorum reconciliatione, cum ingentibus Gallorum copiis reditum esse confidebat: sed utriusque spem festinâ cuspide intercidit inopina mors. Nam Alenfontus Kalendis Maji in morbum sibi fatalem incidit; & quadragesimâ *die post, nimirum decimâ Junii, majori cum pietate & constantiâ, quàm in mundo vixerat, è mundo emigravit, anno ætatis suæ trigésimo. Arausicanus autem die decimâ sequentis Julii in urbe Delphis (vulgò *Delft*) à quodam Balthasare Girard, manuali sclopo duobus globulis fer-

Oppidum
Reckling-
husense,
Isselt pag.
464.

& arx We-
stpholens-
is, Ernesto
se subji-
ciunt.
Isselt pag.
464.

Revocatis
omnibus
propter fidem
exulibus,
Ernestus
Archiepis-
copus venit
in West-
phalam; &
ubique
Catholicâ
religionem,
quietemq;
publicam
restituit.

Kleinsorg.
in diario
hist. Truch-
ses.
Misericordia
Truchsesii
crescit

ex morte
Ducis
Alenfontii;
* *Spond. his-*
n. r.
& cæde
Principis
Arausicani,
scilicet Orangii
reâ

reâ catenulâ junctis repente sic trajectus est, ut finè omni signo intellectus in terram decideris, post modicum semihoræ spatium exspiravit. Funus ipsius die tertiâ Augusti (postquam *Girardius*, horrendis cruciatibus diu tortus, nihil aliud edixisset, quàm hujusmodi *necem divino solùm instinctu à se peractam esse) magnificentissimâ pompâ celebratum est, comitante præ cunctis aliis Truchsesio, qui Mauritium ejus filium, unâ cum Philippo Comite Holachio, post feralem tumbam deducebat, in oblongo, nigroque pallio conspicuus. Et certè nemini tam inopina cædes luctuosior erat, quàm Truchsesio. Qui, sublato hoc fulcro suo, frustra inter paludes Batavicas expectabat consolationem suæ calamitatis, dolens de Archiepiscopatu perduto, & gemens cum Propheta; *psalmo 136. : super flumina Babylonis illic sedimus et flevimus, dum recordaremur Sion.* Sed hæc erat justissima divini Numinis vindicta: ut, qui antea superos omnes malitiosè contempserat; nunc etiam vicissim ab omnibus hominibus desertus & contemptissimus esset.

Alexander Farnesius in Belgio Ipras, Brugas, Teneramundâ, Gandavum, & alias urbes, ad Hispani Regis obsequiū reducit.
Haræus in app. Brab. Strada dec. 2. l. 5.

Ceterum ex utroque illo, tam Alençonii, quàm Arausicani fato, utilitatem longè maximam consecutus est Alexander Farnesius, Parmæ Dux & gubernator Belgii. Occupaverat hîc paulò antè duas è præcipuis Flandriæ civitatibus, Ipras nimirum & Brugas: quarum prima die decimâ Aprilis; altera verò die vicesimâ quintâ Maji, abjectâ Hollandorum & Zelandorum societate, ad Hispani Regis obsequium reducta fuerat. At ubi postmodum duo illa foederatorum capita cecidère; Alexandri fortuna ex adversæ partis consternatione eum in modum crevit, ut continuato victoriarum cursu etiam Herentalia, Teneramunda, Vilvordia, & Gandavum, cervicem diu refractariam Hispanico marti promptissimè submiserint, antiquâ Fide Catholicâ in iisdem protinus restitutâ. Id quod etiam sequenti anno à Bruxellensibus, Mechliniensibus, & Antverpiensibus factum esse, docebunt gesta sequentis anni.

Annus Christi 1585.

GREGORII XIII. Pontificis	13.
RUDOLPHI II. Imperat.	9. & 10.
HENRICI Admin. Pad.	8.

Gregorius Papa, cum audisset Legatos Principum Catholicorum è Japonia,



Incredibili cordis lætitiâ perfusus est hoc anno Gregorius Papa, quando die vicesimâ 2dâ Martii ex ultimis terræ finibus ad ipsum pervenère Legati Catholicorum Principum Japoniæ, Francisci Regis Bungii, Protasii Regis Arimæ, & Bartholomæi Principis Omuræ; qui Patrum Jesui-

Jesuitarum operâ, è diuturnis Ethnicarum superstitionum tenebris, ad lucem Evangelicam perducti erant. Literæ, quas iidem Legati à suis Principibus attulere, maximam submissionem & obsequentiam Sedi Apostolicæ debitam præferebant: atque ideo, cum in consistorio publico prælegerentur, ita omnium præsentium animos affecerunt, ut neque summus Pontifex, neque Patrum*Purpuratorum senatus, præ liquidissimo cordis gaudio temperare sibi à lachrymis potuerint; uti narrat, qui vidit, & in suis diariis descripsit, Magister cerimoniarum Franciscus Mucantius. Fuit autem hoc ultimum laudatissimi hujus Pontificis gaudium, quod in terris habuit. Nam paulò post repentinâ infirmitate ob-
*Spondan. n. 9.
 rutus, ac die decimâ Aprilis morte sanctissimâ extinctus est, anno ætatis octogesimo tertio; posteaquam immensis ferè sumptibus in urbe Roma fundâisset locupletissima Adolescentum Germanicorum, Anglicanorum, Græcorum, Maronitarum, aliarumque nationum collegia, toti earum posteritati quàm maximè profutura, Suffectus est in ejus locum, humillimis quidem natalibus ortus, virtute autem ac literis plurimùm conspicuus Cardinalis, Felix Peretti, Itâlus ex ordine Fratrum Minorum Conventualium S. Francisci, qui se postea Sixtum V. appellari voluit, electus die 24. Aprilis, coronatus verò Kalendis Maji.

Mortem Gregorii Papæ intrâ breve tempus consecuta est mors Henrici Administratoris nostri; quem superi prohibuerunt, ne in Fidei Catholicæ everfionem diutius viveret. Spina ipsi in oculis erant Societatis JESU Patres Paderbornæ: quorum operâ Catholicos, qui ibidem adhuc supererant, in Romana Fide retineri; vel quandoque etiam parvis accessibus augeri noverat. Atque ideo rursus, uti jam ante biennium coeperat, cum perversis consultoribus suis curam omnem huc intendebat, ut eosdem quâcunque vi & methodo à scholis & cathedris amoveret: nihil dubitans, quin ejectis illis etiam omnes Catholicorum reliquiæ propediem exturbandæ ac dissipandæ forent. Sed hæc volentem & conantem potentiori consilio prævenit è cælo Deus: effecitque, ut pseudo-Episcopus ille prius, quàm bonos Patres ab urbe pelleret, miserabili mortis genere è vivis ejiceretur. Cùm enim die octavâ Aprilis stylo vetere (quæ tunc Dominica Palmarum erat) Bremer-Vôrdæ in Archiepiscopatu suo Bremensi, Lutherana prædicationi interfuisset, indèque rursus ad vicinam arcem adequitaret; non tam equicespitantis vitio, quàm ex impulsu & voluntate divina contigit, ut prope Cancellariam ejus loci repentè in terram*dejectus fuerit. Ac, tametsi ex eo lapsu non statim fregerit cervicem, sicut aliqui in manuscriptis referunt; ita tamen & animo & corpore affectus est,
die decimâ Aprilis magna cum laude obiit: Spond. hic n. 13.
cui eodem mense successit Sixtus V. dictus antea Felix de Peretti. Spond. ib. n. 14.
Henricus Administrator Ecclesiæ Paderbornensis, cum Societatis Jesu Patres ejicere vellet;
inopinâ morte prævenitur. Hist. Collegii. S. J. Paderb.
*Hamelm. in chron. Oldenb. pag. 436.

*Hamelm.
pag. 434.
Veseramfs.
Paderb.

est, ut intra duas hebdomades mortalitatis suæ cursum expleverit, vitâ simul & Episcopatu malè gesto functus die vicesimâ 2dâ Aprilis * stylo vetere, anno ætatis suæ circiter trigésimo quinto. Chytræus & alii scriptores acatholici magnopere commendant illum à pietate & prudentia : nos autem neutram in eo dilaudare possumus. Nam illi pietatem vocant Catholicæ Religionis odium ; passimque omnes appellant pios, qui Augustanæ Confessioni contra piissima Patrum sanctorum sensa tenaciter adhærent. Hos autem qui pios nominat, similis est iis, de quibus Isaias inquit c. 5. *Va! qui dicitis malum bonum, et bonum malum; ponentes tenebras lucem, et lucem tenebras!* Prudentiam quoque aliam in eo non reperimus, quàm quòd in motibus Gebhardi Truchsesii, cui vel maximè addictus erat, aliquantò cautiorem se ostenderit: ac, licèt cùm eo pariter ad conjugales amplexus aspiraverit; à connubio tamen publico se abstinerit, prius finem Truchsesianorum ausuum visurus, & interea libidinem suam expleturus pellicatu Annæ Bestorpiæ, de qua alio in loco diximus. An autem hæc vera & Christiana prudentia appellari debeat; viderint illi, qui eum commendant à prudentia.

Animadversio.

Hucusque in Diœcesi nostra Paderbornensi retentum fuit Calendarium vetus. Mortuo autem Henrico Lawenburgico, & succedente huic Theodoro Fürstenbergico, receptum est protinus Calendarium Gregorianum, uti refert Chytræus hisce verbis: *Paderbornensi Diœcesi gubernandæ prepositus est Theodoricus à Fürstenberg, qui statim subditis Calendarium Gregorianum obtrusit, et non à Religionis juramento se Pontifici obstrinxit.* Quare ea, quæ de Henrici Administratoris casu & morte superius dicta sunt, intelligi debent stylo vetere: ità ut juxta novum Gregoriani Calendarii stylum Henrici casus acciderit die decimâ octavâ Aprilis; mors autem illius die 2dâ Maji.

In Ducatu Westphaliæ idem Calendarium introductum est uno anno prius: scilicet mense Junio anni superioris, quando Ernestus Archiepiscopus ibidem celebravit comitia in urbe Geseka; uti refert Kleinsorgius in diario Ms. Historiæ Truchsesianæ.

AN-



ANNALIUM
PADERBORNENSIIUM
LIBER XXIII.

THEODORUS
DE
FÜRSTENBERG
ECCLESIAE PADERBORNENSIS
EPISCOPUS XLV.

Annus Christi 1585.

SIXTI V. Pontificis
RUDOLPHI II. Imperat.
THEODORI Episc. Paderb.

I.
ut supra.
I.



Morte Henrici Administratoris nostri vacabant simul tres Antistitum Saxonorum Cathedralæ, nimirum Bremensis, Osnabrugensis, & Paderbornensis; quarum primam obtinuerat anno 1567, secundam anno seculi ejusdem 74, tertiam denique anno seculi istius 77. Singulæ earum exinde singulos acceperunt successores. Et in primis quidem in Bremensi Archiepiscopatu Canonorum Lutheranorum conspiratione suffectus est decennis puer, Joannes Adolphus Holfatiz Dux, patre Adolpho & matre Christinâ, Philippi

Bremæ in locum demortui Henrici Lawenburgici surrogatur Joannes Adolphus Holfatiz Dux, puer decennis. Ghyrensl. 27. Saxom.

lippi quondam Hassiæ Landgravii filiâ, in mundum editus. Cui sacros honores eâ lege detulerunt Majoris Ecclesiæ Canonici, ut usque ad adultam ætatem certâ quadam pensione annuâ contentus esset; reliqui autem proventus Archiepiscopales interea temporis insumerentur ad restaurandas ac repignerandas arces, quæ sub Episcopis decessoribus, vel ruinam aliquam, labemque passæ, vel ob æris alieni magnitudinem oppigneratæ fuerant.

Osnabrugi
eligitur
Wilhelm⁹
de Schen-
cking, Ma-
joris Eccle-
siæ Decan⁹.
Chytræus
loc. cit.

Ad insulam Osnabrugensem offerebant se, teste Chytræo, novem competitores vel candidati; quorum potissima pars Lutherani erant, magisque ab illustriori sanguine, quàm à religiosis moribus & antiquæ Fidei præstantia commendandi. Sed quia Rudolphus Imperator Canonicos omnes è sacrorum Canonum instituto severè ac seriò commoneri fecerat, ne quis alius, quàm probè Catholicus, ad Episcopalem cathedram admoveretur; tandem ab iis die 20 Julii electus est Cathedralis Ecclesiæ Decanus, Wilhelmus de Schencking, vir apprime doctus, prudens, moderatus, & quod omnium caput est, ardentissimus Catholicæ Religionis cultor. Natus hic erat in Dioecesi Monasteriensi ex antiqua & perillustri familia Dominorum de Schencking in Beveren: præterque alias egregias animi sui dotes pollebat etiam singulari comitate, industriâ, & felicitate in componendis hominum inter se dissidentium controversiis. Qua de causa non solum Henrico Administratori defuncto; sed etiam omnibus Dioecesanis tam acceptus & carus erat, ut eo regente se felices evasuros, & optimo Præsule gavissuros crederent. Neque hanc eorum opinionem fefellisset rerum exitus; nisi quintâ post electionem die præmatura mors desiderati regiminis initia præsecuisset. Novus igitur electionis terminus præfiniri debuit à Capitulo: alterisque demum comitiis die 25 Octobris postulatus est Bernardus Comes de Waldeck, Francisci quondam Episcopi ex fratre pronepos, & Colonienſis Ecclesiæ Canonicus Diaconus. Virum hunc in Colonienſi bello à turbulentis Truchsesii ac Truchsesianorum consiliis procul abfuisse, fatetur Chytræus: malè tamen addit, eum Augustanæ Confessionis magis, quàm Catholicæ Religionis fuisse deditum. Idenim veritati repugnare, manifestum est ex professione fidei, sub initium sequentis anni in cœnobio Marienfeldenſi palàm edita; cujus authenticum testimonium, Sixto V. Pontifici missum, ex autographo Osnabrugensi hîc adjungimus:

Hoc autem
post quin-
que dies
mortuo,
postulatur
Bernardus
Comes de
Waldeck,
Metropoli-
tanæ Colo-
niensis Cas-
tonicus
Diaconus.
Chytræus
loco cit.
Quem &
probè Ca-
tholicum
fuisse,
ostenditur
ex profes-
sione fidei,
ab eodem
edita in Ma-
riensfeld.

*S*anctissimo in Christo Patri et Domino nostro, Domino Sixto divinâ providentiâ Papæ quinto etc. Nos Godefridus à Myrlo, Dei et Apostolicæ Sedis gratiâ Episcopus Harlemonſis, et in exilio agens ſuffraganeus Cathedralis Ecclesiæ Monasterienſis, ſanctitati vestræ, omnibûsque aliis, præ-

præsentem litteras inspecturis, lecturis, seu legi audituris, per præsentem significare debuimus et notum facimus, quòd Reverendissimus et generosus Dominus BERNARDUS ex Comitibus de Waldegk etc. Postulatus Osnaburgensis, post insinuatam decretum postulationis, per Celsitudinis sue fideles nobis exponi fecerit, eandem Celsitudinem suam nihil magis in votis habere, quàm ut ex præscripto concilii Tridentini quævis requisita prompetranda confirmatione perficerentur: propter defectum vero et longiorem absentiam aliorum Episcoporum Catholicorum, tum etiam propter viarum discrimina, --- vicinum aliquem confirmatum Episcopum habere non possit. Ideoque ex causis prædictis à nobis postulari fecit, quatenus nos professionem fidei à Celsitudine sua recipere vellemus. --- Quare ad sapius factam instantiam et requisitionem præfati Domini Postulati, ne propter diuturnam confirmationis protractionem Episcopatus Osnaburgensi aliquid detrimenti accresceret, ad monasterium Campi S. MARIE, appellatum Mariensfeldt, in Diœcesi Monasteriensi situm, anno et die infra scriptis nos contulimus. Ibidemque, decreto postulationis, sub sigillo Reverendissimi Capituli Osnaburgensis et manibus duorum Notariorum expedito, in originali nobis præsentato et lecto, idem Dominus BERNARDUS postulatus coram nobis, nec non Reverendis Patribus ac Dominis, Hermanno Fromme prædicti monasterii campii S. MARIE, et Patroolo Meierinck in Iborch Osnaburgensis Diœcesis, respectivè Abbatibus à nobis desuper accersitis et adhibitis, præsentibus quoque Reverendis et Nobilibus Dominis, Gottschaleo Ledebur et Joanne Beverförde, dictæ Cathedralis Ecclesiæ Osnaburgensis Canonicis, personaliter constitutus instanter petiit, ut juxta sacrosancti concilii Tridentini decreta ab eadem Celsitudine sua recipere digneremur. Nos itaque requisitioni prædicta tandem annuentes, --- primum proprio motu nonnullos nobiles et ignobiles fide dignos testes, desuper citatos, de ætate, fide, doctrina, et moribus ejusdem Domini Postulati, summarie, disjunctim, et secretò examinavimus; ex quorum attestationibus, quòd idem Dominus Postulatus viginti septem vel circiter annos numeret, et in Colonienfi Metropolitana Ecclesia, tanquam Canonicus Diaconus, in officio Missæ Epistolas sæpius solenniter legerit, cognovimus: ac aliàs de fidei, vitæ, ac morum integritate, bona testimonia et multiplices commendationes percepimus, prout testium examinatorum depositionibus, suo tempore, quatenus opus, producendis clariùs et plenius constabit. Quibus præviis, subinsertos articulos et fidei professionem dicto Domino Postulato legendos et profitendos tradidimus; ac clavis et apertis verbis, tactis scripturis sacrosanctis, ad sancta Dei Evangelia sub hac verborum formula recitavit: Ego Bernardus, natus ex Comitibus de Waldegk, Postulatus Osnaburgensis, firmâ fide credo * &c. --- Quâ qui-
dem fidei professione recitatâ, et per dictum Dominum Postulatum jurejurando coram nobis præstito affirmatâ, additâ etiam promissione in manibus

nostris factâ, quòd in ea fidei confessione constanter perseverare velit: Nos super præmissis omnibus et singulis ulteriùs requisiti, in fidem eorundem præsentis literas per infra scriptos Notarios, ad præmissa omnia et singula specialiter per nos adhibitos subscribi, ac majori fide suprâ scriptorum hanc professionem per eundem Dominum Postulatum manu propriâ subscribi et sigillari mandavimus; sigillique nostri subappendione, et manûs nostræ subscriptione communitivimus. Acta sunt hæc in Abbazia Mariensfeldensi prædicta sub anno à Nativitate Domini nostri Ihesu Christi millesimo quingentesimo octuagesimo sexto, die Mercurii vigesimâ nonâ mensis Januarii stylo correcto: præsentibus ibidem venerabilibus et consultissimis Dominis, Theodoro à Béeck exempti et Imperialis monasterii Montis Martis Paderbornensis Diœcesis Præposito, Davide Fabritio Canonico ad S. Joannem in civitate Osnabrugensi, nec non Petro Mensingk jurium Licentiato civis Monasteriensi, testibus ad præmissa vocatis specialiter rogatis. Ego Bernhardus Postulatus Osnabrugensis, et Comes in Waldeck, manu propriâ subscripsi.

Godefridus à Mierlo, qui suprâ, manu propriâ subscripsit.

Ego Arnoldus Isfordinck etc.

Paderbornæ eligitur
Theodorus
de Fürstenberg,
Cathedralis
Ecclesiæ
Præpositus;

qui & eodem anno
confirmatur à Sixto
V. Pontifice,
Ex veteribus mss.

magno
omnium
bonorum

At longè felicior, velociorque fuit electio novi Episcopi Paderbornensis, quæ stylo veteri die vigesimâ sextâ Maji, stylo autem correcto, die quintâ Junii in festo S. Bonifacii contigit; ac æterno totius Diœcesis bono cecidit in orthodoxæ fidei zelatorem ferventissimum Theodorum de Fürstenberg, Cathedralis Ecclesiæ Paderbornensis, & Collegiæ Meschedensis Præpositum. Hic splendori natalium sociaverat simul egregias virtutes animi: quarum exempla tam prælustria Paderbornæ dederat intrâ octennium suæ Præposituræ, ut Henrico Administratore mortuo Canonici omnes dignissimum ducerent, qui vacantem Ecclesiæ cathedram pro majore totius Diœcesis bono conscenderet. Neque solùm hæc virtutum illius fama se continuit intrâ unius Westphaliæ terminos; verùm etiam ultrâ Alpes progressa, jam dudum prævolaverat usque in urbem Romam. Atque ideo Sixtus V. Romanus Pontifex, ut primùm Theodori electionem audiit, eandem facillimè confirmavit per literas Apostolicas hoc anno datas octavo Kalendas Octobris. Alii verò urbis Romanæ Proceres, virique præstantissimi, tam ante, quàm post confirmationem, summopere lætabantur, Paderbornam exulceratis hisce temporibus eo tandem Antistite positam esse; qui & contractum ex priori electione dedecus expungere, & Ecclesiam sub hæretico Administratore pressam rursus erigere vel restaurare posset. Longum foret, omnium istorum literas hîc adducere. Satis erit hîc delibare pauca ex duabus epistolis, quarum una die 27 Octobris ab Eminentissimo Cardinale Ludo-

Ludovico Madrutio, & altera die 8 Septembris à nostræ Societatis Generali Præposito Claudio Aquaviva, ad ipsummet Theodorum data est. Primus horum inter alia sic inquit: *Ea semper de pietate et virtute Dilectionis vestra audiveram, ut restitutionem et reformationem illius Diœcesis à Dilectione vestra expectandam judicem. Communicavi itaque statim hoc gaudium meum sanctissimo Domino nostro et Cardinalium collegio, omnesque tam desiderato nuntio recreavi. Secundus verò, eadem opinione imbutus, inter alia sic ait: Confidunt omnes, Dei domum, quæ jam dudum temporum vitio variis modis afflicta et labefacta fuerat, jam Reverendissima Dominationis vestra zelo, prudentiâ, ac vigiliantia, ad suum splendorem revocatum iri; futurumque brevi, ut hæresum ac reliquorum errorum labe purgata, Domino ac Salvatore suo, cujus sanguine redempta est, in sanctitate et veritate serviat.* His adjungo paucula, quæ sequenti anno 1586 rescripsit Cardinalis Caraffa, cum Theodorus Episcopus ei gratias egisset pro obsequio sibi præstito in procuranda confirmatione Pontificia: *Abundantiâ, inquit, humanitatis tuæ factum est, ut mihi gratias agendas putaveris, quod opera mea, Christianis tuis virtutibus debita, tibi præsto fuerit in negotio confirmationis istius Ecclesiæ, quæ Pastoralis vigiliantia tuâ commissa est. Equidem ut majora tuæ causâ cupio; ita, Te ad gubernacula Paderbornensis Ecclesiæ admoto, ratus sum, non tam tuis commodis atque ornamentis; quàm ipsius Ecclesiæ rationibus, et popularium tuorum salutis, provisum ac prospectum iri.*

Non fefellit hanc eorum opinionem zelosissimus Princeps. Licet enim ante ultimos hujus anni menses plenam hujus Diœcesis administrationem non accepèrit; ejus tamen annisu factum est, ut Cathedrale Capitulum, sede vacante, gymnasium quinque scholarum (in quo hætenus non nisi duo Jesuitæ sub vestimento seculari ad informandam juventutem admissi fuerant) eorundem Patrum institutioni ac sollicitudini penitus commiserit. Frenduère quidem, cum id agi intelligerent, cives acatholici: multique eorum suos filios à scholis hujatibus avocabant; alii vero, ut studiosæ juventutis numerus dissiparetur, satagebant inducere cives alios, ne cuiquam adolescenti, qui in scholis Patrum erudiri vellet, hospitii, mensæque suæ societatem concederent. Sed res aliter, ac illi voluère, cecidit. Cum enim Kalendis Maji, celebrato Missæ sacrificio & invocata ope Spiritûs sancti, ludus literarius sollemniter aperiretur, in primo scholarum aditu numerati sunt centum & quadraginta auditores: qui deinde, hoc anno nondum evoluto, usque ad trecentos excreverunt. Ità ut apertè jam constaret, non esse metuendum, ne de scholarium adolescentum numero dies detrahat; sed potius paulatim cogitari oportere de prolatandis parvulo-

& romanæ
urbis ap-
plausu.
Ex veteri-
bus episto-
lis.

Ibidem
gymnasiū
quinque
scholarum,
olim à Sa-
lentino Ep.
institutum,
traditur Pa-
tribus è So-
cietate Jesu
Hist. Colle-
gii S. J. Pa-
derbornæ.

non sine
magno stu-
dioforum
affluxu.
Ex eadem
hist.

vularum scholarum angustiis, ut capere possint omnes, qui ad Patrum Jesuitarum institutionem, non solum è Westphalia, verum etiam ex aliis terris quaquaversum sine Religionis discrimine mittebantur.

Ernestus
Archiepisc.
Colon. ad
Monasteri-
ensem infu-
lam postu-
latur post
resignatio-
nem Joan-
nis Wil-
helmi Cli-
viæ Ducis:
*chron. Mo-
nast. ms.*

Ceterum sæpe dicta mors Henrici Lawenburgici, non minus Dioecesi Monasteriensi, quam nostræ, plurimum salutaris fuit. Nam & isti Episcopatus lupus ille jam pridem insidiatus erat: ac, ne eodem per quorundam Canonicorum factiones potiretur, Joannes Wilhelmus Cliviæ & Montium Dux administrationem Episcopalem hucusque retinuerat, uti jam alibi fusiùs declaratum est. Sed hoc periculum (Deo sint laudes!) repentina ejusdem Pseudo-Episcopi mors felicissimè dispulit. Hac enim intellectâ, Joannes Wilhelmus continuo Monasterium venit, administrationem Episcopatus deposuit, Ernestum Bavarum Colonensem Archiepiscopum Cathedralis Ecclesiæ Capitulo commendavit: eoque, die decimâ octavâ Maji ad vacantem cathedram postulato, non multo post matrimonium inivit cum Jacoba Marchionis Badensis filia; quæ eidem Düsseldorfii die decimâ sextâ Junii inter splendidissimos apparatus conjugali vinculo conjuncta est.

Qui paulò
post matri-
monium
inivit cum
Jacobâ,
marchionis
Badensis
filia.

Novesium
ab Adolpho
Comite
Nüenario
ac Truchses-
ianis inters-
cipitur,
*Haras in
ann. brabant.
Strada dec.
2. l. 8.
*chron.
Trem. ms.*

Fortunatus eo tempore videri poterat Ernestus Archiepiscopus, tot egregiis infulis exornatus; nisi octiduo priùs, quam ad Monasteriensem infulam posceretur, Adolphus Nüenarius, Morsæ Comes, Truchsesiani belli reliquias è cineribus infaustis resuscitasset. Obtinebat is adhuc urbem Rhenoberckam, quam initio belli Colonienfis occupaverat pro Truchsesio: indeque tacitissimo studio satagebat, urbem Novesiensem, nullo militum præsidio communitam, sed in sola civium suorum fortitudine confisam, militari astu intercipere. Occasionem ad hoc tentandum offerebat dies nona *Maji. Quo tempore cum ibidem celebrandæ essent solennes nundinæ; prædictus Comes militum suorum plures sub habitu mercatorio in hanc urbem præmisit: ipse verò cum aliis copiis, è vicina Geldria collectis, per noctem sequebatur; iterumque viris aliis per incustodita moenia intromissis, vigilas portarum cædi & repagula claustrorum perfringi jussit. Quod cum ab iis feliciter atque ex animi sui voto effectum cerneret; repente militiam omnem portis infundit, repugnantes interficit, forum occupat, urbemque totam, priusquam illa se capiendam intelligeret, in suam ac Truchsesii sui potestatem redigit. Invasæ mox ædes sacræ pro more Calvinistico, direpta altarium supellex, fracta S. Quirini Martyris lipsanoteca, disjectæ ejusdem reliquiæ, ablati Missarum calices, despoliatæ civium domus, prædæque non minores trecentis florenorum millibus in spoliū exportatæ. Quæ verò

magnour-
bis ac Dicc-
celis totius
damno.

verò damna postmodum toti provinciæ Colonienſi ex eodem oppido à Truchſeſianis illata fuerint; paucis declarat Famianus Strada, de Novesio capto ſic ſcribens: *adejus regimen Nüenarius. valido cum præſidio impoſuit Hermannum Fridericum Clôit* (vel, ut alii ſcribunt, Klute) *adoleſcentem impigrum ac præferocem. A quo affiduis excuſſionibus, pagi circum omnes, oppidâque, in primis Colonia ipſa, uſque adeò infeſta habebantur, ut jam dominantibus per Agrippinenſem provinciam Truchſeſianis, vix tutò pedem urbe efferre auderent Colonienſes.*

Quid hîc ageret Erneſtus Archiepiſcopus, cui nec Bavaria ſubvenire jam rurius voluit ob magnitudinem ſumptuum, priori bello impenſorum; nec provinciæ Colonienſes ad obſidionem inchoandam ſufficientes pecunias miniſtrare poterant ob inopiam ærarii, priori bello exhausti? unicum ejus refugium debebat eſſe Alexander Farnesius, gubernator Belgii Hiſpanici: nam & hujus plurimùm intererat, Nüenarium ac Truchſeſianos, rerum Hiſpanicarum hoſtes, ab ea parte non invaleſcere. At Alexander eo tempore gravioribus armorum curis præpeditus erat, quàm ut militem ſuum in belli Colonienſis minutias traducere, ſinè maximo rerum Belgicarum detrimento poſſet. Jam enim ab Alenſonii & Arauſicani morte premebat acerrimè foederatorum urbes: & hoc anno fortunam ſuis armis tam faventem habuit, ut præter Neomagam ac Dôesburgum in Geldria (quæ ſuâ ſponte Calviniſtas expulerant) etiam Bruxellas, Mechliniam, & Antwerpiam, longâ fame & inediâ ad Hiſpani Regis obſequium revocaverit. Qua de cauſa primùm tam felicibus armorum progreſſibus inſiſtere, & obſidionem Novesienſem in annum proximè ſequentem rejicere, neceſſum fuit.

Alexander Farnesius in Belgio occupat Bruxellas, Mechliniâ, Antwerpiâ, Neomagû, & dôesburgum. Harans in ann. brabant. Strada dec. 2. l. 6. & 7.

Annus Christi 1586.

SIXTI V. Pontificis	1. & 2.
RUDOLPHI II. Imperator.	10. & 11.
THEODORI Episc Paderb.	1. & 2.



Theodorus Episcopus noster, postquam anno superiore confirmationem suam à Sixto V. Pontifice, nec multò post etiam *Regalia* sive jura Principum à Rudolpho Cæsare accepisset; per æstatem hujus anni, die decimâ sextâ Julii, ex propinqua arce Neuhufana Paderbornensem urbem solenni inaugurationis pompâ ingressus est. Condecorabant eam festivitatem Theodorus Princeps Corbejensis, & Simon Co-

Theodorus Ep. Paderb. ritu solems ni urbem ingreditur. Klockner in hist. Paderb.

Cathedrali
Capitulo
suo conce-
dit locum
supplicii
criminalis
prope Lip-
springam.

Comes Lippiensis, cum universa Nobilitate Dioecesana, & splendidissimo equitatu: eratque dies præter morem tam serena, hilaris, & ab omni nube pura, ut cælum ipsum novæ hujus inaugurationis lætitiæ radioꝝ solarium amoenitate videretur comprobare. Subinde etiam Saltzkottenam, Warburgum, Borgentricam, Brakeliam, & ad alia Dioecesis oppida progressus fuit, ibidẽque non minùs ac Paderbornæ (licet minore cum apparatu) cives omnes consuetâ jurandi formulâ in suam fidem & obedientiam recepit, non sinè maximo heterodoxorum pavore, & Catholicorum hætenus oppressorum gaudio. Postremò etiam Cathedrali Capitulo gratificaturus, toti istorum Dominorum collegio perpetuâ ac liberali concessione indulgit, ut prope castrum Lipspringense, quod eorum potestati suberat, criminalis supplicii locum instituere; in eoque omnia maleficia, in suis pagis committenda, per seculares ministros plectere, reosque poenis etiam capitalibus afficere queant, uti constat ex hoc diplomate.

D*Ei gratiâ Nos Theodorus, electus et confirmatus Episcopus Paderbornensis, notum facimus et hisce profiteamur pro nobis ac nostris successoribus in Diocesi nostra Paderbornensi, quod in vim capitulationis nostræ, Reverendis ac honorabilibus, dilectis, nobis devotis, Præposito, Decano, et Capitulo Cathedralis Ecclesiæ nostræ Paderbornensis, ad supplices eorundem preces, virtute nostrorum à Casarea Majestate Domino nostro clementissimo gratiosissime nobis concessorum Regalium, attamen citra damnum et præjudicium Casaræ feudalitatis, concessimus et gratiosè indulximus: hisce etiam indulgemus, pro ut meliore modo fieri potest, ut memoratum nostrum Capitulum Cathedrale proximè ipsorum castrum Lipspringam supplicii siue criminalis executionis locum habere et usurpare, in eoque omnia maleficia et criminales excessus, in prædicta arce vel oppido Lipspringa, suisque pagis, in quibus jus captura hætenus exercuit, committendos, condignis poenis per seculares commissarios et ministros suos plectere possit. In qua modò dicta gratiosa concessione nostra Capitulum nostrum Cathedrale manutenebimus, nihilque adversus eam agemus, aut fieri patiemur. E contrario Capitulum prædictum hac concessione nostrâ non abutetur, neque hanc ullo modo excedet, aut alibi quocunque prætextu nobis præjudicabit. Præterea judicium criminale taliter constituet et ordinabit, ut juxta jus et Ordinationem criminalem semper procedatur. In horum omnium fidem, concessionem et gratiam hanc nostram manûs propriæ subscriptione, sigilliq; nostri appensione communivimus. Datum, actumque in arce nostra Neubusio XVI. Decembris, anno Christi Salvatoris nostri MDLXXXVI.*

Scholæ Pa-
trum Jesui-
tarum Pa-
derbornæ

Interea scholæ Paderbornenses, quas Patrum Jesuitarum institutioni ante annum commendatas esse diximus, sub novi Principis tutela sic efflorescere coeperant, ut studiosorum numerus ad qua-

quadringentos excreverit. Hi autem utilissimè proficiebant, non modò in omnibus literarum humaniorum studiis; verùm etiam in Catholicæ Religionis & antiqua Fidei cultura: uti hoc anno præclarissimè ostenderunt in supplicatione publica, quæ in solemnī festivitate sanctissimi Corporis Christi, more apud Catholicos recepto, celebrari assolet. Non erat ea quidem Paderbornæ penitus abolita; sed adeò tamen infrequens & neglecta, ut præter bina Canoniorum collegia, eorūque familiares & ministros, è toto populo vix unus & alter esset, qui venerandam ejus diei celebritatem comitatu suo condecoraret. Quæ cum esset res absurda, maximoque illo Sacramento indignissima; visum est prædictis Patribus ad promovendam Catholicæ Religionis æstimationem cum primis fructuosum fore, si inusitato quodam apparatu novum huic processioni splendorem afferri facerent. Communicato igitur consilio cum Ecclesiæ Majoris Capitulo, non solum constitutæ sunt quàm plurimæ faces, quæ diversis floribus adornatæ, ab adolescentulis elegantioribus portarentur circa Venerabile Sacramentum; sed etiam pulcherrimo ordine circumducta juvenus studiosa, interque eam locati plures cum diversis instrumentis musicis, qui nunc alternis cantibus, nunc intermixto cum studiosis modulamine, totius urbis aures & aërem suavissimè demulcerent. Novitas rei, & insueta discipulorum nostrorum pietas, attonitam defixit multitudinem heterodoxorum; lachrymasque etiam invitas extorsit pluribus, qui de Fidei nostræ mysteriis quandoque magis abjectè senserant.

Neque tamen inter hos Patrum labores defuere mali homines, qui & ipsos, & universum Jesuitarum Ordinem gravissimis dictis lacerarent. Anonymus quidam tenebrio, nescio, quo in loco, finxerat horribilem fabulam de Jesuitis; in qua narrabat, quatuor ex iis propter infanda scelera & libidines à Regio senatu Cracoviensi comprehensos, & infami supplicio publicè affectos esse. Scriptum illud, quod auctor mendacissimus etiam typo dare non erubuerat, primò divulgatum est Moguntiae, deinde etiam Paderbornæ: utrobique tanto sectariorum applausu, ut in omnium ferè manibus esset, & ubique in circulis, in plateis ac triviis, in cœtibus ac mensis referretur, non sinè maxima totius Ordinis denigratione & contemptu. Prudentiores quidem, etiam ex ipsismet adversariis, non credebant huic fabulæ: gaudebant interim, id ab hominibus plebejis credi, & odioso nostræ Societatis nomini tam insigne ac palmare dedecus inuri. Jamque eò procacitatis à communi plebe deventum erat Paderbornæ, ut boni Patres vix tutò possent è domo egredi: aut, si quandoque egrediendum esset; ple-

florent, non modò studiis literarū sed etiam pietatis ac devotionis incremento.

Hist. Collegii Paderb.

Infame commentū, de quatuor Jesuitis in Polonia combustis, Moguntiae & Paderbornæ spargitur, cum ingenti Societatis opprobrio ac derisione. *Serar. l. 5. rer. Mog. pag. 658. Manuscriptum vet. Collegii Paderb.*

Uuu

beji

beji cives protervè accurrerent, oculos iisdem admoverent, vultum inspicerent, gressum attenderent, mores observarent, vixque etiam sibi à gravioribus injuriis inter assiduas derisiones & acerba sibila temperarent. Sed hæc tempestas contumeliarum brevi iterum deferbuit.

Ejusdem
commenti
falsitas à
Wolffgan-
go Archiep.
moguntino
palam con-
vincitur
testimonio
Stephani
Poloniæ
Regis, &
aliorum.
Serar. l. 5.
rer. Mog.
pag. 960.

At multò luculentiùs falsitatem ejus demonstravit Wolfgangus Archiepiscopus Moguntinus, Patrum Jesuitarum singularis fautor ac patronus. Is, tamen si pro sua prudentia & gravitate jam pridem didicisset, impias hujusmodi narratiunculas & maledica scripta contemnere; nihilo minùs, ne sceleratum illud, imprudensque mendacium impunè volitaret per ora hominum, undecimo Kalendas Junii tabellarium cum literis misit ad Stephanum Poloniæ Regem: petiitque, sibi ab eo de rebus, in infami charta illa contentis, authenticum aliquod veritatis aut falsitatis testimonium dari. Ille verò in responforiis Moguntino redditis, non modò Patrum Jesuitarum innocentiam à calumniis malitiosè impactis vindicavit; sed etiam egregias eorundem laudes & commendationes addidit, ità pergens: *Nos quidem, cùm in regno ac ditionibus nostris Societatis ejus Patres ad juventutem excolendam non paucos foreamus, testimonium hoc illis verè tribuere possumus, non modò nullum eorum unquam in regno nostro ob facinus aliquod supplicio affectum; sed ne accusatum quidem, aut minimam suspicionem facinoris alicujus unquam in ultimum eorum collatam: itaque omnes vixisse et vivere, ut, cùm Religionis ipsius causâ dignissimos eos clementiâ nostrâ judicemus; ob singularem pietatem et vitæ sanctimoniam multò etiam cariores nobis sint. etc.* -- Grod. na die XII mensis Julii, anno Domini 1586, Regni nostri XI. His deinde accesserunt plura alia Cracoviensis Episcopi, Generalis Capitanei, senatûs & consulum Cracoviensium testimonia; quæ levitatem istius fabulæ ità difflexerunt, ut meritò ambigas, an ex ea Societati nostræ plus honoris detractum, an verò plus adjunctum fuerit?

Martinus
Schenckius
miles
truchsesia-
nus, per
stratagemam
capit urbem
Werlam;
isselt in
comment.
rer. gest.
Chytrausl.
28. Saxon.
Chron.
Trem. ms.

In Ducatu Westphaliæ vehementer hoc anno rursus trepidatum est ab incurso militum Truchsesianorum, quos occultè & improvisò huc deduxerat Martinus Schenckius bellator strenuus; olim à Batavis ad Hispanos, & nunc iterum ab Hispanis ad Batavos & eorum clientem Truchsesium profugus. Hic instigante Everhar-do Reckio, viro illegitimo & quondam urbis Werlensis judice Calviniano, decreverat ex insidiis rursus invadere Ducatum Westphaliæ: assumptoque in hunc finem Hermannò Friderico Klute gubernatore Novesiensi, cum selectis equitum, peditumque copiis tertio Kalendas Martii celeritate maximâ pervenerat ad portas Werlæ. Ibi tempore antelucano, cùm adhuc tenebræ essent, curavit clan-

clanculum inflammari domum unam suburbanam prope molendum, & alteram ad muros interiores oppidi. Interea verò, dum utrique incendio restinguendo sese gnaviter occuparent cives, vicinorum hostium ignari; ipse cum suis peditibus ex alia urbis parte muros conscendit: statimque disiectis portarum vicinarum repagulis eâ velocitate equitatum omnem intromisit, ut urbs tota ferè prius in manibus Truchsesianorum esset; quàm ipsimet cives & incolæ id intelligerent. Periclitabatur hinc iterum totus Westphaliæ Ducatus. Actumque fuisset de illius incolumitate, nisi Werlensis arx ab eodem hostili impetu feliciter conservata esset, partim fidelitate ac fortitudine gubernatoris Joannis à Werminghausen, partim etiam auxilio & industriâ Archisatrapæ Everhardi Comitis de Solms; qui, accepto urbis occupatæ nuntio, statim aliquot currus annonâ plenos, novâque militum subsidia, periclitanti castro suppetias misit. Lætus hoc eventu prædictus Archisatrapa, nitebatur etiam Schenckianos, Werlensi castro exclusos, intrâ urbem obsidere; eumque in finem repentè multa vicinorum rusticorum millia, cum præcipua Colonienſium Westphalorum Nobilitate, prope Werlam congregari jusserat. Sed admodum infelici ac deplo-
Non tamen arcem ei contiguam: Auctores iidem.
 rando rerum exitu! Cum enim viri Nobiles paulò tardiùs advenirent, neque adhuc plures, quàm sexaginta equites, paucique pedites ad manum essent; Martinus Schenckius *poſtridie Kalendas Martii* cum trecentis equitibus in imparatos irruit, & incustoditam hanc rusticorum multitudinem improvſo impetu sic obtrivit, ut plurimi eorum in arena cæſi, multi in *Rura* fluvio submersi, reliqui verò, quò ferebant pedes, in effuſiſſimam fugam diſperſi fuerint. Peractâ lanienâ Schenckius, à ſclopetario Arensbergensi in femore fauciatus, cum ſuis Werlam revertitur: ibique adhuc aliquot diebus, partim agros, pagosque vicinos, partim omni ſtrategematum ac minarum genere Werlensis caſtri deditionem ſollicitat. Sed quia præſidarii fortiffimè ſe gerebant, & aliunde ſimul ferebantur nuntii, Altapennium Hispanum tranſmiſſo Rheno cum egregiis Hispanorum copiis in Weſtphaliâ advenire: nihil ultra morandum ratus, quidquid prædarum tam citò potuit, die octavâ Martii in currus onerarios intulit, eodemque vespere circa horam nonam receptui cecinit, & militum ſuorum protectione munitus, cauſiſſimis itineribus Rhenoberckam aufugit; abductis unâ ſecum ferè triginta civibus primariis (quos inter & Gerhardus Kleinſorgius erat) non niſi multo ære ac pretio redimendis,
Magnâ clade proſternit ruſticos, ad includendam urbem coëuntes: iſſelt loc. cit. chron. Tremon. mſ.

Mitiora tamen hæc fuere, quàm ea, quæ poſtmodum ab eodem Schenckio perpetrata ſunt in provinciis, trans Rhenum ſitis. Die decimâ ſextâ Maji, ruſus ex urbe Novæſienſi cum expeditis
reinde Brülam conſtendit eaq; non acceptâ pagos ali-

omnes in
agro Colo-
nienſi poſt
ſe incendit.
*Iſſelt in
comment.
rer. geſt.*

aliquot armatorum copiis contendit Brülam, viſurus, an illud op-
pidum novo dolo vel ſtratagemate poſſet intercipere. Cùm au-
tem animadverteret, ibidem omnia vigilantiffimè à præſidiariis cu-
ſtodiri; pedem indè funeſtum retrahens, tam horrendis ubique in-
cendiis deſævire cœpit, ut Coloniarn uſque, nullum pagum, nul-
las Nobilium ædes, nullà ruricularum tuguria aut villas poſt ſe re-
liquerit, quæ non in cineres & favillas egerit, vel certè maximà ex
parte inflammaverit. Feruntur in hac trifti Schenckianorum ex-
curſione periſſe aut conflagraſſe pagi circitè quinquaginta: me-
moratque etiam Famianus Strada, Erneſtum Archiepiſcopum ob
has, aliàsque Truchſefianbrum Novetiſienſium invaſiones & latro-
cinia tanto pavore conſternatum fuiſſe, ut penè in Bavariam ſe re-
cipere, & incertas Coloniienſium res Deo ac eventui committere
decreviſſet; niſi nova & propinquior expugnandi Novetiſii ſpes è
Belgio allapſa eſſet ab Alexandro Farnetio, provinciarum Belgica-
rum gubernatore feliciffimo.

Alexander
Farnetius,
occupatà
in Belgio
Gravià &
Venlonà,
oblidet
Novetiſium,
*Strada dec.
2. de bello
Belg. l. 8.
Harant in
ann. Brab.
Iſſelt in
comment.
rer. geſt.*

Hæſerat ipſe hætenus cum exercitu ſuo ante Graviam & Ven-
lonam urbes, quarum illa ſeptimo nonas Junii; hæc verò quarto
Kalendas Julii in poteſtatem ipſius venit. His autem occupatis,
continuo ſua caſtra vertit in Dioceſim Coloniienſem; decimàque
die Julii cum iisdem conſtitit ante Novetiſium, novum illud prædo-
num, latronumque receptaculum brevi bello domiturus. Foſſæ
obſidionales, tormentarii ſuggeſtus, ceteraque ad extremam vim
inferendam neceſſaria, intra duas hebdomades ad omnimodam per-
fectionem deducta fuère: atque ideo Alexander Dux die 24 Julii
denuo ſecialem aliquem ad urbis gubernatorem, aliòsque militiæ
Præfectos miſit, qui ab iisdem ſciſcitaretur, vellèntne jam Erne-
ſto Archiepiſcopo urbem dedere; an verò præſentis belli eventum
experiri? Cùm autem illi non ſolùm petulantiffimè id recuſarent;
verùm etiam ſequenti nocte duos è captivis Hiſpanis* in medio ur-
bis foro comburerent: alterà die, S. Jacobo Hiſpanorum patrono
ſacrâ, ex triginta majoribus tormentis urbem ità everberari juſſit;
ut veterani milites faterentur, crebriora tormentorum fulmina in-
trà tam paucas horas nunquam hætenus à ſe viſa vel audita eſſe.
Cecidère hinc magnis hiatibus muri, prolapſa ſunt geminarum
portarum propugnacula, eluctati in vicinas munitiones Hiſpani,
attracta in eas tormenta campeſtria, quæ infeſtis ejaculationibus
fatigarent hoſtes apertos vulnere: ipſe demum gubernator, cùm
Hiſpanos ex adeptis munitionibus ejicere per noctem vellet, non
modo cum ingenti ſuorum clade repulſus; verùm etiam globo miſ-
ſili in dextero femore ità ſauciatus eſt, ut à ſuis in urbem retra-
hi, & in hoſpitiū reportari debuerit. Sequenti mane ſub ortum
ſolis

*Strada ib.

solis, totis ferè castris per mœnium dejectorum rudera in urbem procursum est; indeque statim ea civium ac prædianorum strages inferri coepta, qualis ab irato milite in urbibus per vim & assaultum captis edi solet. Cæsi omnes, quoscunque primus gladiatorum furor offendit, exceptis pueris & mulieribus: Truchsefianorum ferè nulli paritum, etiamsi abjectis armis, flexisque genibus vitæ gratiam orarent: ipsèmet gubernator Hermannus Fredericus Klute, quem superiori nocte vulneratum diximus, è strato suo protractus; atque unà cum duobus centurionibus & Prædicante Calviniano, ex ædium suarum fenestra suspensus est, postquam ad sopiendum rationis usum, mortisque funestæ sensum prius ingens vini poculum exhausisset. Ceteram occupatæ urbis miseriam auxit gravissimum incendium, quod aliqui ab ipsismet prædianis ex invidia suscitatum esse credidère. Ortum est illud juxta portam Rhenanam; ventoque adjuvante, inter assiduas mortes & circumjecta funera tam horrendum sæviit, ut teste Famiano Strada, vix quarta urbis pars à voraci malo intacta manserit. Sic una dies vidit urbem adhuc florentem & hostium contemptricem; altera verò eandem cædibus, ruinisque suis consumptam ac propè nullam, quemadmodum coætaneus * poëta cecinit:

Nüssia de nihilo, vano sic nomine, dicta

Nunc verè nihil est, nilque decoris habet.

Novesio movebat Princeps Alexander die sextâ Augusti: alterâque statim die Môrsam; & rursus biduo post, Alpenle castrum & alia quædam minora loca, Nüenario Comiti subjecta, quasi cursim in suam potestatem redigebat. Indè verò die decimâ tertiâ Augusti pervenit ante Rhenoberckam; ut & urbem istam, quam pro Truchsesio tribus abhinc annis Nüenarius interceperat, Ernesto Archiepiscopo restitueret. Sed cursum hujus obsidionis, tametsi magnis progressibus jam ab eo promota esset, contrariis belli motibus interceptis Robertus Dudlæus Lycestriæ Comes, Anglicarum copiarum, quas Regina Elisabeth foederatis Batavorum Ordinibus hoc anno suppetias miserat, supremus Dux. Cruciabat hunc acerrimè fortuna Ducis Alexandri; ac præsertim, quod & Graviam, & Venlonam, & Novesium urbes, tam celeriter ac penè se præsentè & inspectante sibi præripuerit. Quapropter, ne ad infringendas tanti Ducis victorias nihil penitus attentasse videretur, eo tempore, quo Alexander ad Rhenoberckam consistebat, ipse vicissim ad obsidendam Zurphaniam se accinxit, comitante Gebhardo Truchsesio, quondam Colonienfi Archiepiscopo; tunc autem vano exercitûs additamento, ac potiùs herilis mensæ, quàm belli affectû. Non audebat Alexander in hac rerum habitudine,

Illudque per vim expugnat, occisus ferè omnibus prædianis & gubernatore suspensio, *Auctores iidem.*

urbe etiam non prævisso incendio consumptâ *auct. iidem*

* Klockner in hist. Paderb.

Môrsam quoque, & alia Comitatus Nüenarii castella occupat. *Strada dec. 2. l. 8. Haraus in ann. brabant. 1556 in comment. rer. gest. Obsidionè Rhenoberckensem solvere cogitur ob adventum dudlæi Comitatus Licestriensis; Auctores iidem.*

pericli-

Quem à
Zutphanis
ensi obli-
dione feli-
citer depel-
lit.

*Hareus
& Strada
loc. cit.*

periclitanti Zutphaniae suam opem subtrahere: praesertim cum au-
disset, eam ab annona vel commeatu non satis communitam esse,
& vicinum ei Dôesburgum jam penè in extremis angustiis degere.
Quare & hic, suspenso protinus Rhenoberckensi obsidio, in hostes
movit. Et primò quidem complures currus annonâ plenos in ur-
bem intulit (id quod etiam secundò ac tertio factum) deinde mili-
tum Saxoniorum quatuor millia, qui à Nüenario in Licestrii Co-
mitis auxilium conducti erant, in Dioecesi Monasteriensi, Lingam
inter & Wildeshusium, à foederatorum partibus feliciter abstraxit:
postremò etiam hostilem exercitum, multitudine & numero su-
periolem, vigilantia ac fortitudine sua ita continuit; ut Licestrius,
tametsi jam aliquot propugnacula superasset, circa finem Octobris
urbem deserere, militemque diu frustra delassatum in Bataviam re-
ducere compulsus fuerit.

Moriuntur
egregii de-
fensores Fi-
dei Catho-
licae, Gode-
fridus de
Raësfeld,
Monaste-
riensis
Ecclesiae
Decanus,
*chron. Mo-
nast. ms.*

Eodem ferè tempore, nimirum die 24 Octobris, Monasterii
Westphalorum obiit Reverendissimus ac perillustis Dominus Go-
defridus de Raësfeldt, Cathedralis Ecclesiae Decanus & Canonicus
Paderbornensis, Catholicae Religionis cultor & propugnator con-
stantissimus. Huic Monasteriensis Ecclesia cum primis debet,
quòd in antiqua Fide steterit inconcussa: cujus amittendae certissi-
mum periculum subiisset, si Episcopum accepisset Henricum, è
Domo Saxo-Lawenburgica Bremensem Archiepiscopum, Pader-
bornensis Ecclesiae Administratorem Lutheranum; quem ille po-
tissimum ab adeunda Monasteriensi cathedra, consilio, prudentia,
& fortitudine sua compescuit. Singularis etiam fautor & amator
erat Patrum Societatis JESU: quorum fructuosos labores cum vi-
disset Paderbornae (urbe tunc erroribus Lutheranis dedita) tanto
in eos propendebat affectu animi, ut, quoties Monasterio Pader-
bornam adveniret; prius ad eorum domicilium, quam ad aedes
propriarum accederet. Unde & ipsi maximopere in votis erat, ejus-
modi operarios & Catholicae doctrinae defensores evocari Monaste-
rium; ibique velut in primaria Westphalorum urbe stationem ca-
pere. Quod cum in vivis efficere non potuisset; morti proximus
iisdem pro inchoando *collegio Monasteriensi legavit viginti qua-
tuor dalerorum Imperialium millia: aliis verò Patribus, qui Pa-
derbornae jam in septimum annum residebant, *omnem supellectilem
majorem ac minorem in curia sua Paderbornae; itemque censum annuum
de quadringentis Imperialibus, pro commodiore sustentatione annua.*

*Chron.
Monast. ms.

& Henricus
Lawen-
burgensis
Dux, Chor.

Sex ferè hebdomadis post illum, nempe die octava Decembris,
praemature funere decessit alius Catholicae Religionis Atlas, Fri-
dericus Dux de Saxen-Lawenburg, Chorepiscopus Coloniensis,
& Cathedralis Ecclesiae Argentinen-sis Decanus. Fuit hic supra
dicti

dicti Henrici Bremensis Archiepiscopi & Paderbornensis Admini-
stratoris germanus frater; sed fide ac moribus tam dissimilis, quam
dies nocti. Hic enim Fidem Catholicam defendebat; ille everte-
bat: Hic adversus Truchsesium stabat; ille pro eodem consilio &
armis depugnabat. Hic nullam Episcopalem infulam obtinebat,
& pluribus dignus erat; ille nullâ dignus erat, & plures obtinebat.
Res ab eo præclarissimè gestas variis in locis memorat Michaël ab
Isselt, belli Truchsesiani scriptor. At nihil illustrius, quam quòd
hoc anno die 18 Junii apud Woringam ducentos Truchsesianos,
vallo & omnibus munimentis undique circumseptos, solus ipse
cum quinquaginta militibus obscurâ nocte adortus fuerit; cæsisq;
primum excubiis in ipsa munimenta penetrans, reliquos omnes
vel humistraverit, vel captivos abduxerit, ne quidem unico è suis
amisso vel saucio. Neque dubium est, quin ob egregiam fidem,
cum rara fortitudine conjunctam ad altiora honorum culmina fuisset
perventurus, nisi bonorum omnium remunerator Deus eum
cælo, quam terris digniorem reputasset.

Episcopus
Colonien-
sis.
Klockner.
in hist. Pa-
derb.

Annus Christi 1587.

SIXTI V. Pontificis 2. & 3.
RUDOLPHI II. Imperator. 11. & 12.
THEODORI Episc. Paderb. 2. & 3.



INitium hujus anni tristissimum fuit à ferali supplicio
capitis, quo Elisabetha Anglorum Regina condem-
nari & affici jussit Mariam Stuartam Scotiæ Regi-
nam, ipsi proximè cognatam, & Catholicæ Re-
ligionis propugnatricem constantissimam. Vice-
simus propè annus erat, cum hæc ad illam confugisset, opem quæ-
situra contra insidias rebellium subditorum; à quibus jam antè ca-
pta, & in arctissimam custodiam detrusa fuerat. Sed pro solatio;
quod expetebat, novos illic invenit carceres, totis ferè novende-
cim annis patientissimè toleratos. Interea variis artificiorum ac
fraudum cuniculis nihil aliud ab ejusdem hostibus quæsitum erat,
quàm ut ipsa vel Catholicam Fidem ejuraret; vel pro eadem Fide,
licèt alio prætextu, vitam innocentem perderet. Primum ex his
duobus ab ea nunquam impetrari vel extorqueri potuit: quippe
quæ mori semper maluit, quàm extra Ecclesiam Catholicam vive-
re. Alterum verò tandem inimici ejus consecuti sunt occasione de-
rectæ alicujus conspirationis, quâ Nobiles quidam Angli superio-
re anno constituerant Elisabetham Reginam de medio tollere, Ma-
riam

Tragedia
Mariæ
Stuartæ
Scotorum
Reginæ
Catholicæ,
ab Elisabe-
tha Anglorum
Regina occidi
jussæ.
Spond. ad
hunc annũ.
Strada de
bello Belg.
dec. 2. l. 8.
Narratio
Londinen-
sis de mor-
te Mariæ
Stuartæ.
Stuartæ
post longos
carceres

falsò argui-
tur quæsi-
visse mortē
Elisabetæ.

Spond. ad
ann. 1586.
Strada
loc. cit.

Innocens
condemna-
tur capite.

Spond. ib.

Strada ib.
Romuald^{us}
in summ.
de morte

Maria.

* Anglicè,
Kent, &
Schrews-
bury.

morte indi-
cā sacer-
dotem Ca-
tholicum
petit, & non
obtinuit.

auct. iidem

Devotissi-
mè se ad
mortem
præparat.

A commis-
sariis jube-
tur exerci-
tia devotio-
nis abrum-
pere.

Ex Narra-
tione Lon-
dinenſi ab
ipsismet
Calvinistis
edita.

Surgit ab
oratione, &
procedit ad
locum sup-

riam Stuartam ei substituere, & hujus ope Religionem Catholicam
Rēgno Anglicano reddere. Tunc enim homines malevoli conti-
nuò Mariam traduxēre, velut istius sceleris incentricem, aut certè
participem. Ac, tametsi illa non solū constantissimè id negave-
rit; sed etiam ne ab ipsis quidem conjuratoribus de hoc flagitio
accusata vel insimulata fuerit: nihilo minùs tamen ab iniquis ju-
dicibus, & à communi Ordinum Anglicorum senatu, læsæ maje-
statis rea pronuntiata, & ad mortem postulata est; quòd hac in vi-
vis permanente, Religionem heterodoxā unā cum ipsius Elisabe-
thæ vita periclitaturam esse crederent. Sententiam hanc appro-
bavit Elisabeth die quarto Decembris anni superioris: executio-
nem verò ejus adhuc distulit in Februarium anni præsentis, nomi-
natis interim funestæ rei commissariis, Comite Cantienſi, * Salo-
pienſi, & aliis quàm plurimis. Hi die decimā septimā Februarii
(stylo novo) horis pomeridianis ad eam accedebant in castello, quo
tenebatur; nullisque verborum ambagibus rotundè indicebant
mortem, Reginae suæ, Regiūque senatūs imperio subeundam. Qui-
bus illa vicissim, animo ad omnem fortunæ casum imperterrita:
ut imperatum est, ita fiat! Et quidem, si id vultis, etiam die crastino.
Quod cū illi avidissimè acceptarent, id unum gratiæ supremæ
loco ab iisdem petiit, *ut Catholico sacerdoti, cum quo anima sua ra-
tiones pertractaret, accessum ad se concederent.* Sed quia & hoc so-
latium à viris asperis emendicare non potuit; iisdem abscedere jus-
sis, totam se deinceps in divinas preces effudit: ac demum sequenti
mane (quæ erat decima octava Februarii) post ardentissima poeni-
tentis & amantis animi suspiria Christum Eucharisticum, quem
pretioso vasculo inclusum Pontificiā dispensatione in hanc ulti-
mam necessitatem asservabat, manu propriā devotissimè simul ac
reverentissimè sumpsit. Indè rursus ad orationem reversa, nihilq;
aliud quàm cælum & cælestia cogitans, Deo suo per iteratos fidei,
spei, & charitatis affectus penitissimè se conjunxit. Sed à Calvi-
nianis judicibus & commissariis, qui manè inter horam octavam
& nonam aderant, vix tantum otii & quietis eblandiri potuit, quo
pietati suæ & sanctis amoribus aliquantisper vacaret. Nam intrā
breve tempus ad eam, adhuc orantem, parantēque se, ter mi-
sere nuntium, qui moneret festinandum esse: ac demum unus è
satrapis, velut moræ longioris impatiens, ad ejus oratorium adiit;
inveniēsq; adhuc genu flexam, & cum gynæceo ac famulatio
suo divinis precibus intentam, inquit: *surge Domina! satis oratum*
est. Urget hora sustinendi, quod decretum est. Jam omnia ad exequen-
dam fati sententiam stant parata. Cui illa respondit ocyùs: *et ego pe-*
nitens jam parata sum! Statimque de genibus assurrexit; & ad ca-
meram

meram anteriorem progrediens, famulitio suo valedixit, eosdem breviter ibidem adhortata, *ut Deum timerent, et superioribus dēmissē obedirent.* Procedebat autem modestissimē compta, uti viduam Regalem decet; vestem ad talos usque promissam gerens ex nigro & pretioso holoserico. Manu dexterā tenebat effigiem Christi crucifixi, sinistrā verò libellum precum. E collo defluebat supra pectus aurea crux minoris formæ; ad latus verò dependebat è cingulo corolla precatoria, quam nōs Catholici *Rosarium* appellamus. Hoc apparatu ad inferiorem aulam descensura, in imis gradibus occurrentes reperit Cantiensem & Salopiensem Comites; qui, nescio quā ferali cerimoniā, eidem rursus edicebant, *se adesse, ut exhibeant mandatum Reginae suae, quo juberetur mori.* At illa, nihil inde mota: *præsto sum!* ait, *et jam itā me constitutam invenio, ut mori potius, quā vivere cupiam.* Simulque Melvinum, unum è primariis Ministris suis, eodem in loco videns: *Melvine, inquit, mihi hætenus Minister fidelissime! credo equidem, et te esse unum è numero Protestantium, neque ampliùs Catholica Religioni deditum.* Attamen, *quisquis es, per tuam ego te salutem postulo, ut accedas ad carissimum filium meum* (erat is Jacobus Scotiæ Rex, tunc unum circiter & viginti annos natus) *ei que nomine meo dicas, precari me et in extremis cupere, ut fideliter Deo serviat, Catholica Ecclesiæ se adjungat, orthodoxam doctrinam teneat, Regnum suum pacificè gubernet, fiduciam suam in Deo ponat, sollicitèque caveat, ne Elisabetha Anglorum Regina causam vel occasionem aliquam sinistrarum de se suspicionum praebeat. Quod autem ad me ipsam attinet, id ei à me dicas velim, me ad mortem usque in Fide Catholica perstitisse.* Tum ad Salopiensem & Cantiensem Comites denuo se convertens: *Oro vos!* inquebat, *finite vel nunc salutem paulisper ad me accedere sacerdotem meum! finite etiam domesticos meos omnes interesse morti meae, ut videant, et orbi Christiano contestentur, me Catholicè defunctam esse!* Prima istarum petitionum ei prorsus denegata est: altera verò, licet ægre admodum, ab iisdem admissa est cum ea limitatione, ut adessent solum quinque famuli cum duabus pedisequis. Post hæc deducta in inferiorem aulam, ejusque theatrum, quod unā cum vicinis parietibus nigro panno obtectum erat, reperit ibidem tres sedes positas, nempe duas pro suprā dictis Comitibus, alterāque mediam pro se. In qua ut primum se collocaverat inter istos assessores, confestim prodit Regni secretarius; prælegitque ferale decretum, quo mandabat Elisabetha, Mariam Stuartam olim Scotorum Reginam securi percuti *propter multa, diversaque læsa Majestatis facinora*, quæ deinde fusiùs ex eodem scripto proferebat. Audiit hæc Maria cum singulari patientia. Cūque ille jam desisset legere, rursus ipsa consurgens

plicii, crucem unā manu, alterā libellum precum, & è cingulo *Rosarium* portans. *ex eadem narrat. Londin.* Spond. hic n. 2.

Jubet moneri filium suum Jacobum Regē, ut Catholicam Religionem teneat. *Ex narrat. Londin.*

Iterum frustra petit sacerdotem Catholicū. *Ex narrat. Londin.*

Feralem sententiam patienter audit, & negat se criminum objectorū ream esse.

X x x

edice-

Calvinianū
prædicantē,
ad se misū,
animosē
rejecit.

Cantienſi
Comiti,
crucifixi
imaginem
deridenti,
pulcherri-
mē respon-
det.
ex eadem
narrat.
ſuprà cit.

Orante
Præcone
Calviniano
cum cetera
turba ho-
minum,
ipſa aliam
orationem
elatori vo-
ce incipit.

Omnibus
ſuæ necis
auctoribus
ex animo
veniam
concedit.
ex eadem
narrat.

edicebat palàm: *Teſtor Deum ſcientem omnia! nihil eorum omnium, de quibus in hoc mortis decreto poſtulo, à me geſtum eſſe; neque unquam inſidias aliquas à me ſtructas, vel etiam ſtrui juſſas fuiſſe in vitam Eliſabethæ. Fateor tamen, me eſſe peccatricem, et aliis criminibus obſtrictam: propter quæ libenter, amore Dei mei, hanc mortem oppeto.* Hæc dicenti adſtabat Calvinianus Prædicans Petrus Borungus, Petroburgenſis Decanus: atque (ut iuſſus erat) ſacerdotis Catholici vicem ſuppleturus, hortabatur eam, *ut in Chriſto fideret, ac ſatageret chriſtianè mori.* At illa hæreticum hominem dedignata: *faceſſe hinc, ait, et iſtarum curarum deſine! ſatis ego ad mortem comparata ſum, neque ad eam fortiter et chriſtianè obeundam tuis acclamationibus egeo.* Cùmque ille adhuc ampliùs inſtaret, neque aliud ſe dicturum appromitteret, quàm quod veritati Chriſtianæ conſentaneum foret; rurfus ipſa, ne communionem videretur habere cum hæretico, adhuc altiùs exclamabat: *ſile, obſecro, ſile Magiſter Decane! nolo te audire. Nil mihi negotii tecum eſt: ſolùm diſturbas me.* Quo audito ſilere quidam Borungus debuit. Sed hoc tacente rurfus Cantienſis Comes virulentum os aperuit; & effigiem crucifixi Domini, quam in manibus Regina tenuit, ſplene ſacrilego deridens dixit: *Miſeret me tuî, Domina! maximèque dolco, quòd huiusmodi nugas et ſigna ſuperſtitioſa adhuc in manibus tuis videam!* Cui ipſa viciffim alacriter ac modeſtè: *Crucifixi Domini imaginem præ oculis meis habere debeo, ut ejuſdem recorder, et exemplo ejus me ad ſanctè moriendum excitem.* At ille rurfus, uti Calviniſtæ loqui ſolent: *Chriſtus in corde noſtro tenendus eſt. Quare apage has nugas manuum!* ſtatimque & ipſa pariter: *irò et in manibus meis effigiem ejus tenere juvat, ut memoria patientis Domini per ſenſuum exteriorum fores faciliùs deſcendat in cor et pectus meum.*

Subinde Calviniſticus præco Borungus, unà cum omni populo & ſpectatoribus (erat autem hîc turba hominum ferè centum & ampliùs) incipiebat aliquam orationem & comprecationem, quam huic actui convenientem eſſe duxerat. Maria autem è di-verſo, ne ipſius importunitati cederet, longè elatori voce ſuàm-met ipſa precationem ex officio defunctorum proferebat, clamans: *Libera me, Domine! de morte æterna, in die illa tremenda, quando cali-movendi ſunt et terra; dum veneris judicare ſeculum per ignem etc.* Quâ finitâ cùm accederet carnifex, genibùſque flexis ab ea veniam imperatæ ſibi functionis precaretur; ipſa protinus generoſo, verèque Regali animo repoſuit: *Ego non ſolùm tibi, qui officiū tuum coactus facis; verùm etiam omnibus iis, qui hucusque mortem, ſanguinèmq; meum ſitiverunt, omnia contra me geſta libentiſſimè condono: idque eodem affectu nunc palàm ago, quo mea mihi peccata à miſericorde Deo condonari deſidero.* Tum deinde rurfus in genua procidens (Calvi-niani

niani scriptoris testimonio) recitavit ardentissimam & affectibus plenam precationem, dicens: *Placare mihi, clementissime Domine JE- SU Christe, quem hac imago crucifixi in manibus meis repræsentat; meisque peccatis Te propitium exhibe! scio, me sæpius deliquisse coram Te, ideoque divinam misericordiam tuam indignam esse. Sed Tu Domine, quem offendisse ex intimo corde pœnitet, averte faciem tuam à peccatis meis; et respice potius illum pretiosissimum sanguinem tuum, quem in ablutionem peccatorum nostrorum è cruce pendens profudisti. Tua mors, obsecro, sit vita mea! Tua vulnera sint mea sanitas! Tua ad mortem condemnatio sit mihi à noxis omnibus perfecta absolutio! Tu mea spes, Tu Deus Tu amor meus! Tu mortuus es pro me; et ego quoque libenter moriar pro Te! Tu sanguinem tuum profudisti amore mei: et ego pariter amore Tui sanguinem, vitamque meam profundere non recuso. etc.* Postremò etiam hisce precibus adjunxit alias pro salute Elisabethæ Anglorum Reginae, pro filio suo Jacobo Scotorum Rege, pro felici statu Scotiæ & Angliæ, ac demum pro sua ipsius anima, ardentissime Deum orans, ut eam terreno corpore solutam Angelorum suorum ministerio in cælum reciperet. Quo peracto, ornamenta corporis deposuit, tunicam superiorem exuit, famulis & famulabus suis producto super eisdem signo Crucis benedixit, Catholicam se mori velle repetivit, animo intrepido sinè omni coloris mutatione rursus in genua se dejecit, psalmum trigésimum: *in Te Domine speravi, non confundar in æternum*, clarâ voce recitavit; eoque finito, collum trunco imposuit; & cùm altiùs inclamasset: *in manus tuas, Domine, commendo spiritum meum*, semel & iterum securi percussa, spiritum exhalavit, acclamantibus Calvinistis: *sic pereant universi hostes verbi Dei, et Regina nostra!*

Orat, peccata sibi remitti per sanguinem Jesu Christi cuius amor re & ipsa libenter suum fundebat sanguinem, ex eadem narrat.

Iterum: profitetur se mori Catholicam, & inter sanctissima suspiria securi percutitur, plaudentibus Calvinianis, ex eadem narrat. Londin.

Necem ejus inter alios egregiè promoverat Robertus Dudlæus Licestriæ Comes & gubernator foederati Belgii; qui sub exitum prioris anni, rebus apud Hollandos improspere gestis, in Angliam reversus erat. Sed intrà breve tempus commissi facinoris mercedem accepit homo ferox, & Catholici nominis persecutor infelicissimus. Nam in primis eo absente castellum ante Zutphaniam (quod priore anno occupaverat) itémque Daventria & Geldria urbes, in Alexandri Farnesii potestatem devenire: non quidem vi & armatâ manu; sed voluntariâ traditione Præfectorum, quorum duo primi Angli, tertius verò natione Scotus erat. His autem levi brachio subactis, graviori Marte Farnesius post bimestrem obsidionem expugnavit Slusam, urbem Flandriæ munitissimam; de qua postea ad Regem scripsit, se nunquam hætenus in obsidione magis operosa laborasse. Ac tametsi Licestrius, tunc temporis ex Anglia redux, cum ingenti militum & navigiorum apparatu

In Belgio Farnesius obtinet Daventriam, Geldriam, & quædam alia. Hærens in ann. Brab. Spond. n. 6. Strada dec. 2. l. 8. Expugnat Slusam in Flandria, frustra succurre Lycestrio;

qui ob diffidia, hinc inter se & Hollandos orta, in Angliam revocatur; *Haræus & Spond. loc. cit. Strada dec. 2. l. 9. & anno sequenti ex animi ægritudine moritur.*

Auctores iidem.

**Spond. ad ann. seq. 27.*

Dioecesis Monasteriensis ab Hispanis & Batavis plurimum affligitur. chron. Monast. msf.

fatiscientem urbem liberare conatus esset; omnia tamen à Farnesio sic præmunita invenit, ut auxilii ferendi spem abjicere, & Ostendam, unde venerat, non sinè aliqua pusillioris animi nota cum suis reverti, compulsus fuerit. Exinde verò dissensiones animorum, quæ jam anno superiore Licestrium inter & foederatos Ordines propullulare coeperant, propediem resuscitatæ sunt; brevique tempore variis querelis ac diffidentiâ mutuâ sic increverunt, ut Licestrius tandem evitandorum tumultuum causâ in Angliam revocari debuerit, ibique gubernationem Belgicam Reginae suæ jussibus abdicare. Hoc igitur honore dejectus, homo tumidus & semper magnorum avidus, novo ambitu contendit fieri supremus Reginae Elisabethæ Vicarius in administrandis Angliæ & Hiberniæ rebus. Jamque id impetraverat à Regina, sibi plurimum addicta: sed magno suo, ut eventus docuit, infortunio. Cum enim Hattonus Regni Cancellarius recusaret huic diplomati sigillum Regium apponere, simulque demonstraret Reginae, quanti periculi res foret, si nimia potentia in hunc unum hominem conferretur: Licestrius eâ spe deturbatus, ex furore & iracundia non modò in gravem ægritudinem incidit; verum etiam, uti scriptor coævus asserit, *horribili mortis genere animam exhalavit* die 14 Septembris* anni sequentis.

Interea Dioecesis Monasteriensis in Westphalia plurimum hoc anno pati debuit occasione belli Batavici. Nam ex una parte miles Hispanicus transmissa amne Lupia in eam irruit, rusticos contra se collectos prostravit, Sendensem pagum funditus exussit, Oistbeveram & Westbeveram diripuit, Haselünnam oppidum violenter occupavit; neque prius Episcopatum deseruit, quàm acceptis octoginta aut amplius imperialium millibus, quibus Ordines Dioecesani molesti hospitis abscessum pacti sunt. Ex altera verò parte miles Batavicus, duce Adolpho Comite Nüenario, die undecimâ Septembris Meppenam cepit, ibique non sinè maximo incolarum & accolarum damno tam diu pessimè hospitatus est, usque dum & huic ab eadem Dioecesi, die vicesimâ primâ Novembris, numerata fuerint circiter triginta millia imperialium. Causam utriusque invasionis apud rerum Westphalicarum scriptores non invenio. Verisimile tamen est, mali hujus originem ex eo natam esse, quòd Alexander Farnesius, cum audisset, eas militum Saxonorum turmas (quas anno superiore Lingam inter & Wildeshusium dissipaverat) hoc anno rursus prope urbem Bremam à Comite Nüenario colligi; rursus ad eosdem avertendos aut repellendos, in Monasteriensem Dioecesin miserit selectos aliquot equitum Hispanicorum centurias. Cum autem rusticana gens, ibidem è circumsi-

cum sitis pagis congregata, non modò iter Hispanorum impedire; sed etiam aliquos eorum interficere aut despoliare ausa fuerit: hi vicissim in iras & furorem versi, peregerunt ea, quæ suprà diximus; paritèrque Nüenarium & Batavos, in quos ibant, exemplo suo permoverunt ad eadem attentanda. Ità colligo partim ex Chytræo, qui sic habet: *bis mille equites, quos anno superiore à Comite Mörsono collectos et ad Wildeshusiam dissipatos dixi, hujus anni aestate recolligebantur**: *ideoque Taxius, Hispanorum Præfectus militaris, in comitatûs Tecklenburgensis pago Lengerke diu expectabat, ut eorum iter impediret.* Partim ex manuscripta historia Klockneri nostri, qui hac de re brevissimis verbis ità meminit: *eodem hoc anno rustici in Diocesi Monasteriensi equitum Hispanicorum aliquos prostravere, bonâmq; prædam ab iis retulere; id quod iis postea miles Hispanicus egregiè repensavit.*

*apud Bremam uti memoras Haraus in ann. brab.

In Diocesi nostra Paderbornensi nihil hujusmodi turbarum fuit. Atque inter hæc pacis quieta otia Theodorus Præsul studiosissimè satagebat, non modò Religionem Catholicam Diocesi totâ restituere; verum etiam castra & satrapias, quæ ab ejus decessoribus potissima ex parte vel oppignerata, vel ingentibus debitis prægravata erant, parsimoniâ & frugalitate suâ ab omni ære alieno liberare. Qua in re, ut ex annorum sequentium decursu clariùs elucebit, planissimè demonstravit, se non esse mercenarium, qui sua quærit; sed verè *Pastorem bonum et suæ domui bene præpositum.* Subinde etiam Diocesis Mindensis hoc anno Præsulem syncerè Catholicum recipere visa est, postquam biennio ferè toto vacasset. Præfuerat ibidem Lutheranus Princeps, Henricus Julius Dux Brunsvicensis, Julii Ducis natu major filius. Is cum ante duos annos uxore ductâ Episcopatum abdicasset; Julius pater ejus vacantem cathedram sollicitè postulabat pro altero filio suo Philippo Sigismundo, itidem Lutherano. Neque id admodum recusabant Cathedralis Ecclesiæ Canonici: vicissim tamen petierunt à Duce Julio restitutionem aliquot Præfecturarum in comitatu Hojano, quas Episcopatu Mindensi ex antiquis transactionibus deberi contendebant. Qua de re cum diuturnior consultatio fieret, & interea tempus electioni Canonice præfinitum effluxisset; Ernestus Archiepiscopus Colonienfis velut Metropolitanus, Mindenſe Capitulum ex jure devoluto convenit coram Francisco Bonhomio Legato Pontificio. Pronuntiata tandem pro se ejusdem Legati sententiâ, ad vacantem cathedram nominavit Antonium Comitem de Schawenburg, Colonienſis Ecclesiæ Decanum: illum, inquam, virum syncerè Catholicum, qui ante annos quatuor in comitiis Colonienſibus primus contra Truchſesium dixerat, *se pro suis vi-*

Theodorus Ep. Paderb. magnopere studet restituendæ Religioni Catholicæ, & redimendis Præfecturis ære alieno pressis. Ex veteribus mss. Antonius Comes de Schawenburg ab Ernesto Archiepisc. Colonienſi ex jure devoluto nominatur & constituitur Episc. Mindensis.

ribus

ribus nunquam passurum esse, ut ab antiqua Statuum unione recedatur, et pro sancta Religione Catholica subditis obtrudatur novitia fides Augustana Confessionis.

Bonna die
23 Decem-
bris à Mar-
tino Schen-
ckio rursū
occupatur
in favorem
Truchsesii.
*Strada dec.
2. l. 10.
Haraus in
ann. brab.
& alii.*

Id cum feliciter effecisset Ernestus Archiepiscopus; iterum post menses pauculos in luctum acerbissimum dejectus est ex improvisa amissione urbis Bonnæ, rursus exeunte hoc anno à Martino Schenckio & militibus Truchsesianis captæ. Sciebat Schenckius, urbem hanc nec sufficienti præsidio firmatam esse; nec eâ, quâ par est, vigilantia custodiri. Itaque hanc præsidii negligentiam in suam utilitatem conversurus, die vicesimâ tertiâ Decembris obscuræ noctis beneficio cum aliquot militum suorum centuriis tacitissimè Bonnam proficiscitur. Maximâque eorum parte vicino in loco præstolari iussâ, ipse cum paucis clanculum accedit ad portam Rhenanam; & eidem affigit Pyloclastrum æneum (quod vulgò *Petardam* vocant) instrumentum bellicum pulvere copioso fartum, atque id temporis ad evertendas urbium portas noviter inventum. Quod ubi post breve spatium coepit ignem concipere, & pestem intrâ se clausam ejectare; non modò portam illam, sed etiam contiguos urbis muros tanto impetu disjecit, ut militibus omnibus per apertas portarum ac moenium ruinas irrupentibus, Bonna priùs ab hoste capta fuerit, quàm hostem sibi tam vicinum fenserit. Indè Schenckius ad urbem fortiùs communendam se accingere, militem adaugere, annonam comportare, nova propugnacula ex adversa Rheni parte construere, totâmqve provinciam Coloniensem ac Montensem hebdomadariis contributionibus fatigare, non sinè maximo dolore Ernesti Archiepiscopi: cui semper ingenti molimine & pretiosissimis obsidionibus recuperanda erant, quæ à suis tam levi negotio & quasi per ludum amissa fuerant.

Annus Christi 1588.

SIXTI V. Pontificis	3. & 4.
RUDOLPHI II. Imperator.	12. & 13.
THEODORI Episc Paderb.	3. & 4.

Bonna ab
Hispanis
recuperatur
& Ernesto
Colonienſi
reſtituitur.
*Haraus in
ann. brab.*



Ernesto Colonienſi, ob amiſſam Bonnam in extremis angoribus conſtituto, ſubvenit iterum Alexander Farnenius Achilles Belgicus: nam & ejus plurimùm intererat, ne in terris Colonienſibus Geuſiorum arma figerentur. Primùm itaque menſe Martio præmiſit illuc nonnullas equitum, peditumque turmas, qui con-

continuis excursionibus Bonnensem agrum à Schenckianorum injuriis tuerentur, & hostem intrà sua moenia coërcerent. Quod cum illi strenuè ac feliciter peregissent, ineunte Majo ejusdem urbis obsidio inchoata est à Carolo Croyo, Principe Chimacensi; cui Farnesius, rebus aliis præpeditus, expeditionem istam demandaverat. Inter primos ante urbem cecidit Joannes Baptista Taxius, miles egregius, ideóque Duci Farnesio cum primis carus: cujus defuncti corpus Coloniae in templo Patrum Franciscanorum summâ militum & sacrarum personarum pompâ tumulatum est. Urgebatur obsidio, indefessâ militum & Præfectorum contentione. Neque Hispanis quidquam de virtute Martia concedebant obsessi: licet absente Schenckio, qui ad petenda militum & pecuniarum auxilia in Angliam, & inde rursus in Palatinatum ierat. Sed cum ex Anglia nihil, ex Palatinatu verò minus copiarum adveniret, quàm ut earum ope solvi posset obsidio; tandem præsidarii, quinquemestri oppugnatione fatigati, die vigesimâ octavâ Septembris urbem dederunt; eâ lege, ut suis rebus, corporibusque salvis Rhenoerberckam & Wachtendonckam deducerentur.

Lætus hac de re Ernestus Archiepiscopus Alexandro Farnesio liberatori suo gratias immensas egit, didicitque in posterum suas urbes accuratius custodire: ne tam facilè rursus dies una perderet, quod multorum mensium certamine, plurimóque sanguine recuperandum fuit. Copiæ verò militares, quæ huic expeditioni inserviêrant, magnis præmiis affectæ, cum Petro Ernesto Comite Mansfeldiensi discesserunt ad obsidendam Wachtendonckam Geldrorum oppidum, toti Geldriæ tunc infestum. Credebant multi, aggressionem hujus loci, in campo admodum paludinoso positi, non modò perdifficilem; sed etiam hac anni tempestate minimè fructuosam, imò & ingloriam fore. At verò Mansfeldius, cui ista expeditio à Farnesio imperata fuerat, ipsius judicio magis, quàm aliorum formidoloso timori fidens, intrepidè respondit, se hujusmodi mandatis tantò libentiùs pariturum, quantò plus laudis ex difficiliore victoria sperandum esset. Neque abfuit fortuna coeptis. Nam erectis intrà paucas hebdomades duobus altis terræ suggestibus, oppidum istud non solum tormentis obsidionalibus; verùm etiam prægrandibus globis ignivomis, nuperrimè tunc inventis, ità conterruit, ut præsidarii die vicesimâ Decembris ad inhonoram deditionem compulsi fuerint, etiam iis, qui nuper è præsidio Bonnenfi venerant, in captivitatem traditis.

Multa alia, quæ momenti multò gravioris erant, per æstatem hujus anniolvebat animo Farnesius. Sed hæc omnia disperiêrunt in aquis pelagi, unà cum ingenti classe Hispanica, quæ hoc anno

Ab iisdem expugnatur Wachtendoncka, oppidum Geldriæ. Auctores iidem.

Hispana classis, Angliam Hollandicæ rebellionis

ad

nutricem
invasura,
tristi infor-
tunio misere
dissipa-
tur.

Strada dec.
2. l. 9.

Haras in
ann. brabant.

Spond. ad
hunc ann.

ad invadendam Angliam & Hollandiam venerat. Erat hæc una ex præstantissimis classibus, quas unquam in oceanum misit Hispania: numerabátque centum ac triginta quinque naves magnas, in quibus circitè viginti millia virorum armatorum, præter nautas, remiges, & omnem apparatus bellicum. His è portu Dückerckiano & Neuportensi debebant accedere alia viginti sex virorum millia, quos in Belgio parabat Alexander Farnesius: totaque illius expeditionis & magnorum consiliorum summa in eo versabatur, ut Angliam Hollandicæ rebellionis fautricem unitis viribus invaderent; eaque domitâ vel oppressâ, etiam foederati Belgii expugnationem sibi faciliorem redderent. Sed inscrutabili Dei judicio res alium planè eventum habuit! Nam, priusquam Farnesius accederet, potentissima classis illa, partim Archithalassi imperitiâ, qui freti Caletani pericula non sciebat; partim Anglicarum navium agilitate, quæ tardiores Hispanorum naves celerrimo flexu identidem lacescebant; partim diversis tempestatibus, multisque aliis infortuniis, adeò dispersa ac lacerata est, ut amissis triginta duabus navibus, ægerrimè tandem exeunte Septembri sinè ullo tam operosæ, pretiosæque expeditionis fructu in Hispaniam reversa fuerit. Zelandii in perpetuam hujus rei memoriam cuderunt nummos, quibus ex una parte inscripta erant hæc verba: *Classis Hispanica*: ex altera verò: *venit, vidit, fuit, MDLXXXVIII*: vel uti Spondanus refert: *Venit, vidit, fugit*. Memorant præterea scriptores primariæ Hispanorum navi insculptos fuisse hos versus, quibus Angliæ Regina Elisabeth compellabatur:

*Tu quæ Romanas voluisti spernere leges,
Hispano discas subdere colla iugo.*

Post navium autem interitum Reginam, Regi Hispanorum ità respondisse:

*Tu qui divinas voluisti spernere leges,
Femineo discas subdere colla iugo.*

Henricus
III. Galliarum
Rex in comitiis
Blesensibus jubet
obtruncari Henricum
Guiseum Ducem,
ejusque fratrem,
Cardinalem &
Archiepiscopum
Remensem.

Multò exitius fuit illud infortunium, in quod hoc anno temerariè se præcipitavit Henricus III. Galliarum Rex, Valesiæ stirpis ultimus. Vixerat is hucusque in connubio infœcundo; timebántque boni omnes, ne eo decedente Regni sceptrum jure sanguinis devenirent ad hominem hæreticum, videlicet Henricum Bononium Regem Navarræ: qui, licet anno 1572 post Collignii & aliorum Hugonottorum cædem ad Ecclesiæ Catholicæ græm se recepisset; quadriennio tamen post, iteratis aliorum Hugonottorum impulsibus, ad ejuratam Calvinii haram redierat. Quare jam ab aliquot annis, instigante Henrico Duce Guisio, fabricaverant novum foedus, quod ipsimet *sacrum* appellari voluere: eoque tena-

tenacissimè constituerant, se usque ad vitæ & sanguinis effusionem pugnatu-
 ros pro Fide Catholica; nec unquam permissuros, ut alia Religio sedem retineat in Regno Galliae, aut ad sceptrum & coronam Regni perveniat Rex hæreticus. Jamq; foedus illud ita increverat, ut & ipsi Galliarum Regi formidandum esset; ideoque Gallus persæpe Navarrum obsecraverat, ut Ecclesiae Romanae se rursus aggreget: alioquin vereri se, ne futurae successionis causâ totum Galliae, Navarraeque Regnum funestissimis tumultibus involvatur. Quod cum Navarrus non solum recusasset; verum etiam ad arma convolare, & bellum bello opponere incepisset: res hoc anno tandem in apertam seditionem prodit, in qua & ipse Francorum Rex
 Parisinam urbem deferere, & acceleratis itineribus Carnutum fu-
 gere compulsus est. Indè Rothomagum profectus Rex, quietis
 causâ Guisianorum postulata audit, sacro eorum foederi se adjun-
 xit, nova Regni comitia* Blesis indixit, ibique statuit, juravit, &
 ab omnibus jurari fecit, se ad Hugonottorum extirpationem pro-
 suis viribus laboratu-
 ros; & si contingeret sinè prole mascula Re-
 gem decedere, nunquam passuros aut commissuros, ut alius, quàm
 sincere & probè Catholicus, ad Regni solium evehatur. An au-
 tem Rex id seriò & ex animi sententia fecerit; an verò simulatè &
 solummodo Guisiorum obterendorum causâ, non est meum dispu-
 tare. Enim verò haud longè post in iisdem comitiis Henricum Gui-
 sium, totius foederis primipilum, quem ad secretius colloquium
 accersi jusserat, in ipso Regii cubilis aditu
 *per sicarios à se consti-
 tutos obtruncavit; statimque etiam ipsius fratrem, Ludovicum
 Guisium Cardinalem & Archiepiscopum Remensem, unà cum aliis
 ejusdem cognationis aut factionis Principibus comprehendi jussit.
 E quorum numero Cardinalis Guisius alterâ die consimilium sica-
 riorum gladiis occubuit: fratrumque amborum corpora primùm
 vivâ calce consumpta; deinde eorum ossa funestis ignibus concre-
 mata, & cineres in aërem aut præterfluentem Ligerim dispersi
 fuere. Credebat improvidus Rex, eo facinore magnum aliquid
 à se perpetratum esse. Atque ideò peractâ cæde, velut exultabun-
 dus ad Reginam matrem accurrebat, inquit: *nunc tandem se Re-*
gem esse extincto amulo suo Henrico Guisio; quem populari favore ad
 Regni solium aspirare, sibi falsò persuaserat. At illa, tam imma-
 ni factò exterrita: *sat in animo prospexisti, fili mi Rex! quid indè mo-*
tuum ac barbarum in tuo Regno secuturum sit? Cùmque ipse respon-
 disset, se jam satè tutum, penitusque securum fore; ipsa jam ægro
 corpore decumbens: *precor Deum,* inquit, *ut hac Tibi in bonum*
vertant! metuo tamen, ne res eo in statu non sint, quo tua Majestas ar-
 bitratur. Hæc autem quàm verè prudenterque dixerit astuta mulier,

Y y

even-

*Spond. ad
hunc ann.n. 4.
*Carnutū,
gallicè
Chartres.*Blese, gal-
licè Blois,
urbs ad Li-
gerim flu-
vium.*Spond. ib.
n. 18.Hæc in
ann. brabant.Quæ res
non solum
ipsimet
Regi; sed
etiam toti
Regno fa-
talit fuit.

eventus docuit. Nam & ipse Rex anno proximo interfectus, & universum ipsius Regnum tam exitiali bello involutum est, ut illud vix intrâ decem annos componi, & non nisi profuso hominum innumerorum sanguine extingui potuerit. Sed hac de re suo loco plura. Nunc ad nostra transeamus.

Patres Societatis JESU strenuè laborant Paderbornæ in hominibus convertendis,
Hist. Collegii Paderb.

Paderbornæ res Catholica adhuc tardiùs procedebat, etiam si Patres Societatis JESU conversioni civium diligentissimè se impenderent; & Celsissimus Princeps Theodorus Fürstenbergius nihil industriæ vel curarum prætermitteret ad restaurandum & corrigendum ea, quæ Lutherani decessoris vitio corrupta ac depravata fuerant. Primarium conversionis impedimentum erat Forensis Ecclesiæ Lutheranus Pastor & apostata, Hermannus Tünneken: qui hæreticis declamationibus suis totam urbem sic avertebat ab amplexu Fidei Catholicæ, ut plerique civium, nisi ab aliis derideri vellent, Jesuiticæ concionis audiendæ causâ principali templo pedem imponere non auderent. Neque adhuc licebat Episcopo, superioribus mandatis buccinatorem istum de Forensis Ecclesiæ cathedra dimovere. Id enim si fecisset, non immeritò formidare poterat, ne hujusmodi jussionibus irritati cives ad vicinorum Principum Lutheranorum opem recurrerent, sibi que magnam apud eos invidiam & persecutionem concitarent. Interea præcipua supra dictorum Patrum sollicitudo fuit in excolenda juventute studiosa: quam in scholis humanioribus ita instituerunt, ut unâ cum literis, etiam Catholicæ Religionis veritatem & mores homine Christiano dignos condiscerent. Quin & inter adultos, etiam si paulò tardiùs converterentur, non omnis animarum labor inanis abiit. Nam, cum in primo Patrum adventu Paderbornæ summa paucitas Catholicorum esset; octennali tamen sudore eorundem numerus ita increvit, ut hic annus jam computaverit septingentos & quinquaginta circiter, qui ex antiquo Romanæ Ecclesiæ ritu ad sacræ Eucharistiæ mensam accesserint. Nec minore animarum fructu desudatum fuit in excolendis extra urbem vicinis oppidis. Nam & illuc identidem excurrebant Patres, ut Catholicos in Fide confirmarent, & heterodoxos converterent, & ignorantes instruerent, & æternæ salutis monita oppidanis omnibus instillarent, non sinè maxima Theodori Principis consolatione. Qui & idcirco Patri Oliverio Manaræo, Germanicarum Provinciarum visitatori, cum eidem in arce Neuhusana Paderbornenses Patres & Collegii foundationem hoc anno commendaret, non solum benevolè respondit, *rem eam sibi cum primis cordi fore*; sed etiam Cathedrali Capitulo renuntiari jussit, ut curam Patrum singularem gererent, neque ulla in re paterentur eos penuriâ ferre. Natalem Domi-

favente Theodoro Episcopo, qui hoc anno Natalem Domini celebravit in monasterio Bodekenfi.
Hist. Collegii Paderb.

Domini celebravit idem Celsissimus in Bôdekenſi monaſterio Canonicoꝝ Regularium S. Auguſtini. Ubi loci ejuſdem Prior ſeu Prælatuſ donavit ei Coſmodromiuſ Gobelini Perſonæ, manu vetuſtiſſimâ ibidem vel ab ipſomet auctore, vel ab alio quodam Religioſo, in charta pergamena ſcriptum; uti ipſemet in fine libri iſtius manu propriâ adnotavit hiſce verbis: *Ex cænobio noſtro in Bödicken hic liber à Priore ejuſdem oblatus eſt nobis ibidem in die Nativitatis Chriſti, anno 1588. Theodorus à Fürſtenberg Epicoꝝ.* Autographum hoc vel apographum aliis exemplaribus, à Meibomio vel alio quocunque editis, longè accuratius eſt: ſervatûꝝque adhuc in collegio Patrum Societatis Paderbornæ, cui Theodorus Epicoꝝ hunc librum redonavit anno 1612.

Hic ei donatur Coſmodromiuſ Gobelini perſonæ: quod ille poſtea redonavit collegio Societatis Juſu Paderbornæ. ex inſcriptione libri ejuſdem.

Et haſtenus quidem prædicta Societas nullam aliam ſedem obtinuerat in Weſtphalia, præter eam, quam ante octennium ceperat ad fontes Paderæ. Nunc verò etiam cum ingenti ſubditorum commodo recepta eſt Monaſterii Weſtphalorum, ex liberali fundatione Reverendiſſimi Domini Godefridi de Raêſfeld, Cathedraliſ Eccleſiæ Decani ante biennium defuncti: qui ex amicitia cum Patribus Societatis Paderbornæ contracta (nam & ibi Canonicuſ fuerat) iſdem pro inchoando Monaſterienſi collegio in teſtamento ſuo legaverat ad viginti quatuor Imperialium dalerorum millia. Ea donatio ſeu voluntas ultima, cùm & ab Erneſto Epicoꝝ & à frequenti Canonicoꝝ collegio probata eſſet, erigendo ibidem collegio viam aperuit: primuſque Patrum Societatiſ Monaſterium hoc anno miſſuſ eſt Pater Petruſ Michaël, cognomento *Brillmaecker*, vir egregiè doctuſ, & jam antè variis magnorum Principum legationibus præclare functuſ. Hic unâ cum P. Melchione *Kernthen* venit illuc die viciſimâ quartâ Februarii: ſuſceptuſque à Reverendiſſimo Domino Henrico à Raêſfeld (quem aquæ potorem appellabant) intrâ breve tempuſ religioſâ converſatione, doctriâ, ſuaſivitate, & concionibus, partim in ſacello S. Nicolai, partim in antiquo choro Majoriſ Eccleſiæ ad plebem habitis, Canonicoꝝ Cathedraliuſ animoſ itâ ſibi conciliavit, ut ejuſdem Societatiſ Patribus primò duas Vicarioꝝ ædeſ in eo loco, ubi jam collegiuſ Societatiſ eſt; deinde etiam ſequenti anno Monaſterienſe gymnaſiuſ & ſcholæſticæ juventutiſ inſtitutionem attribuerint.

Primi Patreſ Jeſuitæ, ex fundatiōe Godefridi Raêſfeldii quondam Decani, veniunt Monaſteriuſ Weſtphaliæ; *chron. Monaſt. mſ.*

& ſequenti anno Monaſterienſiſ gymnaſii curam ac inſtitutionē obtinere. *chron. Monaſt. mſ.*

Annus Christi 1589.

SIXTI V. Pontificis 4. & 5.
 RUDOLPHI II. Imperator. 13. & 14.
 THEODORI Episc Paderb. 4. & 5.

Henricus III
 Galliarum Rex,
 plerisque
 urbibus ac
 provinciis
 propter
 Guisiorum
 eandem
 contra se
 conspiran-
 tibus,
*Spond. ad
 hunc annū.
 Haraus in
 ann. Brab.
 Buffier. l.
 21. hist.
 Franc.*



**Ducem de
 Mayenne.*

amicitiam
 & fœdus
 contrahit
 cum Hen-
 rico Rege
 Navarræ:
*Auctores
 iidem.*

& eodem
 anno per
 insidias
 trucidatur,
 moriturq;
 in Fide Ca-
 tholica.
*Auctores
 iidem.*

Uam ingenti periculo se, vitamque suam exposuerit Henricus III. Galliarum Rex, quando Principes Guisios in superioribus Regni comitiis tam atrociter obtruncari fecit; prima statim hujus anni initia declararunt. Nam ex ea cæde protinus Catholicorum plerique suspicati sunt, Regem suum vel non probè Catholicum esse, vel certè Navarræo Regi hæretico magis addictum; quàm fœderi sacro, in iisdem comitiis approbato. Et hæceorum opinio supra modum aucta est, quando non solum concionatores Parisini è sacris pulpitis Regem suum perfidiæ & hæreseos infamârunt; sed etiam academia Parisiensis, cui nomen *Sorbona*, decreto publico divulgavit, populum Gallicanum nullo amplius juramento fidei & obedientiæ Regi suo devinctum esse, posseque tutâ conscientia adversus nefaria ejus & sociorum suorum consilia pro defensione Fidei Catholicæ bellum suscipere. Quare primum Parisienses, deinde Aurelianenses, Tolosates, Lugdunenses, Ambianenses, Arelatenses, & quidquid ferè urbium aut provinciarum erat, uno impetu in Regem insurgunt, imagines ejus deturpant, sigilla Regia confringunt, sacro fœderi certatim se addicunt, ejusque ducem primarium nominant Carolum **Mayennum*, Henrici Guisii occisi fratrem; qui à comitiis Blesensibus tempore fraternæ cædis abfuerat. Consternatus indè Rex, ut in hujusmodi turbis fidelem belli adiutorem sibi adscisceret, amicitiam & fœdus iniit cum hæretico Rege Henrico Navarræo; cum quo & postea conjunctis exercitibus progressus est ad Lutetiam Parisiorum obsidendam. Sed prius, quàm eò perveniret, apud S. Clodoaldi fanum, duabus ferè leucis Parisina ab urbe dissitum, à Jacobo Clemente, monacho Dominicano è terrestri solio in vitam aliam transmissus est. Homo iste simplicioris ingenii, acceptis quibusdam literis, accedebat ad aulam Regis; fingebatque simul, sibi maxima quædam negotia ab aliquibus commissa esse, quæ secretò solum & cum summa taciturnitate in aurem Regis infunderet. Altero mane ad alloquium arcanum ductus, porrigebat Regi literas, de quibus dixerat. Cùmque eas Rex perattentè legeret, ipse interim extractum de manica sua cultrum capulo tenus in ventrem ejus ita intorsit, ut sequenti die, quæ erat 2da mensis Augusti, Rex præmissâ

missâ aliquoties piâ sacramentali confessione religiosè & Catholice è vivis emigraverit, anno suæ ætatis trigésimo nono. Neque poenam omnem evasit parricida; tametsi, ut inquit Buffierius, leviolem tulerit, quàm flagitii admissi gravitas postulâset. Nam in ipso scelere deprehensus, inter ministrorum accurrentium gladios occubuit; & ejusdem cadaver è fenestra projectum, à quatuor equis discerptum, ac demum funestis ignibus consumptum est.

Eodem mense turbulentam animam in aquis exspuit nocentissimus Rheni inferioris & Westphaliæ prædo Martinus Schenckius. Animus huic erat per insidias Neomagum intercipere: eoque sine apud munitionem, in divortio Rheni & Wahalis à se constructam (quæ ab ejus nomine adhuc dicitur *die Schenckenschanz*) diversas naves militibus, armisque plenas congregaverat. Cum his die decimâ Augusti secundo amne defluxit Neomagum, eâdem nocte ex improvîso urbem obruturus. Ac tametsi paulò seriùs illuc adveniret, quàm in animo constitutum fuerat (jam enim incipiebat alterius diei aurora surgere) ausus est nihilominus belli aleam tentare, contractâque portâ Antonianâ usque ad ipsum urbis forum perrumpere. Sed eventu minùs fortunato! Cives enim & præsidarii, campanæ pulsu convocati, eo statim annis virium in Schenckianos proruerunt, ut iidem ter obtento, tæque iterum amissio foro, tandem præcipiti fugâ ex urbe rursus excedere coacti sint, hortanti ad resistendum Schenckio protervè respondentes: *jam sæpe nos in hac urbe ad carnificinam deduxisti! decerta jam solus, pro ut ipse voles: nobis enim nulla urbis potiùsda spes est.* Haræus memorat in illius diei conflictu quingentos & ampliùs è militum Schenckianorum numero periisse: quorum complures à civibus ac præsidariis in recessu & fuga cæsi; alii verò plurimi, dum cæco impetu ad naves suas recurrerent, vel in aquas acti, vel unâ cum suis navibus nimio virorum & armorum pondere submersi sunt. Schenckius ipse, cum in unam istarum navium insiliisset, eâ subsidente vitam in aquis perdidit: atque, ut poenam suis flagitiis dignam acciperet, cadaver ejus amputato capite in quatuor partes dissectum; & è quatuor turribus, ad amnem ædificatis, volente populo, suspensum est.

Magna Truchsesii columna cecidit cadente illo: nec jam aliis ferme è reliquiis Truchsesianorum in vivis erat, quàm Adolphus Comes Nüenarius; cui hic annus pariter vivendi ac tumultuandi finem attulit. Recipiebat hic ad se residuum Schenckii extincti militem: &, quia solvendorum stipendiorum facultas deerat, Schenckiano more ad rapinas ac spolia sese protinus convertibat.

Oppor-

Martinus Schenckius Truchsesii fautor, dum Neomagum per insidias intercipere nititur;

Haræus in ann. brab. Strada dec. 2. l. 10.

magnâ suorum clade repulsus, in aquis mergitur & suffocatur.

Auctores iidem.

Adolphus Nüenariæ & Moræ Comes in Diœcesi Monasteriensi de prædatur

nundinas
Grevonien-
ses:

*Haraus in
ann. brab.
chron Mo-
nast. msf.*

& paulò
pòst, Arn-
hemii ex
incenso
pulvere ni-
trato mori-
tur.

*Haraus ib.
Strada dec.
2. l. 10.*

Carolus
mansfeldi?
Alexandri
Farnesii no-
mine Rhe-
noberckam
obsidet.

*Haraus &
Strada
loc. cit.*

eàmq; sub
initium an-
ni sequen-
tis fame &
inedià do-
mitam, re-
stituit Erne-
sto Colon.

Archiepi-
scopo.

*Haraus in
ann. brab.
adan. 1590
Strada loc.
cit.*

Theodorus
Episcopus
Paderborn.
hoc anno

Opportuna ad hoc agendum occasio videbatur fore in proximis nundinis, quæ die vicesimâ octavâ Augusti celebrandæ erant Grevoniæ in Dioecesi Monasteriensi, loco admodum aperto, & horis tribus Monasteriensi ab urbe diffito. Collectis igitur Schenckianis, adjunctisque simul aliis prædatoribus ex oppido Lochemensi & vicinis quarundam urbium præsidiis, festinato itinere Grevoniam progreditur: ipsòque nundinarum die improvisus in pagum involat, mille equos abducit, mercatorum tabernas exspoliatur, pecunias abripit, resistentes trucidat, ac tandem prædis, rapinisque dives Lochemium revertitur, flagitii commissi pretium cum suis divisurus. Verùm is, qui humanorum actuum supremus inspector est è cælo Deus, criminoso Comiti intrà breve tempus tam iniquæ invasionis mercedem reddidit. Cùm enim haud multò pòst Arnhemii in Geldria majus aliquod pylocлаstrum experiri vellet; ignis fortuito casu in vasa pulveris nitrati decidens, eundem sic adussit, ut intrà viginti quatuor horas, aut paulò ampliùs, die septimâ Octobris miserabili morte consumptus fuerit.

Tum verò Carolus Mansfeldius, bellator egregius, Alexandri Parmensis imperio ad obsidendam Rhenoberckam se accinxit. Hæc enim sola finito Coloniensi bello in Truchsesianorum potestate manserat, non sinè magno Batavorum commodo, & Hispanorum detrimento. Ut autem expeditio ista faciliùs procederet, copias suas admovit primò ad Resam oppidum, ejusque munitiorem à Martino Schenckio recentissimè constructam. Quà intrà quatrimum subactâ, progressus est Rhenoberckam: urbemque istam, licèt asperâ durâque hieme, novis aggeribus & munimentis ità inclusit, ut, nisi Batavi ferro & armis viam aperirent, nihil annonæ ac rerum humano victui necessariarum ad obsessos perducì posset. Resistere quidem diu obstinati civium ac præsidiariorum animi; passique sunt, sua corpora in obsequium Batavorum diuturnis jejuniis contabescere. At ubi tandem extrema fames nimium invalesceret, neque jam ampliùs ab Hollandis ulla com meatûs importandi spes alluceret; post initia sequentis anni, die tricesimâ Januarii, deditionem pacti sunt eâ lege, ut neque pecuniâ plecterentur cives, neque armis exuerentur abituri milites. Quo concessò, Ernestus Archiepiscopus Coloniensis à Carolo Mansfeldio, ejusdemque victore exercitu, in hanc urbem inductus, atque ità demum plenâ totius Dioecesis possessione potitus est.

Inter has bellorum ac mortium vicissitudines Theodorus Episcopus noster, postquam à negotiis, curisque temporalibus quietem aliquam adeptus esset, magnâ animi præparatione se convertit ad

ad accipiendum presbyterium, Ordinemque Episcopalem. Ea de re literas hoc anno perhumanas die 18 Junii Coloniam dedit ad Nuntium Apostolicum, Octavium Episcopum Calatinum; petiitque, istorum Ordinum conferendorum facultatem tribui Domino suffraganeo Coloniensi. Quod cum ab eo facillime impetrasset, haud multo post à prædicto suffraganeo sese expetitis hujusmodi Ordinibus initiari fecit; ac deinde in Bodekeni (ut fertur) monasterio primam Deo hostiam pientissime immolavit. Superfunt adhuc in Episcopali archivo nostro ejusdem Nuntii Apostolici literæ, hac de re ad Principem Theodorum datæ die 25 Junii, præsentis anni; quæ sic incipiunt.

Illustrissime et Reverendissime Princeps, Domine observandissime. Ex literis Illustrissima et Reverendissima Dilectionis vestræ, decimâ octavâ Junii datis, se sacris sacerdotii Ordinibus initiari proposuisse, intellexi. Quod ut illi felix, faustumque sit, Deum optimum maximum precor. Ac ob eam causam ad Dominum suffraganeum Coloniensem scripsi, ut ad illum accedere (quàm primum licebit) ei que sacros sacerdotii Ordines juxta sanctorum Canonum decreta conferre vellet: ac etiam, juxta petitionem Illustrissima ac Reverendissima Dilectionis vestræ, Domino suffraganeo, particulari diplomate, hujusmodi Ordines extra statuta tempora conferendi potestatem impertiri etc.

Clarius hæc omnia Perillustris Dominus Casparus de Fürstenberg Archisatrapa Ducatus Westphaliæ, frater germanus Theodori Episcopi in suo diario his verbis notavit: Anno 1589. 27 Julii Reverendissimus ordinatur in Subdiaconum. 29 in Presbyterum Neuhausii. 30 per suffraganeum Coloniensem Laurentium Fabricium astantibus insulatis Abbatibus in Marienmünster et Abdinghoff; ministrantibus fratre Friderico de Fürstenberg Metropolitana Moguntinensis, Cathedralis Paderbornensis, et aliarum Collegiatarum S. Albani, S. Petri, et S. Victoris tum intra tum extra muros Moguntiae Canonico Capitulari, et seniore Rosero à Westrum Præposito in Melschede; Filiis meis Joanne Godefrido de Fürstenberg Metropolitanarum Ecclesiarum Moguntinensis et Trevirensis Domicellari, et Friderico de Fürstenberg Ecclesiæ Cathedralis Paderbornensis et Ecclesiæ Collegiatae Equestris Ordinis ad S. Burchardum Herbipoli Domicellari Episcopales baculos tenentibus; præsentè Præposito Fritzlarienti Joanne à Wamboldt solenniter Episcopus consecratus.

Ejusdem Theodori Antistitis favor erga Patres Jesuitas, qui Paderbornæ sedem fixerant, nullo satis præconio dilaudari potest. Hos ille diligebat ut indefessos antiquæ Fidei defensores; auditusque est hoc anno, cum in Bacchanalibus erudito studiosorum nostro- rum dramati interfuisset, in frequentissima plurium Nobilium & Aulicorum corona dicere: Catholicam Religionem inter modernorum

tempo-

suscipit sacerdotium, & Ordinem Episcopale. Ex literis Archivi Episcopi. Item ex ms. Liberi Baronis de Fürstenberg.

Favet Patrio- bus Jesuitis Paderbornæ. Hist. Collegii S. J. Paderbornæ.

temporum iniquitates hucusque à Patribus Jesuitis conservatam esse, et adhuc in posterum contra omnes adversariorum impugnaciones conserva-
tum iri. Simili affectu in eisdem Patres ferebantur majoris Eccle-
 siæ Canonici; è quorum numero, die vicesimâ primâ Novembris,
 hoc anno obiit præcipuus Catholicæ Religionis & Jesuitarum Pa-
 derbornensium fautor Henricus à Meschede, Cathedralis Ecclesiæ
 Decanus: idem ille, qui ante septem annos non sinè zelo singu-
 lari dixerat, *precari se, ut, si vivente se contingeret, Jesuitas ex hac*
urbe revocari, dies ista sibi fatalis et suprema foret! Mortem ejus acer-
 bè luxerunt Patres, benefactorem & patronum optimum à se amif-
 sum querulati. Sed eam jacturam anno proximo fructuosè repen-
 savit vicesima quarta dies Januarii; quando in ejus locum electio-
 ne Canonica suffectus est Reverendissimus ac Perillustris Dominus,
 D. Arnoldus ab Horst, vir egregiæ pietatis, nostrisque Patribus
 tam addictus, ut priusquam eligeretur, familiarium suorum ali-
 quibus apertè enuntiaverit: *vacantem hujus Ecclesiæ Decanatum à se*
non nisi in bonum Societatis appeti. Studuerat hic Romæ in collegio
 Germanico, in quo & alii tres cum illo virtute ac literis probissi-
 mè exculi fuerant, nimirum Joachimus à Langen, Theodorus à
 Plettenberg, & Wilhelmus de Ledebur: omnes viri probatissimi,
 quique non solum plebi & civibus; sed etiam Clero ac personis Ec-
 clesiasticis, egregio Religionis, probitatis, continentiae, & virtu-
 tum omnium exemplo prælucebant.

Ceterum hoc anno rursus Jesuitarum Paderbornensium labor
 fructum non magnum habuit in conversione Lutheranorum ci-
 vium. Obsistebant enim indefessis ipsorum conatibus non solum
 injuriosæ declamationes Hermanni Tünneken, Forensis Ecclesiæ
 Pastoris, de quo anno superiore diximus; verum etiam severæ
 prohibitiones ipsorum consulum, qui, ut suos in heterodoxorum
 dogmatum professione retinerent, iisdem ad Catholica templa &
 conciones Jesuiticas accessum omnem interdixerant. Imò con-
 sulum istorum unus, cognomento *Bote*, singulari Catholicæ Re-
 ligionis odio frequentabat assiduè conciones & catechismos no-
 strorum Patrum: non ut ex iis antiquæ Fidei synceritatem ac ve-
 ritatem disceret; sed ut eos, qui ad sacras hujusmodi institutio-
 nes pedem adducerent, suis met oculis observaret, & acerbis exa-
 gitationibus coram urbeno senatu reprehenderet. Ità Patrum bo-
 norum sedulitatem ac patientiam Deus aliquantulum exercere vo-
 luit, donec ipso adjuvante copiosior animarum messis exsurge-
 ret; uti postea sub eodem Episcopo Theodoro felicissimè conti-
 git.

AN-

Annus Christi 1590.

SIXTI V. Pontificis 5. & 6.

URBANI VII. & GREGORII XIV. 1.

RUDOLPHI II. Imperator. 14. & 15.

THEODORI Episc Paderb. 5. & 6.



Sixtus V. Pontifici, die vicesimâ septimâ Augusti è vi-
vis evocato, post breve interregnum successit Ur-
banus VII, dictus antea Joannes Baptista Casta-
nea, electus die decimâ quintâ Septembris, & Ec-
clesiæ Romanæ magis ostensus, quàm concessus.
Nam alterâ statim die post electionem suâ in morbum fatalem in-
cidit; nec multò post, nimirum die vicesimâ septimâ ejusdem men-
sis, pientissimè decessit: magnas Deo gratias agens, quòd in tam
gravi ac periculoso munere adhuc nihil agere permissus fuerit, de
quo posset vel deberet apud severum ipsius tribunal rationem red-
dere. Ab eo tempore vacavit sedes usque ad Nonas Decembris:
quo die tandem electus, ac triduo post in festo immaculatæ Con-
ceptionis B.M. V. coronatus est Gregorius XIV, dictus antea Ni-
colaus de Sfondratis, patriâ Mediolanensis, & S. Caroli Borromæi
conterranei sui magnus imitator.

Sixtus V.
Papa mori-
tur. Succes-
dit Urban⁹
VII; & huic
propediem
decedenti
Gregorius
XIV.

Spond. hic
n. 18. &
sequens.

In Gallia post necem Henrici III, Valesia de stirpe Regis ultimi,
fervebant omnia plena turbis ac tumultibus. Pars enim è Princi-
pibus Regni declaraverant se pro Henrico Borbonio Navarrorum
Rege, licet erroribus Calvinianis dedito: putabantque sibi & Re-
gno satis cautum esse de Religione, quòd juratus promiserit, se
Catholicæ Religionis firmitati nihil ampliùs obstiturum; neque,
ut in ea quidquam innovetur, acturum aut permissurum esse. Alii
verò potissimâ ex parte declaraverant se pro Carolo Borbonio Car-
dinali, ejusdem Regis Henrici patruo, qui in comitiis Blesensibus
à defuncto Rege in custodiam abductus fuerat: atque, ut illum è
captivitate sua ad Regale solium pertraherent, constantissimè in-
hærebant foederi sacro; cui etiam Philippus Hispaniæ Rex, pro
depellendo Catholicæ Religionis periculo, opem & operam suam
addixerat. Parabatur bellum ab utraque parte magnis animis:
ducemque sacri foederis pergebat agere Carolus de Mayenne, Gui-
siorum occisorum frater: cui Alexander Farnesius exeunte Februa-
rio suppetias misit, Philippum Egmondia Comitem, cum equiti-
bus mille ducentis, totidemque peditibus. Commissa deinde pu-
gna est pridie Idus Martii; & Navarraeus tandem, cum eventus
prælii diu pependisset, à Mayennio victoriam non parvam retulit:

Galli dis-
cordant in
designando
novo Rege,
aliis Henri-
cum Bor-
boniū
Regem Na-
varræ; aliis
Carolū
Borboniū
ejus patru-
um delig-
nantibus.

Spond. ad
ann. 1589.

n. 18. 19.

& 24.

Henricus
Navarrus
contra
Mayenniū
felicitè
pugnat.

Haras in
ann. Brab.

Spond. ad
hunc annū.

Z z z

quan-

ac deinde
Parisiis
obsidet.

*Haræus ib.
Spond. n. 11*

Carolus
Borbónius
moritur.
Spond. n. 10
Et tamen
Parisienses
adhuc mor-
dicus per-
stant in vo-
luntate non
admittendi
Regem aliū
quā Ca-
tholicum.

*Spond. hic
n. 9.*

*Haræus in
ann. brabant.*

Fortissime
tolerant
horrendam
fameam :
*Auctores
iidem.*

quanquam (ut ex Haræo colligimus) longè minorem, ac Regum Borbonicorum assentatores prædicant. Philippus Egmondus, & Henricus Brunsvicensis nothus, in prælio cecidèrunt : Mayennius cum exercitu reliquo Parisios, indeque Svectionem discessit : Navarræus, occupatis quibusdam urbibus, & reparato militum suorum robore, demum appetente Majore castra movit ad Parisiorum confinia, urbem istam, populumque grandem fame aut armis ad obsequium suum coacturus.

At Parisini à præterita foederatorum suorum clade jam diu primum terrorem vicerant. Ac tametsi haud multò post infelici nuntio comperirent, etiam designatum à se Regem Carolum Borbonium septimo Idus Maji in custodia sua obuisse; inde tamen animis nihilo fractiores, novo iterum juramento se obstrinxerunt ad moriendum pro defensione Fidei Catholicæ, nec admittendum Regem alium, quàm Catholicum. Eadem erat mens Religiosorum penè omnium in tota urbe : atque ut apertius id profiterentur, commovendæ plebis causâ adornabant supplicationem publicam, animo quidem serio ab ipsis institutam; re ipsâ tamen planè ridiculam, & fortè nunquam aliâ in orbe Christiano visam. Præibat Sylvanectensis Episcopus Guilielmus Rosa, unâ manu crucem, & alterâ hastam portans. Hunc deinde sequebantur ordinis Capucini, Franciscani, Minimi, Dominicani, Carthusienses, Carmelitæ, & alii plures, maxime verò ii, qui corrogabant stipem è publico : omnes instructi gladiis, bipennibus, galeis, thoracibus ferreis, aut alio veterum armorum genere, religiosis vestibus superinjectis, simulque sacris cantionibus Deum obsecrantes, ut oppressæ urbi auxilium ferret. Unum verò in tanta animorum alacritate non solum illis, sed etiam omnibus obsessis deerat : videlicet ea frumentorum & annonæ copia, quæ urbi vastissimæ in diuturniora tempora posset sufficere. Quapropter appetente jam tertio obsidionis mense, cum omnes ad comitatum inferendum viæ ab inimicis præclusæ essent, subintravit urbem tristissima fames : eaq; processu temporis irâ invaluit, ut exeunte mense Julio tenuioris fortunæ homines concursu facto aut pacem aut panem sibi dari poscerent. Miserati eas pauperum querelas duo Archiepiscopi, Parisiensis & Lugdunensis, die sextâ Augusti ad Regem eunt; propositâque civium afflictissimorum necessitate, eundem enixissimè rogant, ut Catholicam Religionem suscipere non dedignetur : id enim unicum levandæ hujus calamitatis remedium esse; & hoc adhibito, Regem protinus ab urbe tota ambobus brachiis receptum iri. At ille contra arroganti supercilio : *nolo*, inquebat, *moveri mihi questionem de fide. Religionem, cui me addixi, regnandi causâ non*

muta-

mutabo: nec ullatenus equum est, ut subditi suis Regibus legem præscri-
bant. Hæc autem paulò superbiùs respondebat Navarræus, tum actandem à diuturna obsidione liberantur per Alexandrum Farnesii, cum selectis Hispanorum copiis venientem à Belgio. quòd in urbe hac jam ultra decies mille homines extremâ fame con-
sumptos esse nôsset; tum quòd eidem urbi nullum ab Hispanis Spond. n. 13 auxilium è seditioso, turbatòque Belgio adfuturum crederet. Qua Hareus loc. cit. tamen in re mirùm quantùm deceptus est. Nam Alexander Far-
nesius eodem illo tempore jam totus erat in colligendo, adducen-
dòque exercitu: nec multò pòst cum octodecim millibus tam in-
observato itinere contra Navarrum proficiscitur, ut priùs, quàm
huic aliquid de adventu ejus innotesceret, jam in corde Galliarum
staret apud Meldas, urbem Galliæ, decem ferè horis ab urbe Pari-
sina dissitam. Ibi cum exercitu Mayennii se conjungens, die vi-
cesimâ octavâ Augusti rectâ processit in obsidentes, eosque inopi-
nâ sui adventûs famâ sic perterrituit, ut, obsidionem diuturnam re-
pentè solverint; & exercitum suum, ne inter urbem & Hispanos
appropinquantes, veluti inter malleum & incudem staret, in se-
curiorem locum revocaverint. Subinde magna com meatûs & an-
nonæ copia in urbem invecta, semineces incolæ necessariis vitæ
subsidiis recreati, pientissimæ gratiarum actiones in templo B. MA-
RIÆ Virginis Deo persolutæ; & Farnesius (posteaquam adhuc
unam alterâve urbem in ipso Regis conspectu expugnâssent) re-
bus à se feliciter confectis, mense Novembri victricibus laureis co-
ronatus in Belgium se recepit.

Interea Batavi sub his Galliæ turbatæ motibus fortunam suam Hollandi per strata-
gema occupa-
bant Bredâ,
urbem Bra-
bantix; in Belgio non parùm promoverunt. Et in primis quidem Breda, Hareus in
ann. brabant. urbs munitissima, ineunte Martio ab iisdem intercepta est egregio
maleficio alicujus nautæ, qui solebat illuc advehere cespites, de-
ficientium lignorum loco nutriendis ignibus peridoneos. Rece-
perat hic in suam navem septuaginta milites lectissimos, à Mauri-
tio Principe Arausicano missos; eosque in inferiore navis carina
super impositis cespitibus ità obtexerat, ut etiam ab Argo ocula-
tissimo deprehendi non faciliè possent. Cum his deinde quinto No-
nas Martii, sole jam occidente, ad arcem Bredanam pro more suo
adnavigat: &, quia milites præsidarii rigente brumâ cespitibus
indigebant, in eam faciliè admittitur. Mox etiam homo subdo-
lus inter ingruentes tenebras partem aliquam allatorum cespitum
expromit, nempe quantum præsidariis eâ nocte ad alendos ignes
necessarium fuit: ceteram verò partem, inquit, primo diluculo
sequentis diei commodiùs expromi posse. Aberat eo tempore gu-
bernator: & incautus miles homini fraudulento adhibebat fidem;
sed ingenti suo & urbis totius malo. Nam eâdem nocte latentes
insidiæ tacitissimo gressu prorumpunt è navi, vigilias arcis truci-
dant,

ac deinde
etiam alia
quædam
oppida ac
munitiones
intercipi-
unt, absen-
te Farnesio
iterum in
Gallias
misso.
*Harans ad
hunc ann.*

dant, reliquos præfidiarios alto sopore merfos in cubilibus oppri-
munt; Mauritium Arausicanum, qui cum amplioribus militum
suorum copiis propinquo in loco exspectabat, signo dato in arcem
à se captam evocant; indeque simul in urbem ipsam uno impetu
profusi, eandem pariter cæsis, fugatisque custodibus in suam po-
testatem adigunt. Ægerrimè res illa habuit Alexandrum Farne-
sium: ac fortè potuisset eam jacturam per decursum hujus anni re-
sarcire; cùm haberet militem, & bello promptum, & ad omnia
Martis ausa impavidum. Sed quia à Philippo Hispanorum Rege
jussus erat, urbium Belgicarum pericula Parisiorum opitulationi
ac liberationi posthabere; altiori demum imperio parendum fuit,
non sinè maximo Batavorum commodo. Qui interea, dum Far-
nesius cum florentissimo exercitu suo rem alienam in Galliis age-
ret, Catholicis provinciis plurimùm nocumenti intulère; occu-
patis quibusdam castellis ac munitionibus minoribus, usui suo in
posteriora tempora multùm profuturis.

Theodorus
Ep. Paderb.
hoc anno
cœpit ædi-
ficare arcē
Neuhusanā,
haud pro-
cul Pader-
bornā.
*Klockner.
in hist. Pa-
derb.*

In Westphalia per hunc annum (si ultimos anni dies exceperis)
florebat alta pax, & omnium hostilitatum quies. Hac invitatus
Theodorus Princeps & Episcopus noster adjecit animos ad ampli-
ficandam arcem Neuhusanam, eamque novis operibus ita perfici-
endam, ut in posterum Domus ista sedem Episcopo dignam ex-
hiberet. Qua de re priusquam uberius agam, juvat hîc paululum
subsistere in eruderanda hujus arcis antiquitate hucusque prorsus
incognita. Neuhusium, germanicè *Neuhaus*, westphalicè autem
Nienhuse, in vetustis archivorum nostrorum literis appellatur *No-
va-domus*. Primamque ejus mentionem invenio in vita B. Mein-
werci *Episcopi; ubi de Athela ipsius matre sic legitur: *ad filium
suum Episcopum in Patherbrunnon venit; et oblati ei bonis, ad tempora-
lis vite subsidia sibi delegatis, NB. Novam Domum cum attinentiis ejus,
quàm diu viveret, sibi ab eo concedi petiit.* Quæ cùm acciderint cir-
ca annum 1013, & ante secundas Athelæ prædictæ nuptias cum Bal-
drico Comite; manifestum est, Neuhusanam arcem jam floruisse
ante finem seculi decimi, & fortè adhuc multò antèrius. Alteram
ejus mentionem faciunt Gaukirchenfis *monasterii literæ de anno
millesimo ducentesimo quadragesimo quinto: in quibus Priorissa
& Conventus Parthenonis Gerdenfis *Mabilia Abbatisse et Conventui
grisei Ordinis ad S. Olricum in Paderburne vendiderunt bona sua in Burch,
cum pertinentiis suis, sita NB. prope Novam Domum Domini Paderbur-
nensis Episcopi.* Tertiam ejus mentionem affert Gobelinus in Cos-
modromio ætate 6. c. 66. Ubi è veteribus manuscriptis memorat,
Ottoni de Ritberg, quondam Episcopo nostro, post annum 1281
fuisse multa bella cum civibus Paderbornensibus; intèrque eas bel-
lorum

*apud Ha-
giographos
Antwerp.
10.1. Ss. Ju-
nii c. 9.
Neuhusii
antiquitas,
ex veterib;
scriptis de-
clarata.
*monaste-
rium intra
Paderbor-
nam, olim
Ordinis Ci-
sterciensis,
nunc au-
tem Bene-
dictini.

lorum turbas *Castrum novum*, sive *Neuhusium*, à civibus exustum ac devastatum esse. Ex his quidem ruinis *Nova Domus* vel *Neuhusia* restaurata est ab eodem Ottone & aliis successoribus: sed opere minùs firmo ac tali, cujus hodie nullum ampliùs vestigium superest. Moderni verò castri primus inceptor fuit Henricus de Spiegel, ex Corbejensi Abbate creatus Episcopus: qui, cùm ad insulam Paderbornensem pervenisset anno 1361; haud multò post *Neuhusii** condidit novum ædificium è solido lapide, nunc adhuc in *monu-
menta Pa-
derbor-
nensia Fer-
dinandi
Fürsten-
bergii.* arcis ala australi situm, ceterisque ædificiis aliquantulùm supereminens. Huic deinde moderno seculo Ericus Episcopus adjecit alam orientalem, quæ Paderbornam respicit; & aliam partem alæ australis, quam ejusdem successor Hermannus de Wieda usque ad ædificium Spiegelianum continuâsse aut perfecisse legitur. Tandem verò Theodorus Episcopus, cùm ad splendorem hujus arcis adhuc alias duas alas, occidentalem scilicet ac septentrionalem, deesse conspiceret; ingenti sumptu & magnificentiâ opus istud per hunc annum aggressus est. Videbatur statim cælum ipsum præcellis hujusmodi conatibus favere & applaudere. Cùm enim ob humiditatem soli non parva difficultas appareret in fodiendis, locandisque fundamentis; repenti molestiam hanc mitigavit æstas calidissima: cujus beneficio non solum fundamenta faciliori negotio jacta; sed etiam reliquæ superstructiones maximopere promotæ sunt. Continuatus deinde labor anno sequente: neque postea ullis impensis parcitum, donec arx nobilissima in eam, quâ modò fulget, amplitudinem exædificata, fossis ac turribus communita, præstantissimis conclavibus, & hortis condecorata est. *Arcis Neu-
husianæ, à
Theodoro
conditæ,
splendor &
elegantia.* Lubet hîc adjicere castri illius laudes ex eleganti poemate Patris Frederici Rôrich S. J. poetæ & oratoris disertissimi:

*Quid memorem celsis spectandas turribus arces,
Ac tantum Domino tecta minora suo?
Ornamenta olim pacis, munimina belli,
Sumptibus ad cælum surgere jussa tuis?
Hinc NOVA, deterso veteris squalore senecta,
Jamque suo demum nomine digna DOMUS,
Regalem tectis immanibus explicat aulam,
Laxaque formosis atria porticibus:
Quas circum, virides ventis crispantibus undas,
Plaudit lascivis squamea turba choris.
Flora favet, favet attignis Pomona viretis;
Certatimque suas utraque promit opes:
Utraque certatim vernantes divitat hortos,
Floribus illa suis, fructibus ista suis.*

Cete-

Prædones
Hollandici,
duçore
Comite
Oberstei-
nio, die fe-
sta Nativi-
tatis Domi-
nicæ, in
Diœcesin
Monasteri-
ensem in-
volant:

*Haraus in
ann. brab.*

Eâque mi-
sere direptâ
& spoliatâ,
*Haraus ad
hunc annu.*

procedunt
etiam in
Diœcesin
Paderbor-
nensem.

Haraus ib.

*Klockner
in hist. Pa-
derb.*

Ubi post-
quam toto
biduo sæ-
dissimè
grassati es-
sent;

*Klockner
in hist. Pa-
derb. ms.
ad hunc
annum.*

Ceterum initia hujus ædificii admodum periculosa fuerunt ipsimet Episcopo & ejus Episcopatu. Nam eodem hoc anno, quo novum illud opus inchoatum est (cùm putarentur omnia nobis tranquilla & pacata fore) Joannes Philippus Comes Falckensteinius & Obersteinius exeunte Decembri cum prædatricibus Hollandorum copiis in Westphaliâ irruit: ipsoque die Nativitatis Dominicæ, quæ omnibus verè Christianis fuit semper sacratissima, ausus est primum in pagos, urbi Monasteriensi proximos, repentino impetu se infundere, omnes in templis repertos immisis raptoribus exspoliare, sacram supellectilem auferre, sacramenta pedibus conculcare, virginibus & matronis vim inferre, aliâque plurima nefanda agere, quæ eidem & suis commilitonibus dictitabat animus, libertate hæreticâ depravatus. Similia sequenti die Telgeti ac Wolbecæ; & rursus postridie Warendorpii, Ewerswinckelæ, aliisque in locis vicinis perpetrârunt, multis etiam captivis unâ secum abreptis. Indè porro in Hausewinckel & Marienfeld progressi, quaquaversum tristissima suæ rapacitatis ac truculentia Calvinianæ vestigia reliquere. Et quidem in pago Hausewinckel, præter alia complura scelera, etiam fontem sacrum seu baptismalem foedissimè conspurcârunt: Marienfeldiæ verò (ubi insigne monasterium sacri Ordinis Cisterciensis est) non solum in sacramenta & religiosas Divorum imagines; verum etiam in ipsosmet monachos, tametsi innocuos & culpæ nullius reos, immani furore debacchati sunt. Hinc spoliis opimis hilares, & nondum saturi, in Episcopatum nostrum Paderbornensem involant: ac die trigesimâ Decembris, in Dominica, tam improvise Delbrugiam ingrediuntur, ut prius illic pedem infortunatum fixerint, quàm rumor aliquis de eorum adventu percrebesceret.

Consternatus eo nuntio Theodorus Episcopus repente fugit Neuhausio; recepitque se in alia tutiora loca, ubi ab hoste vicino magis custoditus esset. Arx enim Neuhausiana propter inchoatam hoc anno fabricam jacebat ex omni parte patula: & ipsamet urbs Paderborna tanto in angore ac tremore versabatur, ut, si illuc venissent Batavi, fortè cives heterodoxi diductis, laxatisque portis eosdem fuissent excepturi; præsertim cùm insuetum istud Harpyjarum genus nondum penitus & ex ungue nôssent. At, quia hæc amborum locorum habitudo Batavicis harpagonibus ignota erat, sequenti die (quæ erat ultima Decembris) post expilatam Delbrugiam processerunt in Anreppen, Scharmede, Bentfeld, Elsen: indeque (relictâ à sinistris Neuhausiâ ac Paderbornâ) in Wewer, Obere-Türpke, Niederen-Türpke, Haren, Brencken, & Bôdeken. Quas autem insolentias in hisce pagis exercuerint; facilius est cogita-

gitare, quàm verbo & scriptis exprimere. Nam ut omittam ea, quæ magis vulgaria sunt; in pago Wewer viro Nobili Domino Arnolfo à Brencken plurimum damni intulere in diripiendis veteribus literis, vasis argenteis, aliisque cimeliis pretiosis. In Bôdenken, ubi insigne monasterium Canonorum Regularium S. Augustini est, præter ablatos Ecclesiæ thesauros rapuerunt simul ac disperdiderunt annonam omnem & frumenta, in annum proximum reposita. In Oberen-Türpke, & universim in locis omnibus ita percursis, equos optimos in prædam abduxere, multa ædificia injectis ignibus exussere, plebem rusticanam barbarum in modum affligere, puellas ac mulieres per summam libidinem violenter oppressere; & (quia in prædatoriis hujusmodi cohortibus non pauci erant natione Angli) nullum penè flagitium tam atrox & immane fuit, quod Anglicanâ licentiâ non auderent.

Annus Christi 1591.

GREGORII XIV. Pontificis	1.
INNOCENTII IX. Pontificis	1.
RUDOLPHI II. Imperat.	15. & 16.
THEODORI Episc. Paderb.	6. & 7.



Alendis Januarii prædones Hollandici, de quibus modò loqui coeperam, cum Obersteinio ductore suo retraxerunt se ex Dioecesi nostra in Angariam seu Ducatum Westphaliæ; spoliatisque pagis obviis perrexerunt Gesekam, Dioecesis Colonien-
Retraxes-
runt se ad
urbem Ges-
sekam in
Ducatu
Westpha-
liæ:

urbem eo tempore non ignobilem, satisque præmunitam. Ibi vero, cum è portis excludi facillimè potuissent, haud ægre tamen in urbem admissi sunt adminiculo multorum civium Calvinisticorum, & adhuc faventium Truchsesio, quondam Antistiti suo; cujus nomine prædatoriam hanc invasionem institutam & adornatam esse, testatur * Metrius. At brevi didicere iidem cives, quos
Klockner
ibidem ad
ann. 1591.

amicos & mutatæ Religionis consortes habeant. Etenim ingrati-
* Metrius
ap. Harau
in anal.
Brab. ad
ann. 1590.
quæ ab iis
truculen-
tissimè ha-
bita, peni-
tiusque dis-
repta est.
Klockn ad
ann. 1591.

tantum spoliis auferendorum causâ in Westphaliâ advenisse. Gelenius à Meriano citatus asserit, in hac irruptione tumbam au-

ream

ream, quæ S. Cyriaci ejusdem urbis patroni ossa includebat, ab Obersteinio sublatam esse. Neque tamen id satis fuit inexplibili istarum belluarum rapacitati. Nam, ut miseris hominibus pecunias omnes usque ad extremum obolum extorquerent, alios diris funibus velut in equuleo distendebant, alios vestibis detractis nudos ustulandi causâ ad ignitas ædium suarum fornaces apprimebant, alios verubus alligatos ad focum domesticum lento igne torrebant, alios alio cruciatuum genere tam diu excarnificabant, usque dum ab iis omne aurum, argentumque extunderent. Præterea violatæ in aspectu maritorum conjuges, defloratæ in oculis parentum virgines, discerpta secularium Canonicarum Gesekenium privilegia, laceratæ veteres urbis & Capituli tabulæ, profanata templa, pessundata altaria; &, ut homines fide digni retulere, ipse fons baptismalis in Ecclesia S. Petri (sit verbo venia) humano stercore deturpatus.

Dioecesis
Paderbor-
nensis novâ
eorum in-
cursionem
redimunt
undecim
millibus
imperialiū.
Klockn. ib.
Hareus ad
annū 1590.
Ducatus
Westpha-
liæ octode-
cim milli-
bus.
auct. iidem

Indè verò,
percurrà
iterū Dio-
cesis Mona-
steriensis &
Osnabru-
gensis rede-
unt in Gel-
driam:
Chytra^o ad
annū 1590.
Hareus ad
eund. ann.
chron. Mo-
nast. ms.

Eadem comminati sunt non solum reliquo Ducatui Westphaliæ; sed etiam vicino Episcopatu nostro Paderbornensi, cui de novo ex urbe Geseka per ferales literas denuntiârunt, nisi ulteriorem vexationem & evastationem pecuniis redimat, propediem se redituros, longèque tristius per totam Dioecesin grassaturos, quàm in primo transcurso fecerint. Neque dubium est, quin ejusmodi minas diabolico furore suo fuissent executuri, nisi Ordines Dioecesani (quos vulgò nominant *Status Patriæ*) per selectos viros cum iisdem transegissent in urbe Geseka, de numerandis unâ vice undecim millibus dalerorum Imperialium. Quibus acceptis (cùm & Ducatus Westphaliæ Proceres adhuc alia octodecim millia ad redimendam provinciæ totius populationem addidissent) funestissimi hospites illi tandem adulto mense Januario discedunt Gesekâ; repetuntque Dioecesin Monasteriensem, unde venerant, eandem amplius, quàm paulò antè, vexaturi. Id autem ut faciliori negotio ab iisdem fieret, statim in adventu suo occupant Wolbekam oppidum, & castrum Schönefliet: simulque in ambobus locis tam diu se præmuniunt ad agendas ubique prædas & spolia, donec istius etiam Dioecesis Ordines magno ære deprompto sanguinariis militis abcessum emerent. Neque mitior fortuna fuit propinqui Episcopatus Osnabrugensis; ad quem accipitres isti post emunctos Monasteriensium subditorum loculos devolârunt. Nam & ibi præter alia nefanda plurima, quæ in aliis Episcopatibus Obersteinii Comitibus imperio fecerant, quarto Idus Maji Osedense monasterium virginum unâ cum Ecclesia & sacrario funditus exhaustere: dubiumque non est, quin & cetera monasteria eodem infortunio pressa fuerint, nisi oblati pecuniis funestam hanc direptionem à se averterint.

terint. At brevi didicit prædonum istorum ductor Obersteinus, quàm verè dictum sit à veteribus: *Dii lanceos habent pedes, at ferreas manus.* Cùm enim, exeunte Majo, adjuvandæ Zutphanienſis obſidionis cauſâ rediſſet ad Hollandos; in primo ad hanc urbem adventu ſtatim globo tormentario percuſſus obiit, priuſquam ſpouſiorum ſuorum dulcedinem penitiùs deguſtâſſet. *Stulte! ſic repetunt animam tuam à te: et, quæ parâſti, cuius erunt?*

Ceterùm hoc anno Batavi, duce Mauritio Arauſicano, fortunam ſibi maximè faventem experti ſunt in bello contra Hiſpanos geſto. Nam præter Zutphaniam, die vicesimâ octavâ Maji ab Hiſpanis deditam, occupârunt inſuper Daventriam in Transſalania, Hulſtum in Flandria, & Neomagum in Geldria: urbes omni ex parte præclariffimas, & ad promovendum belli curſum loco admodum opportuno ſitas. Mirabantur quidem plures Catholici, quid cauſæ eſſet, quòd Alexander Farnexius iſta permetteret; neque plùs induſtriæ præ ſe ferret in conſervandis, liberandisque prædictis urbibus? At huic fortiffimo Principi id temporis non ſolùm belli nervus deerat; ſed etiam rerum proſpere gerendarum animus: cùm & pecunias pro conſcribendis, alendisque militibus non acciperet ex Hiſpania; & breves copias, quas habebat, juberetur iterum in expeditionem Gallicam reſervare. Qua ex re, & ſimul ex evidenti periculo amittendi urbes à ſe hætenus tanto cum labore & ſudore partas, in eam corporis animique ægritudinem incidit; ut menſe Auguſto curandæ valetudinis cauſâ ad Spadanum fontem proficiſci, atque iſtic medicinalibus undis atram bilem expurgare coactus fuerit. Indè viribus aliquantulùm reſtauratis in Belgium rediit, militem collegit, exercitum recensuit, ac tandem, uti juſſus erat, lentis itineribus in Galliam traduxit, foederatis Catholicis contra infeſtas hæretici Regis machinationes auxilium præſtiturus. Id autem quàm bellè ac feliciter ab hoc bellatore invictiffimo effectum fuerit, ſequenti anno declarabitur.

Interea Dioceſis Oſnabrugeniſis eodem ipſo tempore, quo Comes Oberſteinus Weſtphaliâ divexabat, in mœrorem & luctum præcipitata erat ex inopina morte Epifcopi ſui Bernardi Comitſ de Waldeck; quem abſoluto quinquennali regimine, undecima dies Martii è vivis abſtulit. Profeſſionem Fidei Catholicæ, quam initio ſui Pontificatûs ex præſcripto concilii Tridentini edidit, jam ſuprà vidimus ad annum 1585: atque idcirco etiam à Sede Apoſtolica legitimè confirmatus erat; uti docent Oſnabrugeniſes literæ de anno 1590, in quibus apertiffimè nominatur *Poſtulatſ et Confirmatſ Eccleſiæ Oſnabrugeniſis*. Vacantem ipſius cathedram affectabant **ex mſs.* è Principibus Lutheranis, Joannes Adolphus Holſatiæ Dux, Ar-

Ubi Comes Oberſtein⁹ ipſorum ductor, poſt paucos dies globo tormentario percuſſus obiit ante Zutphaniam.

Haraus ad ann. 1591. Hollandi Zutphaniam, Daventriam, Hulſtam, & Neomagum, Hiſpanis eripiunt: ſed ſine culpa Alexandri Farnexii, qui & æger erat & militem ſuum reſervare jubebatur in expeditionem Gallicam.

Haraus in ann. brabant.

Moritur Bernardus de Waldeck Epifcopus Oſnabrugeniſis, princeps Catholicus. *Chytraus & mſs. Oſnabr.*

**ex mſs. Oſnabr.*

In cujus lo-
cum postu-
latur Lu-
theranus,
Philippus
Sigismundus
Dux Brunsvi-
censis;

qui Capi-
tulo spem
inanem fe-
cerat suæ
conversio-
nis, & secu-
turæ con-
firmationis
Pontificiæ,

Eidem gu-
bernatio
Diocesis
traditur,
non adeptâ
confirma-
tione.

Ex Rever-
sali (ut
ajunt) Phi-
lippi Sigis-
mundi:
quod habe-
tur in Os-
nabrugensi
archivo.

Warburgi
in Episco-
patu Pader-
bornensi ad

chiepiscopus Bremensis; & Philippus Sigismundus Dux Brunsvi-
censis, Verdensi cathedræ jam antè impositus: è Catholicis verò
Theodorus Fürstenbergius Episcopus Paderbornensis, & Antonius
Comes de Schawenburg Episcopus Mindensis; quibus etiam fa-
vebat mandatum Rudolphi Imperatoris de non surrogando alio,
quàm viro probè Catholico. Subinde quatuor è Majoris Ecclesiæ
Canonicis adhærebant firmiter præcepto Cæsaris; ideoque palàm
protestati sunt, se nunquam esse consensuros in postulationem
Principis heterodoxi. Alii verò, etiam Catholici, potiora vota
conferebant in Philippum Sigismundum, de quo suprâ diximus;
putabantque, se facti illius innocentiam Papæ & Cæsari probatu-
ros ex hujusmodi causis: nimirum, *quòd afflictis hisce temporibus con-
tra Hispanos et Batavos, per Westphaliâ grassari solitos, indigerent po-
tenti Principe, qui Osnabrugensem Diocesim à prædonum istorum incur-
sionibus tueri possit: quòd ejusmodi Principem ad regendam Ecclesiâ suâ
postulaverint, qui re verâ sit optima indolis, nec à Fide et Religione Catho-
lica multùm aversus; imò qui et ejus amplectenda spem sibi non parvâ
fecerit: postremò, quòd principali fide sibi ab eodem Postulato promissum
fuerit, se in moderno Religionis Catholice statu nihil penitus novaturum;
neque prius ad Osnabrugensis Ecclesiæ gubernationem accessurum esse,
quàm à summo Pontifice legitimas suæ confirmationis tabulas exhibuerit.*
Atque utinam huic ultimæ conditioni, quæ Recessui postulationis
disertè ac nominatim inserta erat, constanter inhæsum foret! sed
contrarium accidit, non sinè postulantium culpa & mutabilitate.
Hi enim, cùm post aliquot menses animadverterent, confirma-
tionem Postulati in Romana curia multis difficultatibus intricari;
avertendorum (ut inquebant) graviorum periculorum causâ, Dioc-
cesanam administrationem ei tradidère. Ac, ne idcirco ullam Cæ-
saris aut summi Pontificis offensam incurrere posse viderentur, non
modò solenni ritu protestati sunt, se per hujusmodi facinus pote-
stati Cæsaris ac Pontificis nihil penitus derogatum velle; sed etiam
à Postulato novam sponsonem recepère de abdicando protinus
Episcopatu, si Romana Sedes postulationem de se factam rejiceret.
Utì constat ex ejusdem Postulati literis, quarum finis est. *Datum
et actum in arce nostra Diepenaviensi, anno post nativitatem Christi Do-
mini et Salvatoris nostri millesimo quingentesimo nonagesimo primo, die
22 mensis Augusti. Philippus Sigismundus Dei gratiâ postulatus Episco-
pus Osnabrugensis et Verdensis etc.* Quid autem hinc postea conse-
cutum fuerit, per decursum anni explicabitur.

Feliciore passu res Catholica procedebat in Episcopatu nostro
sub Theodoro Antistite; qui hoc anno ferè totam urbem Warbur-
gensis ad Romana sacra redeuntem vidit, auspicio & operâ Do-
mini

mini-Herboldi à Geismar, viri Nobilis, & urbis ejusdem consulis laudatissimi. Is, cùm ex erroribus Lutheranis Paderbornensium Jesuitarum adminiculo se extricasset, nequaquam satis habuit salutem propriam in tuto collocasse; verùm etiam singulari studio ac solitudine connexus est, cives alios Lutherò, Calvinòque deductos in eandem salutis viam revocare. Id autem ut expeditius & quasi gradatim obtineret, à rebus facilioribus initium duxit: primumque studuit; ludimagistrum Calvinianum propter querelas varias ab officio deicere; & virum alium syncerè Catholicum, qui in scholis nostris præclarissimè excultus erat, in ejus locum surrogare. Quod cùm ei prospere cecidisset; confestim apparuit, quantum intersit inter ludimagistrum Catholicum & heterodoxum. Adolescentes enim studiosi, qui priùs dyscoli & ab omni pietatis cultu alieni fuerant, evolutò trimestri spatio repentè visi sunt mores planè alios induere, pietatem colere, signo crucis frontem ornare, catechismos hæreticos abjicere, singularem in templis reverentiam exhibere: verbo talem in suis actibus modestiam ac verecundiam præ se ferre, ut Lutheranus ludimagister secundarius (quem vulgò *Correctorem* appellabant) visâ morum disparitate, suum quoque magisterium sponte abdicarit; alterique itidem Catholico, & in scholis nostris instituto, locum dederit. Reformatis hoc modo ludis literariis, adhuc magis creverunt Herboldo animi; novòque Fidei Romanæ zelo pientissimè in id incubuit, ut & primarium urbis Pastorem ejiceret, hominem apostatam, & è Catholico sacerdote Calvinistam pessimum. Neque ad hoc opuserat magno molimine. Cùm enim hic apostata simul in scortationibus, actibusque lenoniis assiduè se volutaret, Herboldus omnia ipsius crimina in breve compendium traxit; eaque, luculentissimis testimoniis declarata, Celsissimo Principi Theodoro Fürstenbergio per supplicem libellum obtulit: enixè rogans & obsecrans, ut scelus istud è Pastoralì cathedra profligare, aliùmque doctorem Catholicum eidem substituere quàm primum velit. Consensit illico zelosissimus Princeps tam sanctæ huic petitioni. Et ex eo tempore Catholica Religio, partim indefessâ parochorum curâ, partim laudatissimis ejusdem Geismarii exemplis & hortatibus, ibidem ita incepit reflorescere, ut verè & sinè fuco dici queat, Warburgensem* urbem Geismarianæ familiæ potissimum debere, quòd ad Romanæ Ecclesiæ gremium reducta, & in eodem conservata fuerit.

Fidem Catholicam à Jesuitis convertitur Hermannus à Geismar: *Hist. Collegii Paderborn. Annua ejusdem Collegii.* Qui paulò post, ejectis ludimagistris & Prædicante heterodoxo, totam penè urbem reduxit ad Catholicam Religionem. *ex eadem hist. & literis annis.*

**hist. Colleg. Paderborn. ad hunc ann.*

Paderbornæ etiam hoc anno multa, ad Religionem promovendam utilissima, à Societatis JESU Patribus perpetrata legimus. At, quia minutiora sunt, quàm ut annalibus Dioecesanis mereantur

Gregorius
XIV. Papa
moritur
Spond. n. 11

Succedit
Innocenti⁹
IX: & huic
sub anni fi-
nem defuns-
to Cle-
mens VIII,
electus die
30 Januarii
sequentis
anni.
*Spond. hic
n. 14.*

inferi; brevitatis consequendæ studio ea sponte præterimus, & hunc annum claudimus geminato Pontificum Romanorum funere. Primum est Gregorii XIV; qui, postquam à Decembri superioris anni Romanæ Ecclesiæ præsedisset, Idibus Octobris diem extremum clausit, sepultus in Gregoriano sacello Basilicæ Vaticanæ. Alterum fuit successoris ejus, Innocentii IX: qui cum electus esset die trigesimâ Octobris, dictusque antea Antonius Fachinetti; post breve mensium duorum regimen die trigesimâ Decembris vitam simul & Pontificatum exiit. Huic deinde sub initium sequentis anni, communi Patrum Purpuratorum calculo surrogatus est Clemens VIII, antea dictus Hippolytus de Aldobrandinis, electus die trigesimâ Januarii, & coronatus die 9. Februarii: vir, ut inquit Spondanus, qui omni ætate suâ in diversis muneribus egregium prudentiæ, probitatis ac justitiæ specimen exhibuerat.

Annus Christi 1592.

CLEMENTIS VIII. Pontificis 1.
RUDOLPHI II. Imperat. 16. & 17.
THEODORI Episc. Paderb. 7. & 8.

Farnesius
in Gallias
proficisci-
tur ad sol-
vendam
obsidionē
Rothoma-
gensē, à
Navarro
cœptam:
*Haræus in
ann. brabant
Spond. hic
n. 6.*



Navarrum
in via sibi
occurrentē
profligat,
*Auctores
iidem.*

ANnum hunc suæ vitæ ultimum, Alexander Farnesius clausit insigni facinore; quo Henricum Navarrum, Regis Galliæ successorem hæreticum, à Rothomago iteratis vicibus obfesso depulit. Urbem hanc Navarrus coronâ militari circumdare coeperat sub finem anni superioris, die undecimâ Novembris, in festo S. Martini. Ac, tametsi milites præsidarii unâ cum civibus fortissimè se defenderent, multitudini tamen hostium circumfusorum tandem cedere, manusque victas porrigere debuissent; nisi Alexander Farnesius, à Rege Philippo jussus, in eorum auxilium advolâset. Ducebat hic secum, teste Haræo, circiter quindecies mille pedites, & quater mille equites, diuturno Marte probatissimos. Quos ubi exeunte Januario conjunxisset cum duce Mayennio, aliisque copiis Gallicanis & Pontificiis; ausus est Navarrus, eidem usque ad Aumaliam oppidum cum exercitûs sui parte in Picardorum finibus occurrere, & Nonis Februarii prælio inopino congregi. Sed majori temeritate ac præfidentiâ; quàm fortitudine. Etenim Farnesius, consilio & robore armorum potior, non modò eum cum insigni clade in fugam repulit; sed etiam in tales angustias adegit, ut leviori vulnere perstrictus, penèque captus, illapsæ noctis beneficio ægerrimè se in silvam proximam subduxerit. Nec multò post Villarsius, urbis

bis Rothomagensis gubernator, cum selectis praesidiariorum suorum copiis improvisò in obsidentes irruit, quingentos eorum Navarro absente cædit, centum alios* captivos ducit, pulverem tormentarium incendio perdit, munimenta diruit, tentoria inflamat, plura tormenta bellica vel in urbem devehit, vel clavis impactis feliciter obturat. Quo audito Farnesius, qui non procul ab urbe obfessa aberat, convocato ducum sociorum concilio: *Eja*, inquit, *ò socii! jam tempus est invadendi castra, quæ adhuc supersunt ante urbem! Absit Rex cum præcipuis equitibus: Bironius, vicem illius gerens, ex vulnere ab erumpentibus accepto, sub manibus chirurgorum jacet: reliquus miles, qui adhuc ante urbem hæret, recenti casu ita perculsus est, ut à nobis faciliè profligari aut fundi queat. Agite ergo, et in eos mecum irruite, priusquam animos ex Regis adventu colligant! vicinus, si in hostem imus.* At Mayennius, sacri foederis ac foederatorum primarius dux (cùm timeret, ne profligato Navarro universa Francia penès Hispanum esset) manibus, pedibusque, ut ajunt, salutare illud consilium averfabatur, inquiens: *pugna aleam non temere tentandam esse ob incertos ejusmodi exitus. Finem hujus expeditionis haud alium fuisse, quàm ut succurreretur obsessis. Id cùm à se jam satis effectum crederet; nihil aliud superesse, quàm ut in urbem una ex parte paululam immittatur novus miles cum sufficiente stipendio. Reliquum exercitum usque in urgentiora tempora saluum et integrum reduci oportere.* Conticuit ad hæc Farnesius, contra torrentem niti non ausus. Et quia consilii istius imprudentiam clarissimè pervidebat; in Flandriam se reverti simulans, lentissimis itineribus Picardiam pertransibat, ut interea videret finem. Vix autem ibi paululùm conquieverat, cùm iterum diversis cursoribus ad se missis edocetur, Navarrum cognito Hispanorum abitu ad obsidionem Rothomagensem rediisse, urbem longè acrius, quàm priori vice ab eodem premi, & Villarsium gubernatorem, jam deperdito praesidiariorum suorum flore, per literas indicasse: *nisi intra octiduum adjuvetur, necessariò se coactum iri, ut urbem Navarro dederet.* Tum verò Farnesius, Mayennii reluctantiam hoc modo castigatam gaudens, continuo relegit iter: & inopinatâ celeritate suâ (nam intra quatrimum circiter cum suis iterum ante Rothomagum constitit) Navarrum ita perterrit, ut solutâ protinus obsidione, exercitum suum die vigesimâ Aprilis in securiora loca traduxerit. Suadebat hîc iterum Farnesius, fugitivo Regi totis viribus insisti oportere. Sed quia id iterum recusabat Mayennius; cum eo simul castra movit ad urbem *Calidobecam, septem ferè leucis Gallicis infra Rothomagum sitam: quam & intra dies paucos ad celerem deditionem compulit, ibidem vulnere ad brachium accepto non leviter fauciatus. Neque tamen

* *Buffier. hist. Franc. l. 22. n. 20.*
 Exercitus Navarrici reliquias ante Rothomagum invasurus, retrahitur à duce Mayennio.
Spond. n. 6. Buffier. loc. cit.

Navarrus, recedente Farnesio, resumit obsidionem Rothomagensi.
Spond. n. 7. Buffier. ib. n. 21.

Farnesius celeritè redit,

Obsidionem felicissimè solvit,
auct. iidem

* *Gallicè Caudebec. & ante Calidobecam*

à se captam
sauciatus,
iter in Bel-
gium rele-
git.

*Auctores
iidem.*

Hollandi in
Transfala-
nia Steno-
vicum &
Covordia
occupant.
*Haræus in
ann. brabant.*

Farnesius,
novam ex-
peditionem
in Gallias
parans, gra-
viori morbo
oppressus
moritur
Atrebat.
*Spond. n. 9.
Haræus
loc. cit.*

tamen idcirco destitisset à bello contra Navarrum cœpto, nisi id ipsum impediisset & corrupisset Mayennius: quem deinde semper in qualibet re sibi, suisque consiliis tam diu adversum habuit, usque dum innumeris tædiis, laboribusque fessus, exeunte Majo in Belgium abiret.

Interea magnum illic armorum silentium fuerat, Hollandis pariter ac Hispanis in eventum belli Gallici intentis. Neque etiam postea singulare quid actum est ab utraque parte, nisi quòd Hispani munitiores quasdam arces; Hollandi verò in Transfalanica Stenovicum & Covordiam ceperint. Utrumque hunc locum libentissimè servasset Farnesius ad protegendam ac defendendam Friesiam. Sed modernæ rerum ac temporum circumstantiæ non sinebant eis auxilium ferre: tum quòd militem à Gallicanis expeditionibus oppidò fatigatum sciret; tum quòd adhuc aliam expeditionem in Gallias adornaret, in qua solus ipse contra Navarrum agere, nec ampliùs à Mayennii voluntate vel imperio pendere voluit. Jamque eum in finem die 13 Novembris Bruxellenfi ex urbe discesserat Atrebatum, corpore quidem æger; sed animo fortiore adhuc pristinam valetudinem illic è Spadanarum aquarum potu expectans: cum, eheu! in ipsis Kalendis Decembribus repente morbo graviore tangitur; biduòque post, nimirum die tertià Decembris, magno urbis & omnium Catholicorum luctu in vitam aliam evocatur, anno ætatis quadragesimo septimo. Hic ergo finis, hic vitæ epilogus est MAGNI pridem ALEXANDRI FARNESII, Parmæ ac Placentiæ Ducis: *qui, ut verissimè scribit Haræus, universum Belgium pacare, et Regi suo restituere potuisset, nisi Catholicam in Regno Gallie Fidem magni Ducis operâ tueri; quàm suas sibi provincias denuo acquirere, Rex verè Catholicus maluisset.*

Wilhelmus,
Julia, &
Clivia dux
Catholicus
moritur.
**Teschenn.
part. 2. an-
nal. p. 342.
*chron.
Trem. ms.
Item Joannes
Casimirus
Comes
Palatinus,
Catholicæ
Fidem ex-
stirpare
frustra co-
natus.*

Idem hic annus multis aliis Principibus moriendi necessitatem imposuit, è quorum numero tres potissimùm ad annalium nostrorum historiam pertinent. Primus est Wilhelmus, Julia, Clivia, & Montium Dux, quem Teschenmacherus * die vicesimâ quintâ; alii verò die sextâ Januarii defunctum asserunt. Inter innumeras laudes hujus optimi senis (erat enim annorum septuaginta sex) illud in primis rarum ac penè singulare est, quòd inter omnes istorum temporum vicissitudines constanter perseveraverit in antiqua Fide Romano-Catholica; eamque filio & successorì suo Joanni Wilhelmo, olim Ecclesiæ Monasteriensis Administratori, velut hæreditatem præstantissimam consignaverit. Alter ipsorum est Joannes Casimirus Comes Palatinus, Ludovici quondam Electoris Palatini frater, & acerrimus omnium Calvinistarum patronus ac defensor. Juraverat hic teste Klocknero scriptore synchro-

no,

no, se pro suis viribus connisurum semper, ut Papatus, & quidquid Catholici nominis adhuc supererat, ex imis radicibus extirpetur. Neque etiam hac in re, quantum in ipso erat, ullam industriæ suæ partem prætermisit. Nam & Hugonottis in Gallia, & Geusiis in Hollandia, & Gebhardo Truchsesio in Archiepiscopatu Coloniensi, auxilia non parva ad Catholicos opprimendos contulit. At, priusquam illud animi sui votum expleri cerneret, ad umbras defunctorum abire debuit, & experiri dictum istud Pontificium: *Niteris in cassum navem subvertere Petri! Fluctuat; at nunquam mergitur ista ratis.* Tertius è Principibus antè dictis fuit Wilhelmus Hassiæ Landgravius, Philippi Landgravii filius, Religione Lutheranus. Et hic pariter gloriatus fuerat, se exemplo sui patris, qui primus Lutheri doctrinam in suas terras introduxerat, Religioni Catholicæ nuntium remisisse, uti constat ex his verbis* in ejus epitaphio positis: *Vincla Petri demo, pacem colo, mœnia condo etc.* Sed cho! quousque nova hæc Lutheri doctrina (quam ipsi purum putumque Dei verbum appellaverant) in Hassia Cassellana perstitit? Certè non multò longius, quàm hoc anno. Mauritius enim, filius ejus unicus, relicto Luthero & confessione Augustanâ ad Calvinii partes accessit; iisque tanta cum pertinacia se addixit, ut omnes tandem Lutherani Evangelii sectatores & magistros è suis provinciis emigrare jusserit, quemadmodum suo loco prolixius explicabitur.

Inter hæc Principum diversorum funera, singulari providentiâ conservabat Deus gloriosissimum Principem nostrum, Theodorum Fürstenbergium; verè talem! quem æterno hujus Diocesis emolumento natum, atque ad hanc insulam singulariter à Deo præordinatum esse, fateatur omnis posteritas. Etenim à primordio sui regiminis nullum ferè annum præterlabi vel abire passus est sinè excellenti aliquo in hanc Diocesin collato beneficio: sive illud consisteret in extinguendis patriæ obæratæ debitis, sive in redimendis domibus vel satrapiis olim oppigneratis, sive in excitandis magnificis arcibus, castrisque Episcopalibus, sive in aliis operibus publicis Religioni & Ecclesiæ profuturis. Inter hæc autem non infimo loco numerandum est collegium Societatis JESU Paderbornæ; cujus erigendi & fundandi initium hoc anno fecit, non sinè maximo civium Lutheranorum fremitu & indignatione. Locum inchoando huic operi convenientissimum exhibebat in urbe vetus ac desertum ab annis pluribus monasterium Fratrum Conventualium S. Francisci: de cujus antiquitate id unum pro certo affirmari, & è veteribus monumentis evinci potest, ejusdem fabricam haud multis annis post S. Francisci tempora inchoatam &

con-

Item Wilhelmus Hassiæ Landgravius Lutheranus. *Dilich. in chron. Hassia.* *Klockner in hist. Paderb. ms. Mauritius ejusdem filius & successor, ejusdæ Religionæ Lutheranæ, introducit Calvinismum. *Klockn. ib. Theodorus Ep. pro inchoando collegio Patrum Societatis JESU, emit Paderbornæ vet. ac desertum cœnobium Fratrum Conventualium S. Francisci, Hist. Collegii Paderb. quod ibidè steterat à primis temporibus instituti Ordinis, ex literis antiquis Eccl. Cass.*

consummatam esse. Res enim indubitata est, religiosum hunc Ordinem prodiisse in orbem Christianum seculo Christi decimo tertio: & ex eodem illo seculo in Ecclesiæ nostræ Cathedralis archivo adhuc supersunt Papales literæ de anno 1289, per quas amplæ peccatorum suorum indulgentiæ conceduntur omnibus, qui Fratribus Minoritis liberalem operam & auxilium præstituri essent ad restaurationem coenobii Paderbornensis, recente incendio perditis; uti meminit etiam Schatenius ad finem istius anni. Cum autem postea funestissimis Lutheri temporibus multorum Religiosorum disciplina maximopere laxaretur; etiam in hoc Minoritarum coenobio mores adeò dissoluti invaluerent, ut ibidem saltatriculæ civium Paderbornensium filia & ancillæ festivis, Dominicisq; diebus *liberrimè convenirent, in conviviiis & nuptiis ibi habitis ad fide ac tibus tripudiatuæ. Unde paulatim contigit, ut monachi pluri mi abjecto cucullo ad amplectendam Lutheri sectam pervolarint; alii verò in præsentis periculo starent eundem saltum attentandi. Nitebatur quidem Ordo religiosus hanc suorum insolentiam & libertatem coercere. Sed quia plerisque eorum jam pruriebant ad apostatandum pedes; revocatis iis, quos ista lues nondum afflaverat, corruptissimi unius monasterii jacturam facere maluit, quàm diuturniori salutis & famæ amittendæ periculo suos exponere: præsertim cum in hoc ævo tanta interdum esset probatorum Religiosorum paucitas, ut subinde his, qui ad Lutherum transfugiebant, haud facilè liceret alios tutò substituere.

*ex hist.
Collegii.

Illudque
Patribus
in usum
Collegii fu-
turi donat.

Post hæc monasterium illud, à suis derelictum, in hac urbe variam fortunam subiit. In primis enim compluribus annis desolatum & ab omni cultore destitutum jacuit; non secus, ac si adhuc in incerto esset, cui Domino tandem obvenire debeat. Deinde Salentinus Episcopus anno 1577 post longæ vacationis miseras applicuit illud novo scholarum grammaticarum gymnasio, quod Salentinianum appellabant; statuitque, ut omnia illius bona & redditus ludimagistris & præceptoribus in partem suorum stipendiorum cederent. Quinquennio post (nimirum anno 1582 in Dominica *Quasi modò geniti*) Salentinianarum scholarum provisores, majoris emolumenti & reddituum augendorum causâ, structuram ejus & pomarium * cum omni libertate annexa bis millenis imperialibus monetæ gravis vendiderunt Perillustri Domino Elmerhusio ab Haxthausen, viro Nobili & Lutherano. Ab hoc denique, vel (ut rectius loquar) ab ejusdem jam defuncti filiiis, Georgio, Godeschalco, Hermanno, & Elmerhusio fratribus Haxthusianis, Theodorus Episcopus præsentis hoc anno vetus illud monasterium redemit & vindicavit, repensis bis mille & quadringentis imperialibus. Nec multò

*litera in
archivo
Collegii.

multò post, nimirum sexto Idus Julii, illud ipsum Patri Claudio Aquavivæ Societatis JESU Generali in usum collegii futuri obtulit hîsce literis, omni pietatis ac Religionis affectu refertissimis:

Theodorus, Dei gratiâ Episcopus Paderbornensis, universis et cunctis presentes literas inspecturis, vel legi audituris, salutem in Domino. Postquam à divina providentia ad Episcopale munus, hoc exulceratissimo seculo, et undequaque Ecclesiæ Christi Catholica impendentibus calamitatibus, vocatos nos esse cognovimus, et illius pondus, quasi gravem sarcinam, persentiscere cœpimus; nihil nos magis sollicitos tenuit, quàm ut divinæ vocationi, quo ad fieri potuit, respondentes, consilia caperemus, quâ ratione potissimum, ab ipsis quasi fundamentis, labascenti penitus Religioni Catholica in his Westphalia partibus succurreremus: certissime persuasi, fore, ut cum hac in pristinum statum reducta, patriæ felicitas simul quasi postluminio revocetur. Qua cogitatio cùm nos sollicitos plurimum teneret, nihil conducibilius fore duximus, quàm si juxta S. Tridentini concilii decreta operam daremus, ut, quæ ad tenera juventutis, tanquam reipublicæ Christianæ sementis, institutionem et conciones ad populum pertinent, integra in Diœcesi nostra constarent in posterum: quod exploratissimum esset, hinc nos optimorum civium et Pastorum felicissimum seminarium rectius exorsuros. Quando itaque oculos nostros et cogitationes has convertimus in Patres Societatis JESU (quos jam diu noveramus, antequam ad Episcopatum proveci fuimus, ut in aliis Christiani orbis partibus; ita in civitate nostra Paderbornensi strenuam operam in hac re multis annis profectos esse) *in adibus admodum incommodis, et sine publico templo, atque idoneis scholis, tanquam ipsorum industria necessariis officinis degere; sæpius exoptavimus, illis prospectum esse melius, quò majores fructus tam in instituenda juventute, quàm reducendis civibus nostris, hæresi prædolor! plurimum infectis, facerent. Quo* desiderio nostro ut tandem aliquando satisfiat, cum consensu et approbatione Capituli nostri Majoris Ecclesiæ, templum et monasterii Fratrum Minorum Conventualium ruinas potius, quàm monasterium (utpote quod à duodecim circiter annis à Fratribus planè desertum, et ex parte ab Antecessore nostro Salentino* Nobilibus viris ab Haxthausen dictis, antequam planè collabasceret, eo fine vendi permissum, ut ex eo pretio Cathedralis Ecclesiæ Paderbornensis scholæ Professorum salaria tenuia nimis augerentur) sumptibus nostris à dictis Nobilibus recuperata, et in Ecclesiasticum usum vindicata, Societatis JESU Residentia, quæ Paderbornæ est, donare ac incorporare decrevimus: pro ut per presentes literas, cum omnibus appertinentiis suis et terminis, Reverendo Patri Claudio Aquavivæ, prædictæ Societatis JESU pro tempore Generali, pleno jure, et secundum ejusdem Societatis constitutiones, libere offerimus, donamus, et incorporamus: optimè de divina bonitate confisi, fore aliquando, ut hoc loco commodas sedes, ac tam nostrâ et Capituli

*videtur hic aliquid omissum, videlicet hæc duo verba: vidimusque eos in edib' &c. *Quo, rectius lege, cui desiderio *imò, non à Salentino sed à scholarum Professoribus, olim à Salentino constitutis, uti habent originales littera.

Bbbb

nostri

nostri, quàm aliorum piorum hominum liberalitate, auxilio, atque confilio, integrum collegium constituent: ex quo uberrimus in Dioecesim nostram fructus spiritualis proveniat. In cuius rei fidem et evidens testimonium has literas nostras presentes, propriâ manu subscriptas, sigillo communivimus. Data 10 Julii, Anno incarnationis millesimo quingentesimo nonagesimo secundo, ex arce nostra Newhausen.

Donationē
hanc eodem
anno
confirmat
Clemens
VIII, Papa.

Donationem hanc, toti urbi ac Dioecesi nostræ utilissimam, Clemens VIII. Pontifex die vigesimâ quartâ Octobris lubentissimè confirmavit insigni diplomate; in quo præmissis iis, quæ in donatione Theodoriana continentur, ita sub finem pergit: *Nos piam mentem et intentionem tuam in Domino plurimum commendantes, tuis hac in parte supplicationibus inclinati, donationem, incorporationem, et literas prædictas, ac omnia et singula in eis contenta, et inde secuta quæcunque, Apostolicâ auctoritate tenore præsentium confirmamus et approbamus, illisque perpetuæ et inviolabilis firmitatis robur adjicimus, ac omnes et singulos tam juris quàm facti defectus, si qui intervenerint in eisdem, supplemus. Non obstantibus etc. Datum Romæ apud S. Marcum sub annulo Piscatoris, die XXIII Octobris, MDLXXXII, Pontificatus nostri Anno primo.*

Philippus
Sigismundus
Osnaburgi
ante annum
postulatus,
frustra ad
Fidem Catholicam
solicitatur
à Legatis
Nuntii
Apostolici.
ex manu
scriptis Osnaburgi.

Dum autem hæc Paderbornæ & Romæ fierent, Philippus Sigismundus Dux Brunsvicensis (quem anno superiore ab Osnaburgensi Capitulo postulatum, & regimini gerendo admotum esse diximus) adhuc pergebat administrare Dioecesim illam, etiamsi nec à Romano Pontifice confirmationem accepisset, uti futurum sperarat; nec ullam illius accipiendæ spem haberet, nisi ad Fidem Catholicam se converteret. Id igitur ut perurgeret Nuntius Apostolicus, qui Coloniam ad Rhenum inferiorem residere solet; obediendæ legationis causâ misit ad eum duos egregiæ doctrinæ viros, Jacobum Middendorpium Canonicum Coloniensem, & Petrum Michaëlem, cognomento Brillmacher, Monasteriensis Collegii Societatis JESU Rectorem primum. Hi à Philippo Sigismundo bis admissi, & ab eo perbenevolè habiti, post exhibitas publicæ Fidei & legationis literas, iterum iterumque hortabantur, ut Catholicam Fidem, ab avo suo constantissimè defensam, recipere non detrectaret: alioqui certè non futurum, ut vel à Romano Pontifice confirmationem, quam petebat; vel à Rudolpho Cæsare consueta Principum Ecclesiasticorum Regalia consequeretur. Cum autem hac in re diutius restitaret, neque tam subito mentem suam ad hoc audendum inflectere posset propter alios respectus humanos; Wiedenbrugi die 19 Octobris rursus illum perhumaniter aggressi fuere, & saltem eò perducere conati, ut vel occultè & clandestinum Romanæ Fidei professionem ederet: hac enim peractâ, confirma-

firmationem Pontificiam, quam sollicitaverat, sinè dubio secuturam. Propè aberat, ut postremæ huic admonitioni consensum daret: Sed hærentem, & jam parantem obsequi, retraxit illico reverentia filialis erga matrem viduam Hedwigem Brandeburgicam, & prævisa indignatio sui fratris Henrici Julii Brunsvicensium Ducis, & intercessio repetita Lutherana Nobilitatis, oppidorumque Dioecesis Osnabrugensis, qui præposterè verebantur, ne præclarissimus Princeps eâ fidei mutatione aliorum Principum heterodoxorum animos à se, suâque Dioecesi alienos faceret. Quare tandem hi Legati, viso rerum suarum successu irritò, receperunt se Osnabrugum ad Ecclesiæ Majoris Canonicos; culpataque temeritate, quam in deligendo Principe Lutherano commisissent, eosdem iterum iterumque per salutem suam rogavere: darent operam, ut ipsi primùm firmissimo pede persisterent in antiqua Fide Romano-Catholica; deinde etiam, ut Postulatus nullum rei Catholicæ nocumentum afferret, atque (utì superiori anno se facturum promiserat) non obtentâ Papali confirmatione Episcopale regimen abdicaret. Primum ex his duobus libentissimè addixit Princeps. Ad alterum verò nec induci blanditiis potuit, nec severioribus verbis compelli, juxta vulgatum illud: *Turpius ejicitur, quàm non admittitur hospes.*

Legati, re infectâ reduces, Capitulum Osnabrugense hortantur ad constantiâ in antiqua Fide; & ad perurgenda ea, quæ promiserat Postulatus. *ex manuscriptis Osnabrug.*

Annus Christi 1593.

CLEMENTIS VIII. Pontificis 2.
 RUDOLPHI II. Imperat. 17. & 18.
 THEODORI Episc. Paderb. 8. & 9.



PArnesio defuncto, rerum Belgicarum cura à Philippo Rege commissa est egregiis duobus belli ducibus, Petro Ernesto Comiti Mansfeldio, & Carolo ipsius filio. Priori demandatum, ut provinciarum Belgicarum gubernatorem ageret, donec à Rege alius cognati sanguinis & familiæ Princeps mitteretur: posteriori verò, ut Regalium copiarum, quæ in expeditionem Gallicam deducendæ, & à Farnesio jam dudum collectæ erant, supremam præfecturam gereret. Lætus eo Regis favore Carolus ineunte Januario se ad iter Gallicanum comparat; alteroque mense ad Mayennum veniens, Noviodunum urbem trium fere hebdomadarum spatio feliciter expugnat. Indè verò longius in ipsa Regni viscera progressurus, derepente omnem hujus belli scenam ex inopina rerum conversione sic immutatam reperit; ut militiæ inceptæ cur-

Petrus Ernestus Comes de Mansfeld constituitur gubernator Vicarius Belgii; Carolus ejusdem filius exercitum Hispanicum in Gallias ducit, & Noviodunum expugnat. *Harens ad annū 1592. & 1593.*

Bbbb 2

sum

Henricus
Navarrus,
viso rerum
periculo,
sele offert
ad recipien-
dam Fidem
Catholicā :
* Spond. hic
n. 12.
Buffier. l.
22. hist.
Franc.
editaque
ejusdem fi-
dei profes-
sione pub-
licā,
* vulgò S.
Denis, op-
pidum Pa-
risius vici-
num.
* Buffier.
loc. cit.
Spond. hic
n. 19.

inducias ar-
morum pa-
cisfitur
cum Duce
Mayennio.

sum inhibere, & velut obice injecto sistere necessum fuerit. Navarrus enim, cum videret eventus belli incertos esse, jamque in comitiis Parisiensibus parari omnia ad Regem alium eligendum, nisi ejuratâ Calvinî sectâ ad Fidem Romano-Catholicam se reciperet; improviso Numinis impulsu se ad eam recipiendam obtulit: eo primùm* argumento motus, quod recenter à Ministrorum seu Prædicantium suorum pluribus accepisset, etiam Catholicos in sua Fide salvari posse; ideoque sibi tutius esse persuaderet, eam Religionem colere, quæ ambarum partium consensu, quàm quæ unius partis judicio tantum, ad æternam animæ salutem duceret. Nec multò post, virorum doctissimorum instructioni se committens, & ab iis in rebus omnibus controversis diligentissimè informatus, die tandem vicesimâ quintâ Julii, in festo S. Jacobi Apostoli, apud S. Dionysium* haud procul ab urbe Parisina solennem Fidei Catholicæ professionem hoc modo edidit. Manè circa horam octavam Rex indutus veste candidâ cum oblongo nigri coloris pallio, præeuntibus* duodecim tubicinibus, multisque militibus, ministris, Proceribus, ac Principibus Regni, procedebat ad fores Ecclesiæ Sandionysianæ; intrâ quas Archiepiscopus Bituricensis, Pontificali ornatu splendens, & ingenti multorum Præfulum ac sacerdotum coronâ cinctus, in elatiore sella stragulis albis instrata confidebat. Ab eo Rex primùm interrogatus, quis esset, & quid ex peteret? clarâ voce respondit, *se Regem esse, cuperêque ab eo recipi in gremium sanctæ Ecclesiæ Catholica, Apostolica, et Romana.* Quærenti mox iterum Archiepiscopo, an id seriò & ex corde sincero vellet? respondit iterum, *se id itâ velle.* Statimque in genua procumbens, hanc fidei confessionem è charta manuscripta prælegit, & Bituricensi tradidit: *Egò Henricus, Dei gratiâ Rex Gallie, protestor ac juro coram Deo omnipotente, me vivere et mori velle in Religione Catholica, Apostolica, Romana, eamque protegere ac defendere adversus omnes cum periculo sanguinis et vitæ meæ. Renuntio quoque omnibus, hæresibus et erroribus contrariis sanctæ Ecclesiæ Catholica, Apostolica, Romana.* Quo peracto, ab hæresi absolutus, in Ecclesiam introductus, peccata sua Bituricensi confessus, ac demum inter sacrorum solennia divinissimo Eucharistiæ sacramento pientissimè reffectus est. Mox etiam armorum induciæ usque ad finem hujus anni Regem inter & Mayennium constitutæ, cum bona spe secuturæ tandem pacis & concordie: quam, etsi optarent plurimi; alii tamen adhuc videbantur averfari, quòd eam Henrici Regis conversionem fictè solum ac simulatè factam esse pertimescerent.

Atque hæc etiam causa est, quare Carolus Mansfeldius unâ cum Hispanico exercitu suo jussus fuerit, inter istas armorum inducias

ducias retinere pedem in Regno Galliarum. Nimirum, ut interea videret, quo sese res Gallorum ab ea Regis conversione verterent; & si fortè bellum simulationis præsentis metu à foederatis continuandum foret, iisdem è vestigio necessariam opem & auxilium ferret. Quæ Catholici Regis consilia, tametsi ad orthodoxam Fidem in Regno Galliarum stabilendam peridonea fuerint, in Belgio tamen compluribus provinciis Regi Hispano subditis non parùm nocumenti attulere. Nam interea, dum Hispani in terris alienis considerent, Hollandi suis commodis intenti, non modò continuis invasionibus affligebant Frisiam; sed etiam in Hollandia meridionali Gertrudenbergam, situ & arte munitissimam, trimestri obsidione in suam potestatem redegere. Ità ut his ultimis tribus annis, quibus expeditiones Belgicæ in Galliam advocatæ sunt, Hollandi universim acquisierint Zutphaniam, Daventriam, Hülstumb, Neomagum, Covordiam, Stenovicum, Gertrudenbergam, & alia complura loca, vel iisdem contermina, vel ab eorum possessione, ac dominio dependentia. Qua de re Rolandus Mirteus, ab Haræo citatus, ità conqueritur: *His tribus expeditionibus, in foederatorum gratiam susceptis, Rex Catholicus totius prope Frisiae jacturam fecit; in Brabantia Gertrudenbergam, in Geldria Neomagum, in Flandria Hülstumb, magna, munitaque loca perdidit. Sic fit, dum propriis neglectis aliena curamus!* Sed hæc ultima verba, quæ hic scriptor per modum epiphonematis addidit, nimis acrem censuram continent. Si enim Gallis eo tempore non succurrisset miles Hispanicus; fortasse tota Gallia in errores Calvinisticos abrepta foret. Hac autem ab antiquis doctrinis recedente, quis non videt, etiam omnes Belgarum provincias de Fide Catholica fuisse periclitaturas? Cùm in eas tunc ex una parte incurrissent Galli, ab hæretico Rege ducti; ex altera verò Batavi, ab Elisabetha Regina Angliæ confirmati:

Frustra est, ea de re plura loqui: tempus est, ut revertar ad nostra. Produxi ad annum superiorem Papales literas, quibus die vicesimâ quartâ Octobris Clemens VIII. Pontifex confirmavit omnia, à Theodoro Paderbornensi Episcopo facta in negotio emptionis ac donationis monasterii veteris, olim à Patribus Minoritis Paderbornæ deserti; nunc autem ad inchoandum Societatis JESU collegium applicati. Hæc literæ, nescio qua ex remora, quaternis ferè mensibus hæserunt in itinere: tandem verò die 27 Februarii præsentis anni unà cum aliis literis Claudii Aquavivæ, Societatis JESU Generalis, Paderbornam allatæ; & in præsentia Reverendissimi Abbatis Abdinghoffensis Celsissimo Principi oblatae sunt, non sinè maximo ipsius gaudio & gratulatione. Subinde Princeps legitimam venditionis & numeratæ pecuniæ instrumen-

tum

Interea Carolus mansfeldius jubetur cum exercitu suo permansere in gallia:

Haræus ad ann. 1594.

eoque absente Batavi invalescunt in Frisia, & simul occupant Gertrudenbergam.

Haræus ad ann. 1593.

Theodorus Ep. Paderbornensis monasteriū vetus Minoritarum, Patribus Societatis JESU Paderbornæ tradit in usum collegii futuri. Hist. Collegis Paderb.

tum sibi à Dominis Haxthufiis dari iussit: eoque accepto, veteris monasterii possessionem unà cum ejusdem clavibus, Patri Fridrico Wachtendonck, Paderbornensium Jesuitarum Præsidi, per manus sui fratris Caspari Fürstenbergii die vigesimâ 2dâ Aprilis ritu solenni tradidit, præsentibus Reverendissimis, clarissimisque viris, Melchiore de Plettenberg Cathedralis Ecclesiæ Canonico & Præposito Bustoiffensi, Georgio Jacobi Paderbornensi Cancellario, & P. Petro Michaële Brillmacher collegii Monasteriensis Rectore primo. Quo autem affectu animi id factum sit à Clementissimo & Religionis Catholicæ studiosissimo Principe; adnotavit ipsémet *hîsce verbis, manu propriâ conscriptis: *Hanc domum Dei ab Ordine desertam, et planè prophanatam, auctoritate ordinariâ, confirmatione summo Pontifice Clemente VIII, Patribus Societatis JESU tradidi, spe recuperandæ, restaurandæ, retinendæ, adipiscendæ, vel acquirendæ vetustissimæ, à Christo et suis Apostolis ad nos devolutæ, Religionis Catholicæ, vel Romanæ et orthodoxæ.*

Monasterii
Westphas
lorum hoc
anno perfi
ciuntur
scholæ Pa
trum Socie
tatis, & fa
brica tem
pli multum
promove
tur,

sub P. Petro
Michaële
Brillmacher
ejusdem
collegii
Rectore
primo.
Ex veteri
bus mss.

Hæc sunt initia collegii nostri Paderbornensis; de cujus novo ædificio, postmodum ex antiqui coenobii ruinis fabricari cœpto, plura dicemus triennio post. Celeriore interim fortunâ processerant in Westphalia res novi collegii Monasteriensis, sub ejusdem Rectore primo Petro Michaële Brillmacher. Scholas enim, quas hic ibidem paucis abhinc annis construere cœperat, singulari Meæcenatum plurimorum beneficiâ per decursum hujus anni ad usque supremum fastigium perduxit. Et similiter novæ Ecclesiæ fabricam (cui primum lapidem substerni fecerat quinto Nonas Julii, anno seculi præsentis nonagesimo) oblati multiplicibus eleëmofynis eò promovit, ut jam hoc anno supra dimidium provecta & exædificata fuerit. Hanc autem piorum hominum liberalitatem sibi conciliavit, partim egregiâ humilitate, prudentiâ, affabilitate, & comitate animi; partim etiam insigni doctrinâ suâ, variisque libellis editis, quorum unus Theodoro Antistiti nostro devotissimè inscriptus ac dedicatus est. In eo decimas fidei controversias non minùs breviter, quàm eruditè, lectori exhibet; simulque de omnibus Religionis Christianæ dogmatis tam dilucidè & nervosè tractat, ut ab homine tranquillo, nullisque sinistris affectibus occæcato, facilè cognosci queat, ubinam sit vera fides.

AN.

Annus Christi 1594.

CLEMENTIS VIII. Pontificis 5. & 6.

RUDOLPHI II. Imperator. 18. & 19.

THEODORI Episc Paderb. 9. & 10.



IN Regno Galliae, post conversionem Henrici Navarrae, paulatim omnia se componebant ad quietem: praesertim cum aperte cernerent foederatae urbes, jam desinere causam belli, ad conservandam Religionem Catholicam unice suscepti. Hinc Mel-dæ & Aquæ-Sextiæ mense Januario; hinc Aurelia, Lugdunum, & Bituriges mense Februario; hinc ipsa Francorum Regia, civitas Parisina mense Martio; hinc denique Rothomagum, Treca, Senones, Abbevilla, & aliae certatim urbes aliis hujus anni mensibus Henrico Regi (quem deinceps Henricum IV. Galliarum Regem appellabimus) devotissime se submiserunt. Idem fecere Gallicorum Procerum & belli ducum plerique, excepto Duce Mayennio & paucis aliis: quærebátque alter alterum in accelerando suæ submissionis negotio prævenire, ut antè habitas urbium præfecturas, aliâque honorum insignia retinerent. Quare Carolus Mansfeldius, Gallicanum foedus conversione Regis dissolutum videns, unâ cum Hispanico exercitu suo, quem anno superiore foederatorum adjuvandorum causâ in Galliam duxerat, exeunte Majo in Artesiam & Hannoniam reversus est. At Henricus Rex inter hujusmodi successus prosperos nondum omnino securus erat ab hoste quolibet. Etenim die 27 Decembris vespere, cum è vicino S. Germani oppido Parisios adveniret; adolescens quidam, nomine Joannes Castellius, denso Procerum & Aulicorum agmini se immiscuit, jugulum, vitamque Regis, quem adhuc occultè hæreticum esse putaverat, ferali cultro petiturus. Neque dubium est, quin eo scelere casurus fuisset Rex, nisi eodem ipso temporis momento paululum se inclinasset ad excipiendam salutationem quorundam Procerum. Hac enim fortuitâ corporis inflexione commodum evenit, ut ictus parricidam falleret; & qui in jugulum designatus erat, in os & labra inciderit, uno simul dente per vim excusso. Capitur è vestigio malefactor improbus; biduoque post rea manus eidem amputatur, caro ignitis forcipibus concerpitur, corpus reliquum in quatuor partes à totidem equis in diversum actis dilaceratur. Quod verò maximè iniquum erat, etiam Patres Jesuitæ à malevolis quibusdam in suspicionem & communionem istius criminis pertracti sunt; idque ea solùm de causa, quòd parricida adhuc nuper stuerit

Plerique
Proceres,
urbesque
galliae, con-
versio Rege
Henrico ad
obsequium
redeunt.
*Harant in
ann. brab.
Spond. hic
n. 6. 8. 9.
13. & 17.*

Carolus
Mansfeldi⁹
cum exerci-
tu Hispani-
co redit in
Belgium.
*Harant ib.
pag. 487.*

Henric⁹ IV.
à quodam
Joanne Cas-
tellio Pari-
siis vulne-
ratur.
*Spond. n.
22.
Buffier. &
alii.*

Castellius
punitur.
*Spond. n.
23.*

Jesuitæ malevolorum quorundā invidiā trahuntur in communionem istius criminis;

Spond. n.

22.

& innocentissime jubentur exulare toto Regno.

Spond. n.

23. & alii.

Postea tamen ab eodem Rege cognita ipsorum innocentia, magnis honoribus res vocantur.

Spond. ad

ann. 1604.

Ernestus Archidux venit in Belgium, futurus ibidem gubernator *Haraus in ann. brabant.*

æquam pacem Hollandis per literas amicas offert. *Haraus ib. Spond. hic n. 24.*

duerit in gymnasio Societatis JESU, ibique videatur parricidales hujusmodi spiritus accepisse. Missi igitur ad collegium viri aliqui in societatem nostram non optimè affecti, perquisitæ Patrum singulorum chartæ, inventa demum apud P. Guignardum scripta quæpiam, in quibus de Henrico Rege, tunc adhuc erroribus Calvinianis dedito, asseverata erat ejusdem indignitas ad coronam Franciæ. Satis hoc fuit vultureis ejusmodi oculis ad convellendam Patrum innocentiam, deferuntur hæc scripta ad senatum Regium, Guignardus capitur & appenditur patibulo; reliqui verò omnes Jesuitæ, velut Christianæ juventutis corruptores, toto Regno exulare jussi. Quis non videt, hæc decreta virulento malevolorum hominum instinctu condita; magisque atrabile, quam atramento conscripta esse? Ante annos quinque Jacobus Clemens, monachus Dominicanus, manu propriâ Henricum III. Galliarum Regem occiderat: nec tamen idcirco omnes Dominicani in exilium pulsi sunt. Nunc autem unus Jesuita, qui tamen vel ipsius malefactoris testimonio nihil prorsus ad Regem vulnerandum contulit, invidiosum aliquod manuscriptum in suo cubili detinet: statimque in illum funesti suspendii, in ceteros verò Jesuitas omnes perpetuæ relegationis & exilii poena decernitur. Quid indignius? Agnovit hoc tandem ipse Rex. Atque ideo novennio vel decennio post non solum eos cum laude maxima in Gallias revocavit: sed etiam permultis aliis favoribus & gratiis tam insigniter exornavit, ut hæc eorum restitutio non culpæ venia; sed luculentum innocentiae prioris testimonium censeretur.

Sed hac de re plura dicemus ad annum Christi 1604. Interea desiderabant boni omnes, ut pacatis Galliarum dissensionibus, tandem etiam restitueretur quies Belgii & pax cum Batavis. At ipsi à recipienda Fide seu Religione Catholica longè alieniores erant, quàm Henricus Galliarum Rex! Et quid dico, à recipienda Fide? etiam ipsum pacis revocandæ nomen iis adeò invisum erat, ut vix ullam de ea mentionem injici paterentur. Intraverat hoc anno Belgium Ernestus Archidux, Rudolphi Imperatoris frater, quem Philippus Hispaniæ Rex provinciarum istarum gubernatorem designaverat. Hic, ut erat reducendæ pacis cupientissimus, Bruxellis die 6 Maji foederatis Ordinibus amicissime scribebat: *considerare aliquando velint, in quas ærumnas et calamitates provincia Belgicarum venerint per bella intestina, tot annis hinc inde gesta? finem belli omnis esse pacem: ideoque hortari se, ut omni studio ad eam componendam et restituendam unà secum incumberent. Quod si conditiones non iniquas proposuerint; se et Casarem curaturos, ut eadem concedantur, et accuratione maximā in posterum ab Hispanis observentur sine omni dolo et perfidia.*

fidia. At illi, vel prospero aliquot annorum successu tumidi, vel etiam (quod verisimilius est) Henricum Galliae Regem novo bello cum Hispanis committendum odorati, responsorias ei tales ex Haga Comitum reddidē, ut sole clariùs apparuerit, eos nihil minùs, quàm pacem ab Archiduce oblatam cupere. Nec iniquæ huic eorundem repugnantiae fortuna suffragari desuit. Nam hoc anno Gröningam, urbem amplam & sat̃s amplo territorio circumfusam, quæ hucusque semper in fide Regis Catholici constantissimè perseveraverat, obsidione trimestri in suam potestatem adegere; nunquam eâ potituri, si pro civium egregiè se tuentium desiderio tempestiva militum Hispanorum auxilia transmissa forent. Cur autem id omissum vel neglectum fuerit, non una omnium est opinio. Nonnulli culpam conjiciunt in Ernesti Archiducis ægritudinem, quâ correptus, & initio sequentis anni extinctus est: alii in inopiam stipendiorum militarium, quorum defectu longo nolebat jejusus miles in bellum progredi. Mihi verò longè verisimilius videtur, id ortum esse ex defectu copiarum sufficientium. Præcipuum enim Hispanici exercitus robur sub Carolo Mansfeldio adhuc agebat in Regno Franciæ. Ac licet indè Mansfeldius exeunte Majo cum suis reversus fuerit in Belgium, uti suprâ diximus ex Haræo; tamen haud multò post, cùm Henricus Galliae Rex Laudunum urbem*, sibi hætenus repugnantem obsedisset, rursus illuc cum exercitu suo remigrare jussus, & à Gallis prope Crepiacum non levi clade notatus est.

Quam Hollandi statim rejiciunt, Auctores iidem.

& paulò post Gröningam urbem trimestri obsidione capiunt.

Haræus in ann. brabant.

* Spond. hic n. 17.

Laudunū urbs gallicæ

Laon.

Turcæ aō 1592, ruptis induciis occupant Wihitzā, urbem Croatiae.

Anno 1593 prope Sissekum in Croatia à paucis Christianis ingenti clade prosteruntur.

Isthanff.

l. 27. hist.

Hungar.

Spond. ad.

ann. 1593.

n. 27.

Longè tristius, magisque luctuosum erat bellum aliud, quod adversus Christianos in Hungaria concitatum erat auctore Sinano Turcarum primo Vizirio. Hujus jussu Hassanus Bosniæ Præfectus biennio abhinc, dum adhuc induciæ cum Turcis fluerent, improviso Marte in Croatiam irruerat; urbemque Wihitzam, nullius belli imminentis consciam, tumultuariâ obsidione Christianis eripuerat. Quod cùm ei feliciter evenisset; iterum sequente anno (1593) cum triginta millibus Turcarum, quos ex urbium vicinarum præfidiis corraferat, in eandem provinciam hostiliter se infudit, Sissekum pariter (latine Sisciam) inopino bello subactus. At ibi Deus turbulenti hominis perfidiam egregiè vindicavit. Christiani enim, collecto protinus octo millium exercitu, eundem fortiter apud urbem hanc aggressi sunt; perruptâque inimicorum acie tam illustrem ab eo victoriam retulere, ut amissis nostrorum pauculis, duodecim ferè millia Turcarum (inter quos & ipse Hassanus fuit) vel in prælio cæsa, vel in fluvio præterlabente submersa fuerint, reliquis omnibus in fugam effusissimam conjectis. Percussus eo nuntio Turcarum Imperator Amurates) nam & Mahometem

Cccc

ex

Novo &
majore
exercitu
Constantis
nopolis ac-
cepto, Sif-
sekum, Ve-
sprinium,
& Palottam
occupant.
Auct. iidem

Iterum in-
genti clade
caduntur
apud Albā
Regalem.
*Auctores
iidem.*

Christiani
in Hunga-
ria superio-
re Turcis
eripiunt
Fillecum &
multas ar-
ces.
*Isthnass.
loc. cit.
Harans ad
ann. 1593.*

Anno 1594.
Christiani
occupant
Novigradū.
*Isthnass.
l. 28. hist.
Hung.
Spond. ad
hunc annū.*
Strigonium
propè suba-
ctum defe-
runt, adve-
niente Si-
nano Tur-
carum Vi-
zirio.
*Auctores
iidem.*

ex ejusdem sorore genitum prædicta clades absorbuerat) continuò Fridericum Crecovitzium, Rudolphi Cæsaris Legatum, jussit unà cum suis omnibus in carcerem detrudi. Simul etiam *Sinanum* Vizirium, qui totius belli & rumpendarum induciarum præcipuus instigator fuerat, cum ingenti exercitu velocissimis itineribus contra Christianos misit, cladem ab iis acceptam, si occasio ferret, graviore clade repensurus. Cùm autem Christiani viso tanto exercitu se retraherent (pauci enim erant; nondùmque Cæsar ob inducias ad ejusmodi vim sustinendam se obarmaverat) *Sinanus* castra promovit contra *Sissekum* sive *Sisciam*: eâque intrâ dies non multos occupatâ, etiam *Vesprinium* & *Palottam* in Hungaria jugo Turcico subjecit. Interea Christiani per Octobrem se consociaverant ad quadraginta millia: paulòque post ad Albam Regalem progressi, Turcarum exercitum contra se venientem rursus obtrivère prælio felicissimo; in quo perempta sunt peditum Ottomannicorum sex, & equitum quatuor millia, desideratis ex parte nostra vix quadraginta viris. Nec minori alacritate id temporis bellatum est in Hungaria superiore. Nam & hi, qui ibidem rebus gerendis præerant, sociorum suorum exemplo & fortitudine provocati, Fillecum oppidum, præfecturâ Turcicâ & arce duplici insignitum, generoso Marte adorti sunt. Hoc autem expugnato, fugatisque insuper Turcarum copiis, quæ abhinc non longè aberant, eam hosti formidinem ac trepidationem iniecere, ut complures locorum istorum arces, extracto militum suorum præsidio, Christianis occupandas & insidendas reliquerit.

Sperabant inde Christiani, fore, ut succedente hoc anno (1594) in Hungaria res longè majores gererentur. Multùm enim ad hostes debellandos valet animorum generositas, præcedentibus victoriis excitata. Et initio quidem Novigradum, superioris Hungariæ munitissimum oppidum, fortunatâ expeditione subactum est ineunte Martio. Postea verò etiam Strigonium (vulgò *Gran*) inferioris Hungariæ urbs Archiepiscopalis ac ferè triplex, quinquaginta millium virorum exercitu obsideri coeptum à Matthia Archiduce, Rudolphi Imperatoris fratre, qui Christianæ militiæ præerat. Jamque occupatâ majori urbe labores obsidionales eò promoti erant, ut urbs aquaria sive minor (cui proximè superincumbit arx) continuis tormentorum ictibus conquassata, non exiguas murorum ruinas faceret. Per quas ubi semel & iterum Christiani in urbem conscendere nisi, iterùmque & iterum à Turcis repulsi essent: ecce tibi! *Sinanus* Vizirius, cum exercitu novo è Thracia veniens, Matthiam Archiducem & quosdam alios, Ottomannici belli minùs peritos, repentino metu ità perterrituit, ut solutâ protinus

nus obsidione in adversam Danubii ripam recesserint, urbem adeò laceram ac penè agonizantem in hostium suorum unguibus foedissimè relinquentes. Neque ex eo tempore quidquam aliud à Christianis & numerofo eorum exercitu gestum est, quàm quòd urbem Jaurinensem (vulgò *Raab*) fortissimum totius Austriae propugnaculum, ab eodem Sinano obsideri, atque, ut ità dicam, penè in suis oculis expugnari siverint: quanquam non sinè aliqua Hardeckii Comitis & gubernatoris culpa, qui præmaturè nimis urbem adeò munitam, & ferè sexmillium armatorum præsidio instructam deditit.

Cæsar interea magnam hujus æstatis partem exigebat in comitiis Imperialibus, necessitatum publicarum causâ Ratisbonam convocatis: aderantque è Principibus Electoribus Wolfgangus Archiepiscopus & Elector Moguntinus, Joannes Archiepiscopus & Elector Trevirensis, Ernestus Archiepiscopus & Elector Colonien- sis; alii verò Principes & septemviri plerique absentiam suam per Legatos explevere. Præcipua deliberationum capita fuere partim de auxiliis contra Turcas, novennialium induciarum violatores; partim de aliis quibusdam gravaminibus, inter Catholicos & acatholicos Principes componendis. De prima deliberationum partem stipendia pendantur in bellum Turcicum; simulque omnis Romani Imperii populus è cathedris templorum excitetur ad orationem & poenitentiam. De gravaminibus verò non solum amicissimè actum in comitiis; verum etiam Ernesto Colonienfi (qui in hoc tandem congressu, post acceptam omnium Episcopatuuum suorum confirmationem, consueta Principum Regalia suscepit) auctoritate Cæsareâ demandatum est, ut ea postmodum cum Electore Brandenburgico & aliis Imperii Principibus pro communi Religionis Catholicæ bono transigeret. Id quod etiam ab eo, tum in ipsis comitiis, tum verò postea per singulares congressus, tam studiosè & fructuosè peractum fuit, ut ipse Romanus Pontifex Clemens VIII. eidem hac de re, per literas postridie Kalendas Septembris Romæ datas, amplissimè gratulatus fuerit: addideritque, se à Legato suo Ludovico Madrucio Cardinale, aliisque Oratoribus suis ad eadem comitia missis, non sinè gaudio singulati comperisse, quanto studio, quanto animi ardore et zelo, Catholicæ Religionis causam defendendam suscepisset; suæque auctoritate et gratiâ procurasset, ut Catholicorum Principum concordia et consensio conservaretur, et Ecclesiæ et Ordinis jus ac dignitas retineretur.

Paderbornæ etiam hoc tempore gravissimæ dissensiones urbem inter & Capitulum exortæ sunt; instigatione quorundam senato-

Qui & Jaurinū Christianis adeo mit, præpropera deditione Comitis Hardeckii. *Isthuans loc. cit. Spond. hic n. 30.*

In comitiis Ratisbonensibus decernuntur auxilia contra Turcas, *Spond. hic n. 23. Helvic. in theat. hist. univers.*

& compos minuit controversiæ quædam cum Principibus catholicis: *Annales Boici part. 2. l. 12. n. 68. & alii. Qua in re præclaram operam Catholicæ Religionis præstitit Ernestus Archiepiscopus Colonienfis. Annales Boici ibid.*

Paderbor-
næ cives
Lutherani.
Capitulum &
immunitati
Ecclesiasti-
cæ pluri-
mum insul-
tant.

*Klockner
in bist. Pa-
derb.*

*Littera Spi-
rensis Ca-
meræ, de
quibus
infra.*

Capitulum
verò contra
eos ex Cas-
mera Spi-
rensi impe-
trat manda-
tum de non
offendendo
*Klockner
ibid.*

*Littera in
archivo
Cath. Eccl.*

rum & Consulum Lutheranorum. Qui, ut paulatim ad supre-
mum in omnes Ecclesiasticos imperium pervenirent, contra jura-
tas annorum præcedentium transactiones & Recessus insolentissi-
mè ausi sunt immunitati Ecclesiasticæ vim inferre. Mense No-
vembri superioris anni mulierem aliquam, nescio cujus maleficii
vel criminis insimulatam, violentâ manu & auctoritate propriâ è
loco immunitatis in carcerem abripuerant; nullâ prius licentiâ (utî
alias moris & juris fuerat) à Cathedralis Ecclesiæ Capitulo petita.
Similiter etiam aliquantò prius curiam Ecclesiasticam Reverendis-
simi ac perillustri Domini Hermannii de Ketteler, Cathedralis Ec-
clesiæ Canonici, per dies, noctesque aliquot obstipatis civium suo-
rum excubiis circum undique obsederant; eo solum prætextu,
quod ibidem occultari & latitare crederent civis alicujus filium, ho-
miciidii perpetrati reum. Imò & audacissimè comminati erant,
nisi reus brevî traderetur, se vi maximâ in hanc domum incursu-
ros, omniâque fracturos, lustraturos, & pervestigaturos, donec
reum acciperent. Qua ex re, cum adhuc pejora vererentur Eccle-
siæ majoris Canonici, tandem adjunctis ministrorum suorum ali-
quibus cum protestatione debita visitationem illius domûs permi-
sere: & nihil inventum est. Hæc & alia multa fiebant sæpius cum
ingenti comminatione: jamque hæc audendi libertas apud cives
rerum novandarum avidos in eam proterviam ierat, ut, quidquid
hac in re Paderbornensi senatui mandaret ac remandaret Celsissi-
mus Princeps, id ferè nihili & flocci facerent. Quare tandem Ca-
pitulum Cathedrale (posteaquam Theodorus Præsul feditionis ur-
bi commeatum, viasque & aditus omnes frustra interchuserat) que-
rimonias suas detulit ad Imperiale tribunal Spirensis Cameræ. Et
hæc attentis illius causæ ponderibus non modò judicium tulit pro
Capitulo; sed etiam Paderbornensi senatui misit acre *mandatum de
non offendendo cum inhibitione*. Id quod hoc anno Spiræ die nonâ
Martii consignatum, ac dein die decimâ quartâ Aprilis à Luca Stei-
nio, Spirensis Cameræ cursore vel nuntio, eidem senatui exhibi-
tum & insinuatum est, non finè magno civium Lutheranorum fre-
mitu.

Multum valuit hoc mandatum ad refrenandam senatorum
insolentiam, quam in viros Ecclesiasticos & ipsorum immunitatem,
usurpare coeperant. Sed interius tamen adhuc manebant urbem
inter & Capitulum non parvæ animorum aversiones & odia; quæ
velut ignem gliscentem continuis afflatibus egregiè fuscitabat ac
promovebat Forensis Ecclesiæ rabula, & omnium dissensionum
præcipuus incentor Hermannus Tünneken, è sacerdote & Pastore
quondam Catholico factus apostata. Solus hic & unus Prædi-
cantium

cantium Lutheranorum Paderbornæ manserat à temporibus Henrici Lawenburgici, quondam Antistitis heterodoxi: neque adhuc è parochiali cathedra expelli poterat propter vicinos Principes, doctrinæ sequiori deditos. Is, cum universa penè civitas penderet ab illius ore & institutione, grassantibus hoc anno morbis pectoralibus & valde periculosis, assidue percurrebat omnes urbis parochias; omnibusque ibidem ægrotantibus, etiam in ipsa Capitulari immunitate, campoque Dominico, coenam Eucharisticam Lutheranorum ritu publicè ministrabat. Aliquoties hac in re connivebant & connixerant Majoris Ecclesiæ Canonici. Tandem verò, cum id sæpius & iteratò fieret, suprà dicto Cameræ Spirensis mandato freti, severè & sub gravi poena eidem indixere, ne deinceps tale quidpiam auderet, saltem in immunitate sua, locoque penitus extra omnem urbis jurisdictionem sito. Paruit ille quidem huic iussioni; sed non sine novis turbis ac tumultibus. Nam insana plebs, ut primùm audiit, hujusmodi mandatum Prædicatori suo impossum esse; continuò coepit inter se murmurare, quiritari, conqueri, & palàm de Majoris Ecclesiæ Canonicis imprudenti lingua effundere, quòd ægrotis hominibus divinissimum Eucharistiæ Sacramentum, ipsamque adeò salutem animæ sempiternam tyrannico modo subtrahere studeant: Crevitque eum in modum hæc seditiosæ plebis murmuratio, ut Canonicorum Cathedralium aliqui, ne à tumultuosis opprimerentur, aliquantisper urbem deseruerint. Sed hi igniculi, priusquam in flammam irent, id temporis adhuc facile confopiti sunt.

Pauloque
post etiam
Prædicatori
Lutherano
prohibet,
ne sacramenta ritu
Lutherano
agros admittit
in
immunitate
Ecclesiæ
stica;

unde magis
inter
cives turbam
obmurmurationes &
querimonias.
Klockner.
in hist. Paderb.

Hist Collegis Paderb.

Annus Christi 1595.

CLEMENTIS VIII. Pontificis 4.
 RUDOLPHI II. Imperator. 19. & 20.
 THEODORI Episc Paderb. 10. & 11.



Murates Turcarum Imperator, Jaurino ante annum occupato tumidus, cum iterum in Christianos novum exercitum cogeret, Constantinopoli mense Januarii nephriticis doloribus extinctus obiit. Successit ei filiorum natu maximus Mahometes III, barbari patris multò barbarior filius. Quippe qui, ut suæ & regnorum suorum securitati prospiceret, continuò fratres omnes, circiter novendecim, inhumanitate barbarâ strangulari; & similiter omnes uxores patris, ne qua posthuma proles masculina ex iisdem gigneretur, in mare projici ac suffocari fecit. Hinc ad Hungarici belli curas conversus,

Amurates
Turcarum
Imperator
moriturus
succedens
filius Mahometes
dira omnia
Christianis
minatur.
Isthanff.
l. 29. hist.
Hungar.

Carolus
mansfeldi⁹,
à Belgio
accitus,
Christiano
exercitui
præficitur,
Strigonium
obsidet,
exercitum
Turcicum
profligat,
Isthuanff.
loc. cit.
Spond. n. 19

febrique ac
dysenteria
corruptus
extinguitur
Isthuanff.
& Spond.
ibid.

Strigonium à
Christianis
occupatur,
paucisque
post etiam
Vicegradum
& Vacia,
auct. iidem

versus, ferocissimè indixit omnibus Ottomannicæ militiæ Præfatis, ut ad continuandam Christianorum invasionem summo studio se accingerent: *sibi enim omnino certum, fixumque esse, Hungaricarum expeditionum reliquias prosequi, et usque ad urbem Viennensem obviam quaque ferro et ignibus evastare.* Sed majora sperabat homo ferox & arrogans; quàm instigante Sinano Vizirio potuerit obtinere. Nam & Rudolphus Romanorum Imperator egregiè se ad bellum comparabat: præterque multa Germanorum & Italicorum auxilia, etiam à Philippo Hispaniarum Rege impetrarat è Belgio Carolum Mansfeldium bellatorem strenuissimum, unà cum duobus equitum, & sex peditum Wallonicorum millibus. Hic adjunctus Matthiæ Archiduci, armorum Cæsareorum supremo Præsidi, statim in primo expeditionis ingressu luculenter ostendit, quanti ad hostes debellandos momenti sit, habere ducem rei militaris oppidò peritum. Priùs enim, quàm id à Turcis expectatum esset, Kalendis Julii cum exercitui suo ante Strigonium constitit: brevique tempore totam urbis obsidionem, circumjectis quaquaversum aggeribus ac propugnaculis, tam insigni prudentiâ adornavit, ut adveniens Turcarum exercitus (die quartâ Augusti) non solum à ferendis auxiliis impeditus; verum etiam ingenti clade prostratus fuerit, amissis uno prælio quatuordecim millibus vel captis vel occisis, atque insuper mille quingentis tentoriis, totidemque camelis, mulisque sarcinariis. Quod autem Christianis omnibus maximo dolori erat, Carolus Mansfeldius (cùm ex ardore prælii sitibundus, eodem vesperti recentia poma & melopepones intemperantius sumeret, vinumque largum superfunderet) primùm febris importunâ, deinde & alvi profluvio laborare coepit: hisque duobus malis tandem oppressus, die 14 Augusti pridie assumptæ in cælum Virginis generosam animam exhalavit cum acerbo luctu cunctorum militum, à quibus, teste Isthuanffio, *ut pater amabatur.* Perrexere tamen Christiani obsidionem prospere inceptam prosequi; occupatâque urbe aquariâ, demum etiam die 2dâ Septembris validissimam illius arcem, totumque simul Strigonium, quod ab annis quinquaginta duobus in Turcarum potestate fuerat, ad optatissimam deditionem adegerunt. Secutæ mox aliæ duæ urbes & arces, faciliori negotio captæ, scilicet Vicegradum & Vacia, vulgò *Waisen*: fuitque pavor tantus in vicinis Turcarum præfidiis, ut etiam in urbe Buda conjuges, parvosque liberos, & omnem chariorem substantiam, ad remotiora loca demitterent, vicinam à Christianis invasionem & subactionem veriti.

Non minori prosperitate res gestæ sunt in aliis Hungariæ & regionum vicinarum tractibus. Ex Illyrico Georgius Comes de Zrini,

Zrini, post receptam anno priore Sisciam vel Sissekum, rursus hæc ætate in bellum prodiit; ademitque Turcis Petriniam in Croatia, & Barbotziam in Hungaria inferiore, unà cum aliis quibusdam arcibus & oppidis infirmiori præsidio communitis. Ex alia verò parte Sigismundus Bathorius Transilvaniæ Princeps, acceptâ conjugem Mariâ Christiernâ Caroli Archiducis filiâ, subjectionem Turcicam abiecit, Moldaviæ & Walachiæ Principes in societatem belli pertraxit, militem conscripsit, hostiles provincias invasit, profligatôque Temesiensi Bafsâ, qui iisdem suppetias venerat, Eperiesinum, Chonadium, Lippam, aliasque vicinas urbes Ottomanicæ servituti subtraxit. Quo audito *Sinanus* Turcarum Vizirius cum exercitu numerosissimo, quem eduxerat Constantinopoli, repentè se convertit in Walachiam, superbè jactitans, eâ cursim devictâ sibi postmodum haud difficile futurum esse, ut & Sigismundum Transilvaniæ Principem, & Cæsarem Rudolphum vinceret. Sed vehementer fefellit eum ventosa hæc præsumptio. Nam paulò post homo tumidus & supercilii plenus à Sigismundo & sociis ejus bis ingenti clade rejectus est. Semel inter Alpes Walachiæ; ubi prælio cruento cæsus, intèrque fugam ex ruinoso ponte in paludem actus, fugitivorum quorundam operâ ægerrimè ex præfenti vitæ & salutis periculo extractus est. Postea verò die vicissimâ octavâ mensis Octobris, ad Istrum fluvium: ubi, dum *Sinanus*, adventu Sigismundi territus, in ulteriorem fluminis ripam se recipere incepisset; in ipso transitu à Christianis ex improvise obrutus ac devictus est, cum ingenti omnium impedimentorum jactura. Periêrunt in eo conflictu ferè quinque Turcarum millia: nam potissima copiarum hostilium pars trans flumen jam deducta erat. Capta sunt carrorum & curruum, omni apparatu onustorum, circitèr sex millia. Liberati denique è servitute Ottomanica quater aut quinquies mille Christiani, quos iidem barbari è Walachia & Moldavia secum abstraxerant. *Sinanus* autem, pudore & ignominia plenus, cum accisi exercitus reliquiis Constantinopolim reversus est: ubi intrâ annum, vel moestitiâ rei tam infeliciter gestæ, vel veneno præ confusionis impatientia sumpto, confectus obiit.

Optandum fuisset, ut eo tempore Philippus Hispaniæ Rex habuisset pacem cum suis hostibus: erat enim Austriacæ Domui faventissimus, & cum ea multiplici cognationis ac affinitatis vinculo intimè conjunctus. At ille, ne majora Cæsari præstaret auxilia, non solum impeditus erat bello Batavico; sed etiam alio novo bello, quod eidem die 17 Januarii denuntiaverat Henricus Galliarum Rex, instigatus ab Henrico Turrenio, Hugonotticæ factionis primario

Georgius Zrinius Petriniam & Barbotziam Turcis eripit.

Isthuanff. l. 29. hist.

Hungar.

Sigismundus Bathorius, Transilvaniæ Princeps, Cæsarem paribus se adjungit, Eperiesinum, Lippam, & alias urbes occupat.

Isthuanff.

ibid.

ac demum duplici prælio profligat *Sinanum* Vizirium:

Isthuanff.

ibid.

qui cum ignominia Constantinopolim reversus, intrâ annū obiit.

Isthuanff.

ibid.

Henricus Galliarum Rex, bellum indicit Regi Hispaniæ.

Harans ad hunc annū.

Regis Hispaniæ res
sponsum.

Haraus in ann. brab.

Hispanorū
& Belgarū
victoriæ
contra Gal-
los.

Haraus ib. Spond. hic n. 3. & 4.

Hollandi
Huyum
dolo occu-
pant, & rur-
sus amit-
tunt:

Haraus in ann. brab.

Grollam
obsident, &
ab obsidio-
ne depel-
luntur:

Haraus ib.
Hispanorū
castris ad
Lupiam ca-
stra oppo-
nunt, & ab
iis non par-
vâ clade af-
ficiuntur.

mario capite. Occinuerat hic Regi suo varias injurias, priori bello ab Hispanis acceptas; præsertim verò per auxilia militaria, Duci Mayennio & Catholicis foederatis missa. Re verâ tamen erat aliud, quò tendebat: nimirum, ut Hugonottorum operam Regi suo in his armorum apparatibus necessariam faceret, & indirectè simul rebellium Batavorum causam adjuvaret. Miratus ea Gallorum consilia Philippus Rex, die decimâ septimâ Martii respondit Gallo: *denuntiationem belli à se acceptari: causas tamen, contra se adductas, nullius planè roboris ac momenti esse. Quòd enim Catholicis foederatis auxilia miserit, id eorundem rogatu factum esse ad averteendam ab iis vim et potentiam Hugonotticam: idèoque nullatenus à se quesitum esse Regnum Francia; sed illius quietem ac perseverantiam in antiqua Fide Romano-Catholica.* Primi in bellum procurrere Galli: sed exiguo rerum suarum commodo. Nam præter Hamense vel Hannense oppidum in Picardia, proditione gubernatoris à se captum, ferè nihil aliud hoc anno effecerunt, quàm quòd Burgundiam, agrumque Luxenburgensem foedissimè populati sint. Contra verò Belgæ cum Hispanis (tamen Ernestus Archidux provinciarum gubernator die vicesimâ primâ Februarii lento morbo extinctus esset) ductore Petro Comite de Fuentes in Picardiam involârunt, Castrum ac Durlanium oppida munitissima expugnârunt, Gallicanum exercitum Durlanienfibus opitulaturum gravissimâ cæde profligârunt; ac demum Cameracum, urbem amplam & probè communitam, quæ ab Alenfonii Ducis temporibus Francorum imperio paruerat, bimestri obsidione ex eorum unguibus extorserunt.

Nec majori felicitate contra Hispanos bellârunt hoc anno Batavi: imò omnia, quæ tentârunt in occupandis quibusdam uribus, eventu minùs prospero in irritum cecidère. Ineunte Februario, partim dolo & stratagemate, partim verò civium aliquorum proditione, capiebant Huyum Dioecesis Leodiensis oppidum & arcem. Sed mense Martio Ernestus Episcopus, impetratis Hispanorum auxiliis, arcem, oppidumque simul celerrimâ obsidione recepit. Mense Julio Hollandi rursus duce Mauritio Nassovio obsidebant Grollam, Zutphanienfis Comitatus oppidum. Sed advolante cum Hispanis Mondragonio, repentè unâ cum suis omnibus ad securiora loca se retraxère, obsidionem à se inceptam præcipiti fugâ deferentes. Mense Augusto, cum Hispani, à Grolla servata reduces, posuissent castra Dinxlakum inter, & amnem Lupiam; Hollandi iterum cum auctioribus copiis procedebant illuc, & castra castris opponebant. Sed paulò post, nimirum die 2dâ Septembris, quinque equitum Hollandicorum turmæ, quæ ex eorum castris exploratum iverant, à quibusdam aliis equitum Hispani-

spanicorum turmis ad amnem Lupiam interceptæ atque ita oppressæ sunt, ut præter multos in fluvio mersos & suffocatos plerique alii ab hostili gladio interiêrint; capto etiam eorum ductore Philippo Nassovio, & ejusdem fratre Ernesto Casimiro: quorum prior alterâ nocte ex vulnere accepto mortuus; posterior verò Antwerpiam deductus, & ære magno à suis postmodum redemptus est. Demum etiam die 14 Octobris tentârunt Hollandi, Liram Brabantia oppidum vi & astu interciperere: jamque transcenso sub auro-ram vallo, & effractis unius portæ repagulis, penetraverant armatâ manu in forum urbis. At (quia gubernator hujus loci cum paucis præsidariis, quos habebat, ad unam portam defendendam ac retinendam se receperat; Hollandique interim, nocturno itinere ac matutinis laboribus fatigati, ad opimas Ecclesiarum prædas & lauta prandia se effundebant) post meridiem ab accurrentibus Antwerpianis & Mechliniensibus toto oppido rursus expulsi sunt, amissis plûs quàm trecentis, & aliis propè ducentis in fuga captis.

Liram in Brabantia interciperere tentant, & ex eadem occupata continuo rursus eiciuntur. *Haras in ann. brab.*

Ceterum, quod eorum bellicæ virtuti defuit, prædando & rapiendo audentiùs expleverunt. Nam initio hujus anni prædatoriâ libertate suâ irruebant iterum in Diœcesin Coloniensem, eisque tales undique terrores incussêre, ut unâ cum annexo Westphaliæ Ducatu quadraginta millia imperialium ad redimendas urbium & pagorum exustiones expromere coacta fuerit. Causa hujus invasionis prætexebatur, quòd Adolphi Comitis Nüenarii viduæ nondum restitutus esset comitatus Môrfanus & alia bona, eidem in Colonienfi vel Truchsesiano bello quondam subtracta. Sed quis non videt, prætextum hunc planè frivolum, & solum culpæ levandæ causâ quæsitum esse? Quid enim urbi Susatensi, quid Episcopatu Osnabrugensi, & aliis Westphaliæ ditionibus commune fuit cum bello Truchsesiano? & tamen hæc ambo eâdem incurfione plurimum damni ab Hollandis pertulisse, testatur Chytræus hisce verbis: *Osnabrugensis etiam Episcopi subditis aliquot millia, et civitati Susato quinque millia Joachimiorum expresserunt.*

Ex Diœcesi Colonienfi, Osnabrugensi, & aliis Westphaliæ locis, magnâ pecuniæ vim prædando extorquent. *Chytræus ad an. 1595*

Annus Christi 1596.

CLEMENTIS VIII. Pontificis 5.
 RUDOLPHI II. Imperator. 20. & 21.
 THEODORI Episc Paderb. 11. & 12.



Belli Hungarici cursus hoc anno minùs prosper ac fortunatus fuit. Christiani quidem paulò maturiùs procedebant in campum; & exeunte mense Augusto subegerunt Hathuanum, superioris Hungariæ oppidum

In Hungaria Hathuanum (vulgò hatvan) à nostris occupatur ac destruitur.

Dddd

cum

Agria, sive
Erla, præsi-
diariorum
seditione
Turcis præ-
maturè de-
ditur.
Isthuamff
loc. cit.
Spond. hic
n. 6.

Christiani
Turcarum
exercitum
profligant,
& castra
ipsorum
occupant.
Isthuamff.
loc. cit.
Spond. hic
n. 7.

At ubi ca-
strorum di-
reptioni si-
nè lege &
ordine avi-
dius in-
cumbunt;

cum adjuncta arce, vallo ac moenibus non leviter communita. At, ubi postea Mahometes Turcarum Imperator cum potentissimo centum millium exercitu festinabat in Hungariam; deserto iterum dirutòque Hathuano, sua castra trans Danubium reduxere, majores peditum, equitumque copias ibidem collecturi. Interea Mahometes exercitum suum convertibat ad obsidendam Agriam, superioris Hungariæ urbem prævalidam: & quia nostri, vel ob incidentes pluvias, vel ob alia quædam viarum obstacula, paulò tardius adveniebant ad obsidionem depellendam; præsidarii milites, de ferendis auxiliis desperantes, frustra obluçantibus legionum suarum Præfectis, conjuratione factâ nobilissimum illud Hungariæ propugnaculum ante tempus dederunt. Mirificè res illa perculit Maximilianum Austriacum, qui Christiano exercitui præerat, nec nisi paucis adhuc milliaribus ab urbe Agria, cum à nostris dederetur, aberat. Animo tamen infracto statuit, cum exercitu suo, qui vix quadraginta millium virorum erat, generosè in hostem progredi, eumque vel ab ausis ulterioribus repellere; vel, si quid amplius fortuna ferret, eundem inito conflictu cedere, atque ad Agriam reddendam cogere. Neque fuisset hoc admodum difficile, nisi Christiani milites victoriam à se obtentam præcipiti spoliis aviditate rursus corrupissent. Etenim die vicesimâ 2dâ Octobris, quâ nostri primùm bene magnam Ottomannici exercitus partem conspexere, felici armorum concursu prostraverunt ex iis mille quadringentos: ceteri verò in fugam acti sunt, relictis quadraginta tribus tormentis bellicis, quæ in castra nostrorum attracta sunt. Biduo triduoque post, cum ipse Mahometes universi exercitus robur contra nostros educeret; primum, validissimùmque Turcarum agmen à nostris iterum fortissimè retrusum, fugatùmque est, amissis iterum tribus ipsorum millibus & quatuor colubrinis. Demum etiam die vicesimâ sextâ Octobris, coorto rursus graviore prælio, Turcæ rursus cum ingenti strage multorum millium à nostris profligati sunt, amissis insuper quadraginta tribus tormentis. Cumque nostri sinè morâ fugientibus instarent, & plenis ordinibus procederent usque ad ipsorum castra, quæ abinde non procul aberant: continuò Mahometes, adventu & victoriâ nostrorum territus, conscenso velociter equo è castris avolavit; eaque fugiendi pernecitate totum simul exercitum suum in fugam effusam traxit. Perditissimæ tunc erant Mahometis & omnium sociorum vires, dummodo nostri intrâ legionum suarum ordines, uti Maximilianus Archidux imperaverat, adhuc unâ alterâve horâ potuissent coërceri. At illi, ruptis omnibus obedientiæ militaris, legumque vinculis, repente confuso impetu se in prædas effundere: & alii

& alii quidem cistas argento plenas confringere, alii tentoria pretiosiora in ducum suorum usus occupare, alii equos à fugitivis relictos carpere, alii in imbellem calorum & lixarum turbam deservire; verbo omnes palantium instar hinc inde per castra currere, & si quid spoliolum deprehendi poterat, avidissimis unguibus abripere. Quod cum viderent hi, qui Turcarum fugientium postremi & pauci erant, è vestigio resumptis animis consociari iterum inter se, nonnullos alios ad se attrahere, militares ordines construere, in castra derelicta regredi, nostros adhuc palantes obruere, magnâque strage editâ tantum eis pavorem incutere, ut non modò inhonoram fugam sinè lege & ordine capeffiverint; verum etiam ipsimet pedites, & hi, qui in ordinem, aciemque militarem recolligi voluere, cæco impetu à fugitivis equitibus protrititi ac dissipati fuerint. Ità victores ab iisdem, quos vicerant, foedissimè devicti sunt; laureasque triumphales, quas in manibus jam habuerant, inconsultâ prædandi libidine sibi iterum è manibus evelli & extrahi permisere.

Nec multò felicius fuit bellum, quod hoc anno contra Hispanos in Belgio gestum est à Gallo & Batavis. Obsederat Gallus à Novembri præterito Feram Picardiæ urbem fortissimam, Hispanis olim à duce Mayennio traditam: Credebátque fore, ut hac devictâ magnos armorum progressus in Belgio cum Hollandis faceret. Sed uterque hostis victoriam cecinit ante triumphum. Nam interea, dum hæc urbs opinione diutius Marti Gallico restitaret, Albertus Archidux (qui in Belgarum gubernatione Ernesto mortuo surrogatus, & initio hujus anni in Belgium appulsus erat) brevissimâ expeditione cepit in Picardia munitissimas urbes, Caletum, Hamam, Guinas, & Ardrum. Unde & Galliæ Rex, cum postea tandem die 22. Maji Feram obtinuit, fortunam non aliam habuit; quàm qui unam urbem suo hosti eripit, & interim quatuor alias rursum amittit. Ne autem sola Gallia Alberti Archiducis victoriam persentisceret, expugnata Ardrâ cum laureato exercitu suo convertit se in Flandriam, ut & Hollandis, qui interea Brabantiam milite Hispanico vacuum populi erant, victricem dexteram ostentaret. Simulabat ibi primùm, se adversus Ostendam pergere. Sed, prius, quàm Batavi consilia ejus penitus introspicerent, signis aliò conversis die decimâ Julii repente constitit ante Hulstum: oppidumque hoc, licet eo tempore videretur inexpugnabile, vivacissimâ oppugnatione tandem die decimâ octavâ Augusti ad suum & Philippi Regis obsequium redire compulit. Ità magnæ illæ Batavorum spes, quas è Gallici Martis auxilio sibi finxerant, rursus in vicino oceano vel certè in mari Austrio submersæ sunt.

à paucissimis Turcis redeuntibus opprimuntur, & victoriam obtinentam perdunt. *Isthuansff. ibid.* *Spond. n. 7. & 8.*

Galli obli-
dione lon-
gissimâ His-
panis eri-
piunt Fe-
ram oppi-
dum Picar-
diæ. *Haras in*
ann. Brab.
Spond. n. 13
Contrà ve-
rò Hispani,
ductore Al-
berto Ar-
chiduce,
Gallis eri-
piunt Cale-
tum, Ha-
mam, Gui-
nas, & Ar-
drum, urbes
Picardiæ:

item Hol-
landis Hul-
stum in
Flandria. *Haras ib.*
Spond. hic
n. 12.

Theodorus
Ep. Paderb.
Calvinianū
verbi mini-
strum ex-
pellit ex
oppido
Büren.

*Annales
Collegii
Paderb.*

*Litera ar-
chivi Bü-
rensis.*

Pastores,
commu-
nionem sub
utraque
specie mi-
nistrantes,
pane &
aquā casti-
gat.

*Annales
Colleg. Pa-
derborn.*

Pro ædifi-
cando col-
legio Patrū
Societatis
Jesu, pri-
mum lapi-
dem hoc
anno solen-
nissimè po-
nit.

*Annales
Collegii Pa-
derb.*

Interea Paderbornæ Theodorus Princeps, uti jam semper an-
tea, ita maximè hoc anno singularem, quem habebat, Catholicæ
Religionis amplificandæ zelum novis iterum gloriosissimisque fa-
cinoribus illustravit. Nam in primis ex oppido Bürensi Degen-
hardum Rôttekenium Calvinianæ doctrinæ præconem, quem bi-
ennio abhinc ibidem rogatu Joachimi Baronis in Büren constitue-
rat Joanna de Stockhausen vicini Holthusensis monasterii Abba-
tissa, non attentis ejusdem Joachimi & aliorum Principum acatho-
licorum intercessionibus hoc anno rursus ejecit; eidemque Jodo-
cum Pistorium, virum optimè Catholicum, surrogavit: modestè
excusans, sibi in territorio suo non esse minùs juris ad expellendos
Pastores acatholicos; quàm Lutheranis & Calvinianis Principibus
ad expellendos Pastores Catholicos. Deinde & omnes corruptio-
nis vitæ vel doctrinæ parochos, qui in Episcopatu nostro vel sacram
Eucharistiam sub utraque specie ministraverant, vel antiquam Ro-
manæ Ecclesiæ Fidem sequiore novarum opinionum fermento
conspergere cœperant; in concilium evocavit, ibidemque legiti-
mè convictos in carcerem Ecclesiasticum detrudi jussit: ubi pane
arcto & aquâ brevi tam diu macerati sunt, usque dum vel ad so-
brietatem sapere docerentur, vel à Pastoratu suo se abstituros esse
promitterent. Qua tamen in re intrâ urbem Paderbornam cum
Hermannò Tünneken, Forensis Ecclesiæ Pastore apostata, adhuc
aliquantisper connivendum censuit, ne cives jam ad seditionem
concitandam pronos vehementiùs irritaret. Postremò etiam, ut
in urbe Fides Catholica incrementum & stabilitatem caperet; So-
cietatis JESU Patribus, qui hucusque in domo admodum angusta
prope sacellum S. Bartholomæi vixerant, novum hoc anno colle-
gium fabricare cœpit in eo loco, ubi quondam cœnobium Fra-
trum Minoritarum steterat. Locum hunc desolatum, & jam diu
sponte à monachis desertum, quadriennio abhinc emerat ab hæ-
redibus Perillustribus ac generosi Domini Elmerhusii ab Haxthausen,
uti suo loco diximus: neque ab eo tempore quidquam aliud ad no-
vam fabricam inchoandam decrat; quàm domus alia, ad mona-
sterium Hardehusanum pertinens, & veteri Minoritarum horto
penè inclusa, ubi nunc est collegii nostri officina braxatoria. Ve-
rùm cum & hanc præcedente anno Theodorus Episcopus ab Har-
dehusanis coëmisset; nihil ampliùs morandum ratus, hoc anno tan-
dem die 5. Junii, S. Bonifacio sacrâ & suæ electionis anniversariâ,
tam sancti, laudatissimique operis initium fecit. Aderant con-
scripti ad eam diem quatuor Abbates, cunctorum Ordinum Dioe-
cesanorum Proceres, urbium præcipuarum consules, & quidquid
ferè ministrorum, vel ad aulam, vel ad curiam Episcopalem perti-
nebat.

nebat. Cum his paulò post, quàm Neuhausio Paderbornam ad-
 vectus esset, præeunte Cathedralis Ecclesiæ Clero majore & mino-
 re processit ad sacellum S. Bartholomæi, jam pridem usui Societa-
 tis attributum: auditòque ibidem sacro musico, eadem pompâ &
 apparatu conferebat se ad locum veteris monasterii; ubi scrobes,
 jam effossæ ac præparatæ, solennem primi lapidis impositionem
 exspectabant. Lapis hic in medio paululùm excavatus (utì mo-
 ris est) in vicina domo servabatur, & jacebat eleganti vehiculo in-
 jectus: indè verò jucundissimo omnium spectaculo à Nobilibus
 quibusdam & egregiè vestitis adolescentibus, ad ædificii aream per-
 tractus, & ab ipso Clementissimo Principe consuetis Ecclesiæ ce-
 rimoniis lustratus est. Quo peracto, idem Princeps Clementissi-
 mus manu propriâ auream, argenteamque monetam, cum inscri-
 ptionibus congruis eo fine cusam, cavitati lapidis immisit, oper-
 culum ejus probè occlusit, laminam æream circumjecit, ac denique
 lapidem hoc modo comparatum novi operis fundamento impo-
 suit, accinentibus musicis, interstrepentibus tubis ac tympanis,
 acclamantibus inter festiva carmina Poëtis, omnique juventute
 studiosâ. Porro laminæ, quam ex ære fusam & lapidi primario
 circumjectam diximus, incisa erat hæc epigraphe, ab ipsomet Prin-
 cipe composita: *Q. F. F. F. Q. S. E. A. D. O. M. Q. G. C.* (hoc est,
 ut ego interpretor: *Quod felix, faustum, fortunatumque sit, et ad Dei
 optimi maximique gloriam cedat*) *Anno reparatae salutis 1596, die 5. Ju-
 nii, indictione 9, gubernante Ecclesiam universalem Ss. D. Papa Clemen-
 te 8. Theodorus à Fürstenberg, D. G. Episcopus Paderbornensis, ad Fidei
 Catholica incrementum, pro singulari sua liberalitate, hoc novum collegium
 Patribus Societatis JESU, ex fundamento, isto novo lapide collocato,
 adificare cepit.* Post hæc itum est ad mensam, apud eosdem Patres
 principali sumptu instructam; eaque finitâ, ad elegans drama à
 studiosa juventute nostra exhibitum. In eo dramate non solum
 Theodori Episcopi majores & proavi; sed etiam plurium familia-
 rum proximè cognatarum Proceres, cum suis quisque signis gen-
 titiis quasi è suis tumulis redivivi, producebantur in scenam pub-
 licam. Commemoratisque gloriosis facinoribus suis, pro Deo &
 republica olim à se patratis, Theodoro nepoti suo de susceptis hu-
 jusmodi consiliis gratulati sunt; eundemque simul adhortati, ut
 glorioso huic operi perficiendo & consummando ferventissimè in-
 sisteret. Id quod omnibus spectatoribus, maximèque ipsimet Epi-
 scopo eum in modum placuit, ut liquidissimâ cordis voluptate per-
 fusus, & quasi jam prægustato laborum suorum fructu magno-
 pere gaudens, ex peracto dramate Neuhausium reversus fuerit.

Inscriptio
 primi lapi-
 dis.
*Annales
 iidem.*

Comædia
 post primi
 lapidis po-
 sitionem
 Celsissimo
 Principi &
 aliis exhibi-
 ta.
*Annales
 iidem.*

Dum

Interitus
monasterii
Falckenhagen-
genſis Pa-
trum Cru-
cigerorum
in comitatu
Swalen-
bergenſi.
*Annales
Collegii
Paderb.
*vulgò
Crucigeri
ſive Creuß-
Herren.*

Post obitū
Chriſto-
phori à
Dart, ultimi
Prioris Ca-
tholici,
monachi
omnes à fi-
de & Ordi-
ne defi-
ciunt.
*Annales
iidem.*

Dum autem hoc modo Paderbornæ vetus illud monasterium sancti Francisci verteretur in collegium Societatis JESU; ecce tibi! iterum aliud ejusdem Dioecesis monasterium, quod erat Falckenhagæ in comitatu Swalenbergenſi, ab inductis Lutheri, Calvinique placitis everſum ac diſſipatum eſt. Poſſederant illud à ſeſqui ſeculo, & paulò ampliùs, religioſi Patres ex Ordine S. Crucis* & inter novationum heterodoxarum initia ſatis cautè ac providè ſe cuſtodièrant ab omni pravarum doctrinarum aut vitæ licentioris contagio. At, ubi poſtmodum novioris Evangelii placita toto comitatu Lippienſi & Swalenbergenſi recepta fuère; etiam in hoc monaſterio religioſæ diſciplinæ cuſtodia ex frequenti cum heterodoxis converſatione plurimùm retroceſſit: ac tandem primus omnium Hermannus Wegge, labascentis monaſterii Prior, anno ſeculi præſentis ſexageſimo ſeptimo à fide & Ordine ſuo turpiſſimè defecit, acceptâ in matrimonium Catharinâ quâdam, civis Lügdenſis filiâ. Peſſimi exempli res hæc erat ad pervertendos alios ejusdem conventûs monachos, libertati jam ſatis deditos: videbaturque jam totum illud monaſterium unius ſcabioſi capitis contagio ſic ruiturum eſſe, quemadmodum, teſte Juvenale, *grex totus in agris unius ſcabie cadit et porrigine porci*. Aſt eâ vice huic malo adhuc ſatis maturè occurſum fuerat à ſupremo prædicti Ordinis Magiſtratu ſeu Præſide provinciali. Qui, ut primùm de Hermann Prioris apoſtaſia ac matrimonio per literas edoctus fuit, quàm celerrimè eidem ſurrogârat è conventu ſuo Ruremundano Dominum Chriſtophorum à Dart Nobilem Geldrum, virum præclariffimum, & virtute non minùs, quàm illuſtri majorum ſuorum ſanguine conſpicuum. Præſuit hic ibidem ſumma cum laude. Reductâque vetere diſciplinâ, & reſtaurato bonorum temporalium ſtatu, religioſiſſimè deceſſit anno 1589, die 16. Martii; ad quam in antiquo Falckenhagenſi necrologio hoc ei encomium ſcribitur: *Anno 1589, die 16 Martii, Reverendus et omni laude digniſſimus Dominus Chriſtophorus à Dart, ex Nobilium genere in Geldria natus, conventualis Ruremundenſis, Pater et Prior hujus domûs Falckenhagenſis, cùm huic loco ſumma cum laude et maximis laboribus præſuiſſet, ex hac lachrymarum valle piè et devotè conceſſit in aulam caeleſtem, animam ſuam filio Dei maximis ſuſpiriis commendans, et decimâ octavâ ejusdem cum multorum gemitu ſepultus.*

Mortem hanc intrâ paucos annos non ſolùm conſecuta eſt luctuofa morum diſſolutio; verùm etiam totius monaſterii interitus ac diſſipatio. Qui enim Chriſtophoro Dartio in Præſectura ſacra vel Prioratu ſuffectus eſt Alexander Backhus; haud multò poſt abjecto cucullo, & avulſâ non modicâ bonorum monaſticorum parte,

ma-

matrimonium pudendum iniiit cum deamata pridem alicujus consulis Huxariensis filia. Hoc autem in viam scelerum præeunte, etiam ceteri, qui adhuc supererant, sacerdotes ac laici ruptis omnibus legum sacrarum repagulis non modò Fidem, Ordinémque religiosum deseruere; sed etiam in eam græcandi & luxuriandi licentiam sese præcipitârunt, ut verissimè de eo conventu potuerit affirmari: *sacra Deo quondam domus, est jam tota lupanar.* Aspiciebat hæc oculo non invito Simon Comes de Lippia, cujus dominio Swalenbergensis comitatus potissima ex parte subest: credebátque fore, ut, sicuti monasteriorum aliorum bona quàm plurima jam pridem ad se attraxerat; ità quoque Falckenhagensis conventus prædia in ærarii sui augmentum verteret. Sed hæc ejus consilia tempestivè interceptit prudentissimus Episcopus noster Theodorus Fürstenbergius. Qui, cùm intelligeret rem eò dirigi, per Octobrem hujus anni transactionem iniiit cum Simone Comite: ac tandem effecit, ut ibidem partitio bonorum fieret, mediâque pars eorum Comiti; & altera medietas Episcopatu nostro in usus Deo sacros relinqueretur. Superfunt adhuc ejusdem transactionis literæ, die decimâ quartâ Octobris hoc anno datæ, & appensis ambarum partium sigillis communitæ.

Monasterii derelicti bona dividuntur inter Episcopum Paderbornensem & Comitem Lippiensem.
Annales Collegii Paderb.

Monachi autem exleges & apostatæ, ex quibus adhuc residui erant sacerdotes quinque & laici tres, monasterii prædicti bonis postmodum exclusi, fortunam quisque diversissimam subiére. Pater Henricus Alffhusen Prior (qui Alexandro Backhusio ad sacrilegas nuptias transeunti successerat) ceteris paulò melior ac simplicior, ejuratâ Fide Catholicâ in magna rerum inopia vixit; mortuusque est Blombergæ in comitatu Lippiensi. P. Petrus Missing Procurator & Cellerarius, diuturno prius concubinato infamis, matrimonio tandem inito, primùm à Lippiensi Comite constitutus est silvarum Falckenhagensium Præfectus: deinde verò post secundas nuptias cauponem plebejum egit in pago Rischenau prope Falckenhagam. P. Stephanus Jacobi, loci parochus, antea passim in stupris & adulteriis volutatus, uxore ductâ Calviniani verbi ministerium accepit in pago Alverdissen. P. Casparus, vir nequissimus, & sub habitu religioso continuus armorum gestor, conjugè acceptâ factus est Calvinianæ doctrinæ buccinator in pago *zur Ealle* comitatus Lippiensis. P. Antonius Frobôsen, projecto honore sacerdotii, per annos ferè triginta partim in Falckenhagen, & partim in *Wöbbel* Calvinianorum Prædicantium administer, seu templi ædituus & custos fuit, utrobique factus duodecim aut amplius liberorum parens. Frater Oswaldus laicus, homo senex, Henrico Priori suo in Calvinianis erroribus adhæsit, & cum eo pau-

Religiosi apostatæ variam fortunam subeunt.
Annales Colleg. Paderborn.

pauperrimè defunctus est Blombergæ. F. Bernardus abjectâ fide & Ordine suo diu variis in pagis subulcum egit; ac tandem post longos errores ad mentem saniozem rediit, Catholicè defunctus in Dioecesi nostra Paderbornensi. Denique postremus omnium F. Joannes, diu vagus & spiritui sancto resistens, anno 1605 à Patribus Societatis JESU ad Catholicam Fidem reductus; ac deinde, quàm diu vixit, in Paderbornensi collegio sustentatus est. Ubi non modò summa cum sedulitate famulorum labores perlubenter obiit; sed etiam prioris vitæ errata multis orationibus, jejuniis, & voluntariâ sui corporis castigatione eluens, post plures annos pientissimè decessit.

Reliquiæ
S. Landelini
ex desolato
monasterio
Flechtorpi-
ensi auge-
runtur, ac
transferun-
tur in Oda-
cker.

Henſchen.
to. 2. Ss.
Junii. in
commenta-
rio prævio
ad vitam
S. Landeli-
ni, s. 66.

*Odacker
monasteriū
Virginum
in comita-
tu Arens-
bergico
prope oppi-
dulum
Hersberg.

Cum coenobio Falckenhagenensi extremos etiam trahebat hali-
tus monasterium Flechtorpiense Dioecesis nostræ in comitatu Wal-
decensi; de cujus fortuna retrograda, foedissimâque defectione Bal-
thasaris Haghmeisteri Abbatis ultimi, plura diximus ad annum
1558. Ex monachis, qui ibidem fuerant, hoc anno solùm super-
erat unus sacerdos ætate grandis & sepulchro proximus. Bona
temporalia nobilissimæ hujus Abbatiæ jam pridem à Lutherano Co-
mite occupata, atque ad alios usus traducta erant. Reliquias S.
Landelini, quas olim Henricus II. Episcopus Paderbornensis illuc
translulerat ex pago Boke, magna ex parte jam disperferat vicino-
rum hæreticorum furor: propèque aberat, ut & reliquæ ejusdem
sacri corporis partes eandem fortunam paterentur ab adversariis.
Hoc igitur ut averteret Erardus Comes de Soberen, vicini Duca-
tûs Westphaliæ satrapa provincialis; Conradum Lutherum, sacer-
dotem religiosissimum & Parthenonis Odackerensis Præpositum,
in mense Octobri ad se accersit; jussitque illum unâ cum Domi-
no Sviberto Stephani Pastore Briloniensi Flechtorpium ire, &
quidquid reliquiarum prædictarum superesset, ex monasterii tem-
plo clanculum sublegere. Perlubenter huic mandato Conradus
paruit. Opèque & indicio istius monachi senis, quem suprâ me-
mini, S. Landelini caput cum quibusdam aliis ejusdem ossibus ibi-
dem reperit, de sacro loculo reverenter extraxit, Arensbergam
abduxit, Comiti Erardo obtulit, multisque ab eo precibus impe-
travit, ut in Odackerensi* monasterio suo, quod Virginum Bene-
dictinarum est, pretiosum hunc thesaurum ad venerationem pub-
licam deponeret. Ubi clanculariæ hujus translationis anniverſa-
ria festivitas etiamnum sub ritu duplici celebratur die 26 Octobris,
quâ hæ reliquiæ Odackriam pervenêre, Theodoro Episcopo no-
stro easdem frustra indidem reposcente.

AN-

Annus Christi 1597.

CLEMENTIS VIII. Pontificis 6.

RUDOLPHI II. Imperat. 21. & 22.

THEODORI Episc. Paderb. 12. & 13.



IN bello Hungarico singulare nihil hoc anno gestum est, præter leviora * quædam certamina; in quibus tamen Christiani minus, quàm Turcæ perdidērunt. Similiter & in bello Gallico, quod Hispanos inter & Gallos à biennio suscitari coeperat in Picardia, nihil aliud hoc anno peractum fuit, quàm quod Hispani Ambianum urbem ridiculo stratagemate ceperint, & eandem Galli diuturnâ, gravissimâque obsidione recuperârint. Stratagema autem erat hoc: undecimâ die Martii Portocarrerus Hispanus, qui Durlanio ante biennium occupato præerat, nocturno tempore misit illuc octodecim viros lectissimos, rusticanis vestibus indutos: quorum aliqui currus onustos in urbem veherent, alii faggos pomis ac nucibus repletos dorso importarent. Ipse verò cum duobus equitum, peditumque millibus hærebat pariter ante urbem in occultis quibusdam latebris, ut ibidem exspectaret signum accedendi. Primo diluculo personati illi rustici introibant in portas urbis. Dùmque illi, qui agebant currus, intrâ portas aliquantisper consisterent, ne rastrum superius demitti, liberque in urbem aditus occludi posset; aliorum personatorum unus & alter sacculum suum, nucibus & pomis plenum, veluti ex quodam infortunio in terram effuderunt. Quæ cum avidissimè legerentur ab incautis portarum excubitoribus; continuo personati illi gladios infra vestimenta sua contextos extrahunt, vigilias occidunt, socios è propinquo præstolantes dato signo ad se accersunt, urbemque nihil minus ominantem prius occupant, quàm plerique civium è nocturno somno excitati fuerint. Exhorruit ad improvisam illam tantæ urbis interceptionem Henricus Rex. Et quia ab ejus recuperatione belli Gallici fortuna quàm plurimum dependebat, ruptis illico moris omnibus eam rursus obsidere coepit cum ingenti exercitu, ex Gallicanis, Anglicisque copiis conflato. Decertatum fuit acriter ab utraque parte; multique hostium ante hanc urbem trucidati sunt, non solum vehementi explosione tormentorum; sed etiam crebris, fortunatisque præsidiariorum eruptionibus. Neque dubium est, quin Albertus Archidux Belgarum gubernator, qui cum viginti & amplius armatorum millibus ad urbem liberandam adventaverat, Gallicanum exercitum fuisset propul-

In Hungaria singulare nihil hoc anno geritur.

* *Stbmanff.* l. 30. *hiff.*

Hung. Hispani ridiculo stratagemate eripiunt Galli Ambianum in Picardia;

Harans in ann. brab. *Spond. his* n. 2.

& Galli illud senectutis obsequio recuperant.

Harans ib. *Spond. n. 3.* 4. 5. & seq.

Ecco

pulsu-

pulsurus : nisi Dux Mayennius , Henrico Regi ante annum reconciliatus , præcedenti nocte Gallorum castra ex ea parte , quâ invadi poterant , incredibili celeritate sic obfirmâset , ut nullus amplius ad eadem invadenda pateret aditus. Quo animadverso Albertus Archidux die decimâ sextâ Septembris cum exercitu suo se retraxit ; pauloque post etiam urbs illa , diuturnis obsidionum laboribus fatigata , sese iterum Regi Gallorum dedit , præsidarius Hispanis cum honore maximo dimissis.

Hollandi
interim, Hi-
spanis alibi
occupatis,
Rhenober-
ckam, Grol-
lam, Ol-
densaliam,
Lingam, &
alias urbes
in & prope
Westphalia
sitâs.
*Harant in
ann. brabant.*

Multum illa Gallorum & Hispanorum concertatio rebellibus Hollandis profuit ad extendendos dominiorum suorum limites. Nam interea dum Albertus Archidux præcipuum Belgicæ militiæ robur transferret in Picardiam , ut Ambiano periclitanti succurreret ; Mauritius Princeps Arausicanus , cum ingenti exercitu in agrum Coloniensem & Clivensem irruens , terrore magis , quam vi & armis celerrimè occupavit Alpam , Rhenoberckam , & Môrsam , urbes & oppida ab Hispanis præsidariis adhuc infessa. Indè verò trans Rhenum pergens (cum nemo esset , qui progressum armorum sisteret) eodem victoriarum ac terricationum hostilium cursu in suam & Hollandorum potestatem adegit urbes , Grollam , Brevordam , Oldensaliam , ac Lingam : quarum postrema quondam paruerat Comiti de Tecklenburg ; tunc autem ab annis fere quinquaginta sub Hispanorum dominio consistebat. Magnum hinc erat gaudium in Hollandia. Sed longè major tristitia ac moeror in vicinis Westphaliæ provinciis : utpote quæ in sinu suo jam alebant hostem , à quo sæpius jam afflictæ , & in posterum adhuc amplius affligendæ erant. Certè eodem hoc anno , priusquam Linga & ceteræ urbes antè dictæ in Hollandorum unguis incidissent , alii prædones Hollandici ductore Joanne Nassovio in Dioecesi Monasteriensem , octo pagos cum uno oppidulo expilaverant , hominibus pauperculis octingentos equos abstulerant , aliâque multa infanda fecerant , quæ ab infidelibus Ottomannis potius , quam à viris Christianis peracta crederes. Neque ab huiusmodi nocumentis prorsus intacta mansit Paderbornensis Dioecesis nostra. Nam & eam ingressi sunt mense Martio : & non abiissent sine noxa , nisi & subditi nostri ad vim repellendam egregiè se præmunivissent ; & Episcopus noster , ulterioris incommodi evitandi causâ , numeratis quater mille imperialibus hostiles ipsorum animos compescuisset.

Idem hoc
anno rursus
in Westphalia
magnas præ-
das exer-
cuerunt.
*Klockner.
in hist. Pa-
derb.*

Theodorus
Ep. Paderb.
cum Hassiæ
Landgravio
improspere
transigit, de

Tristiore aliam hoc anno plagam accepit Ecclesia nostra ex infelici transactione , ineunte Januario inter Theodorum Episcopum nostrum & Mauritium Hassiæ Landgravium inita , de monasterio & oppido Helmershusano , de Dynastia Schönenbergensi , de castello

castello Drendelburgico, de arce & oppido Liebenaviensi, de sil-
 va Reinhartziana, & aliis quibusdam pagis inferioris Hassiæ; de
 quibus jam longo tempore in judicio Spirensis Cameræ discepta-
 tum ac decertatum erat. Steterat quidem hac in re validissimum
 jus pro Diocesi nostra: &, quod attinet Helmershusiam, silvâmq;
 Reinhartzianam, clarissimæ sunt donationes S. Henrici Imperato-
 ris apud *Schatenium. Sed, quia prò dolor! ea tunc erant tem-
 pora, ut armorum potestate magis, quàm jure & legibus agere-
 tur; tandem Theodorus Episcopus noster, aut fraude aliquâ cir-
 cumventus, aut vi & metu compulsus, ad concordiam ineundam
 se componere, flecterq; debuit, interventoribus Ludovico Land-
 gravio Mauriti prædicti patruo, & Simone Comite Lippiensi.
 Horum operâ, post varios congressus Corbachii & Warburgi ha-
 bitos, demum ineunte Januario præsentis anni conventum est in
 hos articulos transactionis: *monasterium, oppidumque Helmershusa-
 num unâ cum omni jurisdictione, bonis, decimis, aliisque juribus et ob-
 ventionibus, in potestate Mauriti Landgravii, ejusque heredum et suc-
 cessorum constanter maneat, quàm diu ex modernis omnibus Hassiæ Prin-
 cipibus masculina proles in vivis erit: hac autem deficiente, ad Episcopos
 Paderbornenses, eorumque possessionem certam et indubitatam redeat, sine
 omni aliorum successorum obstaculo et impeditioe. Dynastia Schönenber-
 gensis, castellum Drendelburgense, arx et oppidum Liebenaviense, uti et
 silva Reinhartziana, unâ cum omni jurisdictione sua, pagis, hominibus,
 et aliis utilitatibus conjunctis, perpetuò et hereditariè pertineant ad Mau-
 ritium Landgravium, ejusque heredes et successores: contra verò Mau-
 ritius et ejusdem successores perpetuò renuntient omni juri suo, quod præ-
 tendunt et prætenderunt in Calenbergam, Swalenbergam, Oldenburgam,
 et Beverungam, Paderbornensi Episcopatu subdita. Denique pagus
 Wettesingen perpetuò et irrevocabiler maneat penès Landgravium; con-
 tra verò pagus Herlinghausen penès Episcopum Paderbornensem: salvo ta-
 men omni jure et jurisdictione, quam hucusque in pago Herlinghausen ob-
 tinuerunt et obtinent perillustres Domini de Malsburg. Superfunt ad-
 huc ejus transactionis literæ, pluribus sigillis communitæ, quarum
 finis est: Datum die Mercurii, quintâ mensis Januarii, anno à Nati-
 vitate Christi Domini et Salvatoris nostri millesimo quingentesimo nonage-
 simo septimo.*

Peractâ hac infelici còpositione, quæ tamen citra omnem
 Theodori Antistitis culpam vel socordiam contigit, nova alia tem-
 pestas contra eundem concitata est à quibusdam patriæ Statibus.
 Luthero vel Calvino deditis. Convocaverat Princeps Diocæsana
 comitia die decimo septimo mensis Martii, ibidémque Augustissi-
 mi Imperatoris nomine proponebat, quàm iniquo loco versarentur

Nobilibus,
 urbibusque
 aliquibus,
 negat liber-
 tatem Reli-
 gionis, po-
 stulatam in
 comitiis
 diocæsanis,

Christianorum res in Hungaria: Turcas ibidem quotidianis urbium populationibus foedissimè grassari, neque esse in potestate solius Imperatoris, tam innumeræ barbarorum multitudini se opponere, nisi & aliis aliarum provinciarum auxiliis benignè adjuvetur. *Proinde rogare se et Casarem, ut reipublica ibidem periclitantis misericordiam capiant, atque ad bellum illud validius propulsandum liberale subsidium in ære conferant.* His auditis, Nobilitas heterodoxa, libertatem suæ fidei quæsitura, in coetus arcanos coiit; attractisque urbium aliquarum consulibus, quos eâdem libertatis prurigne laborantes noverant, audacissimo tandem consilio denuntiârunt Principi: *ne vel obolum se datorios, nisi vicissim acceperint libertatem credendi, et usum cœnæ Dominicæ sub utraque specie.* Obstupuit ad ista Princeps: atque, ut erat inconcussi pectoris, continuo respondit illis magno animo: *Quid? Vosne ad infames ejusmodi nundinas hoc modo me adigere? Malo potius hanc vitam, animamque meam immolare pro conservatione antiquæ Fidei Romano-Catholicæ, quàm ut effreni huic audaciæ concedam, aut me demittam ad hæc impia postulata vestra, sanctissimis Ecclesiæ legibus adversantia.* Agite, quod vultis modo! Non enim mihi; sed Casari: non pro oculis meis; sed pro salute publica subsidium posco. Quis non putasset, eos ad hæc verba tacituros esse, in reverentiam sui Principis? At illi nihilo minùs à suis postulatis nondum desistere: imò adhuc ampliùs tumultuari, & impudenti agmine ad Cathedrale Capitulum currere, ut vel ibidem à pluribus extorquerent, quod ab uno impetrare non potuerant. Sed cum & istic in rupem incurrissent; bilem omnem in Patres Jesuitas exspuunt, eos Christianæ libertatis everfores & malorum omnium auctores vocitant, oculis, verbis, & armis insolenter ostensis territant, ausi etiam iisdem bonorum suorum direptionem & incepti ædificii demolitionem atrociter comminari. Stetêre tamen hæc omnia intrà solos terrores. Et Illustrissimus Princeps, ut ostenderet se hujusmodi minacias flocci facere, inter ipsa comitia die 21 Martii operarios omnes per quæstorem Neuhufanum ad labores per hiemem intermissos redire jussit.

& collegii
ædificandi
labores re-
sumi jubet.
*Annales
Colleg. Pa-
derborn.*

Paderbor-
næ in urbe
ac Diœcesi
tota grassa-
tur pestis.
*Annales
Collegii Pa-
derb.*

Sub horum indefessis manibus quotidie crescebat nova collegii Paderbornensis fabrica, donec ineunte Augusto funesta pestis, Paderbornam ingressa, operariorum labores iterum abrumperet. Periêrunt ex ea lue multi civium: nonnulli etiam studiosorum, quos idcirco maturius è scholis domum remitti oportuit. Eadem afflavit aliquos è collegio Societatis, ac præsertim omnes Fratres laicos; tametsi nullus ipsorum ex eo malo extinctus fuerit. Ceteri verò Patres, quibus integra valetudo constitit, indefessam operam præstitêre, non solum in adjuvandis, curandisque pestiferis intrà

intrà urbem; sed etiam foris in convertendis, præparandisque ad mortem compluribus sagis & veneficis, Attelenæ, Ettelenæ, & Henglerenæ comprehensis. Ex harum numero una à diabolo amasio suo impetraverat, ut maritum suum è superioris tabulati sinu aut foramine in præceps deturbaret, atque ità cervicem ejus infringeret. Altera verò maritum & aliquot liberos, veneno sibi per diabolum allato, crudelissimè interfecerat, non sinè diuturno eorum cruciatu & lamentatione. Utraque primùm ignitis forcipibus toto corpore lacerata, ac deinde in pulveres combusta est, posteaquam diligenti nostrorum Patrum instructione singularem poenitentis animi dolorem prodidissent. At nullus omnium scelestorum flagitiosior fuit, quàm aliquis Attelensis rusticus, cognomento *Francke*, inveteratæ malitiæ senex, &, si ità loqui liceat, vivus in humana carne diabolus: per quem hostis avernalis peregerat ferme omnia, quæ in rebus criminosis per hominem exercere potest. Is, cùm in ætate juvenili sese totum devovisset infernali genio, accepit ab eo tres fabas, aut potiùs tria semina, fabarum instar. Simulque ab eo jussus est, virginem occidere, caput ejus resecare, ad altitudinem trium pedum humi defodere, certoque modo tres illas fabas aperto ejusdem ori inferere vel implantare. Indè nascituras esse tres alias fabas: quarum una, si in ore teneretur, eidem præstitura sit, ut fiat invisibilis: altera, ut vertatur in Lycanthropum, vel aliud animal, quodcunque vellet: tertia, ut in alias quascunque res inanimas transformari, si velit, queat. Hæc igitur affecuturus homo pessimus, non multò post in comitatu Waldecensi, haud procul ab urbe Corbachienfi, inter silvarum abdita virginem aliquam violenter à se constupratam* interemit, caput ejus resectum sacco suo inclusit, Attelenam deportavit, humo infodit, fabas antè dictas ori imposuit, novisque fabis ex eo scelere procreatis tam infanda crimina ope dæmonis perpetravit, ut evitandæ seductionis vel offendiculi causâ, neque typo committi, neque propalam enarrari debeant. Inter alia, quæ in publicum edi possunt, illud etiam confessus est, se beneficio istius fabæ, quâ invisibilis reddebatur, non solum furta & homicidia multa, sed etiam alias nequitias quàm plurimas commisisse: alterius autem beneficio frequenter abuisse in lupum aut aliud nocivum animal, eaq; in figura vehementer nocuisse pecori & hominibus, etiam plures ex iisdem occidendo. Hæc inter horrenda maleficia ad ætatem senilem veniens (quod rari admodum exempli est) serâ tandem experientiâ didicit, nefarium id genus hominum ferè nunquam siccâ morte ad inferos descendere. Prælectâ mortis sententiâ instar morticini pecoris ad locum supplicii raptatus est: ubi, cùm in mensa quadam

In pagis urbi vicinis comburuntur plures veneficæ.
Annales iidem.
Klockner in hist. Paderb.

Attelenæ diro supplicio plectitur senex veneficus, criminum horrendorum reus.
Annales Collegii Paderb.
Klockner ibid.

Qui ope dæmonis non modò se invisibilem reddere; sed etiâ in res alias animatas & inanimas mutare potuit.

Auctores iidem.

**Klockner. in hist. Paderb. ms. ad an. 1598.*

Supplicii
locus ab ejus
nomine adhuc
nominatur *Grande-
denberg*.

quadam extentus & firmissimè constrictus esset; ferali cultro eidem vivo ac spiranti venter apertus, cor exsectum & in faciem impactum, corpus in quatuor partes divisum & in pulveres combustum, caput à trunco revulsum, paulisper in igne tostum, palo ferreo infixum, ac demum rotæ, infra quam lignea effigies lupi consistebat, pro communi omnium terrore impositum est. Monumenta hujus executionis & supplicii adhuc supersunt in colle aliquo non procul ab Attelena: qui ab istius malefici cognomento *Grande* etiam nunc *Franckenberga* nominari solet.

Monasteriū
Holthufense
se virginum
soluta regulari
disciplina, incli-
nat ad abjiciendam
fidem, Ordinemque
religiosum.
*Ex literis
archivi
Bürensis.
item ex li-
teris ac
traditione
monasterii
Holthufani*
Monasterii
eiusdem
visitatio ac
reformatio
committitur
Abbatibus,
Hardehusano
ac Marienfel-
densi.
*Ex literis
Bürensis*

Eodem hoc tempore monasterium Holthufense virginum Cisterciensium, quas vulgò Bernardinessas nominant, à primæva disciplinæ regularis observantia plurimum deviaverat. Jamque res & mores earum tam præcipiti lapsu in ruinam volvebantur, ut jam earum aliquæ proculcatis monasticæ vitæ, Fideique Romanæ legibus ad Lutherum Calvinumve transgressæ fuerint; aliæ verò, inter quas & ipsa Abbatissa erat, abjectæ jam veste religiosâ in periculo propinquo starent, ut eandem perditionis viam ingrederentur. Quod ubi advertit vigilantissimus monasteriorum Paderbornensium inspector Theodorus Episcopus; primum anno superiore Calvinianum Prædicantem vicini oppidi Bürensis, unde hoc malum fluxerat, frustra obnitente Domino Joachimo de Büren à Pastoralis domo eiecit, uti suo loco narratum est. Deinde autem prædictarum sanctimonialium emendationi consulturus, hoc anno Reverendissimum Dominum Godefridum *Dräick*, ejusdem Ordinis Visitatorem generalem, de earum statu edoceri fecit, moneri que, ut periclitanti huic monasterio maturè prospiceret. Non egebat hic multis calcaribus ad adeundam illius Parthenonis visitationem: erat enim vir egregiæ virtutis; & cui nihil magis cordi erat, quam vitæ religiosæ vigor & labentis disciplinæ restauratio. Sed, quia propter itinerum pericula munus illud obire per se ipsum non poterat (jam enim semel à militibus heterodoxis captus, & satis grandi sex millium dalerorum pretio redemptus erat) vices suas hac in re demandavit binis Abbatibus vicinis in Hardehusen & Marienfeld; jussitque, ut prædictum Holthufense monasterium in spiritualibus æquè, ac temporalibus, tam in capite, quam in membris reformarent, uti constat ex hisce literis:

NOs *Frater Godefridus Dräick, Abbas veteris campi in Colonienſi Diœceſi, ac dicti Ordinis in partibus inferioris Germania et Saxonia Vicarius et Viſitator generalis, Reverendis et nobis in Chriſto chariſſimis Coabbatibus de Hardehausen et Maria Campo, ſalutem in Domino. Cùm illud potiffimùm officii noſtri ratio poſtulet, ut monaſteria et loca regularia utriuſque ſexûs nobis ſubjecta in ſancta et Catholica Religionis obſerva-*

servatione salubriter dirigamus; nōsque propter itinerum pericula, singulorum monasteriorum nobis commissorum et in diversis partibus situatorum visitationibus et reformationibus personaliter interesse non possimus, pro ut summopere cuperemus: tales anhelamus per nos institui visitatores et reformatores, per quorum providentiam salutaria Religionis nostrae instituta debitum sortiantur effectum, pretiosissima anima ad salutis portum dirigantur, ac vepres et spinae à medio tollantur. Ceterum, cum non infimarum personarum relatu didicerimus, quod, etsi monasterium nostrum Holthausen in Diocesi Paderburnensi in bona observantia et reformatione multis annis ad Dei honorem, animarum salutem, populique Christiani adificationem manserit; à paucis tamen annis maxime deciderit. Non enim jam regularis observantia et Ordinis disciplina ibi viget; sed habitus et Religionis mutatio, morum corruptio, et vita dissolutio. Unde divina Majestas offenditur, anima damnationis aeternae periculo exponuntur, et populus Christianus non modice scandalizatur: ita ut vinea Domini jam non uvas; sed labruscas producere, aurumque illius in scoriam versum esse videatur. Unde metuendum, nisi his malis mature succurratur, quod praefatum monasterium in Holthausen ab Ordine et Catholica Religione decidat. Hinc est, quod tantis malis totis viribus occurrere cupientes, vobis duobus committimus et in mandatis damus, ut de die concordetis, et statuto inter vos die conveniatis, ac dictum monasterium ingrediamini, in eoque conjunctim et concorditer, salvis gradibus et dignitatibus vestris, auctoritate nostrā paternā visitetis, reformetis, corrigatis, instituatis, ac destituatis, in capite, in membris, in spiritualibus et temporalibus, quacunque secundum legem divinam, regulamque legislatoris S. Benedicti, nostrique Ordinis salutaria instituta et definitiones, inveneritis visitanda, reformanda, corrigenda, emendanda, instituenda, et destituenda: computationes dicti monasterii audiat, examinet, approbet, vel reprobet, invocato etiam ad hoc, si opus fuerit, brachio seculari: mandantes et praecipientes omnibus et singulis Professis monasterii praeordinati, ut vobis tanquam nobis in omnibus obediant, et humiliter parcant. Et cum Reverendus Dominus Abbas MARIÆ Campi hactenus semper fuit monasterii in Holthausen indubitatus visitator, nihil suae jurisdictioni per praesentem commissionem derogatum volumus; sed ipsum jus visitandi magis confirmamus: hortantes Reverendum Patrem, ut post reformationem, diligentem curam et inspectionem habeat, quatenus non iterum deficiat; sed in Religione et disciplina proficiat. etc. - - Datum Coloniae, anno Domini millesimo quingentesimo nonagesimo septimo, die Martis decimā septimā Decembris.

Acceptis hīsce literis praedicti Abbates, Hardehusanus & Marienfeldensis, consultarunt ocyus inter se de inunctae visitationis die. Eaue inter se invicem constitutā (mense, ut opinor, Februario

qui sub initia sequentis anni 1598 monasterium

illud visi-
tant ac re-
formant,
constitutâ
ibidem no-
vâ Abbatis-
sâ, & aliis
aliorum
cœnobiôrû
virginibus.
*Ex litteris
Bürensis*

bruario sequentis anni) monasterium Holthufanum coeperunt ingredi, spirituales ac temporales administrationem perlustrare, sanctimonialium vitam & mores perquirere, disciplinam reformare, defectus corrigere, errores emendare. Et quia loci illius Abbatissa Joanna de Stockhausen, quam eadem Lutheranismi aut Calvinismi lues jam invaserat, circa idem ferè tempus defuncta est; etiam paulò post ex monasterio *Himmelportensi* novam Holthufanis virginibus Abbatissam præfecere. Quæ deinde octavo Idus Martii unâ cum quibusdam aliis virginibus, è Wormelensi & Himmelportensi monasterio desumptis, Holthufium deducta, & ibidem regimini sacro admota est; uti colligitur ex litteris Udalrici Abbatis Breidelariensis, qui ex prædicto Himmelportensi monasterio die 7. Martii anno 1598 ad Hermannum Pfeningium, Bürensem secretarium, ita scripsit: *non sine maxima difficultate res in hisce locis eò tandem direximus, ut favente Deo, crastinâ die electam Abbatissam cum adjunctis virginibus personaliter nobiscum adducturi, et monasterio presentaturi simus. - - - Cellerarius Hardehusanus buc modò venit, secumque adfert virgines duas ex monasterio Wormelensi. - - - Abbas Hardehusanus quàm celerrimè evocatus est Neuhufium, quò die crastinâ proficiscetur.*

Annus Christi 1598.

CLEMENTIS VIII. Pontificis 7.
RUDOLPHI II. Imperator. 22. & 23.
THEODORI Episc Paderb. 13. & 14.

Jaurinum
in hungaria
Turcis ite-
rum per
stratagemam
eripitur ab
Adolpho
Barone de
Schwartzen-
burg.
*Spond. hic
n. 19.
Isthuansff.
l. 31. hist.
Hungar.*



IN Hungaria Jaurinum urbs munitissima, quam ante quadriennium à Turcis fœdissimâ gubernatoris deditione occupatam vidimus, insigni stratagemate hoc anno tandem recuperata est ab Adolpho Barone de Schwartzenburg, Comorræ seu Comaronii Præfecto. Audiêrat hic, urbem illam à Turcis negligentius custodiri, quòd ejusdem firmitati nimium confiderent: imò & jactitarent, eam non antè à Christianis recipiendam esse; quàm gallus ferreus, in primariæ turris fastigio positus, vocem ederet. Itaque hanc eorum socordiam in sua commoda conversurus, cum quinque millibus viro- rum præstantissimorum, quos ad Comaronium convenire jusserrat, tacitissimis itineribus Jaurinum proficiscitur; ac tandem die 28 Martii, horâ noctis undecimâ, in urbis conspectum venit. Ibi, cum unam portam non satis firmiter occlusam reperisset, & alteram ad- moto pylocastro (quod instrumentum Turcis hucusque ignotum fuerat)

fuerat) momento temporis confringi ac disjici præcepisset: continuo plenis agminibus militem intromisit; hostesque interim è somno excitatos, diuturno certamine ita fregit, obtrivitque, ut illucescente die urbem, arcemque Schwartzenburgio victori dedere coacti fuerint. Periêrunt in hoc assultu è nostris quingenti circiter, è Turcis verò mille quadringenti & amplius: capti eorundem trecenti præter imbellem puerorum ac mulierum turbam: præda omnis inter duces ac milites æquis partibus divisa est; exceptis tormentis bellicis, quorum centum & octoginta octo unà cum omni apparatu suo in potestatem Cæsaris devenêre.

Lætissimo huic nuntio, quo penè totus orbis Catholicus mirificè recreatus est, brevi tempore successit aliud non minùs felix, prosperumque nuntium de optata pace, Gallos inter & Hispanos ac Belgas inita. Desudatum in ea fuerat per plures hujus anni menses: interimque simul non minima curarum ac solitudinum pars in eo versabatur, ut Angli quoque ac Batavi æquissimis conditionibus ad eandem concordiam flecterentur. Sed, cum illi pertinaciter omnem cum Hispanis amicitiam & reconciliationem abnuissent, tandem postridie Kalendas Maji prædicta pax Vervini * in Picardia Gallos inter & Hispanos felicissimè conclusa est his articulis: *ut iterum confirmetur pactionis Cameracensis placita de anno *1559. Ut Henricus Gallia Rex Hispano et suis restituat omnia eidem ablata ab anno 1559; nominatim verò comitatum Carolesii in Burgundia, quem Hispanus et heredes ejus beneficiario nomine obtinebunt sub fide et clientela corona Gallica. Ut Philippus Hispania Rex restituat vicissim Gallo Caletum, Ardram, Casteletum, Durlanium, et alias urbes Gallis creptas à prædicto anno 1559. Ut eadem pax et concordia non solum se extendat ad ambos Reges; verum etiam ad omnes eorum liberos, heredes, et successores legitimos: neque eorum alter alteri nocumentum inferat, aut alios eidem nocituros gratiâ et favore juvet etc.*

Plurimum ea de re gavisi sunt omnes Catholici in toto Belgio: sed nemo magis, quàm eorundem serenissimus gubernator Albertus Archidux. Huic enim Philippus Hispaniæ Rex filiam suam Isabellam Claram Eugeniam nuptui collocare, & cum ea simul omnes Belgarum provincias in dotem tradere jam pridem constituerat. Id quod etiam hoc anno pridie Kalendas Maji in Madritensi aula ab eo publicè declaratum, ac stabilitum est eâ lege; ut, si fortè ex eo conjugio nulli provenirent aut superessent liberi, rursus omne Belgarum imperium ad Hispaniæ coronam revolvatur. Confecta simul in hunc finem varia diplomata, etiam à Philippo III, Hispanicarum ditionum hæreditario Principe consignata. Quibus acceptis Albertus Archidux die decimâ septimâ Augusti, no-

Inter Hispaniæ Gallicæque Reges conclusitur optata pax.

Haræus in ann. Brab. Spond. hic n. 5. & 6.

*Gallicè Vervins. *vide dicta ad eundem ann.

Noptiæ Alberti Archiducis cum Isabella Clara regis Hispaniæ filia (cui Belgium in dotem datur) & Margaretæ Archiducis cum Philippo III. Regis Hispaniæ filio Spond. n. 12

Ffff

mine

Matrimo-
nia ambarū
partium
Ferrariæ
contrahun-
tur coram
summo
Pontifice
per procu-
rator s, ab-
sentium
personarū
vicem ex-
plentes.
*Spond. hic
n. 14.
Haraus ad
hunc annū.*

Philippus
II, Hispa-
niæ Rex
moritur.
*Spond. hic
n. 10.
Haraus in
ann. brab.*

mine futuræ conjugis provinciarum Belgicarum possessionem so-
lennem adiit: nec multò post ejusdem adducendæ causâ, cum in-
genti multorum Principum comitatu properavit in Hispaniam,
rebus interim civilibus Cardinalem Andream Austriacum; milita-
ribus autem Franciscum de Mendoza, Arragoniæ Admiralium,
suæ nomine præficiens. Vix autem pervenerat in Ducatum Wir-
tenburgensem, cum insperatus ad ipsum affertur nuntius, Philip-
pum Hispaniæ Regem die decimâ tertiâ Septembris è vivis evoca-
tum esse. Magnum indè moerorem hausit prædictus Archidux.
Neque tamen idcirco destitit iter inceptum proseguere: quia simul
in mandatis habuit, ut eodem itinere Margaretam Austriacam,
Caroli Archiducis filiam, novo Regi sponsam adduceret. Occur-
rit hæceidem in Tirolis non longè post urbem Oenipontum; ade-
râtque pariter ejus mater Maria Bavara, cum insigni rerum omni-
um & personarum illustrium apparatu. Qui cum in unam itine-
rum societatem sese invicem adunâssent: primò Tridentum ac Ve-
ronam; indè verò Ferrariam, ubi Clemens Pontifex eosdem ex-
spectabat, inter innumeras vicinorum Principum ac provinciarum
gratulationes profecti sunt. Ibi, postquam per dies aliquot sum-
mis honoribus in- & extra urbem affecti essent; ipsæmet supremus
Pontifex, die decimâ quintâ Novembris in Dominica, duo illa se-
renissimorum sponсорum paria, per mandatarios loco absentium
constitutos, inter missarum solennia conjungere, & matrimonium
hoc modo initum sancire, benedicere, & consecrare dignatus est.
Quo peracto post triduum discessere: præsentemque hiemem Me-
diolani in Lombardia transigere coacti sunt, cum ob incommo-
dum anni tempus, quod non sinebat longiùs proficisci; tum ve-
rò maximè, quòd in Hispania recentissimus dolor è morte Regis
non dum permetteret, nuptialibus ibidem gaudiis indulgere.

Regis autem prædicti obitus hoc modo contigit. Ad ægræ
senectutis incommoda (erat enim septuagenario major) accessit
hoc anno febris tabida, quæ omnem ipsius carnem paulatim ita
corrupt & exedit, ut ea penè videretur minutatim diffluere. Qua
ex re cum sibi mortem imminere persentisceret; præmissâ confes-
sione sacramentali, divinissimum Eucharistiæ sacramentum singu-
lari cum devotione sumpsit: insuperque jussit, antiquam defuncti
hominis calvariam juxta coronam Regiam in mensa vicina poni,
ut hujusmodi signo, ante oculos habito, humanæ mortalitatis ad-
moneretur. Indè filio, filiæque suæ tabefactum corpus ostendens:
*Ecce, inquiebat, ecce hæc specimen mundanæ gloriæ! aspici-
te miserabile corpus hoc! nihil opis humanæ superest: idcirco nunc mihi non de morbi
remedio; sed potiùs de felici morte et sepultura cogitandum est.* Hæc lo-
cutus

cutus non sinè multo circumstantium fletu, scriniolum aliquod è cubiculo suo adferri mandat: eoque aperto, monile pretiosissimum auro & gemmis interstinctum extrahit, filiaque Isabellæ tradit hisce verbis: *Tua quondam id matris fuit. Id jam Tu habeto, et in perennem tua matris ac mei memoriam asseruato.* Mox etiam ex eodem scriniolo flagellum depromit imbutum sanguine. Quod cum in altum attolli præcepisset, ad Philippum conversus inquit: *Ecce! hic sanguis est, non meus; sed mei patris, qui hoc flagello corpus suum castigare suevit. Ego, ut avita pietatis ac devotionis te commonefacerem, id hucusque inter pretiosissima asseruare volui.* Demum urgente vi ingravescantis, ruentisque morbi, sacramentum extremæ unctionis petiit; eoque accepto, post biduum triduumve circiter, die, ut supra diximus, decimâ tertiâ Septembris, vitam in terris actam ^{*inà scri-} pientissimè clausit inter hæc verba: *tu solus *sanctus, tu solus Domi-* ^{ptor aca-} ^{tholicus in} *nus, tu solus altissimus, JESU Christe etc.*

Interea Franciscus de Mendoza Arragonum Admiralius, quem ^{vitis Regū} ab Alberto Archiduce rebus militaribus in Belgio curandis præfe- ^{Hispan.} ctum esse diximus, Batavorum progressus priori anno ad Rhenum ^{Hispani in} factos everfurus, ineunte Septembri cum duobus equitum & vi- ^{Belgio mi-} ginti peditum selectissimorum millibus in Ducatum Clivensem ^{litantes, dus} properat: subactoque Orsoviensi oppido, quod ad Rhenum hosti ^{ctore Fran-} præcludendum proderat, Môrsam, Alpam, & Rhenoberckam, ^{cisco de} ab Hollandis ante annum intromissis recuperat. Indè verò miles ^{Mendoza} omnis ab utraque ripa fluminis effusus, Büdericum, Dinslakam, ^{Arragoniæ} Reësam, Embricam, & Xantum occupat, Dotechemium in co- ^{Admiralio,} mitatu Zutphanienti per vim expugnat, Wesaliam urbem ad pen- ^{varia oppi-} denda sibi centum millia dalerorum & centum maldera frumento- ^{da ad Rhe-} rum adigit: & (quod ei maximam Principum acatholicorum in- ^{num occu-} dignationem peperit) Wiricum Falckensteinii & Obersteinii Co- ^{pant. Wi-} mitem heterodoxum, post oblatam suæ arcis Broëkenis* deditio- ^{ricus Ober-} nem, unà cum præsidiariis ferè omnibus contra fidem sibi datam ^{steinii Co-} crudelissimè trucidat. Id quod tamen ab infreni milite citra omnem ^{mes contra} Francisci Ducis voluntatem accidisse volunt. Ac fortè his, quæ ^{datam fi-} hætenus enarrata sunt, adhuc aliquis excusationum color, saltem ^{dem ab his} ad exteriorem speciem, obduci poterat: nimirum, quòd anno su- ^{interficiunt.} periore Alpa, Môrsa, & Rhenobercka gravi rerum Hispanicarum ^{Acta publi-} incommodo ab Hollandis infessæ fuerint: quòd Hispani prudenter ^{ca apud} formidare debuerint, ne Budericum, Orsovium, Reësa, Embrica, ^{Meyer, l. 1.} reliquæque ad Rhenum urbes, occuparentur à Mauritio Arausi- ^{Klockner} cano, qui cum exercitu Batavico non procul abhinc stabat prope ^{in hist. Pa-} Sevenariam: quòd Wesalia contra voluntatem sui Principis Ca- ^{derb.} tholici ad hæresin Calvinianam, Hispanis admodum invisam, ne- ^{*vulgò} ^{Breest l}

fariè defecisset: ac demum, quòd Wiricus Obersteinius, Calvinista ferventissimus, olim unà cum defuncto fratre vel cognato suo Philippo Catholicis admodum infestus fuerit; & adhuc recenter Hispanis, pabulatum egressis, invadendo, rapiendo, vulnerando, non parvam injuriam irrogaverit, uti Admiralius ipsémet in suis ad Wiricum datis conquestus fuerat.

Indè in Westphalia effusi, hibernorù capiendorù causâ multas urbes & oppida vi & metu subigunt, cum ingenti provinciarum istarum damno.

Auctores iidem.

Sed hæ & aliæ excusationes, quæ ab Admiraglio prætexi poterant, haud multò post vim omnem amisere, quando militum Hispanorum stipendia per mortem Philippi Regis diutius emanabant; & exercitus Regius propter exundantiam Italæ, vicinâsque Bavorum advigilantium copias, in hostiles agros transmitti non poterat. Tunc enim jejunos, inopsque miles jubente Admiraglio in adjacentes Westphaliæ provincias hibernorum quærendorum causâ latissimè se diffudit: omnique protestatione vel contradictione contemptâ, vi & armis occupavit Recklinghusam ac Dôrstam in Vesta Recklinghusana; Essendiam, Lünam, Cameniam, Unnam, & Hammonam in comitatu Marcano; Bucholdiam, Borckam, Halterenam, Dulmaniam, Cosfeldiam, Horstmariam, Billerbekam, Wernam, Beckemiam; & alia decem vel undecim oppida in Episcopatu Monasteriensi. Quæ autem scelera & bonorum, corporumque injuriæ ab invisis hujusmodi hospitibus per hanchiem perpetrata sint; facilius est cogitare, quàm verbis exprimere: præsertim, cum eorum avaritiam accenderet diuturna stipendiorum inopia, luxuriam concitaret assidua ciborum ingluvies, crudelitatem irritassent obstacula in hujusmodi locorum invasionibus objecta.

Ab aliis Westphaliæ Proceribus contributiones postulant. Meyer l. 1. actor publ.

Lutheranis, aliisq; catholicis in urbe ac Diocesi Paderbornensi minas intendant.

Litera Admirali apud Meyer. l. 1.

Neque tamen his omnibus adhuc satis contenti erant insatrabiles eorum ventres ac loculi. Nam ex iisdem hibernis etiam ad Comitem Lippiensem, Benthemensem, Tecklenburgensem, Oldenburgensem, itémque ad Episcopos Osnabrugensem & Paderbornensem, varias dedere literas, quibus comminati sunt, se illuc pariter cum aliquot millibus venturos esse, nisi ipsorum adventus & hibernatio collatis, missisque pecuniis redimeretur. Ex his tamen literis multò mitiores erant eæ, quas ipse Admiralius manu propriâ dedit ad Episcopum nostrum Theodorum Fürstenbergium. Audiêrat enim hunc esse Principem antiquæ Religionis Catholicæ retinentissimum: atque ideo non tam ipsi & fidelibus orthodoxis; quàm ejusdem Lutheranis, rebellibusque civibus malum omne comminatus est. Ecce hîc ejusdem Admiraliî literas, è castris ad urbem Rëesam exaratas:

Illustrissime et Reverendissime Princeps ac Domine. Quid acerbitalis, et irritamenti malorum, bellum in se habeat, secumque trahat, nemini igno-

ignotum est. Unde Illustrissimam et Reverendissimam Dominationem vestram scire volumus, Regum exercitum, non voluntate aut libidine; sed necessitate communis periculi et utilitatis, in Westphalia oras introductum, ac per stipendiorum prorogationem, pabulique inopiam, licentiùs latiusque vagatum. A vestra Illustrissima ac Reverendissima Dominationis Diœcesi vix possumus cohibere famelicum et nudum militem; cum in castris nostris passim divulgatum sit, Illustrissima ac Reverendissima Dominationis vestra subditos magna ex parte hæreticorum deliramenta et insanas opiniones sequi, sæpe in conventibus publicis tumultuari, ac Religionis libertatem violenter poscere, concionatores Lutheranos suis sumptibus in primaria civitate Paderbornensi sustentare, et contra voluntatem Illustrissimæ ac Reverendissimæ Dominationis vestræ fovere ac retinere. Quapropter Illustrissima ac Reverendissima Dominatio vestra videat, quo pacto amoveat tempestivè tales sectarios, ne flagellum in innocentes etiam accersat. Addo et hoc, si longior hiems cogeret nos nolentes etiam ad vestram Diœcesim declinare, et invenirentur huiusmodi diabolici seductores in civitate; miles Catholicus neque à suspendio illorum, neque à rapinis (quod alioquin ubique prohibemus) aliorum civium sibi posset temperare. Hæc Illustrissima ac Reverendissima Dominationi vestra significanda duximus, ut in tempore super his respondeat nobis, quibus nihil gratius erit, quàm audire, suos subditos esse obedientes, et in Fide Catholica stabiles. Deum rogamus, ut Illustrissimam ac Reverendissimam Dominationem vestram diu incolumem servet. Ex castris in Rees, 10 Decembris anno 1598. Illustrissima ac Reverendissima Dominationis vestræ addictissimus, Magnus Admiralius Arragonum.

Sperabat optimus Princeps, hanc Admiralii comminationem sibi plurimum profore ad conversionem civium, & ejectionem Hermanni Tünneken sacerdotis & Pastoris apostatæ, qui cum aliquot Lutherani Evangelii collaboratoribus Forensensem Ecclesiam hucusque retinuerat. Quare literas illas non solum publicè à Majoris Ecclesiæ cathedra promulgari iussit; verum etiam die 27 Decembris, in festo S. Joannis Evangelistæ, Paderbornensis civitatis consules ac senatores paternè monuit, ut suæ suorumque civium saluti maturè consulant: alioquin metuendum esse, ne retentis hæresum doctoribus, Hispani veniant; urbique toti luctuosam cladem, & exitium feris lachrymis deflendum, inferant. At illi, talibus Hispanorum territationibus nihil moti, protervè responderunt, se pro urbe defendenda maximopere sollicitos fore: interimque, retento Lutheranorum dogmatum seminatore, vicinam Principum Hassorum opem contra Hispanos clanculum implorant, non sinè maxima Theodori Antistitis offensione.

Paderborna contempta Mendozæ ac Theodori Episcopi sui monitis, protervè retinet Ecclesiæ Forensensis concionatorem Lutheranum. *Annales Collegii Paderb.* implorato etiam Hassorum Principum auxilio.

Faci-

Contrà ve-
rò cives op-
pidi Saltz-
kottenfis,
jubente
Episcopo,
monachum
apostatam
unà cum
ludimagi-
stro Luth-
rano expel-
lunt;

*Annales
Collegii
Paderb.*

& ejus loco
recipiunt
sacerdotem
Societatis
JESU.
*Annales
Colleg. Pa-
derborn.*

Theodorus
de Smising,
Theodori
Episcopi
nostri è so-
rore nepos,
Lovanii in-
greditur
Ordinem S.
Francisci
de striatiore
observan-
tia.
*compendiū
vite ejus
ex veteri-
bus mss.*

Faciliorem hac in re, minúsque obstinatam hoc anno se osten-
dit Saltzkottena, Dioecesis nostræ oppidum non ignobile, celebra-
túmque à salinis, quæ magnum huic loco vectigal afferunt. Rur-
sus inibi, post ejectos jam pridem alios Prædicantes Lutheranos,
in Pastoralem Ecclesiam se intruserat apostata monachus, ac vir
ejusmodi, in quo morum improbitas cum rerum divinarum igno-
rantia decertabat. Is, tametsi è suggestu sacro nihil auribus erudi-
tis dignum proferre posset; novis tamen doctrinis suis cives omnes,
præter unum alterúmve satís Catholicum, ità fascinaverat, ut,
quò impudentiùs contra Ecclesiam Romanam loqueretur, eò avi-
diùs illi propositos errores biberent. Subinde salubrioris doctri-
næ causà ex Paderbornensi collegio missus est sacerdos aliquis è So-
cietate JESU. Quem cum illi fastidiosè rejecissent, haud multò
post Celsissimus Princeps non modò Jesuitam hunc ad eos reverti
jussit; verùm etiam superadditâ centum aureorum multâ præce-
pit eis, ut sceleratum illum, aliisque multis criminibus infamem
apostatam, intrà spatium 24 horarum ab urbe pellerent, & cum
eo pariter ludimagistrum acatholicum, oppidanæ juventutis de-
pravatorem. Non audebant cives huic Principis mandato se op-
ponere: quia jam ab aliquot annis cum Episcopo litigabant pro-
pter salinas novas, ab eo non procùl indè fabricari coeptas; ideòque
non immeritò formidabant, ne ob inobedientiam exuerentur omni-
bus privilegiis & prærogativis suis, quas in Camerali judicio Spi-
rensi contra novum illud opus nitebantur obtendere. Quare ita-
tim huic mandato obsecundatum est, & in locum apostatæ substi-
tutus Jesuita; qui usque ad adventum novi Pastoris Catholici, pa-
rochiam Saltzkottensem administraret. Id autem ab eo partim
per catecheses & conciones publicas, partim etiam per allocutio-
nes & institutiones privatas, tam fideliter, navitérque præstitum,
ut non modò intrà hanc urbem; sed etiam in aliis locis vicini-
bus, multi agnitis novarum doctrinarum erroribus ad orthodo-
xam Fidem reducti fuerint.

Providebat interea benignissimus Deus, ut religiosorum vi-
rorum Ordines & monasteria pro tot apostatis, à fide & Ordine suo
deficientibus, persæpe reciperent viros alios, doctrinâ & sancti-
tate præstantissimos. Quos inter è Westphalia ad hunc annum
præcipuè memorandus est Reverendus & eximius Pater Theodo-
rus Smising, Celsissimi Principis & Episcopi nostri Theodori Für-
stenbergii è sorore nepos. Natus hic erat anno seculi currentis
octogesimo Nobilissimis parentibus, Domino Henrico Smising in
Tatenhausen, condicto Korff; ac Domina Barbara de Fürstenberg
suprà dicti Henrici conjuge: quorum ille in statu matrimoniali

Hora-

Horarum Canoniarum pensa quotidie Deo persolvissè; hæc verò servitiis, eleëmofynisque pauperum assidue semper instituisse legitur. Ab his ad omnem pietatem ac modestiam in arce Tatenhusana sollicitè institutus, indèque postmodo ad literarum gymnasia missus, quatuor scholas inferiores Osnabrugi; Rhetoricam verò Coloniz Agrippinæ didicit. Quo in studio cùm Osnabrugi ad Ecclesiæ Majoris Canonicatum evectus esset; politioris literaturæ causâ, Lovaniensem academiam jussu parentum adiit, adducto secum pædagogo probè Catholico, qui juventutem ipsius in terris peregrinis regeret. Ibi inter ipsa scholarum philosophicarum studia simul animum adjecit ad Ordinem S. Francisci de strictiore observantia, quem Bilefeldiz in patria sua jam dudum noverat; eundemque inscio pædagogo, tandem ineunte Junio præsentis anni pientissimè complexus est, uti constat è sequentibus literis, ad Henricum patrem suum ex Lovaniensi novitiatu scriptis:

S1, pater plurimum dilecte, unà cum matre, sororibus, ac tota familia, adhuc optatâ omnium rerum prosperitate fruereris; nihil esset profectò, quòd mihi optatius, jucundiùsque evenire posset: ego (laus Deo optimo maximo!) adhuc optimè habeo. Cùm à longo temporis spatio, pater dilectissimè, turbulentum hujus nostræ tempestatis et humana vitæ statum diligentius nonnihil considerâssem, ac animadvertissem faciliè, quantum ii periculum subeant, qui se tantis hujus mundi procellis exponunt; toto tandem animo contremiscens cœpi statûs mei certificationem Deo assiduis commendare precibus. Qui (ut est parens omnis misericordiz, omnibusque pulsantibus aperit) per frequentissimas jam dudum instigationes animum, affectionemque meam ab hoc seculo abstraxit, et me ad sanctissima B. FRANCISCI instituta invitavit: cujus voluntati, dispositionique sapientissimæ grato animo annuens, Religionem Minorum relicto seculo ingressus sum. Quamobrem cùm scirem parentes meos dilectissimos (ut naturale est) non nihil forsitan turbari posse; volui eos præsentibus hisce literis consolari, obnixè petens, ut inceptis meis, voluntatiquè divinæ velint libenter consentire, idque omnino persuasum habere, quòd felicissimo jam ac tutissimo in statu verser: et in eo statu, in quo et Deo perfectiùs fervire, ejùsque Ecclesiam juvare, et precibus meis (licet exiguis) pro parentibus meis Deum exorando, eisdem hoc pacto innumera eorum in me beneficia compensare possim; exiguoque hoc vitæ curriculo feliciter exacto, ad æternam patriam pervenire, et ibidem cum parentibus meis, omnibusque beatis sinè fine latari queam. Sed una res superest, quam parentibus commendatam velim, ut nihil hac in re pædagogo meo fidelissimo imputent; sed ipsum semper pro tali habeant, qualem se perpetuò præstitit. Ille enim ità fidelis mihi semper fuit, ut nulla in re compensari posse arbitrer: ipsèque, ut nihil de hac re scire potuit, ità nec illam impedire. Quapropter

Ejus literæ
ex novitiatu Lovaniensi ad parentes datæ.
ex compendio vitæ
suprà cit.

propter quaso, illud parentes ipsi perpetuò præsent, quod quidem ipse à me promeritus fuisset; sed ego vocatione Dei impeditus facere non potui. Hisce paucis parentes meos dilectissimos, sorores, fratres, reliquosque omnes, Deo, omnibusque Sanctis commendatos volo. Etiam atque etiam vale dilectissime pater. Datum Lovanii, 6. Junii 1598. Filius Tuus observantissimus Theodorus Smising.

Ejusdem
pietissima
responsio
ad proposi-
tionem,
quâ tenta-
batur ad
monasteriū
illud relin-
quendum.
ex eodem
compendio
vita.
*ex literis
Guardiani
Lovaniensis
ad ejus
patrem.

Vehementer hæc epistola consternavit optimos parentes, maximèque matrem ejus Barbaram Fürstenbergiam: cui tam repentina mutatio statūs vel idcirco acerbior erat, quia nimis improvise. Ac, tametsi divinæ voluntati resistere nequaquam vellent; continuò tamen ad cœnobium Lovaniense miserunt virum aliquem (Cathedralis Ecclesiæ Canonicum fuisse, ex aliis literis * non obscure colligo) qui in suscepto istius Ordinis tyrocinio, constantiam ejus ac firmitatem juvenilis animi adhuc paululū pertentaret. Is, cum ad ejus alloquium haud ægre admissus esset; præter alia verbis admodum querulosis proponebat ei, quàm acerbo in luctu mater ejus per inopinum hunc tam severi Ordinis ingressum constituta sit! quomodo ejusdem oculi continuò sint fletu madidi; neque ullum interni doloris remedium admittant, nisi Theodorum ex eo vitæ statu ad se revertentem videant! Id si negaret matri nimium afflicta; manifestum periculum fore, ne eadem ex vehementi ægritudine animi in hujusmodi morbum incidat, ex quo difficillimè postmodum eluctari, & ad vitam longiorem convalescere queat. At ille, jam spiritu sacratione plenus, monitori huic præter omnem ipsius expectationem tam egregium responsum reddidit, ut nulum aliud præstantius, etiam ab adultæ, & probatissimæ virtutis Religioso, potuerit expectari. Stabant eo in loco (nimirum inter duas portas, quibus ad conventum Franciscanorum itur) lapideæ quædam imagines passionis Dominicæ: ac præsertim JESUS crucifixus, ac MARIA mater ejus, prope filii sui crucem acerbè plorans. In has imagines Theodorus continuò digitum intendens, respondit monitori suo: *Vides hinc JESUM, in cruce pendulum ac madentem sanguine! simulque matrem ejus dulcissimam, cruci huic indolentem, perfusamque multis lachrymis! Putasne JESUM propter hujusmodi lachrymas, dolorēque suæ matris, de cruce iterum descendisse, ut ostenderet, à se amari matrem? Certè nec ipse id fecit, nec ego id matris amore faciam; tametsi huic dolenti intimè condoleam, brevique mœrorem ejus à Deo levandum sperem. Pauperem S. Francisci vitam velut crucem Domini mei JESU Christi complexus sum. In hac vitam, in hac mortem, in hujus amplexu ita porrò me perficere satagam, ut possim dicere cum Apostolo: mihi mundus crucifixus est, et ego mundo.*

Obitu-

Obstupuit his auditis prædictus monitor. Paulóque post etiam Theodori parentes, cum penitiùs intelligerent, cum non aliquo juvenili impetu, sed spiritu divino agi; sanctissimo ejus proposito lubenter acquievêre: id unum obtestantes, ut Osnabrugensis Ecclesiæ Canonicatui non aliter, quàm ex eorundem arbitrio & voluntate, renuntiaret. Id quod etiam sequenti anno, sub expletæ probationis ac tyrocinii religiosi finem, pro ipforum desiderii accuratissimè peractum est. Quàm verò piè ac devotè postmodum in hoc Ordine religioso vixerit, quibus doctrinæ, sanctitatis, & omnium virtutum radiis, Germaniæ inferioris provinciam illustraverit, prolixius referendum erit ad annum sequentis seculi vicesimum sextum, quo defunctus est Lovanii die vicesimâ 2dâ Octobris. Mihi interim hîc sufficiet breve illud elogium, quod ei texuit Nicolaus Vernulæus, hoc modo scribens de illo: *Hic vir in Theologia magnus erat; et vix ulli cedens, vivere si diutius licuisset. Vix dum quadraginta sex annos natum prematura mors eripuit; dicam etiam, orbi invidit. Erat matura in illo virtus, et suis sanctimonia radiis clarescebat: dignus terrâ, qui tam doctus; dignus calo, qui tam sanctus. Unum illi opus studere et orare. Posteritas, quæ scripta ejus admirabitur, longiorem ei vitam fuisse, frustra optabit.*

Parentes Nobilissimi tandem acquiescunt ejus vocationi; peruntque, ut Osnabrugensis Ecclesiæ Canonicatui renuntiet ex eorundem arbitrio. ex eodem compendio vita.

Annus Christi 1599.

CLEMENTIS VIII. Pontificis 8.
 RUDOLPHI II. Imperator. 23. & 24.
 THEODORI Episc. Paderb. 14. & 15.



Lutherani cives Paderbornensis urbis, cum in Decembri superioris anni à Theodoro Episcopo clementer admoniti essent, ut ad evitandas Hispanorum circumjacentium iras Lutheranum templi Forensis concionatorem expellerent, seseque rursus antiquæ Fidei Catholicæ & ejusdem cultoribus associarent: non solum Admiralli Mendozæ literas, ea de re ad Episcopum datas, petulanter exploserunt; verum etiam cum aliis quibusdam patriæ Statibus, qui biennio abhinc in comitiis Diocesanis libertatem Religionis obstinatè flagitaverant, adversus istas Admiralli literas novum aliud anile figmentum per totam urbem stolidissimè evulgârunt. Fabellæ totius tenor erat: *apud Admirallium in castris prope Ræsam agere sex Religiosos ex Ordine Fratrum Crucigerorum, et aliquot alios ex Ordine Minoritarum seu Fratrum Conventualium S. Francisci. Illos urgere, ut sibi restitueretur monasterium Falckenhagensc: hos verò,*

Lutherani cives Paderbornæ fungunt, novum collegium Societatis JESU ibidè ab Hispanis disturbatum iri. Hist. Collegii Paderb.

Gggg

46

Admiralius
de Mendo-
za fabulam
istam egre-
giè refutat,
& summo-
pere com-
mendat Pa-
tres Jesui-
tas.
Hist. Colle-
gii Paderb.

ut sibi restitueretur monasterium, olim à se Paderbornæ habitum, et à Theodoro Episcopo nunc attributum Patribus Jesuitis. Amborum Ordinum istorum Religiosos Admiralio percaros esse: ideòque facile ab eodem impetraturos, ut Paderbornensi Diœcesi bene magnam sui exercitus partem infundat; atque ita Episcopum ad utriusque illius monasterii restitutionem vi et armis cogat, cum ingenti perniciæ totius Diœcesis. Cogitabat facile prudentissimus Princeps, narrationem hanc à malevolis hominibus confictam esse in odium suū & Patrum Jesuitarum, quos amabat. Nihilominus tamen, quia viri sapientis est, quandoque etiam timere ea, quæ videntur esse tuta: Patrem Fridericum Wachtendunck, Paderbornensis collegii Rectorem, pro majori securitate misit ad Admiraliū, jussitque inibi non solum indagare veritatem hujus rei; sed etiam ab eo petere, ne pateretur à suis ullam vim aut injuriam inferri Episcopo, de Ecclesia Catholica tam præclare merito. Summopere mirabatur Admiralius tam ineptas hæreticorum calumnias. Atque, ut mendacissimo eorundem ori frenum imponeret, continuo ex urbe Rēesa humanissimè rescripsit Episcopo: *Videre se, quo consilio tam inanis, falsusque rumor ab hæreticis in plebem dispersus fuerit: nimirum ut Societatis JESU Patres universa Diœcesi exosos facerent; quasi propter eos, et propter faventem iis Episcopum, Paderbornensis Diœcesis incursionem aliquam ab Hispanis formidare debeat. Nullum certè Minoritam, aut Religiosum Ordinis Crucigeri, suis in castris degere; et Falckenhagam, quam ope militum Hispanorum à Crucigeris repetendam spargerent, sibi ne quidem ex levissimo istius nominis auditu notam esse. Contrà verò Societatis JESU Patres non solum apud se in castris agere; verum etiam vehementer à se amari: quòd execrationes et blasphemias militum compeſcant, quòd eorum furta et rapinas pro suis viribus coërceant, quòd alia peccata plurima iteratis dehortationibus impediunt, quòd egrotos assidue visitent, sauciatos forveant, afflictoſ consolentur, humillimæque intercessionem suam frequenter id efficiant, ut cum urbibus multis longè mitius agatur, quàm aliàs ab offensis, irritatisque militibus agendum fuisset. Quam ob rem hortari se et instantèr commone- re, ut Reverendissimus et Illustrissimus Princeps, contemptis hujusmodi malevolorum hominum rumusculis et fabellis, glorioſè prosequatur ea, quæ in edificando Societatis JESU collegio pro Dei gloria et Catholica Religionis incremento feliciter incepisset. Promittere se vicissim, quòd militem suum ab ingressu Paderbornensis Diœceseos cohibere velit; ut vel inde conspiciant omnes, se esse fautorem Jesuitarum, et hostem eorum omnium, qui præclaris ipsorum laboribus pro Fide Catholica susceptis obstrepunt.*

Receptis hīsce literis, quæ ineunte hujus anni Januario datæ erant, ingenti gaudio perſusus est Illustrissimus Princeps Theodorus Episcopus. Ideòque statim, ut omnem Hispani militis offensionem

tionem evitaret; toto animi conatu se convertit ad exequenda ea, quæ idem Admiralius de ejiciendis concionatoribus heterodoxis exeunte priori anno per literas admonuerat. Præcipua difficultas erat in amovendo Hermanno Tünneken, Pancratianæ seu Forensis Ecclesiæ Pastore apostata, de quo jam aliàs persæpe diximus. Is enim histrionicâ garrulitate suâ totam urbem, velut equum freno, circumducebat: neque poterat à civibus exspectari pax & observantia erga Principem, quàm diu nequam ille sedebat in cathedra pestilentiæ. Mense igitur Januario suprâ dictus Princeps quæstorem & secretarium suum ex vicina arce Neuhusana in urbem mitxit, jubetque sibi statim à civibus tradi clavem templi Forensis. Quod cum illi protervè recusarent; obseratis, firmatisque ejusdem Ecclesiæ foribus, gravissimo rursus præcepto mandat, ne quis eam sibi audaciam sumat, ut ædem hanc se invito referet, aut Hermannum Tünnekenium doctrinæ veteris corruptorem, quocunque demum colore vel prætextu, rursus in sacrum suggestum efferat. Paruere tum quidem cives pejora veriti: &, quia sacerdotem Catholicum admittere detrectabant; ædes illa mansit postmodum sinè omni Religionis exercitio clausa à die 24. Januarii* usque ad Kalendas Maji inclusivè, uti refert oculatus testis Martinus Klockner. Quanta verò tempestas persecutionum exinde rursus à civibus commota sit in Patres Jesuitas, quos omnium hujusmodi jussionum ac prohibitionum authores esse arbitrati sunt, cogitari facilius, quàm explicari potest. Hos illi palàm in tabernis & circulis traducere, hos publicæ tranquillitatis eversores dictitare, hos diris, furisque omnibus devovere, his domuum suarum effractionem, novæ fabricæ destructionem, bonorum omnium direptionem, ac denique totius collegii internecionem tam atrociter comminari, ut amicorum suorum suasu pretiosiora quælibet in tuto collocare; cetera verò divinæ providentiæ ac benignitati committere necessum fuerit. Sed hæc eorum comminatio, uti jam sæpe aliàs; ita nunc iterum, providente è cælis Deo, intrâ solos terrores constitit.

Interea milites Hispani, quos exeunte anno superiore in varias Westphaliæ terras involâsse diximus, partim inopiâ stipendiorum, partim etiam necessitate brumalis auræ, ibidem in hibernis perstiterunt usque in Aprilem anni præsentis. Ac tametsi hominibus, urbibusque, Luthero vel Calvino deditis, admodum infesti fuerint; longè tamen moderatiùs egerunt cum viris aliis Catholicis aut Religiosorum hominum domiciliis: uti non solum constat ex iis, quæ de Theodoro Episcopo nostro superiùs diximus; verùm etiam ex literis publicis, quibus Joannes Abbas Liesbornensis die octavâ Aprilis Domino Joanni Contreras de Gamarra, copiarum eque-

Theodorus Episcopus Forensis templum Paderbornæ Lutheranis occludi jubet, & Hermannū Tünnekenium apostatam arceri ab ejusdem aditu. *Klockner in bist. Paderb.*

**Klockner loc. cit.* Hinc Patres Jesuitæ à civibus gravem persecutionem patiuntur. *Hist. Collegii Paderb.*

Hispani in Westphalia hibernantes, mitius agunt cum Catholicis, quàm cum Protestantibus.

Vicini
Westpha-
liae Princi-
pes varios
conventus
agunt, & in
iis delibe-
rant de bel-
lo Hispanis
inferendo.
*Turckius
in hist. ms.
Haraeus in
ann. brab.*

Admiralius
Mendoza
in Conven-
tu Colonia-
ensi omnē
huius facti
invidiam
rejecit in
Hollandos,
utpote ma-
gis reos.
*Turckius
in hist. ms.
Haraeus in
ann. brab.*

strium Commissario, donavit caput et partem corporis S. Simeonis Epi-
scopi Hierosolymitani. In his enim literis prædictus Abbas liberri-
mè testatur, suprà dictum Contreram, cum ibidem hospitaretur,
nihil pecuniarum exegisse à monasterio Liesbornensi: ideoque se
eidem pietatis et grati animi ergò pro spiritali munere sincèrè et sponte
obtulisse ac donasse prædictas reliquias, eique simul ex animo precari, ut
non solum de inimicis suis plenariam in hoc seculo victoriam reportet; sed
etiam sanctis illis, quorum sacris reliquiis in Christo confidit, æterna bea-
titudinis coronâ redimitus associari mereatur. Quo benigniùs autem
agebatur cum Catholicis; eo magis offendebantur animi Princi-
pum acatholicorum: præsertim cum audirent, passim ab Hispanis
jactitari, se in has provincias defluxisse ad conservandam, foven-
damque inibi Religionem Catholicam. Quare statim sua capita
inter se conferre, aliorum Protestantium opem expetere, Catho-
licos Hispanorum hiematione pressos in suam partem attrahere, ad
Albertum Archiducem scribere, innumeras ad Cæsarem querelas
deferre, Mendozae & militum suorum proscriptionem ab eodem
extorquere, ac demum plurimis in locis, maximèque Erfurti,
Francofurti, & Coloniae, pro depellendis huiusmodi hospitibus in
varias consultationes & conventus ire.

In horum conventuum ultimo sæpe dictus Admiralius de Men-
doza causam suam, & ea, quæ ab Hispanis per hiemem gesta erant,
per suos Legatos & Oratores copiosè non minùs, quàm speciosè
excusavit. Compendium sermonis erat: *Vebementer mirari se,*
quòd Germanici Principes tam acerbè conquerantur de Hispanis; et non
potius de Hollandis, omnium huiusmodi bellorum ac turbationum auctori-
bus. Illos venisse in bonum Imperii, nimirum ut Rhenoherckam, Lingam,
et alia loca Romano Imperio subtraherent, veris Dominis restituant: hos ve-
rò nihil aliud agere vel moliri, quàm ut ex Imperii Romani spoliis rebel-
lionem suam foveant. Et tamen hucusque prò dolor! non paucos Germa-
niae Principes Regi Catholico tam iniquos fuisse, ut non solum turpissima
Bataavorum defectioni fauerint; sed etiam perduellibus istis contra legiti-
imum Dominum novas identidem vires et arma suppeditarint. Memi-
nisse paulisper velint illorum temporum, quando tumultuum Belgicorum
signifer Wilhelmus Princeps Arausicanus; quando Ludovicus, et Henri-
cus Nassovii Comites, Wilhelmi Arausicani fratres; quando Joannes Ca-
simirus Comes Palatinus et plures alii, tot exercitus in Germania conscri-
ptos adversus potentiam Hispanicam per diversas Imperii terras in Bel-
gium traduxere. Ecquis illorum omnium tunc ab aliis Principibus cum
in modum accusatus, aut iussionibus ac mandatis adeò severis à Cæsare
proscriptus vel exagitatus fuerit, uti nunc Bataavorum persecutor Admi-
ralius? Recordari similiter velint continuas eorundem Bataavorum incur-
siones

fiones ac depredationes, quibus à decennio et amplius plerasque *Westphalia* provincias penè singulis annis acerrimè diruxerint. Non enim ignorari à Principibus posse, quomodo *Adolphus Comes Nüenarius*, anno seculi praesentis octogesimo nono, cum *Hollandicis militibus* tristissimè despoliaverit *Grevonienses nundinas in Diocesi Monasteriensi*: quomodo *Joannes Philippus Comes Obersteinus*, anno seculi ejusdem nonagesimo et sequente, per totam *Westphaliā* crudelitate plūs quā *Ottomannicā* rapiendo ac destruendo grassatus fuerit: quomodo *Joannes Nassovius* et ejusdem socii biennio abhinc in *Diocesi Monasteriensi* octo pagos cum uno oppidulo expilaverint; eadēque et alia mala in *Episcopatu Paderbornensi* voluerint perpetrare, nisi partim oppositis armis, partim etiam acceptis quater mille imperialibus, ab ulteriore conatu repulsi forent. Ecquis autem vicinorum Principum acatholicorum, id temporis contra has et plures alias *Hollandorum* invasions, pedem aliquem digitorumve moverit? Quis ad *Cæsarem*, *Batarosque* literas, tam atrocibus querelis et proscriptionibus oppletas dederit? quis denique ad ejusmodi vexationes annuas, à *Coloniensi*, *Monasteriensi*, *Paderbornensi*, et *Osnabrugensi*, *Diocesis* avertendas, tot Principum et Legatorum cœtus in diversis Imperii circulis convocarit? Cur ergo contra *Hispanos* id modò facerent? et quidem ob hiemationem unicam, necessitate magis, quā voluntate aut animo nocendi captam? Certè non aliam hujus rei causam ab adversis Principibus afferri posse, quā quia *Hispani* adhuc antiquam *Fidem Romano-Catholicā* retinent; *Hollandi* verò propter novā *Fidei* vel doctrinarum conjunctionem in eadem cymba cum illis navigant. etc.

Hæc ubi non minùs verè, quā plausibiliter, elocuti erant Principibus Oratores Belgici; propè omnes Principum Catholicorum Legati de inferendo hispanis videbantur à bello inferendo non parùm abhorrescere: præsertim cùm in oculis omnium versaretur (id quod in eodem Legatorum cœtu proposuerat *Admiralius*) *Romanam Ecclesiam Hispanis* maximè obstrictam esse; eorūque fidelibus auxiliis potissimum deberi, quòd *Archiepiscopatus Coloniensis Truchsesio Calvinizanti* subtractus, & in antiqua *Fide Catholica* felicissimè conservatus fuerit. Contrà verò Legati Principum Protestantium urgebant bellum in *Hispanos*; eoque tandem post multam disceptationem consilia sua perduxere, ut communi omnium consensu novus alius conventus, in quo & alii aliorum plurium circulorum Legati præsto essent, ad urbem *Confluentinam* indictus & conditus fuerit. In eo rursus variabant vota cunctorum Principum. Legati *Cæsaris* judicabant, non esse temere incundum bellum cum *Hispanis*. *Rudolphum Imperatorem* de avertendis hujusmodi malis jam abunde sollicitum fuisse. *Andream Cardinalem gubernatorem Belgii* non sine lachrymis contestari, quòd hac irruptio in *Westphaliā* se invito et inscio peracta

Principibus de inferendo hispanis bello dissentientibus decernitur novus alius conventus Confluentiae. Turck. in hist. ms. Haraus in ann. brak.

In eo tan-
dem decer-
atur bellū
contra Hi-
spanos: ita
tamen, ut
agatur so-
lū defen-
sivē; tam
contra Ba-
tavos,
quā con-
tra Hispa-
nos.

*Auctores
iidem.*

Admiralius
militem Hi-
spanicum
retrahit ē
Westpha-
lia & ple-
risque ur-
bibus Cli-
viz.

*Auctores
iidem.*

Miles Haf-
sicus colli-
gitur in ter-
ra Fulden-
sī: indē tradu-
citur in
Diocēsin
Paderbor-
nensem.
*Turck. in
hist. ms.
Klockner.
in hist. Pa-
derb.*

peracta sit. Albertum Archiducem, nunc Belgii Catholici Dominum, iteratis vicibus promississe, quod Hispanorum copia ex hibernis in Westphalia captis propediem revocari, et omne damnum ab his illatum resarciri debeat. Proinde eventum huius pollicitationis adhuc paulisper expectandum esse prius, quam adversus potentissimum Regem temere et inconsultō ad arma profiliatur. Idem censuere Legati quatuor Electorum Rhenensium, & quidam alii Principes Catholici. Alii verō ac præsertim acatholici, promissionibus ab Alberto factis non contenti, urgebant acriter, non esse expectandum amplius: oportere protinus conscribi militem contra Hispanos, & in eos, velut publicæ pacis turbatores, conjunctis omnium vicinorum circulatorum animis ac viribus iri. Id quod etiam die nonā Aprilis communi decreto sancitum est: sed eā tamen lege ac moderatione, quam plerique addendam esse censuere, ut expeditio ista per modum solius defensionis fieret; neque minùs ex Imperii finibus pellerentur Batavi, quā Hispani.

Tum verō Admiralius, ulteriorem Principum offensionem declinaturus, die duodecimā ac decimā tertiā Aprilis Hispanos omnes ē Westphalia revocavit. Ex aliis verō locis, in territorio Colonien- si & Cliven- si ad Rhenum occupatis, retinuit solū paucas urbes & oppida: nimirum Gennepiam, Calcariam, Rëesam, Embricam, & Rhenoberckam. Hæc enim dictitabat sibi adhuc paulisper necessaria esse, partim ad habendum aditum in Ducatu Geldriæ; partim verō ad expugnationem propugnaculi Schenckiani, quod Hollandis ex eo nimium sibi infestis eripere, Cliviōque Duci, tanquam legitimo fundi istius Domino, restituere contendebat: etiamsi eventu, postmodum ob resistantiam hostilem irritō. Pergebant interea Principes heterodoxi copiosos militum delectus facere: statimque ex primo armorum apparatu patuit, expeditionem hanc non in Batavos, Hispanosque simul (quemadmodum in conventu Confluentino sancitum erat) sed in solos Hispanos, imò & in omnes Catholicos, eorūque ditiones obterendas dirigi. Mauritius Hassiæ Landgravius militum suorum copias in usum huius belli collegit in territorio Catholico Abbatis Fulden- sis; idque tanto colonorum damno, ut provincia hæc, Browero teste, postmodum adhuc multis annis mali istius sensum circumtul- erit. Indē miles omnis traductus est in Diocēsin Paderbornensem: & primò quidem Heristallum in modernis Paderbornensis Diocēsis finibus; postea verō in omnia totius Principatūs oppi- da, ipsāque adeò Paderbornam. Quæ & militem heterodoxum, die decimā quintā Maji, cum prætorianis equitum, peditūque vexillis tanto recepit gaudio, ut jam tredecim diebus antè (cum
iidem

iidem Hassi adhuc in finibus Dioecesis agerent) Lutherani cives For-
rense templum, à mense Januario hæctenus occlusum, contemptâ
Principis auctoritate referaverint; & Hermannum Tünnekenium,
sacerdotem apostatam, rursus in interdictam sibi cathedram intro-
duxerint. Sed brevi didicit malesanum vulgus, qualem aspidem
in sinu foveat. Nam ex eo tempore peregrinus miles in Dioecesi
Paderbornensi hæsit usque in finem Junii: & interea in pagis, ur-
bibusque omnibus ea cum insolentia ac inhumanitate versatus est,
ut etiam in terra hostica pejus agere, aut insolentiùs debacchari non
potuerit. Pecunia in oculis omnium ipsorum deerat: & tamen
lautissimè volebant vivere. Promittebant, impensas omnes à Mau-
ritio Landgravio solutum iri; sed fortè ad Kalendas Græcas. Ci-
borum delectus ex quotidiana satietate apud eos tam petulans &
exoticus erat, ut propè nescirent ampliùs, quid admittere in men-
sam vellent. Nullus in hac turba respectus erat personarum illu-
strium de Capitulo, nullus honor minoris Cleri, nulla in cives, ho-
spitesque suos observantia: civem unum ante fores ædium suarum
barbarè trucidârunt, alios minis ac verberibus terruere, sacerdo-
tibus ad aram operantibus procaciter illusere, juventutem studio-
sam in scholis Patrum Jesuitarum inconditis vociferationibus assi-
duè turbavere, demum toti Episcopatu in rebus omnibus tam
irreparabile damnum intulere, ut adhuc seris annis tristem ejus me-
moriâ ubique locorum retinuerit.

Nec minori cum insolentia grassatus est alibi miles Brunsvicen-
sis & Onoltzbacensis; tametsi uterque paulò tardiùs in Westpha-
liam dilapsus fuerit. Ambo, postquam legiones Hassicæ pridie
Kalendas Julii Dioecesi, urbemque Paderbornensem deseruere,
unâ cum his in unum exercitum confluebant; ac deinde conjun-
ctis viribus ad Rhenum processere sub Illustrissimo Domino Simo-
ne Comite Lippiensi, qui toti huic exercitui cum supremo impe-
rio præerat. Summa omnium copiarum, post accessionem legio-
num ceterarum, quæ ex aliis Imperii circulis adventabant, ascen-
disse dicitur ferè ad viginti peditum, equitumque millia. Cum his
primùm Comes Lippiacus naves plurimas è vicino Montium Du-
catu abripi, & in castra sua abduci fecit. Deinde Rheno transmissio
Clivense oppidum Orsovium, ab Hispano milite jam pridem va-
cuum, novo suorum præsidio firmavit, non sinè gravi oppidano-
rum incommodo. Ibi cum intelligeret, Hispanos, qui Rheno-
berckam insidebant, ex defectu stipendiorum tumultuari; occasio-
nem hanc in utilitatem suam conversurus, obsidione præproperâ
coepit urbem illam circumcingere. Sed eventu minimè fortunato.
Nam Hispani, militem peregrinum ante portas conspicati, repente
positâ

Eâ occasio-
ne Luthera-
ni cives Pa-
derbornæ,
invito Prin-
cipe, rursus
aperiunt, si-
bique ven-
dicant Ec-
clesiam For-
rensem.

*Klockner
in hist. Pa-
derb. ms.*

Hassi cum
Brunsvi-
censibus,
Onoltzba-
censibus, &
aliis, ineun-
te Julio in-
unum exer-
citum con-
fluunt.

*Klockner.
ibid.*

*Turckius
in hist. ms.*

Simon Co-
mes de Lip-
pia, qui toti
exercitui
præerat,
frustra ten-
tat Rheno-
berckam.

*Turck. in
hist. ms.*

Insulam, è
regione ur-
bis in Rhe-
no sitam, i
cum dam-
no expug-
nat.
Turckius
in hist. ms.
Paderis. in
chron. Lip.
pag. 652.

positâ seditione in hostes vicinos erupere; maestatisque eorundem facile ducentis, cum ingenti jubilo in urbem reversi sunt. Neque tamen idcirco coepit antè dictus Comes omnem urbis potiundæ animum despondere: imò potius ab utroque Rheni litore non parvam navium multitudinem contrahere, numerosas militum suorum copias iisdem imponere, ad insulam è regione urbis in Rheno sitam adnavigare, & munimentum in ea positum, die vicesimâ sextâ Julii, manu armatâ vincere, occisis Hispanorum sexaginta, suorum verò penè centum & quinquaginta. Plura conanti, urbemque ipsam validius tentaturo, deerant grandiores belli machinæ, sive tormenta Martia ad confringendos, labefactandósque urbis muros necessaria. Quæ cum ab Hollandis petenda esse vereretur Admiralius (jam enim in castris Germanorum ea de re consultatum erat) consilium illud & omnem cum Hollandis communicationem præventurus, continuo suos omnes ex Gennepiensi & Embricensi præsidio revocavit; atque ita Germanico exercitui potestatem dedit, utramque hanc urbem, si ita vellent, occupandi.

Embricam
& Gennepiam, ab his
spanis eva-
cuatam,
præsidio
firmat: &
indè præda-
bundus ex-
currit in vi-
cinam Bra-
bantiam,
non sine of-
fensione
multorum
Principum.
Haraus in
ann. brab.
**Turck. in*
hist. ms.
Admiralio,
ea de re
conquesto,
superbè fe-
rocitèrque
respondet.
Haraus in
ann. brab.
Turck. in
hist. ms.

Tum verò statim apparuit, quo animo prædicti exercitus duces in hoc bellum iverint. Nam solutâ protinus obsidione Rheno-berckensi, non modò Embricam & Gennepiam imposito præsidio firmavere; sed etiam excursionem in vicinam Brabantiam factâ, ausi sunt extra Imperii fines primam contra Hispanos hostilitatem incipere, monasterium, pagumque Audenroiensem inimicâ manu diripiendo. Indignissimè hoc tulerunt complures Imperii Principes, ac præsertim Catholici, utpote qui solùm *defensivè* (ut in-quiunt) in hoc bello agendum esse constituerant. Joannes Wilhelmus Cliviæ Dux acrioribus idcirco literis Lippiensem objurgavit, *quòd commissionis suæ limites transcenderit, neque satis fideliter præstiterit ea, quæ sibi in comitiis Confluentinis præscripta fuerant.* Ipse etiam Admiralius, jussu Andreæ Cardinalis Austriaci, Ferdinandum Madrutium ad Simonem Comitem Lippiacum in castra misit, rogavitque: *qua de causa veniat ad persequendum se, suosque? militem Hispanum jam è plerisque Germanorum urbibus reductum esse; restatque solum Rêesam et Rheno-berckam. Eas quoque propediem à se, suisque restitutum iri, dummodo Hollandi pariter ex munimento Schenckiano et aliis Germaniæ locis excedere velint? cur ergo manum ab his invadendis retrahat, et in solos Hispanos furorem belli convertat?* Quatriduum ferè totum expectare Madrutius debuit, priusquam ad hæc postulata responsum acciperet. Jam enim præcipua circularium copiarum capita de rebus à se agendis non parùm dissentiebant. Et alii quidem cum Hohenloio Comite suadebant, ut exercitus totus conjungeretur cum Hollandis; alii verò cum Simone Comite

Lip-

Lippiensi contendebant, prius Rëesam à se invadi, Cliviámque totam ab Hispanis expurgari oportere. Quæ sententia cum à maiore belliducum parte probaretur, Madrutio tandem ferociter ac superbè responsum est: *Admiralium et Andream Cardinalem de his rebus frustra inquirere: visuros brevi, quid Principes Germani velint.*

Sed hæc Lippiaci Comititis & suorum ferocia intrà breve tempus finem admodum infelicem habuit. Cum enim haud multò post, exeunte Augusto, sua castra admovent ad urbem Rëesam; neque Hispani eam tam citò dederent, quàm egeno militi persuasum fuerat: derepente fames tam dira & intolerabilis in castra Germanorum irruit, ut miseræ inexpectatæ magnitudo fidem penè omnem superet. Advehebatur illis quidem satis frumentorum, ciborumque ex aliis ad Rhenum urbibus, atque ex ipsamet etiam Hollandia. Sed quia jejuno exercitui ferè nihil stipendiorum à longo tempore numeratum erat; pecuniarum defectus in totis castris ità invaluit, ut vel præcipui centuriones ac primipili, consumptis, venditisque gemmatis annulis & omni re pretiosâ, nihil ampliùs obsoniorum emere, vel à propolis castrensibus creditum accipere potuerint. Ipsi etiam obfessi, ex misericordia Christiana, quandoque illis panem & alia propter Deum elargiri ac donare visi sunt, uti refert Klocknerus temporum istorum scriptor. Summa summarum: insolentiam illam in cibo ac potu, quâ ad immodicam superfluitatem abusi fuerant Paderbornæ & alibi, in castris prope Rëesam positis per abstinentiam, famémque involuntariam satis acerbè & amarissimo cum gustu luere coacti sunt. His accesserunt & alia tria mala, quæ huiusmodi famem comitari plerumque solent: nempe militum gregariorum ignavia, ducum primariorum discordia, & funesta corporum malè pranforum dysenteria, ex omni militantium genere plurimos depasta. Quo intellecto Hispani, die decimâ Septembris manè, beneficio densæ, tenebricosæque nebulæ cum sexcentis ferè militibus in stationem Hassorum prorupère, in eaque stragem adeò improvisam ediderunt, ut quingentos ipsorum obtruncaverint, centum alios gravi vulnere sauciârint, tria vexilla in spoliis abripuerint, octo bellica tormenta clavis ferreis impactis corruperint, quædam alia in aquas deturbârint, unum ostentandæ victoriæ causâ in urbem traxerint, plura secum adducturi, si necessarii funes tam celeriter ad manum fuissent.

Magnus exinde pavor in castris omnibus: Ducumque terrorem auxit infecutus illico tumultus militum, stipendia sibi pridem non soluta placandæ famis causâ minaciter flagitantium. Quæ cum intrà biduum repræsentari non potuère, tandem die 13 Sep-

H h h h

tembris

Sed hæc ej
ferocia
paulò post
iterum de-
clinavit.

Ejusdem
exercitus
ante Rëesâ
fame hor-
rendâ pre-
mitur.
Klockner
in hist. Pa-
derb.

Hassi clade
non parvâ
cæduntur
ab erumpentibus
Hispanis.
Tarek. in
hist. ms.
Klockner.
in hist. Pa-
derb.

Haras in
ann. brabant.
demum tota Germa-
norum ca-
stra aufus
giunt.

tembris tota castra dissolutis ordinibus in fugam ruunt, ea cum
**Harans* velocitate & confusione, ut Hispanis, abeuntium* vestigia pre-
hic pag. 563 mentibus; non exiguam vim suorum impedimentorum diripien-
 dam reliquerint. Primi ante omnes fugerunt Hassi, revulsis dila-
 ceratisque suis vexillis: & quia in patriam reverti non audebant
 (id enim iisdem sub poena suspendii interdictum erat) huc illuc in
**Klockner.* omnes terræ plagas abscurrere, pro ut quemque malefani terroris
loc. cit. impetus & fortuna propulit. Plures eorum furtivè transierunt*
 Paderbornam, neque ausi sunt ad hospites antiquos regredi: quia
 ob insultationes nuperas de iisdem erant pejùs meriti, quàm ut sibi
 vel panis aut casei frustulum ab iisdem gratis offerretur. Simili-
 ter etiam Brunsvicenses & aliæ aliorum Principum acatholicorum
 copiæ, eodem pavore ac tumultu percitæ, à suis signis turmatim
 abscelsère; exceptis aliquot equitum peditumve centuriis, quæ
 cum Hohenloio & quibusdam aliis versùs Embricam se retraxe-
 rant. Sed & hæ non multò post, cùm Zevenariam ad Hollandos
 se deduci animadverterent, repentè fugam respicere visæ sunt; nec
**Turck. in* ullis deinde* minis aut pollicitationibus adigi potuère, ut ad Hol-
hist. ms. landorum stipendia pertransirent, vel extra Imperii Romani fines
 militiam facerent. Ità famosa expeditio illa, pro qua suscipien-
 da tot Imperii conventus ac deliberationes per hunc annum habi-
 tæ, cum ingenti Germanicorum Principum dedecore sinè omni
 prorsus fructu in ventos & fumos abiit: multò gloriosior futura,
 si primarii duces unà cum Hispanis, perlubenter excedere volen-
 tibus, ab expugnando munimento Schenckiano bellum istud exor-
 si essent. Sed hoc non permittebat eorundem nimius in Hollan-
 dos, doctrinarum suarum & acatholicæ Religionis consortes,
 amor.

Paderborna interim, quæ duobus annis anterioribus gravi pe-
 ste afflicta fuerat, per æstatem hujus anni rursus alio non levi malo
 percussa est, nimirum foedâ & exitiali lue dysentericâ. Prodidit
 hæc sese statim ab emigratione militis Hassiaci: ideoque clancu-
Paderbor- lum inter milites latuisse, & ab iis huic urbi remunerationis loco
na per æsta- obvenisse creditur. Periêrunt ex ea complures viri ac mulieres,
tem affligi- juvenes & senes, cum intolerabili dolore viscerum: testaturque
tur gravi Klocknerus tunc in urbe vivens, morbum hunc tam fuisse plenum
dysenteriâ. cruciatu, ut robustis etiam, vegetisque viris intestina ipsa, quasi
Klockner minutatim concisa (date veniam huic verbo!) unà cum aliis for-
in hist. Pa- dibus per alvum dilapsa fuerint. Cessavit quidem hoc malum cir-
derb. ca initium Septembris: at eo vix depulso, ecce! iterum in plebe
 murmur, iterum insani motus & querimonie civium gregario-
 rum. Repetebant hi à Magistratu urbico sumptus omnes, quos in
 alimen-

alimenta militum Hassicorum fecerant. Horum solutionem, in-
 quiebant, sibi à Landgravio bonâ fide promissam, & hucusque
 nondum exhibitam esse. Proinde rogare se, ut consules & sena-
 tores ea de re ad Landgravium scriberent, expositisque civium præ-
 gravatorum damnis ab eo celerem omnium expensarum solutio-
 nem poscerent. Obsecundabat equidem huic civium postulato
 Magistratus urbicus: omniumque sumptuum rationes, in unam
 summam contractas, Landgravio misit, humillimè ab eodem pe-
 tens, ut & suæ ipsius promissioni, & ardentissimæ civium egeno-
 rum supplicationi satisfaciat. Sed quia Landgravius ad hujusmo-
 di postulata non admodum affectus erat, solutio ista prò dolor! ad
 magnum Platonis annum procrastinata est: debuitque civibus hac
 vice id unum satis esse, quòd obtentu militum Hassicorum, in Fo-
 rensi templo Lutheranæ Religionis exercitium recepissent. Quan-
 quam & hujus violentæ recuperationis negotium nondum extra
 omnem disceptationem ac poenam arbitrariam esset. Celissimus
 enim Princeps Theodorus, sinè cujus consensu prævio templum
 illud à civibus receptum erat, acerrimè inquirebat in omnes atten-
 tati istius facinoris reos: volebátque sibi rotundè ac sigillatim in-
 dicari, quis Ecclesiam istam se invito rursus aperuerit; aut Her-
 mannus Tünnekenium, Pastorem apostatam, in ejusdem Ecclesiæ
 cathedram denuo introduxerit? Licet enim Paderbornenses cives
 facti hujus invidiam in Hassiacos milites conjectam vellent: id ta-
 men vel ex eo falsum esse apparebat, quòd reformatio templi peracta
 fuerit die 2dâ Maji, in Dominica tertia post pascha; miles autem
 Hassiacus in urbem introire coeperit die 15 Maji, in sabbatho ante
 Dominicam V. post Pascha. Alios igitur ad id colorandum quæ-
 sivère fucos, alias admissi à se criminis excusationes. Quas tametsi
 Theodorus levi spongiâ potuisset iterum diluere; dissimulavit ta-
 men aliquantisper, fecitque instar opulenti hospitis, qui solutio-
 nem pecuniæ sibi debitæ interdum procrastinari patitur, ut eam
 suo tempore severiùs exigat.

Ea cessante,
 cives cum
 ingenti
 murmure à
 Landgravio
 repetunt
 sumptus, in
 militum
 Hassicorum
 alimenta
 factos. Sed
 frustra.
 Klockner.
 ibid.

Theodorus
 Ep. severè
 inquit in
 cives illos,
 qui Forense
 templum
 Paderborn
 næ reformati-
 verant; poe-
 nam verò
 in tempus
 aliud refer-
 vat.
 Klockner
 ibid.

Ex aliis Westphaliæ Episcopis vivendi & gubernandi finem hoc
 anno fecit Antonius, è Comitum Schawenburgicorum familia
 Princeps & Episcopus Mindensis, Catholicè defunctus die sextâ Fe-
 bruarii, & sepultus in monasterio Mollenbeckiensis. De rebus ab
 eo gestis nihil memoratu dignum invenio: fortè, quòd in terra
 prorsus acatholica nullum adeptus fuerit, qui vel sacris ejusdem
 conatibus morem gerere; vel res ab eo præclarè coeptas deprædi-
 care vellet. Certè, cùm adhuc apud Ubios Metropolitanæ Eccle-
 siæ Decanum ageret, egregium Catholicæ Religionis propugna-
 torem

Antonius
 Comes de
 Schawen-
 burg, Epi-
 scopus Min-
 densis, Ca-
 tholicè mor-
 ritur.
 Catal. Epi-
 scop. Mind.

Succedit
Christianus
Dux Lune-
burgensis,
Princeps
lutheranus

torem se exhibuit: omniumque primus fuit, qui anno 1583 Coloniae in comitiis provincialibus contra Gebhardum Truchsesium & iniqua ejus molimina peremptoriam sententiam dixit. Mindensi Ecclesiae praefuit ab anno seculi praesentis octogesimo septimo: & successorem sibi plane dissimillimum nactus est Christianum, Guilielmi Ducis Luneburgensis & Brunsvicensis filium, Lutheranis erroribus ab aetatis primordio innutritum; cetera tamen Principem omnino bonum & pacificum.

Annus Christi 1600.

CLEMENTIS VIII. Pontificis 7.

RUDOLPHI II. Imperat. 24. & 25.

THEODORI Episc. Paderb. 15. & 16.

In Belgio
post ingres-
sus latissi-
mos novo-
rum Princi-
pum Alber-
ti & Isabel-
lae.

**Haranus in
ann. brabant.
ad an. 1599.
& 1600.*

tumultuans
tur milites
de stipen-
diis non ac-
ceptis.

Haranus ib.
Qua occa-
sione Mau-
ritius Arau-
sionensis
varia loca
Hispanis
eripit, ac
tandem eri-
am Neo-
portum ob-
sidet.

Albertus
Archidux
magnis
pollicita-
tionibus
militem



Albertus Austriacus & Isabella Hispana, Belgarum Principes (de quorum nuptiis, coram summo Pontifice contractis, ante biennium egimus) celebratis in Hispania connubialibus gaudiis, circa Septembrem *anni superioris in Belgium advenire: ubi usque in Februarium anni praesentis, nunc Lovanii, nunc Bruxellis, nunc Antwerpiae, Gandavi, Cortraci, Tornaci, Duaci, & alibi, summo omnium Catholicorum applausu & gratulatione excepti & inaugurati sunt. Pompa ista, & apparatus hac de causa factorum splendor, non modicos ubique sumptus absorbit cum ingenti rerum bellicarum damno. Interea namque egebat miles, & stipendiorum inopia diuturna pressus, ita plurimis in locis tumultuari coepit, ut neque in hostem ire, neque ducum suorum imperia sequi vellet; nisi prius expedirentur pecuniae, a tempore jam longo debitae. Quod ubi comperisset Mauritius Arausicanus, Hollandicae militiae supremus Praeses; ex ea seditione fructum aliquem decerpiturus, primo Wachendonckam, Crepicordium, & castrum Sanct-Andreanum, improviso Marte subegit. His autem nullo succurrente captis, etiam ausus est maritimo itinere in Flandriam se infundere; ibique Neoportum urbem, situ & arte non leviter praemunitam, obsidionali coronam cingere. Sed haec illius machinatio minus felicem, quam ipse opinatus fuerat, successum habuit. Nam Albertus Archidux repente magnis pollicitationibus plerorumque militum seditiosorum animos ita emollivit, ut una secum in bellum ire, & Mauritium e Flandriae finibus iterum ejicere constituerint. Copiae omnes die vicesima octava Junii prope Gandavum recensitae, ac deinde ab ipsomet Alberto ea celeritate in hostem deductae sunt; ut Mauri-
tius.

tius, accepto ejusdem adventûs nuntio, credere vix potuerit, exercitum Catholicum exercitui suo tam propinquum esse. Munimenta ferè omnia, inter viam ab Hollandis occupata, primo statim incurfu in Archiducis potestatem redière. Tum deinde Ernestus Nassovius, qui cum aliquot peditum equitumque millibus ad remorandum Catholici exercitûs iter à Mauritio missus erat, subitanè clade sic affectus ac rejectus est, ut è duabus peditum Scotorum & Zelandiorum legionibus vix unus & alter ex arena salvus evaserit. Postremò etiam sequenti die, quæ erat 2dâ Julii, totis utrimque castris acerrimo prælio concursus est. In quo, tametsi tandem propter equitum Hispanicorum ignaviam Hollandi campum retinuerint; ambiguum tamen est, utra ambarum partium graviore suorum strage notata fuerit. Sunt, qui asserant, ex parte Batavorum longè plures occubuisse, quàm ex parte Archiducis: sunt etiam vice versâ, qui Catholicorum jacturam supra mortes & occidionem Batavorum augeant. Illud certum est, Hollandos victoriâ admodum cruentâ potitos, atque ità hoc prælio debilitatos fuisse, ut paulò post ab obsidione Neoportana aufugerint: contra verò ex parte Archiducis multò plures è præcipuis belli ducibus, vel in prælio cecidisse, vel in hostium suorum potestatem devenisse. Atque in horum numero etiam fuit famosus ille Arragonum Admiralius Franciscus de Mendoza: qui in eodem conflictu captus, ac demum post sesqui annum tribus & viginti aureorum millibus è captivitate sua redemptus est.

In Westphalia quietem hujus anni turbârunt iterum prædones Hollandici, jam à decennio & ampliùs in his provinciis rapinas agere, aut iniquas contributiones exigere docti. Collegerant sese, die decimâ octavâ Martii prope urbem Susatensem: indeque, ut ipsi asserabant, in Ducatum Brunsvicensem perrecturi, vicino Episcopatu nostro Paderbornensi minabantur acerba plurima, nisi maturè conveniretur secum de pecuniis, ad redimendam vexationem dependendis. Actum igitur cum iis, ac tandem effectum est, ut acceptis bis mille & quingentis imperialibus Dioecesi hanc sine noxa pertransièrunt. At longè dirior, superisque omnibus execrabilior fuit insolentia illa, quam alii prædones Hollandici per æstatem hujus anni peregerunt Strombergæ in Episcopatu Monasteriensi. Est ibidem in sacello S. Crucis imago thaumaturga crucifixi Domini, quæ ob miraculorum frequentiam jam à seculo duodecimo in summa veneratione, cultûque fuerat apud omnes, qui de Deo & rebus divinis Christianè sentiunt. Multæ ad eam peregrinationes hominum proborum fiunt, etiam è locis remotioribus: præsertim verò in Dominica proximâ post nativitatem S.

Joan-

seditionum
pacat, & co-
piarum
Hollandi-
carum par-
tem felici-
ter profligat.

*Auctores
iidem.*

Concurritur iterum totis castris apud Neoportum:

*Auctores
iidem.*

Admiralius Mendoza ab Hollandis in prælio capitur, & postmodum redimitur magno ære.

auct. iidem

Prædones Hollandici in dioecesi Paderbornensi contributionem postulant.

*Annales
Collegii
Paderb.*

In Dioecesi Monasteriensi in supplicationem Strombergensem irruunt.

*Annales
Collegii
Monast.*

& Crucis
thaumatur-
gæ imagi-
nem, argen-
to inclusam
sacriliegâ
manu con-
fringunt.
*Annales
Colleg.
Monast.*

sed non si-
nè gravi
Numinis
vindiçta,
propediem
insecuta.
*Annales
iidem,*

Rudolphus
Imperator,
& Ferdi-
nandus Ar-
chidux, Ca-
tholicam

Joannis Baptistæ; quâ solennis ibidem supplicatio agitur, incre-
dibili populorum affluxu per totam Westphaliâ celebratissima.
Id cum à nefariis ejusmodi prædatoribus ignorari non posset; so-
lenni die istâ, nescio quibus è latebris, in piam illam supplicantium
& concinentium turbam cum ingenti furore involant: & aliis qui-
dem egregiè diverberatis ac despoliatis, aliis verò in captivitatem
abstractis, Crucem thaumaturgam de manibus ipsorum auferunt.
Hanc deinde (ut faciliùs detraherent argentum omne, cui tota Chri-
sti effigies inclusa erat) sacrilegis ausibus detruncant, caput à cer-
vice revellunt, brachia expansa resecant, frustra que corporis, ab-
repto argento, nuda in terram projiciunt. Quæ tamen postea ab
hominibus piis religiosissimè iterum conquisita, & ad collegium
Societatis JESU Monasterii (quod eo tempore sacelli Strombergen-
sis curam & inspectionem habuit) cum singulari venerationis af-
fectu reportata sunt; ut adunatis partibus, tota Christi effigies no-
vo rursus argento includeretur. At brevi didicerunt Calviniani
prædones isti, rarò admodum ac ferè nunquam impunè despici &
contemni Deum, etiam in imagine sua, ad excitandam populi de-
votionem fabricata. Vix enim cum iniquissimis hujusmodi spo-
liis è Strombergenfi expeditione sua pervenerant in pagum *Oist-
Beveren*, tribus quatuorve horis Monasterio dissitum: cum ex im-
proviso & præter omnem expectationem inciderunt in aliquot
cuneos militum Hispanicorum, de quibus tamen per totum hunc
annum in Episcopatu Monasteriensi nihil antea visum vel auditum
fuerat. Ab his ille, qui prædictæ imagini caput amputaverat, vi-
cissim poenâ talionis ita caput infauftum perdidit, ut rectâ per me-
dium à summo vertice divisum atque diffusum fuerit: Ceteri verò
pariter eum in modum obtriti, percussi, aut vulnerati sunt, ut eo-
rum paucissimis licuerit, fugiendo vitam, cutemque suam conser-
vare. Imò & hos quoque non omnino impunes remansisse, veri-
simili conjecturâ multis persuasum fuit. Constat enim, quò deo-
rundem unus, cum biennio post ad extremam vitæ lineam dedu-
ceretur, paulò ante agonem ultimum publicè confessus fuerit, se
ab eo tempore, quo hæc impietas in crucem & supplicationem
Strombergensem à se, suisque commilitonibus admissa erat, ferè
nunquam vidisse diem aut horam unicam, quâ vel à doloribus cor-
poris, vel à continuis conscientie læsæ cruciatibus immunis vi-
xerit.

Hi nimirum erant præclari fructus mutatæ Religionis antiquæ!
Hæ consuetæ utilitates novi Evangelii Lutherani & Calviniani,
quod ubique tanta cum furiali iconomachia & sacrarum imagi-
num violatione introductum est; uti è rebus, in historiæ nostræ
decurfu

decurſu recenſitis, abunde conſtat! Meritò proinde ad pernicioſam hujusmodi doctrinam è ſuis provinciis eliminandam ſummo ſtudio conſiſi ſunt laudatiſſimi Principes, Rudolphus Imperator, & Ferdinandus Archidux: quorum poſterior *è Styria, Carinthia, & Carniola; prior verò ex inferiore Austria Præcones acatholicos expellere, veteremque doctrinam Romano-Catholicam hoc anno reſtituere cœpit, initio ab urbe Lincienſi factò, & poſtea in aliis etiam urbibus continuato. Idem hic Fidei & Religionis antiquæ fervor circa Rhenum inferiorem elucebat in duobus aliis Principibus, Erneſto Colonienſi Archiepiſcopo, & Joanne Wilhelmo, Juliae, Cliviae, & Montium Duce. Primus enim, proſcriptis omnibus heterodoxorum libris, Novem ſum hoc anno miſit ſacerdotem aliquem è Societate JESU, qui in urbe, ſæpius à Calviniſtis occupata, pietatem Catholicam reſuscitaret; & ſacramentorum frequentiam, præteritorum temporum injuriis antiquatam, rursus induceret. Alter verò per decurſum hujus anni doctrinam heterodoxam è ſuis provinciis ejici, & ejus loco veterem Catholicam ubique in omnibus Eccleſiis reſtitui juſſit, non ſinè magno Lutheranorum & Calvinistarum fremitu. Quin etiam biennio antè Aquisgranum urbem, diu contumacem & Cæſareis mandatis obſtreperam, tum ſuâ, tum Erneſti Colonienſis auctoritate, ad unius Catholicæ Religionis exercitium redire compulſit; uti alii ſcriptores clariùs, Teſchenmacherus autem paulò obſcuriùs tradidit hiſce verbis: *Anno 1598 Joannes Wilhelmus, dum in Aquenſes rebelles executionem ſibi et aliis à Cæſare demandatam pararet; conſilio Wilhelmi à Waldenburgh, ſolâ auctoritate ſuâ eos ad obedientiam reduxit, ita ut anno 1600 republiça plene pacata fuerit.* Qua de cauſa etiam Albertus & Iſabella Belgarum Principes Aquisgranenſibus hoc anno reddiderunt omnia privilegia, à Burgundicis Principibus olim accepta, & propter invectam hæreſin ſuſpenſa vel abolita: eâ tamen juratâ lege, ut in urbe ſua nunquam aliud, quàm Catholicæ Religionis exercitium haberi ſinant; neque ibidem ferant vel admittant ullos Principum Belgicorum hoſtes.

Non minori Catholicæ Religionis ac Fidei zelo jam pridem arſerat Paderbornæ laudatiſſimus Princeps & Epicoſopus noſter Theodorus Fürſtenbergius, de cujus egregiis, maximisque facinoribus nunquam ſatis. Ejecerat ille hætenus concionatores heterodoxos è plerisque ditionum ſuarum pagis & oppidis. Interdixerat omnibus animarum curatoribus, ne contra morem veteris Eccleſiæ miniſtrarent Euchariſtiam ſub utraque ſpecie. Maceraverat carceribus & jejuniis ſacerdotes & parochos, qui ſaluberrimo huic decreto non fuerant obſecuti. Proſcripſerat à ſcholis publicis ludimagi-

Religionem in ſuis provinciis reſtituere incipiunt. **acta publica apud Meyer l. 2. pag. 174.*

Erneſtus Colonienſis proſcribit libros hæreticos. *Turck. in hiſt. mſ.*

Joannes Wilhelm. Cliviae dux è ſuis ditionibus heterodoxam doctrinam ejicit, *Klockner in hiſt. Paderb. mſ.* Aquisgranum à duobus annis ad Fidem Catholicam revertitur; ideòque & hoc anno à Principibus Belgicis antiqua privilegia recipit. *Turck. in hiſt. mſ.*

Theodorus Ep. Paderb. Catholicæ Fidei reducendæ ſtudioſiſſimus Romæ impetrat, ut mediæ bonorum Falckenhaugenſium

attribuatur
collegio
Societatis
JESU.
Ex Bulla
Clementis
VIII. Papa,
in archivo
Collegii
Paderb.

magistros ac præceptores acatholicos, ne erroneis opinionibus suis tenera puerorum corda inficerent. Postremò etiam, ut Paderbornensis juventus unà cum literis pietatem Christianam biberet, quarto abhinc anno Paderbornæ, tanquam in urbe primaria & sequioribus doctrinis maximè corrupta, Societatis JESU Patribus novum & illustre collegium excitare cœperat: planissimè confusus, indè non solum urbi; sed etiam universæ Diœcesi nostræ, perpetuum Catholicæ Religionis præsidium fore. Ac tametsi hæc nova fabrica triennio proximo paulò tardiùs processerit, cum ob gravem pestilentiam, quæ duos annos Paderbornæ tenuit; tum ob irruptionem Hassicam, & consecutam protinus dysenteriam, quæ anno superiore multis hominibus vitæ spiritum interclusit: nihil tamen interea destitutum est ab augendis inchoati collegii proventibus, effectumque tandem ab Episcopo, ut Clemens VIII Pontifex, pro commodiore magistrorum docentium sustentatione, duas Capellanas, nimirum S. Bartholomæi infra ædem Cathedralem, & Ss. Fabiani ac Sebastiani in collegiata Ecclesia Bustoiffensi, unà cum dimidia parte monasterii Falckenhagensis prædicto Societatis collegio in perpetuum attribui posse permiserit. Bullæ Apostolicæ hujus unionis vel incorporationis (utì vocant) initium & finem hîc paucis accipe. *Clemens Episcopus, servus servorum Dei, ad perpetuam rei memoriam. Intelligentes, quàm Domino grati, et Christiana reipublica utiles sint fructus, qui ex verbi Dei assidua predicatione, ac frequenti sacramentorum Ecclesiasticorum ministerio, aliorumque operum piorum exercitio, per dilectos filios Religiosos Societatis JESU producuntur; ea ipsis Religiosis libenter concedimus, quæ ad id facere, quaque eorum commoditatibus fore conspiciamus opportuna. Sanè pro parte Venerabilis Fratris nostri, moderni Episcopi Paderbornensis etc. - - Datum Romæ apud sanctum Petrum, anno incarnationis Domini millesimo sexcentesimo, quinto Kalendas Martii, Pontificatus nostri anno octavo.*

Annus Christi 1601.

CLEMENTIS VIII. Pontificis	10.
RUDOLPHI II. Imperat.	25. & 26.
THEODORI Episc. Paderb.	16. & 17.

Albertus
Archidux
& Belgii
Princeps
inchoat ob-
sidionem
urbis
Ostendæ,



Annus hic memorabilis est ab obsidione Ostendana, mense Julio inchoata, ac deinde per tres integros annos continuata, usque in Septembrem anni millesimi sexcentissimi quarti. Oppidum illud Flandriæ non ità pridem adhuc fuerat pagus maritimus, à solis ferè piscatoribus habitatus, teste Haræo. Sed initio hujus belli

belli civilis ab Hollandis, ejusdem loci opportunitatem conspicantibus, paulatim ita præmuniri, & in oppidi validissimi formam efferrî coepit, ut ex eo miles Batavicus toti penè Flandriæ tributa imperaret; neque ab iisdem extorquendis, per castella varia ab Hispanis undique circumjecta, sufficienter impediri vel coerceri posset. Quare tandem Albertus Archidux, continuis Flandrorum precibus invitatus, die 5. Julii magnis animis castra sua admovit ad Ostendam: putantque multi, urbem istam exeunte hoc anno, tum ob alimentorum inopiam, tum ob militum peste & ferro consumptorum paucitatem, Catholico Marti succubituram fuisse; nisi Albertus Archidux à Francisco Verio, ejusdem urbis governatore, fraudulenter se deludi permisisset. Rogabat hic inducias belli pridie Natalis Domini: eâ quidem specie, ut inter hæc armorum silentia de urbis dedendæ conditionibus transigeret; re verâ autem, ut vicinam urbis invasionem tam diu sisteret, donec ab Hollandis & Zelandis nova militum & alimentorum subsidia accepisset. Credebat & annuebat Archidux dolosæ huic petitioni: sed ingenti suo, suorumque malo. Nam cum inter quæsitæ illas, prorogatasque inducias quinque naves, novo milite & multo commeatu plenæ, è Zelandia in portum Ostendæ invectæ essent; suprà dictus gubernator simulatæ hætenus deditiois tractatum repentè iterum abruptit, modestè* se excusans: *ad priora deditiois consilia se adductum fuisse ob extremam necessitatem: hanc verò cessare nunc per advectas naves; ideoque peccaturum in conscientiam, famamque suam, si acceptis hujusmodi novis viribus defensionem sibi commissam prosecui detrectaret.*

Interea Mauritius Nassovius, Princeps Arausicanus, obsedit Rhenoerberckam territorii Colonienfis urbem, ab Hispanis hætenus retentam: eamque tandem die tricesimâ Julii ad honestam deditioem compulit, Alberto Archiduce de eadem suis armis conservanda non multum sollicito. Nec longè post, ineunte mense Augusto, etiam urbem comitatûmque Môrsensem armatâ manu Clivenfis eripuit: frustra obnitente Joanne Wilhelmo Clivorum Duce, qui priore anno, post mortem ultimæ Comitissæ Walburgis, comitatum hunc, velut feudum recidivum occupaverat; eundemque Mauritio Nassovio (utî factum erat) nullatenus legari vel donari potuisse contendebat. Nimirum ea tunc erant tempora, ique mores Mauritiî, ac rebellium Batavorum (quibus præerat) ut ea, quæ libebant, sibi etiam licere crederent, ac penè in solis armis jus omne constituerent. Eâdem agendi licentiâ Batavi grassati sunt per varias Westphalorum provincias: neque ullus Principum acatholicorum fuit, qui, ut ante biennium contra Hispanos; ita pariter contra Hollandos & infestas eorundem incur-

toto postmodum triennio continuatam.
Haras in ann. brabant. Galluc. de bello Belg. l. 14.

Galluc. de bello Belg. l. 14.

Hollandi interim occupant Rhenoerberckam, Mòrsensem & alia loca viciniora.
Haras ad hunc annum.

In Diocesi Monasteriensi propter eas Hollandorû incurfationes hoc aô

intermitti-
tur suppli-
catio
Stromber-
gensis.
*Annales
Collegii
Monast.*

Nihilo mi-
nus contiue-
tâ supplica-
tionis die
audiuntur
ibidem in
aëre solen-
nes concen-
tus vocēsq;
supplican-
tium:
*Annales
iidem.*

item virgo
Monasteri-
ensis ex vo-
to Strom-
bergam
adiens, pro-
digiosè cu-
ratur à va-
riis morbis.
*Annales
iidem.*
Unde &
anno se-
quenti sup-
plicatio eā
rursus in-
stituta est.
*Annales
Colleg.
Monast.*

Theodori-
cus Abbas
Corbejen-
sis mona-
sterium
Brenckhu-
sanum vir-
ginum Cis-
tertienſiū
hoc anno
transfert ad
Ordinem S.
Benedicti,

siones ad arma conclamaret. Qua de causa etiam in Monasteriensi Episcopatu solennis illa supplicatio Strombergensis per ætatem hujus anni penitus intermissa; & effigies thaumaturga crucifixi Domini (quæ à raptoribus Hollandicis anno superiore despoliata, & nunc iterum novo argento inclusa fuerat) in collegio Patrum Societatis JESU Monasterii retenta, neque ad antiquam stationem suam reportata est, ne hæc iterum hominibus impiissimis in spoliū cederet. Mirum interim, & æternâ posteritatis memoriâ dignum est, quàm apertè ac dilucidè ostenderint Superi, veterem illam pietatem Strombergensem Deo plurimùm complacere. Nam eadem illâ die, quâ solennis illa supplicatio celebrari debuisset (nimirum Dominicâ proximâ post nativitatem S. Joannis Baptistæ) vicini opilioes, pastoresque gregum campestrium clarissimè audiêrunt per totum aërem insonare consuetas cantantium voces ac tintinnabulorum sonitus; non secus, ac si eadem staurophoria more veteri peracta & circumducta foret. Id quod iidem pastores & opilioes juramento edito contestati sunt coram Notario publico, qui hæc eorum testimonia in publicam scripturam retulit. Neque interim cessavêre prodigia, Strombergæ aliàs patrari solita. Nam & virgo Monasteriensis, quæ hydrope, vertigine, stomachique doloribus diu pessimè laboraverat, eodem anno Strombergam ex voto adiit: & cum ibidem in eo loco, in quo aliàs thaumaturga crux asservari solita erat, aliquamdiu Deum pro nobis crucifixum ardentissimè invocâset; repentè plenam omnium infirmitatum suarum absterſionem, sanitatēque retulit. Ob hos igitur, aliōsque eventus admirabiles veneranda Crux illa sequenti anno Strombergam reportata; simulque staurophoria celeberrima, quæ ibidem ab antiquissimis temporibus floruit, incredibili piorum hominum affluxu rursus instituta est. Quæ & postmodum ita semper in assiduo flore & usu mansit, ut etiam inter omnes gravissimas bellorum subsequentium furias continuata, ac ferè nunquam intermissa fuerit.

In territorio Corbejensi Diœcesis nostræ Paderbornensis novam hoc anno mutationem ac reformationem spiritualem subiit monasterium virginum, quod olim Beringhusanum appellabatur; nunc autem paululū inflexo nomine Brenckhusanum dicitur. Fuerat illud hætenus instituti Cistertiensis sub inspectione aut visitatione Reverendissimi Abbatis Hardehusani: neque dubium est: quin ejusdem Ordinis observantia perpetuis temporibus fuisset inibi perſtitura; nisi post annum superioris seculi sexagesimum, corruptissimi virginum religiosarum Patres ac Præpositi florentem hujus monasterii statum pessimè convulsissent. Ex horum numero

præci-

præcipui dissipatores fuerant Liborius Bolte, Bernardus Kopperschmidt, & Petrus Krantz, qui sibi invicem in istius monasterii cura * & administratione infelicissimo fato successêre. Primus eorum Liborius Bolte cum Brenckhusiana monacha, à se publicè violata, secularem vitam repetiêrat; sub Lutherano matrimonio dulciùs, quàm sub excusso Christi jugo victurus. Alter, nimirum Bernardus Kopperschmidt, posteaquam toto suæ administrationis tempore nihil aliud egisset, quàm illius monasterii bona disperdere, literas antiquas alienare, proventus annuos divendere, æs alienum contrahere, sanctimonialium fundos oppignerare; tandem poenæ secuturæ metu cum pecuniis malè partis aufugit, & monasterium in statu misero dereliquit. Neque melior his duobus fuit, qui iisdem ex Hardehusano monasterio statim surrogatus est, Petrus Krantzius, lupo magis, quàm animarum sacrarum curatori similis. Nam & ipse pariter sceleratis decessorum suorum vestigiis institit, foedissimisque libidinibus ac spurcitiis ità se ingurgitavit, ut urgente criminum suorum conscientia se se furtim subducere maluerit; quàm includi carceribus, quos promeruerat. His igitur, aliisque malis oppressæ virgines, cum omnia pessum ire & in præsentissimum interitum deturbari ac præcipitari cernerent, proximioris auxilii causâ confugerant ad Reinhardum Abbatem, Principemque Corbejensem: profundis eundem lachrymis rogantes & obsecrantes, ut labentis monasterii curam suscipere, eique tam in temporalibus, quàm in spiritualibus necessarium auxilium ferre non dedignetur. Non poterat hanc earum petitionem respicere benignissimus Princeps: præsertim cum in aperto esset, Parthenonem hunc in Corbejensi territorio situm, & à suis decessoribus fundatum, & ab Hardehusano Abbate ferè penitus derelictum aut neglectum esse. Quare protinus misit illuc è conventu suo sacerdotes duos: unum, qui sub nomine Præpositi administrationem rerum temporalium gereret; & alterum propè septuagenarium senem, qui dirigendis virginum sacratarum conscientiis præesset. Ipse verò curabat sedulò, ut prædictæ sanctimoniales non modò sanctè ac devotè secundum veterem sui Ordinis Cisterciensis disciplinam viverent; sed etiam ut antiquos monasterii proventus reciperent, literas à malis Præpositis alienatas recuperarent, æs alienum diluerent, & in veterem rerum domesticarum florem sese restitutas esse lætarentur. Probabant hæc summopere virgines Brenckhusanæ: neque etiam contradicebat * Hardehusanus Abbas; utpote cui penitus persuasum erat, hoc modo nihil aut in suo visitandi jure, aut in virginum prædictarum statu ac professione, mutatum vel innovatum iri.

& congregationem
ejus Bursfeldientem.
Ex veteribus manu-
scriptis Paderborn.

* ex Relatione Reinhardi Abbatis Corbejensis, ad Cathedrale Capitulum Paderbornense data anno 1574. die 30 Aprilis.

* ex eadem relatione & aliis manuscr.

**ex eadem
relatione
msf.*

**ex variis
litteris in
archivo
Cath. Eccl.*

**ex litteris,
infra ci-
tandis, An-
tonii Vigi-
liarum
Episcopi,
Nuntiique
Apostolici.*

**ex iisdem
litteris.*

**Italice Bi-
seglia, urbs
Episcopalis
in Regno
Neapolis.*

At ubi postmodum Reinhardus Abbas & Princeps Corbejen-
sis, anno seculi prioris septuagesimo tertio, potestatem suam eò
usque extendere voluit, ut Margaretam Teves, monasterii Brenck-
husani *Abbatissam, propter calumnias aliquas eidem impruden-
ter ex ore lapsas à magistratu & officio suo deposuerit; repente
graves discordiarum flammæ inter utramque partem suscitatae sunt.
Margareta enim cum suis asseclis ad se tuendam ac defendendam
imploravit Abbatem Hardehusanum, ejusque Superiorem, Joan-
nem Wachtendonckium, Abbatem Veteris Campi. Hideinde,
suorum veterum privilegiorum diminutionem veriti, ab Episcopo
& Capitulo Cathedralis Ecclesiæ Paderbornensis, tanquam à Do-
minis *Dioecesanis monasterii Brenckhusani, opem & auxilium
quærivêre. Ab iis autem, post varios tractatus & conventiones,
eò tandem res deducta est, ut Reinhardus Corbejenfis ab hujusmo-
di novationibus abstinere debuerit, & monasterium illud Harde-
husano Abbati, ac Præpositis ab eo constitutis, regendum ac gu-
bernandum relinquere. Tum verò, si unquam antea, Brenck-
husensium fortuna cœpit adhuc amplius in ruinam agi. Cùm e-
nim eo tempore ipsimet monachi Hardehusani vitam planè inor-
dinatam ac religioso statui suo dissentaneam ducerent (utì constat
ex antiquis Cathedralis Ecclesiæ litteris) necesse erat, ex indoctis
dissolutisque monachis peiores Præpositos & sanctimonialium
Præfectos nasci. Horum ignaviâ Brenckhusensium bona rursus
interire, monastica disciplina solvi, nulla rerum spiritualium *so-
licitudo geri, moniales ad sacrilega connubia pertransire, Luthe-
rana hæresis in coenobium & Ecclesiam ejus parochialem recipi, ac
demum omnia ità in pejus labi, ut exeunte priore seculo Virginum
sacratarum numerus ad binas tantum personas totidémque sorores
laicas redactus fuerit. Qua ex re cùm præsentissimum everfionis
periculum immineret, hoc anno rursus Corbejenfis Abbas ac
Princeps, Theodoricus de Beringhusen, ruentis monasterii eu-
ram suscepit; & sinè omni Cistertiensium Abbatum *contradi-
ctione, imò & eorum consensu rogatùque, parthenonem suprà
nominatum ad Ordinem S. Benedicti & Congregationem ejus
Bursfeldiensem transtulit, virginibus aliis profugarum loco surro-
gatis. Ne autem secuturis temporibus novæ lites & controversiæ
ob illud factum suboriri possent; congregatio Bursfeldiensis an-
no seculi præsentis decimo nono translationem hanc ab Antonio
Vigiliarum *Episcopo, tunc ad Rhenum inferiorem Nuntio Apo-
stolico, Papali auctoritate roborari petiit, & impetravit hoc di-
plomate:

Anto-

Antonius, Dei et Apostolica Sedis gratiâ Episcopus Vigiliarum, sanctissimi Domini nostri Pauli V. eiusdemque sedis ad Germania partes et per tractum Rhenanum cum potestate Legati de latere Nuntius, ad futuram rei memoriam. In hac nostra legationis functione ad ea mentis nostra aciem sedulo dirigimus, per quæ abusibus et incommodis, quæ in Ecclesiasticas personas tractu temporis irrepunt, eliminatis, non solum suo antiquo splendore restituantur; sed etiam instituta ad laudem Dei et gloriam ejus stabiliantur. Et, ut id votivè succedat; his, quæ pro ipsarum reformatione salubriter ac prudenter ordinata fuerunt, ut firma semper et perpetuò illibata persistant, libenter, cum à nobis petitur, Apostolici roboris firmitatem adjicimus. Sanè exhibita nobis pro parte Præsidentis et sacra unionis Bursfeldensis, Ordinis S. Benedicti petitio continebat, quòd, postquam monasterium sacrarum Virginum in Brenckhusen, Diocesis* Paderbornensis, ad visitationem Ordinis Cisterciensis spectans, à compluribus annis gravissimè in regula, moribus, et monastica disciplina pericliteretur (quòd ex eodem Cisterciensi Ordine ad regendas istas virgines præfæcti et collocati erant soluti monachi, bona cænobii abalienantes, et post comperta illorum crimina in fugam sese dantes, monialibus virginibus desertis, ex eodem claustro ad sacrilega connubia transcurrentibus; quarum numerus velatarum ad duas omnimodo totidemque sorores laicas decreverat, ac heresis in templum ac cænobium istud irrocta fuerat) sic bona memoria* Theodoricus, monasterii Corbejensis, Ordinis S. Benedicti, unionis Bursfeldensis Abbas, sub cujus territorio hujusmodi monasterium situm erat, cum suo Capitulo, præmonitis Cisterciensibus Abbatibus et ejusdem monasterii visitoribus (ut qui coràm et per literas hoc ipsum petierant) omniconatu et sollicitudine incubuit, quibus mediis hujusmodi cænobium ad cultum divinum et veram orthodoxam Religionem, ac morum et disciplina monastica reformationem reducere posset. Et idem eidem monasterio præpositum F. Gerardum Eickel, monachum Ordinis S. Benedicti, quæ Benedictinis* et Cisterciensibus communis est, nec non in cantu et ritibus ejusdem Ordinis instructis, præfecit. At monasterium ipsum in loco, Vallis Dei, nuncupato, sub præsidio ac nomine gloriose Deiparæ et sanctissimi Præcursoris Christi, ut à diuturno squallore ac propemodum præsentis interitus retraheretur, in fidem, patrocinium, et gubernationem, divi Benedicti professis, tam in spiritualibus, quàm in temporalibus, de anno 1601, nullâ contradictione interveniente, totaliter, liberè, et quietè, cum bonis et rebus omnibus appertinentibus translatum ac transportatum; ac hætenus, recuperatis magna ex parte bonis alienatis, et respectivè restauratis, laudabiliter ab eodem Præposito in spiritualibus et temporalibus administrandam fuit. Cum autem, sicut eadem expositio subjungebat, illa, quæ Apostolicâ auctoritate munita sunt, majorem obtineant roboris firmitatem; dictisque Præses ac unio Bursfeldensis cupiant prædicta per nos omnia approbari

Antonius
Vigiliarum
Episcopus,
Nuntiusq;
Apostolicus,
rogatu
unionis
Bursfelden-
sis, trans-
lationem
istam con-
firmat Co-
loniæ anno
1619.

ex archivo
monasterii
Brenckhu-
sani. Et ex
chron vir-
ginum Ot-
tenbergen-
sum apud
Paulinum
pag. 254.

hæc duo
verba
Paulinus
malâ fide
omisit.
defunctus
anno 1616.

etiam hæc
verba
omissa sunt
à Paulino.

probari et confirmari, ac, ut aliàs opportunè providere de Apostolica auctoritate dignaremur: Nos igitur, ut ea, quæ prædicti monasterii salubri directione et reformatione statuta sunt, inconcussa maneant perpetuò; hujusmodi supplicationibus inclinati, Apostolicâ, quâ fungimur in hac parte, auctoritate translationem et transportationem dicti cenobii Brenckhusani sic, uti permittitur, in laudabilem Fidei Catholice propagationem, ac pie foundationis conservationem, utilitatè que reipublicæ, cum restauratione et augmento cultûs divini pio zelo factam, confirmamus et approbamus, ac illis perpetua et inviolabilis firmitatis et approbationis robur adjicimus, omnesque juris et facti defectus, si qui intervenerint, supplemus: non obstantibus constitutionibus et ordinationibus juramento, confirmatione Apostolicâ, vel quâvis firmitate suâ roboratis, statutis vel consuetudinibus, privilegiis quoque et indultis in genere vel in specie dicto Ordini Cisterciensibus concessis, ceterisque contrariis quibuscunque. Datum Colonia die decimâ octavâ mensis Julii, anno MDCLXX, Pontificatûs prædicti sanctissimi Domini nostri Papæ anno decimo quinto.

Wolfgangus Archi-
Episcopus
Moguntin⁹
hoc anno
moritur:
Serar. l. 5.
rer. Mog.
pag. 967.

In Dioecesi Moguntina vitam hoc anno & Pontificalem dignitatem exuit Metropolitanus noster, Wolfgangus Archiepiscopus & Elector Moguntinus, Aschaffenburgi defunctus die quintâ Aprilis, & Moguntia in æde Cathedrali sepultus die decimâ septimâ ejusdem mensis. Funeralem ei concionem dixit Sacellanus aulicus & sacrosanctæ Theologiæ Doctor Joannes Elgardus, qui inter alia ejus encomia summopere dilaudavit hæc tria: quòd in extrema ægritudine sua, tempore quadragesimalis jejunii, nunquam à medicis amicisve suis induci ad hoc potuerit, ut in cibum carnes admitteret. Quòd omni die præscriptas Clericorum preces, quas Romani horas Canonicas vocant, cum singulari accuratione persolverit; easque etiam in hoc morbo lethali nunquam intermiserit. Quòd omnia subditorum damna studiosè præcaverit: atque ideo, cum audisset, à silvestribus, montanisque feris multum detrimenti segetibus inferri; syncerè dixerit: *malo totâ vitâ meâ ferinis carnibus perpetuò carere; quàm idcirco subditos meos rerum suarum detrimentis affici.* In ejus defuncti locum, die 15. Maji, per canonicam electionem surrogatus est Metropolitanæ Ecclesiæ Scholasticus Joannes Adamus à Bicken. In cujus nomine, non infelici omine, præsentis anni numerum eluxisse, non incitè id temporis observavit Klocknerus noster; quando nomen ejus majoribus literis numeralibus hoc modo signat: ADAM à BICKEN.

In cujus loco
cum elect⁹
est Joannes
Adamus à
Bicken.
Serar. ibid.
pag. 970.
Klockner
in bist. Pa-
derb.
At longè
infelicius
hoc anno
decessit
Gebhardus
de Truchses

Longè infeliciore fato sceleratam animam hoc anno perdidit Gebhardus Truchsesius, quondam Elector & Archiepiscopus Colonienſis; quem ante hos octodecim annos cum Agnete Mansfeldica sacrilegè maritatum, Calviniana dogmata complexum, à

Ca-

Capitulo Colonienſi exauſtoratum, nec multò poſt ab Erneſto Ba-
 varo devictum, & omni ditione ſuâ expulſum vidimus. Spera-
 verat ille quidem, ſe reſtitutum iri à Wilhelmo Principe Arauſica-
 no, ejusdémque auxiliatore Franciſco Alenſonio Regis Galliarum
 fratre. Sed, cùm uterque eodem anno, quo Truchſeſii fortuna
 peſſum ivit, inopinâ morte ſublatus fuerit: ad Eliſabetham An-
 gliz Reginam ſe convertere; atque, ut in ejus Regno ſuſciperetur,
 mendicantis in modum petere compulſus eſt. Illa verò tam faſti-
 dioſos conviſtores dedignata, juſſit eidem Hagæ Comitſ nume-
 rari duo milliâ dalerorum Imperialium: ſimulque huic munuſcu-
 lo literas addidit tam acerbo felle & abſynthio mixtas, ut ex earum
 contextu ſole clariùs eluceſceret, aures iſtius Reginæ Truchſeſia-
 nis precibus in poſterum occluſas fore. Ecce hîc literas iſtas, ex
 anonymo ſcriptore Lutherano ſumptas, & à me latinè redditas:
*Perdilecte Domine etc. Qua à vobis concepta fuerat intentio ſeu volun-
 tas laborandi et efficiendi, ut reformatio* induceretur in Archidiceceſim
 veſtram, mihi admodum grata et auditu jucunda fuit. Sed quantum in-
 dè voluptatis hauſeram; tantum poſtea contriſtabar, cùm intelligerem cir-
 cumſtantias connubii veſtri: per quas dilucidè oſtendiſtis, in inceptis ve-
 ſtris longè fortiùs operatam eſſe carnem et ejus titillationem; quàm ſpi-
 ritum, fervorémque Religionis vera. Prudentiores homines probi admo-
 dum præviderunt inſortunium, in quod eſſetis prolapſuri: cùm impoſſibile
 ſit, feliciter evenire ea, quæ cacam animi paſſionem pro fundamento ha-
 bent. Quare non eſt, ut conqueramini, vos cum in modum ubique de-
 ſeri. Incuſate potiùs voſmet ipſos, et inconfuſtas machinationes veſtras,
 quæ cauſa ſunt, ut amici veſtri à vobis manum abſtraxerint. Quidquid
 egſiſtis, Romano-Catholicis maximo offendiſculo fuit; neque ab ipsismet Pro-
 teſtantibus approbari, aut ratum gratùmque haberi poterat. Quidnam
 igitur auxilii vel propenſæ voluntatis ab una alterâve parte exſpectabitis?
 interea tamen intimè cor meum afficit fortuna veſtra; còque magis, quòd
 nullum ampliùs vos adjuvandi remedium videam. Proinde in eo ſtatu
 luctuoſo, in quem veſtrâ culpâ incidisti, unice neceſſum erit, intrâ vòsmet
 ipſos conſolationem querere. Imò patientia veſtra nunc temporis tanta
 eſſe debet; quantam, ut optavimus, oportuiſſet eſſe prudentiam et circum-
 ſpectionem veſtram, ſi voluiſſetis evitare miſeriam, quam incurriſtis. Ce-
 terùm quod à me petiſtiſtis, ut indulgeam vobis habitationem ac perman-
 ſionem in Regno meo; ſcitote, modernas temporum circumſtantias non fer-
 re, ut hoc à me permittatur: et jam Legato meo apud Hagam Comitſ de-
 mandavi, ut iſtius rei unam alterâve cauſam vobis aperiat. Orabo
 Deum, ut ſub umbra ſua protectionis conſtanter in poſterum vos cuſtodiat.
 Perlectis hiſce literis vir infelix in ſummam animi triſtitiam incidit.
 Fruſtrâque à Batavis, aliſque Principibus acatholicis auxilium
 præſto-*

quondam
 Archiepi-
 ſcopus Co-
 lomienſis &
 Calvinian⁹
 apoſtata.
*Turck. in
 biſt. mſ.*

Episto-
 la Eliſabethæ
 Anglorum
 Reginæ,
 olim ad
 eundem
 expulſum
 data.

*puta, fides
 Calvinia-
 na, quam
 vocant re-
 formatam.

*Turck. in
hist. mss.

præstolatus, tandem extremis ætatis suæ temporibus confugit Argentoratum; ubi ante acceptas Archiepiscopales infulas Majoris Ecclesiæ Decanum egerat. Ibi vel è proventu sacerdotii prioris alitus, vel Canonorum Protestantium ope sublevatus, vitam diu miseram tristiori morte conclusit die vicesimâ primâ* Maji, nullâ prole è sacrilegis, vetitisque nuptiis post se relictâ Infelix Princeps in hac vita! sed, uti metuendum est, longè infelicior in altera!

Annus Christi 1602.

CLEMENTIS VIII. Pontificis 11.
RUDOLPHI II. Imperat. 26. & 27.
THEODORI Episc. Paderb. 17. & 18.

Obsidio ur-
bis Osten-
dæ ab Ar-
chiduce
continua-
tur, hollan-
dis interim
occupanti-
bus Graviâ.
*Haras in
ann. brab.
Gallac, de
bello Belg.
l. 14.*



Theodorus
Episcopus
Paderborn.
hoc anno
perficit ex-
teriorem
fabricam
collegii Pa-
derbornen-
sis Societa-
tis JESU.

Albertus Archidux, Belgarum Princeps toto hoc anno continuavit obsidionem urbis Ostendanae, superiori æstate coeptam. Contrâ verò Mauritius Nassovius, Hollandicæ militiæ Præses, interea coepit obsidere Graviam, olim Geldriæ, nunc autem Brabantia Hollandicæ urbem; eamque tandem bimestri oppugnatione, duodecimo Kalendas Octobris, ad honestam deditionem compulit: non sinè magno militum Archiducalium dedecore, quorum iterata rebellio & intempestivæ stipendiorum flagitationes liberationem istius urbis impedivêre.

Interea Paderbornæ Theodorus Episcopus exteriorem structuram collegii Societatis JESU, quod ante sex annos ædificare coeperat, inter innumeras præteritorum temporum difficultates hoc anno tandem feliciter perfecit. Neque jam aliud ad consummandam fabricam exteriorem deerat, quàm ut excelsæ, magnificæque turri, quæ egregio prospectu ad collegii ingressum visitur, supremum fastigium imponeretur. Id autem ut solenniori cum apparatu fieret, ipsèmet Celsissimus Princeps die 29 Julii Neuhusana ex arce in urbem venit, & inter festivos cantus colophoni seu globo turris hanc inscriptionem includi fecit: *Vetera transierunt: ecce nova facta sunt omnia! Anno 1602, Clemente VIII Pontifice maximo, Rudolpho II. Imperatore, Reverendissimus et Illustrissimus Dominus, D. Theodorus à Fürstenberg Ecclesiæ Paderbornensis Episcopus, sacri Romani Imperii Princeps huic edificio, ad honorem in primis Dei, Ecclesiæ utilitatem, reipublicæ emolumentum, ac juvenutis erudiendæ gratiâ à fundamentis erecto, fastigium imposuit vicesimâ nonâ Julii.*

Pari sollicitudine pro suarum Ecclesiarum bono curavit hoc anno perfici novum *librum Ritualem*, quem vulgò *Agendam* vocitant,

tant, Paderbornæ impressam cum hoc titulo: *Agenda Ecclesiæ Paderbornensis per Reverendissimum in Christo Patrem et Illustrissimum Principem ac Dominum, D. Theodorum Episcopum Paderbornensem etc. in gratiam Pastorum suæ Diocesis recens evulgata.* - - - Paderbornæ ex-
 eundebat *Matthæus Pontanus, Anno Domini MDCII.* Hunc deinde librum, pro incudenda sacrorum rituum uniformitate, jussit ubiq; in omnibus parochiis recipi; neque aliter, quàm ex ejusdem præscripto, sacramenta ministrari. Paruerunt huic mandato plerique parochi* & Ecclesiarum Pastoralium Rectores: nec ferè alii se ei-
 dem opponere sub initium visi sunt, quàm soli parochi & parochia-
 ni Cörbekenses & Rhederenses, à suis perillustribus hæreticisque Dominis, de Spiegel & de Mengersen, ad hoc audendum instigati. Quapropter ut istorum repugnantiam trangeret; primùm ultimâ die Martii sequentis anni 1602 severiora ad eos mandata dedit, etiam cum imposita (nî parerent) ducentorum aureorum multa: dein-
 de verò, cum adhuc protervè restitarent, Dringenbergici quæsto-
 ris ministerio Rhederensibus complures equos; Cörbekensibus au-
 tem ducentas oves in poenam commissi abstulit, non prius hæc iis-
 dem redditurus, donec in recipiendo suprâ dicto Ordinationum
 Ecclesiasticarum libro se morigeros exhiberent. Vehementer inde
 commoti sunt Spiegeliorum ac Mengerseniorum animi. Atque
 ut iniquitati suæ pallium aliquod obvolverent, inobedientiæ suæ
 culpam reticentes, coram Illustrissimo Capitulo graviter conquesti
 sunt, eâ pecorum abactione violatam esse jurisdictionem suam, quam in
 pagis antè dictis obtinent: omnem executionem, in iisdem pagis faciendam,
 à se primùm tanquam à Dominis immediatis requiri oportere: quòd si ali-
 ter fiat, agi contra privilegium Bernardi Episcopi; idèoque peti à se, ut
 Canonici Majores curent, ablata pecora Cörbekensibus et Rhederensibus
 propediem restitui. His auditis, respondit Princeps: supremam juris-
 dictionem in toto Episcopatu suo, et consequenter etiam in prædictis duobus
 pagis, indubitato pertinere ad se: præsertim cum ipsimet Spiegelii et Men-
 gersenii sint ejusdem vasalli seu clientes beneficiarii; et quidquid juris ibi-
 dem obtinent, à suo Principe in feudum habeant. Superioritatem hanc à
 nullo unquam Episcopo abdicari, vel in personam laicalem transferri po-
 tuisse; idèoque privilegium Bernardi Prasulis malè in favorem causæ præ-
 sentis trahi. Cörbekenses et Rhederenses Ecclesiastica Ordinationi suæ con-
 tumaciter obstitisse, idque non solum instigantibus Spiegelii et Mengerse-
 niis; verùm etiam interdicentibus et vetantibus, ne hac in re suo Principi
 morem gererent. Proinde justissimam sibi causam fuisse, ut supremam au-
 thoritatis suæ conservanda causâ, iisdem non requisitis, contra hujusmo-
 di refractarios ad pœnalem hanc mandatorum suorum executionem proce-
 deret. Quod si tamen sæpe dicti Cörbekenses et Rhederenses vel nunc tan-

Evulgat
 etiam novū
 librum Ri-
 tualem,
 quem vul-
 gò nomi-
 nant *Agenda*
Ecclesiæ
Pader-
bornen-
sis.
 **hist. colle-*
gii Paderb.

Duo pagi
 Cörbek
 & Rheder
 instigantib;
 hæreticis
 nominis de
 Spiegel &
 Mengersen
 librum
 hunc pro-
 tervè reji-
 ciunt;
 idèq; pœ-
 niuntur
 abactione
 ovium &
 equorum
 anno 1603;
 ex processu
 apud Cafa-
 rem ea de
 re insinua-
 to anno 1603.
 Spiegelii &
 Mengersenii conques-
 runtur, per
 hoc violatâ
 esse jurisdic-
 tionem
 suam in
 prædictis
 pagis.
 ex eodem
 processu.
 Theodori
 Episcopi
 responsio
 ad has que-
 relas.
 ex eodem
 processu.

Kkkk

dem

dem caput submittere, et Episcopalem Ordinationem suam recipere velint; acquiescere se, et curaturum protinus, ut abacta pecora iisdem absque omni pœna restituantur.

Spiegelii & Mengerse-
nii contra
Principem
suum pri-
mò concit-
ant Ordine-
m eque-
stre;

ac deinde
aliquos de
Capitulo
Cathedrali,
inter quos
etiam De-
canus Ar-
noldus ab
Horst.
*ex eodem
processu.*
eorum præ-
cipiti consi-
lio violentâ
manu rur-
sus aufe-
runt abacta
& in custo-
diam dedu-
cta pecora.
*ex eodem
processu*
Casareo.
Klockner
ad an. 1603

Episcopus
Ecclesiasti-
câ censurâ
Decanum
ferit.
*Hist. Colle-
gis Paderb.*

Quis non putâset, hac lenissimâ responsione Spiegeliorum ac Mengerse-
nii animos ad obsequium inclinandos esse? At illi, hæretico spiritu tumentes, tertio Idus Maji ejusdem anni 1603, non parvam heterodoxæ Nobilitatis partem auctoritate propriâ convocârunt in urbem Lichtenaviam: factâque ibidem deliberatione, rursus denuntiârunt Capitulo: *persistere se in repetendis pecoribus abactis ab Episcopo; et nisi ea propediem restituta fuerint, necessario se co-actum iri ad arripienda alia media, Theodoro Principi suo minime placitura.* Nec multò post nimirum, die vicesimâ octavâ Maji, nova Ordinis equestris conventio ab iisdem instituta est Paderbornæ: ubi, sub inani prætextu violatæ jurisdictionis & privilegii suprâ dicti, ad seditiosorum istorum partes accessere non solum duæ urbes Paderborna & Brakelia; sed etiam nonnulli Cathedralis Ecclesiæ Canonici, nimirum Hermannus de Keppel, Joachimus à Langen, Rotgerus ab Horst Cathedralis Ecclesiæ Decanus, hac in re à Joanne Môllero Capituli Syndico fallacissimè deceptus. Horum conspiratione quinquaginta equites, multâque pedestris turba, nocturno tempore Paderbornensi urbe emissi, pridie Kalendas Junii armati involârunt in Episcopi curiam Steinhemensem; confractisque ejusdem ostiis, detentas inibi Côrbezensium parochianorum oves abstulere. Indè cum ingenti plausu Brakeliam protecti, eâdem die custoditos ibi Rhederensium equos in libertatem, nullo jure concessam, asseruere. Postremò etiam sequenti die quæstori Dringenbergico, qui nuper in abigendis Côrbezensium & Rhederensium pecoribus mandata sui Principis ex imposito sibi munere executus fuerat, ex Beverungenâ præfectura ducentos & amplius vervecibus abegerunt: non secus, ac si Principem Dominumque suum in ejus executore vel ministro ad poenam deposcere vellent. Acerrimè res ista pupugit Clementissimum Principem. Singularem tamen prudentiâ ac mansuetudine dolores cordi infixos tam diu preffit, usque dum in festo S. Margaretæ frequentius Capitulum Paderbornæ convenisset. Ibi, dum plerique Canonici in domino Capitulari pro more considèrent, improvisus adest Celsissimus Princeps: & explicatâ facinoris indignitate rogat omnes, quid in casu tam insolente sentiant? cui parti accedant? secumne facere; an verò cum ejusmodi turbatoribus velint? stetere statim plerique (ut æquissimum erat) pro Theodoro Antistite. Solus ferè cum tribus aliis antè dictis se opponebat Arnoldus Horstius Major Decanus: quem proinde per Officialem suum Ecclesiasticâ censurâ percuti,

euri, & non solum à templi Cathedralis aditu; sed etiam ab omnium rerum sacrarum exercitio submoveri fecit.

Sed inde oleum flammæ additum. Nam exutâ semel Theodori Principis reverentiâ, sæpe dicti Domini de Spiegel novo ausu denuntiârunt publicè & apertè, *Agendam*, vel *Ordinationem Ecclesiasticam* recenter evulgatam à se suisque repudiari. Brakelenses, eodem spiritu Lutherano ducti, protervè reduxerunt Prædicantem hæreticum, Episcopali auctoritate prius expulsum. Tota demum Nobilitas heterodoxa, unâ cum prædictis urbibus, Paderborna & Brakelia, in perniciem antiquæ Religionis Catholicæ, varias conventiones & confœderationes illicitas moliri visa est. Quæ omnia cum in evidentem Theodori Episcopi, imò & omnis domini principalis despectum cederent; Rudolphus II. Imperator, die 10 Novembris, ejusdem anni millesimi sexcentissimi tertii, ad omnes machinationum istarum auctores severissimum ex urbe Praga mandatum edidit: præcepitque sub poena quadraginta marcarum auri puri, ut ablata omnia sinè mora ad locum priorem referant, intra dies triginta sex de mandati hujus obtemperacione doceant, Episcopo suo tam in spiritualibus, quàm temporalibus accuratè pareant, & si quid injustæ querulationis contra ipsum habeant, viâ juris remedium quærant; neque in causa propria sibi ullam judicandi, invadendi, vel exequendi potestatem, quocunque juris prætextu arrogent. Quid acceptis hisce mandatis egerit Arnoldus Horstius Majoris Ecclesiæ Decanus, cum tribus aliis ejusdem causæ consortibus; non memorant scriptores nostri. Videntur illi protinus retraxisse manum de tabula; tametsi adhuc aliis de causis per aliquot annos cum Episcopo discordes fuerint. Contrà verò, qui ex Ordine equestri erant, unâ cum Spiegelii & Mengerseniis eò progressi sunt, ut sequenti anno 1604, non attentâ comminatione Cæsaris, à Mauritio Hassiæ Landgravio tutelam expetiêrunt. Quæ cum esset res omnium jurium Episcopaliū everfiva: non multò post ab eodem Rudolpho Cæsare novis aliis, arctioribusque mandatis pressi, ac demum in eas angustias adacti sunt, ut non modò tutelam Hassicam abdicare debuerint; sed etiam inobedientiæ crimen ære non parvo luere.

Graviori hoc anno intra urbem Paderbornensem exortæ seditioni occasionem dederat præposterum perversumque regimen senatorum & consulum, qui, cum à longo tempore senatoriam dignitatem ad se suasque familias pertraxissent: spiritu superbo cœperant supra communem civium aliorum sortem se attollere, ex proventibus publicis dapsiliter vivere, plebem despiciere, jussa Principis flocci facere; & si quid ideo multarum dictaretur, id

Brakelenses à Spiegelii excitati, Prædicantem Lutheranicum in urbem suâ revocant.

ex processu apud Cæsarem instigato.

Rudolphus Imperator severissimè præcipit Nobilitati & Capitulo ut ablata omnia confestim restituant, & Episcopi mandato pareant.

mandatum Cæsaris typodatum. Klockner in hist. Paderb.

Nobilitas Diocesana à Cæsare cogitur, tutelam ab Hassio impetratam rescindere, & Episcopo sese submittere. Klockner ibid.

Historia seditionis Paderbornensis hoc anno cœptæ: & ejusdem occasio ab anno 1600. Klockner in hist. Paderb.

ex urbis ærario, non autem ex propria crumena solvere. Unde paulatim contigit, ærarium commune exhauriri, totam urbem ære alieno sic prægravari, ut vix annuæ pensiones, ne dicam alia urbis onera, ex ejusdem annuis redditibus dilui aut exæquari possent. Adverterat hæc pridem universa civium communitas: nec tamen aliud responsum obtinere à magistratu potuit; quàm quòd omnes pecuniæ publicæ in bonum urbis expositæ sint pro tuenda Religione Lutherana, pro qua noverant libenter omnia à civibus profundi. At ubi postea compertum est, hæc in odium sui Principis à senatu & consulibus mendacissimè confingi: tandem viginti quatuor *tribuni plebis* cum aliis viginti quinque *deputatis* (ut appellabant) nonnulla civium gravamina in chartam coniecere: iisdemque magistratui urbano traditis, minaciter protestati sunt, nullam amplius pacem & concordiam sibi cum senatoribus & consulibus fore, nisi gravaminum istorum articulos propediem expedirent. Quo audito, senatores & consules (cùm viderent rem ferri geri, neque se amplius sub defensionis Religionis umbra securos fore) inevitabili necessitate coacti sunt, primum consentire in prædictorum gravaminum articulum septimum: nimirum, *Ut è singulis quinque urbis regionibus deligerentur viri singuli, qui præmissa gravi juramento omnes urbis obventiones recipiant, solvenda solvant, et anno quolibet accuratas omnium acceptorum et expensorum rationes communitati Paderbornensi præsentent.* Acta sunt hæc die decimâ sextâ Decembris anno millesimo sexcentesimo; & quatrinduo post in istorum quinquevirorum ordinem electi sunt, ex *Campensi* urbis regione Joannes Hôvelman, ex *Occidentali* Sebastianus Tom Berge, ex *Königstratensi* Arnoldus Drom, ex *Mashoffiensi* vel *ükariana* Walterus Koithe, ex *Gierstratensi* vel *Statelhorviana* Joachimus Weites: omnes viri integerrimi, & utilitatis publicæ admodum studiosi.

*Klockner.
ibid.
ad an. 1600

Aliqui ci-
ves Pader-
bornenses
in ükerensi
regione ur-
bis anno
1601 insur-
gunt contra
senatum:
Klockner
in hist. Pa-
derb. mss.

Oportuisset his obtentis urbem acquiescere, Deoque gratias immortales agere, quòd proventus ærarii publici nunc tandem è sumptuosis ejusmodi consulum ac senatorum manibus extracti fuerint. Sed, quod in maximum urbis enervatæ commodum potuisset cedere; id in summam ejus perniciem ac ruinam ex insperato eventu cecidit. Etenim sequenti anno cùm suprà dicti quinque viri suo muneri perfectè satisfacerent, & ex eorum rationibus, toti communitati præstitis, luculenter appareret, proventus urbis præcedentium annorum spatio periniquè administratos esse; tumultuosa plebs vehementer insurrexit adversus magistratum, & absolutè voluit, etiam reliquos gravaminum suorum articulos propediem complanari. Magni idcirco motus in vulgo: multæ ci-
vium

vium gregariorum concursationes ad senatum. Et quia hæcenus ducem non habebant, qui eorum postulata contentiosius perurgeret; nonnulli cives ex ükeriana vel Mashoffiensi urbis regione ad hoc invitârunt *Liborium Wieggers*, vel, ut alii vocant, *Liborium Wichards*, hominem audacissimum, & ad seditiones concitandas natum: cujus factioso ingenio tandem universa civitas in extremas calamitates foedissimè præcipitata est. Natus hic erat Paderbornæ ex familia perhonestâ; ejusdemque paterna domus incumbebat fonti primario istius Paderæ, quem ab equorum *adaquatione *Paderam* **adaquarium* vocant. Ibi enutritus, fortunam à parentibus acceptam opulentiori matrimonio non parùm auxit: eoque demum emerfit, ut circa annum prioris seculi *octogesimum primum inter urbis proceres & senatores cooptatus fuerit. Non poterat sese diu intrâ novam hanc sortem continere vir instabilis: erat enim arrogantis animi, quique nulli volebat cedere, nec ullum sibi parem aut superiorem ferre. Quare non multò post cum duobus urbis consulibus in gravissimam dissensionem litemque sumptuosam incidit. Et (quia uterque horum acerrimus causidicus; ipse autem indoctus & expers literarum erat) ab his ita premi, & in eas angustias compelli coepit, ut non solum debuerit senatorum subsellia devitare; sed etiam urbem ipsam & penates patrios derelinquere. Sic ejectus recepit sese primò *in pagum *Schervede*; ubi complures annos cauponem egit, non sinè magno incommodo vicini Abbatis Hardehusani, qui subinde multum adversi *ab eo pertulit. Postea verò, cum ibidem è vivis abiisset ipsius uxor; novâ conjuge ductâ, Warburgi in suburbio consecutus est præfecturam in hospitali vel xenodochio S. Petri, quod eo tempore satis opulentum erat, habebatque propria armenta boum, & greges ovium pecorumque. Ibi cum satis opiparè viveret; pro tumultuoso turbidoque ingenio suo rursus ita collisus est cum senatu *Warburgensi, ut hic illum violentâ manu comprehendi, & aliquantisper in urbis curia captivum attineri jusserit. Interea Paderbornæ defuncti erant omnes, qui privatarum offensionum causâ eundem olim à magistratu & urbe excludi fecerant. Quare divenditâ xenodochii *Warburgensis Præfecturâ, cum acceptis pecuniis nummisque suis Paderbornam rediit: pauloque post (utî suprà memorare coeperam) in ükeriana urbis regione à seditiosis quibusdam è vulgo civibus instigatus est, ut oppressæ communis curam susciperet, atque ad complanandos reliquos propositorum gravaminum articulos magistratum hæcenus reluctantem adigeret.

Ducemque
suz factio-
nis eligunt
*Liborium
Wichards*;

**Klockner*
ad an. 1604
*vulgò die
*Börne
Pader.*
**Klockner*
ad an. 1601

**Klockner*
ibid.

**hist. colle-
gii Paderb.*
ad an. 1603.

**Klockner*
ad an. 1601.

**Klockner*
ibid.

Pla-

Wichardi⁹
factiosos
accendit
amplius ad
rebellandū.
Klockner
ad an. 1601

*hist. colle-
gii Paderb.
ad an. 1603

Adjungit
sibi Wolff-
gangum
Günter ju-
ris peritum:
Klockner
ibid.

Hist. Colle-
gii Paderb.
ad an. 1604

& plures
alios homi-
nes plebe-
jos ex aliis
urbis regio-
nibus.

Klockner
ad an.
1602.

cum his die
II Februar.
præsentis
anni 1602.
in curiam
involat, &
senatum to-
to triduo
captivum
detinet.

Klockner
ibid.

Placebat id summopere Liborio, ad solum natale reduci: præsertim, quòd hoc eventu offerretur ipsi commodissima occasio sumendi vindictam de hæredibus eorum, à quibus olim persecutionem passus, & ejectus fuerat. Itaque statim ille coram eis garrere multa de senatoria dignitate sua, jam olim habita: uti etiam de senatorum & consulum infidelitate, quam sui Magistratûs tempore non solum experiri; sed etiam oculis conspiceret, & quasi manibus palpare cœperit. Nimirum *Paderbornam fuisse aliàs urbem opulentissimam, senatum ejus potentem, cives admodum pecuniosos, argentum plenis ferè corbis importatum. Nunc verò à pluribus annis, per quotidianas consulum et senatorum comessationes, esse ærarium exhaustum, cives indigos, redditus accisos, argenti fluxum apprimè tenuem ac ferè penitus interversum. Hæc autem, nisi quis urbem ad incitas redactam velit, non posse diutius ferri: ideòque Magistratum vel ad reddendas præteritorum rationes cogi oportere; vel, si nolit, lege repetundarum agi cum eo posse ac debere.* Talia dicentem audiebant ükeriani murmurones illi, non secus ac novum Apollinem loquentem è tripode: atque idcirco multi ex eadem urbis regione ita se obligabant huic blateroni, ut promitterent, se pro adjuvandis ipsius ausis, vitam, sanguinem, & honorem suum, libentissimè profusuros. Augebat subinde factionem hanc legulejus garrulus, Wolfgangus Günter, ortu etiam Paderbornensis, & ejusdem farinae cum Liborio Wichardio; sed occultioris nequitiae, promptioris calami, versutioris ingenii: ita ut ea, quæ Liborius vi & foedere suorum occepisset, Wolfgangus calamo & juris prudentiâ ulterius promovere ac perurgere posset. His duobus primipilis, quotidie crevit multitudo seditiosorum ükerensium. Et quia gemini ipsorum duces fallacissimè prætexebant, nihil aliud à se quæri, quàm ut reliquis propositorum gravaminum articulis à magistratu satisfiat; etiam non pauci alii ex quatuor aliis Paderbornensis urbis regionibus inquieto huic factiosorum cuneo se adjunxere. Secuta mox ingens ac plena turbis rerum confusio. Etenim fæx ista hominum die undecimâ Februarii præsentis anni, millesimi sexcentissimi secundi, cum suis ducibus in curiam civitatis irruit; magnòque fremitu senatoribus & consulibus ibidem congregatis extrema omnia comminatur, nisi reliqua publicorum gravaminum puncta confestim absolverent. Quod cum illi, nescio quâ suorum facinorum conscientia, more solito recusare pergerent; ibidem à furiosa plebe toto triduo detenti, custodiis obsepti, contumeliis onerati, frigore & inedia pressi, nec inde prius in libertatem relaxati sunt, donec Princeps, ab eorundem amicis imploratus, die decimâ quartâ Februarii custodiam solvi, & usque ad pleniorē causæ hujus cognitionem

tionem ab omni violentia sub poena duorum millium aureorum abstinere iussit. Paruere quidem huic mandato seditiosi cives unâ eum suis ducibus. At, ubi postmodum causæ hujus decisio propter innumeras ambarum partium querimonias, interlocutiones, exceptiones, appellationes, aliâque juris adminicula, diutius protrahi ac procrastinari debuit; seditiosi rursus in tumultus graviores ruere, moram ulteriorem velut suspectam respuere, desperata consilia cudere, ubique in coetus clamorosos convenire, etiam in ipso Cathedrali templo, non sinè maxima divinorum officiorum perturbatione. Indicabant hæc Principi suo Cathedralis Ecclesiæ Canonici, rogabantque, ut periculosas hujusmodi conventiones ocyùs inhiheret: metuendum aliàs, ne res ista, malorum graviorum prodroma, in extremam totius reipublicæ perniciem vergeret. Perlubenter id egit Princeps: nam & ipse jam pridem nihil boni è damnosis hujusmodi conventiculis ominatus fuerat. *In Ecclesiæ Cathedralis Canonicos, ea de re conquestos vehementer invehitur. Klockner ibid.* Contrà verò Liborius Wichardius, cum suis asseclis, hoc audito horrendum furere, iussionem Principis execrari, collegium Cathedralis diris omnibus devovere, interque alia virulentas hæc calumnias in Ecclesiæ Majoris Canonicos velut Cerberi spumam eructare: *Videtur, charissimi cives, videtur, quâ ratione nobiscum agant iidem ipsi, quos vigiliis nostris custodire, in honoribus habere, et ab omnibus oneribus publicis liberare cogimur? Videtur, quomodo interitum, sanguinemque nostrum perditissime sitiant, cum non modò satagent Christianum illud propositum impedire; sed etiam Antistitem nostrum eò permovere velint, ut nos, et conjuges puerosque nostros, corpore, vitâ, bonis, et, quod omnium tristissimum est, purissimo Dei verbo et Evangelicâ doctrinâ privet? Quid autem ad has Wichardii exclamationes & amara ejus dicta consecutum fuerit, in sequentis anni decursu prolixius declarabitur.*

Annus Christi 1603.

CLEMENTIS VIII. Pontificis 12.
 RUDOLPHI II. Imperat. 27. & 28.
 THEODORI Episc. Paderb. 18. & 19.



Seditiosi Paderbornenses, antè dictâ Cathedralium Canoniconum denuntiatione commoti, priusquam acerbius aliquid in eosdem constituerent, ineunte hoc anno ad eos miserunt complures legatos cum præcipuo Wichardianæ factionis promotore wolffgango Günter, homine malitioso, & innumeris penè sceleribus involuto. *Günterus, Wichardii socius, cum aliis factionum ablegatis, coram Ecclesiæ Cathedra-*

dralis Capit-
tulo studet
excusare
conventi-
cula, à se
suisque in-
stituta.

Klockner
ad an. 1603.

prudentissi-
ma respon-
sio Arnoldi
ab Horst,
Cathedra-
lis Ecclesie
Decani,
Klockner
ibid.

voluto. Is, ubi die 3tiâ Januarii ad Capitularem congressum ad-
missus est, prolixâ oratione studuit, à se suisque omnem rebellio-
nis inchoandæ suspicionem abstergere. *Audistis*, inquit, *Reve-*
rendissimi Domini, quàm iniquè hæcenus ærarium urbicum à senatoribus
consulibusque nostris dilapidatum fuerit. Conquesti sumus ea de re, pro
ut oportuit, apud Celsissimum Principem: et hic propenso in ciues animo
nominavit ante annum plures commissarios, qui unâ cum aliis viginti
quinque urbis nostræ deputatis, viris admodum pacificis et quietis publi-
cæ amatoribus, causam hanc diligenter excutere satagant. Cùm autem
hi deputati, quos inter nonnulli sunt è viris consultissimis totius urbis, de-
liberationum suarum causâ debuerint aliquoties in unum convenire et col-
loqui: Vos, Domini Reverendissimi, non modò suspicionem alicujus re-
bellionis in eosdem coniecistis; verùm etiam adhibenda cautela gratiâ An-
tistiti nostro persuasistis, ut huiusmodi conventiones, veluti periculosas
principali auctoritate suâ interdiceret. Avertant superi boni, ne nobis
tales cogitationes in mentem veniant! Nos aliud animi propositum non
habemus, quàm ut afflicta civitas tandem è diuturnis malorum hominum
oppressionibus evolvatur. Hic scopus nostrarum consultationum est! hæc
meta, in quam unicè dirigimus arcum! Quare iterum iterumque à vo-
bis petimus, Reverendissimi Domini, ut à sinistris ejusmodi suspicionibus
decedatis: pariterque nobis exponere dignemini, utrum in hoc dissidio pro-
communitate civium accusantium; an verò pro senatu et consulibus ac-
cusatis facere cogitetis? Finitâ hac oratione surrexit Ecclesiæ Cathedra-
lis Decanus Arnoldus ab Horst, & omnium Capitularium suo-
rum nomine respondit breviter in hunc modum: Quod Paderbor-
nenses ciues de proventuum urbicorum interversione senatores consulésque
suos per viam juris accusaverint, et jam ulteriùs quovis modo licito de-
pauperata urbis prosperitatem restaurare satagant, id non solum auditu
nobis jucundissimum est; sed etiam paratissimi sumus, afflicta huic urbi in
omnibus rebus aquis auxilium ferre. Quod autem à vobis additur de su-
spicatione alicujus rebellionis, quam inter nos enatam esse dicitis ex iterata
viginti quinque deputatorum conventionem; res illa (pace vestrâ) longè ali-
ter se habet. Non enim conventiones licitæ et probatæ; sed illicitæ ac mo-
dis omnibus interdictæ: non aliquoties aut interdum; sed ferè singulis die-
bus: non à viginti quinque deputatis, virisque doctis et pacificis, ut à vo-
bis dicitur; sed à centum et amplius indoctis, clamosis, insolentibus, et gre-
gariis è vulgo civibus, jam passim hîc in urbe sunt. Neque hi in conven-
tibus prædictis agunt de rebus ad commune bonum pertinentibus; sed de
aliis seditiosis ausibus: idque non solum alibi, sed etiam in ipso Cathedrali
templo; in quo subinde consilia sua tanto cum tumultu ac murmure per-
tractârunt, ut officium divinum ibidem à Clero peragi vix potuerit. His
ergo, et non aliis de causis, justissimè conquesti sumus apud nostrum ve-
strumque

strumque Principem. Nec enim ignorabamus, quàm periculosa consecutiones jam saepe alias è damnosis hujusmodi turbulentorum conventiculis enata fuerint. Proinde hac et similia à civibus vestris, cum in urbe, tum in templo nostro Cathedrali, solitè devitari facite: et scitote, nos in ea causa, quæ civis inter et magistratum Paderbornensem vertitur, juris cursum non impedituros, nec uni magis quàm alteri parti addictos fore. His auditis Günterus consternatus abiit; effecitque, ut in posterum Cathedrale templum à tumultuosis hujusmodi concursationibus immune fuerit.

Sequenti die, quæ erat quarta Januarii, Celsissimus Princeps ad evitandas ambarum partium offensiones pendente adhuc lite sapienter vetuit, ne in proxima novorum consulum ac senatorum creatione deligeretur ullus è senatoribus, consulibusque pristinis, tanquam personis ab adversa parte denuntiatis: neque etiam viceversâ Wichardius, Günterus, & alii priorum consulum ac senatorum accusatores primarii, tanquam præcipua modernæ seditionis & factiosorum capita. Prudentissimum sanè consilium! quo reipublicæ turbatæ quies revocari facillimè potuisset, nisi infaustis motibus id iterum impediisset Liborii Wichardii audax malitia. Is enim die decimâ Januarii, quâ viginti quatuor tribuni plebis ad eligendum senatum pro more veteri in urbis curiam convenerant, iterum cum insolenti sociorum suorum turba in foro curiæ vicino constitit; magnoque terrore electoribus intentato, neminem inter senatores adoptari sivit, nisi è sua, suorumque adhærentium voluntate. Unde & aliqui ex his, qui eligebant, conspectâ hac illorum vi sublatis in cælum oculis cum fletu & lachrymis exclamarunt: *Bone ꝑ ESU! quid his tumultibus ac turbis fiet?* Nec minor ejusdem hominis imperiositas fuit electione jam peractâ. Nam & tunc in urbis curiam se intrusit, magistratûs officia distribuit, camerarios instituit, consules designavit, interque eos * unum sutorem, nomine Henricum Bellerfén, virum animo quidem sincero præditum; at sutrinæ dirigendæ magis, quàm assumendis reipublicæ curis idoneum. Quare Princeps, graviora urbis incommoda veritus, novo magistratui imperavit, ut Wichardum, velut hominem inquietum & magno totius communis exitio natum, sinè mora * in custodiam & captivitatem abstrahant. Debuissent hîc statim senatores consulésque novi tantis imperiis obsequi, si suam suæque urbis tranquillitatem in tuto collocatam vellent. At illi, nescio quo metu perciti, non solum à Wichardo capiendò & custodiendò abstinent; verum etiam eò usque habenas viro turbulento laxant, ut Philippum Berningium juris Licentiatum, quem illi Secretarium urbis constituerant, rursus ab officio dimovere,

Theodorus Episcopus vetat, ne in proxima senatûs electione deligatur quisquam è duabus partibus, inter se invicem dissidentibus. *Klockner hunc annû. Horrión in Panegyrico Theodori Episcopi l. 3. c. 4. Wichard⁹ electionem hanc intervertit; nec ullum, nisi è sua suorumque voluntate, in senatum adoptari sinit. Horrión. loc. cit. * Klockner. ibid.*

* Klockner ibid. Günterum quoque vi & metu secretarium urbis nominari curat.

eiusdémque loco Wolffgangum Günterum, suæ factionis hominem, substituere ausus fuerit.

Cum eo-
dem Gün-
tero man-
datis Epi-
scopalibus
ferocissimè
se opponit.
*Klockner
in hist. Pa-
derb.*

Videbant hinc facillè prudentiores viri, quorsum res ista vergeret. Atque ideo plures viri docti è viginti quinque *deputatis*, qui discutiendis prioris anni controversiis unà cum Episcopalibus commissariis præerant, missionem ab officio suo petivè: causantes, præsentem rerum faciem pro se nimis periculosam apparere, Wichardium & Günterum ferociter omnia pro suo arbitrio gerere, multitudinem seditiosorum quotidie magis inolescere, eaque de causa jam nihil ampliùs pacatè & per viam juris agi posse. Quo audito rursus Theodorus Princeps die 18 Januarii ministrorum suorum aliquos Paderbornam ad monasterium Abdinghoffense misit; indeque denuo severissimè præcepit magistratui, ut Wichardium ab omnibus conventionibus juridicis, quæ ad pristini senatûs denuntiationem pertinent; Günterum verò non solum ab ejusmodi coetibus, verum etiam ab accepto secretariatûs officio propediem depellerent. Cùm autem & huic mandato obsequi recusaret magistratus, prætenderetque se amborum operâ & consiliis cedere nequaquam posse: tandem die 15 Februarii in comitiis, extra urbem in pago *Schwanneye* habitis, magistratui Paderbornensi rursus imperatum est sub poena quingentorum aureorum, ut priori mandato confestim pareant; aut certè intrà octiduum legitimis argumentis doceant, qua de causa non teneantur mandato Principis obedire. Tum verò senatores & consules, tristiora pericula veriti, consilio cum plebis tribunis habito nuntiârunt ocyùs Wichardio & Güntero, ut in posterum à rebus omnibus, Episcopali præcepto vetitis, manum abstraherent. At illi diuturnâ magistratûs conniventia suas frontes jam ità induraverant, ut ad omnia superiorum suorum imperia obsurdescerent. Sanè Wichardius, Güntero longè impetuosior, paulò post *cum ingenti conjuratorum suorum caterva in curiam senatoriam irruit; & cur ejusmodi mandatis parere non velit, in hunc modum excusare conatus est. Ego, *Domini consules et senatores, à communitate civium vestrorum ad hoc electus ac penè adactus fui, ut in accusando ac denuntiando senatu pristino causam ipsorum agerem. Illi se mihi, et ego vicissim illis, fide sanctâ porrectisque dexteris me obstrinxi, nos causa huic usque ad vitam et sanguinis profusionem institutos, donec ea penitus confecta et absoluta fuerit. Quid ergo mirum, nos aliquando in frequentiore cœtum conglobari oportere, et conferre ea, quæ ad hunc scopum assequendum pertinent? Id si Episcopo et Majoris Ecclesiæ Popis displiceat, aut rebellionem seditioemque sapere videatur; patienter ferendum est mihi. Ego interim in rebus bene cæptis pergam, et unà cum sociis meis malo vitam, honorem, et omnia bona, in*

* die 18 Februarii.

oppressa

oppressa urbis emolumenta profundere; quàm à federe inter nos inito in gratiam Principis abstinere. Multò minùs verò me sejungì patiar à conventu viginti quinque deputatorum, qui cum Episcopalibus commissariis exauctorati magistratùs causam excutiunt. Non enim sum ita plumbeus, vel obseanaris homo, quin olfacere possim, quò mandata Principis collineent. Nimirum, ut me amoto solus ludat, me meòsque consortes deprimat, senatores exauctoratos rursus in altum efferat; itaque tandem urbis totius regimen, etiam in rebus fidei, pro libitu suo verset ac circumvolvatur. Quo dicto, ad multitudinem suorum factionum conversus, altissimâ voce clamabat: *Nunquid hæc omnia sentitis mecum?* Illi autem è diverso: *ita, ita! sentimus hæc omnia tecum.* Et hæc primi ante omnes vociferati sunt ii, qui omnium postremi steterant, ac nullum propè verbum è rebus à Wichardio propositis intellexerant.

Nuntiabant hæc Principi senatores: addebantque potestatem senatoriam, prò dolor! nunc eo in statu esse, ut sinè præsentì capitum suorum periculo nihil severiùs agere in tumultu moderno possint. Contrà verò Wichardius, ut in posterum omnia, vel invito senatu, pro sua solius voluntate gereret; è suo illo hominum perditissimorum grege novos viginti quinque deputatos creari jussit: eorùmq; operâ assècutus est, ut, quidquid ipse cupiebat, etiam plebs malè sana vellet juberetque. Ferebat hæc omnia Princeps moderato, ut erat, animo: solumque præstolabatur occasionem commodam, quâ alterutrum è duobus rebellium signiferis, Wichardium scilicet aut Günterum, caperet. Offerebat hanc demum pro voto ejus dies quartâ Octobris. Quâ die cùm Günterus aliorum negotiorum causâ Neuhusium iret; confestim à Theodoro Principe comprehendi jussus, & propter adulterium, rebellionem, & alia gravissima scelera, in severam custodiam adductus est. Mirabiles indè motus in tota urbe, præsertim inter eos, quos eadem factio implicuerat. alii præ dolore furere ac debacchari, alii occultam inter semetipsos prodicionem extimescere, alii, ut cetera complura taceam, seditiosos inter se conventus cogere, & in iis consultare, quâ ratione huic malo à se suisque occurrì debeat. Postremum verò die 11. Novembris velut insani homines ad urbis curiam ferociter concurrere, ibidemque à magistratu congregato poscere, ut conspirantibus animis novam legem seu constitutionem ederet, quâ in posterum nemo civium, etiam ex infima fæce hominum, jussu Principis attineri, vel in custodiam abduci valeat: sed, *Si quis in posterum fuerit, quem Episcopus in jus vocari aut sisti velit* (inquebat audacissimus iste Wichardius) *veniat ipse in urbem Paderbornam, accedat ad curiam senatoriam, equeum*

Günterus, negotiorum causâ Neuhusium veniens, jussu Principis comprehenditur & custoditur. *Klockner in hist. Paderb.*

Indè Wichardius, etiam se postulandum veritus, unâ cum suis factionis urget, ut novâ constitutione prohibeatur, ne quis civis ex mandato Principis attineri vel extradi debeat.

magistratus
eam consti-
tutionem,
ut iniquam,
rejecit.

Klockner
ibid.

Wichardiani idcirco fremunt & magnâ vim impediunt, ne quis civium exire possit, ad alloquium Principis extra urbem præstolantis.

Klockner
ibid.

Horrius in panegyrico Theodori l. 3. c. 4.
*Horrius loc. cit.

Theodorus Ep. magistratui mandat, ut Wichardium vel sibi captivum tradat, vel saltem in carcere civili custodiat, usque ad ulteriorem iussionem.

magistratus denuntiat Wichardio, ut vel custodiam subeat, vel ex urbe se proripiat.
Klockner
ibid.

suum ibidem ad annulum vel unicum alliget, magistratus alloquium postulet, nocentem deferat, sententiam expectet, jus accipiat, et nemini illud in urbe dicet. Exhorruit ad postulata senatus, licet alias Wichardio indulgentior: negavitque, talem constitutionem sine peccato à se condi posse, utpote repugnantem juri Principis, & legitimæ potestati ab eo semper in hanc urbem habitæ. At illi his auditis adhuc gravius insolescere, tumultuari, fremere, vociferari: *Ecce! consules et senatores nostri colludere volunt cum inimicis nostris. Quis scit, an non pariter iidem ipsi fuerint, qui in fontem Günterum detulere Principi, ut in custodiam raperetur?* augebaturque hæc eorum suspicio, cum eodem hoc tempore imperaret Princeps, ut sequenti die, nimirum pridie Idus Novembres, cives omnes, regionatim inter se divisi, extra urbem convenirent; ibique seorsim una regio post alteram jussu Principis auscultaret. Tunc enim seditiosi, animorum disjunctionem inter cives tentandam veriti, (nam potissima urbis & senatus pars adhuc erat Wichardianæ perduellionis expers) mox altero manè magno cum fremitu per plateas currere, portas urbis obserare, nemini ingressum vel egressum permittere, toto triduo urbem ita occlusam tenere, atque, ut aliquam huic machinationi fraudem obtexerent, mendacissimè in plebem spargere, quod Princeps è Transmontana dioecesis parte* multos homines armatos evocaverit, qui interea, dum cives extra urbem essent, urbem omni suorum civium præsidio denudatam invaderent.

Constabat inter omnes, unicum hujusmodi malorum architectum esse Liborium Wichardium. Atque ideo Princeps, hunc à reliqua seditiosorum turba segregandum ratus, die vicesimâ Novembris primarios aliquos è suo consilio viros ad monasterium Abdinghoffsense misit: convocatisque ibidem senatoribus & consilibus gravissimè rursus imperavit, ut ex antiquorum recessuum vel transactionum statutis continuò Wichardium, vel sibi captivum dederent; vel certè protinus apprehendi, & in urbis custodia tam diu sedulò detineri facerent, usque dum objecta sibi crimina in legitimo judicio diluisset. Magistratus, cum in tam æquis postulatis Principi suo reluctari nullatenus posset, sine mora denuntiavit Wichardio, *ut ex mandato Principis ad civilem urbis custodiam se dederet. Suadere se, ut hac in re modeste pareat; ac vicissim promittere, quòd interea nihil omittere velint, quo eum Clementissima Principi reconcilient, et omnia civium suorum dissidia feliciter componant. Quod si autem id refugiat; orare se, ut aliquantisper se ex urbe retrahat, et usque ad sereniora tempora securiore in loco domicilium figat.* At ille, mandatis omnibus jam pridem obstrepere doctus, adhuc lon-

longè truculentiùs insanire, machinationum suarum socios convocare, & hoc modo coram universa multitudine conqueri: *Jam tandem aperta res est, senatores consulésque nostros cum Episcopo Theodoro facere. Proponunt mihi ac persuadere sat agunt, ut vel me ipsum, veluti captivum, custodiæ ipsorum tradam; vel perditissimi nebulonis instar ex urbe et solo patrio me subducam! Vah! quàm acerba ipsorum propositio? Ego nebulonis instar huic urbi me subtrahere? Absit! absit! in aeternum non committam, ut hoc fiat. Aut jussu Principis me in urbis custodiam veluti captivum tradere? Id equidem non omnino vereor, nec recuso: Sic enim habetote, me libenter mori pro salute patriæ! sed quid inde commodi nasciturum sit vobis, et oppressæ civitati vestræ (quam ego perpetuæ libertati à me asserendam spero) vobismet ipsis considerandum et expendendum relinquo. Ego, laus Deo! jam eò usque rem deduxi, ut aeterna lex vel constitutio (de nullo civium, jussione Principis, in posterum attinendo vel constringendo) jam concepta et in scripturam publicam redacta sit. Nec opinatus fueram, senatum Paderbornensem in approbanda et consignanda eadem scriptura sic à meis consiliis recessurum esse: præsertim cùm earum non ad meam unius tantum; sed ad communem omnium nostrum utilitatem faciat. Quid igitur faciemus in hac senatûs repugnantia? si me auditis, pergendum est in incepto: et, si quidem Princeps acquiescere non velit, nisi manus suas lavet in meo sanguine; ferendum id mihi potius, quàm ut sanguinis mei servandi causâ vos ab ista constitutione deterrere patiâmini.*

Wichardi
his auditis
plebem sibi
addictam
seditionis
oratione
concitat.
Klockner
ibid.

Hisce dictis rursus ingens in plebe fremitus. Et alii quidem per plateas currere & ita Wichardium suum deplorare, ac si gladius carnificis jam esset appositus ipsius jugulo. Alii verò ad curiam urbis advolare, & omnem Wichardianæ captivitatis imperatæ culpam in senatores conjicere. Si enim, inquiebant, prædicta constitutio Wichardiana à vobis recepta et consignata fuisset; nunquam Episcopus noster, conspectâ civium et senatorum unanimi conjunctione, habuisset hōsce animos, ut ejusmodi virum tam audacter in custodiam trahi preceperisset. Quare agite adhuc, et seriò satagite, ut hoc malum evitetur: alioqui grande malum impendebit cervicibus vestris. Respondebant senatores: Ecce hīc mandatum Principis! legite in eo pœnas et comminationes gravissimas, quas intentat urbi nostræ, nisi postulationi suæ continuo satisfiat! Quid nostra subditorum constitutio derogare poterit legitimo ipsius juri ac potestati? sanè, si rectè hoc negotium expenditis, aut parcendum hīc nobis est; aut suadendum Wichardio (id quod et nos eidem suavimus) ut aliquantisper se ex urbe retrahat, donec ira Principis defervescat. Nos interim, quidquid in ejus absentis bonum poterimus facere, faciemus. At frustra hæc omnia. Nam insana plebs (cùm audiret senatum à Wichardio capiendū non destitutum, nisi ex urbe fugeret)

Tumultuosa
plebs
magistratui
ferociter
obstreperit,
Klockner
in hist. Paderb. ms.

& Wichardii domum nec capiatur, validissimè custodit.
Klackner
ibid.

magistratus recusat admittere milites, à Principe mittendos ad capiendum Wichardii.
Klackner
ibid.

Paulò post à Wichardianis in extremas angustias agitur.
Klackner
ibid.

Ac tandem, eade intentione, ab iisdem cogitur configurare supra dictam constitutionem de nullo cive, ad mandata Principis attinendo.
Klackner
loc. cit.

ret) continuò armatâ manu domum ejus incingere, viciniam omnem custodiis opplere, minores quasdam belli machinas attrahere, violentiæ inferendæ viam obstruere, nullum nisi amicum intrò admittere, & si quis alius ibidem præteriret, eundem infacetis vocibus deridere.

Sperabat magistratus, popularem hunc tumultum, & ostentata civium resistentium arma, sibi magnæ apud Principem excusationi fore. Sed ubi Princeps reposuit, *se facile occursum huius multitudi: permetterent sibi tantum, ut militia sua Praefectus Georgius Bossen cum armatis non valde multis in urbem veniat: cum brevi curaturum, ut Wichardium sine omni sanguinis profusione, imò etiam sine omni aliorum civium obedientium adminiculo in suam suique Principis potestatem redigat*: tunc, inquam, senatores consulesque nostri rursus admodum tergiversati sunt; ac, nescio quo animi metu, honestatem prioris excusationis novo inobedientiæ vel detrectationis vitio turpissimè corruerunt. Id verò quàm nocivum ipsis & urbi universæ fuerit, cum ingente suorummet caput periculo propediem didicere. Nam paulò post, nimirum die 26 Novembris, Wichardius cum frequenti suorum caterva, quorum singuli gladiis, cultris, pugionibus, securibus, & quovis alio telorum sanguinariorum genere sub pallio clanculum obarmati erant, furioso impetu in medium senatum irruit, rogatque consules & senatores, nunc tandem sæpe dictam constitutionem approbare, admittere, consignare, & suis consiliis in posterum obsecundare velint, nec ne? Cumque ipsi responderent, id à se nec bonâ conscientia fieri posse, nec, si fieret, ullo jure validum firmumque fore; conjurati ejus, reducto nonnihil pallio, ostensisque parricidalibus armis, cum quibus venerant, impudentissimè comminati sunt eis, *paululum se recessuros à conventu senatorum, ibique tertiâ vice comprecaturos orationem Dominicam. Interea vel consentiendum esse postulatis; vel ejusmodi tragediam à se adornatum iri, de qua adhuc post centum annos locuturi sint posteri.* Bella sanè comprecatio! quam cælum superique omnes detestentur! Orabant cyclopes isti flexis genibus: *dimitte nobis debita nostra, sicut et nos dimittimus debitoribus nostris.* Et tamen finitis precibus, volebant magistratui suo manus injicere, dissentientes trucidare, jugulatorum corpora minutatim concidere, atque (ut postmodum gloriati sunt) concisa ipsorum frustula de fenestris in subjectam aream ita devolvere, ut nulla mulier mariti sui carnes ab alterius occisi carnibus distinguere vel discriminare posset.

In his angustiiis magistratus, extremâ necessitate compulsus, tandem impiis ipsorum postulatis annuit: maluitque ad breve tempus

pus furori tam inhumano cedere; quàm diuturniori tergiversatione, certissimam sui corporis & vitæ jacturam incurrere. Wichardius autem, eo rerum successu hilaris, decem daleros Imperiales consulibus & senatui elargitus est pro liberali vino, quo terrorem abstergerent. Neque jam aliud quidquam videbatur ei deesse ad promovenda suæ rebellionis consilia; quàm ut Güntherum commilitonem suum, qui adhuc Neuhusii captivus erat, è Theodori Principis custodia solveret. Id autem quò faciliùs efficeret; ejusdem socero & affini, duobus opulentis fortunatisque civibus, blandè persuasit, ne in eo liberando ulli sumptui vel pecuniis offerendis parcerent. Consensit horum iteratæ petitioni benignissimus Princeps: eâ tamen lege, ut & hi, duorum millium imperialium cautione præstitâ, fidem suam obligarent pro Günthero in priorem custodiam restituendo, cùm id à Principe imperatum fuerit; & Güntherus pariter juratò polliceretur, se in legitimo judicio compariturum, ibique responsurum esse de objectis accusationum suarum articulis. Quæ omnia cùm ab utraque parte recepta essent, infelicissimus iste homo die tricesimâ Decembris è custodia sua relaxatus, & Paderbornam reversus est: magno quidem Wichardii & omnium Wichardianorum gaudio; sed irreparabili totius urbis & seductorum civium detrimento, quemadmodum sequenti anno declarabitur.

Güntherus
rogatu suorum
affiniû
è custodia
Neuhusiana
relaxatur,
erga datam
cautionem
bis mille
imperialiû.
Klockner
ad an. 1603.

Interea nunc etiam breviter attingam ea, quæ de aliarum provinciarum rebus gestis præcipuè memoranda sunt. In Regno Angliæ die 3. Aprilis juxta Calendarium Gregorianum, aliàs verò juxta veterem stylum die 24. Martii, tandem è vivis abiit Regina Elisabeth, Henrici VIII. & Annæ Bolenæ filia: magnis quidem ingenii naturæque dotibus exornata; sed Catholicorum omnium & maxime sacerdotum atrocissima persecutrix. Quibus tamen, cùm terrestrem vitam eripuit, gloriosi martyrii palmam vel invita in manus tradidit. Mortem ejus è vestigio consecuta est funestissima pestis: quæ in urbe Regia Londinensi tam horrendum sæviit, ut à mense Majo usque ad Novembrem sæpe singulis hebdomadis* tria hominum millia devoraverit. Successorem coronæ, titulo sanguinis propinquioris, habuit Jacobum Regem Scotiæ: qui deinde primus omnium sese *Magna Britannia Regem* nominari voluit, quòd universam insulam, Angliæ, Scotiæque Regna complectentem, ferèque semper sub diversis Dominis constitutam, solus uno imperio possideret. Natus hic erat parentibus probè Catholicis; matre etiam pro Fide martyre, videlicet Mariâ Stuartâ Sotorum Reginâ, cujus gloriosum agonem jam alio in loco* explicavimus. Unde & multis Catholicis in animo persuasum erat, eum Catholicæ

Elisabetha
Angliæ Regina
mori-
tur.
Spond. ad
hunc annû.
n. 2.

Haraus in
ann. brab.

*Hara⁹ ib.
Succedit
Jacobus
Sotorum
Rex.
Spond. ib.
n. 3.

*ad annum
1587.

Re-

Religionis defensores fore, cum ad Regni Anglicani solum pervenisset. At illa spes repente iterum in aërem & ventos abiit. Jam enim virus Calvinisticum, quod ab ætatis primordio fuxerat absente captivæque matre suâ Mariâ Stuartâ, tam altè in ipsius animum descenderat, ut illud revomere difficulter posset: præsertim cum videret, novam hanc Religionem ad retinenda Regni Anglicani sceptrâ sibi plurimum profuturam, imò & necessariam esse.

Henricus IV.
Galliæ REX
novo edi-
cto curat,
Societatis
Jesu Patres,
ante novem
annos eje-
ctos, in
Franciam
revocari.
Juvenius
in hist. Soc.
Jesu. part.
s. l. 12. n. 62
Buffier. l.
23. hist.
Franc. n.
18.

In Regno Galliæ tandem hoc anno Henricus IV. Francorum Rex novum edictum condidit, pro revocanda in Regnum istud Societate JESU; quæ novem abhinc annis, ob iniquas malevolorum aliquorum criminationes, cum summo dedecore indidem expulsa fuerat. Æquitatem hujus rei paulò post, nimirum V. Kalendas Novembres, in supremo senatu Parisino proposuit ipsemet in hunc sensum: *Decrevi, jam revocare Patres Societatis JESU: vestra jam partes erunt, in re tam aqua voluntati meæ suffragari. Vestrum erga me studium fecit, ut eos Regno pelleretis: idem erga me studium faciat, ut eos Jesu. part. mecum restituatis. Expendi omnia diligenter: multa de illis quotidie falso in vulgus jactitari didici: leges, disciplinam, et constitutiones, pie hujus et eruditæ Societatis perspexi. Magnas hæc attulit utilitates Hispanis, Germanis, Italis, et orbi toti: afferet et Gallis non minores. Ægerimè adduci poterat prædicti concilii præses Harlæus, ut huic propositioni morem gereret. Acceptæque deliberandi licentiâ, tandem pridie Natalis Domini coram ipso Rege & senatu frequentissimo bene longam orationem contra Patres Jesuitas habuit: nimirum quod vehementer ambitiosi, multisque personis Ecclesiasticis admodum invisi sint: quod Romano Pontifici nimis arcè se obstringant, Regem Hispaniæ magnopere colant, atque ideo Gallicanæ reipublicæ nocituri magis, quàm profuturi sint. At Henricus Rex, nihil inde motus, totam Harlæi orationem à principio statim reduxit; & omnia, quæ ab eodem objecta fuerant, admirabili memoriâ pariter ac respondendi celeritate præclarissimè refutavit hisce verbis à Buffierio* traditis: *Gratias vobis habeo plurimas pro solitudine, quam de me et regno meo geritis. Cogitationes vestras omnes mente complector: sed vos mentem meam non assequimini. Objecistis mihi ea, quæ vobis visa sunt magni ponderis et momenti: nec animadvertitis, nihil dictum à vobis, quin id ego jam ab annis novem seriò perspexerim et considerârim. Jesuitæ Possiaci dederunt specimen doctrinæ; sed non ambitionis: nec satès video, quâ ratione hoc vitium affricetis iis, qui dignitates Ecclesiasticas ex peculiari voto recusant. Quod si è personis Ecclesiasticis nonnulli ab iis Patribus alieni sunt, id enim verò vel ignorantia est, quæ ab omni ævo scientiam carpit; vel solutioris vitæ, quæ ab iisdem reprehendi metuit. Observavi enim, cum de iis restituendis**

*Buffier.
ibid.
Juvenius
loc. cit.
n. 63. & 64

agere

agere cœpi, duo genera hominum iis potissimum refragari: nimirum Religionis novæ sectatores; et à personis Ecclesiasticis eos, qui de morum licentia merentur argui. Sed objicitis, quòd ingenia præclara ad se pelliant. Imò vel idcirco magni apud me sunt nominis. Nam et ego, cùm scribo militem, cupio deligi fortissimum quemlibet: vellémque, et neminem in senatum vestrum adscisci, nisi digniorem. Quod asseruistis de ipsorum doctrina, in eam sedulò intendi: nec ullum ex eorum discipulis aut alumnis reperi, qui ab ipsis doceri dicat, fas esse tyrannum occidere, aut necem Regibus intentare. Castellius hac de re eos nunquam aconsavit. Et, si accusasset, imò si et aliquis Jesuita mihi vulnus intulisset; an idcirco oportebit Jesuitas omnes pœnam ferre, cunctòsque Apostolos ob Judam unicum exturbari? Quòd ad jussa Pontificis arctius obstricti sint, hoc ad infidelium conversionem pertinet: neque arbitror, hoc votum obedientiæ firmitus esse, quàm sacramentum fidelitatis, quod mihi præstituri sunt. Postremò, quòd Hispania Rex utatur ipsorum operâ, sapienter facit. Et ego in posterum operâ ipsorum utar: neque volo, ut Franciæ conditio hac in re pejor esse debeat, quàm Hispania. Si timetis, ne quid ex arcanis meis vel hosti vel Hispano prodant; meum erit, nihil ipsis arcanum aperire, quàm quòd volucro. Vos hujusmodi curas mittite; nec jam aliud cogitate, quàm ut impleatis id, quod volo et jubeo. Mirati sunt omnes, qui adfuère, tam expeditam Regis in refutando promptitudinem. Ac, tametsi Harlæus adhuc aliquantulum cunctaretur in exequenda Regis voluntate; nihilominus tandem ineunte Januario sequentis anni coactus est imperata facere, & unâ cum supremo senatu Parisino editum illud in tabulas publicas referre. Quo peracto, Patres Jesuitæ mox in omnem Franciam cum ingenti plurimorum gaudio revocati, nova multa Societatis domicilia variis in locis expetita, collegium Flexiense ab ipsomet Rege magnificis impensis erigi fundarique cœptum: nec multò *pòst, urgente Petro Cottono Societatis JESU eruditissimo sacerdote, quem Henricus Rex conscientia suæ arbitrum & concionatorem sibi adlegerat, antè Palatium curiæ dejecta est ignominiosa illa pyramis, cui olim ejectæ Societatis decretum injuriosis verbis & versibus incisum fuerat.

In Belgio hoc tempore adhuc acriter urgebatur obsidio urbis Ostendæ: eratque jam annus tertius, quo Albertus Archidux cum suis castris ante hanc urbem consistebat. Inter varias retardatæ expugnationis causas numerari non ultimo loco debet infausa seditio aliquorum Hispanorum; quos ob infidelitatem & inobedientiam, ex importuna stipendiorum flagitatione consecutam, vernaculâ linguâ **Meutenirios*, id est, perduelles nominabant. Hi dum anno superiore Hochstratanam arcem & oppidum ex insidiis occupassent, non modò ibidem validè se præmunièrant; sed etiam

Sequenti anno 1604 revocantur, & ab eo novum collegium accipiunt in urbe Flexia, loco natali Regis. *Buffier. ib. Juvenc. ib. m. 65. Spond. ad ann. 1604.*

* anno 1604 die 13 Febr.

In Belgio perduelles Hispani (quos vocabant *Meutenirios*) retardant expugnationem. Ostendæ. *Harant in ann. brabant. * à verbo Meutenirios quod est perduelles.*

M m m m

pro-

Conjuncti
gunt se hol-
landis & ab
iis urbem
Graviam
pro hibernis
accipiunt.

*Harant ad
hunc ann.
Gallie. l. 15*

processu temporis tam multos alios vi & lenociniis ad se pertraxerant, ut seditiosæ ipsorum phalanges per æstatem hujus anni creverint ad duo millia peditum & mille quingentos equites. Vivebant autem ex rapinis vicinorum populorum, quos identidem affligebant novis pecuniarum postulationibus. Atque ideo tandem Albertus Archidux, postquam frustra tentasset omnia concordie reducendæ media, coactus est decem millia peditum equitumque ad eosdem oppugnandos mittere, non sine magno Ostendæ obfidionis damno. Quod cum illi advertissent, novâ perfidiâ se adixerunt Mauritio Nassovio copiarum Hollandicarum præcipuo duci: pollicitique sunt, se eidem hoc anno militaturos, dummodo sibi contra Archiducem auxilio foret; & finitâ expeditione currentis anni, adhuc aliam urbem ampliores sibi pro hibernis assignaret. Utrumque perlubenter iisdem præstitit Mauritius. Nam & copias Archiducis ab Hochstratensi oppugnatione desistere compulit; & finito hujus anni bello urbem Graviam prædictis (ut appellabant) Meuteniriis tenendam & insidendam tradidit. Indè damna non provinciis solum Clivenfi & Montensi; sed toti etiam Westphaliæ illata.

Annus Christi 1604.

CLEMENTIS VIII. Pontificis 13.
RUDOLPHI II. Imperat. 28. & 29.
THEODORI Episc. Paderb. 19. & 20.



excursiones
Hispanorum
rebellium
inditionem
Leodienfem,
Juliacenfem,
Colon. &c.
deinde in
Westphalia.

*Harant in
ann. brabant.
Klockner
in hist. Paderb.*

Er frigidam hujus anni hiemem vehementius exarsit ferocia perduellium Hispanorum. Freti auxilio ab Hollandis accepto ex urbe Gravia in ditionem Leodiensem, Juliacensem, Coloniensem, & Clivensem prouunt; ferro ubique & flammis omnia devastantes, donec imperata pecunia penderetur. Mox, transmissio Rhe- no, per terras Montenses, ineunte Martio, in Westphalam ad Vifurgim usque effusi, immensam ex interjectis provinciis pecuniæ vim extorquent. Theodorus Episcopus noster, simul atque transitâ jam Unnâ, in Dioecesi Paderbornensem rectâ eos pergere didicerat; misit, qui adventantium furorem mitigarent oblati- ultro tredecim imperialium millibus. Dono hoc placatiores uni- câ duntaxat nocte in Episcopatu commorati, nihil præter unius diei annonam abstulere. Eodem ad sedandam rabiem remedio usi sunt reliqui Westphaliæ Proceres; nullo, quod mirere, vicinorum Prin- cipum, Comitumque ad arma conclamare, auso: atque, ut me- minit

minit Klocknerus, pendere Lippiensis comitatus debuit quatuor millia; duo millia Ravensbergenſis, totidem Tecklenburgicus; Episcopatus Mindenſis ſex millia, novem millia Oſnabrugeniſis, Monasterienſis undecim millia, decem millia Ducatus Montium; urbs Suſatum, pagique huic circumſiti ſex millia. Generatim tota Weſtphalia imperialium millia ſexaginta tria. Quàm exigua laus Weſtphalicæ gentis, auro redimere, quod ferro ſolvendum erat!

At nullis, plùs damni ab his *Meuteniriis* importatum, quàm Delbrugenſibus colonis; quorum tamen temeritati eam cladem adſcribas. Pridie Idus Martii *in Dominica Reminiſcere* revertebantur Meutenirii ex *Oiſtſchlangen* comitatùs Lippienſis pago, per deſertum *Sendæ Ritbergam cogitantes. At pervenire eò haud facile poterant, niſi itinere per Delbrugenſem agrum inſtituto. Edocti de illorum propinquo adventu Delbrugenſes, quòd in reditu è templo congregati adhuc eſſent, quàm primùm coire in cuneos, muſſitare, conferre capita, mox veteri *Rhythmo (quæ populo illi tum teſſera belli erat) ſe incendere ad eundem obviàm venientibus ad uſque campum, quem Haſpelium vocant. Ibi, dum armata ruſticorum turba ſe oſtentat, militem Hiſpanum videt pacato ſinè omni noxa tranſitu implere datam Theodoro Epifcopo pactàmque fidem. Sed quæ ruſticanæ gentis plerumque, dum extra teli jactum ſe putat, magnanimitas eſt, auſi nonnulli ſunt, extremum agmen carpere, duobus prætereuntium glande plumbeâ ex equo in terram dejectis. Audito, qui prægreſſi erant, bombardæ ſonitu pedem è veſtigio referunt; furore tanto incompoſitam hominum turbam adorti, ut eorum facile quadringentos inſtar pecudum maſtaverint. Reliqui in vicinas domos & mapalia profugum uxoribus, liberis, pecoribus, injecto tectis igne, conflagrârunt. Hæc inconfultæ aggreſſionis pœna fuit; cujus vel memoriam hodie dum Delbrugenſes impendiò magis oderunt; nec unquam amariores eos, aut ſtomachofiores feceris, quàm ſi iis joci cauſâ veterem illum odioſum *Rhythmum occinas, jubeâsque ad campum Haſpelium faceſſere: tanquam *Rhodus* illic eſſet, ubi ſal-
tare poſſent.

Ulti audaciam Delbrugenſium *Meutenirii* coeptum iter inſiſtunt tardiùs, quòd ſpoliis graves eſſent, ad urbem Graviàm pergentes. Hic equitum peditumque Batavicorum novis aucti ſuppetiis, novum pariter prædandi campum aperiunt. Die viceſimâ Aprilis ſæviffimæ in Brabantiam excuſſiones fiunt; nec pagus uſquam nec vicus ab igne & ſævitiâ innocuus; niſi qui paratâ pecuniarum, quas cogeant, ſolutione incolumitatem à prædonibus redimerent. Major deinde metus inceſſit omnes, ex eo ortus, quòd

M m m m 2

rumor

*valgd die
Senne.*hiltio!
hiltio!
tom Haſ-
peltamp
hinto.delbrugen-
ſes ſædiſſi-
mè cædun-
tur à Meu-
teniriis;
quæ cauſa
ſtragis.Turcius
in hiſt. mſ.
To. 6.
Klockner
loc. cit.*hiltio!
hiltio!
tom Haſ-
peltamp
hinto.*Poſt ceſſos
delbrugen-
ſes perguat
Hiſpani ad
urbem Gravi-
am.Populantur
brabantiam

ac tandem
reconcili-
antur cum
Archiduce.
Haras in
ann. brab.
Galluc. de
bello Belg.
l. 15. pag.
204 & 205.

rumor ferebat, post expilationes illas progressuros per mediam Brabantiam, ac Flandriam ad invadenda Catholicorum castra, à quibus urbs Ostenda jam triennium obsidione premebatur. Quare Archidux Albertus pejora metuens per Legatos cum ipsis hunc in modum paciscitur: *ut stipendium omne adhuc residuum rite repræsenteretur. Arcem Hochstratensem Archiduci restituerent. Desererent militiam Batavicam, seque rursus Catholico jungerent exercitui. Sic sancta injuriarum perpetua oblivione, concordia redintegraretur.* Hic tandem finis perduellioni, quæ Westphalis etiam & regionibus trans-Rhenanis, non Belgis solum quam maximè exitiosa hoc anno fuerat.

Sclusa urbs
Flandriæ
occupatur
ab Hollan-
dis.

Auctores
idem.

Ostenda
post trien-
nalem ob-
sidionem
deditur Ar-
chiduci.

Haras ad
hunc ann.
Galluc. l.
16. pag. 242

**Galluc. l.*
16. pag. 253

**in Julio ab*
Anglis &
Hollandis.
1706.

Interea Ductore Mauritio Nassovio exeunte Aprili Sclusa à Batavis ingenti armorum classiumque numero circumfideri cœpta; neque adeò laboriosum fuit eam urbem subigere; cum Archiduci in obsidenda urbe Ostendana distento exercitus tanti roboris non esset, ut disperitis agminibus simul Ostendam premere, simul depellere à Sclusa urbe obsidentes posset. Vicesimâ igitur Augusti urbs ea ex inopia annonæ cum triremibus decem, & tormentis bellicis ferme centum hosti cessit. Consternatos ex hujus urbis jactura Catholicorum Belgarum animos non parum erexere alii duo admodum felices nuncii: primus retulit; octiduo post Anglos inter & Hispanos convenisse pacem; dissolutam ab Anglorum Rege Jacobo armorum societatem, omnèque fœdus cultum hætenus cum Hollandis; nec permissu Jacobi Regis, aut eo sciente quidquam deinceps subsidii ex Anglia venturum. Alter primo felicior nuncius gaudium ingens apportabat de optatissima deditione urbis Ostendanae; quæ post trium annorum in reluctando pertinaciam, tandem die vicesimâ Septembris se Hispanico Marti subjecit; territa cum primis domitæque insigni virtute bellicâ Ambrosii Spinolæ, quem per Octobrem superioris anni Rex Hispaniarum admoverat moderandæ huic oppugnationi, ex eo potissimum tam diuturnæ & difficili, quòd aperto semper mari pervioque Hollandi uterentur ad alimenta, militesque intromittendos. Ex his memorant *obsidionis triennio periisse septuaginta obsessorum millia, totidem ex obsidentibus Hispanis, certè non pauciores. Tantæ nimirum molis erat, tantum profundendum sanguinis & temporis, ut nova illa Belgarum Troja expugnaretur, quam tamen sequenti seculo *hæc nostra ætas tridui spatio expugnatam vidit.

Nunc ab externis ad tumultus domesticos me recipio, visurus, quò tandem Wichardii Catilinæ nostri perduellio evaserit. Gunterus, postquam die tricesimâ Decembris ex custodia Neuhusio re-

versus

versus Paderbornam erat, una omnium fuit conjuratorum sollicitudo, ad consulatum evehendi Wichardium, ut eo turbarum duce & antesignano facilius urbis dominatum occuparent: jamque subornatierant, quorum suffragiis Wichardius in proxima magistratus creatione inter senatores cooptaretur, cum ecce! casus plane fortuitus, novo tumultui populari occasionem attulit. Erat ex Cathedralis Ecclesiæ Canonicis, cui in parvo quodam vivario, sive piscium intra urbem post molendina receptaculo, lutra ingens damnum dederat, piscibus non semel nocturno tempore aut absumptis, aut morsu enectis omnibus. Noxium animal, cum sæpius insidias fefellisset, hoc modo circumventum neci datur.

Nonnihil escæ, cujus lutra appetentior est, annectunt fistulæ minori ferreæ; illamque ex insidiis ita collocant, tenduntque, ut esca tam leniter attrectari à lutra, tollique non posset, quineo motu fistulæ solveretur rota, ac pulvis nitratus, elicit igne, accensus grandinem plumbeam in corpus furtivi animalis excuteret. Successit ea res quidem ex animi sententia, & lutræ mortem conscivit; at secus, quam sperabatur, inde nova simul turbarum origo. Quarto Idus Januarii, qui novo erat magistratui creando prælitus dies, cum horam noctis secundam inter & tertiam displosi sclopeti fragor audiretur, nonnulli factionorum civium, (uti pavidum semper scelus est) terrefacti insueto nocturna per silentia sonitu, electo citi profiliunt: curritur per urbem; admonentur socii; contenta voce clamatur: *Hannibal ad portas! Episcopus cum exercitu ad urbem est! cum intrmittere magistratus cogitat in nostrum exitum, ad nos, qui Episcopo refragamur, Neuhusium abripiendos. Proditio! proditio! proditionis signum modò datum audivimus.* Clamore tanto excitati plures socii, primum ad duplicandas portarum vigilias procurrunt, inde ad pervestigandas consulum senatorumque ædes; excussi omnes anguli & sinus, numquid armorum in imis ædium recessibus, aut periculi lateat. Alii cum Wichardio, factionis tuba, pro curiæ foribus congressi, tumultuosè parant omnia, quæ ad hostem arcendum facerent.

Lux demum exorta, cum nihil hostium ad portas uspiam appareret, detexit inanitatem timoris; cumque exonerati sclopicausa passim divulgaretur; consules jubent, ut tranquilli omnes, & hostium securi domum se recipiant; nec diem legendo magistratui destinatum suis misceant tumultibus. At illi neglectis consulum monitis sublatius exclamare; comminari; non prius arma positu-
 & quibus actoribus Neuhusium protractus in custodiam fuerit. Vocatus ille multis quiritationibus mendacissime narrat: Captivi-

Student rebellantes ut Liborius Wiegers vel ut alii dicunt Wichards Paderbornæ consul eligatur.

Tumulus novus occasione lutræ (germanice ein Otter) de nocte sclopeto enectz. in contin. Cosmodromii Gobelinii Persona adhuc & præc. ann.

tatis

Wolffgan- *tatis causam imputari non posse, nisi sua de republica sollicitudini, suis*
 gus Günte- *studiis ad erigendam diu oppressam urbem, eamque in puro Dei verbo,*
 rus menda- *veterumque privilegiorum usu, conservandam. Ex hoc uno omnium in*
 ceter narrat *se odiorum fomitem inflammatum; qui et restingui à se facile posset, si,*
 causas cap- *quam fortiter suscepisset urbis defensionem, per timiditatem animi, aut*
 tivitatis *perfidiam abjiceret. Quod ad delatores; nihil certi sibi, suspicionis tamen*
 suæ. *non parum esse de illis ipsis, quos scirent haud pridem æarii depeculatores*
in contin. *fuisse, consules nimirum, et senatores, ante annum exauthoratos.*
Cosmod.
Gobellini.

Liborius
 Wichardus
 consul eli-
 gitur.
 Ejus fucata
 pietas.
ibid.

*Marct.
 Kirche.

*dictus
 Joannes
 Wenne-
 bier.

Mendacem hominis sermonem, secunda plebis admurmura-
 tio secuta est; & Liborius Wichardius, qui eodem navigabat ven-
 to; velis, dum hæc popularis aura aspirabat, indulgendum ratus,
 plenis apud consules buccis, Günteri merita crepat, jactitatque,
 virum esse extra controversiam meritissimum; cui magistratus
 omni ope adversus mandata Principis & injurias præstò sit, opor-
 teat. Consules verò, cum finem regiminis sui obtenderent, quòd,
 eò jam perfuncti, nihil polliceri ultra securitatis aut præstare pos-
 sent, Wichardius intra se errantibus oculis ac torvo vultu immur-
 murans, abit cum gregalibus suis; & eodem die, quemadmodum
 antè per vim & fraudes conventum erat, in solenni magistratùs
 electione primarius urbis consul renunciatur. Hoc honore auctus
 Wichardius jam satis elatos spiritus in immensum auxit, extulitque.
 Ut tamen, quæ jam animo impiæ perduellionis consiliaolvebat,
 fucò simulatæ pietatis tegeret; quasi à Jove principia petiturus,
 jubet proximo die Dominico senatores omnes unà cum uxoribus
Forensi in * templo adesse, pro urbis incolumitate supplicaturos:
 illuc senatorum agmen deductum est, Wichardio ac consule alio de
 tribu futorum* tumido gressu præeuntibus. Turmam mulierum,
 longo per plateas ordine procedentem, utriusque consulum ux-
 ores, cultu supra sortem superbo, præcessere. Duas Junones dixis-
 ses, rejectis centonibus, alienis plumis turgidas; nisi *incessu* men-
 dicabula patuissent.

Jam à sacris ad profana conversus opera Wichardius, ab urbe
 melius communienda orditur. Remotis ab officio veteribus ci-
 vium signiferis ac tribunis; novos de conspirantium numero sur-
 rogat rei bellicæ administros. Pulchræ illis bipennes ex urbis æra-
 rio apparatus; ipse pretiosam sibi, rutilantemque hastam, eodem
 sumptu publico coëmit. Inspectis singulorum civium armis, lu-
 stratoque armamentario tormenta majora rotis imponenda curat;
 certamque imperat metalli ac æris copiam, qualibet è domo pro
 novis aliis fundendis afferri. Mox tympani cantu evocantur ad
 arma induenda cives: militares in foro ac plateis vicinioribus or-
 dines instruuntur, sua cuilibet, si quid periculi ingrueret, cohorti
 assigna-

assignata statio: ipse Wichardius cum tympanis ac fistulis per noctem frequens in moenibus, ad conatus hostium, qui nusquam terrarum erant, observandos. Credidisses delirum caput cum larvis nocturnisque spectris belligerare. Mitto plura ludione magis, quam viro consulari digna; quibus homo fanaticus miseris civibus illudebat. Postremò vicinum urbi *quercetum Wichardii jussu stirpitus excisum. Cæsæ arbores, postquam vecturas urbi imperiose descripsisset, sonantibus tympanis ac tubis in urbem advectæ: varia inde propugnacula ac loricae prope urbis muros constructa; iisdemque, superinjectâ mole terreâ, firmatis grandiores belli machinae impositæ.

*vulgò
Primus
etel.

Hæc tragoedia, ut se initia dabant, quam feralem aliquando sortitura catastrophem esset, non pauci è civibus, quorum pars bene magna fida adhuc Episcopo, averfa à Wichardio erat, facile prævidebant. Nec deerant è prudentioribus, qui sapientissimè Wichardium remotis arbitris monerent: *plus satis irarum esse; temperan-*

Monetur
Wichardi
ab amicis
de tempe-
rando furo-
re.

das vehementes illas animi commotiones; minimis momentis maximas fieri voluntatum inclinationes: nec quidquam ipsi metuendum magis, quam

ut flexile vulgus in voluntatem Principis inclinatum, cum Principe et Ca-

Infulsæ ejus
responsio-
nes.

thedrali Capitulo in unius Wichardii exitium conspiret. Quibus ille ca-

in contem.

peratâ fronte: quorsum mihi ista occinitis; quasi verò non hac jam pri-

Cosmod.

dem à me expensa, dolusque dolo oppositus in animo non esset? Si adeò

Gobelin
germanica
scripta.

meticulosi sitis, induite galeam leporis; eâque induti in cœmeterio majoris

*Thun-

*Ecclesiæ vos collocate: ego verò nec Episcopum vereor, nec *magnos illos*

Psaffen.

Popas et sacrificulos. Regant illi Diœcesin et ea, quæ ad Cathedralē

Deo nobis concreditæ; neque eorum tonitrua pluris facio, quam puerilium

digitorum talitra, aut straminis paulò madidioris incensi crepitus.

Theodoro

Haud mollius responsum abstulit civis alius, qui, ex arce Neu-

Episcopo &

husana redux, Wichardio multa amicè retulit de lenitate Princi-

Cathedrali

pis; de propensione ad eum in gratiam recipiendum; imò princi-

Capitulo

pali adhibendum mensæ, si consulatûs initia præter modum du-

ferociter

ra & acerba comitate quadam & majore prudentiâ mitigaret. Huic

insultat

Wichardius contracto supercilio: *mène parasitum putas? aut ollarem*

Wichardi

amicum? major est honestiorque Wichardius, quam ut sordido abjectoq;

Wichardi

animo sorbillare offam Principis, et lambere ejus lances ambiat. Tu, si

Wichardi

voles, per me licet, ad satietatem parasitare. At me, mea agere, finito:

Wichardi

tantidem mihi sunt gratia et odium Principis; neque hunc reverbor un-

Wichardi

quam, cum diabolo licet et sociis ejus contra me acheronta moveat. Hæc

Wichardi

contumeliosa verba brevi re ipsâ & injurioso exemplo confirma-

Wichardi

vit. Aderat ad occlusas urbis portas, præter alios aulae consiliarios,

Wichardi

*missus Neuhusio *Cancellarius, qui Principis nomine negotia quæ-*

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam

Wichardi

dam cum Cathedralis Ecclesiæ Canonicis expedirent: severè autem prohibitum erat, ne ulli injussu Wichardii portæ panderentur. Re intellectâ mittitur statim è ministris Capituli, qui ocysimè Legatos in urbem intromitti, poscat. At, illo cum opprobriis rejecto, unus de Cathedrali collegio Prælati, comitante Syndico, in curiam ascendit; acriterque Wichardio rei indignitatem exprobrat; gravem certè, nisi portas confestim recludi jubeat, offensam apud Principem nec impunè subiturum. Ille verò hæc ridens, atrocissimas quasque contumelias in ipsūmet Principem effutit. Ac tametsi *hac vice*, ut inquiebat, *in Capituli gratiam aperiri portas pateretur*, has tamen ore impudentissimo minas adjecit: *quod si Cancellarius et socii ejus posthac in urbe demorentur; curaturum se, ut minutatim concidantur; dissectæque eorum partes, sacco inclusa, projiciantur extra portas.* Audias hîc loquentem rabiosum hominem, unius infirmæ urbis dominatu ebrium. An quidquam eo asperius est, quod ex humili in altum surgit?

Inter hæc, nuntiis & literis perfertur, Hispanos *Mentiniros* transmissis Rheno invasisse in Ducatum Montensem; indè in viscera Westphaliæ irruptionem meditari. Novum ex hoc rumore falso Wichardius arripit nequitiae suæ pallium. Fingit hoc rapax hominum genus, in urbis excidium à Theodoro Episcopo invitatum, rectâ Paderbornam petere. Mox classicum per urbem insonat; evocantur cives tympani sonitu ad arma protinus sumenda: cūmq; congregati ante curiam essent, prælegi diversas jubet belli gerendi leges; sed leges Deo, & Principi injurias, repugnantes veteribus conventis; civibus, civiūque liberis ut plurimum nocituras: atque ideo non paucis, quibus plūs animi & virtutis inerat, civibus præsertim habitantibus in Campensi* urbis regione (in qua id temporis habitasse se Klocknerus meminit horum omnium scriptor) jurare in leges tam iniquas horrori fuit, iidemque timidè Wichardio opposuere: *nulli bono esse nova illa conscientiae onera; cū urbem consuetā juris jurandi formulā jam satīs obstrictam teneret.* Ad hæc ex-candescens Wichardius *quid? vos me corrigere, inquit, et docere? volo ut fiat; Wichardius imperat, sic visum Wichardio, satīs est. Qui contrā mutire amplius ausit, Wichardium ultorem sentiet*: statimque erectis digitis coacti in verba sacramenti præeuntem sequi, ore tenus omnes, non pauci ex metu, nec animo jurandi.

*placea
Ramp
dicta.

At nondum hîc ineptiarum finis, stolidarūque machinationum. Rursum undecimā Martii, nullo adhuc urgente periculo, Omnes Clericos & religiosos in urbe, etiam Ca- compellantur per urbem tympana: Canonicis, Clericis, religiosi, sub poena capitis & jactura bonorum omnium, atrocissimè demandatum, protinus ut omnes & singuli in publicum civitatis fo-
rum

rum prodirent, arma pro salute publica capturi. Multa Cathedrales Collegium ferocienti homini opposuit; antiqua Imperatorum privilegia; juratas Paderbornensium civium transactiones; Clericorum ab ejusmodi oneribus immunitatem, ipso jure divino sancitam. Sed ubi res ulla adeo sancta? quæ induratum in malo animum emollire valeat. Parendum fuit iniquissima imperanti. Et primi quidem Canonici Majores villosis induti amiculis cum reliquo Clericorum coetu prodire jussi: eorum pars alia ad vultuream, alia ad aliam, quæ orientem respicit, portam excubias noctem totam agere coacta. Secundum hos Abbas Abdinghoffsensis cum sacra religionum turba hominis nequam imperio se stitit: His omnibus teste *Klocknero* hastæ longiores datæ; quibus armati ad stationes suas, pro mœnibus occidentem versus, obeundas, præcinente tympanotribâ processere: inde eadem viâ postridie matutino tempore reducti, inter multos hæreticæ plebis cachinnos, cum ignota tela parum ex arte tractarent; canaque capita timidi demitterent ad fragorem ferrearum fistularum, quæ solo pulvere pyrio oneratae per fenestras, forēsque domuum à petulante populo de industria in prætereuntes displodebantur. Ventum ad Patres Societatis: enim verò deerat absque illis lepidi spectaculi pars magna. Hi idoneam, quod primâ diē non comparuissent, excusationem peti ex literariis occupationibus putabant: at Wichardius scientiarum osor; *trium* duntaxat *literarum* homo, ceterum fungus, mox justitio scholis, è quibus jam dūcentos ad arma per ætatem ferenda habiles abstraxerat, indicto, de capite Patrum & bonis proscriptionem minatur; nisi quàm primū jussis pareant: venere sacerdotes duo, cum totidem fratribus Laicis; quibus vigiliæ ad portam orienti obversam demandatæ: ubi & alias militares, quas nunquam didicerant, functiones extemporalī Marte obiērent.

Maximā exinde rabie desævitur in cives plurimos; in rusticanam plebeculam; in omnes, quos jussionibus suis, consiliisque vel minimum repugnantes, aut culpæ levioris reos deprehenderet. Ad hos coercendos compedes, catenæ, ferrea monilia, in conspectu urbis ante curiam in oculis omnium fabricata. Quis lacrymas, gemitus, querelas referat eorum omnium? qui aut nulla prorsus, aut certè levi de causâ compedibus illis, & catenis constricti sub dio frigidissimâ hieme inter imbres maximos dies noctesque in plateis ad palos alligati spectaculum Wichardianæ crudelitatis fuere; nec vinculis soluti prius, quàm gravem illam molem ferream auro argentoque redemissent. Ab his corporum cruciatibus ad ipsam necem innocentibus inferendam progressus, indignissimum atrocitatis exemplum edidit in misero & egente operario, qui tenui

Nnnn

cx

thedrales
Canonicos
Wichardi
ad arma su-
menda cogit.

Hist. Colle-
gii Paderb.

*Gengs
Pforte.

*Leonard
Rubenns.

Juvencius
L. XV. pag.
299.

Sevitia
Wichardii
in cives.

Civis levi
de causa su-
spenditur.
Klockner
loc. cit.

*Horri-
on in Panegy-
Theodori
Tentantur
remedia
concordiæ
reducendæ

ex per scri-
ptis rei ge-
stæ actis
à Klocknero

ex lignis ferrâ in asseres diffindendis, mercede vitam ægre susten-
tabat. Hic inopiâ rei cibariæ adactus minuta quædam esculenta
clepserat. Delatus tantillo de furto, post adhibita ad exprimen-
dam veritatem tormenta acerbissima, mox nullo juris aut judicio-
rum servato ordine in furcam agitur. Non id laborabat crudelis
& fallax homo, ut aliorum in terrorem levia etiam scelera inulta ne
essent; sed ut viâ hac dudum quæsitâ grassaretur ad arrogandam sibi
soliq; urbi capitalia scelera plectendi potestatem. Divisa hæc pote-
stas jam ab antiquis temporibus hunc in modum fuerat Episcopum
inter & urbis magistratum: magistratus, si qui delicti gravioris infi-
mulati ferebantur, manus illis injiciebat; & postquam per tormenta
ex comprehensis elicitæ confessio erat, de ea ex tabulis publicis ex-
cerpta ad Principem referri oportuit: pènes quem tum erat capi-
tali judicio diem præfigere; missisque ex curia sua ministris con-
junctim cum senatu capitis judicia administrabat. Hunc ergo mo-
rem, ut interverteret Wichardius, Principemque suum omni illâ
jurisdictione spoliaret; misellum hominem celeriter, nullo defen-
sore dato, nedum causâ cognitâ, per summam iniquitatem suspen-
dio enecat: atque, ut conspicua tam gloriosæ rei vestigia extarent;
novum in vicino ericeto, trianguli figuram referens, patibulum
erigitur, septem catenis ex trino latere defluentibus adornatum.
Verisimile habeas, per idem tempus jussu Wichardii arcem Neu-
husanam Principis sedem ballistis majoribus verberatam fuisse. Id
enim contigisse paucis ante urbis obsidionem septimanis, ex mayo-
rum relatione accepimus; constanti posterorum civium opinione
confirmatum. Hoc certius: Wichardium, cum tormenta curu-
lia in aggeres producenda curaret; propalam comminatum esse;
quod isdem Episcopum in arce Neuhusana confidentem petere; totumque
illud exscindere oppidum ferro ac flammis vellet.*
Tot cumulatæ injuriæ duriores videri poterant; quàm ut con-
coqui diutius aut porro ferri moderatè deberent; præsertim cum
numerosus à Joanne Comite Ritbergensi, clàm in auxilium voca-
to, scriptus miles jam in procinctu armatus staret; nihilque facilius
ipsi esset, quàm caput, ducemque cum universo turbulentorum
grege subactâ urbe capere, obterereque. Sed quæ longanimitas
Clementissimi Principis fuit; omnia antè maluit leniora rursus in-
staurandæ concordiæ remedia experiri. Eam in rem Dringenber-
gæ primùm, deinde Paderbornæ in cœnobio Abdinghoffensi insti-
tutus Ordinum totius Dioecesis conventus; ut condonatis san-
tisque injuriis, quovis æquiore modo, amica compositio fieret.
Dringenbergam venêre nonnulli ex gremio factiosorum allegati.
Ad monasterium intra urbem accessit Wichardius ipsèmet; sex bi-
penni-

penniferis stipatus; pavonio incedens gressu. Ea verò Wichardii, ejusque gregalium in utroque congressu fuit in obloquendo protervitas; tam inverecunda altercatio cum arduis superciliis vocisq; immodica contentione conjuncta, ut ab aliis de equestri Ordine præsentibus viris non obscurè animadversum, creditumque fuerit, gladium eos non pacem petere; & novum quodammodo per jurgia illa, & inconditos clamores classicum canere.

Quare in æquissimum furorem toties læsa, tandem malis victa, Episcopi patientia erupit, senatoribus, urbique toti ferale bellum ineunte Aprili denuntiando. Minaces literas, quas ea de re ad senatum, urbemque Theodorus Episcopus dederat, Wichardius, ne belli instantis metu animorum mutatio fieret; tam studiosè, subdolèque suppressit, celavitque omnes; ut argumentum illarum, tametsi traditæ ipsi in curia in confessu sociorum essent; ne cum ipsis quidem senatoribus communicatum fuerit: pauciores si exasperis; quorum indolem; uti ad quævis audenda promptissimam, ita exequendis desperati animi sui consiliis magis idoneam noverat. Cum his igitur, quos inter Günterus præcipuus, frequentata sedulò nova rursus conciliabula; arctius occluduntur portæ; firman-
tùrque geminato excubitorum numero. Compulsi cives quam primùm arma resumere: non segnes illi quidem, quòd jam de motu Ritbergensium rumor increbuerat, securi tamen, & sinè ullo adhuc gravi metu, quòd nec facialem nec literas belli inferendi nuncias vidissent. Adhæc Wichardius pro suis, suorumque deliramentis vi existimabat, & terrore adigi Cathedrales Canonicos posse, ut, novo Antistite Dioecesi imposito, Theodorum Episcopum à gubernaculis Ecclesiæ dejectum, Neuhusio procul exturbarent. Incredibile hoc dictu videatur, nisi ex insulsa responsione, quæ tabellario Wichardium Lipspringam, quo Majores Canonici tot turbarum satiri profugerant, vocanti reddita fuit, rei veritas, pateret: *abi Tabellarie, inquit Wichardius, ac dicito tuis Dominis; ut ad pacem urbis et reipublicæ nostræ confestim alium sibi Episcopum quærant: alioqui faxim ego, ut in Cathedrali templo non relinquatur lapis super lapidem. Quòd si ista non dixeris, quemadmodum ego tibi, consul civi, impero; certus esto, tibi non solum hac urbe interdictum iri; sed etiam uxorem, liberòsque tuos in exilium agendos; et unà tecum à foco patrio, proscribendos esse.*

Exceptæ hæ minæ sunt, & infana consilia magno, uti excelsitatem animi ejusdem Dominorum condecebat, contemptu, & indignatione. At tanto infensior Wichardius, sollicitiorque de præsidio alio sibi quærendo. Confugere ad domum Hasso-Casselanam statuit, petiturus opem, eò certiore, potentiorèmq;

Nnnn 2

quo

Theodorus
Ep. tentatis
sed frustra
lenioribus
remediis
tandem
bellum in-
ducit rebel-
lanti urbi
Paderbor-
nensi.

Auctores
iidem.

ContraEpi-
scopum
Wichardi-
consul
Mauritium
Hassæ
Landgraviæ
implorat.
in contin.
Cosmodro-
mii Gobeli-
ni Persona

*die Ge-
meinde
Herren.

quo citiùs è vicinia, faciliùsque afferri posset, ut ingens in mora periculum subitò præverteretur. Eum in finem pridie solennitatis Paschalis convocat in urbis curiam senatores omnes, tribunos* plebis, aliòsque de civili concilio viros. His ille in pleno confesso miseram urbis sortem ob oculos ponit; aspici illam infestis ab Episcopo oculis; ejùsque malignis instigationibus jam Ritbergenses copias imminere urbi, funditus exscindendæ: nec aliud eum quære- re quàm ut innocentum civium sanguine manus lavet. Occisissimos brevi fore omnes; nisi in uno, quod superesset, præsidio salutem quærerent. Illud verò velle se summo silentio premi; & consultiùs fore, si ex iis, quos coràm cerneret, paucioribus duntaxat notum fieret; ne multis, ut ferme fit, scientibus improvidè divulgatum, in hostium notitiam perveniat. Deliberarent, edicerentque; si ità penes paucos esse accersendi ejus auxilii potestatem vellent. Refragati sunt initio propè omnes: quòd periculosum nimis, neque fatìs providentiæ consentaneum dicerent; summam rei paucis committere, ignaris aliis, quid rerum agatur, quibus tamen eadem fortuna si contra quid, ac speretur, accidat, subeunda sit. Victi demum blanditiis Wichardii & mendaciis consensere in hos quatuor viros: Liborium Wichards, Wolffgangum Günter, Joannem Scheper, & Henricum Bône, homines nequissimos, & ab ipsomet Wichardio suggestos. Ex quibus statim Günterus illo ipso die, quo resurgentis Christi Domini & pacem mundo annuntiantis memoria agitur, ad Mauritium Hassiæ Landgravium clàm aliis festinanter abiit; gladios, arma, viros, in ex- cidium patriæ comparaturus. Atque, ut facilior ad postulata Landgravius esset; mundis duabus *chartis infra appposito urbis sigillo instructus ibat Günterus: in quarum altera notaretur civium obligatio ad rependendum, quidquid in hanc expeditionem sumptuum fieret. In altera foedus de urbe tradenda scriberetur, quovis Comiti collibitum esset etiam durissimo modo ineundum. Itaque in Landgravii arbitrio ponebatur, quodcunque in utraque charta vellet, necem etiam omnium totiusque urbis everfionem signare.

*chartam
blancam
vocant.

Consilium atrox, sed cassum effectum; inversumque ex maturato adventu Joannis Comitis Ritbergensis: hic enim die Veneris post Pascha (vicesima tertia Aprilis erat) inter nocturnas adhuc tenebras sub horam, quæ diem vigesimum tertium Aprilis à quarto dividit, Neuhusium delatus; & postquam pauca locutus Theodoro Principi, rogatusque ab eodem esset; ut sibi, quantum fieri posset, à cæde civium atque urbis vastatione temperaret; Paderbornam cum exercitu properat, ad eam vi & astu subigendam.

dam. Jámque circiter horam noctis primam ad moenia consistens, portæ occidentem versûs diffringendæ * pylocлаstrum admove-
 parabat, cûm destitutum se videns aliis militaribus copiis, quæ per
 errorem noctis itineribus deviis profectæ seriûs adveniebant, in-
 terrumpere machinationem cogitur. Interim appetente die de-
 tectum stratagema cives omnes ad arma concivit: lignis, lapidi-
 bus, congesto fimo, contra vim pylocлаstrorum obvallata porta, re-
 vulsæ è moenibus scalæ. In muros eluctati milites ferro transfos-
 si, impetiti faxis, sclopetis enecti: quin adeò in remotiores alios
 tormenta bellica è vallis tam ferociter displosa, ut conspectâ stra-
 ge, plurimi terga verterint. quos è vestigio Comes, licet tenta-
 tus febriculâ aliquantùm langueret, stricto gladio insecutus, ad ho-
 norificam præ turpi fuga eligendam mortem reduxit. Statimque
 grandiores belli machinas ad everberanda moenia necessarias ad-
 vehi in castra jubet. Eas idcirco Comes expeditionis initio addu-
 ci noluerat, quòd solis pylocлаstrorum viribus confici rem totam
 posse existimaret. Priùs verò, quàm hæ propiùs adveherentur
 machinæ, Clementissimus Princeps, imperatis utrimque induciis,
 per tubicinem ad obsessos missum percontatur: *urbemne principali*
Clementia velint et potestati suæ dedere, an secùs? non de fore sibi ea, qui-
bus cogi ad deditionem nolentes possint.

* *vulgo ein*
Bestarcke.

Comes Rit-
 bergensis
 Paderbor-
 nam oppu-
 gnare inci-
 pit.
Juvenc. L.
15 pag 299
Annales
Collegii
Paderb.
 Magnani-
 mitas Joan-
 nis Comitis
 Ritbergen-
 sis.

Hoc audito multùm fluctuabat urbs trepida rerum, nescia,
 quodnam consilium satîs firmum capesteret & diversis civium vo-
 luntatibus distrahebatur. Eorum plerisque satîs adhuc animi ad
 porrò renitendum inerat, non ignorantibus, promissum ab exora-
 to Landgravio subsidium plenîs jam passibus adventare. Tandem
 omnibus ademit animos militaris hic dolus, quo Theodori Epi-
 scopi jussu excitæ è pagis ingentes rusticorum turbæ, ligonibus,
 furcis ferreis, tanquam armis instructæ in propinquis, editisque
 collibus se urbi spectandas obtulerunt. Has illi è turribus & do-
 morum fastigiis eminus conspicati, esse armatorum militum pu-
 tant, atque suppetiarum ad castra Comitis properantium legio-
 nem. Conterriti vehementiùs, habitâ deliberatione brevi, respon-
 dent tubicini: *venturos celeriter, qui de paciscenda urbis deditione agant*
cum Principe. Obtestari se, ut ab armis interim et impugnanda urbe ces-
setur. Nihil interpositum moræ. Adsunt continuò ex urbe sup-
 plices, de genibus Principem per innatam ipsi clementiam pro sa-
 lute civium infimis obsecrant precibus: *veniam daret malè meritis,*
sed delicta agnoscentibus: ne sineret paucorum scelus omnium interitum ex-
piari. Princeps objurgatos leniter, surgere jacentes jubet: eâdemq;
 die quartâ nimirum, & vicesimâ Aprilis (primum erat post Pascha
 sabbathum) pactionis tabulæ consensu mutuo confectæ: intérque
 alia

Stratagema
 Theodori
 Episcopi.

Mittuntur
 qui cum
 Principe de
 urbis dedi-
 tione tras-
 tent.
in contin.
Cosmod.
Gobelin.

alia conventum; ut biduo post, ne in crastinum incidens sacer dies (Dominicam in *Albis* vocant) militari strepitu profanaretur, urbs tota cum omni apparatu bellico se Principis redderet arbitrio, ejusdemque potestati. Præcipuos barbarum concitores vivos, victosque traderent.

His insciente Wichardio peractis, in urbem reversi subornant, qui vigiles ubique oculos in Wichardium intentos habeant; ne vel elabi ex domo sua, vel novo scelere se ipse interimere posset. Erant enim, qui eum dicentem audiverant: *malle se cum uxore et liberis suffocari igne adibus suis injecto; quam vivum in Episcopi manus incidere.* Illuxerat jam dies vigesima sexta Aprilis, dedendæ urbi præfinita; cum Wichardius rerum omnium ignarus in curiam progreditur; postque multos cum alio consule sermones inopinata hæc verba audit: *advenisse finem Wichardiani regiminis; nec superesse jam aliud, quam ut ocyus in custodiam Theodoro Principi et captivitatem tradatur.* Conturbatus nuncio, & propè præ ira à mente desertus: *collocabo me,* inquit furiosâ voce, *in consulari sede mea; et ubi ille, cui animus sit extrahere Wichardium ex ea, et captivum abducere?* Sensit illico vecors, nimiumque sibi præfidens homo; non deesse fidos Episcopi ministros ad id audendum imperterritos. Cum enim arroganter surgeret, se in illa consulum sella reclinatorus; profiliunt ex adstantibus, involant in hominem, injectisque manicis & compedibus columnæ in curia stanti adstringunt. Referatæ mox urbis portæ, earumque claves venienti Legato Principis obviam missæ. Exceptus cum omni honoris & gaudii significatione Comes Ritbergensis; armatæque ejus sonantibus tubis ac tympanis in urbem introductæ cohortes. Wichardius deinde ex urbis curia in publicum forum producitur; iisdem vincendus catenis, quas torquendis aliis in atrio curiæ fabricari curaverat, ut orbis disceret, non unum suo Perillum tauro torqueri. Fecit tamen bene saginati corporis crassitudo; ut adhiberi eadem pedicæ non potuerint, arctiores nimirum, quàm ut abdominis tam obesi crura pinguedine diffluentia, extensaque stringere aut complecti possent. Quare subito ad infamem in propinquo catastam raptatur; pendulo ex ea monili ferreo religandus: Sed, cum & hoc angustius esset, nec aptum tam adipato & semilunari collo capiendū; prægrandi eaq; crassissimâ ad probrosum stipitem catenâ adstringitur, die toto ludus omnium, quibus antè per atroces cruciatus terrori fuerat. Sole demum in occasum vergente catastâ solutum, sed aliis oneratum vinculis in maleficorum carcerem lictores detrudunt. Severis deinde quaestionibus, ex præscripto legum Cæsarearum, subjectus scelus confitetur, capitisque damnatur.

Capitur
Wichardi
& urbs
Theodoro
Episcopo
deditur.
*Annales
Collegii Pa-
derb.
in contin.
Cosmod.
Gobelinii*

Com-

Commodum inter hæc aberat Evangelii Lutherani in templo Forensi Præco; homo nequam, * fidei & Ordinis desertor. Percussus famâ obsidendæ urbis videt * *lupum venientem, et dimittit oves et fugit* Lipstadium, cuti suæ magis, quàm ovili prospecturus. Quare mercenarii vices Pastor bonus supplevit; adeundo crebrius ad Wichardium in carcere jacentem; * eumque variis è sacro codice selectis adhortationibus, ad eluendas animi noxas, ad mortem, quam commeritus judicaretur, fortiter obeundam excitando. Mirificè hominem affecere sedulo impensa & singulari amore obsequia; & impensa ab eo, in quem antea omnesque ejus socios odio implacabili exarserat. At tanto nunc avidior, læpius audiendi virum, etiam inimici sui commodis, tam naviter servientem. Nec multò post inter ipsas carceris tenebras mentis oculos aperuit: receptoque veræ Fidei lumine vidit impios errores commissaque scelera; & detestatus est apud sacerdotem, Catholicorum ritu confidenti aures dantem. Sumpto deinde sub una specie sacramento Eucharistiæ; cum datus * ipsi defensor nihil afferre ultra ex jure subsidii ad purganda facinora, aut inficiari ea reus posset; die veneris pridie Kalendas Majas ad feralis supplicii locum eductus est: ubi cognito acerbissimæ mortis genere totus cohorrescens non parùm confirmatus fuit à P. Friderico Wachtendonck S. J., de prompto è sacris literis, sanctisque Patribus solatio de brevitate ejusmodi dolorum; de æternis, quibus piè tolerati exciperentur, gaudiis. Indè Pater conversus ad circumstantes, postquam multa breviter ac nervosè de sincero Wichardii reditu ad Romanam Ecclesiam, de confessione scelerum summo poenitentis animi dolore peracta differuisset; altissimâ voce Wichardium coram omni populo interrogat: *bone vir, an non omnia hæc vera? nunquid vivere in Fide Catholica, ac mori statuis?* ad quæ Wichardius: *ita ita! sic vivam et moriar.* Mox in genua procumbens, auditus ab omnibus est orationem Dominicam, & Angelicam salutationem dicere; his præcipue verbis aliquantò altiùs pronuntiatis: *Sancta Maria Mater Dei; omnesque Sancti et Electi, orate pro me misero peccatore nunc, et in hora mortis mee Amen.* Traditus post hæc lictoribus, vestibisque exutus in ferali mensa constringitur. Extensus, atque jam jam dissicandus clamore valido ingeminat: *Domine JESU suscipe spiritum meum.* Et hæc dicenti venter subito per medium sectus, extracta viscera, cor in faciem impactum, revulsum à trunco caput, corpus concisum in partes quatuor, totidem portis affixas; relicto tamen capite ad portam solis occasui objacentem; ubi irrogando supplicio ferale pegma structum fuerat in loco, cui à veteribus nundinis * nomen hæret.

* Hermannus Tünneken.

* ita saepe Episcopum nominaveras.

* fuit D. Philippus Berning.

Wichardii supplicio afficitur & moritur Catholicè.

* vulgò dicitur Remisse ben dem Bester Thor.

Reli-

Nigrini
Prædican-
tis menda-
cia de mor-
te Wichar-
dii.

Horrión in
panegyrico
Theodori l.
3. c. 4.

*putà Je-
suitis.

*serm. Lib.
1. satyra 4.

Reliqui seditionis authores tum fugâ elapsi sunt; tum clemen-
tiâ Principis scelerum veniam consecuti: nec minùs indulgentem
fuisse, & propitium Wichardio cælestem in supremo tribunali ju-
dicem, non temere opinari nos facit publica illa Catholicæ Reli-
gionis professio cum scelerum omnium detestatione conjuncta.
Eam verò, mirum est, quàm impudentibus & putidis calumniis
infectari, opprimere, evellere ex hominum memoria conati sint
Nigrinus sive Swartzius, Susati ad S. Thomam Lutheranorum
dogmatum prædicator, ejusque commilito Philippus Nicolai. Pri-
mus in libello contra Jesuitam Paderbornensem in lucem protru-
so, dubitanter innuit: *fortassis promississe aliquid Jesuitæ Wichardium,*
spe falsâ obtinendæ gratiæ, aut mitioris pœnæ inductum: quòd autem postea
in publico foro post acceptam sententiam, sese palàm coràm omnibus cir-
cumstantibus Romano-Catholicum professus fuerit, credat, qui volet; ego
certè hac de re non parùm ambigo; quia Papiistica huic et Esauitica tur-
bæ nihil novum aut singulare est aperta et impudentissima mendacia pro*
vero obtrudere. Ecce solidam scilicet! probationem in commenti-
tia fundatam & futili calumnia. Sine injuria dixerò, Nigrinum
illum notari hoc Horatiano versu:

*Qui *captat risus hominum, famamque dicacis:*

Fingere qui non visa potest - - -

- - - Hic niger est, hunc tu Romane caveto.

Alter verò in præfatione ejusdem libelli Swartziani ex Gangol-
pho, ut ait, Hergundo memorat: *Wichardium à Theodoro Principe*
sinè judicio ullo aut sententia abreptum in mortem: deinde à duobus Je-
suitis, cùm educeretur, de fide sollicitatum respondisse, quòd ab ipsis dis-
sentiat; habeátque fidem, quam sibi nemo sit erepturus: postremò etiam,
cùm in loco supplicii staret, audenter edixisse: adesto jam Theodore Epi-
scope! adesto! et pota largiter sanguinem meum, quem tam avidè et diu
sitivist. Quot verba, tot putida mendacia, quæ maledicus scriptor
ex se fingit ut araneus. An non lenitati potius, quàm ferociæ af-
signandum; ulcisci supplicio unius scelera omnium, quos huma-
na lex æquè ac divina ob rebellionem, capitis damnabat? An Theo-
doro Episcopo minùs in rebellem populum juris, quàm olim Ot-
toni Episcopo? Quid verò ille? Paderbornenses seditiosos cives*
ad arcem Neuhusanam (quod & tentatum tormentis bellicis à Wi-
chardio diximus) diruendam ex urbe egressos, immisso milite ex
improviso adortus, eorum quingentos, nulli factâ vitæ gratiâ, con-
trucidat. *Cadavera injecta plaustris, inque urbem revecta, ut
cæforum aspectus lamentantium uxorū proliumque lacrymas &
dolorem irritaret. Sed nolim diutiùs his refellendis immorari:
cùm satis acrem eorum, & eruditam confutationem panegyricus
Theo-

*contigit
anno 1281.

*Gobelius
atate 6. c.
66.

Theodori Episcopi habeat. Accedit, quòd narrata hæcenus de vita & morte Wichardii piè & Catholico ritu obita, à nobis excerpta ex eo sint, qui oculis omnia & auribus coràm usurpavit: cui si fidem deroges, omnem ex commercio humano fidem sustulisti.

Sanè: quòd inficias iturum neminem arbitror, tanto illustrior hæc victoria fuit; quo benigniùs parta sinè cæde, sinè ullius civis interitu, salutem urbi jam in exitium ruenti reddidit. Id auxilio cælitum adscribens Theodorus Episcopus, statim Kalendis Maji postridie Wichardiani supplicii Paderbornam subiit. Eo deductus à Joanne Comite Ritbergensi & primaria Nobilitate patriæ. Solenne sacrificium in summa æde oblatum urbis liberatori Deo; actæq; gratiæ pro consiliis rebellium feliciter dissipatis. Secundùm hæc in Abdinghoffense monasterium se recepit Theodorus: ubi in pomario congregati cives novo fidei & obedientiæ sacramento se obstrinxerunt; veteremque perfidiam detestantes Principis dexteram viritim osculo contestandæ subjectionis ergò veneratæ sunt. Primas deinde quietioris animi curas dedit Theodorus perficiendo Patrum Societatis JESU domicilio; cujus structura interior ex urbano tumultu interrupta hæserat. Ea nunc duplicatis operis maturari cœpta: datùmque negotium Godefrido de Mirlo, Harlemensi Episcopo, & Vicario Episcopi Monasteriensis in Pontificalibus; ut annexam domui Patrum Societatis veterem Minoritarum Ecclesiam cerimoniis consuetis, sacro Beatissimæ Virginis natali, expiaret. Quo eodem die, cùm res divina ad aram præsentè Theodoro Episcopo post reconciliatum templum perageretur; deventùmq; ad eam esset sacrificii partem, quam Catholici *Offertorium* vocant; surgit Theodorus; tabulâsque foundationis collegii Patrum Societatis JESU manu tenens, ad altare procedit; easque Christo Domino, cujus solius gloriam per Patres propagandam unicè sibi propositam habebat, Majori Clero & Nobilitate patriâ inspectante, offert. Appono hîc tabulas ex ipsa origine, nullo, ut merentur, quantumvis prolixæ sint, apice omisso. Lege, & demirare literarum elegantiam, Religionis tuendæ ardorem, liberalitatem, & excelsas cogitationes pientissimi Principis.

Theodorus à Fürstenberg Dei et Apostolica Sedis gratiâ Episcopus Paderbornensis ad perpetuam rei memoriam. Cùm à primis ferme annis adolescentiæ nostræ adscripti in Cathedralis Ecclesiæ nostræ Paderbornensis Clerum fuisset; multorùmque deinde annorum usu confirmati, in eadem Ecclesiâ ad Præposituræ dignitatem promoti essemus; magna nos cura tenuit, præcipuè de Religione Catholica ac Majorum pietate, per temporum horum calamitates in civitate atque per Diocesim Paderbornensem miserabiliter collabescente, retinenda et in antiquam speciem honorèmq; resti-

Oooo

resti-

Theodorus
Ep. novum
fidelitatis
juramentum
accipit à ci-
vibus Pa-
derbornen-
sibus.
Klockner
*in hist. Pa-
derb.*
Annales
Collegii
Paderb.

restituenda. Quod nimirum praevidebamus futurum, ut, si tempestivius non occurreretur, succrescentibus per Westphaliā universam haeresum pestiferis &ixaniis, extremum in hac ipsa ditione periculum Fides Catholica subiret, et provincia tandem omnis ad interitum prorueret.

Literarum fundationis collegii Paderb. ex archivo collegii Paderb. Nec verò aliud magis opportunum remedium nobis aliisque Religio-
nis antiqua & elatoribus collegis veniebat in mentem; quàm ut in tam conspicuo ac luctuoso periculo, iuventuti tanquam omnium Ordinum reipublicae seminario, per fidos incorruptosque magistros; populo autem per idoneos minimèque depravatos concionatores sacerdotèsque quàm diligentissimè consulcretur. Quare, cum et ipsi in floridiori aetate nostra Patrum Societatis JESU, quos hoc tam necessario tempore ad reprimendos haereticorum furores, et consopitam Germanorum pristinam virtutem pietatèque resuscitandam, divinitus submiserat Deus; accuratissimam diligentiam in iuventute literis virtutibusque excolenda, populòque de Religione et sanctitatis studio informando, perutilem experti essemus; satisque insuper sciremus, eorum institutum ab Sede Apostolica et ab œcumenico Tridentino concilio cum singulari elogio approbatum; operamque eorundem Patrum Imperatoribus Romanis, Regibus maximis, Principibusque per orbem terrarum Catholicis mirificè antehac placuisse: omni curâ allaboravimus, unâ cum Reverendis Capitularibus collegis nostris, ut à superioribus Societatis anno 1580 Paderbornam destinarentur aliquot idonei operarii, quibus deinde conciones, gymnasiùmque nostrae Cathedralis Ecclesiae cum scholarum annuo proventu, additis insuper ad pleniorē sustentationem nonnullis redditibus, communi Capitulari consensu commissa sunt: idque tam bono eventu, ut fructus paulatim haud contemnendus è Patrum indefessis laboribus apparuerit. Postea verò, quàm Deo optimo maximo visum fuit, ut consentientibus Capitularium omnium suffragiis, perque publicam approbationem et confirmationem S. Sedis Apostolicae, ad munus Episcopale legitime vocaremur: sensimus confestim, quàm gravis, dura, ac laboriosa provincia nobis obtigisset; quàmque seriò curandum esset, ut tot animae, Christi pretioso sanguine redemptae, atque infinitis obnoxiae periculis, nobis commissae conservarentur; utque lolia haeresum vitiorumque, quibus Ecclesia nostra agrum obsitum ac penè oppressum videbamus, extirparentur; et Fides rursus Catholica, virtusque optimorum Majorum nostrorum vindicata à corruptoribus per Dioecēsin effloresceret. Eaque de re circumspicere sollicitè omninò cepimus, quâ ratione et officio nostro Pastoralis satisfacere, et subiectarum tot ovium à Christo Domino nobis concreditaram saluti periclitanti, his praesertim tam iniquis infidisque temporibus, succurrere possemus. Neque tandem aliud invenimus futurum magis ex usu Dioecesis hujus Paderbornensis, et ad relevandam conscientiam nostram opportunius; quàm si denique Societatis JESU Patribus, quorum iam sat multos per annos virtutem operamque utilissimam cognoveramus, firmam stabili-

stabilēque sedem, constituto in Episcopali civitate nostra Paderbornensi collegio, fundaremus. Quod ut succederet, sumptibus laboribusque pro Dei honore animarūque salute parcendum non putavimus. Nam quamvis post electionem nostram Episcopatum obaratissimum acceperamus, ac sumptibus erant maximis oppignerata Ecclesie bona recuperanda, et collapsa minūque commoda edificia Episcopalia haud modicis erant impensis instauranda: tamen, quod Religionis nobis fideique cura erat præcipua, cupere mūsque pro Pastoralī officio nostris consultum ovibus; proinde, posthabito etiam privato dispendio, volumus Societatis Jesu Patribus, qui se in angustiis adhuc adibus continebant, minūque opportuno templo atque Gymnasio ad sacras scholasticasque functiones utebantur, laxiorem commodiorēque habitationem apparare. Eūque in usum cœnobium Franciscanorum, multos jam annos desertum ab Ordine, ac venditam partim Nobilibus, redemptūque impensā aliquot millium aureorum nummū, approbante Decano et Capitulo nostro, Societatis Jesu Patribus tradidimus. Quemadmodum testantur literæ, anno 1592. 10 Julii datæ, et nostro Capituli que nostri sigillo confirmatæ. Sed quoniam fatiscebat sensim antiqui structura cœnobii, nec apta satis ad collegii occupationes in longitudinem futura videbatur; cœmptis nostro ære vicinis aliquot edificiis, ut ad habendas cum collegio conjunctas de more Societatis scholas capacior esset habitatio, exstrui à fundamentis novam domum vetere monasterio diruto, et templum novo organo crecto quoque restaurari, ingentibus impensis curavimus. Ac nunc denique ad gloriam honorēque Ss. Trinitatis et omnium Beatorum calī civium, pro Pastoralī nostro paternōque in Dicecēsi nostram ac subditos affectu, ad restituendam, conservandam, ac propagandam per Episcopatum nostrum Paderbornensem Fidem Catholicam, ad juventutem, quæ est Christiana reipublica omniumque statuum seminarium, in orthodoxa Religionis disciplina optimisque literis rectē informandam, ad populum concionibus, catechesi, aliisque piis officiis fideliter instituendum, ad sacramenta aliāque mysteria divina piē dispensanda, ad educendos è collegii scholis idoneos incorruptosque animarum curatores, Ecclesie que nostra ministros, ac denique ad animæ nostræ, totiusque familie nostræ Fürstenbergicæ Catholicè defunctorum ac morientium salutem, redemptionēque peccatorum nostrorum, ad collegium Societatis Jesu hisce publicis literis auctoritate nostrā Episcopali fundandum ac dotandum in civitate nostra Paderbornensi, ad hunc, qui sequitur, modum progredi volumus. Principiū exedificatam à nobis magnā curā, sumptu, ac labore, ex fundamentis domum novam in fundo antiqui Franciscanorum cœnobii, cujus donationem et incorporationem, à nobis modo suprā dicto factam, S. D. N. Anno 1592. 24. Octobris, per Breve Apostolicum approbārat, eidēque perpetuæ et inviolabilis firmitatis robur adjecerat, uti et templum adjunctum, cum horto item, juribus, privilegiis, exemptionibus, ceterisque

risque omnibus ad illud ipsum monasterium quoquo modo spectantibus, vigore ejusdem privilegii Apostolici, cum vicinis domibus, nostrâ industriâ pecuniâque comparatis, eidem collegio Societatis *ſESU* incorporamus atque donamus, ut in præsentia venturisque temporibus habeant Religiosi prædicti opportunam habitationem ad exercenda vocationis et instituti sui propria ministeria, tam pro juventutis informatione, quàm pro aliorum hominum, per conciones, catecheses, sacramenta, aliâsque religiosas functiones, spiritali præsidio atque solatio. Deinde, cùm è constitutionum suarum præscriptis legibus iidem Societatis Religiosi gratuito obire officia omnia debeant, ut suppetat illis, unde vitam honestè tolerare, et necessarium numerum operariorum sustentare semper possint; qui fessis senio, morbove fractis, aut vitâ exeuntibus succedere queant; præter eos redditus, quos hucusque à Venerabili Capitulo nostro perceperunt, et bibliothecam nostram, Ss. Patrum operibus aliisque insignibus libris satî instructam, quam gratiosè iisdem donavimus, Falckenbagensis cœnobii proventuum partem mediam, à Comite Lippiensi per nos recuperatam, et ab eo concorditer dimissam, dicto collegio in civitate nostra Paderbornensi, atque sacellum S. Bartholomæi juxta Ecclesiam nostram Cathedralē situm, similiter Capellaniā sub invocatione Ss. Fabiani et Sebastiani in Ecclesia Buxtorpiana Ss. Petri et Andrea, approbante et confirmante S. Sede Apostolicâ, bullâ super hac re datâ Anno 1600. 5. Kal. Martii, in perpetuum attribuimus, ut dictum collegium illa perpetuò retinere, illorumque fructus, redditus, proventus, jura, obventiones, et emolumenta quæcunque, percipere, exigere, et levare, ac in suos usus et utilitatem convertere possit. Ad extremum, quoniam cuperemus liberali sustentatione bene provisum collegio; ut perfectior, et plurimum, quàm hætenus, personarum sit fundatio; donamus insuper de nostro decem nullium dalerorum Imperialium summam capitalem ad stabilem perpetuūque redditum comparandum. Hoc igitur Religiosorum Societatis *ſESU* collegium, modo suprâ dicto erectum à nobis, atque fundatum in civitate nostra Paderbornensi, libere et gratiosè offerimus donamûsque R. P. Claudio Aquaviva, ejusdem Societatis Præposito Generali, ac successoribus ejus: petentes, ut hanc fundationem, dotationem, oblationēque nostram, instar piæ eleëmossynæ amanter accipere; collegiūque hoc nostrum Episcopale, uti cetera Societatis collegia, conservare, ac perpetuare valeat; atque eidem de idoneis personis quovis tempore providere: quæ et Ecclesia nostra, et subditorum nobis commissorum salutem, magno ardore, uti hætenus factum libenter vidimus, promoveant, et scholas secundum instituti sui rationem administrent. Quam ob rem iisdem Religiosis Societatis *ſESU* potestatem facimus, ut per Diœcesim nostram universam, secundum constitutiones, ac data ipsis à S. Sede Apostolica privilegia, obire vocationis suæ ministeria omnia, atque exercere libere valeant. Nōsque vicissim spondemus pro nobis successoribusque nostris,

quòd

quòd hanc ipsorum *fundationem, unionem, incorporationem, ac donationem, paterno affectu defendere, conservare, ac sanctam tectamque tueri pro viribus velimus. Ac proinde serió vetamus, ne quispiam omnino subditorum nostrorum, seu Ecclesiasticus, siue secularis, huius collegii nostri Societatis JESU Religiosos ullá prorsus ratione in hac ipsa possessione, liberóq; usu ac dispositione prædictorum bonorum perturbare directò vel indirectò, per sese aliúmve ausit. Mandamus autem Officiali nostro, iudicibus aliis et Præfæctis, ministrisque nostris omnibus, ut, quotiescunque eorum auxilium, seu communiter, seu seorsim, fuerit contra adversarios turbatoresque quoscunque requisitum, extemplo diligenter atque efficaciter succurrant; et eosdem, tum censuris, tum pœnis debitis, ità coërceant, ut maneat collegio Patribusque Societatis JESU integra, pacatâque possessio. In quorum omnium fidem indubitatam hæscó literas sigillo nostro Episcopali et manu propriâ communivimus: et earum literarum exempla duo collegii Rectori dari voluimus, ut eorum alterum ad R. P. Præpositum Generalem transmittatur; alterum verò in collegii archivo perpetuò asservetur. Datum in arce nostra Nienhusana, Anno à nativitate Domini millesimo, sexcentesimo quarto. Die 8. mensis Decembris.*

Peraçtâ re divinâ, grates egit amplissimas collegii Rector P. Henricus Kœstius nomine totius Societatis; palàm contestatus, patrem liberalitati tantæ gratiam referri à Patribus haudquaquam posse: habituros quidem certè, quantam capere animi illorum, quantam prædicare voces, & literæ posteritati consignare possent. Principi deinde labores, obsequia, preces prolixè detulit, superos tanquam fidejussores ac obsides appellans; ut quam vicem reddere tenuitas sociorum haud posset, ipsi cumulatissimè solverent, consuetis coelestibus beneficiis munificentissimum Principem, totâmq; ejus Perillustrem Familiam prosequendo.

Non minores de Religione Catholica in ditionibus suis servanda curas gessit, iisdemque immortalis hoc anno est Moguntinus Archiepiscopus, Metropolita noster, Joannes Adamus à Bicken. Brevitatem regiminis multo fructu compensavit; annis enim quibus præfuit* duobus tantum supra octo menses, duos comitatus Reineckianum & Königsteinianum repurgatos hæreseos novitatibus ad vetera & vera sacra reduxit: atque ut fontes obstruerentur, unde virus propinari incautis solet, libros ab hæreticis in Catholica Fidei calumniam editos, Moguntia ex tabernis librariis gravi præcepto sublato suppressosque voluit: adeò alienus à contubernio sectatorum novæ Religionis; ut nemo unquam, de præcipua licet patriæ Nobilitate esset, Electoris mensæ adhibitus in aula fuerit, nisi quem constaret mensæ Eucharisticae ritu Catholico accumbere. Plura dum meditatur pro militantis Ecclesiæ incrementis,

*electus aë
1691. 15.
Maji.
Moritur
Joannes
Adamus à
Bicken. Ar-
chiepiscop⁹
moguntin⁹.
Serar. l. 5.
rer. Mog.

Succedit
Joannes
Swicardus
à Cronen-
berg.
Serar. ib.

tis, ad triumphantem abiit evocatus morte immaturâ Aschaffenburgi decimo Januarii. Bene coepta explevit successor Joannes Swicardus à Cronenburg electus XVII Februarii: vir acer ac solers in agendis versandisque negotiis publicis; ingenii perspicacis, ac spectatæ prudentiæ.

Annus Christi 1605.

LEONIS XI & PAULI V. Pont. 1.
RUDOLPHI II. Imperat. 29. & 30.
THEODORI Episc. Paderb. 20. & 21.

*hunc alii
Leonem X.
dicunt, &
Joannem
Mediceum
volunt esse
Leonem IX
non X.



Moritur
Pontifex
Clemens
VIII. Huic
Leo XI;
Leoni eos-
dem anno
Paulus V.
succedit.
Spond. ad
hunc annū.
Stangefol.
in synopsi
circuli
Westph.

Transilva-
nia capitur
à Bostkaiō,
Strigonium
à Turcis.
Auctores
iidem.

*germani-
ce Gran.

Riftior hic annus fuit duorum Pontificum funeribus, Clementis VIII. & *Leonis XI. Prior post sanctissimam annorum tredecim, & aliquot dierum Ecclesiæ gubernationem sublatus è vivis est quinto Nonas Martii. Vacantem Pontificis cathedram Kalendis Aprilis sexaginta Cardinalium consensu obtinuit Leo XI; dictus antea Alexander de Medices, Cosmi Hetruriæ Ducis consobrinus: at per brevi tempore in ea sedit, dejectus morte quinto Kalendas Martii. Hæc intra dies paucos iterata sedis vacuitas, ut paucorum quoque dierum esset, fecit mira Purpuratorum in conclavi Patrum consensio: senatu enim convocato, cum pro more diebus aliquot res permessa suffragiis esset, electus est sinè longiori procrastinatione decimâ sextâ Maji Camillus Burghesius Romanus, Cardinalis Presbyter titulo S. Chrysogoni; assumptoque Pauli V. nomine coronatus die vicesimâ nonâ ejusdem mensis. Electionem maturaverat fama virtutum, quæ in Burghesio maximæ erant; utpote quem, uti Spondanus loquitur: *magnus usus rerum agendarum, zelus honoris Dei, et libertatis Ecclesiasticæ, singularis morum comitas, placida in omnes beneficentia, et incorruptissima vitæ integritas egregie commendabant.*

Tam habili igitur successore perfunata videri poterat gemina per Italiam mortis plaga: at turbæ majores & vulnera à Marte in pluribus aliis per orbem locis. In Transilvania post multas hominum cædes dominatum occupat rebellis Bostkaius; inque comitiis ibidem mense Aprili habitis factiosorum procerum sententiâ Principatûs possessio raptori confirmatur. Mittit insuper huic seditio-fo capiti Turcarum Imperator Achmetes præter alia augustalia ornamenta Ladislai, ut perhibebant, olim Hungariæ Regis coronam: quâ insignitum Regio deinceps nomine Bostkaium salutandum, colendumque præcipit. Tam nobilis provinciæ jacturam multum auxit secuta amissio urbis *Strigonii post triginta quinque dierum obli-

obsidionem Turcis traditæ quinto Nonas Octobris. Imputata celerior deditio ignaviæ germani militis arma abjicientis: tametsi Comes Dampetra Præfectus urbis sat virium; moneret, ad sustinendos porro hostiles impetus superesse. Non omnibus impunè abiit. Authores immaturæ deditiois servatam sinè honore vitam, inter supplicia ignaviæ proposita cum dedecore perdiderunt.

Nec plus quietis in Belgio ab armis. Hærebant fixis castris Hollandi pertinaciter in Flandria, aucupantes locum Antwerpia per insidias obruendæ. Eos ut inde eliceret Albertus Archidux, totam belli molem constituit in ditionem hosticam transportare. Igitur ejus jussu mense Junio Carolus Longevallius Comes Buquoi cum numerofo exercitu per Juliacensium & Ubiorum terras festinanter movet; transitoque Rheno & depulsis ibidem, quæ pro tutela fluminis excubabant, Hollandorum navibus post varias per viam cum hostibus velitationes ad oppidum Rurordam progreditur; ibique loco operibus editisque munimentis circumsepto confidet. Ipse verò Marchio Spinola, qui contento itinere ex Flandria ad Rhenum delatus die secundo & vicesimo Julii se Buquooi copiis junxerat; nunc eodem ad Rurordam relicto, pari celeritate cum infestis agminibus ad Transisalanos abit; præmissis ad vicinos Principes Philippo de Croy, qui exercitum sinè noxa transiturum significet: mentem Archiducis esse, ut ne ulli gentium miles suus fraudi sit. Sexto Idus Augusti Oldensaliam perventum: urbs ea vix tormentis bellicis verberari coepta, cum suæ imbecillitati diffidens oppugnatori cessit. Inde Spinola Lingam versùs maximâ usus festinatione exercitum reflectit; spemque victoriæ in præveniendò hoste reponens id brevi effecit, ut & tanti momenti locus, naturâ & arte, nec levi præsidio munitus quinto decimo Kalendas Septembris sese dederet. Lætus tam faustis successibus Spinola iter ad Rhenum relegit; direptâque ibi Hollandorum navi, quæ posita ad ostii Lupiæ custodiam erat, omnibus modis Mauritium ad pugnam provocat. At eo prælium detrectante, Marchio Spinola divisum tribus in locis exercitum collocat, hosti quavis viâ nociturum. Triplex hæc copiarum partitio majores animos Mauritio attulit; cogitanti, vires loco à se disjunctas obrui faciliùs posse. Igitur postridie Nonas Octobris silenti agmine è castris Wesaliensibus proficiscitur, ac die postero eam copiarum partem, quæ ad Ruram hosti arcendo à trajectu fluminis invigilabat, adortus prospera habuit prælii initia; cum nihil minus metuentes opprimerentur Hispani. At exitum satis funestum, quingentis nimirum, quâ vulneratis quâ cæsis, in fugam compulsus. Posthæc à Comite Buquoio die sexto & vicesimo Octobris urbs Wachtendonca, arx Cracavienfis

Albertus Archidux bellum è Belgio in hostile solum traducit.

Gallus. de bello Belg. lib. 17. Strangefol. loc. cit.

Oldensalia & Linga capitur à Spinola.

Clades Batavorum. Gallus. lib. citato pag. 325. & seq. Strangefol. in summ. circuli Westph. pag. 93. Helvicius. pag. 124.

vienſis ineunte Novembri expugnata. Meurſæ urbis obſidionem proximum in annum dilatam oportuit; cùm frigidum pluviùmque tempus vergeret in hiemem; milèſque caloribus æſtivis fractus hiberna & quietem poſceret.

Erneſtus
Archiep.
Colon. ſtu-
det reduce-
re Diœceſes
ſuas ad me-
liorem vitæ
normam.
*Chapeau-
ville in
Erneſt.
vetus mſ.*

Hoc turbido rerum ſtatu in Belgio, Erneſtus Coloniënſis Archiepiſcopus, idémque Leodiënſium & Monaſterienſium Antiſtes, non nihil etiam turbarum in ſubjectis ditionibus, ab iis moveri comperit, qui, vulneratis impunè legibus Eccleſiaſticis, avitæ pietati excidium moliebantur. Leodiënſibus eâ ſeculi pravitæ ludibrio erant magni jejunii eſuriales feriæ, quibus, nullo cibariorum dierùmve habito diſcrimine, bene pransi & cænati, pro ſua lubidine derogatum ibant. Hos Erneſtus ſeveris gravibùſque literis ad frugem & frugalem vitam cohortari; in memoriam revocare ſacros majorum ritus: quantâ ſe illi crediderint illis diebus religione obſtriçtos, ut omnino modicè cænando, ne tantillum contra antiquas leges vel primoribus labris deguſtarent. Nec dubitem malè inſcatas oves ſuaviſſimi Paſtoris voci, monitùſque morem geſſiſſe, ab illicitis paſcuis ad conſentaneam interdictis diebus frugalitatem reverſas.

Prohibet
magnoſ
ſumptus
fieri in mo-
naſteriis
dum veſti-
untur aut
proſitentur.
*Chapeau-
ville loc.
cit.*
Si duo ſi-
mul eodem
die in mo-
naſteriis ve-
ſtiantur &
proſitean-
tur, mandat
Erneſtus ut
ſumptus in-
ter illos di-
vidantur,
non à ſin-
gulis con-
vivium ap-
paretur.
Item tres
aliæ ſabu-
berrimæ
ſançtiones
*Auctores
iidem.*

Exinde Erneſtus eâdem, quâ Leodiënſes, etiam Ubios Weſtphalòſque complexus ſollicitudine, multa Arenſbergæ in arce ſua pro Diœceſibus Coloniënſi ac Monaſterienſi præclare ſanxit, quibus religioſos, in diſſolutæ vitæ licentiam prolapſos, reſtringeret arctiùſ; ſublatisque, quæ irreperant, corruptelis ſuo in officio contineret. Invaluerat in quibuſdâm utriuſque ſexùſ coenobiis vetuſ conſuetudo, quâ in afferenda & multa & lauta ſupelleçtili, in apparandis ultra modum exquisitis epulationibus ſe ſumptuoſiùſ jactabant ii, qui primùm religioſâ veſte induerentur, aut ſolennia vota nuncuparent. Erneſtus hos immodicos ſumptus intra modum eſſe; atque ad certas moderatæ largitionis, epulique leges adſtriçtos voluit: neque propterea augendos, aut protrahendum, geminandumque epulum; ſed partitis inter ſe ſumptibus eâdem religioſâ mediocritate inſtituendum, ſi quando in monaſteriis duo pluresve eodem veſtirentur tempore; aut votorum profeſſio in unum eundémque diem incideret; *turpe enim et indecorum fore, vitam pauperem ab immoderato aut ſuperbo luxu auſpicari.* Optimis hiſ ſançtionibus ſuperadditæ tres aliæ: unâ Erneſtus teſtamentum Religioſorum cujuſcunque ſexùſ declarat irritum, infectumque, quo tenebre epulum aut perpetuam ſuâ ad aram quot annis memoriam decernerent. Alterâ religioſis quibuſcunque adempta facultas eſt colligendi aut poſſidendi peculii. Tertiâ conſcientiæ, religioſarum virginum, libertati conſultum voluit; integrumque illis eſſe, ſacer-

sacerdote alio nonnunquam ad sacras confessiones uti; hac lege parthenonum præfectis, aut conscientiae moderatoribus imposita; iterum ac tertium singulis annis sui vice quendam accerferent, qui confitentibus aures daret. Has sanctiones biennio post Paulus Pontifex assensione sua, multaque laude ornavit, postque factam in synodo Leodiensi promulgationem non laudis tantum; sed optatae etiam emendationis fructum uberrimum consecutae sunt.

Haud dispar Theodori Episcopi nostri nec minus laudabile studium extitit in Dioecesi sua ad veterem Dei, Divorumque cultum formanda. Hæc foedam superiorum temporum faciem aliquantum deteraserat, pulchrior jam ex virtutum aspectu gratiorque Episcopo suo: cujus tamen animum adhuc omnem in partem hæc cura versabat, quibus adminiculis, extinctam in animis omnium, ac prope sepultam erga Dei matrem venerationem exsuscitaret. Subinde optimo Principi in mentem venit suburbani sacelli dimidia hora à moenibus remoti; quod olim ob statuam Dei matris, cælesti miserorum ope celeberrimam, multis miraculis inclaruerat, quotidianano multorum hominum accessu frequentatum. A Romana urbefacellum nomen sortitur: Roma dictum. sed nihil tum Romani splendoris habebat, angustum, malè materiaturum opus, rudi levique brachio ex lignis & luto coagmentatum. Diceres, magnam Dei matrem, quæ *Ancillam* Domini se vocat, simplici cultu delectari magis, & inculta sæpe loca deligere, quibus coli malit. Senferat præterea vetus hoc sacellum non semel inimicas, violentasque hostium manus, adeò, ut jam neglectum penitus, collapsumque ad ruinam propenderet. Huc oculos & sollicitum animum advertit Theodorus Episcopus noster: nec moderari prius dolori suo potuit, quam sacellum hoc, impensis ultro oblatis, à ruina defensum, ac novo, eoque elegantiori opere ornatus cerneret, haud alio instituto, quam ut meliori sacelli specie refrigescens subjectorum animis, antiquæ in virginem matrem pietatis igniculos subderet. Neque eum concepta spes fefellit. Ut primum enim detecta, populoque ostensa, quæ à majoribus impressa erant, priscæ venerationis vestigia, relegere ea pedentem coepit. Versus hic, lapidi superliminari incisus, reparationis annum posteritati notum facit:

En al'tore, Labans, theoDoro RoMa refLoret.

Germanicè:

Als RoM war ohne GLor / newrt es JVrst TheoDor.

Non hic omiserim imbecillioris sexus fortitudinem in propugnanda re Catholica. Antonia Princeps Lotharingica, Joannis Wilhelmi Clivæ, Julæ, ac Montium Ducis, Marchiæque Comitiss, ut Thalami sic & gubernationis socia, cum in domo Lotharingica

P p p p

gica

Theodorus
Episcopus
Paderbornæ
facellum
ruinosum
Roma dictum
instaurat.
*Annales
Collegii Paderb.
Item libellus
cum hinc
centia superiorum
& approbatione
editus anno
1691.
fol. 47.*

In ducatum
Clivensem,
Juliacensē,
Montensē,
& comita-
tum Mars-
chie reduc-
itur Reli-
gio Catho-
lica per An-
toniam
Principem
Wilhelmi
Cliviz Du-
cis conju-
gem.

Chaupeau-
ville in
hist. de Ep.
Leod. in
Ernest. cap.
39. & seq.
Vetus ms.
Eadem An-
tonia Lo-
tharingica
fecit provi-
deri Patrib'
S. J. de me-
liore domi-
cilio Embri-
cæ.

Annales
Societas.
Varie per-
secutiones
Jesuitarum.
Videantur
Authores
passim de
pulvera-
rea conspi-
ratione in
Anglia.

Thuanus.
Chytraus
& alii.
*Videatur
Juvenius
l. 13. pars. 5

gica tanquam palæstra virtutum versata à teneris esset, fatisque ve-
ritatem docta à falsis opinionibus secernere; hoc summo inter re-
liqua studio egit, ut vetus religio non nihil depressa rursus attol-
leret caput, quique sub Wilhelmo Principe refrixerat Catholicæ
Religionis ardor, efferveresceret. Aderat consilio & operâ Antoniz
Principi Hermannus Lennepius Agrippinas; Clivensis Cancell-
arius, vir singulari authoritate valens; notæ expertæque Fidei & eru-
ditionis. Hoc peritissimo, fidôque consiliario & duce, Antonia
Princeps ad leniora primùm remedia progreditur, comiter hortan-
do; positâ contumaciâ imperio Romanæ Ecclesiæ se redderent.
At ubi præfractè hortationibus obstrepitur, durior quoque manus
rescindendo malo adhibita. Aliquot verbi præconum obstinatio
officii privatione mulctata. Alii variis in urbibus coacti, dimissis
cathedris, solum vertere. His eum in modum profligatis, sacer-
dotes Catholici postliminio rediêrunt ad pristinam templorum pos-
sessionem: interque eos, Patres de Societate JESU, Antoniz jussu
Embricâ Clivos adsciti, ut lapsantem illic Religionem consiliis la-
boribusque suis sustinerent. Actum ab his sedulo quâ privatis con-
gressibus, quâ publicis ad populum dictionibus, ut in primis sacræ
coenæ sub utraque specie sumptio ad unam reduceretur; sublato,
qui multorum animis altiùs infederat, stolido errore; quasi sacer-
dotum superbia sibi soli sacrum calicem præriperet, tenuiore coe-
nâ, neque per subtractum Christi sanguinem integrâ, imperitæ ple-
bi obtrusâ. Placuisse Antoniz Principi Patrum labores, ex eo fa-
cilè conjicias, quòd præter navatam alias benevolentiam, anno qui
præsentem proximè insequitur, benignè providerit, ut Embricæ
ampliori habitationis loco potirentur.

Hæc studia proferendæ Religionis, ut interromperent adver-
sarii; in eosque, quos non uno in loco defensores pietatis conspe-
xerant, odium affarent omnibus; enormia quædam, quorum con-
sortes illi religiosi essent, scelera commenti sunt. His tanquam pro-
ditoribus, parricidis, impiæ conjurationis authoribus carceres, pa-
tibula, rotas parabat Anglia. Sed decantata fati, notæque fabu-
la est: uti meris, crassisque à Chytræo aliisque innumeris referta
mendaciis; ita falsitate perspicuis rationibus* propositâ, ab æquio-
ribus arbitris explosa, rejectaque. Neque Anglia tantum, sed &
Saxonia eos impietatis hoc modo arcessivit.

Tristis & infestus rumor totam prope Saxoniam inferiorem
anno superiore pervaserat, juventutem in urbe Hildesienfi Patrum
Societatis JESU institutioni commissam, pessimis depravatam cor-
ruptelis; atque aded magicis imbutam artibus, scire veneficorum
incantationes, diræque carmina, quæ magistro aliquo, ex infero-
rum

rum sedibus in reipublicæ perniciem recens protruso, haussissent. Patres invalescente famâ conturbati, territique; adolescentum vitâ, sermonibus, moribusque studiosè observatis, dolenter compariunt, haud esse inanem; neque malignâ omnino dicacitate confictum rumorem. Pestilens hæc contagio primùm infecerat triviales summi templi scholas, in quibus Tirones à pædagogo quodam nullius religiosi Ordinis legibus adstricto prima literarum elementa docentur.

Scholæ Hildesienſes inficiuntur arte magicâ
Annales Societ. ad hunc & præc. ann.

Malum tam exiguis profectum initiis quotidie ita augescebat, ut brevi Patres de Societate nullam non classium suarum eadem lue infectam adverterint. O quanta hîc scilicet! quàm lata area in laudes Jesuitarum patuit. Una omnium aut in scholis Lutheranis docentium pueros, aut in templis pro concione dicentium assidua hæc vociferatio: *Patere nunc demum nequitiam Jesuitarum diu teclum parietum custodiis. Relegandum extra diœcesis fines in malam crucem perditissimum hoc genus hominum; qui neglectis honestissimarum artium studiis, ad turpissimam ipsius mali genii doctrinam occultè alios, nequitèq; abducant.* Appellatur, urgetur magistratus: miscentur in circulis & vicis sermones: prospiciendum esse salutem publicam: curandum omnibus sedulo, ut nequam homines fictè tantum & fallaciter probi, diu celatæ improbitatis rei peragantur. Senatus post diuturnam disquisitionem, sed casso eventu adhibitam, consultius duxit, rem totam ad arbitrium quarundam academiarum deferre. Earum omnium, tametsi cum Luthero aut Calvino facerent, ideoque à Religione Jesuitarum dissiderent; mira tamen in hanc sententiam consensus fuit: re ponderibus suis examinata repertum nihil, quo inclinari possent ad gravius quidquam contra Patres statuendum: multò minùs, ut ad eorum propenderent opinionem, qui, post inustam ignominie notam, urbe & patriâ Patres ejectos cuperent. Nisi manus abstinerent ab omni violentia Patribus inferenda; linguamque à jaciendis probris: certè altiorum tribunalium justitiam brevi affore, ultricem poenæ immerentibus irrogata.

Ars magica ex alphabetaria summa ædis promanar in totum gymnasium.

Jesuitæ habentur auctores artis magicæ. turbæ & tumultus in urbe.

Annales iidem.

Consultatur academia Lutheranae quomodo Jesuitæ pellendi urbe, & ignominia afficiendi.

Respondetur pro Jesuitis. *ibid.*

Tam grato nuncio recreati Patres paululùm à metu respirabant; adversus inimicorum molimina hoc solo quidem, sed quod venusino Poëtæ validissimum est, muniti præsidio:

Hic murus aheneus esto

Nil conscire sibi, nullâ palleſcere culpâ.

Horatius Epist. 1.

Ne qua tamen nova rursus suspicio Patres tanquam sceleris illius fautores afflaret; invigilatum diligentius, ut, quibus hæc nota adhæresceret; quosque jam senatus nigro notarat calculo; deprehenſi è scholis ejicerentur. Vota deinde superis facta ad impetrandum malo radicibus evellendo coeleste auxilium; hac stabili à

Instituuntur solennes preces pro averſenda arte magica, *ibid.*

Pppp 2

Scho-

scholarum moderatoribus constitutâ lege; ut post finitas pomeridiano tempore in scholis literarias exercitationes quot diebus certæ (orthodoxi *Litaniae Lauretanas* vocant) obsecrationes in honorem Reginae coeli, malignorum spirituum domitricis, fierent. Eas cælum habuisse ratas, adolescentum perversorum fuga, metu divinitus injecto, docuit. Quare id gymnasium Hildesienſi in hunc usque diem, quo post centum triginta quinque annos hæc scribimus, solenne mansit, manebitque deinceps perpetuum. Æquior deinde animus magistratui utcunque placato rediit: Patribusque à turbis quies aliquantò major. Atque iidem hodièdum Patres in eadem urbe quotidianos in juventutis institutione labores solâ conscientia rectè factorum; atque mercedis æternæ memoriâ consolari pergunt: sæpe memores illius, quo justus Lipsius non rarò obtrectatores suos in ruborem dedit: *mibi sententia de me non nisi fertur apud me: nec quis sum, alium rogo. Interno isto iudice si probus audiam, quid addent aut dement mihi hi sermones?*

Lipsius
Cent. 1.
Epist. 77.

Obitus Jo-
annis No-
peli Lipſi-
diensis
Moshou.
in vita
Ulenberg.

Incidit in hunc annum improvisa mors Joannis Nopelii, viri in propugnanda Religione acerrimi: idque eo majori ardore, quo sæpius singularem illam sibi ob oculos ponebat felicitatem, quod, exactis pueritiæ primis annis, è natali solo vicinâ nobis urbe Lipſtadio divinâ quodammodo manu ad Ubios educatus in veram fidei lucem esset; popularibus præ se infortunatis plurimis, inque sua caligine etiamnum demersis. Vitæ integritas & eruditio parem ipsum amplissimis muneribus fecerant: dignumque, qui Cyrenensis Episcopatus infulâ donaretur. Quâ dignitate exornatus diu patriæ commodis inserviit, Pontificalia munia, vice Ernesti Archiepiscopi Colonienſis, obeundo.

Plurimum huic viro præcipuè Westphalia debet, quod profligato Truchſesio ad eam Calvinî facibus purgandam properârit; multisque sanctis, severisque decretis post institutam variis in parochiis synodum prolapsos mores ad meliora erexerit. Neque passus suam est deesse illis operam, quorum in gremio enutritus inter errores fuerat. His *Confessionem Ambrosianam* multo elucubratam studio transmisit: ut si eos non cogeret amplecti verum, saltem intueri. Pluribus aliis laboribus impigre perfunctus cum vicesimâ septimâ Decembris anni superioris, peractâ re divinâ, habitoque in paræcia ad populum sermone domum pergeret; fallente gressu per viam ex attrita glacie incertam, ac lubricam Coloniae in platea corruit, pede dextro in coxeridice ex illa prolapsione contuso, ac foedè disrupto. Nec diu fuit, cum illud Religionis columen vehementia dolorum planè dirueret; virumque optimum præmaturâ opprimeret morte octavo Idus Januarii, anno ætatis septimo, & quin-

& quinquagesimo. Certè si octogenario evasisset major; in deli-
ciis labor *illi et dolor pro augmento religionis fuissent.

Alio per hæc tempora spiritu agitabatur Mauritius Hassiæ Co-
mes provincialis. Non illi animus acceptam à patre Religionem
quovis modo tueri; sed ejicere, conculcare penitus. Felix con-
siliū: si eā ejectā antiquam aliam majorum suorum Religionem
ad avitas Hassiæ sedes revocasset. At quemadmodum via semel à
recto itinere devia, ut diutius teritur; ita longius abducit errantes:
non aliter Mauritius Lutheri vestigia secutus, nunc ex alio in alium
lapsus errorem; *tritā à Calvino in diversa abeunte viam ingre-
ditur: omnibusque Lutheranae sectæ primoribus (*Superintenden-*
tes vocant) Marpurgum accitis palam edicit: abundare errori-
bus *Augustanam Confessionem*; velle se, ut ex ea potissimum hæc tria
rescindantur:

1. *Sublatam voluit opinionem de præsentia Christi in cæna cum huma-*
na pariter ac divina natura.

2. *Auferendas è templis imagines contra Moysi decalogum à Papistis*
intrusas.

3. *Antiquandum morem utendi orbiculatis in cæna hostiis. Accum-*
bentibus mensæ Eucharisticae divisi panis fragmenta deinceps juxta usum
cœnantis Domini porrigenda.

Huic Landgravii decreto cum Marpurgensium in scholis, tem-
plisque doctores gerere morem, & populo promulgare detrecta-
rent; pertinaciæ poenas dedere, exilio multati: omnibusque ex
urbe profligatis, suffecti Cassellis Georgius Schönsfeldius, Zigen-
heimio Valentinus Schönæus, Wigandus Pfaffius; alique, pe-
nes quos summa rerum Ecclesiasticarum ex voluntate Mauriti erat.
Schönsfeldius ante alios præfidentior; minimèque dubius, varium
& mutabile vulgus facile ad nova commenta abiturum; xvi Au-
gusti de mutanda Lutheri doctrina pro concione verba facit. At
contrà, quàm opinabatur, adeo erroris tenacem, sibi que infen-
sum comperit auditorem; ut verbosè declamantem Schönsfeldium
aggressi, impactis pugnis unguibusque os opprimerent: eumque
& socios omnes verberibus ad livorem contusos præcipiti irâ ex ur-
be exegerint. Schönæus supra reliquorum fata durissime habitus;
idem ille, qui mercenariam *Truchsesio Coloniensem infelici Ar-
chiepiscopo in pervertendis Westphalis operam locaverat: famo-
sus à prima Werlis, & Geskenæ habita concione. Sed quod illis
in locis autem pro dictione minus imperiosè depoposcit, extor-
sitque; hic nolenti etiam, liberalius ferratis sudibus persolutum.
Mauritius temeritate populi commotior animum obfirmat, fran-
gere potius quàm corrigere, que in prævium obdurassent. Nu-

*in poen-
tibus
octoginta
anni. &
amplius
eorum la-
bor & do-
lor.
psal. 89.

*vide di-
cta ad ann.
1592.
Mauritius
Hassiæ
Landgravi-
us nunc forti-
us introdu-
cit Calvi-
nismum
in contin.
Cosmod.
Gobelini.
Kleinsorge?

*vide an-
num 1583.
pag. 491.

Mauritius
armis suos
cogit ad
Calvini
patria, &

me-

ipse populo
de Calvini
doctrina
conciona-
tur.

in appendi-
ce ad Cos-
mod. Gobe-
lini Klein-
sorgius.

*anno 1527
cepit Lu-
theranis-
mus in
Hassia,
Kleinsorgi-
ponit ejus
initia ad
ann. 1525.

*fuit Mar-
gareta de
Sala, vide
dicta ad
ann. 1540.
*cognomen
non addis-
scriptor.
Vide librū
de ortu &
ocasu Lu-
theranismi

pag. 110.
item vitā
Ulenbergii
pag. 15.

Cæsar pa-
ciscitur
cum Bost-
kaio, dein-
de cum
Turcis.
Bostkaius
mōritur.
Spond. in
constit. Ba-
rom. p. 948.

merofus igitur in urbem miles inducitur: & subito tubarum clangor acrius, quàm antè voces oratorum aures incolarum feriunt. Armis nudantur cives: atque ità inermis civitas Calvini legibus, & imperio violenter subiecta. Ipsum ferunt Mauritium ex suggesto Calvini laudes & dogmata prædicasse. Dubites, plūsne ferri, an orationis acumine valuerit? Quàm triste Lutheri fatum! tanto turpius ejecti, quanto præstabilius fuisset non admisisse hospitem, retentā veteri Romanā Religione; jam inde à Caroli Magni, ejusque filii Ludovici Pii ævo admissa ab Hassis: magnóque studio culta adusque tempora Philippi I. Hassiæ Landgravii, cognomento *Magnanimi*: qui novitatibus Lutheri pellectus pientissimi parentis sui Wilhelmi II. majorumque omnium * antiquare Religionem coepit. At quàm brevi consumpta novitatis gratia? Hujus enim Philippi, ex filio Wilhelmo IV, nepos Mauritius, ne uno quidem seculo disjunctus ab avo, Lutherum jam perofus se, suosque Calvinò addicit. Quid periculosius, quàm varietate delectari in negotio, ubi una, immutabilis, & æterna veritas spectanda? Non defunt tamen, qui Mauritium Landgravium non adeò temere egisse velint; odiūque adversus Lutherum concepti causam ex eo profectam asserant; quòd Mauritius indignabundo secum animo sapius expenderit: quàm turpiter olim Lutherus homo mulierofus suo (Mauritii) avo Philippo potestatem fecerit, viventi conjugii, & gignenti adhuc, aliam * thalami duplicis sociam adjungendi. Fœditatem illam inquirunt, quemadmodum id temporis * uni filiorum incitamento fuerit à Luthero ad Zwinglium abeundi; ità nunc induxisse nepotem Mauritium; ut lutulentam ejusmodi doctrinam aspernatus, puriora suo judicio Calvini dogmata amplecti maluerit.

Annus Christi 1606.

PAULI V. Pontificis	1. & 2.
RUDOLPHI II. Imperator.	30. & 31.
THEODORI Episc. Paderb.	21. & 22.



X perdita superiore anno urbe Strigonio, aliisque cladibus, Imperatoris animo fixus hærebat & vehemens dolor. Cùmque spes nulla fortunæ melioris affulgeret, rebus quotidie in deteriora labentibus: ad prævertendam aliarum urbium jacturam, necessum habuit confugere ad consilia pacis. Per quam postridie Idus Septembris initam Stephano Bostkaio, ejusque hæredibus masculis relicta est Transilvania; præter Hungariæ partem aliam à Sigismun-

gismundo Bathorio olim possessam. Idem pacis negotium quinto Idus Novembris coeptum cum Turcis, confectumque. Utriusque pacis conventa fusè narrat Joannes Palatius in ** Aquila Austriaca*. Inde Bostkaius quinto Kalendas Januarii tot manubiis dives prædator morti in prædam cessit, nihil ex tot spoliis ad manes suos ferens, nisi *caelestium inanem animam*. Ab obitu Stephani Bostkaii, finè mascula prole decedentis, Transilvaniæ possessio ad Rudolphum Cæsarem reciderat: à Transilvanis autem interversa, dataq; Sigismundo Ragotzio. Novum vulnus Domui Austriacæ. Sed, cui posteros mederi, voluit Rudolphus: tum quòd diffideret Ordinibus Imperii, adeò parcis in mittendis suppetiis: tum quòd fessus ipse senio, & tædiis ad pristinos bellorum turbines in extrema vitæ statione abripi nollèt.

Institutum anno proximo in hostili solo cursum Alberti Archiducis copiarum novo ardore prosequuntur. Eductus in expeditionem miles duce Terralio primâ aggressione Zutphaniam petit: in eaque provincia, postquam Bredevorda ad fines Monasteriensis agri pridie Idus Martias astu militari intercepta esset; arx ibidem situ, altisque paludibus munitior diu multumque labores oppugnantium exercuit, nec dolo, nec virtute expugnabilis. Interventu enim auxiliaris Hollandici exercitus ductore Henrico Naslovio abrupta arcis oppugnatio est: postque arctam obsidionem subita urbis deditio rursus extorta.

Plus virium, animique prodidit Ambrosius Spinola, gnarus & prudens feliciter auspiciis insistere. Is reversus ex Hispania post Flandriam, Brabantiamque probè communitam ineunte Julio in munimenta ad Rurordam properat. Ibi Comite Buquoio trans Rhenum ad exploranda hostium molimina, transitumque fluvii Wahalis tentandum relicto; ipse Locheimium urbem sibi expugnandam sumit. Quæ die vicesimâ Julii finè longa renitendi contentione sub jugum missa est: magno Westphalorum gaudio, cum affligi cernerent perniciosam sibi urbem; infame receptaculum nefariorum prædonum, qui diu crebris in Westphalam excursionibus ex rapto vixerant. Mox Grollam longè firmiorem majori nisu adortus Spinola, majus etiam bellicæ virtutis argumentum dedit, præsidarios mille, & quadringentos eò brevi adigens, ut Mauricii cum auxiliaria cohorte appropierantis adventum celeri deditione postridie Idus Augusti præverterint. Converso hinc itinere exercitum conjunctis Buquoii copiis validiorem, reflexit Rhenoberckam versus; in eaque urbe munitionibus, ac vallo è regione destructis, suffossisque; atque Hollandis ex insula Rheni in oppidum rejectis, pari fortitudine ac celeritate Kalendis Octobris rerum poti-

*Palatius
in Aquila
1.47. s. 2.

Bredevorda
capitur ab
Hispanis
sed brevi
rursus
amittitur.
Galluc. l.
18. pag.
349 & seq.

Spinola occu-
pat Lo-
chemium,
Grollam
Rhenober-
ckam.

Galluc. l.
18. pag. 363
item l. 19.
pag. 373.
item l. 19.

pag. 395.
Spond. in
cont. Ba-
ron pag.
948.

Theatrum
hist. l. 5.
pag. 125.

expugnatio
Rhenober-
cæ plus dif-
ficultatis
habuit.
Galluc. l.
19. fol. 396

Seditio Hi-
spanorum
ob stipen-
dia non so-
luta
Galluc. l.
19. fol. 397.
Mauritius
per hunc
Hispanorū
tumultum
recipit Lo-
chemium.
à Grolla ur-
be rejicitur
per Spino-
lam.

Galluc. fol.
395 & 393.
Helvicus
fol. 125.
Laus duorū
Comitum
Ritbergen-
sium.
Galluc. l.
19. fol. 971.
Hist. msf.

potitur. Celebrior fuit hujus urbis expugnatio, tum à numero cæſorum hoſtium ad quadringentos, tum à multitudine ſuperſtitum adhuc præſidiariorum militum. Tres enim equitum turmæ, cum ter mille peditibus egreſſæ ſunt: ita tanti herois nomine & famâ perterritæ, ut ſeſe dederint, antequam res ad triarios rediſſet.

Inde ad Meurſam ſubactis his urbibus adjungendam, facilis admodum & plana via erat. At ea nimium aſpera & difficilis videbatur Catholico exercitui ob attritas vires tantis porro ferendis laboribus impari. Neque per ſeditionem ab Hiſpanis rurfus concitatam eò progredi licebat. Cùm enim militaria æra in mora eſſent; nec rite ſtatis diebus repræſentarentur: miles ſtipendiis defraudatus non ſolum diſcordiis miſcere omnia coepit; ſed perfidioſo etiam aliquot millium transfugio hoſtium caſtra augere. Mauritius pro verſuto ingenio non ignorans, hebeſcere ferrum, dum illud aurum non acuit; occasione, quam in turbido luculenter videbat, nono Kalendas Novembres uſus, Locheimium milite ſordidiùs obnitente recipit; & per eaſdem ſeditioſorum turbas idoneum tempus recuperandæ Grollæ aucupatur. Jamque magna vis machinarum, trigefimâ primâ Octobris, urbi admota erat. At Marchio Spinola itinere inter varia cæli pluviæ incommoda per Monafterienſem Diœceſin maturato, feliciter cum hoſte congreſſus, machinationes omnes proturbat. Eo in conflictu die octavâ Novembris pars magna cæſi, pars in turpem fugam verſi.

Præcipuam ex Proceribus Weſtphaliſ laudem in hoc bello conſecutus eſt Joannes Comes Ritbergicus: idem ille, qui Theodoro Epifcopo noſtro duobus abhinc annis in edomanda urbe Paderbornenſi ſtrenuam commodaverat, felicemque operam. In his verò expeditionibus duplici famâ clarior. Præterquam enim, quòd Ambroſio Spinolæ ex Brunſwicenſis belli reliquiis diſperſè vagantibus collectam militum manum ſubſidio miſerat; ipſum etiam Comitum Joannem cum fratre Chriſtophoro Embdano in expugnatione urbis Grollenſis, decimo quarto Auguſti primos inter ductores armatâ manu duo propugnacula pulſis deſenſoribus conſcendiſſe, legimus; utrumque non mortifero quidem, gravi tamen & glorioſo vulnere cruentatum.

Ex his toties illatis acceptiſque cladibus, ex varia urbium alternatim expugnatarum fortuna, ex tam crebrò per Juliam, Ubiorum, Weſtphalorūque terras copiarum tranſitu magna ubique vaſtitas, & pernicies. Ante regiones alias triſtiùs afflicta, bonisque ferme omnibus everſa fuit Diœceſis noſtra. Malo huic occasionem dedit obſidio urbis Brunſwicenſis. Hæc enim, quòd Imperialium *urbium jura, indèque à pendendis Duci tributis im-

*alii aliam
cauſam af-
ſignant.
Vide Bu-
leng. Julii
Caſar.

muni-

munitatem obtenderet; gravissimam in se concitaverat Ducis Henrici Julii indignationem. Ille, quò certius urbs illa & validius ad obedientiam redigeretur, cum aliquot Imperii Principibus; atque in primis cum Danorum Rege Christiano IV. foedus pangit; socialia etiam Hollandorum arma invitans. ut circumfideri se urbs Brunswicensis vidit; atque omnia sibi indies arctiora fieri: urbium Hanseaticarum fidem opemque exposcit, ne sociæ urbis periculum negligerent. His urbibus ad subsidia omni celeritate ferenda jam accinctis, cum metus non inanis esset, ne utrimque nimium intensæ vires in nervum erumperent: adest Legatus Cæsareus, monet Henricum Julium Ducem; æquius visum Imperatori, ut, si quid cum urbe haberet controversiæ, cum ea jure, non armis experiretur. Eâ monitione Ducem, aliosque belli socios metu proscriptiois eò permovit, ut solutâ obsidione sub initium mensis Januarii inducias fecerint; sublato aggere, cujus objectu, qui urbem perfluit, flumen Occarus retrò adactus erat, vicos, plateasque omnes eluvione complens.

Promulgatis induciis, dum receptui canitur, ut suam quisque exercitus viam relegerent: Batavi proximam, quæ occurrebat, Dioecesin Paderbornensem mense Februario atrocitate tantâ percurrant, diripiuntque, ut nihil illâ spoliatus, nihil egentius. Obviæ quæque villæ prædis exhaustæ; abacta pecora; injectæ manus, inque miseram captivitatem abrepti homines. Miratus tantam barbariem Theodorus Episcopus per tubicinem sciscitatur; unde tantæ iræ, tantæ populationes? Id solum responsi datum: *Occisi consulis W'ichardii manes, ac profusum ab eo sanguinem flagitare vindictam: adesse se ultores justissimos necis per summam injustitiam illata. Ità parentandum innocentis viri manibus.* Quæ malum! isthæc peregrinæ gentis in alieno solo intolerabilis arrogantia! homines exteros in territorio alio, ubi nihil ipsis juris, se judices, seditiosi capitis defensores se jactare! ideòque populabundos irruere! id scilicet placidè ferrent Batavi! si eorum in provinciis tantum sibi auctoritatis & licentiæ sumerent Imperii Principes: utcunque specioso nomine facinus prætexerent. Mare cælo, summa imis movebunt prius, quàm ausa ejusmodi inulta ferrent! Et tamen Theodoro Episcopo tam iniqua audentium furor non placatè ferendus modò, sed etiam oblatâ vi magnâ pecuniæ placandus fuit. Crediderim sapientissimum Principem consultò hunc bolum objecisse; ne gens majoribus assueta spoliis Dioecesin totam planè pessunderet, integramque absorberet.

Neque aliud mense Junio iterata in Westphalorum fortunas incurso portendere & moliri timebatur. Expilatæ rursus villæ,

Q q q q

oppi-

Obsideretur
urbs Brans-
vicensis.
Julius Cæ-
sar Buleng.
Imhoff de
notitia
Procerum
S. R. I.

Dioecesis
Paderbor-
nensis dirè
affligitur ab
Hollandis.
Strange fol.
Julius Cæ-
sar Bulin-
gerus.
Vetus ms.
Hollando-
rum quæsi-
ta causa in-
vadendi &
vastandi
Dioecesin
Paderbor-
nensem.
ex archivo
Paderb.
Cath Eccl.
Hist Colle-
gii Paderb.

Spoliato ab
Hollandis
cœnobio
Bredelari-
ensi, ipse
Abbas cap-
tivus abdu-
citur.

Stangefol.

l. 4. pag. 94

Vetus ms.

* Abbas

Udalricus

Iserenhoit

electus an-

no 1593.

Abbas Bre-

delariensis,

latratu par-

vuli canis,

proditur,

delitescens

sub follibus

antiqui or-

gani.

Litteræ ex

Tabulario

Bredela-

riensi.

Theodorus

Episcopus

Dioecelin

suam variis

modis ad

opem è cæ-

lo contra

hostes pe-

tendam in-

stigmat.

ex literis à

Celsissimo

Principe

Neuhufsi

datis, quas

vide infra.

Theodorus Episcopus tam frequentes & acerbis patriæ afflic-
tiones intuitus, velut totidem divinæ iræ flagella, quibus superio-
rum temporum malitia, atque urbis Paderbornensis rebellio etiam-
num cæderetur: eò sanctiores curas vertit, ut subjectam Dioece-
sin crebrioribus hortamentis, largisque promissionibus ad iratum
numen ardentius colendum induceret. Quibus horis res divina
ad aram à sacerdotibus peragitur, ut frequentior in templo adesset
populus; certam pecuniæ summam, sed sequentium, opinor, an-
norum fatis ereptam, fidei quorundam & curæ credidit; cuius an-
nui proventus in pauperes erogarentur, certo numero designatos;
qui, sacerdote sacris operante, pro communi urbis, patriæ, ac Prin-
cipis incolumitate quovis die preces suas conjungerent. Litteras
ea de re à Theodoro Episcopo scriptas germanicè ità latinè verti-
mus.

Theo-

Proponentes nobis, atque animo sapius expendentibus; quantopere tripiat Pater misericordiarum & Deus totius consolationis aliorum benignitate miseriam pauperum sublevari: beatos pronuntians misericordes: quoniam misericordiam consequentur. Item sibi fieri reputans; quacunque uni ex minimis illorum fiant. Verba etiam Ecclesiastici: Ignem ardentem extinguit aqua, & eleemosyna resistit peccatis, saepe considerantes induciti sumus ad maiestatis divinae gloriam, pro levamento egentium, nostraeque caelestis gratiae egentis animae solatio perennem in omne aevum duraturam eleemosynam pro decem et octo pauperibus fundare. Assignamus in hunc finem sexies mille imperiales; quos Philippus Ludovicus Comes Hannoveriae mutuos à nobis sumpsit compromisso fœnore annuo trecentorum et sexaginta imperialium. Literas contractam à Comite obligationem testantes; relique totius curam committimus dilecto nobis Officiali et Abbati Abdinghoffsens cœnobii, ejusque successoribus. Rogamusque, ut diligenter invigilent, ne quid unquam de sorte siue summa pecunia intereat. Si quando contingat eam à creditore reddi: providè rursus exponatur fœnori, ut idem proventus annuus ad sublevandos pauperes expectari certò possit. Volumus autem, et ordinamus; ut hoc beneficio cujuscunque sexûs fruantur illi, qui Religioni Catholicae addicti, eandem quoque moribus et inculpata vitâ profitentur. Major tamen eorum habeatur ratio; quos senium aut languor malè affecti corporis lucrando panem inhabiles reddidit. Hos octodecim pauperes volumus quotidie simul eadem horâ congregatos interesse sacro Missae officio ab introitu ad finem usque: idque in templo fundati a nobis collegii PP. Societatis Jesu; ibi fideliter orare pro nobis et Catholicis nostris Majoribus; pro commissis nobis Diœcesi; ejusque universo populo; pro temporali salute et aeterna Catholica Domus Fürstenbergica, ex qua originem ducimus. Singuli horum pauperum quot diebus duos grossos lucrabuntur, erogandos à fido ad id ex gremio pauperum constituto dispensatore. Qui et quovis anno ipso Pentecostes die, aut paucis post diebus tenebitur praesente, quem nominavimus, inspectore et executore pauperibus rationem reddere; indicare, quinam et quoties absentes fuerint; aut subduxerint se sacro nondum finito: deferre eos, quorum vita minùs proba aut sceleris alicujus insimulata sit. His exclusis substituentur alii. Absentibus, nisi satis de absentia se purgaverint; et qui non fideliter integrèque preces suas persolverint; subtrahetur quotidianum lucrum, apponendum sorti; ut eâ crescente numerus fruentium pauperum crescere possit. Haec gratiosa nostra voluntas est. Iterumque rogamus dilectum nobis Officialem, et Abbatem cœnobii nostri Abdinghoffsens, ejusque successores; ut ne graventur hoc

Qqqq 2

Chri.

*Christiana caritatis onus in se suscipere : ut curent assidue, ne quo unquam casu, hominum iniquitate aut temporum hac ultima voluntas nostra interciderat; aut applicata pauperibus juvandis pecunia alios in usus avertantur. Et ut hac autoritas nostra largitionis firma stabilisque permaneat, presentes literas manu propriâ subscriptas, sigilli nostri impressione corroboravimus. Dabantur in arce Neuhusana ipso Pentecostes**

**incidit eo
anno festū
Pentecostes
in 14 Maji
sub litera
Domini-
cali A.*

THEODORUS Episcopus. (L.S.)

*Consecra-
tur sacel-
lum Roma-
num.
Annales
Collegii
Paderb.*

*Verba Cel-
sissimi Epi-
scopi.*

A filio ad matris opem poscendam se confert pientissimus Princeps. Sacellum huic Virgini sacrum ad occidentem extra muros situm, ut ex ruderibus & ruina ad meliorem speciem resurgeret; nullis à Theodoro Episcopo sumptibus paritum, meminimus anno proximo. Hoc demum, ne quid ad solennitatem, & promovendum Virginis cultum deesset; quarto Idus Septembris illud à Monasteriensi Proëpiscopo Godefrido de Mirlo ritè initiari voluit: annuo vectigali addito, quo omnia ex præscripto Romanæ Ecclesiæ ad rem divinam decentiùs peragendam necessaria comparari possent. Sacelli deinde possessionem, Patribus Societatis JESU traditam, munitis, appenso sigillo subscriptoque nomine, literis confirmat. In his ille graviter deplorat sacelli *reditus incuriâ* et malitiâ temporum suppressos atque expilatos esse*. Tristiore certè in modum, nisi jam tristitiæ sensum inter cælites amisisset, deploraturus esset novos paucis ab obitu annis exortos hostium furores; quibus & munificentia ejus, nova præda fuit.

*Viri nomen
& annus
prodigii,
scriptorum
incuriâ in-
terciderunt.*

*Origo Ro-
mani sacelli
unde statua
miraculosa,
unde sacel-
lo nomen,
Roma.
Annales
Societas
Jesu.*

Juvat nunc hujus sacelli nomen, ejusque originem paulò altius repetere. Fuit olim auriga quidam ** isque civis Paderbornensis*; qui in ducendo curru incautior, puerum temere obviam venientem, actis per corpus rotis, imprudens insciensque obtriverat. Hominem hunc rectum & simplicem, ad poenas piaculi, quod præ tenerioris conscientiae cruciatu commissum opinabatur, subeundas, ultro se iudicibus stitisse ferunt: etiam atque etiam obtestatum; fatalem justitiæ sententiam in se ferrent. Qui pro tribunali sedebant, mirati tam insolitum animi candorem; postquam re expensâ casum fortuitum intelligerent, malitiæ expertem; monitum de incogitantia, lenitèrque increpitum impunem dimittunt. At ille veritus, alia sæpe in supremo illo, minima quæque perspicientis cæli foro, judicia esse: fixum habet, quid quid culpæ à se etiam imprudente & iudicum oculos fugiens, contractum, voluntariis afflictationibus corporis plectere & expiare. Igitur Virgini Deiparæ peccantium communi refugio juratâ spon- sione se obligat ad statuam ejus ferendam pedestri itinere Romam usque:

usque: indēque in natale solum ad usque urbem Paderbornensem reportandam. Mox statuam pro tenuitate opum haud magno sibi comparat: eāque majoris ponderis, quam pretii sarcinā onustus se viæ committit. Quā quā iter facit; inter singultus ac ploratus lacrymis vestigia notat. Romæ provolutus ad pedes Pontificis, suōque multum illacrymatus delicto: impetiri absolutionem sibi, statuamque sceleris expiandi causā asportatam petit à summo in terris Christi Vicario solenni precatione lustrari. Pontifex hominis innocentiam demiratus, eum votorum compotem, & fausta cum prece dimittit.

*Liber de
satelli ori-
gine typo
editus aō
1691 ex re-
latione ju-
rati Nota-
rii.
Historia
Paderb.
Atlas Ma-
rianus.*

Hic ille triumphans gaudio nihil præ lætitia oneris sentiens, citra ullam corporis defatigationem longam ac difficilem viam relegit: illamque haud multo dierum intervallo permensus eodem, ubi contusus puer fuerat, loco reponit: animo jam tranquillo, missisque è cælo consolationibus affluens. Postquam piis animi motibus tantisper indulserat, effigiem reverenter amplexatus, movere de loco studet, ad pauxillum reliquæ viæ in usque urbem Paderbornensem conficiendum. Ateccet tibi! gravissimo jam pondere resistit homini in brachia eam sustollere conanti. Auriga id aliunde evenire existimans; tēque, quaterque vires suas experitur. Sed incassum conatus omnes. Statua quasi clavis trabalibus loco affixa hæret; nullis inde viribus movenda. Rei insolentia perturbatus homo descendere in se; pervestigare, num quo novo rursus errato ultra cum sacro hoc thesauro progrediendi, gratiā excidisset. Re interim à prætereuntibus ad urbem perlatā magistratus mittit, qui lacertis, & robore valentes in tollenda effigie extremas vires periclitentur. His pariter movendo oneri imparibus portenti quid subesse: cælique Reginam ad dispensandas gratias hunc sibi locum delegisse, rati: institutā solenni supplicatione eminentem colossus asportant; terræque defigunt. Hujus in apicem statua haud difficilè elata fuit: servitque hæc porrecta in altum columna publicæ sub dio venerationi: dum pluribus post annis pia quorundam liberalitas ad sacellum, in quo magis honorificè prodigiosa imago coleretur, extruendum opes, & animum adjicerent.

Hæc de Roma nostra veteribus tabulis consignata habemus ab Henrico Politoris scriba publico; qui *Ferdinandi Episcopi* jussu decrepitos quosdam seneciones juris jurandi religione ad ea edicenda adegit; quæ vel oculis, vel auribus, pro longæva ætate, à majoribus de sacelli hujus origine acceperant.

Nomen sacello hæsisse vel ab urbe Romana volunt; vel à sacelli præside, sacra olim in eo ministeria obeunte. Hunc enim, quod

*narratam
historiam
Henricus
Politoris
Notarius à
testibus de
visu &
auditu ac-
ceptam re-
tulit.*

Sacellum,
Roma, di-
ctum, pu-
tant aliqui,
à Romana
urbe, unde
statua af-
portata, ali-
qui à facel-
lano, quòd
habuerit
potestatem
absolvendi
à peccatis
Pontifici
reservatis.

*Auctores
iidem.*

*anno 1598
magistrat^o
Lutheran^o
proscriptus
à Cesare,
& rebellio
suppressa.
Typogra-
phia West-
phalia
Matthai
Merian.
Diffidium
inter Aquis-
granenses
& Ducem
Juliz.
Molimina
hæreticorū
ibidem.
Teschenn.
p. 2. f. 343.
Petrus
Beeck de
origine &
incremento
civita-
tis Aquis-
gran.

quòd peculiari Pontificis gratiâ, id temporis infrequente, paucisq; concessâ, absolvere quosvis poenitentes posset ab iis etiam gravioribus peccatis, quorum ceteroqui absolutionem Pontifex ipse suo tribunali reservat; joci causâ Papam Romanum passim appellatum esse. Sed omnis hujus rei certa memoria planè interiit: sicut & ipsum sacelli satis amplum, & dives sacerdotium; Conrado Ekelendorff ultimo possessori anno MDXXIX ab Erico Episcopo datum; tanquam *insignis*, ut veteres tabulæ loquuntur, *literaturæ præmiū*. At postea in profanos usus aversum est. Hoc sacellum quàm opulentum olim & ornatum; tam miserum & desertum ad Theodori Episcopi tempora pervenerat: ut is piâ quadam jactatione *gloriari in Domino* potuisset; se suam ad Paderæ fontes Roman; quam ne *lateritiā* quidem, sed luteam, & ligneam invenerat, si non *marmoream*, certè solidam de lapide parabili structuram *reliquisse*.

Non eadem hoc tempore studia propagandæ religionis fervebant Aquisgrani. Erat urbs ea tumultuario aliquot abhinc annis bello implicita: jamque ab octennio* se turbis evolverat, quiete & pristinâ fruens libertate orthodoxæ Fidei redditâ. Eam evertere hoc anno occultis artibus connituntur turbulenta quædam capita; quæ in diversis tribubus intra moenia clām perstitierant, lenitate, an incuriâ eorum? quibus id temporis integrum erat, omnibus diversæ religionis sectatoribus urbem prorsus expurgare. Hæ sub dolofo cinere gliscentes scintillæ, quò tutiùs in apertum aliquando incendium erumperent; sibi in creatione magistratûs adjungere quorundam Catholicorum benevolentiam student, publica illis munia unanimi suffragatione deferendo. Indè audaciores non nihil tentandum decernunt: erupturi copiis omnibus in loco; sed incerti adhuc, quæ machinæ primùm adhibendæ. Visum pluribus, jacienda esse primores inter & populum semina discordiæ. Nihil fore hac viâ tectius, aptiusque ad insinuandum se in dissidentes civium animos. Itaque in clandestinis coitionibus insidiosî sermones sparsi de senatûs in plebem; de plebis in senatum malevolentia. De supprimendo jure; quod Dux Juliensis in urbem *Advocatiæ* titulo arroganter sibi vendicatum iret. Et jam eò incensi animi; ut Joannis Guilielmi Juliz Ducis conjugis Antonizæ Lotharingicæ multo comitatu portam Borscheidtianam subeunti, magno numero occurrerent minitabundi cives: *reflexo carru viam, unde venisset, relegeret ocyùs: alioquin daturam pœnas, quòd ausa sit prærogativâ quadam se eximere à communi lege, quâ nemini liceat, nisi obtentâ priùs à senatu facultate, urbem Aquasque ingredi*. His comminationibus insuper habitis, cùm satellitum nobiliūque, quæ Principem affectabatur, turba admissis equis civium cuneum percurreret;

peret; acerrimè in progredientes depugnatum. Ferro, bombardis, fustibus lapidibusque obluctati cives tam graves iras exercuerent, ut ipsa Princeps multitudinis furori contortâ rhedâ cedens, vitæ periculum ægre evaserit. Urebat vehementer Joannem Guilielmum Ducem injuria conjugii illata; & illata ab urbe, quam sibi obnoxiam haberet. Nec dubitavit ultionem opprobrii ab armis reposcere. Scribitur in vindictam miles. Viæ circum undique in civium peregre abeuntium direptionem obsessæ omnes. Urbs ipsa intercluso comœatu, omnibusque molendinis ex aquarum obstructione languentibus, ad rei cibariæ inopiam redacta: hæreticis clam in sinu eo magis gaudentibus; quo plus spei ex tempore tam turbido affulgebat telæ, quam ex insidiis exorsæ erant, pertexendæ. Hujus bellici tumultus exitum annus proximus insequens narrabit.

Præter has turbas gravioribus aliis per omnem vitam obrutus sæpe fuerat idem Joannes Guilielmus Dux Juliæ; jamque tædiis, senio, & morbis fatiscens vergere ad finem vitæ, etiamnum improlis, videbatur. Inde omnium tam patriæ, quàm pervetustæ familiæ bene cupientium eò vehementior sollicitudo; quò metus gravior, ne hærede masculo vacuæ ditiones competitoribus fierent altercationis bellique irritamentum. Igitur arcendo huic impendenti malo indicta Essendiæ Procerum comitia; in quibus unâ omnium consensione sancitum: si Superis fortasse visum, hærede provincias destituere; earum partitionem conjunctis viribus & armis impugnare: nullum populum, urbem nullam seorsum ulli auxiliaturum candidato; qui soluto ditionum vinculo divellere aliquid, aut partem sibi præripere machinaretur. A consiliariis Ducis Juliæ deinde propositum cætui congregatorum fuit: magnum in eo boni publici, & pacis servandæ momentum fore; si ad omnes, qui quovis nomine sibi juris aliquid in has ditiones assertum cuperent; mitteretur, qui ex voluntate Cæsaris denunciaret; ab obitu Ducis sinè prole decedentis controversiam, si qua inter competitores oriretur, æquissimorum judicum arbitratu discernendam. Antehorum decisionem nihil tentandum in provinciis. Hic vehemens sententiarum conflictus, aliis aliò inclinantibus. Ratam demum habuere legationem Ordines; modò ipsos inter & Ducis consiliarios divisum foret in interregno regimen: nec ii soli, qui à consiliis Duci essent, rei summam tenerent. Id verò cum præfractè nollent omnes; quos Cæsar & Guilielmus Dux publicæ rei moderatores præfecerat: altercationibus consumpti comitiales dies sinè ulla difficultatibus data luce occiderunt.

Aquisgranenses Joanni Wilhelmo duci Juliæ, Cliviz &c. insulant.

Antiores iidem. supra adducti.

Comitia Procerum Juliæ Cliviz &c. de inveniendis mediis, quibus consulatur patriæ, si fortassis Dux sinè prole moreretur. Comitiorum exitus. Cur irrita fuerint. Hist. ms. Teschenm. ad hunc annum.

Expun-

Moritur
Arnoldus
Comes

Bentheimii,
Tecklen-
burgiStein-
furti, Lim-
burgi ad La-
nam primū
Lutheranus
post Calvi-
nista, gym-
nasii Stein-
fordiensis
conditor.
Stangefolt
Imhoff de
notitiis

Procerum.
ms. vetus.
**parte 1.*
hist. Eccl.
pag. 784.
**Hamelm.*
ibid. pag.
785.
**Hamelm.*
hoc obscure
innuit
part 1. hist.
Eccl. pag.
788.

Arnoldi
Comitis
Bentheimi-
ensis &c. in
sacras ima-
gines injus-
tiosi pœna.
Vetus ms.
Joannis
Turckii.

**Imhoff de*
not. Procer.
l. 9. c. 1.
**alii Fridericum Lu-*
dovicum
vocant.

Expunctus hoc anno Arnoldus Comes Bentheimii & Tecklenburgi &c. è numero vivorum, non item è Calvinistarum fastis. In his immortalis nomine & multis in cælum laudibus effertur, quòd ex Westphalorum dynastis omnibus ipse primus Calvinii dogmata invexerit in Westphaliā. Meliorem ipsi laudem Hamelmanus* scriptor Lutheranus his verbis tribuit: *Vir erat naturā pius, et ex sancto zelo Pontificiæ Religioni deditus.* At depravatus postea per concionatorem aulicum Joannem Loënum* mendaciis ejus & technis, quibus inspersum dictionibus suis venenum tegere primum, & nescientibus propinare scivit. Infecti statim in aula quàm plurimi: Arnoldo Comite adhuc novitatis virus respuente. Quare Loënus more serpentis, qui antè Evam, quàm virum in paradiso dolosè aggressus est, ad conjugem Magdalenam (Hamelmanus Walburgem vocat) fallacibus escis decipiendam se vertit. Eā brevi inescatā protinus & Arnoldum Comitem pronum habuit ad comedendum de fructibus Lutheri. Verum paulò post aperti sunt oculi Comitis: vidensque Lutheri vanitatem auribus illam & animis averfatur. At heu dolor! parum profuit aperuisse oculos. Proscripto enim Luthero secutus Calvinum* itidem cœcum ducem incidit in profundiorē foveam, in novos errores, gymnasio ad eos latius disseminandos Steinfurti, haud procul à Westphalorum Metropoli, sub annum superioris seculi nonagesimum erecto; idq; ad perniciem confinium in urbe Monasteriensis scholarum: ibi enim, cùm magna discipulorum celebritas esset; incauta juventus doctrinæ mollioris ostentatione facilius Steinfurtum pellicienda, sperabatur. Et jam hæreditarias ditiones omnes rejecto Luthero ad Calvinii partes coëgerat, imaginibus è templis, ceterisque omnibus locis Calvinianorum more abolitis, profanatisque. Restabat in oppido *Lengerte* divæ Margaritæ Virginis & Martyris incisa saxo effigies: cui tanquam tutelari Patronæ olim multi honores habiti. Comes faxeam molem jubet tanquam inutile pondus ex altari in terram proturbari. Tergiversantibus oppidanis ipse Comes statuae sacrilegas manus affert; deque altari revulsam afferri per satellites curat, in commune pagi lavacrum demergendam. Sensit illico ultores superos. Manus ut applicitæ fuerant isti statuae; obstupescuntibus contractæ nervis, detortæque facti pœnam usque circumtulerunt, dum tertio Idus Januarii sub anni hujus initium finis calamitati morte daretur. Ab excessu patris* patrum possessionum facta partitio inter filios. Ex his Fridericum* Ludolphum eadem pravitate corporis laborasse, confirmatum habetur testimonio viri nobilis fide dignissimi; cui vetere junctus amicitia Ludolphus non rarò questus fuerat; suarum, quibus captus

tus esset, manuum triste vitium in se à patre transfusum.

Nihil de hac cælesti vindicta meminit Hamelmannus: at tantò verbosior in narrandis figmentis alijs. *Idolon*, dicit, *Margareta sacrum in pago Vengerick fuisse. Deprehensumque dolum sacrificorum, Hamelm. quasi coram vulgo statua sudorem emitteret, artificio quodam tale quid ad pag. 349. decipiendum vulgus adornantium. Neque ad hoc idolon aliter, quàm ad oraculum Delphicum concurrisse populum.* Tandem ereptum ex oculis hominum; prostratumque non ab Arnolfo, sed Conrado Comite Tecklenburgico & Lingensi. Inde triumphum plausu ingenti celebrat: advocatque in auxilium poetam Joannem Pollium, qui heroi tam egregio Epinicium canat. Vulgares * & proletarii ^{*vide illos loco citato.} versus sunt: nihil poetici nitore habent; nec quidquam virium ad obliterandam memoriam tam tristic rei, quæ illustrissimam Comitum Benthemiorum familiam, pessimorum hominum consilijs ad pejora inductam, afflixit. Fortunatiores olim; atque à Divorum cultu celebres primi harum regionum Comites: interque eos cum primis Sophia Ottonis * (qui misso Tubantino nomine primus se Comitem Bentheimii scripsit) soror à Sanctorum veneratione memorabilis; atque à votivo itinere tertium Hierosolymas instituto his * versibus posteritati commendata:

It proci ad Solymas mulier, trans Ilion uxor;

Imbellèmq; Asia suspicit ora nurum.

Excidimus jam laude viri: si femina Christi

Ter bustum querit, quæ manet umbra viros?

Eodem hoc anno justus Lipsius morte extinctus est celeberrimus, & superioris seculi literatorum lumen. Is olim apud Ubios* in gymnasio Patrum Societatis JESU scientiarum alumnus, jam tum semina jecit frugis post enatæ, cujus ubertatem * complures multis passim laudibus exornarunt. Secus quàm recentior quidam * laudum ejus obtrektor: qui libello nuper in lucem dato Lipsium invidiosè criminatur, tanquam Proteum, varias indutum figuras, omnium horarum, & religionum hominem: aliàs Jenæ in Thuringia Lutheri, Calvinii aliàs in Hollandia Lugduni Batavorum perionatum se affecclam tulisse. Pluribus insuper superstitionibus, simulationumque involucris tectum toti illuisse mundo. An turrior viro tam gravi, & innocenti macula aspergi ulla potest? sed quæ à vento facile diffabitur, decidetque, quando in nulla prorsus à scriptore adducta probatione innititur. Equidem nemo inficias iverit, Justum Lipsium reprehensione temeritatis non carere, quod ab Hollandis ob eruditionis famam accersitus, publicè docendi munus Lugduni Batavorum non sinè gravi Catholicorum offensione suscepit. At inde continuò arguere, quis ausit? incidisse ipsum in

R r r r

deliria

*vide illos loco citato.

*Bentheimenses olim dicti Tubantes. *vide Hackenbergii de origine Germanor. & Suedor. maff de notis. Pro-

cer. l. 9 c. 1. *missus Colonia anno 1563.

*Chapeauville in vita just. Lipsii à Miræo edita.

*Christiana Jöcher historiar. Lipsia Professor edit. libram 1733.

Moritur hoc a. d. just. Lipsius. Defenditur vita ejus contra calumniatores

*ex literis
à Lipsio
Moguntia
datis 14.
Aprilis an-
no 1591.
*obiit Lo-
vanii die
23 Martii.

deliria Calvinī; aut ficto ea animo popularis auræ gratiā propugnasse. Quanquam naufragii periculum non leve fuerit. At eo per Delrii viri sapientissimi, quocum vetus ipsi necessitudo erat; consilia tempestivè discusso, ad tutiorem portum in patriam *religatâ apud Hollandos uxore & familiâ se recepit. Exinde reliquum vitæ in Christianæ pietatis cultu & otio erudito positum. Quàm sanctè ritu Catholico ad mortem compositus decesserit; abunde narratum ab aliis. Juvat *ultima morientis verba repetere: oculis manibûsque in cælum sublatis: *O Mater Dei, inquit, ad sis famulo tuo cum tota aternitate decertanti: Nec me deferas in hac hora, à qua pendet aeterna anima mea salus.*

Inaudita
tempestas
ferè totam
Europam
affligit.
Chytræus
fol. 115.
Hist. ms.
Stange fol.

Ad tanta hoc anno hominī ab homine illata mala, accessit alia ab irato cælo immisssa calamitas. Sexto Kalendas Aprilis feriâ secundâ Christo resurgenti sacrâ sub meridiem tanta ventorum vis repentino motu exorta est, quâ post hominum memoriâ violentior extitisse vix ulla memoratur; fastigiorum domuum, turriumq; dejectu, evulsarum sinè numero arborum strage per omnem Europam perniciofa: quin & funestissima fuit interitu plurimorum hominum, quos de via sublatis, inque gyrum ludibrii instar circumactos per aërem sepositis in locis terræ allisit. Multa insuper narrant integra oppida, pagosque in Ducatu Clivenſi suis dimota sedibus corruisse, obtritis hominibus & jumentis. Exinde continuis per æstatem pluviis ac inundationibus & vineæ & agri corrupti, tenues fructus tam vindemiæ, quàm messi immaturos dedere; spicis & uvis nimio frigore perustis, emortuisque. Terrorem ex hac cæli inclementia incussum non parùm auxit sexto Nonas Octobris horâ primâ pomeridianâ Solis tanta defectio, ut plerisque in locis die in noctem verso mercenariæ operæ, ex agris in domos profugæ, turbatas naturæ leges inclamarent; ipsi etiam palcentium pecorum gregibus præ horrore obstupefactis.

Paderbor-
nenses ter-
rentur mirâ
nube per
aërem ap-
parente,
in contin.
Cosmod.
Gobelin.
Episcopus
Theodorus
lenius pro-
cedit cum
suspectis de
hæresi.
Hist. ms.

Alio jam antè metu decimâ sextâ Februarii perculsa hæc urbs Paderbornensis fuerat. In aëre visa nubes variis primùm coloribus distincta: mox atrato luridoque; demum colore igneo, multisque dejectis in terram flammulis horrida. Non una inde divinationum materies. Qui ex colorum varietate variam, disparémq; rursus intrâ moenia aliquando fore religionem; ex eaque fatum aliquod reipublicæ ominabantur, graves concivere motus in complurium animis, tam futurorum, quàm præsentium malorum formidine suspensis. Princeps tamen, ne quid sibi, tanquam hostile aliquid adhuc molienti, diffiderent cives; militari eos onere immunēs deinceps voluit: atque urbis custodiâ civibus concreditâ Principis miles ab excubiis aliò migrare jussus. Neque consules, quos suspi-

suspicio erat hæresin ore tenus abjurâsse tantum, animo reconditam fovere; Princeps loco aut officio movendos censuit; ne Religionis fervore vicinorum in se Principum animos incenderet; intraque urbem gliscenti adhuc igni affunderet oleum.

Annus Christi 1607.

PAULI V. Pontificis 2. & 3.
 RUDOLPHI II. Imperator. 31. & 32.
 THEODORI Episc Paderb. 22. & 23.



Hoc anno Archiduci Alberto inducias pacemque petendi necessitas imposita, tum à seditione ac tumultu militum; quos parca rursus stipendiorum solutio ad prædas, & in furorem verterat; tum à Batavis terrâ, marique grassantibus; eoque navalium expeditionum felicitate jam progressis, ut Hispanicam classem in ipsis freti Gaditani faucibus hoc anno adorti profligaverint. Missi in Hollandiam, qui de Alberti mente ad Ordines referrent; suâ dexteritate & solertiâ inflexere foederatorum animos ab armis ad inducias; atque ab his ad pacis tractationem: cujus initium, ne quâ hostili offensione impediretur, armorum cessatio *pari utrimque consensu in menses octo sancita. Albertus ut Mauritium beneficio aliquo delinitum, sibiq; conjunctiorem haberet; ultro illi Cracaviam comitatûs Meursensis arcem cedit, eidemque toti extra Belgii limites in fundo imperii sitæ ditioni ab hostium incurfu & injuriis securitatem pollicetur. At tantò postea acerbior Albertus in seditiosos milites. Ut turbidum tot hucusque malorum fontem obstrueret; omnes seditionis unquam in castris concitatæ authores; ejusque flagitii quovis modo rei publico edicto, omni sublatâ cunctatione, *in exilium pelluntur: poenâ capitis constitutâ in eos, qui amplius viginti quatuor horas in ditionibus Belgicis hæreere ausi essent. Hoc ense illud *inmedicabile vulnus rescindendum* erat.

Albertus Archidux inducias paciscitur cum Hollandis.
Spond. in contin. Baron. f. 949. Stange fol. Haraus Gallus. & alii.
 *mense Aprili Spondan.

Pœna seditiosorum militum in castris Alberti.
*Gallus. ad hunc ann. fol. 417. Haraus. *24 Decembris.*

Quas modò memoravimus belli ferias; bis mille Batavi equites viginti in turmas distributi prædatoriâ in Westphaliâ excursione mense Februario præverterant, tam latè per omnem Ducatum, quàm impune prædis, cædibus, incendiis grassando: ut gentem, crederes, ab omni humanitate relictam ex ultimo barbari orbis spoliario prorupisse. Sacra, profana, publica, privata, sursum deorsum versa. Villicorum præsertim & religiosorum ruri indefensis domibus ingens illata vastitas. Populata afflictâque omnia. Demum oppido, cui *Salve* nomen in tractu Angariæ penitus in

R r r r 2

cine-

Hollandi
Westphaliae &
Dioecesis
Paderbornensem
crudeliter
devastant.
Stangefol.
in summa-
rio circuli
Westph.

n. 1. & 2.
Kleinsorgs
*Delbrun-
geneses ex
Bructeris
ori. vide
mon. Pad.
pag. 58. 59.
*vide an-
num 1604.

Theodorus
Ep. arcem
Wewels-
burgensem
anno 1604
à funda-
mentis in-
choatam
hoc anno
absolvit.
Monum.
Paderb.
fol. 230.
*Zwang-
Dienste.

*ad 1646.

Descriptio
arcis We-
welsbur-
gensis.
Monum.
Paderb.
Horrien in
panegy.
Paderb.
*alloquitur
poeta Theo-
der. Ep.

cineres redacto; direptoque Ohlinghusano coenobio, praeda jam aliàs degustatae dulcedine laceffiti ad expilandam Dioecesis Paderbornensem feruntur: ubi maxima rursus vis praedantium in miseros agricolas; atque ex his praeter ceteris in Delbrugeses incubuit. Praeter abacta jumenta alia coacti sunt equos magno numero abreptos caro redimere: duobus praeterea imperialium millibus ad saturandam eorum rapacitatem oblatis. At hoc exiguum nimis praedatoribus visum, & illiberale munus. Afferentibus illud pro honorario redditum tergus bene depexum; cum hac inter acerrimos ictus exprobratione: *sordidam esse gentem et stupidam; quae gratiori animo reponere in beneficii loco nesciat, secum tam benigne actum esse.* Haec lenitas latrocinantium est: videri misericordes volunt, quando ablatis omnibus peram inanem, & vitam viatori condonant. Neque animus erat Delbrugesibus, genti aliàs pugnacissimae veterem Bructerorum *fortitudinem hinc rursus periclitari: quippe territi adhuc infelici nuper cum Hispanis congressu; à quibus inflictae illis plagae *nondum coaluerant.

Theodorus interim Episcopus ac Princeps noster; postquam anno prioris seculi octogesimo nono ad Dioecesis suae fines profectus, summam ter mille quingentorum sex & triginta aureorum Rhenanorum Dynastis Bürensibus numeratam, Wewelsburgum Ecclesiae Paderbornensis patrimonio recuperasset; hoc itidem anno arcem Wewelsburgensem, cujus fundamenta triennio abhinc jecerat, sex & triginta millium nummorum imperialium sumptu (vecturas, operasque, jure *angariarum praestitas in rationes impensarum non referimus) ad fastigium perduxit, artificiosam triangulum exhibente formam, & tam magnificam, ut teste quodam de gente Suecorum non ignobili viro; cujus ex ore id audivisse se Schatenius notatum reliquit, universum Sueciae Regnum nullam illi parem; nedum augustiore specie arcem id temporis habuerit. Excisa quidem postea, & per Gothos* absumpta flammis arx illa fuit aliqua tamen tam sumptuosae & elegantis aulae utcunque imperfecta adumbratio in his versibus extat:

-- *Wewelsburgi solido domus ardua saxo*
Nubila sublimi culmine saxa ferit.
Hæc olim à priscis (fama si credimus) Flammis
Post varios dominum Te sibi legit heros.*
Nunc te digna domus: sed erant mapalia nuper;
Pæne ruinoso semisepulta situ.
Circum Chaonia texunt umbracula quercus;
Sylvæque vicinas occulit alta feras.
Quasque sub hospitibus celat frondentibus arbos;
Plurima lascivo gutture vernat avis.

Aliud

Aliud hoc anno Ludovicus Darmstadii Princeps musarum non incelebre domicilium tradendis omnibus scientiarum artibus constituit Gieslæ in præcipua ejus ditionis urbe. Atque ut labem Luthero ex vicinis Cassellanis ditionibus per Mauritium Hassiæ Landgravium ejecto aspersam nonnihil elueret; neminem in hac Academia voluit Doctorum subsellia, aut docendi munus adire; nisi qui in Lutheri institutionibus diligenter versatus, ejus doctrinam cum juris prudentia sociasset. Post impetrata à Rudolpho Cæsare privilegia solenni eorum promulgationi octava dies Octobris dicta: literatis circum viris, Principis invitatu, ad hanc solennitatem affluentibus. Invitationis programma Chytræus prolixè adducit.

Gravioribus per id tempus curis distinebatur Rudolphus Imperator. Is certior factus Turcos rursus in bellum apparatus fieri; veteresque rebellium Hungarorum turbas recrudescere: ad copias auxiliares ab imperii Ordinibus poscendas Ratisbonam comitia exeunte anno indicit, à Præside Ferdinando Archiduce vicariâ potestate gubernanda; ipso Rudolpho Cæsare jam per devexam ætatem publicis negotiis non satis idoneo. Ejus vero absentiam audaciores Calvinistæ, postulationibus obfirmato animo refragantur: comitiisq; proximum in annum inaniter altercando extractis præfractè contendunt; se prius ne unum quidem militum manipulum duros; quam Imperatoris animum in *postulata sua facilem ac benignum haberent; atque in primis æquum & placabilem Donawerdæ civitati: utpote cui poena turbatæ pacis Religio- sæ nullo merito *irrogata esset. Adeò debile in ea perversitate temporum erat Cæsaris imperium, & quasi precaria authoritas. Læti hac pervicaciâ Duces & *capita factionis Calvinisticæ & tanquam nacti occasionem commodam pariendi aliquando, quod jam diu parturiverant; paulò post Aschusium conveniunt, ad nihil minus, quam ad Cæsaris, Germaniæq; salutem intenti. Omnes ibi ab aliis negotiis curas avocant ad excudendam famosam illam *sermonem*, quæ in assiduis occultisque coitionibus, Procerum nuptiis, natalibus aliisque conventiculis, multo labore fabricari coepta.

Libet rem paucis repetere. In comitiis Augustæ Vindelicorum celebratis, lapso *seculo in illa Religionum rerumque omnium confusione; cum post longas acrésque disceptationes, Imperii Ordines ægrè admodum reduci tranquillitatem publicam posse, nisi duarum Religionum permisso, viderent; comitali sanctione data omnibus libera optio, utram amplecti Religionem mallent, Catholicam an *Augustana Confessionis*: ceteris extra has duas cum

Cal-

Ludovicus Darmstadii Princeps
author Academiæ Gieslæ.
Chytræus fol. 125.
Stange fol. fol 94.
Rudolphus Imperator comitia celebrat Ratisbonæ sed inutilia, nil subsidii contra turcas obtinet.
Helvic. in theas. hist. univers. l. 5 pag. 126
*Helvici ea narrat ad an. 1608
*Palat. in Aq. Aust. narrat fuisse pœnas & tumultus urbis Donawerdæ
*Frideric⁹ IV Elector Palatinus Christian⁹ Princeps Anhaltin⁹, Joachimus Ernestus Brandeb. Marchio Onoldinus sive Anspacensis.
*ad 1555.
& 1566.
Dux tantum religiones in Imperio Romano permittuntur.

Initia unio-
nis Calvi-
nianæ in
comitiis
Ratisbo-
nensibus.
*Acta ho-
rum comi-
tiorum
manu scri-
pta.*

Augetur
unio Calvi-
nistica ac-
cessione
Ducum &
Comitum
multa-
rumque
urbium,
quæ sibi à
Cæsare me-
tuunt.
*Palatius in
Aq. Aust.
l. 47. p. 112
Helvicus
theat. hist.
univ. l. 5.
pag. 126.
ms. Turckii*

Calvinismo damnatis, proscriptisque ex Imperio omnibus. Hæc sententia *mollioribus* quibusdam Lutheranis æquo durior visa: ideòq; nunc Ratisbonæ in comitiis Calvinistarum vices miserati, huic decreto intercessere; verbis ad commiserationem compositis perorando: *infirmiores fratres* (ità nominabant fortissimos suæ & Catholicorum Religionis hostes) *non adeò duriter habendos: dandum aliquid eorum infirmitati; nonnihil libertatis et domicilii intra Imperii terminos permittendum.* Ex ea igitur blanda fratrum indulgentia id mali natum, ut pauci antè & inquilini duntaxat Calvinistæ; postea augescente gregalium multitudine, ad sedem sibi propriam in Imperio stabiliendam, inque hospitem suorum perniciem erumperent; sacerdotum, monasteriorum, & Episcopaliū Ecclesiarum patrimonialia, facultates, bona omnia, aras ipsas per summam frustra dehortantis Cæsarei tribunalis contemptionem evastando, diripiendoque. Haud alia herinaceo sive echino indoles spinis hirtio animali. Dum admitti alienum in cubile petit; spinas occulit, blanditur; intromissus sua se in arma colligit: spinas exerit longius, hospitemque aculeis configendo facessere de cubili cogit.

Corroboratâ hunc in modum seditiosâ factione, suum cuique munus descriptum. Æraria, armamentaria impleta: comparata annona militaris. Designati copiarum duces Princeps Anspacensis & Anhaltinus; idem ille, qui sub Gallia, Hollandiaque signis merens, ad Calvinī castra transfugerat. Quo etiam suasore præter Mauritium Hassum, Fridericum Ducem Wittenbergicum, Godefridum Comitem Oettingensem; præterque ceteras minores urbes, insuper in huius foederis societatem pellectæ sunt urbes aliæ Ulma, Argentoratum, Norimberga: omnes exemplo severitatis ab Imperatore in Donawerdam edito conterritæ, persuasæque, ut graviora sæpius ausæ in Cæsaris iras sese hoc inito foedere præmunirent. Mira exinde fuit horum foederatorum ad replendum ærarium liberalitas an effusio: quàm restrictæ & parcæ manus in contribuendo ad tutandum contra Turcas Romanum Imperium; tam exporrectæ jam & liberales, ubi largiendum aliquid ad prodendum illud, perdendumque. Quindecim enim millia & nongentos septuaginta quatuor florenos germanicos ab universo foedere singulis mensibus ærario inferendos, decernunt. Ingens certè vis pecuniæ, & maxima videbitur reputanti paucitatem eorum, qui soli ad eam summam quovis mense repræsentandam se obligarant. Foeda inde si quæ alia ad eum diem, labes Romano Imperio tam turpiter in se diviso hæsit.

Longè felicior hic annus Venetis ex lenitate Pauli V. Pontificis maximi. Is sublato nunc, quo superiore anno Venetos ob violatam

latam* immunitatem perculerat anathemate; Rem publicam communioni fidelium restituit: Legatis Galliae ac Hispaniae ortas similitates componentibus, ne res ad arma & bellum vergeret. Ferunt contumaciam Venetorum in Pontificem longius processisse ex impulsione Jacobi primi* Anglorum Regis; illud solum rectè sollicitéque agentis, ut sectam in Anglia ex Pontificii solii ruinis surgentem altiùs eveheret per calcatam à Venetis quoque Pontificis auctoritatem. Cui & graviùs labefactandæ jam anno proximo quandam juris jurandi formulam, velut novum bellicum arietem admoverat. *Furamentum fidelitatis*, appellabant Angli, et *tesseram fidei ad internoscendos Papistas*. Horum singuli in certa jurare verba jussi; quibus omnem summo Pontifici potestatem Rex abrogatum ibat. Indignatus Pontifex alteris hoc anno literis docet Catholicos, vinculum iniquitatis ac perfidiæ hoc sacramentum esse; ejusque quantumvis atrocibus tormentis extortam susceptamque obligationem cum sempiterno exitio conjunctam: illis omnibus graviter interminatus, qui à Sedis Apostolicæ judicio alienâ interpretatione effugium circumspicerent, dicerentque; Regem merè civilem obedientiam & cuilibet Principi debitam reposcere à Catholicis.

Memorabilis etiam hic annus ex hyeme contra exsuccam tristémque aliàs naturam læta admodum & fœcunda. Februario enim mense non modò in pratis jam virentibus matura videre erat pastio ni gramina; sed & in hortis plantas arborésque frondibus & floribus convestitas. Et quod magis mirère, vidisse se, horum temporum æqualis* scriptor meminit, Padibornæ sub ferias nascenti Domino sacras stipitem brassicæ jam floridum & desinentem in semen. At breve hortorum gaudium. Vicesimo octavo Februarii subito ingruens tempestas vi ventorum, ac grandine imbri mistâ; ictuque fulminum præcoces fructus enecuit, absumpsitque. Secuta dein ex inverso temporum ordine gravis cæli aspiratio luem pestiferam in æstate afflavit; quæ hac in urbe Paderbornensi multos depasta; plures Coloniae centum prope & quadraginta quorundam diebus; multa verò paucos intrâ menses hominum millia extinxit.

Annus Christi 1608.

PAULI V. Pontificis.	3. & 4.
RUDOLPHI II. Imperat.	32. & 33.
THEODORI Episc. Paderb.	23. & 24.



N cumulum malorum, quibus diu pressus Imperator, hoc anno accessit reliquis omnibus atrocior calamitas. Archidux Matthias, in Hungaria non ita pridem in salute Rudolphi Cæsaris & Imperii contra Turcas

* *Canonicum Vincentinum & Nervense Abbatem pertraxe- rant ad judicium senatus item Canonicum in carcere rem conje- cerant.*
Juven. l. 20. part. 5. pag. 90.
Veneti reconcilian- tur Ponti- fici.
Chytraus Juven. & alii.
** Rex Sco- tia ejus no- minis VI.*
Novum fi- delitatis ju- ramentum à Jacobo Angliæ Re- ge obrusum Catholicis, improbatum Romæ & severe pro- hibetur
Spond. ad hunc ann.
Hyems le- nis, inde secuta pe- stis & alia damna.
*Kleinsorg, in contin.. Cosmodr. Gobelini. * Klackner in appen- dice ad Cos- mod. Gobe- lini.*

*Presburg.

Bellum & diffidium inter Imperatorem Rudolphū & Matthiam fratrem Archiducē. Palatius in Aq. Aust. Chytraus, Helvicus.

Gaudium hæreticorū de orta Imperatore inter & fratrem Matthiam discordia. *recenset eos articulos Helvicus ad an. 1608

Reconciliantur fratres Imperator Rudolphus & Archidux Matthias. Helvic. in sheat. hist. univers. l. 5. pag. 128 Palatius in Aq. Aust.

Turcas propugnanda acer & diligens; nunc subito à Rudolpho fratre alienior coactis *Posonii comitiis in ejusdem exitium, tragediam commutatâ consiliorum scenâ adornat: atque ut rebelles Hungaros Austriacosque, ad arma in fratrem sumenda alacriores habeat; peramplam Religionis, cujuscunque arbitratu eligendæ, potestatem facit: cum valido dein exercitu viginti millium armatorum hominum inter acerrima hiemis frigora, ipse regnandi cupiditate & irâ æstuans, in Moraviam irrumpit: eâ subactâ Bohemiam adulto Vere pari armorum terrore obruit; positisque haud procul Pragâ castris, mittit in urbem, qui Rudolphi Imperatoris, Ordinūque in ea, quæ Posonii cum Hungaris ex æquo bonoque conventa essent, assensum postulet: velle Matthiam firma haberi ratâque omnia; stabiliri pacem Turcicam & Hungaricam: atque datâ protinus cautione de hæreditariis aliis ditionibus, jam nunc cum Austriæ Archiducatu sibi Bohemiæ, Hungariæque coronas deponere: ipso Rudolpho fratre ad privatæ vitæ tenebras in comitatum Tyrolensem secedere jussu.

Hic macti animis, ut nunquam antè, hæretici. Gaudere tristem & sinistram vicem Cæsaris: Calviniani cum primis in Germania convolare rursus ad perficiendam, quam affectam reliquerant, *unionem*. Plura Hussitæ ausi in Bohemia, non obscure jactantes; fortunas omnes vitamque ipsam pro servanda prosperitate Cæsaris sibi venales esse, sed non alio emendas pretio, quàm datâ approbatione quorundam *articulorum, quos in favorem sectæ suæ consignatos Cæsari exhibebant. Ità partitis in diversa consiliis hæretici Rudolpho alii; alii Matthiæ favere visi; re ipsâ neutrarum partium omnes: magisque clam accendendo fratrum dissidia eò solum tendere, ut, in quem inclinaret fortuna, factioni suæ adjungerent: ejusque exitio ad sua commoda uterentur. Imperator Rudolphus, cum ad promissa aliqua, quæ dura temporis necessitas imperabat, Bohemos aliquantò placatiores haberet; justum ex tempore exercitum contrahit: jamque in occursum adventantis Matthiæ explicata acies sese ostentabat, quando pro suo in Austriacam Domum studio opportunè intervenientes arbitri, reductâ inter fratres concordiam, structas acies solvunt. Pacis hujus conciliatores fuere in primis Paulus V. Pontifex, Philippus III. Rex Hispaniarum, Christianus Saxonæ & Fridericus Elector Brandenburgicus. His arbitris in has leges conventum: *cederet Rudolphus Matthiæ Hungariam, Austriam, Moraviam: datâ insuper fide, Bohemiam his ditionibus ab obitu fratris adjunctum iri.*

Gravis item hoc anno plaga inflicta Luthero in Diocesi Paderbornensi ex odio in ipsum & alienatione animi Simonis Comitis Lip-

piensis. Is cum plures annos Lutherum in ditionum suarum gremio fovisset; nunc Mauritii Hassiæ Landgravii exemplo novas hominis opiniones detestatus, alia Calvinii commenta sibi veriora fingit. Atque ut eadem facilius, quam verius propugnata subjectorum animis ingeneret; rudiores primum è pagis suis Lutherani verbi præcones ad synodum in arcem suam* convocat, jubetque cum adversario*, quem Lipsiâ acciverat Calvinianæ doctrinæ peritissimum, de rebus fidei in certamen descendere. At nihil expeditius, quam leviores ejusmodi arundines, mobiles omni vento, quamlibet in partem traxisse: paucis contra obnitentibus officio & patriâ interdictum. Ignari hujus mutationis Lutherani Paderbornenses, cum occlusa illis esset, ac reddita Catholicis Forensis Ecclesia, in Lippiense territorium ad pagum *Schlange* concedunt, ex ritu Lutheranorum coenam sumpturi. At visâ novitate rei ita indignati omnes, ut, aliis aliò abeuntibus, non pauci etiam ad mensam Eucharisticam, antiquo & immutabili majorum more frequentandam redierint. Hic idem Simon Comes Lippiensis est, qui sylvarum ac prædiorum, quæ Crucigeri monachi è monasterio Falckenhagenensi olim profugi* reliquerant, parte aliquâ, nescio cujus rei obtentu, sibi vendicatâ non contentus; alteram quoque hoc anno partem, à Patribus Societatis Jesu Pontificis largitione impetratam invasit; omnes glandemiæ fructus multasque cæsas arbores sibi præripiens. Implorata adversus vim usurpatam Curia Romana non modò gravatè tulit indignitatem rei; sed & Pontifex latâ è tribunali suo sententiâ utramque bonorum partem (utpote Religiosorum bona nulli profanæ jurisdictioni subjecta, nec insciente summo Pontifice ab ullo occupanda) tanquam supremus bonorum Ecclesiasticorum dispensator Patribus Societatis JESU addicit. Ex literis Pontificiæ donationis, cum prolixæ nimium sint, gratius lectori fuerit principium & finem adjecisse.

Paulus Episcopus Servus Servorum Dei. Dilecto filio Officiali Paderbornensi salutem et Apostolicam Benedictionem. Sedis Apostolica providentia circumspecta circa collegiorum et aliorum piorum locorum, præsertim iis in regionibus constructorum, in quibus major inesse dignoscitur sapientum et religiosorum virorum necessitas, qui rudem populum eorum exemplari vitâ et doctrinâ erudiant: ac pravas hæreticorum opiniones ad divini Nominis laudem et Catholicæ Fidei propagationem totis viribus refellere studeant, statum intendens, quæ pro necessitatibus suarum ac onerum illis incumbentium sublevamine opportuna remedia fore noscuntur, libenter adhibet; ac desuper parochialis officii sui partes et favorabiliter per suppressionis beneficiorum Ecclesiasticorum, ministerium interponit; pro ut rerum locorum et temporum circumstantiis debite pensatis id in Domino

S S S S

con-

Simon Comes Lippiensis Calvinium amplectitur.

in consin.

Cosmodr.

Gobelin.

*Bract

dictam.

*Henricus

Dreckmey-

rus dictus.

*vide de vita horum monachorum annu 1596.

Bona & prædia omnia deserti monasterii Falckenhagenensis à Pontifice dantur Patribus Societ. Jesu ex literis Romanis. literæ apostolicæ Pauli V. Pont.

conspectum est salubriter expedire. etc. etc. Nos igitur --- supplicationibus inclinati per Apostolica scripta mandamus, quatenus in dicto monasterio nomina et titulos monasterii, Abbatis, et dignitatis Abbatialis; atque omnia et singula officia, dignitates Canonicales, auctoritate nostrâ perpetuò suppressas, et extinguas: dictique monasterii sic suppressi et extincti situm, domos, structuras, aedificia, membra, Ecclesias, Capellas unâ cum parochiali Ecclesia necnon reliquos tam per dictum Simonem Comitem Lippiensem, quàm quoscunque alios occupatos et nondum eidem collegio applicatos fructus, redditus, proventus, jura, jurisdictiones, decimas, pertinentias, census, proprietates, emolumenta, obventiones, res et bona universa quomodolibet qualificata, et nuncupata, ac in quibuscunque rebus, et ubicunque existentia eidem collegio perpetuò applices et appropries, ac unias, annectas et incorpores: itâ tamen, quòd secutâ reali et actuali recuperatione parochialis Ecclesie hujusmodi Rector et collegiales prædicti illi de parcho Catholico et idoneo, qui in ea divina officia celebret, et sacramenta Ecclesiastica ritu Catholico administret, cum assignatione congrua portionis pro ipsius parochi manutentione providere debeant et teneantur; liceâtque prædictis, ac pro tempore existentibus ipsius collegii Rectoribus et collegialibus post factas à te præsentium vigore applicationem et appropriationem, ac unionem, annexionem et incorporationem hujusmodi eorum et dicti collegii nominibus omnium et quorumcunque præmissorum et præter applicatorum seu unitorum corporalem realem, vel actualem possessionem per se vel alium seu alios libere apprehendere, et apprehensam perpetuò retinere: ac fructus, proventus, jura, obventiones, res et bona prædicta, propriâ auctoritate etiam libere percipere, colligere, levare, exigere, recuperare, arrendare, locare, dislocare; ac in suos et dicti collegii usus, et utilitatem convertere, Diocesani loci, vel cujusvis alterius licentiâ desuper minimè requisitâ; onera spiritualia monasterio prædicto pro fundatoribus et benefactoribus illius incumbencia in solita dictæ Societatis ministeria et suffragia dictâ auctoritate commutando, et decernendo easdem præsentibus sub quibusvis similium vel dissimilium quarumcunque revocationibus, suspensionibus, limitationibus, aut aliis contrariis dispositionibus, et per nos, et per successores nostros summos Pontifices quomodolibet editis et in crastinum assumptionis eorum ad summi Apostolatus dignitatem, et unionum et applicationum suum effectum nondum sortitarum revocatoriis edendis minimè comprehensis: sed semper et perpetuò validas et efficaces, et ab illis exceptas, et quoties illa emanabunt, toties in pristinum et validissimum statum, et sub quacunque posteriori datâ per pro tempore existentes Rectorem et collegiales, collegii hujusmodi eligendâ restitutas, repositas, et plenariè redintegrandas, ac de novo concessas fore et esse. Roma apud sanctum Marcum Anno incarnationis Dominicæ millesimo sexcentesimo septimo, quinto decimo Augusti, Pontificatus nostri anno tertio.

Datae

Datae sunt hæc literæ anno proximè elapso Romæ. Hoc anno in has regiones in ejusque, cui inscriptæ, manus pervenire, ex quibus consultò prætermisimus, quæ *de vita monachorum, defectio-^{*vide annu 1598. ubi fuit illa} ne ab ordine & Fide narrantur; ne putida materies iteratò proposita nauseam moveat. Vi harum literarum & Cæsaris insuper volun-^{narrantur.} tate Patres possessionem adiëre. Sed quâ paulò post expulsi rursum illâ temporum licentiâ; cum nulli piaculo duceretur, spoliis^{Videatur Fabri Staats-Ganghen p. 4. pag. 176. & seq.} permiscere omnia: & rapere tantum quisque auderet, quantum prævalere armis poterat; eoque imbecilior esset authoritas Pontificis, quò plures ejus in contemptum & ruinam arma sumpserant, Luthero & Calvino, maledicis summorum mundi capitum convitiatoribus incitati.

At neque benigniùs actum superiorum temporum improbitate cum dioecesi nostra Paderbornensi. Ex tot bellis & deprædationibus maxima rerum omnium difficultas: fundi ac villæ passim pignori oppositæ, urbes, arces, oppida non levi ære alieno pressa. Theodorus Episcopus videns in limine Episcopatus sui dioecesi adeò discerptam ac propè deploratam, nihil prætermisit, quò eam confestim persanaret. Expunctis jam pridem* nominibus, quibus Wewelsburgum Dynastis Bûranis obstrictum erat, hoc pariter anno non minor ejus cura versabatur in arce Heristalli *ad Virsurgim contractis debitis & alienis manibus liberanda. Fuit hæc arx patrio vocabulo *Heristall*) à statione castrorum Caroli Magni olim, ejusque hibernis sic dicta) Cæsarium dono Episcoporum Paderbornensium possessio; eoque Theodoro Episcopo majori in pretio, quòd prima isthic sacrorum fuisse Præsulum sedes* memoretur. Sed quæ rerum omnium vicissitudines & fata sunt; ab Episcopatus patrimonio avulsa in dominatum Falckenbergicæ familiaris transierat; non antè reversa ad Paderbornensem Ecclesiam, quàm Theodorus Episcopus eandem à Falckenbergicis, aliisque creditoribus septendecim millium sexcentorum sex & sexaginta aureorum solutione redemisset. Alterum, quod ex anni hujus memoria Episcopo nostro Theodoro laudi datur, est placabilitas animi, & Christiana facilitas in condonandis offensis. Licet enim ipsum inter & Arnoldum ab Horst Cathedralis Ecclesiæ Decanum orta *dissensio jam in quinquennium protracta & novis irritamentis exasperata sæpius esset; ubi tamen Româ literis Pontifex depouendæ simultatis hortator accessit, nihil tergiversatus est Theodorus, interpositæ summi capitis authoritati morem gerere, ac controversiâ amicè compositâ pristinam erga Decanum benevolentiam instauravit. Eundem Theodori animum pacis amantissimum experti hoc anno nonnulli de patria hac viri nobiles. Quamvis enim

Heristallum ab Episcopo Theodoro Paderbornensi hoc anno redemptum. Monum. Paderb. fol. 216 & 217. *ad 1599. *alind Heristallum Francicum ad Mosam. *unde Episcopi Paderbornenses, primum Episcopi Heristallenses dicti. de quo vide Schaseni ad annum 780. *ad annum 1802 narratur dissensio orta & causa illius. Componitur controversia inter Theodori Ep. & decanum majore.

**Videatur
ms. post ty-
po editum
in causa
contra
Spiegelios.*

*Simon Co-
mes Lippi-
ensis cona-
tur urbes
suas ad Cal-
vinismum
cogere.
Lemgovia
fortiter re-
sistit
in contin.
Cosmodr.
Gobelinii.
Kleinsorg.*

*Doctor
Dreckmey-
erus Lem-
govienlib⁹
odio est,
nec videre
eum nec
audire vo-
lunt, lapi-
datus & lu-
to scedatus
urbem de-
ferere co-
gitur.
author an-
te citatus.
*dictus
Dreck-
meyer.*

inobedientia eorum *ære non parvo mulctata fuerit; uti videre est ex rei totius argumento typis dato; graves tamen ab illis exercitas inimicitias mox oblivioni dedit; eoque facilius certis legibus dirempta lis fuit, quod Principem viderent non tam sumendæ vindictæ, quam juris tuendi cupidum. Hoc optimum ultionis genus est: hæc propria dos excelsæ indolis, adversantibus ignoscere.

Plus irarum sub hæc tempora in finitimo nobis comitatu fuit, eæque tantum non implacabiles. Simon VI. Comes Lippiensis, postquam superiore anno pellegerat minores pagos ad recipiendam Calvinii doctrinam, nunc lætus pergit ad eandem per omnes ditio- nis suæ urbes disseminandam. Neque magnæ molis erat minora oppida Detmoldiam, Hornam, Blombergam, nec moenibus satis, nec magnis civium animis munita eò inflectere. Sola urbs Lemgovia majoribus confisa viribus obnitebatur strenuè; exitiosum arbitrata, omni vento jam Lutheri jam Calvinii in ponderoso Religionis negotio circumferri. Urebat vehementer Comitem repul- sæ dolor: eo tamen dissimulato, lenitate usus virum popularem ad- hibet gesto consulatu celebrem, qui amicos inter sermones po- pulum doceat; nihil in structura Religionis à Luthero coeptæ immutandum: solum addenda quædam parerga, ut paria utro- bique ornamenta sint, & par in utriusque Religionis sectatori- bus pietas foveatur. Credula plebs asserenti fidem habet. At ubi postea deventum ad Coenam Eucharisticam, ex panis de furno extracti frustillis, & puro puto vino instructam; com- mune exortum murmur, damnataque inconsulta mutatio. Ma- gnis deinde iris in Doctorem Dreckmeyerum, hominem animi falsum; novitatis authorem exarsere, invadendo domum ejus, fe- nestrasque omnes intortis lapidibus excutiendo. Punita quidem à magistratu hæc insolentia, aliquot tumultuantium in carcerem detrusis. At inde populi alienatio major; aurium oculorumque in audiendo, videndoque homine fastidium tam grave, ut functio- nibus, ad quas obeundas statò die redierat, præ rubore ob pauci- tatem auditorum intermissis, ac celeriter consensu, quo superbus venerat, equo ex urbe Hornam aufugerit; multa inter maledicta per plateas faxis, sumptisque de cloaca telis impetitus: non solo jam nomine tenus*, sed toto etiam corpore sordidus ac lutulentus. Per- fractis deinde carcerum ostiis à ferociente populo captivis libertas reddita. Comes ulturus plebis contumaciam scripto milite vim meditatur. At Hollandi, Hafsique alio impediti bello, metu Cæ- sarei exercitûs detinebantur, quò minùs, uti à Simone rogati erant, auxilio venirent. Mauritius tamen Cattorum Princeps, ne suo Si- moni, quem ferventissimum suū imitatore habebat, planè deef- set;

set; ad Lemgovienſes miſit, qui furioſam plebem leniter officii
commonitam gravi dein oratione cohortaretur: *plus ut voluntati Si-*
monis Comitſ ſui et ejus prudentia, quàm odio in Calvinum et pertinaci-
cerebro ſuo tribuerent: memores eſſent ſacramenti, quod in leges Comitſ
et mandata dixiſſent. At illi in ea ſolùm, inquit, mandata, quæ res
temporarias ſpectabant, ſtatùmque politicum: neque in his ſc nulla unquam
imperia detrectaturos: minime verò Religionis, negotii omnium maximi
cardinem verſari in volatico ſpiritu Comitſ; ad quem caco motu ſe populus
continuò obverteret: ea in re ſolùm ſc moderatorem Deum rectamque con-
ſcientiam ducem ſequi.

Comes ar-
mis cogere
Lemgovi-
enſes cogi-
tar ſed de-
ſertus ab
Hollandis
& Haſſis
cœpto ab-
ſiſtit.
Kleinſorgi
in contin.
Coſmod.
Gobelini.

Mox deſenſio adverſus vim omnem à civibus comparata; ſparſusq;
de ea rumor Comitem à cœptis deterruit. Majoribus certè animis,
& conatu laudabiliore hujus Comitſ avus Simon V. anno MDXXX
Lutherum* à Lippienſibus per ſeditionem in urbem Lemgoviam
intruſum junctis cum Erico Antiſtite noſtro viribus ejecerat, ve-
teri majorum Catholicâ Religionem reſtitutâ. At eundem Luthe-
rum poſtea à Bernardo* Comite filio Simonis V. in ditiones Lip-
piacas revocatum, nunc Comes Simon VI. Bernardi filius, nepos
Simonis V. hoſtilibus armis perſequitur; atque in erepta Luthero
ſede Calvinum collocare ſtudet. Sic *varium et mutabile ſemper*
regnum & quævis ditio eſt, ut primùm amiſſa ſemel Fides vera, do-
*num Dei, *datum optimum descendens à patre luminum, apud quem*
non eſt tranſmutatio, nec viciffitudinis obumbratio. Nonnullorum
equidem opinio fuit, Comitem Simonem ſextum, cùm novem an-
norum puer Bernardum patrem amiſſiſſet; primis adoleſcentiæ an-
nis in Mauritiï Haſſiæ Landgravii tanquam tutoris poteſtate fuiſſe;
ideòque ab eo facilè illectum ad eandem ſecum Religionem ample-
ctendam. Hujus tamen tumultûs cauſa verior adſcribi poterit in-
ſcitia, aut mendacio eorum, qui, cùm prædicatores veritatis ſe ja-
ctitent, eam aut ignorant ſponte, aut adulterant: eodémque Lu-
therum pretio & Calvinum venalem habent; pro ut Principes, Co-
mites, magnòsque Dominos, quorum blandiuntur auribus, & gra-
tiam aucupantur; ad peregrinas hujus vel illius novatoris merces
emendas propenſos ſentiunt. *Nec unquam, ut bene Spondanus*
*inquit, *finis erit huiusmodi ardelionum; quousque redigant omnes in-*
tellectum ſuum in captivitatem in obſequium Chriſti, et ejus Eccleſiæ; quam
dedit Deus in opus miniſterii, ut jam non ſimus parvuli fluctuantes, et cir-
cumſeramur omni vento doctrinæ in nequitia hominum, in aſtutia ad cir-
cumventionem erroris.

*vide dicta
ad an. 1530

*Vide dicta
ad an. 1563

*Epiſt. Ja-
cobi cap. 1.
v. 17.

*Spondan.
pag 963.

tumultus à
Calvinis
excitatus
Coloniz.

Deſperatâ Lemgoviâ Calvinus Coloniam ad Rhenum progre-
ditur; eamque in urbem, ut feliciùs tutiùsque irtepat ſub pallio
tuendæ libertatis civicæ, clàm doſas artes per amicos adhibet, qui-

**cognomen
Eiustens.*

Reinerus
turbarum
author lon-
gâ oratione
seditiosos
magis insti-
gat.
*Meshevi²
in libro de
hac recedi-
to.*

Magistrat⁹
Colonien-
sis remedia
ad sedandū
populū
adhibet sed
sinè fructu.
Ibidem.

quibus seditiosum vulgus in senatum concitetur; eoque vel amo-
to vel subverso, admissi sensim ad ea munia Calviniani totâ urbe
ad arbitrium gubernandâ potiantur. Author seditionis è Calvi-
nianorum secta homo ultimæ sortis; cui Reinerio *nomen, in agro
Ruræmundano in casa natus: inde è coeno emersus in tribum vie-
torum Coloniae. Hoc vile caput, homo nihili, rusticanis quidem
moribus asper, sed nequiter blandus; postquam sæpius in conven-
tulis opificum, officinis, tabernis, in circulis, in publicis confes-
sibus libertatem civium à senatu iniquè oppressam per suos emis-
sarios deplorasset; demum ipse vicesimâ octavâ Augusti in corona
victorum frequente ad sexcentos, velut larvatus catilina, ad tristi-
tiam compositâ facie, rostra conscendit; acerbâ callidâque ora-
tione in urbis optimates, tanquam iniquos civium oppressores in-
vectus: *Agi fortunas, salutem omnium; periclitari pessundari libertatem
civium; quæ et vitâ ipsâ carior, pro qua sibi, urbiq̃ue vindicanda sum
ipse caput cum primis devoveat.* Post hæc injurias omnes, quas com-
mentus erat à senatu irrogatas populo, longâ narratione profequi-
tur, præsentésque fallaciter monet: *minimè omnium tangi se Religio-
num varietate; albi sint, an atrî eo in genere, suâ tantidem interesse: ex-
pergescerent tantum è veterno ad miseram illam servitutem, in quam pro-
lapsi per ignaviam essent, quacunque ope à fortunis à capite propulsandam.
Quæ liberorum? quæ nepotum? quæ totius posteritatis olim querimoniam?
si quem à majoribus acceperint libertatis thesaurum, sibi è manibus patian-
tur eripi, suâ interire socordia.* Rapuit astuta hominis vociferatio
plurium etiam Catholicorum animos; tantumque valuit, ut tur-
matim in plateas effusi lymphatis similes vim ac terrores incondi-
tis clamoribus magistratui denuntiarent. Consulibus ancipiti,
quò se verterent, curâ distractis placuit demum, post varias de mi-
tiganda plebe deliberationes duos è senatorum gremio viros pru-
dentes, neque populo ingratos mittere, qui seditiosos officii sui
commonefaciant; verbisque studeant lenioribus pacare ferociter
exultantes spiritus. Sed in ventum verba omnia. Validiori igitur
prosternenda hæc quercus ictu erat: utque securis statim ad radi-
cem poneretur, missi ad Reinerum totius seditionis architectum
apparitores, carceris poenam illi nomine magistratûs comminantur.
Ille verò quàm primum insanire, aspernari consulum iussa; inve-
recundè in os regerere, se pariturum nunquam tam iniqua impe-
rantibus: sociorum opem, tribunatias domus appellare: *Viderent
jam, quò senatus audacia et injuriarum progrediatur; ipsum adeò liberta-
tis assertorem ad carceres deposcendo. Equidem nihil fore sibi honorifi-
centius, quàm suo unius sanguine pro communi salute omnium litasse: ni-
miùm verò socordes futurorum esse, nisi prævideant, se libertatis defensorem
oppresso, palàm majoris dominatûs vexilla erectum iri.* His

His dictis obfirmatior populus animos identidem extulit; eoque processere exacerbatorum iræ, ut perruptis jam omnibus obedientiæ reverentiæque repagulis, diurnæ per urbem nocturnæque fierent armatæ plebis concursationes: graves passim, apertæque jactarentur minæ, de senatu honoribus, ac fortunis exuendo; de proscribendis Clericis, Religiosis, de compilandis eorum domiciliis, templisque: hoc onere à cervicibus civium dejecto, respirare urbem aliquando posse; & quæ ejusmodi esse plures solent impotentium animorum contumeliosæ voces; ipsi adeò, neque pauci Catholici, quos in communionem sceleris subdolè pertraxerant hæretici, terrificum quid animo in senatum, & linguâ spirabant. Tempestati ut tantisper cederet magistratus; ab intentata Reineri poena conversus ad lenitatem, comiter invitat seditiosos ad amicam dissidii compositionem: *Seligerent ex quavis tribu aliquos urbanarum, tribuumque rerum scientes viros; qui de injuriis, de jugo, quo premisse contra jus fāsque populus diceret, ad senatum placidè referrent: non defuturam magistratûs aequitatem: si quæ hætenus onera æquo graviora fuerint, ad justæ moderationis leges reducendum iri.* Nihil eo consilio prudentius leniusque: sed quod procacitas Calvinistarum, & fraudulentia fructu cassum reddidit. A sextili enim mense ad Novembrem creberrimè tam in curia, quàm in tribunitiis rebellium domibus consultatum; Calvinianis semper, ubi se vel specula concordiae offerret, eò majore strepitu repugnantibus, quò sibi nequiùs persuasum habebant, Rhenum turbidum, quàm tranquillum aptiorem fore ad Calvinii fæces in urbem invehendas; eoque faciliùs eripi senatoribus gubernacula posse, quò majores procellæ in motu manerent. Pauciores tamen à Catholicis nobilioribus, cum edocti à senatu essent, latere anguem in herba, & nomine libertatis servandæ quæri eversionem avitæ Religionis; mox damnatiss seditiosorum consiliis ad pristinam quietem rediére; parte interrim de vulgo Catholicorum maximâ ad quævis hortamenta filicis instar immotâ persistente. Ità hæc urbs veræ Religionis studio flagrantissima semper; illa hætenus ab hæreseos corruptelis illibata virgo in proximo erat integritatis amittendæ periculo. Id cujus fuerit virtute remotum, anno sequente narrabitur.

Hoc interim labente anno turbis Juliæ Ducem inter & Aquisgranenses exortis, quarum biennio abhinc initia dedimus, finis datus: sapientissimis enim Ernesti in primis Colonensium Archiepiscopi, & Gonzagæ Ducis Mantuensis, qui fortè, usus Spadanis* aquis, lustratâ Coloniâ in Belgium cogitabat; adhortationibus eò inclinati dissidentium animi, ut sibi tanquam vicinis ex jure amicitiae, quæ vicinitati debetur, condonarent multa; positis odiis

Et tentatâ
Reineri
captivitate
populus
magis tu-
multuatur.
Meshov.
Turcius
tom. 5. ms.

Invitantur
à magistra-
tu rebelles
ad amicam
composi-
tionem, sed
nihil effici-
tur.
Auctores
iidem.

aliqui Ca-
tholici ad-
vertunt pe-
riculum
Catholicæ
Religionis
& à rebelli-
bus disce-
dunt.
Auctores
iidem.
Lis inter
Ducem Ju-
liæ &
Aquisgra-
nenses
composita.
Teschenn.
p 2 fol 342
*germani-
cæ Sp. i.
lat. vicus
Spadanus
in Diœcesi
Leodiensi.

odiis, quæ hoc rursus anno alternis prædis, infestis in agros procursationibus, aliisque mutuis injuriis recrudescente coeperant: atque ut tam crebris simultatibus disjuncti toties animi coirent arctius, à congregatis Dusseldorpii Ordinibus sollicitè laboratum.

Adolescens
in diœcesi
Paderbor-
nensi per
quatuor
semè an-
nos ab
omni cibo
& potu ab-
stinens.
*Philippus
Sechtlenus
in libello,
qui hac de
re, typis
vulgatus
est anno
1614.*

Ad calcem hujus anni rejecimus typis olim vulgatam narrationem de adolescente ex hac patria oriundo, quem impransum semper, & incoenatum, coeptam hoc anno ab omni prorsus cibo & potu abstinentiam nullâ unquam panis micâ aut guttâ aquæ sumptâ, in ipsos quatuor annos produxisse, tradunt. Rem non temere diceret fabulæ, quàm vero propiorem; nisi scriptor, qui eam posteritati literis mandavit, jejunanti non rarò id temporis præsens, testimonio suo credibilem faceret. Adolescenti nomen Hermannom *Commerß*. octo & decem annos natus matre per pestiferam luem extinctâ, & ipse Bochendorpii in vico hujus Diœcesis alio morbi genere corripitur: Græci *ἰκτερον*, Latini *morbum regium aut arcuatum auriginemque vocant*. Ex hoc morbo decumbens sub initium mensis Martii paulatim coepit modici & tenuis cibi esse. Variæ quidem ad irritandam ciborum appetentiam curationes adhibitæ: verùm secuta tam gravis est languentis stomachi nausea, ut circiter illud tempus, quo annua adventûs Spiritûs sancti memoria recolitur, omnia prorsus esculenta poculentâque, quantumvis lautè condita, rejecerit. Fuitque perpetuum hoc stomachi fastidium, dum quarto post anno *eadem sancta Pentecostes solennia recurrerent. Quo tempore, parco primùm, dein largiore cibo, curare corpus coepit, stomacho jam frustra alimentorum ejectionem tentante. Ingens interim durante hoc morbo quorumvis hominum de plebe, de nobilitate in ægroti domo frequentia, ad habitudinem corporis visu, tactûque explorandam.

**ad 1611.*

Adolescentis in Diœcesi Paderbornensi quadriennio jejunantis descriptio à teste oculato affertur.

Ostenditur jejunium illud solis naturæ viribus adscribendū esse.

Ego quoque, inquit ipse hujus rei scriptor, rem primùm fucatam, & commentitiam existimans, duobus aliis viris eruditissimis me comitantibus, eundem accessi & hanc, quam subjicio, macerati hominis constitutionem notavi. *Quantum ad externa corporis lineamenta: vultu præditus erat satîs liberali, qualis in villici filio requiri potest, pleno etiam et mediocriter carnosio: genæ tinctæ colore pallido; oculi acres, castique: vox virilis et minimè refracta; extenuata brachia; manus et digiti teretes; hi cultro vulnerati nihil mittebant sanguinis; secus ac caput, aliâque membra cultello lesa. Nullos ex tam longo decubitu dolores percepit; surgere tamen, niti pedibus, aut formare gressus, hand potuit. Inter alia fallendi temporis oblectamenta persape recreabatur aspectu columbarum; quibus in lecto decumbens oblectare pabulum solebat. Ità ille; additque, rem insolitam multorum cerebra torfisse; aliis diurnam in ediam boni, aut mali genii ope; aliis eam spe lucris, aut cibis*

cibis furtim captis toleratam affirmantibus. Nulli harum opinio-
 ni assentitur. Primam refellit ex vita hominis, vulgari instituto
 pietatem, Deumque colentis; qui sæpius ad sordidos satisque il-
 liberales jocos aberraverit, vix unquam de Deo divinisque rebus
 factâ mentione. Quotus autem quisque est, qui credat, eum, cui ra-
 rus de cælestibus sermo; quem nulla pietatis peculiaria virtutumque
 indicia superis supra reliquos gratum produnt; Moysis & Eliæ in-
 star divinitus foveri ac sustentari? Neque etiam potuisse suspicio-
 nem pacti aut familiaritatis cum malo genio cadere in Lommerium;
 utpote in quo nihil vitæ tam flagitiosæ, nihil ejusmodi scelerum,
 quibus ea amicitia confletur, notatum unquam. Alias autem
 conjecturas de spe lucelli ab invisentibus captandi; de cibis furtivè
 subministratis, ex eo inanes dicit, quòd pro sui statûs conditione
 satis locuples fuerit, bonorum omnium à parentibus scriptus hæ-
 res. Neque vero simile videatur, voluisse vitricum* & novercam
 nullo suo emolumento eam privigni simulationem quatuor anno-
 rum obsequiis tegere. Quare illam tot annis ab omni esca & po-
 tione abstinentiam citra miraculum, & præstigias stetisse intrâ solas
 naturæ vires, non inscitè probat: nimirum ex eo morbi genere
 remansisse prava crudosque humores in ventriculo, aliisque parti-
 bus; in quem remissior congenitus calor interea egerit: eâ verò
 relictâ vitiosâ materiâ affici primarias corporis partes; sæpe lienem,
 aliàs vesiculam felleam; quandoque hepar ipsum: hepate autem
 læso, fonte atque principio vegetantis animæ necessum esse omnes
 simul auxiliares, in quibus tota nutriendi vis versatur, facultates
 concidere; ut mori, quàm vel summis labris quicquam attinge-
 re, præoptent ægri. Hanc opinionem suam Galeni, *aliorumque
 sententiis stabilitam in libellum retulit, exiguum quidem, sed ad
 unguem expolitum; neque indignum, quem medicorum, phy-
 sicorumque periti, manibus terant.

*Philippus
 Sechelenus
 olim Pastor
 Delbrun-
 gensis in li-
 bro, quem
 Theodoro
 Episcopo
 dedicavit
 & in in-
 scriptis:
 Lapis Lyde
 in ediarum
 prodigiosa-
 rum, quas
 plurimi in
 multis dies
 septimanas
 menses &
 annos pro-
 duxerunt.
 * Mater ejus
 patre mor-
 tuo alteri
 viro nup-
 erat, qui
 rursus ger-
 manâ ma-
 tre defun-
 ctâ aliam
 duxit uxore.
 * L. s. de
 locis affect.
 c. 1.*

Annus Christi 1609.

PAULI V. Pontificis.

4. & 5.

RUDOLPHI II. Imperat.

33. & 34.

THEODORI Episc. Paderb.

24. & 25.



Luctuante jam pridem Belgio inter prosequendi bel-
 li, aut pacis cum Archiduce Alberto ineundæ con-
 silia, tandem hoc anno induciæ, cum de firma pace
 conveniri nondum posset, in annos duodecim
 quinto Idus Apriles prorogatæ sunt. Mox earum
 facta Antwerpiz decimo octavo Kalendas Maji promulgatio West-
 phalis

*Induciæ
 duodecim
 annorum
 inter Alber-
 tum Archi-
 ducem &
 federatos
 Ordines.
 Spond. ad
 hunc ann.*

T r r t

phalis

Moritur
Joannes
Wilhelmus
Dux Juliae
Cliviae &c.
Spondan.
Stangeſol.
& alii.

phalis quoque eò plùs attulit gaudii, quò recentior tristiórque erat recordatio malorum, quæ ex bello isto, per annos ferme quadraginta summis utrimque viribus gesto, etiam in Westphaliâ pro-
manârunt. At ostensa tantùm spes alicujus malaciæ. Brevi & hæ regiones in gravissimos bellorum fluctus revolutæ sunt. Quinta enim & vigesima Martii Joannes Wilhelmus Dux Juliae, Cliviae, & Montium, Comes Marcae, Ravensbergæ & Meursæ, Dominus Ravensteinii ætatis anno septimo & quadagesimo decedens, tot ditiones hærede vacuas, totidémque novi, nobisque vicinioris belli irritamenta reliquit. Infelix Princeps ob filiorum omnium in utroque thoro orbitatem.

*MENS AN-
NO 1555.
*MORTUUS
ANNO 1575.

Felicior, fœcundusque sex prolibus thalamus fuerat Wilhelmo Patri ejus cum Maria Austriaca, Imperatoris Ferdinandi primi filia, Caroli V. nepte. Ex senario illo prolium numero, qui filiorum primus mundum* ingressus, primus ex eodem* decessit Carolus Fredericus. Adolescens præter donatas à natura, & acquisitas scientiarum dotes à pientissima matre Austriaca ad omnes Christianas virtutes, quibus ornari ad bonæ spem frugis, educarique adolescentiam par est, sanctè formatus. Is variis regionibus peragratis diùque in Maximiliani II. Cæsaris, aliorumque Germaniæ Principum versatus aulis, peregrinationem sacram instituit, jubilæi Kalendis Januariis* Romæ inchoandi solennia spectaturus. Tam nobilem advenam Pontifex Gregorius XIII. magnis excepit honoribus; intèrque ipsa primæ diei gaudia gladio, pileoque consecrato donatum ad regnum, quò cogitabat, Neopolitanum perlustrandum dimisit. Ex eo reversus Romam in morbum incidit, plùs valentem omni arte medicâ. Ipse summus Pontifex sæpe decumbenti præsens, & solatio erat; anxius, multumque sollicitus, si quâ ope vinci malum posset. At doloribus morbi in horas invalescentibus oppressus die IX. Februarii, anno Christi supra millesimum quingentesimum septuagesimo quinto, ætatis vicesimo vixdum expleto, innocentem animam exhalavit. Funus regali pompâ Romæ tumultum in Ecclesia germanorum B. MARIE Virginis dell' anima. Pontifex Gregorius, quem minimè fugiebat tristitiæ in paterno animo de morte filii perceptæ vehementia; plenas ad Ducem consolationis literas dedit: earum partem hîc adjecisse, lectori non ingratum fuerit.

Moritur
Romæ Carolus
Fredericus
filius
Wilhelmi
ducis Juliae,
Cliviae &c.
cum ingenti
luctu
Pontificia.
Pighius in
Hercule
prodicio.
Teschenn.
in annal. 8.
Julia, Clivia
&
Montium.
p. 2.
*erat is
Maximilianus II.

Dilecte Fili, Nobilis Vir, salutem et Apostolicam benedictionem. Nihil potuit nobis gravius accidere eo casu, quo sumus gravissime afflicti. Carolus Fredericus, non minùs nobis caritate filius, quàm tibi naturâ, venerat à Maximiliano* avunculo defessus et languens de via. Excepimus cum eo honore et gaudio, quo par erat, filium nostrum in Chri-

sto

flo charissimum, et tanti Principis natum: nec prius illum à nobis discede. Imperator,
 re et Neapolim (cujus urbis visenda studio tenebatur) ire passi sumus, quam ^{cujus soror}
 bene firmum et robustum vidimus; inde, cum rediret, eodem ipso, quo ad ^{Maria,}
 nos pervenit die, cum febre decubuit. Nihil pratermisimus, quod qui ^{eras mater}
 dem humanâ ope provideri, atque effici potuit: eandemque in eo curando ^{defuncti}
 diligentiam adhiberi fecimus, quâ nobis ipsis simili in periculo adhiberi po-
 tuisset. Cum autem nihil proficeretur, morbusque ingravesceret, quod ex-
 tremum erat, ad divinam opem impensius implorandam confugimus, perq;
 omnia templa, et religiosas domos pro illius salute supplicari fecimus. Neque
 tamen nostras et ipsorum preces aspernatus est Deus, sed ut solet amplius
 multò, et abundantius tribuit, quàm postulabamus. Nam pro hac mortali
 et caduca, quam Carolo Friderico precabamur, vita tribuit ei divina boni-
 tas immortalem illam, et beatissimam cuius causâ facti sumus, et quò to-
 tis viribus omnes niti, atque aspirare debemus. Acerbum certè nobis,
 et ferè intolerabile, carere tanto filio, tamque amabili. Et è dolore nostro fa-
 cile existimamus de tuo. At quoniam nos mortales agnoscimus, Deumque
 benedictum (tamen si saepe nos latet ejus consilii ratio) omnibus in rebus, ut
 optimum Patrem, nobis, nostrisque, scimus præclare consulere: æquum est
 nos ejus voluntati acquiescere, et gaudere, quòd illum ad se in calum evoc-
 carit. Quod quidem pollicetur nobis ipsius bonitas, quam saepe aliàs, tum
 verò in ipsa agitudine (sapius enim ad eum visendum ivimus) in eo sin-
 gularem perspeximus. Ferebat astum febris cum summa patientia, Deum
 semper in ore habebat, eum invocabat, et non corpus, sed animam ei suam
 commendabat. Ad extremum omnibus criminibus absolutus, sacramen-
 tisque Ecclesiasticis munitus, nostrâque dispensatione ex Ecclesiæ thesaurò
 omnibus pœnis, si quæ reliquæ fuissent, liberatus, eò charitatis proventus est, ^{pag. 454.}
 ut multis audientibus proferret illa Pauli verba: Cupio dissolvi & esse
 cum Christo. Maxima hæ sunt, charissime fili, ad consolandum: et
 tanta, ut meritò debeant omnem dolorem abstergere. Etenim de filiis feli-
 citate dolere, parentis non est: suo verò ipsius incommodo commoveri, se
 ipsum amantis est, et suas rationes ad summi parentis Dei voluntatem non
 accommodantis. Cogitemus non periisse filium, sed ad optimum parentem
 pervenisse, non vitam perdidisse, sed ad meliorem migrasse: non nobis ere-
 ptum esse; sed in calum receptum. Divinam sapientiam audiamus: ju-
 stus, inquit, si morte præoccupatus fuerit, in refrigerio erit: raptus
 est, ne malitia mutaret intellectum ejus. Hæc nobis ipsis ad consolan-
 dum proponimus: quibus ut tu quoque utaris, et ubi primis natura com-
 motionibus satisfeceris, te sapientem et servum Christi, in dolore leniendo,
 præstes, dicâsque cum Beato Job: Dominus dedit, Dominus abstulit,
 ficut Domino placuit, ita factum est: etiam atque etiam rogamus,
 Deus ipse omnis consolationis auctor consoletur Nobilitatem tuam, teque
 indices augeat suâ gratiâ, nobisque facultatem tribuat nostram erga te vo-
 luntatem.

Tttt 2

lunta-

lantatem declarandi. Quæ cum semper fuit paterna, tuorumque commodorum cupidissima; hoc tempore eò propensior erit, quò altius in animo conservabimus dulcissimam memoriam amoris, quo hunc filium benedictum prosequeremur. Datum Romæ apud S. Petrum sub annulo Piscatoris die X. Februarii MDLXXV. Pontificatus nostri anno tertio.

Quantum confirmarint hæ literæ, erexerintque Ducis Wilhelmi profundo moeroremersum animum; abundè liquet ex responsoriis Pontifici redditis. Pauca ex iis notatu digniora decerpimus.

Habentur
hæ literæ
apud Pig-
binum in
Hercule
prodicio
pag. 456.

• - - - Cum autem hisce doloribus animus meus obrueretur, vixque consolationem recens istud vulnus reciperet, peropportune eodem fere tempore sanctitatis tuæ Nuntius Casparus Gropperus ex mandato sanctitatis tuæ me convenit: meque non solum verbis aptissimis consolatus est; sed etiam Breve sanctitatis tuæ plenum è Christiana Philosophia petitis consolationibus mihi reddidit: cujus quidem lectione animus meus nonnihil erectus est; cepique mox tuæ sanctitatis paterno, et piissimo consilio acquiescere, et me divina voluntati (cui repugnare non licet) magis, magisque accomodare. Hoc autem vel mihi maximam consolationem attulit, quòd filius meus etiam sanctitatis tuæ testimonio, in orthodoxa et Catholica Fide pie et devotè obdormierit; ita ut certus sim, nihil mali illi accidisse; sed mortalem hanc vitam cum immortalis, ad quam omnes aspiramus, commutasse - - - Datum ex arce nostra Clivensi septimo Idus Martii Anno MDLXXV.

*aº 1574.

Mortuo hoc Carolo Friderico in vivis adhuc restabant feminei sexus proles quatuor; unus duntaxat filius Joannes Wilhelmus, cujus mortem hinc paulò ante narravimus; & in quo sita solo erat spes tota conservandæ Domûs Juliæensis. Is quanquam *uno ante fratris obitum anno Monasteriensium postulatus Antistes esset; nemini tamen jam dubium, quin ex sacra hac præfectura ad propagandam Juliæensium familiam regrederetur. At cum difficultas non levis orta esset in deligendo alio Præsule vitæ & Religionis incorruptæ, qui evidentissimum introducendæ hæreseos periculum propulsaret; jussu Pontificis abdicatio Episcopatus integro in aliud tempus decennio dilata fuit. Quo præterlapso, postquam Ernestum Bavarum Colonensem Archiepiscopum anno MDLXXXV. decimâ octavâ Maji successorem in Episcopatu Monasteriensi nactus esset; statim mense Junio ad primas *cum Jacobæa Philiberti Marchionis Badensis filia; hac mortuâ ad secundas *cum Antonia Caroli II. Ducis Lotharingiæ filia nuptias, utrasque steriles processit. Huic improli mortuo Joanni Wilhelmo quatuor germanæ sorores erant. Major natu Maria Eleonora Alberto Brandenburgico, Borussia Duci nupta. At hæc præmortua anno superiore An-

*aº 1585.

*aº 1599.

nam

nam filiam reliquit, Joanni Sigismundo Brandenburgico Electori in matrimonium datam. Altera Joannis Wilhelmi soror Anna, Ludovico Comiti Palatino Neoburgico juncta, ab excessu fratris superstes & mater Wolfgangi Wilhelmi. Magdalena soror tertii thori consors adscita à Joanne Palatino Bipontino, non unius etiam filii parens. Quartam denique Sibyllam sibi junxerat Carolus Austriacus Burgaviæ Marchio: sed sterili & infœcundo planè matrimonio. Felicem Domum reputares ob contractam per tot connubia cum præpotentibus familiis amicitiam. At quam fallax affinitatis fides, & fluxa est, ubi ad bonorum divisionem pervenitur. Quàm primùm ab obitu Joannis Wilhelmi, quotquot in Domum Juliacensem nupserant unquam, certatim advenire omnes, aut hæreditatem sibi totam, aut partem asserturi. Non est nostri consilii, quam quisque Candidatorum ad has provincias sibi vendicandas ingrediatur viam, explicatiùs referre, quando * plurimæ jam extant, eæque satis eruditæ ingeniorum concertationes, de jure inter tot competitores controverso; Brandenburgicum aliis, aliis Neoburgicum, Saxonem aliis, pro ut quemque vel veritas, vel affectio animi rapit, præferentibus. Neque diu hæc chartacea pugna placuit Brandenburgico & Neoburgico: illi paulò post mortem Joannis Wilhelmi omisso verborum calamorùmque conflictu stylo ferro de re controversa, & armis decernere maluerunt; jamque in mutuas incensi iras, alter alteri præripere vi armorum hæreditatis partem parabant. Violenta hæc consilia tantisper ab Imperatore inhibita quidem severioribus literis, postridie Kalendas Apriles Pragæ datis; quibus suam utrumque Principem jubet causam abjectis armis viâ juris persequi: neutrum in ditionum illarum possessionem priùs admissum iri, quàm plenior de ambiguo inter illos jure decisio ex Cæsareo tribunali afferatur. At secutæ brevi majores turbæ per instigationem Mauritiæ Hassiæ Landgravii. Is suasor utrique Brandenburgico & Neoburgico, impulsorque extitit: positis inimiciis in gratiam redirent; cùmque successionis jure essent uterque reliquis omnibus propiores; factâ æquali provinciarum partitione suam quisque partem armatus invaderent; atque ad eam contra vim omnem tutandam arma, animosque conjungerent. Huic pacto in congressu pridie Kalendas Junii Tremonia illigati, Dusseldorpium cum multo comitatu progrediuntur; se cognatos Principes intromitti in urbem; hospitio recipi, amicè flagitant. Consiliiarii, Ordinésque magnopere obluçtati, cùm se mandato Cæsaris ad id permittendum prohibitos dicerent; fuere alii vel muneribus, vel sinistrâ affectione inducti cives, militesque, qui portis clam apertis, intrandæ urbis copiam fecerunt. Eam vix ingressi Prin-

*Videatur
Lucius Veronensis.
Pufendorff
hist. Brand.
Rhetius
Swederus
in Th. hist.

Londorp.
supplet.
tom. 1. l. 2.
cap. 113. &
cap. 114.
Gastel de
statu publ.
Europ. c. 9.
num. 108.

Brandenburgicus, &
Neoburgicus
reconciliati
per Mauritiū
Hassiæ
Landgraviū
paciscuntur
de provinciis
inter se
dividendis.

Prin-

Dusseldor-
pienses ad
jurandam
fidem co-
gunt.

Londorp.

Pusendorf.

*Hist. Bran-
denb.*

§ 9.

Strangefol.

* 16. Junii.

* 25 Julii.

Imperator

contra at-

tentata à

Neoburgi-

co & Bran-

denburgi-

co mittit

mandata

gravita, item

Leopoldum

Archiducē

mittit, qui

Juliam Cli-

viam &c.

sequestri

nomine oc-

cupet.

Londorp.

supplet.

tom. 1. l. 2.

c. 116.

Ludolf in

in theatro

mundi

tom. 1.

Marcodurū

à Branden-

burgico &

Neoburgi-

co occupa-

tur.

Auctores

iiidem.

Fallaciæ &

iræ Bielefel-

dienfium in

Westpha-

lia contra

Catholicos.

Kleinsorgi

in contin.

Cosmod.

Gobelini.

Principes, tantâ freti faventium civium, militumque audaciâ; jubent continuò refigi mandata Cæsaris; Proceribus, Ordinibusque comitia imperiosè indicunt: eosque præfinito die congregatos obferatis prius civitatis portis, cogunt ad fidem sibi tanquam legitimis Dominis jure jurando * obligandam.

Imperator non parùm commotus ob spretum tribunal suum & explosa mandata: literis Pragâ missis, publicèque * Dusseldorpii affixis, quidquid machinati hætenus Principes essent; frivolum & inane declarat: iteratò sub poena proscriptionis Imperialis præcipiens: ocyùs absisterent coeptis, totiùsque causæ cognitionem Cæsareo tribunali submitterent. Ad hæc Imperator Leopoldo Austriaco Patrueli suo, Argentinenfium sacro Antistiti in mandatis dedit, festinatò tendere Juliacum, ad provincias omnes sequēstri titulo occupandas. Nihil territi Principes adventu Leopoldi; audaciores etiam fiduciâ auxiliarium ex Hollandia copiarum, transito Rheno in Juliacensem Ducatum sub initium Decembris irruptionem tentant. Marcodurum inter præcipuas regionis urbes primo impetu petebatur; ubi senatum inter & plebem dissensio erat, & contraria partium studia; plebe Principum, senatu partes Cæsaris sectante. Neoburgicus Princeps, cùm quatrduo ferè vicino in agro hæsisset, demum octavâ Decembris plebs seditiosa clavis per vim magistratui ereptis Neoburgico portas urbis aperit. Prima illi cùm Brandenburgico ab ingressione cura, hîc quoque cives in suam fidem arctiùs adstringere; paucis, qui obnitebantur, aut ejectione ex urbe, aut carcere mulctatis.

Magna inde gaudia hæreticorum. Utpote qui tacito hætenus pede in has regiones proserpserant; nunc liberum sub horum Principum dominatu sibi campum gratulabantur prodeundi palàm, atque in miseras & rempublicam Catholicorum insultandi. Idq; Bielefeldienses, ut ne ad remotiora abeam, haud cunctanter ausi, Comitatus Ravensbergici in Westphalia nobis finitimi cives. Horum in oculis hærebat Sparemberga arx suburbana, in edito colle sita; ne quidquam diu ad defectionem apertè sollicitata. Præfecto arcis, quem Imperator fidum habebat, ad comitia Dusseldorpiū evocato; hic dolus clàm adhibitus: præsidarium militem alium atque alium è castello in urbem blandè invitant; levibusque oblectamentis & fabulis, quas comminisci simulata amicitia novit, usque attinent; dum suis prædiis inessam arcem tenerent; atque redeuntibus ex urbe præclusus in illam aditus esset. Tum palàm erupit omnium atrox odium in Religionem Catholicam, ejus cultoribus plurimis cum curione suo depulsis. Mox quoque Decanus, & primores Catholici falsò in prodicionis crimen vocantur.

Statu-

Statuta in commentitios proditores poena carceris, exilium, variâque supplicia. Sed æquior Brandenburgici & Neoburgici Principum animus iniquitatem hominum compressit; dimissis captivis, additâque severâ inhibitione, ne porro injuriis lacefferent Catholicos. Urbi interim arcique custodiendæ, quæ foederatorum Principum jussu venerat, militum manus injecta. Grati primum hospites Bielefeldiensibus, ac velut delapsi è cælo tutelares Angeli magno excepti gaudio adversus Joannis Ritbergensis vicini Comitismolitiones; à quo numerosum sub Cæsarea signa cogi militem, rumor erat. Pérque æstivum tempus ex odio in Catholicos & quòd omnia ad denarium solvenda, dicerent, supra vulgarem modum liberaliter habiti. At spe solutionis per subitum militis discessum frustrati Bielefeldienses, dolum dolo punitum senserunt.

*Arx Spem-
remberga
prope Biele-
feldiam oc-
cupatur à
Branden-
burgicis &
Neoburgi-
cis cum
magno
gaudio Bie-
lefeldiensium
quod in lu-
dum post
vertitur.*

*Antiores
iidem.*

In eundem prope modum Coloniae consulis, viri sapientissimi, Joannis Hardenradii æquitate & prudentiâ hoc anno popularis seditio compressa. Multis illa viribus anni unius spatio increverat. Accersiti undique ex regionibus hæresi infectis triobolarii, egentes, capite censi homines, tribuûmque albo inferti: eò ad quodvis facinus proniores, quòd metuere opum nullam, aut subire jacturam possint; ex publica rerum agitatione, aliorumque damnis lucra inopiæ suæ captantes. Horum hominum duritiem inflectere, & corrigere insaniam, haud potuere duo à Joanne Schweickardo Moguntinensium, & * Lothario Metternichio Trevirensium Archiepiscopo, missi Oratores. Hi enim post diutinam in urbe Coloniaensi, & sumptuosam commorationem; post frequentes, sed irritos ad plebem cum senatu componendam congressus, hoc anno ad suos quisque Principes re infectâ regressi. At tantò jam securiùs confluere perditorum hominum colluvies; miscere furiosos sermones de magistratu à reipublicæ gubernaculis dejiciendo; de inferenda ipsa nece, nisi portarum clavibus cum populo communicatis, nonnullisque de grege suo ad publica munia admissis, populum vellent omnium in curia consiliorum participem facere; nisi rationum tabulæ, urbis proventuum libri traderentur, ad rectiorem calculum revocandi: eaque consilia agitabant nocte concubiâ, tenebrarum & parietum custodiis tegendo omnia; ne quâ parte ferarum machinationum suspicio pelluceret.

** hos duos
Electores
Cæsar dele-
gaverat ad
reducendâ
Coloniâ pa-
cem.
Turbæ &
seditio in
urbe Colo-
niensi so-
piantur.
Mesbor.
vetus ms.
Turckis.*

Fallere tamen Hardenradium consulem diligenter circumspicientem omnia, atque sagacem virum non potuere. Is re comperatâ senatum jubet ocyùs coire: atque expositâ periculi gravitate, cum nosset, certam violentæ irruptioni designatam à conjuratis horam, singulis quibus per urbem horologiorum cura, de senatorum sententia imperat, ut vel horologii cursum omnino sistant; vel er-
ratico

Singularis
magnani-
mitas con-
sulis Colo-
nienfis.
*Auctores
idem.*

rático motu faciant inter se discrepare; diversam diversis in locis horam nuntiando. Ipse interim consul Hardenradius ferreâ loricâ, quam pallio oblongo texerat, indutus, ponè magno armorum globo sequente accedit ædes: interritus contemptoque vitæ periculo fores pellit. Iis per errorem velut conspirantium socio patfactis, audacter in medium conjuratorum irruit: projectoque pallio, & arreptâ, quam potestatis insigne minister à tergo ferebat, hastâ severiore vultu ad præsentem conversus: *num, inquit, vestrum me consulem agnoscitis, vobis, totique urbi imperitantem? quorsum igitur me irrui illa cœventium multitudo? illa nocturna conciliabula?* Hic statim in pallido omnium vultu nequitie indicia; alter in alterutrum oculos, latentis animi proditores defigere: ex abruptis sermonibus, ac turbido ore; ex truci silentio ipsi se sceleris meditati reos agere: inde latebras, fugam, salutem optare. At nihil uspiam effugii. Jam enim, obstructo ubique elabendi loco, velut in cavea conclusi, ab excubiis circa domum positis, detinebantur. Facto dein senatûs consulto, si per tenebras dilapsos, ac judicio consulis mitiorem poenam promeritos excipias, alii perpetuâ lege relegati omnes. Itâ demum ejectâ sordidorum hominum sentinâ, tam celebris reipublicæ relevata navis feliciore cursu provehitur.

* *Scha-*
Abas.
Rex Persie
rogat Pon-
tificem, ut
Imperii
Principes
contra tur-
cas arma
sumant.
*Spond. ad
hunc annu*
* *Fœdus*
Calvinia-
norum
Principum
qui corre-
sponden-
tes se dice-
bant: & Ca-
tholicorum
contra Cal-
vinianos,
quod liga
Catholica
dicebatur.

Hos per Imperium in tot regionibus intestinos motus eò ægrius ferebat Paulus V. Pontifex, quò ipsi facilius fuisset, sublati ejusmodi turbis desideria * Regis Persarum explere. Sollicitabat is Pontificem iteratâ legatione, ut Sedis Apostolicæ impulsu fortiùs Imperii Principes Turciam bello premerent; prolixè multa Pontifici per Legatos pollicitus: se omnes belli impensas compensaturum, tum singulari erga quosvis Christianos humanitate, & benevolentia; tum etiam cessione plurium locorum variis in urbibus & provinciis pro scholis templisque construendis; in quibus propagandæ per regnum suum religioni Catholicæ vacari tutò posset. Nihil his promissis optabilius Pontifici. Sed quid ageret urgeretque hoc dejecto rerum statu: exilis majestas Imperii; Imperatoris auctoritas debilitata, ac propè nulla ex dissidio ipsum inter & fratrem Matthiam: Austria, Bohemia invalescentibus hæreticis turbata: turbator Germania ex percusso * duplici hostium domesticorum fœdere; utroque magnam plagam injiciente toti Imperio. Calamitosa tempora! quando Christiani Principes civilia in se ipsos arma vertunt; quæ ritu majorum nostrorum barbari ipsi in barbaros sumenda suadent.

Non alia ex hoc anno Theodori Episcopi nostri memoria, nisi propensionis ejus in juventutem literarum studiosam. Formabatur illa in summæ ædis peristyllo, minùs commodo functionibus lite-

literariis loco. Inter cetera grave erat adolescentibus itare illuc; redire longo lutulentæ viæ intervallo per cæli, & insolentium etiam hæreticorum quandoque injurias ad remotius templum; ubi rebus divinis interessent. Sublata sunt hæc juventutis tædia, postquam de Theodori Episcopi & Cathedralis Capituli consensione emptæ templo vicina domus; opportuno admodum loco è regione collegii Patrum Societatis JESU sita; solo coemeterio, & angustæ plateæ interjectu dirempta; satisque apta scholasticis exercitationibus: non tam à pretio & elegantiæ memorabilis, quàm ab antiquo ejus possessore (cui nomen Antonius Crato) uti Lutheri amantiissimo, ita Patrum S. J. insigni osore. Horum ille in vituperationem præter convitia alia nuper famosum libellum hoc titulo in vulgus emiserat: *Possitne fidelis quispiam salvâ conscientia permittere, ut filii scholas Jesuitarum adirent.* A morte hominis partæ in vita opes ita dilapsæ sunt, ut vidua necessum habuerit, rei familiaris inopiam venditione domûs juvare. Maluisset illa emptores alios, at, nemine ad licitandum se offerente, pretium obtulit nobilis virgo Odilia de Spiegel; aditæque possessione jus suum Patribus Societatis JESU cessit. Adeo rebus in humanis sæpe ludit divina providentia; illudique obtreçtatorum machinationibus.

Commodior locus pro instruenda juventute, ex gratia Theodori Episcopi comparatus. Mira dispositio Dei. *Annales collegii PP. S. J.*

Superest paucis memoranda calamitas inferioris Saxoniae: per cujus regiones hoc anno grassata pestis, magnam mortalium multitudinem absumpsit. Urbem Hildesensem non sinè multis funebribus eadem lue correptam, foeda insuper contagio morum infecterat. Potior Ernesti Episcopi cura in curandis his contagiosis animorum morbis. Ejus jussu venere duo morum censores Nicolaus Episcopus Aconensis, & suffraganeus Monasteriensis, Lubbertus ab Hasfeld Decanus Xantensis, & Canonicus Monasteriensis. Ab his post inspectam Clericorum vitam metu gravissimæ animadversionis, severisque edictis quæsitæ emendatio eorum, qui per indecoram cum sequiore sexu liberiùs versandi licentiam, non sinè sceleris suspitione probis omnibus offendiculo fuissent. Obtinebat in hunc usque annum prisca consuetudo, sub horam noctis duodecimam in Cathedrali Ecclesia matutinum psalmorum chorum frequentandi: ex arbitrio visitorum, præter alia laudabiliter sancta, gravibus de causis jussi sunt, tempori aliarum Ecclesiarum se accomodare, eos psalmos manè horâ quartâ decantando.

Pestis grassatur Hildesii. Ernestus Episcopus duos mittit, qui Clerum visitent. *ex archive Cath. Eccl. Hild.*

Abrogatur consuetudo frequentandi chorum horâ 12mâ noctis. *ex archive Cath. Eccl. Hild.*

Uuuu

AN-

Annus Christi 1610.

PAULI V. Pontificis 5. & 6.
 RUDOLPHI II. Imperator. 34. & 35.
 THEODORI Episc Paderb. 25. & 26.



Comitia
 Pragensia
 solvuntur.
 Nihil ex il-
 lis auxilii
 obtinet Im-
 perator Ru-
 dolphus.
 Rex Galliar
 Henricus
 IV. necatur.
Palatius in
Aq. Aust.
l. 47. c. 2.
Spond. ad
hunc annū.
ms. Turckii
Vita Rudol-
phi Caesaris

Christianus
 II. Elector
 Saxoniar
 Juliam Cli-
 viam &c. a
 Cesare ob-
 tinet & in-
 vestiturā
 donatur.
Helvic. in
sbeas. hist.
Et alii scri-
ptores de
successione
Juliacensi.

Gebatur jam annus Christi sexcentessimus decimus su-
 pra millesimum; Rudolphi quartus & tricesimus,
 ex quo Imperium, quā intestinis dissidiis, quā Tur-
 carum incurfionibus concussū administrârat. jamq;
 in foribus extremam adesse perniciem formidabat, cū in suum
 unius caput tot conjuratos hostes à fronte & à tergo, domi, forisq;
 parare arma intelligeret. Augebatur in dies singulos exacerbat
 rursus Archiducis Matthiæ studium & cupiditas sibi utrasque
 scissi Imperii partes in fratris Rudolphi Cæsaris cladem adjungen-
 di. Maximi fiebant in Anglia, Gallia, Hollandia armorum ap-
 paratus: Rudolpho hærente in aula Pragensi, omnis consilii & au-
 xilii inope ac penè neglecto. Pauci etiam Imperii Proceres, quos
 sibi fidos habebat, mense Aprili Pragam convocati nihil opis contu-
 lere. Hos inter memorantur, Schweikardus Archiepiscopus Mo-
 guntinus Metropolitanus noster, Ernestus Archiepiscopus Colo-
 niensis, Maximilianus & Ferdinandus Archiduces Austriæ, Chri-
 stianus Saxoniar Elector, Henricus Julius Dux Brunsvicensis, Lu-
 dovicus Darmstadii Landgravius. Decimā quintā Maji cū ini-
 tium congressūs fecissent, deliberaturi de mediis collisos fratres
 Rudolphum & Matthiam reducendi in gratiam; de creando Roma-
 norum Rege; de sopiendo motu Juliacensi: inopinatæ properanti-
 bus tabellariis perferuntur literæ, Henricum IV. Galliarum Regem,
 postquam bellum in Germania gerendum magnā mole jam ap-
 parasset; pridie Idus Majas à Francisco Ravalliaco, patriā Engo-
 lismensi, gemino vulnere cultro percussū; trajectoque pulmo-
 ne exanimem cecidisse. Principes metu, qui maximus ab hoc in-
 jectus Rege erat, soluti, mox abruptis consultationibus, nec ullo
 ad res propositas emolumento discessere. Elector tamen Saxo-
 niæ & Dux Brunsvicensis sua ex hoc conventu commoda captā-
 runt: hic pleno in urbem Brunsvicensem jure donatus; atque à
 sapientiæ doctrinæque fama adscitus ad intima consilia Cæsaris:
 ille aliis æmulis, quemadmodum citati edicto erant, coram tri-
 bunali Cæsareo non comparentibus, Juliam annexasque provin-
 cias ab Imperatore fiduciario jure obtinuit, clientelari statim insti-
 tutione confirmatus: sed eam obtinuisse facilius, quàm armistu-
 tari fuit.

Hæc

Hæc enim Cæsaris in Saxonem benevolentia adeò irritavit competitorum animos, ut juncto mox exercitu provincias hostilibus armis ingrederentur; certiores à Marte quàm à Cæsare fortunam favorémque petaturi: idque tam prospero eventu; tanto animorum æstu; ut oppositus Leopoldi exercitus, multis passim claudibus imminutus, aut internecione deletus, sustinere belli molem, urbésque ac arces tueri haud valuerit. Et jam arx Bredenbenda ab Ernesto Brandenburgico, qui fratris Sigismundi eo in Bello vices obibat, redacta erat ad pulveris tormentarii inopiam; ac penè interierat, prædiario milite magnam partem obtrito. Missi in auxilium ab Archiduce trecenti sclopetarii sacculis pulverariis onusti, dum rustico quodam viarum duce conantur per devias paludes penetrare; propè ad unum omnes ab obsidentibus mactantur; neque horum stragem avertere aut ulcisci poterant mille alii, ac septingenti pedites; & sex equitum turmæ, quos cum tormentis bellicis quatuor in proximo nemore Archidux abdiderat. Hi enim facto in obsidentes impetu cum ducentorum amissione pariter rejecti sunt.

Brandenburgicus & Neoburgicus offensus, favore Saxoni à Cæsare præstito, atrocius Leopoldianos persequuntur. *Helvicius theat. hist. Londorp. Jul. Cæs. Bulengerus & alii.*

Internecio gravior facta à Christiano Principe Anhaltino. Is Majo incunte è Galliis per Hollandiam redux, cum itinere didicisset, non exiguas Leopoldi auxiliares turmas trans Mosam per pagos Juliæ in stativis considerare; securas hostium, & nulli, quàm agricolis formidabiles: confestim Neomagi & suum & Friderici Nassovii militem plaustris injicit; plenoque cursu, quasi Jovis quadrigas conscendisset, advectus, incautos adoritur. Perfacile fuit hostem in quatuor equitum, peditumque cohortem unam divisum dispersumque ex improvviso opprimere. Pars magna statim contrucidata, plurimi per agros palantes, atque ex fuga ad sexcentos in captivitatem retracti: qui omnes in triumpho adducti Dusseldorpium, ubi magnus honor habitus victori Anhaltino ab utroque Principe Brandenburgico & Neoburgico, tam gloriosè revertenti ad primum ab urbe lapidem obviam prodeuntibus. Archidux Leopoldus nihilò dejectior tam adverso Marte; incensus magis contumeliâ illatæ cladis ad Imperatorem abit, de ratione belli felicius prosequendi consulturus, urbe interim Juliacensi prudentiæ & fortitudini Joannis Reuschenbergii commendatâ. Hujus de habitu factus certior Mauritius Nassovius militiæ foederatorum Ordinum supremus Præfectus, exeunte Julio cum ingenti exercitu ex Anglis, Gallis, Belgisque conflato, per Hollandorum provincias in Juliam irruit. Auctus deinde Christiani Anhaltini copiis oppugnationem Juliaci Kalendis Augusti aggreditur. Magnis ibi animis & ab obsidentibus & ab obsessis integro mense pugnatum. Obsessorum

Victoria Christiani Anhaltini de Cæsareanis obtenta. *Auctores iidem.*

Uuuu 2

rum

Juliacum
expugnatur
ab Anhalti-
no:
Stangefol.
Buleng.
Londonp.
& alii.

rum tamen animos non parùm infregit Chatræi in obsidentium castra adventus cum instructissimo Gallorum peditum novem millium, & ducentorum supra mille equitum exercitu. Jámque munitiones erant, & obliqui accessus ad usque fossas producti: suffossa cuniculis ipsa arcis propugnacula, quæ injecto igne omnia præsentem intentabant præsidariis mortem; cùm Reuschenbergius, ut communem omnium interitum deditioe averteret, arcem oppidumque secundâ septembris victoribus aperit. Atque ita universa Julia & Clivia aliæque ditiones duorum Principum dominatui traditæ, prorsus exclusis Saxonibus; quorum deinde contentio & ardor plurimum refrixit. Nihil hoc rerum statu tristius Religioni Catholicæ; ad quam ubique exterminandam Lutheri & Calvinii affectu sub horum Principum regimine audentius conspirabant. Nec illud minùs triste omen, quòd hoc anno Dusseldorpii in palatio coenam Calvinisticam celebrari à nobili & numeroso cætu, Catholici cernerent; interque eos magno convivantium gaudio novum convivam Ernestum Marchionem Brandenburgicum, Juliæ & Cliviæ Governatorem; ad Calvinum à Luthero nuper transgressum.

Comitatus
Ritbergensis
ad Fidem
Catholicam
reducitur.
Fridericus
Rörich S. J.
in concione
funebri
Ritbergæ
habita an-
no 1518.
Hist. ms.
Turckii ad
ann. 1601.
& 1610.

Lætiora subinde Religioni Catholicæ tempora obtigere in Comitatu Ritbergensi. Ubi, postquam Sabina Catharina, Ennonis III. Ostfrisiæ Comitissæ, & Walburgis Ritbergicæ filia, indeque unica Comitatus Ritbergensis hæres jam pridem anno MDCL. in gremium veræ Ecclesiæ redierat: hoc præterea anno Joannes Comes Ritbergensis, Sabinæ Patruus, ejusdemque sublato per auctoritatem Pontificiam consanguinitatis impedimento conjux subjectum sibi populum post sexaginta & amplius annorum tenebras ad Catholici veritatis lucem reducere studet. Eâ mente Paderbornâ Rectorem collegii Patrum Societatis JESU Joannem Roberti Ritbergam evocat: paucis, quid cum animo versaret, aperit: eumque ad Comitatus sui templa post tot annorum profanationem reconcilianda adhibet. Tam salutari operi XXVIII Februarii, qui primus jejunii quadragenarii dies erat, initium datum à Ritbergensi Ecclesia. Rei divinæ solenni ritu peractæ de præstantia orationis, si jejunio societur, concio subjuncta fuit; præsentem Comitem, cum Sabina conjuge & prolibus, aulaque tota & gynæceo: nec paucis incolis seu novitate rei, seu boni animi motu accitis. Itum deinde longius pari pietate ad alias *hujus Comitatus parochias: templaque omnia ex more Catholico sacris initiata cerimoniis, supremi Numinis cultui restituta sunt: migrare aliò, & silere jussi omnes doctrinæ Lutheranæ Prædicatores; quòd clam intrusi, nec *per ostium introiissent*. Reliqui non vi, aut virgâ ferreâ; sed mansuetudine, piis

*Neustir-
chen/
Berle/
Mastholt

piis monitionibus, soliùsque veritatis agnitæ impulsu in viam reducti.

Ut verò *Religionem* esse *vanam* discerent, quæ cum virtute, & vitiorum fuga conjuncta non sit, gravi in eos animadversione utendum censuit, quorum vita & mores à doctrina Religionis dissentirent. Unum præferam hoc anno editum hujusmodi severitatis exemplum. Comes in Juliacensi bello perquam studiosus Cæsaris, ac Christiani Saxoniae Electoris, non modicum conscripserat exercitum ad recuperandam Bielefeldiam. Ne quid tamen inconsulto Imperatore aggrediretur; ad eum Pragam contendit: milite per oppidum & pagos distributo. Is verò per absentiam Comitis solutior, audaciùsque ad proxima quæque loca, ubi prædæ spes aliqua, effusus multa impiè nefarièque committit. Obvii prope Sufatum, in ejusque urbis territorio pagi, & quidquid per viam spoliis opportunum; primos prædantium impetus sustinuère; ne vomeribus quidem aratrorum in agris parcitum. Ipsaque urbs Sufatensis ad pendendum non leve tributum violenter adacta. Indè per agrum Paderbornensem, Osnabrugensem, Monasteriensem, viæ omnes latrociniiis, & grassatoribus infestæ. Mox ad Visurgim flumen in Principatum Corbejensem procurstantes, latè omnia sceleribus, & vastitate complent. Comes Pragâ ab Imperatore redux, reperit in itinere omnia querelarum, turbarumque plena. Crebris deinde literis appellatus de sarcinendis damnis, sedulò inquisitionem fieri in sceleris authorem jubet: deprehensumque tandem, culpam residere in eo *, cujus fidei arcem, militesque gubernandos abiens commiserat: non modò hunc omnes militaris licentiæ habenas laxasse militi; sed datis etiam commeandi literis, quodammodo viam ad prædandum stravisse. Rogantur tria militiæ tribunalia sententiam de poena delicto irroganda: & à singulis poena capitis pronuntiat. Neque Comes ullis ad gratiam vitæ faciendam rationibus induci potuit. Quare reus culpæ gravitatem agnoscens, cunctis facultatibus priùs erogatis in pauperes, consuetisque sicut *bonus miles Christi*, Romanæ Ecclesiæ armis in mortem munitus, cervicem fortiter securi subjecit: dignus, qui ob bellicas virtutes honestiore in arena sanguinem profudisset. Exinde Comes, quòd ex tenui ærario sufficere porro stipendia tanto exercitui non posset; plerosque militum ultro rude donavit; vel aliò dilabi fugâ, haud ægre passus est. Eorum partim hostium auxere castra: partim reversi ad gustatas antè in Westphalia prædarum cupedias; sed captiavorum passim in patibulis, rotisque pabulum fuere. Valuit autem isthoc justitiæ exemplum ad majus virtutum, religionisque per Ritbergensem Comitatum in hæc usque tempora florentis studium.

Plu-

Joannes Comes Ritbergensis plectendo scelera studet promovere studia virtutum & Religionis Catholicæ. *Kleinsorgi in contin. Cosmod. Gobelini.*

* *Præfectus arcis Thot dictus.*

Pietas refi-
piscientium
civium Pa-
derbornen-
sium.

Quantum
inde gaus-
dium Theo-
doro Epi-
scopo.

Annales
Colleg. S. J.
Paderb.

*ad Rom 8.
v. v. 23.

Plurimum inde gaudii Joanni Comiti Ritbergensi. Nec minùs Theodoro Episcopo; nostro solatii ex accrescentis per Dioecesin suam Religionis, pietatisque fructibus. Vidit ille non semel eos, quibus antea Catholici ritus deridiculo erant; novo ornatu aut intrà moenia per ædes sacras, aut extra urbem ad sacellum Romanum in supplicationem prodire: alios oblongâ, pullâque veste; quâ vitæ licentiùs actæ dolorem: candido habitu alios, quo peractæ poenitentiae signa testarentur, indutos; obnupto capite, nudisque pedibus omnes corollam precatoriam alterâ, alterâ cereum manu gestantes: moribus tam compositis, tanto precum ardore; expansis, dum salutaris hostia sublimè tolleretur, brachiis, ut auditus sit postea Theodorus Episcopus, cùm diceret; tam uberes, sub ipsa renatae Religionis incunabula, *primitias** spiritus sibi præ gaudii abundantia lacrymas extorsisse. Pupugit tamen hoc pietatis spectaculum non leviter hæreticos: Fuitque de trivio rabula tam protervè dicax, ut anniversariam, quâ Divorum urbis tutelarium reliquiae à supplicantibus circumferuntur, solennitatem conspicatus sinè fronte effutiret: *vel unicum ex Lutheri femoralibus, quæ alibi in honore essent, filium pretiosius sibi, gratiùsque fore, quàm ingentem illam mortuorum ossium congeriem.* Illoti oris, ejusque similium rabularum sacrilegæ cavillationes, & odia non sorbenda solùm Theodoro Episcopo; sed etiam concoquenda fuerunt: donec tandem satietate defessus, anno proximo omnem in eos stomachum erumperet.

Prodigiola
grando &
perniciosa
Paderbor-
næ, non
item vicinis
urbibus.
Kleinsorg,
in contin.
Cosmodr.
Gobelin.

At cunctantem Theodori Principis justitiam divina prævenit, injectâ patriæ plagâ levi illa quidem; sed quæ ex portento formidabilis, & mali gravioris nuncia timebatur. Sudum omnino cælum erat tertio Kalendas Maji: & gratissima aëris serenitas; cùm repente sub horam quartam opaca, & nigrore horrida ab occidentis solis regione nubes exsurgit: quæ celerrimo motu, non aliquo impulsâ vento, quòd nulla adhuc esset cæli intemperies; sed occultâ agitatione incitata advolat; urbem hanc obtegit, tantam ex templo vim grandinis, ovi gallinacei magnitudinem æquantis effundens; ut contusi in tectis imbrices, comminutæ fenestræ, rami arborum detracti, nemine pedem domo efferre auso. Vehementem grandinis effusionem lenior pluvia excepit: eâ cessante portentosum erat cernere in quovis grandinis globo, tanquam in pelucido speculo, feminarum capita, humanosque vultus, iridis quasi coloribus expressos; capronis in fastigium erectis; pendentibus cincinnis, striatisque collaribus. Ipse, qui id temporis hæc literis consignavit, vidisse se testatur aliquot grandinum globos, diu mellis beneficio asservatos ad fidem exteris faciendam. Varii continuò hujus ostenti interpretes, cùm hanc urbem solam, aliis inta-

ctis

ctis, eâ percussam tempestate intelligerent. Alii mulierum nimio in urbe luxui illudum volebant; derisamque in parando mundo muliebri, comendâque corpore diligentiam. Per fastigiatas capronas divinabant alii, hæreticorum notari cornua; utpote quæ levi ictu paulò post convellenda essent, instar aquæ concretæ gelu, ad venti calidioris flatum diffluentis. Sed quid conjecturâ, quæ in varias partes duci potest, incertius? præsertim, cum id genus fatidici vates non aliquo agantur Numine, sed pro suo quisque genio quidvis augurentur. Haud dubium tamen; hæsisse adhuc in urbe plures projectæ audaciæ homines; & elatos hæreticorum spiritus. Quorum de grege fuit plebejus homo, malæ mercis institor, indolis petulantia magis, quam lucri cupiditate ductus comparat sibi libellum famosum, vernaculo sermone scriptum; quo Jesuitæ tanquam cædis Henrico IV. Galliarum Regi nuper illatæ authores ad poenas deposcebantur. Ad calcem libri appendix erat fusè disferens de nequitia & mysteriis, unde tela ad hujusmodi expeditiones depromerent. Atque ut criminationis invidia certius diffunderetur; pro summi templi foribus infamem satyram in publico mercatu vendendam exponit. Ut primùm veteratoria scriptio in oculos Patrum incurrerat, compellant hominem, de contumelia conqueruntur; adulterinam mercem diribitori ablatam volunt. Urbis Prætor Henricus Westphalen magis indignatus, dispositis apparitoribus homini comprehendendo invigilat: comprehensum protrudit in carcerem; certus pro delicti gravitate vel præcisionem auriculæ; vel præter probrosum liçtoris manu inflictum fustuarium, exilii poenam decernere. Patres verò Societatis memores consilii *Christi Domini multis iudicem obtestati sunt; ne quid durius in calumniatorem statueret. Mitigata igitur horum precibus sententia, ut diebus octo fame & frigore in ergastulo castigatus, urbe exigeretur. Priusquam exulatum abiret; videns famæ refarciendæ necessitatem, Patres supplex adiit; aspersam maculam, cum non posset calamo, lacrymis deleturus. Prandio recreatus, & largo viatico discessit; monitus, ut disceret cautiùs mercari. Nihil attinet hîc referre grandiora aliorum aliis in mundi partibus scriptorum volumina, quibus rursus in parricidii hujus suspicionem vocare Jesuitas conati sunt. Vel unas Ludovici XIII. Galliarum Regis literas legisse, plùs satis fuerit; quæ de Reginæ matris, de Principum, ac Procerum sententia exaratae extant, innocentia Jesuitarum testes. Habet hoc hæreticorum livor, & maledicentia: iterum iterumque lectori ad nauseam recoquunt incoctam toties de Jesuitis crambem; tanquam insipidi eorum libri essent, aut impositi, minùsque grati, nisi bile in Jesuitas effusâ condirentur; aut

Varia divinationes, quid portentosa illa nubes & grando sibi velint.

Ibidem.

Famosus liber de Jesuitis, quod per ipsos Henricus IV rex Galliarum occisus esset, aliisq; plenius calumniis venalis exponitur à bibliopola Paderbornensi. Poena hominis. *Annales collegii PP. S. J.*

*orate pro calumniantibus vos, Luca c. 6, v. 28.

*diploma illud habetur in Juvenio hist Societ. l. 12. p. 5. pag. 124. Spond. ad hunc annu.

ab

ab inspersis ad eosdem conspurcandos sordibus nitorem sibi, gratiamque accerferent.

Annus Christi 1611.

PAULI V. Pontificis.

6. & 7.

RUDOLPHI II. Imperat.

35. & 36.

THEODORI Episc. Paderb.

26. & 27.



Rudolphus Imperator quò morti propior venientibus annis; eò magis à fortuna, & amicis fugientibus desertus, res suas omnes vergere in deterius videt; à suòmet etiam exercitu, quem ad provincias Juliacenses in quiete continendas miserat, in graves turbas coniectus. Passaviensem vulgò scriptores vocant exercitum à duce ejus Leopoldo Austriaco Passaviensium Episcopo.

Parva Praga intercipitur à Leopoldicis, furor indè & tumultus Pragensium. *Helvicus theat. hist. l. 5. p. 139. Spondan. pag. 953.*

Depulsus ille ex urbe Juliacensi prædas agere per viam, tumultu miscere omnia cœpit; non tam irritatus sinistrâ belli fortunâ, quàm negatâ hæctenus stipendiorum solutione: cùmque Passavii restitutus in hibernis crederetur; motis ex inopinato castris, in Bohemiam se infundit; oppidisque aliquot expilatis circiter Idus Februarias ad Pragam, ubi tunc sedes Imperatoris, confidet; eamque urbis partem, quæ Praga minor appellatur, XV. Kalendas Martii die hilariorum, quo indulgeri epulis largiùs, & oblectamentis solet, ingressus, lætitiâ illius temporis funestat, stipendia rapturus à nolente Cæsare, quæ obtineri à volente non possent. Hic protinus ad arma Bohemi hæretici: ejectoque ex urbe peregrino milite, in religiosorum monasteria barbarum in morem debacchari: spoliare tanquam receptacula hostium, consiliorumque pessimorum officinas omni diritate pessundare: reliquiis, templorum ornamentis, imaginibus per compita & plateas manu sacrilegâ dispersis, proculcatisque; non paucis etiam ex religiosorum coetu, tanquam barbarum concitoribus, crudelissimâ nece illatâ. Pulsis deinde è regno Passaviensibus copiis, Archiducem Matthiam ex Austria cum exercitu in Bohemiam evocant: eidemque, omnibus læto clamore assentientibus, decimo Kalendas Majas regalem coronam consuetis cerimoniis imponunt: Rudolpho fratre vel armatis precibus ad regni abdicationem inducto; vel nequidquam invito, & repugnante. Proceres quoque Germaniæ, cùm ita vilescere & negligi Rudolphi auctoritatem; corporis etiam animique vires decrescere; Matthiam verò fratris detrimenta suo apponere lucro, cernerent, mense Septembri Norimbergæ consilia agitant de tollendo

Matthias Rex Bohemiz coronatur. Comitia Norimbergensia. *Spond. ad hunc annū Helvicus in theat. hist. pag. 138. ms. Turckii*

lendo ejus ex humeris Imperii onere: deque alio, velit, nolit, ipsi subrogando: qui majori fortitudine & gloriâ Imperatoriam Majestatem sustineat. Quorundam tamen dissensione, vel potius aliquâ adhuc in Cæsarem reverentiâ disturbatum electionis negotium; rejectumque est ad comitia anno postero Francofurti habenda.

Aquisgrani etiam hæreticorum molimina repressa sæpe, nondum compressa penitus, ad majorem hoc anno urbis perniciem se se effundunt. Sex in carcerem à magistratu protrusi cives poenas dabant sæpius violatæ legis: quâ vetitum, ne quis extra urbem hæreticorum immixtus coetui, aures eorum concionibus daret. Dicta captivis erat levior quædam multa, tanquam tessera obedientiæ pendenda. Ejus verò solutionem, cum in ipsas sex jam hebdomadas contumaciter procrastinassent, tertio tandem Nonas Julias à senatu decernitur: *penderent poenam pecuniariam: aut si per tenuitatem opum non possent; meliora polliciti condonationem flagitarent. In alterutro nisi gererent morem; priusquam sol occumberet, tanquam obstinatos et rebelles urbe excludendos.* Antemeridianum hoc senatus consultum sedulò tegebatur; nulla ut ejus ad populum in urbem aspirare suspicio posset. At perdifficile ita curiæ rimas obstruere, quin aliquid perluceat. Paucis post horis ubi res populo suboluit, circiter quartam pomeridianam ad feralem æris campani sonum ingens vesanæ plebis è gurgustiiis, tabernis, officinis accursus. Raptis, quæ cuique fors obtulerat, armis ad forum in ipsa curiæ penetralia irruitur: horrendâ vociferatione cædem, incendium, vastitatem conclamant; nî, laxatâ mox custodiâ, religionis suæ socios impunes missos faciant. Neque antè tumultuantium ira desæviit, quàm impuniti omnes, solutâ captivitate, prodiissent.

Atrociùs deinde grassatum in Jesuitas: eorum duos, qui valetudinis curandæ causâ peregre illuc venerant; dum ex urbe ab amicis domum redeunt; gladiis & fustibus armata cohors per viam aggreditur. Dirèque contrucidati ante ipsas fuissent collegii fores; nisi celeri fugâ in vicinæ domûs latebris persequentium rabiem evasissent. Novus deinde sexto Julii sub tertiam matutinam, majorque furentium impetus. Adest conglobatum, densumque agmen. Saxis prægrandibus, contis, bipennibus, ferociter in domûs januam arietatur. Patres veriti, ne truculentiùs agerent, si per valvarum cogerentur ruinas ingredi; ultro fores sævientibus recludunt. Antesignanus cum focus aliquot mox irruens, janitore multis verberibus inhumaniter salutato, insignem obvio sacerdoti plagam infligit: horrendum inclamitans: *ubi urbis consules? ubi reliquorum de grege tuo nebulonum latibula?* cui tremulâ voce Patet: *Contubernales suos, inquit, esse in templo congregatos. Nihil extra*

Tumultuantur
Aquisgranenses contra magistratum.
Causa tumultus.
Helvic. in theat. hist. l. 5. f. 136.

Idem Jesuitas cruce delictissime exagitant.
Helvicius libro citato Annales Societ. Juven. l. 14. pars. 5. pag. 247

XXXX

cos

Furor
Aquisgra-
nensium in
Jesuitas.
Auctores
iisdem.

*dictus
Joannes
Worms à
Thömburg.

PP. Capu-
cini hoc
anno Colo-
niensem in
urbem ad-
mittuntur.
Ægidius
Gelenius.
ms. Turckii

eos peregrini hominis domi latere uspiam. E vestigio procurentes in templum vident eos ante sacrosanctam Eucharistiam in genua pro-
volutos. Substitère paulisper quasi sacro horrore defixi: at re-
diit actutum animi furor: precibusque interpellatis omnes in vici-
num atrium pedibus, manibusque propelluntur. Indè viâ infami,
quâ facinorosos capite damnatos deduci, moris est, curiam versùs
locii novem inter acerbissima verbera protracti. Patres reliquos
jam propè exanimis domi non leviùs foedissimæ direptionis con-
spectus afflixit. Nihil in re domestica tum sacra, tum profana fuit;
quod furentium rapaces manus, ludibria, sacrilegia, non senserit.
Ipsi Patres rebus jam omnibus exuti, immane dictu! quàm multa,
quàm indigna perpeSSI sint. Ex alio in aliud conclave; pèrque
omnes domùs angulos obtorto collo raptati, nihil nisi maledicta au-
diunt; terrificosque sermones de laqueis, quibus gulam frangant;
de acuendis cultris, quibus aures, narèsque præcidantur. Mitto
injurias alias, quibus tandem erepti sunt commiseratione quorun-
dam Catholicorum, qui apud vulgus gratiosi id exorârunt; ut;
migrare in ædes Decani * tanquam in custodiam, Patribus liceret:
indè revocandi, sistendique populo, quando, & ubicunque libuif-
set. Potentius per Legatos patrocinium præstitit Regina Gallia-
rum, Maria Medicea, Regis Ludovici XIII mater. Hæc seu recenti
non levium in urbem beneficiorum memoriâ; seu Gallici exerci-
tûs in viciniam adventantis metu eò induxit furentium animos, ut
Patres jam mensium quinque spatio apud amicum diversatos, re-
gredi in ædes suas pridie Nonas Decembris permiserint. Neque
defuisset innocentibus æquitas Imperatoris Rudolphi; nisi paulò
pòst morte coactus eos deferere, ex turbis hujus mundi abiisset.

Urbs Agrippinensis inter hæc cautior ex alienis periculis; nihil
prætermisit, quò impias ejusmodi molitiones quâcunque ope di-
vinâ, & humanâ præverteret. Eò donati civitate hoc anno, pub-
licoque admissi decreto fuère Nono Kalendas Novembris, ut exor-
dia religiosi instituti sui istic caperent, Patres Ordinis sancti Fran-
cisci (quos Capucinos dicimus) quique cultu rigidioris vitæ, aspe-
ro, incomptoque habitu homines à liberiore per hæresin deprava-
ta vita, ad meliorem frugem, ad expiandam piis poenitentiae ope-
ribus tot rebellionum culpam allicerent. Crevit deinde pluribus
piis aliunde accitis viris religiosa isthæc familia, suoque in rem Ca-
tholicam, pietatémque promovendam studio, consulum aliorumq;
beneficentiam quinquennio pòst permovit, ad stabilem habitatio-
nis sedem assignandam.

Neque in Dioecesi nostra suis caruit incrementis, strenuisque
tutoribus Catholica Religio. Hæretici diu recondita quædam lati-
bula

bula quæfiêrant; in quibus filii ad parentum ingenia, morésque formarentur. Atque ità innocens ista ætas errores combibebat, quos ægre adultiores evomerent. Olfecit damnosas scholas, qui puerili tironum ludo præerat, Bartholomæus Ruffius. Is continuo insidiis, per supplicem libellum Principi expositis, severius decretum, prætori urbano inscriptum, obtinet; quo, facultate pueros privatim, puellâsque docendi sublatâ, insuper mandat Princeps, universa clàm discentium, docentiûmque receptacula everti, destruique. Neque timidior Ruffius in perurgenda decreti promulgatione. Inde conflata sibi, omnium per plateas linguis, saxisque insectantium, odia animo imperterritito tulit: cùmque in peritulantem violentè eum in vicis aggredientium turmam incideret; fortiter luctatus, machærâ uni luculentam plagam infligit. Vulneris dolores aucti sunt poenâ carceris, in quem læsus ille cum sociis detrusus, emendatusque fuit. Ceteris levi hac in paucos animadversione coërcitis, res prospere ex bonorum omnium sententia procedebat: consultumque parvulis eò magis, quò prima fidei elementa, rudibus percepta annis, hærent tenacius. At brevi spes omnis in herba succisa fuit. Filios enim, postquam tribus quatuorve annis, cum aliquo saltem pietatis gustu, imbuti humanioribus literis erant, abstractos è scholis Catholicorum aliò Lipstadium, Lemgoviam, Marpurgum, Rinteliam amandabant; ut velut angues ex agris reversi ejectum virus resorberent, & imbibitus cum literis pietatis succus hæresis veneno extingueretur. Plus allatum momenti sperabatur edictum aliud de matrimonio à nemine contrahendo; nisi qui sua priùs peccata sacerdoti Catholico in sacro tribunali aperuisset. Sed & hoc protervè elusum creberrimo ad finitima loca, Lipstadium, ad pagum Sclange, in confini comitatu Lippiensi situm, perfugio. Ubi audacter nullo metu gravioris multæ absteriti, cerebrosa conferebant capita, tædâsque nuptiales, & consilia in commune jungebant. Erant & ipsi quorum habitatio in suburbana domo ob contagiosam lepram ab aliis discreta est; non corpore solo, sed mente etiam infecti. Novo huic morbo, à quibus afferri medicinam oportuisset; lepræ turpitudinem non ferentes, adire ægrorum contubernium horrebant. Obtulêre se ultro alii; quibus animi, quàm corporis impetigo periculiosior, foediôrque visa. Nec à remedio ferendo antè destiterunt; quàm omnes ad sanam mentem, inque sinum Romanæ Ecclesiæ rediissent. Mussitabant interea hæretici, & clàm fremebant; palàm contraire veriti istis recentibus decretis. Nonnulli tamen, qui indolis acrimoniâ magis, quàm maturitate consilii valebant, ausi tentare rursus per supplices literas Principis clementiam: si, aperire

Theodorus Ep. privatas ædes, in quibus pueri clàm Paderbornæ hæresin docebantur severe interdicit & conventicula illa destruit. *Hist. collegii S. J.*

Hæretici Paderbornenses abstrahunt è scholis Catholicorum filios & aliò mittunt. *Vetus ms. Annales S. J.*

Leprosi à Jesuitis Paderbornæ convertuntur ad Fidem Catholicam. *Ibidem.*

Hæretici supplicant apud Theodorum Ep. pro aperendis privatis scholis,

Theodori
Ep. respon-
sio.

Ejus pietas
erga B. V.
MARIAM.
Hist. colle-
gii S. J. Pa-
derborna.

de integro literarios ludos, liceret. Hi responsum immite quidem & asperum abstulêre; sed leni dignum, sapientissimóque Principe. *Nihil, ait Princeps, aequè dolere se; quàm diutinam illam errorum in Dicecesi sua tolerationem. Nec aliquid sperent novis sanctionibus aduersum ullo Anquam tempore sibi indulgendum.* Vehementer brevis hæc responsio feriebat hæreticorum aures. At tantò suaviùs recreati Catholicorum oculi raræ pietatis spectaculo; cùm ipse pientissimus Princeps XV Augusti, qui Deiparæ in cælos assumptæ sacer dies est, supplicantium cætui ad sacellum Romanum se pedes socium jungeret: eo divæ Virginis, cujus statua à primoribus urbis præferebatur, cultu, quorumdam in urbe hæreticorum stolidam correcturus opinionem; quasi rudis plebecula ejusmodi otiosis circuitibus induceretur, ad honoris aliquid lignis, saxisque habendum: crederetque quidpiam veri Numinis in fictis istis simulacris inesse.

Annus Christi 1612.

PAULI V. Pontificis	7. & 8.
RUDOLPHI II. Imperator.	36.
MATTHIÆ Imperator.	1.
THEODORI Episc Paderb.	27. & 28.



*Palatius
l. 47. c. 11.

Hoc anno Christi duodecimo supra millesimum sexcentessimum Rudolphus Imperator ætatis suæ sexagesimo fatale mortis imperium in arce Pragensi subiit X. Januarii; variâ jactatus fortunâ; confectus senio, morbis, bellorûmque tædiis. Eoque magis sceptrâ, coronas, Regna, vitam ipsam perosus, mortemque appropinquare gaudens, ita emortualem lectum circumstantes alloquitur: **Charissimi mei, cùm in juventute mea à deo parente meo ex Hispania in hanc patriam meam transitoriam per Legatum revocarer; tanto gaudio perfundebar, ut sequentem noctem, totam insomnem traducerem. Quantò magis mihi nunc latandum, quia pater meus celestis in æternam patriam me brevi avocaturus est: ubi nulla est temporis vicissitudo, aut mutatio; et ubi calamitas nulla est.* Plurimi virtutes ejus, ac naturæ dotes celebrant; contra ac Spondanus scriptor Gallicus, paulò asseverantiùs, eum fuisse, dicit, *bellicis curis ac ferè civilibus minùs, et naturâ et valetudine aptum.* Hoc tamen ipsi à plerisque datum vitio, quòd optimis orsus initiis, posteriora vitæ tempora contaminârit nimîâ in hæreticos benignitate, & indulgentiâ; segniter timidèque hærendo in aula Pragensi, hæreticis interim sacra, profanâque omnia pro libidine sua miscentibus. Matrimonii semper absti-

abstinens fuit Rudolphus: non tamen improlis decessit. Cujus illi-
citi commercii, ut inquit Palatius ** culpam non modicâ dignitatis ja-*
Eturâ luit. Evocati postea Francofurtum ad comitia septemviri,
Matthiam fratrem, Hungariæ jam tum Bohemiæque Regem, XIII
Junii caput Imperii renuntiant. Quem quartâ ibidem & vicesimâ
ejusdem mensis Joannes Schweikardus Archiepiscopus Mogunti-
nus Regali decoratum purpurâ, & Augustali coronâ redimitum
Romanorum Imperatorem inunxit. Sextus deinde Kalendas Julii
designatus dies, quo pari magnificentiâ conjugii Annæ, Austriaci
sanguinis, ex Tirolensi Comite Ferdinando, Ferdinandi primi Im-
peratoris filio prognatæ, corona Imperii imposita: solennibus nup-
tiis jam anni superioris mense Decembri Viennæ celebratis. Quam
in urbem nunc quoque ex arce Pragensi transferre sedem Impera-
toriam placuit.

Rudolphum Imperatorem paucis post diebus ex hac mortali
vita secutus in æternitatem est, Ernestus Bavarus, Agrippinensium
Archiepiscopus, in arce Arensbergenfi 17 Februarii placidâ piâque
morte extinctus. Princeps erat indole ad summa surgente flo-
rens; consilii maturus; Catholicæ rei inter paucos diligens; pub-
licæ pacis assertor. Si ditionum, quibus præfuit, amplitudinem
** spectes*, post Pontificem Maximum major vix ullus in hierarchi-
co universi orbis Christiani statu. Et habuit vires animi, dotésq;
præclaras tantæ molis capaces; prudentiâ, magnanimitate, facun-
diâ illius ævi Principum nemini inferior. Nec ita tamen Dioce-
sibus bene administrandis se impertiit; quin simul ab ipso Ponti-
fice & Rudolpho Cæsare sæpius in consilium adhibitus, magnam
curarum partem daret arduis aliis Imperii negotiis conficiendis.
Princeps multis excultus scientiis; eodémque, quo in literas, etiam
in literatos amore & benevolentia ferebatur; homines eruditos ho-
noribus, opibusque locupletando. Longum foret, recensere col-
lata in plures Ecclesias, in religiosas domos beneficia, omniâque
virtutum præstantissimarum decora. Inter hæc tamen diffiteri,
animus non est, *cedros Libani*, viros excelsæ virtutis, quandoque
tentationum inflecti ventis, infringique posse. Vitam ad annos
productam ** quinquaginta septem* quàm laudabili & religioso fine
coronârit; lubet ex ipsis Gelenii verbis percipere: *grandi*, scribit,
languore oppressum abdicatis publicis curis, aulaque strepitu totum in Deum
fixum; et ad lacrymas, suspiria, divinas meditationes conversum, in ipsum
morbidum corpus severe animadvertisse: totiusque anteaclæ vitæ pecca-
ta, piâ cordis compunctionis, et penitundine animi confessum ** Joanni Pel-*
kingio deinde Episcopo Cardicensi. Demum sacrosanctæ Eucharistiæ mu-
nitum viatico, ingeminatis sæpius his verbis: JESU fili David miserere
mei

** Aquila
Aust. loco
citato.*

Moritur
Rudolphus
Cæsar.
Succedit
Matthias
frater,
Stangefol.
Spond. ad
hunc annū.

Moritur
Ernestus
Archiepi-
scopus Co-
lon.
Kleinsorg.
Stangefol.

** Archiep.
Colon. Ep.
Frising.
Leod. Mo-
nast. Hild.
Administ.*

** Stangefol.
Gelenius
numeras
annos 62.*

Quàm piè
mortuus
Ernestus.

Gelenius
pag. 243.
** Fuit Ord.
FF. Minor.*

Convent.

mei. *placide, et pie in Domino obdormivisse.* Cadaver aromatibus conditum, ornatumque Electorali habitu per altissimas eo tempore nives tertio Nonas Martii transvectum Coloniam; ibidemque in æde Metropolitana illatum magnifico Mausulæo, ante facellum trium Regum exstructo.

Ernesto
succedit
Ferdinand⁹
Bavarus
Coloniz,
Leodii, Mo-
nasterii,
Hildesii.
Stangefol.
Kleinsorg.

Ferdinand⁹
Bavarus,
Archiep.
Colon. ve-
nit Pader-
bornam,
jam apte
electus Co-
adjutor
Theodori
Episcopi.

Archivum
Cath. Eccl.

Ab Ernesti obitu relictæ ab eo mitræ, Frisingensem si exceperis; pulchro nexu omnes in uno capite Ferdinandi Bavari coiere. Is Ernesti ex Wilhelmo ejus fratre nepos erat: neque tanto oneri cum laude, & gloria, exemplo patruī, ferendo impar: utpote qui pridem delectus Coadjutor, in partem sacri muneris veniendo, suū jam periculum fecerat. Et Ferdinandus, postquam funus satis amplum Ernesto faciendum curasset; quartā Idus Martii Coloniz inauguratus; mox celebratā postridie synodo omnia ad iter Francofurtum versūs ad novi Cæsaris electionem componit. Quò etiam splendidā Procerum comitante turbā haud multò post profectus; omnium primus cum Joanne Schweikardo Moguntino Archiepiscopo ingressus Francofurtum, ab undecima Maji ad exeuntem usque Junium Matthiæ Regis honoribus, communi Imperii saluti, Catholicæque præsertim Religioni consultum ivit. Indè in patriam, ex eaque XXII Septembris in Dioecesin nostram regreditur. Cui multā cinctus equestrium virorum coronâ Theodorus Episcopus processit obviam: inque arcem Neuhusānam maximo, quo poterat, apparatu deduxit *Pater Filium*: hoc enim dulcissimo nomine recreare se in familiaribus literis, sermonibusque consueverant. Vetus amor ille, animorumque conjunctio multum increverat, postquam vivente adhuc Ernesto decimā Februarii Ferdinandus Episcopo nostro Theodoro Coadjutor datus fuerat omnium, quorum intererat, eligentium consensione. Fuitque maturata electio ex gravi metu, ne, si quid humanitus ex improvviso accideret senescenti Episcopo nostro; extinctæ veteres turbæ reviviscerent; inque Dioecesis perniciem conspirandi rursus occasio præberetur. Jam enim, ut narrat Kleinsorgius, turbulenta quædam de Ordine equestri capita elato supercilio XXVI Januarii in civitatem venerant; aditōque Reverendissimo summæ ædis Capitulo palàm sinè omni metu in has eruperant voces: *nolle se unquam pati, ut suis absque suffragiis deinceps Dioecesis Antistes legeretur. Penes nobilitatem patria jus idem eligendi Episcopum esse, quod Cathedralis Ecclesiæ Canonici sibi iniquè soli arrogarent.* Verum hi boni viri minùs Catholici agebantur Lutheri spiritu; qui, postquam Wittenbergæ flammis dedisset sanctiones juris Canonici, laicos ab ejusmodi electionibus repellentis: illud ubique terrarum continuo suppressum, abolitumque, stolidè putavit. Sanè inviolatum adhuc in suo vigore ad Paderam

per-

perſiſtebat. Nec deſuêre, qui deprompta ex ſacro illo jure tela jacerent in profanos turbatores; domumque cum ignominia rejicerent. Plus periculi imminebat ab aliis potentibus procis; cupide Dioceſin ambientibus, velut ſponſam jam ſatis formoſam; ex quo Theodorus Epifcopus rugas & maculas deterferat. Præ ceteris retardare electionem, aut intervertere prorfus, omnibus adnifa artibus fuerat Brunſwicenſis & Luneburgica Domus: jamque profuſis largitionibus quorundam occupata erant ſuffragia, aliòque averſa. Sed diſſectus aureus hic aries interventu Legatorum; qui tum ab Erneſto; tum ab Antonio Albergato Nuncio Apoſtolico aderant. Graphice illi cohortabantur omnes: *ob oculos ſibi ponerent periculoſum, ancipitemque rerum ſtatum; ſi diſcordantibus votis admortem Theodori Epifcopi extracta electio fuerit: eoque è vivis exempto, Eccleſia ſuo Paſtore orba, novis luporum incurſibus pateat. Ubique locorum augeſcere hæreſin: eoque validius eſſe neceſſarium columnen, cui inſirmitas ad huc pede nutans religio innitatur.* Neque pluribus opus fuit. Quibus jus ſuffragii erat; ſapienter recordati, quantas urbi ruinas ſuperiorum temporum turbæ invexerint; excluſis aliis, ſpretisque omnibus largis pollicitationibus, ſolo patriæ juvandæ amore ducti, quarto Idus Februarii concordibus ſuffragiis Ferdinandum Bavarum Theodoro Epifcopo Coadjutorem adjuungunt.

Quantum indè gaudii in animo Principis optimi jam per ſenium fatiſcentis, cum diu optatum pro grege ſuo vigiliarum natuſ ſocium eſſet! ut verò & Superos in adminiſtranda Dioceſi faventes ſibi, & ſocios haberet; extingueret malum inſtituit, quod horror eſt in oculis Dei; omnemque cælitum avertit opem. Publico, eoque ſevero admodum decreto per totam Dioceſin promulgato interdicit; ne quis rebus divinis ad aram peragendis deſtinatus; aut ſacris initiatus ordinibus impudicas, vel ſuſpicioni pravitatis obnoxias mulieres domi ſuæ ſuſtineat. Qui arcere eas procul ab ædibus, convictu, conſuetudine, cunctarentur; ſacerdotii fructibus carituros omnes. Ipſas verò mulierculas, ſi ex abſtruſis angulis protrahi, neceſſum foret, per lictorem urbe exterminatum iri. Fuit è Clericis, qui amoribus magis, quàm mandato Principis morigeratus, lupam in latibuli tenebras abditam ſolicite ſervabat. At brevi obſervatum ſcelus ad fori curiam educitur. Carcere dies aliquot, & fame punita, poſt ex civitate etiam relegata fuit hoc lepido ſpectaculo. Ibat læſciva pellex ſupernè collum ac humeros nuda, ac ſtramineo redimita ſerto, media lictorem inter & ejus famulum. Hunc lævâ æneam pelvim, quam dextrâ ad numeros ſaltantium pulſabat, præferentem ponè ſequebatur lictor acerbiffimis virgarum percuſſionibus proſtibuli tergus dilanians:

atque

Theodorus Ep. corrigere Clerum ſtudere non viventem congruenter ſtatui ſuo.

Ideoque deprehenſam pellicem puniri jubet.

Klockner. in hiſt. Paderb.

atque ad portam urbis usque, ubi ejecta, ad quemvis ictum dare artis saltatoriæ specimen, coëgit. Ludicram hanc comoediam, rudis licet saltatrix, magno cum plausu, & eo fructu lusit; ut nulla, cui in ejusmodi saltus prurirent pedes, post deprehensa unquam fuerit. Neque ea res parùm incussit timoris quibusdam effeminatis Clericis; qui neglecto propè omni cultu divino; in templis rari; infrequentiores ad aram, ipsâ Astarte foediora clàm domi idola colebant. Unde obsecro in viris Deo sacratis tanta id temporis vitæ turpitudine: annon ex diuturna consuetudine cum hæreticis, qui fescenninis verbis blandiendo auribus; ea vitia vel humanæ imbecillitatis, vel aliis coloribus oblinunt: satis experti, haud esse in hæresin suam crebriorem aliam, quàm ex lubrica hac via prolapsionem. Rectè enim gloriosus ille* cum Thoma Moro in Anglia sub Henrico VIII. martyr olim agebat: *libido est mater hæreseos, aquæ ac filia.* Quare justissimâ Theodorus Episcopus, & majore jam incensus irâ; certusque foras extrudere omnes; omnibus optionem facit: novam velint cum Religione veteri, indeque consuetudinariam meliorem vitam; an patriam hanc mutare cum alia; aliorsum migrando, migrationis certo mense præstituto. Lex altera non mitior accessit; quâ omnes è vita antè, quàm ex urbe excessuros, sepulchri honore in coemeteriis Catholicorum privandos, declarat.

*Joannes
Fischerus
Episcopus
Roffensis
vide Cornelium à
Lap. in cap.
7. Matth.
Exilium in-
dicitur Pa-
derbornæ
hæreticis.
Author
idem.

Hic rursus enormia, grandia, sesquipedalia, ut sese iratæ plebi in buccam offerunt, convitia certatim evomuntur in Jesuitas, veluti horum consiliorum & fraudum machinatores. At omnibus una mulier maledicentior. Huic nomen Hildegündis, uxor Balthasaris Flôren alurarii habitantis in platea* à foveis appellata. Dicastax & insana femina Catholicis omnibus, at Patribus Jesuitis multò infensissima; illisque, quoties in plateis obvios haberet, aut domum suam transeuntes cerneret; nunquam non malam crucem, pestem optabat omnem; hoc præcipuè familiari maledicto: *ut ti-*

*vulgo in
der Grotte.

*Westphali-
cè dat dy spo-
vendusent
stoge Dû-
vels int Eff-
fabren.
*pes in mo-
dum crucis
ad formam
quadrati
pilei colum-
fulcis. inde
dicitur co-
li unguis
Wocfen.
Klauwen.

bi et tibi septies mille vicenarii demonum in corpus involent.* Et recen-
ter adhuc, cum S. Marci Evangelistæ festo die sex eorum, tenentes
manu pileolum quadratum; præsentésque studiosæ juventuti in
supplicatione videret; eâdem linguæ intemperantiâ ecce, inquit,
sex coli unguis; sex nigros demones cum suis quadratis, et cornigeris*
pileolis. Digni omnes, qui cum suis cornibus attollantur in patibulum.
Hæc autem cum effutiret oris effreni mulier; paucis diebus à par-
tu aberat, uterum ferens. Iis elapsis pridie Idus Maji fetum eniti-
tur masculum; aspectu horridum; coclitem, mortuum; sinè lin-
guâ, & naso; manibus humanis quidem, pedibusque præditum;
orè autem & auribus mordaci feli persimilem: cujus in capite pro-
minebat caro eum in modum torta, ac figurata, ut pileoli Jesuitici
formam

formam exprimeret. Mulieres, quæ adstiterant parienti; viso monstro cohorrere omnes. Quarum una, cum admirans exclamaret: **ecce! fetus habet cornua instar Jesuitæ.* Obrigit pater audita voce, ac penè in saxum stetit. Recepto spiritu infelicitatem paritûs conjugis linguæ procacitati assignat. Hæc pariter deforme monstrum in pelvi exhibitum intuita: *in me, inquit, manet ista culpa! meis ego maledictis Deum ad iracundiam concitavi.* Aliæ insuper mulieres, quæ aderant (aderant autem omnino decem) id sentiebant omnes: *non oportuisse tam maledicè loqui de istis Patribus: qui si impiè quid agant, doceantur; non à se, sed ab aliis prudentioribus didicandum.* Scriptor hujus prodigiosæ rei sub finem narrationi hæc subjicit: *id temporis Paderbornæ literis vacabam, mulieremque perbene novi. Hospes mea admiratione attonita ipso puerperii, cui interfuerat, die mihi, à me narrata, retulit.* Non deerunt tamen; quibus explenda res, & velut anilis fabula ad vetularum colum rejicienda videbitur: sed iis potissimum, apud quos in erroribus fidei, inque odio adversus religiosam illam familiam induratos nihil frequentius est hoc miraculo: **oculos habent, et non videbunt; aures habent, et non audient.*

**hat Eym-
pen wie ein
Jesuitæ.*

*Mulier in
Jesuitas Pa-
derbornæ
maledica à
Deo puni-
tur mon-
strolo partu
Klockner.
in hist. Pa-
derb.*

*Annales
Colleg. S. J.
Paderb.*

**psal. 103.
v. 5. & 6.*

Percussi his plagis hæretici nonnihil ad Paderam quievêre. At tantò illi turbulentiores ad Rhenum & Mosam. In Julia, Clivia, Montibus, in Marchia, in Comitatu Ravensbergenfi odiis omnia ardent in Catholicos. Dejiciuntur oppidorum, arciumque gubernaculis, ceterisque muniis: eorum in locum Principes Brandenburgicus, & Neoburgicus, quo suam quisque sectam altius provehat; non alios sufficiunt, quàm qui averfi à Catholicis, Lutherum, aut Calvinum sectentur. Subinde pomœria Mulheimensis vici proferre, constituunt, novam ibidem, potentissimamque urbem moliendo: quam Agrippinensium civitati rivalem & æmulam è propinquo objiciant. Fervere opus confestim coepit. Descripta ejus lineamenta peramplo in spatio. Urbs nimirum, portis quinque in murorum circuitu, & propugnaculis munienda decem; directas sex, septem transversas plateas habitura: tribus distinguenda foris, temploque insigniore uno pro Calvinii aedificiis; qui potiores erant, Albertumque Brandenburgicum hujus præcipuè operis conditorem habebant. Ad hæc XII Martii literæ triplici idioma- te vulgantur, quibus ad domicilia Mulheimii figenda invitati exteri: *liberam ibi fore potestatem, Religionis cujuscunque arbitratu exercenda; construendi ædificia, negotiandi; omnibus jus civitatis decennio oneribus immune impertiendum.* Iisdem literis speciosa exstruendæ urbis inserta hæc ratio erat: *permotos se precibus, et lacrymis exulum Colonienfium, qui per summam indignitatem nonnisi ex odio Religionis*

*Inchoata
ædificatio
novæ urbis
Mulheim-
ensis ad
Rhenum
hæreticorū
bono, &
damno Co-
lonienfium
Kleinsorgi
in contin.
Cosmod.
Gobellini.
Marth.
Merian.
topograph.
Westph.*

Yyyy

natali

natali solo proscripti, perfugium apud potentes, amicósque Principes, et commorandi locum quaesissent. Senatus, populusque Colonienfis hanc urbis molitionem limis oculis è moenibus suis prospectabant: eò magis stomachati, quò certius illis erat, surgere exitiosam molem non in Religionis solùm; sed suorum etiam mercimoniorum, urbisque totius ruinam. Quæsti deinde identidem, adversari ea molimina vetustis foederibus, initis Agrippinenses inter & veteres Montium Duces, olim sanctè pollicitos Colonienfibus; neque suâ neque ullâ posterorum suorum ætate ad utramvis Rheni ripam castrum, arcem, munimentum, urbemque ullam aut exstruendam à se; aut à quopiam exstrui permissum iri. Sed parùm valuit hæc literarum, utrimque jura sua tuentium, pugna. Nisi armatâ manu coepti labores, ut infra memorabitur, disturbati fuissent; brevi hæc Carthago Romanæ Coloniae æmulum caput ostentâset.

Melioribus hoc anno consiliis Theodorus Paderbornensium Antistes illustre coepit Paderbornæ gymnasium, velut novum scientiarum, virtutumque emporium condere. Magno huic sub ipsa Episcopatus exordia dolori fuerat, Diœcesin accepisse refertam oppugnationibus Catholicæ Religionis: vacuam propè iis, qui pro dignitate ejus scita explicarent; veritatēque adversus mendacia tuerentur. Indè magnis statim animis musarum designare domicilium; è quo prodire in utilitatem patriæ possent, qui tela hostium omnia gemino virtutum, doctrinæque scuto repellerent. Dies divo Ignatio sacer Julii ultimus initium pridem meditato operi dedit: quo optimum Principem cernere erat suis manibus in angulo ad plateam occidentem versùs primum in fundamento lapidem ponere; haud dissimili, si non majore pompâ & apparatu, quo easdem sacras manus admoveere primo lapidi ponendo placuit, cùm Patrum Jesuitarum habitatio ejusdem liberalitate exstrui coepta. Jucundum equidem eo die oratores inter, & Poëtas certamen in agendis tanto Meccœnati gratiis fuerat, oratione vincatâ numeris & solutâ: at quando laudibus suis adæquabunt tam ingentis beneficii magnitudinem? quo uno universam complexus Westphaliā est: Patrēsque in primis de Societate JESU; quos perpetuos gymnasii moderatores statuit, Principali epulo peractis cerimoniis in triclinio recreatos; plurimis præter Joannem Comitem Ritbergensem de patria nobilitate viris simul accumbentibus. Longiùs deinde progressa ejusdem Principis beneficentia. Ut cunctos de Societate Patres non ad Paderam solùm, sed & omnes ad Rhenum inferiorem habitantes devinctos sibi, beneficiisque suis ornatos haberet; communem toti provinciæ, probationis domum, sanctioris vitæ, doctrinæque palæstram, idoneis vectigalibus Paderbornæ insti-

Theodorus
Ep. conditor
gymnasii
Paderbornensis.
*Horrión in
panegyrico
lib. 3. cap. 8.
pag. 120.*

*vide annum
1596.

Theodorus
Ep. instituit
domum
probationis
pro Patribus
S. J. Paderbornæ, illudque suâ
liberalitate
fundat,

instituit; ubi religiosæ militiæ rudimenta conscripti tirones ponerent. Voluit autem providentissimus Princeps, quot annis in hoc religioso exercitu succenturiari viginti & unum; supplementa veteranorum, quos vel senectus à laboribus, vel mors ipsa abstraxisset; assignatis, unde recens cooptati alumni viverent, viginti imperialium millibus. Literas, in quibus rationes stabiliendi tironum domicilii recenset; ipso sancti Ignatii, Ordinis Jesuitarum Parentis die, ad aram neque inanes honorario munere obtulit, Præside totius provinciæ Reverendo Patre Henrico Schereno sacris operante. Secuti Principem tres infulis ornati monasteriorum Antistites; variique ex patria de equestri loco viri oblatis pariter donis diem illum commemorabilem fecerunt. Inchoatæ dehinc tironum exercitationes tenuere in ea domo ad annum hujus seculi vicimum; ex quo consecuta temporum, rerumque mutatio fecit, ut magis è publica re esse, visum pluribus fuerit, alios de consensu familiæ Fürstenbergicæ Paderbornam, sublimioribus scientiis Theologicis, aut Philosophicis imbuendos mittere; tironibus Treviros migrare iussis: ubi in sejuncta ab aliis inibi Patrum domiciliis domo, hodièque nec parvo numero educantur. Juvat nunc ipsas donationis tabulas exhibere; ut amici cum gaudio intelligant singularem à tanto Principe conceptam de Patribus existimationem: neque calumniari per invidiam inimici possint, fuisse largitionem eam sinè Dioecesis commodo profusam, immodicamque.

*THEODORUS Dei et Apostolica Sedis gratiâ Ecclesiæ Paderbornensis Episcopus, S. Romani Imperii Princeps
ad perpetuam rei memoriam.*

Vigesimus nonus propè Pastoralis nostri regiminis inchoatur annus; ex quo, divinâ providentiâ dispensante, in Ecclesiâ Paderbornensi curam animarum suscepimus. Magnæ interea, multæque difficultatum procella nos agitârunt. Neque adhuc afflictissimarum curarum in gravi, ac cana jam atate vel modus apparet, vel finis: dum ingravescentes bellorum motus, atque damnatissimorum adversus avitam Religionem errorum angescientes discordias apud animum nostrum recogitamus. Attamen stimulat nos misericordissima de super in nos Dei bonitas; ut sub molestissimo laborum onere non deficiamus: sed multò magis intenti in eundem authorem fides, qui ad mortem usque pro animabus nostris decertavit, et eorum, quæ retro sunt, obliviscentes, novos animos, novâsque vires pro glorioso Christi corpore, quod est Ecclesiâ, induimus. Assumpsimus ante annos fere triginta in partem laborum Patres Societatis Jesu: quibus, ut fideles nobis cooperatores essent, collegium in civitate nostra Episcopali edificavimus; et fundavimus tantâ dote, ut concionatores, confessarii, ac humaniorum literarum magistri cum necessariis ministris religioso modo sustentari

*Horriem in
panegyrico
lib. 3. cap. 8.
pag. 122.*

*Litteræ
Theodori
ep. fundan-
tis novitia-
tum S. J.
asseruan-
tur in ta-
bulario
pp. S. J.
Paderbor-
na.*

Y y y 2

scentari

stentari possent. Et sanè magno subditorum bono, magnâque consolatione nostrâ experti sumus eorum conatus, atque industriam. Sed quia facile apparebat, ex nulla adhuc, in provincia Rhenana, fundata probationis domo illud futurum; ut paulatim in necessariis operariis pro scholis, et cathedris deficeret juxta religiosum Societatis Jesu institutum preparandis; singulari, ac paterno in laudabilem Societatem affectu novam foundationem vicis mille Imperialium dalecorum pro 21 tiroibus atendis cum priore collegii dote conjunximus. Quam quidem foundationem tum in nostri Episcopatus, tum etiam totius provincie Rhenanae utilitatem erectam munificentissimo Deo ita cordi fuisse, arbitramur; ut ex thesauro sapientie sue ampliora consilia suggerere, et majores cum vita longiore vires donare dignatus fuerit. Datum in arce Neuhausana Anno à Domini Nativitate millesimo sexcentesimo duodecimo die trigesimâ Julii.

THEODORUS à FÜRSTENBERG

Ecclesie Paderbornensis Episcopus.

Accessit præterea, ut hac eadem, Ignatio viro perfectæ sanctitatis consecratâ luce, trinum perfectum esset; munus tertium, quinquaginta nimirum & trecenti imperiales; quibus parandum jussit elegans in templo organum; quod jucundâ soni sui varietate in varios pietatis motus duceret auditorem. Videas hîc certare quodammodo sacrum Præsulem cum divina in se bonitate: quò enim Superi plures jam grandævo largiuntur annos; eò frequentioribus ille vel res divinas, vel bonas literas, beneficiis prosequitur: idque tam cumulatè, ut propè dicerem: ubi diem Titus perdiderit, eum ne horam quidem perdidisse. Hanc supremi Antistitis pro patria sollicitudinem piè æmulatus Major summæ ædis Decanus Arnoldus ab Horst, Paderbornam hoc anno religiosam Patrum Capucinatorum familiam, consentiente Episcopo Theodoro, ad amplificandam rem Catholicam evocavit; singulari istum præ reliquis Ordinem amore complexus semper, paternâque benevolentia; ex quo Romæ familiariter usus sæpe fuerat S. FELICE*, ex Capucinatorum Ordine, religioso Laico; perque crebros cum ipso sermones habitos insignes plurimas in viro integerrimo virtutes adverterat. Vetus intra urbem xenodochium * novis sancti Ordinis hospitibus primùm pro monasterio fuit. At eo quadriennio post per incendium absumpto, ejusdem patroni sollicitudo & beneficentia effecit, ut brevi coenobium elegans è cineribus instauratum habuerint. Grati postmodum pro tanto beneficio Patres quâ crebris concionibus, quâ spectatis sanctioris vitæ documentis assiduum cum operariis aliis laborem contulere ad novellam hanc vineam Domino suo recens assertam, optimâ rursus propagine, excolendam, augendamque.

Annum

PP. Capucini à majore decano Arnoldo ab Horst vocantur Paderbornam in contin. Cosmodr. Gobelini. * Cloppenburg in fascis sacris Westphalia ad 18. Maji. * vulgò Stadelhove.

Annum hunc in exitum vergentem vicesimâ nonâ Novembris die funestavit ingens cæli intemperies, plurimum hinc Paderbornæ & vicinis locis dirutarum ædium; arborumque in sylvis corruentium strage perniciosissima. Perniciosior tamen in finitimi Comitatus Ravensbergenfis oppido Bilefeldiæ. Ubi subsultantibus passim, trepidantibusque ædificiis, terribili motu & fragore concussa tellus; revulsa domuum tecta; muri, parietesque labefacti: cùmque ipsa urbis Bilefeldiensis, proximæque in edito colle arcis Sparemburgæ roenia latas ubique, profundasque rimas agere, ac Sparemburgæ quidem jam ad duos subsedisse in terram pedes, cernerent; tanta omnes invasit consternatio, ut sursum deorsum volvenda omnia, timerent. Hos inter terrores, cùm Lippiensi in oppido præco Calvinianus sub mutata Religionis initia fortè ad populum verba faciens, auditorum non nullos, nuper Calvinio authoratos, videret haustâ à Majoribus consuetudine ad repentinam terræ concussionem sacro crucis signo munire frontem; sanctoque Servatoris nostri invocato nomine genua incurvare: multum indignatus homo, *malè*, inquit, *sit vobis omnibus; qui odiosis istis Papistarum ineptiis etiamnum adhaerescitis. Non Deo, sed malo genio superstitionis talibus, stolidisque ritibus litatur. Et quid est? quod isto terræ motu conturbemini? Legem Moysi cùm à Deo traditam legimus; Coeperunt audiri tonitrua, *micare fulgura; & densissima nubes operire montem. Moysè ad hac omnia nihil conterrito. Haud secus vos sine metu quietos omnino velim. Hoc turbulento cælo novæ legi à me vobis promulgata, quemadmodum Mosaica in monte Sinai, testimonium veritatis datur. Timeat Papisticum vulgus; et siquid illo ob adoratos toties vitulos aureos scelestius est. Probioribus nobis tempestas hac gaudio sit et consolationi.* In hunc sensum plura, cùm eructasset ineptus declamator; quassatae ædes nocte proximâ fuere tantâ rursus terræ agitatione; ut ex iis præ metu propè mentis inops cum uxore & liberis protugus, ad tutiorem se locum receperit; jam suo jugulatus gladio, suo ipsius iudicio, si soli terreantur scelerati, sceleratorum in numerum referendus. Rectius sensere alii, à quibus ex prudentiorum opinione hi terræ motus accepti sunt in omen irati Numinis; vel mortalium castigantis flagitia, vel publicas imminentes poenas prænuntiantis. Hanc tempestatem secuta hyems est lenissima, multique calor, inde ex sententia physicorum orti, quod motibus sæpe iteratis velut dehiscens tellus ex imis visceribus emisit calidiores ventos; quibus aër tepefactus, molliorque brumali tempore speciem quandam æstatis præbuerit.

Ingens terræ motus & horrida tempestas per Westphaliam. *Stangefol, Vetus mss.*

prædicantis lepidus discursus de terræ motu in comitatu Lippiensi. *in comp. Cosmodr. Gobelini.*

*Exod. 19. v. 16.

*Matthæus Tympius in libro edito Monasterii

AN-

Annus Christi 1613.

PAULI V. Pontificis 8. & 9.
 MATTHIÆ Imperator. 1. & 2.
 THEODORI Episc. Paderb. 28. & 29.

Bethlem
 Tabor in-
 vadit Tran-
 sylvaniam,
 Comitia
 Ratisbo-
 nensia pro
 subsidiiis
 contra Tur-
 cas, sed in-
 utilia.

Spond. ad
 hunc annū.
 Helvic. in
 theas. hist.
 l. 5. pag. 141



*correspon-
 dentes di-
 cti.

*quia tutor
 Friderici
 Palatini
 erat.

Theodorus
 Ep. sui loco
 misit Ratis-
 bonam ad
 comitia Jo-
 docium à
 Landsberg
 ex archivo
 Cath. Eccl.

Matthias Imperator majoribus, ac Cæsare dignis ani-
 mis Imperium auspicaturus duodecimo Kalendas
 Julii Viennâ cum conjuge Ratisbonam discedit ad
 comitia, sine superioris anni indicta. Per id tem-
 pus Transylvaniae turbo Gabor Bethlemus pulso,
 occisoque Gabriele Bathorio, totum Principatum ope Turcarum
 sub jugum miserat. Jamque iidem Turcæ ex finibus Transylva-
 niæ magno cum exercitu Hungariæ imminebant. Matthias Im-
 perator, quò bellicis artibus & felici hostium illorum clade regni
 primordia nobilitaret; Ratisbonæ in comitiis Proceres urget acri-
 ter ad decernenda in primis militaria subsidia, quibus ab incurfu
 Turcarum Hungaria tegeretur. Sed vetus rursus cantilena hîc
 occinitur ab *univertum Principum Legatis: *Nihil Cæsari auxiliorum
 prius collatum iri; quàm Donaverda libertati, retracto milite Bavaro,
 reddatur: ratæque habeantur omnia; quæ Joannes Dux Bipontinus à mor-
 te Rudolphi Cæsaris *Vicarius Imperii pro equitate sua Aquisgranensibus
 benigne indulisset. Addunt præterea inflecti Principes suos ad ferendam
 opem nunquam posse; nisi controversia de urbe nova ad Rhenum cepta
 ex utriusque Religionis Procerum arbitrio; idque ad amicitia normam po-
 tius; quàm juris summi apices dijudicaretur. Demum pugnacissime eorum
 suorum Principum voluntate contendunt omnes; ut ne porro rerum deci-
 sio ex majori suffragiorum numero, sed ex gravioribus, pauci licet eas af-
 ferrent, rationum momentis fieret. Hæc an concessu Cæsaris assecuturi
 sint; nisi redditæ antè certiores essent; comitium se neutiquam ingressuros.*
 Imperator quanquam adhuc infirmam, ut ferè principia regnan-
 tium sunt; authoritatem exerceret; atque ob susceptam cum Ru-
 dolpho fratre similitudinem in hæreticos fuisset aliquantò indulgen-
 tior: his tamen, quæ omnis justitiæ, & Religionis spectabant ever-
 sionem, iniquissimis postulationibus prævertendum statim, com-
 primendamque audaciam censuit.

Comitia interim satis frequentia fuere multorum congressu
 Principum; partim ex inferiore Rheno, partim ex aliis Westpha-
 liæ regionibus. Princeps noster Theodorus, quæ infirmior ejus
 ex senio jam ætas erat; cum itineris ferre incommoda haud pos-
 set: sui vice Ratisbonam allegavit Jodocum à Landsberg ex Er-
 vite, Satrapam Dringenbergensem: addito viarum, & muneris so-
 cio

ciò Guilielmo *Horn juris utriusque scientissimo. Qui aderant in Cæsaris voluntatem proni; non tenue subsidium adversus Christianorum hostes promissere; quod à factione adversa tanquam exlege, & imperio non obnoxia pertinaciter detrectatum. Causam offensionis inter reliqua dederat sententia Viennæ sexto Idus Januarii lata adversus Brandenburgicum, & Neoburgicum; quâ Imperator graviter præceperat, præter urbis ad Mulheimense oppidum inchoatæ demolitionem, tolli quamprimùm nova non levi mercatorum onere imposita Rheno vectigalia: revocari ab infessa Rheni ripa armatas naves: mandata omnia negotiationi, aliisque Colonienfium rebus inimica antiquari, rescindique. Valuit nonnihil autoritas præcipientis; permovitque Majo ineunte Principes ad nova telonia penitus abolenda. Nihilò tamen segnius laboratum in nova ad Rhenum urbe perficienda; provocatumque concordibus animis ab Imperatore malè informato ad eundem melius informandum. Hæc tam firma hæcenus animorum conjunctio solvi paulatim, & vacillare inter Principes cœpit: ut ferè omnis consortio odiosa dominantibus est. Ex diversæ potissimùm Religionis studio, atque arcanis utriusque nec comunibus consiliis discordiæ jaciebantur semina: majorémque in modum crescebant; cum Princeps Neoburgicus Wolfgangus Wilhelmus ductâ septimo Idus Novembris in matrimonium Magdalenâ, Wilhelmi V. Bavariæ Ducis filiâ, Brandenburgico injiceret suspicionem occultæ cujusdam propensionis in Cæsareas, Catholicasque partes. Apertæ dein neque incruentæ offensiones aliquot accidere inter utroque Principes. Placatæ illæ quidem, nec adeò graves: sed quibus velut exiguis velitationibus gravissimo sequentis anni bello prolusum. Adeò verum est illud:

*Nulla fides regni sociis, omnisque potestas
Impatiens consortis erit. - -*

*Lucanus
L. 1.*

Alia Episcopus noster Theodorus consilia pacatiori versabat cum animo: utpote cui in postremis curis terrenæ opes, & ditiorum amplitudo erant: modò suppeteret affatim ad instruendos plures sacre militiæ viros; qui pro aris in aciem, & propaganda re Catholica educti *prælia Domini præliarentur*. Intuebatur nimirum sollicitus Princeps inferiorum scientiarum candidatos, velut levis armaturæ milites: nec satis paratos ab armis; ut omni ex parte latus præbere cuivis adversario possent. Scribendis igitur auxiliariis copiis tempestivum censuit, ut literarum humaniorum disciplinis sublimiora Philosophiæ, ac Theologiæ studia adjungerentur. In eam verò deliberationem cum incidisset; maturo prius consilio agendum reputat cum summis Christianæ reipublicæ Præsidibus

*Sollicitudo
Theodori
Episcopi
de Theologia & Philosophia,
humanioribus studiis
adjungenda.
Annales
S. J. Paderbornæ.
Horrian in
paneg. academ. Paderbornæ.*

**dictus
Goldschmidt.*

*Helvic. in
theat. hist.
lib. 5. pag.
142.
Matthæus
Merian, in
Topograph.
Westphal.
pag. 88.*

*Initium dis-
ensionis
inter Bran-
denburgicum &
Neoburgicum
Helvic' in
theat. hist.
loco citato.
ms Turckii
Palat. lib.
48. cap. 11.*

bus ad jura, & privilegia academiarum Germaniæ obtinenda. Moderari tamen suis diu desideriis haud potuit. Paucis post diebus imperialium millia quindecim jubet eam in rem numerari, asserens, *diligentis* (quo lemmate uti consueverat) *agricola esse semen projicere, ut colligat sementem; hanc enim perdendo servari*. Id quod multò putem liberaliùs ab eo præstitum; cùm semen ipse spargeret, aliis messem relicturus; solâ sibi divinâ gloriâ, hominûmque salute pro fœnore sat amplo propositâ.

Quàm verò Princeps ad munera, & *præmia velox, tam piger ad pœnas erat*; nisi si cunctantem vindictam facti atrocitas incitaret.

*vocatus
Bernardus
Kremerus
Borckensis.

Videre id in profligato hominis *monstro hîc Paderbornæ fuit. Mortalium falacissimus nequam tortè ancillam sub occasum Solis XI Julii hortum petere advertens, urbe egressam insecutus sollicitare ad flagitium aggreditur; obluçantem diu robustior ipse, manus, pedesque istic defixis in terram palis astringit: expletâque libidine solutam togâ denudat. Cùmque illa iracundiùs de allato pudicitiae vitio exostulans, abeunti minitaretur; daturum sceleris pœnas, quippe qui ignotus sibi non esset; minas non ferens ganeo retorfit se; ac securi altè capiti impactâ cadentem iisdem revincit palis, cuneo ligneo per viscera in humum adacto. Misera manè reperta eodem loci fuit jam vocis expers, totam noctem cum morte luctata. Quæsitum in authorem sceleris: & suspitione hic, quòd egressus urbe seriùs esset, notatus est. Certius facinoris patratum indicium fecit puellæ toga inventa in pervestigatis ædibus, agnitâque. Comprehensus post confessionem criminis XIV Augusti secundum feralem sententiam asseri supinus affigitur; Neuhufanum per oppidum instar pecudis ad locum supplicii protrahitur. Ibi dexterâ, quâ ancillam percusserat, amputatâ; simul brachiis, cruribusque diffractis rotæ imponitur; manu ex infami ligno pendulâ, securim illatæ necis instrumentum, tenente.

libidinofus
juvenis se-
verissimè
punitus à
Theodoro
Episcopo.
in contin.
Cosmodr.
Gobelini.
Vetus ms.

Principem mitissimum, *dolentemque, quoties cogeatur esse ferox*; maximo deinde recreavit solatio perillustis Domina Elisabetha de Lohe: quando eam post spretas diu aliorum monitiones rediisse hoc tandem anno ad cætum rectè credentium intellexit. Nupta hæc fuerat *Nobili* Domino Joachimo de Büren & Ringelenstein, Domino in Volbrexen intrâ Diocesiñ nostram. Matrona dives multarum opum: cum circumpositis prædiis, Geistanæ in Monasteriensi Diocesi arcis hæres. At conjuge per mortem *sublato, in viduitate uno è cælis impertito thesauro, verâ Religione, multò locupletior. Filium unicum tot licet bonorum hæredem, absque hoc cælesti bono infelicem existimans; non destitit in ejusdem secum felicitatis societatem pertrahere. Filio nomen Mauritius, à

*anno 1610
obijt aca-
tholicus.

Mau-

Mauritio cùm infantem sacro fonte susciperet, Hassorum Comite provinciali inditum. Hic opinatus teneri se pro ratione obiti muneris ad gerendam de salute Mauriti vicariam, defuncti parentis, curam; nihil non insidiosè egit, quo clàm interceptum è laqueis, ut loquebatur, *Papistarum* expediret. Loci, ubi studebat Mauriti, vicinitas favebat insidiis; ipsi ut tutum haud fuerit vel animi causâ pedem extra urbis moenia ponere; variis non uno in loco abripiendæ in Hassiam nobili prædæ invigilantibus. Post duas igitur inferiores absolutas classes, relictâ Paderbornâ, Mauritio, ut remotior ab Hassis esset, ad evadendas insidias & excolenda studia Trans Rhenum ad Ubios migrandum fuit. Ubi pariter Mauriti soror Anna Dorothea paulò post anno 1615, spretis procorum illecebris, in divæ Brigittæ Ordine sponsum sibi Christum elegit.

Conversio
dominæ de
Lohe ad ve-
ram Fidem
ejus filius
Mauritius
studet Pa-
derbornæ.
Huic stru-
untur infi-
diæ.

ex archivo
Bärensf.
Kloppen-
burg in sto-
rilegio sa-
cro West-
phalia.

Duo, quæ ab iratis cælitibus immissa crediderim, hunc annum afflixere mala, reliquis graviora. Primum fuit ingens exortum in urbe Osnabrugensi incendium: quo præter templa, monasteria, molendina varia, præter stabula, horrea duodecimo Kalendas Aprilis mille * & trecentæ ædes redactæ in cineres; cùmque numerosa pecude homines * quadraginta suffocati, aut ignibus absumpti perire. Incendii origo, cùm ab incuria famulantium, tum à malevolorum perfidia diu requisita; sed resciri hætenus nequît, fortuitum fuerit, an oblatum incendium. Alterum malum hiems parum gelida attulit; adeò lenis, ut solo per Decembrem triduo aquæ tenui perstrictæ gelu hæserint. Dies reliqui æstivo tempori similiores sub natalem Domini rosas, aliosque flores, ornamenta altarium, dedere. Sed hic florens ante diem annus fatales deinde spinas protulit. Secuta enim hiemis lenitatem vis magna pestilentia, mortalium voracissima; propè dimidiâ Westphalorum parte sepulchris illatâ. In illa funerum confusione Attendoria in oppido Ducatus Westphalici res miranda mense Octobri contigit. De plebe juvenis, cui nomen Antonio, annorum undeviginti, cùm vi pestilentis morbi de potestate mentis, sensuúmque omnium dejectus jaceret; tumultuariè, ut sit eo malo grassante; feretro elatus humo contegitur. Haud longo intervallo coemeterium fortè obambulans Sacellanus, gementis, incertus unde, vocem, suspiriaque percipit. Dum circumspicit; dum aurem propius admove; prodire sonum lamentabilem ex injecta recens humo comperit. Vocantur illicò vespillones; tumulus regeritur; ruptisque, quibus inclusus erat, asseribus ægre spiritum trahens Antonius: *pro hominum fidem!* inquit, *quoniam fato infelici meo in hunc detrusus locum miser pereo?* porrectis statim aliquot fomentis paulò valentior, se erigere in pedes coepit: domúmque seu novus ab inferis reversus

Gravissimū
incendium
Osnaburgi.
Stangehol.
**archi-
vum Osnab-
rugense.

Pestis grassatur per
Westphalia.

Stangehol.
Kleinsorg.
in hist.
Westph.

Adolescens,
cùm peste
extinctus
putaretur,
sepelitur
vividus.

ex charta-
phylacio
Attendoria
riensis pa-
rochia.

Zzzz

homo

homo pèrgere. Plures exinde annos superstes manuum mercede inopiam toleravit. Ac postquam sub celeberrimo *Ligistarum* Duce Tillio aliquamdiu miles stipendia fecisset; gladio rursus cum stiva commutato, *in sudore vultus sui* reliquum vitæ exegit. Facti memoria hodiedum exstat in Attendoriensis Ecclesiæ tabulis exarata.

Annus Christi 1614.

PAULI V. Pontificis 9. & 10.
MATTHIÆ Imperator. 2. & 3.
THEODORI Episc. Paderb. 30. & 31.

Wolffgan-
gus Neo-
burgicus fit
Catholicus.

*Helvic. in
theat. hist.
ls. pag. 144*



*Videatur
de hac con-
versione li-
ber qui in-
scribitur:
Muri san-
ctæ civita-
tis 12 fun-
damentis
nixa*

*12. Augusti
hoc anno.*

Ingens hoc anno eluxit, & singularis animi fortitudo, solidæque virtus Wolffgangi Principis Neoburgici in amplectenda Fide orthodoxa. Concurrebant varia, eaque superatu admodum ardua; quæ fortissimum quemque ab ejusmodi detertere proposito valuissent: periculum grave excidendi patrimonio Juliacenſi; si quorum illud adeptus ope esset, amicitiam novæ Religionis cultu dirimeret: certissima parentis ex Lutheri, quem parens adhuc superstes colebat, contempione, offensa; odiûmque universæ Domûs Palatinianæ in Wolffgangum, velut degenerem in nepotem, à Lutheranæ familiæ constantia & probitate desciscientem: incertum verò, an extinctis tot patronorum studiis continuò revivisceret gratia Imperatoris; utpote qui spretus toties, & illusus: quo etiam aut Rudolpho fratre invito, Juliæ, aliæque regiones per vim occupatæ. At Wolffgangus Princeps ingenio sublimi, maturâ ætate, judicio firmo; postquam Europæ partem non modicam, Germaniam, Italiam, Daniam, Galliam, Angliam peragrâſſet: intérque eas peregrinationes ex libris, doctis que aliorum sermonibus discrimina Religionum, & momenta expendisset altius; cunctos obices prudentiâ & Christianâ fortitudine perfregit; palàm Dusseldorpii in primario urbis templo Catholicam Fidem, præſente Theodoro Riphano, Archiepiscopi Colonienſis in Pontificalibus Vicario, ex concilii Tridentini forma professus vicesimo quinto Maji; quo tum sanctissimæ Trinitatis mysterium reolebatur; quémque diem in tanti beneficii memoriam præcipuâ quadam omnibus vitæ suæ annis veneratione celebrem egit. Statimque de peccatis singulis, ducto ab ultima pueritia initio, sacerdoti rite confessus, divinis sub una specie epulis, cum pientissima conjugè Magdalena Bavara acubuit. Post parentis * mortem omnibus Romana complectendi sacra, & exercendi potestas facta; edicto eam in rem promulgato,

pœ-

poenâque in obtrectantes, & impediētes constitutâ. Rationes, quibus ad nuncium pristinis erroribus mittendum impulsus Princeps, vulgatæ libro sunt typis edito; quem *muros sanctæ civitatis inscribi voluit, duodecim innixos fundamentis*. Quæ concutere hætenus nullâ vis adversariorum potuit. At quantum hi muri, quàm odiosum attulere lapidem offensionis et petram scandali! Philippus Ludovicus, genitor Wolffgangi, cùm advertisset filii in fide vacillantem animum, indictis per ditiones suas publicis precibus avertere periculum; & fulcire cælesti ope nutantem studuit. Comperto jam, prorsus cecidisse filium; vix dici potest, in quam vehementem subito prolapsus tristitiam fuerit. Nec multis post mensibus pridie Idus Augusti, sive senio, seu curis, & moerore animi consumptus, mortalitatem explevit: Principatu suo prius duas in partes diviso; quarum altera Sultzbacensis Augusto filio, Wolffgangi germano fratri transcripta, felicitatem suam in liberos, nepotésque ad usque hæc tempora propagavit.

Tacitum pariter vivebat Principi Brandenburgico sub pectore vulnus: ille prælagire sibi, nec temere deterrima quæque ex ea Wolffgangi ad partes Catholicorum defectione: intueri recens cum sponsa Bavara connubium, velut majoris, potentiorisque amicitiae vinculum: Haud dubiè Neoburgensem porro vertumnum fore; qui in omnes se formas induat: & quemadmodum uxoris illecebris divulsus à Luthero turpiter esset; ità brevi rupto foedere ad voluntatem Cæsaris inclinandum. Metum magnopere & suspicionem auxit rumor de Archiducis Alberti studiis in cogendo sub signa numerofo milite. Eum belli apparatus cùm fraudi suæ fieri, & bono Neoburgici suspicaretur Brandenburgicus; ut dolum dolo, cuneum cuneo truderet; occultè cum Batavis consilia de socialibus armis, de urbe Juliacensi prodenda agitât. Erat urbs ea à Brandenburgico & Neoburgensi Principe, partito præsidio infessa: utrique Principi sacramento fidem obligaverat gubernator urbis. Urbs ipsa à fossis, situ, propugnaculis firma satis. At quàm facilè aureâ, ubi ferreis nihil profici balistis potest, machinâ perrumpitur. Expugnatus auro gubernator perfidè urbem prodit, Batavo milite tectâ viâ in arcem admissio. Præsidarii, quid rerum ageretur, ignari, in subeuntes arma corripiunt. At Brandenburgicis sensim arma ponentibus, soli Neoburgenses casto diu conatu obluclati, compulsi demum sunt urbe excedere. Indè plenis tubis utrimque classicum insonuit: palâmque pugnatum acriter, quam quis alteri in Julia, Clivia, ac Montibus præripere urbem dolo, an virtute posset. Ambrosius Spinola, Hispanici Neoburgico missi exercitus, ductor, cùm petere Juliacum crederetur; repentè Aquisgra-

Augerat
diffidentia
& dissensio
inter Brans-
deburgicū
& Neobur-
gicum ex
variis cau-
sis.
Branden-
burgicus ad
Hollandos
desceiscit;
traditque
illis urbem
Juliacen-
sem.
*Lexicon
historicum
heronum*
pag. 1151.
Helvicius l.
s. pag 144
Palatinus in
Aq. Aust.

24 *Augusti* num obsidione tam arctâ cingit, ut brevi *urbs coacta fuerit clementiæ victoris, Cæsarisque se voluntati permittere. Dimisso ex urbe, honestis tamen conditionibus, milite Brandenburgico, hæreticis erepta, quæ triennio ab hinc per vim invaserant, urbis gubernacula, & Catholicis restituta fuere. Spinola deinde Wesaliâ, ibidémque Rheni ponte potitus, ad oppidum Reësam consedit. Nec tardiores Batavi ad sua lucra. Mauritius enim eorum belli ductor, plerisque Clivensium urbibus occupatis, sua Spinolæ castra opponit. At utroque & Mauritio & Spinola otioso, nec moliente quidquam; per brumale tempus in hiberna discessum est: omnibus interim regionum illarum incolis misere sub diversorum Dominorum potestate gementibus.

Ambrosius
Spinola su-
bigit Aquis-
granum,
Wesaliam,
Matthæus
Merian. in
Topograph.
Westphal.
Helvic. l. 5.
pag. 144.
& 145.

Fundatur
à Theodo-
ro Ep. Aca-
demia Pa-
derb.
Ex auto-
grapho li-
terarum
Episcopi.

Quàm felix præ his regionibus, & tranquilla Dioecesis Paderbornensis! cujus sacro Antistiti per id tempus nulla de re cura potior; quàm de aperiendis Theologicis, Philosophicisque scholis: è quibus sacra hauriri scientia, & profana posset, felicitatis, rerumque bonarum omnium mater & conservatrix. Eam in rem pientissimus Princeps, quem ad modum auspicari maxima quæque ab divino honore, cælitumque prius imploratâ ope solebat; post ardentissimam pro salute populi precationem, Præside Societatis JESU Rhenanæ Provinciæ, Reverendo Patre Henrico *Sehereno* ad aram faciente, consignatam millium quindecim Imperialium cautionem suis ipse manibus ad altare tulit. Reliqua pecuniæ summa mensæ, è regione altaris collocatæ, per ministros imposita fuit: caput nimirum annui vectigalis pro honesta & liberali eorum sustentatione; qui sublimiores scientias profiterentur. Tam salutaris consilii causam multiplicem his literis, à Theodoro Episcopo posteritati transcriptis, insertam legimus.

THEODORUS Dei et Apostolica Sedis gratiâ Ecclesiæ Paderbornensis Episcopus, S. Romani Imperii Princeps
ad perpetuam rei memoriam.

Literæ
Theodori
Ep. quibus
rationibus
fuerit in-
ductus ad
fundandam
Theologiam
& Philoso-
phiam.
ex auto-
grapho
quod asser-
vatur à
PP. S. J.
Paderb.

Sape, ac sollicitè circumspiciebamus, ut cognoscere liceret; quid tandem deesset eorum, quæ ex Pastoralis obligationis munere subditis nostris præstare possemus. Videbamus meliora ingenia absolutis humaniorum literarum studiis ad vicinas hæreticorum Academias cum aeterno salutis dispendio abripi: aut si ad Catholicas remotiores abire mallerent; sumptuum inopiâ in medio studiorum cursu non absque Catholica Reipublica detrimento succumbere. Videbamus etiam multa ingenia animarum cura, sacrisque Religiosorum institutis apta, planè ab omni literarum exercitio impediti. Unde Episcopatus nostri parochiæ, monasteria, et collegia aptis operariis adversus hæreseos flagitia, et impietatem destituebantur; non absque justa dolore cordis nostri. Quibus malis mederi cupientes, divi-

nâ

nāgratiā opitulante, illud consilium arripuimus; ut in Episcopali nostra civitate Paderborna Academiam duarum facultatum nimirum Philosophiæ, et Theologiæ prioribus foundationibus adicere vellemus. Et quamvis ante annum constitutum esset; ut Philosophia tota cum sola Theologia morali, quæ controversias de Religione et casus conscientiæ complectitur; auditoribus praelegeretur: visum est tamen utilitati subditorum, et honori Ecclesiæ plurimum expedire; ut tota Theologia scholastica juxta morem Universitatum doceatur. Itā enim fiet; ut qui ingenio præcellunt, non tantum excellenti doctrinā præclare armatos; sed etiam Doctoratus Theologici titulis ornatos, subditis utilius majori cum honore et authoritate in Ecclesia nostra queamus præstituerē. Quare, cū in collegio nostro Paderbornensi Societatis Jesu operarii cum in finem plures, quā hactenus, necessarii sint: Admodum Reverendo in Christo Patri Claudio Aquavivæ Præposito Generali pro Philosophiæ et Theologiæ professoribus adhuc quindecim Imperialium dalerorum millia lubentes volentes ex peculio nostro elargimur; quibus prædictarum facultatum Doctores ac Magistri pro tam necessario, utili, ac honorifico Ecclesiæ Dei, ac familiæ nostræ Fürstenbergicæ, labore alantur: petentes, ut hanc auctiorem dotem benigne suscipere; nostrique ac familiæ nostræ Fürstenbergicæ per se, ac per suos in sacrosanctis Sacrificiis ac precibus memor esse velit. Id quod ad majorem Dei gloriam, Ecclesiæ sanctæ incrementum proficiat, et æternū cedat. Datum in arce nostra Neuhausana. Anno à Domini Nativitate millesimo sexcentesimo decimo quarto. Die decimā Septembris.

THEODORUS à FÜRSTENBERG,
Ecclesiæ Paderbornensis Episcopus.

Hujus omnium votis diu expetiti operis fama patriam, vicinasque oras pervagata, complures excivit ad felicissima subtiliorum disciplinarum primordia; & promulsidem quasi sapientiæ degustandam. Atque ideo post consuetas musarum ferias ab logicis præceptionibus sumptum initium est academicarum exercitationum. Frequens statim, ad sex & quadraginta, auditorum numerus; quem Religiosi septem de sacra divi Benedicti familia cohonestabant, ex suo intrā urbis mœnia cœnobio Abdinghoffensi ad discenda Philosophica ventitantes. Quinque itidem Societatis Jesu novitii: quibus facta à præposito Generali facultas erat, nondum exacto, quod alioquin ejus Ordinis leges vetant; tirocinii biennio profanis se studiis applicandi. Fluebant omnia secundissimo cursu. Ultima jam manus erat scholarum constructioni admoda. Ædificium academicum in suas exedras aptè descriptum: musæ cum alumni suis attributas sedes occuparant: & ecce! non leve infortunium quinto Idus Martii mediā nocte evenit; innoxium

Philosophicæ lectiones hoc anno inchoatæ. diarium Rectoris universitatis.

um

ruinam patitur turris in edificio gymnasii, instauratur ab eodem, cujus sumptibus ædificata fuerat.
Hist. collegii S. J. Paderborna.

Ferdinandus Archiep. Colonien- sis, Coadju- tor Pader- bornensis Leodii Phi- losophica studia insti- tuit, Dinanti primum la- pidem po- nit pro ex- struendo templo PP. Jesuitarum.
*Turck tom. 5. ad hunc annum. ms. vetus. * de hac ap- pellatione vide an- num 1612. Emslandia in Diœcesi Monaste- riensi sit Catholica. litera Mo- nasterien- ses.*

um tamen, & finè vicinorum damno. Altera turrium, quâ per la- pideos gradus septentrionem versùs ad scholas ascenditur; in fun- do subsidens ruinam patitur, in aream, vicinâque plateam col- lapsa. Fuerat turris illa non vulgare monumentum liberalitatis Ar- noldi ab Horst Majoris Decani, imperialibus trecentis conditum: & ejusdem Arnoldi etiam impensis majori soliditate primo reddi- tum splendori; hodiedum præfixis Horstianæ familiæ insignibus conspicitur. Partem proinde aliquam ex tanta laude sibi decerpit Arnoldus; parte maximâ remanente penes Theodorum Episco- pum. Hujus pro grege suo tam anxie excubantis curas, cum mi- rificè dilaudâisset Ferdinandus Colonienſium Archiepiscopus; ipse etiam ejus generis multa ab aliis prædicanda instituit; Theodoro, cujus pridem in Episcopali munere lectus Adjutor fuerat, Catho- licæ rei studiis simillimus. Hoc anno enim ad Eburones Leodium abiit; ubi patefacta ejus auspiciis Philosophiæ adita; clavésque Pa- tribus de Societate JESU traditæ. Erant ea in urbe obrectatores haud pauci; qui multa in Patrum vitam; multa eorum in doctri- nam contumeliosè dicerent. At Ferdinandus, quidquid uspiam criminationum audiit, hac unâ responsione brevi illâ quidem; sed acri refellebat: *alieno vel judicio vel authoritate sibi opus non esse in esti- manda Patrum innocentia. Quorum à puero haberet quàm exploratissi- mam probationem.* Leodio Dinantum profectus, unumque dun- taxat commoratus diem; sepositis aliis gravioribus negotiis, pri- mum ædificando Patrum Societatis JESU templo lapidem, operi bene precatus, collocavit. Quisquamne *stellam stelle*, quàm suo hunc filium* patri similiorem vidit. Longiùs suam Ferdinandus pro ovibus sollicitudinem in Diœcesis Monasteriensis extremam regionem, Emslandiam, protendit. Hærebat illa regio annos am- pliùs septuaginta in erroribus Lutheri, temporis longinquitate per- tinacior. Subegit hoc anno duras cervices in obsequium verita- tis Ferdinandus; exturbatis omnibus, qui novi magistri inventa è superiore loco declamitant. Introducti curiones Catholici sunt, virique religiosi; ac secum Religionem veram introduxerunt.

Annus Christi 1615.

PAULI V. Pontificis.

10. & 11.

MATTHIÆ Imperator.

3. & 4.

THEODORI Episc. Paderb.

32. & 33.

ANnorum viginti pax ultro à Turcis hoc anno mense Majo oblata Matthiæ Imperatori; confirmatâque anno postero per- opportuna utrisque fuit, & Cæsari, & Achmeti: huic ut victori- bus

bus Persis se objiceret fortiùs: illi, plùs virium ut haberet ad comprimendam Principum quorundam, & urbium, in negligendis mandatis, protervitatem. Indè Imperio affulgere coepit spes aliqua fortunæ melioris. Neque hanc multùm imminuit leviùs grassata pestilens contagio, quâ Tremonia, Werlis, ceterisque in urbibus pauciores occubuere. Plura & graviora damna Westphalis, à Batavo milite rursùm ad urbis Brunsvicensis obsidionem per Westphalam transeunte, illata. Copiarum ductor Henricus Fridericus Nassovicus, instituto per Dioecesin Monasteriensem & Osnabrugensem itinere, nullâ vel levi laceffitùs injuriâ, utrique patriæ tam gravi exitio fuit; perinde ac si miles in aliam eductus expeditionem non esset; quàm ad eas Dioeceses affligendas, planèque populas. Quidquid frumentariæ uspiam aut pecuariæ aut familiaris rei erat; militum rapacitati cessit. Quin adeò magnâ pecuniæ vi ægre flecti potuere; ut ferrum à cervicibus; ab ædibus ignem abstinerent. Satiati spoliis ad prosequendum iter se accingunt: jamque Visurgis ad trajiciendum militem ponte junctus erat; cùm appropinquans nuncius, Brunsvicensium Ducem Fridericum Ulricum mitiora, narrat, pacis amplexum consilia, solvisse obsidionem. Proinde viam eandem, quâ venerint, remetiendam. Nova jam belli materia, novus quærendus hostis: nec deliberatum diu. Ravensbergenensis Comitatus in conspectu erat; suggessitque, quo regi colore ardor belligerandi posset. Obtigerat hæc provincia in Julia-censis hæreditatis partitione Neoburgico Principi. Hanc illi ut Nassovius regresso milite eriperet; præsidio Bilefeldiæ, & arci per vim occupatæ injecto, fidem jurare Brandenburgico oppidanos cogit.

Hic turbo bellicus, qui Ducem cum Brunsvicensibus in mutua arma commiserat; quò propior Hildesiensi Dioecesi, eò illi plùs detrimenti afflavit. Prægressæ aliquot Batavorum copię Brunsvicum jam devenerant; non tam pacis, ut aiebant, inter dissidentes reducendæ, quàm confines terras despoliandi causâ. Dioecesi Hildesiensi, cùm tota ferme * jam alienis in manibus esset; vix tē-
 nues pristinæ felicitatis reliquiæ supererant. Has illis animus erat, duris exactionibus, ac prædis prorsus absumere: nec aliâ, quàm objectæ pecuniæ vi, velut aureis repagulis, arceri à finibus potuere. Patribus Carthusianis prope Hildesum saluti fuit ex suburbano cœnobio celeri se fugâ proripuisse in urbem. Eos enim omnes præter foedam domûs direptionem captivitati, & exilio destitârunt. Moniti de periculo, & machinationibus, intrâ moenia recepti, apud amicos diversorium & tutelam invenerunt. Hoc Lutherani non adeò indignè ferebant: indignius illud; quòd ne suis
 qui-

Achmetes
init pacem
cum Impe-
ratore.

Spond. ad
hunc annũ.
Seangesol.

Hollandi
milites
Dioecesi
Monasteri-
ensem &
Osnabru-
gensiem di-
cipiant.

Bilefeldiam
occupant.
Vetus ms.
Monast. &
Osnabrug.

*vide an-
num 1521.
Affligitur
ab Hollan-
dis dioecesis
hildesiensis
Ex tabula-
rio PP.
Carthusia-
norum,
aliisq; do-
cumentis
Hildesiens-
ium.

quidem parvitum verbi præconibus esset, crudeliter exagitatis, ut abditos è latebris thesauros proferrent. Fuit haud procul Hanno- vera, quem pernæ instar ex infumibulo suspensum fumo excrucia- runt; modicòque interjecto spatio tanquam satis infumatum demi- sere. Duo alii, alter in templo ex ara; alter ex suggesto pendulus, quemadmodum plecti in ludis errata puerorum solent; virgis acer- rimè concisi.

Conversio
Joannis
Comitis Si-
genensis ad
Catholi-
cam Fidem.
ex docu-
mentis Si-
genensium.

Longè alium se Westphalis præbuit Joannes Comes Sigenen- sis, ex eadem stirpe quidem; sed stipite diverso prognatus: & quanta ejus cum Henrico Friderico affinitatis, sanguinisque conjun- ctio; tanta utriusque morum & vitæ distantia. Scripserat Comes iste Sigenensis in Westphaliæ finibus numerosum militem, qui sub signis Sabaudia Ducis in Italia adversus Mantuanum stipendia face- ret. Jam iter ingressus cum valido peditum octingentorum, ac mille peditum exercitu, Argentoratum attigerat. Ibi edoctus, Du- cem Sabaudum, inimicitis positus, cum Mantuano in gratiam re- conciliatum; copias retrahere in patriam cogitur; suòque maximo, incolarum nullo damno, exauthorare. Ità disperfo milite, ipse ani- mum colligere, tot bellicis curis dissipatum coepit: atque ad mo- menta suæ, & Catholicæ Religionis expendenda appellere. Brevi, ut erat ingenio literis exculto sagax; in deliberando prudens, & re- ctus satis vidit, utra utris præponderarent. Parens filium omnibus diu machinis, sed inani conatu oppugnatum è numero suorum & testamenti tabulis expungit; quòd turpi levitate ad *Papistas* descen- cendo, stirpis suæ gloriam iniquinasset. Hanc gravem bonorum jacturam locuplete, & felici cum Catholica Principe * connubio; multisque favoribus cælum compensavit.

*fuit Erne-
stina Prin-
cipis La-
moralis de
Ligne filia,
nupta 1618.
Diruitur
nova urbs
Mulhei-
mensis ad
Rhenum,
Helvic. l. 5.
pag 145.
Matthæus
Merian. in
Topograph.
Westphal.
dictum s. Africanæ,
quòd hac eversa

*verba hæc
leguntur
in fronte
gymnasi.

Justiores Colonienfium hoc anno iræ. Hi, obtentâ à Cæsare novam Mulheimensem urbem funditus demoliendi, facultate palis, bipennibus, armisque instructi pridie Kalendas Octobres ex urbe prouunt. Ingens hominum multitudo. Pars fabrorum; pars la- picidarum; textorùmque secundo Rheno Mulheimium devecti, to- tam propè à sedibus urbem eruunt. Diruuntur valla; implentur fossæ; dierum quatuor spatio ædes quadringentæ solo æquatæ: tem- plum, quod Calvinii honoribus jam altius surgebat, destructum; inque lapidum congeriem versum. Atque ità concidit Carthago illa Mulheimensis; quam tamen gaudeas fuisse in hoc dissimilem * *dictum s. Africanæ, quòd hac eversa* * Romanis plus nocuerit, quàm aduersa.

Sub ea tam damnosæ Colonienfibus oppidi demolitionis tem- pora Paderbornæ novo gymnasio, SOLI DEO * ET PATRIÆ, erecto novum decus additum: elegans scilicet in saxum incisa effigies; quæ tanti operis authorem Theodorum Episcopum sublimem exhi- bet,

bet, portæque in media ala orientem versùs insistentem; pedo in-
fulâ, aliisque Episcoporum ornamentis visendum. Infra statuam
hæ memores conditi operis notæ, inauratis expressæ characteribus,
leguntur.

Elegans sta-
tua funda-
toris Theo-
dori Episco-
pi in medio
alæ gymna-
sii orien-
tem versus.

THEODORUS à FÜRSTENBERG DEI, AC APOSTOLICÆ
SEDIS GRATIÂ, ECCLESİÆ PADERBORNENSIS ANTISTES, AC S. R. I. PRIN-
CEPS AFFECTU, ZELÔQUE BONI PUBLICI, QUÀ RELIGIONE, QUÀ SAPIENTIÂ
PROCURANDI, PROPAGANDIQUE: RELIGIONI QUIDEM TEMPLUM; SA-
PIENTİÆ VERÒ GYMNASIUM ACADEMICUM: COLLEGIUM POR-
RÒ PATRIBUS SOCIETATIS JESU, TANQUAM FIDIS UTRI-
USQUE THESAURI DISPENSATORIBUS ÆTERNUM

CONSECRABAT.

ANNO EPISCOPATVS S VI PADERBORNENSIS TRIGESIMO.

CUI VIVO, MORTUÔQUE BENE,

QUISQUIS ISTA PERLEGES,

APPRECARÉ.

Superi jubeant; *tabida*, quæ ferrum consumit, lapidemque vetu-
stas, hic ut eò parcior sit; quo liberalitas tanta dignior; cui ad pe-
rennem memoriam, nullâ diuturnitatis aut hominum injuriâ oblite-
randum, ponatur *monumentum ære* *perennius, Regalique situ pyrami-
dum altius. Sollicitatæ jam pridem à Theodoro Episcopo erant tum
Romana, tum Viennensis aula ad impertienda institutæ à se acade-
miæ privilegia, immunitates, atque alia aliis per Germaniam acade-
miis communia decora. Interest ad gloriam hujus primæ in West-
phalia academiciæ literarum & Pontificis & Cæsaris, quæ hoc anno
advenêre, exemplar proferre.

*Horatius
l. 3. ode 30.

PAULUS PAPA V. Ad perpetuam rei memoriam.

Literæ
Pauli V. P.
de universi-
tate Theos-
doriana ad
Paderam.

IN supereminenti Apostolica Sedis specula, meritis licet impa-
ribus, disponente Domino constituti; et intra mentis nostræ
arcana revolvētes, quantum ex literarum studiis Catholica
Fides augeatur; divini nominis cultus protendatur; veritas
agnoscatur, ac justitia colatur; ad ea per quæ literarum studia hujusmodi
ubilibet excitentur, et humiles personæ eis incumbere desiderantes id efficere
possint; libenter intendimus, et in iis nostræ sollicitudinis partes propensius
impertimur; pro ut pia Ecclesiasticorum Prælatorum vota exposcunt: Nosq;
locorum qualitate pensatâ in Domino conspiciamus salubriter expedire. *Sa-
nè nomine Venerabilis fratris Theodori Episcopi Paderbornensis, sacri Ro-

Studiorum
universitatis
commen-
datio.

*Theodor⁹
Ep. S. R. I.
Princeps
collegium

Aaaaa

mani

S. J. à Præposito Generali dictæ Societatis regendum ad Religionem & bonas artes in sua civitate Paderbornensi constructum redditibus competentibus dotavit.
 *Et in dicto collegio Universitatem studii GENERALIS theologiæ, Philosphiæ &c. à Pontifice institui petiit.
 Rationes, quibus Theodorus Ep. movet Pontificem ad annuendum petitioni,

*mani Imperii Principis, nobis nuper expositum fuit; quòd ipse à viginti annis vel citra, ut adolescentes suæ civitatis Paderbornensis in bonis literis, et moribus, et sincera pietate instituerentur; et populus sibi commissus per frequentiam sacramentorum Pœnitentiæ, et Eucharistiæ, nec non concionum, lectionum et sacrificiorum in spiritualibus promoveretur. In eadem civitate unum collegium Societatis JESU, in quo humaniores literæ docerentur, per tunc existentem Præpositum Generalem dictæ Societatis in vim privilegiorum sibi ab Apostolica Sede concessorum, erigi, et institui curavit: illudque opportuno edificio construi fecit, et competentibus redditibus annuis dotavit. *Cum autem, sicut eadem expositio subjungebat, dictus Theodorus Episcopus providè consideret, tam in suo, quàm vicinis Episcopatibus magnam penuriam parochorum, qui literas sciant, ut populum erudire, et seriò hæreticis, eorumque falsis, et erroneis opinionibus opponere; ac etiam eorum, qui cum dignitate Clero seculari, civitatibus, oppidis et locis, ac etiam Abbatibus et monasteriis præfici possint, existere; et academias Catholicas quinque aut sex dierum itinere distare. E contra verò propinqua esse gymnasia Hæreticorum, in quibus omnia studia ad hæreses, et falsa dogmata propaganda diriguntur, ac sapientiâ hujus sæculi gubernantur: et ad ea meliora sæpe ingenia cum magno spiritualium, et temporalium rerum damno proficiuntur: et in tota veteri Saxonia nullam adesse academiam Catholicam, et propterea, ut Religionem Catholicam, quæ in locis sibi subiectis, et vicinis Episcopatibus viget; conservet, et ubi collapsa est, hac potissimâ ratione restituat, ac suos subditos, et vicinos quàm plurimos ad literarum studia et navandi bonis literis operam excitet: Universitatem studii GENERALIS, in qua duæ facultates, Theologia, et Philosophia cum scholis linguæ latinæ, Græcæ, et Hebrææ sub cura tamen, regimine, et administratione dictæ Societatis Præpositi Generalis, et Clericorum ejus, seu personæ, à dicto Præposito Generali deputandæ doceantur, seu legantur; sufficientibus redditibus per eum dotandam, ac competente habitatione, aliisque rebus necessariis ei providendum per Nos erigi, et institui summopere desideret. Nobis igitur humiliter supplicari fecit; quatenus suorum subditorum salutem, et commodum consulendo in dicta civitate, ac edibus ipsius collegii Universitatem, in qua Societatis prædictæ Religiosi Theologiam, Philosophiam et ingenuas artes prædictas publicè profiterentur: et juvenes quoscunque docerent, Apostolicâ authoritate perpetuò erigere, et instituere, aliasque in præmissis opportunè providere, de benignitate Apostolica dignaremur. Nos igitur *Theodorum Episcopum à quibusvis excommunicationis, suspensionis et interdicti, aliisque Ecclesiasticis sententiis, censuris, et pœnis à jure, vel ab homine quavis occasione vel causâ latis; si quibus quomodolibet innodatus existit, ad effectum præsentium duntaxat consequendum harum serie absolventes, et absolutum fore censentes; hujusmodi supplicationibus inclinati ex nunc pro ut, postquam dictus Theodorus*

*Qui propterea annuit petitioni,

dorus Episcopus sufficientes redditus ad infra scripta de suo attribuerit; et de rebus necessariis providerit in civitate predicta ac adibus dicti collegii, ubi nunc scholæ sunt, seu forsan in ampliorem formam construentur; Universitatem studii GENERALIS, in qua Religiosi dictæ Societatis Jesu Theologiam, nec non Philosophiam tam scholasticam, quàm positivam, naturalem, ac moralem, linguas, Latinam, Græcam, et Hebræam, aliàsque ingenuas artes predictas publicè profiteantur; ac juvenes quoscunque doceant ad instar aliarum Universitatum studiorum GENERALIUM tam in trans alpinis provinciis et regnis, quàm aliàs ubilibet erectarum, Apostolicâ authoritate predictâ tenore presentium perpetuò erigimus, et institui-
mus, sinè tamen præjudicio alicujus. * Ipsamque Universitatem, et studium GENERALE sic erectum, et institutum curæ, regimini, et administrationi dictæ Societatis, et illius Præpositi Generalis seu ab eo deputandi, qui totius Universitatis Rector existat, præfatâ authoritate etiam perpetuò superponimus, et submittimus: ac eidem Universitati, illiusque Rectori, Magistris, scholasticis, aliisque præfatis universis, et singulis, ut omnibus, et quibuscunque privilegiis, indultis, libertatibus, immunitatibus, exemptionibus, favoribus, gratiis, prærogativis, honoribus, et præeminentiis hujusmodi Universitatibus, illarumque pro tempore existentibus Rectoribus, Magistris, Lectoribus, Doctoribus, Præceptoribus, scholasticis, Procuratoribus Pedellis, Nunciis, Officialibus, ministris, et aliis personis in genere, vel in specie tam Pontificiâ, quàm Imperiali Regiâ aut Ducali authoritatibus, et aliàs pro tempore quomodolibet concessis non solum ad eorum instar; sed pariformiter ac æquè principaliter in omnibus, et per omnia uti, potiri, et gaudere: et * insuper Rectori ejusdem Universitatis, et collegii pro tempore esistenti, ut illos quos in ipsa erecta Universitate, vel etiam alibi in alia quavis Catholica per debitum tempus studuisse, et scientiæ, et moribus idoneos esse, repererit; in predictis facultatibus artium, et Theologiæ ad Baccalaureatûs etiam formati, Licentiatûræ Laureæ, ac Doctoratûs nec non Magisterii gradus (servatâ in omnibus formâ decretorum Viennensis et Tridentini conciliorum, quibus in aliquo derogare non intendimus) et aliàs juxta Universitatum aliorum studiorum GENERALIUM consuetudines, et erectæ Universitatis statuta promoveri; et ipsorum graduum solita insignia eis exhibere, * utque ad dictos gradus sic per illum promoti postea publicè et privatim etiam in omnibus aliis Universitatibus studiorum GENERALIUM facultates predictas interpretari; et alios docere: et de eis disputare, gradui seu gradibus hujusmodi convenientes actus exercere; ac omnibus privilegiis, gratiis, favoribus, prærogativis et indultis, quibus alii in predictis Universitatibus seu aliis, et alibi juxta illarum constitutiones, et mores ad gradus predictos promoti de jure vel consuetudine utuntur, potiuntur, et gaudent; ac uti, potiri, et gaudere poterunt in futurum. In omnibus et per omnia perinde, ac si gradus ipsos in Universitatibus

*Universitatem Pontifex regimini Societatis committit.

Privilegia & gratiæ Pontificis.

*Rectori illius, facultatem promovendi ad gradus studentes concedit.

*Promotis autem privilegia in aliis hujusmodi studiis alibi promotis competentes elargitur.

*Præposito
Generali S.
J. statuta
pro Uni-
versitatis
regimine
condendi,
Officialis-
que & Mi-
nistros de-
putandi au-
thoritatem
tribuit,

*Bona &
jura ab ipso
Theodoro
Ep. dicto
collegio
conceden-
da eidem
perpetuò
applicat.
*Clausulas
hujus con-
stitutionis
præservati-
vas apponit

*& ita &
non aliter
judicari
mandat.

Contra-
riisque de-
rogat.

fitatibus ejusmodi juxta illarum mores et consuetudines rite suscepissent, uti, potiri, et gaudere. *Nec non pro tempore existenti dicta Societatis Præposito Generali, ut per se vel dictorum collegii, et erecta Universitatis Rectorem, aut alium seu alios pro salubri et felici dicta Universitatis directione, ac Rectoris, Magistrorum, Procuratorum, Pedellorum, Nunciorum, ac aliorum Ministrorum seu Officialium muneribus, et functionibus mōdoque, et forma docendi, et aliis sua officia exercendi, et scholasticorum manutentione quacunque statuta, et ordinationes, licita, et honesta, sacris Canonibus et concilii Tridentini decretis, et constitutionibus Apostolicis non contraria edere, et promulgare: eaque pro temporum, rerum et personarum qualitate mutare, corrigere, et reformare; seu illa cassare, et abrogare; ac alia de novo edere; et super illorum observatione pœnas ejus arbitrio imponere; dictaque Universitatis Doctores, Magistros, Lectores, scholasticos Procuratores, Pedellos, aliosque Ministros et Officiales eligere, et amovere; seu electiones factas confirmare libere et licite valeant, auctoritate, et tenore præfatis etiam perpetuò concedimus, et indulgemus. *Nec non domum, bona, et jura à dicto Theodoro Episcopo, ut præfertur, collegio, et illius Universitati per præsentem erecta præfatis concessa et donata; ac etiam concedenda, et donanda, auctoritate et tenore similibus itidem perpetuò applicamus, et appropriamus. *Præsentem verò literas nostras de nullitatis vitio notari, seu impugnari, infringi, limitari, seu in jus vel controversiam vocari; aut adversus eas quodcunque juris et facti vel justitiæ aut gratiæ remedium intentari, impetrari, vel concedi nullatenus unquam posse; sed illas semper, et perpetuò adversus quascunque impugnationes et exceptiones validas, et efficaces fore, et esse; suosque plenarios, et integros effectus sortiri, et obtinere debere. *Sicque, et non aliter per quoscunque Judices ordinarios, et delegatos etiam causarum Palatii Apostolici Auditores ac S. R. E. Cardinales judicari, et definiri debere: ac irritum et inane, si secus super his à quoquam quavis auctoritate scienter, vel ignoranter contigerit, attentari, decernimus. Non obstantibus Constitutionibus et Ordinationibus Apostolicis, ceterisque contrariis quibuscunque. Datum Romæ apud S. Mariam majorem sub annulo Piscatoris die 2dâ Aprilis 1615. Pontificatus nostri anno decimo.

Matthias Imperator Theodorum voti compotem paulò seriùs reddidit; iisdem tamen & ipsum brevi, & multis omnes favoribus complexus in literis, quas subijcimus.

Diploma
Cæsareum
de Univer-
sitate Pa-
derbor-
nensi.



Matthias, divinâ favente clementiâ, electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclavoniæ etc. Rex. Archidux Austriæ, Dux Burgundiæ, Brabantiæ, Stiriæ, Carinthiæ, Carniolæ etc. Marchio Moraviæ etc. Dux Luxemburgiæ, ac superioris, et

et inferioris Silesiæ, Wittenbergæ et Teckæ, Princeps Sueviæ, Comes Habsburgi, Tirolis, Ferretis, Kiburgi, et Goritiæ, Landgravius Alsatia, Marchio sacri Romani Imperii, Burgoviæ, ac superioris et inferioris Lusatia, Dominus Marchia Sclavonica, Portus Naonis, et Salinarum etc. Agnoscimus et tenore præsentium notum facimus universis. Postquam præpotentis Dei concessu, ac munere ad Imperialis dignitatis fastigium evecti sumus, ad officii nostri munus in primis pertinere existimamus, majorum nostrorum Romanorum Imperatorum, ac Regum, qui inter alias supremæ potestatis curas hanc in primis dignitate suâ dignam existimârunt, ut varia in sacro Imperio gymnasia et universalia studia instituerent, fundarent, et confirmarent: exemplo sollicitè curare, ut liberalium artium, ac scientiarum studia, quæ ad Ecclesiæ, ac reipublicæ gubernationem, et conservationem necessaria, et opportuna sint, excolantur; et convenientibus honoribus, ac præmiis excitentur; nostroque auspicio felicia incrementa consequantur. Quam ob rem à Venerabili nostro, et sacri Imperii Principe Theodoro Episcopo Paderbornensi humiliter rogati, ut quod magno labore, gravibusque expensis in civitate sua Paderborna instituit, atque erexit collegium; cui Patres Societatis Jesu præsent, requisitis rerum omnium commoditatibus locupletatum, et accommodatum, authoritate nostrâ Cæsareâ confirmare; nec non privilegiis, libertatibus, et prærogativis universalis studii munire et exornare dignaremur. Nos maturo super hoc habito consilio, ac deliberatione precibus ejusmodi per sese honestis, et equis benignè locum dandum, duximus. Ac proinde ex certa scientia, ac de Cæsareâ nostræ potestatis plenitudine in vim motûs proprii collegium antè dictum ab eodem Venerabili Theodoro Episcopo Paderbornensi erectum, ac fundatum tenore præsentium omni meliore viâ et modo instituimus; et in gymnasium, ac studium UNIVERSALE erigimus, fundamus et confirmamus; illudque unâ cum personis ibidem profitentibus, ac studentibus, privilegiis omnibus, immunitatibus, honoribus, et gratiis, quibus alia gymnasia, eorumque membra utuntur, fruuntur, et gaudent; donamus, insignimus, et exornamus. Volentes et eadem authoritate nostrâ Cæsareâ decernentes, quòd Rector et Visitatores, aut Professores, et personæ idoneæ ad id per superiores Societatis Jesu juxta formulam Dilinganæ, aliarumque academiarum, in ejusdem Societatis constitutionibus comprehensam deputanda possint, et valeant in prædicto gymnasio, seu UNIVERSALI studio in duabus facultatibus; sacra nimirum Theologia, nec non Philosophia, et quibuscunque scientiis in gymnasiis Societatis Jesu tradi solitis, legere, et lectiones, et disputationes, et repetitiones publicas facere; conclusiones palàm proponere, ac prædictas scientias docere, interpretari, glossare, et dilucidare: omnesque actus scholasticos exercere eo modo, ritu, et ordine, qui in ipsorum gymnasio hætenus usitatus est, aut in ceteris Universitatibus, et gymnasiis publicis Societatis Jesu observari solet. Porro cùm ipsa studia eo feliciori gradu

Magna existimatio Imperatoris de icholis & Universitatibus

Gratiæ & privilegia Matthiæ Cæsaris Universitati Theodorianæ concessa,

Bbbbb

pro-

Datur facultas ab Imperatore promovendi doctores Baccalau- reos &c. quos ubiq; in omnibus academiis ad omnia Professorū munia recipi jubet idem Imperator.

procedant, et majus sumant incrementum; si ingeniis et disciplinis ipsis suus honos, seu dignitatis gradus statuatur; ut meriti aliquando digna laborum suorum premia consequantur; statuimus, et ordinamus, ut per collegia Doctorum seu Professorum electis ad id idoneis, et prae ceteris excellentioribus, si qui ad sumendam palmam certaminis sui idonei judicati fuerint; adhibito prius per ipsos Doctores, et Professores in qualibet facultate pro more, et consuetudine, atque solennitatibus, et ritu in ceteris Universitatibus observari solitis, rigoro et diligenti examine (in quo conscientias ipsorum Professorum onerari volumus) in Theologia, Philosophia, et liberalibus artibus eos, qui examini se submiserunt, seque pro more, ac juxta statuta scholarum per aliquos dignos et honestos viros de gremio ipsius collegii praesentari fecerint; possint ad ipsum examen admitti, et invocata Spiritus sancti gratia examinari. Et si hoc modo habiles idonei et sufficientes reperti, et judicati fuerint; Baccalau- rei, aut Magistri, aut Licentiati, aut Doctores pro uniuscujusque scientia et doctrina creari, et hujusmodi dignitatibus insigniri; nec non per Bireti impositionem et annuli ac osculi traditionem; ceterisque consuetis solennitatibus investiri; et consue- ta ornamenta, atque insignia dignitatum praedictarum eis tradi, et conferri: quodque Baccalau- rei, aut Magistri, aut Licentiati, aut Doctores in eadem academia promoti, et promovendi debeant, et possint in omnibus locis, et terris sacri Romani Imperii, et ubique terrarum et locorum libere omnes actus Professorum legendi, docendi, interpretandi, glossandi facere, et exercere, quos ceteri Professores, Baccalau- rei, Magistri, Licentiati, et Doctores in aliis studiis privilegiatis promoti, et insigniti exercent, et exercere possunt, et debent de consuetudine vel de jure. Ceterum, quo praefatum gymnasium Paderbornense suis gubernatum magistratibus solidiori, et firmitate consistat fundamento; omnes, et singulas ordinationes, et statuta in eo hactenus facta tenore praesentium confirmamus: et insuper damus, et concedimus scholaribus, Doctoribus, Professoribus, et scholaribus in dicta academia quoquo tempore existentibus, auctoritatem et potestatem

Donatur ab Imperatore Universitas Paderb. omnibus privilegiis & immunitatibus quibus gaudet Universitas Tubingen- sis, Fribur- gensis, Ingolstadtien- sis, ac alia studia privilegiata,

condendi, et faciendi statuta, et ordinationes juxta consuetudinem ceterarum Universitatum. Ad hac damus, et concedimus ejusdem Societatis superioribus potestatem creandi, et constituendi Rectorem scholae, et Visitatores, et Professores. Item Procuratores ad negotia, vel Syndicos, sive alios quoscunque Officiales Universitatis, pro ut ipsis visum fuerit expedire. Præterea volumus, et decernimus per praesentes, quod scholastici, ac ibidem dignitatem, seu gradum aliquem assumentes, gaudeant, et potiantur; utique frui, et potiri possint, ac debeant omnibus, et quibuscunque gratiis, honoribus, dignitatibus, praeceminentiis, prerogativis, privilegiis, concessionibus, favoribus, et indultis, ac aliis quibuscunque libet, quibus Universitas Heidelbergensis, Tubingensis, Friburgensis, Ingolstadtien- sis, ac alia studia privilegiata, ac Doctores, Licentiati, Magistri, Baccalau- rei, et scholastici

istis promoti, aut aliquâ dignitate, seu gradu insigniti gaudent, utuntur, fruuntur, et potiuntur, quomodolibet consuetudine, vel de jure. Non obstantibus aliquibus privilegiis, indultis, prerogativis, gratiis, statutis, ordinationibus, legibus, constitutionibus, reformationibus, exemptionibus, aut aliis quibuscunque in contrarium facientibus. Quibus omnibus, et singulis ex certa nostra scientia, animo deliberato, et motu proprio, hisce derogamus; et derogatum volumus per presentes. Nulli ergo omnino hominum liceat hanc nostrâ confirmationis, erectionis, indulti, concessionis, et privilegi gratiam, vel facultatem infringere; aut ei quovis temerario ausu contravenire, seu illam quovis modo violare. Si quis autem id attentare præsumpserit; nostram et Imperii sacri indignationem gravissimam, et penam centum marcharum auri puri toties, quoties contra factum fuerit, se noverit irremissibiliter incursum; quarum dimidiam Imperiali Fisco seu arario nostro; reliquam verò partem sape nominato Venerabili Theodoro Episcopo, et ejus successoribus decernimus applicandam, harum testimonio literarum manu nostrâ subscriptarum, et sigilli nostri Cæsarei appensione munitarum. Datum in arce nostra Regia Praga die decimâ quartâ mensis Decembris. Anno Domini millesimo sexcentesimo decimo quinto. Regnorum nostrorum Romani quarto, Hungarici octavo, Bohemici verò quinto,

Pœna statuta in eos, qui violant privilegia & immunitates Universitatis Paderbornensis.

Ex autographo quod asseratur in collegio PP. S. J. Paderb.

MATHIAS Imperator.

(Locus Sigilli appensi)

Vice Reverendissimi Domini Jo. Swikardi
Archicancellarii et Elect. Mog.

Vt. L. L. (ô) Ulm subsc.

Ad mandatum sacre Cæsareæ
Majestatis proprium
Joannes Barvitius mpp.

Ingens urbis & Dioecesis Paderbornensis decus, tot Pontificiis, Cæsareisque ornata gratiis academia. Non defuere tamen laudis ejus & gloriæ obtrectatores; qui mancâ dicerent, mutilamque, quod juris prudentia in eadem non tractetur. *Bos*, inquit Joannes Horrion * in panegyrico, non meis, sed hominum juris peritorum ver-
bis hunc errorem dedocebo. Prima, quam ibidem adducit, Petri To-
losatis doctissimi juris consulti sententia est. *Arbitrarias*, ait ille, Principibus Ecclesiasticis et secularibus scientias esse, quas velint tradi, si-
ve omnes, sive certas. Quamvis enim omnes habeant commune vinculum, et constituent encyclopadiam; non tamen sequitur, debere in uno, eodemq; loco simul tractari, vel doceri. Neque ideo minus Universitas privile-

* Lib. 3 cap. 6. pag. 115.

Bbbbb 2

giata

*giata in Gallia, aut alibi dicetur, si modò privilegia concessa sint, quia ibi omnes artes vel studia omnia non tradantur. Sunt enim scholastici et Doctores, qui faciunt Universitatem, et non diversitas scientiarum. Possunt adungi semper scientiarum diversarum Professores jam introductis professionibus. Ità Petrus Tolosas. Cui Petrum Rebuffum, Batholomæum Cassanæum adstipulari, probat Horrion: atque his verbis disceptationem finit: *qui igitur Paderborna negant Universitatem propriè dictam esse; ii jurisperitorum, et summorum Principum inscientiam dum videntur sugillare velle, demonstrant suam. Hæc, cui libuerit, prolixius legat libro 3. cap. 6. panegyrici; qui die natali academix Paderbornensis fundatori ejus Episcopo Theodoro oblatum est.*

*panegy.
lib. 3. cap.
6. pag. 116.

Vocatum insuper in controversiam à nonnullis fuit; an hîc Paderbornæ gymnasium frequentando, ab Ecclesiarum Cathedralium Canonicis satisfiat legi, aut statuto illi; quo tenentur, ante cooptationem docere de anno studiorum in celebri aliqua Universitate, sinè ulla ex urbe per noctem absentia expleto. Vidi ego non semel, quando perillustrium familiarum filii se Magnifico hujus Universitatis Rectori eum in finem sistebant, rogabantque anni illius à se inchoandi, quem designabant, diem notari. Evoluti anno, postquam viri fide dignissimi, apud quos diversati erant, jurati docuissent de annua intrâ urbem commoratione, nunquam foris pernoctando, interrupta; datum à Rectore Universitatis testimonium, Paderbornæ sæpius in Collegio Cathedralis Ecclesiæ, & Hildefii valuit: impugnatum tamen haud ità pridem *Osnabrugi; cum Reverendissimus, & Petillustri Dominus Wilhelmus à Meschede ex Alme literas Paderbornensis Universitatis sigillo; ejusque Rectoris, & scribæ publici appositâ manu roboratas, anni studiorum Paderbornæ transacti testes afferret. Neglectæ hæc primùm fuere tanquam nullius roboris: oppositumque statutum *vetus de adeundo loco, ubi *Generale*, quod Paderbornæ non esset, studium coleretur. Inducti in hunc errorem erant ex oblivione eorum, quæ in diplomate Pontificis Pauli V, & Matthiæ Imperatoris de *Generali*, ut vocant, ad Paderam studio satis perspicue habentur. Quibus postea in memoriam revocatis statim, quæ æquitas illorum & prudentia fuit; suas testimonium vires, & Orator locum in numero Cathedralium Canonicorum obtinuit. Hæc pace omnium publicæ rei bono strictim narranda, duximus. Erit enim fortassis nonnemo, cui facilius sit in vicina patria parvo comparare sibi; quod alioqui peregre magno trans Alpes pretio & sumptu petendum esset. Atque hæc sunt illæ jam multis progressionibus auctæ Paderbornenses scholæ, quæ jam indè ab Hathumari & Baduradi, primo-

Ex extra-
Etupro-
colli Capi-
suli Osnab-
rugensis
summa
adis 9. Ja-
nuarii
1733.

primorum hujus Dioecesis Episcoporum, temporibus per Westphalam celebres, florentesque fuerunt. *Tanquam ad amœnos Paderæ fontes* (verbis Schatenii utor) *ipsa Christi Religio musarum carmenas collocare voluerit.* De Imperio mero et mixto; quo & Universitas Paderbornensis in delictis suorum atrocioribus puniendis gaudet; occasionem differendi, annus seculi hujus nonagesimus sextus dabit.

*Lib. II.
annaliū
ad annum
815.

Annus Christi 1616.

PAULI V. Pontificis	11. & 12.
MATTHIÆ Imperator.	4. & 5.
THEODORI Episc. Paderb.	33. & 34.

Princes Neoburgensis factus certior de prærepto sibi, inque solius Brandenburgici obsequium per Batavum militem subacto Comitatu Ravensbergenfi, nihil dubitavit frangere frangenti fidem; & contra injectam plagam lege talionis agere. Quidquid urbium, oppidorumque ex Marchia, aliisque Juliaceis terris posset, vi, & armis sibi vendicando. Quam ob rem Albertus Archidux, cui questus de injuria Neoburgicus fuerat; Henricum Montium Comitem cum collectitio novem millium exercitu misit. His, trajecto Rheno in Westphalam transgressis, prima se obtulit urbs Tremoniensis; & solâ adventus famâ, exercitusque conspectu territa, victâque. Non ita facile se dedit Susatum, urbs amplitudine territorii, & civium numero potens. Hæc contra, ac promiserat se Principum neutri hæsuram; anno superiore, agentibus Batavis, Brandenburgici partes amplexa, negat exercitum, qui pro moenibus Neoburgici nomine aderat, admitti à se in urbem sinè perfidiæ nota posse. Henricus Comes, legionis ductor, per facialem monet obsessos: *ruptam prius à Brandenburgico pacem, violatamque fidem; nec ulli quidquam fieri injuria; si perfidiam experti ultionem parent.* At tergiversantibus illis, lucrumque (adventabant enim suppetiæ) in mora ponentibus, confestim Comes machinis bellicis moenia concuti & portas, imperat. Mox portarum una, suis evulsa cardinibus corruens, omnium animos prostravit: missisque ad Comitem urbis clavibus, octavo Aprilis deditio maturata. Valido hinc relicto præsidio Lipstadium versùs omni festinatione utendum fuit, quò illuc properantia Batavorum auxilia Comes adventu suo præverteret. Jamque illa sese in adversa, cui urbs incumbit, Lupiæ fluminis ripa ostentabant: at viso cominus circumfusi exercitus robore satius habuere, retro referre pedem, quàm congregiando cum hoste omnium vitam

Tremonia,
Susatum,
Lipstadium
aliæque ur-
bes occu-
pantur per
Alberti Ar-
chiducis
exercitum
in favorem
neoburgici.
*Matthaus
Merian. in
Topograph.
pag. 55.*

*Stangefol.
in annal.
circuli
Westphal.
Relatius in
Aq. Aust.
msf.*

vitam extremo discrimini objicere. Cives interim ex discessu auxiliorum nihilò timidiore, omnia ad civitatis defensionem comparant: eratque populus tam crudeliter infestus Catholico nomini; ut dejeraret, millies se periturum potius, quàm superstitem cum Hispano milite intrà urbem esse. Tumor ille animi, furorque plurimùm subsidit ad fragorem tormentorum; quibus cum moenia, rudique opere constructa valla conquassari, & dejici viderent; spēsque omnis suppetiarum, & com meatūs invehendi præcisa esset; decimo Aprilis altero post coeptam oppugnationem die hosti, propius ferociusque imminenti, urbs dedita.

Comiti Henrico, ut pro his prosperis armorum progressionibus se devinctum Superis, gratumque testaretur; duo in primis curæ, & cordi fuere. Primum: ut ne Catholicus miles dissolutis moribus vitam duceret à Religione sua alienam; nec quidquam supra militarem modum civibus molestiæ faceretur. Hinc ipsum Lipstadii gubernatorem, quod pressisse cives novo argueretur exactionis genere; amotum jussit Bruxellas ad dicendam causam abire. Suffecto alio in locum ejus, cum trecentorum militum supplemento. Alterum, quod sedulo curabat Comes, Religionis spectat incrementa. Susati ex primaria urbis Ecclesia sancto Patroclo dedicata, à senatu, spretâ prohibitione Cæsaris, dejecti * è cathedris erant concionatores Catholici: nunc in sacram functionem restituti omnes. Insuper ex eodem templo multis jam intermissam annis supplicationem per urbis compita instituere: sub cujus finem res divina in ipsa nave templi, solennibus cerimoniis peracta est. Videbaturque jam divo Patroclo pristina veneratio rediisse; non dissimilis illi, quo olim venerandum ejus martyris corpus ex Tricassina urbe Coloniam transmissum; à Brunone Colonienſium Archiepiscopo, Ottonis I. Imperatoris fratre Susatum, clero & populo in occursum piæque gaudia effuso * deportatum est. Tantusque sacro pignori apud Susatenses honor partus; ut ejus imago non modò in variis per urbem locis; sed in ipsa etiam curia ex ligno sculpta, aut artificii adumbrata penecillo steterit: nec senatus ad tractanda urbis negotia congregatus, in curiam concederet unquam, quin singuli antè Tutelari suo supplices consilium, & opem efflagitassent. Prisca hæc Majorum pietas visa hoc anno in nepotibus reviviscere; sed emortua brevi; quòdque tum veræ Religionis *semen in terram bonam cecidit, exorta posteris annis spina suffocaverunt.*

Paderbornensium inter hæc sacer Antistes ac Princeps Theodorus, ut Pontificiæ, Cæsareæque in erectam à se academiam benevolentiae fama manaret latius, adeptas immunitates, & privilegia in ore, atque oculis omnium publicâ voce divulgari voluit.

Quo-

* anno 1568
9. Decembris.

Restituta
Catholica
sacra Susati.
Quanta
olim veneratio S. Patrocli fuerit
in urbe Susatensi.

Bolland.

tom. 2. ss.

Januarii in

addendis

de S. Patroclo col.

1. pag. 1144

* anno 964.

Quocirca indictus omnium totius Dioecesis Ordinum conventus; vicinique etiam Principes, Comites, & Dynastæ invitati. His magno numero ad rem novam excitis, die decimo tertio Septembris eo, quam rerum majestas exigebat, apparatu datus in scenam est *factus Salomon*, ille templi Dei olim magnificentissimus conditor. Post exhibitum drama, Pontificis Cæsarisque concessiones, & gratiæ, tubis personantibus, intercinentibus musicis, palam recitatae incredibiles in præsentium Procerum, populique animis motus concivere. Princeps ipse vim gaudii comprimere & solatii vix potuit: aperte testatus, hunc sibi in longæva vita jucundissimum illuxisse diem; quo abundè instructum, firmatūque divinæ, ac humanæ sapientiæ armamentarium; quo uni Deo majorem gloriam, Catholicæ rei præsidium; quo partam toti patriæ salutem conspiceret. Nunc sibi se, ac aliis vixisse satis: exclamare pio animi sensu cum sene illo Evangelico Simeone: *Nunc dimittis servum tuum Domine*. Ubi quæso terrarum ullus unquam, ex patrimonio quantumvis amplo & lauto, filiis nepotibusque ditandis relicto, tantum gaudii hausit; quantum huic Principi ab opibus in patriæ, Ecclesiæque utilitatem bene positis allatum lætitiæ & consolationis? Hanc alia præcesserat matutino ejusdem diei tempore, nec minor solennitas, quando summum altare in templo Patrum Societatis JESU Theodori Episcopi inexhausta liberalitate albo nigrōque marino expolitum, perfectūque; XIII Septembris à Nicolao Arensdorffio Episcopo Anconensi, Monasteriensis Episcopi Vicario in Pontificalibus consecratum fuit; præsentē ipso Theodoro Episcopo nostro, ejusque sorore Othilia, Domicellarum Herisiensis collegii Antistite. Utriusque tenera in Deum, & rara pietas mirificè aliorum præsentium animos affecit; cū nobile hoc à splendore virtutis & generis illustre par tardo, & difficili ex gravi senectute incessu; vultu divini honoris augendi desiderio ardente, sub solenni sacro circuire aram Deo consecratam intuerentur; in eaque largam admodum eleēmosynam deponere. Vetus hoc templum olim PP. Minoritarum Ordinis S. Francisci fuerat. Sed cū ruinofum, nec ulli porro usui esset; ampliùs decennio abhinc dirutum jacet. In ejus demolitione hæ literæ, rei narratæ testes, in ruderibus summi altaris inventæ:

Promulgatio privilegiorum, gratiarum &c. quas Theod. Ep. à Pontifice & Imperatore pro academia sua impetravit. *Hist. collegii S. J. Paderb. Litera Universitatis.*

Anno Domini 1616 die 13 Septembris ego Nicolaus Arensdorffius, Episcopus Accorēnsis, suffraganeus Monasteriensis consecravi altare hoc in honorem SS. Joannis Apostoli, et Evangelistæ, et SS Apostolorum . . . et reliquias beatorum martyrum Cosmæ et Damiani in eo inclusi.*

*lege Anconensis.

Singulis Christi fidelibus

Cetera, quæ hîc desiderantur, vetustate & situ consumpta erant.

Hæc

*Heerds-
thor.
*Geyre
Thor.
Ingens in-
cendium
Paderbor-
næ.
in contin.
Cosmodr.
Gobellini.

Hæc publica urbis gaudia tristi conturbata incendio fuere; quod pridie Kalendas Octobres hora post meridiem alterâ exortum Paderbornæ, Patrum Capucinatorum domum, viciniâque totam absumpsit. Flamma deinde versûs*Pastoritiam, ab eâque mox flexo ad Austrum vento, ad*Vultuream usque portam fusa, correptis per viam tectis omnibus, deflagrationem toti urbi comminabatur. Populus vehementium (quos ubique inflammatus spargebat aër) calororum intolerans; igne etiam in plateæ partem alteram, spatium licet satis latum interjaceret; subito quasi volatu transiliente, fugam ex desperata urbe adornabat. Cum religiosi quidam (citiùs vix potuerunt flammâ fulminis instar sæviente) scalis, urceisque instructi prodeuntes, animos desperantibus, & opem ferunt. Trecenta tamen quinque & septuaginta cum horreis ædificia in cineres procubuere. Præsentis, ac propitii Numinis beneficium fuit, non periisse omnia.

Incendium
urbis Mo-
nasterien-
sis.
Jacobi Polii
Exegeticon
historicum
S. Anna.
Litera Mo-
nasterien-
ses.
*puta Ma-
ria Virgo.
*puta Anna

Minore damno ignis hoc anno nocuit Monasteriensi urbi in Westphalia, sed cælo, ut apparet, vindice injectus. Civis habitans in platea Ludgeriana pistor opificio, coctorque cerevisiæ; lucri, quam pietatis amantior, ipso assumptæ in cælos Virgini sacro die sub meridiem famulo imperat: *ligna, aquam comportet: instruat focum: defecisse cerevisiam; coctam oportere aliam. Initium labori sub vespere dandum. Vetitum*, inquit famulus, *laborem tam sacro die: neque licitum esse crastino in honorem sanctæ Annæ ad meridiem feriato, ex more apud Monasterienses jam olim recepto.* Cui ille stomachosior: *volo*, inquit, *exequare imperata: si* Filia labori nostro obicem posuit hodie; * Mater cras minimè ponet.* Obtemperatum igitur minaciter imperanti: diésque servili opere profanatus. At quanto rerum, famæque dispendio? cerevisiâ enim, quantum satis erat, bene excoctâ, circiter horam pomeridianam sextam domus tota flammis ex inopinato ardet: eâque cum duabus vicinis exustâ, sparso latius incendio, ædes in urbe amplius triginta haustæ. Senatus, intellectâ hominis temeritate, non imprudenter arguens, voluisse Superos eâ poenâ maledicum os ulcisci; petiit à magistratu Ecclesiastico, ut diem mensis Augusti decimum sextum mandato novo sanctæ Matris ANNÆ honoribus consecraret, servilium intermissione operum, ac ritu aliis diebus festis solito colendum. Jam enim per impietatem & turbas Anabaptistarum multum exoleverat Erixi Episcopi Monasteriensis mandatum, quo ille anno *superioris seculi decimo perpetuis temporibus per Dioecesin totam, diem posterum ab assumpta in cælum Virgine, cultui ANNÆ Matris dedicatum voluit. Interim miser ille, cuius improbitati, nimioque lucrandi studio mali origo adscribebatur, ob jacturam domûs, poenâque pecuniariam, tum senatui, tum aliis

*vide dicta
ad illum
ann. 1510.
chron. Mo-
nast. ms.

aliis damnum passis perfolutam egentior; in odio omnium & moerore animi contabuit: hoc uno felix, quod infortunio *monitus didicerit, non temnere Divos.*

Huic immissæ è cælo poenæ aliam subnectere libet, *concitatæ Aquisgrani rebellionis incentoribus hoc anno irrogatam. Ambrosius Spinola, postquam anno MDCXIV edomitâ urbe plerosque turbarum signiferos & authores conjici in vincula, & carceres iussisset; Marcodurum movens Aquisgrani reliquerat, qui factâ nomine Imperatoris diligenti inquisitione, reos pro gravitate scelerum iustis suppliciis addicerent. Missi hi iudices erant ab Alberto Archiduce, & Ferdinando Electore Colonienfi, Paderbornensium Episcopo designato: quibus suas hoc in negotio vices commiserat Imperator Matthias. Ab his tertio Nonas Decembris damnati primum, reique capitis *pronunciati plures, quos jam vel mors è vivis, vel fuga ex urbe alio subtraxerat; facultatibus, ubi ubi locorum extarent, omnibus fisco addictis. Ex his fugitivis uni, rebellantium duci primario (Helvicus Joannem *Kalcher* vocat) inusta gravis ignominia; palamque in oculis omnium defixa hoc modo fuit. Hominis effigies stanti in foro columnæ insculpta visebatur; defecto capite, pedibus sursum versis; quibus licitor astabat machærâ armatus, imminens trunco cadaveri, dissecando in partes quatuor; quæ ad totidem urbis portas in terrorem viventium suspenderentur; capite prius supremo curiæ apici clavis affixo. Infra incisæ hi characteres: *sic pereant, qui hanc rempublicam et sedem Regalem spectis sacræ Casaræ Majestatis edictis evertere moluntur.* Præter hos, producti in ferale pegma pro foribus curiæ amplius octoginta; vilia de plebe capita: cerdones, opifices de sartorum, sutorumque tribu; obscura nomina. Ex iis duo plexi capite; bona omnia publico ærario adjudicata. Cum ceteris actum mitius: plerisque vel gratia vitæ facta, vel imposita levior mulcta. Alii in ergastula retri, scripti alii, inque exilium ejeti.

*incepit rebellio anno 1611.

*horum nomina adducit Helvicus lib. 6. pag. 150.

Executio facta in seditiones

Aquisgranienses à

Ferdinando Colonien-

sium Archi-

Episcopo, & Alberto Archiduce.

Helvic. l. 6. ad hunc annum

pag. 149. Matth.

Merian.

topograph. Westph.

Annus Christi 1617.

PAULI V. Pontificis

12. & 13.

MATTHIÆ Imperator.

5. & 6.

THEODORI Episc. Paderb.

34. & 35.



Olvitur annus decimus septimus supra millesimum sexcentesium. Eum Lutherani novæ Religionis suæ secularem numerârunt. Unde varia in templis, exedris, theatris, exeunte Octobri, audita gratulatio de conservata proximis centum annis Lutheri doctrina; festivis ludis,

Primum Lutherano-

rum jubileum.

Chron. de oris & occasu Luthe-

ranismi.

Ccccc

car-

carminibus, hymnis ubique personantibus: tantumque jam *cæca noctis habebant mortalia pectora*, postquam à seculo *dilexerant magis tenebras, quam lucem*; ut superfusis recens Germaniæ tenebris à *Patre luminum* impetrandam crederent, *alterum in lustrum, meliusque*

*Joannis 3.
6. 19.

Jubileum à
Paulo V. P.
indictum.

Spond. ad
hunc annū
& alii pas-
sim.

Cæsar Mat-
thias abdi-
cat se Re-
gno Bohe-
miæ. Suc-
cedit Ferdi-
nandus pa-
truelis,

Spond. ad
hunc annū.
Helvic^{us} in

theat. hist.
lib. 6.

*Conjux
Matthia
fuit Anna

Ferdinan-
di Archi-
ducis filia.

*Carolus
fuit filius
Ferdinan-

di I, &
frater Ma-
ximiliani

II. qui pa-
ter fuit
Matthia.

Schismata
inter Hol-
landos ra-
tione præ-
destinatio-
nis & re-
probatio-
nis.

Franciscus
Van Ranst

pag. 457.
Spond. ad
ann. 1609.

1610. 1617.

semper in ævum, perennitatem. His præposterè orantium votis con-
trarium antè indixerat jubileum Paulus V. Pontifex Maximus pri-
die Idus Junii promulgatum; quo totum voluit Christianum or-
bem pro Imperio, & communi salute; pro extinguendis Christia-
norum Principum simultatibus ad preces ardentissimas, certaque
pietatis opera confugere. Placuit paterna sollicitudo Matthiæ Cæ-
sari, non semel adversis in rebus experto, cælestis auxilii necessita-
tem: cùmque annis jam, ac morbis fatisceret; imbecillior, quàm
ut porro ferret tot regnorum molem; reclinandam in alium par-
tem oneris censuit; suapte sponte omni in Hungariam, Bohemi-
am, Austriam, jure abdicato. Nulla Matthiæ ex matrimonio* sus-
cepta proles erat, soli restabant ex Maximiliani II stirpe mascula;
Matthiæ fratres duo, Maximilianus Ordinis Teutonicus supremus
Magister; & Albertus Belgii Princeps. Sed quos longa jam dies
exhauserat, pariter spe prolis orbatos: eoque faciliores ad conte-
renda certis pactationibus jura omnia, ac ditiones Austriacas in Ar-
chiducem Ferdinandum, Patrualem suum, *Caroli Carinthiæ, Sti-
riæ, ac Carinthiæ Ducis filium: cui & hoc anno, postquam à pa-
truo Matthia Cæsare adoptatus in filium esset, corona Regni im-
posita est Pragæ tertio Kalendas Julii: quo die post defensam fuso
sanguine Catholicam Religionem, Apostolorum Principes reposi-
tam in cælis justitiæ coronam adeptos, veneramur.

Hæc surgentis fortunæ initia eò graviùs ferebant Calviniani,
quò iniquiorem fore sibi ominabantur Ferdinandum, propagandæ,
tuendæque rei Catholicæ cupientissimum. Indè rursus coitiones
novæ; nova consilia Heilbronnæ de instruendis bellorum, augen-
disque apparatus agitata. Obicem exequendis consiliis tantis-
per posuere exorta inter illos ipsos intestina dissidia; quibus ab-
repti per Hollandiam, Frisiam, vicinamque Westphaliam in viscera
sua debachati sunt. Belli origo nata anno MDCVI ex discrepan-
tia opinionum; quâ quisque viâ ad salutem perveniret; aut in exi-
tium rueret sempiternum. *Molles Calvinista* dicti *Remonstrantes*;
eoque nomine secuti Jacobum Arminium sentiebant, neminem ad
gaudia, aut supplicia æterna destinari à Deo; nisi quos ille prævi-
disset, post lapsum credituros in Christum; aut secus infideles per-
stituros: ideoque gaudiis fore, vel suppliciis dignos sempiternis.
In alia omnia ibant *Rigidi Calvinistæ*, *Contraremonstrantes* vocati;
hocque titulo Francisci Gommari asseclæ. Acriter illi contende-
bant

bant; nullo fidei, aut operum habitâ ratione, mortalium alios liberâ Dei voluntate, ut *vasa iræ apta*^{*}, in interitum rejici: retineri ^{***in Epist.} alios ut *vasa*^{*} *miseriçordiæ*: quibus solis Deus ad declarandam potestatem suam *divitias*^{*} *gloriæ suæ ostenderet*. A verbis deinde ad arma, & verbera hoc anno deventum: suosque opinio utraque crucientos defensores habuit. Inter ceteros Principes Mauritius Nassovius, ut Regis Angliæ Jacobi, Arminianis plurimum infensi, aucuparetur gratiam; se Gommari sectatorem profitetur: collectoque exercitu anno proximo mense Augusto Ultrajectum ad Rhenum, sedem præcipuam Arminianorum intercipit, subigitque. Hæc nimirum hæreseos volatica indoles est: secum ipsa, & ab aliis dissidens; sibi dissimilis semper; nunquam constans, nisi in levitate sua: nec minores vulgò sunt errorum inter se; quàm cum veritate conflictus.

Opposita his turbis Theodorus Episcopus noster pacis colebat, & Religionis per literatos viros juvandæ, studia: utpote cui jucundius nihil hic annus attulit: quàm quòd ex primis incunabulis ^{Annales} per prioris anni adolescentiam succrescens academia in statum perfectiorem evasisset. ^{Univer-} Neque desiderari se passus est; quo die primi, decurso Philosophiæ stadio, liberalium artium Magisterii laureâ donati sunt. Hos ille ad honorum subsellia evectos spectare coràm; suâque præsentia augere illorum gloriam non dedignatus: idque in frequentissimo Nobilium, Procerumque totius patriæ consessu; applaudentibus omnibus, ipso etiam fundatore sibi illius diei felicitatem gratulante; quo primum tot curarum, consiliorumque, ac tanti in academiam impendii fructum videret: messem, venientibus annis, uberiores posteris non semel precatus. Et quidni uberimam sperarent posteris? cùm nihil Paderbornæ eorum desit, quæ ad academici splendoris, & commoditatem requiruntur. Primi enim illi sapientes viri, qui è Britannia, Carolo magno Cæsare, venerant in Galliam, jacturi prima Parisiensis academici fundamenta; cùm sapientiam afferri à se venalem dicerent, interrogati ab aliis, quonam opus pretio esset ad rem tantam sibi comparandam. *His rebus quatuor*, inquit, **opportunis locis, animis ingeniosis, victu, et amictu*. ^{*Sangal. l. 1. cap. 1. de gestis Caroli Magni} Horum autem nihil deesse Paderbornæ, Joannes Horrion eruditè probat in panegyrico Lib. 2. Cap. 7. Ego, ne encomiasten videar agere, malim, lector ipsum ut scriptorem consulat; ponderetque, quàm solidis argumentis stabiliat, illa quatuor ex virorum sapientum assertione necessaria academicis commoda, ad Paderbornæ fontes quodammodo confluere. Mihi satis erit, id solum ex panegyrico adduxisse: *si, ut est apud Strabonem*, inquit, *gymnasio liberalium artium, quod erat Tharfi in Cilicia, Cydnus amnis, cujus saluberrima* ^{Panegyrici nasali die academia}

Paderbor- ma aqua ferebatur, plurimum celebritatis attulit; nihilne habebit ad il-
nenfis obla- lustrandam Paderborne academiam salubrium fontium copia, quibus am-
tus Theo- bigere possis, plusne palati et valetudinis, an aspectus vel voluptatis gra-
daro Epi- tia delecteris? neque enim sentio, quæ possit species esse jucundior, quam
scopo fun- trium fontium in media urbe ex eodem colle modico intervallo exorienti-
datori lib. um - - - quanta amenitas singulorum, cum seorsim fluunt? quanta
 2. c. 7. pag. 53. omnium, cum uno amne labuntur? Nec pauca addit de præstantia fon-
 tis Paderæ; quàm salubres aquas vehat, quas habeat dotes pau-
 cissimis in orbe fluviis communes. Sed de hoc satis. Ad perse-
 quenda reliqua horum temporum eventa redeamus.

Fatalis hoc anno casus afflixit finitimam nobis Domum Hasso-
 *Birsfeld Cassellanam. Herofelda *sive Hersfeldia oppidum erat in provin-
 vide geo- cia Hassica haud procul à Fulda fluvio Imperiale ac liberum; postea
 graphiam exemptum ab Imperio, subque proprii Abbatis dominio constitu-
 Baudrand. tum; cujus lata jurisdictio se per ipsum oppidum Herofeldense,
 tractumque adjacentem exporrigebat. Multæ opes cœnobio: laus
 magna diu monachis à religiosa vita. Verùm quæ prò dolor! id
 temporis erat communis morum corruptela, non difficile fuit Mau-
 ritio Hassiæ Landgravio eos aliò pertraxisse, post antiquatas ibi-
 dem antiquissimi Ordinis divi Benedicti regulas cœnobitis novas
 Calvini leges obtrudendo. Eorum plurimi tamen horrore novi-
 tatis perciti gloriosam fugam ceperunt: paucis, quos doctrinæ
 mollioris illecebræ detinebant, remanentibus, à Mauritio modera-
 tor, & tanquam novus Archimandrita impositus Otto filiorum
 ejus natu major. Is in flore ætatis primo, quidquid oblectamenti
 adolescentiæ dari potest sive venatu, sive aliis ludis; sibi admodum
 juveni liberiùs indulgendum censuit. Fistulam æneam pulvere py-
 rio & glande oneratam incautâ manu cum versaret, ejus ore ad se
 converso; rotula fistulæ fortuitò soluta ignem elicit; ac glandem
 plumbeam per corpus Ottonis adigit: momentoque septimâ Au-
 gusti exanimem proturbat, tres & viginti annos natum. Felicem
 Archimandritam, si ex aliena Religiosorum domo per vim occu-
 pata à patre terrestri, è vestigio transiêrit in domum cælestis pa-
 tris, quæ etiam vim *patitur, et quam violenti rapiunt: sed sibi non
 aliis violenti.

*Matthai
21.

Moritur
Casparus
Ulembergius, ejus
conversio,
& vita.

Meshov?
Kloppenb.
in fastis sa-
cris Wessp.

Eodem hoc anno sextum decimum Februarii diem, supremum
 habuit Casparus Ulembergius; vir præstantissimarum virtutum,
 multæque eruditionis. Natalis ipsi annus superioris seculi quadrin-
 gesimus nonus; patria Lipstadium, urbs paucis hinc horis dis-
 sita: ubi primùm literis, deinde Susati, & Brunsvici, tum Witten-
 bergæ sedulam, neque infelicem operam dederat; animam sortitus
 bonam, dotésque egregias, quibus hæresim frui, par non erat. In
 ea

ea enutritus, ad eam variis formatus in scholis; simul atque verum secernere à falso potuit; egressus de *terra et cognatione sua* ad Ubios concessit. Ibi anno 1572 ejuratos errores literario bello persequi coepit; vix congressus cum sectarum doctoribus, quin nonnullis arma de manibus eriperet. At nulla victoria gravior; quàm ubi matrem, sororémque, falsarum commenta opinionum dedoctas, cogeret Romanæ Ecclesiæ manus dare. Variis *apud Agrippina-tes honorificis perfunctus muniis, vitam ad octavum ætatis ac sexagesimum annum produxit, in relictis lucubrationibus *immortalem. Nihil ipso in omni vitæ genere emendatius; nemo integrior illibatâ castimoniâ: hinc sæpe fassus, nihil sibi ad deferendum Lutherum incitamento majori fuisse; quàm lectas à se cum horrore ejus spurcitas, fescenninæque verba; quibus sermones ad mensam habitos foedaverit: *cogitasse se non rarò, olentia ejusmodi, et aperta sine ulla fronte acumina esse quovis satyro, Priapôque digna: non cedere in virum, quem divinitus missum perhibeant ad instaurandam Religionem, et, quæ eam comitantur, reducenda virtutum studia.* Scientem sanè & prudentem virum, qui colligere de spinis *uvæ, et de tribulis *ficus potuit. Corpus ejus triennio à morte integrum, nullo arrosu vermine; eodem quo tumultu illatum modo fuerat, suaviterque fragrans repertum; ne linteis quidem tinearum morfu, aut putredine vitiat. Plura hujus viri elogia peculiari libro complectitur Arnoldus Meshovius; à Christiano Jôchero professore historiarum Lipsiæ *immeritò reprehensus, quòd librum illum de Ulembergio multis fabulis; & mendaciunculis insperferit: neque nuda isthæc objectatio, nullis ad probandum argumentis vestita, aliquid de auctoritate scriptoris detrahet.

*gymnasii
Laurentia-
ni regens
Pastor ad
D. Colum-
bam.

*catalogum
librorum
quos scrip-
sit vide
apud Mes-
hovium.

*Matth.
7. c. 16.

*vide Le-
xicon ipsi
editum
Lipsiæ an-
no 1733.

Annus Christi 1618.

PAULI V. Pontificis.

13. & 14.

MATTHIÆ Imperator.

6. & 7.

THEODORI Episc. Paderb.

ultimus.



Indictis hoc anno Hungariæ comitiis, in quibus Posonii de successore eligendo cum Regni Ordinibus ageretur; Matthias Cæsar Pragâ Viennam regressus, adversâ ibi valetudine detinetur, quò minùs reverti Posonium ad comitiales dies ipse posset. Unde ejus absentia causam Ferdinandi minùs venerabilem, multisque obnoxiam altercationibus reddidit. Cunctantibus enim, ac tergiversantibus Hungaris, comitia ad Kalendas Junias extracta fuere.

Ferdinandus
coronatur
Rex Hungariæ.
Helvic. in
stbas. hist.
l. 6. pag. 164
& pag. 165
Londorp.
& alii.

Iis

Iis demum post longam disceptationem finitis, eodem die Ferdinando aurea S. Stephani corona imponitur. Eadem, quæ Bohemis antè, nunc Hungaris etiam fides data: nolle Ferdinandum, dum Matthias viveret, regni administrationem capeffere; regio titulo sinè ulla dominatûs parte contentum fore. Tranquilla jam, & ex votis habebat omnia Ferdinandus, duplici redimitus coronâ: cùm alteram nihil minùs exspectanti, rapere Bohemi perfidè aggre-
diuntur; protracti in arma vel ex innata genti ferocia, & mobilitate; vel quod plurimi volunt, ex præcepta suspitione de Ferdinando malè in Religionum novitatem animato: Styriam nuper ad vetera ab eo sacra celeriter reductam; in reducendis Bohemis Ferdinandum, augescente potentiâ, celeriores fore. Indè incensis vehementer ad audaciam animis, ferali tragoediæ initium datum hoc immani facinore.

Turbæ Bohemicæ origo vel initium tri-cennalis belli per Westphali-
am, totamque Germaniâ.
Helvic. l. 6. pag. 171. & seq.
Palatius in Aq. Aust. Londorp. l. 1. actor. publ. Stangefol. Caraffa. pag. 78.

Die decimo Kalendas Junii frequentes *Utraquistarum* dynastæ, circumfusi famulis, iisque armatis bene multis; unâ cum furiosæ plebis promiscua multitudine, Henrici Matthæi Turriani Comitis ductu, ferociter Pragensem in arcem irrumpunt. *Violata*, clamitant, *quæ Rudolphus Cæsar benignè Lutheranis indulserit, Religionis privilegia. Templum in oppido Brunovia, multo extructum sumptu, nullo jure occlusum stare. Cives ibidem per summam injuriam, quod ad eam sacram moliti essent, in vincula detrusos attineri. Multò adhuc iniquius egisse Archiepiscopum Pragensem, diruendo ceptam Clostergrabii fabricam, nemini perniciosam; sibi verò ad operandum suo ritu adeò necessariam.* Has querelas cùm afferrent seditiosi; congregati fortè erant in arce præcipui de Regio ministerio viri; nimirum Adamus à Sterneberg supremus Regni Burggravius, Guilielmus Schlabata Cameræ Bohemicæ Præses, & Jaroslaus Borzita Comes à Martinitz, Baro Popelius cum Philippo Fabricio Secretario. Sternebergius & Popelius leni responsione datâ, tumultuantium furorem nonnihil placabant. A reliquis, quod paulò altiori voce verba pro Cæsare facerent, magis accensa populi rabies, oleûmque affusum flammis. Mox arce, armamentario, regiâque curiâ in potestatem redactis, omnis in Schlabatam, Martinitzium, ac Fabricium expromptus furor. Per longum conclave raptati, tanquam publicæ libertatis hostes, ex arcis fenestra in subjectum vallum, altitudinis cubitorum amplius quadraginta, aguntur præcipientes, non sinè Numine omnes à lapsu integri; nec bombardæ, cùm incolumes cernerent, in dejectos displosæ, quidquam noxæ aut vulneris dederunt. Turrianus, quasi re bene gestâ ovans, interim obequitare urbem, inclamare: *nemo cietur tumultum: abstinerent à vi mutua. Supplicium de publicæ rei et Evangelii hostibus infra meritum in arce, et majorum exem-*
plo

plō sumptum: redditurum se ejus, quod gestum esset, rationem; purgaturum apud Cæsarem omnia. Facinus audacissimum audaciora mox sequuntur. Direptionibus, exiliis, carceribus in regios ministros in Catholicos omnes sævitur: jubentur Patres Societatis ocyùs regni finibus excedere, constitutâ in regredientes poenâ capitis. Regium tribunal dirissimè invaditur, aboletur; creatis ex Procerum numero triginta viris, qui *Directorum* nomine rem publicam administrent. Exinde ad arma properatum. Pellekti in sociale bellum Silesii, Moravi, Lusatii; quin & ipsi Austriæ superioris incolæ, ex communione hæresis opitulandi studio incitati. Mox Crumlavia à Turriano; à Mansfeldio Pilsa, fidæ hætenus Cæsari urbes, expugnatae ad perfidiam sollicitantur. Imperator Matthias re compertâ, postquam literis non unis, atque amicorum hortatu rebelles avocare ab armis frustra studuisset; Carolum Longevallium Comitem Bucquoii, & Henricum Comitem Tampierium cum duodeviginti millibus, quâ equitum, quâ peditum in fines Bohemiæ immittit. Succursum properè urbi Budevitio, quæ munitione, & præsidio firmior, hosti fortiter obluetabatur. Vis intentata perfidis. Capta utrimque oppida, prædæ actæ. Quarto demum Idus Novembres perruptæ sunt hostium phalanges; Bucquoio, & Tampierio rem non infeliciter pro Cæsare gerentibus. Hæc funestissimi erant illius belli primordia; cujus diutinas, & graves triginta annorum miseras cometa prænuntiavit, totidem diebus in signo scorpionis sub anni finem mundo aspectabilis. Eo viso cohorrui tota Germania; hoc majore impendentis mali percussa metu; quo critinæ stellæ forma visu erat terribilior. Ab oriente minaci flammâ sereno cælo confurgens, longissimam jubam protendit in occasum. A septentrione paulatim digrediens ad meridiem vicesimâ secundâ sequentis Januarii videri desuit; cum obductæ nubes mortalium oculis illum eriperent.

Turbis Bohemicis, quas summatim narravimus; quamvis Brandenburgici miscerentur, implicari Wolfgangus Neoburgicus noluit, duntaxat sollicitus; quæ domi habebat, & in primis Catholicæ Religionis vulnera in suis ditionibus curare. Hispani urbem Lipstadium Wolfgango Principi Neoburgico, jussu Imperatoris Matthiæ, duobus abhinc annis armatâ manu subjecerant. Restabat subigendus in urbe hostis alius, scilicet pertinacia civium in retinendis Lutheri dogmatis. Huic vincendæ Paderbornâ Wolfgangus postulat Patres Societatis JESU, qui meliora doceant; suaviterque inducant populum, ad insistendum vestigiis novi Principis sui nuper ad veram Ecclesiam reversi. Curaverat ille in Patrum habitationem aptandum vetus coenobium; quod olim à Friderico

Cometa
terribilis
nuncius
belli futuri,
*Meibom.
chronicæ
Mariensh.
Trac. 3.
pag. 280.
Abelini
Theat. Europ. Trac.
1. pag 166.
& seq.*

Wolfgangus
Prin-
ceps Neo-
burgicus
evocat Je-
suitas Lip-
stadium.
*Hist. colle-
gii S. J. Pa-
derborna.*

ab

*anno 1280
Gelenius l.
3. sacrorum
syntag.
Stangefol.
*Schaten.
ad annum
1338.

*proverb.
21.

ab Hôrde antiquissimæ primæque inter Westphalos nobilitatis viro, Augustinianis monachis (quos à solitaria vita Eremitas dicimus) *conditum; amplisque agrorum possessionibus donatum *à Bertholdo dynasta Burano fuerat. At desertum id temporis jacebat, monachisque aliò per flagitiosæ vitæ intemperantiam profugis, incultum. Non ignorabat Wolffgangus, Lutherum ejusdem religiosi Ordinis desertorem, hujusque monasterii hospitem olim per emissarios monachos primùm errores suos in has Westphaliæ partes disseminasse: eò magis fixum ipsi, constitutumque, jam tradere infelicem domum divinæ veritatis satoribus inhabitandam. At temporaria sedes fuit. Brevi, conversis rebus, extrusi novi incolæ: non redituri prius, quàm placitum ejus voluntati fuerit, in cujus manu *cor Regis est.

*vide de
magia an-
num 1605.
Jesuitæ per
calumniam
Hildesii vo-
cantur
Huckuppi:
ex literis
Hildesien-
sibus.

*Eccle. c.
23. v. 38.
*Matth.
c. 10. v. 38.

Iisdem Patribus Jesuitis per id tempus etiam apud septentrionales Saxonas multum odii conflatum ex Bohemico tumultu; quasi in castris Catholicorum irarum contra sectarios per Bohemiam incentores essent. Nulli eorum intrâ, extraque muros Hildesheimenses esse securo licuit: quotidiana in prætereuntes convitia, maledicta, eruentæ lapidationes: renovatum *infamis magiæ probum. Tres civium filii e museo in tenebris tanquam scelerum rei, & magicam à præceptoribus edocti artem, jubente senatu, ad custodiam à lictoribus rapiuntur. Fit sedula inquisitio in mores & vitam adolescentum: in nomina, numerum, & doctrinam Jesuitarum. At deprehensum nihil, quod vel dari adolescentibus vitio, vel trahi in Patrum poenam aut criminationem posset. Dimissi adolescentes quidem dato qualicumque innocentiae testimonio: at nova rursus aspersa Patribus infamia. Foedissimum quoddam monstrum urbem Hildesiensem nocturnis infestabat temporibus: plateas obambulans, si quos in via obvios haberet; eorum in humeros velocissimo saltu involans, pondere premebat anxios & gravi, & terrifico. Inde monstro nomen *Huckup*. Malignum hunc, quæ plurimorum erat opinio, protrusum ex inferis spiritum, Lutherani Jesuitam esse ex omni nequitia concretum caput, asseverabant: cùmque foras prodirent Patres; multas inter ludificationes probroso eos nomine *Huckuppiorum* infestabantur. At mansueto illi animo tulere omnia, non immemores illius: gloria *magna est sequi Dominum; paternè monentem: si *patrem familias Beetzebub vocaverunt; quantò magis domesticos ejus?

Longè meliorem de integritate eorundem Patrum conceptam opinionem toti mundo testificatus hoc anno fuit, non ignobili genere adolescens Everhardus Meiradt, de familia Meiradiana in Ducatu Juliacensi. Venerant parentes ejus adultæ ætate Marcoduro in hanc

hanc urbem; simulatione amoris erga filium, & desiderii eum religiosâ veste ornatum videndi: re autem ipsâ; ut nullis adhuc in primo tirocinio voti adstrictum vinculis, clam abducerent: irritati vehementer, quod nescientibus, atque adeo invitis parentibus, quasi pietatis illis debita parum memor, nomen dare Ordini decrevisset. Invitatur filius cum tironum Præsede ad ædes, in quas diverterant parentes. Itur illuc, suavissimis amplexibus excipitur filius. Consideratur paulisper: amici & hilares de valetudine filii, an firma semper fuerit, de religiosorum felicitate, sermones miscentur; ne minimo quidem prodito irati animi indicio. Postridie summo mane sub horam quintam, rhedâ jam instructâ, omnibusq; ad iter comparatis, misso famulo rogatur filius, ad valedicendum parentibus, ut accederet. Accedit; comitatur idem qui pridie. primò patrem adit jam tum equo insidentem; extremam salutem nunciat, felicissima quæque precatus. Idem præstiturus matri ad rhedam properat: illa verò porrectam filii dexteram cum arctissimè teneret, stringeretque, famulus eundem, quantumvis renitentem, in currum injicit: quo facto pergunt citatis equis cum præda elabi. A patre interim colloquio de industria detinetur alius, qui socius tironi erat. At ille, viso dolo, colloquentem deferens, plenis passibus rhedam, & clamore insequitur. Fortè civis in platea pro ædium suarum foribus adstabat. Hic imploratus, prioribus equis freno apprehensis, sistere tantisper properantes cogit; alio ad portam præcurrente, ut extrema venienti rhedæ repagula objicerentur. Ibi mater omnibus *carnis et sanguinis* filium blandimentis aggressa est: at is *ceram* ad hos cantus *auribus* obdens surdus, immotusque perstitit. Ex rheda dimissus, plenæque redditus libertati; à suo, qui aderat, Rectore sic compellatur: *Ecce nunc optio tua est; cum his parentibus tuis in patriam malis, an mecum in religiosam domum regredi.* Nihil ille cunctatus, patre rursus, & matre humaniter valere jussis, *respicere retro* noluit. Parentibus tum quidem indignatio aliquas, uberiores verò lacrymas postea gaudium movit; cum reversi Marcodurum, probâ indole filii, & constantiâ aliquamdiu expensâ laudatâque, unicum illum hæredem Societati ultro cederent; bonis insuper omnibus sat amplis, pro collegio istius Ordinis Marcoduri fundando, transcriptis.

Lucta religiosi novitii cum parentibus, qui filium volunt ab Ordine abstrahere,

Parentes permoti constantiâ filii, post omnia bona sua eisdem Ordini transcribunt. ex literis & donationis tabulis illius loci.

Hæc religiosi tironis victoria fundatori novitiatus, Theodoro Episcopo, ingenti solatio fuit. Cumulavit ejusdem gaudium florentissimus rursus hoc anno status coenobii Bodecensis, & Dalheimensis. Utrumque Canonorum Regularium monasterium superiore seculo non parum à primævâ felicitate desciverat. Et Bodecense quidem, quantâ olim, sanctitate & doctrinâ præstant-

Ddddd

tium

tium virorum copiâ floruerat; tantâ nunc laborabat eorum inopiâ: ut vix esset, qui Theologicas quæstiones sciret enodare junioribus; aut eosdem ad divini verbi prædicationem rite formaret. Res quoque angusta domi in horreis, cellis, & culina erat; tum quòd bona temporalia indiligenter, & perperam administrarentur; tum etiam, quòd, moribus in deteriora lapsis, obstructus videretur fons divinae benedictionis. His malis ut tempestiva adhiberentur remedia; venerat illuc anno MDXCV. ineunte Majo ejusdem Ordinis per utramque Germaniam Generalis Prior, Marcellus Lentius; correctisque erratis omnibus, quæ in vitam religiosorum irreperant, multa insuper præclare sanxit, quibus, in administrandis temporalibus bonis, procuratorum negligentia emendaretur. Superfunt adhuc Paderbornæ ejus visitationis decreta, articulis comprehensa viginti quatuor. Satis fuerit, initium eorum, ac finem hîc ad memoriam posterorum adjecisse.

NOs *Marcellus Lentius, Prior Canonorum Regularium Capituli Windesemensis, Ordinis S. Augustini, per utramque Germaniam Generalis.* Domum nostram Budicensem, divo Meinolpho Confessori consecratam, Diœcesis Paderbornensis, ex ordinaria nostra, quâ fungimur, auctoritate visitantes, invenimus utrumque ejus Domûs, et Religionis, et rei familiaris statum, ut olim florentissimum, et in benedictionibus Dei non ultimo loco positum; itâ nunc ex tantis hostium impressionibus, ac depopulationibus semel atque iterum perpeffis, calamitosissimum, ac miseris modis labefactum. Quem ut iterum asserere, et in formam aliquam reducere possemus, hac quæ sequuntur, ad ejus restitutionem, et reformationem ordinanda putavimus, ac per præsentem ordinamus. In primis Venerabili Priori nihil antiquius esse volumus; quàm ut se ferventi zelo ad reparationem tam insignis Domûs succingat; sollicitè cum primis suæ curæ commisso gregi invigilando; memor verborum Christi ad Petrum dicentis: pascere oves meas. Quod duplici modo fieri oportere, à Patribus traditum est; nempe verbo et exemplo. Hæ enim boni Pastoris partes sunt: hæc duo absolutum constituunt Præpositum: quorum neutrum sine altero vix esse potest. Unde et de Domino Jesu scriptum legimus: coepit Jesus facere, & docere. Nihil profectò itâ movet subiectos, atque actio: quæ est tacita admonitio. Ad hæc in corrigendis subditorum erratis severitatem cum mansuetudine temperatam habeat; ne oleum desit vino, nec sal sacrificiis. Plus enim efficit civilis modestia, quàm impetus etc. Quæ omnia ut robur habeant, et memoriam relinquant; nominis nostri subscriptione, et sigilli officio nostri subimpressionem munivimus sexto die Maji anno 1595.

Reliqua brevitatibus studio omissa, ad corrigendos quidem religiosorum mores perquam idonea erant; at nondum apparebat satis, quâ

quâ viâ emergerent ex multiplici alieno ære tot annis contracto. Quare Theodorus Episcopus, ut labentem œconomiam certiùs adjuvaret; ex Episcopali *potestate eodem illo anno misit & peritum, & diligentem œconomum, qui sedulam, ac fidelem operam cum P. Priore, & Procuratore in curanda re domestica poneret; singulisque annis primùm sibi (Episcopo) deinde toti etiam conventui rationes accepti, & expensi daret. Hic verò cùm religiosus non esset, sed secularis, torvis ingratus hospes oculis aspiciebatur; omnemque Bodecenses movebant lapidem, quo odiosum hominem, speculatorem rerum omnium, amolirentur. Monitus de ejus in coenobium adventu, qui jam abiêrat, Martinus Lentius, appellat Coloniam Nuncium Apostolicum: conqueritur de violatis eo facto Ordinis sui privilegiis. Nec inanes fuisse querelas, hæ literæ à Nuncio ad Episcopum datæ, declarant.

*ita in veteri mss. Monasterio Bodecensi & Dalheimensi à Theodoro Ep. datur scriba secularis, indè hoc anno optimus utriusque monasterii status. Petrus manuscriptum.

Reverendissime Domine. Reversus isthinc ex visitatione sua R. D. Marcellus Lentius, Generalis Regularium Canonorum S. Augustini, nobis actionis sue rationem reddidit, eamque authoritate Apostolicâ confirmari petiit. Quod et fecimus: rati, fructuosum fuisse visitationis munus: et amputatos præcipuos monachorum excessus, qui sensim irrepserunt. Nunc verò dolenter nobis exponit idem Generalis; enervari sua studia, ac per Dominationem vestram Reverendissimam debilitari innovatione instituti ipsius Ordinis: penes quem solet esse dispositio, administratio, et dispensatio temporalium bonorum: et conari Dominationem vestram Reverendissimam ad Ordinis injuriam intrudere œconomum laicum. Agnoscimus, durum esse religiosi hominibus, libertate Apostolicâ, et civili donatis, secularis alicujus jugo subesse; ad cujus quasi nutum regantur, et concutiantur. Neque in hoc possumus cum Dominatione vestra Reverendissima consentire: cui judicavimus tribuendam tantum morum correctionem (casu quo ab Ordinis superioribus negligeretur) non verò aliquam usurpationem bonorum. Itaque solliciti putavimus, suggerendum Dominationi vestra Reverendissima (pro eo amore, et observantia, quâ eam columus) ne patiat per suos Officiales hanc violentiam cœnobitis inferri. Quin potiùs extirpatis excessibus, si qui adhuc resideant, permittat Ordini suam temporalium administrationem; ne cum dolore nostro Generalis recurrat ad Protectorem in Urbe. Atque hisce bene valeat Dominatione vestra Reverendissima. Colonia quintâ die Junii Anno Domini 1595.

literæ Nuncii Apostolici ad theodori Episcopum Paderbornensem, ne Bodecensibus & Dalheimensibus obtrudat scribam secularem, acta visitationis Martini Lentii.

Reverendissima Dominationis Vestra

nti frater

Coriolanus Nuncius Apostolicus.

Dddd 2

Nihil

Nihil his motus literis Theodorus Episcopus, Pontificiâ, opinor, fultus autoritate, coeptis nihilo minùs institit; neque missum à se rerum domesticarum administrum revocavit priùs, quàm hoc anno 1618 mutuum æs repensum creditoribus; omniâque pristinum, atque adeò meliorem in statum reposita cerneret. Simili facto premebatur paulò pòst monasterium Dalheimense. Huc tracta olim fuerat anno 1429 *religiosorum Colonia ex Bodecensi coenobio ad capienda Dalheimii exordia novi monasterii. Indè monasterium Dalheimense filiam Bodecensis nominant, Verùm hæc filia, ut primùm anno 1452 tutelâ, & vinculo *matris soluta fuit; sibi relicta soli, cum potestate Dalheimii novum, nullóque nexu à Bodecensi dependens coenobium construendi; magnopere studuit *meliora* matris suæ *charismata* æmulari; assidua, & indefessa in loci illius, & agrorum cultura: tantùmque lucri ex laboribus, & auxilii è cælo habuit, *ut octennio pòst, nimirum anno 1460, non coenobii modò, sed etiam templi novam, dejectâ veteri, fabricam moliri occeperit, spatio annorum decem *ad fastigium perductam. Extant hodie dum obsoleti quidam versus, incisi variis Dalheimensis templi columnis, hujus rei testes.

*L. X. milleno, petram in *operis imo
C quater Ordo construxit Canonorum.
O singularis regulam regulans regularis.
Et sic politi lapides, ac trulla, cementum
Articulis *fratrum struunt Domino bene gratum;
Templum sublime, templum subtile, jucundum.
Regnet Ihesu tecum, qui dat donaria mtecum.*

Videas hîc industriam Dalheimensium in procurando *decore Domûs Dei*; nec dubites, quin coenobium Dalheimense, tanquam filia Bodecensis coenobii, matrem suam temporalium, virtutùmque studio id temporis exæquaverit. Sed quid humanis in rebus adeò magnum, tam firmum, cui non à diuturnitate periculum nascatur? non opera arte laborata solum, aut quæ in hominum commercio versantur, ipsâmque naturam sensim exedendo perimit tempus, & vetustas; sed virtutem etiam, animorùmque robur ipsa dies paulatim carpit, deteritque. Neque contra hanc temporis violentiam fati sibi prospexerant Dalheimenses: variis jactati casibus in eandem postea cum Bodecensibus tenuitatem reciderunt; nec alio, quàm illi, per Theodorum Episcopum remedio adjuti: quemadmodum ex hoc vetere manuscripto discimus: *Reverendissimus noster Episcopus Paderbornensis non solum anno 1595 huic malè constituto monasterio Bodecensi; verùm etiam post aliquot annorum curriculum vicino coenobio Dalheimensi suâ Episcopali auctoritate constituit fidelem, et industrium*

*Vide
Schasten ad
hunc annũ.

*historia
manuscripta
translationis
monasterii
Dalheimensis.

*in eadem
hist. translationis.

*nimirum
anno 1470.

*id est primum lapidem posuit in fundamentis aedificii.

*articulis digitorum sive digitis

strium scribam, corporali juramento obstrictum. Qui una cum P. Priore et Procuratore singula accepta, et exposita fidelissimè jam annotat: deque iis annuatim puras, dilucidas, ac bene distinctas rationes adfert ad manus ipsius Reverendissimi Episcopi, accuratè et attentè perlegendas, et examinandas; et postea in monasterio exhibendas coram Domino Patre et conventu, presente ipsomet. Reverendissimo Domino Episcopo, aut aliis à Celsitudine sua deputatis Commissariis, singulari prudentiâ, ac rerum usu præditis. Non caruit sperato fructu isthæc paterna sollicitudo Episcopi: cùmque is meliore jam loco sitas res cœnobii intelligeret; hoc anno 1618 *multorum** *precibus exoratus* plenam rursus, amoto scribâ peregrino, bonorum administrationem monasterio concedidit; hoc solum nec aspere, nec arroganter agens, ut ne unquam ob rei familiaris angustias ulla fieret diminutio cultûs divini; sempèrque iis, qui in religiosis claustris Deo famularentur, necessaria corporibus, animisque subsidia suppeterent. Quam in rem quoque, ut testatur * Joannes Horrion in Panegyrico; nullam prætermisit in tota Dioecesi cœnobium, quod non perpetuis vectigalibus auxerit.

*ita in veteri manuscripto.

*Lib. 3. c. 5 pag. 110.

Ex his duabus religiosis domibus ad florem pristinum reductis, maximum Theodorus Episcopus hausit, sed ultimum tot curarum in terris gaudium. Pridie enim Idus Decembres fatis succubuit, nullâ magis, quàm meritorum suorum mole laborans: nunquam creditus posse carissimam sibi patriam in luctum conjicere, nisi cùm morte extinctus, tristibus oculis lacrymas eliceret. Excelsam ille indolem, & optimam à parentibus hauserat. Pater ipsi Fridericus à Fürstenberg, quatuor Electorum Colonienſium Consiliarius; mater verò Anna à Westphalen, Rabani Westphalii, satrapæ Lichtenaviensis, & Wunneburgensis, & Helenæ ab Hôrde, Dominæ in Bôcke, filia. Quorum omnium antiquissima, & innumeris proavorum ceris illustrior nobilitas est, quàm ut splendore à me adscitò augeri queat. Cùm primam lucem* aspiceret Theodorus, tenebricosa tempora erant; patria fidesque germana passim involuta caligine perversorum dogmatum. Ab hac communi errorum nocte, ut carum pignus Deo, & Religioni natum, vindicaretur; cavit sollicitè parentum educatio; filiùmque apud Ubios imperio eorum, & institutioni credidè; quos eruditionis, & fidei non dubiæ fama ibidem celebres ferebat. Ità factum, ut virtutem simul cum literis conjungens, pares in utraque palæstra, easque maximas progressiones fecerit, condiscipulis omnibus celebrior à felici memoria, quâ Bucolica Virgilii & Georgica complexus, totamque Æneidem fuerat; versibus in viridi adhuc lætâque ætate solitus ludere atque oblectari: hoc in primis hemidisticho:

*nasus anno 1546.

Judi-

Judicium melius posteritatis erat.

*Ich viele Ding beschnarchet der Mendt
So preisen wird die künfftige Zeit.*

Moritur
Theodorus
Episcopus.
Breve ejus
elogium.
*Horriam in
panegyrico
Paderb.
Archivum
Cath. Eccl.
Hist. colle-
gii S. J.
Paderb.
*habentur
ea de re li-
tera in ar-
chivo Ca-
thedrali.*

Virtutibus excultus, & literis, animum ad Cleri statum adjecit: in eoque brevi sublimia illa, quæ memoravimus, honorum conscendit, & dignitatum culmina; non alio usus, quàm virtutum, atque scientiarum adminiculo. Ad ejus, quemadmodum historiæ series tulit, jam dilaudatum sæpius divini cultûs promovendi studium adde quadraginta sex Imperialium millia, cujus capitis annuos proventus dividi inter Cathedralis Ecclesiæ Canonicos voluit, quotquot supplicationes duas, alteram in solennitate Corporis Christi, alteram sacro purificata Virgini die, suâ præsentia augustiores facerent. Quæ tamen pecuniæ summa post mortem* in anniversario die obitus, inter præsentis in summa æde ad memoriam ejus faciendam, distribui coepta. Paderbornensis Episcopus renunciatus provinciam, inquit Joannes Horriam, *acceperat propè depositam, ac deploratam. Eam ita persanandam putavit, ut aliquando, non qualem accepisset laceram, et afflictam; sed florentem, ornatamque successori relinqueret.* Neque tam excelsis cogitationibus defuit animus bene cogitata exequendi. Plurimo oppressa ære alieno erat Principis, ut vocant, Camera. Respirare illa tandem coepit, extinctis octoginta quinque imperialium millibus, solutione non ex publico patriæ, sed privato mensæ ærario desumpta. Superest hodie dum in archivo Cathedralis Ecclesiæ vetus scriptum manu ipsius Theodori, in quo singillatim omnia, & minutatim quæcunque, quibus annis, quibusve in locis nomina expunxerit, diligenter notata legimus. Subductis calculis memorata summa conficitur. Narrationi tot expunctorum nominum ibidem in fine hunc verbum subjicit:

Feci, quæ potui; quæ tu mihi Christe dedisti.

Improba, fac melius, si potes invidia.

Ich dein Talent hab angewendt

Deine Ehr, O Gott/ zu mehren.

Was so verwendt/ wer nennt verschwendt

Ein'n bessern Brauch mag lehren.

Prolixa certè, si Episcopatum ejus non adeò magnum consideres, donatio. Neque ideo tamen, quod talem deceret Episcopum, Principemque; sibi passus illiberaliter est quidquam deesse: tam ambitiosus in accurandis omnibus, quæ honestatis, aut decori ratio exigeret; quàm averfus ab umbratili gloria, quæ captari non rarè ex rebus citra modum profundendis solet. Domus expers strepitûs atque turbarum: latus suorum caritate magis, quàm septum armis habuit; *inexpugnabile*, cum Seneca existimans, *mini-*

mentum

mentum esse amorem civium. Satis epheborum ipsi & satellitum, haud multi tamen; servitiúmque omne non incomptum nec sinè nitore; at citra ostentationem, pompámque immodicam. Omnia denique ad nitidam, frugalémque modestiam, ad aureæ mediocritatis leges composita. Præfutum tamen fuisse, ac piè prodigum dixerim in quotidiana stipe egentibus erogata. Horum ingente turba quot diebus obsessa Theodori aula erat; vetitúmque ab eo, ut ne ullus unquam pauperum, quoquo numero adreperent, eleëmofynâ non donatus abiret; consueverátque ipse Princeps in dies usque impransus manere, dum pauperes decem, quotidiani in aulæ atrio pransores, saturati essent. Assignati præterea in egenorum solatium sex mille imperiales: ex qua fenebri pecunia in singulos anni dies imperialis unus inter egentiores distribueretur; id unum se habere arbitratus, quod in miseros, inopésque homines effudisset.

Demirata sæpius fuit posteritas nostrorum temporum; inque varias abiit opiniones, ex quonam felici fonte tam ingens Theodoro Episcopo thesaurus fluxerit: præsertim cùm nullo unquam tributo tribus & triginta ipsis, quibus præfuit, annis populum præferit: unam, si exceperis, eámque oppido modicam exactionem, ad obæratum Episcopalis mensæ patrimonium, debitis liberandum. Posthabitis aliorum opinionibus cum nonnullis verisimilius habeas; invenisse Episcopum Theodorum thesaurum illum absconditum; illam auri fodinam, cujus venas cum primis misericordia in pauperes aperit, quemadmodum ex sacris literis discimus: *generatur*

**Domino, qui miseretur pauperis, et vicissitudinem suam reddet ei.* Hac ^{*proverb.} XIX. 17.

ditescendi arte usus, quò largiùs dedit egentibus; eò plura recepit in sinum *mensurâ bonâ, confertâ, coagitatâ, et supereffluente.* Quam fluxas ejusmodi opes, nisi si ut cæli munera & adjumenta divinæ gloriæ provehendæ intueretur; flocci fecerit: noctes diésque in mente *annos æternos* habens; illúdque, etiam cùm peregre in itineribus esset; Ecclesiæ canticum identidem sibi ingeminans: *dies ira, dies illa solvet seclum in favilla.* quò semper recens caducarum rerum memoria, amorem cælestium & desideria augeret, ibi enim *cor ipsius, ibi thesaurus* erat. Vis morbi, cùm propinquam mortem denunciaret, totum se tradidit curis, quas tempus poscebat. Pri-die Kalendas Decembres recitatâ Catholicæ Fidei professione, sacro ad extremam luctam oleo inungi se, jussit. Quatriduo post, quarto Decembris, die S. Barbaræ morientium patronæ, sacramentis aliis rite perceptis, impletisque omnibus pietatis officiis, hæc, creberrimè usurpata ipsi à puero verba, suavissimè recinens: *fili David miserere mei* spiritum suo creatori placidè redonavit, anno post secundo & septuagesimo, quàm illum acceperat; cùm Dioecesin hanc diffi-

difficillimis rexisset perditisque temporibus, triginta tribus annis. Paucis ante obitum diebus sanctè cavit, ne usitatâ Principibus ceremoniâ cadaver aromatibus condiretur: *nolle se manibus alienis contrectari mortuum; sinerent; eâdem cum aliis ratione à vermibus consumi; qui communem cum omnibus nascendi conditionem habuisset.* Sepultus Paderbornæ est in odeo Cathedralis Ecclesiæ: ubi sumptuosum mausoleum non tam suâ ad memoriam; quàm in ornamentum Basilicæ ex nigro, candidoque marmore vivus struendum sibi curaverat; his exornatum, ingenio non minùs, quàm pietate plenis, ab ipsomet Principe elaboratis versibus.

Ad tumuli dexteram.

Mortuus ut vivas, vivus moriaris oportet;

Ergo disce priùs, quàm moriâre, mori.

Ad sinistram.

Mors certa est, incerta dies, neque certa tuorum

Cura. Tibi tumulum, si sapis, ipse loca.

Stanneo funebri capulo incisi hi versus.

Balsama, myrrha, aloe, pigmentaque cuncta facessant.

Sumptus ego è terra pulvere, pulvis ero.

Spiritus in calo diâ dum luce fruatur;

Nostra vel in ceno, nil moror, ossa cubent.

In ipso tumulo.

Principis hic tumulus Theodori est. Carmina queris

Grandibus in tumuli marmore scripta notis?

Aspice templa, aras, arces, collegia, libros;

Aspice vel tumuli, quem modò cernis, opus.

Nîl refert istis aliud superaddere carmen.

Cum lapides clament, carmina jure tacent.

Additur deinde stylo soluto.

THEODORUS è FAMILIA FÜRSTENBERGICA DEI ET
APOSTOLICÆ SEDIS GRATIÂ ECCLESIAE PADERBORNENSIS EPISCOPUS, S.
R. I. PRINCEPS IN HOC SEPULCHRO, QUOD VIVUS AC VALENS FACIENDUM
SIBI LOCAVIT, NOVISSIMAM TUBAM EXSPECTAT. DECESSIT ANNO
CHRISTI MDCXVIII DIE IV MENSIS DECEMBRIS ÆTA-
TIS SUÆ LXXII CUM PER ANNOS XXXIII
DIOECESIN DIFFICILLIMIS TEMPORIBUS
GUBERNÂSET.

Elogium sepulchro à nemine inscriptum fuit, quod præclarissimas tanti Principis virtutes brevi quodam compendio posterorum subjiceret oculis. Habet tamen suos, nec inelegantes versus statua
Theo-

Theodori Episcopi, in scholarum vestibulo proposita; quibus poë-
ta vitam ejus paucis complexus, piis manibus parentat. Juvat non-
nihil ex iis decerpere; quò suæ scriptor cupiditati, honoratos ci-
neres venerandi, paululum indulgeat. Ità vates canit.

*Monum.
Paderb.
pag. 33. in
appendice
ad paneg.*

Fürstbergiacâ Theodorus origine Princeps

(Námque illum memini cernere) talis erat.

Talis erat; neque multùm à vivo abludit imago;

Eheu! quòd fas sit dicere, talis erat.

Mente sagax; vultu facilis; cultúque modestus;

Manabat comi multus ab ore lepos.

Tum quoque, cùm seris natura fatisceret annis,

Temporis antiqui gesta referre, memor.

Pacis amans; recliq̃ue tenax; nec prodigus aris:

Et tamen in patria commoda largus erat.

Oderat immodicos fastus; sed et oderat astus;

Non affectata simplicitatis amans.

Moribus antiquis, cultor pietatis arita;

Certus in antiqua Religione mori.

Non fuit impositis populo gravis ille tributis:

Aula sed infletas sobria parsit opes.

Non sibi, sed patriæ genitum se credidit esse;

Communémque suis civibus esse patrem.

Nunc calum colis, ô caelo dignissime Princeps!

Aspectu fruieris nunc propiore Dei.

Episcopum nostrum Theodorum prægressa quinque mensi-
bus ex arce Ritbergensi in domum æternitatis hoc anno fuit Sabina
Catharina, Comes Ritbergensis, Ennonis III Ostfrisiæ Comitæ,
& Walburgis Ritbergicæ filia natu maxima. Hæc unica Comita-
tûs Ritbergensis hæres, postquam legibus, quæ hujusmodi matri-
monia vetant, autoritate Sedis Apostolicæ soluta esset; Joanni
patruo suo nupserat. Hujus ad Catholicam Ecclesiam reversi ex-
emplo, Fidem orthodoxam anno 1601 amplexa, vitam deinde o-
mnem omni virtutum genere excoluit. Liberalis, ac propè ho-
norifica in egenos, quibus eleëmofynas, in arcis atrium se demit-
tens, suâmet, aut prolium duntaxat manu erogabat. Rei divinæ,
postquam flexis sinè fulcro genibus quotidie interfuisset; consue-
verat quinquies per diem, in obscurum sinè tenestra, sinè lumine
cubiculum, abdere se; ut procul arbitris sola cum Deo quietiùs sa-
lutis negotia pertractaret. In honorem Christi è cruce pendentis,
sexto quovis per septimanam die, omnis cibi abstinens, tam acer-
bam jejunio corporis junxerat afflictationem, ut modum ab con-
scientiæ arbitris rogata ponere, induci ægre potuerit, ad exuen-

Eeeee

dam

Moritur
Sabina Ca-
tharina Co-
mes Ritber-
gensis.
Ejus vita,
& virtutes.

ex concione
funebri
authore P.
Friderico
Rörich S. J.
dicta Rit-
berge in
parochiali
Ecclesia 10.
Julii anno
1618.

dam è setis, pilisque confectam vestem, toto jam anno furtim torquendo corpori admotam. Utì amabat filium, colebátque; sic neque matris obliviscebatur; tanto jam ferventior, quanto antè ejus in cultu remissior. Cogitaverat sæpe in Italiam Lauretum versùs pietatis explendæ causâ: at loci distantia, ac itineris difficultas cùm obessent desideriis; per alios, quod ipsa non posset, exequi statuit, donatis mille imperialibus, ex quorum stabili fructu annuo, illuc iter facientibus Germanis, aliquid subsidii ad sumptus piæ peregrinationis daretur. Interim domi Sabina Comes, singulis in honorem Virginis per annum feriatis diebus, priùs de peccatis confessa, cælesti epulo fruebatur: neque ullus unquam dies abiit, quin tota sub vesperam aula æris campani accita signo, sanctissimæ huic Virgini, cælitibusque omnibus supplex in genua provolveretur, ipsâ Comite in exemplum & verba præeunte, recitando publicè preces illas, quibus Sanctorum opem implorare nominatim, Ecclesia consuevit: additis, si quando foris in professione conjux Comes, aut militiæ esset, aliis precibus, quæ pro felici itinere dici solent. Secundùm hæc sollicita semper, ac propè nimia erat in delendis omnibus prioris vitæ erratis. Qui confitenti aures dabat, non semel ab ea obnixè rogabatur, acriter moneret errantem, si quid emendato opus esset. Scrutaretur rigidis interrogationibus singillatim unumquemque animi angulum; utne in eo minimum quid occultæ noxæ non expiatum resideret. Eum in finem religioso quodam pacto se divinæ alligaverat voluntati: quod manu suâ exaratum, filiæ Catharinæ Mariæ imitandum, moriens tradidit, his conceptum verbis: *Ego Sabina Catharina hodie et omni tempore profiteor, dum anima in me erit; quòd nihil velim, nisi quod vult Deus: quidquid contra Deum est, etiam contra me erit; quod odit, et ego odio habeo; quod amat, et ego amo. Sic vivam, sic moriar; sic præstolabor ipsius misericordiam in vita, et in morte; hîc in tempore, et postea in æternitate. Quòd peccaverim, pœnitet, ideo confitebor, et agam pœnitentiam; nec amplius peccabo. Contra omnes tentationes pugnabo, causas peccandi evitabo. Ità volo; ità manu meâ subscribo, coram Deo, B. Virgine, omnibus Sanctis, et Angelis.* Demum tot ardentibus, arduisque spiritûs exercitationibus exhausta; tertio ætatis, & trigésimo anno, ad mortem sacramentis omnibus piè composita, pridie Kalendas Junii affligere se, & vivere desiit. Non aliunde Ritbergensibus felicitas major, quàm ex Sabinæ Comitissæ singulari sanctimonia. Eam enim cùm ex vita Comitissæ ad Religionis antiquæ leges traducta profluxisse, cernerent Comitatus incolæ, & ipsi ad eam, rejectâ veteri, amplectendam, se faciliores præbuerunt. Quāquam timeri non temere poterat, obduruisse ad meliora animos diuturnitate temporis

poris; cùm tota illa regio annos ampliùs sexaginta, jam inde à primis Lutheranae defectionis temporibus, Romanae Ecclesiae doctrinam abjecisset. Verùm praevaluit illustre, & potens pientissimae Comitissae exemplum; popularis ejus cum omnibus agendi, hortandique modus; ut qui se antea secuti errantem essent; redeuntem in viam sequerentur. Prolixius narrat Sabinae Comitissae virtutes, dicta in solennibus exequiis concio funebris, cujus in ingressu author, ne quid auribus dedisse videatur, hæc S. Hieronymi verba usurpat: *Testor Jesum* et Ss. ejus, ipsūque proprium Angelum, qui custos fuit admirabilis feminae; me nihil in gratiam, nihil more blandientium loqui; sed quid quid dicturus sum, pro testimonio dicere, et minus esse meritis ejus.*

**S. Hieron. in epitaph. Paula.*

Eadem contestatione uti poterat scriptor admirandae prorsus vitae Theodorici *à Monasterio. Mortem hujus praeclari viri ex Ordine S. Francisci de strictiore Observantia retulimus ad annum MDXV: ubi in metropoli Westphaliae natum esse diximus, ac Lovanii obiisse sanctitatis opinione celeberrimum. Sed quam sibi vivens sanctimoniae famam collegerat; ab obitu majorem in modum aucta, sic piorum animos affecit, ut cineres, & ossa hoc anno millesimo sexcentesimo decimo octavo digna censuerint, quae veteri tumulto relevata, in sacello Valetudinarii Lovaniensis apud Patres Franciscanos honoratorii loco conderentur, lignae & eleganti inclusa arcae. Plurima singularem ejus virtutum opera percensuimus ad annum obitus. Admonet me recens cineribus hoc anno honor habitus; ut, quod ibi egregium facinus praetermissum video, hinc memorem; posterisque, sed Apostolicis praesertim viris imitandum proponam. Gravis & diuturna pestis anno 1489 Belgium pervagata, urbem Bruxellas corripuit immanitate tantâ, ut annorum duorum spatio tria hominum, & triginta millia consumpserit. Tristissima urbis facies, solitudo, vastitas, fuga! rupta omnia cognationis & amicitiae foedera; singulis, ne quotidiani usus contagione inficerentur, à se invicem divulsis, aliisque diffugientibus. Atque adeo illi ipsi, quibus, eo saeviente malo, tum corpora tum animos curandi necessitas, officii lege imponitur; perculsi horrore insanabilis morbi, caput medium in discrimen offerre, detrectabant. Ibi enim verò Theodoricus non temperavit sibi, quin utrorumque, quantum in ipso esset, suppleturus vices, periculosa provinciam ultro deposceret; certus alienum periculum redimere suo, seque ipsum, servando alios, feliciter, ac sanctè perdere. Adeo vehemens est, cùm semel inflammavit animum, vis divinae caritatis! & quàm ingeniosa simul in Theodorico? quò facilior ipsi ad alios, aliisque ad ipsum pateret aditus; superiorum permissu extra monasterii septa in foro publico tentorium sub dio figit; in eoque mensam, quaestui animarum faciendae necessariam, altaris

**vide annum 1515 ubi dicitur unde illud nomen habeat, & plura de illo narrantur.*

Theodorici à Monasterio, Franciscani ossa hoc anno reponuntur honoratorii loco.

Arnoldus Rasisus in vita ejus.

Idem Theodoricus grassante peste cœnobium egreditur, fixoque;

in

tentorio
Bruxellis in
foro studet
omnes pe-
ste infectos
juvare.
*Fortuna-
tus Hueber
in chron.
Tripar.
Ordinis.
Arnoldus
Raisius in
vita ejus.*

*Agit perso-
nam sacer-
dotis & sa-
cristani si-
mul.
Auctores
iidem.
Annales
Ordinis
m/.*

in modum collocat. Ibi ille velut ad aram communis refugii assiduus confidere; valentes, ægros, pestēque jam contactos, trepido adrepentes gressu, præstolari: inter putridos anhelitus dare aures confitentibus; consolari, pascere, corroborare cælesti cibo: nihil omittere, quo plures, in illo aliàs profano nundinarum loco, animas cælo mercaretur. Si quid otii ab ægris illuc ventitantibus superesset; dabat crebris in urbem ad infectas ædes, ubi mors regnabat, excursionibus; plateas obiens, inclamans, requirens infirmos: noctes, diēsque experrectus; quocunque, ægrotantium salutem per sacramenta adjuvandi, spes evocaret, celeriter advolans; celerrimè ad illos, quos divino monitu didicerat, celeriori ante alios morte extinguendos.

Operam sub initium contagionis commodaverat Theodorico templi cujusdam ædituus; in itu ad ægros, & reditu in tentorium sacri laboris socius; portans lucernam cum tintinnabulo, quoties ad discessuros in æternitatem viaticum deferretur. At brevi, pestilentia afflatus homo, sensimque contabescens, animam efflavit. Felix, qui mortem naturæ debitam sibi per obsequia caritatis quæstuosam fecerat. Neminem unum tamen, eo mortuo, reperire erat, qui ejusdem lucri & mercedis cupiditate teneretur. Quid ageret vir optimus, jam solus sedens in tentorio ac gemens? tandem ex arena caritatis consilium capit. Ne miseri sacramentorum expertes decederent; utramque decernit & sacerdotis, & famuli personam ipse unus sustinere. Igitur ad morientes accitus, sic alacer in publicum prodiit: ex funiculo, quo religiosi istius Ordinis præcinguntur, pendula hærebat lucerna; dextrâ sacram portabat pyxidem, lævâ nolam; motuque tinnitum ciebat. Atque ita media inter venena impune volitans, solus ipse triginta duo millia, necessariis ad mortem piè oppetendam sacramentis, præmunivit. Nihil acerbius in tam dulci opere videri poterat, quàm quòd ingruente hyeme manus & pedes malè tecti, acrimoniâ frigoris adurerentur; sæpiusque in tentorio ventis pervio, ante sanctissimum pendens lumen extinctum, igne attritu filicis elicitò accendere, necessum esset. Superavit molestias, ac hyemale frigus, quæ intus in animo ardebat caritas, omnibus brumæ incommodis major. Demum Patris optimi miseratus vicem, coctor aliquis cerevisiæ, qui cominus habitans, pruinâ sæpe ac nivibus obsitum conspexerat; adit ad ipsum, ædēsque suas offert: ubi & frigus arcere, operari sacris rebus, suoque pro arbitrio excurrere ad ægros, morientesque posset. Non recusabat Theodoricus oblatam sibi gratiam. Eâ majorem hospiti cælum reddidit. Cum enim pestifera lues cerevisiarias urbis officinas pervasisset omnes; hanc unam, ubi domicilium habebat Theodoricus, divinâ obfi-

obstante manu penetrare haud potuit: nec ejus incolis tantum constitit vita, & sanitas; sed & cocta inibi cerevisia, foris contagione laborantibus, medicina fuit; reliquis, eam bibentibus, peste nondum infectis, ne inficerentur, praesens remedium. Hoc certâ haberi experientia compertum, scribit Raisius. Illud mirandum magis; Theodoricum, tanquam in arcana Dei judicia admisus esset; scivisse fructum laboris sui tot morientibus impensum. Duos, inquit, (remittente pestilentia ad tristes, pallidasque populi reliquias verba è cathedra faciens) duos duntaxat ex duobus, & triginta hominum millibus ad mortem à se comparatis, aeternum periisse: alterum, quod de salute sua moriens desperaverit: alterum, quod pudore retentus, & superbiâ, confiteri de peccatis sacerdoti noluerit. Extra hos duos, omnes alios, uti divinitus intellexisset, beatorum choro associatos. Hoc lucrum ceperat Theodoricus. Tot animas in foro publico mercatus caelo fuit labore gravi & indefesso. Neque enim levi eas pretio venales esse, decet, quæ multò adhuc pluris humani generis servatori constiterunt.

Anno huic finem, & libro dabit, caelesti hinc Paderbornæ beneficio, reddita adolescenti sanitas: & illi quidem adolescenti, cujus deinde eruditio, & ingenium toti mundo portenti ac prodigii simile visum. Nomen ipsi Athanasius Kircher, natus * Geyssæ, oppido trium horarum itinere Fuldâ dissito. Post longam de capellendo vitæ statum, maturamque deliberationem, divino rapi se impulsu sentit ad societatem *JESU*. Ejus ingrediendæ facultatem jam obtinuerat; sed post, periculo incautè adito, tantum non perditam. Cum aliis sodalibus ad ludos, qui brumali tempore fieri in fluminibus gelu constrictis, assolent, frequentandos egressus, mirâ agilitate glaciem terit, pernicipique cursu palmam præripere omnibus, puerili gloriâ connititur. At impetu, quàm ut sistere posset, vehementiore incitatus; sejunctis, divaricatisque pedibus in glaciem prolabitur, gravi herniâ ex lapsu contractâ. Auxit malum foeda scabies, lepræ speciem referens, quæ ex frigore, nocturnisque nocte studiis, crura invaserat. Utrique malo, ne vulgaretur, in patria nihil adhibitum remedii. At tanto, quot diebus auctius, molestiusque. Præstitutus tirocinii initio dies cum moneret, solâ fretus caelestis ope medici, se ad iter accingit: eoque gravissimos inter dolores confecto, in domum religiosam 2dâ Octobris ingreditur: verum ipso in limine tardior adolescentis, & vacillans incessus, omnium advertit oculos; ac mali latentis * suspicionem non dubiam movit. Interrogatus, tristi voce, ac verecundâ rei veritatem aperit; tacitâ tamen herniâ, ne duo simul mala proderet, quorum sufficere vel unum arbitrabatur, ut ne in Ordinem tot

* natus anno 1602.

Kircherus novitius Societ. Jesu Paderbornæ per miraculum sanatur. Morbus ejus, & causa morbi.

Ex vita Kircheri Roma in collegio Romano post obitum ejus inventa. ab ipsomet Kirchero conscripta. * cap. 3 vita ab ipsomet conscripta.

Fffff


votis

*ad Rom.
8. v. 26.

*Exod. 4. 8.
v. 19.

*psal. 88.
v. 1.

votis expetitur cooptaretur. Accitus illico chirurgus naturam morbi, & gravitatem inspicit; eumque ex gangrænâ, vicinas partes jam depascentis, accessione insanabilem declarat. Magnis interim impendiis nihil non tentatum, si quâ viâ occurri malo posset. At omnibus parùm proficientibus, sententia dimissionis fertur in adolescentem, tanquam functionibus Ordinis minimè idoneum; nisi si intra mensis unius spatium malo liberatus, convalesceret. Quantus hîc ægrotantis in animo dolor & consternatio! desertum se ab hominibus videns, ad Matrem misericordiæ recurrit. Ejus ante statuum, in odeo venerationi propositam, nocte intempestâ in faciem procumbens, cum lacrymis & *gemitibus inenarrabilibus magnam Matrem filius afflictissimus violentis sollicitat precibus. Et ecce! divino mox instinctu exauditum se persentiscens, ab oratione surgit: suumque ad cubile suspenso se gradu referens, alto, suaviq; somno obruitur. Manè expectatus sentit evanuisse hereniam: atque crus utrumque, deterfâ lue, integrum, sanumque videt. Paucis post horis chirurgus adest. Dum crura nudat, dum medicamenta parat adhibere; nihil nisi extimæ hærentes cuti squamas invenit, sanatæ scabiei reliquias. Ille stupenti similis, *digitus Dei est hîc, exclamat; non opis est humanæ tam subita, tam insolens curatio. Itur ad Rectorem domûs: advocantur alii: visâ re, intellectâque causâ in divæ Virginis laudes effusi: fecit huic, attoniti inquirunt, per matrem *magna qui potens est et sanctum nomen ejus*. Qualis postea, quantusque vir evaserit hic adolescens, erudito orbi notissimum. Hoc fortasse ignotum nonnullis, eum, quidquid reconditæ & sublimioris scientiæ habuit; soli Deiparæ acceptum referre; illiusque patrocínio impetratum, palàm toti mundo fecisse, eo in libro, quem Romæ de portentosa hac sanatione, deque tota vita conscripsit, hîsce exorsus verbis: *miser cordias Domini in æternum* *cantabo. Tu quoque, quisquis es, cui erudito Kircheriana ex usu est; unde haustam intelligis, fontem corona, tam potens apud filium matris patrocínio agnoscendo, honorandóque.



INDEX

RERUM MEMORABILIU

HAC PRIMA

ANNALIUM

Paderbornensium

CONTINUATIONIS PARTE

CONTENTARUM.

A

Achmetes Turcarum Imperator pacem init cum Imperatore. pag. 735.

Adolphus Comes de Schawenburg fit Archiep. Colonienfis. p. 283.

Adolphus Archiep. Colon. celebrat synodum provincialem, in qua præſcribit media ad Cleri & populi reformationem. p. 298.

Adolphi Colonienfis Archiep. mors & laudes. p. 335. & p. 336.

Adolphus Nuenariæ & Morſæ Comes in diœceſi Monafterienſi deprædatur nundinas Grevonienses, p. 541. Paulo poſt moritur. p. 542.

Ahlense oppidum Monasterienſe Lutheranos recipit, Catholicos Paſtores ej-

cit. p. 184. Oppidani abactis pecoribus ſuis ad necem poſtulant Prædicantes, qui ægerrimè elabuntur, oppidumque redit ad Fidem Catholicam. p. 185.

de Alba Dux (Ferdinandus) ferocitate ſuâ rebellionem reſuſcitatur in Belgio. p. 383. Devincit feliciter rebellium Geuſiorum duces. p. 390. Pleſti jubet Comitum Egmondanum, Hornanum, & alios. p. 391. Belgas premit nimis exactionibus. p. 403. Adornat bellum contra maritimas Belgarum oras. p. 422. Harlemum obſidet. ibid. Revocatur ex Belgio. p. 423.

Albertus Brandenburg. Magdeburgi, & Halberſtadii Episcopuſ. p. 63. Item Archiep. Moguntinuſ. p. 64.

Albertus Elector Moguntinuſ Luth-

Lutheranam doctrinam permittere cogitur in Episcopatu Magdeburgensi, & Episcopatu Halberstadiensi. p. 242.

Albertus Cardinal. & Archiepiscopus Moguntinus moritur. p. 245. Ejus elogium. Ibid.

Albertus Brandenburg. Magnus Magister Ordinis Teutonici in Borussia deficit à Fide, & uxorem ducit. p. 116.

Albertus Archidux in Belgio magnis sollicitationibus militem de stipendiis non acceptis tumultuantem pacat. p. 612. Partem Hollandicarum copiarum proficiat. pag. 623. Inchoat obsidionem urbis Ostendæ. p. 616. Eam continuat. p. 624.

Albertus Archidux bellum è Belgio in hostile solum traducit, p. 663. Paciscitur cum Hollandis. p. 683. Seditiosos milites suos in exilium pellit. Ibid. Duodecim annorum inducias init cum Ordinibus fœderatis. p. 697.

Alberti Archiducis Exercitus in favorem Neoburgici occupat Tremoniam, Susatum & alias urbes. p. 745.

Albertus Marchio Brandenburg - Anspacensis Germaniam pessimè affligit. p. 313. Item Episcopatum Wormatiensem, Spirenses, Moguntinensem, ac Trevirenses. p. 314. Item ditionem Heripolensem, Bambergensem & Norimbergensem. p. 319. Recusat pacem oblatam. p. 320. Irruit in terras Henrici Brunsvicensis. p. 320. Cæditur ab eodem & Mauritio Saxone. p. 320. Non longè post iterum cæditur. p. 320. Fugit in Franconiam. p. 321. Proscribitur ut Imperii hostis ab Imperiali Camera. p. 321. Ab Henrico Brunsvicensi iterum cæditur in Franconia p. 324. Fugit in Galliam. Ibid. Exul ibi moritur. Ibid.

Alenfonius cum ingenti apparatu in Belgium venit. p. 470. Abit inglorius in Angliam, inanes Elisabethæ nuptias prestaturus. p. 470. Idem in Belgium redux, Antwerpia proclamatur Dux Brabantia, sed in tumultu civico penè opprimitur cum suis. p. 479. Belgium rursus deserere cogitur. p. 480. Temere nititur Belgium acatholicum suæ potestati subdere. p. 480.

Urbes aliquas per tumultum occupat. Ibid. Antwerpiam ex insidiis oppressurus, fœdâ suorum clade rejicitur. Ibid. Inglorius in Galliam revertitur. p. 481. Moritur. p. 509.

Alexander Pontifex camini ruinâ propè oppressus fuisset. p. 3. Moritur. p. 21.

Alferadis Abbatisa Confugio pulsa cum aliis monialibus recipit se ad monasterium Gerdenſe, & moritur. p. 228. In ejus locum eligitur Gerdæ Helena Tresken. p. 229.

Amurates Turcar. Imperator moritur. p. 573.

Anabaptistarum hæresis oritur. p. 131. Anabaptistæ undequaque monasterium confluunt. p. 183. Anabaptistarum clamoribus territi cives Monasterii ad eorum sectam accedunt. p. 188. Anabaptistæ plura suorum sectariorum auxilia in urbem advocant. p. 189. Crescente suorum numero novum è suis magistratum eligunt. Ibid. Omnes suæ doctrinæ non ad hærentes ex urbe pellunt. Ibid. Anabaptistæ proscribuntur Monasterio, quos tamen orto tumultu publico senatus ferre cogitur. p. 183. Missis literis sparsim hinc inde jubentur convenire Monasterium. p. 191. Multa eorum millia detinentur, & capiuntur à Transisalanis. p. 191. Anabaptistarum perversæ machinationes reprimuntur in urbe Leyda. p. 203. & in Frisia occidentali. p. 204. Maximè verò Amstelodami. p. 204. Anabaptistæ nituntur occupare urbem Amstelodamensem, sed ab aliis civibus vincuntur, & diverso pœnarum genere puniuntur. p. 205. Anabaptistarum supplicium. p. 219.

Anglicani Schismatis origo. p. 211.

Anna Bolena ob gravissima scelera securi percutitur. p. 215.

S. Annæ Caput Moguntia furtivè transfertur Marcodurum. p. 9. Adjudicatur denique Marcoduranis à Julio II. Papa. Ibid.

Anna Regis Hungariæ filia despondetur Ferdinando Austriaco. p. 67.

Antonia Princeps Wilhelmi Clivia Ducis Conjux Religionem Catholicam reducit in Ducatum Clivensem, Juliacensem,

sem, Montensem & Comitatum Marchia.
p. 666. Eadem Patribus S. J. provideri facit de meliore domicilio Embricæ. p. 666.

Antonius Comes de Schawenb.
Archiepiscopus Colonienfis. p. 336. Ejus zelus & virtutes. ibid. Moritur. 351.

Antonius Comes de Schawenb.
ab Ernesto Archiepiscopo Colonienfi nominatur Episcopus Mindenfis. p. 533. Catholicè moritur. p. 611.

Aquisgranensium Sectariorum
turbæ. p. 472.

Aquisgranenses Joanni Wilhelmo
Duci Juliae, Cliviae &c. se opponunt, ab hæreticis instigati. p. 678. & 679. Lis componitur. p. 695. Tumultuantur contra Magistratum. p. 713. Jesuitas crudeliter exagitant. ibid. & p. 714. Aquisgranum subigitur ab Ambrosio Spinola. p. 732. Aquisgranum ad Fidem Catholicam revertitur, & ideo à Principibus Belgicis antiqua privilegia recipit. p. 615.

Aquisgrani plectuntur seditiosi. p. 749.

Arensberga in Fide Catholica
perseverat. p. 487. Ibidem à Truchsesio indicuntur Comitatus provincialia. p. 488. In his quid actum. Ibid. & p. 489.

Argentoratum tentatur ab Henrico II. Gallia Regè. p. 311.

Arnhemium cum aliis urbibus Philippo Belgarum Duci se submittit. p. 28.

Arnoldus Comes Bentheimii Gymnasium Steinfordiense condit. p. 680. Ejus in sacras imagines injuriosi pæna. ibid.

Attelenæ in pago Diœcesis Paderbornensis diro supplicio plectitur senex veneficus, criminum horrendorum reus. p. 589.

Augustanæ Confessionis refutatio approbatur à plerisque. p. 147.

Augusta Vindelicorum capitur à Mauritio Saxone. p. 310.

Augustanis in Comitibus constituitur pax Religionis, passaviensis dicta. p. 331. Articulorum istius pacis explicatio. p. 331. & p. 332.

Augustanis in Comitibus petuntur auxilia contra Turcas. p. 377. Augustana Comitatus ad comprimendas Aquisgranensium Turbas indicuntur, p. 474.

B

Bathorius (Sigismundus) Transilvania Princeps, Cæsareanis partibus se adjungit, multas urbes occupat. p. 575. Duplici prælio Turcas profligat. ibid.

Bedberga ab Ernesti Bavariae Ducis copiis capitur. p. 506.

Belgæ Cæsarem rogant, ut nepotum nomine gubernationem Belgii suscipiat. p. 34. Propter ferociam Albani Ducis nutant in fide & obsequio Regis Hispaniae. p. 415. Multas urbes adigunt in obsequium Principis Orangii. p. 416. Belgarum Proceres, foedere cum Geusis inito nituntur Hispanos expellere toto Belgio. p. 434. In Belgio foederatorum exercitus per intestinas discordias dilabitur. p. 453. Belgæ foederati Regi suo Provinciarum Belgicarum imperium publico edicto abrogant. pag. 469.

Bertholdus Archiep. Mogunt. moritur. p. 26.

Bertholdus Ep. Hildesienf. &c moritur. p. 22.

Bethlem Tabor invadit Transilvaniem. p. 726.

à Bicken (Joannes Adamus) Archiep Moguntinus eligitur. p. 622. Ejusdem mors. p. 661.

Bielefeldiensium fallaciae & iræ contra Catholicos. p. 702.

Bilsteiniana Arx à Sarrapiae istius rusticis recuperatur. p. 508.

Blombergæ in oppido à fide deficient Canonici Regulares S. Augustini. p. 339.

Bockelsonius (Joannes,) aliàs **Johan van Zeyden** Monasterium redit cum Joanne Matthisonio Anabaptistarum duce. p. 187. & 188. Simulant se esse duos Prophetas à Deo missos. Ibid. Adigunt magistratum urbicum ad concedendam libertatem credendi vel docendi. Ibid. Novo mendacio extollit se in locum occisi Matthisonii. p. 192. & 193. Abrogat senatum, & loco ejus constituit duodecim Judices novi Israël. p. 193. In adultério deprehensus introducit polygamiam, multis civium hanc doctrinam detestantibus,

bus, cūque propterea urbem Episcopo volunt tradere, crudelissimè necantur. p. 195. Abrogat iterum potestatem duodecim judicum. p. 196. à Dufentchūrio novo Propheta creatur, & inangitur Rex. Ibid. Ejus Aula, Proceres, & Gynæceum. Ibid. Novos Apostolos emissurus jubet institui magnam Cœnam in sulso modo. p. 198.

Bohemicæ turbæ origo. p. 754.

Bonna à Ferdinando Bavariz Duce vehementer premitur. p. 505. à Truchsesianis rursus occupatur. p. 534. Ab Hispanis recuperatur. p. 534.

Bonnenes præsidarii deditionem paciscuntur, & Carolum Truchesium Gubernatorem urbis captivum tradunt. p. 506.

Bonnus Lutheri doctrinam introducit in tres Ecclesias Parochiales Osnaburgi consentiente Francisco Ep. p. 264. Progreditur ad reformandas Ecclesias rurales, & præscribit novam ordinationem Ecclesiasticam. p. 265. Ecclesiæ ministros ordinat, quod aliàs à se fieri negarat, & redit Lubecam. Ibid.

Brakelenses in Diocesi Paderbornensi Lutheranum Prædicantem in urbem suam revocant. p. 627.

Brandenburgicus & Neoburgicus reconciliati per Mauritium Hassiæ Landgravium paciscuntur de Provinciis inter se dividendis. p. 701. Dissident inter se. p. 727. Dissensio inter utrumque augetur. p. 731. Brandenburgicus ad Hollandos desciscit, illisque tradit urbem Juliacensem. p. 731.

Bredelariense Cœnobium ab Hollandis spoliatur. p. 674. Abbas ibidem captivus abducitur. Ibidem.

Brema à Luthero ad Calvinum transit. p. 365.

Brenckhusanum Monasterium Virginum Cisterciensium transfertur ad Ordinem S. Benedicti, & Congregationem Bursfeldensem. p. 618.

De Brendel (Daniel) ab Homburg fit Archiep. Moguntinus. p. 330. Idem moritur. p. 472.

Breviarium Paderbornense aliàs

excudi cœptum, jam perficitur, cui additur instructio pro devota recitatione. p. 61. & 62.

Brillmacher (P. Petrus Michaël) primus Collegii Monasteriensis Rector. p. 566.

Brilonia ad Augustanam Confessionem traducitur. p. 487. Pastor Catholicus deponitur, & pro Fide exulare cogitur. p. 487.

Brunsvicenses gravissimè cœduntur à confœderatis Hildesiensibus. p. 87.

Brunsvicensis urbs obsidetur. p. 673.

De Bucholtz (Reinerus) Abbas & Princeps Corbejensis. p. 335.

De Büren (Mauritius) studet Paderbornæ. p. 729. Huic struuntur insidiz. Ibid.

C

Calviniana unio ortum ducit à Comitibus Ratisbonensibus. p. 686. Augetur illa accessione Ducum & Comitum, & multarum urbium. Ibid.

Calvinistarum motuum initia in Gallia. p. 357. Capiunt arma contra Catholicos. p. 365. Eorum Sacrilegia, prælium & anceps victoria. p. 366.

Calvinistæ Belgii perturbatores. p. 380. dicuntur in Belgio Geusii, & unde. Ibid. Calvinistarum Belgicorum impietas in templa, altaria &c. p. 381. Eorum turbæ in Belgio comprimuntur. p. 383.

Calvinus Genève pulsus venit Argentoratum, ejus natales, studia, Clericatus, exilium, & fuga in Italiam. Item Calvinus mors. p. 373.

Cameracense foedus inter Pontificem, Cæsarem, Gallum & Hispanum contra Venetos. p. 41.

Cameraci constituitur pax inter Cæsarem & Gallum, item Cæsarem inter & Venetos. p. 140.

Canonici Cathedrales Julium Philippum deligunt in Coadjutorem Episcopi Paderbornensis. p. 318.

Cano-

Canonici Havelbergenses ,
Brandenburg. & Raceburgenses
à statu religioso ad secularē transeunt. p. 39.

Capucinatorum Ordo confirmatur
à Pontifice. p. 139.

PP. Capucini Coloniensem in urbem
admittuntur. p. 714. à majore Decano
ab Horst vocantur Paderbornam. p. 724.

Carlstädius infeliciter disputat cum
Eckio. p. 85.

Carolus Borbonius moritur. p. 546.

Carolus Fridericus, Wilhelmi
Ducis Juliæ filius &c. Romæ moritur
cum ingenti luctu Pontificis. p. 698.

Carolus IX. Galliæ Rex. p. 354.
Jubet Collignium & omnes Hugonottos
Parisiis interfici , exceptis Navarrazo , &
Condæo. p. 419. Eandem eadem ten-
tat in aliis urbibus. p. 420. Idem Ru-
pellam & Sancerram ad deditionem co-
git. p. 421. Malè permittit in toto reg-
no libertatem conscientiz. Ibid. Dete-
ctâ novâ adversum se conspiratione è vi-
vis evocatur. p. 425.

Carolus Gelder pacem dolosè im-
petrat à Philippo Belgarum Duce. p. 29.
Quo in Hispaniam cogitante fidem fallit.
Ibid. Philippo mortuo irruit in Braban-
tiam. p. 33. Iterum infestat Brabantiam
adjutus à Gallis. p. 36. Dirè grassatur in
Hollandia. p. 74. Cogitur pacem à Ca-
rolo Austriaco petere. Ibid. à Cæsareis
profligatur ex tota Frisia. p. 103. Pacem
init cum Cæsare , & Geldriam clientelari
jure obtinet. p. 135. Occultè iterum fœ-
deratur Gallo , Dani ejus consilio Dam-
mum occupant , & agrum Gröningensem
infestant. p. 218. Carolus Gelder ad pa-
cem cogitur eâ lege , ut , si moriatur sine
prole mascula , tota Geldria recidat ad
Carolus V. p. 219. Idem moritur &
hæredem scribit Wilhelmum Clivensem ,
unde iterum nova bella. p. 235.

Carolus V. nascitur. p. 2. Decla-
ratur hæres Coronæ Hispaniæ. p. 70. Fœ-
dus init cum Rege Galliæ. p. 71. In
Hispaniam solvit , & initio sequentis an-
ni coronatur Rex Hispaniæ. p. 74. Am-
bit vacantem Imperii thronum. p. 84.
Unanimiter eligitur Imperator. p. 85. Co-

ronatur Aquisgrani. p. 89. Solennis in-
gressus ejus in urbem. Ibid. Aquisgra-
no abscedit Coloniam , ubi Comitia Wor-
matiensia indicit , & Tremoniensis urbi
confirmat Comitatum Tremonensem. p.
90. Comitia celebrat Wormatiæ. p. 91.
Idem imperat Joanni Episcopo Hildesi-
ensi , ut bello Hildesiensi captos relaxet ,
sibi que tradat usque ad exitum causæ. p.
95. Proscribit & maximâ terrarum par-
te multat Episcopum renuentem. Ibidem.
Ejus milites Genuam occupant. p. 97.
improspere impugnant Marsiliam. p. 109.
Obsidionem Marsiliæ solvunt. p. 110. Ro-
mam occupant & diripiunt Vaticanum.
p. 121. Carolus V. reprobat decretum
Norimbergense. p. 107. uxorem ducit
Isabellam Lusitanam. p. 120. Francis-
cum Galliæ Regem libertati restituit sub
variis conditionibus. Ibid. Ejus quere-
læ contra Pontificem. p. 121. Idem co-
ronatur à Pontifice Bononiæ. p. 114. Con-
firmat ibidem privilegia Ecclesiæ Min-
densis. p. 145. Maltam Insulam confert
equitibus Rhodiis. Ibid. Pridie Corporis
Christi venit ad Comitia Augustana.
Ibid. Et recusantibus Principibus Luth-
eranis postridie interest solenni supplicatio-
ni. p. 146. Exposito Comitiarum sine
accipit Augustanam Confessionem. Ibid.
Comitia celebrat Norimbergæ. p. 158.
Item Ratisbonæ , ubi metu Solimanni co-
gitur permittere Protestantibus liberum
exercitium Religionis usque ad Concilium.
p. 158. Impetrat coram à Pontifice indi-
ci Concilium generale. p. 176. Francis-
co Sfortiæ Duci Mediolanensi uxorem
dat , suam è sorore neptem Christiernam.
Ibid. Alexandro Medici conjugem tra-
dit Margaretham , filiam suam notham.
p. 202. Carolus V. Imperator Romæ a-
git de Concilio indicendo Mantuæ. p. 217.
Queritur de Rege Galliæ , qui magnam
Sabaudia partem occuparat. Ibid. Pes-
simo consilio transfert exercitum in Gal-
liam. Ibid. Spondet se proximè respon-
surum ad Principum Lutheranorum po-
stulata. p. 225. Carolus V. Imperator &
Rex Galliæ Franciscus amicissimè se com-
plectuntur apud Aquas mortuas. p. 235.
Redit ex Hispania in Belgium. p. 244.
Mittit Legatum ad Principes Protestantes.

B

Ibid,

Ibid. Gravissimè conqueritur de con-
 nubio Wilhelmi Clivie Ducis cum nepte
 Regis Gallie. p. 252. Ejus responsum
 ad Imperii Principes pro Clivenſi depre-
 cantes. Ibid. In Italiam profecturus agit
 cum Pontifice de inchoando Concilio.
 Ibid. & p. 253. In Africam trajiciens
 adversis ventis ab inceptis impeditur. Ibid.
 Ex Hispania per terras Italicas venit Spi-
 ram. p. 259. Lustrato prope Bonnam
 exercitu, Marcodurum expugnat intrā
 biduum. Ibid. Illi se dedunt reliquæ ur-
 bes Julie, & Geldrie Marcodurensium exi-
 tio territz. p. 260. Cogit Gallum ad pa-
 cem ineundam sub certis conditionibus.
 p. 268. Indignatur in Comitibus Worma-
 tiensibus vix unum, alterumve è Princi-
 pibus adesse. p. 270. & 271. Meditatur
 bellum contra Protestantes, prius tamen
 indicit nova Comititia, celebranda Ratis-
 bonæ. Ibid. Carolus Imp. Philippo Häs-
 sise Landgravio roganti, ne is se opponat
 novationibus Hermanni Archiepisc. Co-
 loniensis, renuit gratificari. 277. Abit
 Ratisbonam ad Comititia: in quibus videns
 Lutheranos comparere non velle, decer-
 nit bellum in refractarios. Ibid. Exerci-
 tum suum colligit Landshuti. p. 278.
 Redit Ratisbonam, occupat Ingolstadium,
 ibique novum belli robur accipit è Belgio.
 p. 279. Pleraque urbes antea ab hostibus
 occupatæ se dedunt Cæsari. Ibid. In
 Belgium reversus, mulctat diversos ob
 communionem fœderis Smalkaldici. p.
 298. Carolus Imp. non impetrato, con-
 cilium Tridenti rursus inchoari, publicat
 Libellum, appellatum: **INTERIM**
 p. 293. Et statuit, ut omnes Episco-
 pi se proximè consecrari faciant, et ante
 S. Martini celebrent Synodum Diocesa-
 nam pro reformatione cleri. Ibid. & p.
 294. Idem cum exercitu venit Augu-
 stam. p. 314. Marchionem Brandebur-
 gicum ad obsequium revocat. Ibid. Me-
 tas frustra obsidet. p. 315. Belgii totius
 regimen transfert in Philippum Filium.
 p. 333. Regna sua transfert in Philippum
 Filium. p. 337. Curam Imperii commen-
 dat Ferdinando Fratri, & justitiam judi-
 cibus Cameræ. Ibid. Abit in Zelandiam
 & Hispaniam Ibid. Monasterio S. Justi se
 includit. Ibid. Coronam Imperii abdicat
 per Legatos, p. 348. Moritur Ibid.

Carolus Mansfeldius Alexandri
 Farnesii nomine Rhenoberckam expug-
 nat. p. 542. Exercitum Hispanicum in
 Gallias ducit, & Noviodunum expugnat.
 p. 563. Jubetur cum exercitu manere in
 Gallia. p. 565. Redit in Belgium. p. 567.
 è Belgio accitus, Christiano exercitui
 præficitur, Strigonium obsidet, Turcas
 profligat. p. 574. Febri & dysenteria cor-
 reptus extinguitur. p. 574.

Castellius vulnerat Henticum IV.
 Gallie Regem, punitur. p. 567.

Catechismus Romanus juxta
 normam Tridentini editur Colonie. p.
 414.

Catharina Angliæ Regina mo-
 ritur magno Regis mœrore, & gaudio
 Annæ Bolenz. p. 215.

Catharina Gallie Regina Tur-
 pissimam pacem init cum Hugonottis. p.
 368. & p. 369. Detrectat in Regno suo
 promulgare Concilium Tridentinum. p.
 370.

Catholici contra fœderatos Smal-
 kaldieneses pereunt aliud fœdus, quod
 fœdus sanctum appellant. p. 236. Ca-
 tholici Doctores & Lutherani Ratisbonæ
 disputant de rebus Fidei. p. 276.

Controversia pacatur inter Land-
 gravium Hassie & capitulum Paderbor-
 nense per coactam desertionem litis de
 monasterio Confugiensi. p. 232.

Christiani in Hungaria superiore
 Turcis eripiunt Fillecum, & multas arces.
 p. 570. Occupant Novigrodum. Ibid.
 Strigonium propè subactum deserunt, ad-
 veniente Turcarum Vizirio. Ibid. Oc-
 cupant Strigonium, Vicegradum, & Va-
 ciam. p. 574. Occupant in Hungaria
 Hathuanum. p. 577. Turcas profligant
 sed paulò post victoriam perdunt.
 p. 578. & p. 579.

Christianus Dux Luneburgen-
 sis Princeps Lutheranus fit Episco-
 pus Mindensis. p. 612.

Christianus Anhaltius Cæsarea-
 nos cœdit. p. 707. Juliacum expugnat.
 p. 708.

Christianus II. Elector Saxonie
 Juliam, Cliviam &c. à Cæsare obtinet, &
 investi-

I N D E X.

investiturâ donatur. p. 706. Gravi Brandenburgici & Neoburgici offensione. p. 707.

Christianus Halverius S. J. mittitur Heiligenstadio Paderbornam. p. 463.

Christophorus Brunsvicens. succedit Bertholdo Administratori Verdz. p. 22.

Claudius Jajus, & Petrus Faber à S. Ignatio in Germaniam missi, plurimum ibi boni operantur pro fide Catholica. p. 265.

Clemens VII. Pontifex quadrimestres inducias cum Cæsareis paciscitur, postea redit ad fœdus Gallicanum. p. 121. Quibus cum fœderatis invadit regnum Neapolitanum. p. 128. Capitur, nec nisi post mensem septimum libertati restituitur. p. 129. Cæso Gallorum exercitu init pacem cum Cæsare. p. 139. Moritur. p. 201.

Clemens VIII. Papa eligitur. p. 556. Moritur. p. 662.

Collignius Domum redux è vicinâ domûs fenestrâ duabus glandibus vulneratur. p. 419. Regem Carolum instigat contra Hispanos in Belgio ibid. Interficitur cum omnibus Hugonottis. p. 419. In ejus cadaver populi furor. p. 420.

Coloniæ moriuntur ex peste 25. milia hominum. p. 323. Pro tentanda Belgarum concordia instituitur conventus publicus, solenni supplicatione inchoatus. p. 454. Ibidem Tumultus excitatur à Calvinistis. p. 693. Frustra à Magistratu remedia adhibentur. p. 694. Frustra rebelles à Magistratu ad concordiam invitantur. p. 695. Ibidem Aliqui Catholici advertunt periculum Catholicæ Religionis, & à rebellibus discedunt. p. 695. Turbæ ibidem sopiuntur. p. 703.

Coloniense Capitulum in causa Truchsesiana convocat comitia provincialia. p. 483. Capitularium diversa studia. p. 483. & 484. In comitiis illis declaratur: Standum esse antiquâ unione statuum. p. 485. Ibidem In conventu defenduntur ab Admiraglio Mendoza Hispani Hybernantes in Westphalia. p. 604.

Colonienses rebellant contra suum Ma-

gistratum. p. 60. Trucidantur consules, & senatores. p. 61. Civitates variz rebellant. p. 61.

Coloniensis Magistratus omnes acatholicos ex urbe ejicit. p. 475.

Cometa per dies 15. apparet mense Augusto. p. 157.

Cometa terribilis nuncius futuri belli. p. 755.

Comitatus Pyrmontanus à Joanne II. Ep. Pad. pro sola ejus progenie mascula conceditur Hermannò Simonì Comiti Lippiensi. p. 403.

Comitia Norimbergensia p. 712.

Comitia Procerum Juliæ Cliviæ &c. de inveniendis mediis, quibus consulatur patriæ, si Dux sinè prole moreretur, cur irrita fuerint. p. 679. Comitia Ratisbonensia contra Turcas. p. 726.

In Comitiis Augustanis omnes Imperij ordines addicunt Cæsari in rebus fidei se staturos esse definitioibus Concilii Tridentini. p. 291. Ibidem Agitur de doctrina interimistica à Lutheranis uniformiter admittenda. p. 302. item decernitur obsidio urbis Magdeburgensis, cujus perurgendæ cura committitur Mauritio Saxoni. p. 303.

Comitia Spirensia de componendis religionum dissidiis, & auxilio contra Turcas. p. 140. Ibidem Decernunt auxilium contra Turcas, Frustra obnitente legato Galliz. p. 253.

In Comitiis Spirensibus ingentia auxilia decernuntur Cæsari contra Regem Galliz. p. 267.

Comitia Cæsaris Ratisbonæ habita pro tentanda concordia religionis. p. 250. concordia illic non obtentâ, controversiæ Religionis remittuntur ad concilium, permissio, ut omnes interim mancant in sua Religione. p. 251.

Comitia Treviris transferuntur Coloniâ. p. 57.

Commendonus Papalis legatus admittitur cum Delfino ad conventum Naumburgense. p. 360. Ejusdem oratio ad Principes ibid. Invitat Principes Catholicos inferioris Germaniæ ad concilium. p. 361. Idem in Comitiis Augustanis

nis suadet receptionem Concilii Tridentini & animorum conjunctionem contra Protestantes. p. 378.

Concilium generale Germanis Principibus indicitur eâ lege, ut ejusdem decretis pareant, nec interea aliquid innovent in rebus fidei. p. 176.

Concilium Tridentinum resumitur. p. 305. Interfunt 3. Archiepiscopi Electores. p. 306.

Concilio Tridentino Elector Brandenburgicus per suos oratores offert obedientiam. p. 306.

Concilium Tridentinum sub Pio IV. resumitur. p. 363. emanent Catholici Principes Germaniæ & quare. p. 364. Concilium finitur. p. 368. De eo concluso catholicorum calumniæ. ibid.

Concilium Tridentinum confirmatur à Pio IV. Papa. p. 370. recipitur in Gallia privatim ab omnibus. ibid. Illud in regno suo promulgare detrectant Rex & Regina Galliæ. ibid. Ab aliis Regibus Catholicis recipitur. ibid.

Condæus capitur. p. 367.

Confugiensis Monasterii in Hassia, & malorum Episcopatus Paderbornensi imminentium Historia. p. 227. & p. 228.

Conradi Comitis de Tecklenburg mors. p. 345. Comitatus Tecklenburgicus transit ad Bentheimenses. p. 346.

Conradus Episcop. Monast. moritur. p. 42.

Conventus à Principibus Westphaliæ decernitur Confluentiæ. p. 605. Decernitur in eo bellum contra Hispanos. p. 606.

Corbejense Monasterium reformatur. p. 14. Illius Abbati Hermannno de Bömelsburg mortuo succedit Herman. de Ketteler ex Liesbornensi Monasterio postulatus. p. 15.

Cosmus Medicæus Hetruriæ Dux inauguratur. p. 225.

Croningius (Jodocus) belliductor Cæsareus varia Westphaliæ loca ad Cæsaris obsequium cogit. p. 289.

Cruces prodigiosæ in vestimentis hominum expressæ. p. 3. Continuantur in variis Germaniæ locis. p. 10. Videntur præsignasse ignominiam S. cruci postea à Luthero irrogatam. p. 11.

Cyprus in manibus Turcarum relinquitur. p. 411.

D

Delbrugenses implorant patrocini-um Capituli Cathedralis. p. 30. Ob-
tinent è Statibus Patriæ XII. Arbitros. p.
31. Qui auditis Delbrugensium exces-
sibus pro mitiganda pœna intercedunt.
Ibid. Conficitur Delbrugensium judicio-
rum forma, & sequente anno publica-
tur. p. 31. & 32.

Delbrugenses fœdissimè exduntur à
Meutenitiis. p. 643. Quæ causa stragis.
Ibidem.

Delbrugensium privilegia confirman-
tur ab Erico Episcopo. p. 106.

Divara Regina Monasteriensis
capite plectitur. p. 209.

Ducatus Mediolanensis donatur
Francisco Sfortiæ. p. 140.

Düfenschurius Propheta men-
dax nominat Apostolos 27, intérque eos
seipsum. p. 199. Eorum octo Coëstfel-
diam abeuntes, octo Sufatum, plectuntur
capite, quinque recipiuntur à Warendor-
piensibus & denique decollantur, excep-
to Klopriſio, qui Coloniensi Archiepisco-
po missus, Brülæ combustus est. p. 199.
Sex alii capiuntur Osnabrugi, & morte
meritâ afficiuntur, excepto uno. p. 200.

Dusseldorpienses à Brandenburgico
& Neoburgico coguntur ad jurandam fi-
dem. p. 702.

Dux Borbonius à Gallo ad Cæsa-
rem transit. p. 102.

E

Eimbeca urbs Ducatus Brunsvi-
censis tristissimum incendium patitur. p.
248.

Electores

Electores Imperii statuunt non nisi unanimiter electum Imperatorem admittere. p. 84. Elector Moguntinus perorat pro Carolo V. p. 84. Elector Trevirensis pro Francisco I. Rege Galliarum.

Electores invitantur Coloniam ad electionem novi Regis Romanorum, p. 147.

Elisabetha Angliarum Regina eligitur. p. 349. à Paulo IV. pontifice rejecta fidem catholicam deserit. ibid. Eadem moritur. p. 639.

Elisabetha de Lohe convertitur ad veram fidem. p. 728.

Elisabetha Ducis Brunsvicensis Vidua totam Provinciam traducit ad Lutherum. p. 246.

Embslandia in Diocesi Monasteriensis fit catholica. p. 734.

Erbmannorum Monasterium causa cum nobilibus de idoneitate adeundi Canonatus Ecclesiarum Cathedralis. p. 344. Idem mittuntur in possessionem à Carolo VI. Imperat. p. 345.

Ericus Dux Brunsvic. residentiam peragit Paderbornarum. p. 23. Eligitur Ep. Osnab. p. 42. Confirmationem à Pontifice obtinet, & licentiam retinendi Canonatum Paderborn. ibid. Eligitur Episcopus Paderbornensis. p. 44. Qui anno sequenti ex conventionem præviâ debuit consecrari Episcopus. p. 45. Primus est, qui ex concessione Pontificiâ Episcopum se nominat duarum Ecclesiarum. p. 49. Præstat juramentum Capitulo Paderbornensi. Ibid. Osnaburgi solennissimè inauguratur. p. 48. Osnaburgo venit Neuhausium. p. 51. Paderbornarum solenniter introducit, & inauguratur. Ibid. Hostiliter invadit agros Corbejenfes. p. 55. Revertitur contribuere ad bellum Venetum, ideòq; mulctatur poenâ Banni. Ibid. Absolvitur hac à poenâ ita urgente Pontifice. p. 57. Curat novum Breviarium Paderbornense imprimi. p. 58. In horis orandis est admodum assiduus. p. 62. Mutuæ assistentiæ foedus init cum Ducibus Brunsvicensibus. p. 72. Idem monasterio Virginum in Wurmelen concedit facultatem resuscitandi Molendinum. p. 73. Componit lites inter Monasterium Bode-

cense, & præfectos arcis Wewelsburgensis. p. 78. Item litem cum Nobilibus de Hörde. p. 83. Confirmat electionem Abbatis in Marienmünster. Ibid. Mutuæ defensionis foedus init cum pluribus Comitibus. p. 88. Wormatiz per Legatos accipit confirmationem suorum Regalium. p. 96. Componit litem inter Capitulum, & Nobiles Calenbergios. Ibid. à Comite Lippiensi recuperat Comitatum Pyrmontanum. p. 100. Hoc anno cepit ædificare orientalem alam arcis Neuhausianæ. p. 104. Confirmat pacem Castellanam inter Nobiles de Spiegel. p. 109. Gravissimè minatus seditio Osnabrug, placatur quorundam intercessionem. p. 114. Exequitur rigorosè edictum Wormatiense Caroli V. p. 117. Herivordientes sacerdotes, vitæ communis in Domo Fratrum, citat Paderbornam propter doctrinam Lutheranam, & immodestius respondentes in carcerem detrudit, literis publicis de totâ re conscripsit. p. 117. Componit litem Capituli Majoris, & Ettelenium de Marca vel saltu Etteleni. p. 133. Paderbornam rebellem bello aggressurus mitigatur à statibus Patriæ, transigit proinde cum urbe. p. 138. Postulatur ad Episcopatum Monast. moritur Fustenaviz. p. 163.

Ericus Dux Brunsvicens. capitur. p. 87. Libertatem redimit & Hoyaano Comiti restituit arces varias. p. 88.

Ericus Saxo-Lawenburgicus Episc. Hildes. succedit Bertholdo. p. 22. Eligitur Ep. Monast. p. 42. Instituit festum Annæ perpetuò celebrandum postridie assumptæ Virginis. p. 51. Nicolaum Comitem propter depredationes publicas à dynastia Lingensî rejicit. p. 82. Moritur. p. 100.

Ericus Senior Dux Brunsvic. probè Catholicus moritur. p. 245.

Ericus Junior rem Catholicam restituit, Corvino Superintendente in carcerem coniecto. p. 246.

Ericus Junior, & Henricus Junior Duces Brunsvicenses egregiè desudant in reducendo suos ad fidem Catholicam. p. 300.

Ernestus Archiepisc. Magdeb. & Administrator Halberstadiens. moritur. p. 65.

Ernestus Dux Bavariae Episcopus Hildefiensis. p. 425. Idem postulat Episcopus Leodiensis. p. 468. Postulat Archiepiscopus Colonienfis in locum Truchsessi. p. 486. Introducit apud suos Calendarium Gregorianum. p. 500. Venit in Westphaliā, & revocatis omnibus propter fidem exulibus ubique Catholicā Religionem restituit. p. 509. Ad Monasteriensem Insulam postulat. p. 518.

Ernestus Archidux venit in Belgium, futurus ibidem Gubernator. p. 568. Aequā pacem Hollandis per literas offert. ibid. Proscribit libros hæreticos. p. 615.

Ernestus Archiep. Colon. studet reducere suas Dioceses ad meliorem vitam. p. 664. Idem prohibet magnos sumptus fieri in monasteriis, dum vestiuntur, aut proficuntur. ibid. Aliæ ejusdem salubres sanctiones. ibid.

Ernestus Episc. Hild. duos mittit, qui Clerum Hildesii visitent. p. 705. Pie moritur. p. 717.

Everwinus Comes Bentheimensis ac Tecklenburgensis uxorem Annam tradit custodiā. p. 363. Fraude educitur, ibid.

F

Falckenhagensis Monasterii Patrum Crucigerorum in Comitatu Swalenbergensi interitus, & Monachorum à Fide & Ordine defectio. p. 582. Monasterii derelicti bona dividuntur inter Episcopum Paderbornensem, & Comitem Lippiensem. p. 583. Religiosi ibidem Apostataz variā fortunā subeunt. ibid.

Falckenhagensis deserti monasterii bona & prædia omnia à Pontifice dantur Patribus Societatis Jesu. p. 689.

Falsatores Monetarii Osnaburgi in ardenti ahenō coquuntur. p. 157.

Famagusta, Cypri urbs, à Turcis invaditur & superatur. p. 409. Ejusdem Gubernator Bragadenus contra da-

tam Fidem necatur. p. 410. Alii duces, militesque Itali vel necantur, vel triremibus addicuntur. ibid.

Farnesius (Alexander) Belgii Gubernator. p. 452. Trajectum ad Molam expugnat. p. 454. Ob defectum copiarum nihil efficit contra Geusios. p. 466. Bredam ac Tornacum expugnat. p. 470. Idem, profugo in Galliam Alenfonio, captas ab eo urbes recipit. p. 481. Ipras, Brugas, Teneramundam, Gandavum, & alias urbes ad Regis Hispani obsequium reducit. p. 510. In Belgio occupat Bruxellas, Mechliniam, Antwerpiam, Neomagus, & Dõesburgum. p. 519. Idem occupatā in Belgio Graviā & Venlonā obsidet Novesium. p. 524. Expugnat illud tandem per vim. p. 525. Idem Mōrsam, & alia Comitatus Nüenarii castella occupat. ibid. Obsidionem Rhenoberckensem solvere cogitur ob adventum Dudlæi Comitatus Liestriensis. ibid. Obtinet Daventriam, Geldriam, Slusam in Flandria. p. 531. Parisios liberat à diuturna obsidione. p. 547. In Gallias proficiscitur ad solvendam obsidionem Rothomagensē. p. 556. Navarrum profligat. ibid. Obsidionem Rothomagensē solvit. p. 557. In Belgium redit. p. 558. Novam expeditionem in Gallias parans moritur. ibid.

Ferdinandus Austriacus Bohemiae Rex eligitur in Regem Hungariæ. p. 129. Cogitur decretum Wormatiense immutare, & sic impetrat auxilia contra Turcas. p. 141.

Ferdinandus Bavariae Dux Bonam obsidens Nuënarium, & Itelium Henricum Brunsvicensis nothum cum copiis suis cædit. p. 505. Movet cum suis in Westphaliā. p. 507. Cædit partem exercitus Truchsessiani, capto Itelio Henrico Brunsvicensis notho. p. 507. Recklinghusium obsidet. p. 508.

Ferdinandus Bavarus fit Archiepiscopus Colonienfis. p. 718. Venit Paderbornam, jam ante electus Coadjutor Theodori Episcopi. ibid. Leodii philosophica studia instituit. p. 734. Dinanti primum lapidem ponit pro extruendo templo PP. Jesuitarum. ibid. Aquisgranī plectit seditiosos. p. 749.

Ferdinandus Caroli Imperatoris

ris frater Coloniae eligitur Rex Romanorum, & coronatur Aquisgrani, frustra contradicente Saxone. p. 151. Cum Mauritio Saxone occupat terras Electoris Saxoniae. p. 279.

Ferdinandi Regis Romanorum excusatio apud Pontificem de inito tractatu Augustano. p. 333. Ejusdem fervor in Fide. Ibid.

Ferdinandus frater Caroli V. denunciatur Imperator. p. 348. à Paulo IV. Pontifice non agnoscitur ut legitimus Imperator. p. 349.

Ferdinandus frater Ernesti Bavari à fratre constituitur supremus belli praefectus. p. 500. Occupat Poppelsdorfium & Godesbergam. Ibid. Bonnam obsidet. p. 501.

Fischerus (Joannes) Juramentum Regis Angliae impium reculans in carcerem conjicitur. p. 213. Trucidatur una cum aliis. Ibid.

Flechtorpiensis monasterii Ordinis S. Benedicti miser status. p. 326. Postulatur ibidem novus Abbas Joannes Rode, professus in Liesborn. Ibid. Ejusdem confirmatio & benedictio petitur à Remberto Episcopo Paderbornensi. p. 327. Occupatur illud monasterium à Comite Waldeckensi. p. 253.

Florentia Caesareis deditur. Medici restituuntur. Alexander Medicus fit postea Magnus Haeruntiae Dux. p. 150.

Foedus Schmalkaldicum confirmatur. p. 151.

Franciscus Brunsvicensis, Episcopus Mindensis. p. 41.

Franciscus de Waldeck Episcopus Mindensis. p. 143.

Franciscus de Waldeck postulat Episcopus Monasterii & Osnaburgi in locum defuncti Antistitis. p. 171. Qui Cives & Senatum monet, ut, Rotmanno, & aliis praconibus ejectis, sacra astra restituant. p. 172. Annonam urbi Monasteriensi intercludit, & rebellium bona in fiscum redigit. p. 174. Petunt ab eo legati urbici per judices compromissarios agi de pace. Ibid. Inauguratur Osnaburgi. p. 175. Caput incendiarium, & len-

to igne mulctat, Ibid. Monasterii solenniter inauguratur. p. 180. Obsidet Monasterium, Joanne de Buren, & Hermannno de Mengersen Dynastis Paderbornensibus strenue colluctantibus. p. 190. è Diocesi expellit Comites Oldenburgicos, & eorum Comitatum vastat, p. 238. Majores Ordines, & Consecrationem Episcopalem suscipit. p. 249, Doctrinam Lutheranam introducere studet in Diocesin Monasteriensem. p. 263. Cui se acerrime opponunt status Diocesani. Ibid. Quibus ille respondet, se vi acturum nisi sponte consenserint, minantibus contra statibus depositionem ab Episcopatu, siquid attenter contra fidem Catholicam. p. 263, & p. 264. Episcopus, & Ordines utrimque discedunt cum indignatione. p. 264. Permittit Lutheranismum introduci in urbem, & Diocesin Osnabrugensem. Ibid. Perseverat in haeresi Lutherana. p. 269. Exuitur possessione arcis, ac praefectura Delmenhorstensis. p. 290. Citatur Romam à Pontifice ad purgandum se de suscepta haeresi Lutherana. Ibid. Pro eo intercedunt Ordines patriae Monasteriensis, & sententiam privationis intercipiunt. Ibid. Ad Catholicam fidem redit. p. 296. Quam jubet in urbe, & Diocesi Osnabrugensi recipi. Ibid. Synodum Diocesanam Osnaburgi celebrat. p. 297. Rejicitur ab Ordinibus Diocesanis. p. 321. Ejusdem mors, laudes, & vitia. p. 321.

Franciscus I. Galliae Rex renovato cum Venetis foedere proficiscitur in Italiam. p. 66. Helvetos feliciter caedit, & Mediolanensem Ducatum recuperat. p. 66. Ambit vacantem Imperii thronum. p. 84. Invadit & occupat Regnum Navarrae. p. 94. Cujus possessione exuitur. Ibid. Ejicitur etiam è Ducatu Mediolanensi. Ibid. Ante Papiam ingenti clade prostratus capitur à Caesareis. p. 110. Abducitur in Hispaniam. p. 111. Libertati restitutus non modò non reddit Burgundiam, sed foedus percutit etiam cum Pontifice, & Venetis. p. 120. Recipit filios à Carolo, & ejus Sororem Eleonoram ducit uxorem. p. 150. Turcarum Imperatorem incitat ad invaden-

das

das oras Italiz. p. 225. Cum Wilhelmo Clivenſi invadit Cæſarem quinſ exercitiſ, ſed fructu exiguo. p. 254.

Franciſcus Sfortia moritur, & Ducatûs ſui hæredem ſcribit Carolum V. Imperatorem, unde nova hunc inter, & Regem Galliz bella. p. 202.

Franciſcus Episcop. Mindenſis moritur. p. 143.

Francofurti conveniunt Legati Septemvitorum in cauſa Truchſeſii. p. 497. In hoc conventu quid actum. p. 498. & p. 499. Legati Septemvitorum ſententiam ferunt pro Erneſto Bavaro, belli tamen evitandi cauſâ offerunt penſionem annuam, quæ à Truchſeſio recuſatur. p. 499.

Francofurti pro tutanda concordia conveniunt Catholici & Acatolici Principes. p. 239. Ubi denique feriuntur induciæ quindecim menſium, intra quos controverſiæ fidei utrimque à Theologis diſcutiantur, ſi id Cæſar approbet. p. 240. Induciæ tamen illæ, & congreſſus Theologorum diſſuaſu Pontificis reprobantur. Ibid.

Franciſcanus metu ſuſpendii fidem abnegat, factûsque miles eodem anno furtorum cauſâ ſuſpeditur. p. 418.

Fridericus Elector Palatinus, à fide catholica deficit. p. 276.

Fridericus Elector Palatinus, Dux Wittenbergicus, & urbes variæ Carolo Imperatori ſe ſubmittunt, diſſoluto jam Saxonis, & Landgravii Haſſiæ exercitu. p. 279.

Fridericus Elector Palatinus Calvinismum in ſuas terras introducit. p. 375. In Comitiiſ Auguſtaniſ recipitur inter aſſeclas Confeſſionis Auguſtaniæ. p. 379.

Fridericus Episcop. Monaſt. urbem Wildeshuſanam deſtruit levi de cauſa, indignantiſ aliis. p. 144. Tranſigit cum Erico Episc. Paderb. & Osnab. de Episcopatu ſuo dimittendo. p. 156.

Friderici Episcopi Hildeſienſis & Sleviceniſ mors. p. 336. Eccleſiæ Hildeſienſi cum damno præſuit. Ibid.

Fridericus, Frater Henrici Bre-
menſis Archiepiſcopi, cum Antonio
Comite de Schawenburg ſtrenuè militat
contra Truchſeſium. p. 485.

Fridericus Holfatiæ Dux
Episcop. Hildeſienſis. p. 309.

Fridericus Saxo cenſet ſtandum
pro Carolo V. p. 85. Moritur Catho-
licè. p. 115.

Frifia depulſo Geldro magna ex par-
te ſe ſubmittit Carolo V. Belgarum Prin-
cipi. p. 71.

DE Fürſtenberg (Theodorus)
ſit Paderbornæ Cathedralis Eccleſiæ Præ-
poſitus, & confirmatur ab Episcopo. p. 440.

DE Fürſtenberg (Theodorus)
eligitur Episcop. Paderbornenſis. p. 516.
Confirmatur à Sixto V. Papa. Ibid. Pa-
derbornæ Gymnaſium 5. Scholarum, olim
à Salentino Episcopo inſtitutum tradit
Patribus Societatiſ Jeſu. p. 517. Ritu
ſolenni urbem ingreditur. p. 519. Ca-
thedrali Capitulo ſuo concedit locum
ſupplicii criminalis prope Lipſpringam.
p. 520. Magnopere ſtudet reſtituendæ
Religioni Catholiciæ, & redimendiſ præ-
fecturiſ, ære alieno preſſiſ. p. 533. à Mo-
naſterii Bodekenſis Priore accipit Cos-
modromium Gobelini Perſonæ, quod
poſtea Collegio Societatiſ Jeſu donavit.
p. 539. Suſcipit Sacerdotium, & ordi-
nem Episcopalem. p. 542. Ædificat
atcem Neuhuſanam. p. 548. Emit Pa-
derbornæ vetus ac deſertum cænobium
Conventualiſ S. Franciſci. p. 559. Do-
nat illud Patribus Societatiſ Jeſu in uſum
Collegii futuri. p. 560. item 565. Dona-
tio illa confirmatur à Clemente VIII. Pa-
pâ. p. 562. Calvinianum verbi Mini-
ſtrum expellit ex oppido Büren. p. 580.
Paſtores communionem ſub utraque ſpe-
cie miniſtranteſ, pane, & aquâ caſtigat.
p. 580. Pro ædificando Collegio Pa-
trum Societatiſ Jeſu primum lapidem ſo-
lenniter ponit. Ibid. Celſiſſimo Prin-
cipi comœdia exhibita. p. 581. Tran-
ſigit improſpere cum Haſſiæ Landgravio
de monaſterio oppidòquæ Helmerſhuſa-
no, aliisquæ bonis inferioris Haſſiæ. p.
586. Nobilibuſ & aliquot urbibuſ ne-
gat

gat libertatem Religionis. p. 587. Collegii ædificandi labores resumijubet. p. 588. Forense templum Paderbornæ Lutheranis occludi jubet, & Hermannum Tunnekenium Apostatam arceri ab ejusdem aditu. p. 603. Idem Theodorus Episcopus inquit in cives illos, qui Forense templum Paderbornæ reseraverant: pœnam verò in aliud tempus reservat. p. 611. Impetrat Romæ, ut medietas bonorum Falkenhagensium attribuaturs Collegio Societatis Jesu. p. 616. Perficit exteriorem ejus fabricam. p. 624. Evulgat novum librum ritualem. p. 625. Rejicitur hic à duobus pagis. Ibid. Respondet ad querelas à Dominis de Spiegel & Mengersen delatas. Ibid. Centurâ Ecclesiasticâ ferit Decanum ab Horst, & quare. p. 626. Verat, ne in proxima senatûs electione deligatur quisquam è duabus partibus dissidentibus. p. 633. Wichardium in carcere civili custodiri jubet. p. 636. Theodorus Episcopus Paderbornensis, lenitate frustra tentatâ, bellum indicit rebellanti Paderbornæ. p. 651. Ejusdem stratagema in terrendo urbem. p. 653. Novum fidelitatis juramentum accipit à civibus Paderbornensibus. p. 757. Idem Sacellum Romanum ruinosum instaurat. pag. 665. Diocesanos suos variis modis ad opem è czlo contra hostes petendam instigat. p. 674. Idem lenius procedit cum suspectis de hæresi. p. 682. Arcem Wewelsburgensem à fundamentis inchoatam absolvit. p. 684. Heristallum redimit. p. 691. Theodorum inter & Decanum Majorem controversia componitur. p. 691. Comparat locum commodiorem pro instruenda juventute. p. 705. Mira circa illud Dei Providentia. Ibid. Ejusdem gaudium ex resipiscentium civium Paderbornensium pietate. p. 710. Theodorus Episcopus Paderbornensis interdicit privatas ædes, in quibus clàm Paderbornæ pueri hæresin docebantur. p. 715. Non audit hæreticos, pro aperiendis scholis privatis supplicantes. Ibid. & p. 716. Ejusdem pietas erga Beatam Virginem. p. 716. Clerum corrigit. p. 719. Pellicem deprehensam puniri jubet. Ibid. Exilium Paderbornæ indicit Hæreticis. p. 720. condit Gymnasium Paderbornense. p. 722.

Fundat domum probationis pro PP. Societatis Jesu. Ibid. Theodorus Episcopus suū loco mittit Ratisbonam ad Comitia Jodocum à Landsberg. p. 726. Ejusdem sollicitudo de Theologia & Philosophia humanioribus studiis adjungenda. p. 727. Punit severissimè libidinosum juvenem. p. 728. Fundat Academiam Paderbornensem. p. 732. Statua ejusdem elegans in medio alæ Gymnasii orientem versus. p. 737. Idem dat scribam secularem monasterio Bodecensi & Dalheimensi. p. 759. Moritur. p. 762. Breve ejusdem elogium. ibidem.

G

Galliæ Rex remittit suos in Italiam.

p. 59.

Galli Italiam & Ducatum Mediolanensem coguntur deserere. p. 57. Cziduntur ab Helvetis in Italia. p. 60. Obsidentes rursus Mediolanum cziduntur à Cæsareis. p. 97. Eorum exercitus Papiam & Alexandriam recuperat. p. 129. Qui ante Neapolim peste consumitur. p. 134.

Galli & Clivii Cæsarem adoriuntur in Belgio. p. 258.

Galli à Cæsareis magnâ clâde cziduntur in Hetruria. p. 325.

Galli mutant æram suam. p. 373.

Gallorum discordia in designando novo Rege. p. 545. Galli Feram, oppidum Picardiæ, occupant. p. 579.

Gaukirchense monasterium reformatur. p. 4. Adstringitur ad ordinem S. Benedicti. Ibid. Monasterii reformatio confirmatur à Leone X. Pontifice. p. 5.

Gebhardus Truchsesius fit Archiepiscopus Colonienfis. p. 444. Publicam Religionis Catholicæ professionem facit. p. 445. Confirmatur à Pontifice. p. 445. Ejusdem impurus amor in Agnetem Mansfeldicam. p. 755. Inter hos amores simulat ardorem Fidei Catholicæ. p. 468. Promittit matrimonium Amalix suæ. p. 474. Frustra conatur evince-

re, ut magistratus Colonienſis permittat omnibus libertatem Religionis. p. 475. Idem in Comitiiſ Auguſtaniſ fruſtra conatur evincere, ut ſibi permittatur matrimonium, Archiepiſcopatu ſuo conjunctum. p. 475. In Ducatu Weſtphaliæ degens externè ſimulat, ſe Catholicum eſſe. p. 476. Occultè ibidem ſtudet apoſtaticas machinationes ſuas ſtabilire. p. 477. Bonnam redit cum ingenti comitatu militum. Ibid. Conſilia confert cum Henrico Adminiſtratore Paderbornenſi. Ibid. Multa loca circa Bonnam ſirmat præſidiis. Ibid. Publicè profitetur Apoſtaſiam. p. 478. à Papa, Imperatore & ſubditis fruſtra monitus matrimonium init cum Agnete ſua. p. 482. In tota diœceſi libertatem Religionis permittit. p. 482. à Gregorio Papa ſuo Archiepiſcopatu dejicitur. p. 486. Ejus fautores dignitatibus Eccleſiaſticis exuuntur. p. 486. Ipſe Bonnâ abit in Naſſoviam. ibid. Indè in Weſtphaliam. p. 487. Gebhardus Truchſeſius auditiâ Erneſti Bavarie electione velut inſanus urbem percurrit, & omnes Proceres Catholicos expellit. p. 493. Sattrapiam Biſtſemianam invadit. p. 495. Attendornam urbem à Religione Catholica abſtrahit, & Paſtorem cum tribus Vicariis ad Matrimonium incundum adigit. p. 495. Ejusdem ſacrilegia variis in oppidis. p. 496. Idem adveniente Ferdinando Duce Bavarie recedit verſus Weſaliam & Zutphaniam. p. 507. Fugit cum ſuis in Hollandiam ad Wilhelmum Principem Arauſiacum. p. 508. Ejusdem miseria creſcit ex morte Ducis Alenſonii, & cæde Principis Orangiæ. p. 509.

Gebhardus de Truchſes, quondam Archiepiſcopus Colonienſis & Calvinianus Apoſtata infeliciter moritur. p. 622.

Georgius Saxonie Dux, Catholicæ Fidei retinentiſſimus, moritur. p. 241. Henricum fratrem, & ejus filios à ſucceſſione in ditiones ſuas prohibet, niſi ad Fidem Catholicam redeant. Ibid.

Georgius Zrinius Petriniam & Barborziam Turcis eripit. p. 575.

Gerardus de Reck Ahlenſium pecora ſub concione Lutherana ſilenter abigit. p. 184

Gerardus Epicoſopus Leodiienſis moritur. p. 468.

Gerardus Rôtekenius, Paderbornæ Concionator, edit librum de ceremoniis veteribus. p. 361. Fruſtra hic impugnatur ab Hamelmanno. Ibid.

Gerdenſe oppidum excepto monaſterio per incendium deſtruitur. p. 73. Idem oppidum rurfus conflagrat, ſalvo cœnobio Virginum. p. 223.

Gefeka in Ducatu Weſtphaliæ ab Hollandis diripitur. p. 551. Eandem in urbem introducitur exercitium Religionis acatholicæ. p. 492. Pulſo in exilium Wernero Schlaun. Ibid.

Geuſii vincunt Hiſpanos in Belgio prælio navali. p. 425. Paulo poſt vincuntur prælio campeſtri, cæſis eorum ducibus. Ibid. & p. 426. Geuſii in congreſſu rejiciunt pacis conditiones in Belgio. p. 431.

Godefridus de Raëſfeld Monaſterienſis Eccleſiæ Decanus moritur. p. 526.

Gorcomienſes Martyres. p. 417.

Gothæ, urbis, obſidio & deditio. p. 384.

Gropperus (Joannes) S. R. E. Cardinalis designatus, Romam evocatur. p. 350. Stat pro Imperatore Ferdinando. Ibid. Vocatur in ſuſpicionem hæreſis. p. 351. Defendit ſe. Moritur. Ibid. Ab ipſo Pontifice oratione funebri laudatur. Ibid.

Graſius Anabaptiſta promittit ſe ſuorum conſilia proditurum, acceptâ vitæ gratiâ. p. 200. Monaſterium redux aſtutiſſimè fallit Anabaptiſtas. Ibid. Declaratur Propheta, & à Rege diſcit arcana omnia. Ibid. Fingit ſibi à Deo mandatum eſſe, ut alibi omnes Anabaptiſtas ad urbem liberandam colligat. p. 201. Accipit à Rege literas fidei ſuæ teſtes, & abit. Ibid. Graſius Anabaptiſta Monaſterio egreſſus Iburgum venit, & Franciſco Epicoſo deregat omnia Anabaptiſtarum conſilia. p. 202. Mittitur Weſaliam, ubi ipſius proditione plures Anabaptiſtæ capiuntur, & puniuntur. p. 203.

Gregorius XIII. Papa creatur. p. 415. Romæ fundat Collegium Germanicum.

I N D E X.

manicum, p. 423. Calendarium Julianum corrigit. p. 471. Non sine magna A catholicorum invidia, & contradictione, p. 472. Idem Capitulum Paderbornense & Canonicos datis literis adhortatur, ut pergant resistere Episcopo Lutherano & Patres Societatis Jesu apud se retinere. p. 504. Audit Legatos Principum Catholicorum è Japonia. p. 510. Obiit magna cum laude. p. 511.

Gregorius XIV, Papa eligitur. 545. Moritur. p. 556.

Grevenburgum domus nobilis Dominorum de Oynhausen hoc anno conditur. p. 223.

Gröningenses rejecto Geldro se submittunt Imperatori. 218.

Grumbachii scelera. p. 383. Ejusdem poena. p. 384.

Günterus, Wichardii socius, cum aliis factiosorum ablegatis coram Ecclesie Cathedralis Capitulo studet excusare conventicula, à se suisque instituta. p. 631. Refutatur ab Arnolfo ab Horst, Decano. p. 632. Negotiorum causâ Neuhusium veniens jussu Principis comprehenditur, & custoditur. p. 635. Dimittitur erga datam cautionem bis mille imperialium. p. 639.

H

Hariadenus Barbarossa Turcarum Archithalassus Regnum Tunetanum occupat, depulso Rege Muleasse. p. 187. Gravia mala minatur Hispaniæ, & Italiæ, sed anno sequente ejicitur regno Tunetano à Carolo, Muleasse restituto. p. 187.

Hadrianus Pontifex Maximus eligitur. p. 97. Hadriano petenti, ut Principes Imperii pareant decreto Wormatiensi contra Lutherum, frigidissime respondetur. p. 101. Moritur. p. 104.

Hagenoæ & Wormatiæ varii congressus Principum pro tentanda eorum concordia sine fructu habiti. p. 245.

Haghmeisterus (Balthasar) Flechtorpensis Monasterii ultimus Ab-

bas. p. 352. Acepto regimine malè vivit. Ibid. Revocatus ad Monasterium Liesbornense aufugit. p. 352. Infeliciter moritur. p. 353.

Hallenberga deficit à fide Catholica. p. 487.

P. Halverius (Christianus) S. J. Heiligenstadio mittitur Paderbornam. p. 463. Item Pater Stephanus Lohn S. J. p. 464. Item P. Leonardus Rubenus S. J. Ibid. Patrum illorum unus evocatur ad Monasterium Gerdense & in Marienmünster. p. 465.

Hardenradii Consulis Coloniensis singularis magnanimitas. p. 703. & p. 704.

Harlemenses à Duce de Alba obsidentur. p. 422. Eorum impietas. p. 422. Coguntur se dedere. Ibid. Dant poenas scelerum. Ibid.

Hassicus Miles colligitur in terra Fuldensi, indè traducitur in Diocesium Paderbornensem. p. 606. Cum Brunsvicensibus, & aliis in unum Exercitum confluit. p. 601. Ceditur ab Hispanis. p. 609.

Helena Fresken Abbatisa Confugiensis ex Judicio Cameræ Imperialis contra Landgravium Hassiæ impetrat mandatum poenale de restituendo monasterio. p. 230.

Helmershusenses Monachi dissolutè vivunt. p. 14. Cum Abbate Apostatant. p. 123. Abbatum Helmershusensium Catalogus. p. 125.

Heltius ostendit Principibus Lutheranis iniquissimum fore, si actiones judicii Cameralis in ipsorum causis aboleantur. p. 226. Exponit etiam voluntatem Cæsaris de concilio celebrando Mantuz. p. 227. Sed illius propositiones displicent Principibus Lutheranis. Ibid.

Henricus Abbas in Marienmünster moritur. p. 297. Ejus elogium. Ibid.

Henricus Administrator Paderbornæ cum ingenti Religionis damno permittit libertatem doctrinæ Lutheranz. p. 449. Paderbornensem Diocesim ingreditur.

ditur. p. 450. Saltzkottenz componit lites aliquas, novásque molas ædificari jubet. Ibid. Hiatus in Alma Fluvio à Bodencensibus obturatos pro Saltzkottensium commodo recludi jubet. p. 451. Ejusdem Impurus amor in Annam Bestorpiam. p. 456. Monasterium venit ad consequendam insulam illius loci. p. 465. Repellitur ab Adveniente Wilhelmo Clivorum Duce, ejusque Filio Joanne Wilhelmo. Ibid. Colonia discedit. p. 485. Oscitanter Pyrmontum obsidet, & brevi ab eo recedit, & quare. p. 502. Idem frustra conatur Juniores Canonicos adigere ad amplexum Confessionis Augustanz. p. 502. Item Patres S. J. à scholis & urbe amovere. p. 503. Cum Patres S. J. vult ejicere, inopinâ morte prævenitur. p. 511.

Henricus VIII. Angliæ Rex recedit à fœdere Cæsareo, & Hispanico. p. 64. Consilio Thomæ Volzæi petit Matrimonium suum cum Catharina declarari irritum. p. 211. Excommunicatur à Pontifice. p. 212. Exigit à suis impiissimum duplex juramentum. p. 213. Moritur. p. 291.

Henricus, Dux Brunsvicensis à Principibus Protestantibus exuitur omnibus ferè provinciis. p. 255. In cujus terras Lutherana doctrina introducitur à Saxone & Hassio, p. 256. Qui sententiam Cameræ Imperialis contra se latam contemnunt. Ibid. Catholicus tentat recuperare suum Ducatum. p. 273. Sed ab Hassio & aliis fœderatis unâ cum Filio suo capitur. p. 273.

Henricus Junior, Dux Brunsvicensis, Catholicæ Religionis vindex acerrimus moritur. p. 392.

Henricus Dux Luneburgensis frustra monet Franciscum Episcopum Mindensem, ut se retrahat à factione Salderorum. p. 87.

Henricus Episcopus Mindensis moritur. p. 41.

Henricus Episcopus Ultrajectinus Ultrajectensem Provinciam Cæsari transcribit sub certis conditionibus. p. 134.

Henricus II. Galliæ Rex impedit, ne consilium resumatur in urbe Tridentina. p. 292. Contrarium postulantibus Cæsare, & Principibus Ecclesiasticis. Ibid. & p. 293. à Concilio Tridentino prohibet omnes Episcopos Galliæ. p. 306. Rhætos, & Helvetos ab accessu Concilii dehortatur. p. 307. Cum Saxone & quibusdam aliis Protestantibus fœdus init pro defendenda contra Cæsarem libertate Germanica. Ibid. Fœdus illud percutitur Fridewaldiz in Hassia cum Saxone, Hassio, & Alberto Marchione Brandeburgico. p. 307. Occupat Tullum, Virdunum, & Metas. p. 311. Treviris rejicitur. ibid. Tentat Argentoratium. ibid. Irruit in Regnum Neapolis cum Paulo VI. Pontifice. p. 341. Inva-dit Belgium. Ibid. Suorum elades in Picardia. ibid. Revocat Milites ex Italia. p. 342. Moritur. p. 354.

Henricus III. jam coronatus Poloniæ Rex, fit Galliæ Rex. p. 425. Cogitur ad pacem cum Hugonottis incundam. p. 434. Jubet obtruncari Henricum Guisum Ducem, & ejus fratrem, Cardinalem, & Archiepiscopum Remensem. p. 536. Fœdus contrahit cum Henrico Rege Navarræ. p. 450. Per insidias trucidatur, & moritur in fide Catholica. p. 540.

Henricus Lawenburgensis Dux, Chor-Episcopus Colonien-sis moritur. p. 526.

Henricus Navarræ Rex capitur à Cæsareis. p. 110. è custodia clàm elabitur. p. 111. Nuptias agit Parisiis cum Margareta Regis Galliæ Sorore. p. 419.

Henricus Navarrus contra Mayennium feliciter pugnat. p. 545. Parisios obsidet. p. 546. Professionem fidei publicè edit. p. 564. Inducias armorum paciscitur cum Duce Mayennio. Ibid. Vulneratur à Joanne Castellio. p. 567. Bellum indicit Regi Hispaniæ. p. 575. Revocat in Galliam Jesuitas, ante novennium ejectos. p. 640.

Henricus IV. Galliæ Rex necatur. p. 706.

Henricus Saxoniz Dux in ditio-

nes

INDEX.

nes Georgii fratris sui succedit, & fidem Catholicam è terris ejicit. contrà, ac moriens frater testamento caverat. p. 241.

Henricus Saxo-Lawenburgicus Bremensis Archiepiscopus postulatur Osnabrugi magno istius Ecclesiæ malo Episcopus Osnabrugensis. p. 428. Item Episcopus Paderbornensis. p. 443. Episcopatum Monasteriensem adipisci frustra nititur. p. 447.

Henricus Zutphanus Apostata vivus exurit. p. 108.

Heristallum à Theodoro Episcopo redemptum. p. 691.

Hermannus à Geismar ad fidem Catholicam à Jesuitis convertitur. p. 554. & p. 555. Idem totam penè urbem Warburgensem ad veram fidem reducit. p. 555.

Hermannus Archiepisc. Colonienfis, Ecclesiæ Paderbornensis Administrator, cum Joanne Duce Cliviensi pacem restituit inter Oldenburgicos & Monasterienses. p. 238. Inter Colonienfes & Paderbornenses componit litem de jurisdictione in Erwitte & Westerkotten. p. 239. fidem Catholicam deserit seductus à Bucero. p. 257. & p. 261. Caroli Imperatoris monitu Przcones Lutheranos à se dimittit, sed paulò post revocat. p. 262. Reformationem à se inceptam protervè continuat, Clero Colonienfi & Statibus diocesanis propterea ad Cæsarem appellantibus. p. 269. Lutheri perditè addictus conatur etiam doctrinam hæreticam infundere Paderbornæ, reluctantibus Statibus Patriæ. p. 272. Hæreticus à Pontifice exauguratur. p. 280. & à Carolo Imperatore utrumque Episcopatum abdicare cogitur. p. 281.

Hermannus Hassiæ Landgravius Ecclesiæ Paderbornensis Administrator celebrat Paderbornæ diem feudalem. p. 7. Ab eo sua feuda recipiunt Comes de Schaumburg, & Comes de Lippia. p. 8. Init fœdus cum Conrado Episcopo Monasteriensi contra Prædones de Guardia nominatos. Ibid. Erigit novum beneficium Ecclesiasticum Huxariz. p. 19. Partem castri Kruckenbergenfis, & oppidi Helmershusani redimit à

Wintzingerodiis. p. 29. Confirmat fundationem & privilegia monasterii Virginum in Brede. Ibid. Gravissimè commovetur contra Delbrugenses. p. 30. Consecrat Ecclesiam Parochialem in Beveren. p. 35. à Corbejensibus emit alteram partem oppidi Stadtbergenfis. p. 36. moritur. p. 44. Fundatur Paderbornæ annua ejus memoria. p. 47.

Hermannus Simon de Lippia accipit Comitatum Spiegelbergensem. p. 346. Eidem negatur Comitatus Pyrmontanus. Ibid.

Ab Heusenstam (Sebastianus) eligitur Archiepiscopus Moguntinus. p. 275.

Hildefiensis belli origo. p. 86. Eadem diœcesis infestatur à Dominis de Salderen, & Francisco Episcopo Mindensi. p. 86.

Hildefii Scholæ PP. Soc. Jesu inficiuntur arte magicâ. p. 667. Hildefii tumultus. Ibid. Grassatur pestis. p. 705. Abrogatur consuetudo frequentandi chororum horâ 12 noctis. p. 705. Ibidem Jesuitæ per calumniam vocantur Huckuppii. p. 756.

Hildefium urbs à Fide Catholica deficit. p. 260.

Hispanica classis, Angliam invasura, tristi infortunio dissipatur. p. 556.

Hispani in seditionem versi, Brabantiam, Flandriam conantur expilare. p. 434.

Hispanorum & Belgarum victoriæ contra Gallos. p. 576. Idem Gallos eripiunt varias urbes Picardiæ. p. 579.

Hispani, duce Francisco de Mendoza ad Rhenum varia oppida occupant. p. 595. Contra datam fidem Wiricum Obersteinium interficiunt. Ibid. Multas urbes & oppida in Westphalia vi & metu subigunt. p. 596. Ab aliis Westphaliæ proceribus contributiones postulant. Ibid. Lutheranis aliisque A catholicis in urbe ac diœcesi Paderbornensi minantur. Ibidem. In Westphalia hibernantes mitius agunt cum Catholicis, quàm cum Protestantibus. p. 603. Westphaliæ deserunt. p. 606.

Hispani Bredevordam capiunt, sed brevi rursus amittunt. p. 671. Idem sub
E duce

duce Spinola occupant Lochemium, Grol-
lam, Rhenoberckam. p. 671.

Hispanorum seditio ob stipendia non
soluta. p. 672.

Hohenholtanum Coenobium
convertitur in Collegium Domicellarum
secularium. p. 344.

DE Hoya (Joannes) confirmatur
à Pontifice Episcopus Monasteriensis, &
Administrator Osnabrugensis. p. 385.
Consecratur Episcopus. p. 386. Postula-
tur Episcopus Paderbornensis. p. 396. E-
piscopus Osnabrugensis electus confirma-
tur à Pontifice. p. 325. Postulatur in E-
piscopum monasteriensem. p. 381. Vacantis
Ecclesie Paderbornensis curam tempora-
riam accipit. p. 397. Martinum Hoitban-
dum rursus ab urbe pellit. Ib. Confirmatur
Episcopus Paderbornensis usque ad suum
& sedis Apostolicæ beneplacitum. p. 398.
Accipit à Maximiliano II. Imperatore re-
galia pro Episcopatu Paderbornensi. p. 399.
Neuhusii cum urbe Paderbornensi benignè
transigit de rebus in seditione præterita ge-
stis. p. 400. Solenni ritu Paderbornam
ingreditur. p. 401. Monasterii instituit ju-
dicium aulicum. p. 402. Paderbornæ cu-
rat à suis vasallis accipi novas infeudatio-
nes. p. 402. Idem gravissimè præcipit,
ut Osnaburgi bis in anno celebretur syno-
dus diocesana. p. 405. Idem Paderbor-
nensi Capitulo mandat, ut omnes Archi-
diaconi suas Ecclesias visitent, earumque
statum sibi exponant. p. 406. Jubet Pa-
stores A catholicos ex diocesi Paderbor-
nensi ejici. p. 408. In diocesi Osnabru-
gensis, Paderbornensis & Monasteriensis ju-
bet promulgari Concilium Tridentinum,
& recipi Catechismum ex ejusdem Con-
cilii decreto editum. p. 412. & 413. Ac-
cipit à Pio V. facultatem recudendi, & e-
vulgandi Catechismum Romanum. p. 413.
Idem propter suam infirmitatem urget e-
lectionem Coadjutoris. p. 414. moritur.
p. 426. Ejus sepultura & laudes. p. 426.

Hoitband (Martinus) Pader-
bornæ ad S. Pancratium Pastor
à Fide Catholica deficit. p. 386. Diu re-
luctatus, cogitur urbem deferere. p. 387.
Fugit Cassellas ad Wilhelmum Landgravi-
um. p. 388. Fit Pastor Huxariæ. p. 389.

Hollandici Prædones in diocesi
Paderbornensi contributionem postulant.
p. 613. In diocesi Monasteriensi in sup-
plicationem Strombergensem irruunt. Ib.
Crucis Thaumaturgæ imaginem sacrilegè
confringunt. p. 614. Non sine gravi
Numinis vindictâ. p. 614. Occupant
Rhenoberckam, Mörsam & loca alia. p.
617.

Hollandi occupant Bredam, urbem
Brabantiae. p. 547. Diripiunt diocesi
Monasteriensem. p. 550. Paderbornen-
sem. Ibid. Geseckam & Ducatum West-
phaliæ. p. 551. Spoliant diocesi
Osnabrugensem, & iterum Monasteriensem,
Daventriam, Hulstam & Neomagus ex-
pugnant. p. 553. Invalescunt in Frisia,
& occupant Gertrudenbergam. 565. Re-
jiciunt pacem ab Archiduce Ernesto sibi
oblatam. p. 569. Urbem Gröningam ca-
piunt. Ibid. Hollandi Huyum dolo oc-
cupant, & rursus amittunt. p. 576. Grol-
lam frustra obsident. Ibid. Magnâ cla-
de affieuntur. Ibid. Litâ. Brabantiae oppi-
do antè occupato rursus ejiciuntur. p. 577.
Ex diocesi Colonienſi, Osnabrugensi, &
aliis Westphaliæ locis magnam pecuniæ
vim prædando extorquent. Ibid. Ex-
pugnant Rhenoberckam, Grollam, Ol-
densaliam, Lingam & alias urbes, in, &
prope Westphaliam sitas. p. 586. Idem
prædantur in Westphalia. Ibid. Sclu-
sam, Flandriæ urbem occupant. p. 644.
Hollandorum clades illata à Spinola. p.
663. Recipiunt Lochemium. p. 672.
à Grolla urbe rejiciuntur per Spinolam.
ibid. Westphaliæ, & Diocesi Pader-
bornensem crudeliter devastant. p. 684.
Iterum diripiunt diocesi Monasterien-
sem & Osnabrugensem. p. 735. Bilefel-
diam occupant. Ibid. Affligunt diocesi
Hildefiensensem. Ibid. Scinduntur ob præ-
destinationem & reprobationem. p. 750.

Holthusanum monasterium de-
ficit à regulari disciplina. p. 590. Reformatur. Ibid.

Holthusius (Georgius) Aposta-
ta, Concionator Summæ Aedis, & Pastor
ad S. Panoratum Paderbornæ moritur. p.
462.

Hor-

Hornenburgenſe caſtrum ſe ſub-
jicit Erneſto Bavaro. p. 508.

AB Hôrſel (Caſparus) poſtulat
Abbas Corbejenſis, mortuo Francisco de
Ketteler Abbate. p. 291. moritur. p.
335.

AB Horſt (Arnoldus) eligitur Pa-
derbornæ in Decanum Cathedralis Ec-
cleſiæ. p. 544. Paderbornæ reſtaurat in
ædificio Gymnaſii turrim, à ſe nuper ex-
ſtructam. p. 734.

S. Hoſtia furto ſublata è templo
venditur Judæo. p. 52. à quo variis pun-
ctionibus impetita in tres partes diſſilit.
duæ partes aliis Judæis mittuntur, tertia
pars ab eodem Judæo rursus perforata e-
mittit ſanguinem. p. 52. Mittitur in fur-
num, puer Jeſus apparet. p. 53.

Hudenſis monaſterii Abbas, &
monachi ad Lutheraniſmum tranſeunt. p.
233.

Hugonotti in Gallia barbarè delæ-
viunt in ſacerdotes. p. 399. Cæduntur
duobus præliis. p. 403.

Hugonotti adiguntur ad novam paci-
ficationem Catholicæ Religionis magis fa-
ventem. p. 447.

Hungariæ miſer ſtatus, & Chri-
ſtianorum clades propè Segedinum. p. 315.

Huttenus (Udalricus) orator
Saxonicus incitatus à Luthero diſſuadet
bellum in Turcas. p. 80.

Huxaria à Philippo Brunſvicenſi
mulſatur. p. 319.

Hyems miſſiſſima ſine frigore & ni-
vibus. p. 309.

Hyems lenis, & inde ſecuta peſtis. p.
988.

I

Jacobi Campenſis Amſteloda-
menſium Episcopi Anabaptiſtæ
horrenda mors, ac ſupplicium. p. 205.

Jacobus Scotorum Rex, An-
gliæ Rex proclamatur. p. 639.

Iburgum diripitur à Philippo magno,
Henrici Brunſvicenſis filio. p. 316.

Jeſuitæ vocantur Fuldâ & Heiligen-
ſtadio Paderbornam. p. 463. Illis affig-
natur Sacellum S. Bartholomæi, cum ali-
qua domo vicina. p. 464. Idem Patres
Paderbornæ ſalutem animarum promo-
vent cum ingenti fructu. p. 478. à Pa-
tre Provinciali advocandi, Capituli inter-
ventu in cœpta ſtatione manent. Ibid.

Jeſuitarum PP. Paderbornæ labor in
hominibus convertendis. p. 538. Idem
veniunt monaſterium Weſtphaliæ, & Gym-
naſii institutionem obtinent. p. 539. Je-
ſuitæ innocenter jubentur exulare totâ
Galliâ. p. 568. Cognitâ ipſorum inno-
centiâ magnis honoribus revocantur. p.
568. Paderbornæ gravem perſecutionem
à civibus patiuntur. p. 603. Revocantur
in Galliam, eorum primum in urbe Flexia
collegium. p. 641. Meliore domicilio
donantur. p. 666. Eorum variz perſe-
cutiones. Ibid. Habentur Hildeſii au-
thores artis Magicæ, ibidem introductæ.
p. 667.

S. Ignatii de Lojola mors. p. 340.

Imperium dividitur in circulos. p.
57.

Incendium Paderbornæ. p. 748.
Item Monaſterii. Ibid.

Innocentius IX. Papa eligitur.
p. 556. Eodem anno moritur. Ibid.

Inundationes aquarum magnæ,
& annonæ caritas in Diœceſi Pader-
bornenſi, & alibi. p. 243. Sed meſſis
præmatura ſubſecuta. p. 244.

Joachimus II. Elector Brande-
burgicus Lutheranam doctrinam reci-
pit, itâ tamen ut plerique miſſarum ritus
retenti fuerint. p. 242. Per ſuos oratores
Conſilio Tridentino offert obedientiam.
p. 306. Idem cupientiſſimus reſtituendæ
concordiæ religionis p. 306.

Joannes Adolphus Holſatiæ
Dux, Puer decennis eligitur Archiepiſ-
copus Bremenſis. p. 513.

Joannes Auſtriacus Cum claſſe
Chriſtianorum ſeriùs advenit. p. 410. Tur-
cas proſligat. Ibid. Præda Chriſtianorum,
& clades hoſtium. p. 411. Idem Belgii
gubernator conſtituitur. p. 446. declara-
tur

I N D E X.

tur à Belgis Patriæ hostis. p. 446. Fœderatos fundit. p. 452. Occupat multas urbes. ibid. moritur. ibid.

Joannes Casimirus Comes Palatinus Catholicam fidem frustra extirpare Conatus moritur. p. 558.

Joannes III. Clivensium Dux inopinò moritur. p. 243.

Joannes Comes Ritbergensis Paderbornam expugnat. p. 635. Ejusdem Magnanimitas. ibid. Plectendo scelera studet promovere Religionem Catholicam. p. 709.

Joannes Comes Sigenensis ad Catholicam fidem convertitur. p. 736.

Joannes Dux Clivensis capit aliquos Mercatores Monasterienses. p. 82. Frustra petit restitui Comiti Nicolao Lingensem Dynastiam. ibid.

Joannes Elector Saxoniae favet Luthero. p. 115. Moritur, jussu prius Joanne Friderico Filio Catholicam religionem restituere ejecto Luthero, & aliis Apostatis. p. 159. Joannes Filius promittit hoc Patri morituro, & certiores de hoc facit Wilhelmum & Ludovicum Bavariae Duces. Ibid. Illius hac de re literæ. p. 160. Mutatâ mente ad Lutheranismum resilit. p. 162.

Joannes Episcopus Hildesienfis invadit, & occupat Dioecesin Mindensem. p. 87. Indè convertit sua arma contra Duces Brunsvicensis. Ibid. Abdicat Episcopatum, & vitam privatam agit. p. 131.

Joannes Fridericus Elector Saxoniae à Carolo Imperatore vincitur, & capitur. p. 286. Exuitur dignitate septemviri, terrisque Electoralibus. p. 288. Idem à Cæsare è custodia dimittitur. p. 312.

Joannes Fridericus Saxoniae Dux obsidetur in urbe Gotha, & quare. p. 383. Perpetuæ captivitati addicitur. p. 384. & p. 385.

Joannes Gebhardus Comes DE Mansfeld eligitur Archiepiscopus Colonienfis. p. 352. Moritur. p. 367.

Joannes Saxo, & Philippus Hassiæ Landgravius conscribunt in-

gentem exercitum contra Catholicos. p. 135.

Joannes Wilhelmus Juliæ, Clivæ & Montium Dux Coadjutor Monasteriensis postularus. p. 424. Fit Episcopus Monasteriensis. p. 428. Ejusdem resignatio à Gregorio Pontifice pronuntiatur irrita. p. 448. Idem deponit Administrationem Episcopatus Monasteriensis. p. 518. Matrimonium init cum Jacoba Marchionis Badensis Filia. Ibid. è suis ditionibus heterodoxam Religionem ejicit. p. 615. moritur. p. 698.

Jubileum celebratur Romæ insolito accessu hominum. p. 431.

Jubileum primum Lutherano-rum. p. 749. Jubileum à Paulo V. inditum. p. 750.

Judæi omnes proscribuntur ex Marchia Brandenburgensi. p. 53.

Julius Dux Brunsvicensis Mindensem Insulam abdicat. p. 323. Catholicam Religionem è ducatu rejicitur. p. 393.

Julius II. Romanorum Pontifex succedit Pio III. p. 22. Dat PP. Franciscanis licentiam transferendi monasterium in urbem Bilefeldiam. p. 38. Confirmat Erci Brunsvicensis postulationem ad Episcopatum Paderbornensem. p. 47. Frustra nititur Cæsarem retrahere à fœdere Cameracensi. p. 53. & p. 54. Moritur. p. 60.

Julius III. electus Pontifex confirmat Societatem Jesu, & mandat resummi Concilium Tridentinum. p. 301. moritur. p. 60.

Julius Philippus fit Coadjutor Episcopus Paderbornensis. p. 318.

K

De Kerffenbroich (Rembertus) Paderbornæ Episcopus eligitur, & confirmatur. p. 284. Literæ Pontificis ea de re ad diversos. p. 285.

De Ketteler (Gothardus) Supremus Magister Ordinis Teutonici in Livonia à Fide, Ordine, & Imperio deficit. p. 364. A Sigismundo Au-

I N D E X.

Augusto Poloniæ Regæ creatur Curlandiæ Dux. p. 364.

De Ketteler (Wilhelmus) fit Episcopus Monasteriensis. p. 322. à sede Pontificia confirmatur. p. 326. Urbem solenni pompâ ingreditur. p. 334. Episcopatu renunciat. p. 343.

Kircherus (Athanasius) Novitius Societatis Jesu per miraculum sanatur. p. 769. Ejus morbus & causa morbi. ibid.

Knipperdollingius Monasterii Westphaliæ turbas agit, & illudit Episcopo. Captivus liberatur è carcere majoris capituli. p. 132. Animat Cives Monasterienses contra obsidentem Episcopum. p. 190.

Knipperdollingius capitur. p. 209.

Krechtingius capitur. p. 209.

Knipperdollingius, & Krechtingius cum Rege suo ludibrii causâ per varias urbis plateas deducti, in diversos carceres compinguntur. p. 211.

L

Ladislaus Hungariæ Rex misere occumbit. p. 122.

S. Landelini Reliquiæ ex desolato Monasterio Flechtropiensi auferuntur, ac transferuntur in Odacker. p. 584.

Landgravius Hassiæ gravissimas minas intentat Episcopatu Paderbornensi. p. 230. Capituli Cathedralis responsa ad minas. p. 231.

Langenstratius (Joannes) Miles transfuga docet modum capiendæ Urbis Monasteriensis. p. 207.

Lemgovia Urbs in Comitatu Lippiensi per seditionem publicam recipit Lutheri dogmata. p. 149. Sed reducitur paulò post ad fidem Catholicam. p. 150.

Lemgovienſe Monasterium PP. Franciscanorum Strictioris Observantiæ occluditur à Lutheranis. p. 362. Extinguitur. ibid.

Lemgovienſes detrectant Calvinismum admittere. p. 692. Doctorem Dreckmeyerum ab urbe pellunt. p. 692.

Leo X. succedit Julio Pontifici. p. 60. moritur. p. 97.

Leo XI. Papa eligitur. p. 662. Eodem anno moritur. p. 662.

Leydenſis (Joannes) Iburgum deductus protervè respondet Episcopo. p. 210. Tumultum veritus, creat 12 Duces, & promittit Urbem liberandam ab obsidione circa Pascha. p. 206. Capitur. p. 209.

Liber famosus de Jesuitis, quod per ipsos Henricus IV. Rex Galliæ occisus esset, aliisque plenus calumniis venalis exponitur à Bibliopola Paderbornensi. p. 711. Pœna hominis. ibid.

Lichtenoa oppidum funesto incendio conflagrât. p. 274.

De Liebenstein (Jacobus) Archiepiscopus Moguntinus. p. 27. Moritur. p. 43.

De Lippia Comes (Bernardus) moritur. p. 54.

De Lippia Comes (Bernardus) in diœcesi Paderbornensi invadit Pagum Entorp, & rurículas inde abducit. p. 270.

De Lippia Comes (Bernardus) Promotor Lutheranismi. p. 338. moritur. p. 369.

De Lippia Comes (Simon) impetrat ut ipse carens prole masculâ, & posterî per duas vices nominare possint successorem. p. 79.

De Lippia (Simon) Comes vir pientissimus moritur. p. 222.

De Lippia (Simon) Comes cum Hassis & Brunsvicensibus frustra tentat Rhenoberckam. p. 607. Embricam, & Gennepiam, ab Hispanis evacuatam præsidio firmat, & indè prædabundus excurrit in Brabantiam. p. 608. Admiraliæ ea de re conquesto superbè respondet ibid. Ejusdem exercitus ante Rœclam fame hortendâ premitur. p. 609.

Lippiensis Comes (Simon) Calvinismum amplectitur. p. 689. Conatur urbes suas ad Calvinismum cogere, sed deserrus ab Hollandis & Hassis cœpto abistit. p. 693.

F

Lip-

Lippiensis Comitatus ad Lutheri doctrinam relabitur. p. 315.

Lipsius (Justus) moritur. p. 681. Ejusdem vita defenditur contra calumniatorem. *ibid.*

Lipstadium pervertitur à duobus Monachis Augustinianis. p. 130.

Lipstadium à Duce Clivenfi, & Comite Lippiensi circumvallatur, & capitur, expelluntur seductores, Cives promittunt se mansuros in fide Catholica. p. 149.

Literæ foundationis Collegii Societatis Jesu Paderbornæ. p. 658.

Literæ Pontificis de Universitate Theodoriana ad Paderam. p. 737. Item Imperatoris de eadem. p. 740.

Livonia à Russis invaditur. p. 355.

Ludovicus Darmenstadii Princeps Author Academiæ Giesæ. p. 685.

Ludovicus Elector Palatinus moritur. p. 497

Ludovicus Regis Hungariæ Filius despondetur Mariæ Austriacæ p. 67

Ludovicus XII. Rex Galliarum moritur. p. 66.

Lutherus (Martinus) incipit Germaniam turbare. p. 75. Evocatur ad comitia Augustana, ubi confitetur, se velle sequi Doctrinam Ecclesiæ Romanæ. p. 81. Rediens Wittenbergam ad errores pristinos relabitur. *ibid.* Ab Eckio erroris convincitur. p. 86. Condemnatus à Leone impudentissimè contra Pontificem furit. p. 90. Evocatus ad comitia wormatiensia protervè renuit revocare suos errores. p. 92. Proscribitur cum suis fautoribus edicto publico Cæsaris. p. 93. Abducitur clam à Saxone in arcem Wartenburgam. *ibid.* Eidem à suis blasphemè applauditur. *Ibid.* Tres libellos edit putidissimos contra Papam, statum Ecclesiasticum, & de vita conjugali. p. 97. Novem moniales è monasterio Nimicensi, inter quas Catharina de Bore, abductas, scurriliter laudat. p. 102. Cuculum monachalem exuit. 108. Ducit uxorem monialem profugam Catharinam de Bore. p. 115. Saudet Alberto Archiepiscopo moguntino Apostasiam, & matrimonium, sed

frustra. p. 116. Georgium Saxoniarum Ducem frustra ad suam sectam allicit. p. 122. Lutheri de fœdere Catholicorum mendacia. p. 136. Lutherus moritur. p. 275.

Lutherani detrectant auxilia contra Turcas, nisi eximantur à Concilio, & Cameræ judicio. p. 271. Lutherana doctrina per seditionem introducitur in Saxoniæ. p. 147. Item Herivordiarum in Westphalia, & Lipstadii. p. 148. Lutheranismus invalescit Susati, Lipstadii & in aliis locis Westphaliæ. 338. Lutheranis Principibus præfinitur tempus deliberandi. p. 147. Lutherani Principes iterum conveniunt Isenaci. p. 236. Lutherani Principes novam conventionem celebrant Arnstadii. p. 241. Lutheranorum Principum Legati è comitiis Ratisbonensibus discedunt. Catholici Principes apud Cæsarem urgent progressum concilii Tridentini. p. 278. Lutherani ingenti cum exercitu bellum adoriantur cum Cæsare. *ibid.* Lutherani Principes in Comitiis Ratisbonensibus frustra petunt, libertatem Religionis permitti etiam in terris Catholicis. p. 435. Lutherani tres Prædicantes captivi Arensborgam abducuntur, sed à Susatensibus in via intercipiuntur. p. 171. Lutheranis Monasterii turpissimè pace relinquuntur sex templa Parochialia. p. 178. Lutheranismus Huxariæ introducitur per Joannem Winnenstedium Augustinianum Apostatam invito senatu. p. 185.

Lycestrius ob disidia inter se & Hollandos orta in Angliam revocatur. p. 532. moritur. *ibid.*

M

Magdeburgum post obsidionem annalem Cæsari deditur, agente Saxone, sed conditionibus simulatis. p. 308.

Magica ars ex Alphabetaria summæ ædis promanat in totum Gymnasium Hildefii. p. 667. Pro ea avertenda instituntur solennes preces *ibid.*

Mahometes succedit Amurati Turcarum Imperatori. p. 573.

Marcellus II. succedit Julio Papæ. p. 330. Moritur. *ibid.*

Mar-

I N D E X.

Marcodurum à Brandenburgico, & Neoburgico occupatur. p. 702.

Maria Angliæ Regina restituit rem Catholicam, & despondetur Caroli V. Imperatoris Filio. p. 325. Moritur. p. 349.

Malta frustra obsidetur à Turcis. p. 376. Defenditur fortissimè. p. 377. In Auxilium venit Siciliæ Pro-Rex. p. 377.

Matthias Archidux Belgii Gubernator. p. 446. Non regit ipse, sed regitur ab Orangio cum ingenti damno rei Catholicæ. p. 451. Gubernationem Belgii, sibi nuper à fœderatis oblatam deserit. & quare. p. 467.

Matthias Rex Bohemiæ coronatur. p. 712. Renunciatur Imperator. p. 717. Regnum Bohemiæ transfert in Ferdinandum patruelem. p. 750.

Matthisonius Propheta Anabaptistarum jubet omnia Civium bona conveni, & distribui per septem Diaconos. p. 192. Rupertum Ruscherum sibi contradicentem contrucidat. ibid. Occiditur, dum prodigosè vult hostes depellere ab urbis obsidione. ibid.

Mauritius Elector invitatu Ferdinandi Regis venit Lincium. p. 311. Consentit in Conventum Passaviensem. ibid. Irruit in Tirolim, & occupat Oenipontum. p. 311. In Conventu Passaviensi de modo Pacis cum Cæsare agit. p. 312.

Mauritius Hassiæ Landgravius ejectâ Religione Lutheranâ introducit Calvinismum. p. 559.

Mauritius Hassiæ Landgravius, fortius introducit Calvinismum. p. 669. Suos armis cogit ad Calvinii partes. ibid. Ipse populos de Calvinii doctrina concionatur. p. 670.

Mauritius Saxo Imperatorem decipit, Legiones Magdeburgensium sibi clanculum auctorari curat. p. 308. Pergit Cæsarem deludere. p. 309. Cum Wilhelmo Hassio contra Cæsarem ad arma proruit. p. 310. Augustam Vindellicorum capit ibid. Sævitur in res sacras. ibid.

Maximilianus I. Imperator proscribit Rupertum Palatinum & Imperii Principes contra eum concitat. p. 24.

Bohemos à Ruperto conductos profligat. p. 25. Ditiones Palatinas cum suo & tribus aliis exercitibus invadit. ibid. Coloniz celebrat Comitia publica. p. 27. Contra Carolum Geldrum in Bellum proficiscitur. p. 28. Comitia celebrat Constantiæ. p. 35. Improspere transit in Italiam. p. 40. Nocet ei tardior militum suorum adventus in Italiam contra Venetos. p. 47. Augustæ Vindellicorum in comitiis Imperii sollicitat auxilia contra Venetos, & impetrat. p. 50. Celebrat comitia Treviris. 55. Epternacum veniens offert ingentem Cereum. p. 57. Convenit Sigismundum Poloniæ, Uladislauum Hungariæ, Reges propè Viennam, & cum utroque Viennam magno splendore ingreditur. p. 67. Accedit fœderi Carolum V. nepotem inter, & Franciscum Galliarum Regem inito. p. 71. In Belgium proficiscitur ad Carolum nepotem suum. p. 73. Celebrat Comitia in urbe Augustana, ubi consultatio de bello contra Turcas differtur ad alia comitia. p. 80. Moritur p. 83. Ejus virtutes. ibid.

Maximilianus Ferdinandi Imperatoris Filius Rex Romanorum eligitur, & coronatur Francofurti. p. 367. Imperator eligitur. p. 372.

Maximilianus Imperator Nobilitati Austriacæ permittit exercitium privatum Religionis Lutheranæ. p. 391. Simul severè prohibet, ne quis plebejorum Catholicam fidem deserat. p. 392. Idem filias suas Annam & Elisabetham Hispaniæ & Galliæ Regibus in matrimonium tradit. p. 405. Moritur Ratisbonæ. p. 436.

Medebacum deficit à fide. p. 487.

Medicæus (Alexander) primus Hettruriæ Dux occiditur à Laurentio Medicæo cognato suo. p. 224. Qui haud multò post interficitur. p. 225.

Melanchton (Philippus) moritur. p. 358.

Merckelius (Balthasar) Episcopus Hildesienfis eligitur. p. 132. Moritur. p. 157.

Mendoza (Admiralis) ab Hollandis

landis in prælio capitur, & postmodum magno ære redimitur. p. 613.

à Meschede (Henricus) Cathedralis Ecclesiæ Decanus Paderbornæ moritur. p. 544.

Meutenirii, perduelles Hispani Ostendæ expugnationem retardant. p. 641. Coniungunt se Hollandis. p. 642. Excurrunt in Diocesi Leodiensem, Juliacensem, Colonensem & Westphaliæ. Ibid. Populantur Brabantiam. p. 643. Reconciliantur cum Archiduce. p. 644.

Minoritæ PP. ab Huxariensibus expelluntur. p. 335.

Missæ & rituum Catholicorum Irrisores divinitus puniuntur. p. 282.

S. Modoaldi patrocínio miraculosè curatur Pastor in Herstelle. p. 13.

Monasterium PP. Franciscanorum inchoatur in monte S. Jodoci prope Bilefeldiam. p. 12. Transfertur intra urbem Bilefeldiam. p. 37.

Monasterii in urbe propylæum Cathedralis Ecclesiæ cum Bibliotheca conflatur. p. 132. & p. 133. Monasterienses Rottmannum Apostatam retinent, aliisque intrudunt Concionatores Lutheranos pessimæ viræ invito Principe. p. 173. Inde exeunt multi consulares turbarum causâ ibid. Monasterienses, ineundæ pacificationis causâ invitatos Legatos capiunt & abducunt, comprobantibus omnibus etiam acatholicis hoc facinus. p. 174. & p. 175. Iterum petunt compromissum. p. 178. Monasteriensis senatus interdicit cathedrâ præconibus Anabaptisticis. p. 181. Petit auxilium Episcopi contra Anabaptistas. p. 182. Detrectat senatus in ædificatâ Cathedrali ferre Conciliatorem Catholicum. p. 182. Monasteriensis Diocesis oppida varia Lutheranis amplexa, coërcentur ab Episcopo. p. 184. Monasterii Westphaliæ expugnatione tentatur, sed infeliciter. p. 194. Urbis assultus iterum tentatur ab obsidentibus, sed frustra. p. 197. Urbis obsidio mutatur in circumvallationem. p. 198. Monasteriensis urbs tenetur arctissime clausa. p. 205. Horrenda illic fames,

ob quam multi ex urbe dimissi, partim occisi à militibus, partim ad urbis expugnationem variis in locis custoditi. p. 206. & p. 207. Monasterii Catholica fides restituitur. p. 220. Cives etiam, qui Luthero adhererant, ab eo discedunt. ibid. Monasterii extruitur novum castellum, vulgo *Engelburg*. p. 221. Quæ ad Cleri Monasteriensis reformationem pertinent, ordinantur in provinciali Synodo Colonensi. ibid. Monasteriensis urbs egregiè restauratur. p. 233. Calices, & alia ornamenta inferuntur ex Monasterio Hudenſi. Ibidem 120. ædes incendio absunt. p. 309. Eadem urbs invaditur à Philippo Magno, Henrici Brunsvicensis Filio. p. 316. ibidem pestis grassatur. p. 433. Monasteriensis Diocesis ab Hispanis & Batavis plurimum affligitur. p. 532. Monasterium veniunt Patres Jesuitæ, & Gymnasii institutionem obtinent. p. 539. Eadem Diocesis ab Hollandis prædonibus diripitur. p. 550. Perficiuntur Scholæ Patrum Societatis, & fabrica templi promovetur. p. 566. Ejus urbis incendium. p. 748.

Montes Hannoniæ capiuntur à Ludovico Nassavio, sed paulò post obsidentur à Friderico, Ducis Albani Filio. p. 418.

Mulheimium ad Rhenum ædificatur hæreticorum bono, & damno Colonensium. p. 721. diruitur. p. 736.

Mulier Frisica, necem parans Francisco Episcopo, proditur, & capite mulcatur. p. 194.

N

Naumburgensis Conventus Principum A Catholicorum. p. 359. Frustra ibidem student è diversis Augustanæ Confessionis formulis unam seligere ibid. Ex eodem Joannes Fridericus Saxoniz Dux recedit. p. 360. Ad eundem Conventum admittuntur Delſinus & Commendonus Papales Nuntii.

Neapolis ad Cæsarem redit consumpto Gallorum exercitu. p. 134.

Neuhusana arx à Theodoro Episcopo ædificatur. p. 548. Ejusdem Splendor

INDEX.

dor] & elegantia. p. 549. Neuhausii antiquitas p. 548.

Nicolaus Dynasta Lingensis suâ Dynastiâ eiectus confugit ad Ducem Clivensem. p. 82. Recipit Dynastiam urgente capitulo, & statibus Patriæ. p. 82.

Nopelii (Joannis) Lipstadiensis obitus. p. 668.

Novesium ab Adolpho Comite Nüenario ac Truchsesianis intercipitur. p. 518. Expugnatur iterum ab Alexandro Farnesio, occisis ferè omnibus præfidiariis & Gubernatore suspenso. p. 524. & p. 525. Urbs tota non præviso incendio consumitur. p. 525.

Nuptiæ Alberti Archiducis cum Isabella Clara Regis Hispaniæ Filia. p. 593.

Nuptiæ funestæ Remberti de Krevet, & Margarethæ de Haxthausen. p. 367.

Nuptiæ Margaretæ Archiducis cum Philippo Tertio Regis Hispaniæ Filio. p. 593.

Nuptiæ Philippi Hispani cum Elisabetha Galliæ Regis Filia, & Philiberti Sabaudi cum Margaretha Regis Galliæ Sorore. p. 253.

O

Ab Oberg (Burchardus) Episcopus Hildesienfis. p. 337. Ejusdem mors, & egregia laus. p. 424.

Oldenburgici Comites Antonius & Christophorus invadunt, ac populantur dioccesin Monasteriensem. p. 238.

Orangius Montensem obsidionem soluturus auditâ Hugonottorum in Gallia cæde fugit. p. 420. Idem proscriptione à Rege Hispaniæ factâ magis efferatus Principatum Belgii desert Francisco Alenfonio, Regis Galliarum fratri. p. 467. Sclopo manuali trajicitur. p. 509.

Ordines Dioecesani à Philippo Brunsvicensi pacem redimunt 25 millibus imperialium. p. 318.

Ordines Imperii in Comitibus Augustanis denuo pollicentur se staturas determinatione Concilii Tridentini, Con-

tradicante quidem, postea tamen contentiente Saxone. p. 302.

Ordo Teutonicus in Livonia extinguitur. p. 364.

Osnabrugense Capitulum impetrat à Leone Papa, ne quis deinceps ad Canonicatum Ecclesiæ Cathedralis admittatur, nisi plenæ nobilitatis. p. 76. Civitas ob seditionem mulctatur. p. 114.

Osnabrug. Episcopus deligitur Comes de Hoya. p. 325.

Osnaburgi Lutheranis permittuntur 2 Parochiæ à Francisco Episcopo. p. 315. Ibidem gravissimum incendium. p. 729.

Osnabrugum invaditur à Philippo M. Henrici Brunsvicensis filio. p. 316.

Ostenda post triennem obsidionem deditur Archiduci. p. 644.

Ostphaliæ Comites mutantur à Philippo Brunsvicensi. p. 319.

Otto Comes Tecklenburgicus à filio suo Conrado conjicitur in vincula. p. 65. Liberatur à vicinis Episcopis. p. 65.

Otto Mauritii Hassiæ Landgraviæ Filius per infortunium perit. p. 752.

P

Pack (Otto) Saxonis Consiliarius confingit fœdus Catholicorum contra Joannem Saxonem, & Philippum Landgravium. p. 135. Convincitur falsitatis, ejicitur, & diu vagus denique meritâ morte mulctatur Antwerpiz. p. 136.

Paderborna magnam partem conflamat. p. 34. Struitur officina hydraulica. p. 105. Paderbonensium civium seditio contra Clerum. p. 137. Iterata seditio ante adventum Hermannii II. Administratoris. p. 166. Paderbornensi in Diocesi grassari cæpit pestis. p. 248. Paderborna diocesis affligitur finitimo Protestantium bello adversus Brunsvicensem. p. 256. Paderbornæ turris major Cathedralis Ecclesiæ ob imminentem ruinam superiore sui

sui parte tollitur. p. 352. Paderbornensis
 Ecclesiæ antiquum jus in dynastiam Ples-
 sensen. p. 414. Paderborna ferè to-
 ta sub Henrico Administratore Fidem
 antiquam deserit. p. 456. Paderbornensi
 in Diocesi detegitur perditissima latronum
 societas. p. 456. Paderbornæ, & in a-
 liis locis Ducatui Westphaliæ proximis
 incipiunt acatholici Ecclesias diripere, sed
 ad breve tempus. p. 505. Paderbornæ
 & Moguntia infame commentum de qua-
 tuor Jesuitis in Polonia combustis spar-
 gitur. p. 521. Diluitur testimonio Ste-
 phani Poloniæ Regis & aliorum. p. 522.
 Paderbornæ Urbis Consules prohibent
 Civibus, ne in æde summa ad Concio-
 nes Jesuitarum adeant. p. 544. Pader-
 bornensis Diocesis ab Hollandis spolia-
 tur. p. 550. Novam eorum incursionem
 redimit undecim millibus imperialium. p.
 552. Paderbornæ Cives Lutherani Ca-
 pitulo & immunitati Ecclesiasticæ insul-
 tant. p. 572. Civium ibidem turbæ. p.
 573. Ibidem Canonici Cathedrales pro-
 hibent Lutherano Prædicanti, ne ægris
 administrent Sacramenta in immunitate
 Ecclesiastica. pag. 573.

Paderbornæ in urbe, ac Diocesi tota
 grassatur pestis. p. 588. In pagis vicinis
 comburuntur plures venetiæ. p. 589.

Paderbornenses, contemptis Mendo-
 zæ ac Theodori Episcopi monitis, proter-
 vè retinent Ecclesiæ Forensis Conciona-
 torem Lutheranum. p. 597. Implorant
 auxilium Hassorum Principum. ibid. Fin-
 gunt, novum Collegium Societatis Jesu
 Paderbornæ ab Hispanis disturbatum iri.
 p. 601. Refutatur hæc fabula egregiè ab
 Admiraglio de Mendoza. p. 602. Ibidem
 Lutherani cives invito Principe, rursus
 aperiunt, & sibi vendicant Ecclesiam Fo-
 rensem. p. 607. Paderborna affligitur dy-
 senteriâ gravi. p. 610. Eâ cessante ci-
 ves à Landgravio Hassiæ repetunt frustra
 sumptus in Militum Hassicorum alimen-
 ta factos. p. 611.

Paderbornensis Nobilitas à Cæsare cogi-
 tur, tutelam ab Hasso impetratam re-
 scindere, & Episcopo se submittere. p.
 627. Paderbornensis seditionis origo &
 occasio. p. 627. & p. 628. Tumultuan-
 tur cives adversus Magistratum. p. 637.
 Wichardium rebellem custodiunt, ne ca-

piatur. p. 638. Cogunt Magistratum
 consignare constitutionem, de nullo cive
 ad mandatum Principis attinendo. p. 638.
 Tumultus ibidem novus. p. 645. Pa-
 derborna oppugnatur à Comite Ritber-
 gensi. p. 653. Cives mittunt ex urbe,
 qui cum Theodoro de urbis deditione
 tractent. ibidem. Paderbornensis Dioc-
 cesis dirè affligitur ab Hollandis. p. 673.
 Paderbornæ tumultuantes Cives Liborium
 Wiegers Consulem eligunt. p. 675. Pa-
 derbornenses terrentur mirâ nube per æ-
 rem apparente. p. 682. Paderbornæ Ado-
 lescens per 4 ferme annos ab omni cibo
 & potu abstinere. p. 696. Paderbornen-
 sium Civium resipiscientium pietas. p. 701.
 prodigiosa, & perniciosa ibidem grando.
 p. 710. Paderbornenses Hæretici ab-
 strahunt è Scholis Catholicorum Filios, &
 aliò mittunt. p. 715. Ibidem Leprosi à
 Jesuitis ad Fidem Catholicam convertun-
 tur. p. 715. Paderbornæ Mulier in Jesuitas
 maledica à Deo punita monstroso partu.
 p. 720. & p. 721. Ibidem Philosophi-
 cæ lectiones inchoantur. p. 733. Pader-
 bornæ ingens incendium. p. 748.

Palatinum bellum. p. 24.

Parisii ab Henrico Navarro obsiden-
 tur. p. 546. Incolæ tolerant fortissimè
 horrendam famem. ibid. Liberantur per
 Alexandrum Farnesium, cum copiis è
 Belgio venientem. p. 547.

Paulus III. Pontifex eligitur. p. 201.

Paulus III. Pontifex, Carolus V. Im-
 perator & Franciscus Rex Galliarum conve-
 niunt apud Niczam, ubi Cæsarem inter,
 & Regem Galliarum decennales induciæ fe-
 riuntur. p. 235.

Paulus III. Pontifex moritur. p. 301.

Paulus IV. Pontifex. p. 330.
 Queritur acerbè apud Ferdinandum Re-
 gem de inito Tractatu Augustano. p. 332.
 Pacificatur cum Philippo Rege Hispaniarum.
 p. 342.

Paulus V. Papa eligitur. p. 662.
 Improbatur, & severè prohibet novum fide-
 litatis iuramentum à Jacobo Angliæ Re-
 ge Catholicis obtrusum. p. 688. Indicit
 Jubileum. p. 750.

Pax

Pax inter Hispanum & Gallum
inita. p. 253.

Pax inter Hispaniæ, Galliæque
Reges concluditur. p. 593.

Perfarum Rex Pontificem rogat,
ut Imperii Principes contra Turcas arma
fumant. p. 704.

Pestis grassatur Hildesii. p. 705. In
Westphalia peste extinctus putatur ado-
lescens, & sepelitur vivus ibid.

Pestis grassatur Paderbornæ. p. 22. Sta-
tutum Reverendissimi Capituli hoc tem-
pore ibid. Iterum furit Paderbornæ &
alibi. p. 91.

Petrus Canisius Societatis Jesu.
à Pio IV. ad varios Germaniæ principes
mittitur ad promovendam fidem Catho-
licam & promulgationem concilii Triden-
tini. p. 374. Ejus gesta Paderbornæ, Os-
nabrugi & Coloniz ibid. Ejusdem gesta
apud Wilhelmum Juliæ, Cliviz, & mon-
tium ducem. p. 375.

Petrus Ernestus Comes De
Mansfeld constituitur Gubernator Vi-
carius Belgii. p. 563.

Philippus à Daun eligitur Archi-
episcopus Colonienfis. p. 44. moritur.
p. 68.

Philippus Hassiæ Landgravius
è bonis monasticis condit Academiæ
Marburgensem. p. 129.

Philippus Hassiæ Landgravius
juniores comites abducit Cassellas, ibi-
que eos educari facit in Lutheranismò. p.
222. Lippiacas ditiones ad Lutherum
pertrahit. ibid.

Philippus Hassiæ Landgravius geminas
ducit uxores consentiente Luthero. p.
247. Idem invadit bona monasterii Hel-
mershusani à desertore Abbate sibi iniquis-
simè venditi. ibidem

Philippus Hassiæ Landgravius occupat
Bückeburgum. p. 274. Venit Paderbor-
nam, & inde Cassellas redit. ibid. Tra-
dit se potestati Cæsaris, & certis condi-
tionibus impetrat immunitatem à custodia
perpetua. p. 288. Moritur, propendet
in fine in Zwinglianismum. p. 385. Ejus

familia dividitur in lineam Cassellensem &
Darmstadiensem. p. 385.

Philippus Maximiliani Filius
Belgarum Dux in Hispaniam navi-
gans tempestate in Angliam rejicitur. p.
32. In Hispaniam venit, ibique corona-
tus castiliæ Rex. moritur. p. 33.

Philippus Palatinus Cæsari recon-
ciliatur, componitur pax illum inter, &
Albertum Bavarum. p. 27. & p. 28.

Philippus Rex Hispaniæ Mo-
nasterium ædificat in Escuriaco. p. 342.
Maritimam classem mittit ad occupandum
in Africa Regnum Tunetanum. p. 422.
Malè ex Belgio revocat Ferdinandum Al-
bæ ducem, substituto in ejus locum Lu-
dovico Requesenio. p. 423. Faven-
tissimos concordiz articulos Ordinibus
offert. p. 455. sed rejiciuntur ab Oran-
gio ibid. Lusitaniam occupat, Henrico
illius Rege defuncto. p. 466. Idem e-
dicto publico proscribit Orangium seduc-
torem Belgii ibid. Piè moritur. p. 594.

Philippus Magnus, Henrici
Brunsvicensis Filius invadit Patriam
Osnabrugensem & Monasteriensem. p.
316. Iburgum diripit. p. 317. à Diœ-
cesi Osnabrugensi extorquet millia flore-
norum aureorum. p. 317. Warendor-
pium occupat, & inde Diœcesanos cogit
ad pendenda 100. millia aureorum. ibid.
Episcopum Monasteriensem cogit ad re-
linquendum Julio fratri Episcopatum Min-
densensem. ibid. Minatur etiam Diœcesi
Paderbonensi & quare. p. 318.

Philippus Sigismundus Dux
Brunsvicensis, Lutheranus postulat
Episcopus Osnabrugensis. 554. Frustra
ad fidem Catholicam sollicitatur à legatis
Nuntii Apostolici. p. 562.

Pius III. Pontifex Romanus
succedit Alexandro VI. p. 22. Moritur
intra mensem ab electione. Ibid.

Pius IV. Pontifex eligitur. p. 355.
Ferdinandi Cæsaris assumptionem ratam
habet. p. 356. Promittit resumptionem
Concilii Tridentini. p. 357. Illud indicit.
p. 358. Confirmat Synodum Tridentinam
& omnia ejus decreta. p. 370. Quibus-
dam Germaniæ Episcopis dat potestatem
per-

permittendi usum Calicis. p. 371. Potestas illa revocatur à Pio V. & aliis ibid. moritur. p. 375.

Pius V. Papa eligitur. p. 375. Causam inter Henricum de Melchede & Wilhelmum Schilder de dignitate decanali agitatam decidit pro primo. p. 402. Ejus gaudium de victoria de Turcis relata. p. 411. Sanctè moritur. p. 415.

DE Plettenberg (Waltherus) supremus Ordinis Teutonici Magister in Livoniâ, Moscos vincit. p. 12. Illo autem ægrotante horum Dux Joannes Livoniam vastat. p. 16. Cujus centum ac triginta millium exercitus à Plettenbergio deinde profigitur. ibid. Qui petenti moscoviæ Duci transmittit unum e suis Equitibus cataphractis, exercitia militaria coram Duce magnâ artis dexteritate, & Ducis non minore gaudio obeuntem. p. 17. & p. 18. Impetrat à Carolo V. ut Livoniæ Magistri creentur Principes imperii. ibid. Ejus laudes, & mors. ibidem.

Pombsen, pagus exuritur. p. 157.

Pragensia Comitata sine fructu solvuntur. p. 706. Parva Praga intercipitur à Leopoldicis. p. 712. Pragensium tumultus. p. 712.

Principes A catholici frustra in Comitibus Augustanis petunt relaxationem in pace Augustana. p. 378.

Principum A catholicorum insolentia in comitiis spirensibus. p. 122.

Principes Catholici decernunt obtemperare edicto Wormatiensi, & Catholicam Religionem tueri. p. 107.

Protestantes de rebus à se agendis consultant Francofurti. p. 276.

Protestantes Principes frigidè excipiunt contra concilium generale, ideoque ostendunt, se nunquam illud voluisse. p. 360.

Pyrmontana arx mortuo Philippo Comite Pyrmontano causam dat controversiæ inter Ecclesiam Paderbornensem & comites de Gleichen. p. 501. Arx illa traditur Comiti Gleicheni à Ministris defuncti Comitatus. pag. 501.

Pyrmontani fontis virtus medicinalis in

clarescere cœpit. p. 339. Dæmonis ibidem artes. p. 340. Fons ille hodie adhuc salutaris. ibid.

R

Rade (Joannes) professus in Liesborn postulat Abbas in Monasterio Fleetorpiensi. p. 326.

à Raësfeld Episcopus Monasteriensis. p. 344. Renuntiat Episcopatu. p. 381.

Raymundus Cardinalis difficulter à Germanis recipiendum intelligit, quod afferebat Jubileum. p. 10. Visitat provincias Aquilonares. p. 19. Indè venit in Westphaliâ. ibid. Confirmat bona Monasterii Dalheimensis. p. 20. Dalheimio ad Rhenum profectus Principibus Francofurti congregatis valedicit. p. 21.

Ratisbonensibus in Comitibus decernuntur auxilia contra Turcas, & componuntur controversiæ cum Principibus A catholicis. p. 571.

Recklinghusense oppidum se submittit Ernesto Bavaro. p. 509.

à Reck (Jodocus) olim Episcopus Derpatensis in Livonia frustra prestat Episcopatum Monasteriensem. p. 322. Uxorem ducit. ibid.

Religiones duæ in Imperio Romano permittuntur. p. 685.

Religiosi Novitii lucta cum parentibus, qui filium volunt ab Ordine abstrahere. p. 757.

Rembertus Episcopus Paderbornensis in Dalheimensi monasterio consecratur. p. 294. Paderbornæ celebrat synodum diœcesanam. ibid. Curat visitari, & ad interimisticam doctrinam adstringi terras jurisdictioni suæ spiritali subditas. p. 295. Componit litem Marienmünsterense cœnobium inter & viduam perillustres Domini Arnoldi ab Oynhausen in Grevenburg. p. 302. Item causam inter cœnobium Gaukirchense Virginum, & Nobiles de Westphalen in Fürstenberg. p. 304. Episcopi hac de re literæ. p. 304. Componit controversiam, habitam cum Phi-

INDEX,

Philippo Comite Spiegelbergenſi de limitibus Pyrmontanis, & Schwalenbergensibus. p. 328. Item aliam, cum Nobilibus Amelunxiis habitam de limitibus inter Beverungenſes & Corbejenſes pagos Amelunxen & Drencke. p. 329. Inter oppidum & monaſterium Wilbadeffenſe componit litem de ſilvis & Glandemja. p. 356. Item aliam de limitibus domini noſtri Bokenſis, & arcis ac Præſecturæ Lippiacæ in Lipperode. ibid. Ejusdem alacritas ad Concilium Tridentinum ad-eundum. p. 361. Moritur. p. 393. Ejus laudes. ibidem.

Requeſenius (Ludovicus) pro Ferdinando Albæ Duce mittitur in Belgium. p. 423. Idem inter felices armorum progreſſus moritur. p. 433.

Ritbergenſis Comes (Joannes) bello premitur à comite Lippienſi, & Epifcopo Paderbornenſi. p. 346. Obſidetur & capitur in arte Ritbergenſi. ibid. moritur. ibid. Ritbergenſis Comitatus devolvitur ad Comites Oiffriſiæ. 348. Ritbergenſium duorum Comitum laus. p. 672. Ritbergenſis Comitatus ad fidem Catholicam reducitur. p. 708.

Romam expugnant Cæſarei. p. 128. Eorum claffis cæditur à Philippo D' Oria. p. 133. Qui deinde abit ad Cæſareos, impetratque, ut genua ſit libera Respublica. p. 134.

Romanum Sacellum ruinoſum inſtauratur à Theodoro Epifcopo. p. 665. Conſecratur. p. 676. Ejusdem Sacelli origo, & unde ſtatua miraculoſa ibidem. p. 676. Et ſequentibus.

Rottmannus (Bernardus) Apoſtata pervertit cives Monaſterienſes. Ejus Patria, Natales, & ſtudia. p. 155. Proſcribitur à Carolo Imperatore. ibid. à Sacellanatu Mauritano amorus clam ſe recipit in urbem ad ſuos amicos. p. 156. Monaſterii per publicam ſeditionem introducit Lutheranifmum. p. 163. Fit primus Superintendens Lutheranus, & uxorem ducit. p. 179. Ejus impulſu Catholici omnes ejiciuntur è Magiſtratu. ibid. miniſtrat Euchariftiam in cætibz veſpertinaſ, quare dictus eſt *Stutenbernd* ibid. Panem ſacrum interit in patinas,

vinoque ſuperfuſo dat illum cochlearibus exedendum. p. 180. Deſectit in errorem Zwinglii, & negat præſentiam corporis Chriſti in Euchariftia. ibid. Labitur in errores Anabaptiſtarum, & populo ut imponat, novam exteriorẽ ſanctitatem inducit. p. 181. Factionem Anabaptiſticam auget, & novos fidei articulos in lucem edit. p. 182. Indicitur illi à ſenatu Monaſterienſi exilium, ſed fretus aliorum auxilio ridet ejuſmodi minas. p. 183. Suorum ejectionem ex urbe Monaſterienſi refert inter miracula. p. 190. In acie expugnata urbis Monaſterienſis cadit. p. 209.

Rüdæ introducitur exercitium Religionis A catholicæ. p. 492. Ibidem Paſtor Catholicus ab officio movetur, Judex urbis in carcerem conjicitur, duo Conſules pelluntur in exilium. p. 492.

Rudolphus Maximiliani II. Filius Ratiſbonæ eligitur, & coronatur Romanorum Rex. p. 432. Fit Imperator. 436.

Rudolphus Imperator & Ferdinandus Archidux Catholicam Religionem in ſuis Provinciis reſtituere incipiunt. p. 615. Idem Rudolphus ſeveriſſimè præcipit Nobilitati & Capitulo Paderbornenſi, ut Theodori Epifcopi mandato pareant. p. 627. Pacifcitur cum Boſtkajo, deinde cum Turcis. p. 670. In Comitibus Ratiſbonenſibus nihil ſubſidii contra Turcas obtinet. p. 685. Diſſidet cum fratre Archiduce. p. 688. Reconciliantur fratres ibid. De diſcordia hac gaudent Hæretici. p. 688. Contra attentata à Neoburgico & Brandenburgico mittit gravia mandata. p. 702. Leopoldum Archiducem mittit, qui Juliam, Cliviam &c. ſequeſtri nomine occupet. p. 702. moritur. p. 717.

Rupertus Palatinus cum uxore ſua moritur. p. 25.

Ruſticorum bellum in Germania authore Müntzero, p. 111. Hujus belli infauſtus ſinis. p. 112.

S

Sabinæ Catharinæ Comitiss Ritbergenſis vita, virtutes, & mors. 766. Sacri.

H

Sacrilegium proditur profanatz à Judæis Hostiz. Gravissimè punitur. p. 53.

Salentinus Comes de Isenburg eligitur Archiepiscopus Colonienfis. p. 386. Postularur Episcopus Paderbornensis. p. 429. Confirmatur à Pontifice ibid. Solenni pompâ Paderbornam ingreditur. p. 430. Ejus juramentum de tuendis Ecclesiâ Paderbornensis juribus. p. 430. Redimit à Comitibus Schawenburgicis Vestam Recklinghusanam. p. 437. Idem ut Episcopus Paderbornensis multa redimit ibid. Argentariam supellectilem Ecclesiâ Paderbornensi donat. p. 437. Gymnasium Salentinianum Paderbornæ instituit. p. 437. Conatur inter Colonienfes & Paderbornenses componere litem de pagis Erwitte, & Westerkotten. p. 439. Visitat Paderbornensem Dioccesin, & vetera illius monumenta. p. 440. Abdicat Episcopatum Paderbornensem. p. 441. Uti etiam Archiepiscopatum Coloniensem, & quare. p. 442.

Salkottenfes Cives, Jubente Episcopo, monachum Apostatam unâ cum Ludi-Magistro Lutherano expellunt. p. 598. Recipiunt sacerdotem Societatis Jesu. ibidem.

De Schade (Henrici) incendensis Ecclesiâ in Wardenburg pœna. p. 238.

De Schawenburg Comes (Otto) eligitur Episcopus Hildesienfis. p. 157.

De Schawenburg Comes (Otto) Episcopus Hildesienfis exau-
datur à Paulo III. Pontifice. p. 234. In cujus locum eligitur Valentinus à Teutleben vir magnæ eruditionis. ibid.

Schenckius devicto Geldro varias urbes eripit. p. 218.

Schenckius (Martinus) Miles Truchsesianus per stratagema capit urbem Werlam. p. 522. Frustra arcem ei contiguam obsidet. p. 523. Idem magnâ clade afficit colonos, ad urbem includendam coeuntes. p. 523. Idem locis aliquot frustra tentatis pagos omnes in agro Colonienfi incendit. p. 524. Idem Bonnam capit. p. 534. Ab urbe Neomagenfi repulsus, in aquis suffocatur. p. 541.

Schildecenfis Ecclesiâ præpositura extinguitur, & reditus transcribuntur Wilhelmo Clivenfi. p. 257.

Scholæ Patrum Societatis Jesu Paderbornæ florent. p. 521.

Schöpfer (Jacobus) Concionator & Pastor celebris moritur Tremoniæ in Westphalia. p. 329. Cum illo extinguitur ibidem fides Catholica. ibid.

Schwartzius, promotor partium Truchsesianarum moritur. p. 500.

Scribonius, cognomento sic dictus, latro in Diocesi Paderbornensi famosissimus. p. 456. Educatus in Monasterio Bodekenfi ibid. In Haren mercatorem peregrè venientem obtruncat ibid. Socios complures adiscit. p. 457. Fratrem Laicum monasterii Bodekenfis crudeliter occidit. ibid. Toto ferè biennio cædes innumeras perpetrat. p. 458. Comprehensus, ope Dæmonis è carcere elabatur. ibid. Proditus ab amasia sua capitur. p. 459. Morte severissimâ cum sociis plectitur. p. 461.

Sebastianus Archiepiscopus Moguntinus congregat synodum provincialem, cui Rembertus Episcopus Paderbornensis per Legatos interest. p. 299. Remberti ad Archiepiscopum Moguntinum hac super re literæ. ibid. Ejusdem mors. p. 330.

Seditio excitatur Francofurti, & Moguntiz. p. 112. Item Monasterii, sedatur depositis ab officio prædicatoribus. 113. Item Osnabrugi, iniquissimâ de causâ contra clerum & Capitulum. p. 114.

Selimus Turcarum Imperator eligitur. p. 380. Cyprum invadit. p. 404. Nicosiam expugnat. p. 404. Famagustæ urbis obsidionem deserit. p. 404.

Septemviri tres, Palatinus, Trevirensis & Colonienfis moriuntur. p. 335.

Sigethum in Hungaria occupatur à Solimanno. p. 379.

Sixtus V. Papa eligitur. p. 511. moritur. p. 545.

Smalkaldienfes foederati conveniunt

I N D E X.

aiunt Brunsvici, ibique suum fœdus augent. p. 235.

De Smising (Theodorus), Theodori Episcopi Paderbornensis ex sorore nepos, Lovanii ingreditur Ordinem S. Francisci de strictiore Observantia. p. 598. Ejusdem constantia. p. 600.

Sparemberga arx propè Bielefeldiam occupatur à Brandenburgicis, & Neoburgicis, magno Bielefeldiensium gaudio, quod in luctum pòst vertitur. p. 703.

DE Spiegelberg Comes (Friedericus) comitatum Pyrmontanum à Duce Paderana abstrahit. Iniquissimè pro hoc decisa per arbitros controversia. p. 118. & p. 119. Cujus sententiæ iniquitas ostenditur. Ibidem & seq.

De Spiegelberg Comitis (Philippi) & Pyrmontani in bello mors. p. 346.

Spiegeliorum motus adversus Theodorum Episcopum. p. 625. & p. 626. & p. 627.

Spinola (Ambrosius) subigit Aquisgranum & Wesaliam. p. 732.

Societas Jesu inchoatur. p. 201. Confirmatur à Paulo Pontifice. p. 249. Ejusdem obsequia Coloniz in juvandis pestiferis. p. 323.

Societas Latronum detecta, & variis suppliciis è medio sublata. p. 65.

Solymannus occupat Rhodum. p. 99. Occupatà Budà & aliis Hungariæ urbibus Viennam obsidet. p. 141. Cognito autem nostrorum adventu Viennam deserit. p. 143. Oppugnat diu, sed frustra Guntium. p. 159. Cognito Cæsaris adventu se subducit. p. 159. Hungariam invadit, & cedit exercitum Hungarorum. p. 122. Moritur triduo ante expugnationem sigethi. p. 380.

Statberga deficit à fide Catholica. p. 487.

Stedingius Episcopo Monasterium venienti offert captivi Regis coronam, Sceptrum, aliosque Regis Leydenfis insignia.

Steinfordiensis Academia con-

ditur ab Arnaldo Comite Bentheimensi. p. 680.

Stromberga ab Hollandis expilatur. p. 614. Supplicatio ibidem intermittitur ob incuriones Hollandorum. p. 617. Audiuntur ibidem in aëre solennes concentus vocésque supplicantium. p. 618. Ibidem prodigiosè à variis morbis curatur virgo. p. 618.

Stuarta (Maria) Scotiæ Regina, ad Elisabetham Angliæ Reginam fugiens, carceri mancipatur. p. 390. Innocens condemnatur capite. p. 527. & p. 528. Devotè se ad mortem præparat. ibid. Juberet moneri Filium suum Jacobum Regem, ut Catholicam Religionem teneat. p. 529. Feralem sententiam patienter audit, & negat, se criminum objectorum ream esse. p. 529. Calvinianum Prædicantem rejicit. p. 530. Profitetur semori Catholicam, & inter sancta suspiria securi percutitur. p. 531.

Sudor Anglicus, certum morbi genus, multos in Germania occidit. p. 143.

Surius (Laurentius) Carthusianus Coloniz cœpit edere vitas sanctorum. p. 408. Laudatur idcirco à Pio V. Pontifice ibid.

De Susato (Joannes) Abbas Abdinghoffensis cum forma sanctitatis moritur. p. 223.

Susatum per tumultum publicum doctrinam Lutheranam recipit. p. 153. Susatensium Præconum vita pessima. p. 154. Susatum ab Alberti Archiducis exercitu occupatur in favorem Neoburgici. p. 745. Ad fidem Catholicam revertitur. p. 746. Quanta ibidem veneratio S. Patrocli olim fuerit ibid.

Swicardus (Joannes) à Cronenberg Archiepiscopus Moguntinus. p. 662.

T

Tecklenburgicus Comitatus transit ad Bentheimenses, p. 346.

Te-

Temefvarium Turcis deditur. p. 315.

Tempeſtas inaudita totam ferè Europam affligit. p. 682. Eadem per Weſtphaliâ, p. 725. De eadem lepidus Prædicantis diſcurſus. p. 725.

Terræ motus in Weſtphaliâ. p. 26.

Theodoricus Abbas Corbejenſis monaſterium Brenckhuſanum Virgini-um Ciſterciienſium transfert ad ordinem S. Benediſti & Congregationem ejus Buſfeldenſem. p. 619.

Theodoricus à Monaſterio, alio nomine, Theodoricus de Ofnabrug ex Ordine S. Franciſci de ſtrictiore Obſervantia, moritur cum fama Sanctitatis. p. 68. Prædicta jam ante ſua morte. p. 70. Ejus oſſa elevata in valetudinario cœnobii Lavonienſis aſſervantur. p. 767. Ejus mira charitas erga peſte infectos. p. 767. & p. 768.

Theodoricus de Roremunde eligitur Abbas in Abdinghoff. Benedi-ctus die primâ Auguſti. p. 223.

Thomas Cramerus ſententiam fert pro Rege Angliæ, permittitque cum conjungi cum Anna Bolena. p. 212.

Thomas Morus improbat cogi-tatum à Rege divortium, & Cancellarii officium Sponte abdicat. p. 212. Jura-mentum Regis Angliæ recuſans in carce-rem detruditur. p. 213. Ad mortem con-demnatur, & moritur. p. 214.

Thomas Voſſæus offenſam Regis Angliæ incurrit, eique in dignitate Can-cellararii ſufficitur Thomas Morus. p. 211. & p. 212.

Toga Chriſti Domini invenitur Treviris cum aliis multis Reliquiis. p. 56. Quem ut videant multi homines illuc con-fluunt, qui inſciant urbem lue. ibid.

Transilvania capitur à Boſtkajo. p. 662. Tranſilvani ſe libenter ſub-mittunt Cæſari. p. 135.

Tremonienſis Comitatus mor-tuo Joanne de Stek urbi Tremonienſi à Cæſare in feudum datur. p. 26.

Tremonienſes Cives fruſtra à Magiſtratu petunt concionatorem Luthera-num. p. 130. Tremonia à Fide Catho-ca deficit. p. 371.

Tridentum pro futuro concilio proponitur à Legato Pontificio, & con-cilium illuc indicitur. p. 254. Quod trien-nio ſuſpeditur ob nova bella. ibid. Tri-dentinum Concilium inchoatur. p. 274.

Tünneken (Hermannus) Sa-cerdos ad Eccleſiam Pancratianam pro-movetur, poſt Apoſtata. p. 463.

Turcæ irrumpunt in Hungariam, & oras Maritimas Italiæ. p. 257. & p. 258. Maltam obſident. p. 376. Magna ſuo-rum clade fugiunt. p. 377. Ruptis indu-ciis occupant Wihitzam, Croatiæ urbem. p. 569. Ingenti clade prope Siſſekum pro-ſternuntur. ibid. Novo & majore exer-citu Conſtantinopoli accepto, Siſſekum, Velſprinium, & Palottam occupant. p. 570. Iterum ingenti clade cæduntur apud Al-bam Regalem. p. 570. Occupant Jauri-num. p. 571. Idem per ſtratagema Tur-cis eripitur. p. 592. Idem capiunt ſtri-gonium. p. 662.

Turcica claſſis recedit ab Italico littore, cum Galli conſtituto tempore non adſent. p. 225.

Turris Eccleſiæ Brakelenſis igne conſumitur. p. 79.

De Twickel (Joannes) nova in urbem Monaſterienſem auxilia convocat. p. 208.

V

Valentinus Epiſcopus Hildeſi-enſis ſententiam reſtitutionis obtinet con-tra Henricum Brunſvicenſem; cujus ta-men executio impeditur à Cæſare. p. 246. & p. 247.

Valentinus à Teutleben Epiſ-copus Hildeſienſis moritur. p. 309.

Veneti invaduntur bello à Rege Galliæ. p. 36. Ejus belli continuatio & ſucceſſus. p. 46. Cæduntur à Cæſareis &

& Hispanis. p. 60. Venetiis gravissimum incendium existit. p. 63. Veneti à Cæsareis cæduntur prope Muranum. p. 64. Veneti contra Turcas percutiunt fœdus cum Pio V. Pontifice & Philippo Rege Hispaniæ. p. 409. Reconciliantur Pontifici. p. 688.

Vegetius Legatus Pontificis à Paulo III. ad Principes Germaniæ mittitur, ut cum iis agat de concilio celebrando Mantuæ. p. 216. Inania Principum A catholicorum responsa ad hanc propositionem. ibid.

Viennæ in Austria fundatur Collegium Societatis Jesu à Ferdinando Romanorum Rege. p. 135.

Ulenbergii (Caspari) conversio, vita, & mors. p. 752.

Ultrajectum capitur à Cæsareis. p. 135.

Volckmaria deficit à fide Catholica. p. 487.

Vôrde oppidum exurituro castro illafo. p. 248.

Urbanus VII. Papa electus, statim moritur. p. 545.

W

Wachtendonka, Geldriæ oppidum ab Hispanis expugnatur. p. 535.

De Waldeck Comes [Bernardus] fit Episcopus Olnabrugensis. p. 514. Moritur Catholicus. p. 553.

Warburgum ab Hermanno à Geismar ad fidem Catholicam reducituro. p. 555.

Warendorpii casus funestissimus contingit. p. 445.

Wedinghusanum Monasterium occupatur à Truchsesio pag. 494. Catholicis ibidem obrudituro Concionator Calvinianus. pag. 495.

Werla à Schenckio milite Truchsesiano per stratagema capitur, arce tamen servata. p. 522.

Werlæ exercitium Religionis Aca-

tholicæ introducitur à Truchsesio. p. 491. Primus ibidem Prædicans Caspar Morre Apostata Hennenbergensis. p. 491. Ibidem Joannes Godde Consul Catholicus à Truchsesio in Carcerem conjicituro, & Bernardus Tûtel Ecclesiæ Pastor bonis omnibus denudatus ejicituro. p. 493. Ibidem Joannes Platenius Scholarum Rector, fidei Catholicæ causâ gravissimè à Truchsesio affligitur. p. 494. Werla cum toto Westphaliæ Ducatu Ernèsto Archiepiscopo se submittit. p. 508.

Westerholtensis arx se subicit Ernesto Bavarro. p. 509.

Westerholtius ob hæreseos suspicionem citatur ad curiam Romanam. p. 449. Inde causâ perditâ rediens, Canonicatum abdicat. p. 449.

Westphalia magnâ siccitate premitturo. p. 286.

Westphaliæ Comites plures mulctanturo à Philippo Brunsvicensi. p. 319.

Westphaliæ Principes varios conventus agunt de bello Hispanis inferendo. p. 604.

Wewelsburgensis arcis descriptio. p. 684.

De Wieda Comes [Fridericus] Episcopus Monasteriensis eligituro. p. 101. Episcopatum abdicat. p. 163.

DE Wieda [Fridericus] Archiepiscopi Colonienfis Frater exuituro præpositurâ Bonnenfi, quæ dein collata est Joanni Groppero. p. 281.

De Wieda Comes [Fridericus] Archiepiscopus Colonienfis. p. 367. Abdicat Archiepiscopatum. p. 386.

De Wieda [Hermannus] Archiepiscopus Colonienfis. p. 68. Postulatur Episcopus Paderbornensis. p. 165. Solenni ritu Paderbornam ingredituro. p. 166. Præcipuos rebellionis præteritæ duces comprehendi jubet, & condemnari ad mortem. p. 167. Ad Capituli autem, aliorumque preces concedit reis veniam. p. 168. Recessus transactionis ea de re Episcopum inter & civitatem. ibid.

Wichards vel Wiegers [Liborius] seditionis Paderbornensis incensor.

tor. p. 629. Adjungit sibi Wolfgangum Günter juris peritum. p. 630. Senatum toto triduo captivum in curia detinet. ibid. Seditiosa conventicula agit, etiam in æde summa. p. 631. Invehitur in Ecclesiæ Cathedralis canonicos ibid. Opponit se mandato Episcopi. p. 633. Günterum urbis Secretarium nominari curat. ibid. Iterum se opponit Episcopo. p. 634. Urget, ut nova constitutione prohibeatur, ne quis civium ex mandato Principis attineri vel extradi debeat. p. 635. Seditiosa oratione plebem concitat. p. 637. Idem consul eligitur. p. 646. Ejus fucata pietas, ibid. Monetur ab Amicis de temperando furore. p. 647. Insultat Theodoro Episcopo & Cathedrali capitulo. p. 647. Omnes clericos & Religiosos in urbe, etiam Canonicos Cathedrales ad arma sumenda cogit. p. 649. Sævit in cives. p. 650. Innocentem civem suspendi jubet. ibid. Implorat Hassiæ Landgravium contra Episcopum Paderbornensem p. 651. Capitur, & Episcopo deditur. p. 654. Supplicio afficitur, & moritur Catholicè. p. 655. De ejus morte mendacia Nigrini Prædicantis. p. 656.

Wilbadessensis Abbatissa & præpositus omni modo student novas doctrinas ab oppido suo prohibere. p. 503.

Wilckinus Stedingius præcunte Langenstatio cum quadringentis militibus vallum transcendit, & urbem intrat, sed per incuriam negligit aperire portam urbis. p. 208. Certatur acriter in campo Dominico, ac tandem Anabaptistæ se ex eo retrahunt in forum. ibid. redintegrato prælio urbem capit Anabaptistis partim occisis, partim fugatis. 209.

Wilhelmus, Dux Clivensis convertit se ad Schmalkaldienfæ fœdus, & amicitiam Regis Galliæ. p. 249. Conjungit se Regi Galliæ, & filiam sororis ejus in sponsam accipit. p. 251. è suarum provinciarum Ecclesiis omne argentum diripit pecuniæ conflandæ causâ. p. 258. & p. 259. Idem supplex à Carolo Imperatore pacem petit, & impetrat. p. 260. Leges pacis hunc inter & illum ibid.

Wilhelmus Comes Bergensis

magnam Geldriz. Frisiæque partem Hispanis eripit. p. 418.

Wilhelmus Comes Ravensbergensis &c. moritur. p. 54. Wilhelmus Dux Brunsvicensis capitur. p. 87.

Wilhelmus de Fürstenberg supremus Teutonici Ordinis Magister in Livonia munus abdicat propter senium. p. 355. Capitur à Russis, & in Moscoviam abducitur ibid.

Wilhelmus de Schencking Episcopus Osnabrugensis. p. 514. Moritur ibid.

Wilhelmus de Westphalen denuntiat, Joannem Dynastam Buranum à fide Catholica defecisse, & cum eo Baronatum. p. 407. Idem nuntiat, cives Paderbornenses aliorum excurrere ad Prædicantes A catholicos. p. 407.

Wilhelmus Dux Juliensis frustra Paderbornæ sollicitat, ut infeudatio Comitatus Pyrmontani conferatur Simoni, Juniori Comiti Lippiensi. p. 389.

Wilhelmus Juliæ & Cliviæ Dux Catholicus moritur. p. 558.

Wilhelmus Hassiæ Landgravius monasterium Flechtorpense in suam tutelam recipit. p. 37. Cujus Filius Philippus Lutherum secutus hanc abdicat. ibid.

Wilhelmus Hassiæ Landgravius Filius Castellis in adventu captivorum Ducum Brunsvicensium amare flet, & Patri similem fortunam prælagit. p. 273. & 274.

Wilhelmus Hassiæ Landgravius scribit ad Rembertum Episcopum Paderbornensem pro restituendo Hoitbando ab urbe pulso. p. 388. Idem Dynastiam Pleffensem occupat. p. 414. Idem moritur. p. 559.

Winterberga deficit à fide Catholica. p. 487.

Wolfgangus Archiepiscopus Moguntinus moritur. p. 622.

Wolfgangus Camerarius de Dalberg fit Archiepiscopus Moguntinus. p. 672.

Wolff-

INDEX.

Wolfgangus Günterus mendaciter narrat causas captivitatis suæ. p. 646.

Wolfgangus Neoburgicus fit Catholicus. p. 730. Evocat Jesuitas Lipstadium. p. 755.

Wormatiæ nova Imperii Comitia habita in causa Anabaptistarum Monasteriensium. p. 207.

Wormatiense Colloquium inter Theologos Catholicos, & Lutheranos. p. 342. In hoc plaga Augustanæ confessionis ob eorum dissensiones. p. 343. Sinè fructu dissolvitur. p. 343.

Wormatiensis decreti executio urgetur à Pontifice, & Cæsare in Comitibus Norimbergensibus, sed fructu exiguo.

p. 106. Illi jubentur omnes parere usque ad adventum Cæsaris, protestantibus contra hoc A catholicis Principibus, p. 140. & 141.

Z

Ziriczæa, Zelandiæ urbs ab Hispanis ad deditionem cogitur, trepidante cum suis oratio. p. 434.

Zwingliani in Helvetia maxime affligunt pagos, vel cantones catholicos, quibus bellum à Catholicis indicitur, & variz infliguntur clades, capto etiam, & dein combusto Zwinglio. p. 152. & p. 153.



